

70 *Ne: 12498*

Ex Libris
Josephi Ledlmayr Cancel. Fr.

5-J.

BIBLIOTHECA

MONASTERII S^{ti} MICHAELIS ARCH.

ET OMN. S.S. ANGELORUM.

APUD BELMONT

PROPE HEREFORDIAM.

1771

CELESTINI PRINCIPIS

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

MASSACHUSETTS PRINTER COLLEGE

GERMANIÆ,

QUÆ

CELSISSIMI PRINCIPIS

ARCHI-EPISCOPI PRAGENSIS

S U M P T U

CL. JOANNES FRIDERICUS SCHANNAT

MAGNA EX PARTE PRIMUM COLLEGIT.

ad Canon.

DEIN

P. JOSEPHUS HARTZHEIM S.J.

EJUSDEM CELSISSIMI IMPENSIS

PLURIMUM AUXIT, CONTINUAVIT.

NOTIS, DIGRESSIONIBUS CRITICIS, CHARTA;
ET PRÆFATIONE CHOROGRAPHICIS

ET PRÆFATIONE CHOROGRAPHICIS

ILLUSTRAVIT.

Iosephus

T O M U S IV.

AB ANNO MCCXC. AD MCCCC.



COLONIÆ AUGUSTÆ AGRIPPINENSII.

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.

CHRISTIANI SIMONIS, Bibliopolarum.

ANNO MDCCLXI.

CUM PERMISSU SUPERIORUM.

CONCILIUM
GERMANICUM

1527

CELESTISSIMI PRINCIPIS
JOHANNIS MAURITII
ARCHIEPISCOPI PRAGENSIS

SCRIPTUM


ET JOHANNIS FRIDERICI SCHLICKARDI
MAGNAE PARTIS PRIMUM CONSILII

JOSEPHUS HERTZMANN S. J.
ILLUSTRISSIMO PRINCIPIS

ILLUSTRISSIMO PRINCIPIS
ILLUSTRISSIMO PRINCIPIS

ILLUSTRISSIMO PRINCIPIS
ILLUSTRISSIMO PRINCIPIS

ILLUSTRISSIMO PRINCIPIS
ILLUSTRISSIMO PRINCIPIS



ILLUSTRISSIMO PRINCIPIS
ILLUSTRISSIMO PRINCIPIS

ILLUSTRISSIMO PRINCIPIS
ILLUSTRISSIMO PRINCIPIS

REVERENDISSIMO. CELSISSIMO.

DOMINO. DOMINO.

J O A N N I.
M A U R I T I O.
G U S T A V O.

DEI. GRATIA. ARCHI-
EPISCOPO. PRAGENSI.

SEDIS. APOSTOLICÆ. LEGATO. NATO.

S. ROMANI IMPERII PRINCIPI.

COMITI. DE. MANDERSCHIED-
B L A N C K E N H E I M.

E T.

G E R O L D S T E I N.

LIBERO. BARONI. IN. JUNCKERATH.

DOMINO. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.

HUNGARIÆ. ET. BOHEMIÆ. REGIÆ. MAJESTATIS.

CONSILIARIO. INTIMO. ACTUALI.

INCLYTI. REGNI. BOHEMIÆ. PRIMATI.

ECCLESiarUM. METROPOLITANÆ. COLONIENSIS. ET.

CATHEDRALIS. ARGENTINENSIS. RESPECTIVE.

PRÆPOSITO. SENIORI. ac. THESAURARIO.

ILLUSTRIS. ECCLESIAE. COLLEGIATÆ. AD. S. GEREONEM.

PARITER. PRÆPOSITO.

NEC. NON. UNIVERSITATUM. COLONIENSIS. ET. CAROLO. FERDINANDÆ. PRAGENSIS.

CANCELLARIO. PERPETUO. ET. PROTECTORI. &c. &c.

TOMUM QUARTUM D. D. C.

Servus deditissimus

JOSEPHUS HARTZHEIM S. J.

REVERENDISSIMO. CELSISSIMO.
DOMINO. DOMINO.

JOANNI
MAURITIO
GUSTAVO
DEL. GRATIA. ARCHI-
EPISCOPO. PRAGENSIS
SEDIS. APOSTOLICAE. LEGATO. NATO.
COMITI. DE. MANDERSCHIED.
BLANKENHEIM.

ET
GEROLDSTADT.
LIBERO. BARONE. IN. JURE. HEREDITATIS.
DOMINO. IN. BRITANNIA. DUK. ET. EL.
UTRINQUE. SACRAE. CAESARE. NO. NON. GERMANIAE.
HONORIS. ET. DIGNITATIS. HONORARIUS.
CONSILIARIO. IN. VINO. ACTUALI.
INCLYT. REGNI. BOHEMIAE. PRIMATI.
ECCLESIAE. METROPOLITANA. COLOGNIENSIS. ET.
CATHEDRAE. APOSTOLICAE. SEDIS.
PROPOSITO. SENIORI. AC. THESSALARIO.
HABITUS. EQLINE. CIRCUM. ET. CIRCUM.
HABITUS. EQLINE. CIRCUM. ET. CIRCUM.
HABITUS. EQLINE. CIRCUM. ET. CIRCUM.

TOMUM. QUANTUM. D. D. C.
JOHANNES. HARTMANN. S. J.

CATALOGUS ROMANORUM PONTIFICUM

AB ANNO MCCXC. AD MCCCC.

Quorum anni Conciliis Germaniæ præfiguntur.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
S. Cœlestinus V. <i>antea Petrus de Mur- rone, Monachus Italus, Molifinus.</i>	CXCII.	Anno Christi MCCXCIV. III. Nonas Juli.	Menses V.	Anno Christi MCCXCIV. Idibus De- cembris.
Bonifacius VIII. <i>antea Benedictus, Car- dinal. Cajetan. Ana- guinus.</i>	CXCIII.	MCCXCIV. IX. Kalendas Januarii.	Annos VIII. Menses IX. Dies 18.	MCCCIII. V. Idus Octobris Romæ.
Benedictus XI. <i>antea Nicolaus, ex Or- dine Prædicatorum, Tarvisinus.</i>	CXCIV.	MCCCIII. XI. Kalend. Novembris.	Menses VIII.	MCCCIV. pridie nonas Quintiles.
Clemens V. <i>antea Bernardus de Gotto, Archiepiscopus Burdigalensis.</i>	CXCV.	MCCCIV. Nonis Junii.	Annos VIII. Menses X. Dies 8.	MCCCXIV. XII. Kalend. Majas.

*Sub hoc celebratum Concilium Generale XV. Viennæ in Delphinatu:
Cathedra Romæ Avenionem translata ad LXX. annos.*

Joannes XXII. <i>antea Jacobus de Eusa, Cadurcensis, Episco- pus Portuensis.</i>	CXCVI.	MCCCXVI. VII. idus Augusti Lugduni.	Annos XVIII. Menses IV. minus 2. die- bus.	MCCCXXXIV. pridie nonas Decembris, Ætatis 92. Avenione.
--	--------	--	---	---

*Antipapa Petrus de Corbario, ex Ordine FF. Minorum, ele-
ctus a Bavaro Imp. anno 1328. Renuntiat Papatui 1330.
Obiit pœnitens 1333. extremo Septemb. dictus Nicolaus V.*

CATAL. ROMAN. PONTIFIC.

Nomen & Natio.	Ordo Successio- nis à S. Petro.	Adiit Pontificatum.	Sedit in Cathe- dra Petri.	Obiit vel abiit à Pontificatu.
Benedictus XII. <i>antea Jacobus Furne- rius, ex Ord. Cisterc. Tolosanus natu.</i>	CXCVII.	Anno Christi MCCCXXXIV. xiii. Kalend. Januarii.	Annos vii. Menses iv. Dies 6.	Anno Christi MCCCXLII. Die S. Marci.
Clemens VI. <i>antea Petrus Roge- rius, Lemovicensis.</i>	CXCVIII.	MCCCXLII. Nonis Maji.	Annos x. Menses vii.	MCCCLII. viii. Idus Decembris.
Innocentius VI. <i>antea Stephanus Al- berti, Lemovicensis, Episcopus Ostiensis.</i>	CXCIX.	MCCCLII. xv. Kalend. Januarii.	Annos ix. Menses viii. Dies 26.	MCCCLXII. pridie Idus Septembris.
Urbanus V. <i>antea Guillelmus Gri- moaldus, Abbas S. Vi- ctoris Marfilie.</i>	CC.	MCCCLXII. V. Kalend. Novembris.	Annos viii. Mensem i. Dies 22.	MCCCLXX. XIV. Kal. Januar.
Gregorius XI. <i>olim Petrus Rogerius, Lemovicensis.</i>	CCI.	MCCCLXX. iii. Kalend. Januarii.	Annos vii. Menses ii. Dies 27.	MCCCLXXVIII. vi. Kalend. April.
Urbanus VI. <i>olim Bartholomæus Prignanus, Neapolit. Archiepisc. Barri.</i>	CCII.	MCCCLXXVIII. vi. Idus Aprilis Romæ.	Annos xi. Menses vi. Dies 6.	MCCCXCIX. Idibus Octobr.
Clemens VII. Antipapa, electus Fundis in Regno Neapolitano, antea Cardinalis Gebennensis, A. 1378. 19. Septemb. sedit Avenione. Obiit A. 1394. 16. Septemb. apoplexia. Primus à XV. Cardinalibus electus in schismate, protrac-to usque ad annum 1429. inter Romanos & Avenione electos.				
Bonifacius IX. <i>antea Petrus, Cardina- lis Thomacellus, Nea- politanus.</i>	CCIII.	MCCCLXXXIX. iv. Non. Novembr. Romæ.	Annos xiv. Menses ii.	MCCCCIV. Kal. Octo- bris.

Benedictus XIII. Antipapa, antea Petrus de Luna, Hispanus, electus
A. 1394. 28. Sept. exauctoratus in Conc. Pisano A. 1409. 5. Jun.

SERIES

SERIES REGUM ROMANORUM EX PRINCIPIBUS GERMANIS SÆCULO XIV.



ADOLPHUS NASSOVICUS Comes, F. WALRAMI Comititis, & ADELHEIDÆ Catimelibocensis, eligitur *Francofurti* anno 1292. Kalendis Januarii, coronatur Aquisgrani Rex Romanorum cum uxore Imagina, Comitissâ Limburgensi, a Sigefrido Archiepisc. Coloniensi die S. Joannis Baptistæ, 24. Junii. Anni 1298. 1. Maji, Festo Philippi & Jacobi, Gerhardus Archi-Episcopus Moguntinus, Wenceslaus II. Rex Bohemiæ, Albertus Dux Austriæ, Duo Marchiones de Brandenburg, Dux Saxoniz, congregati Francofurti, Adolphum contradicentem, coram populo variis de causis deposuerunt, in ejusque locum 23. Junii elegerunt Albertum Austriacum, Regem Romanorum. Contra Boëmundus archiepisc. Trever., Rudolphus Comes Palatinus, Ludovicus Dux Baviariz, & pleræque civitates Rhenanæ, Adolpho adhæserunt usque ad mortem, uti Regi legitimo & citra causam deposito. Mors ejus accidit 2. Julii h. a. in prælio commisso juxta Wormatiam inter pagum Gellheim, & Monasterium Rosenthal, in quo ab Alberto æmulo vulneratus, subinde occubuit.

ALBERTUS Austriacus, Rudolphi I. Imperatoris, & Annæ Hohenbergiæ F. Primogenitus, secunda vice eligitur 9. Augusti Francofurti ab omnibus Electoribus: die S. Bartholomæi Wicboldus Archiepisc. Colon. eundem solemnî ritu Romanorum Regem Aquisgrani coronavit. Anno 1308. Kalendis Maji prope Vindonissam pagum a Patruæ, ejusque affeculis confossus, obiit anno Regni decimo.

Uxor Vidua Elisabetha Comitissâ Tirolis in loco cædis Monasterium Rönigsfeld in Ergovia ædificavit.

HENRICUS VII. Luxemburgi Comes, F. Henrici II. Luxemburgensis Comititis, & Beatricis, Hannoniæ Comitissæ, eligitur Rense à Rudolpho Comite Palatino Rheni (in quem cæteri Electores compromiserant) 27. Septembris A. 1308.

Anno 1309. die Epiphaniæ cum Uxore Elisabetha Brabantina Aquisgrani coronatur Rex Romanorum ab Henrico Virnenburgico, Archiep. Coloniensi. Anno 1310. Legatos ad Papam Clementem V. Avenionem mittit, cujus assensum impetrant, & coronationem post Biennium Romæ obtinendam.

Anno 1310. Italiam ingressus, plerosque Magnates & Urbes sibi devotas homagium præstare vidit, Mediolani ab Archiepiscopo in Ecclesia S. Ambrosii 5.

Januarii corona ferrea insignitus fuit, creatis post coronationem ducentis Equitibus. Per totam Italiam, paucis locis exceptis, Vicarios Augustales Imperii creavit. Anno 1312. post multas tricas, die festo SS. Petri & Pauli, in Ecclesia Lateranensi, a se electa, coronatus fuit Imperiali diademate a tribus Cardinalibus, a Papâ Avenione residente ablegatis, Arnolando Felgnerio Episcopo Sabinenſi, Nicolao Pratenſi Ostienſi Episcopo, & Luca Flisco. Die prima Augusti Legem Romæ fancivit de *Summa Trinitate* credenda, teste *Tritemio*. Pisis duas alias Leges edidit Codici juris insertas.

Anno 1313. die S. Bartholomæi, VIII. Kal. Septembris, in Hertruria apud Bonconventum oppidum languore ex Dyſenteria dejectus, obiit anno ætatis LI. & diebus XII. Anno Regni V. Imperii I. Mense uno, diebus xxvi. Veneno porrecto sub sacris speciebus Eucharisticis extinctum, fabula est, non tantum ignota Scriptoribus coævīs, teste *Tritemio*, sed testimoniis invictis ipsiusmet Imperatoris, Joannis Bohemiæ Regis, & Balduini Electoris Treverici, & aliorum confutata.

LUDOVICUS IV. BAVARUS, Filius Henrici Severi, Ducis Baviaræ Superioris, Com. Palatini Rheni, & Mathildis Filiæ Rodulphi Habsburgici, nascitur anno 1287. Patre mortuo A. 1294. Frater natus major Rudolphus pueri tutelam sibi attribuebat; sed Albertus Imp. matrem Matildam Tutricem esse voluit. Ab hac Viennam ad aulam Cæsaris missus, omnibus disciplinis liberalibus & equestribus imbuatur.

Anno 1313. 10. Novembris victor proſtigat Fridericum Austriacum, qui ambiebat tutelam liberorum Ottonis, Baviaræ inferioris Ducis, sed hic eam Ludovico detulerat: cum eodem devicto pacem init arbitris Wichardo Salisburgensi Archi-Episcopo, Nicolao Ratisponensi Episcopo, & Henrico Carinthiorum Duce.

Anno 1314. 20. Octobris Ludovicum Electores Imperii primo per Nuntium, tum per literas accersitum, eligunt Regem Romanorum. Petrus Archiepisc. Moguntinus, Balduinus archiepisc. Trevirensis (Frater Henrici VII. Imp. & Patruus Joannis Bohemiæ Regis) Joannes Rex Bohemiæ, Waldemar Brandeburgicus, Joannes Saxo-Lauenburgicus senior, Decretum Electionis scribunt Summo Pontifici (Sede tunc vacante) eligendo: vacavit autem ab A. 1314. XII. Kal. Maji ad A. 1316. VII. Idus Augusti. iidem 5. Electores suum votum notificant per Senatum Francofurtensem Senatui Aquisgranensi scriptis literis VIII. Kal. Novemb. A. 1314. Die S. Catharinæ a Balduino Trevirensi Archiepisc. una cum Beatrice conjuge coronatur Rex Romanorum Aquisgrani, absentibus, imo recusantibus Henrico Colon. archiepiscopo, & Rudolpho Comite Palatino Rheni, fratre seniore Ludovici, licet invitati essent ab aliis prope Francofurtum congregatis, nec Procuratores misissent.

Anno 1316. apud Eslingam Fridericum Austriacum æmulum, a tribus electum, prælio præstravit, caſis peditibus 700, equitibus 600. Inde victor Spiram concedit Ludovicus, ubi Catharinam Amedæi Sabaudæ Ducis Filiam in thalami sociam asciscit: ipse Imperiali purpura & corona amictus, conjugi etiam coronam imponi jussit.

Anno 1316. JOANNES XXII. Papa Vicarium Imperii in Italia se gerit, qua declaratione facta, discordiæ pomum inter Imperium & Joannem jactum fuit.

Anno

Anno 1318. JOANNES, Bohemiæ Rex, inter Pontificem & Ludovicum inducias pepigerat arbiter: verum Papa, audito Rodulpho Episcopo Curienti, Legato Friderici Austriaci, pro hoc, tanquam rite electo, contra Ludovicum pronuntiat.

Reditur ad arma, & postquam A. 1320. Fridericus Bavariam multo cum militibus invasisset, imo sicarium conduxisset, qui æmulum occideret; hic detecta conspiratione punitus fuit pro merito, & Ludovicus adscitis sibi faventibus Bavaris, Bohemis, Moguntinis & Trevericis, æmulo se opponit A. 1321. : nihilominus primo impetui cessit, declinato prælio, & elusis iteratis insidiis, magno fœderatorum numero stipatus, Anno 1322. Decretorium prælium init, in quo ad 22000. peditum, equitum 1500. numerabat sub suo vexillo.

Fridericus, haud minore agmine cinctus apud Ampfing, pagum vicinum Muhlendorff civitatis, & ipsius in prælium ruit ante adventum fratris Rudolphi die 20. Septembris. Pugnatum ab initio feliciter a Friderico; sed sub Schwipermanno, Belli Duce, Ludovicus resumptis animis plena victoria potitur: captos æmulos Fridericum Pulchrum, & fratrem Henricum humanissimis verbis, uti cognatos, accepit. Fridericus arci Trausnitz includitur, Henricus frater Regi Bohemiæ custodiendus traditur.

A. 1328. Ludovicus vivis erepta conjuge prima Beatrice, Henrici III. Glogoviensis Filia, Margaretham, Wilhelmi Hollandiæ & Frisiæ Comitis seniore Filiam, Coloniæ festis nuptiis ducit, & Mechtildem Filiam nuptui dat Friderico Landgravio Thuringiæ, Marchioni Misniæ, qui Guzam filiam Joannis Regis Bohemiæ repudiaverat.

Anno 1323. mortuo Waldemario Brandenburgico absque liberis, Ludovicus Cæsar filio Ludovico in Comitibus Norimbergenfibus hoc feudum Regno apertum dat, uti & Lusatiæ partem.

Anno 1316. Papa publicavit Edictum, vacante, uti opinabatur, Imperio, omnia Italiæ Dominia ad se pertinere, ac neminem sub pœna Banni Vicarium Imperialem dici, aut scribi posse citra suum consensum; Robertum Neapolitanum Regem Vicarium Italiæ nuncupat, bello invadit Matthæum Vice-Comitem Cæsari Ludovico Regi suo fidum: jamque Gibellinos omnes Italia eliminandos, aut necandos hariolabantur Guelfi Pontificiæ factionis.

Cæterum post mortem Henrici VII. Comes Goritiæ Henricus, erat Vicarius Imperialis Italiæ constitutus. Multis interea fortunæ vicibus turbata Italia. Ludovicus de æmulo suo victor, Imperium Italiæ, a Carolo & Ottone Magnis, Antecessoribus suis acquisitum, restituere Imperio statuit, in quem finem Matthæum Vice-Comitem, a Pontificio exercitu obsessum, suppitiis missis 500. equitum sub Belliduce Bertholdo Neuff, uti & Modoetiam liberat. Joannes XXII. anno 1322. VIII. Idus Octobris Avenione primum Monitorium Ludovico Cæsari mittit, in quo queritur, quod stante dubia electione, Regni administrationem suscipiat, nondum a Papa confirmatus. 2do. Quod Vice-Comiti Mediolanensi *heretico* suppe-

tias mittat. 3tio. Quod filio Ludovico Electoratum Brandenburgicum dederit: subin comminabatur excommunicationem, nisi intra trimestre militem ex Italia abduceret, & ab administrando Imperio desisteret.

Anno 1323. IV. Idus Novembris Norimbergæ Cæsar Legatos mittit ad Papam, Albertum Teutonici Ordinis Equitem, Ewestorpium Sibachium Archidiaconum Würceburgensem, Comites, Bertholdum de Neuffen, Fridericum de Truchendingen, Bertholdum de Greispach cum duobus filiis. Hi Legati Avinionem appulsi nil a Papa, vel Ministris impetraverunt, quam prorogationem trimestris spatii ad duos menses, intra quos Ludovicus Cæsar se Papæ sisteret, de criminibus se purgaret, sub comminatione excommunicationis. Intellecta mente Papæ, Ludovicus XV. Kal. Januarii A. 1324. Norimbergæ Comititia indicit, in quibus coram Nicolao Episcopo Ratisbonensi, & multis Episcopis & Principibus appellando ad futurum liberum Concilium, protestatur 1mo. Se plurium Electorum votis legitime electum fuisse. 2do. Electum nulla Confirmatione indigere. 3tio. Id constare exemplis Henrici Aucupis, Conradi Franconici, Rudolphi Habspurgici, a nullo Papa confirmatorum. Vice-Comites & Galeatios esse suos & Imperii subditos: Patere hæc omnia ex literis informatiis, toto Regno sparsis.

Anno 1324. Octobri mense mediantibus arbitris, & pactis juratis, Fridericus Austriæ Dux post triennem carcerem liber dimittitur: anno 1325. die Martis ante Natæ Virginis Monachii fuere scriptæ Tabulæ Unionis & Societatis administrandi Imperii inter Ludovicum & Fridericum.

Anno 1327. Cæsar cum valido exercitu, Ducibus, Principibus, & Episcopis, sociis Gibellinis Tridenti Comititia indicit, dein Mediolanensi in Ecclesia S. Ambrosii a Guidone Tarleto, & Friderico Episcopo Tridentino coronam ferream Italiæ suscipit, ac propinati veneni insidias feliciter evasit.

Anno 1327. 20. Octobris Excommunicatio Ludovici dudum intentata, vibratur Florentiæ a Cardinali Ursino Legato Papæ, ob causas varias in Bulla allegatas.

Anno 1328. VII. Idus Januarii Ludovicus Romam ingreditur auxilio Castrucci Castracani, Saræ Columnæ, Jacobi Sabelli, & Theobaldi de S. Eustachio.

In Ecclesia S. Petri a duobus Episcopis, Jacobo Veneto, & Ellerano coronam Imperialem sibi imponi fecit, uti & conjugi Margarethæ, quæ brevi post Filium (Romanum dictum) enixa est, post coronationem Castruccium Castracanium creat Principem Lucæ, vexilliferum Imperii, & Comitem Palatii Lateranensis, dein mortuum A. 1329., cum antea Cæsarem deseruisset.

Romæ existens, auditis lamentis civium Romanorum de absentia Papæ, Avinione hærentis, attentat Papam deponere, varias causas prætexens & inani conatu Antipapam suscitatur Petrum de Corbario ex Ordine Minorum, cui nomen Nicolai V. imponit, a quo iterum coronari vult.

Joannes XXII. *Collectam* orationem contra Ludovicum quotidie dicendam præscribit, Decimas de redditibus Ecclesiasticorum Cameræ Pontificiæ inferendas exigit, & milites cruce signat contra eundem.

Anno 1327. Marfilium de Padua, & Joannem de Janduno, ex Ordine Minorum, Monachium confugientes, & pro Ludovico Cæsare apologetica scripta edentes, inferitis crassissimis erroribus, quod Papæ creatio & depositio sit in manibus Imperatoris: quod ad eundem omnia bona sæcularia spectent: Clericos & Religiosos omnis Domini temporalis incapaces esse: Petrum fuisse æqualem cæteris Apostolis: nullum Primatum, nullam Hierarchiam a Christo stabilitam: omnia hæc a Cæsaribus manasse &c. uti hæresiarchas damnat, excommunicat, & pœnis hæreseos subjicit Avenione X. Kal. Novembris anno Pontificatus XII.

Anno vero 1329. XVI. Kal. Decembris Michaellem de Cæsena Generalem Ministrum Ord. Minorum, & Guillelmum Occamum, Anglum, ejusdem Familiæ Alumnum, ob Paupertatem Christo assertam sine jure ullo in rebus, usu absumptis, itemque Regulæ S. Francisci propriam, pertinaciter defensam, privat officiis omnibus, deponit, excommunicat ut hæreticos, Avenione XII. Kal. Majas, Pontificatus anno XIII.

Anno 1330. Joannes XXII. novum Vicarium Imperii in Italia constituit Actium Vice-Comitem, Mediolanensem, Literis vero ad Joannem Bohemiæ Regem Ludovico Cæsari fidum datis, recitat omnia huic Principi imputata delicta, & eum jam Regno, ac Imperio excidisse probare nititur.

Eodem anno Cæsar Italiam intrat egregio cum exercitu: Exercitus Cæsareus adverso Marte vincitur, & dispergitur quaquaversum. Hoc casu Papa per Bertrandum Legatum suum Joanni Bohemiæ Regi omnes urbes devictas possidendas cedit, Filium Carolum Romanorum Regem eligendum promittit. Patri Vicarium Italiæ adjunctis variis Officialibus & Consiliariis donat.

Hoc animadverso turmatim Italiæ Principes, Robertus, Florentini, Gonzagæ, Scaligeri, Atestini, Vice-Comites pro libertate communi restauranda fœdus A. 1331. VI. Idus Augusti contra Joannem Papam, & Joannem Regem Bohemiæ ineunt, & hoc suum consilium Ludovico Cæsari insinuant.

Anno 1334. 4. Decembris Joannes XXII. Avenione obiit anno ætatis 90. relictis in Thesauro Pontificio 25. Millionibus auri signati, præter aurum rude, & gemmas aliaque cimelia pretiosa. Benedictus XII. ex Ordine Cisterciensi Successor eligitur, qui commendas & expectativas Beneficiorum, & Prælaturarum, ab Antecessore concessas, revocat, & annullat.

Anno 1335. Ludovicus Cæsar mittit Legatos Avenionem, Albertum Episc, Frisingensem, & Canonicum Argentinæ Comitem Hochbergium, hacce cum declaratione, se Neapolim, Sardiniam, & Corsicam sibi non vendicaturum, nec citra Papæ assensum Romam venturum, dummodo absolvat ab excommunicatione. Verum Franciæ, Neapoleos, & Bohemiæ Reges, tum Poloni & Hungari, Ministros & Papam, propensum ad absolutionem Cæsari dandam, inveterunt.

Anno 1336. 5. Martii Ludovicus Cæsar novam Legationem ad Papam misit cum amplissima submissione, ut ab vinculo banni absolvatur: sed non auditur.

Hæc ex selectis Bavaricis informationibus, Diplomatum Pontificiis & Cæsareis corroboratis, editis Monachii ab anno 1751. ad 1752. per DD. Langium & Blandellum.

Anno 1337. Rensæ institutis Comitibus acta Joannis Papæ & conditiones, a Ministris Pontificiis propositæ, cassatæ, & annullatæ fuere. Declaratum uno ore omnium Procerum: " Electum Imperatorem etsi a Papa nec fuerit confirmatus, " nec unctus, nec coronatus, verum esse Imperatorem, & Administratorem " omnium jurium Imperii. Quicumque aliter docuerit, senserit, factitarit, crimi- " nis læsæ Majestatis reum esse, hostem Reipublicæ, & ab Imperio proscriptum, " capitis reum: omnia ejus bona Fisco Regio addicta." In eodem loco & anno ELECTORES primum inter se concordiam inierunt (*Kurfürstliches Verein*) pro suis & Imperii juribus tutandis contra omnes. Idem renovatum in Comitibus Francofurtensibus anni 1338.

Anno 1342. Imperator articulos Paparum Joannis XXII. Benedicti XII. Clementis VI. Comitibus proposuit: Status vero Imperii terminum octo dierum a Cæsare fixum prævenientes, Colonia congressi, decreverunt: " Postulatis Pontificum " destrui Imperium." Rensæ novo Principum Conventu indicto, Literæ ad Papam exaratae fuere, quibus articuli propositi Ludovico Cæsari, omnino repro- bati sunt.

Anno 1347. V. Idus Octobris Ludovicus apud Fürstenfeldium in Bavaria ad venationem egressus, apoplexia tangitur equo insidens, & pœnitens obiit anno Regni XXXIII. Imperii XIX., in civitate Monachio Catholico ritu sepultus. Rumor est, sed incertus, apoplexiam ex veneno, propinato die S. Dionysii Martyris, ortam: alii aliam causam & mortis circumstantias pro studio partium afferunt.

FRIDERICUS Pulcher, Austriacus, Alberti Imp. Filius, Nepos Rudolphi I. Imperat., ab Henrico Vinnenburgico Archi-Episc. Coloniae, Rudolpho Comite Palatino Rheni, Rudolpho Juniore Duce Saxoniae Anhaltino, ab Henrico Carinthiorum Duce (quem Joannes Pater Regno Bohemiae & voto Electorali privaverat), adeoque a tribus electus, Bonnae coronatur ANTI-REX Romanorum. Sunt, qui velint, eundem aliquo intervallo temporis diplomata Regia tum solitarium, tum cum Rege Ludovico edidisse: sed Bavari Scriptores negant, genuina ulla prolata fuisse, contra Lazium & de Roo. Devictus praelio apud Müblendorff A. 1322. Post triennium e carcere liber sub pactis dimissus A. 1325. Interit ex venenato poculo, ut ajunt, anno 1330.

CAROLUS IV. Marchio Moraviae, Joannis Bohemiae Regis Filius, Nepos Henrici VII. anno 1346. XI. Julii Rensæ apud Confluentiam ab Henrico Vinnenburgici Moguntini surrogato, Gerlaco Nassovio, a Balduino Archi ep. Treverico Propatruo suo, a Walramo Juliacensi Archiep. Colon., Rudolpho Duce Saxoniae, Joanne Rege Bohemiae, Patre suo, eligitur Rex Romanorum. Resistebant multi electo, præsertim Cives Colonienſes & Aquenſes: unde Bonnæ 26. Novembris

coro-

coronatus fuit a Walramo, Electore Colonienſi, cæteris Archi-Epiſcopis & Proce-
ribus Inſignia Imperii offerentibus.

Pragenſem Epiſcopum Moguntinæ Provinciæ & Metropoli ſubtrahit in-
dulto Pontificio, & Regni Bohemici Primatem creat, dato eidem jure, coronandi
Regis Bohemiæ.

Anno 1350. Ludovicus, Marchio Brandenburgæ, Inſignia Imperialia:
Lanceam, Claves Domini, gladium Caroli Magni, quæ Monachii aſſervabantur,
poſt mortem Ludovici Imp. Patris ſui, tradidit Carolo IV. in Nuremberg: unde
Innocentius VI. ſpecialeſt feſtum diem de Lancea & Clavis colendis Germaniſ
indixit ipſo anno 1354.

Anno 1354. 9. Februarii a Wilhelmo Electore Colonienſi Aquisgrani, loco
debito, cum conjuge Anna coronatur denuo Rex Romanorum.

Anno 1355. Mediolani die Epiphaniæ in Eccleſia S. Ambroſii corona ferrea
redimitur, qua Rex Italiæ: mox V. Aprilis, die ſacro Paſchatis, Romæ a Cardinali
Oſtienſi, Legato Innocentii VI, in templo S. Petri corona Imperiali cingitur.

Inde in Germaniam reverſus, & Comitibus Norimbergæ indiſtis, Jura Impe-
rii & Electorum per auream Bullam hic cæptam, ſed Metenſibus Comitibus per-
fectam, articulis xxii. prioribus & poſterioribus xxiv. conſtatam edidit & publicavit
uti Legem Fundamentalem Imperii.

Die 25. Decembris, Natali Salvatoris noſtri, Electores, & reliqui Proceres,
officia Imperii ſibi attributa, ritu ſolemni apud Imperatorem obierunt prima vice.
Anno 1365. corona Regni Arelatenſis Carolus decoratus fuit in ipſo Arelato a
Guillelmo loci Archi-epiſcopo: quo eodem anno adivit Avenionem, amico de
ſtatu Imperii colloquio Papam Urbanum V. inviſurus. Inde ad Regem Galliæ
Carolus V. ſe contulit, omnibus Imperii inſignibus ſpectandus, ejusque primo-
genitum filium Delphinum (poſt Carolus VI. Francorum Regem) creavit lo-
cum tenentem & Vicarium in Regno Arelatenſi ampliffimo diplomate.

Anno 1368. Urbanus V. Papa Imperatricem coronavit die Omnium Sanct.,
in altari S. Petri coram Imperatore conjuge.

Urbano VI. anno 1378. electo Papæ, adhæſit contra Clementem VII. Anti-
papam a Gallicana ſactione obtruſum: unde ab illo Wenceslaus Filius, qui jam
ante ſub Gregorio XI. Francofurti in Regem Romanorum non ſine magna pecuniæ
profuſione electus fuerat, confirmatus, & a Friderico Archiep. Colon. Aquisgrani
coronatus fuit Patre vivente.

Anno 1377. Carolus inter multas Leges & Ediſta publica Tungermundæ
XV. Kal. Julii, de Libertate eccleſiaſtica Legem ſancivit, qua res & bona Eccle-
ſiarum ſæculari juriſdictioni eximuntur, & omnes, contra Eccleſiam quid atten-
tantes, banno Imperiali coercentur. Hoc Ediſtum in Concilio Conſtantiensii fuit
confirmatum: Feſtum diem Caroli M. quot annis ſolemneſt Aquisgrani celebrari
præcepit. Generale ſtadium in Univerſitate Pragenſi (poſt A. 1360.) inſtituit,
munifica ſtipendia Profeſſoribus elargitus. Demum A. 1378. iii. Kal. Decembris
in Caſtro Pragenſi ex morbo diſceſſit.

WENCESLAUS, Karoli IV. & Annæ Ducissæ Jauraviensis Filius, Francofurti ante biennium electus, & Aquisgrani a Colonienſi Electore Friderico coronatus fuit Romanorum Rex. Clemens VII, Avenione electus Antipapa, Legatos ad Wenceslaum miſit, ejusdem Patrocinium ambientes; ſed non auditus fuit. Hoc deſuncto, Gallicana factio novum Antipapam protrahendo ſchismati obrudunt: qui & ipſus Legatos ad Wenceslaum miſit, ejus ſuffragium exquiſituros: Cæſar Wenceslaus ex Bohemia Remos venit A. 1398, cum Carolo Francorum Rege, Patruo ſuo; de ſchismate tollendo inter tot Romanos & Avenionenſes Papas tractaturus, inde Legatos Romam ad Bonifacium IX., Avenionem ad Benediſtum XIII. mittunt, rogatuſ, ut uterque de jure ſuo cedat, & novæ, liberæ, unanimi electioni locum faciat. Subinde Wenceslao in Bohemia reſidente, genio & libidini indulgente, & Imperii curam abjiciente, oriuntur diſcordiæ in Germania. Variæ civitates Rheni & Sueviæ ligas & fœdera ineunt inter ſe, & contra varios Duces: quibus Cæſar Wenceslaus accedebat, nunc his, nunc illis. Proceres Germani eum invitant, ut ad Imperium veniat, curam Reipublicæ coram præſens ſuſcipiat; quorum invitationem dum ſpernit, omnium in ſe odia, ipſorum etiam Bohemorum ob perſonalia vitia, ebrietatem, ſævitiæ, luxuriæ meruit & excitavit.

Bohemi eundem captum anno 1393. ſqualido carceri Pragæ includunt: inde poſt XV. hebdomadas elapſus nudus, ad receptaculum ſuum profugit, & ad priorem ferociam relabitur.

Electores eccleſiaſtici & ſæculares, comperta Regis Wenceslai captivitate, Francofurti congreſſi, Rupertum II., Comitem Palatinum Rheni, Vicarium Imperii conſtituunt, Legatos in Bohemiam mittunt, pro libertate Wenceslao reddenda. Hac poſitus, a fratre Sigismundo, & Jodoco Patruale, Moraviæ Marchione, deſuſo Pragæ, Crumloviæ, & Viennæ incarceratus, iterum evaſit.

In Conventu Moguntino anni 1399. Joannes Moguntinus, Fridericus Colonienſis, Wernerus Treverenſis, Archi-epiſcopi: Rupertus Palatinus, Rudolphus Saxo, Electores, die Lunæ poſt exaltatam Crucem unionem electoralem inter ſe ineunt de conſervandis Juribus Eccleſiæ & Imperii: 1^{mo}. Ne quis citra illorum conſenſum, vel Imperium, vel Vicariatum ſibi arrogaret: 2^{do}. Nulli ullam ab Imperio alienationem concedendam, 3^{tio}. nec Mediolanenſem alienationem a ſe confirmandam: 4^{to}. Contra quosvis ſe auxilium mutuum præbituros.

Anno 1400. Die Mercurii poſt S. Urbani Francofurti convenere Electores: Majo menſe diem Comitii ſtatuunt. Proteſtatur Wenceslaus per Legatos: alius dies Comitii ſtatuitur. Demum invitatur, ut poſtridie S. Laurentii in *Obern Lanſtein* ſupra Rhenum, ex oppoſito Renſe veniat ad Imperium reformandum; ſi veniat, ſe a juramento dicto liberos fore. Præſtituta die 11. Auguſti conveniunt tres Electores eccleſiaſtici cum Ruperto Palatino ad locum condiſtum. Rege Wenceslao per decendium fruſtra exſpectato: eligunt Rupertum ſedentes extra portas 20 Auguſti, in quo loco Wenceslaum, ut Imperio indignum deponunt, cauſis ſigillatim enumeratis.

Sigismundus, literis ad Cardinales scriptis, conqueritur, Fratrem suum, nec auditum, nec convictum, citra causæ cognitionem Imperio exutum fuisse, & multos Germaniæ Proceres Wenceslao, uti Regi adhuc adhæsisse & adhærere cum Clemente VII. & Benedicto XIII. Ipsus Wenceslaus adhuc Regio titulo uti perrexit, ejusdemque Legati in Concilio Pisano A. 1409. admissi præ Ruperti Legatis. Obiit demum anno 1418. ex apoplexia.

Memorandi adhuc quatuor Anti-Reges.

- I. **FRIDERICUS SEVERUS**, Misiæ Marchio, Friderici II. ex Filia Nepos, gener Ludovici Bavari, cujus Filiam duxerat, eligitur A. 1348. in oppido Chamb in Bavaria, ab Henrico Moguntino Archiepisc., Ludovico Brandenburgii Marchione, Ruperto Palatino Saxone (qui paulo ante in Labenstein Anglorum Regi Eduardo, sed ob bellum cum Franco recusanti, Imperii dignitatem obtulerant) hic Fridericus acceptis a Carolo IV. decem Marcarum millibus juri electionis renuntiat, & suis feudis a Cæsare investitur.
- II. **GUNTHERUS**, Comes Schwartzburgicus, anno 1349. Feria VI. post Hilarii Anti-Rex eligitur ab Henrico Archiepisc. Moguntino, Ludovico Marchione Brandenburgico, Ruperto Bavaro Palatino Rheni, ejusque fratre Ruperto, quasi Imperium vacaret, dum Carolus IV. jam tertium annum in Regno agebat. Obiit Guntherus 19. Junii anno 1349. cum ante transgessisset cum Carolo de renuntiando Imperio erga summam XXIV. millium Marcarum.
- III. **FRIDERICUS**, Dux Brunsvicensis, in Comitibus Francofurtensibus anni 1400. aliis eligitur, aliis destinatur ad Imperium. Sed V. Junii ann. b. occiditur.
- IV. **JODOCUS**, Moraviæ Marchio, eligitur Francofordiæ a Moguntinensi & Colonienſi Electoribus. Brevi obiit Brunnæ in Moravia, sine Sceptro & Corona sepultus.

*Finis Seriei Regum Romanorum & Anti-Regum
Sæculo XIV. electorum.*



1293. FRANCOFORDIENSIS Synodi XII. mentio ex Lersnero.	586
1293. ULTRAJECTINUM IX. Concilium sub Joanne episc. Capit. XXXI. penultimo enumerantur casus episcopales reservati.	17
1293. PATAVIENSE ad S. Hippolytum VIII. Statuta tria.	19
1294. SALTZBURGENSE XVII. Concilium. Epitome ex Chronographo Mellicensi.	20
1294. MOGUNTINI Conc. XLVIII. sub Gerhardo archiep. Statutum unum & alterum	586
1294. PATAVIENSE ad S. Hippolytum in Austria IX. Concilium. §. 1. De forma pileorum a Clericis gestandorum. §. 2. De Vigiliis anticipandis, si in Dominicam incidunt.	587
1294. ULTRAJECTINUM Concilium X. Mitigatio Statutorum antiquorum. Quatuordecim nova promulgantur sub Joanne episc.	21
1296. MOGUNTINI Concilii XLIX. sub Gerhardo archiep. Statuta XVI.	587
1296. HALBERSTADENSE Concilium XX. sub Volrado episc. De dote uxori non constituenda ex hæreditariis citra consensum hæredum.	636
1297. ULTRAJECTINI XI. Concilii sub episcopo Bertholdo Synodica Epistola, de Clericis defectum natalium legumorum habentibus, & plura uno Beneficia possidentibus, Statuta tria.	23
1298. HERBIPOLENSE Concilium XII. sub Mangoldo episc. Statuta XXI. & plura.	24
1299. MINDENSE III. Concilium sub Ludolfo episc. contra raptores ecclesiæ bonorum, cujus Statuta Wicholdus metropolita Coloniae A. 1299 18. 9bris confirmat.	659
1300. ARGENTINENSE III. Concilium sub Friderico episc. contra concubinatum.	36
1300. SALTZBURGENSIS XIX. Concilii Provincialis sub Conrado episc. Legatio ad Papam, ad obtinendam interpretationem decretalis: <i>Super Cathedram</i> : ob concordiam Regularium & Sacularium.	95
1300. COLONIENSE XXXIV. Concilium sub Wicholdo archiep. Capitula XXII.	37
1300. MINDENSIS IV. Cathedralis Capituli Statutum, de distributione a Præposito facienda.	590
1300. MOGUNTINUM L. Concil. sub Gerardo II. Capitula VII.	95
1300. MONASTERIENSE IV. Concilium. Mentio facta inter annos 1276. & 1300.	43

Digressio ad Sæculum XIII. a pag. 44. ad 66.

§. I. De Scientia & Legibus editis a Friderico II. pro Ecclesia contra hæreticos. De connexionione errorum hujus Sæculi tum inter se, tum cum præcedentibus.	44
§. II. De Canonistis Germanis Sæculo XIII.	47
§. III. Quos errores ex hoc Sæculo adoptaverint, & resuscitaverint Calvinus & Luterus.	47
§. IV. De Hæreticis, speciatim Albigenfibus, Waldensibus.	48
§. V. Quibus modis Ecclesia sit usa contra hos hæreticos.	49
§. VI. Parallelum Sæculi XIII. cum Sæculo IV. & varia media adhibita pro sanandis hæreticis.	51
§. VII. De Albigenfibus speciatim.	53
§. VIII. De usu gladii contra hæreticos.	54
§. IX. De hæresi Stedingorum & mediis contra eos adhibitis.	55
§. X. De Hæreticis in Diocesi Treverica & Moguntina.	55
§. XI.	

CONCIL. GERM. TOM. IV. SÆCUL. XIV.

XV

§. XI. De origine Inquisitionis & Inquisitorum.	Pag. 55
§. XII. De variis speciebus Inquisitorum.	56
§. XIII. De hæresi Flagellantium.	57
§. XIV. De Fratricellis, Beghinis, Beghinagis.	57
§. XV. De primo abusu Scripturæ sacræ in linguam vulgatam versæ.	60
§. XVI. De Canonibus penitentialibus Sæculo hoc commutatis.	61
§. XVII. De vero sensu Canonis XXI. Omnis utriusque sexus Lateranensis Concilii.	61

FINIS DIGRESSIONIS AD SÆCULUM XIII.

SÆCULUM XIV.

Annus Christi	Tom. IV. Pag.
1301. CAMERACENSIA III. IV. V. VI. VII. Concilia fuere celebrata annis 1300. 1307. 1308. 1309. 1310. cum hæc non annis distincta, sed in unum collecta ediderit Martenius, ideo huic anno assignamus	66
1301. MOGUNTIÆ LI. Concilium sub Gerardo Archiep. Statuta septem.	95
1301. CAMERACENSE VIII. Concil.	88
1301. WORMATIÆ XXIV. Concil. Bullæ Bonifacianæ executio urgetur.	661
1302. MINDENSIS V. Synodi sub Ludolpho episcopo Statutum. Excommunicantur negligentes in solvendo censu.	591
1303. CAMERACENSE IX. Concilium.	89
1305. URATISLAVIENSE IV. Concilium sub Henrico Archiep. Statuta VI.	97
1306. MONASTERIENSE V. Concilium sub Ottone episc. contra Clericos rebelles.	98
1306. COLONIENSE XXXV. Concilium sub Henrico Archiep. Statuta XV.	99
1307. COLONIÆ XXXVI. Conc. sub Henrico Archiep. Statuta XVIII	106
1308. MINDENSIS VI. Concilii sub Godefrido episc. Renovatio statutorum in præteritis Synodis.	591
1310. CAMERACI X. Concil. sub Petro Episc. Statuta XV.	114
1310. COLONIENSE Concilium Provinciale XXXVII. sub Henrico Archiep. Statuta XXIX.	117
1310. TREVERENSE Concilium Provinciale XXXI. sub Balduino Archiep. Capitula CLVI.	127
1310. SALISBURGENSE Concilium Provinciale XX. sub Conrado Archiep. Determinatio Decimæ solvendæ Summo Pontifici proximo biennio, cum variantibus P. Meichelbeck.	166
Declaratio Statutorum eodem anno & Concilio edita.	167
1310. ULTRAJECTINUM XII. Concilium sub Guidone de Hannonia ep. Statuta XL.	168
1310. MONASTERIENSE VI. Concilium sub Ludovico episc. Unum statutum servavit Schatenus.	174
1310. MOGUNTINUM Concilium Provinciale LII. sub Petro Archiepiscopo, constat Libris IV. distinctis in Capitula CLXVI. juxta Codicem MS. Bibliothecæ Julicæ. §. 2. Templariorum causa ventilata in eodem Concilio.	174
1312. VIENNENSE in GALLIA Concilium Generale XV. Kal. Octobris inchoatur. Ad illud omnes Archiepiscopi & Episcopi Germaniæ invitantur a Clemente V. anno IV. & V. Pontificatus, Encyclicis Scriptis.	225
Ido. invitatur speciatim Colonia Archiepiscopus ad examen causæ Templariorum. Commissarii pro Germania invitantur specialibus Literis a Papa.	231

III.

*Annus Christi**Tom. IV. Pag.**Illitio. damnantur Beguini & Begardi in Alemannia vagantes : Capit. ad no-**strum de Hereticis L. V.*

234. & 597

*Plura alia ibidem actitata.**Hæc tria solum ad Germanicas Ecclesias spectant e Viennensi Concilio.*

1311. CAMERACI XI. Concilii Statuta. 240
CAMERACENSIS Episcopi Monitiones. 239
1311. MINDENSIS VII. sub Godefrido Episc. Statutum. De Præbendis
dandis suo tempore Canonicis a Præposito sub jactura officii. 593
1311. ARGENTINENSE IX. Concil. sub Joanne Ochsensteinio. 243
1312. CAMERACI XII. Concilii Statuta. 242
1313. HILDENSEMENSIS Episcopi Statuta, Facultas donandi Eccle-
siis. 594
1313. MINDENSIS VIII. Concilii Statuta sub Godefrido Episc. de residentia
Beneficiatorum, ac illegitimis non admittendis; prohibitio Altaris
portatilis. 594
1313. MINDENSIS IX. sub Godefrido Episc. Statutum: de vita Clericorum:
de non alienandis bonis Ecclesiæ. 595
1313. CAMERACENSE XII. Concilium. de reverentia Ecclesiarum, juris-
dictione & libertate earum. 236
- Additiones ad Statuta Synodalia Cameracensia anni 1311.* 237
1313. MAGDEBURGENSE XII. Concilium Provinciale sub Borchardo II.
Archiep. Statuta IX. 244
1314. HERBIPOLENSE XIII. Concil. sub Andrea Episc. Statuta XXI. 246
1315. CAMERACENSE XIII. Concilium. 248
1316. CAMERACENSE XIV. Concilium. 251
1316. MONASTERIENSE VII. Concil. sub Ludovico Episcopo. 251
1316. WORMATIENSE XLIII. sub Emerico Episc. 256
1316. MOGUNTINUM LIII. sub Petro Archiepisc. Constitutiones pro Re-
gularibus. 259
1317. MOGUNTIAE LIV. Provincialis Concilii mentio. 601
1317. MINDENSE X. Statutum de pane præbendali. 596
1317. CAMERACENSE XV. Concilium sub Petro Episc. varia Statuta. 261
1318. MOGUNTINUM LV. Concil. sub Petro Archiep. Statuta X. 597. & 265
1318. MONASTERIENSE VIII. sub Ludovico Episc. 254
1318. TRAJECTENSE ad Rhenum XIII. Concilium sub Friderico Episc.
Statuta IX. 267
1319. OLOMUCENSE I. Concilium sub Conrado Episc. Canones XXVII. 269
1319. LUBECENSE I. Concilium sub Henrico Episc. Statuta XXII. 269
1320. MAGDEBURGICÆ HALLÆ XIII. Concilium. 274
1320. LEODIENSE XVIII. Concilium sub Adolpho Episc. 276
1321. COLONIENSIS XXXVIII. Concilii sub Henrico II. Archiepisc. Cano-
nes VI. 277
1322. MOGUNTINI LVI. Synodica Erfordiæ scripta de Bulla Joannis XXII.
ex Avenione Kalend. Augusti contra errores fratris Joannis de Pol-
liaco. 655
1322. POMESANENSE in Prussia I. Concilium. 599
1322. MAGDEBURGENSE XIV. Concilium sub Borchardo Archiep. 280

Annus Christi

Tom. IV. Pag.

1322.	COLONIENSE IXL. Concilium Provinciale sub Henrico II. Archiep. Dicecesana statuta Engelberti fiunt Provincialia statuta.	282
1323.	NORIMBERGÆ in Conventu Appellatio Ludovici IV. Regis Roman. ad Concilium futuram.	296
1324.	PADERBORNENSE XIII. Concilium sub Bernardo episc. De ordine Divini officii.	285
1324.	CAMERACENSE XV. sub Henrico II. Statuta Petri episc. confirmantur.	286
1324.	COLONIENSE XL. Singulare Statutum Henrici II. Moderatio Statutorum.	289
1324.	HALBERSTADII IX. Concilium.	
1327.	COLONIÆ XLI. Concilium sub Henrico II. Archiep. Statuta tria.	293
1327.	CONSTANTIENSIS in Alfaria I. Concilii indictio.	291
1327.	MOGUNTINI XLVII. Concilii mentio.	601
1328.	BREMENSIS III. Concilii mentio sub Burchardo episc.	304
1328.	COLONIENSE XLII. Concil. sub Henrico archiep. Moderatio Statutorum Provincialium.	296
1328.	ASCHAFFENBURGENSIS III. Concilii Capitula II.	599
1328.	HALBERSTADII X. Concilii varians Lectio.	601
1330.	HERBIPOLENSE XIV. Concil. sub Wolframo episc. Capitula VII.	310
1330.	LUBECENSE II. Concilium sub Henrico episc. Statutum.	601
1330.	COLONIÆ XLIII. Concil. sub Henrico archiep. Statuta XVI.	305
1331.	VRATISLAVIÆ V. Concil. sub Nankero episc.	314
	Alterum eodem anno.	316
1331.	PADERBORNENSIS XIV. Synodus sub Bernardo episc.	313
1331.	WORMATIENSIS XLIV. Synodus sub Gerlaco episc.	601
1332.	VERDENSE I. Concil. De quantitate majoris & minoris Decimæ.	636
1333.	COLONIENSE XLIV. Concilium Autumnale sub Walramo archiep. Statuta V.	429
1335.	COLONIENSE XLV. Venum, XLVI. Autumnale Concilium. Statuta IV.	433
1336.	TRIDENTINA I. Synodus sub Henrico II. Statuta XVIII.	637
1336.	COLONIÆ XLVII. Venum, XLVIII. Autumnale Concilium sub Walramo archiepisc.	439
1337.	TREVERENSE XXXII. Concilium sub Balduino archiepisc.	603
1338.	TREVERENSE XXXIII. Concilium sub Balduino archiep. Renovatio Statutorum veterum.	{ 318 606
1338.	COLONIÆ XLVIII. II. Autumnales Synodi sub Walramo archiep.	447
1338.	FRANCOFURTI XIII. Convent. Electores mittunt Legatos ad Papam, & ei se submitunt.	321
1338.	SPIRENSIBUS in Comitibus I. Ludovici Regis Professio Catholicæ Fidei, & Responso ad objecta suæ personæ.	323
1338.	SPIRÆ II. Conventus Electorum Ludovici Imp. obsequia Papæ offerentium.	321
1338.	Notificatio ex RHENSE, Constitutio Electorum Imperii Romani de suo, & electi Regis Romanorum jure.	328
1338.	FRANCOFURTENSIS in Conventu Declaratio Imperatoris & Electorum Imperii de jure electi Regis immediate a solo Deo descendente. VIII. Aug.	331

<i>Annus Christi</i>		<i>Tom. IV. Pag.</i>
1338.	Electorum & Principum Imperii Epistola ad Benedictum XII. PP. pro revocandis sententiis a Joanne XXII. latis.	329
1339.	COLONIÆ L. Synodus sub Walramo Archiep. Statuta IV.	454
1339.	TREVIRENSE XXXVI. Concil. Statuta VI.	332
1340.	SALZBURGI XXI. Concil. contra Rodolphum Presbyterum sacri-legum.	607
1342.	LÜBECENSE II. Concil. sub Joanne IV. episc.	335
1342.	OLOMUCENSE II. Concil. sub Joanne episc. Capitula XXII.	336
1342.	PRAGENSEM Ecclesiam Clemens VI. PP. Metropoli Moguntinæ subtrahit & eximit.	347
1343.	TRAJECTINI XIII. sub Joanne Arckelio Synodica Epistola I.	342
1343.	LEODIENSIS XIX. Conc. Ecclesiæ correctiones & additiones ad Statuta Curie Leodiensis.	
1344.	TRAJECTINI XIV. Concilii sub Joanne episc. Canones IV. ex eadem Epistola Canonica.	344
1344.	MAGDEBURGI XV. Concilium Provinciale sub Ottone Archiep.	345
1344.	COLONIÆ LI. Autumnalis Synodus sub Walramo Archiep. Statutum I.	457
1344.	AVENIONE Clementis VI. PP. Declaratoria & ampliatoria Archiepiscopatus Pragensis.	347
1344.	TREVERICI XXXVII. Concil. Mauritanum Statutum de feriarum vindemialium quantitate.	346
1345.	TRAJECTINI XV. Concilii canonica Epistola III.	348
1346.	TRAJECTINI XVI. Concilii Epistola IV. Synodalis.	350
1346.	COLONIENSIS LII. Autumnalis Concilii Statutum.	458
1347.	ULTRAJECTINI XVII. Concilii Epistola V. Synodica.	351
1348.	COLONIENSE LIII. Autumnale Concil. sub Walramo Archiepisc.	460
1348.	TRAJECTINI XVIII. Concilii sub Joanne Arckelio Epistola VI. Synodica.	
1349.	TREVERENSE XXXV. Concilium. Statuta VI.	353
1349.	AVENIONE Clementis VI. PP. Epistola ad Moguntinum Archiep. Contra Flagellatores hæreticos.	332
1350.	NAUMBURGENSE I. Concilium sub Joanne episcopo.	354
1350.	MOGUNTINO Archiepiscopo Gerlaco scriptæ Literæ a Carolo IV. Imp. de Cleri moribus in Synodo corrigendis.	356
1350.	BREMENSIS II. Synodus sub Godefrido Archiepisc. de œconomis Ecclesiarum.	358
1351.	COLONIENSE LIV. Concilium Vernum sub Wilhelmo Archiep.	359
1351.	TRAJECTENSE XIX. Concilium sub Joanne de Arckel Epistola Synodica VIIma.	465
1351.	TRAJECTINUM XX. Synodica octava, nona.	360
1352.	COLONIENSE LV. Vernum, LVI. Autumnale Concilium sub Wilhelmo Archiepisc.	362
1353.	COLONIÆ LVII. LVIII. Concilium Vernum & Autumnale sub Wilhelmo Archiep.	470
1353.	TRAJECTENSIS XXI. Concilii sub Joanne Arckelio episc. Epistola IX. X. XI. XII. XIII. XIV.	471
1354.	COLONIENSE LIX. Concil. Vernum sub Wilhelmo Archiep. Statuta IV.	363
		475

Annus Christi

Tom. IV. Pag.

1354.	MOGUNTINI LVIII. Concilii sub Gerlaco archiep. declarante Statuta Conciliorum sub Petro Moguntino archiep. antecessore.	367
1354.	EICHSTETTENSIS I. Synodus sub Bertholdo episc. Ejusdem Bertholdi Statutum de fêsto Insigniorum Christi.	269 377
1355.	ULTRAJECTINUM XXII. Concilium sub Joanne Episc. Statuta II. Ejusdem Epistola Synodalis XVI. de immunitate ecclesiastica.	378 379
1355.	PRAGENSE I. Provinciæ Concilium sub Ernesto Archiep. Capp. LXVIII.	381
	II. Statutum Synodale constans IX. Canonibus.	405
1356.	SPIRENSE III. Concilium sub Gerardo episc. damnatur Bertholdus hæreticus Beguardus.	407
1356.	LUBECENSE III. Concilium sub Bertramo episc. contra luxum vestitum, & IV. Comparernitates Ecclesiasticorum, eodem anno.	
1356.	COLONIENSE LX. Vernum Concilium sub Wilhelmo archiep.	480
1357.	COLONIENSE LXI. Vernum, LXII. Autumnale Concilium sub Wilhelmo Archiep. Statuta XIV.	482
1358.	CAMINENSIS I. Concilii mentio.	408
1358.	SPIRENSIS IV. Concilii mentio.	482
1360.	COLONIENSE LXIII. Autumnale Concilium sub Wilhelmo archiep. Bulla Innocentii VI. promulgata.	490
1362.	COLONIENSE LXIV. Concil. Autumnale sub Wilhelmo archiep.	494
1362.	MAGDEBURGENSE XVI. Concilium sub Theodorico Archiep.	408 661
1364.	AICHSTETTENSE II. Concilium sub Bertholdo episc. Capitula LI.	408
1370.	COLONIÆ LXV. Concilium Autumnale.	496
1370.	MAGDEBURGI XVII. Concil. sub Alberto archiep. Capitula xxxiv.	411
1370.	FRANCOFORDIÆ XIV. Concilium.	496
1370.	MONASTERIENSE VIII. Concilium sub Florentio episc. Statutum alterum & tertium.	511 512
1371.	COLONIÆ LXVI. Concilium sub Friderico III. archiepisc. Capitula XX.	498
1372.	COLONIÆ LXVII. Concilium sub Friderico III. archiepisc. Capitula XI.	508
1373.	ROMÆ Urbani IV. PP. Epistola ad Archi-Episcopum Coloniensem: contra Antipapam Clementem nuntiatoria damnatoria.	513
1373.	HERBIPOLENSE XV. Concilium sub Alberto episc. Statuta III.	515
1375.	COLONIENSE LXVIII. Concilium sub Friderico archiep.	516
1377.	AUGUSTANI II. Concilii mentio.	522
1380.	BRANDENBURGENSIS I. Concilii mentio.	522
1380.	SALTZBURGI XXII. Concilium Provinciale sub Pilgrino archiep.	524
1380.	AQUISGRANI XXX. Conventus Imperatoris & Principum, acceptantium Urbanum VI. PP.	
1380.	OLOMUCENSIS III. Concilii sub Joanne episc. Epistola Synodica.	523
1381.	PRAGÆ III. Concilium Provinciale sub Joanne archiep. Statuta VII.	524
1383.	CAMERACI XVI. Concilium.	527
1384.	WORMATIÆ XXV. Synodus sub Eccardo episc.	529
1384.	PRAGENSIS IV. Concilii ad h. a. mentio.	528

<i>Annus Christi</i>		<i>Tom. IV. Pag.</i>
1386.	SALISBURGI XXIII. Concilium sub Pilgrino Archiep. Statuta xvii.	530
1387.	MOGUNTINI LIX. Concilii mentio sub Conrado II. Archiep.	534
1390.	COLONIÆ LXIX. Concilium. Visitatio Ecclesiæ, & subjuncta Decreta Synodalia xvii.	535
1392.	PRAGENSIS V. Synodus sub Archi-Episcopo.	540
1392.	ULTRAJECTINA XXI. Synodus sub Florentio Episcopo; de Pseudo-Episcopis.	537
1393.	MONASTERIENSE IX. Concilium sub Ottone Episc.	541
1393.	MONASTERII X. eodem anno ibid.	543
1396.	HALBERSTADENSIS X. Synodi mentio.	656
1398.	MONASTERIENSE XI. Concilium sub Ottone Episc.	544
1400.	COLONIENSE LXX. Concilium. Capitula XXXV.	548

DIGRESSIO ad SÆCULUM XIV.

§. I.	De Canonistis Germanis hujus Sæculi.	618
§. II.	De Fraticellis & erroribus circa paupertatem Christi & S. Francisci Regule.	621
§. III.	De Beguinis & Beguardis, utrorumque origine differentia hæresi, vel innocentia Bullæ Clementis V.	623
§. IV.	De Pseudo-Episcopis Livonia.	626
§. V.	De secta Flagellatorum. BULLA CLEMENTIS VI. contra eosdem.	626
§. VI.	De hæresi Lollardorum.	630
§. VII.	De erroribus Echardi. BULLA JOANNIS XXII. contra eundem.	631
§. VIII.	De festo die instituto Lanceæ & Clavorum Christi.	633
§. IX.	De duabus Bullis Clementis PP. revocandis.	634
§. X.	De duplici Gladio a magnis Canonistis ante Bonifacium VIII. adhibito.	635
§. XI.	Wenceslaum quindecennem non fuisse electum Regem Romanorum conditionibus a Papa præscriptis, ostendit Cl. Pagi contra Illum Spondanum.	635

FINIS TOMI IV. CONCILIORUM GERMANIÆ
S. D. H. & G.



INDEX ALPHABETICUS CONCILIORUM GERMANIÆ SÆCULI XIV.

*Quo ad Sæculum XIII. XII. X. prætermiſſa, referenda ſint,
annus adſcriptus docebit.*



A.

- Altheimenſe I.
Concilium A. CMXVI. pag. 564
Argentinenſe III. An. MCCC. p. 36
Argentinenſe IV. MCCCXI. p. 243
Aſchaffenburgenſe II. MCCCXII. p. 7
Aſchaffenburg. III. MCCCXXVIII. p. 699
*Avenione Epiſtola Syno-
dica* - MCCCXLIX. p. 355
Avenione Epiſt. Synod. MCCCXLIX. p. 354
Auguſtanum VII. C. CMLII. p. 564
Auguſtanum VIII. MCCCXXVII. p. 522

B.

- Brandenburgenſe I. C. MCCCXXC. p. 522
Bremenſe I. Concil. MCCLXVI. p. 579
Bremenſe II. - MCCCXII. p. 583
Bremenſe III. - MCCCXXVIII. p. 304
Bremenſe IV. - MCCL. p. 359

C.

- Cameracenſe III. IV.
V. VI. VII. Conc. MCCC. p. 66
Cameracenſe VIII. MCCC. p. 88
Cameracenſe IX. - MCCCIII. p. 89
Cameracenſe X. - MCCCXI. p. 240
Cameracenſe XI. MCCCXIII. p. 236
Cameracenſe XII. MCCCXV. p. 248
Cameracenſe XIII. MCCCXVI. p. 251
Cameracenſe XIV. MCCCXVII. p. 261
Cameracenſe XV. MCCCXXIV. p. 286
Cameracenſe XVI. MCCCCLXXXIII. 527

Index Alphab. Conc. Germ. Tom. IV.

- Caminenſe I. - MCCCCLVIII. p. 408
Colonienſe XXXIV. MCCC. p. 37
Colonienſe XXXV. MCCCVI. p. 99
Colonienſe XXXVI. MCCCVII. p. 106
Colonienſe XXXVII. MCCCX. p. 117
Colonienſe XXXVIII. MCCCXXI. p. 247
Colonienſe IXL. - MCCCXXII. p. 282
Colonienſe XL. - MCCCXXIV. p. 289
Colonienſe XLI. - MCCCXXVII. p. 293
Colonienſe XLII. - MCCCXXVIII. p. 296
Colonienſe XLIII. - MCCCXXX. p. 305
Colonienſe XLIV. - MCCCXXXIII. p. 429
Colonienſe XLV. XLVI. MCCCXXXV. p. 433
Colonienſe XLVII.
XLVIII. - MCCCXXXVI. p. 439
Colonienſe XLIX. MCCCXXXVIII. 447
Colonienſe L. - MCCCXLI. p. 454
Colonienſe LI. - MCCCXLV. p. 457
Colonienſe LII. - MCCCXLVI. p. 458
Colonienſe LIII. - MCCCXLVIII. p. 460
Colonienſe LIV. - MCCCCLI. p. 465
Colonienſe LV. LVI. MCCCCLII. p. 470
Colonienſe LVII.
LVIII. - MCCCCLIII. p. 471
Colonienſe LIX. Conc. MCCCCLIV. pag. 475
Colonienſe LX. - MCCCCLVI. p. 480
Colonienſe LXI. LXII. MCCCCLVII. p. 482
Colonienſe LXIII. - MCCCCLX. p. 490
Colonienſe LXIV. - MCCCCLXII. p. 494
Colonienſe LXV. - MCCCCLXX. p. 496
Colonienſe LXVI. - MCCCCLXXI. p. 498
Colonienſe LXVII. MCCCCLXXII. p. 508

F

Colo-

- Colonienſe LXVII. MCCCCLXXV. p. 516
 Colonienſe LXIX. - MCCCXC. p. 535
 Colonienſe LXX. - MCCCC. - p. 548
 Confluentiæ v. Con-
 ventus - - MCCCL. - p. 358
 Conſtantiæ XIII. Conc. MCCCXXVII. p. 291

E.

- Erphordiæ VI. Conc. MCXXI. p. 613
 Eichſtettenſe I. - MCCCLIV. p. 319
 Eichſtettenſe II. - MCCCLXIV. p. 408

F.

- Francofordiæ XII. MCCCXIII. p. 586
 Francofurti XIII. Con-
 ventus - - MCCCXXXVIII. 331
 Francofurti XIV. Conv. MCCCCLXX. p. 496

H.

- Hallæ Magdeburg. I.
 Concil. - MCCCXX. pag. 274
 Halberſtadienſe V. MCXX. p. 565
 Halberſtadienſe VI. MCXXI. p. 566
 Halberſtadienſe VII. MCXLI. p. 570
 Halberſtadienſe VIII. MCCXCVI. p. 636
 Halberſtadienſe IX. MCCCXXXVIII. p. 601
 Hamburgeniſe I. - MCCC LX. p. 573
 Herbipolenſe XI. - MCCLXXXVII. p. 583
 Herbipolenſe XII. MCCIIIC. p. 240
 Herbipolenſe XIII. MCCCXIV. p. 246
 Herbipolenſe XIV. MCCCCLXXXIII. p. 515
 Herbipolenſe XV. MCCCCLXXXIV. 529

L.

- Lateranenſe III. Geneva-
 le Concil. anno MCLXXIX. p. 574
 Leodiienſe XVIII. - MCCCXX. p. 226
 Lubecenſe I. - MCCCXIX. p. 269
 Lubecenſe II. - MCCCXLII. p. 335

M.

- Magdeburgeniſe XI. MCVII. p. 661
 Magdeburgeniſe XII. MCCCXIII. p. 244
 Magdeburgeniſe XIII. MCCCXX. p. 274
 Magdeburgi XIV. MCCCXXII. 280
 Magdeburgi XV. MCCCXLIV. 345
 Magdeburgi XVI. MCCCCLXII. {
 498
 661

- Magdeburgi XVII. MCCCCLXX. p. 411
 Moguntinum XLI. MLXXIV. p. 610
 Moguntinum XLII. MXXCV. p. 611
 Moguntinum XLIII. MXC. p. 608
 Moguntinum XLIV. MCXXXVII. p. 660
 Mogunt. anno MCCCXXXVIII. 616
 Moguntin. in Nort-
 hufen XLV. MCCXL. p. 615
 Mogunt. XLVI. MCCLIX. p. 576
 Mogunt. XLVII. MCCLXI. p. 617
 Mogunt. XLVIII. MCCXCIV. p. 586
 Mogunt. XLIX. MCCXCVI. p. 587
 Mogunt. L. - MCCC. p. 95
 Mogunt. LI. - MCCCX. p. 124
 Mogunt. LII. - MCCCXVI. p. 259
 Mogunt. LIII. - MCCCXVII. p. 601
 Mogunt. LIV. - MCCCXIX. p. 665
 Mogunt. LV. - MCCCXXII. p. 655
 Mogunt. LVI. - MCCCXXXVII. 601

- Moguntia LVII. Con-
 vent. anno - MCCCXXXVIII. 321
 Mogunt. LVIII. - MCCCLIV. p. 369
 Mogunt. LIX. - MCCCLXXXVII. 554
 Mindenſe I. Conc. A. MCCCXX. p. 657
 Mindenſe II. - MCCLXXIX. 659
 Mindenſe III. - MCCXC. p. 590
 Mindenſe IV. - MCCIIIC. p. 659
 Mindenſe V. - MCCCII. p. 591
 Mindenſe VI. - MCCCVIII. p. 591
 Mindenſe VII. - MCCCXI. p. 593
 Mindenſe VIII. - MCCCXVII. p. 596
 Mindenſe IX. - MCCCXIII. p. 594
 Monaſterienſe IV. C. MCCC. p. 43
 Monaſterienſe V. MCCCVI. p. 98
 Monaſter. VI. - MCCCX. p. 174
 Monaſter. VII. - MCCCXV. p. 251
 Monaſter. VIII. - MCCCCLXX. p. 511
 Monaſter. IX. - MCCCXCIII. 541
 Monaſter. X. - MCCCXCIII. 543
 Monaſter. XI. - MCCCXCVIII. 544
 Monaſter. XII. - MCCCCXIII. 548

N.

- Naumburgeniſe I. MCCCL. p. 556
 No.

Norimbergæ IV. Con-
ventus - MCCCXXXIII. 298

O.

Olomucense I. Conc. MCCCXIX. p. 269
Olomucense II. - MCCCXLII. p. 336
Olomucense III. - MCCCXXC. p. 523

P.

Patavienſe VII. Conc. MCCLXXV. p. 582
Patavii ad S. Hippo-
lytum VIII. - MCCXCIII. p. 19
Patavii ad S. Hippo-
lytum IX. - MCCXCIV. p. 20
Paterbornenſe XIII. MCCCXXIV. 282
Paterbornenſe XIV. MCCCXXXI. 313
Pomeſanenſe in Ruf-
ſia I. - MCCCXXII. p. 599
Pragenſis Metropoleos
erectio. anno MCCCXLII. p. 341
Ampliatio declaratio. MCCCXLIV. 347
Pragenſe I. Concil. MCCCLV. p. 381
Pragenſe II. - MCCCLV. p. 405
Pragenſe III. - MCCCXXCI. 524
Pragenſe IV. - MCCCXXCII. 540
Pragenſe V. - MCCCXXCIV. 528

R.

Rigenſe I. Concil. MCCXIV. p. 575
Rigenſe II. - MCCXXIV. p. 575
Riſeburgenſe I. - MCCCXXII. p. 599
Rhenſe I. Convent. MCCCXXXVIII. 328
Rhenſe II. Conv. - MCCCXXVIII. 329
Roman. Synodal. Epiſt. MCCCLXXIII. 515

S.

Saltzburgenſe XVI. MCCXCI. p. 1
Saltzburgenſe XVII. MCCXCIV. p. 20
Saltzburgenſe XVIII. MCCXCIV. p. 20
Saltzburgenſe XIX. MCCC. p. 95
Saltzburgenſe XX. MCCCX. p. 166
Saltzburgenſe XXI. MCCCXL. p. 607
Saltzburgenſe XXII. MCCCXXC. 524
Saltzburgenſe XXIII. MCCCXXCVI. 530
Spirenſis IV. Conven-
tus anni - MCCCXXXVIII. 321

Spirenſis V. Conv. MCCCXXXVIII. 323
Spirenſe VI. Concil. MCCCLVI. p. 407

T.

Theodonis Villæ VII.
Conventus A. MCXXXII. p. 568
Trajeetenſe ad Rhe-
num VIII. - MCCXCI. p. 4
Trajeetenſe IX. - MCCXCIII. p. 17
Trajeetenſe X. - MCCXCIV. p. 21
Trajeetenſe XI. - MCCXCVII. p. 23
Trajeetenſe XII. - MCCCX. p. 168
Trajeetenſe XIII. - MCCCXXVIII. p. 267
Trajeetenſe XIV. - MCCCXLIII. p. 342
Trajeetenſe XV. - MCCCXLV. p. 348
Trajeetenſe XVI. - MCCCXLVI. p. 350
Trajeetenſe XVII. - MCCCXLVII. p. 351
Trajeetenſe XVIII. MCCCXLVIII. 353
Trajeetenſe XIX. - MCCCL. p. 360
Trajeetenſe XX. - MCCCL. p. 362
Trajeetenſe XXI. - MCCCLIII. p. 363
Trajeetenſe XXII. MCCCLV. p. 378
Treverenſe XXIX. - MCXXXII. p. 569
Treverenſe XXX. - MCLII. p. 571
Treverenſe XXXI. MCCCX. p. 127
Treverenſe XXXII. MCCCXXXVII. 318
Treverenſe XXXIII. MCCCXXXVII. 603
Treverenſe XXXIV. MCCCXXXVIII. 606
Treverenſe XXXV. MCCCXXXVIII. { 318
606
Treverenſe XXXVI. MCCCXXXIX. p. 332
Treverenſe XXXVII. MCCCXLIV. p. 346
Triburienſe II. Conc. MXXXV. p. 565
Tridentinum I. Conc. MCCCXXXVI. 637

V.

Verdenſe I. Concil. MCCCXXXII. 636
*Viennenſe in Gallia Ge-
nevale Conc.* - MCCCXII. { 225
593
Vratiſlavienſe IV. C. MCCCXV. pag. 97
Vratiſlavienſe V. - MCCCXXI. p. 314
Vratiſlavienſe VI. - MCCCXXXI. p. 316
Wormatiæ XXIV. - MCCCL. p. 661
Wormatiæ XXV. - MCCCXXXI. p. 601
Wormatiæ XXVI. - MCCCLXXXIV. 529

FINIS INDICIS ALPHABETICI TOMI IV.
CONCILIOR. GERMANIE.

FACUL-

FACULTAS REV. P. PROVINCIALIS
CUM PRIVILEGIO CÆSAREO.



Um Vidua JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienſes, typis vul-
gare deſiderent Tomum quartum **CONCILIORUM**
GERMANIÆ, à P. Joſepbo Hartzheim, Societatis
noſtræ Sacerdote, elucubratum; Ego infra ſcriptus,
ejusdem Societatis in Provincia Rheni Inferioris Præpoſitus Provincialis, poteſtate
ad id mihi facta ab Adm. Rev. P. N. LAURENTIO RICCI, Univerſæ So-
cietatis JESU Præpoſito Generali, liſdem ad primam hanc duntaxat prædicti
Tomi editionem facultatem impertio; ſimulque communico Jus Privilegii Cæ-
ſarei, quo Bibliopolis ac Typographis interdicitur, ne quis Librum ullum à
Societatis noſtræ Patribus conſcriptum, citra conſenſum Superiorum recudere,
aut alibi recuſum intra fines S. R. Imperii inferre præſumat. In cujus rei fidem
has iis manu propria ſubſcriptas, ac conſueto officii mei ſigillo munitas dedi.
Coloniz 4. Januarii 1762.



HIERONYMUS DE WYMAR S. J.
mpp.

CON-



CONCILIA GERMANIÆ.

SÆCULI XIII.

TOMO IV. CONTINUATA.

CONCILIUM SALTZBURGENSE

Anno Christi MCCXCI. Nicolai IV. Papæ IV.

Rodulphi I. Regis XIX.

*De Hospitalariorum, Templariorum, & Teutonicorum Ordinibus
conjungendis.*



A NNO Millesimo Ducentesimo Nonagesimo primo civitas Akaron, (a) quam solum habebant Christiani in terra sancta, obsessa est per Soldanem Babylonensem, & per quadraginta dies & noctes sine intermissione impugnata, capta est: & ibidem multa Christianorum millia & capta sunt & occisa: aliqui autem per navigium fugerunt. Et quia multorum erat opinio, quod si fratres domorum

ibidem, scilicet: Hospitalarii, Templarii, & Teutonici, & reliquus populus omnino concordasset, civitas capta non fuisset: mandavit Papa NICOLAUS omnibus Patriarchis, Archi-Episcopis, Episcopis, & aliis Prælatibus, ut Concilia Provincialia celebrarent, & deliberarent, qua ope & consilio eidem terræ posset subveniri. Et per Concilium habitum Saltzburgæ, rescriptum fuit Domino Papæ & consultum, ut prædicti tres Ordines con-

niventur

(a) Accaron, Accon, Ptolemais ultima & invictissima Palæstinæ civitas, invicta, nisi ambitio plurium Dominorum, & horrenda scelera Christianorum puniri meruissent excidio funestissimo Anno 1291: cui uti & terræ sanctæ recuperandæ Pontifices vehementissime, sed frustra insudarunt.

niventur ad unum Ordinem, melioribus eorum observantiis in unum redactis: & quod ad succursum ejusdem terræ sanctæ, Rex Romanorum cum Principibus vocaretur. Qui Nuntii antequam venissent ad Curiam, Papa mortuus est: & sic hoc negotium remansit infectum.

*Eberhardus Monachus Altaichenfis pag. 322. primæ editionis apud Canisium Tom. I. anti-
quar. Lctionum. Ex quo Binius, Hardouinus, & Hansiz Tomo II. German.
sacræ, qui ad annum 1292. Concilium alligat.*

Literas Papæ Nicolai ad Conradum IV. Salisburgensem Episcopum, quas non cancellatas, nec aboliatas, nec aliqua sui parte vitiatas accepisse se testatur, misit hic Archi-Episcopus ad Henricum Ratisbonensem Episcopum: die Purificationis S. Mariæ: *Eberhardus easdem recitat.*

Alteras Literas Pontificis ad universos Christi fideles de amissa Palæstina post Acconem, seu Ptolemaida captam, pro subsidio terræ sanctæ recuperandæ, *Rainaldus* indicat ad annum MCCXCI. N. 29.

SALTZBURGENSIS CONCILII AD APOSTOLICAM SEDEM R E S C R I P T U M,

*De calamitatibus Christianorum capta a Barbaris civitate Acconensi
in terra Palestine.*

LECTÆ luctu plenæ Sanctitatis vestræ Literæ vulnus fecerunt in vulnere, & nova percussio plagam veterem recitavit. Ex eo jam pridem confossum fuit, & faucium cor eorum, qui vivunt in Christi corpore, ejusque spiritu vegetantur, quod locus ille, in quo steterunt pedes ejus, perfidorum pedibus conculcatur, quod terra Nativitate Christi florida, conversatione candida, crucifixione rosea contaminatur ab hostibus crucifixi, & sic iterum JESUS ad illudendum & conspuendum traditus est gentibus, dum illi, recrucifigentes sibi denuo Filium Dei & habentes ostentui, Sacramenta sua blasphemant & sacra nequiter execrantur.

Certe quondam terra repromissionis, quæ lac & mel Patribus emanavit, nobis sæ amaritudinis lato latice non definit propinare, dum Christus à propria sede repellitur, dum Christiana fides quantum in eis est, extinguitur, dumque nostræ redemptionis insignia velut quælibet abjecta materia pro nihilo reputatur, illudque Dominicum *Sepulchrum* jacet prorsus inglorium, quod Deus per os Prophetæ fore dixerat *gloriosum*.

Deducant igitur oculi nostri lacrymas per diem & noctem, & non taceant, quoniam contritione maxima contrita est virgo filia populi mei plaga pessima vehementer. Verum mare nostræ amaritudinis nec in hoc terminum

suum constituit, sed extendit in latius fluctus diluvii exundantis. Nam civitas Acconensis, in qua multitudo Religiosorum collecta Patriam signis nostræ Redemptionis insignem velut de proximo aspiciens, & salutans vicino ejus recreabatur odore: quæque fuit nihilominus urbs fortitudinis iis, qui prælia Domini exercebant, consolationem spei adhuc non modicam ministrabat desolatis solatio terræ sanctæ: expectantibus fidelibus cum desiderio & ardore, si quando, favente Deo, facto generali passagio Christiana militia in ea se colligens, & ex ea gressibus processivis successive progrediens *terram desiderabilem* recuperare cum gloria mereretur. Sed heu! corona spei nostræ corrui, dolor crescit, causa gemitus geminatur, captâ ab hostibus & everâ civitate prædictâ, quemadmodum scripta vestra lamentabiliter expresserunt, sicque arcâ Dei per diluvium quodammodo suffocata columbina fidelium simplicitas non invenit, ubi pes ejus in illo maris littore commode requiescat.

Nunc igitur tanto devotius ad Divinum recurramus auxilium, quanto videmus evidentiis omni nos rei ac spei humanæ commodo destitutos, levantes manus ad cælum, cum Moyse, Jesum dormientem cum Apostolis suscitemus, illos nihilominus, qui acceperunt gladii potestatem, prædicationibus inducentes,

ut cum fortissimis Machabæis pro paternis legibus animas exponere non formident; quia in hoc conflictu amabili nec victor, nec victus mercede frustrabitur. Nam etsi vincens est ex triumpho felici-

or, victus tamen velocius pervenit & citius ad coronam.

Petziius Codicis Diplomat. Part. 2. pag. 164.

Mansi judicat hoc rescriptum a Patribus Concilii Saltzburgenfis editum Tom. III. Supplement. pag. 233.

Hæ sunt Constitutiones Domini Chunradi, Venerabilis Archi-Episcopi Ecclesiæ Saltzburgenfis, in hoc Concilio.

I. De Contractibus Matrimonialibus.

Contractibus matrimoniorum, qui non nunquam contra eorundem honestatem, ac juris prohibitionem, in grave animarum periculum clandestine celebrantur, salubriter occurrere cupientes, prioribus statutis super hoc editis adjicimus, & de consilio sacre Synodi statuentes, irrefragabiliter ordinamus, ut quodcumque sponsalia seu matrimonia contrahuntur, non minus quam sex personæ honestæ ac fide dignæ interfint de vicinia & saltem parochia amborum vel alterius contrahentium, aut loci, in quo contractus agitur; inter quas ad minus tres virilis sexus habeantur. Et in ipso contractu debent pro testibus adhiberi, quæ non sunt de contrahentium familia, vel eidem in una domo cohabitantes, seu domus, in qua fit contractus hujusmodi inquinatæ. Quod si secus fuerit attentatum, contrahentes, operam dantes, si ve scienter præsentiam exhibentes, & sponte in suis domibus hæc fieri patientes, sententiam excommunicationis, quam & his scriptis in eos ferimus, incidunt ipso facto; in quos etiam (a) alias, pro justo nostri motus arbitrio, animadverti poenâ, quæ plus timeatur, volumus & debemus: quam sententiam absolutionis Nobis duximus reservandam. Volumus etiam, ut post contracta quocumque modo sponsalia; vel matrimonia, ipsi contrahentes, vel aliqui de ipsorum mandato speciali, contractum hujusmodi infra mensem, a die ejusdem numerandum, plebano vel plebanis ipsorum contrahentium; seu; si copia ipsorum haberi non poterit, vicariis eorundem, duabus vel tribus personis idoneis præsentibus, debeant publicare. Contra ve-

nientes, sententia excommunicationis, quam in his scriptis pronuntiamus, involvi volumus ipso facto: alias, pro excessus gravitate, per nos acrius puniendos: eorundem absolutione nobis libere reservatâ.

II. De Clericis Officialibus.

Juris vestigiis inhærentes, in hac sacra Synodo denuntiamus publice, & sub pœna clericalis privilegii prohibemus; ne Clerici, Religiosi, vel sæculares, cujuscumque ordinis, vel prælaturæ procuraciones sæculares, sub quibuscumque Principibus, vel aliis laicis assumant, seu ante assumptas retinere præsumant: ne sub nomine pignoris, vel quocumque colore quæsto, sint actores, Procuratores, Conductores, Justitiiarii, Vicecomites, Præpositi, Administratores, Officiales, quocumque vocentur nomine, in civilibus, vel ministris: quia *nemo militans Deo se debet negotiis secularibus implicare.* Si qui vero juris & nostræ prohibitionis transgressores, hæc vel aliquid horum denovo assumpserint, seu ante assumpta non deposuerint statim per omnia & in totum, ipso jure sententiam excommunicationis incurrant: absolutione nobis, si digne poenituerint & satisfecerint, reservatâ. In quâ excommunicatione si per mensem animo persisteant indurato, ipsos ex tunc a beneficiis, dignitatibus, personatibus, & administrationibus Ecclesiasticis quibuscumque, ac omni privilegio clericali exutos & privatos esse volumus ipso facto, nec ad ea vel similia in posterum aliquatenus admittendos: punitionem illorum, qui ante hanc nostram ordinationem (quam extra Salisburgensem, Gaizensem Archi-

(a) *corrigere:* alia.

chi-Diaconatus extendi ad præsens volumus) hujusmodi prohibita illicite gere-
re præsumpserint, nostræ distictionis
judicio reservantes.

III. De Secta vagorum Scholarium.

Licet contra quosdam sub vagorum
Scholarium nomine discurrerent scurri-
les, maledicos, blasphemos, adulationi-
bus importune vacantes, qui se cleri-
cos in vituperium clericalis ordinis pro-
fitentur, nonnulla pio zelo pro salubri-
eorum correctione emanaverint institu-
ta: ex his tamen nullus fructus aut mo-
dicus jam provenit. Publice nudi incede-
runt, in furnis jacent, tabernas, ludos &
meretrices frequentant; peccatis suis
victum sibi emunt, inveterati se-
ctam suam non deserunt: sic ut de
eorum correctione nullus remaneat
locus spei; ideoque prioribus statutis
pro salute animarum suarum, quam qua-
rimus, salvis: adjicimus & denuntiamus
in hac sacra Synodo, sub poena privile-
gii clericalis publice prohibentes, ne

quis sectam *vagorum Scholarium* reproba-
tam assumat, seu in ea permaneat, vel
eam exercere præsumat. Alioquin eos,
qui hujusmodi sectam ante hanc nostram
constitutionem temere assumptam, in-
fra mensem, a tempore promulgationis
eiusdem constitutionis numerandum, pe-
nitent non dimiserit, & illos, qui nunc
assumere præsumpserint; ipso facto sta-
tim omni privilegio clericali exui præci-
pimus & nudari: volentes, ut quando-
cumque a Monasteriis, Ecclesiis vel Cle-
ricis, cujuscumque rei importuni aut
violenti fuerint exactores, ipsis eosdem
liceat nostra auctoritate capere, invoca-
to ad hoc, si opus fuerit, brachio sæcu-
lari. Et eos captos nobis vel Archidia-
conis nostris assignari volumus, nostro
carceri, ut nobis videbitur, includen-
dos; ut sic reatus omne excludat privi-
legium in his, quos vilitas vitæ eo nec
frui patitur, nec gaudere.

Hæc ex Gretsero Binius & Hansæ Tom.

III. German. Sacra pag. 432.

*Dupinius ait, hæc tria Decreta, quæ sine data in MS. extant, referri ad hoc Concilium
Saltzburgenfè. Bibliotheca novæ Auctorum Ecclesiasticorum Tomo X. pag. 197.*

Aliud in eodem Concilio publicatum, nempe: Sententia devotionis in Meinhardum
Comitem Teriolenfem, Carinthiæ Ducem, propterea, quod castra Episcopis Tri-
dentino & Brixinenfi erepta, non restituerit. *Hansæ Loco citato.*

Nicolaus Pontifex protervum Principem Maynardum, Tyrolis Comitem, literis de-
hortatur, ut ne diripiat Christi crucifixi opes, ut erepta Brixinenfi Ecclesiæ bona
restituatur, ejusque culpæ sociam, Comitem Goritiæ, arguit: rogatque Regem Ro-
manorum Rudolphum, atque Albertum Austriæ Ducem, ut reddi ablata impellent.
Literas recitat. *Raynaldus Annal. Ecclesiast. ad annum 1291. §. 66. pag. 451.*

CONCILIIUM ULTRAJECTINUM

STATUTA X.

Anno Christi MCCXCI. Nicolai IV. Papæ IV.

Rodulphi I. Imp. ultimus.

*Epistola I. Canonica sub Johanne de Zyrich,
Episcopo Trajectensi.*

JOHANNES, DEI ET APOSTOLICÆ SEDIS GRATIA EPISCOPUS
TRAJECTENSIS, UNIVERSIS ET SINGULIS TAM CLERICIS QUAM LAICIS NOSTRÆ
CIVITATIS ET DIOCESES SALUTEM IN DOMINO, ET MANDATA NOSTRA
SALUBRITER OBSERVARE.

Cum sicut fama referente dicimus enormes & intolerabiles, quod dolen-
ter referimus, in nostra civitate & Dice-
cessi

cesi tam a Clericis, quam a laicis perpetrati sint frequenter, & adhuc perpetrentur sæpius; Nos ex nostro officio pastoralis aliquibus eorum aliquali remedio volentes obviare, ne impunitatem eorum delictorum homines consuetudini potius, quam emendationi valeant impunitare.

I. *In primo (a)* excommunicamus omnes & singulos Clericos & laicos, cuiuscunque conditionis existant, aut status nostræ Civitatis & Diocesis, jurisdictionem Ecclesiasticam de cetero impediunt seu perturbantes qualitercumque, seu litteras rumpendo, aut rapiendo, seu nuncios & portatores earum deludendo, capiendo, detinendo, seu damna, injurias, molestiasque eis inferendo, vel quoquo modo alio dictam jurisdictionem Ecclesiasticam perturbando.

II. Item excommunicamus omnes & singulos fautores & complices *(b)* eorum, nec non dantes auxilium, & consilium, qualecumque, qualitercumque, publice vel occulte, ut jurisdictio Ecclesiastica perturbetur, impediatur, seu etiam molesteretur.

III. Præcipimus etiam omnibus, & singulis, & Presbyteris Ecclesiarum, ut quodcumque aliquis casus prædictorum emerferit, cessetur a Divinis in loco, in quo tale impedimentum, seu perturbatio, seu molestia facta fuerit: etiam ubi dictos malefactores moram facere contigerit, & in prædictis locis & aliis vicinis Ecclesiasticis a Rectoribus & Presbyteris earundem, eidem malefactores tamdiu excommunicati denuncientur publice, quousque Deo & Nobis, ac passis injuriam condignam emendam præstiterint, & ab hujusmodi sententia, sive sententiis, a nobis beneficium absolutionis meruerint obtinere.

IV. Item excommunicamus *(c)* auctoritate Apostolica nobis in hac parte commissa, atque nostrâ, manifestos occupatores bonorum ad nos, & Ecclesiam nostram Trajectensem, Canonicos, Cappellanos, ac Clericos, ipsius Ecclesiæ communiter vel divisim spectantium, & notorios malefactores nostros & excom-

municatos publice nunciari volumus, & mandamus singulis diebus Dominicis & Festivis, nisi infra mensem a die notificationis hujusmodi nostri processus eis factæ, bona occupata hujusmodi restituant, & damno illato satisfecerint competenter. Præcipimusque in virtute sanctæ obedientiæ, & sub pœna excommunicationis Decanis ruralibus, & Provisoribus omnibus & singulis, ut nomina dictorum occupatorum; aut injuriam nostrorum detentorum manifestorum, quos præciverint, & quando sciunt, infra unius spatium mensis a die scientiæ eorum, nobis indicent personaliter per litteras, aut per nuncios, aut revelent.

V. Item excommunicamus & excommunicatos denunciamus, & denunciari volumus & mandamus, tam auctoritate nostra, quam etiam virtute constitutionis felicis recordationis Domini Petri, *Sancti Georgii ad velum aureum quondam Diaconi* Cardinalis, tum temporis in partibus inferioris Germaniæ Legati omnes & singulos Presbyteros & *(d)* Clericos nostræ Civitatis & Diocesis cohabitatores, & concubinos manifestos, quousque destiterint, & de hujusmodi sententiis beneficia absolutionum meruerint obtinere. Item cum propter continuationes delictorum necessum sit augeri pœnas in exemplum, districte præcipimus & mandamus omnes excommunicatos ab homine vel a Canone, suspensos, aut irregulares ex quacunque causa effectos, de quibus talia publica sunt & notoria, a cunctis fidelibus Christi vitari. Et si laici per plebanos & Presbyteros eorum in ipsorum Ecclesiis, & si Presbyteri aut Clerici extiterint per Decanos, qui eis præsunt in eorum capitulis tales quales fuerint publice nunciari, alias contra eos temporaliter gravius processuri, pro ut eorum pertinacitas exigerit, aut juris ratio suadebit, quousque super prædictis absolutiones & dispensationes meruerint obtinere.

VI. Item *(e)* præcipimus in virtute sanctæ obedientiæ omnibus & singulis Decanis & Presbyteris Ecclesiarum Parochialium, & sub pœna suspensionis ab officio, quam in eos, & singulos eorum ferimus in his scriptis, nisi fecerint, quod

A 3

man-

(a) Excommunicantur jurisdictionis Ecclesiæ perturbatores.

(b) ac eorum complices.

(c) Occupantes bona Ecclesiæ.

(d) Clerici tenentes Concubinas.

(e) Varia præcepta Decanis & Provisoribus lata,

mandamus, quibus nomina beneficiorum, quæcumque vacant, aut vacabunt per nostram Diœcesim infra tempus, nec non & nomina beneficiorum Ecclesiasticorum, quæ tanto tempore in nostra Diœcesi vacaverint, quod eorum collatio ad Nos seu ad sedem Apostolicam, juxta *Lateranensis statuta Concilii* devoluta est, nobis seu Procuratoribus nostris, ad hoc deputatis seu etiam deputandis, aut Nobis infra unius mensis spatium a tempore scientiæ eorundem personaliter, per litteras aut per nuncios studeant intimare.

VII. *Item* præcipimus in virtute sanctæ obedientiæ, quod nullus Plebanos, Pastores, & curatos Vicarios, quocumque nomine censeantur, ad Ecclesias aliquas nostræ Civitatis & Diœcesis institutos, destituat motu propriæ voluntatis sine justa & rationabili causa; cum non expediat Ecclesiis & Parochianis eorum Curatos seu Vicarios temporales habere.

VIII. *Item* præcipimus & mandamus Decanis ruralibus & Provisoribus, quocumque nomine nostræ Civitatis, in virtute sanctæ obedientiæ, & sub pœna suspensionis ab officio, quam in eos & quemlibet eorum ferimus in his scriptis, nisi fecerint quod mandamus, ut quilibet eorum singulas Abbatis, Prioratus, Cœnobii, Ecclesias collegiatis, Conventuales & Parochiales, in Capellas seu Decanatus nobis in scriptis nominatim, vel infra unius mensis spatium, & eorum nomina, & numerum integraliter nobis remittat.

IX. *Item* inhibemus omnibus & singulis Decanis ruralibus, Provisoribus nostræ Diœcesis, sub pœna suspensionis ab officio, quam in eos & quemlibet eorum ferimus in his scriptis, si contra præsentem inhibitionem venerint quoquo mo-

do, quatenus nullus eorum intromittat de *decimis*, aut quibusl. ad nostram jurisdictionem & cognitionem spectantibus, sine nostra licentia speciali: quod si fecerint, suspensionis sententiam ipso facto incurrant, & processus eorum nullius penitus sit momenti.

X. Revocamus etiam quascumque commissiones, ab officio nostro curiæ Trajectensis, seu quibuscumque aliis in prædictis factas hucusque, cassantes, irritantes, & irritos nunciantes omnes, & singulos processus de cætero habendos, a quibuscumque virtute commissionum hujusmodi in prædictis, ut præmissum est, concessarum. (f) Præsentem autem processum nostrum hic & in vestra præsentia tam patenter publicatum, & lectum per omnes & singulos Decanos, & Provissores nostræ Civitatis, & Diœcesis in singulis eorum capitulis, convocatis ad hoc specialiter Confratribus Presbyteris eorundem, publicari volumus, ac ipsius copias processus omnes Rectores, & Presbyteros, & Vicarios nostræ Civitatis, & Diœcesis recipere præcipimus & mandamus, ut ipsum processum in eorum Ecclesiis diebus Dominicis & Festivis solemniter; coram omni populo prædicent & diligenter exponant. Et ut nullus imposterum ipsius processus ignorantiam prætendat, cum non sit verisimile remanere incognitum, quod tam solemniter, & tam publice omnibus propalatur. Ad certitudinem præsentis, munimen huic modo processui, sigillum nostrum duximus apponendum. *Actum & datum Trajecti, anno Domini MCCXCI. feria sexta, post festum Beatæ Agnetis Martyris & Virginis.*

Batavia sacra Heusdenii pag. 166. & seqq.

(f) Per Jurisdictionis fines publicanda.



CONCILIIUM ASCHAFFENBURGENSE

PROVINCIALE

Anno Christi MCCXCII. Nicolai IV. Papæ ultimo.
Adolphi Regis I.

IN NOMINE DOMINI. AMEN.

GERHARDUS, (a) DEI GRATIA, SANCTÆ MOGUNTINÆ SEDIS
ARCHI EPISCOPUS, SACRI IMPERII PER GERMANIAM ARCHI-CANCELLARIUS;
UNIVERSIS CHRISTI-FIDELIBUS PER MOGUNTINAM CIVITATEM, DICE-
CESIM, ET PROVINCIAM CONSTITUTIS, SINCERAM IN
DOMINO CARITATEM.

Noverit vestra Caritas, quod anno Domini MCCXCII. XVII. Kal. Octobr. in Concilio Aschafenburgenſi celebrato, de venerabilium Fratrum nostrorum, S. Moguntinæ ecclesiæ Suffraganeorum, (b) nec non de Prælatorum nostrorum consilio & assensu, universa statuta a nostris Prædecessoribus edita declaravimus & præsentibus, declaramus per totam nostram Provinciam fore tanquam provincialia ab omnibus observanda, quibus subscripta duximus annectenda statuta.

I. In primis igitur statuimus, ut si aliquis Clericus vel laicus utriusque sexus cujuscunque dignitatis, Religionis, vel status existat, ausus sit præsumptione dampnabili publice prædicare, occulte docere, credere & tenere quod Sacerdos in mortali peccato existens non possit conficere Corpus Christi, seu sic ligatus, ligare vel absolvere suos subditos a peccatis, pro hæretico & incredulo habeatur, quem errorem hujus sacri approbatione Concilii dampnamus, anathematizamus & penitus reprobamus, cum sacra Scripturæ dicat autoritas quod sive bonus sive malus sit minister, per utrumque Deus effectum gratiæ confert: non enim quia sancta sunt, coinquinari possunt, nec ipsa Sacramenta potest hominum malitia profanare: unde quomodocumque Sacerdos pol-

lutus existat, divina non potest polluere Sacramenta, quæ purgatoria cunctarum existunt: licite ergo a quocumque Sacerdote ab Ecclesia tolerato, divina mysteria audiantur & alia recipiantur Ecclesiastica Sacramenta.

II. De Sacerdotibus & Campanariis.

Item quod Sacerdotes & Campanarii, qui Sacerdotibus ad Altare circa Baptismum, deportationem Olei Sacri, & Corporis Domini ad infirmos existunt, & juxta quod eorum officium requirit, ministrant, super vestimenta sua suppelliciis Sacerdotes, & Campanarii camisiis albis utantur, districte præcipimus observari, quas quidem camisas campanariorum, & suppellicia Sacerdotum populus cujuslibet Parochiæ, quando & quoties necesse fuerit, dent de eleemosynis, quæ in Parochiis haberi possunt; alioquin de suis propriis sumptibus comparabit, auctoritate totius Concilii statuentes, ut Sacerdos, qui post publicationem hujus statuti suppellicium pro se & camisiam pro suo Campanario non habuerint; infra duos menses post eandem publicationem proxime subsequentes, tamdiu cesset ab officiis divinatorum, donec defectus hujus suppleatur, & dampnum quod ex tali cessatione in oblationibus Sacerdotem contigerit sustinere,

(a) Gerardus de Epstein, secundus hoc nomine, Canonicus Moguntinus, anno 1288. fuit præcompetitore Romæ à Nicolao IV. unctus & consecratus Archi-Episcopus Moguntinus. Obiit 1304. 25. Februarii.

(b) Eystertensis, Bambergensis, Herbipolensis, Hildesheimensis, Augustanus, Wormatiensis, Spirensis enumerantur a Tritheimio in Chronico Hirsaugiensi ad h. annum, & a Serario rerum Moguntia Lib. V. pag. 848.

Schateni acerbiorum censuram in mores Gerardi II. Tom. II. Annal. Paderborn. pag. 201. improbat Schannatus & Serarius Loc. cit. bellorum necessitatem excusat.

stinere, per populum suæ Parochiæ refundatur eidem: Verum, quia plerumque, & maxime in Parochiis ruralibus hoc contingit, ut propter Clericorum defectum Sacerdotes solos oporteat celebrare, contra Canonicas Sanctiones inhibentes, ne Presbyter sine ministri suffragio Divina Officia, & maxime Missarum sollempnia præsumat celebrare, inhærentes Concilio *Toletano*, ubi dicitur: *Va soli, quia non habet, cam ceciderit, sublevantem*; provida deliberatione Sacri Concilii decernimus, statuendo, ut omnes Sacerdotes in villis extra oppida celebrantes loco campanariorum illiteratorum, personas de cætero habeant fide dignas, legere & cantare scientes, quæ quidem personæ de ornatu Parochiæ fideliter conservando sufficienti præstita cautione universos redditus percipiant, campanariis laicis hæstus deputatos, nec ab illis officiis sine Archidiaconi consensu valeant amoveri, alioquin contrarium facientes per Dioecesanum vel locorum Archidiaconos ad idem faciendum compelli poterunt Ecclesiasticam per Censuram.

III. De portatione Corporis Domini.

Et licet omnes Christi fideles in deportatione Eucharistiæ ad Infirrum sequi conveniat reverenter, præcipue tamen Sacerdotes, dum ipsum Dominicum Corpus in manibus suis gestant, procedere condecet humiliter & devote. Obinde præcipimus statuendo, ut nullus de cætero Sacerdos in deportatione hujus maximi ac saluberrimi Sacramenti, quantumcumque aura mala, via lubrica, vel lutosa existat in calopedibus ire præsumat: Verum, quod aliqui Sacerdotes ex simplicitate, sive juris ignorantia, quidam ex avaritiæ vitio, qui (a) fere omnium oculos excæcavit, dum Eucharistiæ, oleum Infirmorum, & Baptisma parvulorum, sepulturam & alia Sacramenta Ecclesiastica suis subditis amministrant, præteritum extorquent ab ipsis, pro sui erroris & reatus defensione longam illius loci consuetudinem prætendentes, nec advertentes, quod diuturnitas temporis peccatum non diminuit, sed augmentat: Nos inhærentes Concilio *Turonensi*, quod hujusmodi consuetudinem maxime detestatur, ne pro his aut aliquibus Sacramentis Ecclesiasticis

conferendis aliqua de cætero munia quantumcumque modica per Sacerdotes vel Prælatos a suis subditis tanquam debitum exigantur, sub pena excommunicationis sententiæ jam latæ, de approbatione hujus sacri Concilii distictissime prohibemus, nisi hujusmodi munia sponte & caritative a Christi fidelibus offerantur; Archidiaconi & eorum Officialibus sub eadem pœna firmiter injungentes, ut in singulis Synodis, sive Capitulis, quibus solent Clerici convenire, de hujusmodi vicio inquisitionem faciant specialem, & quos in eodem, per probationes legitimas invenerint laborare; si Vicarii fuerint, ipsos sine omni spe restitutionis a suis Archidiaconatibus amovere, Pastores vero ab officiis & beneficiis tamdiu suspendere non omittant, donec super hujusmodi symoniaca pravitate cum ipsis fuerit per suos Episcopos dispensatum: prædicta vero Pastoris suspensione durante, Archidiaconi de redditibus Beneficiorum nihil percipiant eorundem, sed Sacerdotes idoneos in Ecclesiis constituent taliter suspensionum eorum percipiant, & in suos usus convertant universos redditus Ecclesiasticos ipsis Pastoribus competentes. Dignum enim est, ut qui altari servit, vivere debeat de altari, & illi proventus Ecclesiastici merito subtrahuntur, cui Ecclesiæ communio denegatur.

IV. De Monachis & Monialibus.

Præterea etiam contra Monachos & Moniales de suis claustris propter aliquos enormes excessus, aut animi levitatem temere fugientes, & in sæculo sæculariter per aliquot temporis spatium conversantes, ac tandem pœnitentia ducti ad claustra, de quibus profugere præsumpserint, humiliter redire volentes, certæ & variæ pœnæ, juxta qualitatem & quantitatem excedentium a sanctis Presbyteris sint statutæ, quidam tamen Abbates, & quædam Abbatissæ, ac cæteri Magistratus pœnis in sacris Canonibus, sive in sui Ordinis Regula contra hujusmodi profugas personas expressis non existentes contenti, graviores & quasi importabiles pœnas ipsis in sui reversione imponere non verentur, vel quod deterius est, easdem personas quantumcumque humiliter supplicantes

vel

(a) corrige: quæ, vel quod.

vel postulantes ad sua claustra, de quibus taliter exiverunt, admittere inhumane contradiunt: cum igitur juxta Sacrorum Canonum diversas auctoritates pœnæ non ampliandæ; sed potius sint laxandæ, & longe securius sit de misericordia, quam de crudelitate reddere rationem; cum etiam Dominus per os Prophetæ pollicitus sit, sic dicens: *Peccator, in quacunque hora conversus fuerit & ingemuerit, omnium iniquitatum suarum amplius minime recordatur.* Nos adjicientes, quod ubi Pater familias largus dispensator existit, non decet famulum esse tenacem; ut peccandi materia & occasio personis talibus præcludatur, provida deliberatione hujus sacri Concilii decrevimus statuendum, & sub pœna suspensionis universis Abbatibus, Abbatissis, & cæteris Monasticis Magistralibus cujuscunque ordinis ac conditionis existant, ac quocunque nomine appellentur, injungimus firmiter & districte, ut suis fratribus & fororibus in apostasiæ labem ex quacunque causa prolapsis, desiderantibus & petentibus cum humilitate ac devotione regressum, sinum misericordiæ, quem alma Mater Ecclesia claudere nulli pœnitenti consuevit, more pii Patris familias, qui filium prodigum, & postmodum pœnitentem, paternè recepit, liberaliter studeant aperire, ita quod hujusmodi personas redire ad sua claustra volentes, quantumcumque earum excessus graves fuerint vel enormes, juxta cujuslibet Ordinis disciplinam five regulam in consuetudine observata, sine qualibet conditione recipiant & admittant: ita tamen, quod propter eorum excessus, nec victus, nec vestitus subtrahatur eisdem, sed alias, sicut prædiximus, regulariter puniantur: alioquin prædictam suspensionis sententiam per Ordinarios locorum, seu Officiales eorum in omnes contraditores procedente tempore juxta quod eorum protervia meruit, præcipimus promulgari.

V. De Testamentis & Legatis.

Adhæc, quod quædam in quibusdam locis & partibus consuetudo, imo potius corruptela detestabilis observatur: videlicet, quod tam Clericus, quam laicus in lecto ægritudinis constitutus ultra quinque solidorum usualis monetæ, vel

aliam summam juxta loci illius consuetudinem limitatam, nec piis locis, nec personis Ecclesiasticis pro animæ suæ remedio & salute, possint ordinare legata: Considerantes prædictam consuetudinem, & sacris Canonibus, & sæcularibus Legibus obviare, cum omnia jura clament, quod ultima voluntas, & ultimum hominis testamentum immobile perseverat, & nihil sit, quod magis hominibus debeatur, quam ut supremæ voluntatis liber stylus existat; eandem consuetudinem Deo odibilem, animabus & bonis moribus inimicam, auctoritate hujus sacri Concilii penitus reprobamus, firmiter statuentes, ut unicuique, quem jura a testamentorum non prohibent fractione, in sanitate vel in loco ægritudinis constituto, legandi, disponendi, & ordinandi de bonis, a Deo sibi collatis, circa pia loca & personas Ecclesiasticas, dummodo suos hæredes contra legitimas non prætereant Sanctiones, libera sit facultas; volentes & præcipientes districte, ut per locorum Episcopos & cæteros Prælatos jurisdictionem habentes, universi Clerici & laici, impediens defunctorum legata seu ultimas voluntates, per excommunicationem in personas, & interdicti in loco, sententias, octo dierum monitione præmissa ferendas, ab hujusmodi impedimentis desistere compellantur, ad quarum executiones & debitas aggravationes procedente tempore faciendas, Episcopi & Prælati, ad quos testamentorum defensio utroque jure suadente dignoscitur pertinere, tam benivolos se exhibeant & paratos, ne hujusmodi negligentia de eorum manibus in die districti judicii requiratur.

VI. De Pastoribus & eorum Vicariis.

Præterea quorundam Pastorum malitiis, qui singulis annis Vicarios a suis Ecclesiis, in quibus per consensum Diocesani vel Archidiaconi instituti noscuntur, ob quendam temporalem questum amovere særagunt, obviare volentes, Prædecessorum nostrorum statutis duximus annectendum, ut Vicarius taliter institutus, ab eadem vicaria ad instantiam veri Pastoris Ecclesiæ non amoveatur aliqua ratione, nisi Pastor actu Sacerdos exstans suam Ecclesiam velit regere per se ipsum, vel aliquam rationabilem

causam amotionis contra suum Vicarium coram Diecefano, vel loci Archidiacono assignare valeat & probare.

VII. *De Ecclesia Parochiali vacante.*

Adhæc quædam consuetudo, imo potius corruptela in quibusdam partibus anolevit: videlicet, quod aliqua Ecclesia parochiali vacante, plures ad eam Clerici a diversis Patronis in discordia præsentantur, quibus coram Diecefano, vel loci Archidiacono super ipsa Ecclesia contententibus, is, ad quem investitura vel institutio Ecclesiæ talis spectat, redditus sive fructus ipsius sequestrat, & in suos usus convertit, lite coram ipso durante, imo, quod deterius est, & merito detestandum, litem, cui juxta utriusque juris præcepta finem imponere deberet, per diversos circuitus satagit prorogare, ut sic de prædictis redditibus sibi magis ac magis valeat inbursare: cum igitur hujusmodi consuetudo animabus perniciofa, & sacris Canonibus sit repugnans; hujus sacri approbatione Concilii statui-
mus, ut non obstante consuetudine supradicta, quam penitus reprobamus, per omne illud tempus, quo parochialem Ecclesiam vel Capellam vacare contigerit, is, ad quem investitura seu institutio illius spectat, per duos idoneos Presbyteros illius Capituli, in quo Ecclesia vel Capella talis existit, universos redditus sive fructus, qui vero Rectori Ecclesiæ cedere consueverant, faciat, procuret, & mander colligi & fideliter conservari; ita quod ei, qui evicerit, totaliter assignentur: alioquin si ille, ad quem investitura pertinet, de hujusmodi redditibus occulte vel manifeste sibi aliquid præsumpserit usurpare, jure investiendi ad aliqua beneficia in perpetuum sit privatus, & tale jus ad Superiorem proximum devolvatur, cui etiam duplum ejus, quod per hujusmodi sequestrationem recepit, irremissibiliter restituere teneatur.

VIII. *De Investituris, vel etiam Religiosis obtentis.*

Quamquam antiqua Prædecessorum nostrorum statuta prohibere inveniantur districte, ne aliquis Clericus a laico de Beneficio Ecclesiastico, in quo jus Patronatus obrinet, institui se permittat,

sed potius ab eo præsentatus, ab Episcopo vel loci Archidiacono investituram recipiat, ab altero eorundem, cui id de jure vel de consuetudine competit, approbata; licet etiam Templariis, & Hospitalariis, & aliis Religiosis in eisdem prohibitum sit statutis, ne Ecclesias parochiales, quas de consensu Diecefanorum, & Ecclesiarum Cathedralium suis domibus seu Monasteriis uniri obtinent, per suos Contrates officiare præsumant, sed Clericos seculares Episcopis, sive Archidiaconis locorum præsentent, qui ipsos investiant tamquam perpetuos Vicarios in eisdem, ordinata ipsis competentis pro sui sustentatione præbenda: quia tamen pœna sufficiens nondum est prodita contra hujusmodi transgressores, considerantes, quod facilitas veniæ incentivum tribuit delinquendi; sacri approbatione hujus Concilii hac pœna præsumptores prædictos duximus puniendos: ut Clericus a Patrono laico, vel etiam Clerico in Beneficio Ecclesiastico sine Episcopi vel Archidiaconi loci consensu & licentia institutus, eodem Beneficio in perpetuum sit privatus, & ipsius collatio ea vice ad superiorem proximum devolvatur, de quo quidem beneficio si temeritate propria intromiserit se Patronus, jure, quod sibi compete-
bat in eo, perpetuo sit privatus: Templarii vero, & Hospitalarii, & alii Religiosi contrarium facientes non solum Ecclesias ea vice, verum & alias, si quas habebant, prius ipsis unitas sine spe restitutionis ipso jure per hujus Concilii decretum amittant.

IX. *De Laicis non curantes interdictum.*

Item in quibusdam locis, ut accepimus, in tantum excrevit temeritas & præsumptio laicorum, quod si Episcopi auctoritate ordinaria, seu delegata, in terram, villam, aut castrum interdictum generale ponatur, iidem laici officium Sacerdotum, immo quod tunc temporis Sacerdotibus est prohibitum, usurpare conantes, ut Ecclesiastica per hoc magis censura ehudatur, apud loca taliter interdicta sepelire præsumant in cœmeterio corpora defunctorum. Licet autem jam pridem contra præsumptores hujusmodi inter alia sit provisum, ut non resumantur prius divina, quam tumulata sic
cor-

corpora fuerint exhumata : quia tamen per illos, contra quos interdictum ponitur, antequam satisfaciant, frequenter in pactum deducitur, ut exhumationis poena ab Ordinario, seu delegato ante omnia simpliciter remittatur ; ne forte hujusmodi delinquentium temeritas hac occasione impunita remaneat, & per hoc ceteris detur audacia similia præsumendi ; sacri approbatione Concilii statutum & mandamus, ut quicumque ammodo intra cimiterium loci interdicti aliquod corpus seu corpora defunctorum sepelire præsumpserint, aut qui talia præsummentibus opem vel operam quocumque modo adhibuerint, Excommunicationis sententiam incurrant ipso facto, a quo non nisi per solum Metropolitanum, aut cui super hoc vices suas specialiter commiserit, absolvantur : Metropolitanus vero, aut ejus in hac parte Vicarius nequaquam ad impendendum talibus beneficium absolutionis procedat, nisi prius sepultis taliter corporibus exhumatis, Ecclesiæ & personis, quibus ex hoc injuria dignoscitur irrogata, satisfactum fuerit competenter, & nisi super facta exhumatione & satisfactione præstita, Ordinarii, aut si copia ipsius haberi non valeat, Officialium suorum litteras absolvendi ipsi pro testimonio exhibeant & ostendant.

X. *De Discordia Clericorum, & potentum Laicorum attractione.*

Quoniam nonnunquam contingit, quod ad vacantem Episcopatum vel aliam Prælaturam duo in discordia eliguntur, & alter, qui minori jure nititur, ut eum, cui majus est acquisitum, per potentiam, vel per tedium fatigare & exhaurire possit, attrahit sibi favorem potentum laicorum, quibus ut ei mutuent & assistant, promissiones facit de Beneficiis filiis eorum conferendis, & de juribus & libertatibus Ecclesiasticis remittendis : Nos huic morbo occurrere volentes remedio salutari, præsentis statuto hujusmodi Promissores & potentum Laicorum attractores volumus ipso jure Excommunicationis esse sententia innodatos, & nihilominus eum fore ineligibilem ad hujusmodi dignitatem, mutuatores etiam pecuniarum taliter in hoc casu volumus carere actionibus pro mutuo hujusmodi reperendo.

Tomus IV. Concil. German.

XI. *De Judicibus delegatis, & interdicto.*

Ad hæc plerumque contingit, quod judices delegati, seu subdelegati ipsorum ad quos supplices commissiones sub forma communi, a sede Apostolica diriguntur, auctoritate litterarum ipsarum ultra quam patiantur fines Rescripti Papalis per sententias procedentes, Terras, Civitates, Oppida & Villas occasione privata personæ, seu privatarum personarum Ecclesiastico subijciunt interdicto, invocantes etiam super hoc Brachium sæculare : Nos igitur volentes hujusmodi iniquis processibus obviare, præsentis scripto declaramus de Fratrurn nostrorum consilio & consensu quod Sacerdotes nostræ Civitatis, Diocesis, & Provincia ad observationem seu publicationem sententiarum hujusmodi interdicti minime teneantur, nec etiam invocationi Brachii sæcularis, si quam faciunt, aliquatenus pareatur.

De Confessione facienda suo Plebano.

Insuper statuimus, ut si quis de plebe ad minus semel in anno & maxime tempore quadragesimali suam confessionem illi, qui eidem plebi per Diocesenum vel loci Archidiaconum est præfectus, vel de ipsius licentia alteri confessiones generaliter audiendi potestatem habenti non fecerit Sacerdoti, huic si illo anno decesserit, quamvis confessionem faciat in extremis, nihilominus auctoritate hujus Concilii Ecclesiastica denegabitur sepultura, nisi forte aliqua legitima causa suadente locorum Archidiaconi, aut Officiales Diocesanorum sepulturam hujusmodi duxerint indulgendam ; ut alii hac poena deterri ad tam salubris Sacramenti remedium ferventius studeant convolare.

XII. *De Reverentia Prælatorum.*

Præterea in quibusdam Ecclesiis Conventualibus talis consuetudo invaluit ex antiquo, quod Prælati earundem Ecclesiarum in assurgendo, & in aliis prærogativis a Canonicis exhiberi consuevit Reverentia specialis, ut per hujusmodi insignia ipsi Prælati, qui Columnæ Ecclesiarum censentur, ab aliis simplicibus Canonicis possint discerni : sed quidam Canonici immemores juramenti in

eorum receptionibus præstiti de Ecclesiarum consuetudinibus observandis, nec advertentes, quod sicut Legum sic antiquarum consuetudinum transgressores juxta utriusque juris præcepta non immerito sunt plectendi, contra hujusmodi consuetudines rationabiles juri consonas, & præscriptas ex quadam arrogantia vel etiam similitate, motu proprio venire præsumunt, propter quod non est dubium inobedientiæ notam, debitam Prælati reverentiam subtrahendo, & perjurii reatum contra suarum Ecclesiarum consuetudinem veniendo, prædictos incurrere transgressores: considerantes igitur, quod tunc Ecclesiasticus Ordo confunditur, cum unicuique honor debitus non servatur, & antiquas honestates, & approbatas consuetudines, & omnia Ecclesiarum jura illibata servari volentes, Prædecessorum nostrorum Concilio annexendum duximus statuendo, ut quicumque Canonico- rum reverentiam Prælati suo debitam, juxta consuetudinem in sua Ecclesia approbatam, proprio motu subtraxerit ter- na vice, & de hoc per duorum de Capitulo juramenta ipsi Capitulo fuerit facta fides, a consortio sui Capituli, & perceptione proventuum suæ Præbendæ, tamquam inobediens & perjurus ad arbitrium sui Episcopi, ipso facto, auctoritate hujus Concilii sit exclusus, per ipsum Episcopum, si ejusdem præsumptoris meruerit pertinacia, gravius puniendus. Si qui vero Prælati vel Canonici præsumptores hujusmodi dispensatione a suo Episcopo non obtenta, ad Capitulares Tractatus, vel ad perceptionem suarum se admiserint Prebendarum, excommunicationis sententiam, quam ex nunc de consensu hujus sacri Concilii ferimus in eosdem, se incurrere noverint ipso facto: quod si præsumptores præfati Tractatibus Capitularibus se ingerere: aut suarum Prebendarum proventus ante dispensationem super prædicta sua inobedientia & perjurii nota, a suo Diocesano ipsis impensam, temeritate propria contingere præsumperint ullo modo, ex tunc in illa Ecclesia, cui talis contumelia fuerit irrogata, octo dierum per ejusdem Ecclesiæ Capitulum monitione præmissa, cessetur ab Officiis Divinorum usque ad prædictorum excessuum satisfactione condigna juxta Diocesani & læsæ Eccle-

siæ Capituli arbitrium imponenda: si autem iidem præsumptores post cessationem Divinorum infra duos menses plene non satisfecerint de commissis, vel saltem non inceperint emendare, per suos Diocesanos Beneficiis Ecclesiasticis spolientur.

XIII. De Captivatoribus Clericorum.

Præterea cum in Prædecessorum nostrorum statutis per pœnas contra Captivatores Clericorum proditas adhuc nec Ecclesiis, nec Ecclesiasticis personis sufficienter provisum existat, considerantes, quod pro unius delicto sacri Canones interdum puniri præcipiunt totam terram, & nonnunquam propter parentum peccata in tertiam & quartam generationem filii puniuntur: Nos de similibus ad similia procedere cupientes provida deliberatione hujus sacri Concilii Prædecessorum nostrorum statutis duximus annexendum, irrefragabiliter statuantes, ut non solum eorum filii, qui Canonicos etiam in minoribus Ordinibus constitutos, & cæteros Clericos pro Clericis se gerentes, ac alias personas Ecclesiasticas captivare, captivatas detinere, occidere, mutilare, aut lethalibus sive nimis atrocibus vulneribus, quibus per medicorum nequit industriam subveniri, vulnerare præsumunt, sed & omnis eorundem sacrilegorum utriusque sexus ab ipsis descendens posteritas usque ad quartam generationem, nec ad sacros Ordines, nec ad aliqua Beneficia Ecclesiastica, nec in Claustris aut Cœnobiis cujuscumque Ordinis admittantur: quod si contrarium factum fuerit ex malitia vel etiam ex ignorantia ordinatos ab executione Ordinum perpetuo volumus esse suspensos: receptos vero ad beneficia ecclesiastica sæcularium Ecclesiarum pro non receptis haberi decernimus ipso facto, sed ne personis in Monasteriis sive Claustris receptis detur materia ad sæculum redeundi, eas in ipsis Monasteriis ita volumus remanere, quod in Conventu ultimi reputentur & nunquam ad officia vel dignitates aliquas assumantur: de illis autem personis, quæ in Ecclesiis Conventualibus aut Monasteriis ante hoc nostrum statutum inveniuntur promotæ, auctoritate hujus sacri Concilii hoc districte præcipimus observari, ut si parentes eorum aliquid commiserint præmissorum, prædictæ per-

personæ ob hujusmodi suorum parentum delictum nunquam ad dignitates aliquas assumantur, sed in suis gradibus persistentes ad ultiores efficiantur ineligibiles ipso facto, omnibus aliis pœnis contra ordinantes, præsentantes, & recipientes personas hujusmodi, in priori Concilio constitutis, in suo robore duraturis, & quia de Canonicis & ceteris Clericis conviciatoribus & percussoribus per Prædecessorum nostrorum statuta nulla certa forma vel pœna præter eam, quæ in jure communi comprehenditur, invenitur expressa: nos attendentes, quod plus tineri solet, quod specialiter injungitur, quam quod generaliter imperatur, approbatione totius Concilii necessario duximus statuendum, ut Canonici, qui suæ vel alterius Ecclesiæ Canonicum verbis probrosiis affecerit manifeste, per quartam; si vero convicia manifesta dixerit in Prælatum, per mediam partem anni a perceptione fructuum suæ præbendæ penitus sit exclusus: si quis autem Canonorum in prædictas personas, etiam citra sanguinis effusionem manus injecerit temere violentas, pœnas prædictas dupliciter patiat, pro vulnere autem his personis ab aliquo Canonorum illato, si etiam nulla membrorum mutilatio ex tali vulnere fuerit subsecuta, sine omni remissione per præmissas pœnas quadrupliciter puniatur, & insuper in utroque casu juxta sui Diocæsani arbitrium læso satisfaciatur competenter, antequam restitutionis beneficium consequatur, sed pro temeraria membri mutilatione, omni beneficio Ecclesiastico sit ipso jure privatus: quæ omnia & singula circa alios Clericos beneficiatos, si personas Ecclesiasticas prædictis modis lædant, seu lædantur ab ipsis, juxta prædictam formam & ordinem sub pœnis eisdem præcipimus observari, salvis tamen aliis pœnis in sacris Canonibus contra temerarios violentarum manuum in Clericos injectores expressis, salvis etiam juribus, quæ vim repellere vi permittunt.

XIV. De Vulneratione Clericorum.

Verum quia a quibusdam solet in dubium revocari, utrum eadem pœna, quæ contra mutilatores in alio Concilio est prodita Clericorum, ad eos qui ipsos

Clericos vulnerant similiter extendatur: nos ambiguitatem hujusmodi interpretatione congrua declarantes; pro illis vulneribus, quæ curari ope nequeunt medicinæ, eandem pœnam, quæ contra captivatores & mutilatores Clericorum in alio Concilio est expressa, per omnia dicimus esse servanda.

XV. De Nuntiis Ecclesiasticorum Judicum.

Præterea quidam crudeles homines & perversi, dum ad forum Ecclesiasticum in causis etiam, de quibus Ecclesia merito habet cognoscere, ab actoribus evocantur, illius auctoritatis, qua dicitur, *qui honorat missum, mittentem honorat*, immemores existentes, Nuntios Ecclesiasticorum Judicum Citationis, Excommunicationis, vel alias judiciales & juris Litteras deferentes, verbis probrosiis, & quandoque diris verberibus, quosdam etiam captivantes, alios interdum suis rebus temere publice spoliantes, multipliciter afficiunt & perturbant, & impediunt citationum & Litterarum executiones in non modicam Ecclesiasticæ libertatis contumeliam & jacturam; considerantes igitur maliciis hominum non esse aliquatenus indulgendum, hoc sacro approbante Concilio decernimus statuendum, ut Reus Nuntios acta judicialia deferentes per se vel per alium verberans, spolians, vel captivans, lite etiam non contestata, auctoritate hujus Concilii, habeatur penitus pro convicto: actor vero in causa reconventionis similia perpetrare per se, vel per alium non formidans, super instituta contra reum actione amplius nullatenus audiat: & insuper uterque, ac omnes alii, qui nomine & occasione eorum, qui talia facere præsumpserint usque ad condignam satisfactionem læso & iudicibus exhibendam, excommunicationis sententia, ab ipsis læsis iudicibus, summaria cognitione super hujusmodi forefacto præhabita percellatur.

XVI. De injustis Spoliatoribus Clericorum.

Item, cum a nonnullis in dubium revocetur, qualiter statuta contra Ecclesiasticarum personarum spoliatores a nostris Prædecessoribus edita intelligi debeant & servari, præsertim cum spoliator non infra octo dierum spatium, quod su-

per restitutione spoliū faciendā statuit Concilium Moguntinum, coram iudice, a quo emanavit monitionis Edictum, comparuerit & se juri obtulerit pariturum, dummodo circa spoliū sibi impositum ordo judiciarius observetur. Nos hujusmodi ambiguitatem approbatione hujus sacri Concilii taliter duximus declarandum, ut si conquereas de spolio, ipsum esse spoliū notorium asseueraverit coram iudice, & super tali notorio monitionis litteras impetrarit actor in pœna rei infra octo dierum spatium non curantis venire, post lapsum ipsorum octo dierum ad probandum hujusmodi notorium admittatur, siue reus absens fuerit per contumaciam, siue præsens, quo probato reus ad restituendum ea, quæ actor se per ipsius violentiam amisisse declaraverit, cum expensis abinde factis & satisfactione condigna sententialiter compellatur: si vero in probatione notorii defecerit reo condemnabitur in expensis, & ex tunc lite quasi contestata super spolio probando observabitur debitus ordo juris: quod si is, cui spoliū est impositum, infra terminum monitionis comparens se juri obtulerit pariturum, libellumque & inducias deliberatorias petierit sibi dari, in hoc casu dicimus taliter distinguendum; aut actor tamquam super notorio contra reum, aut simplici forma citationis litteras impetravit: in primo casu ad probandum notorium lite etiam non contestata sine prorogatione qualibet admittetur, & hoc probato, rem ablātā juxta legitimam declarationem ipsius cum expensis legitimis & satisfactione debita per condemnationem iudicis consequetur, alioquin reus ab actoris instantia quantum ad spoliū sibi impositum totaliter absolvetur cum refusione legitima expensarum: & hunc modum & processum similiter circa eum, qui infra terminum monitionis iusto impedimento detentus venire non poterit, & hoc legitime probaverit, per omnia volumus observari: litteras autem super spolio a solis Diœcesanis locorum vel eorum Officialibus præcipimus impetrari, alias ab aliis iudicibus impetratas carere viribus decernentes.

XVII. *De Judæis.*

Licet olim in generali Concilio provide fuerit institutum, ut uterque sexus

de gente Judæorum in omni Christianorum provincia signum vel habitum publice deferre debeat, quo a populo Christiano manifeste distingui valeat & discerni, fueritque adjectum & salubriter provisum in Concilio memorato, ut in diebus Dominicæ Passionis in publicum prodire non debeat gens prædicta, sed in suis se domibus continere clausis domorum hostiis & fenestris; ut sicut in eodem Concilio tangitur, Christianis, qui sacratissimæ passionis memoriam exhibentes lamentationis signa protendunt, illis diebus ab eodem Judæorum populo non illudatur: licet etiam alias in sacris Canonibus prohibeatur expresse, ut Judæi nec publica officia, nec aliquas sæculares habeant dignitates, aut in suis domibus & servitiis mancipia teneant Christiana: Quia tamen nec contra Judæos, in prædictis præhabitis casibus contrarium facientes, nec contra Christianos potentes, ipsos sine distinctionis signo vel habitu in suis terminis tolerant, aut publicis officiis vel sæcularibus dignitatibus præficientes eosdem, certa & sufficiens pœna in canonibus reperitur: considerantes, quod facilitas venia incentivum tribuit delinquendi, & plus solet timeri quod specialiter præcipitur, quam quod generaliter imperatur, de multa deliberatione & unanimi approbatione hujus sacri Concilii irrefragabiliter duximus statuendum, ut in universis Civitatibus, oppidis, castris & villis Civitatis, Diœcesis & Provincie Moguntinæ Gens Judæorum utriusque sexus infra duos menses post publicationem hujus statuti talia signa & habitum, quibus sine qualibet ambiguitate a Christiano populo distinguatur, sibi eligat & deferat manifeste: dignitatesque sæculares & officia publica, quibus de gente præfata aliquis forte præest, & mancipia Christiana prorsus dimittat, alioquin in omnibus locis, ubi Judæi, huic sacro & salubri Concilio in hac parte obedire nolentes, habitare vel domicilia obtinere noscuntur, in pœnam Christianorum Potentum tamdiu cessetur ab officiis Divinorum, donec per Principes potestates Nobiles Christianos, in quorum Territoriis prædicta gens misera conversatur, ad observationem præmissorum omnium compellantur: ipsi autem Judæi per locorum Diœcesanos indirecte per subtractionem

tionem communionis Christi fidelium Excommunicationis sententia percellantur : si quis vero de gente præfata in die Parasceve visus fuerit in platea, vel per hostium suæ domus aut fenestram prospicere, ad quod probandum duorum Christianorum stabitur iuramento, is loci Dicesano in marca argenti pœnæ nomine teneatur, ad cuius solutionem reus & omnes defendentes eundem per excommunicationis sententiam compellantur, & nequis Christianus aut Judæus hujus statuti ignorantiam valeat allegare, Universis Parochiarum Rectoribus per Moguntin. Civitatem, Dicesim, & Provinciam constitutis, in quorum Parochiis Judæi morantur, sub pœna Excommunicationis in quoslibet transgressores auctoritate præsentis Concilii ex nunc lata, præcipimus firmiter & districte, ut quilibet in sua Parochia in singulis Dominicis diebus, singula quatuor tempora immediate sequentibus infra Missarum solemnia publice præfatum statutum lingua materna exponere non omitant.

XVIII. De Statutis contra Ecclesiarum libertates.

Ad hæc sacro approbante Concilio irritamus & irrita nuntiamus omnia statuta & consuetudines, quas civitates vel loca, potestates, Consules, vel quæcumque alia personæ contra libertates Ecclesiæ ac personas Ecclesiasticas edere vel servare adversus canonicas sanctiones præsumpserint, & eadem a suis Capitularibus mandamus infra duos menses post hujus publicationem statuti penitus aboleri, & si similia de cætero acceptavint ipso jure decernimus esse nulla : Potestates vero ac omnes Statutarii ipsorum locorum, & qui secundum statuta & consuetudines memoratas judicaverint, ex tunc inhabiles sint omnem in Ecclesia Dei legitimum ad actum, salvis nihilominus aliis pœnis contra tales in generali Concilio promulgatis.

XIX. De Exactionibus.

Item statuimus, ut quæcumque civitas vel communitas, persona publica vel privata collectas sive exactiones, angarias, sive proangarias Ecclesiis vel aliis piis locis ac Ecclesiasticis personis imponere, vel bona Ecclesiastica invadere

præsumpserit, si requisiti emendare contempserint, quadruplum refundant, aut pœna subscripta contra ipsos suosque hæredes districtius observetur.

Præterea nullus Ecclesiasticam personam in criminali causa vel civili quæstione, nec aliquam pro rebus, bonis, vel possessionibus Ecclesiarum sive jure personali, quod vulgo Lipgedinge dicitur, quis earundem Ecclesiarum possessiones vel bona possideat, sive alio quocumque titulo trahere præsumat in iudicium seculari.

XX. De Foro competenti.

Jurisdictionem Ecclesiasticam præterquam per vias a Canonibus indultas nullus attemptet aliquatenus impedire & Ecclesiarum vel aliorum locorum communitatem hæctenus de jure vel de consuetudine obtenta infringere ac aliquali-ter violare.

XXI. De Ungelt.

Novas etiam Exactiones, quæ vulgo *Ungelt* dicuntur, nulla civitatum instituat, & ab institutis post hujus Edicti publicationem infra mensem desistat nec mensuras rerum venalium ab antiquo servatas & a fidelibus approbatas minuire vel mutare præsumat : de servis & mancipiis Ecclesiarum in civitatibus residentibus, post eorumdem servorum mortem, Ecclesiæ debita jura quorum servi & mancipia fuerunt, recipere minime prohibeantur.

XXII. De ultimis Voluntatibus.

Ultimas quoque morientium voluntates nullus impediat, & causa super testamenti exorta coram nullo præter quam Ecclesiastico iudice tractetur.

XXIII. De Advocatis Ecclesiarum.

Hac etiam in constitutione sancimus, cunctos Ecclesiarum advocatos infra provinciæ nostræ terminos constitutos, cujuscumque sit præminentis status, eisdem juribus esse contentos, quæ ipsis seu eorum Antecessoribus fuerunt concessa tempore, quo advocatiam hujusmodi susceperunt, & ecclesias quarum Advocati existunt defendere studeant & manutene-
re pro posse.

XXIV. *De Bonorum Ecclesiasticorum Invasoribus.*

Insuper statuimus, ne persona quancumque nobilitate aut præminetia status præfulgeat, Ecclesias ac Ecclesiastica bona, jura, jurisdictiones, & vasallos eorum violenter ac auctoritate propria publice occupare, aut occupando invadere, vel scienter occupatoribus Ecclesias & bona prædicta præstare præsumat quomodolibet per se, vel per alium, aut per alios, consilium, auxilium, vel favorem: & nisi requisitus infra mensem Ecclesie læsæ aut Prælato ipsius dampnum illatum emendaverit; ipso facto sit anathematis vinculo innodatus: decedentium etiam Clericorum peculium occupare vel occupatum detinere, omnibus laicis sub anathematis pœna ex nunc prout ex tunc in ipsos lata districtius inhibemus: Quicumque etiam laici ad Beneficia Ecclesiastica quorum Jus Patronatus ad ipsos spectare dinoscitur, sub dolo & fraude personas præsentaverint, si de dolo & malitia convicti fuerint, ea vice dumtaxat Ordinarius loci Ecclesie vacanti, idonea, secundum suam providentiam, provideat de persona.

XXV. *De Religiosis Ordinibus.*

Præterea statuimus, ne Religiosi cujuscumque Ordinis vel Religionis existant fines suorum excedant privilegiorum (cum privilegium mereatur amittere, qui concessa sibi abutitur potestate) si qui etiam Religiosorum per donationem, vel alium legitimum titulum jura Patronatus

aliquorum Beneficiorum Ecclesiasticorum acquisiverint, talia beneficia propria temeritate suis usibus non usurpent, sed ipsis vacantibus ad ea Sacerdotes idoneos præsentent, alioquin elapso tempore a jure statuto Ordinarius loci, prout Ecclesie expediat, providum instituat in curatum: si quis etiam Parochiales infra quarum limites grangias & Monasteri habuerint, terras, agros, prata, vel vineas aut alia bona, de quibus jure decimam solvere tenentur, in decimatione defraudaverint, omnes ipsis ad hoc opem vel operam dantes, & ipsorum servitiis intendentes, decernimus ipso facto excommunicationis sententiam incurrisse: quicumque vero ausu temerario contra prædictam constitutionem venerit, cujuscumque status fuerit vel conditionis, ipso facto sit anathematis vinculo innodatus: & si Clericus fuerit, qui talia commiserit, omnibus suis Beneficiis Ecclesiasticis & Dignitatibus privatus, & ad ulteriora percipienda omnino inhabilis & indignus: Laicorum etiam contra præsentem nostram constitutionem in aliquo venientium filii, nepotes usque in quartam generationem, nisi sufficienter injuriam passis satisfactum fuerit, ad omnem honorem & dignitatem Ecclesiasticam inhabiles esse decernimus, & inhibemus sub anathematis pœna, quam ex nunc in omnes in contrarium venientes ferimus, eosdem in Ecclesia Dei ulterius promoveri.

Ex codice Manuscripto Canonii S. Petri Erfordie, descripsit Cl. memoria Schannatus.

Secarius dumtaxat meminit *Lib. I. rer. Mogunt. C. 33.* & *Canonem Archi-Episcopalem* in hoc Concilio statutum fuisse affirmat, unde in editis libris statutorum Moguntinorum *Generale Concilium* nuncupatur: Ejusdem frequenter meminit & statuta excerpt *Petrus* in Concilio Moguntino anni 1310. de quo infra. *Binius, Hardouinus Tom. VII. pag. 1167.* nonnisi perbreve mentionem habet ex *Tritemio* hujus Concilii.

Et miror *Schmidium* in Dissertatione ad Historiam Conciliorum Moguntinensium hujus Concilii Aschaffenburgensis anno 1292. celebrati, oblitum esse, cum inspexerit Auctores, qui illius citra ullum dubium meminere.



SYNODUS DIOECESANA ULTRAJECTINA X.

Anno Christi MCCXCIII. Sede Apostolica vacante.
Adolphi Regis II.

JOHANNIS DE ZYRICH, Episcopi Ultrajectini, Epistola
Synodalis. Statuta XXXI.

JOHANNES, DEI ET APOSTOLICÆ SEDIS GRATIA EPISCOPUS
TRAJECTENSIS, UNIVERSIS &c.

CUM ad honorem & laudem Omnipotentis Dei, & salutem animarum, & subditorum nostrorum, & libertatem Ecclesiæ, & Ecclesiasticarum personarum vobis tenore præsentis quædam statuta jure duximus publicanda, & statuere, & addere aliqua, quæ ad horum fiant statum, & commodum subditorum; eadem vobis tenore præsentis intimamus, & per vos volumus subditis nostris solemniter intimari, & sicuti intimata fuerint, mandamus, & præcipimus inviolabiliter observari.

I. Et in primo statuimus, (a) ut mores Clericorum, & maxime Sacerdotum in melius reformatur, continenter & caste vivere studeant universi, quatenus in conspectu Dei puro corde, & mundo corpore valeant celebrare.

II. Item a crapula & ebrietate omnes abstineant diligenter; abusum quorundam Clericorum penitus decernimus abolendum, quod in quibusdam partibus ad potus æquales se obligant potatores, ut & ille judicio plus laudatur, qui plures inebriat, & fecundiores calices exhaurit.

III. Item Clerici & maxime Sacerdotes officia, vel commercia sæcularia, & maxime inhonesta non studeant exercere, Simonæ vitium & species usurarum districtius fugientes.

IV. Item ne arma portent illicita, districtius inhibemus.

V. Item ne Sacerdotes ultra tres compadres ad puerum de sacro fonte levandum admittant, districtius inhibemus.

VI. Item statuimus, quod caput ter in aqua ponatur, nisi fuerit debilis, vel

infirmus, vel frigidum tempus; tunc aqua per manum Sacerdotis super caput pueri profundatur, ne propter submerfionem vel frigiditatem, seu debilitatem puer extinguatur, & moriatur.

VII. Item frequentem usum tabernarum Sacerdotibus inhibemus.

VIII. Item inhibemus, ne aliquis Sacerdos Missam celebret, nisi prius de Horis Canonicis, *Matutinas*, & *Primam* dixerit.

IX. Item Presbyter lapsus in mortali peccato, non celebret Missam, nisi ante confessus fuerit.

X. Item Sacerdotes vestes portent nimia brevitate, vel longitudine non notandas.

XI. Item ludos theatrales, spectacula, & larvarum ostensiones in ecclesiis & cimiteriis fieri prohibemus.

XII. Item Presbyter duas Missas nullus celebrare præsumat in die, nisi necessitas jure permissa permittat, & tunc in priori Missa abluciones non sumat post sanguinem.

XIII. Item Presbyteri Parochiales sæpe populum suum habeant commonitum, ut si aliquis infirmetur, citius pro Sacerdote mittat, ut confiteatur, & Sacramenta Ecclesiæ percipiat, quæ sine pecuniæ exactione præcipimus exhiberi.

XIV. Item inhibemus, ne quis Chrisma, vel Oleum sacrum ab aliquo Episcopo accipiat, quam a nobis.

XV. Item prohibeant Presbyteri subditis suis, ne pueri baptizandi diu teneantur.

XVI.

(a) Statuit: ut mores Clericorum reformatur; continenter vivant, ad æquales haustus se non provocent.

XVI. Item nullus pater vel mater proprium infantem de sacro fonte presummat levare.

XVII. Item prohibemus, ne Sacerdotes, & Procuratores Ecclesiarum calices, & sacra vasa, libros & ornamenta aptud *Cauwertinos*, vel alios pignori exponant.

XVIII. Item prohibemus, ne aliquis contrahat matrimonium temporibus prohibitis, & clandestinum sub pœna excommunicationis, & ne aliquis intersit eisdem, sub pœna jure expressa.

XIX. Item Custodes portent consuetudinem Clericalem, & prohibemus bigamis etiam, ut non recipiant custodias regendas, quia sunt privilegio Clericali penitus exuti, nisi sint adeo tenues & exiles, quod Clerici non possint sustentari, & hoc nostro arbitrio, vel nostri Officialis relinquatur ordinandum.

XX. Item prohibemus, ne aliqui, qui mortem sibi construxerunt stipulis, laqueo suspendendo; vel qui suspensi, decollati, rotati, vel alias propter suum scelus, interfecti, in Ecclesiis, vel cimiteriis non sepeliantur, nisi de nostra vel nostri Officialis fuerit licentia speciali.

XXI. Item prohibemus, per pœnam excommunicationis latæ sententiæ in his scriptis, ne aliquis Decanus, vel Provisor de causis matrimonialibus se aliquatenus intromittat, sed ad civitatem Trajectensem transmittant, ibi est copia peritorum.

XXII. Item prohibemus, ne laici se intromittant de decimis novalium, sed ad alios perveniant, ad quos de jure pertinere noscuntur.

XXIII. Item statuimus, si Clericus vel Presbyter capitur, illa Parochia sit ipso facto interdicta; si deducitur extra illam Parochiam captivus; Parochia illa, in qua detinetur, sit similiter interdicta, quousque vinculis absolvatur, & Nobis, & captivo, plenarie fuerit satisfactum.

XXIV. Si vero interficiatur vel mergatur, quod absit, ille Decanatus, in quo tale delictum est perpetratum, maneat totaliter interdictus.

XXV. Item præcipimus sub pœna excommunicationis, *Cauwertinos* & alios alienigenas fenus publice exercentes, & publice usurarios, & hæreticos, & sta-

tutarios contra libertatem, & jurisdictionem Ecclesiasticam, & fallarios nostræ monetæ, vel sigillorum, vel nostri officii, nisi ad gremium matris Ecclesiæ revertantur & absolvantur, bis in anno auctoritate nostra denunciari, publice excommunicatos, videlicet, prima Dominica Adventus Domini, & Dominica post Cineres, videlicet, *Invocavit me*, nec ab eisdem oblationes recipiant, nec eisdem Ecclesiastica Sacramenta ministrantur, & ad sepulturam Ecclesiasticam minime admittantur.

XXVI. Item inhihemus laicis, sub pœna excommunicationis latæ sententiæ in his scriptis, ne Clericos cogant stare jure coram eis, vel arrestent bona eorum, nec se de reconciliatione Cimiteriorum, vel Ecclesiarum aliquatenus intromittant.

XXVII. Item, ne aliqui Clerici vel laici Ecclesias destructas per deluvium, vel per incendium, vel alias quocumque modo ad alia loca transferant, sine nostra licentia speciali, penitus inhihemus. Et si quæ facta fuerint per translationem, monemus sub pœna excommunicationis sententiæ latæ in his scriptis, ut infra mensem a tempore Nobis satisfaciant de præmissis.

XXVIII. Item præcipimus orationes fieri pro pace, & statu Ecclesiæ Trajectensis reformando, videlicet VII. PF. VI. feriis per singulos.

XXIX. Item prohibemus sub pœna excommunicationis, ne aliqui excommunicatos sepeliant, vel aliquos non excommunicatos in Ecclesiis recipiant, & Cimiteriis violatis, & interdictis.

XXX. Item præcipimus, ut quilibet Curatus habeat versus de casibus Episcopalibus, de quibus soli ipsi & superiores habent absolvere, seu illi, qui ab eisdem habent potestatem, & primo casus legantur in *Latina*, & postea *lingua materna* populo exponantur isti versus: (a)

Qui facit incestum, deflorans, aut homicida,
Sacrilegus, Patrum percussor vel Sodomita,
Transgressor voti, perjurus, sacrilegusque,
Et mendax fides, faciens incendia, prolis Oppres-

(a) *Casus Episcopales.*

Oppressor, blasphemus, hæreticus :
omnis adultus
Pontificem super his semper devotus
adibit.

Item præcipimus, quod Curati habeant *Decretalem*, qui est: *in Rubrica: de sententia excommunicationis*, & est Domini Innocentii quarti, (a) & legatur populo, & exponatur lingua maternâ, ut sciat populus, quomodo vitari debeant excommunicati ab Episcopo. Item habeant *Decretalem de pœnis*, qui incipit, (b) *LICET*: qui loquitur de avaritia Archidiaconi, & illam similiter exponant laicis lingua materna.

XXXI. Item præcipimus, ne aliquis de antiquo Chrismate baptizet, nec de aliquo, quam de illo novo, quod de no-

stra largitione, vel nostra concessione acceperit baptizare, nisi præoccupante morte: & qui contrarium fecerint, noverint se damnationis sententiam pertulisse manifestam.

Hæc Statuta præcipimus inviolabiliter observari, & in qualibet Ecclesia parochiali per Sacerdotes *quater* in anno, diebus feriatis & festivis publicari, & exponi populo diligenter; videlicet in festo Pentecostes, in festo Michaelis, & in festo Circumcisionis, & in Dominica post Cineres, scilicet: *Invocavit me*. Actum & datum anno Domini MCCXC. tertio, proxima feria tertia post Tyburcii & Sociorum ejus.

Batavia sacra Heusdenii a pag. 167. ad 169.

- (a) Innocentii IV. nullus Canon extat *Tit. 39. Lib. V. Decretalium* Gregorii IX, sed Innocentii III. multæ Decretales *eodem Tit.* leguntur: *De excommunicatis ob varias culpas vitandis.*
(b) Canon III. Libri V. Decretalium *Tit. 37. De pœnis.*

CONCILIIUM PATAVIENSE VII. IN AUSTRIA AD S. HIPPOLYTUM.

Anno Christi MCCXCIV. Cœlestini V. Papæ I.
Adolphi Regis III.

SUMMA. Statuta tria supersunt.

NOS WERNHARDUS Dei Gratia, Ecclesiæ Pataviensis Episcopus, Anno Domini MCCXCIV. feria quinta post Dominicam Reminiscere apud S. Hippolytum celebrantes *Capitulum Clericorum* de Consilio venerabilium Fratrum, Abbatum, Præpositorum, Archidiaconorum, & aliorum, qui eidem Capitulo aderant.

I. Statutum recolendæ memoriæ Domini *Godefridi*, Prædecessoris nostri, quo inhibetur, ne Sacerdotibus vel scholaribus vagis, consolationis aliquid

impendatur, præterquam duobus simul venientibus sine armis, & longis cultellis, quibus in charitate voluit modicum patium dari.

II. *Item Statutum*, quo anticipatores, & supplantatores Clericorum in Ecclesiis & Capellis suspenduntur a Divinis, tenore præsentium revocamus in totum. Quia vero prædictorum Sacerdotum & scholarium vagorum, insolentia adeo per nostram Diœcesin excreverunt, ut etiam in præsentia nostra a Clericis & Ecclesiasticis personis, denegantibus sibi, quod

Bernhardus, seu Wernhardus, seu Wernherus ex nobilibus de Prambach, Episcopus Pataviensis XLV. ex Plebano Wiennensi, & Canonico Pataviensi, promotus ad Cathedrali Pataviensem anno 1285. circa 24. Maji, interfuit Concilio Herbipolensi anni 1287. quo cum & Clero illic præsentem in Actione ada appellavit. Saltzburgenfi Synodo anno 1288. interfuit, iterum anno 1291. interfuit Salisburg. Concilio, anno 1293. ipse Pataviæ Synodum celebrat: demum hanc anno 1294. cujus statuta pauca servavit *Hansfz.*

poscunt, blasphemias inferant, & imponent: statuimus, providemus, & denovo strictius inhibemus, ne Sacerdotes seu scholares hujusmodi, vel eorum aliquis ad panem recipiatur omnino, nec ipsis consolationis aliquid impendatur. Qui vero contrarium fecerit, si Plebanus fuerit. i. lib. Denariorum. Si vero Vicarius *med. lib.* toties, quoties in hoc casu deliquerit, solvere teneatur. Votum autem, ut Decani de hujusmodi statuti transgressoribus diligenter inquirent, & emendam prædictam inquirent. Alioquin sciant, se teneri ad solutionem omnium, quæ per eorum incuriam, & negligentiam circa inquisitionem, & requisitionem, hujusmodi negligentur.

III. *Item statuimus & ordinamus*, ut nullus Clericus alterum, offerendo pecuniam, ante tempus in Vicaria seu administratione, ad quam assumptus est, audeat supplantare, si gravem a nobis effugere voluerit ultionem. Ut autem huic morbo plenius occurramus, inhibe-

mus firmiter, & districte, ne Clericus volens Vicariam seu aliam quamcunque administrationem in aliqua Ecclesia convenire sibi, ante festum Epiphaniæ cujuslibet anni, quidquam loqui, vel attemptare præsumat. Alioquin quartam partem omnium, quæ ante festum hujusmodi exhibebit, & nihilominus, qui exhibitionem talem apud se fieri permiserit, tantundem solvere teneatur. Super quo etiam Decani diligenter inquirent, & emendam repetant supradicta. Alioquin penam prædictam incurrant.

IV. *Item usurarum voraginem compensare cupientes*, omnibus statutis, contra usurarios institutis in suo robore manentibus; statuimus; ut omnis, qui de cætero usuras & usurarum contractus exercere præsumperint, ad restitutionem usurarum hujusmodi, & nihilominus tantundem nobis solvere teneantur.

Hansiz Germaniæ sacræ Tom. I. pag. 442. 443.

CONCILIUM SALTZBURGENSE

ANNO EODEM.

ANno MCCXCIV. Concilium Saltzburgæ habetur, ibique Dux Karinthiæ Mainhardus cum omnibus fautoribus suis auctoritate Apostolica excommunicatur, pro detentione quorundam Episcopatum videlicet Tridentini & Brixinensis.

Chronographus Mellicensis.

Ex quo Hansiz German. sacræ Tom. I. pag. 435.

Ex quo Mansi Tom. III. Supplem. pag. 247.

CONCILIUM PATAVIENSE IN AUSTRIA

AD S. HIPPOLYTUM.

Anno Christi MCCXCIV. Cœlestini V. Papæ I.
Adolphi Regis III.

Anno hoc habita est Pataviæ Synodus, cujus Decretum hoc extat de conditione pileorum a Clericis gestandorum. II. De Vigiliis in Dominicam diem incidentibus anticipandis in Sabbato.

NOS WERNHARDUS, Dei Gratia, Pataviensis Episcopus, anno Domini Millesimo ducentesimo nonagesimo tertio in octava Beati Joannis Baptistæ celebran-

In anni hujus fine & sequentis initio adfuit Wernhardus Pataviensis Concilio Saltzburgenfi, in quo Dux Carinthiæ Mainhardus cum omnibus fautoribus suis auctoritate Apostolica excommunicatur, ob detentos Episcopatus Tridentinum & Brixinensem.
Hansiz. Tomo I. German. sacræ ead. pag. 442.

lobrantes Pataviæ in Cathedrali nostra Ecclesia Synodum Clericorum de Consilio Fratrum nostrorum ac Prælatorum, qui in nostro Capitulo aderant, statutis Prædecessorum nostrorum hæc, quæ sequuntur, duximus apponenda.

I. *Imprimis* itaque districtius inhibemus, ne Clerici in sacris Ordinibus constituti de quacunque re suffuraturas in pileis suis habeant ejusmodi pileis longiores & superius dependentes, sed nec unquam liceat eis aliqua alia gestare pilea, nisi extra mansiones suas. Quo casu contra æstus, vel pluvias pileis, adjuncto capucio, uti possunt; qui vero prædictis suffuraturis uti, vel præter necessi-

tatem prædictum pileum gestare præsumpserit, toties MLX. Denarios ad fabricam Pataviensis Ecclesiæ teneatur, quoties hujusmodi sibi vetitis fuerit visus uti, de hoc inquirent Decani, & emendam repetant supradictam.

II. De Vigiliis quoque Sanctorum ab Ecclesia institutis, in quibus est cibis quadragesimalibus jejunandum, præcipimus, ut, si hujusmodi Vigiliæ in diem dominicam inciderint, Rectores Ecclesiarum die Sabbathi præcedente idem jejunium faciant observari, sicut a jure communi antea dignoscitur institutum. *Hæc in Synodo.*

Hansiz. German. sacræ Tom. I. pag. 442.

SYNODUS ULTRAJECTINA

SUB JOHANNE, EPISCOPO TRAJECTENSI,

Anno Christi MCCXCIV. Cœlestini V. Papæ I.

Adolphi Regis III.

De captionis vel interfectionis Clericorum pœna moderata.

JOHANNES, DEI ET APOSTOLICÆ SEDIS GRATIA EPISCOPUS TRAJECTENSIS, DILECTIS NOBIS IN CHRISTO UNIVERSIS ET SINGULIS ECCLESiarum PRÆLATIS, PRÆPOSITIS, ARCHI-DIACONIS, ABBATIBUS, ABBATISSIS, PRIORIBUS, PRIORISSIS, PROVISORIBUS ET DECANIS, PLEBANIS ET RECTORIBUS, CAPELLANIS, PRESBYTERIS, AC CÆTERIS TAM CLERICIS, QUAM LAICIS NOSTRÆ CIVITATIS ET DIOECESIS, IN VERBO SALUTARI SALUTEM.

Cum ad honorem Dei, & Ecclesiæ Trajectensis prædictæ statum pacificum, ac Subditorum nostrorum salutem alias sicut scitis, quædam *statuta promulgaverimus* utilia & honesta; quia tamen ex illis quædam, videlicet de captivazione, & interfectione Clericorum, ruptura litterarum Ecclesiasticarum, judicium & aliorum perturbatione, & impedimento multiplici Ecclesiasticæ jurisdictionis, licet æquitatem suadente, propter delictorum immanitatem satis forent toleranda, aliquibus nobilibus, & aliis, jurisdictioni præsentibus dura nimium videbantur, & ob hoc ea per Nos mitigari, magna & frequenti instantia postularint: Nos ut ipsi per se & suos justiciarios ad obviandum hujusmodi delictis & injuriis, ne fiant, & perpetrata vel perpetrata si fuerint, quod absit, procurandum, quod sceleris & debita

emenda præstetur, eo promptiores, se exhibeant, quo nos procliviores in condescendendo eorum petitionibus inveniant; prædicta *statuta*, aliis in suo robore duraturis, in hunc modum, qui sequitur, duximus mitiganda.

I. Imprimis statuentes, si Presbyter vel Clericus capiatur, Parochia, in qua captus fuerit, Ecclesiastico subiaceat interdicto. Et si ex illa in aliam transferatur, illam similiter interdicimus, quamdiu in illa detinebitur, una cum illa in qua captor morabitur. Si vero occidatur, quod absit; similiter Parochia illa, in qua tantus excessus perpetratus extiterit, & etiam illa, seu illæ in qua, vel quibus dicti malefactores se receptaverint, Ecclesiastico subiaceant interdicto. Et nihilominus malefactor seu malefactores hujusmodi cum complicibus, & rezeptoribus eorundem, ac opem & operam ipsis

præstantibus, quos & in his scriptis excommunicamus, atque excommunicati tam autoritate canonis, quam nostri tamdiu publice nuncientur, quousque Deo, Nobis & Ecclesiæ, ac passis injuriam, condigna præstetur emenda; & nihilominus absolutionis debitum beneficium meruerint obtinere.

II. *Statutum insuper nostrum, alias per Nos factum*, contra impediētes Ecclesiasticam jurisdictionem, seu perturbantes de cætero qualitercumque, sive litteras rumpendo, seu rapiendo, seu nuncios & portitores eorum lædendo, capiendo, detinendo, seu damna, injurias & molestias inferendo, & prout in dicto statuto plenius continentur, in hoc articulo mitigamus; videlicet quod Parochia, in qua hujusmodi violentia, injuria seu perturbatio facta fuerit, vel ubi dictos malefactores morari contigerit, Ecclesiastico non subiaceat interdicto.

III. *Item cum Ecclesiæ sint tutela refugii, & in eis homines peccatorum veniam consueverint, & debeant postulare, præsentī decreto declaramus Ecclesias, & earum cimiteria gaudere immunitate, & ad eas confugientes ab ullis violenter extrahi non debere; nisi in Ecclesiis, seu cimiteriis prædictis, seu contra ea deliquerint.* Quare tunc frustra legis auxilium invocarent, qui committerent contra eandem. Vel nisi publici latrones, vel nocturni populatores agrorum fuerint, qui in fratris publicis faciunt, comburunt, & destruunt agros eorum, qui eis non serviunt. Alias enim delinquentes, & ad Ecclesias confugientes gaudere debent emunitate earundem; super eo quod inique fecerint, sc. circa mortem, & membrorum mutilationem, alias legitime puniendi.

IV. *Item præcipimus* sub pœna excommunicationis Clericis quibuscumque nostræ civitatis & Diœcesis, ut tonsuram deferant Clericalem, & vestibus non virgulis, parvis, sed Clericalibus utantur honestis, ac habitu & tonsura, ut a laicis possint distinguī.

V. *Item inhihemus* sub pœna excommunicationis, quod nullus Clericus nostræ civitatis & Diœcesis audeat arma portare prohibita.

VI. *Item prohibemus* ne aliqui nuptias celebrent temporibus prohibitis, vi-

delicet a prima die Adventus Domini ad octavam Epiphaniæ. Et a LXXma usque ad octavam Paschæ, & a Dominica ante Ascensionem Domini, usque ad Dominicam Trinitatis, in omnibus illis inclusive:

VII. Nec clandestina matrimonia contrahant, sub pœna excommunicationis, & ne aliquis inter sit eisdem, sub pœna in jure expressa.

VIII. Similiter prohibemus clandestina matrimonia; quæ appellamus ea, quæ sine denunciatione seu bannis in Parochiis contrahentium, per Presbyteros eorum publice præmissis contrahunt.

IX. *Item præcipimus & expresse inhihemus*, quod nullus Clericus aut Presbyter copulet aliquos extraneos, nec nuptiis eorum inter sit, nisi per litteras patentes, aut per testes idoneos sufficienter constiterit contrahere volentem, aut volentes, alicubi non contraxisse, vel aliud impedimentum legitimum non habere.

X. *Item inhihemus expresse*, quod Clerici peregrini & incogniti, tam nostræ civitatis & Diœcesis, quam alienæ se Presbyteros asserentes, nullatenus in nostra civitate & Diœcesi admittantur ad celebrandum Divina, nisi legitime ostenderit se promotos.

XI. *Item præcipimus* districtè in virtute sanctæ obedientiæ Rectoribus & Presbyteris universis & singulis, ut in eorum Parochiis, *Pater noster*, & *Credo*, præter articulos fidei qualibet die Dominica, nec non *decem Præcepta*, & *septem Sacramenta Ecclesiæ* semel in mense, vel saltem ter, aut quater in anno populo, intelligibiliter & lingua materna exponant. Decem Præcepta, prout in Exodo continentur, sunt ista; "Non habes bis Deos alienos. Non assumes nomen Dei tui in vanum. Memento, ut diem Sabbati sanctifices. Honora Patrem tuum, & Matrem tuam. Non occides. Non mœchaberis. Non furum facies. Non loqueris contra proximum tuum falsum testimonium. Non concupisces domum proximi tui, nec desiderabis uxorem proximi tui, &c.

XII. De Sacramentis vero Ecclesiasticis, quinque dicuntur necessaria, & duo voluntaria Sacramenta. Necessaria sunt ista: Baptismus, Confirmatio, Pœnitentia.

nitentia, Corpus Christi, & extrema Unctio. Sacramenta voluntaria sunt, Ordines, Matrimonium. Sine Sacramentis autem necessariis homo salvari non potest, si ex contemptu obmittantur.

XIII. Item publicationem illius decretalis *extr. de Penit. licet.* quam alias fieri mandavimus, præsentibus revocamus.

XIV. Item Statutum nostrum alias publicatum, videlicet, quod nullus Presbyter *duas in die* Missas audeat celebrare, nisi necessitas in jure permissa permittat &c. Taliter intelligimus, videlicet excepto die Nativitatis Domini, & cum finis supervenerit, vel aliqua persona potens advenit, propter quod, &

quam oportet celebrare. Hæc statuta nostra *una cum antiquis a nobis alias promulgatis* inviolabiliter observari, & in qualibet Ecclesia Parochiali haberi, & sub pœna excommunicationis, per singulos Rectores seu Vicarios in Ecclesiis residentes, quater in anno prout opportunum fuerit, publicari volumus, exponi populo diligenter. Datum Traiecto anno Domini MCCXCIV. feria quinta post Festum beati Andreæ Apostoli.

Hicce Joannis Syrichii Synodalibus statutis, annecto constitutionem Petri, S. Georgii Cardinalis, de qua in statutis suis mentionem injecit Joannes Syrichius Episcopus.

Batavia sacra von Heussen pag. 169. 170.

Guilielmi Bertoldi, Episcopi Traiectensis, Epistola Synodica.

Anno Christi MCCXCVII. Bonifacii VIII. Papæ III.
Adolphi Regis VI.

WILHELMUS, DEI GRATIA, EPISCOPUS TRAJECTENSIS, UNIVERSIS ET SINGULIS NOSTRUM PROCESSUM INSPECTURIS, SALUTEM IN DOMINO SEMPITERNAM, VIRIS VENERABILIBUS IN CHRISTO, NOBIS DILECTIS DECANO ET CAPITULO NOSTRÆ ECCLESIÆ TRAJECTENSIS.

Propter quorundam Canonicorum duritiam, pertinaciam, discordiaque nobis ad Capitulum per eosdem vocatis ad dictorum duritiam & pertinaciam per nos tanquam ad Superiorem compescendum, & ipso in capitulo existentibus, de eorum consilio & consensu super vita, moribus ac statu Ecclesiæ, ac personarum, per inquisitionem sedata per nos prius, quæ fuit inter ipsos discordia, quosdam in ipsa Ecclesia *defectum in natalibus patientes*, in fine dispensatione Sedis Apostolicæ contra justitiam, in honorem Ecclesiæ ad sacros Ordines promotos, & alios *illegitimos* simplicem a se de dispensationem habentes, ut possint promoveri; unde Beneficium Ecclesiasticum sine cura obtinere invenimus:

Canonicatus ac Præbendas occupari minus juste, alios etiam plura beneficia contra statuta Synodalia in ipsa Ecclesia obtinere.

Considerantes itaque nostra interesse, hujusmodi nefandas tolerandas abolere, & ab ipsa Ecclesia penitus extirpare, communicato & deliberato consilio & consensu Decani & Capituli antedictorum, statuimus & ordinamus, & sub pœnis sententiæ expensis, & excommunicationis latæ in his præcipimus.

I. Ne de cætero aliqui, *defectum* in natalibus patientes, dispensationem tantum super defectum natalium habentes, nisi in dispensatione Sedis Apostolicæ sibi facta contineatur expresse, quod possint & debeant, per hujusmodi dispensa-

Guillelmus Mechliniensis Heros, ex Lovanienfi Præposito Vir Juris Divini & humani consultissimus, sacri Palatii Judex ordinarius, eligitur Episcopus Ultrajeftinus XLI. post 1294, obiit pro juribus Ecclesiæ suæ pugnans anno 1301. IV. Nonas Julii, fedit annos V. in magna rerum perturbatione & vicissitudine fortunæ.

penſationem in Eccleſia Cathedrali in Canonicos recipi & admitti, recipiantur in Canonicos in Eccleſia prædicta, maxime cum non ſit intentionis Domini Papæ, aliquem in Cathedrali Eccleſia debere & poſſe Canonicatum & Præbendam obtinere, quin poſſit in Decanum, Archidiaconum, & Episcopum eligi & admitti.

II. Cæterum omnibus dictum defectum patientibus præcipimus; & peremptorie monemus, ut infra biennium, a data præſentium numerandum, ſe per Sedem Apoſtolicam habilitari procurent, ut poſſit dictos Canonicatus; & Præbendas obtinere, alioquin ex tunc eoſdem facere decernimus alijs deferendos.

III. Inſuper inhibemus ſub pœnis antediſtis, ne aliquis in aliqua una Ec-

cleſiarum noſtræ civitatis & Diœceſis duo beneficia habeat, niſi præbendis Theſauraria, Scholaſtica, ſeu alia officia de conſuetudine ſint annexa; in omnes & ſingulos contrarium facientes, tam conferentes, quam detinentes, ſententias ſuſpenſionis & excommunicationis ſerimus in his ſcriptis. Et præcipimus ſub pœna excommunicationis ſententiæ latæ, in his ſcriptis, eaſdem ſententias per Decanum, ſive per Hebdomadarium, aut Seniore de Capitulo, qui pro tempore fuerit, publicari. In ejus proceſſus teſtimonium, ſigillum noſtrum præſentibus eſt appenſum. Actum & datum anno Domini MCCXCVII. die Jovis poſt Dominicam, *Miſericordias Domini &c.*

Batavia ſacra pag. 172.

SYNODUS DIOECESANA HERBIPOLENSIS,

A MANEGOLDO, HERBIPOLENSI EPISCOPO, CELEBRATA

Anno Chriſti MCCXCVIII. Bonifacii VIII. Papæ IV.
Adolphi Regis VII.

Iſta Statuta, omnibus animas regentibus valde neceſſaria & utilia, per Nos MANEGOLDUM Episcopum Herbipoleſem anno Dominicæ Incarnationis MCCXCVIII. in plena SYNODO, de conſilio Prælatorum noſtrorum & aſſenſu, de novo ſunt edita; horum ſiquidem Statutorum in quolibet Decanatu Rurenſi copia ad manus præcipitur eſſe una, honeſtum tamen eſt & conſultum, quod in qualibet Parochia una copia habeatur.

I.
De Dominica præcedente Synodum, Sacerdotes, qui Capellanos non habent in ſuis Parochiis, diligenter inquirent publice in Eccleſiis, ſi qui ſint infirmi in Parochia, & Feria inſequenti, ſive antequam iter arripiant, eos communicent, etiam non requiſiti, & faciant quicquid neceſſe fuerit ad ſalutem animarum, nihilominus tamen procu-

rantes provisionem eorum fieri per Capellanos vicinos in alijs Eccleſiis remanentes.

Præcipimus inſuper, ut omnes veniant ad Synodum, maxime curam animarum habentes, & ſi inevitabili neceſſitate detenti fuerint mittant Capellanum ſuum, aut Clericum ſuum loco ſui. In eundo & redeundo honeſte ambulent, & honeſte requirant Hoſpitia, & in eis circum-

Manegoldus, Episcopus Herbipolenſis, ſedit ab anno 1287. ad 1303. idem Concilio Aſchaffenburgienſi anno 1292. interfuit, & ab eo redux hanc Synodum celebravit in ſua Eccleſia.

Bucelino hic Manegoldus de Newenburg anno 1302. obiſſe videtur. *Germaniæ ſacræ Parte I. pag. 15.*

circumspecte se habeant, ne status Clericorum vertatur in populo in ludibrium, opprobrium, & contemptum, & qui ex causa remanet, eam Decano, & Decanus Episcopo studeat intimare.

Item; præcipimus Sacerdotibus, ut jejuni veniant, & induti superpelliciis ad Synodum.

Item; præcipimus Sacerdotibus sub pena suspensionis ab officio, quod a tempore publicationis Synodi, omni occasione postposita, majorem Ecclesiam intrare festinent.

II. De Baptismate.

Laius, qui in necessitate puerum baptisavit, diligenter interrogetur a Sacerdote, quid dixerit, & quid fecerit: & si Sacerdos eum invenerit discreto modo & debito baptisasse, allato puero ad fores Ecclesiae, suppleatur quod deest, scilicet: pabulum, sal, aurium inunctio cum saliva; Exorcismi tamen non dicantur super fontes, & sine immersione fiant omnia, quæ fieri solent.

Ad elevandum etiam puerum e sacro Fonte, tres tantum recipiantur.

III. De Divinis Officiis.

Sacerdos celebrans, diligenter attendat, quod hostia sit integra, & vinum non sit acerosum, & quod aquam non obmittat: quod si autem obmiserit, quando advertit, apponat aquam si sine scandalo fieri potest: si vero per negligentiam evenerit, quod perlecto canone, & peracta consecratione, nec sanguis, nec aqua reperiatur in calice, debet statim infundi utrumque; & a consecratione sanguinis incipere.

Item præcipimus Sacerdotibus, ut quando inceperint in Canone Missæ: qui pridie &c, tenentes Hostiam, non elevent eam, sed ante pectus detineant, donec dixerint: *Hoc est Corpus meum*, & tunc elevent eam decenter, ita ut possit videri, & post susceptionem Corporis & Sanguinis Domini ab expendo abstineant, & si abstinere non possint, in loco mundo hoc faciant, qui conculcari non possit.

Si quid de Sanguine Christi ceciderit super corporale, sugenda est pars intincta, & ipsum corporale panno mun-

dissimo involutum pro Reliquiis servandum: Si vero super pallam vel super aliud sacrum indumentum, pars intincta prius sugatur, & postea scindatur & comburatur, vel confuta panno servetur pro reliquiis, ita tamen, quod super pannum cedula nomina illarum reliquiarum continens apponatur: si autem super aliud commune vestimentum ceciderit, pars intincta prius sugatur, & comburatur, & cinis in Sacrario reponatur: si super lignum, Lapidem, vel Terram ceciderit, tergendus & radendus est locus ille, & pulvis in Sacrario reponendus: si autem de Corpore Christi super quodlibet aliud Indumentum ceciderit, pars, super qua ceciderit, abluatur, & ablutio a Sacerdote sumatur, vel ab alio mundæ conscientie: si vero super Lapide, Lignum, & Terram, locus radatur & pulvis in Sacrario reponatur: Sacerdos autem, sive Minister, cujus negligentia hoc acciderit, debet mitti ad Episcopum. Si musca, vel aranea, vel aliud tale in ipsum calicem ceciderit, quod vix sine vomitu, & aliquando sine periculo corporis sumi potest, sanguis sumatur superfluo vino, & ipsum quod ceciderit abluatur, & ablutio a Sacerdote sumatur, vel ab alio mundæ conscientie, & postea illud in Sacrario comburatur, quod si fides ipsa id, quod ceciderit, quempiam sumere fecerit; Deo gratias.

Sacerdos die octavo renovet Sacramenta, Eucharistiam, & Fontem benedictum, ne sui vetustate aliqui ad indevotionem, moveri valeant aut errorem. Nullus antequam matutinas Canonicas, primam & tertiam dixerit, Missas celebrare præsumat, præter aliquam necessitatem. Calix post Missam panno mundissimo involvatur, nec Ministri cum eodem calicem intus detergant, sed alio ad hoc specialiter deputato, quod si non satis decens fuerit, vel vetustate contritus, in Sacrario comburatur.

Nullus audeat bis in die celebrare Missam, nisi magna necessitas id exposcat, excepto die Nativitatis Domini: unam autem Missam cantabit Sacerdos in die, & de die; felix enim est. Qui unam digne celebrare potest; & aliam, si necesse est, cantare poterit pro defunctis: ideo autem *de die* est dictum, quod qui-

dam postposito officio seriali Missam celebrent de Sanctis, quorum Festivitates tunc non sunt; sunt enim secundum congruentiam dierum Missarum solemniora celebranda; celebrantes quoque Missam secundam, vinum perfusionis non sumant, sed Ministro habenti bonam conscientiam conferatur.

Inhibetur Presbyteris, ne hostias dent parvis ullo modo, nisi causa communicandi.

Invenimus X. sequentes præfationes in cathalogo tantummodo recipiendas: unam in Paschate videlicet: *te quidem omni.* aliam in Ascensione scilicet: *qui post Resurrectionem*, tertiam Pentecostes. Quartam de Trinitate, *qui cum Unigenito*. Quintam in Festo Beatæ Mariæ. Sextam in Festo sanctæ Crucis. Septimam de Apostolis. Octavam in Natali Domini. Nonam in Epiphania. Decimam in Quadragesima scilicet: *qui corporali.*

Districte præcipimus, ut Sacerdotes Divinum Officium nocturnum & diurnum pariter distincte & aperte, quantum Deus dedit, celebrent & devote: honestum siquidem esset, quod stantes Canonicas Horas dicerent, maxime in diebus festis, ut alii videntes laborem & devotionem glorificent Patrem nostrum, qui in Cælis est.

Præcipimus, quod in Altari in quo tabula mota fuerit, vel enormiter fracta, Sacerdos non celebret, donec Altare consolidetur, & iterum consecretur: & ampullæ scilicet vini & aquæ in Ministerio Altaris sint munda, integræ, vitreæ, vel stannæ, aureæ sive argenteæ, sed ad abluionem manuum vas grandius deputetur.

Provideant etiam Sacerdotes, quod lavatoria habeant juxta altaria, decencia, munda, abluionibus cursum liberum exhibentia, nec sine coopertorio relinquuntur: juxta altaria etiam ad minus tria manutergia habeantur, unum ad primam abluionem, secundum post Evangelium, tertium post Sacramenti sumpcionem, sed & unum sit pendens circa Missale ad tergendum os & nares, si opus fuerit, Sacerdotis.

Sacerdos, sive Diaconus corporalia sæpe abluant, induti superpellicio, in vase mundo ad hoc specialiter deputato, &

omnes abluiones, si fieri potest, in lavatorio reponantur, vel saltem prima, cæteræ autem in baptisterio: Item altaris linteamina & indumenta Sacerdotalia non nisi a Sacerdote, vel Diacono, vel ab aliqua matrona, vel virgine, sine appositione aliorum pannorum convenienter, quando opus fuerit, abluantur.

Statuimus, ut per omnes Ecclesias Chrisma & Eucharistia sub fidelibus clavibus adhibitis conservetur, ut non possit ad illa temeraria manus extendi: si vero, ad quem spectat custodia, eam incaute reliquerit, tribus mensibus ab officio suspendatur, & si per ejus incuriam aliquid nefandum inde contigerit, gravius puniatur.

In hoc Concilio firmiter inhibemus, ne suppellectilia propria, sive aliena in Ecclesiis admittantur, nisi propter hostiles incurfus aut incendia repentina, sive alias necessitates, ut populum ad eas oporteat habere refugium, sic tamen, ut necessitate cessante cuncta repetantur.

Librum, qui dicitur Manuale, secum habeant singuli Presbyteri Parochiarum, ubi continetur ordo Baptismi, Catechismi, extremæ Unctionis, & hujusmodi libros alios, in quibus possit Divinum tam diurnum, quam nocturnum officium celebrari.

Præcipimus Sacerdotibus: ut omnes redditus Ecclesiæ conscribant, & de rebus Ecclesiæ nihil alienent, nisi per Episcopum: nullus etiam Sacerdos terram transeat sine libro, in quo Canonicas horas omni die legant, prout necesse est; Imagines vetustate deformatae, & linteamina sacra vetustate attrita, sacris usibus inutilia comburantur in loco mundo, & pulvis juxta parietem recondatur Ecclesiæ, quia possent intuentes ducere in errorem.

Præcipimus Sacerdotibus: ut Divino Officio celebrato, & populo regresso ad propria, Ecclesias suas firmare studeant diligenter.

III. De Camiteriis.

Prohibeant Sacerdotes sub pena excommunicationis, choreas maxime in Cæmeterio, vel in Ecclesiis duci: moneant etiam, ne alibi fiant, quia, ut dicit Augustinus: *Melius est etiam in festis diebus*

diebus fodere vel arare, quam choreas ducere, & quia grave peccatum sit in loco sacro choreas ducere; perpendi potest ex pœna secundum rigorem Canonum talibus injungenda: si quis enim choreas, vel balatos in Ecclesiis Sanctorum fecerit, emendationem pollicitus, tribus annis pœniteat. Nullus de novo in Cœmeterio ædificare permittatur, nec domus aliqua, si diruta fuerint, durante per annum ruina, ibi reædificentur, nec finis, nec immunditiæ aliqua in Cœmeteriis admittantur.

IV. De vita & honestate Clericorum.

Clerici officia vel commercia secularia non exercent, maxime inhonesti nimis; Joculatoribus & Histrionibus non intendunt; Tabernas Presbyteri evitent, nisi forte in itinere constituti: ad aleas, vel taxillos non ludant, nec talibus ludis intersint; coronam & tonsuram habeant competentem, & se in officii & aliis bonis studiis exercent diligenter. Vestimenta ordinem Clericalem decencia deferant, nimia brevitate vel longitudine non notanda; pannis viridibus, vel rubeis, nec non manicis, aut focaliibus, froënis, fellis, pectoralibus, calcaribus deauratis, aut aliis superfluitatem generantibus non utantur; fibulas omnino non ferant, neque corrigias, auri vel argenti ornatum quærentes, sed nec annulos, nisi quibus id competit ex officio dignitatis, palliis diffablatis non utantur in publico, sed vel post collum, vel ante pectus connexis.

Nullus Clericus sententiam sanguinis dicat vel proferat, nec sanguinis iudicium exercent, aut, ubi exercentur, intersint.

Nullus Clericus, Diaconus, Subdiaconus, aut Sacerdos artem Chyrurgicam exercent, aut ubi exercentur, intersint, nec quisquam purgationem aquæ fluentis vel frigidaë, sive ferri candentis, seu ritum cujuslibet benedictionis ante consecrationem impendat.

Continenter & caste vivere studeant universi in sacris Ordinibus constituti, ab omni libidinis vitio præcavescentes, maxime illo, propter quem venit ira Dei in filios diffidentiaë, quatenus in conspectu Omnipotentis Dei puro corde &

mundo corpore valeant ministrare. Ne vero facilitas veniaë incentivum tribuat delinquendi, statuimus, ut qui comprehensi fuerint incontinentiæ vitio laborare, prout magis vel minus peccaverint, puniantur secundum Canonicas Sanctiones, quas efficacius & districtius præcipimus observari; ut quos timor Dei a malo non revocat, temporali saltem pœna cohibeantur a peccato. Si quis igitur hac dicta pœna suspensus præsumpserit celebrare Divina, non solum beneficii spoliatur, verum etiam pro duplici culpa perpetuo deponatur: sciat etiam se irregularitatem incurrisse, a qua non poterit absolvi, nisi auctoritate Sedis Apostolicæ speciali.

A crapula & ebrietate omnes Clerici diligenter abstineant, unde vinum sibi temperent; cum ebrietas mentis inducat exilium & libidinis provocet incentivum: unde illum abusum penitus decrevimus abolendum, quo in quibusdam partibus ad potus æquales suo modo se obligant potatores, & ille iudicio talium plus laudatur, qui plures inebriat & calices fecundiores exhaurit: si quis autem ex his culpabilem se exhibuerit, nisi, a Superiore commonitus, satisfecerit, ab officio & beneficio suspendatur.

Inhibemus etiam, ut nullus Sacerdos scæminas, de quibus suspicio potest esse, habere secum in domo præsumat, sed si quam de his necessitatem habuerint Presbyteri, habeant in vico domus longe a sua conversatione, & ibi eis necessaria subministrent.

Prohibemus etiam sub pœna excommunicationis districtissime, ut nulla scæmina ad altare præsumat accedere, & Presbytero ministrare, aut inter cancellos stare vel sedere, quando sacra mysteria celebrantur.

Prohibemus Sacerdotibus districtè, ne secum prolem habeant, quam in sacris ordinibus genuerint, propter scandalum evitandum.

Prohibeant Sacerdotes, ne laici publice teneant concubinas, & si post ammonitionem trinam tenuerint, tam ipse, quam ipsa ab ingressu Ecclesiæ arceantur, & si perseveraverint, gravius puniantur.

Item in hoc Concilio est statutum, quod antiquæ Reliquiæ extra capsam ammodo non ostendantur, nec exponantur venales; inventas autem de novo nemo publice venerari præsumat, nisi prævia auctoritate Romani Pontificis fuerint approbatæ.

V.

Nullus passim recipiatur ad prædicandum, vel ad audiendum confessiones, siue ad injungendum pœnitentias, nisi fuerit authentica persona, & ad hoc ab Episcopo destinata, quod licet quilibet Sacerdos in sua ordinatione potestatem ligandi & solvendi recipiat, executionem tamen non recipit, nisi sibi a Papa, vel suo Episcopo, conferatur: unde nulli Plebanorum Socii audire confessiones vel prædicare præsumant, nisi de indulgentia speciali Episcopi; Quæstores quoque elemosynarum tantum ea dicant populo, quæ in litteris Domini Papæ vel Episcopi continentur, nec ultra prædicare, cantare, vel legere permittantur: Sacerdos autem loci populum sibi commissum diligenter inducat ad elemosynas erogandas pietatis intuitu.

VI.

Statuimus, quod ornamenta Ecclesiæ non obligentur pignori, nisi pro necessitate Ecclesiæ, & de consensu Parochianorum: Calices vero & vestes sacræ Judæis non exponantur, nisi firmiter obserentur, ne ipsorum manibus valeant attrahi, quibus, ubi possunt, contumeliam irrogant Salvatori.

VII.

Prohibemus Sacerdotibus & aliis Clericis, ut aliqua de Ecclesiis suis Domino terræ, vel cuiuscumque alii hominibus, vel aliquid tale facere non præsumant, donec habeant sui Episcopi consilium, ut ejus auctoritate fiat, quod fuerit faciendum.

VIII.

Nullus curam animarum habens, vel non Sacerdos Ecclesiam ad firmam vel sub annuo censu recipiat, nec Sacerdos etiam, nisi de Episcopi licentia speciali.

IX.

Prohibemus Sacerdotibus, ut cum res, vel homo Ecclesiæ detineatur, mo-

neant detentorem, ut reddat vel recredat, & Sacerdos & Decanus cautionem recipiant, & coram Episcopo vel Officiali partibus assignent terminum competentem; si autem reddere vel recredere noluerit, & de detentione constiterit, locus, in quo homo vel res Ecclesiæ detinetur, interdicto supponant, si locus est de Dominio detentoris, alioquin detentorem monitione præmissa per Episcopum vel Officiale ejus ad hoc compelli volumus Ecclesiasticam per censuram, & hæc ipsa Ordinatio a Plebanis & Parochis suis frequentius publicetur.

X.

Nullus Clericus, vel Religiosa persona, vel laicus recipiat Decimam de manu laici, nisi per manum Episcopi.

XI.

Districte præcipimus, ne Sacerdotes cultellum cum cuspidem portent, vel in aliis ordinibus constituti, vel etiam alia arma, nisi iusti causæ timoris.

XII. De Testamentis.

Prohibemus Sacerdotibus, ne sua Testamenta ordinem per manum laicalem: & ipsi frequentius prohibeant laicis, ne testamenta sua faciant sine præsentia Sacerdotis, nisi Sacerdos ex industria noluerit interesse.

Præcipimus Clericis, ut immobilia de bonis Ecclesiæ acquisita, tantummodo suis legent Ecclesiis, cum de jure de illis aliud disponere non debeant, siue possint: de bonis vero suis mobilibus poterunt facere rationabile testamentum; domum vero, utensilia, ac suppellectilia successoribus suis relinquunt.

XIII.

Præcipimus omnibus Clericis habentibus Ecclesias, ut ad singula tempora Ordinum se offerant ordinandos: & qui ordinati sunt, in Ecclesiis suis resident, nisi eis de licentia Episcopi aliter facere permittatur.

XIV.

Presbyteri super excommunicationibus vel absolutionibus faciendis, & Divinis resumendis, cuiquam sine litteris non credant: sententias exequantur audacter, latus stricte servant, nec timore parcentes alicui vel amore.

Cum

Cum aliquid mandabitur Decanis, vel aliis Plebanis, & Mandatores alias certificari de executione non possint, apponant sigilla sua, vel alia authentica, si propria, quod absit, non habeant, ad litteras Mandatoris, in signum executionis per eos fideliter adimpleræ.

XV. De Excommunicatis.

Quando aliquis excommunicatus ab Ecclesia absolvendus est, super hoc pars adversa certificetur, & tunc sollempniter Palmo penitentiali: *Miserere*, & Oratione: *Absolve*, devote, & cum gravitate absolutio impendenda, injuncta sibi penitentia salutari. Sciendum est, quod excommunicati sunt ipso facto, qui in Clericos, vel Religiosas personas manus injiciunt violentas, incendiarii Cœmiteriorum, & Ecclesiarum, & qui litteras Domini Papæ falsant, vel ad hoc ammiculum parant, vel etiam falsatas apud se scienter ultra XV. dies servant, vel falsis utuntur etiam ignoranter, si grassa sit ignorantia & lupina. Item excommunicati sunt per Episcopum sortilegia de Sacramentis Ecclesiæ facientes, & qui malitiose procuraverint abortum. Sciendum etiam, quod excommunicatus a quolibet Sacerdote absolvi potest in articulo mortis, satisfactione præmissa si fieri potest, si pro offensâ manifesta, vel re judicata excommunicatione fuerat innodatus: sane si quisquam tanta paupertate gravetur, quod satisfacere nequeat præter cautionem, dum ad fortunam pervenerit pinguiores, etsi nullam aliam præstare possit, recipiatur in communionem.

XVI. De Jejunis.

Sacerdotes præcipiant omnibus ætatem adultam habentibus, instituta Ecclesiastica observare, ut jejunium quadragesimale; Quatuor temporum, Vigiliarum, scilicet: Natalis Domini, Assumptionis Beatæ Mariæ, Beati Johannis Baptistæ, Apostolorum, præcipue Petri & Pauli, Laurentii Martyris, omnium Sanctorum, jejunium in Litania Majori, Festo beati Marci, & in diebus Rogationum; excipiuntur tamen Vigiliæ Apostolorum Philippi & Jacobi, & beati Johannis Evangelistæ, quoniam illorum festivitates infra sollempnitatem Paschalem, istius autem infra Natale Do-

mini celebratur, si quæ autem de Vigiliis jejunandis die Dominico venerit, indicandum est jejunium die Sabbati præcedenti.

XVII. De Diebus Festivis.

Prænuntiandum est etiam Laicis, ut sciant tempora feriandi per annum, in omni Dominica a vespere usque ad vespeream cum omni veneratione ferianda: Isti autem sunt dies feriat, qui ob reverentiam Dei & Sanctorum noscuntur esse statuti, scilicet: Natale Domini, sancti Stephani, sancti Joannis Evang. Innocentium, sancti Thomæ, Circumcisionis Domini, Epiphaniæ, quatuor Festivitatum beatæ Mariæ Virg. dies Parasceve cum omni reverentia, & honore, Resurrectionis cum tribus diebus sequentibus ad minus, Ascensionis Domini, Inventionis sanctæ Crucis, Pentecostes cum duobus qui sequuntur, sanctorum Martyrum Bonifacii, Viti, & Albani, Nativitat. beati Johannis Baptistæ, XII. Apostolorum, sancti Laurentii, sanctorum Martyrum Kiliani, fociorumque ejus, in quorum honore etiam ista mater vestra est fundata, beatæ Mariæ Magdalenzæ, sancti Michaelis Archangeli, Dedicationis scilicet Oratorii, & præcipue Dedicationis istius Ecclesiæ, Matris vestræ, omnium Sanctorum, sancti Martini, sancti Cyriaci, beatæ Virginis Catharinæ, beati Nicolai, cum ceteris Festivitatibus ac sollempnitatibus, quas singuli Presbyteri in suis Parochiis ab antiquo collaudaverunt cum populo, non enim illæ Festivitates sunt generaliter omnibus indicendæ: de reliquis Festivitatibus per annum non sunt cogendi ad feriandum; sed monendum juxta morem antiquum.

XVIII. De Sponsalibus & Matrimonio.

Prohibemus sub pœna excommunicationis, & magnæ emendæ, ne aliqua personæ consentiant in Matrimonium per verba de præsentî, donec sint ante fores Ecclesiæ, quando debet Nuptialis benedictio celebrari, possunt autem dare fidem inter se de Matrimonio contrahendo, si sancta Ecclesia id poterit sustinere, ut hoc modo non fiat sine præsentia Sacerdotis, & hoc Sacerdotes frequentius in suis Parochiis publicabunt.

Clandestina Matrimonia penitus inhibemus, prohibentes etiam, ne quis Sacerdos talibus interesse præsumat, & statuentes: ut cum Matrimonia fuerint contrahenda, in Ecclesiis Presbyteri publice proponant competenti termino præfinito, ut infra illud, qui voluerit, legitimum impedimentum opponat, & ipsi Presbyteri nihilominus investigent, utrum aliquod impedimentum obstat: cum autem probabilis apparuerit conjectura circa copulam contrahendam, contractus prohibeatur expresse, donec quid circa illud fieri debeat, constet documentis: si quis autem huiusmodi clandestina matrimonia inire præsumpserit in gradu prohibito etiam ignoranter, soboles de tali conjunctione suscepta prorsus illegitima censeatur, cum illi taliter contrahendo non expertes scientiæ vel saltem affectationis ignorantia iudicantur. Quod si ambo contrahentes impedimentum scientes legitimum, præter Ecclesiæ interdictum, & in conspectu Ecclesiæ contrahere præsumpserunt: sane, si Parochialis Sacerdos tales conjunctos prohibere contempserit, aut etiam quilibet alius Regularis, qui eis præsumpserit interesse, per triennium ab officio suspendatur, quin & his, qui taliter copulari præsumpserint etiam in gradu concessio, condigna poenitentia injungatur: si quis autem ad impediendam legitimam copulam malitiosum impedimentum objecerit, Canonicam non effugiet ultionem.

Volumus autem & præcipimus, quod terminus prætaxatus tanto sit temporis intervallo, quod in se tres Dominicos vel Festivos contineat, in quibus tribus edictis perquirat Sacerdos a populo sub poena excommunicationis de legitimitate Sponsi & Sponsæ, qui debent conjungi, videlicet utrum inter eos sit consanguinitas vel affinitas, disparitas cultus, publicæ honestatis iustitia, votum solemne, delicti enormitas, error personæ, error conditionis, violentia, sacer ordo, ligamen, & minor ætas, aut compaternitas &c.

Semper sub poena excommunicatio- nis prohibeantur sortilegia in nuptiis fieri: si autem in computatione graduum aliqua dubitatio emerferit, in hoc diffinitio Episcopi requiratur, nec Sacerdos

quicquam in casu dubio audeat proferre super Matrimonio, Archidiacono inconsulto, sed ad ipsum referant quæcumque emerferint super Matrimonio quæstiones.

XIX. *De Extrema Unctione & cura Infirmorum.*

Ad Sacramentum extremæ Unctionis populum sæpe moneant Sacerdotes non tantum divites, sed & pauperes, & maxime a xiiii. annis & supra, ut ad id omnes pariter, cum fuerit necesse, exhibeant se paratos, sacrum Oleum cum magna reverentia portantes. Doceant sæpe Sacerdotes populum, hoc Sacramentum posse iterari & recipi in qualibet magna necessitate, unde mortis metus poterit formidari.

Statutum est in Concilio Generali, (a) & districte injunctum medicis corporum, ut cum eos ad infirmos vocari contigerit, ipsos ante omnia moneant & inducant, ut medicos advocent animarum, ut postquam infirmis fuerit de spiritali provilum salute; ad corporalis medicinæ remedium salubrius procedatur: si quis autem medicorum hujus constitutionis transgressor extiterit, tamdiu ab ingressu Ecclesiæ arceatur, donec pro transgressione huiusmodi satisfecerit competenter: cæterum cum anima multo pretiosior sit corpore; sub interminatione anathematis prohibeatur, ne quis medicorum pro corporali salute acquirenda ægro suadeat, quod in periculum animæ convertatur.

Singuli Sacerdotes singulos habeant calices, in quibus communicentur infirmi, qui decori sint & mundi, ut in eis infirmorum devotio excitetur, nec permittatur Diaconis deferre Corpus sanctum Domini infirmis, nisi in necessitate, sed semper cum magna reverentia deferatur in pixide idonea, bene clausa, propter casum: & in eundo ad infirmos & redeundo vii Psalmos Pœnitentiales dicant & Litaniam; frequenter moneant laicos ut, ubicumque viderint deferri corpus sanctum Domini, statim genua flectant, tanquam Deo & creatori suo, & junctis manibus donec transierit orent: statuimus etiam: quod quilibet Sacerdos infirmum in extremis laborantem absolvat ab omnibus, a quibus ipsum absolvere potest.

Si

(a) Ex Concilio generali Lateranensi anni 1215. refertur cum infirmitas: De poenitent. & remissione Cap. XIII. Lib. V. Decretalium Gregorii noni.

Si quid de Corpore Christi ab ore infirmi ceciderit, vel inde exierit, quod non possit recipi vel sumi, aut comminutum in calice cum modico vino, alteri habenti bonam conscientiam detur: si autem infirmus adeo fuerit arctatus, quod sub forma magna Corpus Christi sumere non possit, sub minima ei detur in calice comminutum, ut cum modico vino in ore instilletur, maxime si sine scandalo fieri possit, ne infirmus obire sine viatico videatur. Ab infirmis in articulo mortis constitutis inquirenda est peccatorum confessio, non pœna injungenda; eis est tamen intimandum, ut conterantur & doleant de peccatis suis universis & singulis non timore pœnæ, quam peccando incurrerunt, sed quod Deum Patrem, & Creatorem, & Redemptorem suum offenderè præsumpserunt, acerbitates ægritudinis, & flagella pii Pastoris, quamdiu placuerit, cum gaudio sustinentes: si autem convaluerint, statim ad Sacerdotem accedere debent, ut tunc eis pœnitentia competens injungatur.

XX.

In Concilio Lateranensi prohibetur, ne aliquis Presbyter in Benedictione Nubentium, Exequiis mortuorum, & aliis Sacramentis pecuniam extorquere præsumat, aut propter hoc fictitia impedimenta opponat, debent tamen a Parochianis, quibus impensa sunt Sacramenta, piæ consuetudines observari, & sunt per episcopum compellendi, qui nituntur laudabilem consuetudinem immutare: imo inhibemus, ne Sacerdos aliquis in casibus hujusmodi sibi jus audeat dicere, sed apud Superiorem querelam deponat.

XXI. De Pœnitentia.

Præcipimus: ut Sacerdos Episcopo, vel Pœnitentiariis suis, saltem semel in anno confiteatur, permittat autem Episcopus interdum, quoties opus fuerit, eos alijs Sacerdotibus confiteri; Clerici autem, quando Ordines recipere voluerint, Episcopo vel Pœnitentiariis suis confiteantur, ne forte per simplicitatem Confessoris irreti irregularitate ordinentur.

Doceatur maxime antè Quadragesimam: *Omnis* (a) *utriusque sexus fidelis*, quod postquam ad annos discretionis pervene-

rit, omnia sua peccata saltem semel in anno confiteatur fideliter proprio Sacerdoti, & injunctam sibi pœnitentiam pro suis viribus studeat adimplere, suscipiens reverenter ad minus in Pascha Eucharistiæ Sacramentum, nisi forte de proprii Sacerdotis consilio ob aliquam rationabilem causam ad tempus ab ejus perceptione duxerit abstinendum; alioquin & vivens ab ingressu Ecclesiæ arceatur, & moriens Christiana careat sepultura: unde & hoc salutare statutum frequenter in Ecclesiis publicetur, ne quisquam ex ignorantia cœcitate velamen excusationis assumat: si quis autem alieno Sacerdoti voluerit, juxta decreta, confiteri peccata, licentiam prius postulet & etiam obtineat a proprio Sacerdote, cum ipse aliter illum non possit absolvere vel ligare: Sacerdos autem sit discretus & cautus, more periti medici superinfundat vinum & oleum vulneribus fauciat: diligenter intelligat, quale debeat ei præbere consilium & cujusmodi remedium adhibere, diversis experimentis utendo ad sanandum ægrotum: caveat autem Sacerdos omnino, ne verbo vel signo aut alio quovis modo prodat aliquatenus peccatorem, sed, si prudentiori consilio indiguerit, illud absque ulla expressione percaute requirat: quoniam qui in pœnitentiali judicio sibi detectum præsumpserit revelare peccatum, non solum a Sacerdotali officio deponendum decrevimus, verum etiam ad agendam pœnitentiam perpetuam in artum Monasterium detrudendum. (b)

Sunt tamen nonnulli, qui ignorantia cœcitate seducti, cum ad Nos in illis articulis, in quibus Nobis tanquam Episcopo jus dispensandi competit, Parochianos illorum cum litteris suis transmittunt, & nude scribere non verentur: *Tales ad vos mittimus, qui nobis talia crimina sunt confessi, in quibus vobis jus competit dispensandi, unde petimus &c.* quod sub præmissa pœna fieri de cœtero prohibemus, cum per hoc confessiones certissime prodere videantur, sed sic in genere scribant: *Talem ad vos mittimus, qui perpetravit quendam casum, cujus ad vos dispensatio dignoscitur pertinere &c.* & ex tunc ille missus ad Nos veniens, illum casum Nobis vel Pœnitentiaro nostro non definat confiteri eo modo servato, quod

ma-

(a) Canon XXI. Concilii generalis Lateranensis anni 1215. refertur *Lib. V. Decretal. Tit. 38. De pœnitent. & remission. Cap. XII.*

(b) Hactenus Canon Lateranensis,

manifesta peccata non sint occulta correctione purganda: quod si quis ad confessionem de criminibus venerit, & quamvis confiteri velit, se tamen asseruerit abstinere non posse, præcipimus: quod eorum confessio est recipienda, eisque de criminibus consilium exhibendum, quia licet non sit vera hujus poenitentia, admittenda est tamen eorum confessio, & salubribus monitis est poenitentia indicenda.

Consulimus & monemus: ne Sacerdos Missam injungat confitentibus, & ut cupiditatis fugiat vitium in hac parte, fructum, qui ex tali injunctioe solet Sacerdotibus provenire, censeat pauperibus erogandum.

Ad audiendum confessionem, sibi eminentem locum eligant Sacerdotes, ut communiter possint videri, & in locis abditis extra Ecclesiam nullus recipiat confessionem, nisi in necessitate. In confessione habeat Sacerdos vultum humilem, & oculos in terram, nec indiscrete faciem respiciat confitentis, maxime mulieris, & patienter audiat, quid dixerit, & in spiritu lenitatis, eique pro posse suo pluribus modis persuadeat, ut confiteatur integre, nude, & vere: aliter dicat ei, non valere; in confessione etiam caveant Sacerdotes, ne inquirent nomina personarum, cum quibus peccaverint confitentes, sed circumstantias tantum, quæ possunt aggravare peccatum.

Cum ad Sacerdotem pro peccatis confitendis peccator accesserit, si confitens est ignotus, Sacerdos dicat primo, unde es tu? Clericus, an laicus? & utrum accesserit ad eum de licentia Majoris, & his similia: Item, si Dominus, Servus, pauper, vel dives, miles, vel burgensis, mercator, vel rusticus, pelliparius, vel cerdo, & sic de aliis officiis, & hæc omnia & his similia sunt inquirenda, ut Sacerdos postmodum cognoscat, qualiter & in quibus peccare potest ille, qui confitetur, & qua satisfactione poterit satisfacere, his verbis utendo: *Frater, Dominus non vult mortem peccatoris, sed ut magis convertatur &c.* quod hodie in te declaratur, quoniam non vult te occidere in peccato tuo, sed ut venias ad poenitentiam, tibi inspiravit, videas

igitur, ne stultitia deceptus, aliquod peccatum pudore, timore, vel tremore occultes, ego enim memetipsum constituo subportatorem & oratorem peccatorum tuorum &c. Item caveas tibi, ne Deus tibi irascatur, ipse enim novit cogitationes hominum. Item scias, quod si cclares ex industria aliquod peccatum mortale, veniam non posses consequi de aliis, nec præ magnitudine, nec præ multitudine occultandum est, aut præ enormitate peccatorum peccatum in confessione, nam ex magna misericordia Dei omnia in confessione lavantur: dicat igitur in nomine Dei: tunc indicet Sacerdos, quod steter inclinat ad terram, nam ita docuit Dominus, de quo Evangelista dicit: *Inclinato capite emisit spiritum.* Item Sacerdos peccatorem audiens, caveat a cachinno, & risu, vel si sperare velit cum audierit peccata, ne peccator forte erubescat; & forte etiam pertimescat: si autem Sacerdos viderit illum suspirare, vel dubitare, vel etiam palpitare, & quasi palpitando pertransire, dicat ei: *Frater, dicas sincere, quod Dominus est nobiscum, & si vult Sacerdos, cum peccator aliquod peccatum enorme dixerit, poterit dicere: Dominus dimittat tibi, ut cætera familiarius dicat, qui confitetur, & tunc dimittat ipsum ulterius dicere; & caveat Sacerdos, ut cum peccator aliquod peccatum enorme dixerit, statim velit eum increpare: quia aliqui ex hoc erubescunt, & sic peccata sua in confessione relinquunt; non ergo arguendus est tunc, sed audita confessione magnitudo peccatorum est insinuanda.* Item si viderit Sacerdos, ipsum imperfecte & insufficienter dixisse, poterit eum, suppleto defectum ejus, de reliquis inquirere; ut de vii peccatis mortalibus quorum primum est *Superbia*, quæ est, ut *Augustinus*, perversæ celsitudinis appetitus, & habet iii. species; *Prima*, cum homo a se ipso aestimat habere bonum quod habet, & superbit de hoc, ut de ingenio, scientia, pulchritudine, bonis operibus, & hujusmodi. *Secunda*, cum homo bonum, quod habet, non dicit a Deo esse, sed dicit, quod habet suis meritis. *Tertia*, cum jactat se habere, quod non habet. *Quarta*, quando cæteris despectis singulariter vult videri per

per potentiam; de quibus inquirere poterit Sacerdos. Sequitur de *Invidia*, quæ est dolor alienæ felicitatis cum quis de malo proximi gaudet, & de bonis dolet, & tunc quærere poterit de odio, detractiōe, murmuratiōe: Sequitur de *Ira*, quæ est, ut ait Augustinus, ulciscendi libido: & est triplex; est enim ira latens in corde, prorumpens in verba contumeliosa, & exercens vindictam, hic poterit quærere, si injecerit manus violentas in Clericum, si percusserit vel vulneravit proximum suum? Sequitur de *Acedia*, quæ est tadium boni, cum displicet alicui audire Missam, vel Prædicationem, vel interesse Divino Officio: est autem acedia torpor animi bonum inchoare negligens, hic quærat, si fuerit negligens in officio, vel aliquid in eo prætermisit, vel fuerit piger in bonis faciendis, & distulit venire ad Ecclesiam diebus Dominicis & diebus Festivis? Sequitur de *Avaritia*, quæ est secundum Bernardum, quarumlibet rerum insatiabilis & inhonestæ cupiditas, & multas habet species, quæ sunt: latrocinium, homicidium, mendacium, perjurium, rapina, violentia, contemptus veritatis, obduratio cordis, simonia, & usura, & de his poterit inquirere Sacerdos. Sequitur de *Gula*, quæ est vorax edacitas, naturæ finibus non contenta; & quinque modis circa gulam peccatur, ut dicit Gregorius, primo, cum quis horam comedendi prævenit, secundo, cum quis quærat cibaria pretiosa & delicata, tertio, cum quis mensuram excedit, scilicet nimis comedendo, quarto, cum quis nimis ardentem & festinè comedit, quinto, cum quis nimis studiose cibaria sua præparat, & de his poterit inquirere Sacerdos. Sequitur de *Luxuria*, quæ est libidinosa voluptatis appetitus. Differentiæ luxuriæ sunt octo, prima est fornicatio, quæ est soluti cum soluta; secunda meretricum, quæ fit dupliciter, scilicet, vel per vagam libidinem seu cum diversis, vel cum publice vanali concumbendo. Tertia adulterium, quo conjugalis thorus violatur. Quarta stuprum, quo virginalis integritas corrumpitur. Quinta sacrilegium, quo continentia circa sacra læditur, ut in Religiosis & in Clericis in sacris Ordinibus, & in his, qui emisserunt votum continentiae. Sexta in-

cestus, quo vinculum consanguinitatis, vel affinitatis, vel compaternitatis corrumpitur. Septima, peccatum contra naturam, quo naturalis usus coeundi pervertitur, & circa inquisitiones hujus peccati caute habeat se Sacerdos, ut, si potest fieri, semper ex circumstantiis procedat, verbi gratia potest inquirere: Accidit tibi pollutio nocturna? si dicat sic; subjungat, aut ex ebrietate, vel crapula, aut præcedente cogitatione, vel ex confabulatione, vel tactu; pollutio enim nocturna alia est ex superfluitate, vel carnis infirmitate, alia ex crapula; alia ex imaginatione procedens & illicita cogitatione: quæ vero ex infirmitate, vel superfluitate naturali, quod idem est, non prohibet a communione Sacramentorum, nec a ministerio Altaris; illa vero, quæ ex crapula, si sit cum imaginatione secerit ab amministrazione, nisi necessitas cogat: si vero pollutio fuerit ex cogitatione præcedente, peccatum est, sed distinguitur, quia si cogitatio illa non processit ad consensum, quod idem est, non proveniens veniale peccatum est; si vero processit ad consensum, tunc est mortale. Octava est libidinosus coitus conjugalis, qui multipliciter accipitur, alius enim licitus, alius fragilis, alius impetuofus, licitus est triplex, ut quando fit causa prolis ad cultum Dei, vel causa reddendi debitum, vel causa fornicationis vitandæ, non in se, sed in conjugio, & in his nullo dicitur esse peccatum. Fragilis est, quando fit causa delectationis; & tunc distinguitur, quia si amor illius delectationis præponitur Deo, mortale peccatum est; si vero postponitur, veniale. Impetuofus est, qui ex sola libidine proveniens metas honestatis & rationis transcendit, quod fit quinque modis; primo causa sanandæ libidinis per meretricias blanditias; secundo fit cum contra naturalem modum; tertio cum fit tempore prohibito; quarto cum fit loco prohibito. Quinto cum acceditur ad prægnantem vicinam partui, vel quæ est in fluxu menstrui.

Postmodum quærat de X. Præceptis Legis, sine quibus non est salus, utrum aliquis sit transgressus: Primum est; *Non habebis Deos alienos coram me.* Quærat ergo utrum experimenta, vel incantationes, vel conjurationes pro

mulieribus, vel fortilegia pro rebus inveniendis fecerit, vel auguria servaverit, vel divinatores consuluerit? Secunda est: *Non assumes nomen Domini Dei tui in vanum*, hic quærat, utrum perjurium fecerit, vel habuerit verba extranea de Christo, & de Beata Maria? Tertium est: *Sabbatba sanctifices*, hic inquirendum est, utrum die Dominico aliqua opera servilia fecerit vel festivo, ut arare, fodere, & similia, secundum quod visum fuerit ad officium continentis. Quartum est: *Honora Patrem & Matrem*, quærat hic, si patrem vel matrem percussit, vel factis vel dictis ad iracundiam provocaverit, vel si eis in necessariis, si indigebant, non subvenerit? Quintum: *Non occides*, quærat, utrum occiderit voluntarie verbo, vel opere, consilio, vel auxilio: Item, si viderit aliquem in articulo mortis, & penuriam patientem, & eum statim pro posse suo non liberaverit, vel conceptum interemit, vel perimendum docuit, vel venenum alicui miscuit. Sextum: *Non mœchaberis*, quærat, utrum uxorem proximi cognoverit, vel osculatus fuerit, vel inhoneste tractaverit, & ut eam haberet, quod potuit, fecit. Septimum est: *Non furtum facies*, quærat, si furtum fecerit, vel si furtive, quid rapuerit, quando & a quibus, & ubi & unde, & si latronibus conferent. Octavum: *Non falsum testimonium dices*, quærat, si aliquis pro suo testimonio, vel occasione sui, res suas amiserit. Nonum: *Non concupisces rem proximi tui*, hic prohibetur rei immobilis concupiscentia secundum Augustinum. Decimum: *Non desiderabis uxorem &c.* prohibetur concupiscentia rei mobilis & immobilis, estque secundum originem unum Præceptum cum precedenti. Quærat igitur, si utrimque concupiscit rem aliquam de his, quæ hic prohibentur, concupiscit.

De quinque Sensibus corporis quærat primo de *Visu*, utrum libenter videat mulieres vel fornicatores, cum debuisset oculos avertere. Item si ivit ad videndum spectacula hujusmodi. Item de *Oloratu*, utrum detulerit species ad emitrendum odorem bonum, ut mulieres alliceret. De *Auditu*, utrum libenter canilenas, & alia vana, aut turpiloquia audierit. De *Gustu*, utrum falsas

carnes superfluas, provocantes luxuriam, comederit, vinum purum, vel sorbilia biberit, vel provocaverit luxuriam, aut jejunia debita absque necessitate fregerit. De *Tactu*, utrum mulieres tetigerit inhoneste.

Post hæc; quærat de officio, utrum in ipso aliquam fraudem fecerit, item quærat de interiore homine, de cogitationibus malis. Postea quærat de circumstantiis aggravantibus peccatum, quæ in omnibus peccatis inquirenda sunt: *Primo*, in qua ætate fuerit, cum peccare mortaliter cœperit? Item quis fuerit, utrum erat liber, vel servus, seu in officio constitutus, sciens, aut ignarus, consanguineus, affinis, vel extraneus; Item, quid fecerit, utrum commiserit adulterium, vel fornicationem, homicidium, & similia? Item, ubi fecerit? utrum in sacro loco, vel prophano, aut in alio loco, cui excellentia debuit, ut sunt domus Dominorum, & aliorum multorum. Item, per quos, utrum per mediatores, aut nuntios, quia omnes tales sunt participes criminis, & damnationis, & ipse confitens est obligatus pro poenis ipsorum. Item, cum quibus, virgine, conjugata, soluta vel oppressa. Item, quoties debet confiteri simpliciter, & Sacerdos interrogare non peccata, sed quotiens, quia vultus iteratum tardius sanatur? Item, cur, & quali temptationi, utrum prævenit temptationem, vel fuerit præventus ab ea sponte, an coactus cupiditate, an paupertate, vel ludo, vel jocundo animo. Item, de modo agendi. Item, in Quadragesima, vel in alio tempore, scilicet in Festis, & in similibus. Item, utrum ante poenitentiam, an post, ipsam frangendo. Item, debet confiteri peccator de bonis obmissis, & malo exemplo. Item, confessione facta Sacerdos incipiat dicere consistenti magnitudinem, & enormitatem cujuslibet peccati, sic addendo: Frater, vides te facinora perpetrasse, proponis de cætero non redire? si dicat sic; Dominus transferat a te peccata tua, unde tamen poenam temporalem oportet te sustinere, aut hic, aut in purgatorio, jam elige tibi hic, vel ibi sustinere poenas pro peccato Deo commissio: pro quolibet enim peccato deberet tibi imponi septennis poenitentia: tamen quia ego & tu in-

firmi

firmi sumus, & fragiles, dabo tibi, quod tu portare poteris, & tunc Sacerdos secundum arbitrium suum imponat pœnitentiam; ita quod respondeat peccatis, si fieri potest.

Tribus autem modis peccat homo, primo in Deum, secundo in proximum, tertio in se ipsum. Item, in Deum per blasphemiam, & huiusmodi, & tunc debet satisfacere per confessionem. Item, in proximum per rapinam, & tunc debet satisfacere per operis satisfactionem, restitutionem, vel eleemosynam. Item, in se ipso, per gulam & luxuriam, & tunc debet satisfacere per vigilias, disciplinas, jejunia, & alias carnis macerationes.

Caveant tamen Sacerdotes cujuscumque status vel societatis fuerint, sive Religiosi, ne in his casibus in quibus solum dispensandi vel absolvendi jus Episcopo competit, absolvant aliquatenus pœnitentem, sed ipsum sub forma superius tradita, ad eundem remittant absolvendum, cum illis articulis potestatem solvendi non habeant vel ligandi, quia sic in illis solvendo aliqua vel ligando, absque licentia Episcopi speciali, in suæ damnationis pœnam animæ, miserabiliter decipiant pœnitentes.

Episcopus autem in his casibus dispensare potest: videlicet: cum falsario, scilicet ut detineatur, vel ad Papam mittatur, item cum idiota, jam promotus, quod maneat in statu suo. Item cum sacrilego, item cum promotus per saltum. Item cum servo promotus, si vult eum redimere. Item cum hæretico converso. Item cum Clerico suo ordinato ab alio Episcopo, & eo inconsulto. Item cum fure rerum Ecclesiasticarum, quod mitigetur ei pœna; item in eo quod tempore famis vendantur res Ecclesiasticæ, pro alimentis pauperum & redemptione captivorum. Item quod suspensus in patibulo, vel alias mortuus, vel occisus sine Eucharistia, si apparuerint signa pœnitentiæ, sepeliatur in Cimiterio. Item; cum Monacho ut sit Capellanus populi in Parochiali Ecclesia, & hoc, si potest habere focium Monachum, alias non. Item cum alio qui juravit temere dum tamen juramentum non vergat in detrimentum animæ vel corporis. Item cum illis, qui fornicario coitu cognoverint

moniales. Item cum incestuoso, qui per errorem cognovit sororem uxoris. Item cum incestuoso similiter. Item potest dimittere pœnam Sacerdoti, qui male custodivit Eucharistiam, si mus comederit species. Item quod Sacerdos celebret eadem die in Altari ubi Episcopus celebravit. Item in pœna, si Presbyter baptizat cum veteri Chrismate. Item cum eo, qui ignoranter recepit ordines ab Episcopo excommunicato. Item cum Presbytero, qui pugnavit in duello, si mors infecuta non fuerit, vel debilitatio membrorum; item cum sectis in cunabulis, vel a Dominis, vel ab aliis, & cum castratis timore lepræ, & cum illis, qui ita nati sunt sunt, ut promoveantur & qui promoti remaneant in ordinibus suis. Item executione officii sui præter quam in Missa, qui propter vitium carnis se castravit. Item cum Sacerdote, qui plures simul habuit concubinas. Item cum Sacerdote extraneo, vel qui celebrat occulte, licet non habeat litteras vel testetur de ordinatione sua. Item cum Rectoribus Ecclesiarum, si non veniant ad Synodum: semper enim tenentur venire; alias possunt puniri. Item potest mutare Canonicum, vel alium Clericum mutare ex causa rationabili de dignitate ad dignitatem & de beneficio ad beneficium, hoc ipsum per se facere non possunt. Item, quod viro converso uxor in sæculo remaneat, castimonia promissa, si non est suspecta persona. Item in voto quod in melius commutetur, nisi Hierosolymitano, & continentia. Item cum Sacerdote incauto, si in aliquo officium suum contingenti peccat. Item in observatione jejuniorum ex justa causa, etiam quod infirmi comedant carnes. Item cum Subdiacono vel Diacono, qui contraxit matrimonium, super beneficio in executione officii, si tamen contraxit cum Virgine, secus cum corrupta, vel dum contraxit bis. Item cum incestuoso, qui contraxit post pœnitentiam. Item cum illis qui contraxerunt Matrimonium contra interdictum Ecclesiæ ubi non est perpetua prohibitio. Item potest dispensare cum illo, qui ignoranter beneficium habuit simoniace, non in beneficio illo, sed in alio. Item cum homicidis, parricidis, & uxoricidis, quod contrahant Matrimonium. Item cum raptoribus secun-

dum formam juris. Item cum fure, item cum sacrilego. Item cum Clerico percussore, item cum Presbytero homicida in casu inevitabili dummodo illum casum non incidat sua culpa. Item cum eo, qui furtim ordines recepit. Item cum illis, qui modicam lationem per violentam manuum injectionem Clericis fecerunt, item mortuum excommunicatum a se vel Decessore suo, post mortem absolvere, si apparuerint pœnitentiæ signo in eo, item subscripti in foro pœnitentialem similiter ad Episcopum sunt mittendi: videlicet, Homicida facto vel verbo, vel consensu; Simoniacus cujuscunque generis, in Ecclesia communem luxuriam committens cum vidua vel Sarracena; deflorator virginis seductæ; abutens Chrismate vel Eucharistia. Furtum in Ecclesia committens, & Clericus cuius negligentia hoc contingit, item coiens cum Moniali, & mulier cum Religioso. Verberans patrem vel matrem. Item ille, qui in mortem conjugis machinatur, item contrahens matrimonium post votum castitatis, item procurans abortum sive sterilitatem in se vel in alio. Item excommunicatus nolens exire Ecclesiam & Divinum Officium perturbans. Item contrahens Matrimonium post sponsalia cum alio, juramento interposito contracta. Item invocantes dæmonem. Item scienter corpus excommunicati in Ecclesia vel cœmeterio sepeliens. Item clandestine Matrimonium contra-

hens, item pro sacrilegio, violatione Ecclesiarum, item pro quolibet vitio contra naturam, item pro quolibet incestu. Item coiens cum illa, quam baptisavit vel ejus confessionem audivit. Item excommunicatus ab Episcopo, vel usurarius manifestus & sic Sacerdotes in confessionibus majora majoribus reservantes solliciti existant, ut pœnitentibus pondus importabile non imponent; licet recipere sint parati & sic pœnitentiam temperent injungendam, ut a studio non cogantur cessare scolares, vel ab officio suo fabri vel alii, vel ut Dominum suum cursor sequi non possit, nec peccato occulto publicam pœnitentiam imponent, nec etiam publice pœnitentem scire faciant pœnitere.

In his ergo & aliis salutaribus monitis & doctrinis vos Sacerdotes, præcipue curam animarum habentes & regentes plebes vobis commissas a Domino caute, fideliter & diligenter instruere & informare studeatis & verbo & exemplo edificate, ne in extremo judicio sanguis earum de vestris manibus requiratur, imo talentum vobis traditum cum tanto lucro reddatis, quod, reddita ratione, tanquam fideles servi & prudentes, pro remunerationis præmio sempiterna gaudia una cum grege vobis credito recipere debeatis, ad quæ nos omnes perducat ille, qui in æternitate vivit & regnat, amen.

Ex Cod. MS. Biblioth. Carmelit. Bambergens.

CONCILII ARGENTINENSE

SUB FRIDERICO EPISCOPO.

Anno Christi MCCC. Bonifacii VIII. Papæ VI.

Alberti Regis II.

Fridericus Episcopus (a) inter ea, quæ ad honestatem Sacerdotalem pertinent, supra jus Pontificium, statutaque Provincialia Moguntinæ Metropolitæ, Legem sanctissimam contra execrabilem concubinatum addidit, & promulgavit, quo more Pii Patris gravissimis

pœnis etiam privationis beneficiorum affici, decrevit eos, qui famam suam negligunt, & reverentiam maculant Clericalem, focarias palam domi suæ nutriendas.

Wimpelingus in Catalogo Episcoporum Argentinensium, & ex eo Guilielmus.

(a) Fridericus de Liechtenberg, ex Præposito Ecclesiæ eligitur Episcopus Argentinensis 5. Septembris 1299. & ab Alberto Rege Romanorum regalia; ab Gerardo vero Archiepiscopo suo Moguntino, confirmationem electionis accipit eo die, quo electus fuerat. Obiit 1306. 20. Septembris. Sedit annis VI.

SYNO.

SYNODUS COLONIENSIS

A WICHBALDO (a) ARCHI-EPISCOPO CELEBRATA

Anno Christi MCCC. Bonifacii VIII. Papæ VI.

Alberti Regis II.

TITULI CAPITULORUM, XXII.

- I. De etate & qualitate præficiendorum Ecclesijs Parochialibus.
- II. De nominibus Pastorum, non residentium, & non ordinatorum, tradendis per Decanos.
- III. De apostatis, discursoribus, & vagis Clericis.
- IV. De illis, qui plura beneficia acceptant, & habent in una eademque Ecclesia.
- V. De Testamentis Clericorum.
- VI. De Testamentis Laicorum, & quorum debeant admoneri per Sacerdotes.
- VII. De Legatis fabricæ Ecclesiæ Colonienfis, & de pœna celantium legata.
- VIII. Quod quilibet potest in lecto infirmitatis condere testamentum, & legare proprietatem, retento usufructu, non obstante quocunque statuto.
- IX. Pœna contra contrarium statuentes.
- X. De inventario faciendo per manifestos, & quando licet apprehendere bona, inventario non confectio.
- XI. De bonis Clericorum decedentium, & de hujusmodi bonis se intromittentibus.
- XII. De manifestis usurariis.
- XIII. Ne quæstus fiat in Ecclesia, vel via publica per Concionatores quæstuarios.
- XIV. Ne aliquis detineat legata fabricæ minoris Ecclesiæ Colonienfis.
- XV. Ut unusquisque promoveat fabricam minoris Ecclesiæ Colonienfis.
- XVI. De laicis Provizoribus structurarum Ecclesiasticarum.
- XVII. Ne campanarii sint illiterati.
- XVIII. Contra falsarios monetarum, & eorum receptores.
- XIX. Ne aliquis exsequatur mandata indebite, seu de rescritis.
- XX. Contra suspendentes tedas vel litteras comminatorias ad portas, seu fores.
- XXI. Contra detentores cerocensis.
- XXII. Quibus eorum statutorum copia necessario habenda.

STATUTA D. WICHBOLDI, ARCHI-EPISCOPI
COLONIENSIS.

WICHBOLDUS, DEI GRATIA, SANCTÆ COLONIENSIS ECCLESIÆ
ARCHI-EPISCOPUS, SACRI IMPERII PER ITALIAM ARCHI-CANCELLARIUS; UNI-
VERSIS PRÆLATIS, CAPITULIS, CONVENTIBUS, COLLEGII, ECCLESiarUM REG-
TORIIBUS, TOTIQUE UNIVERSITATI CLERI ET POPULI SUE CIVITATIS, ET
DIOECESIS COLONIENSIS; SALUTEM ET INFRA SCRIPTORUM MEMO-
RIAM PERPETUAM OBSERVANDAM.

- I. De ætate & qualitate præficiendorum Ecclesiis Parochialibus.

Licet Sacris Canonibus sit institutum, ne aliquis ad regimen Parochialis Ecclesiae assumatur, nisi qui jam vigesimum quintum annum ætatis attingerit, & scientia, & moribus commendatus existat: plures tamen hujus salubris statuti invenimus transgressores. Vo-

E. 3 m dms tes,

(a) Wicboldus, ex Decano majoris Ecclesie Colonienfis, electus anno MCCXCVII.
Sedit ad annum 1306. 6. Augusti.

tes, non solum ab ingressu Ecclesiæ suspendimus in his scriptis, verum etiam ipsam investituram decernimus non tenere.

II. *De nominibus Pastorum non residentiam, & non Ordinationum tradendis per Decanos.*

Item cum secundum jus, quilibet, qui ad curam animarum regendarum assumitur, ut gregis sibi crediti diligentius gerere curam possit, in Parochiali Ecclesia, cujus Rector exstiterit, residere personaliter, & ad eam promoveri teneatur; alioqui etiam nulla monitione præmissa, ipsa Ecclesia sit privatus: vobis Decanis Christianitatum committimus, & mandamus; quatenus nomina illorum, qui in vestris Decanatibus hujusmodi Ecclesias, utpote minores annis, occupant; & nomina Pastorum non residentium personaliter, in his scriptis nobis intra mensem post præsentem diem tradatis, ut hujusmodi negligentiam & defectum de Prælatorum nostrorum consilio reformemus. Alioqui in vos ex tunc sententiam excommunicationis ferimus in his scriptis, & id ipsum in qualibet Synodo volumus observari in forma supradicta.

III. *De apostatis, discursoribus, & vagis Clericis.*

Quia vero, ut intelleximus, aliqui Clerici, utpote apostatæ, discursores, & vagi, de aliis Provinciis & Dicecesibus ad Dicecesim nostram Coloniensem venientes, regimen animarum & officiationem Ecclesiarum sibi assumunt, qui ab aliis Dicecesibus tamquam irregulares & indigni, pro eorum culpis & excessibus sunt remoti: statuimus, ut nullus deinceps Presbyter alienus ad regimen & ad curam animarum, loco coadjutoris, vel vicarii, aut socii per Pastores Ecclesiarum, vel Capellarum, aut altarium Rectores, assumatur absque litteris testimonialibus proprii Episcopi, profitentis talem rite secundum claves Ecclesiæ ordinatum esse, & executionem sui officii habere: ita quod per Decanos Christianitatum, in quorum Decanatibus assumi desiderant examinati, tunc demum admittantur tales, cum in his inventi fuerint idonei, ut dictum est. Pastores vero & Capellani, ac altarium Recto-

res nostræ Dicecesis, qui his spretis, aliquem Clericum ignotum, dicentem se Presbyterum, assumpserint, excommunicationis sententiam, nisi intra sex dies a se talem amoverint, se extunc ipso facto noverint incursum, & alias pro modo culpæ, canonicè puniendos.

IV. *De illis, qui plura beneficia acceptant, & habent in una eademque Ecclesia.*

Cum item Sanctissimus Pater Dominus Bonifacius octavus summus Pontifex, inter cætera statuerit, ne aliquis deinceps, nisi unicum Personatum, Dignitatem, Præposituram, Administrationem vel Officia perpetua, quocumque nomine censeatur, cum Præbenda insimul, absque dispensatione Sedis Apostolicæ in eadem Ecclesia obtinere, vel jam obtenta tenere valeat: & si a quocumque secus præsumptum fuerit, illud irritum sit omnino, nos quia nonnulli in observatione hujusmodi statuti se exhibent negligentes, in ipsorum negligentiam supplere cupientes, mandamus vobis universis, ad quos talium ordinatio seu collatio spectare dinoscitur, ne deinceps talia faciant, & attentent, sed ea personis, intra tempus legitimum habilibus conferant. Alioqui nos eadem confereamus.

V. *De Testamentis Clericorum.*

Præcipimus, ut Sacerdotes denuntiarent suis subditis, quod omnes, quibus a jure inhibitum non est, liberam testamenti condendi habeant facultatem. Et Clerici bona, maxime immobilia, & quæ per Ecclesiam sunt adepti, sive per modum testamenti sive alias, non transferant ad filios vel nepotes, aut ad alios suos consanguineos, sed relinquunt ea Ecclesiæ, a qua sunt profecta, sed intuitu elemosynæ, pauperibus, religiosis, & piis locis, & illis, qui ipsis servierunt, sive consanguinei sint; sive alii, aliqua juxta servitii meritum de mobilibus dare possunt. De aliis vero bonis, quæ ex hereditate, artificio, vel doctrina, vel alias non ex bonis Ecclesiasticis ad Clericos pervenerint, Clerici possunt disponere pro suo arbitrio. Excommunicamus & excommunicatos denuntiamus omnes Clericos, qui bona mobilia Ecclesiarum, filiis suis, nepotibus,

bus, vel consanguineis, seu aliis conferunt, vel in ipsos transferunt, & ab Ecclesia alienant sua propria voluntate, & sine consensu nostrorum.

VI. *De Testamentis Laicorum, & quorum debeant admoneri per Sacerdotes.*

Præcipimus, & monemus, ut laici in præsentia sui Sacerdotis testamenta sua faciant, nisi improvisa necessitas emerferit. Item omnibus Sacerdotibus præcipimus, quod hortentur omnes Clericos, & laicos testamenta sua facere, & quod non differant usque ad angustiam mortis, sed ea faciant, dum adhuc compotes sunt suæ mentis & corporis. Et in testamentis suis faciendis consulant Sacerdotes suis subditis, quod declarent sua debita & forefacta: & quod ex primo restitui faciant seu præcipiant de bonis suis: & quod postmodum legent aliqua fabricæ Ecclesiæ totius Civitatis & Diocesis Colonienfis, & suæ Parochiali Ecclesiæ, & etiam religiosis & piis locis, & pauperibus aliis, secundum arbitrium testantis.

VII. *De Legatis fabricæ Ecclesiæ Colonienfis & de pena celantium legata.*

Si quis vero Fabricæ Ecclesiæ sancti Petri, Parochiali Ecclesiæ suæ aliquid legaverit in suo testamento, eidem viginti dies de injuncta sibi poenitentia relaxamus, & fiant testamenta Parochianorum publice & coram discretis personis. Et cum aliqua Ecclesiæ sancti Petri legantur, hoc Presbyter significet Colonie procuratori fabricæ, & nomina eorum, qui prædictæ fabricæ legata fecerint, intra mensem: suspendimus autem, & suspensos denuntiamus omnes Presbyteros, qui celant legata fabricæ prædictæ, nisi ea procuratori ejus denuntient intra duos menses a tempore scientiæ: excommunicamus etiam omnes laicos, qui celaverint prædicta legata.

VIII. *Quod quilibet potest in lecto infirmitatis condere testamentum, & legare proprietatem, retento usufructu, non obstante quocumque statuto.*

Quoniam autem in aliquibus locis nostræ Diocesis quædam consuetudo ino-

levit, quæ dicenda potius est corruptela, cum sit contraria rationi, & contra jura Canonica & Civilia, videlicet quod Judices & Scabini, & Consiliarii quorundam oppidorum dicunt, statuunt, vel judicant, & faciunt observari, & per consuetudinem tenent, quod nullum testamentum, donatio vel legatum teneat super immobilibus, quod vel quæ a decumbentibus in lecto in pios usus, vel alias personas, fuerit factum vel facta: nec etiam quod vel quæ fiunt ab aliquo per applicationem proprietatis in pia loca vel alias personas, retento a donatore seu a testatore usufructu, nisi ab eodem usufructus cum proprietate transferatur & deferatur: Nos huic manifesto errori obviare volentes, consuetudines prædictas seu statutum reprobato seu reprobato penitus reprobamus: statuentes etiam, quod quilibet tam sanus quam infirmus, qui liberam habet à jure testamenti factionem & compos mentis exstiterit, libere possit condere testamentum, & donare & legare, tam proprietates, quam usufructum; & etiam utrumque, tam proprietates quam usufructum: & secundum ejus voluntatem, & dispositionem procedant universa præmissa, cum ultima voluntas libera esse debeat, & liberum, quod non redeat, arbitrium.

IX. *Pena contra contrarium statuentes.*

Præcipientes districtius, quod si in aliqua Parochia aliquando Judices, Scabini vel Consiliarii, secundum dictas consuetudines seu statutum; reprobato, seu reprobato judicaverint vel fecerint observari, denuntientur Officiali nostro, & ipse Officialis noster contra prædictos tam Scabinos, quam Consiliarios, & partem ad hoc instantem nominatim procedat.

X. *De Inventario faciendo per manusfideles & quando liceat apprehendere bona inventario non confecto.*

Verum, quia exsecutores seu manusfideles testamentorum nonnunquam in executionibus testamentorum perperam procedentes, bona ad executiones testamenti pertinentia clam surripiunt & celant; & postmodum cum rationem executionis suæ facere debent, negant se habere

habere bona quanta receperunt, furtum & rapinam committentes, & ultimam voluntatem defuncti minime exsequentes: nos malitiis talium obviare volentes, statuimus & ordinamus, quod nullus exsecutorum seu manifidelium bona testatoris ad executionem suam pertinentia invadat vel recipiat, vel de eisdem aliquatenus se intromittat, nisi facto prius inventario, id est, quadam scriptura, in qua continebuntur, quæ & qualia bona testator post se reliquerit, ad executionem prædictam pertinentia: quæ ipse exsecutor seu manifidelis recipiet, & levabit; & debita, forefacta, & legata ipsius testatoris restituens, adimplebit. Et illud inventarium fiet per probos viros & idoneos, videlicet per Presbyterum, & duos Scabinos loci, vel Synodales non suspectos, & sigillabit sub sigillo Presbyteri, vel alicujus authenticæ personæ; unde exsecutores petant a testatore, si poterit fieri, quod ipsos de bonis suis, & de debitis suis certificet. Nam in hoc stabitur assertioni testatoris. Et nos excommunicamus, & excommunicatos denuntiamus omnes exsecutores, seu manifideles, qui bona decedentium, quorum sunt exsecutores, prius non facto modo prædicto inventario, invadunt & recipiunt, & levant. Et nihilominus ipsi exsecutores & manifideles, si bona prædicta, non facto inventario, levaverint, dum a Creditoribus seu a Legatariis defuncti tenebuntur & condemnabuntur: exceptis rebus, quæ servari non possunt, quas res, si necessitas exegerit, exsecutores alienare poterunt, non facto inventario, in præsentia Sacerdotis loci, vel duorum vel trium Scabinorum, vel Synodaliū, vel fide dignorum: & pecuniam de dicta receptione ipsi exsecutores deponant in certo loco, nec ea utantur, nisi dicto inventario facto. Alioqui dictas excommunicationis sententias incurrant. Et si defunctus aliquod debitum sub pœna ad usuras, seu ad alia pericula, vel ad alia damna debeat; poterunt exsecutores seu manifideles de bonis defuncti solvere debitum, pœnam, usuras, & alia pericula, & damno extinguendo; non facto etiam inventario, si ipsum inventarium commode fieri non potest. Et si debitum, pœna, usura,

seu aliis impedimentis instantibus (b) sunt augmentanda, vel etiam exsequiæ dicti defuncti fuerint faciendæ: hoc tamen fiat in præsentia Presbyteri, duorum vel trium Scabinorum, Synodaliū, vel aliorum proborum: alioqui dicta excommunicationis sententia ligentur. Si vero Presbyter loci fuerit exsecutor, tunc faciat fieri inventarium ipsum in præsentia Decani loci, vel alterius authenticæ personæ, duorum vel trium Scabinorum, Synodaliū, & aliorum proborum. Præcipimus etiam Sacerdotibus loci & ipsis exsecutoribus seu manifidelibus, quod copiam inventarii prædicti referant nobis intra duos menses, si intra Diœcesim nostram fuerimus: alias nostro Officiali, a tempore, quo factum fuerit. Et præcipimus hoc per nostrum Officiale registri: nec aliquid recipiatur pro sigillo. Cum autem testator decesserit, ipsi exsecutores seu manifideles, pro facto inventario, bona ad executionem pertinentia apprehendant: & exsequantur ultimam voluntatem dicti defuncti: faciendi proclamari in loco, in quo morabatur defunctus, & pluries esse & conversari consuevit; ut & omnes creditores ipsius defuncti, & a quibus aliqua extorserat, compareant certa die sua debita ostensuri; & tunc ipsi exsecutores, seu manifideles, primo creditoribus, a quibus, quid injuste extorserat, satisfaciant & de residuo legatariis, cuilibet pro rata bonorum defuncti: & Officialis noster per censuram Ecclesiasticam compellat exsecutores & hæredes defuncti, ad implendam & exsequendam defuncti voluntatem.

XI. De bonis Clericorum decedentium, & de hujusmodi bonis se intro-mittentibus.

Sed quia nonnulli terrarum Domini, Judices, & alii officarii laici, bona Clericorum nostræ Diœcesis decedentium ex testamento, vel ab intestato, auctoritate propria, & violenter rapiunt, occupant, & arrestant, in præjudicium Ecclesiasticæ libertatis, quominus decedentium ultima voluntas pro salute animarum eorundem decedentium valeat adimpleri: nos tam præsumptuosos excessus corrigere volentes, monemus omnes nobi-

(b) forte: sit augmentandum.

Nobiles, Judices terræ, Advocatos, terrarum Dominos, & laicos quoscumque, ne deinceps talia attentare præsumant. Contrarium facientes (quos ipso facto tunc in his scriptis excommunicamus) excommunicatos in Ecclesiis vestris, & præcipue in Parochiis, in quibus talia perpetrantur, & in quibus tales morantur, vos universi Rectores Ecclesiarum publicè nuncietis. Quam excommunicationis sententiam, si per quindenam post hujusmodi delictum perpetratum, animo sustinuerint indurato: districtum, siue terram, si Dominus terræ est, alioqui locum, ubi talia perpetrata noscuntur, ubi forefactores tales manserint, Ecclesiastico supponimus interdicto.

XII. De manifestis usurariis.

Excommunicamus, & excommunicatos denuntiamus omnes usurarios manifestos; & singulis diebus Dominicis & Festivis a quolibet Sacerdote denuntientur excommunicati. Nullus Sacerdos oblationes manifestorum usurariorum recipiat, nec ad communionem eos admittat: nisi satisfaciant de usuris, secundum constitutionem felicis recordationis Domini Gregorii Papæ X. quæ incipit: *Quamquam usurarii* &c. Nullus testamentis manifesti usurarii intersit, nec ad poenitentiam & communionem eos admittat: nisi de usuris satisfecerint, secundum formam constitutionis dicti Domini Papæ. Et testamenta manifestorum usurariorum, qui secundum formam dictæ constitutionis non satisfecerint de usuris, nulla sint ipso jure, dum autem manifesti usurarii, secundum formam dictæ constitutionis satisfecerint, ad Sacramenta Ecclesiastica (c) admittantur. Manifestos autem usurarios dicimus, de quibus per sententiam, vel per confessionem factam in jure, aut evidentiam, quæ aliqua tergiversatione non potest celari, constiterit evidenter. Et illos etiam, qui super usuris diffamati, intra tempus statuendum ab eo, qui super hoc habet potestatem, se non purgaverint, reputamus pro manifestis usurariis puniendos. Præcipimus etiam singulis Sacerdotibus Parochialibus, quod moneant in Parochiis suis frequenter in generali & in speciali, de

quibus constiterit, usurarios, & infamatos publice de usuris, ac contractus illicitos præemptionum exercentes, ut ab usuris & talibus contractibus desistant intra septem dies a tempore dictæ monitionis. Alioqui ipsi ex tunc dicti usurarii, & præemptores, excommunicentur in speciali, de quibus constiterit; & de quibus non constiterit, in generali, & diffamati, si se non expurgaverint, pro convictis habeantur. Et si taliter moniti, & excommunicati, desistere noluerint, nominatim excommunicentur, & nomina eorundem nostro Officiali referantur, salvo jure Nostro & Archidiaconi in præmissis. Præcipimus etiam constitutiones dicti Domini Papæ, contra usurarios alienigenas editas, firmiter observari. Sacerdotes non permittant quæstionarios Goliardos, (d) vel quoscumque alios ignotos, intra Parochiam suam in Ecclesia, vel in via, vel in platea, vel in quibuscumque locis Parochiæ suæ prædicare, vel ostium deferre indulgentias pro quæstu faciendo. Sed tales, & omnes, qui eis assunt, Presbyter loci excommunicet; & ad removendum ipsos invocet auxilium brachii secularis, si necesse fuerit.

XIII. Ne quæstus fiat in Ecclesia, vel via publica per Concionatores Quæstuarios.

Sacerdotes non permittant Prædicatores quæstionarios celebrare super arcas, vel pullare campanulas manuales per vicos, neque in Ecclesia; & ipsi Presbyteri singulis diebus Dominicis & Festivis moneant Parochianos suos, & etiam sub pœna excommunicationis inhi-beant eisdem, ne tales audiant, propter pericula hæresum & errorum, quos sæpius feminant. Et si quis tales viderit, denuntiet Presbytero: & Presbyter faciat eos teneri per justitiam secularem, & Nobis remitti. Præcipimus etiam, quod Ecclesiæ interdictæ a Nobis, nostro Capitulo, Archidiacono loci, vel Officiali, seu quocumque Judice ordinario nullatenus aperiantur, nec quacumque auctoritate, pro quocumque quæstu faciendo, nisi de speciali mandato nostro.

XIV.

(c) deest: non.

(d) Goliardus, jocularator publicus, Gallice: Bouffones, & olim Clerici Ribaldi.

XIV. *Ne aliquis detineat legata fabricæ majoris Ecclesiæ Colonienfis.*

Monemus item omnes Sacerdotes, & alios quoscumque nostræ Diœcesis, qui eleemosynas fidelium, ad opus fabricæ Ecclesiæ majoris Colonienfis collatas detinent, quod intra mensem satisfaciant, de eisdem Procuratori, seu Procuratoribus dictæ fabricæ. Alioqui ipsos suspendimus: & si per octo dies dictam suspensionem sustinuerint, ipsos excommunicamus: & etiam omnes illos, qui dictas eleemosynas surripuerunt, celaverunt, & distraxerunt, surripiunt, celant, & distrahant, in fraudem dictæ fabricæ Colonienfis.

XV. *Ut unusquisque promoveat fabricam majoris Ecclesiæ Colonienfis.*

Item præcipimus, & injungimus universis Presbyteris Colonienfis Diœcesis, sub pena suspensionis & excommunicationis; quatenus dictum negotium fabricæ apud suos subditos promoveant diligenter & fideliter in Ecclesiis, testamentis & confessionibus. Et si pro hujusmodi negotiis suspensi vel excommunicati fuerint, non absolvantur, nisi per Nos, seu nostrum Officiale.

XVI. *De laicis Provisoribus structurarum Ecclesiasticarum.*

Item statuimus, quod laici Provisores parochialium Ecclesiarum, qui pro conservatione structurarum, luminarium, & comparatione ornamentorum instituntur, certis ad hoc, vel non certis redditibus deputatis, nihil ordinant, vel disponant absque consilio Plebanorum: & quod bis in anno, videlicet: in crastino beatae Margarete, & beati Petri ad Cathedraliam, de administratione ejus commissâ Plebanis suis teneantur reddere rationem: ut, si quid inordinate egerint, per ipsos Plebanos pro utilitate Ecclesiarum suarum, prout secundum Deum & suas conscientias expedire viderint, corrigant, & reforment.

XVII. *Ne Campanarii sint illiterati.*

Prohibemus item, ne deinceps campanarii in villis & Ecclesiis Parochialibus ibidem assumantur, nisi litterati, qui in defectu respondentis ad altare, cum camisis lineis assistant, in Missis deser-

vientes Presbytero, ne ministrator careat socio sibi respondente.

XVIII. *Contra falsarios monetarum, & eorum receptores.*

Quia nonnulli in diversis partibus nostræ Diœcesis falsas seu adulterinas monetas cudunt, & cudi faciunt; propter quod respublica læditur, & damna plurima subiectis nostris, & toti Provinciæ inferunt: unde in hac nostra Synodo statuimus, & sub pena excommunicationis præcipimus, ut ubicumque tales falsarii reperti fuerint, tam ipsi falsarii, quam receptores eorumdem, cujuscumque sint status, vel gradus, aut dignitatis, per Plebanos locorum moneantur, ut a talibus prorsus desistant & indilate. Ipsique, qui in suis districtibus eosdem falsarios recipiunt & (d) tuentur, eos falsarios removeant, nullatenus reversuros: alioqui ipsi falsarii & eorumdem receptores, quos post triduum ab hujusmodi monitione numerandum, in his scriptis excommunicamus, excommunicati publice nuntientur: & cessari in locis, ubi talia committuntur, quamdiu falsarii ibi steterint, præcipimus a Divinis.

XIX. *Ne aliquis exsequatur mandata indebite seu de rescriptis.*

Quamvis rescripta stricti juris sint, nec ad alias personas, quam, quæ eisdem continentur expresse, aliquatenus extendantur: nonnulli tamen hujusmodi rescriptis in casibus a jure non concessis abutuntur, & sua mandata dirigunt, & sententias de facto fulminant contra aliquos, ad quos eorumdem jurisdictionis nullatenus se extendit. Volentes igitur talibus nefandis ausibus obviare, statuimus, & sub pena excommunicationis latæ sententiæ in his scriptis firmiter prohibemus, ne aliquis deinceps subditorum nostrorum, cujuscumque status seu conditionis, aliqua mandata alicujus judicis delegati contra personas authentico non expressas, recipiat aut executioni demandet, etiam si narretur in mandato casus a jure concessus; nisi super hoc prius a Nobis, vel Officiali nostro, habita & obtenta licentia speciali, cum talia mandata contra alias personas plerumque ex malitia & odii fomite procedere videantur. Illum autem,

(d) al. tenent.

autem, quod hujusmodi mandata contra alias personas emisit in casu a jure non concessio, aut per Nos non admisso, vel per Officialem nostrum non approbato, propter hoc excommunicationis sententiæ, quam in his scriptis ferimus, decernimus subjacere.

XX. *Contra suspendentes tedas vel litteras comminatorias ad portas seu fores.*

Quia vero nonnulli, ut intelleximus tedas & litteras annexas ante portas & januas aliquorum religiosorum & granges (a) eorum, suspendere non formidant, in quibus incendia, homicidia, & alia damna, & maleficia se illaturos eis, ante quorum ædificia dictas litteras & tedas suspendunt, inferre publice comminantur, nisi intra certum terminum eisdem malefactoribus aliqua pecuniæ summa pro ipsorum arbitrio persolvatur: nos talibus maleficiis, quantum possumus, obviare volentes; præcipimus universis Ecclesiarum Rectoribus, quod singulis diebus Dominicis & Festivis hujusmodi malefactores & didarum litterarum scriptores, fautoresque opem & operam dictis malefactoribus præstantes, & omnes, qui præmissa sciverint, vel consicii fuerint, (nisi Nobis vel Pœnitentiario nostro revelent intra octo dies, postquam talia intellexerint) quos in his scriptis excommunicamus, excommunicatos publice denuntient, & præcipiant ab omnibus actibus evitari, & revelari eosdem.

[a] Granges, vel grangia, sunt prædia rusticana cum horreis frugum pro Monasteriis alendis, in quibus religiosi Inspectores habitabant.

XXI. *Contra Detentores cerocensus.*

Item præcipimus, ut universi Ecclesiarum Rectores moneant omnes cerocensuales Ecclesiarum, & Ecclesiasticarum personarum, quocumque nomine censeantur, qui cerocensum debitum subtrahunt, & non solvunt, & qui dictum cerocensum hætenus non solverunt: quod de subtrahtis satisfaciunt intra mensem, & deinceps debitum temporibus & statutis persolvant dictum cerocensum, ut tenentur. Alioqui dictos subtrahentes & non solventes, quos excommunicamus in his scriptis, excommunicatos publice nuntient singulis diebus Dominicis & Festivis.

XXII. *Quibus horum statutorum copia necessario habenda?*

Præcipimus etiam omnibus Decanis Christianitatum & plebanis locorum, ut prædictorum omnium copiam a Sigillifero Curie nostræ Colonienfis intra quindenam recipiant, & sibi fieri procurent sub correctione debita: alioqui contrarium facientes, quos ex nunc prout ex tunc, excommunicamus in his scriptis, excommunicationis sententiæ volumus subjacere. Item Decani Christianitatum nomina plebanorum sui Decanatus ad præsens absentium, Nobis vel Officiali nostro dent in scriptis sub pœna prædicta.

Statuta Colonienfis impressa anno 1554. Colonia, in Folio.

Ex his Labbé Tomi XI. Concil. p. 1107.

Harduinus Tomo VII. Concilior. p. 1215.

SYNODI MONASTERIENSES

INTER MCCLXXVI. ET MCCC. CELEBRATÆ.

EVERHARDUS de DIESTE, Episcopus Monasterienfis XXXII. obiit anno MCCC. 8. Decembris, iudice Schateno, Hic præter multa summa cum laude gesta, fuit disciplina Ecclesiastica in Clero severus Assertor, quam in rem annuas Synodos nemo isto Præside diligentius celebrare visus.

Extant multa ejus Decreta, inter quæ & illud de ægris & morituris: "Præcipi-

" mus, ut sumpta Eucharistia, Sacerdos
" habeat calicem paratum cum vino &
" aqua.

Colligit hinc Schatenus Sæculo XII. & XIII. ægris & moribundis Eucharistiam sub una specie panis tantum tributam fuisse. Tomo II. Annal. Paderbornensium ad annum 1300. pag. 192.

Tomus IV. Concil. German.

F 2

DIGRES-

DIGRESSIO AD SÆCULUM XIII.

§. I. De Scientia & Legibus editis a Friderico II. pro Ecclesia, & contra Hæreticos.

I. Inter ea bella, quæ cum quibusdam Principibus sacris & laicis gessit, multa specimina edidit scientiæ non solum linguarum Latinæ, & Græcæ, Germanicæ, Gallicæ, Saracenicæ, sed & Juris publici & sacri magnam & copiosam scientiam possedit: ejus indicium primum sunt libri Feudorum ab Hugolino Cro Bononiensi collecti approbatio, imo iussu Augusti Friderici collectio instituta dicitur. Gobelinus *Cosmographii ætate VI. Cap. LXIV.*

II. Studium literarum apud Neapolim confirmavit, & mandavit, sit nullus de Regno Siciliæ pro scholis requirendis partes externas requireret, & sub certa pœna mandavit, ut omnes existentes in studiis in aliis partibus, infra certum terminum Neapolim pro studiis inhærendis redirent, & vohit, nulli licere publice discere vel docere (præter in puerilibus Grammaticæ) per totum Regnum alibi, quam Neapoli, concessio desuper privilegio. Gobelinus *Loco citato.*

III. Leges pro Regno Siciliæ edidit. Nunc ad Germaniam:

IV. Bullam dictam auream edidit de libertate Ecclesiastica anno MCCXIII. datam Egræ per manum Bertoldi de Niffe Regalis aulæ Cancellarii, relata a nobis *Tom. III. pag. 495. & seqq.*

In ea Bulla fatetur primo: se Romanæ Ecclesiæ alumnum, veluti speciali matri suæ obedientiam, honorem, & reverentiam ab antecessoribus Regibus & Imperatoribus impensam non diminuturum, sed magis aucturum. *Exstat apud Gretserum Tom. VI. pag. 641. Cap. X. De munificencia Principum erga Sedem Apostolicam.*

2. Prælatorum Ecclesiæ viduatæ electiones a toto, vel majori parte Capituli faciendas promittit, contra abusum quorundam Prædecessorum suorum.

3. Appellationes in causis Ecclesiasticis ad Sedem Apostolicam libere faciendas concedit.

4. Abusum quorundam antecessorum in occupandis bonis Ecclesiarum vacantium dimittit, & refutat ex hoc principio: *Quæ sunt Cesaris, Cesaris; quæ Dei, Deo reddenda.*

5. Auxilium & operam promittit eradicandis hæreticorum erroribus.

6. Possessiones Ecclesiæ Romanæ ab

antecessoribus, vel aliis quibusve detentas liberas & quietas dimittit, & ad eas obtinendas bona fide adiutorium promittit, eas dein enumerat.

7. 8. Regnum Siciliæ, Corsicam, & Sardiniam Sedi Apostolicæ, & ad ea, quæ ad hæc Regna pertinent, libere dimittit, & renuntiat: uti devorus Filius, & Catholicus Princeps.

Baronius Tom. XI. ad 1097. N. 71. pag. 718.

Vide Gretserum *Tom. V. noviss. edition. pag. 228.* ubi confutat Goldastum fingentem hanc constitutionem irritam, ausum dicere imprudentem & juvenili fervore hanc constitutionem edidisse.

Idem Schardius Calvinista ex Goldasto recoquit: Item Vitriarius eam revocatam scribit *Lib. I. tit. 2. pag. 67.*

V. Rursum post annos VI. similem auream Bullam dedit Fridericus II. Honorio III. datam Hagenoæ, anno Regni in Germania VI, in Sicilia XXII, Indiæ VIII. anni MCCXX.

Anno MCCXII. mense Aprili, Indiæ XV. Fridericus II. Romæ existens Comitatum Fundanum a Richardo Comite de Aquila Ecclesiæ Romanæ donatum confirmat. Literas confirmatorias refert Raynaldus *ex libro censuum Ecclesiæ Romanæ ad hunc annum No. 2do.*

Vid. *Pagi in Breviario historico Pontific. Romanorum Tom. III. pag. 288.*

VI. Edictum de cassandis statutis, adversus libertatem Ecclesiasticam editis, datum Romæ in die Coronationis anno MCCXX. die 22. Novembris: ab Honorio III. PP. confirmatum h. a. Vide *Cerberinum Bullarii Romani Tom. I. pag. 90. & ab Innocentio IV. anni MCCXLIII. & a Bonifacio VIII. A. MCCXCI.* Demum in Corpus Juris civilis relatum post libros Feudorum. *Nostro Tom. III. Conciliorum pag. 505.*

VII. Constitutio alia ejusdem Augusti pro libertate Ecclesiastica, eodem tempore in Castris apud S. Leonem ex Goldasto relata est *Nostro Tom. III. pag. 503.*

VIII. Edictum Imp. Friderici II, quo omnibus detentoribus possessionum Comitatus Mathildis Comitissæ ad Sedem Apostolicam

licam pertinentis, restitutionem sub pœna mille marcarum argenti injungit. In filios vero Comitum Alberti de Garolod & Nerisii, castrum Gonzagæ ad dictum Comitatum spectans detinentes, nec, prout mandatum fuit, Pontificiis Capellanis tradentes sententiam Banni promulgar. Datum in Castris apud S. Leonem A. MCCXX. Indiſt. IX. 8. Kalend. Octobris seu 24. Septembris. *Relatum Tom. III. Concilior. German. pag. 512.*

IX. Compromissum inter Gregorium IX. PP. & Fridericum II. ad viam invenientiam, quomodo cum honore Ecclesiæ *Gætanæ* & *S. Agathæ civitates*, & omnes cum bonis suis de regno Siciliæ, quos in fidem suam recepit Ecclesiæ, ad Imperatorem revertantur. Actum apud S. Germanum anni MCCXXX. Vid. *Ughelli Italie sacræ Tom. III. pag. MCVIII.*

X. Privilegium pro libertate Ecclesiasticæ Germanicis Ecclesiis concessum. Datum a Friderico II. quando anno MCCXII. Moguntiae iterum electus est Rex, & denuo promulgatum in Curia Francofordienſi anni MCCXXIV. continet octo Partes:

1. Spolia Ecclesiarum vacantium, non Fisco Regio, sed heredi defuncti vel successoris cessura.
2. Nulla telonia, nec novas monetas contra Ecclesiæ jura erigenda
3. Servos fugitivos a nemine recipiendos.
4. Omnis damnificatio Ecclesiæ interdicitur.
5. Feuda nulli Principi Ecclesiastico subtrahenda.
6. Excommunicatos vitandos, contumaces proſcribendos:
7. Nullum opus novum in Ecclesiæ fundo construendum.
8. Officialium Regis jurisdictio circumſcribitur.

Ex Archivio Metropolitana Ecclesiæ Coloniæ: eadem refertur in I. parte recessuum Imperii anno MDCCXLVII. pag.

14. *Francofurti cum aliqua varietate.*

XI. Apologia missa Gregorio IX. Pontifici per Episcopos suos Legatos circa annum MCCXXXIX. *Tom. III. nostro pag. 562.*

Hactenus Edicta Augustalia pro Ecclesiæ, & Ecclesiæ Romanæ, aliarumque Privilegiis.

Sequuntur Edicta contra hostes Ecclesiæ, seu Hæreticos edita.

XII. Friderici II. Augusti constitutio de libertate concessa gentibus ex Livonia, Eſco-

via, Prussia, ad Catholicæ Fidei unitatem conversis.

Petrus de Vineis Epistolarum in Lib. VI.

Epistola XXX. Tom. III. pag. 540.

XIII. Constitutio contra hæreticos Friderici II. anno MCCXX. 22. Februarii Paduæ Indiſt. XII. Constat membris novem:

Exordium notandum: " Commissi nobis cœlitus cura Regiminis & Imperialis, cui dante Domino præsidemus fastigium dignitatis; Materialem, QUO DIVISIM A SACERDOTIO FUNGIMUR gladium adversus hostes fidei, & in exterminium hæreticæ pravitatis exigunt exercendum, ut vipereos perfidiæ filios contra DEUM & Ecclesiam insultantes, tanquam materni uteri corrosores, in judicio & justitia persequamur, maleficos vivere non passuri, per quorum sententiam seducentem mundus seducitur, & gregi fidelium per oves morbidas gravior infligitur corruptela.

Petrus de Vineis L. I. Epistola 25. 26. 27. ex quo Goldastus Tom. I. Constitut.

Imp. & nostro Tom. III. pag. 506.

Præcesserat Ecclesiæ prædicatio sanæ & Catholicæ Fidei doctrinæ, hæreticorum monitio, increpatio, demum in pertinaces gladius spiritualis excommunicationis vibratus fuerat, & penitentium condemnatio ad perpetuum carcerem. Dum hæc omnia non sufficerent paci Ecclesiæ & imperii restituendæ, cum tumultuari pergerent hæretici, invocavit Innocentius III. in Concilio (a) Lateranenſi hoc Sæculo XIII. brachium sæculare, salutis animarum, & paci publice consulens.

XIV. Constitutio II. ejusdem Augusti data Paduæ eodem die 22. Februarii MCCXX. XII. Augusti.

Apud Raynaldum in annalibus Ecclesiasticis ad b. a. T. III. nostro pag. 508. 509.

Relata inter jus civile post Lib. IV. Feudorum, confirmata ab Honorio III.

Augustus enarratis nominibus quæ hi hæretici sibi arrogabant, eorumque criminis gravitate, & pertinacia in crimine, & perverso zelo dilatandæ hæreseos, statuit primo, crimen hæreseos vel hæreticorum quocunque nomine censeantur damnati ab Ecclesiæ hæretici, inter publica crimina numerandum, & vindicandum gravius crimine læsæ Majestatis Imperialis: idem autem veteribus legibus esse indictum, & sicut perduellionis & Majestatis reis omnia bona adimuntur, & post obitum memoria damnatur; sic & Patrenorum punienda hæresis.

Nemine deferente, inquirendos hos hæreticos

tericos ab Officialibus, inventos carcerari, examinari, a viris Ecclesiasticis dijudicari debere: si iudicati & damnati, nolint resipiscere, mortem pari, & in conspectu hominum comburi debere.

XV. Constitutio tertia eodem loco & anno data incipit: *Patavenorum complices, receptatores. T. III. Conc. Germ. pag. 508. 509.* Sedecim pœnis coercet, ibidem enumeratis, demum quocunque nomine censeantur, perpetua infamia damnat.

Petrus de Vineis eandem refert L. I. Epistolarum. epist. 27.

Odoricus Rainaldus in annalibus ad annum MCCXX.

Concludo cum Lupoldo Babenbergensi Episcopo sæculi proximi XIV. scriptore cap. X. L. de Zelo *Pæterum Germania Principum in Christianam Religionem*: Licet præfci Romanorum Imperatores, qui ante, tempora translati Imperii de Græcis in Germanos, in Personam Caroli M. factæ, Romano Imperio præfuerunt, Clerum, & Ecclesiam multis privilegiis libertaverunt, ut pater C. de *Sacrofanctis Ecclesiis*, quasi per totum & in authentica de *sanctis Episcopis* per totum collatione nova, quorum aliquæ etiam ponuntur in libris Juris Canonici causa XVI. quæstione I. generaliter verbo *juxta*, & verbo *placet* causa XXIII. quæst. 8. universos ita sancimus. Eadem tamen privilegia nequaquam adæquari possunt privilegiis Friderici II. & aliis antedictis Germanorum Principum.

Idem *Ludolphus Episcopus eodem Lib. cap. II.* Idem Fridericus II. plures bonas & utiles leges ad dilatandam Fidem Catholicam edidit pro exterminio hæreticæ pravitatis, quæ sunt per Bonifacium VIII. in quantum Dei & Ecclesiæ sanctæ honorem promovent, & non obstant Canonicis institutis approbata, ut pater extravag. : *De hæreticis*, Cap. *Ut inquisitiones*, in principio L. VI. *Ad decus & honorem*, in titulo de *Statutis*, & consuetudinibus contra Ecclesiasticam libertatem editis in §. *Gazaros*, in §. *Statuimus*, §. *Si vero*. & §. *Credentes*. collatione decima. Hætenus Lupoldus.

Addimus nunc Testamentum ejusdem Friderici Augusti. Igitur finem vitæ appropinquantem videns Testamentum condidit; in eo multa millia unciarum auri equitibus Hyerolosomitans & hospitalariis S. Joannis

reliquit pro compensatione fructuum, quos debitos ex beneficiis in regno sitis toto belli tempore percipere non poterant.

2. Ad recuperandam terram sanctam magnam auri vim reliquit erogandam arbitrio & consilio equitum Hyerolosomitano- rum.

3. Omnibus inimicis atque Imperio rebellibus sincero cordis affectu ignovit, exceptis regnicolis, quos, cum ipsum immentem acarie prodere moliti essent, justitiæ rigori committit.

4. Filiis præcepit, ut, qui quocunque terrarum loco jussu ipsius in vinculis detine- rentur, hos liberos dimitterent.

5. Inter manus Archi-Episcopi Panormitani aliorumque Religiosorum ad delictorum recognitionem se se convertit; quin etiam consilio quorundam sapientium sacro- sanctæ Ecclesiæ obedientiæ se se addixit jurejurando præficto, omnibus ejus mandatis se statutum & obtemperaturum esse. Ita *Collemutius*, *Maynbardinus*, & *Guillelmus de Puteo*; ordinavit, ut quæ ad Ecclesiam legitime spectarent, eidem benigne atque prolixie restituerentur.

6. Conradum Filium, Regem Germaniæ, hæredem regni Neapolitani, & Imperii Romani ex asse fecit.

7. Henrico Filio, ejus nominis secundo, & legitimo, cum centum millibus unciarum auri Regnum Siciliae reliquit, ut id ex arbitrio Conradi administraret.

8. Friderico Nepoti, ex Filio Henrico primogenito suo jam in carcere defuncto, Austriæ Ducatum cum decem millibus unciarum auri contulit.

9. Manfredus Filius ejus (a) naturalis, Princeps Tarentinus, dictionum imperialium, quæ sunt a Capua usque ad Aquileam, Gubernator decennalis est constitutus. Esi autem cuivis filiorum suorum portionem assignasset, voluit tamen, ut omnes Conrado, tanquam legitimo hæredi, & Imperatori obedientiam præstarent. Sic ultimam voluntatem erga Deum, Ecclesiam & Imperium, & liberos testatam relinquens, peccata sua Archi-Episcopo Panormitano confessus est, ab eoque absolutus pie obiit 13. Decembris MCCL. Florentini in Apulia, & in Siciliam delatus pompa regia sepultus in Panormitana Ecclesia, quod vivens jusserat. Curante Manfredo. *Hæc ex Alberto Stadenzi, Paulo*

(a) Ejusdem Manfredi Literæ ad Conradum sic mortis circumstantias describunt: " In ipsis mortis indicis . . . Sacro sanctam Romanam Ecclesiam matrem suam in corde contrito velut " Fidei orthodoxæ Zelator humiliter recognovit, & damna, quæ dudum Ecclesiæ invitus " Romanæ vel potius provocatus inculerat, integre restauranda sancivit. *Baluzius Tom. I. Miscellaneorum pag. 475.*

Apparet & hinc calumnia nonnullorum affingentium mortem violentam: aut veneno procuratam contra antiquorum sinceram narrationem.

Paulo Langio in Chronico Citizenensi, Browero Spondano aliisque amicis & hostibus Friderici II. sufficiant. Videns mortem suam indubitanter imminere contritus pro peccatis suis confessionem fecit plenissimam cum lacrymarum ubertate se Deo commendans, & Ordini Cisterciensi, unde habitum Cisterciensium ante mortem, ut nobis suorum fidelium patefecit certa relatio, humiliter ac devote suscepit: & quia mors in foribus erat, quidam Episcopus ex parte Dei, qui neminem in se credentem vult perire, ipsum satisfactionem promittentem, absolvit.

Mattheus Paris. Coevus, & fide dignissimus autor: licet quoad Pontifices animum infensissimum ubique monstret, demum subjungit Testamentum, quod quidam Protestantés negant extitisse.

Gretserus id refert præfatione in hortum sanctæ Crucis. Tom. III. novæ edition. ante paginam 31.

§. II. De Canonistis Germanis Sæculi XIII.

CANONISTAS Germaniæ raros in hoc Sæculo reperio, præter Petrum de Vineis, Cancellarium Friderici II., & M. Thaddæum Sueffanum Justiciarium Curiae Regiæ, qui coram Pontifice, & Concilio Lugdunensi jura sui Imperatoris strenue defendere conati sunt, ut ostendunt Petri de Vineis literæ impressæ.

Vid. Dumont Corps Diplomatique T. I. pag. 185. Plenipotentiam Friderici II. ad Innocentium IV. datam Comiti Tholosano, & Magistro Petro de Vineis, & Thaddæo de Sueffa, agendi cum Papa. Mattheus Paris Histor. major. pag. 629. Rainaldus Tom. XIII. ad annum 244.

Unicum excipio JOANNEM (b) SEMECA, Præpositum Ecclesiæ Cathedralis Halberstadiensis, qui Teutonicus tum dicebatur (sed distinguendus est a Joanne Teutonico Ord. Prædicatorum Generali, Papæ Pœnitentiario, & Episcopo in Hungaria) hic primum (saltem inter Germanos, si non absolute) Herculeæ audacia aggressus glossare Decretum, a Gratiano compilatum, quod ante eum nemo, & post eum nullus excellentius fecit. Fuit insignis Juris Doctor, Præpositus Ecclesiæ S. Stephani Halberstadiensis, qui non Clementi IV., sed Innocentio IV. PP. tum per Germaniam sicut Galliam, decimas a Clero in redemptionem terræ sanctæ exigenti, appellationem opposuit, quem pro sua, ut decebat, Papa temeritate excommunicavit, privavitque Præpositura. Sed erant magni in Germania viri, qui

Joannem non deserendum putabant. *Krantzius Saxonia L. VIII. C. 27. Obiit MCC. XLV. teste Clarissimo Lenzem in Historia Diplomatica Halberstadii pag. 167. Vitam ejus accuratius magnâ enarrant. Mors Semecæ diremit litem.*

Italia duos maximos viros alebat Innocentium III. & Gregorium IX. Primi opera seorsum excudicuravit Clarissimus vir Stephanus Baluzius. Gregorii IX. zelum pro Canonico Jure legimus in Decretalium Libris V. quos S. Raymundi de penna forti, primum Præpositi Ecclesiæ Barcinonensis, post Ordinem FF. Prædicatorum ingressi, Papæ Capellani & Confessarii studio, in hanc formam, quam adhuc videmus, redactos posteritati reliquit.

Ipse Fridericus II. uti optimarum artium, ac scientiarum cultor & promotor duas Universitates Neapolitanam & Patavinam excitavit. Viennensis in Austria anno MCC. XXXIX. erecta florere cepit.

Inter Theologos Albertus M., Ordinis Prædicatorum, & subin Episcopus Ratisbonensis, Germaniam Patriam suam illustravit.

§. III. De Hæreticis Sæculi XIII.

FRIDERICUS II. Imperator hæreticis vel ad Fidem orthodoxam reducendis, vel pertinacibus corrigendis vigili oculo intentus enumerat in sua constitutione A. MCCXX. [Vide Tom. III. Concil. pag. 509.] XIX. minimum suis nominibus infamibus distinctos.

1. Patarenos. 2. Speronistas. 3. Leonistas. 4. Arnaldistas. 5. Circumcisos. 6. Passaginos. 7. Joseppinos. 8. Carracenses. 9. Albanenses. 10. Bennaroles. 12. Comistas. 13. Waldenses. 14. Burgaros. 15. Commimellos. 16. Bartinos. 17. Orthodoxos. 18. Cum illis de aqua nigra. 19. Pauperes de Lugduno. 20. & omnes hæreticos utriusque sexus, quocunque nomine censeantur.

Nos in Concilio Trevirensi anni MCC. XXXI. reperimus tres scholas hæreticorum in ea Metropoli, & de eorundem Pseudo-Papæ Gregorio, & Pseudo-Archiepiscopo Treverico Theodorico, ab se ipsis hæreticis supposito. Vide Epistolam Gregorii legitimi Papæ de hæreticis in Germania grassantibus, Tom. III. pag. 544. circa A. MCCXXXIII. in qua eorum abominanda flagitia recenset, ad Henricum filium Friderici II. scribens, idem diversas hæresum species dicit, sed nullam specificè nominat.

In Concilio Moguntino anni MCCXXXIII. de hæreticis Luciferianis multis in Germania combustis: in eadem de pauperibus Lugdunensibus, pag. 543. eodem Tom. III.

Stedine

(b) Decretum Gratiani cum glossis Joannis Teutonici, Præpositi Halberstadiensis, impressum extat anno 1512. Basileæ, opera, & typo Joannis Amorbachii.

Stedingi hostes Ecclesiæ per Archi-Episcopum Bremensem bello imperuntur, cum prædicatio Verbi Divini rejiceretur. *Ibid.* pag. 551. Eorundem conversio & absolutio a Papa procurata pag. 553. 554. anno MCCXXXVIII.

Anno MCCLXI. b. T. pag. 596. Moguntini Concilii Canone primo damnantur universi hæretici, quibuscunque nominibus censeantur, facies quidem habentes diversas, sed caudas invicem colligatas, qui de vanitate convicti, ab Ecclesia damnati, sæculari judicio relinquuntur, animadversione debita puniendi.

§. IV. De hæreticis, speciatim Albigenfis, Waldensibus.

Anno MCCX. prædicata fuit crux contra Albigenfes in Alemannia & Francia: & ascenderunt contra eos Leopoldus Dux Austriæ, Anno MCCXI. Adolphus Comes de Monte, Wilhelmus Comes Juliacensis, & alii multi. *Cæsius Heisterbacensis L. V. Miraculorum C. XXI.* cœvus scriptor, eodem Capite describit errores Albigenfium.

Circa initium Sæculi XI. in Camaraco intra quinquennium plures hæretici comprehensi, examinati ab Episcopo, combusti omnes.

In Argentina Civitate decem hæretici combusti circa MCCXXII. sub Bertramo Metensi Episcopo hæresis Waldosiana deleta.

Arnoldi hæretici Coloniae combusti pertinacia sub Reinaldo memoratur, adeoque A. 1177. Heisterbac L. V. cap. XIX. Bizuntii duo homines hæretici combusti.

Hæc ex Cæsario Sæculi XIII. scriptore. L. V. cap. XVIII.

Quæro nunc an inter tot hæreticos, sub Friderico II. pœnis affectos, unitas quædam, aut mutuus nexus reperiatur? vel utrum singuli suos singulares ab aliis diversos errores habuerint?

Respondeo ex iis, quæ Sæculo XI. de Catharis, Tanchelmo, Albigenfis dicta fuere.

Incipiamus ab illis, qui chorum ducunt: WALDENSES, Pauperes de Lugduno, Leonistæ vel Lionistæ, videntur sub tribus nominibus iidem hæretici esse, quorum author, vel potius occasio fuit Petrus Waldo, Mereator opulentus in urbe Lugduno. Hic mortè subitanea amici, in cujus societate casu versabatur, consternatus, vitam & mores mutare statuit: quare opibus omnibus, quibus circumfluebat, in egenos populares distributis, Apostolorum exemplum & vitam imitari statuit: nec de secta,

vel cœm erigendo, cogitavit. Interim permulti, hoc luculento facto moti, se ad idem vitæ genus addiderunt: qui ob similem opum contentum pauperes de Lugduno (Gallice *Lion*,) vel *Waldenses*, vel *Waldonenses* compellati fuere.

Inde ab anno MCLV. dicebantur & in *Sabbatari*, ob calepodiorum genus, quæ aperta, vel incisa pedibus subdebant: iidem dicebantur *Pataveni*, quia teste Friderico II. Augusto, patiendo pœnas, a civili & Ecclesiastica potestate inflicta, se Martyribus æquabant. Patarenos vult Volaterranus dici, ab urbe Lyciæ Patara, unde Manichæi hæretici ortum duxerint.

Cathari, vel *Gazari* vocabantur, ut Gretserus conjicit, a Germanica voce *Ketz*, litigatores, divisores. Alii a Græco *καθαρῶν*, mundi, quia sanctiores se aestimabant reliquis.

Leonistæ ab ea civitate, in qua nidificaverant. *Arnaldistæ*, quia ex nonnullis erroribus contra legitimam auctoritatem Ecclesiæ Arnaldo de Brixia communicabant.

Bulgari vocabantur in Bulgaria: ibi enim inter Croatiam, & Dalmatiam suum Papam *Bartolomeum* creaverunt, alii inde Bugares & Burgari varia aberratione dicebantur.

Arrianistæ, quia cum Arrianis de Trinitate male sentiebant. Carrazenfes a Carraceo Lombardiæ oppido: Barryni a Barro monte circa Lacum Larium: Comitæ a Como urbe: Ortolivi, alias Ortolibienfes &c. verbo Waldenses in innumeras sectas subdivisi cum essent, uti nostro tempore Lutheri & Calvini discipuli, mirum non est, quod in diversis locis a diversis Doctoribus varia nomina acceperint. Sic nos habemus Carlostadios, Munzeros, Schwencfeldios, Osiandristas, Ubiquistas, & centum diversas sectas a solo Luthero pullulantes, ut in codice de hæret. cap. 28. Præteolus ostendit.

Petrus ipse Waldo, literarum rudis, materno idiomate novum testamentum explicabat sectatoribus suis, quibus etsi laicis, & a nullo Episcopo missis, visum fuit, prædicandi verbi Dei officium assumendum. His, cum Episcopus, & Clerus obfisteret, imo ipse Romanus Pontifex in hos omnes insurgeret, ceperunt furere, & obloqui, veluti invidentibus Apostolicæ vitæ, quam ducere se putabant. Lucius III. Papa eos excommunicavit; sed eheu ipsa paterna Pontificum correctione peiores evaserunt, & pertinaciores. Unde primo errori, quo actua-lem abdicationem omnium opum necessariam omnibus ad salutem affirmabant, addiderunt inobedientiam, & contemptum omnis Potestatis Ecclesiasticæ: coierunt in sectas,

stas, habitu se fecerunt, calceis scissura apertis, capillis nunquam sectis, sed promissis, arrogata potestate laicis omnibus prædicandi Verbi Divini, imò consecrandi & absolvendi: Cleri mores & opes calumniabantur: negabant, Clero esse potestatem prædicandi & absolvendi, ubi non imitaretur vitam Apostolicam: demum circa Sacramenta, cultum Sanctorum, Purgatorium, indulgentias, caerimonias Ecclesiæ stolidis & variis modis errabant, imò delirabant, exeunte Sæculo XII. & ultra medium Sæculum XIII. Ex urbe Lugdunensi in omnem Franciam, Belgium, & Germaniam Rhenaniam; imò in Italiam & Hispaniam progressi sunt. Et licet a Papa Honorio instituti inquisitores, toto orbe eos persequerentur, & ad sanam mentem reducere famigerent, aut ex Catholica Ecclesia removere: licet Fridericus II. Augustus, & reliqui Germaniæ, & Galliæ Proceres eosdem compefcerent, imò pænis corporeis exterminarent; nihilominus Sæculo XIII. vehementer multiplicati fuere. Denique in Regno Arragoniæ, & vallibus Pedemontii reliquiæ mansere usque ad Sæculum XVI. quo Oecolampadius, & Bucerus duo Germaniæ hæretici egerunt cum missis ab Waldensibus ad eosdem nuntiis, & quibusdam erroribus eorum rejectis, aliis a Bucero adoptatis novam crambem recoxerunt anno subin MD. CXXX. coacti fuere Calvinistas Prædicantes pro suis Pastoribus acceptare, ut narrat Dupinius *Tom. X. novæ Bibliothecæ Scriptorum Ecclesiasticorum pag. 165.*

JOANNEM HUSS Bohemum Sæculo XV. in Concilio Constantiensi aliquos Waldensium errores amplexum pertinaciter, & combustum suo loco dicemus.

PETRUS DRESENSIS, Misnæ natus, Waldensium secutus est insanas Sæculo xv. & Bohemiæ inficiendæ suæ hæresi collaboravit. *Prætolus in Elencho hæreticorum.* Anno MDLX. miserunt Waldenses Bohemi legationem ad Calvinum, cujus mentionem facit Beza in vita Calvini: "Tum quoque (MDLX) Waldenses Boemi, quos vocant, duobus fratribus ad Calvinum missis, quædam ab ea sunt de religione percontati, quibus ille, sicut par erat, benigne satisfecit, eos etiam cohortatus, ut cum reliquis Ecclesiis se conjungerent.

Calvino autem & Luthero confessionem Waldensium oblatam displicuisse, & licet aliquot articulos ex una [nam varias & multifarias confessiones habuere Waldenses] acceptaverint, quia tam *bonos & pios fratres*, utpote ætate majores, nancisci optabant; revera tamen capitale odium inter Lutheranos, & Waldenses, uti inter Lutheranos, & Calvinistas, intercessisse ex

eorum libris manifeste ostendit *Gretserus*, prolatis eorum verbis, *Tomo XII. novæ editionis parte VI. in præloquio cap. VII. pag. 15. 16. & in Triade Scriptorum adversus Waldenses in præloquio cap. IV. pag. 114. 115.*

Erroris Waldensium narrant & confutant sequentes authores cœvi.

I. Lucas Tudensis in Hispania Episcopus, qui scripsit contra errores Waldensium.

II. Reinerus Ordinis Prædicatorum: truncate & additamentis hæreticis maculatus editus fuerat a Flaccio Illyrico & Frehero: sed ex MS. codice integrum, non adulteratum, edidit *Gretserus: Tom. XII. novæ editionis Gretserianæ*; subjicit Anonymi indicem errorum a Waldensibus adoptatorum. *pag. 95.*

III. Petrus de Pilichdorff Ss. Theol. Professor, scripsit *librum contra sectam Waldensium*, & subjicit refutationem errorum, quibus Waldenses distinentur, incerti authoris. *pag. 87.* Dein edit Triadem scriptorum cœvorum Germaniæ inferioris hætenus non editorum, qui contra Waldenses scripserunt circa A. MDCXIV.

IV. Ebrardum Bethuniensem in Flandria.

V. Bernardum Fontis calidi Abbatem.

VI. Ermengardum ex hæresiarcha Waldensi ferventem Catholicum conversum.

§. V. *Quibus mediis Ecclesia Sæculo XIII. usa sit ad errores Waldensium & Albigensum extirpandos.*

Ecclesia Catholica Sæculo XIII. eadem, quæ nunc, longe diversissimo sensu intellexit errores Waldensium, quàm Lutherus, Calvinus, Marthæus Flacius Illyricus, Sleidanus &c. Quibus Waldenses *boni viri* habentur, quique progenitores suos volunt, & *bonos fratres*, si qui nunc in Polonia, vel vallibus Sabaudia superflunt sub pelle Calviniana.

Igitur Ecclesia Sæculo XIII. mediis sex usa est ad hæresin Waldensem compefendam.

Primo prædicando his cæcis verbum Dei, & sanam ac sobriam Scripturæ sacræ intelligentiam. Prædicarunt Episcopi & Pastores: dein in Ducatu Mediolanensi fratres Humiliati: rursum fratres Prædicatores sub suo Patriarcha S. Dominico: FF. Minores, qui non minorem vigorem in Evangelicæ paupertatis usu exercebant in vita, victu, vestitu, quàm Waldenses, & Pauperes de Lug-

dano : sed hoc magno discrimine : nam hi Catholici pauperes obediebant Episcopis, & Ecclesiæ, hujusque doctrinam, Sacramenta, & ritus religiose observabant, contra ac Waldenses derisores, contemptores, & violatores Hierarchiæ Ecclesiasticæ, & omnium Sacramentorum ac rituum.

Secundum medium fuere libri contra eos scripti, & divulgati, quos jam enumeravi : in quibus emittit Ecbertus, primo Bonnenfis Canonicus, post Abbas Schönangienfis, cujus decem Tractatus supersunt : Theologos, Polemicos hujus sæculi contra Waldenses exhibet Gretserus Operum *Tom. XII. Parte II.*

Tertium medium fuere Concilia Ecclesiæ tum publica, & œcumenica Lateranense generale XI. sub Alexandro III. A. MCLXXIX. & Lateranense IV. sub Innocentio III. œcumenicum generale XII. anno MCCXV. *Deinde* Concilia Provincialia & localia, ut *Tom. III. pag. 392.* Colonienſe anno MCLXIII. contra Catharos : & *Attrebatenſe A. MCLXXXIII. contra Patavenos Tom. III. p. 427.*

Quartum : Papa cruciatam indixit, & Catholici, qui crucis assumpto caractere ad hæreticorum exterminium sese armabant, illâ gaudebant indulgentia, illoque sancto privilegio erant muniti, quæ accedentibus ad terræ sanctæ subsidium concedebantur. *L. VI. tit. De hæreticis.*

Quintum medium. Inquisitores Fidei statuti ab Innocentio III. in subsidium Episcopalis curæ, quorum solerti indagazione, & potestate examinandi suspectos de fide, repressa fuit hominum rudium opificum, artificum, (qui Doctores inter Waldenses & Albigenſes erant) audacia, & ignorantia patefacta.

Sextum & ultimum medium fuere Germaniæ Regum & Imperatorum edicta & leges : inter hos Fridericus II. Augustus tunc pro tutanda Ecclesiâ, & inimicis Ecclesiæ, hoc est, hæreticis compescendis, (c) ferventissimus fuit.

Refert ea edicta seu leges Gretserus *Noviss. edition. Tomi XII. Parte II. pag. 13. & seqq.* qui eorundem etiam in corpus juris civilis relatorum, [*Authent. de statutis & constit. §. 32.*] subdivisorum anatomiam statuit Fridericus II. in authentica Juri canonico & civili inserta hæc auctoritate Imperiali edidit.

I. Gazaros, Patarenos, Leonistas, Speronistas, Arnaldistas, Circumcisos, & omnes hæreticos utriusque sexus quocunque NO-

MINE CENSEANTUR perpetua damnat infamia.

II. Eisdem diffidat, id est, hostes publicos declarat.

III. Bannit : id est : banno suo subicit ; *Er thut sie in den Reichs-Bann, oder Reichs-Acht.*

IV. Præcipit ut bona talium confiscentur, nec ad eos ulterius revertantur.

V. Ut filii eorum ad successionem non possint pervenire.

VI. In constitutione (cap. 25. L. 1. Epistolæ Petri de Vincis) statuit idem Augustus ; Ut hæretici cujuscunque nominis, ubicunque per imperium ab Ecclesiâ, hoc est, a jure Ecclesiastico, damnati fuerint, & sæculari judici assignati, hoc est, brachio sæculari traditi, debita animadversione, id est, mortis supplicio puniantur.

VII. Ut si qui hæretici, postquam prehensi, terribi metu mortis redire voluerint ad fidei unitatem, juxta Canonicas sanctiones ad agendam penitentiam in perpetuum carcerem detrudantur.

VIII. Decernit cap. 26., ut crimen hæreseos inter publica crimina numeretur.

IX. Ut horribilius æstimetur, quam crimen læsæ Majestatis Imperatoriæ.

X. Eisdem illis penas statuit, quæ in perduellionis reos jam olim sancitæ sunt.

XI. Ut si in erroris concepti instantia perseverent, vivi in conspectu hominum comburantur.

XII. In cap. 27. Patarenos, Speronistas, & alios quoscunque hæreticos perpetua infamia inurit.

XIII. Juber ut suspecti de hæresi, nisi mandante Ecclesiâ juxta considerationem suspicionis ac qualitatem personæ, propriam innocentiam congrua probaverint purgatione ; tanquam infames, banniti, ab omnibus habeantur, ita, ut si per annum manserint, damnatis hæreticis accenseri debeant. *cap. excommunicamus 13. extravag. de hæreticis.*

XIV. Credentes præterea, Receptores, Defensores, & Fautores hæreticorum, banno subicit : statuens, ut si, postquam quilibet talium ab Ecclesiâ excommunicatione notatus, satisfacere contempserit intra annum, extunc ipso jure sit factus infamis.

XV. Ita, ut ad publica officia admitti nequeat :

XVI.

(c) In tantum Albiensium error invaluit, ut brevi intervallo temporis infecerit usque ad mille civitates, & si non fuisset gladius fidelium repressus ; puto, quod totam Europam cortipuisset. Hæc *Cæsius L. V. Miraculorum Cap. XXI.* coævus Auctor scribens in & de anno 1210. qui prædicabatur crux in Alemannia contra Albienses.

XVI. Nec ad eligendum aliquos ad hujusmodi officia vel consilia :

XVII. Nec ad dicendum testimonium :

XVIII. Nec testandi liberam habeat facultatem.

XIX. Nec in ulla hæreditate succedat.

XX. Nullus ei teneatur respondere super quocunque negotio ; sed ipse aliis respondere cogatur.

XXI. Si Judex fuerit ; ut ejus sententia nullam habeat firmitatem.

XXII. Nec causæ ad ejus audientiam perferantur.

XXIII. Si Advocatus ; ejus patrocinium nullatenus admittatur.

XXIV. Si tabellio ; instrumenta per eum confecta nullius sint momenti.

XXV. Omne insuper proclamationis & appellationis beneficium , hæreticis receptoribus , & fautoribus eorundem , penitus admittit Imperator.

XXVI. Hæreticorum receptorum , fautorum , & advocatorum hæredes ac posteros , usque ad secundam progeniem , cunctis beneficiis temporalibus , publicisque officiis , & honoribus privat Imperator.

XXVII. Statuit , ut Potestates , Consules , seu Rectores , quibuscunque fungantur officiis , pro defensione Fidei præstent publicè juramentum ; quod de terris , suæ jurisdictioni subjectis , universos hæreticos ab Ecclesia denotatos , bona fide pro viribus exterminare studebunt : ita quod ammodo , quandoque fuerit quis in Potestatem sive perpetuam , sive temporalem , assumtus , hoc teneatur capitulum juramento firmare : alioqui nec pro Potestatibus , nec pro Consulibus habeantur , & eorum sententias irritas extrinsecus decernit , & inanes.

XXVIII. Si Dominus temporalis requisitus & admonitus ab Ecclesia , terram suam purgare neglexerit ab hæretica pravitate : post annum , a tempore admonitionis elapso , terram illius ipsis exponimus Catholicis occupandam , qui eam exterminatis hæreticis absque ulla contradictione possideant , & in fidei pietate conservent , salvo jure Domini Principatus : dummodo super hoc nullum præstet obstaculum , nec aliquid aliud impedimentum apponat : eadem nihilominus lege servata contra eos , qui non habent Dominos principales.

XXIX. Quicunque hæretici reperti fuerint in civitatibus , oppidis , seu locis Imperii per Inquisitores aliquos , a Sede Apostolica datos , & alios Catholicæ Fidei zelatores , ii , qui jurisdictionem ibidem habuerint , ad Inquisitorum , & aliorum Catholicorum

virorum insinuationem eos capere teneantur , & eos captos arctius custodire , donec per censuram Ecclesiasticam damnatos , damnabili morte perimant , qui fidei Sacramenta , & gloriam æternæ vitæ damnabant.

XXX. Inquisitores de Ordinibus Prædictorum & Minorum contra eosdem hæreticos instituit Papa.

XXXI. Eosdem Inquisitores Præfatis , & Magistratibus sedulo commendavit Imperator : " Universitati vestræ mandamus , quatenus quocunque , & ad quemcunque vestrum pervenerint , benigne recipiatis eosdem , & personas eorum ab injuria hæreticorum , eis insidiantium , conservantes indemnes , omne consilium , ducatum , & auxilium impendatis pro acceptis coram Deo negotiis exequendis. Hæreticos vero , quos vobis ostenderint , ipsi in jurisdictione vestra singuli capientes , diligenti custodia detinete , ut post Ecclesiasticæ damnationis judicium pœnam subeant , quam merentur : scituri , quod in ipsius executione negotii gratum Deo & laudabile Nobis obsequium conferatis ; si ad expellendam de partibus nostri Imperii novam , & insolitam hæreticæ pravitatis infamiam opem , & operam una cum eisdem Fratribus præstiteritis efficacem : & si quis exinde foret negligens , vel remissus , ac inutilis , coram Deo , & in conspectu Nostro poterit merito culpabilis apparere.

XXXII. Denique illud etiam statuit Imperator , ut si qui simulare abjurassent hæresin , deprehensi & hæreseos , & hypocrisos suæ capitalem pœnam subirent.

Hæc est summa pœnarum in hæreticos dictatarum a Friderico II. ex quatuor constitutionibus , quarum tres reperiuntur in calce *Libri I. Epistolarum Petri de Vineis* , quarta ad calcem *quatuor Librorum de Feudis* , ubi & approbatio Honorii Pontificis Maximi.

Gretserus noviss. edition. Tom. XII. Parte II. pag. 13. 14. 15.

§. VI. *Parallelum Sæculi XIII. Catholicum cum Sæculo IV. & V. Catholico , & pœnarum ab Imperatoribus Catholicis in hæreticos latarum.*

Legenti Fridericianas constitutiones contra hæreticos , videatur justo acerbior & sævior hic Princeps in hæreticos Waldenses , Albigenes , & cæteros sui Sæculi fuisse : item sævities nova vel insolita & nostræ Europæ , qualis saltem nunc est , intolerabilis , sed in ipsa historia Ecclesiastica comparemus

Fridericum Augustum Germanum Constantinis, Theodosii Magni, Gratiani, Arcadii, Honorii, Valentiniano I. II. III., qui intra Sæculum IV. & V. floruerunt Catholica religione & rebus gestis pro Imperio, & Ecclesia Christi celeberrimi. Horum supersunt Leges LXVI. de hæreticis latæ intra annum Christi CCC. & annum CCCXXVIII. comprehensæ titulo quinto Libri XVI. Codicis THEODOSIANI præter Leges permultas toto Libro hoc XVI. & aliis insertas ab iisdem Augustis sanctas contra hæreticos, schismaticos, Titulo I. *De Fide Catholica*. Titulo II. *De Episcopis, Ecclesiis, & Clericis*. Titulo III. *De Monachis*. Tit. IV. *De his, qui super regione contendunt*. Tit. VI. *Ne sanctum Baptisma iteretur*. Tit. VII. *De apostatis*. Tit. VIII. *De Judeis, Celiculis, Samaritanis*. Tit. IX. *Ne Christianum mancipium Judeus habeat*. Tit. X. *De paganis, sacrificiis, & templis*. Tit. XI. *De religione*.

Solo quinto in Titulo versabor, ex quo elicio primo, jam tum eo Sæculo hæreses, in sectas innumeras divisas, non minus inter se discordes singulas, quam contradicentes Ecclesiæ Catholicæ omnes fuisse. Sane Gothofredus in *Paratitlo hujus Tituli V.* observat xxxvii. hæreticos nomine, & errore, & auctore diversos, in his lxxvi. Legibus feriri, damnari: quorum præcipui Manichæi, Phryges, Donatistæ, Arriani, Macedoniani, Eunomiani, Nestoriani, Joviniani, ex quibus innumeri erronei errores novos prioribus addiderunt, alii eosdem emolliverunt, adoprarunt ad aliquam concordiam cum Catholicis lucranda: alii severiores, rigidiores Manetis, Arii, errores præterulerunt, & nihil cum Catholicis commune voluere. Similis discordia fuit Sæculo XIII. etsi enim Primarii Waldenses, Albigenes, & Arnaldistæ essent; in plurimas tamen sectas abierunt, quorum permultas, cum recensuisset Augustus, demum subjungit: & quotquot hæreticorum nomine censentur.

Secundum parallelum: hæretici Sæculi IV. & V. non minus, quam Catholici suos Episcopos habere, & ordines Ecclesiasticos, magistros, doctores, in his legibus sane citatos, & damnatos affectarunt. Sæculo XIII. omnibus etiam infamæ, & ignarissimæ plebeculæ opificibus, Scripturæ sacræ doctio, ac lectio commissæ, & plerumque Sutoribus, Sartoribus, Textoribus, cum doctioe omnium Mysteriorum functio credebatur.

Tertio. Inter tot Catholicos Augustos nacti sunt hæretici duos hæreticos Constatium & Valentem a sæcul. XII. & XIII. cæteri omnes Catholici Augusti fuere in Oriente & Germania: nullum edictum hæretici pro se habuere, nonnulli tamen Augusti in aliquos Romanos Pon-

tifices animo acerbior fuerunt, & Schismatici aliquot antipapam faverunt: quod schisma, etsi ex se solo hæresis non sit, solet tamen in hæresin degenerare, aut cum hæresi conjungi.

Quantum Parallelum Media IV. & V. Sæculo adhibita erant hæc sanandis hæreticis: Pontificum, & Episcoporum Catholicorum prædicatio? sanctissima interpretatio Verbi Divini tum in concionibus, tum in libris scriptis, qui supersunt, demum auctoritas in Conciliis, puta Nicæno, aliisque (quibus enumerandis supersedeo) cum luce clarior sit Historia Ecclesiastica, Sæculo XIII. quæ media adhibita fuerint ab Ecclesia pro errantibus oculo in viam reducendis §. IV. ostendimus.

Quantum Parallelum inter Imperatores illos Orientis & Occidentis Sæculo IV. & V. & Fridericum solius Occidentis Imperatorem Augustum Sæculo XIII.: Nulla est pœna a Friderico II. Augusto inflicta, quam non influxerint Augusti Sæculi IV. & V. pertinacibus, & ad penitentiam converti recusantibus. *Inspiciantur leges tit. V. libri XVI. Theodosiani cum commentario Gotbtfredi.*

I. Doctores hæreticorum docere vetiti, uribus puls, in exilium deportati; disputare publice de Religione turbis coadunatis vetiti, alioquin competentis pœna, & digno supplicio coerceri jussi.

II. Aliquando bonis omnibus confiscatis, alias decem libris auri multati.

III. Cæcus infamti damnati, conventicula funesta hæreticorum vetita tam nocte, quam die, intentata pœna proscriptionis & exilii, & sanguinis quandoque.

IV. Loca, in quibus hæreticorum conventicula, vel habitacula hæreticorum, aut confiscata, aut Ecclesiis, & Clericis Catholicis vindicata. Conductoribus, Procuratoribus hæreticorum, villicis variæ pœnæ indictæ: quandoque etiam ultimæ animadversionis. Catholicis hæreticorum cæcus diffipandi potestas data.

V. Participes, conscii ejusdem superstitutionis pari affecti pœna, in communi omnibus hæreticis dictata.

VI. Infamia notati per edicta publica, a conversatione hominum summoti: ab officiis & administratione publicis prohibiti, denegata facultas testandi, donandi, & dona accipiendi, imo contrahendi, emendi, vendendi, jus ademptum; ex sedibus suis ex mœnibus pelli jussi, summo supplicio affecti: Inquisitores & Executores constituti, qui hæreticos & latebris erutos, ad judices deferrent.

Figem facio. Legat, qui volet Gothofredi

fredi paratilon in titulum hunc v. & videbit Fridericum II. penas fere easdem statuisse, quas Constantini, & Theodosii Magni &c. statuerunt, præsertim contra Manichæos, & Donatistas, Circumcelliones omnium bipedum crudelissimos, & spurcissimos hæreticos.

Manifeste igitur parallelus est usus Imperialis auctoritatis Sæculo IV. & XIII. pro compescendis pertinacibus & perduellibus Dei & Ecclesiæ hostibus.

Exceptiones hæreticorum sive Donatistarum Sæculo V. sive Albigenium Sæculo XIII. sive nostri temporis hæreticorum, sunt eadem: Ima. *Fides libera omnibus, nemo ad eam cogendus.* IIda. *Deus non gladio, sed prædicatione voluit homines ad Evangelium duci.* III. *Libertas conscientie cuius permittenda: quilibet homo est interpret suus Verbi Divini, & solus iudex sibi ipsi,* quæ principia polemici scriptores jam abinde constituerunt: & ut semel dicam non sunt propositiones hæreticæ; sed stolidæ, impie, Dei & juri naturali contrariæ, omnium Atheorum & Sceleratorum & perduellium apologia, quæ ad nos hic non spectant.

§. VII. De Albigenibus spectatim.

Albigenes Sæculo XII. & XIII. orti, & propagati multis videntur iidem esse, qui *Waldenses*: sed licet postea inter se coeuerint, uti omnes hæretici sunt concordēs in oppugnanda Ecclesiæ Catholice auctoritate: atamen alio ex motivo & principio orti sunt Waldenses, qui actuale abdicacionem omnium bonorum temporalium, uti necessariam ad salutem asseriebant, & a Papa petierant suæ sectæ approbationem, Papæ & Clero, e quo rejecti fuerant, succensebant, & odio immani contra eos, & eisdem contradicendi libidine urebantur.

Contra Albigenes in urbe *Albia vel Albige*, Augusta civitate Episcopali, sub Metropoli Bituricensi orti sunt, quo autore, nescitur, & ipsi sectæ suæ autorem neminem probebant. Hoc ex omnibus coëvis, & supparibus scriptoribus certum, eos Manetis, & Manichæorum errores adoptasse. Duplex statuebant principium: unum *bonum*, a quo spiritus invisibiles, alterum *malum* principium, a quo omnia corpora visibilia, & vetus testamentum prodierit. Hinc omnia corporea non tantum, ut inutilia, sed ut *malæ* reprobantur: negabant Christum Corpus assumpsisse, negabant corpora resurrectione, omnia Sacramenta, corporeis signis constantia, repudiabant. Inde imagines, reliquias corporeas, demum ipsum

matrimonium, abominabantur, nec carne, nec vino utebantur. Quæ omnia consequentia sunt ex admissio principio malo, omnis corporæ rei in se, vel substantialiter malæ.

Lucas Tudenis Episcopus eorundem errores scripto confutavit in Hispania: in Germania nostra Cæsarius Heisterbaccensis coævus *Miraculorum L. V. cap. XXI.* aliquot eorum errores recenset.

Pantaleonita ad ann. MCCXXVI. apud Freherum pag. 294.

Magnum Chronicum Belgicum ad annum MCCXXV. pag. 213. edente Pistorio.

Bellum Cruce signatorum, quod pro recuperanda e Saracenorum manibus Terra Sancta Principibus Christianis Pontifices Sæculo XII. injunxerunt, eodem Sæculo exeunte, & XIII. incunte contra Albigenes compescendos, & ad obedientiam erga Ecclesiam & Republicam hos baptizatos obligandos vertendum, & impendendum cœsuerunt Innocentius III. & Concilium Lateranense anni MCCXXV. imò varia Concilia Nationalia, & Provincialia, & Diocesana.

Anno MCCXXII. Conradus Episcopus Portuensis, & Cardinalis, legatus fuit, & crucem prædicavit assumendam contra Albigenes. Sed nullibi acerbius exarsit bellum, quam in Galliæ Meridionalis partibus, Aquitania Provincia, Delphinatu, tum in confinibus Regionibus, Arragonia, & Infubria. Albigenium Dux & Tutor erat Comes Tolosanus, alique nobiles viri: Papa anno MCCXXVIII. duos Legatos eo misit. Rainerium & Guidonem, commendavitque eos Principibus, & Prælatibus Galliæ, ut hæreticorum conversioni, prædicando verbo veritatis, incumberent. Anno MCCXXIX. bona hæreticorum pertinacium Fisco addicta voluit: Abbati Cisterciensi, aliisque religiosis & secularibus nova mandata de convertendis ad Ecclesiam dedit, sed fructu non magno admodum. Didacus Episcopus Auximensis, in cuius Comitatu erat S. Dominicus, non verbo tantum, sed exemplo prælucente corrigendos errantes monuit: deponerent fastum, luxum Clerici, imitarentur Apostolicam pauperatē; tum enim vero Dominum benedicturum Prædicationi Evangelicæ. Ipse Episcopus primus deposita splendida familia, mutatis vestibus in simplicem habitum, cum paucis Clericis comitatus aliis prævit, & S. Dominicus cum sociis sponte sua pauperatē voluntariam professus, summo zelo Verbum Dei prædicavit, unde PRÆDICATORUM nomen ordo ejusdem meruit.

Sed Comite Tolosano fortissime obistente cum multis civitatibus & millenis hæreticis, ad arma deveniendum fuit, duravirque bellum hoc sacrum varia fortuna & eventu, nunc pro Catholicis, nunc pro hæ-

reticis: aliquando victoribus, alias ad tempus victis, pœnitentibus & supplicantibus pro absolutione ab excommunicatione & pœnis: mox reviviscentibus & ad arma ac perduellionem redeuntibus. Varii interim pacti articuli fuere & conditiones hinc inde ab A. MCCCIX. ad MCCCXXIV. quæ cum Franciam spectent, nihil faciunt ad historiam Ecclesiasticam Germaniæ.

§. VIII. De usu gladii contra hæreticos.

Subjungo Clarissimi viri Ludovici Thomassini ex Congregatione Oratorii Presbyteri animadversionem in has expeditiones, ut vocant *Cruciatas*, seu Cruce signatorum militares, contra hæreticos hoc Sæculo XIII. introductas.

I. Pontifices & Episcopi Germaniæ, Galliæ, Hispaniæ, hæcenus nonnisi gladio spiritali usi erant contra perduelles, Ecclesiæ Catholicæ per Baptismum incorporatos filios, hoc est, excommunicatione a societate Fidelium & usu Sacramentorum ac Ecclesiæ bonorum abjudicatione: quem gladium Christus dederat: *Si Ecclesiam non audierit, sit tibi sicut Ethnicus & Publicanus*; uti Episcopi primorum Sæculorum contra Manichæos & Donatistas aliis armis usi non sunt.

II. Verum cum Albigenes, Manichæorum imitatores, eorundem exemplo, Rempublicam, & Ecclesiam turbarent vesanis concionibus, excusso iugo obedientiæ, invaderent templa, Antistites, & Clericos Catholicos: violarent personas sacras, expollerent Monasteria, judicavit Papa & Episcopi, implorandam esse potestatem sæcularem, ut gladio suo vesaniam & furorem [*verba sunt Theodosii & Constantini*] hæreticorum comprimerent, & pacem ac obedientiam Ecclesiæ, & Regno instituerent. Sicut [*ait S. Leo I.*] licet Ecclesiastica disciplina Sacerdotali contenta iudicio, cruentas non efficit ultiones; Catholicorum tamen Principum constitutionibus adjuvatur, ut sæpe quærant homines salutare remedium, dum corporale super se metuunt evenire supplicium.

Cum igitur Patribus Concilii Lateranensis recitarentur cædes, & devastaciones, direptiones Albigenium contra Catholicorum personas & Ecclesias, primo quidem Decretum fuit Canone III. anni MCCXV. post Ecclesiæ examen & condemnationem prævias:

" Dammati hæretici sæcularibus Potestatibus presentibus, aut eorum balivis relinquantur, animadversione debita puniendi. Clericis prius a suis Ordinibus degradatis, ita, quod bona huiusmodi damnatorum,

" si laiei fuerint, confiscentur; si vero Clerici, applicentur Ecclesiis, a quibus stentia perceiverunt.

Decreta fuerat expeditio cruciata in Concilio Lateranensi sub Alexandro III. A. MCLXXIX. Anno MCCIV. Innocentius III. eidem promovendæ allaborabat adhuc. Anno MCCVIII. in campum prodire exercitus hæreticus jam ante bene instructus, Ecclesiis & Ecclesiasticis exterminandis destinatus: & serius apparuit exercitus Catholicus: magnoque opere, & annis multis sudatum & pugnatum, ut urbes & Provinciæ redirent ad Ecclesiam, & sacram fidem avorum suorum.

Ipse Comes Tolosanus, solâ audita fama *cruciata expeditionis* contra se instructæ, ad perendam pacem supplex Papæ fuit, etsi post sæpe relapsus bellum redintegravit. Denique non Ecclesiæ, sed Regis Franciæ, Comitis de Montfort, Regis Arragoniæ, aliorumque sæcularium Principum gladio cruento domita fuit vesana hæresis Albigenium, cujus errores multis annis ante inceperant, quam Ecclesia imploraret brachium sæculare.

Non fuit igitur alia mens, alia disciplina, alia intentio Ecclesiæ Catholicæ Sæculi XIII. & Ecclesiæ Sæculorum IV. & V.; uti nec Pontificum & Episcoporum mens alia fuit utroque tempore.

Audiamus exordium Constitutionis Friderici II. separantis gladium Imperialem a gladio Ecclesiastico excommunicationis, eamque constitutionem, & contentas in ea pœnas non Episcopis, sed Principibus sæcularibus, exequendas scribentis: " *Commissi nobis cura regiminis cœlitus, & Imperiale, cui dante Domino præsidemus, fastigium dignitatis, MATERIALEM, QUO DIVISIM a SACERDOTIO fungimur, gladium adversus hostes fidei in exterminium hæreticæ pravitatis, exigunt exercendum, ut vipereos perfidiæ filios contra Deum, & Ecclesiam insultantes, tanquam materni uteri corrosores, in iudicio & iustitia persequamur, maleficos vivere non passuri, per quorum sententiam seducentem mundus inficitur, & gregi fidelium per oves morbidas gravior infligitur corruptio.* " I. Statuimus itaque sancientes, ut hæretici quocunque nomine censeantur, ubique per Imperium DAMNATI fuerint AB ECCLESIA & SÆCULARI BRACHIO ASSIGNATI, animadversione debita puniantur.

Ecce Officium Ecclesiastici, & Officium Imperialis gladii. Ecclesiæ competit damnatio hæretici erroris, excommunicatio, denegatio Sacramentorum, sepultura, ac demum (ut statim ibidem innuit Augustus) hære-

hæretici ad fidei unitatem revertentis juxta Canonicas sanctiones ad agendam penitentiam in perpetuum carcerem detrufio.

Post hunc gladium spirituales fequitur pœna gladii materialis, quo fungitur Imperator divifim a Sacerdotio, & penarum corporearum executio, uti oftendimus in *editis Constantinianis, & Fridericianis*. Hæc fufficiant ad indicandam originem, ufum, & finem expeditionum *Cruce signatorum* contra obftinatos, & publicæ quietis turbatores.

§. IX. De hærefi Stedingorum, & mediis quibus cohibiti fuere.

STedingi, hæreticorum gēnus, duntaxat notum Germanis, Boream verfus in Fria, Ducatibus, & Comitatibus Brunsvicensi & Holfatice, videntur nomen duxiffe a civitate Stadenfi, vel quia ibi orti funt, vel quia plurimi, aut præcipui ipforum illic morabantur. Eorum errores recenfuimus *Tom. III. pag. 551.*

Accrevit eorum numerus adeo vehemens, ut per plures Epifcopatus Hammaburgenfem, Lubecenfem, Raceburgenfem, Mindenſem, diffunderentur, & gravibus injuriis ac cædibus atrocibus Clerum, & Monafteria vexarent.

Postquam illis auctoritate Epifcopali & Pontificia, veritas prædicata fuit, & errores eorundem obſceni, & ſpurci detecti, nec tamen ad frugem redirent; Pontifex & Epifcopi exercitum Cruce ſignandorum contra eos colligendum cenſuerunt; ut vim Eccleſiis illatam repellerent, & forte hac vel comminatione, vel exhibitione Catholici exercitus reſiſſerent.

Post prædicationem, ex Catholicis Principibus Henricus Dominus de Brunſwic, Henricus Dux Brabantæ, Florentius Comes Hollandiæ, Theodorus Comes de Clevia, Otto de Gelria, Henricus Oldenburgi, Wilhelmus Julæ, Adolphus Marchiæ, Theodoricus Limburgi Comites, exercitus Catholici Cruce ſignati ad xl. millia, Duces erant contra Stedingos: & brevi tempore eorum, licet furioſe dimicantium, ad ſex millia interfecerunt: alii Viſurgis fluctibus haufi, alii in omnem terram diſperſi.

Pontifex Gregorius ix. Epifcopis Paderbornenſi, Hildeſemenſi, Verdenſi, Monafterienſi, Oſemburgenſi ſcribit, ut non tantum prædicationis officio aſſiſtant Epifcopis, Bremenſi, Raceburgenſi, Mindenſi, Lubecenſi; ſed & indulgentiam peccatorum annucenti populis contra eos hæreticos mi-

litaris, aut auxilio ad eorum converſionem adſuturis.

Demum cum illorum hæreticorum multi ſupplicarent apud Papam pro venia, Pontifex continuo ad Epifcopos ſcripſit pro eorundem reconciliatione procuranda. *Vid. III. T. pag. 553. 554.*

§. X. De hæreticis in Diceceſi Trevirenſi & Moguntina.

Circa MCCXXXI. varii hæretici in Archidiceceſi Trevirenſi verfabantur, de quibus Gregorius ix. monet Theodoricum Archi-Epiſcopum eorum ſcelera & errores reperies *III. T. pag. 539.* & poſt remedia ſpiritualia, etiam in obſtinatos ſupplicia corporalia. Lege *Synodum Trevericam anni MCCXXXI.* Et vaſtritiem hæreticorum, qui & Archi-Epiſcopum Trevericum ex ſua hara effinxerant, & Pontificem eodem nomine, quo tunc Pontifex Romanus, & Trevirenſis Archi-Epiſcopus gaudebant: qua ſtrophæ examen Archi-Epiſcopi deludebant, dum ſe eandem fidem profiteri, quam Pontifex Romanus & Epifcopus profitebantur callido mendacio aſſerebant. Nempe uni errori & mendacio tegendo & palliando decem mendaciis opus eſt.

Ex hoc iterum exemplo liquet, nec Papam, nec Imperatorem, nec Principes Germaniæ, nec Epifcopos gladium materiale arripuiſſe, niſi poſtquam hæretici ſuis erroribus ſparſis undequaque vim, furorẽ, cædes, vaſtationes adjunxiſſent, & paternis monitis Eccleſiæ omnem obedientiam denegaſſent.

Manet ſemper verum Eccleſiam non habere niſi gladium ſpirituale contra hæreticos corrigendos, quodſi Imperator det Epifcopis Germaniæ gladium materiale, cur vetarentur eo uti poſt inutiliter adhibita media omnia ſpiritualia non tam hæreticis, quam perduellibus Eccleſiæ, provinciæ vaſtatoribus damnandis? Profecto ſi Regiæ, vel Cæſariæ Majestatis violatoribus ſummum ſupplicium leges omnes decernunt, cur Divinæ Majestatis, & Eccleſiæ Chriſti hoſtes non ſentiant Regem [a] non ſine cauſa gladium geſtatem, vindicem in iram ei, qui malum agit.

§. XI. De origine Inquiſitionis, & Inquiſitorum in hæreticos.

Epifcopos eſſe primitivos Miſſionarios, & Inquiſitores hæreticis corrigendis, a Chri-

(a) Ad Romanos XIII, 4.

Christo destinatos, ex vi suæ vocationis Episcopalis certum est. *APOSTOLI, MISSIONARIJ, & a Christo missi* voces synonymæ sunt, græca una, latina altera: cum ergo Episcopi Apostolorum vice in Ecclesia Dei instituti sint ex Christi ordinatione, evidens est eos a Christo missos ad docendum (b) *Gentes omnia quæcunque Christus mandaverat*: Ejusdem officii est, docere veritatem, & errorem veritati contrarium, sæpe sub fūco, aut specie verosimili rectum detegere, arguere, & eradicare.

Sunt igitur & fuerunt Episcopi primævi & connaturales Inquisitores & Judices damnandorum errorum, veritati Evangelicæ a se prædicatæ contrariorum.

Antiquissimum exemplar hujus auctoritatis & officii Episcopalis in damnandis hæreticis, sive in Germania ortis, sive in Germaniam aliunde illatis habes *Tom. I. Conciliorum Germaniæ pag. 72. & 76.*

Eruerant anno Christi dccxlvii. hæretici in Germaniam nostram Adalbertus, & Goldastus, & Clemens, Exepiscopi sacrilegi, & contumaces hæretici, hos Zacharias Papa Bonifacio, tunc Regionario Germaniæ Episcopo scribebat, in medium deducendos, & eorum causam subtili discretionem cribrandam (hoc est *Inquisitoris officium*) dein, si deviantes a rectitudinis Catholicæ tramite usquequaque repereritis. Et convicti, inclinati fuerint ad viam converti rectitudinis; ut bonum atque placitum in oculis vestris paruerit, cum Principe Provinciæ CARLOMANNO & PIPPINO disponite, secundum sacrorum Canonum sancita.

De Sidonii & Virgili, Presbyterorum in Bavaria, erroribus retulerat Bonifacius Zachariæ Papæ, qui anno dccxlviii. rescribit: " Ut eos, coacto Concilio, ab Ecclesia pellat, Sacerdotii honore privatos. " Eodem tempore, innuit Papa, Pippino Duci invitorias a se scriptas, ut Virgilius Papæ præsentatus, & subtili inquisitione requisitus, si erroneus fuerit inventus, Canonicis Sanctionibus condemnatur. *Tom. I. Concil. German. pag. 86.* Sed in eadem Epistola, facta enarratione variorum errorum & hæreseon, in Austria & Germania pullulantium, generatim scribit: " Hos itaque Ministros Sacerdotali Collegio omnimode devota: & a Sacerdotali honore privatos, sub regula monachica, & pœnitentia submissos, vitam finire ordinabis, ut carne afflicti, ad viam quandoque redeant rectitudinis. *Tom. I. Concil. German. pag. 85.*

Ecce igitur Episcoporum officium sæculo octavo. I. Errantes quoscunque maxi-

me hæreticos inquirere, examinare, docere: si pertinaces corrigi nolint, deponere, si sint Clerici; si laici, excommunicare, ac demum in perpetuum carcerem pœnitentiæ ergo detrudere. Idem jus inquirendi, corrigendi hæreticos, datum Episcopis, agnitum fuit, denuo in Concilio generali Lateranensi anni MCCXV.

§. XII. *De Inquisitoribus hæreseon, substitutis ad subsidium Episcoporum, vel a Concilio, vel a Papa, vel ab Episcopis.*

Innocentius III. primus omnium constituit Inquisitores Catholicæ Fidei adversus Albigenes.

Sandinus in vitis Pontificum Romanorum pag. 406.

Van Espen Jaris Ecclesiastici universi Parte I. tit. 22. Cap. III. §. 3.

Sæculo XIII. Oriente Abbates Ordinis Cisterciensis, & varii Theologi ex ea sacra familia fuere, a Papa Innocentio III. invitati ad subsidium ferendum Episcopis in inquirendis, & examinandis, & dedocendis hæreticis Waldensibus & Albigenibus; quorum sermo, ut cancer serpebat.

Didacus Episcopus Auximensis cum S. Dominico, & hic cum fratribus suis allaboravit extirpando zizanio ex agro Dominico.

Fratres Minores ex Familia S. Francisci, fuere & ipsi missi ab eodem Papa tum ad infideles, tum ad hæreticos convertendos ad veritatem Catholicæ Fidei; & his subinde a Papa datum Officium Inquisitionis in hæreticos, qui, ut ordinarie lucem fugiunt, nocturna conventicula agitant, in iisque viri & mulieres indoctissimi & vilissimi generis homines, suo deliro cerebro interpretabantur scripturas, plebem turbantes, & commoventes ad seditionem.

Fridericus II. Augustus constitutione I. contra hæreticos *Tom. III. pag. 507.* Fratres Prædicatores, & Minores pro fidei negotio in partibus Imperii sua contra hæreticos deputatos, sub Imperii speciali defensione receptos, vult esse inoffensos, & Universitati civitatum vel provinciarum mandat, ut eos benigne recipiant, servant indemnes ab hæreticorum insidiantium incurfu, & auxilium eis impendant.

Tholosæ primum instituta Inquisitio per hos Regulares, a Papa munitis potestate, dein in Italia, & Hispania. In Germania locum non invenit. Ipsi Episcopi Inquisitores sunt primævi, connaturales, & ordinarii, a Deo vocati, ad errores arguendos & extirpandos.

(b) Matthæi XXVIII, 19, 20.

§. XIII. De hæresi Flagellantium.

HÆC Perusii in Italia nata circa A. MC. CLX. per Galliam & Germaniam erravit : ii nudato tergo ad sanguinem se cædebant, bini & bini incedentes, præibat Presbyter crucem ferens : mulieres Domi flagris tergora lacerabant. Hæc actio admirationem Christi flagellati ex corde contrito profecta mali nullam speciem habebat : & fuere ab initio multi, hoc penitentia genus exercentes, ad frugem conversi, restituta ablata injuste, & opera caritatis exercita.

Verum non contenti hac sui laceratione, prædicabant, hac sola via remissionem peccatorum consequendam. Confitebantur invicem peccata sua, &c.

Sæculo XIV. sequenti circa MCCCXL. eruperat similis enthusiasmus ex Hungaria se publice flagellantium (de qua secta ibi) a Clemente VI. anno MCCCXLIX. vetita & damnata fuit, licet Cardinales multi iis faverent, uti sanctissimis hominibus, ad pestilentiam averruncandam idoneis.

§. XIV. De erroribus Fraticellorum, Beguinorum, Bogardorum, similiumque, Pauperes Lugdunenses perperam æmulantium.

PAUPERES de Lugduno si aliud nihil intendissent, quam æmulari paupertatem Apostolorum, magnam a Christo, suæ vitæ mercedem, magnam ab Ecclesia Christi laudem, & approbationem tulissent : uti S. FRANCISCUS Seraphici Ordinis Patriarcha ob heroicum contemptum omnium temporalium bonorum, Deo & hominibus gratissimus fuit. Nempe idem contemptui opum terrenarum humilitatem conjunxit, & obedientiam erga Ecclesiam Christi, ejusque Prælatos in omni vita præ se tulit : ac ideo longissimo intervallo absuit ab iis, qui propter ipsam abjectionem opum terrenarum se anteferebant aliis ; quos sobrie uti opibus, a Deo sibi datis & acquisitis, videbant. 2do. Divites contemnebant, fingeantque ; actualem abjectionem omnium terrenarum opum ad salutem æternam esse necessariam. 3tio. Contemnebant Clerum ob divitiarum usum. 4to. Obedientiam Ecclesiæ Prælati denegabant. 5to. Eos Christi, & Apostolorum Successores esse inficiabantur.

Nos ut rem ab ovo deducamus, varios errores & hæreses circa paupertatem Christi

Tomus IV. Concil. German.

& Apostolorum, quæ Christianis imitanda in Evangelio proponitur, enarrabimus.

Apostolici dicti fuere quidam hæretici apud Epiphanium *hæresi LXI.* & apud S. Augustinum *hæresi XL.* qui in Pisidia degabant, teste Damasceno. Tempus eorum incertum reputat Præteolus ; sed Sæculi quarti anno XXIV. similium hæreticorum fit mentio in Concilio Gangrensi, relato à nobis *Tom. I. pag. 153.* In *Prefatione* ejusdem Concilii sic legitur : " Inventi sunt etiam " discessiones & separationes a Dominicis institutis in Ecclesiis Dei docere, id est, traditiones Ecclesiasticas, & ea, quæ in Ecclesia aguntur, debere contemni : privatisque conventiculis institutis ad imitationem eorum, quæ in domo Dei aguntur, præsumere celebrare . . . Subin speciatim eorum errores enumerantur, inter quos & hic : " *Divites fideles, qui non renuntiant " omnibus, quæ possident, spem apud Deum " non habere.* . . . Propterea ergo coactum est hoc Concilium, in Ecclesia Gangrensi habitum, ut Canones illos exponeret, quibus probatur, memorati erroris assertores contra Ecclesiam esse. In fine addunt Patres Gangrensis Concilii : " Renuntiationem scæcularium negotiorum cum humilitate recipimus : . . . divitias cum justitia & operibus bonis non spernimus : & habitum simplicem ac vestem viliores pro corporis diligentia infucatum laudamus. " En sapientissimam resolutionem Concilii super paupertate : Negat actualem renuntiationem necessariam esse ad spem salutis habendam omnibus fidelibus. Laudat actualem renuntiationem cum humilitate ; ne ideo se præferant divitibus justis, nec Ecclesiæ Canonibus, & Legibus ; laudat abjectum luxum & ornatum vestium, sed hæc absolute necessaria esse negat : Vide *Tom. I. Concil. German. pag. 155.*

Anno MCCLXVIII. V. Idus Martii Honorius IV. edit constitutionem ; quæ damnatur secta *Ordinis Apostolorum* sub religioso habitu per Italiam, aliasque Orbis partes mendicando discurrens, quos uti Synodo Lugdunensi inobedientes damnat, & habitu privandos mandat omnibus Episcopis ; pergentibus his tumultuari Nicolaus IV. Honorii successor hos Pseudo-Apostolos a Gerardo Sagarello ortos iterum inquiri, examinari, habitu exui præcepit. *Pagi in Breviario Historiæ Pontificiæ Tom. III. pag. 458. 459. in vita Honorii IV.*

Julianus apostata ex pejori fine legem tulit, ne Christiani bonorum suorum invidiosus resisterent, vel ulla se ratione defendant, ajens, ex præcepto Evangelii id iis interdictum.

Gregorius Nazianzenus.

H

Pela

Pelagius Monachus Britannus inter multos errores & in hoc erravit, quod dixerit, necessariam esse renuntiationem actuali omnium bonorum temporalium.

Guillelmus de sancto amore contra mendicitatem Prædicatorum & Minorum scripsit; dicens, vel opere manuum, vel suis opibus vivendum; nequaquam vero licere, facta renuntiatione, actuali paupertatem ita sectari, ut quis mendicet ab aliis victum & amictum.

Jam ut in tanta Narrationum varietate de Fratricellis, Beghardis, Beghinis aliquid certi dicamus, quod ii, qui Catalogos hæreticorum fecerunt, non satis accurate observarunt:

Distinguo primo Fratricellos & Beghinos Sæculi xiii. a Fratricellis & Beghinis Sæculi xiv. sub Joanne xxii. & Benedicto xii. Pontificibus, qui videntur discessisse a mente Nicolai iii. ejusque Bulla: *Exiit, qui seminat*, de quibus in Dissertatione ad Sæculum xiv.

Fratricelli, Sæculo xiii. noti, varios a variis Scriptoribus Auctores, seu Patriarchas habuere. Alii simpliciter dicunt, eos tertium ordinem S. Francisci fuisse, quod ipsi mentiebantur. Alii eos ex Apostatis ex ordine S. Francisci ortum duxisse, uti Natalis Alexander *Sæculi XIII. Historie Ecclesiasticae art. X. pag. 99.* asseruit: Alii a Joanne Petro Oliva prognatos, qui in Ordine Seraphico obiit anno mcccxcvii. Narbonæ: Alii a Petro de Corbaria Antipapa, sed penitente, converso, & in gratiam recepto.

Quas opiniones omnes falsas esse, Wadingus in *Minorum Annalibus* erudite ostendit. Item Dermicius Thadæi in *Nitela Ordinis Minorum*. Auctor igitur Fratricellorum fuit Hermannus Pongilupus Ferrariensis medio Sæculo xiii. qui magnam multitudinem hominum sub paupertatis specie ad se traxit, & tantum valuit apud sectatores suos, ut mortui imaginem in ara Cathedralis Ecclesiæ Ferrariensis collocarint, cultumque publicum eidem deferrent.

Hi sectarii religiosum habitum assumebant, aiebant observari a se Regulam S. Francisci, etsi nulli Superiōri Ordinis Seraphici parerent: sed crearent inter se suos Ministros, Custodes, Guardianos.

Denum, cum S. Francisci filios se dicere non auderent, qui humilitatem & obedientiam erga Ecclesiam semper præse tulit; a Cælestino V. Papa Eremiticæ vitæ amatore descendere se mentiebantur, aut a, nescio quo, Episcopo habitum hunc suscepisse, denique se esse de terrio ordine S. Francisci jactabant. Idem cum quaquaversum multiplicarentur, & Bizochi, & Begardi, & Beg-

hini, & Pauperes de Lugduno compellarentur; Bonifacius viii. errori finem modumque positurus jussit Ferrariæ Pongilupi exhumari corpus & comburi, memoriæque ejus, uti hæresiarchæ, anathema dixit.

Hactenus Hippolytus Helyot in Historia Ordinum Religiosorum Tom. vii. pag. 89. versionis Germanicæ. Reliqua ad Sæculum XIV. quo Fratricelli & Beguini solemnissime damnati fuerunt.

Interim sciendum est, inter tot æmulatores & reformatores paupertatis Christi & Apostolorum, inter Beginas & Beguinos, non omnes fuisse hæreticos: sed præter Ordinem Fratrum Minorum universum Catholicum, & Catholicæ Fidei tenacissimum, fuisse & alii dicti pauperes Catholici in Provincia Tarraconensi, oppositi pauperibus de Lugduno, perduellibus contra Ecclesiam. Horum Duces fuerunt Bernardus & Durandus de Oña, qui consilia Evangelica amplexabantur ad literam, bona sua omnia distribuabant pauperibus, legebant Scripturam sacram, manibus laborabant, hæreticos impugnabant, orationi vacabant, continentiam colebant, in communitate vivebant, decimas vel oblationes more laicorum faciebant: sed in vestibus nullam singularitatem affectabant, uti pauperes de Lugduno. Hos sub nomine Fratrum HUMILIATORUM in Provincia Mediolanensi valde celeberrimum approbavit Innocentius iii.

Dupinius Tom. X. novæ Bibliothecæ Auctorum Ecclesiasticorum pag. 173. 174.

Similis opinio sit de Beguinis. Audiamus Auctorem magni Chronici Belgii. Eodem anno MCCVII. multæ mulieres, tam senes, quam juvenes, contempto Sæculo cum suis delectationibus, sponso Christo, qui est in cælis, servire desiderantes, fecerunt sibi congregationes simul habitantes, & vocantur Beguinæ. Quantas vero tribulationes, & contrarietates sint perpessæ in principio, & quantæ extiterint sanctitatis, in Prologo vitæ B. Mariæ de Oegnies plenius declaratur.

Apud Pistorium Tomo uno Scriptorum rerum Germanicarum mihi pag. 212.

Cratopolus Frater minor Conventualis, in *Libello de Hæreticis anno MDXC. edito*, Beguinæ, ait, esse mulierculas honeste in societate, sine voto cohabitantes, a quibus dum volunt, recedunt: sunt tamen hæretica pravitate infectæ, putæ, eæ, quæ Sæculo xiv. in Concilio Viennensi fuere damnatæ, sed quod omnes Beguinæ fuerint hujusmodi errore infectæ, nec dicit Cratopolus, nec Clemens Papa, nec verum est.

Hactenus de Pauperibus & Beguinis continentibus in Catholica Ecclesia tolerantis Sæculo XIII.

Dicendum nunc de Beguinis hæreticis, de quibus Godefridus S. Pantaleonis Coloniae Monachus ad annum MCCXII. hæc notat:

"Eodem anno multitudo populi ex omni Saxonia, Westphalia, & Frisia, & diversis partibus, cruce signati ad expugnandos Beguinos proficiscuntur; quorum multi terrore exercitus relicti civitatibus & castris fugerunt: alii miseratione Dei per Cardinalem, qui a Sede Romana illuc missus fuerat, relicto errore, ad fidem Catholicam revocantur. Ecclesiæ aperiuntur, & mundantur, Officia Divina resumuntur, Missæ publicæ coram peregrinis celebrantur. His ita parratis quidam cruce signati ad natale solum revertuntur, quidam cum Duce Austriæ Lapoldo ad Hispanos contra Ethnicos pugnaturi progrediuntur." *Ex editione Freberi Tom. I. Script. Germ.* Ego credo, contra Albigeneses, non contra Beguinos, hanc expeditionem cruce signatorum anno MCCXII. factam, ut Cæsarius coævus scripsit.

In Concilio Leodiensi anni MCC. LXXXVII. §. XIX. Beghinæ tolerantur, sed cum limitatione: "Item præcipimus, quod omnes Beghinæ, privilegio Beghinali gaudere volentes, intrent curiam Beghinarum: & præcipimus comorantibus intra curiam Beghinarum, quod distinguant habitum suum ab habitu Beghinarum, & si aliqua Beghina extra curiam accesserit moratura, vel ejecta fuerit propter incontinentiam, vel aliud delictum, habitum non deferat Beghinarum. Præterea omnes Beghinas negociatrices, vel mercatrices manifestas, amplius quam decem marcharum in negotiationibus habentes, a privilegiis Beghinarum excludimus, nec eas a solutione eorum, seu exactioinum volumus esse liberas. Alias autem in curiis commorantes declaramus ad præmissa non teneri. *Vid. Tom. III. Concil. German. pag. 717.*

Ex hac constitutione Concilii Leodiensis discimus:

Primo. Sæculo XIII. exeunte per multas Beghinas in Dicecesi Leodiensi vixisse. 2. Eas in una curia simul cohabitasse: 3. Habitum distinctum a vulgari gestasse: 4. Privilegia easdem habuisse, an Pontificalia, an Episcopalia, an ab aliquo Comite Brabantiae, aliove, quis divinet? 5. Episcopali jurisdictioni subiectas fuisse: 6. Negotiationes quasdam exigui pretii habuisse, forte pro victu & amictu acquirendo, consequenter nil hæreseos inter eas deprehensum; sed evagatas quasdam sub eodem habitu scandalum dedidisse populo: unde eas privilegio Beghinali excidisse declarat Episcopus, secus ac manentes in curia Beghinarum.

Tomus IV. Concil. German.

Nunc de Beghardis, quæ mentio fit hoc Sæculo?

Circa annum MCCL. in Concilio Moguntino hoc statutum legitur: "Statuimus, quod secta, & habitus, nec non conventicula Beghardorum, clamantium per plateas & vicos civitatum, oppidorum, & villarum hoc vulgare: *Broth durch Gott*, id est, *Panem per Deum*, vel: *Panem a Deo*, vel: *Panem propter Deum*, & quæ aliæ singularitates a Sancta Dei Ecclesia non receptæ, sunt penitus reprobata. Et mandatur universis Plebanis per Civitates, Diocesium, & Provincias Moguntinas constitutis, ut eosdem Beghardos publice, tribus diebus Dominicis, vel Festivis ammoneant, ut huiusmodi singularitatibus relicti, se teneant sicut alii Christiani, & quod non prædicent in cavernis, vel in aliis locis secretis, & non convenient cum Beguinis, se conformantibus eisdem in moribus, habitu, & incessu; alioquin extra Parochias suas expellant. Idem etiam de Beguinis pestiferis statuimus.

Ex hoc Concilio, quod post annum MCCXLV. & post Concilium Lugdunense celebratum fuit, discimus 1mo. Beghardos publica mendicitate, aliisque singularitatibus notis in vestitu, a reliquo vulgo se secrevisse, nullo tamen erroris, vel hæreseos crimine notatos: 2do. Eosdem prædicasse sectam suam: 3tio. Maxime in cavernis & locis secretis: 4to. Commertium cum Beghinis habuisse valde suspectum, ceterum iustos abstinere a publica mendicatione, aliisque notis singularis vitæ, & a commercio Beghinarum, quæ *pestifera* vocantur, abs dubio ob hoc commercium clandestinum in cavernis & locis secretis: demum, utrosque plebanis obedire debuisse.

Hæc ex Concilio Germaniæ. Sed Joannes Trithemius in *Chronico Hirsaugiensi* ad annum Sæculi XIII. penultimum MCCXCIX. fatetur quidem Hermannum Pongilupum, apud urbem Ferrariæ ante annos XX. sepultum, fuisse a Papa Bonifacio VIII. diligentissima inquisitione per Italiam facta, exhumatum & comburi iustum. Sed originem eorum Fratricellorum altius repetit, nempe a Tanchelmo apud Antverpiam in Brabantia hæretico, per S. Norbertum impugnato, deinde ante, & post Tanchelmum Catharos hæreticos viguisse, & ex horum facibus surrexisse pestilentes hæreticos, qui se *Fratricellos* nuncupabant: magnam sanctitatem, coram nescientibus dolos eorum, simulant, & multos in profundum erroris non solum laicos, sed etiam Clericos & Monachos traxisse. Tum enarrat novem articulos pestilentissimos & infandos: prætexentes se vitam Christi, & Apostolorum primævam

H 2

rerum

rerum omnium abdicatione imitari: Papam, & quisquis id non faciat, damnatos esse: apud se solos veniam peccatorum impetrari: neque luxuriosis & incestis nocturnis actionibus quidquam peccari: quia *omnia munda mundis*, ridicula interpretatione garriebant. Et hos paucos impiissimos de multis refert Trithemius, honestatis causa ceteros silens: addit, non obstante diligentia Papæ & Episcoporum, sectam illam brevi extirpari non potuisse. Joannem XXII. Sæculo proximo eidem extirpandæ maximam operam adhibuisse. Narrat subinde, qua arte nocturna infanda conventicula Mediolani detecta sint, & mulier Wilhelma, Sacerdos Fraticellorum, combusta, quæ sancta, ad omnibus habebatur.

Trithemius Tom. II. ultimæ editionis Chron. Hirsaugiensis ad annum 1299. pag. 74. & seqq.

Fraticellos reviviscentes per Dulcinum Novariensem anno MCCCIII. & anno M. GCCXXV. in oppido quodam Cremenfi, Pataviensis Diocesis, loco suo annotabimus in Sæculo XIV.

§. XV. De primo abusu Scripturæ sacræ in linguam vulgi versæ.

Waldensium secta non constabat ab initio, nisi ex plebe rusticanâ, ex agricolis, opificibus, textoribus, fabris, porcariis, sutoribus, sartoribus, mulierculis idiotis, quibus omnibus & singulis Biblia legenda, & interpretanda dabatur in manus, successores erant & imitatores Catharorum æque fanatici, æque peruelles contra Hierarchiam.

"Hi pauperes (teste *Rainerio coævo*) novum testamentum & vetus, vulgariter in linguam, vulgo Francico usitatam, transtulerunt, & sic docent, & discunt: & quia sunt laici & idiotæ, falso & corrupte exponunt Scripturam. v. g. *sui*, id est, porci *eum non receperunt*: *sui* dicentes pro *sues*, *increpa feras arundinis*, die *Schwalber*: *Hi arundinis* pro *arundinis* accipiendo: Psalmis varios ridiculos titulos imponebant idiotismo gallico. Deinde omnium erat interpretari scripturam, docere, disputare, populum vocare ad disputationes in foro, in campo, in testis: discipulus septem dierum alium quærebat, quem doceret. Alias etiam verbis Catholicis voces substituebant: nominabant Ecclesiam, *domum stramineam*: Clericos vocabant *Scribas*, Religiosos *Phariseos*, utrosque exterminare summis votis ardebat.

"Significavit Nobis Venerabilis Frater noster Metensis Episcopus [*verba sunt Innocentii III. Lib. II. Epist. 468. edition. Co-*

lon.] "quod tam in Dicecesi, quam in urbe Metensi, laicorum, & mulierum multitudo non modica, tracta quodammodo desiderio Scripturarum, Evangelia, Epistolas Pauli, Psalteria, moralia Jobi, & plures alios sibi libros fecit in Gallico sermone transferri." Ecce Waldensibus excogitatum medium, suos errores sub fuce verbi Divini ventilandi. Præbuerant jam dudum Sueci & Germani Ulphitam, Notkerum, & alios Bibliorum interpretes Germanos, sed cum obedientia & reverentia erga Ecclesiam, & Doctores, & Pastores Catholicos.

Audi nunc fructum interpretationis vernaculæ, in manus vulgi sparsæ *ex eodem Innocentio eodem loco*. "Translationi hujusmodi (*Bibliorum Francice translatorum*) a teo libenter, utinam prudenter, intendunt, ut fecit conventionibus talia inter se laici & mulieres eructare præsumant. 2do. Et sibi invicem prædicare: 3tio. Qui etiam aspernantur eorum consortium, qui se similibus non immiscunt, & a se reputant alienos, qui aures & animos talibus non apponunt. 4to. Quos, cum aliqui Parochialium Sacerdotum super his corripere voluissent, ipsi eis in faciem restiterunt, conantes rationes inducere de Scripturis, quod ab his non deberent aliquatenus prohiberi. 5to. Quidam etiam ex eis simplicitatem Sacerdotum suorum fastidiunt, & cum ipsis per eos verbum salutis proponitur, se melius habere in libellis suis, & prudentius se posse id loqui submurmurant in occulto.

Eadem arte Wicleffus in Anglia, Hussus in Bohemia usi sunt: nempe scriptura in vernaculam Anglicanam, & Bohemicam, versâ juxta sensum, & glossam, & commentarios suos. Sed maneamus in Sæculo XIII.

Innocentius III. non solum ad Episcopum Metensem scripsit, ut in hos errantes, & eorum errores inquirat, & pejerare solitos ad veritatis professionem adducat, sed similis argumenti literas scripsit ad Abbatem Cisterciensem, ut Metas accedat, Episcopum adjuvet, & adherentes prædictæ translationi Francicæ, si fieri potest, auctoritate Apostolica corrigat &c.

Admiremur hic Ecclesiæ Catholicæ providentiam in deposito doctrinæ sanæ custodiendo.

Dum fideles sunt dociles, & attendunt verbis Pastorum suorum, lingua vulgari vulgo explicantur verbum Dei, permittit iisdem populis versionem bibliorum in idioma vulgare, sed à Pastoribus approbatam, sobriæ explicationi Ecclesiæ Catholicæ consentaneam. Dum vero quilibet idiota arrogare sibi vult, suo cerebro Verbum Divinum

num interpretari, corrumpere, adulterare, & alios seducere ad pravam sensum; habet mandatum a Christo, non projiciendi margaritas ante porcos, nec sanctum dandi canibus. Igitur manet in Ecclesia Dei perpetuum discrimen inter Apostolos & Discipulos, Pastores & Oves, Patres & Filios. Horum est docere omnes gentes, frangere panem parvulis, aperire librum legis, discernere inter infirmos, carnales, parvulos, & inter spirituales, idoneos aliis docendis, non tantum primo Sæculo, sed & xiii. & xvi. & hoc xviii. E contra fidelium est, tacere, audire, sequi vocem Pastorum interpretantium, non ut est verbum hominum, sed sicut est vere Verbum Dei. 1. *Thessalon.* ii. 13.

Ex eadem Sapientia, urgente Concilio Oecumenico Tridentino Sessione xviii. MDLXII. 18. Januarii fluxerunt regulæ Indicis a Pio iv. editæ, de usu Bibliorum, vulgari lingua verborum, nonnisi judicio Episcopi aut Parochi, Confessariiive vulgo permittendo. Eodem sub Pio IV. fuere *Sessione secunda* delecti Disquisitores & Censores librorum editorum, pag. *mibi* 197. Rursum *Seff. XXV.* pag. 621. præcipit Concil. Tridentinum, ut delecti Censores censuram Papæ offerant, ut ejus judicio & autoritate hæretici terreantur. Antea *Seff. IV.* Decreto de editione & usu sanctarum Scripturarum indicatus, & dein sub Pio V. Successore editus index.

§. XVI. De Canonibus pœnitentialibus mutatis in alia opera Sæculo XIII.

Quam graves, acerbæ, & diuturnas pœnitentias variis peccatorum graviorum generibus Concilia canonibus antiquis primo millenario imposuerint, docet historia Ecclesiæ Catholicæ, & nos ipsi *Tomo I. Sæculo I. & II. & III.* Sæculo autem XII. promulgatis expeditionibus sacris Cruce signatorum pro vindicanda terra sancta e manibus Saracenorum: 1mo. judicavit Ecclesia Canones pœnitentiales antiquos severissimos convertendos in hæc opera pia recuperandæ Palestinæ ergo, datis indulgentiis penarum pluribus annis redimendarum. 2do. Sæculo XIII. judicavit Ecclesia similes expeditiones sacras Cruce signatorum instituendas contra hæreticos, Dei, & Ecclesiæ Christi, & ejus Antistitum violatores, homicidas, vastatores: in eumque finem mutandas pœnitentias antiquas in subsidium bellicum, contra hæreticos Waldenses, Albigenes, Stedingos, &c.

Hactenus hæretici (exceptis Manichæis & Donatistis) fuerant hæretici errantes,

& in errores inducentes: sed postquam rempublicam & Ecclesiam damnis, vastationibus, bellis, cædibus, tumultibus laniaverant: postquam exercitus formidandos multorum millium, in incendia urbium & Ecclesiarum, in cædem Episcoporum, Cleri, & populi Catholici collegerant; media omnia extrema, etiam corporalia impendenda fuerant, ut furor & infania eorum compefceretur.

Inter ea media fuerunt expeditiones *Cruce signatorum*, & quia nemo lubens suam personam, æs, & bona a Deo sibi data, ultionis discrimini exponit, nisi saltem spiritualibus præmiis invitetur; ideo Ecclesia invitavit omnes, relaxatis Canonibus Pœnitentiarum ob antiquos Canones debitum, ad militiam sacram suscipiendam, sive contra Paganos, sive contra hæreticos. Et ab eo tempore vigor Canonum pœnitentialium remissus fuit.

§. XVII. De vero sensu Canonis XXI. OMNIS UTRISQUE SEXUS, in Concilio Lateranensi anni MCCXV. editi.

Canonem hunc legere potes integrum relatum in Concilio Colonienſi anni 1281; *Cap. VIII.* pag. 665. *Tom. III. nostro.* Constat tribus partibus:

1. Lex est pro omnibus utriusque sexus fidelibus, usu rationis præditis, peccata omnia confitendi fideliter, saltem semel in anno *PROPRIO Sacerdoti*, & injunctam sibi pœnitentiam pro viribus adimplendi, & suscipiendi reverenter Eucharistiam ad minus in Pascha, nisi forte quis de consilio proprii Sacerdotis, ob aliquam rationabilem causam ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura. . . . Si quis autem *ALIENO Sacerdoti* justa de causa confiteri velit peccata, licentiam prius postulet, & obtineat a proprio Sacerdote, cum aliter illum non possit solvere, vel ligare.

2da Pars tractat de discretione Confessarii.

3tia De ejusdem obligatione ad Silentium.

De primæ partis quæstione graves controversiæ exarserunt inter hæc V. Sæcula, post Lateranensæ Concilium evoluta, quæ vel hoc Sæculo XVIII. ab quibusdam resuscitantur. *Quæstio prima est*, quis nomine proprii Sacerdotis intelligatur. Supponuntur enim Diæceses Episcoporum subdivisæ in Parochias, hoc est, in varias Ecclesias speciales,

ciales, in quarum districtu, ab Episcopis circumscripto, habitantes fideles Baptismum & reliqua Sacramenta capebant ab idoneo Sacerdote, constituto ab Episcopo Diocesano, ac post mortem suo in Cimiterio Catholico sepeliantur, cui vicissim Parocho Decimæ agri circumjecti, & alimenta a Parochianis debeantur.

Cum enim Episcopus omnibus suæ Diocesanos fidelibus ob vastitatem, & locorum distantiam Sacramenta porrigere solus nequeat; Episcopi eligunt personas idoneas (a) in easque curæ animarum verbo & Sacramentis pascendarum partem veluti in cooperatores transfundunt, & Parochos creant, investunt, moderantur, regunt, & ob defectus forte deprehenso, vel senium, amovent ab officio parochiali, aliosque substituant.

Fuere autem & Sæculo XIII. viri eruditi, qui censuerunt, voce *proprii Sacerdotis*, solam illam personam, Ecclesiæ sibi creditæ ordinariam administratam, intelligi, excluso Episcopo Diocesano, & Pontifice Romano, quæ capite universæ Ecclesiæ: nec eos posse absolvere Parochianos, nisi licentia a *proprio* Parocho accepta, adeoque & Papam, & Episcopum esse *alienos Sacerdotes* respectu Parochiani. Ejusmodi interpretes hujus Canonis fuere Henricus Duacensis, Christianus Bellovacensis, Guillelmus de sancto amore, Magistri Universitatis Parisiensis. Contraria sententia nonnullorum fuit (inter quos Magister Henricus ex mendicantium ordine) quem Episcopus Argentinensis in Concilio Moguntino anni MCCLXI. accusavit, in concionibus publicis prædicasse, "quod auctoritas mendicantium sit altior, quam plebanorum, quod nullus teneatur plebano suo, quocunque anni tempore confiteri. *Vide Tom. III. pag. 615.*

Utraque sententia absurda & erronea: & prima quidem damnata ab Alexandro IV. anno MCCLVII. II. Octobris. Quam absurdum enim id est, Episcopum, a quo jurisdictionem accipit Parochus, Papam, a quo jurisdictionem Episcopus accipit, non habere jurisdictionem in Parochianos, quorum sunt veri Pastores jure Divino statuti? vel eam amittere, dum Parochum alicui portioni sui gregis præponunt?

Quam absurdum, Papam, aut Episcopum, aut approbato ab alterutro, aut alterutro Vicarios, aut Pœnitentarios esse *alienos* Sacerdotes respectu fidelium sibi jure Divino subditorum? . . . Sane nullus Episcopus eligendo, investiendo, confirmando Parochum aufert sibi jurisdictionem in Parochianos vel Diocesanos.

Examinemus vim vocis: *proprius*:

I. Proprius opponitur *alieno*.

Opponitur deo communi, generali, communissimo, mediato, principali.

Episcopus est Parochus omnium Diacesanorum communis & mediatæ, præcipuus: Papa eorum universalissimus principalis, independens, sed neuter *alienus*, qua voce utitur Lateranense Concilium uti opposita *proprio*.

Hierarchiæ Ecclesiasticæ notitia nos ducit in rei quæsitæ claram ideam. Hierarchia Ecclesiæ constat ex Papa, Episcopis, Parochis, Diaconis. Exordium autem divisionis Ecclesiarum Cathedralium, in quibus Episcopi sedebant, ducendum a tempore Apostolorum. Antiquissima Ecclesiæ Germaniæ Rhenanæ Treverensis, Colonienfis, Moguntina a Pontifice Romano Legatos ad se viros Apostolicos Ecclesiarum suarum Auctores memorant; Ecclesiæ Germaniæ Orientales, Aquilegenfis, Sabionenfis, Laureacensis ab Apostolorum Discipulis fundatas se gloriantur. Sæculo VIII. medio, in Germania Mediterranea, Thuringiæ, & Bavarie Papæ Gregorius & Zacharias misere Bonifacium, qui Baviarum in IV. Episcopatus divisit: Germaniam, ut ita dicam mediam in IV. item, Wurceburgensem, Eustadiensem, Buraburgensem, Erphordensem, in iisque Episcopos collocavit, consecravit: *Tom. I. Concil. German. pag. 41. 45.*

Sæculo VIII. extremo Carolus M. licentia ab Papa Hadriano accepta, & Hildebaldo Archi-Episcopo moderante, in Saxonia VIII. Episcopatus fundavit nominatis personis, & doravit easdem Decimis. *Vid. Tom. I. pag. 329. Et pag. 246.*

Quibus Hildebaldus sacrum characterem Episcopalem communicavit in civitatibus, quæ tum celebriores erant, Osnabrugga, Brema, Halberstadio, Hildesheimio, Verda, Paterborna, Minda, Mimigardevorda (quæ nunc Monasterium dicitur) quas fundationes Ludovicus Pius perfecit, tum adjunxit Hamburgum. Hos novos Episcopatus coævi auctores appellant *Parochias*, Nos aliter loquimur & scribimus nunc hoc Sæculo XVIII.

Otto I. Magnus in Concilio Ravenatensi anno DCCCCLXVIII. præfente Pontifice Joanne XIII. fundati a se Archi-Episcopatus Magdeburgensis institutionem absolvi, & auctorizari fecit. *Vid. Tom. II. pag. 633.* Et primo Archi-Episcopo varia privilegia a Papa concedi; dein eidem subijci Suffraganeos Misnensem, Havelbergensem, Brandeburgensem, Merseburgensem, Cizensem. *Tom. II. pag. 633. 634.*

Idem

(a) *Hujus rei gratia reliqui (Paulus Titum) Te Crete, ut . . . constituas per civitates Presbyteros, sicut & ego disposui tibi.* Ad Tit. I. v. 5.

Idem Otto Dania Cismarina subiecta, curavit eam in tres Episcopatus distribui, eosque Hammaburgensi Archi-episcopo subijci, Sleswicensē, Ripensē, Arhusensē. *Vid. Adam Bremensem Histor. Ecclesiast. Lib. II. Cap. II. Petrum Lambecium orig. Hamburg. Lib. II. Cap. II.*

Ecce originem Episcopatum, in quos Germania divisā est a Sæculo I. ad Xum; semper auctoritatem commodantibus Episcopis Romanis, qua Vicariis Christi, & in toto Orbe jurisdictionem supremam obtinentibus, iudice Carolo & Ottone Magnis, Augustis Principibus Germaniæ.

Est igitur Papa fons omnis Hierarchiæ Episcopalis a Christo statutus.

Supposita divisione Episcopatum consequens erat, ut quisvis Episcopus suo districtu, & fidelibus in eo commorantibus regendis, verbo, Sacramentisq; pascendis contentus esset, & abstinere a regimine fidelium alienæ Dioceseos. De his in Oriente antiquissimi, & sexcenties reiterati Canones sunt. Inter Canones, Apostolorum dictos, XIVtus. Ut ab Episcopis aliena Parochia minime pervadatur. Can. XVtus. Ut Clerici proprias non derelinquant Parochias. Can. XVI. Ut Episcopus, qui Clericos alterius suscepit, communione privetur. *Tom. I. Concil. German. pag. 132.*

In Concilio Antiocheno anni CCCXLI. Cap. IX. & XIII. Nullus Episcopus ex alia Provincia audeat ad aliam transgredi, & ad promotionem Ministerii aliquos in Ecclesiis ordinare, licet consensum videantur præbere nonnulli: nisi literis tam Metropolitanis, quam cæterorum, qui cum eo sunt, Episcoporum; rogatus adveniat. *Tom. I. Concil. German. pag. 158.*

Anno CCCLXXXI. in Concilio Constantinopolitano generali III. Cap. II. definitus fuit ordo servandus inter singulorum Dioceses tum definitas, quarum aliæ Alexandrinis, aliæ Antiochenis Episcopis tribuuntur. *Tom. I. Concil. German. pag. 167.*

Anno CCCLI. in Concilio Chalcedonensi statutum *Cap. V.* Nulli Episcopo vel Clerico licere transmigrationem de civitate in civitatem. *Tom. I. pag. 177. & Cap. XVII.* Singularum Ecclesiarum rusticas Parochias vel possessiones manere inconcussas illis Episcopis, qui eas retinere noscuntur, & maxime, si per tricennium eas absque vi obtinentes, sub dispensatione raxerunt. Prohibetur ergo invasio Parochiarum, maxime lege tricennalis possessionis munitarum. Inter Græcos enim translatio Episcoporum de civitate in civitatem frequentissima erat, licet tot Canonibus verita. Hic Parochia iterum pro Diocesi sumitur.

Addatur Canon XIX. Concilii Sardicenis *Tom. I. pag. 193.* Canon. XXI. Concilii Africani *Tom. I. pag. 211.* Rursum Canon LXXXV. LXXXVIII. *Tom. I. pag. 227.*

Hos Codicis Dionysiani Canones Carolus M. adoptavit in suo Capitulari Aquisgranensi anni DCCLXXXIX. *Cap. XII. Tom. I. pag. 269. & ibid. pag. 272.* Can. XXIV. ex Chalcedonensi & Sardicensi Conciliis: item in Concilio Francofordiensi anni DCCXCIV. Can. VII. & XXVII. *Tom. I. pag. 325. 327.* E quibus Canonibus eruo.

1. Papam a tota Germaniā, imo a toto Occidente, fuisse agnitiū Primatē Ecclesiasticæ Hierarchiæ jure Divino, sine cujus auctoritate & conscientia, nec Episcopatus instituere, nec definire, & inter se discernere liceat cuiquam.

2. Papam de facto omnes Episcopos Germaniæ instituisse, & vel per se, vel per suos Legatos consecrasse, & potestatem Episcopalem iisdem contulisse.

3. Quemvis Episcopum Germaniæ in civitate sedisse, quæ ideo Cathedralis vocabatur, ob Cathedram Ecclesiæ: in eaque civitate ab initio unicam Ecclesiam fuisse: in qua cives omnes baptizabantur, docebantur, & reliqua Sacramenta ab Episcopo accipiebant.

4. Nullam rure Ecclesiam fuisse, sed ruricolos diebus Dominicis ad civitatem compulso, ibidem mysteriis Divinis imbutos fuisse.

5. Episcopum in civitate unicū, co-operatores Clericos instituisse Presbyteros, & Diaconos, qui coram Episcopo nil audebant, nec baptizare, nec reconciliare, nec sacrum facere: at ex ejus delegatione poterant obire munera sacra, Episcopo propria. Hic status Ecclesiæ Catholicæ fuit tribus primis Sæculis, iudice Thomassino.

At a IV. ad X. & sequentia Sæcula, multiplicato grege Catholicorum, Episcopi ædificaverunt plures Ecclesias, in iisque Presbyteros statuerunt, qui certo ac definito numero fidelium, circa eam Ecclesiam habitantium, Sacramenta ministrarent, accepta & limitata ab Episcopo auctoritate, & reservatione variorum peccatorum suæ Episcopali potestati.

His ex Historia Ecclesiastica Germaniæ, a primo Sæculo ad XIII. certo præjctis: patet, Innocentium III. & Patres Concilii Lateranensis per proprium Sacerdotem intellexisse Rectorem Parochiæ, ab Episcopo institutum, consequenter To proprium non excludere potestatem Episcopalem neque Pontificiam, falsum igitur, & absurdum, & incredibile, Pontificem & Episcopos

pos ita tribuere Parocho facultatem; ut eam sibi ipsis auferant:

Errat igitur Henricus Gandavenfis, opinans, *proprio Sacerdoti* ita datam facultatem absolventi, ut ab ea excludatur Episcopus & Papa, aut ab iis approbati Vicarii, Pœnitentarii, sive sæculares, sive regulares. Hæc pro resolutione.

Nunc videamus, quomodo is Canon in Germania servatus sit & a variis Pontificibus intellectus.

Anno MCCXV. mense Novembri celebratum fuit Concilium Lateranense IV. Generale XII., ejusque Canone XXI. lata lex, de Confessione *proprio Sacerdoti*, ab omnibus fidelibus adultis, quot annis facienda.

Anno MCCXXVII. Gregorius IX. *primus* scripta ad omnes Episcopos Bulla, data Anagninæ 26. 7bris dedit Fratribus Prædicatoribus privilegium audiendi confessiones, & prædicandi citra licentiam a Parocho, vel Episcopis petendam.

Anno MCCXLIV. Innocentius IV. Bulla ad Episcopos Angliæ privilegium æque illimitatum mendicantibus indulgit, quod Angliæ Episcopi rejecerunt, ut *Dupinius Tom. X. Biblioth. Ecclesiast. pag. 175.*

Anno MCCXLVI. Concilium Moguntinum, Fritslariæ coactum, Canonem Lateranensem integrum refert: & a quovis regulari vel sæculari solvi fidelem posse negat sine licentia *proprii Sacerdotis. Tom. III. pag. 374.*

Anno MCCL. Facultas Theologica Parisina suadet, tutius esse confiteri Parochis, quam regularibus, cum Parochorum jurisdictione sit certa, Regularium autem a quibusdam in dubium vocetur.

Anno MCCLIV. Innocentius IV. obque-relas Episcoporum & abusus nonnullorum Regularium, præcipit Bullâ: *Nihil novum*, ut ne audiant confessiones sine licentia Parochorum.

Anno MCCLIV. Alexander IV. fiduciario Decreto: *Nec insolitum*: revocat Bullam Antecessoris. 22. Decembris anni h.

MCCLVI. 21. Octobris idem Papa confirmat Regularibus privilegium, audiendi confessiones absque licentia postulata a Parochis.

Cum Henricus, aliis Odo, Duacensis, Christianus Belhuacensis, & Guillelmus a S. Amore, Doctores Parisini, id perfricte negarent;

Anno MCCLVII. Alexander IV. contra eosdem reiectos id privilegium confirmat. *Histor. Concil. I. l. 1. c. 1.*

Anno MCCLXXXI. Martinus IV. Bulla: *Ad Uheres*. Fratribus Minoribus inferi-

pra: Volumus (ait) auctoritate Apostolica, per Provinciales Ministros, cum Definitoriis in Capitulis congregatis, facultatem concedi examinatis, & approbatis aliis, prædicandi, & audiendi confessiones, absolventi pœnitentes libere, ut a nemine impediantur quomodolibet. *Vult* autem idem Papa, quod ii qui fratribus confitebuntur, eisdem suis Parochialibus Presbyteris, saltem semel in anno, prout Generale Lateranense statuit, confiteri teneantur.

In Concilio Moguntino Waltherus Episcopus Argentinæ accusavit varias propositiones Mendicantium anno MCCLXI. 1mo. *Quod nullus teneatur Plebano suo confiteri etiam quocunque tempore anni.* 2do. *Quod Sacerdos, vinculo peccati mortalis ligatus, alium simili vinculo ligatum absolvere non possit. Tom. III. pag. 615.* Dubitatum hic fuit; *Et hæc altera Quæstio erat*: An eadem peccata, quæ regulari confessus es, iterum Parocho confiteri debeas? Responderunt Parisini DD. affirmative; Regulares negabant multis ex rationibus. Super ea quæstione omnes Archiepiscopi, Episcopi & Clerici Regni Franciæ solemnnes nuntios cum viris sapientibus ad Sedem Apostolicam miserunt, & quilibet eorum centesimam partem omnium reddituum & proventuum Ecclesiasticorum contribuit nuntiis pro expensis.

Eberhardus Altabensis in annalibus apud Canisium Tomo I. antiquæ lectionis pag. 526.

Anno MCCLXXIV. Concilium Provinciale Saltzburgense simpliciter Canonem Lateranensem anni MCCXV. renovat, & instaurat. *Tom. III. Conc. Germ. pag. 640.*

Anno MCCLXXXI. Concil. Colonien- se Cap. VIII. renovat totum Canonem: *Omnes utriusque sexus: ut proprio Sacerdoti plene & integre confiteantur. Tom. III. pag. 665. 666.*

Anno MCCXCII. Aschaffenburgense Concilium confirmat Canonem Lateranensem, & Plebano faciendam confessionem. *Tom. IV. Conc. Germ. pag. 25.*

Anno MCCC. Bonifacius VIII. Bulla *Super Catbedram*. jubet, ut superiores Regularium adeant Prælatos, & ab iis petant facultatem, administrandi Sacramenta pœnitentiæ pro iis, quos ipsi idoneos judicaverint. Hocce officio peracto, Ordinario recusante, se Papam daturum ex plenitudine potestatis facultatem, quoties ab eo peterent.

Anno MCCCIV. Benedictus X. Bulla: *Inter cunctos*. palam declaravit, fideles confessos peccata sua Regularibus, non teneri eadem confiteri Parochis, præter excommunicationem, cujus absolutionem Parocho reser-

reservat : aut si fors sua peccata non rite confessi essent.

Jubet tamen, ut Superiores Regulares scripto petant facultatem ab Episcopo Diocesano : quo recusante, nihilominus possint audire peccata fidelium ex auctoritate Papæ.

Anno MCCCIX. Clemens V. in Concilio Viennensi Generali Can. *Dudum*. revocat Benedictinam Bullam, & Bonifacii VIII. *Super Cathedram*. Bullam confirmat.

Haftenus Dupin. Bibliothecæ novæ Tom. X. pag. 173. præter illa, quæ Germaniam spectant.

Anno MDLXIII. die 15. Julii Concilium Tridentinum *Sess. XXIII. Cap. XV. De Reformatione*. litem omnem decidit : "Quamvis Presbyteri in sua Ordinatione a peccatis absolvendi potestatem accipiant, decernit Sancta Synodus, nullum etiam Regularem posse confessiones sæcularium, etiam Sacerdotum, audire, nec ad id IDONEUM reputari, nisi aut parochiale beneficium, aut ab Episcopis per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat : privilegiis, & consuetudine quacunque, etiam immemorabili non obstantibus. Igitur approbatio Episcopi facit Sacerdotes idoneos, & proprios audiendis confessionibus sæcularium, & non alienos. Nec enim Sacerdos curatus alia ex causa fit proprius Sacerdos, quam quod ab Episcopo approbetur ad excipiendas confessiones Parochianorum.

Institutio Papæ est juris Divini, & clare in verbo Dei scripto agnoscitur :

Institutio & Divisio Episcopatum est item juris Divini, & clare in verbo Dei scripto agnoscitur.

Paulus constituit Episcopos Timotheum Ephefi, (a) Titum in Insula Creta (b) eique dedit facultatem instituendi Presbyteros per civitates, id est, Episcopos. Onesimum, &c.

Joannes septem Episcopos in Asia minore instituerat, illisque constitutis, nihilominus septem illos gubernabat, ut ait S. Hieronymus.

S. Jacobus Hierosolymæ fuit ab Apostolis constitutus Episcopus. *Actuum C. XV, 13.*

Haftenus ex verbo Dei scripto.

Ex verbo Dei tradito pene omnes Orbis Romani ac noti Sæculo I. Christiani Episcopi, ab Apostolis fuere constituti, consecrati. *Eusebius Lib. I. Histor. Ecclesiast.*

Divisio Episcopatum & Dioceseon in Parochias, non nisi tertio aut quarto Sæculo videtur orta esse, multiplicato numero fidelium in civitatibus, & rure; ita ut Episcopus civitatis solus in sua Cathedrali Ecclesia, quæ unica erat in Provincia v. g. Lycia, Caria, Lycaonia, nec civibus, nec rusticis posset facere satis, ergo licet Parochi succedere dicantur in locum LXXII. Discipulorum, uti *Gersoni videtur*, eorum tamen usus serius & mero humano jure in Ecclesia Dei innuit, & invaluit, uti hodieque patet.

- (a) Epistolis I. & II. ad Timotheum, jam tum Ephefi Episcopum per gratiam, quæ data fuerat Timotheo, per Prophetiam cum impositione manuum Presbyterii. I. Timoth. IV, 14.
(b) Ad Titum I, 5.



CONCILIA GERMANIÆ

SÆCULI XIV.

STATUTA SYNODALIA ECCLESIAE CAMERACENSIS SÆCULI XIV.

AB ANNO MCCC. AD MCCCX.

De pertinentibus ad Synodum.

Districte præcipimus, quod Prælati, Personæ, sive Patroni, & duæ partes Sacerdotum Parochialium, qui sunt mente discretiores, & ad labores corporum viribus aptiores, ad arbitrium & electionem Decanorum suorum ad Synodum veniant, veniendoque, morando, & redeundo honeste se habeant. Iter veniendi non nimis cito arripiant, nec a Synodo illicitiati recipiant. Jejuni intrent Synodum.

Modus intrandi Synodum.

Presbyteri sint induti superpelliceo cum stola, Decani cum alba & stola, Abbates in albis & chori cappa cum baculo pastoralis.

Inhibemus etiam sub pœna excommunicationis, ne quis moretur in Synodo; ad quam non pertinet, nec Synodum negotiis impertinentibus aut alias turbare vel impedire præsumat.

De Expensis.

Decani & Presbyteri ad Synodum venientes electis ad hoc de consensu Capellanorum suorum duobus Provisoribus idoneis & peritis, faciant adeo moderatas expensas, quod Presbyteri remanentes, qui Parochiis aliorum deferre tenentur, per excessum expensarum & sumtuum non graventur.

Instructio ad computandum.

Item, præcipimus, quod Decani nostri venientes ad Synodum bene muniti & instructi de computis suis ad computandum compareant adeo tempestive, quod pro defectu eorum non oporteat illos, quos tangit hujusmodi negotium, in eodem computo nimiam moram trahere, alioquin ipsi, per quos moram hujusmodi fieri contigerit, expensas, quæ fient propter hoc, de suo proprio solvere tenebuntur.

Scriptio nominum & locorum, a quibus leges capiunt.

Item Decani in computis suis scribant loca & nomina eorum, a quibus leges quascumque recipiunt, & causas, ob quas eas recipiunt, nisi ex hoc timeatur oriri scandalum, seu periculum corporis imminere.

Nomina Usurariorum & Excommunicatorum.

Item Decani omnium usurariorum manifestorum, & excommunicatorum per annum & diem, totius sui Decanatus nomina, & causas excommunicationis in scedula deferant anno quolibet ad Synodum vel ad computum.

Nomina Presbyterorum obeuntium.

Item Decani referant ad Synodum nomina Presbyterorum omnium, qui illo

Hæc Statuta ex MS. Codice Abbatie Grimbergenfis, descriperunt DD. Martene & Durand. Collectionis amplissimæ vet. Monument. Tom. VII., quæ Statuta edita fuerunt in variis Synodis Ecclesiæ Cameracensis: certe 25. Synodi minimum in ea Ecclesia celebratæ fuere Sæculo XIV. ab A. 1300. ad 1400: excerpta ex his leges Statuta post Synodum Cameracensem anno 1550. celebratam, & Parisiis ac Cameraci recusam anno 1729. Videntur igitur PP. Concilii Cameracensis anni 1550. has Synodos integras habuisse, ex quibus excerpterunt varia Statuta eo anno renovata, & promulgata, & deinceps in Ecclesia Cameracensi servanda; reliquis forte ob antiquiorem usum aboliis, vel præteritis.

illo anno in suis Decanatibus obierunt, & in Synodo absolvantur, & Presbyter quilibet in reditu suo unam Missam de *Requiem* cum toto servitio mortuorum pro eisdem dicere teneatur.

Pœnæ non venientium ad Synodum, qui venire tenentur.

Item Prælatas personas, seu Patrones & Sacerdotes, ut tenentur, non venientes ad Synodum, qui non fuerint canonice impediti, aut legitime excusati, seu quibus non detulerimus, nisi infra mensem super huiusmodi inobedientia emendam Nobis, seu Officiali nostro Cameracensi præstiterint competentem, ex tunc a Divinis suspendimus, & suspensos auctoritate Synodali nunciamus.

De Baptismo.

Baptismus honorabiliter & caute celebretur, cum aperta distinctione & forma verborum, in quibus consistit Sacramentum, id est, salus seu virtus Baptismi, quæ talis est:

Petre, ego te baptizo in nomine Patris, & Filii, & Spiritus Sancti. Amen.

Quæ verba dicantur ab eo, qui baptizatum mergit, & dum immergit: & ut caveatur periculum baptizandi, non immergat caput pueri in aquam, sed baptizans super verticem pueri ter infundat aquam cum bachino vel alio mundo vase & honesto.

Juxta fontes instituatur piscina aperta, ubi laventur manus eorum, qui tenuerunt puerum, & vas lavetur, quo infusus fuit puer, super piscinam autem illam ponatur cooperculum.

Renovetur aqua fontium, quotiens necesse fuerit, & vetus amoveatur, & nova benedicatur & chrismetur, sed antequam nova apponatur, fontes diligenter mundentur propter reverentiam Sacramenti.

Instructio baptizandi.

Item doceant Presbyteri viros & mulieres formam & verba baptismi in propria lingua, quibus valeant in necessitate infantem baptizare, etiam parentes, si alius defuerit, & postmodum deferatur puer ad Sacerdotem, qui diligenter interroget, quid Baptizator dixerit, aut quid fecerit, & si invenerit om-

Tomus IV. Concilior. German.

nia rite facta dicta, faciat puero ea, quæ solent fieri post immersionem. Si autem invenerit, aut dubitaverit, puerum non esse rite baptizatum, baptizet eum sub hac forma. *Petre si non es baptizatus, ego te baptizo in nomine Patris, & Filii, & Spiritus Sancti.*

Et doceant Presbyteri, quod si Pater & Mater infantis infantem suum in necessitate baptizaverunt, non propter hoc dimittant, quin habeant se ut conjuges, sicut ante; item si caput infantis nascentis extra appareat, & timeatur de morte ejus, antequam perfecte nascatur, infundat aquam, qui aderit, super caput infantis nascentis dicens: *Infans, ego te baptizo in nomine Patris, & Filii, & Spiritus sancti, Amen.* Si autem pervenerit vivus ad ortum legitimum, de novo baptizetur sub huiusmodi verbis: *Puer, si non es baptizatus, ego te baptizo in nomine Patris, & Filii, & Spiritus sancti. Amen.*

Quid faciendum est de muliere mortua in partu, & ejus partu.

Si mulier mortua fuerit in partu, non negentur ei aliqua jura Christianitatis sed in Ecclesia deferatur, in cimiterio tumuletur, nisi aliquid obstitit, quia pœnam non debemus ei vertere in culpam. Si certum sit, quod pariens mortua fuerit, teneatur os ejus apertum, & cum magna cautela uterus ejus aperiatur, ut infans vivus, si possit fieri, educatur. Et baptizetur, si autem mortuus reperiatur, extra Cimiterium tumuletur.

Quot debent levare Puerum?

Ad levandum puerum de fontibus quatuor personæ laicæ & sæculares, duo scilicet masculi, & duæ feminae in patrinos & matrinæ, sive pueri levandi sunt, sive masculi, sive feminae, admittantur. Et si præsentibus placuerit, quatuor aliæ sæculares in sacris ordinibus constitutæ, seu religiosæ in religione approbata professæ cum supradictis affumantur.

Excommunicatio de pluribus.

Præcipientes sub pœna excommunicationis ne plures personæ in patrinos, seu matrinæ admittantur, quibus jungatur, quod orationem Dominicam,

Symbolum Apostolorum, & Ave Maria doceant eos, quos de fontibus levaverunt.

Fontes ut operculo & sera custodiantur cum sollicitudine diligenti, Chrisma & Oleum sacram, & Oleum infirmorum in ampullis metallinis certis titulis distinguantur, & desuper diligenter obstruantur. Si autem oportuerit Chrismati, Oleo sancto, vel Oleo infirmorum aliud solem apponi, caute & diligenter misceatur appositum cum Chrismate, Oleo sancto & Oleo infirmorum.

De Confirmatione.

Hortentur Presbyteri subditos suos, ut pueros suos septennes & supra adducant ad Episcopum confirmandos, cum munda & decenti capillatura, lotis frontibus, & cum bandellis, modis aptis de spissa tela, & tertia die reducant ad Ecclesiam confirmatos, ut ibidem frontes eorum laventur a Presbyteris cum cinere vel sale, & bandella eorum comburantur, & aqua lotionum frontium cum cinere bandellorum in piscinam reponatur. Unus solus teneat, & liget confirmandum, non Pater, nec Mater, qui si pluries fuerit confirmatus, graviter puniatur.

De Penitentia.

Sacerdotes moneant subditos suos, ut omnes a quatuordecim annis & supra, præcipue in quadragesimali tempore, & ante Dominicam in ramis Palmarum, ad confessionem frequenter veniant, & saltem semel in anno confiteantur proprio Sacerdoti, id est, Presbytero Parochiali, qui ideo magis proprie dicitur esse proprius (a) Sacerdos, quia non solum confessiones audit, & absolvit, sed etiam administrat alia Sacramenta Ecclesiastica. Confiteantur autem nullatenus alterius peccata, sed duntaxat sua & præcipue omnia mortalia, distincte cum circumstantiis & aggravationibus, quæ notantur hoc versu:

Quis, quid, ubi, per quos, quotiens, cur, quomodo, quando.

Et hoc erit in habitu humili & contrito. Venialia autem saltem in summa confiteantur eisdem. Qui Sacerdotes cum attenta diligentia in Ecclesia, loco aperto, post solis ortum & ante so-

lis occasum, nisi necessitas aliud poposce-rit, in superpelliceo vel cappa rotunda, cum stola, sedendo, vultibus & oculis in terram demissis, mansuete audiant confessiones eorundem, ipsi poenitentias peccatis suis contrarias injungendo, ut scilicet pro peccato luxuriæ jejuniū & abstinētiā; pro peccatis spiritualibus, meditationes & orationes, & similia, pro furto & derelictione rei alienæ primo restitutionem, aut satisfactionem integram & nihilominus aliam congruam poenitentiam pro eisdem.

In actu confessionis, nec confitens, nec Sacerdos verba confabulationis, aut alia, quæ ad salutem non pertineant confitentis, immiscere præsumat.

Casus Episcopo reservandi.

Reservamus nobis majora peccata, videlicet peccata contra naturam in viro ultra vigesimum annum, homicidia, incendia, simoniam, hæreses, apostasias, sacrilegium ultra quadraginta solidos, incestus cum patre, matre, filio, filia, sorore, fratre & cum religiosis mulieribus profectis, injectiones manuum violentas in parentes ex deliberatione factas, sortilegia in Sacramentis, videlicet de Eucharistia, vel Chrismate. Oppressiones parvulorum voluntarie procuratas, negligentias parentum in igne vel aqua natos perdentium, perjuriam solemniā, vel fidei fractiones solemnes in curia Cameracensi. Votorum solemniū transgressionem, maleficia impediētiū coitum, procuraciones sterilitatum vel abortivorum, propinationes veneni, magnas blasphemias Deo factas, casus eorum, qui falsificent literas curiæ nostræ vel abutuntur eisdem. Omnes excommunicationes tam à nobis, quam a canone latas, exceptis inferius nominatis & expressis & omnia alia peccata illis graviora.

Casus Penitentiariis per Decanatus commissi.

Committimus Penitentiariis nostris generalibus per Decanatus deputatis, peccata contra naturam in omni ætate a mulieribus perpetrata, & in viris ultra vicesimum annum.

Pollutiones manuum in omni ætate. Perjuria, fidei fractiones, quæ non fuerint

(a) Canon XXI. Omnis utriusque sexus Concilii Lateranensis anni 1215.

rint facta in curia Cameracensi; votorum non solemnium transgressionem; injectiones manuum in parentes, ubi non fuerit gravis læsio vel deliberatio; Sorilegia, quæ non fuerint de Eucharistia & Chrismate. Injectiones manuum parvulorum in Clericum usque ad vigesimum annum. Oppressiones parvulorum non voluntarias, sed casuales. Clandestinas nuptias incestas, exceptis patre & matre, filio, filia, fratre & sorore. Omnia adulteria, hoc salvo, quod si clandestinæ nuptiæ, incestus, & adulteria per duos testes, aut plures, qui his interfuerunt (innotuerunt) aut alias per communem famam vel infamiam, prius super his Ecclesiæ, vel nostram jurisdictionem exercentibus faciant satis. Injectiones manuum mulierum in Clericum vel Sacerdotem, ubi non est enormis læsio, quæ tamen probari possit, ut prædictum est, prius læsio; & Ecclesiæ [a] satisfaciatur. Sacrilegia usque ad quadraginta Solidos, in tantum, quod debita restitutio fiat Ecclesiæ de eisdem: omnia peccata, in quibus habent potestatem.

Casus Presbyteris Parochialibus Deputati.

Curatis & eorum vices gerentibus committuntur inordinatus concubitus cum mulieribus, mollicities, peccata contra naturam in ætate puerili in viris usque ad quartum decimum annum, & in mulieribus usque ad vigesimum quintum. Adulteria ex parte una provenientia. Damnificationes & furta, dummodo fiat restitutio, quam cito facultas se obrulerit. Sacrilegium usque ad decem solidos, dummodo fiat restitutio Ecclesiæ; levis injectio manuum in parentes forilegia in rebus minimis & communibus, ubi non est horror & turpitudine; perjuria privata, in quibus nullus damnificatur, stuprum virginum, abortus non procurati, sed casuales.

De Casibus Nobis, & Penitentiariis nostris reservatis.

Curatis & eorum vices gerentibus, excepto mortis articulo, interdiciamus omnem potestatem pertinentem ad penitentiarios Decanatus, sive ad Episcopum, sub forma rigoris.

Sacerdotes confessiones mulierum,

cum quibus peccaverunt, fautores & mediatores non audiant, donec saltem a peccatis inter eos patris alias confessi fuerint competenter, & cessaverint infamia, si qua fuerit propter hoc contra eos, sed mittant eos ad honestos & idoneos Confessores.

Quibus debent Presbyteri Parochiales confiteri?

Item statuimus, quod in quolibet Decanatu ad audiendum confessiones Sacerdotum, qui etiam sunt Penitentiarii generales in ipsis Decanatibus, quatuor Presbyteri parati ad hoc discreti & idonei assumantur, a quibus & non ab aliis, auctoritate nostra a peccatis suis saltem mortalibus, inuncta eis salutari penitentia, absolvantur.

Ne autem Missarum solemnia plus solito differantur, si Presbyteri non possunt quotidie adire confessores suos prædictos, eligant sibi alium vel alios idoneos confessores, ita tamen quod postea quam cito poterunt, adeant prædictos confessores sibi deputatos, & eadem peccata, saltem mortalia, quæ confessi fuerunt, ipsis confessoribus ab eis sic electis, & alia, si qua sint, confiteantur prædictis confessoribus in singulis Decanatibus deputatis.

Solemnis penitentia pro crimine publico.

Item statuimus, quod si cui imponenda est solemnis penitentia pro crimine publico, vel vulgariter, quod totam villam commoverit, remittendus est ad Nos, ut in die Cinerum ejiciatur ab Ecclesia, & in die Cænæ recipiatur.

Item, ad tollendam inter parochiales Presbyteros & Capellanos perpetuos nostræ Civitatis & Diocesis in Ecclesiis parochialibus omnimodam materiam quæstionis, statuimus, ut Capellani perpetui in confratribus audiendis, Presbyteris parochialibus subveniant, & succurrant in his, quæ ad opus parochiale pertinent eo tempore, quo constabit dictos Presbyteros occasione curæ seu curiæ nostræ Cameracensis esse impeditos, vel infirmitate proprii corporis esse detentos, dum tamen infirmitas hujusmodi XV. dierum numerum non excedat, salvo nihilominus ordinationibus,

(a) forte: satisfiat.

a Nobis & Prædecessoribus nostris factis super Capellanis, qui per Nos aut Prædecessores nostros ordinate consistunt.

Monitio ad credulitatem.

Item Sacerdotes moneant subditos suos, ut perfecte dicant: *Pater noster*; *Ave Maria*, *Credo in Deum*, & saltem dicant bis, in mane scilicet & in vespere, & injungant ista scientibus nomine penitentia, & ea discant ignorantes.

Item statuimus, quod habens tonfuram Clericalem adducat & studeat quotidie dicere septem Psalmos.

Item, quod acolythus horas gloriose Virginis MARIE quotidie dicat.

Item, quod existens in sacris Ordinibus five sit beneficiatus, five non, horas Canonicas videlicet de die, & B. MARIE Virginis dicere quotidie non omitat.

Instructio in Fide.

Item statuimus, quod curati Ecclesiarum singulis diebus Dominicis, vel saltem semel in mense suos Parochianos ammoncant, & suos filios instruant ad fidem addiscendam, videlicet: *Ave Maria*, *Pater noster*, *Credo in Deum*.

Nomina non Confitentium.

Item præcipimus omnibus Presbyteris parochialibus Civitatis & Diocesis Cameracensis, ut nomina Parochianorum, qui eis non confitentur sua peccata, nec Eucharistiam recipiunt, saltem semel in anno, nisi id de consilio proprii Sacerdotis omittant, infra mensem postquam ad eorum notitiam pervenerint, nobis referant aut rescribant.

Res per furtum acquisitæ.

Presbyteri suis parochialibus inhi-beant, ne qui rem furtivam, vel furti suspectam emere scienter præsumant; quod si fecerint, sciant se ad restitutionem teneri.

Licentia ad viandum.

Item Presbyteri suis parochianis præcipiant, quod illi, qui procul ad nundinas, aut peregre sunt ituri, licentiam a suo Sacerdote accipiant, sumendi Ecclesiastica Sacramenta in via, si necesse fuerit, & Sacerdos non eis denegare præsumat.

(b) *supple: voverint, vel quid simile.*

Item statuimus, quod Presbyteri, & alii, qui vice nostra & auctoritate audiunt confessiones, confitentes moneant & inducant, quod saltem semel in anno peregre visitent matrem suam Cameracensem Ecclesiam, & si forsan iidem & præcipue mulieres alias peregrinationes (b). Ipsas & maxime mulieribus, quibus parcendum est propter sexum, in peregrinationem ad dictam Cameracensem Ecclesiam unam vel plures, pensatis peregrinationibus pro promissa laboribus & expensis auctoritate nostra commutent. Sacerdotes frequenter & diligenter instruant subditos suos de Symbolo, & articulo fidei.

De Eucharistia.

Sacerdos in vestibus Sacerdotalibus mundis & benedictis accedat ad Missam celebrandam. Manipulus habeat duos pedes sub brachio de longitudine: stola ad minus ad paramentum albæ se extendat. Alba & castula integræ, & non dissutæ habeantur & observentur. Amictus integer sit, & sæpe mundeatur. Cingulum mundum, integrum, longum & benedictum habeatur. Presbyteri sub alba sint induti superpellicio, vel tunica linea, quæ Gallice dicitur: *Sarcos*. Non content sine calceamentis vel caligis, cum caligis attingentibus super genua.

Celebrans in mortali peccato scienter.

Noverint Sacerdotes, quod si cum conscientia peccati mortalis ad celebrandam Missam acceperint & celebraverint, ad minus ter peccant mortaliter: *Primo*, quod præsumunt indigne accedere, *Secundo*, quod indigni conficiunt & contingunt Eucharistiam, & tenent sacra vasa: *Tertio*, quia indigne manducant Corpus Christi & Sanguinem bibunt.

Altare ad celebrandum ad minus paretur duabus pallis benedictis, duo corporalia ad necessitatem unius altaris ad minus habeantur, quæ sint mundissima & benedicta, & aptæ plicaturæ.

Pannus, cum quo calix extergitur, cum veneratione custodiatur in calice, vel super altare, sicut Reliquiæ. Cæteri panni, quibus patena & calix involvuntur, mundi custodiantur.

Missale super involutum camisia lineæ

nea & munda altari superponatur, & habeat sudarium vel manutergium dependens, quo Presbyteri nares, faciem, & os detergant.

Loca circa altare ab araneorum telis & pulveribus, & cæteris immunditiis sæpius circum mudentur, cortinæ convenientes, quæ *alce* dicuntur, a lateribus altaris utriusque appendantur, nec temere ab aliquo retrahantur.

Cortina conveniens sursum super altare extendatur, quæ contegat & defendat altare ab incommodis immunditiarum descendendum.

Calix & patena, in quibus conficitur corpus Christi, sint argentei vel aurei integri, & calix sit cum firmo pede, non titubans.

Nullus Sacerdos sine Clerico celebrare præsumat, qui Clericus desuper habeat lineam tunicam, vel superpellicium, vel cappam rotundam, & calciatus incedat, Clericus autem vel Sacerdos non faciant aperturas sub ascellis in tunica linea, vel superpelliceis, quibus ejiciantur brachia sine manicis, tunicæ lineæ vel superpellicei in ministerio altaris. Ampullæ vini & aquæ integræ & munda intus & exterius observentur, & signo notabili distinguantur vasa vini a vasis aquæ.

Vinum ampullæ de tertio in tertium diem ad minus renovetur: vinum rubicundum, si commode possit haberi, ad celebrandum ministretur.

Piscina, qua lavat Sacerdos manus post consecrationem, munda teneatur, & cooperiatur.

Exterforium post illam lotionem mundum habeatur, & reverenter alba tela, vel cortina linea vel serica tegatur, & cum corporali abluatur ab aliquo Sacerdote, vel persona religiosa, aqua ablutionis in piscinam sacram mittatur. Idem faciat de exterforio calicis, ipsum quando vetus vel minus honestum fuerit, super piscinam sacram comburatur, & cinis in piscinam recondatur.

Idem habeat Sacerdos proprium manutergium, quo manibus tergat ante consecrationem, vel ante contactum sacrorum, ut Eucharistiæ, Chrismatibus, & Olei sacri.

Clericus autem non tergat manus suas ad prædictum manutergium, vel exterforium, sed habeat aliud manutergium.

Sacerdos sit diligens in electione Hostiæ consecrandæ, ut sit integra, solida, non nimis vetusta, & in appositione vini & aquæ, discernat odore, quid sit utrumque, vel ab alio faciat gustu discerni.

De aqua apponantur duæ guttæ vel tres. Sacerdos autem attente & distincte legat in Canone, quæ dicenda sunt.

Sacerdos non elevet Hostiam ad levandum populo nisi prius dixerit hæc verba: *Hoc est enim Corpus meum*, & tunc pulsetur campana magna ex una parte tribus vicibus, ut fideles, qui audierint, ubicumque fuerint, adorent.

Si Sacerdos, cum venerit ad consecrationem vel ad perceptionem nihil in calice invenerit, innuat, quod offeratur ei vinum cum aqua, quibus appositis, dicat verba canonis ab illo loco: *Simili modo postquam cenatum est &c.* usque ad finem & faciat signacula, quæ ex tunc fieri solent super sanguinem. Illæ autem, quæ facta sunt super Eucharistiam, non reiteret; Quod si aquam non invenerit, & gustaverit, non reiteret Sacramentum Sanguinis, sed transeat cum consueto modo. Ille autem, per cuius negligentiam hoc evenierit, jejuset tribus diebus a se distantibus in pane & aqua; Siquid de sanguine ceciderit super corporale vel super pallam Altaris, pars corporalis vel palla intincta sanguine ter diligenter abluatur, & aqua ablutionis a Presbytero jejuno, vel persona religiosa & jejuna sumatur, & poterit dictis pannis uti, sicut prius, post ablutionem prædictam.

Si sanguis super alium pannum ceciderit, pars intincta abscindatur & comburatur, & cinis in sacra piscina recondatur. Si super lignum & lapidem vel terram solidam ceciderit, illa pars si commode fieri possit, a Sacerdote ablinguatur, & postmodum radatur, & rasura combusta in sacram piscinam ponatur.

Item si in sanguine musca vel aranea vel aliquod abominabile ceciderit, quod

quod vix sine periculo vel vomitu non poterit sumi, caute abstrahatur, & super patenam vel alium calicem abluatur vino & post sanguinis functionem solitam, illa lotio bestię in piscina reponatur, & bestia super piscinam comburatur.

Si Corpus Domini super pallam ceciderit, bis lavetur vino vel aqua, & a Presbytero sumatur. Si super aliud vestimentum ceciderit, pars illa abscindatur & comburatur, & cinis in piscinam projiciatur.

Calix ad communicandum infirmos mundus & integer habeatur, & cooperus custodiatur, & si facultas suppetat, fiat argenteus.

Pixis, in qua Corpus Christi reservatur, vel ad infirmos deferatur, sit eburnea vel argentea, vel ad minus cuppa bene eliminata, & semper pannus lineus albus vel sericus & mundus infra pixidem ponatur, super quem Corpus Christi in pixide collocetur.

Cum infirmus communicari voluerit, prius visitet eum Presbyter sine Corpore Domini, si commode fieri possit, & diligenter audiat confessionem ejus & post ad Ecclesiam redeat, & cum iterum erit ad communicandum infirmum, prius aliquanto spatio pulsetur campana aliquo certo signo ad hoc distincto, ut fideles ad Ecclesiam conveniant, qui Sacerdotem deferentem Dominum suum, & omnes reverenter & ordinate subsequantur, & orationes suas, quas sciunt, dicant devote pro infirmo eundo & redeundo: Sacerdos autem eat & redeat dicendo septem Psalmos, & si via fuerit longior, addat quindecim Psalmos, Litaniam & ceteras orationes.

Incedat autem Sacerdos ad communicandum, cum lucerna & campanula præcedentibus. Expectent autem fideles, donec infirmus communicetur & redeant usque ad Ecclesiam post Sacerdotem semper deferentem Corpus Domini, ne populus in redeundo nihil adoret. Si qui autem maligni hanc processionem perturbaverint; per censuram Ecclesiasticam compellantur. Deferatur autem Corpus Christi venerabiliter & solemniter, posito decenti cooperulo super Calicem, cruce superposita,

panno & fimbriis sericis adornatis. Si infirmus frequenter vomitum levi occasione patiatur, non conferatur ei Corpus Christi, sed credat, quia spiritualiter accepit; Ante autem, quam Sacerdos communicet infirmum, dicat ei; si credit, quod sub illa specie Panis sit Corpus Christi, natum de Virgine, passum in Cruce, & resuscitatum tertia die? quod si confessus fuerit verbo, vel signo, communicet eum, si altera non obstitit causa; si autem communicatus evomuerit, partes caute & diligenter colligantur, quæ reperiri possunt, & cum vino a Sacerdote vel ab aliquo fidei sumantur, residuum vomitus comburatur, & ponatur in terram juxta Altare, vel alibi in sacro loco, ubi commode poterit poni. Cum autem Corpus Christi deferatur, fideles, coram quibus deferatur, si commode fieri possit, genua flectant, pectus tundant, & inclinato capite, junctis manibus adorent, equitantes autem non dedignentur descendere equum, ut adorent eum, qui pro ipsis descendit de caelis.

Præcipimus, ut nullus Sacerdos audeat celebrare Missam, nisi prius dixerit Matutinas Canonicas & primam.

Item præcipimus omnibus & singulis Presbyteris, quod Eucharistiam seu Hostias consecratas pro infirmis servatas, renovent in hyeme, & æstate secundum quod honestum fuerit, aliter ipsos de inhonestate abominabili graviter puniemus.

Corpus Christi super Altare in honesto loco vel armariolo sub clave sollicitè custodiatur. Similiter Chrisma, Oleum sacrum, & Oleum infirmorum sed in alio loco.

Item doceant Sacerdotes subditos suos, ut cum venerint ad communicandum die Paschæ, vel alia die, jejuni, devoti, & confessi accedant, & nulli extranei se immisceant, nisi viator & peregrinus, & hoc de licentia sui Sacerdotis.

Hostiæ non consecratæ, quæ dicuntur panis benedictus, nulli dentur.

Pueri

Pueri autem non communicantur, nisi antequam discretionem fidei habere dignoscantur, ut intra circiter decennium.

Item præcipimus, ut die Paschæ, & cæteris diebus, quibus fideles communicantur, tot hostiæ consecrentur, ut non oporteat frangi, quando fideles communicantur.

Inhibemus, ne aliquis Sacerdos bis in die Missam celebrare præsumat, nisi in magna necessitate & urgenti, videlicet in diebus Paschæ, Pentecostes, & omnium Sanctorum, quibus solet copiosa multitudo populi communicari. Item propter carentiam alterius Presbyteri, succurrendo, absenti impedito, vel infirmo. Item, si magna persona superveniat, videlicet Archi-Diaconus, & Dominus loci, vel alia consimilis persona. Item propter præsens funus: item propter instantes nuptias: item, ut conficiatur corpus Christi propter infirmos, si instat viaticum sibi præbere: item propter duas Missas, si concurrunt in die: item propter duas Ecclesias commendatas vel annexas, duplicem casum volumus in hoc concurrere, videlicet carentiam Sacerdotis, & quod priori Missa perfusionem & absolutionem manuum non sumpserit Sacerdos, sed infundat in sacram piscinam. Illos autem, qui bis in die, nisi in casibus supradictis sine nostra licentia speciali celebrare præsumpserint, anathematis vinculo innodamus.

Item excommunicamus curam animarum habentes, qui sine nostra licentia speciali deservire præsumunt in duabus Ecclesiis seu Capellaniis, nisi una Ecclesia dependente ab altera. Capellani enim non habentes sufficientes redditus, & Presbyteri mercenarii valeant in duabus Ecclesiis non parochialibus deservire, dum tamen non celebrent bis in die, nisi in casibus supradictis, & quod loca sua sibi debito servitio non fraudentur.

Præcipimus autem Decanis, quod si commode possint habere Presbyteros non beneficiatos, quod eos ponant in succursibus deserviendis: & si Presbyteri in Ecclesiis per Archi-Diaconum instituti, voluerint personaliter in suis Ecclesiis deservire, volumus, quod omni-

bus præponantur, pretium solitum, & debitum recepturi.

Item inhibemus, quod Presbyteri & Capellani non celebrent in Capellaniis nondum confirmatis, nisi qui canonicè fuerint ibi instituti, & in possessionem corporalem per loci Archi-Diaconum missi; contra-facientes autem in excommunicationis sententiam incidant, ipso facto.

Item statuimus, quod nullus apostata scienter ad celebrandum Divina Officia in aliqua Ecclesia admittatur.

Nullus fidelis arcendus a communicatione, nisi excommunicatus vel interdictus, aut aliquo notorio crimine notatus, videlicet publicæ meretrices, mini, histiones.

Item omnes, qui faciunt sortilegia de corpore Christi, vel de Chrismate, seu de quocumque alio Sacramento, excommunicamus, & a Presbyteris præcipimus excommunicatos nunciari.

Item inhibemus, ne Presbyter, si sit notorius fornicator, videlicet ipsa rei evidentiâ concubinam domo, mensa, & lecto tenens, vicinis hæc scientibus, seu filiis inde natis vagientibus, hæc attestantibus, Missam celebrare audeat, cum sit suspensus quoad se, & quoad alios, celebrando irregularis efficiatur.

De Matrimonio.

Matrimonium cum honore & reverentia celebretur in facie Ecclesiæ, non cum risu vel jocosè, ne contemnatur.

Inhibeant Presbyteri parochiales subditis suis, ne sponsalia contrahant, aut dent fidem de matrimonio inter eos pariter contrahendo, nisi coram Presbytero saltem alterius contrahere voluntium, vel illius, in cujus ipsi contrahere volentes, vel eorum alter Parochia commoratur, & hoc fiat in loco publico, Ecclesia videlicet, cimiterio vel capella, & coram pluribus aliis fide dignis. Et si aliter contraxerint sponsalia, nisi infra octo dies ea iterent coram altero de Presbyteris antedictis, non procedat Presbyter ulterius ad bannorum proclamationes, nec matrimonii solemnisationem sine Nostra, & Officialis nostri licentia speciali, & qui hoc scienter fa-

cere præsumpserit, ipso facto se noverit sulpentum.

Insuper excommunicamus, & denunciari in generali excommunicatos præcipimus omnes illos & illas, qui post affidavitionem, sive clandestinam, sive in manu Presbyteri factam, ante solemnisationem matrimonii se carnaliter cognoverint, & illos, qui clandestine nuptias fieri procuraverint, seu ipsis præsumpserint interesse.

Item excommunicamus omnes, qui clandestinas nuptias contrahunt, & Presbyteros, qui huiusmodi clandestinas nuptias celebrant. Clandestinas autem nuptias vocamus, quibus non præcesserunt tres banni, in Ecclesia propria infra mensem solemniter tribus diebus solemnibus a se distantibus more solito proclamati, vel de quibus per Nos, vel per Officiale nostrum non extitit dispenlatum.

Item excommunicamus omnes, qui contra matrimonium falsa impedimenta proposuerunt, vel verba celaverunt scienter, amore, præcepto, odio, vel favore, vel aliqua alia quacumque causa, & præcipimus eos excommunicatos propter hoc frequenter a Presbyteris denunciari, quod si nemo bannorum proclamationi se opposuerit, & loci Presbyteri verisimilem, aut veram contra matrimonium habeant conjecturam; Nobis, aut Officiali nostro Cameracensi inconsultis super hoc, ad solemnisationem matrimonii non procedant, & si contra hoc fecerint, excommunicationis sententiam se noverint incurrisse.

Impedimenta autem matrimonii sunt frigiditas, seu impossibilitas coeundi naturalis per defectum caloris: accidentaliter per maleficium, habitus religionis cum professione, ordo Subdiaconatus & supra; cognatio consanguinitatis, affinitas, compaternitas, votum solenne factum in manu Episcopi, vel alterius, ex parte alterius ad hoc destinati; conditio servilis, dispar cultus Paganismi, vel Iudaismi, vis, coactio, violentia, error personæ, honestas, publicæ honestatis iustitia, puta, si unus fratrum desponsaverit aliquam puellam septennem & supra, eo mortuo, frater ejus vel consanguineus in quarto gradu non potest eam habere in uxorem.

Presbyteri autem pro Sacramento matrimonii, vel aliorum Sacramentorum Ecclesiasticorum nihil exigant vel recipiant, nisi forsan vel gratis offeratur, vel ex liberali, & non-onerosa consuetudine debeatur.

Item statuimus, quod matrimonium non celebretur, nec solemnifetur, nisi de mandato Nostro speciali, vel Officialis nostri, in diebus, qui sunt inter primum Sabbatum Adventus Domini & crastinum Epiphaniæ, & inter sabbatum Septuagesimæ, & crastinum octavarum Paschæ; & inter sabbatum immediate præcedens Dominicam in Rogationibus, & crastinum Trinitatis. In sabbato autem, & in antedictis crastinis matrimonium licite celebratur.

Item præcipimus, quod nullus Presbyter aliquam mulierem in die, qua inter ipsam & virum matrimonium fuerit solemnifatum, ad purificationem seu messiationem admittere præsumat, nisi de Nostra, aut Officialis nostri licentia speciali.

Item præcipimus omnibus Presbyteris Civitatis & Diocesis Cameracensis, ut ipsi in Parochiis suis diligenter requirant, si sint aliqui conjuncti matrimonialiter in casu illicito, & contra Canonicas Sanctiones: & si quos tales invenerint, Nobis eorum nomina infra mensem, postquam ad eorum notitiam pervenerint, referant & rescribant.

Item inhibemus in virtute sanctæ obedientiæ, & sub pœna suspensionis Decanis nostris Christianitatis, ne de causis matrimonialibus, & aliis quibusvis se aliquatenus intromittant, nisi de speciali commissione Nostra, vel Officialis nostri Cameracensis; præcipientes omnibus Presbyteris subditis nostris, ne Decanis, nisi prius facta fide de speciali commissione huiusmodi pareant vel intendant, salvis informationibus ex eorum officio faciendis, non in figura iudicii inter partem & partem, sed ad litem cessandi, vel personas Ecclesiasticas, vel eorum bona reperendi, aut instruta negotia Nobis, aut Officiali nostro referendi, super quibus nil penitus immutamus. Decani contraria facientes ipso facto se noverint suspensos, & nos nihilominus processus factos coram eis, & sententias huiusmodi ab eis super inhi-

inhibitione latas, decernimus irritas & inanes.

Item, ne matrimonia clandestina debito effectu defraudentur propter testes excommunicatos, tam auctoritate Concilii Provinciæ Remensis, quam Synodalis, pro eo, quod illis matrimoniis clandestinis interfuerunt, statuimus, & statuendo declaramus, quod depositiones talium testium valeant, & robur obtineant firmitatis, dummodo a Nobis vel Officiali nostro Cameracensi, velejus locum tenente, ante depositionem eorum ad cautelam fuerint absoluti.

De sacris Ordinationibus.

Præcipimus omnibus Clericis habentibus Ecclesias parochiales, Capellanas, Præposituras, vel alias animarum curas, ut ad singula sacrorum Ordinum tempora se offerant ante dies Ordinum, sic apto tempore examinandi, ut nos possimus inquirere de idoneitate & sufficientia eorumdem, & infra tempus debitum, secundum quod onus beneficii requirit, se faciant ad omnes Ordines promoveri, & personaliter resideant in eodem; & ad hæc iuramentis propriis se adstringant.

Item præcipimus Sacerdotibus parochialibus, quod infra mensem a tempore suæ primæ residentię curam animarum Ecclesiarum ab Episcopo recipere non postponant, & infra mensem alium super hoc Decanis suis faciant certam fidem, alioquin pro anno illo foranei reputentur.

Item excommunicamus omnes, qui illicitiati ab alienis Episcopis, seu a Nobis, se fecerint ad tonsuram Clericalem & alios Ordines promoveri.

Item & illos, qui per saltum in sacris Ordinibus fuerint promoti, inhibitionibus Decanis nostris, ne tales ponant in succursibus deserviendis, nec ab Archidiaconis in possessionem corporalem admittantur, licet a patronis præsentati, nisi cum eis super hoc a Nobis fuerit dispensatum.

Item inhibemus, ne parochialis Ecclesia conferatur alicui, qui viceimum quintum annum non attigerit, quoniam talis collatio nulla est ipso jure.

Resignationes curarum fiant in manus Episcoporum, & alias non valeant.

Tomus IV. Concil. German.

Item præcipimus, quod Presbyteri parochiales & Capellani perpetui in Ecclesiis & Capellaniis suis continue personaliter resideant, spatio duorum mensium, tam pro diebus continuis, quam interpolatis numerando, pro absentia a dictis Ecclesiis & Capellaniis, eis dumtaxat indulto, alioquin foranei censentur, & suarum Ecclesiarum & Capellaniarum fructus Nobis & locorum Archidiaconis applicentur.

De Extrema Unctione.

Cum reverentia, Aqua benedicta, & Cruce præcedentibus, per Sacerdotem deferatur Oleum sacrum ad infirmos, & diligenter dicantur septem Psalmi, Litanie & orationes ad hoc institutæ, ille autem, qui inungit, inungendo reverenter & distincte proferat hæc verba ad oculos: *Per istam Unctionem, & suam sanctam & piissimam misericordiam indulgeat tibi Deus, quicquid deliquisti per Vñum*, ad aures: *per Auditum*, ad nares: *per Odoratam*, ad os: *per Gustum*, ad manus: *per Tactum*: ad pedes: *per gressum*, semper repetendo: *Per istam Unctionem*, ut supra.

Manus Sacerdotis de foris inungantur, manus autem aliorum deintus.

Ad Sacramentum extremæ Unctionis sæpe Presbyteri moneant subditos suos indifferenter a XIV. annis & supra, ut singuli, cum necesse fuerit, inungantur, nec pauperes pro egestate se excusent. Si non potest infirmus habere multitudinem candelarum, vel indumenta linea, quæ cum reverentia in hoc Sacramento exhiberi solent; nec propter hoc dimittat Sacerdos inungere, sed sufficiat candela una.

Inuncti vero cum stupa diligenter in locis inunctis extergantur, & stupæ comburantur. Et cinis in sacro loco ponatur: docentes Sacerdotes, quod hoc Sacramentum licite iterari potest in qualibet gravi & periculosa infirmitate. Illud Sacramentum utile est ad tria, quæ notantur his versibus.

Ungor in extremis, ut fiat gratia major,

Et morbus levior, & mea pena minor.

Suscepturi quodcumque Sacramentum, prius conscientia mudentur: honor & reverentia a Presbyteris, Clericis, & laicis Sacramentis supradictis omnibus impendantur.

De Clericis.

Clerici tonsuram rotundam, & competentem habeant, & eam saltem septies in anno radi faciant, vestibusque honestis utantur in forma, & colore, & pretio honestatem decentibus Clericalem. Vestibus regulatis & partitis sub pena sententiæ latæ non utantur, nisi super hoc a nobis fuerint dispensati. Deauratis frenis, pectoralibus, & calcaribus non utantur.

Clerici autem in sacris Ordinibus constituti, præcipue Diaconi & Presbyteri clausum ferant indumentum & honestum, & si secus fecerint, ipsos in decem solidos Turonenses, totiens quotiens contravenerint, teneri volumus, nostram jurisdictionem exercenti, & locorum Archidiaconis applicandos.

Statuimus similiter, quod Presbyteri curati civitatis & Diocesis Cameracensis pileos publice in capitibus suis deferant, ut ab aliis Sacerdotibus dinoscantur.

Clerici in sacris promoti Epistolam, & Evangelium in veste Ecclesiastica cantent, sive legant, nec se immisceant officiis artificiosis, seu ministeriis sæcularibus, nec turpibus, illicitis & prohibitis quæstibus & negotiis similibus, videlicet, ne sint campores, tabernarii, carnifices, nec proxenetae, qui vulgariter dicuntur *Curtiers* vel *Ampliers* in curia laicali vel huiusmodi, quæ sine peccato aut scandalo modernis temporibus non exercentur: à quibus negotiationibus vel quæstibus, nisi post tertiam monitionem, quam eis a locorum Presbytero fieri præcipimus, omnino destiterint, eos in talibus, vel etiam in veste vel habitu non clericali, Ecclesia non detendet.

Districte præcipiendo inhibemus, ne aliqui Presbyteri tam curati, quam alii, in domibus suis feminas habeant, exceptis dumtaxat matre, amita, sorore, cum quibus, seu pro quibus nullas secum habeant pedissequas, de quibus sinistra

possit suspicio suboriri: nec invitent: Parochianos suos cum uxoribus coram secum ad prandium, vel cenam, nec ad eorum declinent hospitia Presbyteri, ubi possit aliqua super hoc infamia aut scandalum suboriri.

Non divertant etiam ad tabernas, nec inter scurnarias (a) sedeant, nec domunculas frequentent, quæ scunæ (a) vocantur, nec intersint ludibriorum spectaculis, jocularioribus, & choreis, nec talia in Ecclesiis & cimiteriis fieri aut exerceri permittant, Ecclesiasque frequentent, & præcipue diebus Dominicis & Festivis eas frequentare & in eis prout eis est datum desuper, cantare & legere non postponant.

Presbyteri & Capellani in domibus locorum beneficiorum suorum moram trahant, & eas retineant competenter, alioquin Decani de bonis beneficiorum, sive vacent, sive non, eas competenter faciant retineri, & semel in defectus huiusmodi investigent.

Item Presbyteri decimas a laicis non nisi de nostra licentia, recipiant, nec grangias seu terras alienas, aut bona ad censam seu firmam recipiant, cum id species negotiationis existat.

Item statuimus, quod ubicunque a præsentibus iustitiæ sæcularis certa pena pecuniaria statuitur contra laicos excedentes, Clerici pro similibus excessibus eadem pena, & ultra in duobus solidis teneantur: & alias, secundum conditionem delinquentis, & personæ, cui injuria deferetur, ad qualitatem & quantitatem delicti punientur, prout Officialis Cameracensis, aut Decanus loci, in quo delinquentes moram trahunt, de hoc duxerit decernendum.

Item Decanis prædictis nostram committimus potestatem, ut ubi inter laicos super inimicitias treugæ datæ fuerint, compellant per censuram Ecclesiasticam, & invocando, si necesse fuerit, auxilium brachii sæcularis, Clericos de parentela, & quorum interest; ad consentiendum dictis treugis, dandum & tenendum easdem.

Item excommunicamus omnes Presbyteros & Clericos in sacris Ordinibus constitutos, qui (b) bragentias intrabunt sæcularium Dominorum: & eos, qui jam intra-

(a) Scurariæ, forte Stabulanæ vel ancillæ publicarum tabernarum. *Scuna*, forte pro domo scenica histrionum.

(b) Bragentia, forte pro Braxatoria domo publica.

intraverunt eandem, nisi infra mensem exeant ab iisdem, qui est per mensem in se sustinuerint excommunicationis sententiam antedictam, ex tunc pro illo anno beneficiorum suorum Ecclesiasticorum fructibus sint privati.

Item præcipimus, quod in Monasteriis & Prioratibus Monachorum debitus personarum numerus observetur: & si hoc omisum fuerit, prædentes, ad quos pertinet, poena Canonica puniemus.

Item statuimus, quod nulla persona religiosa sola extra Monasterium in curtibus commoretur.

Item statuimus, ut omnes Presbyteri nobis subiecti; propter culpam suam excommunicati, durante excommunicatione ipsa, suorum beneficiorum Ecclesiasticorum fructus amittant, & nobis, & locorum Archidiaconis applicentur.

Item; quia intelleximus, quod plures Sacerdotes furtive Ecclesias Parochiales in Diocesi Cameracensi sunt ingressi, absque eo, quod a nobis, vel vices nostras gerente, seu Prædecessoribus nostris curam receperint eorundem:

Item aliqui per Archidiaconum loci, vel auctoritate sua non sunt missi in possessionem Ecclesiarum corporalem, quas obtinent; præcipimus, quod omnes Decani Christianitatis nostræ Diocesis super his diligenter inquireant, & quos tales invenerint, nobis eorum nomina infra mensem, postquam ad eorum notitiam pervenerint, referant & perscribant.

Item, præcipimus, quod Presbyteri Parochiales, vel eorum vices exercentes, diebus Dominicis & Festivis solemnitatibus, præcedente campanarum pulsatione, Divinum Officium cantent solemniter die ac nocte. Item, & quod singulis diebus Dominicis, pro solemnitate diei, intra Ecclesiam, & qualibet feria secunda pro animabus in Cimiterio, ante Missam cum Clero & populo eis subditis, prout consuetum est, processionaliter incedant, dicendo diebus Dominicis unum responsum de Trinitate, & si sit Festum, de Sancto, cujus festum venerit. Feria autem se-

cunda *Miserere mei Deus*, *De Profundis*, cum omnibus aliis consuetudinibus. Si vero feria secunda tempus nocivum, vel aliud huiusmodi, (aut) cimiterium interdictum fuerit, fiat processio intra Ecclesiam, & si Festum solemne eadem feria venerit, fiat processio die immediate sequenti.

Item Capellani perpetui in Parochiis, in quibus Capellanæ suæ consistunt, residentiam corporalem faciant, & cum curatis locorum in Ecclesiis Parochialibus Vesperis & Matutinis, Missis diebus Dominicis & Festivis interfint, secundum conscientiam a Deo sibi collatam, cantando & legendo.

Nomina autem rebellium Presbyteri seu Decani Nobis, vel Officiali nostro nuncient vel rescribant.

Item prohibemus, ne laici una cum Clericis in choro, seu in cancello interesse præsumant, dum ibidem Divina celebrantur, nisi nobiles existant, & tales, qui ibidem consueverunt Presbyteros in Divinis adjuvare.

De Reverentia, Jurisdictione, & Libertate Ecclesiarum, Cimiteriorum & Personarum Ecclesiasticarum.

Inhibemus, ne in Cimiteriis & Ecclesiis placita secularia teneantur, non exerceantur ludi jaculatorum & histriionum, forum rerum venalium, bannaque, seu edicta iustitiæ secularis proclamantur.

Interdicti & excommunicati in Ecclesiis, dum prædicatur, interesse ibidem possunt; sed prædicatione finita, in continentem recedant.

Item, præcipimus Presbyteris Parochialibus, & Capellanis, quatenus Divinis Officiis in eorum Ecclesiis & Capellis celebratis, tam ante prandium, quam post, Ecclesias & Capellas suas claudant, & clausas ac mundas teneant, nisi causa honesta & inevitabilis ratio poposcere aperiri.

Item statuimus, quod in Parochiis, in quibus oves vel arietes nutrirî contingat, curatis eorundem & patronis decimæ lanarum & vellerum pro rata temporis solvantur, non obstantibus

consuetudinibus, & statuto contrariis quibuscumque: fraudem vel dolum in eis perpetrantes, excommunicamus, a qua excommunicatione, nisi per Nos, aut Officiale nostrum duntaxat, non possunt absolvi.

Item statuimus, ut quicumque possessiones Clericorum invadunt injuste, & bona mobilia ipsorum rapiunt, nisi infra quinque dies post præsumptionem hujusmodi, ea efficaciter restituerint cum integra satisfactione parati, & nobis condigna emenda, ex tunc ipsos, ipso facto excommunicamus.

Item statuimus, ut nullus laicus, excepto Domino & Patrono loci, nisi reliquerit Ecclesiæ duos solidos annui redditus, in Ecclesiā sepeliatur.

Item statuimus, quod ubicumque obsidentur Ecclesiæ vel cimiteria adversus eos, qui ibidem refugii causa fugiunt, ita quod non possit accessus haberi pro deferente vitæ necessaria ad eosdem, moneantur per locorum Presbyteros obsessores, ut recedant, & ab obsessione desistant, & eos libere ire permittant; alioquin cessetur a Divinis, & obsessores ipso facto ex tunc excommunicamus, & propter præsentiam hujusmodi ad Ecclesiam confugientium, etiam majori excommunicatione innodati fuerint, Presbyteri ibidem celebrare non omittant.

Item, statuimus, ut quicumque maleficio perpetrat in cimiterio, vel in Ecclesia, per quod atrociter sanguis effundatur in ipsis Ecclesia vel cimiterio; ad X. libras Parisienses nobis pro pacta reconciliationis teneatur: & si dictas X. libras non possit solvere, id quod non poterit, Parochiani loci teneantur solvere.

Item intelleximus, quod quidam Prælati, Presbyteri, & Beneficiati calices, libros, & alia ornamenta seu utensilia Ecclesiarum beneficiorum suorum pro debitis suis, (a) debitoribus suis obligare præsumunt de facto, licet de jure talis obligatio non valeat, propter quod Divinorum celebratio impeditur, in animarum suarum periculum, Ecclesiarum, & Beneficiorum suorum præjudicium & gravamen, & in scandalum plurimorum; quare Decanis nostris mandamus, quatenus inhabeant ipsis sub poena suspensionis,

ne quis eorum calices, libros, & ornamenta seu utensilia Ecclesiarum ex causa prædicta de facto accipere præsumat.

Denuntiamus insuper obligationes tales, siquidem de calicibus sacris & ornamentis, seu utensilibus prædictis de facto fieri contigerit, non valere; & nihilominus talia facientes, seu attentantes esse graviter puniendos.

Cum per justitiam laicalem excessus puniri non debeant Clericorum, nec ab eis levari emenda de eisdem, cum ad solos Judices Ecclesiasticos, non sæculares, pertinere noscantur; Nos juxta tenorem Provincialis Concilii, & tam temporali, quam nostra auctoritate monemus omnes & singulos nostræ Diocesis, & civitatis Cameracensis justitiam sæcularem exercentes, ne pro prædictis, seu occasione eorundem, levent aliquid de bonis hujusmodi, nec exquirant, vel exigant quoquomodo; & si secus fecerint, ipsos excommunicationis sententia auctoritate nostra innodamus.

Cum nonnulli tam Clerici, quam laici nostræ Diocesis & Civitatis Cameracensis conspirationem, societatem, caritatem, confraternitatem, & communitatem fecerint, ut intelleximus, aut facere nitantur, quod si aliquis de sua societate, confraternitate, caritate, vel communitate, seu de suis subditis, aut de suo territorio conveniatur in foro Ecclesiastico, aut contra eum procedatur, etiam in casu, in quo poterit de jure vel de consuetudine ibidem conveniri, quod non ad sumptus communes eorum defendantur: propter quod interdicta Ecclesiastica non est dubium impediri; Nos juxta tenorem dicti Provincialis Concilii, ac ipsius & nostra auctoritate, ut prius, monemus omnes & singulos, tam Clericos, quam laicos, Civitatis & Diocesis prædictarum, quod si talia fecerint, ea revocent infra mensem, & de cætero de talibus abstineant, nec talia committant, & talibus non utantur, alioquin ipsos excommunicamus ex tunc ipso facto.

Item præcipimus, quod Presbyteri omnia bona & redditus tam ad se, quam ad suas Ecclesias pertinentia, in Missalibus distincte conscribant, alienata renovent, nec de dictis bonis quidquam ven-

(a) lego: creditoribus.

vendere aut alienare sine nostra licentia præsumant, quoniam talis venditio & alienatio non valerent.

Item præcipimus, quod bona immobilia de bonis Ecclesiarum acquisita, eis Ecclesiis remaneant, nec ea quisquam filiis naturalibus, nepotibus, & consanguineis dare aut assignare præsumat, seu quicquam de bonis Ecclesiasticis acquirere, quod sub aliquo colore vel mercimonio transeat ad velle, & quod secus factum fuerit, decernimus irritum & inane.

Item statuimus, quod cimiteria, in quibus excommunicatorum corpora sepeliri contigerit per præsumptionem propinquorum eprundem, vel alias contra Ecclesiasticum interdictionem, reconcilientur per appositionem aquæ ab Episcopo benedictæ, sicut in deliberationibus & reconciliationibus Ecclesiarum & cimiteriorum fieri consuevit;

Item, si qui in cimiterio scienter ædificaverint, a Presbyteris excommunicentur.

Curati Parochiales suos Parochianos hortentur præcipue in principio suarum infirmitatum, ut confiteantur suo curato, & viaticum de consilio ejus recipiant, ac sua testamenta conficiant, debita, ac forefacta faciendo solvi, & quædam piis locis erogari.

Item statuimus, ut nullus executor intromittat se de bonis executionis ultimæ voluntatis cujusvis defuncti, seu se immisceat eisdem, nisi prius facta littera in præsentia plurimorum de inventariis bonorum defuncti, quæ videlicet, qualia, & quantà sint; contra facientes ad pœnam condignam nobis solvendam teneri volumus.

Item statuimus, quod executores testamentorum super legatis & aliis ex parte defuncti in causam tracti, si in dolo, vel in culpa lapsi inveniuntur manifeste; de suo, non de bonis executionis, adversario litis expensas refundere teneantur.

Concedimus Presbyteris, Parochianis, & Capellanis perpetuis, qui in solo Ecclesiæ, vel Capellanix suæ, de bonis undecumque acquisitis, nova ædificia construxerint, quod pro modo valoris medietatis ædificiorum prædictorum possint

suas ultimas voluntates ordinare, & quod ipsa ædificia usque ad valorem prædictum valeant obligare, æstimatione valoris hujusmodi tempore mortis eorundem super hoc faciendi.

Item, cum plures plura bona ad diversas pecuniarum summas ex testamento fidelium datas, concessas & legatas ad opus Capellaniarum seu Beneficiorum Ecclesiasticorum instruendorum, & emolumenta, quæ proveniunt ex iis, sibi tenere præsumpserint, & præsumunt; præcipimus, quod Presbyteri tales, & eorum nomina nobis nominent, & revelent, seu Officiali nostro, qui per censuram eos compellat Ecclesiasticam, si necesse fuerit, ad restitutionem omnium prædictorum, ut in usus, ad quos deputata & ordinata sunt, convertantur.

Item, præcipimus, ut Presbyteri testamenta sua non per laicos, sed saltem in præsentia alicujus Presbyteri ordinent sub testimonio competenti, nisi necessitas ad hoc arctet aliter eos, & insuper, ut laici testamenta sine sui præsentia Sacerdotis, si præsentia ipsius commode haberi possit, facere non præsumant: quod laicos, & alios subditos suos Presbyteri admoneant, ut testamenta sua, dum adhuc sunt compotes & mentium, & corporum, condere non omittant, & ad faciendas elemosynas tam fabricæ Cameracensis, quam Ecclesiis propriis, & pauperibus, eos precibus & monitis inducant.

Item statuimus, ut quilibet pro salute animæ suæ de rebus sibi debitis, causa suæ ultimæ voluntatis, vel alias disponere valeat libere & quiete. In omnes, qui contra hujusmodi testamentum fecerint, aut venerint directe, aut indirecte, tacite, vel expresse, clam, vel palam, vel ne hæc fiant, consilium & auxilium præbuerint vel favorem, in his scriptis excommunicationis sententia proferetur.

Item statuimus, quod singuli Presbyteri in suis Parochiis moneant auctoritate Synodali publice, in facie Ecclesiarum suarum omnes, qui testamentum & dispositiones & ultimas voluntates defuncti receperint exequendum, ut infra annum, si commode possit fieri, dictas executiones perficiant, & compleant de

de consilio proprii Sacerdotis; alioquin eos excommunicationis sententia innodamus.

De Exequiis Mortuorum.

Statuimus, ut si curati Ecclesiastici decedant intra Festum Nativitatis S. Johannis Baptistæ & Festum Magdalene, fructus maturos, separatos à solo suos faciant.

Item: si, terris Ecclesiæ ab ipsis ex cultis, decedant inter dicta festa, volumus, ut sumptus culturæ earum reddantur mandato eorundem, residuum vero fructuum Ecclesiæ cedant nobis & Archidiacono loci, salvo semper servitio Ecclesiæ. Si inter Festa B. Mariæ Magdalene & Purificationis B. Mariæ Virginis decesserint, omnes fructus pro tempore sequenti cedant, ut supra; ita quod pro rata perceptorum & percipiendorum fructuum ad deservendum Ecclesiæ usque sequens Festum Nativitatis B. Johannis Baptistæ, quælibet pars partem, seu portionem eam tangentem apponat. Si autem inter Festum Purificationis & festum Nativitatis S. Johannis Baptistæ decesserint, omnes fructus faciant suos, ita quod de illis deserviat Ecclesiæ per consilium Decani loci. Quod quidem statutum, & alia de materia hujusmodi facientia mentionem, ad Capellanos seu Capellanas volumus extendi.

Item statuimus, quod nullus Presbyter funus alienæ Parochiæ defuncti sepelire præsumat.

Quod si secus fecerit, & ossa defuncti, & omne emolumentum, quod occasione sepulturæ recepisse cognoscetur, restituere proprio curato tenebitur: & nihilominus eum graviter puniemus, nisi defunctus, salvo jure Parochiali, ibidem elegerit sepulturam, aut si fuerit de longinquis partibus peregrinus.

Districte præcipimus, ut Presbyteris & Capellanis defunctis campanæ pulsantur solemniter, & Divinum Officium celebretur: quod in crastino octavarum Paschæ celebretur in omnibus Ecclesiis Parochialibus anniversarium omnium confratrum Ecclesiæ B. Mariæ Cameracensis.

Item, statuimus, quod Sacerdotes audito obitu suorum Parochianorum ab-

solvant eos cum psalmo: *De profundis*, & Collecta, postmodum dicant Vigiliæ, & alia, quæ defunctis debentur: & hoc, quando ipsi Parochiani excommunicati non decesserint, aut si excommunicatorum copiam non potuerint habere, per suos Curatos in forma Ecclesiæ absoluti, sed signa pœnitentiæ tantum^(b) apparuerint in eis, pro absolutione impetranda, etiam ab excommunicatione eorundem.

Corpora defunctorum de nocte in domibus custodiantur, sed si in Ecclesiam deferantur, omnibus exclusis, ostia claudantur.

Usurarii, nisi de usuris, & excommunicati, nisi pro quo excommunicati fuerint, satisfecerint nobis, & parti adversæ, saltem per cautionem competentem, ab eis vel eorum hæredibus receptam per Presbyterum loci, si satisfaciendum fuerit: si vero non satisfaciendum fuerit, per receptum de stando mandato Ecclesiæ juramentum, nullatenus absolvantur, nec tradantur Ecclesiasticæ sepulture, si decedant; volumus autem, ut infra mensem, cum accepta fuerit, per ipsum curatum nobis hujusmodi cautio remittatur.

Item statuimus, quod Capellani perpetui Sacramentum a curatis locorum suorum in infirmitatibus suis Eucharistiæ accipiant, & si decedant, in Capellis suis sepeliantur, nisi ex devotione, salvo jure Parochiali, alibi eligerint sepeliri.

Item, statuimus, ut nullus sustinens ex culpa excommunicationem per annum & diem, latam in ipsum, auctoritate nostra quacunque per Presbyterum absolvatur, in morte non tradatur Ecclesiasticæ sepulture; alioquin contra faciens noverit se suspensum.

Quia nonnulli terras Parochiæ, Ecclesiarum & Capellaniarum, sub melioratione ad censam recipere formidant a Rectoribus & Capellanis eorundem, pro eo, quod si ipsos Rectores & Capellanos ante terminum censæ decedere & resignare contingat, eorum Successores dictam censam & conventiones super eis factas retractare possunt, si velint, & penitus annullare. Item, quod Censuarius melioratione dictarum terrarum, si quasi fecerit, est ea omnino defraudatus, propter

^(b) forte: tamen pro tantum.

propter quod plures terræ beneficiorum Ecclesiasticorum quotidie pejorantur; Idecirco statuimus, quod si quis Presbyter & Capellanus terras sui beneficii in parte vel in toto alicui ad censam concefferit, ipseque Censuarius eas per suam industriam, laborem & expensam melioraverit, ac ipsum concedentem ante terminum censæ decedere ac resignare contingat, successor ipsius concedentis vel resignantis conventiones a suo prædecessore cum dicto Censuario super dicta causa habitas, tenere & adimplere, ac ipsam meliorationem ad decretum proborum ab ipsis Successoribus & Censuario eligendorum, eidem Censatori reddere, & restituere ante omnia teneatur, prout idem eligendi seu electi duxerint ordinandum.

De Vigiliis, & aliis Jejunii totius anni.

Dies immediate præcedentes Festivitates jejunia habentes vocantur Vigiliæ, quia antiquitus mariti cum uxoribus & filiabus suis ad Ecclesiam illis diebus conveniebant, & ibi cum cereis & luminaribus per totam noctem vigilabant, & quia continebat in his vigiliis corrumpi virgines, & ad multa maleficia exercenda majorem opportunitatem haberi, ideo vigiliæ & jejunia sunt translata, & ista jejunia adhuc vigiliæ nuncupantur, antiquum morem, & non nomen variando.

Sunt autem XI. Vigiliæ singulis annis in Diœcesi Cameracensi, ab universis ætatem habentibus jejunandæ, scilicet Ascensio, Pentecostes, Nativitas B. Johannis Baptiste, Petri & Pauli Apostolorum, Laurentii Martyris, Assumptio B. Mariæ, Matthæi Apostoli, Simonis & Judæ Apostolorum, omnium Sanctorum, Andreæ Apostoli, Nativitas Domini.

Si vigiliæ Dominicis diebus evenierint, sabbatis præcedentibus jejunantur.

Item tenentur jejunare in die Sancti Marci Evangelistæ, si Dominica non fuerit, si vero Dominica fuerit, feria II. sequenti, nisi aliud obsistat, ut habetur Capitulo sequenti de festis.

Item, tenentur jejunare feria II. feria III. & feria IV. ante Ascensionem Domini.

Item, teneantur jejunare feria IV. temporum, quorum primum est feria IV, feria VI. & Sabbato inter Pentecosten & Trinitatem, & sit in æstate, quæ est fervida, ut simus ferventes in caritate.

Tomus IV. Concil. German.

Secundum jejunium quatuor temporum fit feria IV. feria VI. & Sabbato post exaltationem Crucis, & sit in autumnus, in quo tempore est fructuosus, ut in nobis proveniant & abundant bonorum operum fructus. Tertium jejunium quatuor temporum fit feria IV. feria VI. & Sabbato post festum Lucæ & Alberti, & sit in hieme, in quo cadunt folia & moriuntur herbæ, ut in nobis defluant vitia & moriantur. Quartum jejunium quatuor temporum fit feria IV. feria VI. & Sabbato post diem Cinerum, & sit in vere, in quo omnia virent, ut vireant in nobis opera virtutum, sine quibus nihil est perfectum.

Fiant autem hæc jejunia per dies præfatos, quia magis pœnitentiales quam alii dies hebdomadæ ab Ecclesia denotantur. Et tres sunt dies, ut quicquid corde, ore, & opere contra unum in substantia, & trinum in personis deliquimus, per hæc jejunia quatuor temporum his tribus diebus expiemus. Quando A. E. F. G. sunt literæ Dominicales, jejunium Quadragesimæ ante Nativitatem Domini incipit VI. Idus Novembris. Superest hujusmodi Quadragesima & a Religiosis jejunatur. Item omnes ætatem habentes tenentur jejunare ex præcepto Ecclesiæ Quadragesimam ante Pascha.

De Festis.

Præcipimus majora festa ab omnibus subditis nostris diligenter observari, in quibus non debent, nec possunt Presbyteri licentiarie subditos suos pro accommodatione carrucarum, vel equorum, vel animalium ad hæc deputatorum pro se, vel pro aliis quibuscumque, videlicet omni die Dominica, in Circumcisione Domini, in Epiphania Domini, in Purificatione B. Mariæ, in Annunciatione Dominica, in Parasceve autem per totum Divinum Officium, in die Paschæ, feria II. in Pascha, in die Philippi & Jacobi, in inventione Sanctæ Crucis, in Ascensione Domini, in die Pentecostes, feria II. sequenti, in die Sanctæ Trinitatis, in die S. Sacramenti, in Nativitate S. Johannis Baptiste, in passione Petri & Pauli Apostolorum, in die Magdalene, in die Jacobi Apostoli, & Christophori, in die Laurentii, in die Assumptionis B. Mariæ Virginis, in die Bartholomæi Apostoli, in die Nativitatis B. Mariæ Virginis, in exaltatione S. Crucis, in die Matthæi Apostoli, in die Michaelis Ar-

L chan-

changeli, in die Simonis & Judæ, in die omnium Sanctorum, in die Martini Episcopi hyemalis, in die Catharinæ Virginis, in die S. Andræ Apostoli, in die Nicolai hyemalis, in die Thomæ Apostoli, in die Nativitatis Domini, in die Stephani Protho-Martyris, in die Johannis Evangelistæ, in die Patroni Ecclesiæ, & in die Dedicationis.

Festa autem sequentia vocamus minora, in quibus licet arare & carrucare, videlicet in conversione S. Pauli, in Cathedra S. Petri, in die S. Lucæ Evangelistæ, in die S. Nicasii, in die Sanctorum Innocentium, feria III., & feria IV. in Pascha & Pentecoste.

Statuimus autem, quod si festum Annuntiationis Dominicæ Sabbato in Ramis Palmarum occurrerit, ibidem ferietur, & celebretur, sed ultimæ Vesperæ fient de tempore, & memoria tantum fiet de S. MARIA per Antiphonam, Versum & Collectam. Si vero Dominica in Ramis Palmarum vel deinceps, usque ad diem Paschæ evenierit, ferietur & celebretur feria III. post *Quasi modo*, nisi fuerit annotinum ^(a) Pascha, quod tunc usque ad feriam V. sequentem differetur.

Item festum Marci Evangelistæ, si in die Paschæ vel deinceps usque post octavas Paschæ occurrerit, statuimus, quod ferietur & celebretur feria IV. post *Quasi modo*, & fiat jejunium cum Letania majore, processio ipsa die.

Si autem aliqua alia die evenierit, fiat festum Evangelistæ ipsa die Dominica, & jejunium & processio cum Letania majore fiat feria II. sequenti, quæ non ferietur.

Si festum B. Ambrosii in hebdomada Paschali evenierit, fiat officium Sancti feria III. post *Quasi modo*: si autem Dominica in Ramis Palmarum, vel deinceps usque ad diem Paschæ evenierit, fiat feria VI. ante Ramos Palmarum. Item, si Ascensio Domini, & inventio S. Crucis eodem die occurrant, Officium festi S. Crucis fiat feria VI. sequenti, sed non ferietur. Si festum B. Andræ Apostoli Dominica prima Adventus Domini eve-

nerit, fiat feria II. sequenti, & non ferietur, & vigilia sive jejunium fiat sabbato præcedenti, & festum B. Eligii feria III. sequenti immediate.

Si festum Purificationis in Dominica Septuagesimæ evenierit, ibidem ferietur & celebretur, & fiat Sabbato præcedenti; & si festum B. Agnetis in Septuagesima evenierit, fiat feria VI. præcedenti. Eodem modo fiat de aliis Sanctis; si necesse fuerit.

Quinque sunt festa mobilia, videlicet Septuagesima, Quadragesima, Pascha, Rogationes & Pentecostes, quæ ideo mobilia dicuntur, quia certum locum non habent in calendario, quorum notitia sic habetur.

Diēs Paschæ celebratur semper tertia Dominica primæ lunationis, quæ est post nonas Martii, accipiendo lunationes secundum veterum aureum numerum. Dominica decima præcedente diem Paschæ Septuagesima celebratur, Dominica septima præcedente diem Paschæ prima Dominica Quadragesimæ sive dies Brandonum, ^(b) Dominica sexta sequente diem Paschæ Dominica in rogationibus celebratur, & sequenti feria V. est Ascensio Domini, Dominica VIII. sequenti diem Paschæ celebratur dies Pentecostes, intelligendo diem Paschæ & alios dies Dominicos inclusive.

Adventus Domini semper in Dominica propinquiore festo B. Andræ Apostoli, sive Dominica præcedat, sive sequatur, & si festum Apostoli sit die Dominica, eadem die incipiant Adventus Domini & debet transferri festum Apostoli sicut supra dictum est.

De minoribus Festis duplicibus.

Præcipimus, ut festa beatorum Apostolorum & Evangelistarum, item Ss. Confessorum Gregorii, Augustini, Ambrosii Episcoporum, & Hieronymi Presbyteri in singulis Ecclesiis Civitatis, & Diocesis Cameracensis, sub officio duplici annis singulis celebrentur, secundum quod in nova constitutione summi Pontificis super hoc edita plenius continetur.

De

- ^(a) Pascha annotinum aliquibus est dies sabbati ante octavam Paschatis, anniversarius illius, quo ego baptizatus fui, quasi repetitio annua illius diei, quo vestimenta alba a me baptizato oblata fuere. Aliis dicitur dies anniversaria illius, quo quis baptizatus est, quid in vel post Quadragesimam redire solebat: & cum oblationibus solemnibus & convivio celebrabatur a baptizato & compatriinis. *Kadulphus Tungrenf.*
^(b) Ideo sic dicta, quia hujus Dominicæ diei sub Vesperas pueri Brandonibus, id est, facibus accensis februare vel ludere solerent. *Freherus in Lexico.*

De Indulgentiis.

Nos omnibus vere pœnitentibus & confessis, qui Matrem suam Ecclesiam nostram Cameracensem devote vîstaverint, quadraginta dies, quotiens hoc fecerint, de injunctis sibi pœnitentiis misericorditer relaxamus.

Item statuimus, quod Presbyteri Parochiales diligenter exprimant suis subditis in facie Ecclesiarum suarum, *Constitutionem Provinciale*, per quam Benefactoribus pauperum Parochialium suorum, tam a Domino Reverendo Remensi Archiepiscopo, quam ab omnibus ejus Suffraganeis XL dies indulgentiarum conceduntur, qui dies faciunt summam quadringentorum & octoginta dierum.

Item omnibus, & singulis deferentibus funera, & maxime pauperum, de domibus ad Ecclesiam, & de Ecclesia ad fossam sive Cimiterium seu qui Missæ & sepulturæ eorum intererint, X. dies indulgentiarum auctoritate Synodali concedimus.

Item, omnibus & singulis flectentibus genua & dicentibus *Pater noster*, dum in Missa audierint nominare hoc nomen *JESU*, seu hoc nomen *MARLA*, seu hæc verba, *Verbum Caro factum est*, auctoritate prædicta X. dies indulgentiarum auctoritate nostra concedimus.

Item statuimus, quod concomitantibus de die Presbyterum, Corpus Christi deferentem; eundo X. dies, & redeundo alios X. dies indulgentiarum auctoritate nostra concedimus, concomitantes autem, si de nocte, indulgentias volumus habere duplicatas.

Item concomitanti Presbyterum eundem cum Sacramento extremæ Unctionis infirmorum, si de die concomitetur eundo V. dies, redeundo V. dies indulgentiarum concedimus auctoritate prædicta: si autem de nocte taliter concomitati fuerint, eis indulgentiam concedimus duplicatam.

Item omnibus verè pœnitentibus & confessis, qui officio & obsequiis Presbyterorum, & Capellanorum intererint, X. dies indulgentiarum concedimus.

Item, omnibus qui processionibus devote faciendis diebus Dominicis & die

Lunæ interesse voluerint, & aliis diebus, in quibus processiones fieri consueverint in Ecclesiis suis Parochialibus, pro qualibet processione cujuslibet diei X. dies indulgentiarum concedimus.

Item omnibus vere pœnitentibus & confessis, qui ob reverentiam Sacerdotii, nobis vel alicui Sacerdoti insurgent, totiens, quotiens hoc reverenter & devote fecerint, X. dies indulgentiarum concedimus auctoritate Synodali.

Item omnibus Sacerdotibus, qui devote prædicationi in Capitulo Decanorum faciendæ interfuerint, XX. dies de injunctis sibi pœnitentiis misericorditer relaxamus.

Item omnibus subditis nostris vere pœnitentibus & confessis, qui primæ Missæ novorum Sacerdotum interfuerint, & pro nobis, & pro nostris, & Ecclesiæ nostræ negotiis devote oraverint, XX. dies de injunctis sibi pœnitentiis misericorditer relaxamus.

De Executoribus Mandatorum Synodali.

Constitutionem CONCILII LUGDUNENSIS præcipimus per Presbyteros seu eorum vices gerentes, in facie Ecclesiarum suarum saltem semel in mense coram populo in lingua materna publicari de verbo ad verbum, quam inferius duximus apponendam, quæ talis est:

Quicumque pro eo, quod in Reges & Principes, Barones, & Nobiles, Ballivos & quoslibet Ministros eorum, aut quoscumque alios excommunicationis, suspensionis, seu interdicti sententia fuerit promulgata, licentiam alicui dederint occidendi, capiendi, seu alias in personis, aut bonis suis temporalibus vel suorum gravandi eos, qui tales sententias tulerint, seu quorum occasione fuerint prolata, vel easdem sententias observantes, vel taliter excommunicatis communicare volentes, nisi licentiam ipsam re integra revocaverint, aut si ad honorum captionem processum est occasione ipsius licentiæ, nisi bona ipsa infra VIII. dierum spatium fuerint restituta, vel satisfactio pro ipsis impensa; in excommunicationis sententiam incidunt ipso facto, eademque sententia sint innodati omnes, qui ausi fuerint prædicta sententia data uti, aliquo præmissorum, ad quæ committenda licentiam dari prohibemus, alias committere suo motu; Qui

autem in eadem sententia permanserint duorum mensium spatio, ex tunc ab ea non possint, nisi per Apostolicam Sedem absolutionis beneficium obtinere. Datum Lugduni, Calendas Novembris. Pontificatus Nostri anno III.

Item constitutiones S. S. Patris Domini Bonifacii VIII. eodem modo præcipimus ab omnibus Presbyteris parochialibus, vel eorum vices gerentibus, saltem quater in anno in facie Ecclesiarum suarum in lingua materna nunciari & exponi.

De Pedagüs.

Quamquam Pedagogorum exactio-
nes tam de Jure Canonico quam ci-
vili, regulariter & merito sint damna-
tæ, tantum (a) tamen districtius, ne ab
Ecclesia & personis Ecclesiasticis talia
exigantur, prohiberi oportet, quanto,
si fiat, major inde transgressionis reatus
incurritur, & offensæ evidentior
comprobatur; Cum igitur Ecclesiæ,
Ecclesiasticæque personæ ad eos ipsa-
rum non solum jure humano, quin
immo & Divino, sæcularium persona-
rum exactioibus sint immunes.
Constitutiones felicis recordationis
Alexandri Papæ IV. Prædecessoris no-
stri, qui statuit Ecclesias, & Ecclesia-
sticas personas ad pedagia & guidagia
penitus non teneri, nec ad exhiben-
dum, & solvendum talia pro rebus
suis propriis, quas non causâ negoti-
andi deferunt, vel deferri faciunt, seu
transmitti, volentes propter multorum
abusum poenæ adminiculo adjuvare,
adjicimus districtius inhibendo, con-
traria consuetudine quorumcunque,
quæ dicenda est corruptela verius, non
obstante, ut nec collegium, nec uni-
versitas, nec aliqua etiam singularis
persona, cujuscunque sit dignitatis,
condicionis, aut status, aut præfatis
Ecclesiis, seu personis per personis
ipsis a rebus prædictis talia exigant vel
extorqueant, per se vel per alium,
suo nomine vel etiam alieno, aut eas
ad hujusmodi persolvenda compellant.
Qui vero contra fecerint, si personæ
fuerint singulares, excommunicamus;
si autem fuerit Collegium seu Univer-
sitas civitatis seu castri, vel loci alterius
cujuscunque, ipsa civitas, castrum,
vel locus interdicti sententias ipso facto,
incurrant, nec ab excommunicatione

(a) lege: tanto.

hujusmodi absolutionem vel interdicti
relaxationem obtineant, donec exacta
plénarie restituerint, & de transgres-
sione satisfecerint competenter.

Item alia de impediētibz jurisdictionem
Ecclesiasticam.

Quoniam, ut intelleximus, quo-
rundam justitiariorum, ballivorum,
judicumve sæcularium, ac tempora-
lium Dominorum in quibusdam par-
tibus præsumptuosa temeritas sic ex-
crevit, ut terris eorum five districti-
bus literas Apostolicas impetrantes,
vel ad Judices ordinarios Ecclesiasticos
recurrentes super causis, negotiis, seu
quæstionibus, quæ ratione persona-
rum aut rerum de jure vel de antiqua
consuetudine ad forum Ecclesiasticum
pertinent, obtinere non possunt in eis-
dem per eosdem ordinarios Judices,
vel per Apostolicas literas justitiæ
complementum, quin potius super
illis retrahere ad judicium sæculare,
vel a lite, causâ, seu quæstione desistere
compelluntur: Nos justitiam nostram
& nostræ sponsæ negligere nolentes,
qui alios in sua justitia confovemus,
obtinere; statuimus, ne quis impetra-
tores literarum nostrarum, vel alios
in foro Ecclesiastico litigantes, seu liti-
gare volentes, five ambæ partes hoc
voluerint, five una, actoris videlicet,
aut rei, super causis, quæ ad forum
Ecclesiasticum solum spectant, vel
etiam solius actoris, in illis, quæ ad
utrumque forum ratione personarum,
negotiorum, vel rerum de jure vel
de antiqua consuetudine pertinere no-
scentur, per se, vel per alium ad
desistendum, vel in foro sæculari de
quæstionibus hujusmodi litigantium
per eorundem Judicium Ecclesiastico-
rum, vel impetrantium, aut litigan-
tium, seu volentium litigare, aut pro-
pinqorum, nec non ipsarum rerum
illorum, aut Ecclesiarum suarum cap-
ticon, modisve aliis quibuscunque
compellat, seu compelli faciat, aut
procureat, nec per se, aliosve impe-
diat, quominus coram Judicibus Ec-
clesiasticis delegatis, seu ordinariis
querelantes de causis, quæ, ut præ-
missum est, ad cognitionem pertinent
eorundem, possint libere obtinere
justitiam, nec ad prædicta facienda det
confi-

" consilium , auxilium , vel favorem.
 " Si quis vero contra præsumpserit , ex-
 " communicationi se, ipso facto, nove-
 " rit subiacere , a qua nisi causa tam
 " iudici , cuius cognitio fuerit impedita,
 " vel jurisdictio usurpata , quam parti,
 " quæ est turbata , in prosecutione sui
 " juris fuerit , de iustitia , damnis , &
 " expensis , & interesse prius per eum-
 " dem integre fuerit satisfactum , nulla-
 " tenus absolvatur.

CONSTITUTIO.

" Clericis laicos infestos oppido
 " tradit antiquitas , quod præsentium ex-
 " perimenta temporum manifeste declarant ,
 " dum suis finibus non contenti
 " nituntur in veritum , ad illicita frena
 " relaxant , nec prudentes attendunt ,
 " quam sit eis in Clericis , Ecclesiasticas-
 " ve personas , & bona interdicta po-
 " testas ; Ecclesiarum Prælati , Ecclesiis ,
 " Ecclesiasticisque personis regularibus
 " & sæcularibus imponunt onera gravia ,
 " ipsosque talliant , & eas collectas im-
 " ponunt , ab ipsis suorum proventuum ,
 " vel bonorum dimidiam decimam ,
 " vel vicesimam , vel quamvis aliam por-
 " tionem , aut quotam exigunt & extor-
 " quent , eosque moluntur multifarie
 " subijcere servituti , suæque submittere
 " ditioni , & , quod dolentes , referimus ,
 " nonnulli Ecclesiarum Prælati , Eccle-
 " siasticæque personæ trepidant , ubi
 " trepidandum non est , transitoriam pa-
 " cem quærentes , plus timentes Maje-
 " statem temporalem offendere , quam
 " æternam , talium abusus non tam re-
 " merarie , quam improvide acquiescunt ,
 " & Apostolica auctoritate seu licentia
 " non obtenta . Nos igitur talibus ini-
 " quis actibus obviare volentes , de fra-
 " trum nostrorum consilio auctoritate
 " Apostolica statuimus , quod , quicum-
 " que Prælati , Ecclesiasticæque personæ ,
 " religiosæ vel sæculares quorumcunque
 " ordinum , conditionum , statuum col-
 " lectas , vel talliam , decimam , vicesi-
 " mam , seu centesimam suorum & Ec-
 " clesiarum proventuum , seu bonorum
 " laicis solverint , vel promiserint , vel
 " se soluturos conceperint , vel quam-
 " vis aliam quantitatem portionem , aut
 " quotam ipsorum proventuum , vel
 " bonorum æstimationis , vel valoris ip-

" forum sub auditorii , mutui , conventio-
 " nis , subsidii , vel doni nomine , seu
 " quovis alio titulo , modove , quæsito
 " colore , absque auctoritate sedis ejus-
 " dem , nec non Imperatores , Reges ,
 " seu Principes , Duces , Comites , vel
 " Barones , vel etiam Potestates , Capi-
 " tanei , vel Officiales , vel Rectores ,
 " quocumque nomine censeantur , civi-
 " tatum , castrorum , seu quorumcun-
 " que locorum , constitutorum ubilibet ,
 " & quivis alii , cujuscumque præemi-
 " nentiæ , conditionis , & status , qui ta-
 " lia impoluerint , exegerint , vel rece-
 " perint , aut apud ædes sacras deposita
 " Ecclesiarum vel Ecclesiasticarum per-
 " sonarum ubilibet arreptaverint , saisi-
 " verint , seu occupare præsumpserint ,
 " vel arrestari , saisiri , vel occupari man-
 " daverint , aut occupata , saisita , vel
 " arrestata receperint , nec non omnes ,
 " qui scienter in prædictis dederint con-
 " silium , auxilium , vel favorem , publi-
 " ce , vel occulte , eo ipso sententiam ex-
 " communicationis incurrant.

" Universitates quoque , quæ in
 " his culpabiles fuerint , Ecclesiastico
 " supponimus interdicto : Prælati &
 " personis Ecclesiasticis supradictis in
 " virtute sanctæ obedientiæ , & sub po-
 " na depositionis districtè mandantes , ut
 " talibus absque expressa licentia dictæ
 " sedis nullatenus acquiescant , quod-
 " que sub prætextu cujuscumque obli-
 " gationis , promissionis , & concessio-
 " nis factarum hæctenus , vel faciendarum
 " in antea , postquam hujusmodi con-
 " stitutionis prohibitio , seu præceptum
 " ad noticiam ipsorum pervenerint , ni-
 " hil solvant , nec supradicti sæculares
 " quoquo modo recipiant & si solve-
 " rint , vel prædicta receperint , in ex-
 " communicationis sententiam incidant
 " ipso facto . A supradictis autem
 " tem excommunicationis & interdicti
 " sententiis nullus absolvi valeat , præ-
 " terquam in mortis articulo absque Se-
 " dis Apostolicæ auctoritate & licentia
 " speciali , cum nostræ intentionis exi-
 " stat tam horrendum sæcularium pote-
 " statum abutum nullatenus sub dissimu-
 " latione transire , non obstantibus qui-
 " buscumque privilegiis , sub quibus-
 " cumque tenoribus , formis vel modis ,
 " aut verborum conceptione concessis

"Imperatoribus, Regibus, & aliis su-
"prædictis, quæ contra præmissa nul-
"latenus volumus alicui, vel aliquibus
"suffragari."

*De Judicibus, Delegatis & Sub-
delegatis.*

Statutum, quod circa Judices a Se-
de Apostolica deputatos nuper edidi-
mus, cum quædam contenta in eo,
quæ pro communi utilitate credebantur
inducta, sicut experientia docuit, tende-
re dinoscantur ad noxam, sanctione
præsenti, quam irrefragabiliter observa-
ri mandamus, suadente utilitate, in
melius duximus reformandum. Statui-
mus igitur, ut nullus, nisi dignitates
prædictas, aut personatus obtinentibus,
seu Ecclesiæ cathedralium Canonicis
Cameracensis Diocesis, auctoritate lite-
rarum Sedis Apostolicæ vel Legatorum
eiusdem (causæ) committantur, aut
audiantur alibi, quam in civitate vel lo-
cis singulis, ubi possit commode copia
peritorum haberi. Cum vero ejusdem
civitatis seu Diocesis fuerit actor & reus,
extra ipsas causas non committatur, nec
conveniatur aliquis eorumdem, qui ab
ipso contra aliquem de sua Diocesi vel
ab antiquo contra eum & ejus Capitulum
seu contra Universitatem civitatis, villæ,
aut castri fuerit actio dirigenda, vel nisi
actor eandem civitatem seu Diocesim in-
trare non audeat, aut sui adversarii po-
tentiam merito perhorrescens, cum in-
fra ipsas nequeat invenire secure, in his
quippe casibus (a) contra dictas civita-
tem vel Diocesim possit contra prædictos
causam (b) omitti. Nullus tamen eorum
ultra dioetam unam a fine Diocesis suæ
valeat conveniri, scilicet in duobus ulti-
mis casibus, nisi impetrans de dicto ter-
rore, quod in literis commissionis ex-
primere teneatur, primo judici fidem
faciat saltem per proprium juramen-
tum; Judex vero nullatenus in causa
procedat, sed partes a sua jurisdictione
dimittens impetrantem eundem in ex-
pensis legitimis alteri parti condem-
net.

Quando autem actor & reus civi-
tatis & Diocesis fuerint diversarum, si
autem in civitate vel Diocesi rei judicem
habere recuset, ipsum non in sua, sed
in alia civitate vel Diocesi libere impetra-

re valeat, reumque trahere ultra unam
dioetam, sicut in casu alio præmittitur,
minime sit remotus.

In nullo quoque casuum prædicto-
rum judex extra civitatem vel Diocese-
sim, in quibus fuerit deputatus, citet
partes, nec de causâ sibi commissâ cog-
noscat, nisi ad id expressius accefferit
eorundem assensus, neque alibi, quam
infra illos, & personis dumtaxat de-
signatis superius committet quomodolibet
vices suas.

Insuper ut gratis & cum omni pu-
ritate iudicium coram ipso procedat,
nullum munus vel quicquam aliud, nisi
forsan esculentum vel poculentum mera
liberalitate oblatum, quod paucis possit
consumi diebus, vel nisi cum ipsum
propter causam sibi commissam contige-
rit extra domicilium suum proficisci, mo-
deratas expensas recipere ab eisdem par-
tibus qualitercumque præsumat, provi-
surus attente, quod in his expensis mo-
dum nequaquam excedat, nec plus ab
una parte quam ex alia exigat, cum
commune gerat negotium utriusque
quandoque causæ sibi commissæ utilitas
vel necessitas non exegerit occasionem
propter habendas expensas, proficiscen-
di extra domunculam, non assumat, sed
ubi notabiliter fuerint pauperes litigan-
tes, tunc pro expensis nihil prorsus exi-
gat ab eisdem.

De Assessore assumendo.

Assessorem autem, ut quandoque
faciunt aliqui fraudulenter, nisi eo indi-
geant, quod conscientia relinquitur:
eisdem, sibi nequaquam adjungant,
alioquin de suo proprio teneatur provi-
dere eidem. Siquis autem indigeat, ip-
sum neutri parti suspectum assumens,
eidem de competenti salario providere
moderando ab eo, faciat a partibus com-
muniter provideri.

De Notariis.

Notarius vel Notarii in causis sibi
commissis scribentur, qui ut plurimum
in exigendo salario metas rationis exce-
dunt, ut quod ad ipsius spectat officia,
prudenter refreneret, nec cum ipsis, aut
cum Assessore præfato lucrum partici-
pet ullo modo. Siquid autem con-
tra

(a) forte: extra.

(b) forte: committi.

tra constitutionem præsentem receperit, ad ipsius restitutionem integram teneatur, nulla eorum, quibus restitutio facienda fuerit, remissione ullatenus profutura.

De Testibus producendis.

Pro ferendo quoque testimonio, prætextu cuius aliqui aliquos fraudulenter interdum a iudicibus vocari procurant, ut eos laboribus & expensis fatigent, aut extorqueant aliquid ab eisdem, nullum ullatenus convocet, nisi quando conditio & status tunc requirunt; sed nec tunc, nisi quando a producendo competenter vocatis pro testimonio, veniendo, stando, & redeundo, faciat ministrari expensas.

Quidquid autem contra præmissa, vel eorum aliquid contigerit attentari, sit ipso jure irritum & inane.

De (a) Gubernatoriis impetrandis.

Hac constitutione perpetuo valitura statuimus, ut conservatores, qui aliquibus, ut in manifestis injuriis & violentiis tueantur, eisdem plerumque a Sede Apostolica conceduntur, de cætero deputari non possint, nisi Episcopi vel eorum Superiores, vel Abbates, Dignitates & Personatus in Cathedralibus vel Collegiatis Ecclesiis obtinentes, nullusque deputari sibi conservatoris esse valeat conservator, nisi aliquis Regibus & Reginis, qui sicuti dignitatis altitudine præminent, sic prærogativa gratiæ ipsos convenit anteferri, dumtaxat exceptis, deinceps conservatorem habeant eum, qui sub ipsius jurisdictione, Dominio vel districtu Ecclesiastico vel temporali consistat. Conservatores autem hujusmodi extra civitatem vel Diocesim, in quibus fuerunt deputati, vel alibi, quam in civitate seu locis insignibus, ubi possit copia peritorum haberi, contra quoscumque procedere, (&) aliquos ultra unam diem a fine Diocesim eorundem trahere non præsumant.

Vices quoque suas, citationibus & sententiarum denuntiationibus dumtaxat

exceptis, quas per alios valeant exercere, nulli committere possit, nisi hoc eis competierit ex beneficio literarum sed nec tunc, nisi infra civitatem aut Diocesim in quibus deputati fuerint, & personis tantum, quæ superius sunt expressæ.

Ut autem Conservatores limites sibi traditæ potestatis, quos frequenter excedunt, metu pænæ diligenter observent, decrevimus, ut si de aliis, quam de manifestis injuriis & violentiis scienter se intromiserint, seu ad alia, quæ judicalem indaginem exigunt, suam extenderint potestatem, eo ipso per unum annum ab officio sint suspensi: pars vero, quæ hæc procuraverit fieri, sententiam excommunicationis incurrat, a qua non possit absolvi, nisi ei, quem sic fatigavit indebite, prius satisfaciatur integraliter de expensis.

Officium autem quorumcumque Conservatorum ipso jure quo ad non cæpta negotia, per obitum concedentis volumus expirare.

Circa munera vero & expensas Assessorum & Notarios & personas testimonio convocandas illa præcipimus in hujusmodi conservatoribus per omnia observari, quæ in delegatis iudicibus constitutio a nobis super hoc edita observanda decrevit. Quidquid autem contra præmissa vel eorum aliquid attentari contigerit, omnino decernimus irritum & inane.

Ne exhibeatur obsequium Ecclesiasticum personis.

Eos qui temporale Dominium obtinent cum suis subditis, ne Prælati, aut Ecclesiis seu personis Ecclesiasticis quicquam vendant, aut emant aliquis ab eis, neque ipsum bladum molant, coquant panem, aut alia obsequia exhibere præsumant, aliquando jura interdunt, cum talia in derogationem libertatis Ecclesiasticæ facere præsumant, eo ipso excommunicatione sententiæ decernimus subiacere.

(a) forte: Conservatoribus.

CONCILIUM CAMERACENSE

Anno Christi MCCC. Bonifacii VIII. Papæ VI.
Alberti Regis III.

*Statutum Concilii Remensis (a) Provinciæ,
Anno Domini MCCC. secunda die Mercurii ante Clementem,
promulgatum in Concilio Cameracensi.*

§. I. Clerico detento à Laicis, cessetur
in loca à Divinis.

" In primis igitur statuimus & decernimus auctoritate Concilii, quod si in aliqua civitate, vel in aliquo loco nostræ (a) Remensis Provinciæ contingat, quemquam Clericum detineri per laicalem justitiam, per quam dictus Clericus fuerit ab Episcopo loci illius, vel Officiali, vel Decano rurali, seu ex parte alicujus eorum legitime requisitus, cessetur a Divinis in loco captionis, & detentionis, quousque fuerit competenter restitutus.

§. II. Clerico à Laicis capto, vel aliò abducto, cessetur à Divinis.

" Item, si Clericus per justitiam laicalem capiatur in aliqua Diœcesi, & extrahatur ab ea, & ad aliam ducatur; cessetur similiter a Divinis, & in loco, ubi fuerit captus, & in loco ipsius capientis, per quem fuerit deductus, quousque ad Diœcesim fuerit reductus, & sufficienter restitutus.

§. III. Laici jurisdictionem in Clericos exercentes excommunicantur.

" Item, cum per justitiam laicalem non debeant puniri excessus Clericorum, nec ab ea levare emenda de eisdem, cum hæc ad solos Judices Ecclesiasticos, non sæculares pertinere noscantur, monemus auctoritate prædicta omnes, & singulos nostræ Provinciæ, ne pro dictis, seu occasione eorundem levant aliquid, vel recipiant, vel exigant, quoquo modo: alioquin contrafacientes, excommu-

" nicationis sententia auctoritate prædicta innodamus.

§. IV. Judices conspirantes contra Cleri libertatem excommunicantur, nisi cessent.

" Item, cum nonnulli Scabini, Rectores, Gubernatores, Judicatores communitarum, locorum, seu territoriorum nostræ Remensis Provinciæ, prout intelleximus, conspiracyonem, aut conjurationem facere nitantur, quod si aliquis de sua communitate, vel de suis subditis, seu de suo territorio, conveniatur in foro Ecclesiastico, aut contra eum procedatur in casu, in quo potest de jure, seu de consuetudine ibidem conveniri, quod eum ad sumptus communes defendant, propter quod jurisdictionem Ecclesiasticam non est dubium impediri; monemus omnes & singulos jam dictæ Provinciæ, quod si talia fecerint, revocent ea intra mensem, & quod de cætero a talibus abstineant; nec talia committant, & talibus non utantur, alioquin excommunicationi subjaceant ipso facto.

§. V. Laici impediētes forum Ecclesiasticum excommunicantur.

" Item, cum nonnulli temporales Domini suis inhi-beant subditis, ne quis eorum alium trahat in foro Ecclesiastico, in casu a jure seu consuetudine permissio, quin immo contra sic facientem & contrahentem procedunt frequenter ad captionem personæ trahentis, & bonorum ejusdem amicorum trahen-

(a) Cameracum Nerviorum, qui sunt populi Belgicæ secundæ civitas, fuit sub Provincia & Metropoli Remensi. Sæculo XVI. agente Rege Hispaniarum, Robertus Crojus primus Archi-Episcopus renuntiatus fuit anno 1562. 22. Maji per Paulum IV. sicque Cameracum subtractum Remensi Provinciæ, & propria Metropolis evasit.

" trahentis, ac bonorum ipsorum; Nos
 " ne talia faciant prohibentes, contra
 " facientes excommunicationis vinculo
 " innodamus, & denunciamus a Cano-
 " ne excommunicatos.

§. VI. *Abbates contra Episcopi jurisdictionem conspirantes, nisi revocent infra mensem, excommunicantur.*

" Item, cum nonnulli Abbates hu-
 " jusmodi Provinciæ inter se ordinave-
 " rint, & conspirationem fecerint (quod
 " si contingat aliquem Episcopum contra
 " Abbatem aliquem velle procedere
 " sibi subditum, vel alias puniendum,
 " quod ad defensionem ejusdem contri-
 " buent, & ad sumptus communes om-
 " nium defendentur) quod non est du-
 " bium fore in judicium jurisdictionis
 " sui Episcopi, & contra juramentum
 " suæ possessionis, per quam suo Epi-
 " scopo est strictus, & contra Eccle-
 " siasticam libertatem; Monemus ta-
 " les, quod hæc revocent infra mensem,
 " & a talibus se abstineant; alioquin

" excommunicationi subjaceant ipso
 " facto.

§. VII. *Insordescentes excommunicationi biennio, citandi ad Concilium.*

" Item, quod si excommunicati
 " publica sententia excommunicationis,
 " per biennium, & amplius animo su-
 " stinuerint indurato, vocentur ad pro-
 " ximum Concilium tamquam suspecti
 " de hæresi, & in eodem Concilio con-
 " tra tales, ut justum fuerit, proceda-
 " tur; quæ omnia redigi fecimus in
 " scriptis, & in ipso Concilio solemniter
 " promulgari. Præcipientes districtius,
 " & mandantes auctoritate prædicti Con-
 " cili, universis & singulis *Provincia*
 " *Remensis*, quatenus, quæ taliter pro
 " defensione libertatis Ecclesiasticæ, &
 " ipsarum Ecclesiarum statu pacifico
 " duximus ordinanda, prout superius
 " continetur, servant, & teneant illi-
 " bata.

*Martene Tom. VII. Collectionis amplifi-
 ma: Loco citato.*

CONCILIIUM CAMERACENSE

Anno Christi MCCCIII. Bonifacii VIII. Papæ VIII.
 Alberti Regis V.

Statutum Concilii Remensis Provinciæ, anno

Domini MCCCIII. Sancta die Veneris ante Circumcisionem.

Promulgatum in Concilio Cameracensi.

§. I. *Excommunicati, nominatim publice nec admittendi ad Ecclesiam, nec sepeliendi.*

" In primis igitur statuimus & decre-
 " vimus auctoritate Concilii, ne
 " quævis sæculares, & religiosæ, exem-
 " tæ; & non exemptæ personæ excom-
 " municatos & interdictos *nominatim*
 " publice ad Divina, neve corpora de-
 " functorum talium ad Ecclesiasticam
 " sepulturam admittant; alioquin talibus
 " ab ipsis Canonibus est ingressus Ec-
 " clesiæ interdictus. Ut tam salubria
 " statuta publicentur frequenter, adji-
 " ciētes auctoritate præsentis Concilii,
 " quod omnes & singuli, cujuscumque
 " status, dignitatis, professionis, aut

" conditionis existant, qui talibus Divi-
 " nis celebrandis, & sepulturis facien-
 " dis interesse præsumplerint, vel qui
 " opem in his auxiliumve præstiterint,
 " & favorem, post mensem a tempore
 " publicationis præsentis in *singulis Dia-*
 " *cesibus Remensis Provinciæ* faciendæ, ex-
 " communicationi subjaceant ipso facto,
 " simili sententiâ percellentes omnes &
 " singulos, qui matrimonia clandestina
 " fecerint, seu contraxerint, aut procu-
 " raverint fieri, seu ipsis præsumplerint
 " interesse.

§. II. *Impoſuentes tallias Clericis monendi, & excommunicandi.*

" Quia nonnulli servientes tempo-
 " raliū Dominorum, & justitiæ lai-
 " calis,

calis, afferentes pro suo libito, Clericos tam non uxoratos, quam uxoratos, qui tamen cum unica & virgine contraxerint, esse publicos mercatores, tallias, & collectas imponunt eisdem, & extorquent ab invitis, quamquam clericaliter vivant, nullis se mercimoniis implicant, ac moniti auctoritate Ordinariorum locorum, ut desistant, recusant parere, quamquam offeratur eisdem, ut facta fide coram ipsis Ordinariis, quod dicti Clerici non sint tales manifesti mercatores, tallias, & collectas huiusmodi permittant levare, ipsi tamen Judicis & partis officio fungentes cognitionem super hoc sibi vindicant & assument. Et quia de his, ut asserunt, sibi constat, bona dictorum Clericorum mobilia capiunt, vendunt, & detrahunt, in magnum præjudicium & gravamen ipsorum. Pro modo etiam omnium facultatum ipsorum Clericorum, licet in minimo solum eos asserant mercatores, tallias, & collectas imponunt, & extorquent ab eis: Nos vero attendentes præmissa fieri contra libertates & consuetudines Ecclesiasticas novas, notorias, & antiquas, talia amodo fieri prohibemus, alioquin post mensem a tempore publicationis prædictæ, omnes illos, & singulos, qui talia amodo fieri procurant, mandare, aut facta suo nomine rata habere, auxilium, consilium, opem, vel favorem clam vel palam præstare præsumpserint, auctoritate prædicti Concilii, monitione tamen competenti præmissa, excommunicamus in his scriptis.

§. III. *Inferdentes per annum in excommunicatione, privandi sepultura Ecclesiastica.*

Item, quia non caret nota hæreticæ pravitate in contemptum potestatis, & clavium Sanctæ Matris Ecclesiæ, excommunicationis sententiam quamvis Catholicam in se sustinere, præsertim per annum, & amplius: volens cancri huic vulneroso, ne sui contagione corrumpat alios, & pernicioso seducat exemplo, ignitum quod superest, injicere ferrum; Statuimus

auctoritate præsentis Concilii, ut tales, qui taliter excommunicationem in se latam sustinuerint, careant Ecclesiastica sepultura, nisi saltem in extremis se poenituerint, & ad condignam satisfactionem venerint, & emendam.

§. IV. *Vocati ad Concilium, si venerint, suspecti habeantur de hæresi.*

Item, cum excommunicati per biennium & amplius ad præsens Concilium sint vocati, peremptorie, & personaliter responsuri, super tanto exitu, qui notam seu speciem hæresis non evadit, qui non venerint, vel apparuerint per idoneos responsales, ipsos omnes, & singulos reputamus contumaces, purificationem eis omnibus, & singulis, quos sic suspectos habemus de hæresi, indicentes canonice, ad quam præstandam secundum juris formam, ipsos & singulos eorum suis singulis Diocesanis termino super hoc competenti præfigendo eisdem ab ordinariis supradictis decernimus teneri.

Diligenti deliberatione habitâ, honestate considerata, & ut superfluitatibus abstinere, ut omnes & singule persona Ecclesiasticæ Remensis Provinciæ in singulis conviviis sint contentæ potagio, & duobus ferculis sine fraude, nisi magnitudo personarum supervenientium aliqd requiratur, & tunc cum prædictis poterint uti aliquo intermedio ferculo, ita, quod si in conviviis huiusmodi, Reges, Duces, Comites, Barones, & alios excellentes contigerit interesse, præsentis statuto minime sint adstricti. Si quis vero contra præmissa vel aliquod præmissorum attentaverit, vel attentare præsumpserit, poena puniatur condigna. Quæ omnia redigi fecimus in scripturis, & in ipso Concilio solemniter promulgari: præcipientes districtius & mandantes auctoritate dicti Concilii universis & singulis personis Provincia Remensis, quatenus, quæ taliter pro defensione libertatis Ecclesiasticæ, & ipsarum Ecclesiarum statu pacifico duximus ordinanda, prout superius continentur, servant, & teneant illibata.

*Sequuntur Constitutiones continuæ Concilii Cameracensis Sæculi XIII.
sed annorum incertorum.*

De Litteris Curie differendis.

Sacerdotes superiorum suorum mandata sine dilatione, & periculo portitorum ipsorum mandatorum diligenter, & fideliter exequantur; & mandata Nostra seu Curie nostræ Cameracensis; & propria habeant sigilla, & unica, quæ appendeant in signum completæ executionis mandatis ipsis, vel faciendis rescriptionibus ad easdem; nec aliquid exigant, nisi solum denarium in forti moneta pro sigillo. Nullum excommunicatum pro absoluto habeant, nisi eis de absolutione facta fuerit certa fides. Et cum aliquem absolverint, dicant; *Miserere mei Deus*, absolvendis coram eis ante ostium Ecclesiæ flexis genibus constitutis. Cum vero Missam celebraturi erunt, alta voce proclamant, quod omnes excommunicati Ecclesiam exeant, donec Missa fuerit celebrata. Et quia plerumque Presbyteri & Capellani propter metum proprii corporis, non audent nominatim monere singulariter personas hujusmodi, quod exeant, statui-
mus quod singulis diebus Dominicis & Festivis Presbyteri in suis Ecclesiis excommunicant, & denuntiant omnes & singulos excommunicatos illos *authoritate Synodali*, qui sciunt se esse ligatos sententia excommunicationis, & publice denuntiatis, nisi post monitionem a Presbyteris, & Capellanis ante Missarum solemniam exierint Ecclesiam, Oratorium, vel Capellanas; nec excommunicatos hujusmodi Sacerdotes potestatem habeant absolvendi, sed eos remittant ad suos superiores absolvendos. Si autem tales nec sic Ecclesiam vel Oratorium aut Capellanas exire renuerint, Presbyteri, vel Capellani in eorum præsentia celebrare non præsumant, propter periculum, quod ipsi incurrerent ipso facto, nisi forsan hujusmodi excommunicati ad Ecclesiam confugerint; ut ab inimicis tuerentur, *ut supra dictum est titulo: De Libertate Ecclesiarum.* Sacerdotes autem semel saltem in mense in facie Ecclesiarum suarum publice excommunicant, & excommunicatos denuntiant omnes, qui directe, vel indirecte, clam

Tomus IV. Concil. German.

vel palam, publice vel occulte impediunt & perturbant jurisdictionem Ecclesiasticam, & præcipue Curie Cameracensis, minas inferendo, inhibendo, præcipiendo, bona capiendo, & personas litigantes percutiendo, fratrum, consanguineorum, & amicorum, aut alias vexando, damnificando, factis etiam quæstis fraudulenter, falsis executionibus quoquo modo: intimantes eisdem, quod, nisi resipuerint, Nos contra eos nominatim ad excommunicationis & aggravationis, & interdicti sententias & subtractionem Ecclesiasticorum Sacramentorum procedere nullatenus oitemus.

De denuntiandis excommunicatis.

Item Sacerdotes excommunicant, & excommunicatos denuntiant omnes illos & singulos, cujuscumque sint conditionis, dignitatis, vel status, qui conspirationem faciunt contra suos Prælatos & Presbyteros, & eorum libertates & jura, verbo vel facto publice vel occulte.

Ubi Portitores Litterarum curie capiuntur, detinentur &c. cessetur a Divinis.

Item statuimus, quod ubicumque portitores litterarum nostræ Curie Cameracensis, aut etiam ipsæ litteræ, & insuper ubicumque Clerici tam Beneficiati, quam non Beneficiati, & ubicumque bona Ecclesiastica Clericorum Beneficiatorum violenter capiuntur, & detinentur, & ubicumque captores moram trahunt, tam in locis ubi capiuntur personæ, portitores litterarum, vel bona hujusmodi; quam etiam in locis ubi detinentur seu auferuntur, omnino a Divinis cessetur: nec sine nostra, aut Officialis nostri licentia organa reassumantur ibidem.

Cautela pro salvandis Portitoribus Litterarum Curie.

Item statuimus, ut cum portitor litterarum Curie nostræ ad quemvis executorum ipsarum accedet; si ibidem executor videt periculum imminere, ipsum

M 2

portit-

portitorem non offendant, nec (a) procedat, nec alias revelet, seu revelari faciat parti adversæ: immo si sciat aut credat infidias poni, vel periculum imminere dicto portitori per partem adversam, seu ipse procurator litteras ipsas sibi præsentatas statim sigillet, & tradat sigillatas ipsi portitori, retento dicti mandati in suis tabellis, aut pergameni breviculo, seu tenore, nec mandatum ipsum parti adversæ insinuet, vel insinuari permittat, aut procuret, donec idem portitor poterit per duas vel per tres leucas post sigillationem & traditionem prædictam, esse reversus a dicto loco; alioquin contra facientes ex tunc suspendimus ipso facto.

De numero Citatorum ad Curiam.

Item statuimus, quod nullatenus citatorum curiæ nostræ numerum octo personarum excedat.

De termino Citationis servando.

Item præcipimus omnibus subditis nostris, ne aliquam faciant citationem contra aliquem de mandato Curie Cameracensis, nisi per competentem terminum ante diem citationis, secundum quod distantia locorum requirit.

De Interdicto post proclamationem banni.

Item statuimus, quod ubicumque publice per Dominos temporales, Ballivos, Præpositos, Majores servientes, aut laicalem justitiam eorundem proclamantur, & edicuntur expresse banna & præcepta seu fuerint inhibitiones contra jurisdictionem curiæ nostræ Cameracensis, & possessionem jurisdictionis ejusdem, cesset a Divinis.

Refugium Clericorum executorum tempore interdicti.

Et si Presbyteri pro executionibus mandatorum nostrorum, aut curiæ nostræ Cameracensis, vel pro observatione præsentium statutorum, aut retentione, seu defensione jurium suorum parochialium, nec a laicis minis (b) impetratis vel factis, quod justo metu, qui nunc in constantem virum cadit, perterriti, in propriis Parochiis morari non audeant personæ earundem, volumus, ut apud

Cameracum causâ studiorum, & securitatis; præmissis durantibus, moram faciant, ut Scholares: & si alias non habeant, unde vivant, si in præmissis culpa nec dolus processerit ab eisdem, per Nos, & Archidiaconos de vitâ necessariis providebitur competenter.

De publicandis semel in anno Bullis Bonifacii VIII.

Item inhibemus Sacerdotibus, & aliis Ecclesiariis Prælati, ne mandata Executorum, vel Judicum a Sede Apostolica Deputatorum, nisi prius diligenter viso autentico, etiam de falsitate non suspecto, aliquatenus exequantur citando, vel vocando in his subditos nostros, vel procedendo alias contra eos extra civitatem vel Diocesim Cameracensem, nisi in litteris Domini Papæ, virtute quarum processus tales petuntur fieri, hanc clausulam, *Non obstante tali constitutione*, expresse viderint contineri.

De vitando Clericis foro Dominorum Secularium.

Item præcipimus quod Clerici, sive Religiosi, sive alii fuerint, foro & jurisdictioni, seu cohercitioni Dominorum temporalium nullatenus se supponant, in his specialiter, quæ nos contra ad forum Ecclesiasticum de jure, usu, vel consuetudine pertinere (judicamus) quod si secus fecerint, excommunicamus eosdem.

Impedientes Synodum supponuntur interdicto.

Item statuimus, quod ubicumque malitiose vel violenter impediatur Synodus, seu Capitulum Decanorum, in locis, ubi consueverunt fieri, cesset a Divinis, & impedientes ipso facto excommunicamus.

Citra Mandatum Curie nulla Executio.

Item præcipimus, ut subditi nostri vel alii mandata Curie Remensis sine placito nostro, aut Officialis nostri Cameracensis, aut etiam ipsius consensu, prout in constitutione alias continetur, nullatenus exequantur.

Multa

(a) forte: nec prodar.

(b) forte: intentatis.

Multa non exequuntur.

Item statuimus, quod curati Parochiales ad Decanorum suorum evocationem venire & congregari teneantur sub pœna *decem solidorum*, quam pœnam a non venientibus cæteris de Decanatu Curatis venientibus volumus applicari: præcipientes Decanis, quod ipsi tales ad solvendam dictam pecuniam, si necesse fuerit, per censuram Ecclesiasticam inducant, & compellant.

Si quis Clericus in nostra Diœcesi aliquod crimen commiserit, occasione cujus bona mobilia ipsius Clerici per Nos pro emenda possint aut debeant arrestari, sequestrari, seu etiam confiscari: si laicalis iustitia bona huiusmodi saisverit seu levaverit, nisi ad Nostrum, vel Officialis Nostri, vel Decani, aut Presbyteri loci mandatum; Nobis vel Officiali nostro, Decano prædictis, vel alii ex Nostra vel Officialis Nostri prædicti parte ibidem destinato, hæc nomine Nostro deliberentur integre, ex tunc omnino cessetur a Divinis ibidem. Et quia constet tales ipsa bona contra dictum mandatum in saisina seu sequestratione, aut levata detineri facientes nostram jurisdictionem Ecclesiasticam impedire, ipsos auctoritate *Canonis* excommunicationi decernimus subiacere, & Nos volumus esse excommunicatos, & a Presbyteris in facie Ecclesiarum suarum publicari, a qua excommunicatione nisi per Nos, aut Officiale nostrum non possint absolvi.

Delinquentes Clerici denunciandi.

Præcipitur cuilibet Presbytero, qui sciverit in sua parochia aliquem Clericum tam grave delictum perpetrasse, ut in continenti, quam cito poterit, bona mobilia talis Clerici delinquentis in manu nostra ponat, quodque Nobis, & Officiali nostro, aut Decano loci hæc quam citius poterit, significare non postponat.

De Quæstuariis.

Item præcipimus, quod *Quæstuarii* non permittantur quoquo modo in Ecclesiis vel extra in vicis & plateis prædicare, vel sua negotia exponere, nisi hoc ex nostrarum habeant beneficio litterarum; nec admittantur *Quæstuarii*, qui litteras deferunt a nostra forma communi con-

cessas *Quæstuariis* deviantes. Ipsi autem Presbyteri, vel eorum vices gerentes exponant & promoveant eorum negotia bona fide.

De iisdem.

Item statuimus, quod Decani nostræ Christianitatis *Quæstuariis* litteras ad quæstam faciendam concedere non præsumant, sub pœna suspensionis: quas si concesserint, eas irritas nunciamus.

De iisdem.

Item statuimus, quod Decani, seu Presbyteri curati, vel eorum vices gerentes, futuros proventus eorumdem *Quæstuariorum* in Ecclesiis suis percipiendos emere, vel ad firmam recipere non præsumant.

De iisdem.

Item Quæstores quæstas suas non faciant, nec eas Presbyteri recipiant diebus solemnibus, quibus populus communicare consueverit, videlicet in festo Paschæ, Pentecostes, omnium Sanctorum, Natalis Domini, Dedicationis Ecclesiæ, & Patroni loci.

De iisdem.

Item præcipimus Decanis nostris, ut Quæstores cum litteris nostris, seu Curie nostræ Cameracensis permittant ire libere per suos Decanatus ad quærendum fidelium elemosynas, dum tamen non impediatur Divinum officium per eosdem: alioquin contrarium facientes, graviter puniemus.

De occultantibus Leges & mandata Episcopalia.

Item quicumque Decanorum nostrorum seu Presbyterorum amodo Leges Nobis & Archi-Diacono locorum debitas in suis Decanatibus, seu Parochiis scienter occultaverint, seu fraudem fecerint in eisdem, quominus integre, & legitime persolvantur Nobis, & Archi-Diacono locorum; nisi infra mensem post occultationem & fraudem huiusmodi satisfecerint, seu revelaverint, a Nobis se extunc noverint suspensos.

De non absolvendis excommunicatis a quovis, extra articulum mortis.

Item, ut censura Ecclesiastica magis timeatur, statuimus, ut omnes excommunicati a Nobis, & Officiali nostro pro-

suis absolutionibus obtinendis, ad Nos, vel ad Curiam nostram Cameracensem accedant, aut Procuratorem sufficienter instructum mittant pro potestate absolvendi eosdem; præterquam in mortis articulo; nec a quibuslibet aliis penitus admittentur.

De reviviscentia obligationis excommunicatorum, si in articulo mortis &c.

Item statuimus, ut quicumque excommunicatus a Nobis, aut Officiali nostro absolvatur a suo curato in articulo mortis; si convalescit, nisi infra mensem post convalescentiam Nobis, & parti adversæ satisfaciatur de offensa, in pristinam sententiam noverit se incursum, & Sacerdotes tales denunciarent excommunicatos, secundum quod a partibus adversis fuerint requisiti.

Pena non exequentium Cameracensia vel Bonifacii VIII. mandata.

Item statuimus & præcipimus omnibus Presbyteris, Curatis, & eorum vices gerentibus, ut ipsi omnes & singuli statutum contra impeditores libertatum, seu jurisdictionis Ecclesiasticæ, & præcipue civitatis nostræ Cameracensis tam auctoritate Synodi, quam Provincialis Concilii editum, nec non & Constitutionem felicis recordationis Domini Bonifacii Papæ VIII. quæ sic incipit: *Quoniam, ut intelleximus, quorundam Justitiariorum &c. ut supra*, diebus Dominicis semel in singulo mense, vel saltem sexies in anno, in facie Ecclesiarum eorundem alta & intelligibili voce, coram Clero, & omni populo, in lingua materna publicent & exponant: alioquin ad penam decem Solidorum Turonensium, ad opus nostrum, & Archidiaconi locorum ab ipso deficiente infra annum suo Decano sub pena suspensionis, quam si hoc non impleverint, incurrant ipso facto, solvendorum.

Quo die non facienda Executio.

Item fraudi aliquorum obviare cupientes, prohibemus, ne quis Presbyter, seu executor, mandatum nostrum omni feria sexta ante Pascha, in Vigilia, vel in die Paschæ, in Vigilia & in die Pentecostes, in Vigilia & in die Nativitatis Domini, tunc post præsentatum de excommunicando aliquo aliquatenus exequatur.

Revocatio omnium priorum gratiarum.

Item revocamus omnes gratias, & litteras generales non perpetuatas, cuiuscumque formæ seu tenoris existant, quibuscumque personis, & ex quacunque causa a Nobis, vel Officiali nostro Cameracensi concessas, etiam, quantumcunque in eis contineatur: non obstante revocatione generali, vel speciali auctoritate nostra facienda.

Revocatio commissionum ante Concilium emanatarum.

Item revocamus omnes commissiones Decanis nostræ Christianitatis, & Presbyteris civitatis & Diocesis Cameracensis, & aliis subditis nostris, a nobis cognoscendi de causis matrimonii, & de Sponsalibus matrimonium tangentibus quoquo modo.

Item revocamus omnem potestatem seu licentiam, si quam Nos aut Officialis noster concessimus Justitiariis secularibus quibuscumque laicis, super arrestatione, captione, & detentione Clericorum & Ecclesiasticarum personarum, & bonorum eorundem.

Item Pœnitentiariorum a Nobis seu auctoritate nostra constitutos, & potestatem eis commissam revocamus.

Præsentia autem statuta, præcepta, mandata, & inhibitiones a subditis nostris sub pena viginti solidorum Turonensium, & aliis pœnis ad nostrum arbitrium, aut Officialis Nostri Cameracensis, ad opus nostrum, & Archidiaconi locorum, quotiescumque contra fecerint, præcipimus inviolabiliter observari.

Item præcipimus sub pena viginti solidorum Turonensium, ut omnes Decani Nostri Christianitatis infra mensem, & Presbyter Parochialis infra Nativitatem Domini tunc immediate sequentem, præsentia statuta, præcepta, & inhibitiones habeant, quibus eos ex toto uti volumus, & mandamus sub pœnis antedictis.

Presbyteri Parochiales ad Capitula generalia Decanorum suorum, & ad eorum convocationem veniant, & intersint, & pareant ordinationibus eorundem. Et Decani in singulis Capitulis suis partem de Statutis Synodalibus legi faciant, & sic de Capitulo in Capitulum, donec omnia in anno fuerint plene lecta.

Martene Tom. VII. Collect. ampl. Loc. cit.

CON-

CONCILIUM SALISBURGENSE

Anno Christi MCCC. Bonifacii VIII. Papæ VI.
Alberti Regis II.

*Gerhardus Archi-Episcopus cum Suffraganeis consulunt Papam de
vero sensu Constitutionis : SUPER CATHEDRAM.*

Bonifacius Papa motus multorum querulantium clamoribus pro bono pacis & concordie Cleri ex una, & Fratrum Prædicatorum & Minorum ex altera parte fecit institutionem quandam, quæ incipit: *Super Cathedram.*

Ea constitutio, cum publicaretur per Saltzburgensem Provinciam, & Clerus, & populus eam desideraret in omnibus articulis observare; ipsi Prædicatorum & Minores eam attendere non cu-

rabant. Propter quod Chunradus Saltzburgenfis Archi-Episcopus, HABITO CONSILIO Suffraganeorum suorum, misit Nuntios ad Romanam Curiam, qui tandem a Domino Papa obtinuerunt declarationem ejusdem Constitutionis.

Annales Eberhardi Altabensis, Archi-Diaconi Ratisponensis, apud Henricum Canisium Tom. I. antiq. Lætion. p. 338. Hansiz. Germaniæ Sacrae Tom. II. pag. 439. ex eodem.

Et definivit Papa sequens &c. minime necessariam esse eam iteratam eorundem peccatorum confessionem, licet salubris foret ob erubescientiam.

Demum post multas Theologorum præsertim Launoy, Juenini & Espencii altercationes de vero sensu Canonis: *Omnis utriusque sexus*, Benedictus XIV. Lib. XI. de Synodo Diocesana Cap. XV. hoc sapientissimo effato docet: "Quamvis proprii Sacerdotis, nomine *Parochus*, designetur: Nemo tamen salva fide inficiari potest Summum Pontificem in tota Ecclesia, & Episcopum quemlibet in commissis sibi Diocesi proprium Parochum esse, qui fidelium confessiones excipere, & facultatem illas excipiendi alteri delegare valeat. Eandem esse mentem Ecclesiæ & Cleri Gallicani *Natalis Alexander Dissertat. IV. ad historiam Sæculi XIII.* ostendit.

CONCILIUM MOGUNTINUM

Anno Christi MCCC. Bonifacii VIII. Papæ VII.
Alberti Regis III.

NOS GERARDUS II. DEI GRATIA, SANCTÆ MOGUNTINÆ SEDIS
ARCHI-EPISCOPUS &c.

AD Laudem Dei, animarum salutem, Cleri honestatem, Emendationem & quietem Deo Famulantium, ex officii nostri debito, ampliandam, per communis juris, & æquitatis tramites incedentes, præcipimus & mandamus, in virtute sanctæ obedientiæ, & sub pœna excommunicationis; in omnibus Eccle-

siis civitatis & Diocesis nostræ Mogunt. inter Canonicos, & Confratres, præbendas æqualiter ministrari, damnantes & reprobantes, & de medio Fratrum tol-lentes inæqualitatem & sectionem præbendarum, quas majores & pueriles appellant, quibus sine dubio rixæ, lites, contentiones periculosa, dissensiones, odia,

Gerhardus de Epstein, ex Canonico Moguntino & Archi-Diacono Treverensi creatur a Nicolao IV. Papa Romæ Archi-Episcopus Moguntinus ob schisma electorum anno 1288.: is præter Aschaffenburgensem Synodum Provincialem anni 1292. [de qua *Serarius pag. 848. & Nos eo anno*] hanc Diocesanam celebravit. *Teste MS. Erfordienfi.* Sedit ab A. 1288. ad A. 1304. 25. Februarii, quo obiit, *teste Tritemio.*

odia, & rancores in Ecclesiis, sicut experientia optima rerum magistra nos docuit, oriuntur. Antiqua distributione præbendarum, secundum primariam & iustam institutionem earum, processu temporis per præbendas inibi vacaturas, seu alias habita facilitate, ad æqualitatis compendium proinde revocanda, ut sicut in magnis, ita quoque in minoribus membris suis, firmam Ecclesia teneat unitatem.

II. Inhibemus etiam in Ecclesiis electiones fieri Canonicorum ad Præbendas, vel Canonicatus non vacantes, sub penis, quæ super hoc in FRITISLARIENSI CONCILIO sunt expressæ, decernimus etiam, & pronuntiamus electiones huiusmodi, si quæ temere factæ sunt, aut fuerint, irritas & inanes; Nobis, aut nostris Successoribus tot præbendarum collationes in Ecclesiis reservantes, quotquot in eis electiones huiusmodi sunt, aut fuerint celebratæ: nisi cum aliquibus taliter electis, per Nos, aut nostros Antecessores vel Successores, per virtutem præfati Concilii, propter urgentem necessitatem, & evidentem utilitatem, sit, aut fuerit dispensatum.

III. Cateram; Prædecessorum nostrorum, & nostra statuta vetera renovantes, & deduci volentes in notitiam luculentam, excommunicamus omnes Clericos, Monachos, Canonicos, qui colligationes, seu confederationes ullas fecerint, fidei aut juramenti interpositione, contra sacrorum Canonum instituta, cum ex huiusmodi colligationibus suboriantur discordiæ, quæ bonum obedientiæ destruunt, nervum Ecclesiasticæ disciplinæ dissolvunt, bona Ecclesiarum dissipant, & immensa pericula pariunt animarum, nisi mox ipsi confederantes, sicut de facto se colligarunt, ab invicem se absolvant: pronuntiamus autem & publicamus: neminem ex huiusmodi colligationibus, seu conjurationibus, obligari.

IV. Insuper; strictissime prohibemus: ne aliquis Clericorum, Calices, Libros, Cruces, vestimenta Sacerdotalia, obliget apud Judæos, ne per ipsos in his facta nefaria perpetrentur.

V. Præterea; omnes sententias excommunicationis & interdicti, quas,

anno transacto, in Synodo Moguntina promulgavimus contra Dominum Albertum, Romanorum Regem, suos adjutores, complices, & fautores, Ecclesiæ nostræ Moguntinæ per injuriam in vasores, cum inter Nos, & ipsos sit concordia & compositio amicabilis ordinata, quantum in Nobis est tollimus, & in præsentibus revocamus.

VI. Præterea; processus, & acta judiciorum per nostræ Sedis Judices, vel Archi-Diaconos Ecclesiarum Mogunt. aut Officiales eorum, habitas, & habita in civitate Moguntia, post inhibitionem nostram, quam ipsis direximus: ne aliquam in civitate Moguntina jurisdictionem exercerent, cum adjectione decreti, decernimus & pronuntiamus penitus non tenere.

VII. Insuper, omnes Quæstuarios, & petitiones eorum qualescumque publice lucrativas, quas in Ecclesiis, vel eoram populo solent proponere, suspendimus, propter multas rationabiles causas, donec a Nobis examinentur mature, & nostræ auctoritatis præsidio denuo muniantur.

Datum in Synodo Moguntina; anno Domini MCCCi. VIII. Idus Junii.

Ex codice MS. S. Petri Erfordiensis descripti Cl. Schannatus b. m.

Serarius Moguntiacarum rerum Lib. I. C. XXXIII. non meminit huius Concilii inter annos MCCXCI. quo ponit XVII. Concilium, & MCCCX. quo ponit decimum octavum Concilium Moguntinum.

Schmidius in Dissertatione ad historiam Conciliorum Moguntinæ inter annos MCCLXI. & MCCCX. nil huius meminit Concilii.

§. VIII. In hoc eodem Concilio Moguntino anno MCCCi. Albertum Regem Romanorum ab excommunicatione absolutum fuisse, annotavit Cl. Schannatus: quia ob Adolphum Nassovium anno MCCXCIX. cælum, Albertus excommunicatus fuit. Anno MCCCII. in amicitiam Alberti Regis restitutum fuisse Gerhardum Mogunt. *Scribit Serarius.*

CON-

CONCILIIUM WRATISLAVIENSE

Anno Christi MCCC.V. Clementis V. Papæ I.

Alberti Regis VII.

SUB HENRICO EPISCOPO PRÆSIDENTE.

IN nomine Domini, Amen. Quoniam nonnulli tam Laici, quam Clerici nostræ Dieceſis, timorem Domini non habentes, dum pro aliqua causa legitima, vel eorum culpis exigentibus, per Nos, vel per aliquos alios Judices, excommunicationis sententia innodantur; in excommunicationis ipsius sententia in propriæ salutis dispendium & honoris, interdum per plures annos tam contemptibiliter, quam damnabiliter aut diabolico perseverant: Igitur Nos, Dei gratia, HENRICUS, Episcopus Wratislaviensis, ad morbum curandum hujusmodi attendentes, quia ea vindicta juxta Sanctiones Canonicas, quæ ad correctionem magis valet, magisque timetur, ingeri debeat & infligi; cum Deum placando, & recognoscendo hoc solum bene agitur, ut vita hominum corrigatur; de consilio & consensu nostri Wratislaviensis Capituli, Fratrum nostrorum, quorum nomina inferius annotantur, proinde duximus statuendum:

I. Ut quicumque nostræ Dieceſis homo, sive Laicus, sive Clericus, qualis de cætero per annum in excommunicationis sententia, per quemcunque Judicem Ecclesiasticum in ipsum rite prolata, contumaciter præsumpserit perdurare, laici ipsius bona mobilia, quæ in ipsa Dieceſi obtinet, universa per Principes & Potestates sæculares, ad nostram tamen & Ecclesiæ requisitionem, debeant confiscari.

II. Si autem Clericus excommunicationis sententiam per annum sustinuerit animo pertinaci, fructibus Beneficii, vel Beneficiorum suorum, quos in ipsa Dieceſi nostra habet, per annum eundem, quo in sententia persistit, ipso facto irrecuperabiliter sit privatus. Quos tamen fructus Beneficii, vel Beneficiorum, si consumpserit forsitan illo anno, tunc sequentis anni redditibus omnino careat: quos pro ipsa fabrica Ecclesiæ

nostræ decrevimus collocandos; sola sustentatione duntaxat ipsi Clerico ad nostram, vel Successoris nostri moderationem de ipsis redditibus, sive fructibus reservata atque permissa.

III. Præterea, quia plerique Plebani, & alii Ecclesiarum Parochialium Rectores, processus sive mandata nostra, & nostrorum Officialium, seu Judicum, aut negligenter exequantur, aut exequi omnino differunt, in Nostrum, ac jurisdictionis nostræ non modicum contemptum, ac dispendium eorum, quorum negotia aguntur: & licet contra tales per Constitutiones alias ante sit proviſum: Nos tamen non tam nova condentes, quam vetera recensentes, de consensu nostri Capituli supradicti, statuimus & mandamus, ut omnes & singuli nostræ Dieceſeos Clerici tam religiosi, quam sæculares, Beneficia Ecclesiastica, vel proventus alios Ecclesiasticos in ipsa Dieceſi nostra obtinentes, sive sint Prælati, sive Rectores Ecclesiarum, vel Vicarii, aut quivis alii Clerici constituti in Ecclesiis ^(a) nostræ Dieceſis, quibuscunque, quoties & quando per Nos, aut per alios Judices competentes, quibus obedire de jure teneantur, mandatum aliquod maxime literatorie receperint exequendum; ipsum ea, quæ decet, fidelitate, & reverentia exequantur. Non solum sigilla non executi mandato, sicut plerique consueverunt facere, literis apponendo, sed etiam omnia & singula sine subterfugio, quæ per ipsas inducuntur literas, fideliter & efficaciter adimplendo.

IV. Quicumque vero in hoc aut per negligentiam, vel contemptum repertus fuerit excessisse, sententiam suspensionis ab officio a nullo quam a Nobis, aut Officiali nostro Wratislaviensi, aut Vicario nostro generali, postquam satisfecerit, relaxandam, & pœnam nihilominus trium marcarum usualis argenti ipsum incur-

(a) lege: nostræ.

N

incurrere volumus ipso facto: cujus quidem pœnæ seu pecuniæ dimidietas fabricæ Cathedralis Ecclesiæ nostræ cedat, & alia dimedietas Judici, cujus mandatum contemptum fuerit seu neglectum.

Præcipimus itaque Judicibus universis sub pœna suspensionis ab officio firmiter injungentes, ut prædictam pœnam a delinquentibus exigant, & eam sine Nostra, & Successorum nostrorum licentia non relaxent.

V. Caterum sunt nonnulli nostræ Diœceseos Clerici, qui solum respicientes præsentia, sed quod in futurum emineat (a) nil penitentes, tantis debitis se onerant, quod Beneficiorum, Ecclesiarumque redditus, quos habent, interdum non sufficiant ad debita solvendum: sicque contingit, ut successores eorum in eodem Beneficio indebito modo graventur.

Igitur Nos volentes super ea salubriter providere de consensu Fratrum nostrorum præsentium SYNODALI statuto firmiter prohibemus, ne quisquam de cætero alicui Clerico Diœcesis nostræ cujusque conditionis aut status existat, quidquam credere vel mutuare præsumat, ultra quam beneficii vel beneficiorum, quæ obtinet, valor fructuum extendat illorum; quæ per mortem ipsi Clerico per annum debeant deservire. Quicumque vero in contrarium fecerit, amplius credendo vel mutuando Clerico,

(a) forte: immineat.

(b) forte: præsentibus Nobis nostræ Diœcesanæ Synodo.

illud perdat, & creditori contra suum successorem debitorum actio sit negata.

VI. Ne vero prætextu ignorantie in præmissis se valeant excusare, præcipimus sub pœna suspensionis ab officio, & nihilominus Synodali, ut unusquisque Archi-Diaconus copiam præsentium a Curia nostra recipiat, & eandem Archi-Presbyteris suis tradat; per ipsos postmodum Archi-Presbyteros aliis Ecclesiarum Rectoribus sibi subditis infra unum mensem a dato præsentium assignandam: ita quod quilibet Rector Ecclesiæ seu Plebanus Constitutiones eadem in Ecclesia sua habeat applicatas patriæ & affixas, pro facienda etiam copia eorum nullum pretium penitus exigatur. Anno Domini *Millesimo trecentesimo quinto*, XIII. Kal. Decembris, præsentibus [b] Nobis, nostra Diœcesana Synodo, nostræ Ecclesiæ Cathedralis Clero, de tota Diœcesi convocato, præsens Constitutio est solemniter publicata. Præsentibus & expresse consentientibus his nostris Fratribus: Domino Magistro Jacobo Præposito, Domino Cantore Vito, Domino Walbone Scholastico, Arnolde Lignicensi, & Joanne Oppolensi Archi-Diaconis: Nicolao Præposito Sanctæ Crucis: Magistro Paulo, Henrico albo, Nicolao Bamchzkonis; Canonicis Ecclesiæ Wratislaviensis, & aliis multis. Amen.

Lunig. Continuatio II. Spicilegii Ecclesiastici pag. 1176. 1177.

CONCILIIUM MONASTERIENSE

SUB OTTONE EPISCOPO.

Anno Christi MCCCVI. Clementis V. Papæ II.
Alberti Regis VIII.

SUMMA. Otto Episcopus Cleri sibi rebelles vitia perstringit, & multa sanxit pro Cleri disciplina.

OTTO, Episcopus Monasteriensis, Sacerdotium Clerico suo a Canonicis Principis Ecclesiæ Monasteriensis petebat. Id illi precibus Episcopi denegarunt, & dederunt Proconsulis Rickii filio, juveni indigno.

Obstitit Episcopus, qua opportuni-

tate Canonici tanquam filii civium contemnerentur ab Episcopo, Magistratum & Cives contra eum concitant.

Episcopus nihil veritus perduelles Synodum Cleri cogit, in qua multa Cleri vitia perstringit, multa sanxit adversus eos, qui aut per corruptelas ingressi essent

essent Sacerdotium, aut plura præter unum possiderent.

His Statutis magis offensi Episcopatum Ottoni derogare, & Conradum Comitem de Monte eligere attentant.

Otto appellat ad Henricum Virmen-burgicum Coloniensem Metropolitam suum: at hic potius causam Conradi perperam electi, quam Ottonis injustissime depositi, fovere videbatur. *Levoldo teste.*

Igitur Otto ad Clementem Pontificem in Gallis morantem appellat, qui Ottonem auditum coram Cardinalibus innoxium pronuntiat: Canonicis imperat Episcopi sui receptionem sub gravibus pœnis. Qui tum Legatis missis Ottonem revocant, Otto moritur MCCCVIII.

Schatenus Tomo II. Annal. Paderbornæ Lib. XII. pag. 303. 304.

CONCILIIUM COLONIENSE

Anno Christi MCCCVI. Clementis V. Papæ II.
Alberti Regis VIII.

SUB HENRICO VIRMENBURGICO ARCHI-EPISCOPO.

CAPITULA XV.

Capitula seu Rubricæ Statutorum Ecclesiæ Coloniensis, editorum à bonæ memoriæ Domino HENRICO, Archi-Episcopo Coloniensi.

SUMMA CAPITULORUM.

Cap. I. Contra Beggardos vel Beggardas, Apostolorum nomine se vulgo insinuantes, novamque sub umbra paupertatis religionem simulantes, contraque illorum errores.

II. De instantia hæreticorum supradictorum, quæ posset fieri.

III. Contra hæreticos utriusque sexus.

IV. Contra publicos usurarios.

V. Contra illos, qui faciunt statuta in præjudicium Ecclesiasticæ libertatis, & Episcopalis jurisdictionis.

VI. Contra perturbatores jurisdictionis Officialis nostri, & aliorum Officialium, jurisdictionem habentium.

VII. Contra Prælatos usurpantes sibi jurisdictionem Episcopalem.

VIII. Quod bona Prælatorum, & maxime Archi-Episcoporum, & Episcoporum;

cedunt post mortem ipsorum, successoribus eorumdem.

IX. Contra falsarios litterarum.

X. Ne alienus seu ignotus permittatur celebrare in Ecclesiis.

XI. Quod pro clandestino matrimonio excommunicatos nullus absolvere habet, nisi Officialis Coloniensis.

XII. Contra illos, qui temere absolvunt excommunicatos ab Episcopo, seu ejus Officiali, & qui adulterant litteras aut monetam.

XIII. Contra illos, qui truncos erigunt in plateis, & oblationes tollunt.

XIV. Ne quis inducat alium ad sepulturam eligendam extra suam Ecclesiam Pavorchalem.

XV. Quod Clerici vel Religiosi non debent coram Judice seculari in causam trahi, nec eorum bona judicio seculari arrestandi.

IN

Celebratum fuit hoc Concilium anno primo Archi-Episcopatus sui, Dominica *Invocavit*: Meminit ejus *Schatenus* in *Annal. Paderbornæ* ad b. a. pag. 203. & Provincialium Episcoporum Synodum in Quadragesima habitam scribit. Ejus nec *Binius*, nec cæteri Synodographi meminerunt, etsi jam anno 1554. typo Coloniensi impressum extaret.

Tomus IV. Concil. German.

N 2

IN NOMINE SANCTÆ ET INDIVIDUÆ TRINITATIS, id est, PATRIS,
ET FILII, ET SPIRITUS SANCTI. AMEN.

HENRICUS, DEI GRATIA, SANCTÆ COLONIENSIS ECCLESIAE
ARCHI EPISCOPUS, SACRI IMPERII PER ITALIAM ARCHI-CANCELLARIUS,
UNIVERSIS ECCLESiarUM PRÆLATIS, RECTORIBUS, CLERICIS, ET
CHRISTI-FIDELIBUS SALUTEM IN DOMINO SEMPERITERNAM.

Quoniam humana natura longe pri-
oribus plus solito temporibus la-
bitur ad delicta, & humana cupi-
ditas litium mater, & pacis æmula, dis-
cordias & dissensiones adinvenit, quibus
humana quies, Ecclesiarum & Clerico-
rum libertas opprimuntur: Nos per-
versorum actibus finem, quo possumus
remedio, prospicere cupientes, ad ho-
norem Dei, Sanctæ Matris Romanæ
Ecclesiæ, nec non Coloniensis & Filia-
rum ejus, pro ipsarum pace, & salubri
statu, & libertate servanda, Prædecesso-
rum nostrorum Statuta ordinaria confir-
mamus, & de consilio & assensu Ca-
pituli nostri, & Prælatorum Coloniën-
sium infra scripta.

I. *Contra Beggardos & Beggardas, Aposto-
lorum nomine se vulgo insinuantes, novamque
sub umbra paupertatis religionem simu-
lantes, contraque illorum errores.*

Licet Patres consulta prohibitione
statuerunt, (*) ne quis novam, reli-
gionem fingeret, vel habitum novæ re-
ligionis, quam Sedis Apostolicæ aucto-
ritas non firmasset, sibi propria temerita-
te assumeret: sed si frugem vitæ melioris
concupisceret, unam sibi assumeret de
religionibus approbatis: quidem tamen
(nescientes uti concessis) laici mares &
fœminæ idiotæ prorsus, ad illicita fre-
nâ laxantes, supersticiosi adinventioni-
bus satagunt invenire novos ritus, &
habitus sive mores, in discrimen multo-
rum, cum scandalum, & discordiam
plerumque pariant novitates: novum-
que vivendi modum & habitum sub pau-
pertatis umbra tenentes Beggardi & Beggar-
dæ, & Apostoli videlicet vulgariter appella-
ti, contra sanctorum Patrum & Sedis
Apostolicæ sanctiones, quantum publi-
cum (a) via prohibita vendicantes, vi-
etualia manibus quarere, prout consue-
verant, non curando, in religionum
(qui in sanctæ religionis habitu, per sa-

crofanctam Romanam Ecclesiam appro-
batæ, Domino famulantur, per quo-
rum studium vinea Domini culta, cen-
tuplicatos crescit in fructus) discrimen
Christianæ religionis & orthodoxæ fidei
detrimentum: nonne, qui contra sancto-
rum Patrum edicta & Sedis Apostolicæ
sanctiones moluntur taliter, de hæresi
suspectos notorii sceleris eorum præsum-
ptuosa temeritas notat? Qui (b) more
hostis, a quoque, se in lucis Angelum
transformantis, multorum animas de-
cipiunt, & seducunt, cum elemosyna
talibus in charitate non existentibus, quos
Canonum censura excommunicationis
pœna ipso facto percussit, facta sit vacua
& vana. Et non obstante, quod verbum
Dominicum ad primum hominem est
translatum: In (c) sudore vultus tui vesceris
pane tuo: Quod ad fortes & sui com-
potes moraliter intelligitur esse dictum:
& tales in ocio victum vendicantes,
elemosynas rapiunt, quæ infirmis &
debilibus fuerant pauperibus ministran-
dæ. Immo scriptum est: *Sudet (d) ele-
mosyna in manu tua, donec reperias justum,
cui des eam.* Sed forte tales asserunt se
esse justos. Sed respondeant, cujus tes-
timonio & judicio eorum est iustitia
comprobata? Non Ecclesiæ, in Christo
Dei, Apostolorum & Sanctorum san-
guine dedicatæ: in cujus scandalum, in-
firmorumque & debilium pauperum de-
trimentum, sub paupertatis umbra no-
vum vivendi ritum & habitum invene-
runt: in quam judicandi & discernendi
inter justum & impium auctoritas, in
Petri persona est translata: cui dicitur,
*Quodcumque (e) ligaveris & solveris super
terram, erit solutum, & ligatum in cælis,*
quasi dicens: quem justificaveris, ap-
probamus: & quemcumque damnaveris
impium reprobamus. Cesset ergo ho-
rum vana religio, & celeri conversione
judicio Ecclesiæ se submittant. Vere hi
Canonum contemptores, in Spiritum San-

(*) Concilium Lateranense IV. anno 1215. Cap. 13. sub Innocentio III.

(a) eis prohibitum.

(b) II. Cor. XI.

(c) Genesis III, 18.

(d) Ecclef. XXIX, 11, 15, 16.

(e) Matt. XVI, 19.

Sanctum, a quo formam Christiana religio & vivendi sumpsit exordium, graviter delinquere comprobantur; cum videlicet Spiritus Sancti instinctu, per ora sanctorum Præfulum sacri sint Canones instituti. Hi sunt *hypocritæ tristes*, a quibus in Evangelio dicitur esse cavendum, qui (f) facies suas exterminant, ut appareant hominibus jejunautes. Hi (g) sunt fontes sine aqua, & nebulae turbinibus agitatae, quibus umbra mortis & caligo tenebrarum, juxta verbum veritatis prolarum Apostolicæ vocis oraculo, reservatur: Quorum aliqui a veritatis & fidei orthodoxæ comperti sunt tramite deviare & errores & zizania seminare. Quos ut omitamus eorumdem errores aliquos (h) scripti præsentis testimonio ad futurorum memoriam publicamus. Mendaciter enim & falso dicunt: Qui non sequitur me, non potest salvari, quia non soleo peccare: Si ex hoc Divinitati similes se mentiando, more satanæ, qui (i) superbia propria corrui de cælo prostratus, cum potius tales sub peccatorum labe marcescant: Qui montem (id est) Christum ineffabilem sapientiam, tangere, id est, erroribus lacere, a quo lapidabuntur, id est, hic & in futuro, ignis incendio cremabuntur, & irritare intrepide præsumperunt. Ajunt etiam: Nisi mulier virginitatem in matrimonio deperditam doleat, & dolendo deploret, salvari non potest: quasi matrimonium sit peccatum, cum tamen ipsum ante peccatum in loco sancto, a Sanctorum Sanctissimo fuerit institutum: (k) quæ virginitas in fœtum sobolis compensatur, per quam humana natura (l) stabilitate perdurat: quam assumere ipse dignando, paulominus ab Angelis minoratus, creaturis cæteris prædotavit. Item ore prophano, lingua super terram corrente, blasphemant Deum fore in quadam perditione, qui tam pie, quam misericorditer, ut nos redimeret, voluit incarnari, cum Divina natura peccati & corruptio-

nis nescia, passa diminutionem; seu alterationem non fuerit, sed illibata persistens, una in duabus naturis substantia, accepit ipse de nostro, ut Divinitatis ejus participes fieremus. Horum etiam aliqui contra Regem & Prophetas erroribus insultantes, dicunt: quod quilibet habens uxorem legitimam, causâ sequendi Deum propria voluntate, eam, invita ea, possit dimittere, contra Sanctorum Patrum decreta, & doctrinam Apostoli, prohibentis [m] ab invito uxorem viro, & virum ab uxore sine causâ dimitti. Et scriptum est: Quod ergo [n] Deus conjunxit, homo non separet. Ex quo ostenditur, fore (o) indissolubile sine causâ matrimonii Sacramentum: per quam auctoritatem Divinam, Ecclesiæ Primaribus (quorum est in talibus judicium expectandum) sine causâ dissolutio hujusmodi est interdicta: quanto magis subditis simplicibus, quorum non est judicare, sed potius judicari?

II. De Instantia hæreticorum supradictorum, quæ possit fieri.

Sed forte dicunt: Qui (p) Spiritu Dei aguntur, non sunt sub lege. At respondere, quomodo Spiritu Dei agantur, qui contra Spiritum Dei agunt, prohibentis virum ab uxore, & e converso sine causâ dimitti, judicio Ecclesiæ approbata, ut superius est probatum? Verum dicunt, quod hoc eis cælitus sit revelatum: sed, quomodo sciunt, quod hæc revelatio sit cælestis, cum satan (q) in lucis Angelum se transformet? sed forte instabunt, quia scriptum est, Lex (r) non est imposita justo, justos se esse, & sine peccato, jactantes. At erubescant profecto impii, attendentes Apostolum Paulum egregium Ecclesiæ Doctorem, Electionis vas, Spiritu Sancto plenum, qui ait: Nihil (s) mihi conscius sum, sed non in hoc justificatus sum, & alibi beatissimus Joannes: Si (t) enim dixerimus, quod peccatum non habemus,

N 3

(f) Matt. VI.

(g) Judæ I.

(h) Errores octo capitales Beguardorum, & Beguinarum hæreticorum Alemanniæ condemnat sigillatim Clemens V. in Concilio generali Viennensi anno 1311. Lib. V. Clementinarum Tit. III. Cap. III. Ad nostrum. Tritemius octo eorum errores recitat in Chronico Hirsaugiensi ad annum 1311.

(i) Esai. XIV.

(k) forte: & ipsa.

(m) I. Cor. VII.

(n) Matt. XIX.

(p) Rom. VIII. Gal. V.

(q) II. Cor. XI.

(r) I. Cor. IV.

(s) I. Joan. I.

(l) stabiliter.

(o) indivisibile.

(p) I. Tim. I.

hemus, nos ipsi decipimus. Et sanctus Job, de se ipso loquens, inquit: *Si (u) simplex* (id est iustus) *hoc ipsum ignorabit anima mea.* Hi sunt hæretici, qui sædus Christianæ Religionis dissolvere moluntur. Item dicunt fallaciter mentientes, *simplicem fornicationem non esse peccatum*, cum tamen inter decem Præcepta, Dei digito designata, Mosi a Deo tradita in montis excelso, expresse fornicatio fuerit interdicta: & qui fornicari (*) prohibuit, inter simplicem fornicationem & aliam non distinxit. Hanc etiam Sanctorum (y) Regulæ & Canones interdiciunt, & simpliciter prohibita, quia mala, generaliter vetita comprobantur: & quod non est Sanctorum decreto sancitum, sed potius interdictum, non est superstitionis, contrariis, falsis adinventionibus præsumendum. Quos errores præsentibus refutamus, talesque excommunicatos & hæreticos iudicamus, & nisi celeriter & publice resipiscant, sæculari iudicio comprimendos. Et quod amaricata mente ferimus, eorum aliqui laici ac literas nescientes, Prædicatoribus & Minoribus in sermonibus eorum, & prædicationibus publicis, quibus in agro Theologica sapientiæ continue laborantibus, prædicationis verbum per sacrosanctam Ecclesiam est commissum (z) Dei, & Fidei secreta luceant, non sine vehementi suspitione pravitate hæreticæ, publice resisterent in fidelium injuriam, & sanctæ Ecclesiæ, errorum & cæcitate caliginem in veritatis lucem spargentes, temere insultant. Quorum insolentis & pestiferis actionibus, quo possumus remedio, disponimus contraire, ne per taciturnitatem, eorum consentire delictis, & per impunitatem eos fovere damnabiliter censeamus: Eos igitur omnes & singulos præsentibus requirimus & monemus, quatenus intra unius mensis spatium, habitu huiusmodi assumpto dimisso, resumptoque priori, ad genus vivendi pristinum revertantur, manibus vitæ necessaria iustis (ut solebant) laboribus acquirentes. Alioqui ipsos omnes & singulos eis & eorum cuilibet dicto mense pro Canonica monitione, & termino peremptorio corrente, in his scriptis excommunicamus, & a gremio Ma-

tris Ecclesiæ separamus, nisi medio tempore coram nobis causam rationabilem ostenderint, quare id facere minime teneantur. Quod si excommunicationis sententiam per alios quindecim dies immediate sequentes animo sustinuerint indurato, contra ipsos tanquam de hæresi suspectos, spiritualiter & temporaliter procedemus: sub simili pœna mandantes, & districte præcipientes omnibus & singulis Prælatiis, Ecclesiarum Rectoribus, eorumque Vicariis nostræ civitatis & Diocesis, quatenus ipsos Beggardos & Beggardas, ac qui se Apostolos appellant, in suis Ecclesiis excommunicatos, extunc publice denuntient tam diu, donec suum recognoscunt excessum, ad gremium sanctæ Matris Ecclesiæ revertantur, & DEO, Nobis, & Ecclesiæ condigna satisfactione impensa, a Nobis mereantur absolutionis beneficium obtineri.

III. *Contra hæreticos utriusque sexus.*

Quia vero plus solet timeri, quod specialiter interdicitur, quam quod generaliter imperatur: excommunicamus & anathematizamus omnes hæreticos utriusque sexus, & qui eis dederint consilium, auxilium vel favorem, publice vel occulte, vel qui aliter de fide, articulis fidei, Ecclesiasticis Sacramentis & Matrimonio, sentire, prædicare, vel docere præsumpserint, quam servat, docet, & prædicat sacrosancta Romana Ecclesia, Mater omnium Fidelium & Magistra.

IV. *Contra publicos usurarios.*

Sed & omnes usurarios, usuras publice exercentes requirimus & monemus, quatenus suæ salutis prospicientes, deinceps ab usurarum actione, quæ animas devorant, & aliorum exhauriunt facultates, prorsus absteineant. Requiritur insuper omnes Scabinos oppidorum & locorum quorumlibet, ut tales, nisi resipiscant, ab eorum consortio & cohabitatione repellant. Alioquin contra ipsos ad executionem & observationem penarum infligatarum eis a jure, prout iustum fuerit, procedemus.

V.

(u) Job. IX.

(x) Deut. XXIII.

(y) Act. XV. 29.

(z) Innocentii III. & Honorii III. iussu, & Friderici II. Augusti Constitutione anni 1220. Prædicatorum & Minorum contra hæreticos deputati commendantur. *Tom. III. Concil. German. pag. 507.*

V. *Contra illos, qui faciunt statuta in præjudicium Ecclesiasticæ libertatis, & Episcopalis jurisdictionis.*

Omnes item illos, qui statuta ediderint vel servaverint facta in præjudicium Ecclesiasticæ libertatis & nostræ jurisdictionis, nisi infra mensem ea revocaverint cum effectu, quos Canonum censura extunc decrevit, excommunicatione nodatos [a], quæ statuta Nos nihilominus ordinaria auctoritate cassamus, & irritamus, immo cassa & irrita nunciamus. Et nisi intra mensem, a lapsu mensis prædicti numerandum, ea prout de facto fecerunt, maturiori consilio student revocare, eos (Canonica monitione præmissa) excommunicamus, & in his scriptis statuimus excommunicationis sententiæ subiacere. Talesque præcipimus per Ecclesiarum Rectores singulis diebus Dominicis & Festivis excommunicatos publice nunciari. Quod si in his exequendis iidem rectores negligentes fuerint, ipsos (trium dierum Canonica monitione præmissa) in his scriptis excommunicamus. Quam si animo indurato sustinuerint, contra eos ad privationem beneficiorum, prout eorum rebelliois exegerit qualitas, procedemus.

VI. *Contra perturbatores jurisdictionis Officialis nostri, & aliorum Officialium jurisdictionem habentium.*

Item omnes illos, qui in consistorio nostro vel alias, dum Officialis noster, vel alii Officialis jurisdictionem habentes, præfuderint pro iustitia reddenda, cujuscunque fuerint conditionis aut status, in Clericos, Advocatos, Notarios, Procuratores & Officiarios dictæ Curie nostræ, & alios, manus injecerint temere violentas: quique ad hoc eis dederint publice vel occulte auxilium, consilium, vel favorem, quos Canonica monitione præmissa in his scriptis excommunicationis sententiæ decernimus subiacere: & nisi intra triduum condignam præstiterint emendam, per locorum Rectores (unde fuerint taliter excedentes) ad denuntiationem Officialis nostri & aliorum, in eorum Parochiis cessetur a Divinis, usquequo fuerit satisfactum, nisi super cessatione cum eis fuerit dispensatum.

(a) excommunicatos declaramus.

VII. *Contra Prælatos usurpantes sibi Jurisdictionem Episcopalem.*

Monemus item omnes & singulos jurisdictionem habentes & non habentes, specialiter Decanum Tremoniensem, in Wittene, in Hagene, & in Essende Christianitatum Decanos de causis ad Nos & Consistorium nostrum de jure vel consuetudine spectantibus maxime matrimonialibus, & aliis quibuscunque causæ cognitionem exigentibus præterquam in Synodalibus, (b) quocunque modo, causa, vel colore quæsito, se intromittant, disponant, vel cognoscant, vel audiant: sed ad Nos & Officialis nostri sine difficultate remittant examen, sine Canonico decidendas.

Qui vero contra fecerint, in nostram jurisdictionem falcem mittendo, ipso facto excommunicationis sententiæ statuimus subiacere, ipsorum sententias, & processus super eis latos, & habitos, nihilominus cassamus, & irritamus, cassos & irritos præsentibus nuntiamus. Contra quos solerter invigilabimus, ut tales pœna canonica castigemus.

VIII. *Quod bona Prælatorum, & maxime Archi-Episcoporum, & Episcoporum, cedunt post mortem suis Successoribus.*

Cum autem nulli sanæ mentis in dubium veniat, quin bona mobilia & immobilia, a Prælati quocunque titulo conquesta, & ad eos, dum viverent, pertinentia, post eorum obitum, apud quoscunque fuerint deposita, credita, commodata, debita, vel mutuata Clericis, Religiosis pariter & laicis utriusque sexus, ad eorum Ecclesias libere revertantur, ad ipsas quoque pertineant, cum nullus sit, nec a jure hæres proximior censeatur, quam qui cum Domino per honorum fastigia copulatur. Et nuper ad nostram notitiam pervenit, quod nonnulli Clerici & Religiosi & laici utriusque sexus bona Prædecessorum nostrorum, & maxime bonæ memoriæ Domini WICHOLDI Prædecessoris nostri, in auro, & argento, in vasis scyphis aureis, & argenteis, gemmis preciosis, annulis, pannis aureis, libris pagamentis, & diversis pecuniarum summis consistentia (quæ

(b) adde: ut ne.

(quæ reliquerunt, Ecclesiæ Coloniensi, & Nobis de jure competunt, nec possunt per alios sine animarum periculo detineri) deposita, credita, commodata, mutuata, pignoriata, debita hucusque detinere damnaviliter præsumpserunt, & adhuc detinent, Nobis & Ecclesiæ restitutione & plenaria satisfactione non facta, in ipsorum periculum animarum, & scandalum plurimorum. Nos igitur volentes (ut juramento tenemur adstricti) alienata, distracta, & male detenta, Nostra & Ecclesiæ nostræ bona, ad jus possessionis, & proprietatis antiquæ omni studio & remedio, quo possumus, revocare, omnes & singulos Clericos prædictos, Religiosos, & laicos irritisque sexus, qui bona Prædecessorum nostrorum, & præcipue Domini WICHBOLDI, ab eis dimissa, seu penes eos deposita, commodata, tradita, mutuata, pignoriata, vel alias quocunque alio titulo vel causa, modo penes eos existentia, habent, possident, vel detinent, sub quocunque prætextu vel colore, in quibuscunque rebus consistant, auro, argento, vasis, annulis, parvis aureis, libris, pecuniarum summis, privilegiis, litteris, & instrumentis, vel aliis rebus & bonis, ad Nos & Ecclesiam nostram spectantibus, præsentibus requiramus & monemus primo, secundo, & tertio, ut ipsa bona intra XXX. dies Nobis, & Ecclesiæ nostræ Coloniensi restituant & assignent. Scientes vero habentes, tenentes, & possidentes bona hujusmodi, intra idem tempus revelent Nobis, & F. Johanni Penitentiario nostro publice vel occulte. Alioqui dictis triginta diebus, eis & eorum cuilibet pro canonica monitione & termino peremptorio currentibus, ipsos & eorum quemlibet in his scriptis excommunicamus, & a gremio Sanctæ Matris Ecclesiæ separamus, & sub excommunicationis pœna latæ sententiæ in his scriptis injungimus, & districte præcipimus omnibus Prælati, Ecclesiarum Rectoribus, eorumque Vicariis, quatenus singulis diebus Dominicis & Festivis prædictos excommunicatos in genere, & quorum nomina sciri poterunt, nominatim, excommunicatos publice coram fidei populo, accensis & extrinsecis candelis, campanis pulsatis, intra Missarum solennia

denuntiare procurent. Alioqui negligentes & contemnentes, excommunicationis sententiæ decernimus subjacere: volentes & districte præcipientes, quod hujusmodi nostram requisitionem & monitionem, solenniter publicent, singulis diebus Dominicis & Festivis intra mensem, ne quis ignorantiam de cætero prætereundum valeat in hoc casu.

IX. *Contra falsarios Literarum?*

Falsarios item Literarum, & Sedis Apostolicæ instrumentorum, nostrorumque Prædecessorum, & Ecclesiæ nostræ, & sigillorum ipsis literis appensorum, in his scriptis excommunicationis vinculo innodamus, a qua præterquam a Nobis, seu in mortis articulo tales nolumus liberari.

X. *Ne alienus seu ignotus permittatur celebrare in Ecclesiis.*

Cum item a jure sit penitus interdictum, ne quis ad celebrandum plebibus seu in Capellis permitti debeat, nisi de ipsius Ordinatione canonica, maxime Sacerdotio, constiterit, & nisi constet eum rite secundum claves Ecclesiæ ordinatum, cum multi (licet ordinari prius non fuerint, vel per saltum) se rite asserunt ordinatos in periculum animarum: Monemus universos, & singulos Prælatos, Ecclesiarum Rectores, eorumque Vicarios, eis & eorum cuilibet districte mandantes, quatenus nullum, cujuscunque fuerit conditionis & status Clericum, Beneficium Ecclesiasticum in nostra Civitate & Diocesi non habentem, ad celebrandum in ordine vel ordinibus aliquibus, in eorum Ecclesiis, seu Capellis, seu altaribus permittant: nisi prius de sua canonica ordinatione, coram Nobis, aut Officiali nostro docuerit, & super hoc a Nobis per litteras licentiam habuerit specialem. Contrafacientes vero, statuendo decernimus, propter hoc excommunicationis sententiæ subjacere.

XI. *Quod pro clandestino matrimonio excommunicator nullus habet absolvere, nisi Officialis Coloniensis.*

Licet etiam hæcenus, Sacerdotibus ruralibus & Decanis, ne excommunicatos pro matrimoniis clandestine tractis,

tractis, aut contrahendis, absolvent, & reconciliarent, fuerit interdictum: quidam tamen (ut ad nostram audientiam frequens sæpè querela deduxit) tales absolvere de facto, quamvis de jure non possent, contra vetitum præsumpserunt. Nos vero hoc innovare volentes districtius inhibemus, ne tales absolvere vel reconciliare præsumant. Contra facientes, excommunicationis ipso facto sententiæ decernimus subjacere. Et nihilominus hujusmodi absolutionem decernimus non valere, quas absolutiones & reconciliações soli Officiali nostro præsentibus reservamus.

XII. *Contra illos, qui temere absolvent excommunicatos ab Episcopo seu Officiali, & qui adulterant literas aut monetam.*

Cùm autem minor in majorem non habeat potestatem, districtius inhibemus omnibus nostris subditis, cujuscunque præminentiæ, ordinis, conditionis vel status fuerint, ne excommunicatos, suspensos, vel interdictos a Nobis, seu Officiali nostro absolvere vel reconciliare, publice vel occulte præsumant, seu excommunicatorum nomina de literis nostris & Curia nostra radere, tollere, vel suppressere, vel delere, vel monetam nostram præscidere, falsificare, ponderare, vel diminuerè præsumant. Contra facientes, taliter absolvendo ligatos, excommunicationi ipso facto decernimus subjacere. Ipsosque radores, nominum excommunicatorum, vel suppressores, tanquam falsarios volumus judicari: præcipientes, statuta nostra omnia & singula sub pœnis in eis contentis inviolabiliter observari. Et ne possent ignorantia quoquomodo præterdi, præcipimus omnibus & singulis Prælatiis, Rectoribus Ecclesiarum, eorumque Vicariis, quod copiam in scriptis recipere, & habere intra mensem a data præsentium sub pœna simili teneantur.

XIII. *Contra illos, qui truncos erigunt in plateis, & oblationes tollunt.*

Item cum ex usurpatione quadam per aliquorum laicorum insolentias sit inductum, quod trunci lignei eriguntur in plateis publicis & locis aliis, ad recipiendum ibidem elemosynas fidelium

(cum ex reverentia Sanctorum, in Ecclesiis, altaribus, & aliis locis Deo sacratis, oblationes sint, & munera offerenda) & nihilominus oblationes in hujusmodi truncis repositas, & legata facta Ecclesiis, Plebanis, & Rectoribus Ecclesiarum inficiis, pro sua distribuunt voluntate, cum ad ipsos Rectores prædictorum distributio & ordinatio, & non ad ipsos laicos de jure pertinere noscatur, id de cætero fieri prohibemus. Contrarium facientes excommunicationis sententiæ ipso facto decernimus subjacere.

XIV. *Ne quis inducat aliam ad sepulturam eligendam extra suam Ecclesiam Parochialem.*

Prohibemus item districtè sub excommunicationis pœna latæ sententiæ in his scriptis, ne quis cujuscunque status, ordinis, sive conditionis existat, aliquem inducat, cogat, vel seducat, ut alibi, quam in propria Parochia eligat sepulturam, nisi sponte, & ultroneus a se ipso alibi duxerit eligendum.

XV. *Quod Clerici vel Religiosi non debent coram Judice sæculari in causam trahi, nec eorum bona judicio sæculari arrestari.*

Quum item Clerici & Religiosi coram judicio sæculari non debeant in causam trahi, suo vel Ecclesiæ, vel alicujus alterius nomine, aut bona eorum sæculari judicio arrestari, nec a laicis contra eos dictari sententia: idcirco hæc fieri sub interminatione excommunicationis (quam ferimus in his scriptis) firmiter prohibentes, & Prædecessorum nostrorum statuta in hoc casu edita innovantes, statuimus, ut si laicus Clericum, aut Religiosum ad forum traxerit sæculare, vel bona Ecclesiarum, vel Ecclesiasticarum personarum, sive religiosarum, ad ipsos communiter vel divisim spectantia, judicio sæculari arrestaverit, seu procuraverit arrestari, idem laicus omnino cadat a causa: & nihilominus per Ordinarium ipsius excommunicatus nuntietur publice usque ad satisfactionem condignam. Præterea Judex sæcularis & Scabini loci, in quo hoc contigerit, per Ordinarium ipsius loci moneantur, ut de talibus se nullatenus in-

tromittant, penitus desistendo & revocando intra triduum, si in aliquo, occasione hujusmodi in præjudicium ipsius Clerici vel Religionis est processum. Alioqui ipsi Judices & Scabini per Ordinarium eundem sine dilatione qualibet excommunicentur, & excommunicati publice usque ad satisfactionem condignam nuntientur. In qua excommunicatione, si per quindenam perduraverint, locus ille extunc sit Ecclesiastico suppositus interdicto: quod non relaxe-

tur, nisi prius sit sufficienter satisfactum passo injuriam & Nobis, ac Ecclesiæ: & judicatum, si quod factum est contra ipsum Clericum aut Religiosum, & si quod aliud est subsecutum, sit penitus revocatum. Lectæ & publicatæ sunt hæc Constitutiones Feria secunda post Dominicam INPOCAVIT, Anno Domini Millefino trecentesimo sexto.

Ex editione Statutorum Colonienſis Quenteliana an. 1554.

Meminerit Lector cordatus, exemplar manuscriptum Bibliothecæ, seu Archivi Archiepiscopatus Colonienſis, quod hac in editione uſui nobis fuit, Statuta ista, quæ hic proxime & continuo ſequuntur, sic digesta habere.

HENRICUS ex illustri gente Virnenburgica electus Colonienſis Archi-Epiſcopis anno MCCCIII. mense Maio, cum ab alia factione eligerentur Rainaldus Westerburgius Bonnenſis Præpoſitus, ab alia Wilhelmus Juliacenſis Trajeſtenſis S. Servatii Præpoſitus, Archi-Diaconus Leodienſis, qui reapse a Bonifacio VIII. confirmatus, paulo poſt in Bello Flandro Gallico occubuit ante aditam Cathedram. Henricus cum Rainaldo ad Curiam Pontificis in Galliam proſectus anno MCCCIV. illic a Clemente V. Confirmationem & Pallium Lugduni impetravit, XVIII. Decembris Coloniam reverſus, a Clero ſuſcipitur, & Concilia V. minimum celebravit: Primum hoc anno MCCCVI. Alterum A. MCCCVII. Tertium Provinciale celebre A. MCCCX. Concilio generali Viennenſi A. MCCCXI. interfuit & ſubſcripſit. Quartum anno MCCCXXI. Quintum Provinciale A. MCCCXXII. in quo Synodi præcedentis Sanctiones, ac Feſtum S. Uſulæ ac Sodaliū Virginum per Diœceſim vacuum laboribus ſtriſſe ſervari præcepit, item craſtinum S. Mariæ Magdalene, quod eſt Translationis SS. Magorum, diem dedicatæ Eccleſiæ ipſo die BB. Coſinæ & Damiani.

Anno MCCCXXII. in die Coſinæ & Damiani SS. Reges Magi transferuntur ad locum, in quo nunc manent, & novus Chorus conſecratur, & Archi-Epiſcopus celebrat Concilium Provinciale.

Hæc coævus Levoldus Northovius in chronica Comitum de Marca, edita à Meibomio Hanoviae anno 1613. in Folio, interfuiſſe eundem Concilio anni 1322. ait Morckenſius in indice Chronol. Apologetico.

CONCILIIUM COLONIENSE DIOECESANUM

Anno Chriſti MCCCVII. Clementis V. Papæ II.
Alberti Regis IX.

Capitula ſeu Rubricæ Statutorum Eccleſiæ Colonienſis a D. Henrico, Archi-Epiſcopo Colonienſi, ſecundario editorum.

- | | |
|--|--|
| I. De celebratione Feſtorum. | horum, intra octavas Paſchæ venientium. |
| II. Quando Gloria in Excelsis, & Te Deum laudamus ſit cantandum? | VI. De feſto Ss. Trinitatis & Euchariftia. |
| III. Quæ ſervæ ſint jejunandæ? | VII. De nocturnis dicendis. |
| IV. De Anno biſſextili, ſeu qualiter biſſextus ſit ſervandus? | VIII. De officio Scholaſtici. |
| V. De celebratione Feſtorum Annuntiationis B. MARIE Virginis, & aliorum San- | IX. De obſervatione Capitulorum ſive Tractatum Capitularium. |

- X. De recipiendis quotidianis distributionibus tempore interdicti.
 XI. Ne aliquis Sacerdos plures quam unam primam Missam celebret.
 XII. Quibus diebus Parochiani teneantur venire ad Ecclesiam suam Parochialem.
 XIII. Quod Religiosi mutuum, vel debitum non contrahant, & quod Clerici officia non exercent inbonesta.
 XIV. Contra Clericos, tonsuram Clericalem & vestes Clericales non deferentes.
 XV. Ne quis Laicus arresset, vel detineat bona Clericorum.
 XVI. Ne Laici faciant statuta in præjudicium alicujus Ecclesie.
 XVII. Contra Moniales violatas, exeuntes suum Monasterium, & contra violatores earundem.
 XVIII. Ne Monachus aut Monialis absque Professionis sue habitu incedat.

In Nomine Sanctæ & Individuæ Trinitatis, id est, Patris, & Filii, & Spiritus Sancti. Amen. Anno Domini MCCCVII. quarta die mensis Martii, quæ est crastinum Dominicæ INVOCAVIT. Indiēt. V.

HENRICUS, DEI GRATIA, SANCTÆ COLONIENSIS ECCLESIE ARCHIEPISCOPUS, SACRI IMPERII PER ITALIAM ARCHI-CANCELLARIUS, DILECTIS IN CHRISTO PRIORIBUS MAJORIS ECCLESIE, ALIARUMQUE ECCLESiarum COLLEGIATARUM CAPITULIS, COLLEGIIS, PRIORISSIS, CONVENTIBUS, CHRISTIANITATUM DECANIS, ECCLESiarum RECTORIBUS, ALISQUE SUÆ CIVITATIS, ET DIOCESES COLONIENSIS CHRISTI-FIDELIBUS SALUTEM IN DOMINO SEMPITERNAM.

Quoniam humana natura longe prioribus plus folio temporibus labitur ad delicta, & humana cupiditas litium mater, & pacis æmula, discordias, & dissensiones adinvenit, quibus humana quies, Ecclesiarum & Clericorum libertas opprimitur: Nos perverforum actibus finem, quo possumus remedio, prospicere cupientes ad honorem Dei, Sanctæ matris Romanæ Ecclesiæ, nec non Colonienfis & Filiarum ejus, pro ipsarum pace & salubri statu & libertate servanda, Prædecessorum nostrorum statuta ordinaria confirmamus, & de consensu & assensu Capituli nostri, & Prælatorum Colonienfium, statuta edimus infra scripta.

I. De celebratione Festorum.

Ut uniformitas in observantia Divinorum Officiorum, & Festorum Sanctorum, quæ per anni circulum occurrunt, observetur, districte præcipimus, & mandamus, ut omnes Ecclesiæ tam Conventuales, quam aliæ Parochiales, Capitularia sua habeant, & corrigant secundum Capitularium nostrum Ecclesiæ majoris Colonienfis, & Festa infra scripta Christi fideles teneant & celebrent, & solenniter observentur: videlicet

In Januario, festum Circumcisionis

Tomus IV. Concil. German.

Domini, Epiphaniæ, Agnetis Virginis, Conversionis S. Pauli.

In Februario, Festa Purificationis B. Virginis MARIE, Cathedræ S. Petri, Matthiæ Apostoli.

In Martio, Annuntiationis B. Virginis MARIE.

In Aprili nullum festum, nisi forte festum Paschæ, & Georgii Martyris occurrerint.

In Majo, festa Apostolorum Philippi & Jacobi, ac inventionis S. Crucis.

In Junio, festum Nativitatis B. Joannis Baptiste, item Petri & Pauli Apostolorum.

In Julio, B. Mariæ Magdalenzæ, Jacobi Apostoli, Pantaleonis Martyris.

In Augusto, festa B. Petri ad Vincula, Laurentii Martyris, Assumptionis Beatæ Virginis MARIE, Bartholomæi Apostoli, Decollationis Beati Joannis Baptiste.

In Septembri, festa Nativitatis Beatæ MARIE Virginis, Exaltationis Sanctæ Crucis, Matthæi Apostoli, S. Michaelis Archangeli.

In Octobri, festa Beatorum Gereonis & Victoris, undecim millium Virginum, Severini Episcopi, Simonis & Judæ Apostolorum.

In Novembri, festa Omnium Sanctorum, Martini Episcopi, Cuniberti Episcopi, Cæcilie Virginis, Catharinæ Virginis, & Andreæ Apostoli.

In Decembri, festa S. Nicolai Episcopi, Thomæ Apostoli, Nativitatis Domini, S. Stephani Proto-Martyris, S. Joannis Evangelistæ, & Sanctorum Innocentium. Festum quoque Paschæ, in quocunque mense accidat, cum tribus diebus immediate sequentibus, ac dies Ascensionis Domini, festum item Pentecostes cum tribus diebus sequentibus per se solenniter celebrentur. Et volumus, crastinum B. Mariæ Magdalene, quo corpora trium REGUM Beatorum Coloniam pervenerunt, ac diem Dedicationis majoris ecclesiæ Colonienfis, Cosmæ & Damiani, Colonie tantum, sicut dies Apostolorum, cum solennitate Divinorum, & celebratione populi observari. Præterea quælibet Ecclesia festum sui Patroni & Dedicationis solenniter peragat. Omnia vero festa, prædictis exceptis, non præcipimus solenniter celebrari. Sed devotioni hominum relinquuntur, ita quod, qui noluerit ea celebrare, propter hoc non culpam, nec poenam incurrat. Provisio tamen, quod in dictis festis, & in aliis infra scriptis, videlicet: *Fabiani & Sebastiani, Agathæ Virginis, Gregorii Papæ, Benedicti Abbatis, Ambrosii Episcopi, Divisionis Apostolorum, Augustini Episcopi, Barnabæ Apostoli, Ægidii Abbatis, Lamberti, Mauriti, & Sociorum ejus, Hieronymi Presbyteri, Remigii, Dionysii, Luca Evangelistæ*, novem Lectiones observentur. Ista tamen festa nunc ultimo posita, nolumus, ut populus, cessando a suis operibus, celebrare teneatur.

II. Quando Gloria in Excelsis, & Te Deum laudamus, sit cantandum.

Item statuimus, ut in festo Annunciationis, & in festo Purificationis Beatæ Virginis MARIE, & Beati Petri ad Cathedram, beati Matthiæ Apostoli, quando intra Septuagesimam evenerint, *Te Deum laudamus*, & Gloria in Excelsis, decantentur. Hoc adjecto, quod quandoque Gloria in Excelsis, in quocunque festo decantatur, semper *Te Deum laudamus*, cantabitur, præterquam in tribus diebus, hoc est, in Paschæ, & in Pentecostes vigiliis, & in sancta nocte Nati-

vitatis Domini, in quibus ante primam Missam, *Te Deum*, non cantabitur.

III. Quæ feriæ sunt jejunandæ?

Statuimus etiam, quod in omnibus Vigiliis, videlicet: *Assumptionis Beatæ MARIE Virginis, festorum Paschæ, Pentecostes, Nativitatis Domini*, nec non *Apostolorum, & Omnium Sanctorum*, ac *Beati Laurentii Martyris*, cum quarta & sexta feriis ac sabbato Quatuor Temporum jejunetur. Ab his excipiuntur *Vigilia Beatorum Joannis Evangelistæ, & Philippi & Jacobi Apostolorum*, quæ non jejunantur. Litanía major, quæ est in die Sancti Marci Evangelistæ, & Litanía minor, quæ observatur per tres dies Rogationum, videlicet feria secunda, tertia, & quarta, ac sabbatum post Dominicam, qua cantatur: *Misericordia Domini*, pro subitanea morte secundum consuetudinem Diocesis Colonienfis, a carnibus abstinendo, a fidelium populis jejunentur. Sanctorum quoque vigiliæ jejunandæ, quorum Festivitates feria secunda occurrunt, in præcedenti sunt sabbato jejunandæ. Jejunium vero sabbati, locorum consuetudinibus duximus committendum.

IV. De anno bissextili, seu qualiter bissextus sit observandus.

Quum item nonnulla discrepantia inter Ecclesias Conventuales, & Parochiales in Officiis Divinorum de anno bissextili frequenter existat: statuimus, quod quocunque anno bissextus occurrat, quælibet Ecclesia vigiliam beati Matthiæ Apostoli, super quam quarto anno ipse bissextus cadit, ipsam vigiliam beati Matthiæ Apostoli bissexto Kalendas Martii, in una Litera Kalendarii stando, pro una die computando, in sequentem diem proroget, & ultimo die, id est, post vigiliam eandem, festum B. Matthiæ Apostoli celebret, juxta hos versus:

Bissextum sextæ Martis tenere Kalendæ:

Posteriore die celebrantur festa Matthe.

Si cadit in lucem Domini, suppose sequentem:

Terminus est festum nunquam celebrantur eodem.

Quod sic intelligendum est, quod dum est annus bissextilis, tunc dies illa, quæ, si

si non esset annus bissextilis, foret ipsa dies festi Beati Matthæ, erit vigilia dicti festi: & deinde posteriori die celebrabitur festum, nisi tunc in lucem Domini, id est, in diem Dominicam cadat: quo casu transponatur festum ejus in secundam feriam sequentem, quo ad plenum officium, absque celebratione populi peragendum. Hoc sic intelligitur, quod si ipsum festum intra Septuagesimam, vel Quadragesimam in die Dominica eveniat, quod tunc feria secunda quoad officium in Ecclesia absque celebratione populi peragatur.

V. *De celebratione festorum Annuntiationis B. Mariæ Virginis, & aliorum Sanctorum intra Octavas Paschæ venientium*

Festum item Annuntiationis B. Virginis quoties in Dominica Palmarum, vel intra septimanam Passionis Domini, aut ipsa die Paschæ evenit: in vigilia Palmarum cum Divino officio & celebratione populi præveniatur solenniter, & celebretur. Festa vero Tiburtii, & Valeriani, ac Marci Evangelistæ, si & ipsa die Paschæ, vel intra Octavas ejusdem evenierint, quo ad peragendum officium eorundem, post octavas Paschæ transponantur: Hoc excepto, quod in ipsa die Beati Marci Evangelistæ, si intra ipsas octavas occurrit, Litaniam major cum processione & crucibus observabitur per omnia, ut moris est sola carnis abstinentia, propter Paschatis festi reverentiam, in hoc excepta.

Quoties autem extra tempus Septuagesimæ usque ad Pascha, & Adventum Domini, festum IX. lectionum proprium habens officium, Dominica die occurrit, ab Ecclesia ordinarie celebrandum, in eadem Dominica celebratur. Alias quocunque tempore evenit, dum Dominica suum proprium habuerit officium, quod sequenti die Dominica repeti non poterit, festum novem lectionum, absque tamen celebratione populi, secunda feria sequenti in Ecclesiis cum pleno Divinorum officio peragatur. Solo festo Annuntiationis Beatæ Virginis, si ultra vigiliam Palmarum occurrat, quod extunc quocunque tempore evenit, in ipsa vigilia cum officio & celebratione populi

li plenarie volumus peragi, ab his excepto.

VI. *De Festo Ss. Trinitatis & Eucharistiæ.*

Statuimus etiam, quod Festum Ss. Trinitatis proxima Dominica post octavas Pentecostes, quæ vocatur octava Trinitatis, cum IX. lectionibus, & debita solemnitate fiat. In hebdomada vero præcedente, videlicet ab octava Pentecostes, in secundis vespere usque ad Dominicam prædictam cantetur, & legatur de Trinitate, prout consuevit: & post dictum festum Trinitatis per hebdomadam sequentem, cantetur officium Dominicæ, S. Domine, in tua misericordia. In quinta autem feria ejusdem hebdomadæ celebretur solenniter festum Eucharistiæ, prout hæctenus a nostris Antecessoribus est statutum.

VII. *De Nocturnis dicendis.*

Item statuimus, ut in omnibus Ecclesiis nostræ Diocesis, singulis noctibus in Matutinis dicantur Psalmi Nocturnales, sive feriales ad Nocturnos, nisi ea die sit festum tale quod Missam propriam habeat vel collectam. Invitatoria, Responsoria, & Laudes, sicut & horæ diei, de Sancto, cujus est festum, cantentur, quemadmodum in majori Ecclesia observatur: nisi tunc alicujus Patroni Ecclesiæ Festum seu commemoratio fuerit peragenda.

VIII. *De Officio Scholasticæ.*

Ut vero unicuique Ecclesiæ, quæ habet distinctos Personatus & Officia, juxta eorundem personatum & officiorum onus, honor debitus observetur: statuimus & ordinamus, ut salvo ordine Prælatorum Ecclesiæ nostræ Colonienfis, in cæteris Ecclesiis nostræ civitatis & Diocesis, Scholastici ipsarum Ecclesiarum distinctos, certos, & perpetuos redditus, ipsi annexos & deputatos Scholasteria habentes, Stallum in Choro & Locum in Capitulo, ac vocem post Decanum Ecclesiarum suarum extunc in antea habeant, & subintrent. Quod sub pœna excommunicationis latæ sententiæ in his scriptis a singulis conventualibus Ecclesiis præcipimus observari. Dignum est enim, ut qui cæteris officiis

ciis majoribus, præferuntur, etiam alios in sublimitate graduum antecedant, cum onus emolumentum sequi debeat, & e converso. Per hoc tamen nolumus antiquioribus Canonicis ex ingressu, in petitionibus suis rationabilibus aliquatenus derogari.

IX. *De Observatione Capitulorum, sive Tractatum Capitularium.*

Item sicut a bonæ memoriæ Domino Conrado Archi-Episcopo Colonienſi Prædeceſſore nostro novimus, in ejus Provinciali Concilio constitutum, inopando statuimus, ut in qualibet Ecclesia collegiata, ad modum Ecclesiæ nostræ Colonienſis, Decanus, & Fratres (præterquam in festivitatis) Vigiliis, Missa pro Defunctis, ac commendatione peractis, distincte ingredienti domum Capituli, ante omnem tractatum disciplinæ, vel etiam præbendæ, aut cujuscunque alterius negotii, tabulæ Capitularis lectionem habentis distincte in scripto, quid unicuique sit cantandum vel legendum in choro, audiant diligenter: ac insuper lunationes mensium, ac Kalendæ, & obitus legantur, nec non aliqua lectio de regula, & vita Clericorum legatur. Et tunc immediate de disciplina fiat, quod fuerit faciendum, & alia consequenter post ipsam disciplinam tractentur negotia, quæ ad utilitatem, & necessitatem fuerint spectantia publicam seu privatam. Et si aliquando Decanus non fuerit præfens, propter hoc non omittatur ullatenus, quin Fratres domum Capituli intrent ad audiendum ipsius tabulæ Capitularis lectionem, ut sciant, quid unicuique in choro sit legendum & cantandum.

X. *De recipiendis distributionibus tempore interdicti.*

Quoniam vero non modicus est error inter Canonicos, volentes præsentias, seu distributiones quotidianas habere, quæ non nisi præsentibus in choro debentur, quas nonnunquam extorquent diversis fraudibus ad hoc quæsitis, & maxime in locis interdictis, Divinis non curant officiis interesse, quanquam ad hæc teneantur, præsentias ejusmodi alias nullatenus habituri, quique complures Conventualium, & Parochialium Eccle-

siarum Prælati, Canonici & Rector, in observatione interdicti credentes, Ecclesias interdictas tunc penitus fore claudendas, quasi DEO tum non foret serviendum: Nos, inventis contra præmissa Apostolicæ sedis remediis, volentes fraudibus hujusmodi obviare, statuimus, & ordinamus, ut Decani in distributione præsentiarum hujusmodi, cuilibet pro rata horarum tam matutini, vigiliarum seu Missæ animarum, qui eis non interfuerint, subtrahant partem suam, nec non in observantia interdicti: ac etiam locorum plebani, juxta constitutionem piæ recordationis Domini Bonifacii Papæ VIII. super præmissis editam se regant, contra eam sub pena excommunicationis, & in virtute sanctæ Obedientiæ nullatenus veniendo. Cujus constitutionis tenorem, ut cuilibet pateat, duximus subscribendum in hæc verba: (a)

Alma mater Ecclesia plerumque nonnulla rationabiliter ordinat & consulte, quæ suadente subditorum utilitate, postmodum consultius, & rationabiliter revocat, in meliusve commutat. Sane a nostris dudum fuit Prædeceſſoribus constitutum, ut in terris seu locis suppositis Ecclesiastico interdicto, nulla (certis casibus & Sacramentis exceptis) Divina celebrentur officia, vel ministrantur Ecclesiastica Sacramenta. Quia vero ex districtione hujusmodi statutorum excrevit indevotio populi, pullulant hæreses, infinita pericula animarum insurgunt, ac Ecclesiis sine culpa earum debita obsequia subtrahuntur; cum fratribus nostris deliberatione super his habita diligenti, concedimus, quod tempore interdicti ab homine vel a jure prolatis, non tantummodo morientes, sed & viventes, tam sani quam infirmi, ad penitentiam (quæ propter pronitatem & facilitatem hominum ad peccandum, summe necessaria est) licite admittantur: dum tamen excommunicati non fuerint, quos admitti, præterquam in mortis articulo, nolumus ad eandem. Illis autem, propter quorum culpam, dolum, vel fraudem lata est sententia interdicti, vel qui ad perpetrandum delictum (cujus occasione ipsum interdictum est latum) præbuerunt consilium, auxilium, aut favorem, nisi de ipso delicto, si sint tales, quod idem facere valeant, prius satisfecerint, vel de satisfaciendo idoneam dederint cautionem, aut si satisficere nequeant, vel hujusmodi cautionem præstare, juraverint, quod, cum poterunt, satisficient,

& ad

(a) In VI. De sententia excommunicationis. Cap. XXIV.

Et ad satisfactionem hujusmodi per eum, vel per eos, qui facere ipsam debent, Et possunt, præstandum consilium, Et auxilium, ac juxta posse suum fideliter laborabunt, non est penitentia beneficium aliquatenus concedendum.

Nec tunc etiam quo ad istos, nec quo ad alios, qui circa hæc minime deliquerunt, (ubi civitas, vel locus alius, seu universitas interdicti existant) facienda est relaxatio interdicti, sed est eis solummodo injungenda penitentia salutaris.

Adjicimus præterea, quod singulis diebus in Ecclesiis, Et in Monasteriis Missæ celebrentur, Et alia dicantur Divina Officia sicut prius, submissa tamen voce, januis clausis, excommunicatis, Et interdictis exclusis, Et campanis etiam non pulsatis. Et tam Canonici, quam Clerici Ecclesiarum, in quibus distributiones quotidianæ illis, qui horis intersunt Canonicis, distribuuntur: si ad officia non venerint supradicta, distributiones easdem amittant, sicut interdicto perderent non existente, si Divinis Officiis non adessent. In Festivitatibus vero Natalis Domini, Paschæ, Pentecostes, Et Assumptionis Virginis Gloriosæ, campanæ pulsantur, Et januis apertis Divina Officia alta vole solenniter celebrentur, excommunicatis prorsus exclusis, sed interdictis admissis, quibus ob reverentiam dictarum solennitatum, Et ut ipsi ad humilitatis gratiam, Et reconciliationis affectum facilius inclinentur, præfatis diebus participationem permittimus Divinorum. Sic tamen, quod illi, propter quorum excessum interdictum hujusmodi est prolatum, altari nullatenus appropinquent. Cæteris, quæ circa observationem interdictorum a nostris Prædecessoribus sunt instituta, in suo robore duraturis, non obstantibus quibusvis Privilegiis, Ecclesiis, Monasteriis, Ordinibus, seu Religionibus, vel personis Ecclesiasticis, Regularibus, seu Secularibus, exemptis, sub quavis forma, vel expressione verborum ab Apostolica Sede concessis, quæ contra tenorem præsentis constitutionis nullis volumus suffragari, cum quibuslibet tam Secularibus, quam Regularibus, sufficere debeat, ut tempore interdicti modo præmissis diebus celebrent supradictis.

XI. Ne aliquis Sacerdos plures, quam unam primam Missam celebret.

Statuimus item, & ordinamus, quod nullus Sacerdos, cujuscumque status, conditionis, aut religionis existat, postquam in Sacerdotem, seu Presbyterum,

sive in nostra, sive in alia Dicecesi ordinatus extiterit, in Civitate vel Dicecesi Colonienſi pluries quam semel, quocunque ad hoc colore quaesito primam suam Missam, quam Cleri & populi ad hoc convocatione celebret, nec etiam Capitula, seu Conventus, seu Canonici in Festivitatibus, & diebus Dominicis dimissa Divinorum solennitate in Ecclesia sua propria, ut non decet, & tamen hæcenus pluries visum est fieri, ad hujusmodi Missas discurrant: nisi tunc, cum aliqui Prælati, Canonici seu Plebani, conjuncti in primo, vel in secundo gradu novello Sacerdoti, ad primam Missam specialiter invitentur. Alioquin contrarium facientes se noverint excommunicationis sententiæ subjacere.

XII. Quibus diebus Parochiani teneantur venire ad Ecclesiam suam Parochialem?

Quia vero dubium quibusdam extitit de Festis, in quibus Parochiani suam Ecclesiam Parochialem de jure debeant annis singulis frequentare, hoc declarando statuimus, quod sicut in quatuor partes annus distinguitur, quarum initia in his verbis continentur:

Ver. Retro detur, æstas. exinde sequetur:

Hanc dabit Urbanus, autumnum Symphorianus:

Festum Clementis, caput est hyemis venientis.

Ita in his quatuor partibus anni, quatuor Festivitates occurrunt, quibus Parochiani venire tenentur ad suas Ecclesias Parochiales: utpote Pascha in vere, Pentecoste in æstate, Festum omnium Sanctorum in autumnò, Festum Nativitatis Domini in hyeme. Et in his Festivitatibus Parochianus quilibet, nisi rationabilis & evidens causa eum legitime excusans subsit, frequentet suam Ecclesiam Parochialem. In aliis etiam quibusdam festis, scilicet in Dedicatione Ecclesiæ cujuslibet, Epiphania Domini, quatuor Festis B. Mariæ Virginis, die Cinerum, Dominica Palmarum, nec non in Jejuniis, sive Rogationum, dum processiones fiunt ab Ecclesia, & Ascensionis Domini, ac Apostolorum, Nativitatis B. Joannis Baptistæ, diebus Dominicis, ac Die commemorationis Animarum, & Patroni Ecclesiæ cujuslibet, ipsi

ipsi Parochiani Ecclesiam suam Parochialem visitent, & frequentent, sui Plebanimandata de instructione fidei, salubriter audiri.

XIII. *Quod Religiosi mutuum vel debitum non contrahant, & Clerici Officia non exercent inbonesta.*

Cæterum quia nonnulli Religiosi, & Clerici contractibus & negotiis, eorum regulæ, & statui contrariis impudenter se immiscet: statuimus (quemadmodum etiam a jure cautum & alias statutum est) ut nullus Religiosus præter Abbatis sui, Præpositi, & Prioris licentiam, ubi Præpositus & Prior sunt in Conventu majores, cujuscunque status, aut conditionis existat, proprium vel peculium habeat, fidejubeat, pecuniam mutuo recipiat, seu negotiationes cujuscunque rei lucri causa exerceat: si secus fecerit, Abbas & Conventus respondere de hoc non tenebuntur, nec obligati ex contractu hujusmodi erunt, immo ipsi contractus ipso jure nulli sint, nec valeant. Nec non Monachi contrarium facientes, suspensionis ab officio, & excommunicationis sententias incurrant. Caveant ergo sibi laici & alii, ne de cætero cum talibus religiosis contrahant, nisi ex prædicta licentia superioris, seu quibus ratione officii vel administrationis sibi commissæ de jure competere dinoscatur. Similiter Clericis inhibemus, ne exercent negotia turpia & officia inhonesta, quæ non decent Clericos: qualia sunt usura & omnes species usuræ, turpis quæstus, cum aliquid carius venditur seu propter diem, seu propter terminum. Necromantia, seu incantationis superstitio, officium macellarii, tabernarii, negociatoris, proxeneta, fullonis, sutoris, textoris: nec sint histriones, joculariores, judices seculares, telonarii. Contrarium facientes, a suis Prælatiis super hoc poena debita puniantur.

XIV. *Contra Clericos Tonsuram Clericalem, & vestes Clericales non deferentes.*

Item præcipimus in virtute sanctæ obedientiæ, Decanis Ecclesiarum & Christianitatis cujuslibet, ut Canonicos, Ecclesiarum Pastores, & Vicarios, aliosque

Clericos coronas non habentes, & inordinatam criniam lasciviam [prout jam in Cleri deformitatem apud plures inolevit] habentes, per suspensionem Præbendarum, reddituum Canonicorum, & suspensionis ab officio sententiam, quam ferimus in his scriptis, coronam & tonsuram deferre cogant debitam Clericis & honestam. Nec non Canonicos, Ecclesiarum Rectores, Vicarios & Clericos prædictos, ab usu caligarum rubeorum, viridum, & glaucorum, & diversi coloris panni, ac calceorum, varietate incisionis militaris distinctorum, cogant sub poena consimili abstinere. Sed nigris caligis ac calceis suo statui congruentibus (nisi infirmitatis causa fecerint, quod eorum conscientiæ relinquimus) sint contenti. Decet enim, ut quos vitæ puritas ab aliis distinguit, etiam habitus decencia [quo, quod corde gerunt; ore prædicent, & actu demonstrant, tamquam militia Domini & Ecclesiæ militanti specialiter deputati] a secularibus sint distincti.

XV. *Ne quis Laicus arresset, vel detineat bona Clericorum.*

Statuimus item & inhibemus sub poena excommunicationis latæ sententiæ in his scriptis, ne quis laicus quacunque auctoritate seu potentia seculari personæ, seu bona mobilia aut immobilia, vel res Ecclesiasticas arresset, detineat, vel invadat, cum quæstio talium nostræ jurisdictioni de jure sit & esse debeat specialiter reservata.

XVI. *Ne laici faciant statuta in præjudicium alicujus Ecclesiæ.*

Inhibemus etiam laicis universis & singulis, ne quis statuta de oblationibus in Dei Ecclesia minuendis faciat, prout in quibusdam Ecclesiis, sicut ad Nos pervenit, statutum dicitur: Ne nisi certæ personæ & sub certo numero, in Missis cum sponis vel funeribus, vel alias offerant, dinoscitur institutum quidem per laicos, cum laicis (quos obsequendi manet necessitas, non auctoritas imperandi) nulla super personas Ecclesiasticas attributa penitus sit facultas. Unde statutum hujusmodi, ubicunque in nostra Dicecesi, vel a quibuscunque factum fuerit, tamquam nullius firmitatis existens, nec ab Ecclesia probatum, decer-

decernimus non valere: immo utentes ipso, & defensores ejusdem excommunicationis sententiæ decernimus subiacere, ne id, quod inspiratione Divina devotioni hominum relinquitur, alicujus humanæ pravitatis ingenio depravetur.

XVII. Contra Moniales violatas exeuntes suum Monasterium, & violatores earundem.

Quum præcipue religionis deformationi summo opere intendamus occurrere; ac disciplinam monasticam, ubicunque rupta fuerit, sollicitè reformare, quia periculosus trahitur in exemplum, quod in scandalum vergit plurimorum: igitur quoniam nonnullæ nostræ civitatis & Diœcesis sacræ Moniales violantur, & quandoque sic violatæ ab eisdem extra sua Monasteria ducuntur, & ab ipsis cum animarum suarum gravi periculo, ac multorum scandalo publice detinentur: sicque diu detentæ, per eosdem præcibus aliquando, & frequenter minis ac violentia ad sua Monasteria restituntur: quæ omnia & singula cum sint contra Deum, bonos mores destruant, ac sacram religionem deformant, & Nos ipsa surda aure transire non debeat: statuimus, ut viri, cujuscunque status, aut conditionis existant, qui aliquid vel aliqua commiserint præmissorum, ipso facto sententiam excommunicationis incurrant, & per suos Plebanos (quoties Abbatissæ, Magistræ, Priorissæ Conventuum & Monasteriorum, in quibus suæ salutis immemores hoc facinus commiserunt, requisierint) ex vi præsentis statuti publice denunti-entur, donec Deo de peccatis, Nobis, ac ipsis Monasteriis de injuria & vituperio, ad plenum satisfecerint, & per Nos veniam & beneficium absolutionis consequantur. Ipsæ vero Moniales nostræ Civitatis & Diœcesis, ut præmissum est, quæ sic lapsæ fuerint, ne ex impunitate ipsarum aliæ ad consimilia provocentur, quia pronus est ad malum hominis animus & facilitas veniæ præbet incentivum delinquentibus, per Abbatissas, Magistras, seu Priorissas, & Con-

ventus suorum Monasteriorum aliter non recipiantur, nisi ad penam carceris, ubi per abstinenciam, ac alias castigationes puniri poterunt, prout discretioni Abbatissarum, Magistrarum, aut Priorissarum videbitur expedire. Eadem etiâ concedenti majore parte Conventuum suorum, si se humiliter, & devote in sua pœnitentiâ gesserint, de suis carceribus poterunt elevari: & extunc, quamdiu vixerint, sine velo incedant, infimum locum in Conventu, ubilibet teneant, & omni voce in Capitulo tractatibus & electionibus quibuscunque penitus sint privatæ, donec per Nos ad laudabilem ipsarum conversationem ac testimonium totius Monasterii earundem, ad præmissa in parte, vel in toto restitui mereantur.

XVIII. Ne Monachus, aut Monialis absque Professionis suæ habitu incedant.

Volumus etiam, ut nullus Abbas, Abbatissa, Magistra, seu Priorissa, Monachus, seu Monacha, sive Monialis habitu religionis abjecto, in Ecclesiis, vicis, vel plateis, aut alicubi, nisi in religione sua procedant, vel Abbas, seu Abbatissa, Magistra, seu Priorissa, Monachus, seu Monialibus absque nostra licentia Confessorem aliunde, quam de religione sua sibi competit, licentiam tribuat eligendi. Cætera omnia, quæ piæ memoriæ Dominus CONRADUS Coloniensis Archi-Episcopus in Concilio suo Provinciali de Monachis & Monialibus, & Clericis, cæterique nostri Prædecessores pro cultu Divino ac Cleri libertate Ecclesiastica hætenus statuerunt; quæ de Prælatorum & Capitulorum nostrorum consilio approbamus & confirmamus, in suo robore volumus permanere, & tam ista statuta nostra, quam illa a quibuslibet tam Conventualibus Ecclesiis, quam Ecclesiis Regularibus Parochialium, per copiam de verbo ad verbum haberi, & in perpetuum inviolabiliter observari. Pronunciatum & actum Colonia in Ecclesia nostra Majori, de nostro, nostrorumque Prælatorum, & Cleri consilio, & assensu. Anno [a] Domini & die supradictis.

CON-

(a) id est: MCCCVII. IV. die Martii.

Tomus IV. Concil. German.

CONCILIIUM CAMERACENSE

ADDITIONES à Reverendo Patre PETRO, Cameracensi
Episcopo,

Anno Christi MCCCX. Clementis V. Papæ VI.
Henrici VII. Regis II.

*Item in titulo de Reverentia & jurisdictione
Ecclesiarum, & libertate Ecclesiasticarum
Personarum, & Cimiteriorum.*

UT Ecclesiæ, & Cimiteria sanguinis, & feminis effusione polluta, & in qua pollui contigerit in posterum, diabolo instigante, sub tanta diu non remaneant fœditate status, ut si ille seu illi, quorum factio seu culpa polluta sunt, vel fuerint in futuro, infra mensem reconciliationem dictarum Ecclesiarum vel Cimiteriorum non procuraverint cum effectu, postquam fuerint super hoc per Curatum Ecclesiarum prædictarum vel Cimiteriorum legitime requisiti, Canonico tamen impedimento cessante, excommunicationis vinculo sint innodati, & excommunicati publice & nominatim nominentur seu nuntientur. Verumtamen si ille, vel illi, quorum factio seu culpa est dicta pollutio, vel contigerit fieri, nostræ non sint jurisdictioni spirituali subiecti, aut propter paupertatem suam dictam reconciliationem procurare non valeant cum effectu, Parochi dictarum Ecclesiarum, & Cimiteriorum teneantur reconciliationem ipsorum efficaciter procurare infra duos menses, postquam super hoc a suo Curato fuerint legitime requisiti. Et si negligentes fuerint, vel remissi, extunc infra dictam Parochiam cessetur a Divinis; & si quos tunc de dictis Parochianis mori contigerit, sine Nostra vel Officialis nostri licentia non tradantur Ecclesiasticæ sepulture, donec dictam reconciliationem procuraverint cum effectu: curati vero, in quorum Parochia præmissa contigerit fieri, similiter eisdem cito providendum, & observandum, sicut præmittitur sollicite, ne possint de negligentia reprehendi.

Titulo de Penitentia.

Sacerdotes curati vel vices eorum gerentes, & alii, qui vice nostra Confessiones audiunt, eos, qui propositum non habent abstinendi a peccatis, nequaquam absolvant sine penitentia: eos non relinquant tamen, sed cum hoc eos moneant caritative, ut interim agant, quidquid boni possunt, ut Deus eorum corda ad veram contritionem & penitentiam illustret.

Titulo de Matrimonio.

Propter simplicitatem quorundam Presbyterorum, qui quandoque suos subditos in ipsorum præsentia, ipsis Presbyteris verba proferentibus, ad matrimonium contrahendum inducunt & admittunt per verba consensum exprimentia de presenti, cum potius debeant admittere eos ad sponsalia inter eos contrahenda per verba tantummodo de futuro. Ex qua simplicitate plerumque multa incommoda & animabus damnosa provenire noscuntur; statuimus, & præcipimus in virtute sanctæ Obedientiæ omnibus Presbyteris in nostris civitate & Diœcesi Cameracensi constitutis, quod de cætero in sponsalibus, seu fidedationibus utantur dumtaxat verbis talibus vel consimilibus: *Petre vis promittere per fidem tuam, quod Bertam, que hic est, accipies in uxorem, si impedimentum Canonicum non obstat.* Et e converso his dictis accipiat manus contrahere volentium & dicat. *Tu promittis, quod dictam Bertam accipies in uxorem, si impedimentum Canonicum non obstat, & sic econtra.*

Item eodem titulo.

Statuimus ne quis Presbyter aut Capellanus benedictionem in secundis nuptiis audeat celebrare; quodque Sacerdotes

tes mulieres non purificent, præterquam in mortis articulo, nisi jacuerint per mensem post Nativitatem sui partus.

Item in eodem titulo.

Prohibemus ne Sacerdotes seu Capellani aut Vicarii eorundem, mulieres jacentes de partu damnato coitu nefario vel fornicario & manifesto, ad purificationem recipiant, sine nostra vel Officialis nostri Cameracensis, aut Decanorum locorum civitatis Cameracensis excepta licentia speciali. Qui contra hoc facere præsumperit, excommunicationis sententiam, eo ipso, incurrat; & nihilominus per Officiale nostrum aut Decanum loci graviter, prout culpa ipsius exegerit, puniatur.

Item titulo de Exequiis Mortuorum.

Inhibemus Presbyteris Parochialibus & Capellanis sub pœna suspensionis, & excommunicationis, ne quis eorum suspensos, excommunicatos seu interdicto Ecclesiastico subiectos, aut alios in mortali peccato notorio existentes, tradant Ecclesiasticæ sepulturæ, nisi in mortis articulo signa poenitentiae apparuerint in eisdem.

Item titulo de libertate Ecclesiarum & Cimiteriorum.

Ecclesiæ pollutæ sanguinis aut feminis effusione reconcilientur per Nos, vel de mandato nostro, seu Officialis nostri, sive Ecclesiæ vel Cimiteria fuerint dedicata, sive non, & quousque fuerint reconciliata, nullus ibidem sepeliatur.

Item eodem titulo.

Si Cimiterium fuerit pollutum sanguinis, vel feminis effusione, propter hoc Ecclesia non est polluta; sed si Ecclesia fuerit polluta aliquo prædictorum, Cimiterium erit pollutum, si Ecclesiæ fuerit contiguum; non autem si ab Ecclesia sit remotum; & quousque fuerit reconciliatum, nullus ibidem tumuletur.

Item eodem titulo.

Cum alias statuimus, quod Capellani perpetui Sacramenta sua a curatis locorum suorum in infirmitatibus suis accipiant, & si decesserint, in Capellis suis sepelirentur, nisi quis ex devotione

Tornus IV. Concil. German.

(a) forte: factio vel crimine supplendum.

alibi, salvo jure Parochiali, eligeret sepulturam. Statutum hujusmodi intelligimus, & statuendo declaramus, quod si emolumentum ratione exequiarum talium Capellanorum aliis quam curatis locorum ex consuetudine competat, per statutum dictum nolumus nec intendimus dictæ consuetudini in aliquo derogare.

De reverentia Jurisdictionis, & libertate Ecclesiarum, Cimiteriorum, & Ecclesiasticarum personarum.

Quia plerumque accidit, ut quando aliqui confugiunt ad Ecclesias seu Monasteria, aut Cimiteria causa immunitatis ac libertatis Ecclesiarum seu Monasteriorum, aut Cimiteriorum: hujusmodi inimici seu persecutores talium confugientium aut alibi ad certa dicta loca jurisdictionem exercentes quandoque violant Ecclesias, Monasteria, seu Cimiteria hujusmodi, & ab eis ipsos confugientes extrahunt, quandoque verbo, per subtractionem victus, & aliorum pro ipsis confugientibus necessariorum, aut modo alio, dictos confugientes inducunt, seu compellunt, ut exeant immunitatem, seu libertatem hujusmodi. Statuimus una cum aliis pœnis super his statutis, ut in locis, in quibus de cetero talia perpetrari contigerit, quocumque etiam colore quæsito, & ubi violatores, & perpetratores hujusmodi moram traxerint, cessetur a Divinis, nec sine nostra, aut Officialis nostri licentia organa resumantur ibidem.

Item statuimus, quod nulli extranei, & ignoti tamquam mercenarii Capellani, ad deservendum in Officio Sacerdotii, in civitate & Diœcesi Cameracensi de cætero admittantur, nisi constet per litteras suorum Ordinariorum, aut ut alias legitime, quod sunt vitæ laudabilis & honestæ conversationis, & quod in Sacerdotii ordinem Canonice sint promoti.

Item titulo libertatis Ecclesiasticæ.

Cum aliqui Justitiiarii seu servientes aliquos bonis suis cedentes seu cedere volentes, aut alios fori Ecclesiastici obligantes, super quorum (a) cognitio ad forum Ecclesiasticum pertinet de consuetudine vel de jure, per captionem bonorum suorum & corporum adinvenientes, quan-

doque non causam pro causa, compellunt ad desistendum a prosecutione luelit; & quandoque etiam occasione delictorum, pro quibus facta est cessio, cedentes huiusmodi capiunt, & carceri mancipant, non obstante cessione facta, eaque sprete & contempta, in derogationem libertatis Ecclesiasticæ, sic excommunicationem a Canone latæ sententiæ incurrendo ipso facto: Nos omnes & singulos tales, ac dantes eis in hoc auxilium & iuvamen, auctoritate Canonis denuntiamus, excommunicamus, mandantes omnibus, & eorum vices gerentibus, in nostro Episcopatu constitutis, quatenus singulis diebus Dominicis & Festis, campanis pulsatis, candelis accensis, ipsos denuntient excommunicatos: ad absolutionem talium, quorum absolutionem Nobis, seu Officiali reservamus, nullatenus procedent, nisi in mortis articulo, sine nostra licentia speciali.

Item titulo de Executione Mandatorum.

Inhibemus Decanis nostris Christianitatis, ne pro sigillo sui Decanatus, quibuscunque litteris apponendo, ultra sex Denarios Turonenses fortis monetæ recipiant.

Item titulo de Matrimonio.

Pro bannis proclamandis seu faciendis & suis litteris testimonialibus concedendis, tam Decani, quam Sacerdotes non ultra tres solidos Turonenses recipiant.

Item statuto ubi dicitur: Nec aliquid Presbyteri exigant, nisi solum denarium Turonens. in forti moneta pro sigillo; addimus: Et Clerici Parochiales similiter denarium Turonensem fortis monetæ pro pena,

& labore in executione facienda, dumtaxat recipiant.

Titulo de Executione Mandatorum Synodali.

Cum ut censura Ecclesiasticâ magis timeretur, statuimus ut omnes excommunicati a nobis, vel Officiali nostro pro suis absolutionibus obtinendis, ad Nos, vel ad curiam nostram Cameracensem accedant, aut procuratorem sufficienter instructum mittant, potestatem absolviendi habentem, eosdem, præterquam in mortis articulo, a quibuslibet aliis adimittentes, quia tum, sicut intelleximus, nonnulli propter paupertatem & inopiam eorundem excommunicati decedunt, statuimus quod Decani Christianitatis locorum, in suis Decanatibus Cameracensis civitatis, excepta de registris, quæ sibi mittuntur, & de aliis quæ ad suum officium spectent, dumtaxat, . . . excommunicatos possint absolvere eosdem; Decanis, quoad hæc ex abundanti, vices nostras committentes.

Titulo de Festis.

Statuimus, & omnibus subditis nostris Ecclesiasticis in virtute sanctæ obedientiæ præcipimus, injungentes, ut cum apud eam exuberare debeat devotio fidelium, erga eam, quæ nostrâ est apud Deum mediatrix & impetratrix promissima gratiarum; festum Conceptionis Gloriosissimæ Virginis Mariæ octavâ die mensis Decembris, cum Matutinis & Missa, ceterisque Divinis obsequiis devote celebrent. Et præcipimus dictum festum tamquam festum & solemne, sub pœna excommunicationis reverenter observari ab omnibus Christianis.

Ex Martenii Collectione amplissima Tom. VII. Loc. cit.

Admonitio de Synodis Cameracensis Ecclesiæ sæculi XIV. celebratis.

Ex nova editione Statutorum Ecclesiæ Cameracensis anno 1739. in 4to Parisiis impressorum, referuntur antiqua Statuta Synodorum Cameracensium Numero 27. celebratarum ab annis 1300. ad 1398. scilicet his annis celebrata fuisse Synodi Cameracenses: Annis 1300. 1301. 1307. 1308. 1309. 1310. 1311. 1312. 1313. 1314. 1315. 1316. 1317. 1319. 1320. 1321. 1323. 1324. 1325. 1330. 1333. 1334. 1335. 1336. 1343. 1348. 1369. 1398. ex horum annorum Synodis varia Statuta extraxerunt Patres Concilii Cameracensis anno 1550. Cameraci congregati, eaque recognoverunt, correxerunt, & innovata servari præceperunt in Civitate & Diocesi Cameracensi. Habuerunt abs dubio hi Patres has omnes Synodos sæculo XIV. celebratas integras, quales & nos impres-

impresuri fuisset, si hujusmodi codicem nacti fuisset, aut nancisci potuisset: cujus defectu hæc statuta Ecclesiæ Cameracenſis hoc Sæculo edita, quæ MARTENIUS in Abbatia Grimbergenſi ab aliquo Collectore asservata reperit, nunc edimus.

CONCILIIUM COLONIENSE PROVINCIALE

SUB HENRICO VERNENBURGICO ARCHIEPISCOPO,

Anno Christi MCCCX. Clementis V. Papæ VI.

Henrici VII. Regis II.

Statuta quædam Provincialia D. HENRICI, Archi-Episcopi Coloniensis, quorum Capitula sunt hæc:

- I. De revocatione Statutorum contra libertatem Ecclesiasticam factorum.
- II. De occisoribus, mutilatoribus, & captivatoribus Clericorum.
- III. Ne quis laicus exactiones Ecclesiis imponat, ratione Advocatiæ, quam super bonis Ecclesiasticis habet.
- IV. De invasoribus, occupatoribus, & detentoribus rerum & bonorum Ecclesiasticorum.
- V. De occupantibus bona Ecclesiarum, & Ecclesiasticarum personarum, & Legata fabricæ Ecclesiæ Coloniensis.
- VI. De vita, & honestate Clericorum.
- VII. De Vicariis, quo ad Versus & Lectiones in Matutinis.
- VIII. De etate Presbyterorum ordinandorum.
- IX. De concubinariis Clericis.
- X. Quod Clericis publica emenda, & penitentia non sit imponenda.
- XI. Quod non nisi Ordinati ad sacros Ordines, legant Epistolam vel Evangelium.
- XII. Quod nullus Ecclesiam curatam teneat, nisi ab Episcopo vel Archi-Diacono instituat.
- XIII. Quod provisi de Beneficiis auctoritate Apostolica, se faciant juxta formam provisionis ordinari.
- XIV. Quod fructus Canonicorum suspensionum decedentium, cedant Ecclesiæ, & non successoribus suspensionum.
- XV. Quod Clericus non leget concubinis suis, vel spuris annum gratiæ suæ.
- XVI. De Campanariis, quod sint literati, & in albis ministrent.
- XVII. Quod Decani & Plebani locorum eximient ornamenta Ecclesiæ.
- XVIII. Quod fructus Canonicorum suspensionum cedant Capitulis, non singularibus de Capitulo personis.
- XIX. Quod Ecclesia, vel Camiterium non consecrentur, nisi de dotatione loci Diocesano constiterit.
- XX. Quod Parochiani non nisi a suo Plebano communionem recipiant.
- XXI. Quod non fiant imprecationes, nec cantetur Media Vita, contra aliquas personas.
- XXII. De matrimoniis clandestinis.
- XXIII. Quod Annus Domini de cætero in Nativitate Domini observetur & innovetur.
- XXIV. De Tabellionibus.
- XXV. De Sacramentis.
- XXVI. Quod Plebani non denegentur Chrismo vel Oleum sacrum.
- XXVII. De statu Religiosorum.
- XXVIII. De Monachis & Monialibus.
- XXIX. Quibus Statuta ista Provincialia habitu & observatu necessaria?

P 3

Ad

Recusa hæc Synodus inter Provinciales ab Reverendissimo & Illustrissimo Episcopo Osnabrugensi Francisco Guillelmo Bavaro, inter acta Synodalia Osnabrugensis Ecclesiæ Coloniæ apud Jodocum Kalcovium anno 1633. in Folio. Nomina 3. Episcoporum Suffraganeorum, & Legatorum Leodii & Monasterii, *leges in fine.*

Ad honorem Sanctæ & Individuæ Trinitatis, Patris, & Filii, & Spiritus Sancti, ac Gloriosæ Virginis Mariæ, atque S. Petri, ac omnium Sanctorum.

NOS HENRICUS, DEI gratia, Archi-Episcopus Colonienfis, cupientes in hoc Concilio nostro Provinciali de mandato speciali Sanctissimi in Christo Patris ac Domini nostri CLEMENTIS, Sacrosanctæ Romanæ Ecclesiæ Summi Pontificis indicto, de Capituli ac Prælatorum nostrorum consilio, & assensu, per infra scripta Statuta nostra omnibus paterna sollicitudine providere, ut quies Ecclesiis & Ecclesiasticis personis procuretur, & pacis perturbatores a suis delictis pænæ formidine arceantur, infra scriptas Constitutiones observandas perpetuo in præsentiarum duximus promulgandas.

I. De revocatione statutorum, contra libertatem Ecclesiasticam factorum.

Inprimis, cum ad decus & decorem Ecclesiæ nihil magis expediat, quam quod, ut expurgatis erroribus, & statutis iniquis sublatis, ipsa plenâ quiete vigeat, & securâ gaudeat libertate, præcepta Sacrorum Canonum imitantes, omnia statuta, pacta, & ordinationes contra libertatem Ecclesiarum & Ecclesiasticarum personarum edita seu editas, damnamus, reprobamus, & cassamus, & irrita, seu irritas nunciamus: Mandantes universis nostræ Diocesis & Provinciæ subditis, ut ea a locis suis intra mensem a notificatione præsentium, faciant penitus aboleri: & locorum Plebani moneant subditos diebus Dominicis & Festivis nominatim, quos in his culpabiles sciverint, aliàs in genere, quatenus hujusmodi de facto statuta de facto revocent; alias eos ad id per excommunicationis sententiam volumus coarctari. Verum, quia intelleximus, quod in nonnullis locis laici (qui non contenti de propria ipsorum impietate, & malevolentia, etiam alios Christi fideles a sua devotione, & bonis operibus retrahere moliantur) statuerunt, & statuunt sub certa conspiratione & confederatione, ne quis de cætero Ecclesiis, Ecclesiasticis seu Religiosis personis, bona, prædia, districtus, jura & Domina aliqua vendat, leget, aut donet, vel

quovis titulo in eos transferat, vel in nuptiis, aut exequiis mortuorum, aut alias Sacerdotibus Parochialium Ecclesiarum, & aliarum offerant, nisi sub certo numero personarum, & certo tempore Missæ, seu inter se taxant, quid quilibet offerre debeat, contrarium facientibus pœnas pecuniarias infligendo: Et quia hæc obviant directe Ecclesiasticæ libertati, conspirationes, colligationes, & ordinationes hujusmodi, seu fœdera, & pacta, & deinceps, si contigerit facienda, decernimus non tenere, nec aliquem fore, vel esse debere ad eorundem observantiam obligatum.

Item statuta & consuetudines a laicis (cujuscunque status, aut conditionis existant) introducta, seu introductas super eo, quod dicti laici antiquarum decimarum occasione, quas in aliquibus Parochiis vel largitione Principum, aut donatione aliorum, seu alia de causa percipiunt, decimas Novalium in terris propriis quibuslibet Parochiis obvenientes occupant, attrahunt, vel sibi vendicant: revocamus, & cassamus statuentes, & præcipientes, ut præfati laici & quicunque alii, ab occupatione, detentione, vel usurpatione earundem decimarum Novalium, postquam ad agrum Regium pervenerint, seu perveniunt, penitus desistant, & de ablatis satisfaciant tam Nobis, quam Ecclesiis, Ecclesiasticisque personis, quibus ipsæ decimæ Novalium de jure competere dinoscuntur, easdem decimas Nobis & Ecclesiis, ad quas pertinent, de cætero possidendas pacifice relinquentes.

II. De Occisoribus, Mutilatoribus, & Captivatoribus Clericorum.

Item statutum Venerabilis quondam ENGILBERTI Colonienfis Archi-Episcopi, Prædecessoris nostri, contra injectores manuum in Clericos, Ecclesiasticasve personas, olim per ipsum editum, cum pœnæ majoris adjectione contra captivatores Clericorum observari volentes, statuimus, ut cum sacrilegi, qui, *suadente diabolo*, DEI timo-

timore postposito, manus injiciunt in Clericum, vel alias personas Ecclesiasticas & religiosas temere violentas, & ex hoc incidunt excommunicationis sententiam *Canonis* jam prolati, quod occisores, mutilatores, & percussores atrociter Clericorum & Ecclesiasticarum personarum, & Clericos capientes, & in captivitate detinentes seu per captivitatem aliquam pecuniam ab eis extorquentes, seu talium Receptatores, & Defensores, propter hoc autoritate *Canonis* latæ sententiæ excommunicati, cum omnibus operam & consilium ad præmissa adhibentibus, per omnes Ecclesias Diocesis, in qua hujusmodi perpetrantur, per Decanos, Ecclesiarum Rectores & Presbyteros, quamprimum ipsis hoc per famam publicam vel rei evidentiam, vel per fidem duarum fide dignarum personarum ipsis faciendam; aut per mandatum seu sententiam judicis constiterit, campanis pulsatis, & candelis accensis, nominatim, quorum nomina sciri poterunt, alias in genere, excommunicati publice nuntientur, & arctius evitandi, donec satisfecerint de commissis, & debitæ absolutionis beneficium meruerint obtinere. Præterea in aggravationem poenæ hujusmodi malefactorum, statuimus, ut omnis locus, ad quem tales excommunicati venerint, vel ipsos Clericos deduxerint, quamdiu ipsi captivatores; & captivi ibidem fuerint, & post tres dies post eorum inde recessum; nec non locus, in quo talis violentia facta fuerit, quem quidem locum, seu Ecclesiam, aut Ecclesiastico supponimus interdicto, & interdicti teneantur. Et si hujusmodi sacrilegi seu malefactores, Principes, Nobiles seu Barones fuerint, & terram, jurisdictiones, districtum, munitiones, seu castra habuerint, & intra tres menses a tempore perpetrati delicti, etiam captivatis dimissis, non satisfecerint de delicto, extunc tota terra & districtus eorum, quos post lapsum dictorum trium mensium simili modo interdicimus, Ecclesiastico (ipso facto) sit supposita interdicto. Si autem alii fuerint, quam Nobiles & terrarum Domini, tunc ipsi Domini terræ; in quorum districtibus manent, & Domicilium habent sacrilegi antedicti, vel ubi tam enorme scelus commissum extiterit, intra quindecim

dies, postquam de delicto hujusmodi constiterit, per famam publicam, vel evidentiam facti, vel per denuntiationem Decani seu Presbyteri (quam ab ipso Decano seu Presbytero loci fieri præcipimus) sub poena excommunicationis, quam cito per famam, querimoniam alicujus, rei evidentiam, aut alio modo ipsis constiterit, præfatos sacrilegos tales habent per detentionem personarum suarum, & privationem bonorum suorum, ut liberato captivo DEO, Ecclesiæ, & læso emendam præstent de commissis. Si vero dicti Domini terrarum præfatos sacrilegos habere nequiverint, nec bona in eis habuerint, sed alias commanere in eorum districtibus consueverint, procedant per proscriptionem contra eos, de terra sua ipsos exellendo, & per justitiam seu judices suos id fieri mandent, & procurent: alioqui statuimus, quod extunc ipsi Domini terræ, & eorum judices, & alii, per quos regitur jurisdictio secularis, excommunicationis sententiam incurrant ipso facto. Et si per quindecim, dictam excommunicationem animo sustinuerint indurato, extunc tota terra eorum Ecclesiastico sit supposita interdicto. Præterea, ne per mutationem locorum, præfati sacrilegi hujusmodi possint malitiam palliare, volumus, quod si ipsi sacrilegi de una Diocesi ad aliam in nostra Provincia se transferant, vel captivos prædictos deduxerint, quod ad requisitionem Diocesani, in cujus Diocesi hæc perpetrata sunt, vel ejus Officialis, seu amicorum captivatorum, seu captivati, facta Ordinario loci seu Diocesano alterius, ad quam se sic transtulerint, fide per mandatum seu juramentum de præmissis, statuta eadem in omni forma; qua supra dicitur, inibi observentur. Si vero Domini terrarum, vel alii nobiles, & jurisdictiones temporales habentes, fuerint malefactores seu violatores interdicti, Capellani eorum (si quos habent) quamprimum sciverint Dominos suos Clericum captivasse, detinere in munitionibus, aut Dominiis suis, vel capi mandasse, vel aliquid aliud de præmissis fecisse, amodo coram ipsis non celebrent Divina: sed ut delicto commissio intra quindecim dies satisfaciant, ipsos admoneant diligenter: alioqui extunc ab eis, & mansionibus eorum recedant, nec eis communicent.

Con-

contrarium facientes, quos in his scriptis excommunicamus, excommunicatos volumus nunciari. Et si contra hæc Divinis se immiscuerint, notam irregularitatis incidendo, & in ea permanerint per annum unum animo indurato, ipsos extunc beneficiis Ecclesiasticis (quæ in Diocesis, in quibus manent; obtinent) ipso facto decernimus privatos esse, & eosdem ipsis beneficiis privamus per præsentem: injungentes beneficiorum Patronis, quod extunc aliis personis idoneis beneficia hujusmodi conferant, quibus iidem sunt privati: alioqui termino juris elapso, potestas conferendi dicta beneficia ad superiorem devolvatur. Si vero dicti irregulares beneficia non habent in Diocesis, in quibus manent, ipsos ab eisdem Diocesis perpetuo eliminamus, & amovemus, ipsos etiam, tametsi per importunitatem suam absolutionem obtinerent, de cætero ad aliqua officia vel beneficia Ecclesiastica nullatenus admittendi.

Præterea, si captivans Clericum vel Religiosum, vel detinens, ac sacrilegus hujusmodi pœnis vilipensis, congrua satisfactione neglecta, per annum unum in excommunicatione hujusmodi perdurare animo præsumpserit obstinato: statnimus, ut nulli de filiabus, filiis, fratribus, & sororibus, & eorum filiis, & filiabus, usque ad tertium gradum inclusive linea descendente, vel illi etiam, qui ad captivitatem hujusmodi, opem, vel operam impenderit, vel captivum Clericum in suis vinculis detinuerint, ad Ordines, seu Beneficia, aut etiam Prælaturas in nostra Diocesi, seu alia, in qua hæc fecerint, admittantur, cum ex delicto patrum ipso facto inhabiles reddantur ad hujusmodi consequenda. Statuentes; & mandantes Examinatoribus Clericorum, Capitulis, Conventibus, Patronis, & Archi-Diaconis, ac Prælati, ut nullum ex talibus ad Ordines admittant, Capitulum vero & Conventus, nullum ex eis ad Præbendas eligant; Patroni nullum ex ipsis præsentent: Archi-Diaconi & Prælati tales non investiant ullo modo: alioqui Capitula & Conventus, Patroni & Archi-Diaconi, ac Prælati, ipso facto jus suum amittant, & ea vice ad proximum superiorem devolvatur. Et nihiloominus talium

personarum receptio, investitura & admissio sit irrita ipso facto, nec ipsis jus quærat in beneficiis sic adeptis. Feudum, & si qua prædicti sacrilegi ab Ecclesiis vel Ecclesiasticis personis tenuerint, post lapsum anni, per quem excommunicationem sustinuerint, ad Ecclesias & personas Ecclesiasticas libere revertantur, ita, ut si ipsi sacrilegi ultra se de hujusmodi feudis ingesserint, contra eos tanquam contra invatores Ecclesiæ, procedatur.

Verum, cum futuris periculis sit maturis remediis obviandum, ne post vulneratam causam ad remedium difficilior in bonis recurratur, de Clericis Clericos capientibus, aut capi mandantibus, aut adversus Ecclesiam se hostibus Ecclesiæ associantibus, Ecclesiasque invadentibus, ut contra sacrilegos hujusmodi perfectius, quo poterit, procedatur: statnimus, ut si qui Clerici & Prælati beneficiati, cujuscumque dignitatis, status, aut conditionis existant, bono opere spirituali rejecto in tam præsumptuosam & detestabilem profunditatem malorum dilabuntur, quod Clericos Religiososve personas capiunt, vulnerant, & detinent captivos, aut contra Ecclesias suas Cathedralis, aut alias, quarum Prælati, Canonici, vel Rectores existunt, cum hostibus ipsarum Ecclesiarum se confederant, vel in acie hostium contra suos Diocesanos, & Ecclesias armati compareant, Archi-Episcopos, & Episcopos, & Ecclesias suas, & Collegia, seu Capitula, vel bona earundem rapiunt, vel rapi faciunt, aut mandant, detinent, vel detineri mandant, seu arrestari procurant, per abusum & judicium potentie secularis; dum hæc vel eorum aliquod, per evidentiam facti vel sceleris perpetrati, aut per confessionem propriam coram duobus testibus fide dignis factam, aut Judicis sententiam, vel alio modo legitimo liquent, quos (salva pœna Canonis) extunc, ut exnunc, absque alterius mandati expectatione, excommunicationis sententiam (quam in his scriptis propter hoc tanquam delictum notorium in eos ferimus) incurrere volumus ipso facto. In qua quidem sententia, si per annum unum perseveraverint animo indurato, cum tanto gravius Clerici, cujus-

cujuscunque status, dignitatis, aut conditionis existant, hujusmodi committentes, sint puniendi, quanto hæc sunt in ipsis magis detestanda, & tanquam ingrati.^(a) Cum autem Ecclesias proprias invaserint, dignitates, personatus, & beneficia sua amittere debeant; seu ea demeruerint, extunc post lapsum anni absque Judicis sententia, dignitatibus, beneficiis, personatibus; & omnibus, quæ in Dicecesi, in qua præmissa, vel eorum aliquod commiserint, habent, & obtinent, virtute, & auctoritate præsentis Concilii nostri, ipso facto sint privati: quos etiam ex causis præmissis privamus eisdem, absque spe restitutionis ad ipsa, propter atrocitatem criminis in hoc casu: Mandantes, ut de ipsis dignitatibus, personatibus, & beneficiis per illos, ad quos hoc spectat, extunc ordinetur, & conferantur personis aliis intra tempus juris: alioqui eorum collatio ad Superiorem devolvatur. Et si antedicti Clerici sic privati, non obstante, quod forsan de facto dignitates & beneficia habent, adhuc detinent, & Patroni de ipsis negligunt ordinare; post hæc se ingesserint dignitatibus, personatibus, & beneficiis eisdem: fructus suos non faciant, nec actus eorum Capitulares cuiquam suffragium præsent, vel afferant nocumentum. Clericos vero hujusmodi committentes, non beneficiatos, extunc ut exnunc excludi volumus, & inhabiles existere ad dignitates, personatus, officia, & beneficia quælibet in Dicecesi, in qua talia perpetraverint.

III. *Ne quis Laicus exactiones Ecclesiis imponat ratione Advocatiæ, quam super bonis Ecclesiasticis habet.*

Monemus item omnes Nobiles, terrarum Dominos, Scabinos, Consules, Judices, Sæculares, & Universitates, ac alios laicos, cujuscunque status existant, ne de cætero occasione *Advocatiarum*, quas quidam ex eis super bona Ecclesiastica habent, vel quocunque alio nomine, vel colore ad hoc quæsito, tallias, collectas, exactiones, petitiones, assisas ^(b), contributiones, servitia indebita, & ultra quam jus Advocatiæ, juxta Scabinorum sententiam, ubi Advocati

sunt, permittit, ipsis Ecclesiis, Ecclesiasticisve personis, hominibus, mancipiis, & bonis earumdem imponant, vel imponere, exigere, aut recipere præsumant: vel quominus bona Ecclesiastica colantur, & ipsæ Ecclesiæ eisdem pacifice fruantur, per arrestationem; vel prohibitionem, aut alias prohibeant, ne bona Ecclesiarum colant; vel homines suos; dum in expeditionibus suis vadunt; vel alio modo procedunt, in grangiis & curtibus earundem Ecclesiarum & Monasteriorum ponant, alias contra ipsos volumus procedi per sententiam excommunicationis, quousque satisficiant de commissis.

IV. *De invasoribus, occupatoribus, & detentoribus verum, & bonorum Ecclesiasticorum.*

Item statutum Prædecessoris nostri ENGILBERTI quondam Colonienfis Archi-Episcopi, quod sic incipit: *Atque ad reprimendum importunam presumptionem raptorum, prædonum, & invasorum bonorum & verum Ecclesiarum &c. innovantes, exnunc de verbo ad verbum, prout in eodem continetur, volumus, & præcipimus firmiter observari. Similiter, & statuta ejusdem nostri Prædecessoris ENGILBERTI, de effractoribus, & incendiariis Ecclesiarum, & quod sic incipit: Contra incendiarios autem & effractores Ecclesiarum, & Monasteriorum, cum ipso facto sint excommunicati, &c. prout in eodem statuto continetur, innovantes, volumus, & præcipimus observari.*

V. *De occupantibus bona Ecclesiarum & Ecclesiasticarum personarum, & Legata fabricæ Ecclesiæ Colonienfis.*

Cum nonnulli tam Clerici, quam laici utriusque sexus homines, bona mobilia vel immobilia, ad Ecclesias, Monasteria, vel alia pia loca, nec non ad dignitates, personatus, & beneficia pertinentia, vel ad fabricam Coloniensem, & aliarum Ecclesiarum legata, seu bona illicite acquisita, ipsi fabricæ cedentia, aut tacite & expresse occupent, & detineant minus iuste in fraudem Ecclesiarum, & Monasteriorum, ac aliorum prædictorum: Nos eorum in hac parte fraudibus obviare volentes, statuimus, & præ-

(a) forte: ingrata.

(b) forte: accisias.

& præcipimus, ut quicumque, cujuscunque status, aut conditionis existant, in præsentem, vel pro tempore, hujusmodi bona & legata, ac illicite acquisita, Ecclesiis, Prælatiis & Clericis scientibus vel ignorantibus, sub se habuerint, intra mensem a præsentis statuti publicatione ea, quæ ad præsens apud eos sunt, & se habere sciunt, vel quocunque tempore, dum innotuerit ipsis, se bona consilia tenere, vel occupare, similiter intra mensem, eisdem fabricæ nostræ Colonienſi, & Ecclesiis, Monasteriis, Prælatiis, Ecclesiarum Rectoribus, aut aliis locis piis restituant, atque reddant. Alias ad id extunc per excommunicationis sententiam compellantur.

VI. De vita & honestate Clericorum.

Statutum item bonæ memoriæ SIFRIDII quondam Colonienſis Archiepiscopi, Prædecessoris nostri, inter alia statuta sua de vita & honestate Clericorum editum, quod sic incipit: *Ex Concilio Generali statuimus, & præcipimus, ut universi Clerici continenter & caste vivant &c.* innovantes, præcipimus firmiter observari.

VII. De Vicariis, quo ad Versus & Lectiones in Matutinis.

Intelleximus etiam, quod quamquam in quibusdam Ecclesiis Vicarii aliqui adstricti sint suas septimanas servare, celebrando Missas in principali, seu summo Altari, & cæteras horas quascunque, Lectiones tamen in Matutinis legere, vel Versus cantare in eisdem Ecclesiis, de consuetudine prohibentur: propter quæ, occasione Canonicorum absentium, contingit interdum in eisdem Ecclesiis negligentias fieri, & Matutinas cum cantu penitus prætermitti. Attendentes igitur absurdum esse, quod majora & solenniora [ut est dictum] ipsis Vicariis permittantur, utpote Missarum celebratio in summo Altari, & minima denegentur: ad tollendam negligentiam hujusmodi, præcipimus Decanis, ut ipsi Vicariis eisdem deinceps injungant Versus cantare, & Lectiones legere, prout viderint expedire. Eos, qui ipsis in hoc non paruerint, sicut in cæteris, corrigendo, salva correctione

contra Canonicos, qui in præmissis fuerint negligentes.

VIII. De ætate Presbyterorum ordinandorum.

Statuimus item, ut nullus Clericus sæcularis ad Sacerdotii gradum, nisi vigesimum quintum annum ætatis suæ attigerit, aliasque ad hoc idoneus extiterit, ordinetur, ut levitate juvenili, quæ prona est ad delictum, transcurſa, Sacerdotes in agendis discretionem habeant suo statui congruentem.

IX. De concubinariis Clericis.

Quamquam item plures Canones, & Statuta edita sint super continentia Clericali, quia tamen natura prona est & labilis ad incontinentiam: idcirco ut quilibet Clericus saltem pœnæ gravioris formidine strictius se contineat; statuimus, ut nullus Clericus, & nullus omnino Presbyter, concubinam vel in domo sua, vel extra publice teneat, aut habeat: cui necessaria administret. Alioqui a Divinis noverit se suspensum: & talibus suspensis celebrantibus, nullus Divina audiat, nec pro Capellanis, nec Sociis eos teneat. Contrarium facientes, ut desistant, per excommunicationis sententiam arceantur, salvo pœnis per bonæ memoriæ CONRADUM Archiepiscopum Colonienſem, Prædecessorem nostrum, contra concubenarios, & concubinas hujusmodi institutis. Qui vero relaxatis (c) voluntatem habent, in lacum miseræ, & in lutum fæcis se immergunt, ut salutis æternæ coronam, & honestatis normam, & sacrarum virginum pudicitiam violare præsumpserint, cujuscumque regulæ vel habitus monialium tales extiterint, propter tam flagitiosum crimen, si carnis commercium temerarium fuerit subsecutum, excommunicationis sententia (quam in his scriptis ferimus) se noverint innodatos. Sanctimoniales vero, quæ hujusmodi crimen flagitiosum perpetraverint, nullatenus deinceps ad officium aliquod in Monasterio admittantur: sed in signum iniquitatis suæ (salvis pœnis contra tales Sanctimonialis editis, prout hæc in Concilio Venerabilis Paris, Domini CONRADI Portuenſis, & S. Rufinæ Episcopi,

olim

(c) forte: voluptatum.

olim Apostolicæ Sedis per Alemaniam Legati sunt promulgatæ) taliter a suis Superioribus corrigantur, quod earum correctio aliis terrorem incutiat, ea amplius non committendi.

X. *Quod Clericis publica emenda & penitentia non sit imponenda.*

Item cum Clericis publica actio pœnitentiæ sit prohibita, statuimus, ut in nulla Ecclesiarum nostræ Civitatis, Diocesis, & Provinciæ, aliqua emenda seu pœnitentia publica ipsis imponatur; cum ex talibus infames reddantur, sicut in aliquibus Ecclesiis intelleximus observatum: videlicet, quod Canonici & Clerici alii ante cruces in Processionibus, & in Choro, diebus, quibus cæteri in albis procedunt, in nigris cappis circum-eunt, & incedunt, in publico & in facie laicorum: quod de cætero in virtute sanctæ obedientiæ fieri prohibemus. Sed Superiores eorum, juxta qualitatem delicti, pœnitentias ipsis Clericis imponant suo ordini congruentes. Si secus actum fuerit, decernimus ipsos Clericos ad hujusmodi emendas publicas non teneri.

XI. *Quod non nisi Ordinati, ad sacros Ordines legant Epistolas, vel Evangelia.*

Statuimus item, ut non nisi Ordinati legitime ad sacros Ordines, Epistolas, vel Evangelia legant, indui vestimentis sacris, cum id obviet Canonici institutis. Contrarium facientes a suis Decanis puniantur.

XII. *Quod nullus Ecclesiam curatam teneat, nisi ab Episcopo, vel Archi-Diacono instituatur.*

Item statuimus, quod nullus Ecclesiam curatam de cætero teneat, vel regendam recipiat, aut susceptam tenere præsumat, nisi a Nobis, vel Archi-Diacono, & eorum vices gerentibus (quibus hoc de jure vel consuetudine competere dinoscitur) de eadem fuerit legitime institutus, cum alias non habeat claves ligandi, vel solvendi. Contrarium faciens, nisi dictam Ecclesiam dimittat, monitione viginti dierum præmissa; ex tunc excommunicationis sententiam (quam in ipsum in his scriptis ferimus) incidat ipso facto, nec plebs ei obediat, vel intendat.

Tomus IV. Concilior. German.

XIII. *Quod provisum de Beneficiis auctoritate Apostolica, se faciant juxta formam provisionis ordinari.*

Statuimus etiam, ut quibus in nostra civitate est de Beneficiis Ecclesiasticis auctoritate Apostolica provisum, sic quod ad ea, prout onus beneficiorum eorundem requirit, promoveri teneantur; se faciant juxta formam provisionis eorundem ad dicta beneficia promoveri: alioqui ea vacare decernimus, & eorundem collationem devolvi ad superiorem, ut per ipsos intra tempus juris de personis aliis ordinetur. Et si contra hæc Clerici hujusmodi fructus eorundem beneficiorum perceperint, illos suos non faciant, nec ipsis ministrentur: quod in virtute sanctæ obedientiæ duximus injungendum.

XIV. *Quod Fructus Canonicorum suspensionum decedentium, cedant Ecclesiæ, & non Successoribus suspensionum.*

Statuimus & hoc, ut, si qui Canonici suspensi decesserint, quod propter hoc Ecclesiæ annis gratiæ & eorum fructibus post obitum cujuslibet ex consuetudine currentibus non fraudentur: Sed ipsis Ecclesiis, & non Successoribus suspensionum, cedant pro redditibus perpetuis comparandis, ad communem utilitatem Ecclesiarum, ne Ecclesiæ ipsæ ex alieno delicto jacturam sentiant in hoc casu.

XV. *Quod Clericus non leget concubinis suis, vel spuris annam gratiæ suæ.*

Nullus item annis gratiæ abutens, fructus annorum suorum spuriis, vel concubinis suis leget aut donet. Contrarium faciens, Ecclesiastica careat sepultura & legatum hujusmodi non teneat in hoc casu, sed cedat Ecclesiæ a qua processit. Item Vicarii Ecclesiarum collegiatarum, vel aliarum Ecclesiarum, ad ordinem, quem onus beneficiorum suorum requirit, a tempore susceptorum beneficiorum promoveantur, & personaliter resideant in eisdem. Alias eisdem Vicariis seu Beneficiis, si non promoveantur, nec personaliter eas deservierint, ipso facto, post lapsum anni juris, impedimento cessante, sint priva-

ti, & Collatores earundem Vicariarum seu Capellaniarum, de ipsis, personis aliis (id facientibus) studeant providere. Idem de Vicariis jam existentibus volumus observari, ne votum Christi fidelium, qui huiusmodi Vicarias pro remedio animæ suæ, vel pro cultu Divino ampliando instituerunt, & dotaverunt easdem, per talium non promotorum & non deservientium negligentiam defraudentur.

XVI. De Campanariis, quod sint literati & in albis ministrent.

Presbyteri item, sub albis, camisas habeant. Et campanarii (quos literatos semper assumi volumus, ut saltem in responsionibus communibus Presbytero valeant respondere) similiter tempore Divinorum camisis mundis, & albis sint induti, nec quotidianis vestimentis suis in suo officio administrent indecenter: alias per locorum Decanos & Plebanos, ad sui officii exercitium nullatenus admittantur: quod ipsis Decanis & Plebanis in virtute sanctæ obedientiæ duximus injungendum.

XVII. Quod Decani & Plebani locorum, examinent ornamenta Ecclesiæ.

Decani item & Plebani examinent libros, & ornamenta necessaria, ad Divinum cultum in Ecclesiis sibi subiectis, & ubi necesse fuerit, per conservatores dictæ Ecclesiæ & Parochianos intra mensem post admonitionem eorundem suppleri faciant, in rebelles excommunicationis sententiam promulgando.

XVIII. Quod fructus Canoniorum suspensionum cedant Capitulis, non singularibus de Capitulo personis.

Statuimus item, ut fructus Canoniorum suspensionum, durante suspensione eorundem, cedant Capitulis ad communes usus Ecclesiarum suarum, prout in Ecclesia nostra Colonienfi observatur, cui expedit in hoc casu cæteras nostræ Diocesis & Provinciæ Ecclesias conformari: ne ipsi Canonici suspensis, eosdem fructus per aliquas alias personas singulares, vendicantes sibi, ex

aliqua consuetudine, immo potius corruptela, ipsos competere, recuperent: & per consequens, ad frequentationem chori, per suspensiones huiusmodi nequeant coarctari: si tamen constet, ipsas personas singulares, per dictorum fructuum restitutionem dare Canonicis suspensis occasionem, suspensiones huiusmodi non curandi.

XIX. Quod Ecclesia vel Cæmeterium non consecrentur, nisi de dotatione loci Diocesano constiterit.

Inhibemus item, ne aliqua Ecclesia, vel cæmeterium, dotata, de qua dotatione ante omnia Nobis, seu loci Diocesano fidem fieri volumus, amodo consecrentur.

XX. Quod Parochiani non nisi a suo Plebano communionem recipiant.

Statuimus item, ut nullus Parochianus ab alio, quam a suo vero Plebano communionem recipiat, nisi de hoc privilegiis authenticis sit munitus. Contrarium facientes, a perceptione Corporis Christi abstineant, quousque ipsi Plebano satisfecerint de contemptu.

XXI. Quod non fiant imprecationes, nec cantetur MEDIA VITA, contra aliquas personas.

Prohibemus item, ne in aliqua Ecclesiarum nobis subiectarum, imprecationes fiant, nec decantetur MEDIA VITA contra aliquas personas, nisi de nostra licentia speciali, cum nostra interfit discutere, quando sint talia facienda.

XXII. De Matrimoniis Clandestinis.

Prohibemus item, ne quis Matrimoniis Clandestinis interfit, & quod proclamationes fiant ubique de Matrimoniis contrahendis. Et si qui contrarium fecerint, & excommunicationis sententias inciderint, absolutiones talium, Nobis seu nostro Officiali specialiter reservamus.

XXIII. *Quod annus Domini (a) de cætero in Nativitate Domini observetur, & innovetur.*

Statuimus etiam, ut exnunc de cætero annus Domini observetur, ut in *Nativitate Christi* innovetur quolibet anno, prout *sacrosancta Romana Ecclesia* id observat, quæ est omnium Ecclesiarum caput & magistra: ut errores & difficultates (qui propter diversitatem inceptionis anni Nativitatis ejusdem multoties eveniunt) de cætero evitentur.

XXIV. *De Tabellionibus.*

Statuimus item, ut Tabelliones seu Notarii publici, quoties alicui appellationi, protestationi, aut provocationi aliique actui in publico faciendo interfuerint, provideant sibi, ut Officiali nostro, seu Judici, aut aliis, coram quibus appellatur, dent sub eodem contextu copiam appellationis sub expensis appellantis: quas appellantis seu provocantis, & protestantis aliqua fieri volumus, ut Judex, an deferat appellationi, nec ne, deliberare valeat, ne ipsis Judicibus, qui limitatum terminum super hoc a jure habent, currat tempus. Item cum Officium tabellionatus sit publicum, præcipimus, ut quilibet tabellio, instrumenti confecti per ipsum, intra sex dies, postquam ex parte illius, cujus interest, fuerit requisitus, sub expensis partis hoc requirentis, quas per taxationem Curie nostræ, & Diocesani cujuslibet taxari volumus, copiam sub sigillo suo det, & assignet. In quibus duobus articulis si tabelliones negligentes fuerint, & de hoc constiterit per rei evidentiam, aut alio modo, ac ipsi appellantes seu protestantes hujusmodi facere contempserint, extunc excommunicationis sententiam incendant, cujus relaxationem Nobis specialiter reservamus.

XXV. *De Sacramentis.*

Item statutum piæ memoriæ SIFRI-
DI Colonienfis Archi-Episcopi Prædecessoris nostri, de septem Sacramentis, inter alia statuta sua editum, quod inci-

pit, *Statuimus, ut baptisimus honorabiliter celebretur &c.* in omni sua forma, pro instructione simplicium Clericorum, qualiter in administratione eorundem Sacramentorum se habere debeant, volumus, & præcipimus observari.

XXVI. *Quod Plebanis non denegetur, Chrisma vel Oleum sacrum.*

Statuimus etiam, ut nullis Plebanis Chrisma vel Oleum sacrum, ab his, qui hæc administrare solent, occasione cuiusvis petitionis cathedratici, seu synodatici non soluti, denegetur vel subtrahatur: cum necessarium sit in Vigilia Paschæ, & aliis temporibus, pro renovatione fontis baptismatis, hæc in Ecclesiis haberi: sed ad solutionem prædictorum, dicti Plebani, si necesse fuerit, viis aliis compellantur, ne parochianis ex alieno delicto, Sacramenta prædicta, quæ gratis dari debent, indebite subtrahantur.

XXVII. *De Statu Religiosorum.*

Item statuimus, ut Religiosi Ordinis B. Benedicti Abbatis, in crastino Exaltationis sanctæ Crucis, omni anno celebrent Concilia sua in Civitatibus Cathedralibus, & in Monasteriis sui Ordinis, si qua sunt in eisdem: alias in vicino in aliqua Ecclesia dictæ civitatis, quam ad hoc viderint sibi aptam. Ad quod Concilium Abbates singulorum Monasteriorum, quilibet eorum cum duobus Monachis veniant, & habeant inter se duos Superiores Abbates ordinis sui dictæ Diocesis, qui procurent ibidem legi *Regulam B. Benedicti*, & *Provinciale Concilium bonæ memoriæ Domini CONRADI Colonienfis Archiepiscopi Prædecessoris nostri* super statu & Regulari disciplina dicti ordinis per ipsum olim observatum. Quod quidem Concilium sic incipit: *In Nomine Domini, Amen.* (b) *Conradus Dei Gratia sanctæ Colonienfis Ecclesiæ Archiepiscopus:*
"saluti & bono statui omnium, cujuscunque
"Professionis seu Ordinis, sed nostrorum Domestico-
"rum maxime debitores existentes in
"Domino, sicut in nostra visitatione ne-
"gocium informationis, & correctionis
"Cleri-

Q 3

(a) Ante MCCCX. Ecclesia Colonienfis cum Gallicana Annum a Paschate auspiciabatur. Anno MCCCXXVIII. adhuc annus Rectoris Magnifici & Decanorum iuchoabatur a die Annuntiæ Virginis 25. Martii, pridie enim 24. Martii erat Electio Rectoris & Decanorum, si anno integro Magistratus gessissent, quod tum rarum erant: non enim ultra trimestre obligabantur.

(b) Tomi III. Concil. nostrorum pag. 594. de anno 1260. totum refertur.

" Clericis per statuta Canonica expedi-
mus competentem , ita de Monachis
" fatagentes id ipsum suo modo , quo
" competens fuerit , expedire , imprimis
" statuimus , quod omnium Monasterio-
" rum nigri habitus Monachi Ordinis S.
" Benedicti , Divinum Officium in can-
" tando & legendo , secundum quod re-
" gula ejusdem S. Benedicti præcipit ,
" exsequantur : & sic finit. Datum &
" promuntiatum Coloniae quarto idus
" Martii. Anno Domini MCCLX. "

Quæ etiam statuta sunt ab aliis Præ-
decessoribus nostris , de observantia regulæ ,
ibidem legantur. Et si qua pro Mona-
steriorum dicti ordinis statu , & corre-
ctione fratrum rebellium , ac Divini cul-
tus ordinatione ordinanda sunt , ordinen-
tur : & quæ ibidem diffinita secundum
eorum regulam fuerint , observentur. Si
qui vero Monachi rebelles fuerint , nec
per Abbates corrigi possent , illos Nobis ,
vel loci Diœcesano volumus præsen-
tari.

XXVIII. *Item de Monachis & Monia-
libus.*

Si qui etiam Monachi vel Sanctimo-
niales beatorum BENEDICTI & AU-
GUSTINI Ordinum , præter superioris
licentiam bona mobilia apud se , vel apud
alios in deposito negotiationis , aut alia de
causa habuerint , illa suo superiori & con-
ventui resignent , & eisdem ad cautelam
quolibet anno intra quindenam ante Fe-
stum Paschæ intiment , specificent , reve-
lent , & demonstrent , & ad manus ejus-
dem superioris Abbatis in præsentia con-
ventus resignent penitus , atque tradant
Monachi & Moniales ejusdem. Con-
trarium facientes , seu qui bona hujus-
modi dolo deserint possidere , excom-
municentur , & puniantur secundum inde
statuta. Et quicumque alii utriusque
sexus homines , præfata bona sub quovis
nomine sub se habuerint , tales , nisi ea-
dem bona intra mensem simili modo ad
manus Superioris ejusdem Monachi vel
Monialis reportent & resignent , excom-
municationis volumus sententiam incur-
rere eo facto.

Item de eisdem.

Item præcipimus & statuimus , ut
Monachi & Moniales in civitatibus atque

(b) quam , loco : quod.

villis absque religionis habitu non discur-
rant : nec ullus Monachus seu Monialis
in pluribus Monasteriis , quod (b) in
uno , Dignitates , Personatus seu Officia
& Præbendam obtineat : sed recepta se-
cunda dignitate , Personatu , Officio cum
Præbenda , Collator primæ dignitatis ,
Personatus , Officii , & Præbendæ Prio-
ris , eam seu eas alii conferat intra tem-
pus juris : nec Monachis , vel Moniali-
bus prædictis , tempore absentiae suæ fru-
ctus cedant suarum Præbendarum : quia
sic viderentur aliquid proprii possidere.
Sed Monachis ad studendum aptis , de
suarum Superiorum providentia poterit
de necessitatibus provideri.

Item adhuc de eisdem.

Item statuendo prohibemus , ne in
aliquo Monasterio Monachorum , vel
Monialium , cujuscunque conditionis vel
regulæ existant , in receptione vel ad-
missione Monachi seu Sanctimonialis
ad ipsum ordinem , pecunia exigatur , vel
pro receptione talis personæ ad religio-
nem , pacta , conditiones , aut conven-
tiones de pecunia , vel alia re temporali
ipsi Religiosi faciant , quovis nomine vel
colore ad hoc quæsito : quod ipsis om-
nibus , & singulis in virtute sanctæ obe-
dientiae duximus injungendum. Sed id
quod ex post parentes & amici personæ
receptæ pro eleemosyna & devotionis
causa , absque pacto libere contulerint ,
recipere valeant , dum tamen id fiat pure
& simpliciter sine fraude.

Item quarto de eisdem.

Cæterum statuimus , ut Moniales
ipsæ , sub perpetua in suis Monasteriis
clausura maneant , ac nulli (nisi de illius ,
ad quem pertinuerit , speciali licentia)
ingressus vel accessus pateat ad easdem :
ut sic a publicis , & mundanis conspecti-
bus separatæ , Domino liberius servire
valeant , ac lasciviendi opportunitate sub-
latâ , ipsi Domino JESU CHRISTO ,
cui integritatem suam spontanea volun-
tate devoverunt , corda & opera sua in
omni sanctimonia custodiant , juxta con-
stitutionem D. BONIFACII Papæ VIII.
quæ incipit : *Periculoso & detestabili quarun-
dam Monialium statui* &c. quam in præ-
missis & aliis in eadem constitutione de-
tentis , volumus , & præcipimus firmiter
obser-

observari. Nulla etiam mulier solenne votum continentiae emittat, quæ non elegerit sub clausura certa, vel approbata alicujus Ordinis remanere: ne propter levitatem sexus, si in sæculo remanserit, sicut prius, continentiae votum dissolvens, gravius delinquat in hoc casu: nisi ad talem ætatem pervenerit, quod de incontinentiae vitio amodo contra ipsam suspicio non habeatur.

Quia vero per præsentia statuta nostra *Provincialia*, communi utilitati Ecclesiarum & Ecclesiasticarum personarum, pro conservatione libertatis earundem, ac repressione ipsas instantium, ut speramus, auctore Domino salubriter providetur; præcipimus & mandamus in virtute sanctæ obedientiæ, ut statuta nostra ab omnibus Ecclesiis, & Ecclesiasticis personis nobis subditis, & in hoc Concilio nostro congregatis, inviolabiliter, fraude, & dolo seclusis, firmiterque observentur. Alias post tres menses a publicatione præsentis statutorum eorundem, volumus venientes contra ipsa, extunc pœnas incurrere contentas in eisdem.

Et ne quenkam ipsa statuta lateant, vel latere possint, statuimus, ut Collegia, Capitula, Conventus, Monasteria, Decani, Ecclesiarum Rectores, & cæteri, quorum interest, intra dictos tres menses a publicatione Statutorum ipsorum, copiam recipiant & sibi procurant eorundem. Alioqui ipsos, qui in hoc culpabiles extiterint, extunc suspendi volumus ab officio Divinorum.

Actum, pronuntiatum, & datum in Palatio nostro Colonienſi, præſentibus Venerabilibus *Guidone* Trajectensis, *Engilberto* Osnabrugensis, *Godefrido* Mindensis Ecclesiarum Episcopis, nec non Nuntiis solennibus Venerabilis *Theobaldi* Leodienſis Episcopi, & Capituli *Monasterienſis*, Sede ipsa vacante: ac Prælatiſ, & Clero nostræ Civitatis & Diocesis Colonienſis in dicto Concilio solenniter congregatis, in crastino Dominicæ *Invo-cavit*, nec non feria tertia & quarta sequentibus, Concilio ipſo durante, Anno Domini MCCCX.

Statuta Synodorum Colonienſium, anno 1554. impressa Colonia apud hæredes Quentel.

CONCILIIUM TREVERENSE PROVINCIALE

Anno Christi MCCCX. Clementis V. Papæ VI.
Henrici VII. Regis II.

SUB BALDUINO, ARCHIEPISCOPO TREVERENSI,
HENRICI VII. REGIS FRATRE.

DIVISUM EST IN CAPITA CLVI.

IN NOMINE DOMINI. AMEN.

Ista sunt Statuta salubria Provincialis Concilii Trevirensis, edita per Reverendum in Christo Patrem & Dominum, Dominum BALDUINUM, Dei gratia, Sanctæ Trevirensis Ecclesiæ Archiepiscopum, Sacri Imperii per (a) Regnum Arelatense Archie-Cancellarium, & publicata in Ecclesia Beati Petri Trevirensis, Anno Domini MCCCXXXIX. (b) die (c) mensis Aprilis, (d) & approbata concorditer per ipsum (e) Provinciale Concilium. Inter quæ quam plures

(a) Galliam &

(b) decimo.

(c) XVIII. die mensis Aprilis.

(d) ratificata &

(e) Episcopi Provinciae Trevericæ anno 1310. erant Rainaldus de Bar, Episcopus Merensis, ab A. 1301. ad 1316. Joannes d'Arfillieres Episcopus Tulensis ab A. 1310. ad 1320. Nicolaus de Nova villa Episcopus Verdunensis ab A. 1310. ad 1313. sub Balduino, Comite Luxemburgensi, Metropoli Trevirensi, ab A. 1308. ad 1355.

plures instructiones Canonice ad laudem Dei & necessariae (f) ad utilem eruditionem personarum Ecclesiasticarum, & Sæcularium Trevirensis civitatis ac Provinciæ continentur.

I. De exercenda Justitia adversus violentos Ecclesiarum oppressores.

Quoniam (g) quidem esse omnium perfectissimam virtutum arbitrandum esse hominibus, justitiam scilicet, quæ suum omnibus distribuit, conatus illicitos reprimens, & errata condemnans, quæ aliis augetur virtutibus & perficit virtuosos; eo quod justitiam colere, summum noscitur esse bonum; quod & licet universis incumbat, specialiter tamen in pontificali culmine constituti, qui juris executores existunt, (b) tenentur justitiæ, eo quod reintegranda omnia sunt ordinatione Pontificum ipsorum (i) secundum varietatem temporum, per quorumcumque violentiam, oppressiones & fraudes ab Ecclesiis subtrahuntur, Ecclesiasticis quæ personis ablata sunt. Ad hoc enim Deus (k) præordinavit Episcopos, ut injustitias removeant, præsumptiones abscindant, & Domino in suis servientibus opem ferant. Quod maxime fieri convenit, cum illi graviter opprimunt, de quibus dictum est: *Nolite tangere Obristos meos, (kk)* per quos Presbyteri & hi, qui in sorte Domini assumti sunt, non absque mysterio nuncupantur. Porro quantis oppressionibus & violentiis, injuriis, blasphemis & jacturis his diebus per (l) hostis antiqui versutias afficiantur, crucientur, lædantur, & opprimantur contra justitiam in nostra Trevirensi Provincia, personæ Ecclesiasticæ & Presbyteri, illi potissime, qui ferventiores in servicio Salvatoris existunt, nullus est, qui hæsitet. Obquam rem & licet omnes (ll) humiliari oporteat sub potenti manu Dei, ut in tribulationis tempore liberentur, ex injuncto tamen Nobis officio Pastoralis hujusmodi insolentis tenemur obistere, ac per defensionem justitiæ

eos mucrone inexpugnabili constitutionum utilium confringere, ut (m) resistere valeant ascendentibus ex adverso. Cum itaque considerata locorum, hominum, & temporum conditione introducantur causæ, scripturarum (n) remedia rationes & jura, quod in Apocalypsi competenter describitur; dum Joannes septem Ecclesiis scribit, in unaquaque earum specialia vitia (o) comprehendens: quod (p) secundum Apostolum evidenter declaratur, dum per singulas singulariter Ecclesias diversis remediis medetur illatis vulneribus. Ne per exhibitionem unius solius Collyrii adinstar periti medici per eum omnium oculi curarentur. (q) Pro communi omnium nostrorum utilitate subditorum, provida deliberatione statuimus, atque (r) præcipimus, incendiarios Ecclesiarum, locorum religiosorum, ac eorum receptatores scienter, singulis diebus Dominicis excommunicatos denunciari per omnes conventuales & parochiales Ecclesias & per omnia Monasteria tam Monachorum, quam Monialium Civitatis, Diocesis, Provinciæ Trevirensis, decernentes ipsos ex tunc ab omnibus evitandos. Cum autem ipsi incendiarii post publicationem hujusmodi excommunicationis absolvi non possint, nisi a summo Pontifice; Nos, ut iidem incendiarii & Receptatores eorum super hoc aliquam ignorantiam non prætendant, statuimus, ut hoc ipsis intimeretur per parochiales prædictos ante denuntiationem prædictam.

II. Contra Prædones & Violatores Ecclesiarum.

Item de Violatoribus Ecclesiarum & Monasteriorum, seu quorumcumque religiosorum & sacrorum locorum fractoribus, statuimus, quatenus in loco, ad quem prædam Ecclesiarum & locorum

- (f) necessariam & utilem. (g) Unam quidem esse omnium perfectissimam virtutem arbitrandum esse hominibus, justitiam scilicet. (b) & ad exercitium tenentur, (i) quæcumque (k) præordinavit (kk) Psalmo CIV, 15. (l) exquisitas (ll) I. Petri V, 6. (m) resisti valeat. (n) scripturarumque (o) deprehendens. (p) Quin etiam (q) Caput secundum: De incendiariis Ecclesiarum. (r) præcipimus (i) Caput tertium: De violatoribus Ecclesiarum.

rum seu personarum Ecclesiasticarum duxerint, quamdiu est, & erit ibi præda, vel ipse prædo, vel prædæ emtor, cessetur videlicet in ejusdem loci Parochiali Ecclesia penitus a Divinis per eorundem Ecclesiarum Parochiales Presbyteros, cujuscumque superioris Judicis Ecclesiastici Trevirensis Provinciæ mandato minime expectato: ita tamen, quod iidem Parochiales Presbyteri causam cessationis hujusmodi, contra quem & pro quo eadem sit cessatio, suis Episcopis, seu Officialibus eorum quam primum commode potuerint, non differant intimare. Si autem in ipsa Parochia Conventus seu Collegium fuerit, januis clausis ejusdem Parochiæ, Parochianis exclusis, voce submissa, ita quod foris audiri non valeant, Divina celebrentur ibidem.

III. (e) *De Parochianis, qui sine officio Missæ sepeliuntur.*

Si quis autem Parochianorum prædictorum decesserit, sine officio Missæ cum solis commendationibus sepeliatur in atrio, excepto prædone, prædæ emtore, fautoribus, seu receptatoribus eorundem. Præmissa vero ferventur, quam cito de præmissis constiterit, per facti vel spoliæ evidentiam vel Sacramentum spoliati, si honesta sit persona. Si quid autem circa præmissa, & cessationes hujusmodi dubitationis, seu questionis emerferit; judicio Episcoporum, (u) & aliorum generalium Officialium, quorum idem est auditorium, relinquatur; per quos restituta præda, resumptis organis, iidem violatores, fractores, prædones, fautores, & receptatores eorum damna & interesse (w) spoliato Parochialibus Ecclesiis & Presbyteris per censuram Ecclesiasticam restituere compellantur, quæ ratione cessationis hujusmodi spoliatus, eadem Ecclesiæ & (x) Presbyteri incurrerunt. Super quibus damnis credatur juramento spoliati & Presbyteri, si honestæ sunt personæ, contra eos terræ ipsorum usque ad satisfactionem condignam præmissorum.

IV. *Contra Raptores. (y)*

His autem adjicientes decernimus, ut si raptores, violatores, seu prædones quarumcunque rerum vel personarum Ecclesiasticarum infra mensem, a quo, ut prædicitur, cessari contigerit, contra eos prædam non restituerint, nec satisfecerint de præmissis, absque alio mandato, auctoritate præsentis statuti; per Parochiales Presbyteros excommunicentur, & excommunicati ipso facto sint, & etiam (z) nuntientur, interdicta terræ eorundem raptorum, violatorum, & prædonum, si quam habent. Et si Dominum Superiorem habeant temporalem, moneatur Dominus, ut eos ad condignam satisfactionem compellat infra alium mensem a tempore monitionis sibi factæ. Quod si facere neglexerit, extunc terra ejusdem temporalis Domini sub Ecclesiastico sit posita interdicto. Quod autem dicimus de raptore, extendi volumus in eum, qui rapinam fieri procuraret.

V. *De captione Clericorum. (a)*

Statuimus, ut captivatores Clericorum absque auctoritate Superioris Ecclesiastici, qui hoc facere possit & debeat, de qua quidem auctoritate constat: adjuutores & defensores eorum, quam primum de captivatione hujusmodi constiterit per evidentiam facti, vel alias legitime, per Parochiales Presbyteros excommunicati denuntientur. Si autem a die denuntiationis Clericum captivatum infra triduum non restituerint, terra ipsorum, si quam habent, Ecclesiastico sit supposita interdicto. Si vero a tempore interdicti hujusmodi infra mensem non respuerint; eorum Domini temporales a locorum Ordinariis moneantur, ut captivatores & detentores Clericorum ad eorum restitutionem compellant, alioquin ipsi Domini (b) per Ordinarios excommunicentur, ac excommunicati denuntiari mandentur. Quod si excommunicationis sententia non proficit, contra eos terræ ipsorum, si quas habent, extunc Ecclesiastico sint suppositæ interdicto.

VI.

(e) Caput quartum: *De sepultura interdictorum.*

(w) spoliatis

(y) Caput V. *De restitutionibus spoliæ.*

(a) Caput VI. *De captivatoribus Clericorum.*

(u) & eorum

(x) Presbyterorum

(z) publice nuntientur.

(b) temporales

Tomus IV. Concilior. German.

R

VI. (c) *Ut raptor denuntietur excommunicatus.*

Et quia super constitutionum & sententiarum executionibus est juris subsidium, & ordinariarum Judicum auxilium implorandum; statuimus, quod si raptorem, captivum, prædo excommunicati fuerint nuntiati; vel terræ eorum, si quas habeant, interdicto sint suppositæ a Judice ordinario unius Civitatis, vel Diocesis, Provinciæ Trevirensis; aliarum Diocesium ejusdem Provinciæ Ordinarii, qui ex parte spoliatorum seu captivorum super hoc requisiti fuerint, in suis Civitatibus & Diocesibus eundem raptorem seu captivum excommunicatum denuntient, ipsumque faciant ab omnibus evitari; terras, si quas habeat, sub suis jurisdictionibus Ecclesiastico interdicto supponentes.

VII. (d) *Contra Celebrantes in locis interdictis.*

Item, statuimus, si Presbyter vel Clericus in sacro Ordine constitutus, in loco interdicto scienter celebraverit; vel ipse Presbyter vel Clericus interdictus, suspensus, vel excommunicatus, maxime a Judice, Divina, ut prius, celebrare pertinaciter præsumpserit; & a loci Ordinario monitus non destiterit, ac infra competentem dilationem secum super hoc canonice dispensari non obtinuerit, per suum Episcopum & ad mandatum suum, ut sit cæteris in exemplum, corporaliter capiat, ut circumstantiis provida deliberatione pensatis, in perpetuum, vel ad tempus, prout Episcopus expedire providerit, carceri mancipetur ad poenitentiam peragendam.

VIII. (e) *Contra non recte tonsurantes.*

Item cum ante Sacramentale signum, quod per manus impositionem imprimatur & confertur, nullus secundum B. ISIDORUM dici debeat de sorte Domini; sub pena excommunicationis latæ sententiæ firmiter præcipiendo statuimus, ut nullus de civitate, Diocesi, & Provinciâ Trevirensi signum Clericale, seu Clericalem tonsuram, per quam secundum veriore sententiam Ordo Cle-

ricalis confertur, deferat, seu sibi radi faciat, acolythatus etiam ordinem non recipiat, antequam per eum, qui possit & debeat, sibi in collatione primæ Clericalis tonsuræ manus impositio & benedictio Sacramentaliter imponatur.

IX. *Ne plures uno die recipiantur Ordines.*

Item sub pena excommunicationis latæ sententiæ omnibus subditis nostræ Civitatis, Diocesis, & Provinciæ Trevirensis, propter multorum abusum clandestinum, qui hæcenus fieri consuevit, inhibemus, ne quisquam eorum primam tonsuram cum aliis omnibus minoribus, seu acolythatum cum sacro Subdiaconatus ordine, maxime cum consuetudo Trevirensis Provinciæ repugnet; una & eadem die recipere præsumat. Quod si contra præsumtum fuerit, hujusmodi ordines totaliter jure reprobante recipiens ab executione eorumdem Ordinum sit suspensus, cum receptio plurium Ordinum una die sit generaliter reprobata.

X. *Ne spiritualia vendantur ante receptionem.*

Item cum spiritualia, nullo dato promisso, per quod privata utilitas, seu lascivia induci valeat, pure & simpliciter conferri debeant, prout in antiquis Sanctorum Patrum Sanctionibus continetur: sub pena excommunicationis latæ sententiæ omnibus personis Ecclesiasticis Civitatis & Diocesis Provinciæ Trevirensis firmiter inhibemus, ne quisquam ante vel post receptionem, in Canonicum, in Monachum, vel in fratrem, seu adoptionem cujuscumque beneficii Ecclesiastici, ratione hujusmodi receptionis prandium seu convivium commune, prout hæcenus in quibusdam Ecclesiis fieri consuevit, seu eidem prandio, in quo non morum commendanda instructio, sed reprobanda ventris repletio fieri consuevit, intersit. Verum, ut ad honorem Dei, & Ecclesiarum decus, utilitas augeatur, præcipimus, quod in Ecclesiis, in quibus super hujusmodi conviviis tempore præsentis statuti consuetudo servabatur, loco convivii hujusmodi post receptionem pure & simpliciter

(c) Caput VII. *Honthemio.*

(d) Caput VIII.

(e) Apud illum Honthemium sequitur Caput IX. *De Executionibus Testamentorum.*

ter factam, præstetur una cappa ad ornamentum Ecclesiæ valoris centum grossorum Turonensium antiquorum, ubi alias cappa majoris vel minoris pretii minime solvebatur.

XI. *Ut nullus alium præsentet.*

Item sub pœna latæ sententiæ omnibus perpetuis Vicariis Civitatis, Diœcesis, & Provinciæ Trevirensis inhibemus, ne quis alium Vicarium, seu perpetuum mercenarium ad titulos Vicariorum suarum, prout hactenus factum fuisse comperimus, præsentare præsumat, nec admittatur ad Ecclesiam taliter præsentatus, decernentes irritum & inane, quicquid contra hoc fuerit attentatum.

XII. *De non residentibus.*

Item sub prædictâ pœna firmiter præcipimus, ne quæcunque persona Ecclesiastica nostræ civitatis, & Diœcesis, Provinciæ Trevirensis grossos fructus Ecclesiastici beneficii percipiat, nisi in eodem beneficio residentiam fecerit, ut tenetur, & faciat personalem, nisi cum eo fuerit dispensatum.

XIII. *Contra Executores testamentorum.*

Item, quia Executores testamentorum, seu ultimarum voluntatum decedentium, plerumque in nostra civitate, Diœcesi, & Provinciâ Trevirensi, executionem testamentorum hujusmodi, etiam super his, quæ a testatoribus ad pias causas legata vel disposita sunt, nondum infra annum, sed plerumque biennium, & tempus multo longius adimplere negligunt: quin imo plerique executores bona decedentium hujusmodi sibi appropriantes, dividendes inter se, præfatas ultimas voluntates & dispositiones dolose exequi totaliter prætermittunt: quamquam secundum civiles etiam sanctiones extrema voluntas testatoris cujuslibet infra annum debeat executioni demandari, alias est defunctorum piis voluntatibus per locorum Episcopos providendum: innovando statuimus, quatenus iidem Executores per locorum Ordinarios moneantur, ut facto primitus, & quam cito fieri poterit, ab eis inventario super bonis receptis, infra annum a tempore obitus testatoris, & hujus executores receptas ultimas dispo-

sitiones prædictas, præcipue ad pias causas, fideliter exequantur: super quo locorum Episcopis, seu eorum vices gerentibus fidem faciant, alioquin Executores prædicti bona executioni sibi commissa Episcopis deliberent anno lapsio, per manus Episcoporum, secundum dispositionem defuncti dividenda, & ordinanda. Quod si executores ipsius facere contemserint, ipso facto, sententiam excommunicationis incurrant: quam excommunicationis sententiam, si per alium mensem indurato animo sustinuerint, ex tunc cessetur in Parochiis usque ad satisfactionem condignam. Contra eos, si Episcopis expedire videbitur, penitus cessetur a Divinis.

XIV. *Contra gerentes cucuteras (d) & rigatas. (e)*

Item, cum prima facie quilibet præsumatur talis, qualis is esse, cujus habitum fert, comprobatur, & in nostra Civitate, Diœcesi, & Provinciâ Trevirensi quam plures Presbyteri, Canonici, & Clerici rigatas & scaratas vestes gestantes, nec non mitras, ut vulgariter dicimus, seu cuculas, [f] coram Episcopis & Ordinariis, & etiam in Ecclesiis, in quibus beneficia obtinent, deferentes, venerabile signum Clericale, per quod ipsi in sortem Domini sunt, deferre præsumptuosa superbia vilipendunt, ut milites armatæ militiæ esse videantur, qui sanctæ cœlestis militiæ esse debent, & quibus non sub terrestri, sed cœlesti militia stipendiis providetur; sub pœna excommunicationis latæ sententiæ omnibus Presbyteris, Canonicis, & Clericis in sacris Ordinibus constitutis, & beneficiis Ecclesiastica obrinentibus, firmiter inhibemus, ne deinceps hujusmodi vestes rigatas & scaratas in Ecclesiis, in quibus Beneficiati existunt, tempore, quo celebrantur Divina, de cætero deferre præsumant; sed tonsuram Clericalem convenientem deferant secundum qualitatem Beneficii & conditionem personæ, honeste, gestu, habitu, & incessu taliter se habentes, ut honeste vivendo in conversatione laudabili sint cæteris in exemplum.

(d) cucutera cucula, tegumentum capitis, simile cucullo monachali.

[e] rigata, id est, similis depicta variegata.

(f) scarata, in scararii speciem variegata.

XV. *Contra Beneficiatos non tonsuratos per manus Episcopi.*

Item, abusus damnablem, qui in nostra Civitate, Diœcesi, & Provincia Trevirensi inolevit, amoventes, omnibus personis nobis subditis sub pœna excommunicationis latæ sententiæ firmiter inhibemus, ne quis antequam primam tonsuram per manus impositionem Sacramentalem receperit, sibi de quocumque Beneficio Ecclesiastico provideri procuret. Si autem contrarium per quamvis personam factum est, illud extunc decernimus irritum & inane.

XVI. (f) *Contra Presbyteros exigentes a Parochianis pecuniam.*

Item cum secundum Canonicas sanctiones nihil sit pro Sacramentis Ecclesiasticis exigendum, sed sint gratis & sine dilatione aliqua exhibenda (quantum piæ consuetudines super his erga sanctam Ecclesiam pia devotione a fidelibus introductæ debent observari) quam plures parochiales Presbyteri nostræ Trevirensis Provinciæ; prout didicimus, ubi consuetudo non est super certo eis dando, consuetudinem prætendentes, pro sepulturis, Chrismatis, & Unctionis receptione, & administratione immoderatos pecuniæ nummos, & alias res extorquent ac exigunt ab invitis: ineffrenatam utique aviditatem eorum refrænare volentes, statuimus ut prætextu consuetudinis, quæ sub certo eis solvendo notoria non fuerit ab antiquo, dicti Presbyteri pro sepulturis, & exequiis mortuorum ultra duodecim solidos parvorum Turonensium recipere seu exigere non præsumant; sed etiam minori summa sint contenti, secundum morientium facultates: super quibus eorum conscientias oneramus. In locis vero & Parochiis, in quibus super receptione certi & determinati majoris vel minoris pretii eis solvendi, super quo etiam contenti sint, seu rei cuiuslibet alterius consuetudo dubia non existit, sed a Parochianis & aliis, quorum interest recognoscitur ita esse, nihil per hoc præsens statutum volumus immutari: quin huiusmodi pia consuetudo notoria simpliciter observetur.

XVII. (g) *Contra incorporaciones Ecclesiarum.*

Item cum (b) cessationes seu collationes Ecclesiarum, quas incorporaciones vocant, in quantum Ecclesiis & Monasteriis, non personis conferuntur, ad perpetuas alienationes pertineant, super eisdem Ecclesiis incorporandis in nostra civitate, Diœcesi, & Provincia Trevirensi, per importunitatem (i) potentium ab Ecclesiarum Prælati & Capitulis faciendis tantæ & totiens gratiæ factæ fuerunt & fieri sperantur in posterum, quod Parochiales Presbyteri vix jam habent, & habere posse videntur, unde secundum statum eorum commode sustententur, sed per incorporaciones huiusmodi, per quas redditus & decimæ a Parochialibus Ecclesiis subtrahuntur, licet de jure communi pertineant ad easdem, plurimis eisdem Parochialibus Presbyteris pro hospitalitate tenenda, & Episcopalibus juribus exsolvendis non suppetant facultates, sicque quam pluribus Presbyteris & (k) Rectoribus in Ecclesiis deservientibus spiritualia seminantibus, ipsi carnalia non metunt: vineam plantant & colunt, & de ejus fructu non edunt; extraneis in messes eorum falces mittentibus, contra Apostolum, secundum quem laborantem agricolam prius oportet suscipere de fructibus suis, maxime cum *serviens altario vivere debet* [l] altari. Nos itaque ut militanti stipendia minime subtrahantur; statuimus, ut deinceps in nostra civitate, Diœcesi & Provincia Trevirensi, huiusmodi (m) institutiones seu incorporaciones Ecclesiarum non fiant in Ecclesiis & Monasteriis, nisi subsit causa notoria & legitima, de qua constet; & nisi vocatis & præsentibus omnibus, qui fuerint evocandi, solemnitates adhibeantur, quæ consideratis circumstantiis universis super alienationibus rerum ecclesiasticarum adhiberi debent secundum Canonicas sanctiones: ita quod incorporaciones huiusmodi ipso facto non valeant, nisi contractu præhabito inter Episcopos & Ecclesiarum cathedralium Capitula, causa rationabilis vel urgens necessitas, seu earundem Ecclesiarum evidens utilitas eos-

(f) *Hoc est Caput XI. Honthemio: De exigentibus munera pro Sacramentis.*(g) *Caput XII. Honthemio.*(k) *Lectoribus*(b) *concessiones*(l) *de altari.*(i) *petentium*(m) *concessiones*

eisdem Episcopos & Capitula communiter ad prædictas incorporationes de cætero faciendas inducat. Si qui vero aliquid contra fecerint, seu procuraverint fieri, illud decernimus irritum & inane. Per hoc tamen præsens nostrum statutum in nullo derogavimus incorporationibus Ecclesiarum hæctenus rite factis.

XVIII. (n) *Contra Presbyteros se irreverenter habentes.*

Item, cum Presbyteri & personæ Ecclesiasticæ, maxime in sacris Ordinibus constitutæ, in castris Divinis sub Ecclesiasticis stipendiis militare noscuntur, ut Ecclesiasticum ordinem agnoscetes, in aliud sæcularis vitæ genus, Ecclesiasticæ disciplinæ sprete reverentia, non transcendant, statuimus, quin imo statuta a sanctis Patribus innovamus, ne Presbyteri seu Clerici in sacris Ordinibus constituti, & maxime Monachi, sæculares negotiationes exercent, & præcipue tabernas non teneant, lucris turpibus non insistant, munera injusta non accipiant, justitiam non vendant pro sæculari quæstu, aliquem pretio non advocent, (o) nec in (p) plateis sæcularibus, orphanorum, & viduarum, & personarum miserabilium defensione (q) excepta, disputare contendant. Conductores, aut Procuratores in casibus non permissis rerum sæcularium non existant, aleas non sequantur, spectacula sæcularia fugiant, ornamenta (r) non statuta & conditioni suæ minime convenientia neque desiderent, neque gestent, in deliciis superfluis non vivant, gulam fugiant, & sobrietatem sectentur, pondera injusta, seu mensuras, non habeant, circa otiosa & superflua non intendant. Si quis autem Presbyterorum, & Clericorum, & Monachorum contra hoc salutare statutum ausu temerario aliquid attentare præsumpserit, competenti monitione præmissa, a suo Episcopo, quousque respuerit, & condigne satisfecerit, de commisso excommuni-

cetur, & a temere (s) tentatis per censuram Ecclesiasticam compellatur.

XIX. (t) *Pro matriculario habendo in Parochiali Ecclesia.*

Item, prout jam dudum a sanctis Patribus in generali Concilio statutum est, præcipiendo firmiter innovamus, quod quilibet Presbyter, Pastor, seu Vicarius in quacumque Parochiali Ecclesia Divina celebrans, nisi propter paupertatem nimiam, & notoriam excusetur, Clericum, vel personam (u) saltem litteratam secum habeat, qui sibi competenter legendo & cantando respondeat in Divinis, quacumque contraria consuetudine non obstante, per quam in quam pluribus locis agricola, & alii puri laici litteras penitus ignorantes, qui secus altare, dum sacra Mysteria celebrantur, stare, vel sedere non debent, per quos potius impediri plerumque consueverat altaris ministerium, quam ipsi decenter in eodem ministerio deservirent. Scriptum namque est, quod Osias lepra percussus est a Domino; eo quod usurpare voluerit Officium Sacerdotis.

XX. (x) *Pro mandatis exequendis.*

Item, quia per malitiam, desidiam, & subterfugia personarum Ecclesiasticarum, & Presbyterorum, qui ad suorum Superiorum mandata exequenda tenentur, plerumque effectus justitiæ multipliciter impeditur; statuimus, ut Presbyteri, quibus alicujus mandati executio a suo Superiore committitur, si super executione hujusmodi quidquam (y) dolose egerint, seu fuerint negligentes; illi, seu illis, pro quibus mandatum directum fuerat, (z) etiam interesse teneantur, & damnis, quæ ob id incurrerint, coram iudice, a quo mandatum emanaverat, declarandis. Si vero iidem Presbyteri, seu quicumque executores alii, pro executione mandatorum hujusmodi damna passi fuerint, non relaxetur sententia, quantumcumque pars in hoc con-

R 3

fentiat,

(n) Caput XIII. *Hontbenio.*

(o) non conducant.

(p) placitis sæcularibus.

(q) concepta. *Hontbenius.*

(r) statui, pro non statuta.

(s) attentatis.

(t) Caput XIV. *Hontbenio: De Ministris altaris, & quod quilibet Rector Ecclesiæ debet habere personam litteratam.*

(u) saltem, abest.

(x) Caput XV. *De non exsequentibus mandata Superiorum.*

(y) malitiose egerint.

(z) ad interesse.

sentiat, nisi primitus eisdem Presbyteris & Executoribus de damnis hujusmodi per eum, qui damna intulerit, ad arbitrium judicis fuerit satisfactum.

XXI. (a) *Contra minas inferentes Ecclesiasticis personis.*

Item quæcumque persona Ecclesiastica vel secularis personæ Ecclesiasticæ minas corporales intulerit, & monita a suo Superiore eam asscurare noluerit, ad fidelem asscurationem præstandam indilate ad id per excommunicationis sententiam compellatur.

XXII. (b) *De illis, qui altaribus serviunt.*

Item cum is, qui altario servit, secundum Apostolum de altari vivere debeat, prout alias in provinciali Concilio Trevirensi fuerat institutum; innovando præcipimus, ut per locorum Ordinarios deservientibus in Ecclesiis Parochialibus, & præcipue perpetuis Vicariis competens portio assignetur. Quod si iidem deservientes seu Vicarii quovis modo minorem, aut minus sufficientem acceptaverint portionem, nihilominus actionem habeant contra earundem Ecclesiarum Rectores, aut alios fructuum earundem perceptores aut augmentum portionis ejusdem. Quod enim militantes Deo Presbyteri mendicare non debeant, non specialiter in favorem personæ inductum est, sed totius ordinis clericalis. Et si deservientes prædicti, seu Vicarii, ad assignationem debitæ portionis agere non valeant, seu quia lites abhorrent, nolunt super hoc (c) deponere quæstionem; locorum Ordinarii super hujusmodi portione assignanda debita, suum officium de plano & absque judiciali strepitu interponant, quamprimum id advenierit ad noticiam eorundem.

XXIII. (d) *Qualiter in Ecclesiis Parochialibus se est regendum per laicos.*

Item in Parochialibus Ecclesiis cantentur seu legantur, considerata qualitate temporis, horæ canonicæ, impedimento cessante, ad Parochiales matrices Ec-

clesias, Parochiani de villis circumstantibus, & Capellis, seu Oratorii attingentibus, saltem quibuslibet diebus Dominicis, in solemnibus Festivitatibus, sub pœna excommunicationis teneantur accedere, ut ibidem Missarum solemnia audiant, prout in generali Concilio est a sanctis Patribus institutum, præcipue, ne honor Matricis Ecclesiæ pereat per Capellas, nisi Capella forte adeo sit remota, vel aquarum inundatio, seu aliud (e) subsistat, per quod super hoc rationabiliter valeant excusari; in eademque Capella de redditibus adeo sit provifum, quod de auctoritate Episcopi loci ejusdem possit & debeat in diebus talibus ibidem celebrare Sacerdos.

XXIV. (f) *Contra Decimas occupantes.*

Item Decimæ prædiales non in domibus sicut hætenus in plerisque locis fieri consuevit, sed in agris, vineisque; pratis & in aliis locis, ex quibus proveniunt, sub pœna excommunicationis integraliter persolvantur, nullis deductis expensis, quæ factæ fuerint circa rem hujusmodi decimandam.

XXV. (g) *Contra Decanos rurales.*

Item cum causæ matrimoniales tractari debeant per discretos judices, qui potestatem habeant judicandi, & statuta Canonum non ignorent, firmiter inhibemus, ne Decani rurales, seu forenses Archi-Presbyteri, Ecclesiarum Pastores, seu Vicarii de causis matrimonialibus cognoscere, vel judicare præsumant. Si contra factum fuerit, irritum nuntiantes.

XXVI. *Contra excommunicatos, qui per annum pervivaces sunt.*

Item, cum excommunicationis sententia, quæ est Ecclesiæ muctro, vilipendatur a pluribus, statuimus, quod si excommunicatus ab ordinario Judice per annum in sua pervicacia, & excommunicatione (h) ab eodem Judice moneatur Dominus temporalis, ut infra terminum competentem eundem excommunicatum redire ad sanctæ matris Ecclesiæ unita-

(a) Caput XVI. eodem titulo.

(c) actionem instituere.

(e) impedimentum.

(g) Cap. XX. *Coram quibus causæ matrimoniales debent tractari.*

(h) persistat,

(b) Cap. XVII. *De portione perpetuorum Vicariorum.*

(d) Cap. XVIII. *De Canonicis bonis dicendis.*

(f) Cap. XIX. *De Decimis prædialibus.*

unitatem compellat. Alioquin ipse Dominus temporalis excommunicetur; quam excommunicationem si per mensem sustinuerit, ex tunc terra ejus, si quam habet, prout & in quantum eidem iudici videbitur, supponatur Ecclesiastico interdicto.

XXVII. (i) *Contra illos, qui obligant bona Ecclesiæ.*

Item quia quamplures Ecclesiarum Prælati, & potissime Abbates, Abbatissæ, Priores, Præpositi, & aliæ personæ Ecclesiasticæ nostræ Civitatis, Diœcesis, & Provinciæ Trevirensis bona Ecclesiarum, Monasteriorum & Prioratuum adeo prodigaliter dissipando (k) refundunt, vendunt, distrahunt, obligant; & adeo exquisitis conventionibus illicitis, etiam ipsis legum conditoribus incognitis, alienant, hætenusque dilacerando & dilapidando bona eadem consumpserunt, quod etiam de pluribus Ecclesiis, Monasteriis, & Prioratibus, in quibus per largitiones Imperatorum, Regum, & Principum, ac erogationes fidelium superabundare consueverant possessiones & redditus, peccatis exigentibus, personæ Clerici & Monachi ac conversi locorum eorundem, in eisdem locis & extra, cultu Divino, cui assumti fuerant, derelicto, in vili ac indecenti habitu, usque ad exinanitionem extremæ virtutis deducti, mendicare coguntur (l) in locis, & huiusmodi claustris, seu dormitoriis solemnibus ab antiquo, & quæ antiquis temporibus propter eorum sublimitatem operis sumtuosi, alienigenis & incolis mirifici (m) videbantur, vix eisdem personis Clericis, Monachis & Conversis potest diversorium, ut ab imbris & grandinibus protegantur: propter quod eadem personæ diversioni laicorum cedunt & scandaio, in totius Clericalis cætus opprobrium & contemptum. Prædictis itaque dispendiis, in quantum Nobis, Deo auctore, permissum est, obviare volentes, maxime, cum sicut anima sine corpore corporaliter non vivit; ita sine temporalibus spiritualia diu esse nequeunt; præsentī constitutione sub interminatione Divini iudicii prædictis Prælati,

Abbatibus, Prioribus, Priorissis, & aliis personis Ecclesiasticis firmiter inhibemus, ne impostero bona Ecclesiarum, & locorum sacrorum immobilia aliquatenus obligent, distrahant, seu etiam alienent per se vel per alium, nisi tractatu præhabito super hoc cum omnibus personis Ecclesiasticis eorundem locorum, requisitoque & habito consensu, & singulorum consilio, ejusdem loci evidens necessitas id fieri exposcat. Et quia prædictis suis Prælati subditi super huiusmodi alienationibus, alias vero oppressionibus, formidolosis terroribus consentire contra proprias conscientias ut plurimum non verentur; præsentī constitutioni adjicimus, ut deinceps huiusmodi bonorum immobilium obligatio, seu alienatio facta in casibus non permixtis, ipso facto non valeat, nisi una cum consensu prædictorum, auctoritas Diœcesani Episcopi intervenerit. Omnes enim Basilicæ sui territorii in ejus potestate consistunt: quam quidem nonnisi considerata utilitate loci cum solerti causæ cognitione idem Episcopus impendat. Si quis autem contra hoc salutare consilium quidquam attentare præsumperit, tam alienans (n) dispositionis rei, quam recipiens (o) restitutionis ejusdem cum fructibus pœnas sustineant, nec pretium huiusmodi male recipiens ab Ecclesia recipiat; sed ad Ecclesiam, Monasteria, & loca, quorum eadem bona sunt, libere revertantur.

XXVIII. (p) *Contra Monachos, qui vadunt per civitates.*

Item sub pœna excommunicationis præcipimus & inhibemus, ne Monachi extra claustrum per civitatem, castra, seu villas incedere seu discurrere de cætero præsumant, nisi ratione administrationis, si quam habent, hoc eis juxta regulares observantias sit permissum, vel nisi Abbatibus seu Prioris claustralis super hoc licentia intercedat, quam idem Abbas, seu Prior sub pœna excommunicationis eis non impendat, nisi hoc exegerit Monasterii evidens necessitas, vel patens utilitas eorundem, super quo ipsorum, Abbatibus, & Prioris conscientias oneramus.

XXIX.

(i) Caput XXII. *De alienationibus Bonorum Ecclesiasticorum.*

(k) profundunt.

(l) inque locis,

(m) mirifica.

(n) possessiones, corrigit Illnus Honthemius.

(p) Caput XXIII. *De Religiosis extra claustra vagantibus.*

XXIX. (g) *Contra illos, qui monetam falsam procurant.*

Item, quia nonnulli motu damnabili ac nefando scelere, prout intelleximus, monetam adulterinam & falsam in suis prædiis & claustris exercere præsumunt: (r) cujusmodi facinus ipsi etiam gentiles multipliciter damnaverunt; firmiter omnibus Presbyteris injungimus, ut in omnibus locis & Parochiis suis, in quibus hujusmodi falsam & adulterinam monetam per quoscumque cudi seu fabricari cognoverint, in continenti cessent, cujuscumque Superioris sui mandato minime expectato, penitus a Divinis; causamque cessationis hujusmodi & rei seriem Diocesano Episcopo non differant, quam primum poterunt, intimare. Qui Episcopus extunc ad excommunicationem falsorum monetariorum hujusmodi spiritualiter & temporaliter totis viribus totaque intentione procedat: damna ob prædictam cessationem Ecclesiis & Presbyteris obviantia, restitui integraliter faciens.

XXX. (s) *Contra Canonicos.*

Item, cum in Trevirensi Provinciali Concilio præsentibus in eodem recordationum feliciū Theoderico Trevirorum, Johanne Metensi, Rogero Tullensi, Radulfo Virdunensi Episcopis, propter multas abusiones annus gratiæ fuerit aliàs revocatus; Nos considerantes, quod hujusmodi revocatio in quamdam dissuetudinem est deducta; sicque Cathedra, & Collegiatarum Ecclesiarum quamplurimi Canonici, propriis commodis inhiantes, in grave præjudicium successorum, Ecclesiarum damnum, & plerumque in illusionem provisionum a Sede Apostolica super obtentis Canonicatibus & Præbendis in eisdem Ecclesiis a personis idoneis obtentorum, fructus Præbendarum suarum per annum unum, & post eorum obitum sibi retinere & appropriare contendunt, annum talem, qui juxta hoc pro Successoribus & Ecclesiis bissextilis dici debet, annum gratiæ nuncupantes: per cujus retentionem nondum Canonici, quamdiu vivunt, super deducendis lasciviis & prodigalita-

tibus spem assument, præsentis constitutione statuimus, ut quacumque consuetudine, imo verius corruptela contraria non obstante, nulli Canonico talem annum, talisque anni reditus liceat retinere; (t) quem si hæcenus retinuerint, vel eum deinceps retinere contingat, talis retentio qualitercumque fiat, seu facta fuerit, nullius sit momenti. Non teneantur etiam Capitula Ecclesiarum Executoribus, seu Creditoribus Canonico- rum annum hujusmodi retinentium, seu alii eorum nomine de prædicti anni fructibus & reditibus respondere. Sed ad instituendos successores Canonicos transeant pleno jure. Si quid in contrarium actum fuerit, irritum nuntiantes, & hoc Provinciale Statutum Episcopi Diocesani Trevirensis Provinciæ in suis civitatibus, & Diocesi per censuram Ecclesiasticam inviolabiliter a suis subditis observari procurent.

XXXI. (u) *Item de usurariis, quod restituant.*

Præcipimus districte, ut omnes usurarii restituant, quidquid ultra sortem perceperunt, sub pena contra eos in Lateranensi Concilio edita, quæ talis est: "Statuimus, ut usurarii manifesti, nec ad communionem admittantur altaris, nec Christianam, si in hoc peccato decesserint, accipiant sepulturam, nec oblationes eorum quisquam recipiat. Qui autem acceperit, aut Christianæ tradiderit sepulturæ, quod acceperint, reddere compellantur, & donec ad arbitrium sui Episcopi satisfecerint, ab officii sui maneat executione suspensi.

XXXII. *Ut usurarii reddant pignora.*

Item præcipimus, ut sorte deducta reddant pignora & remittant.

XXXIII. *Ne committant usuras nomine tutela.*

Item districte præcipimus, ut nomine tutelæ vel procuracionis, vel timore Domini sui aliquas non committant usuras: quia non suo nomine, nec alieno potest quis scenus aliquater exercere.

XXXIV.

(g) Caput XXIV. *De falsa moneta.*(s) Caput XXV. *De anno gratiæ.*(u) Caput XXVI. *De usurariis manifestis.*

(r) præsumunt.

(t) quin, si

XXXIV. *Contra illos, qui pecuniam mutuunt ante messem.*

Item præcipimus, ne ea intentione mutuent pecuniam suam ante messem vel vindemiam, recepturi in messe vel vindemiis bladum, vel vinum pro multo minori pretio, quam verisimile sit tunc valere, sub pœnis prædictis.

XXXV. (x) *Contra cogentes frangere Festa.*

Item statuimus sub Divinæ ultionis pœna, & præcipimus, ut Nobiles & Domini terræ permittant homines suos dies Festos observare, & non compellant eos (y) evectiones publicas, seu alias angarias præstare.

XXXVI. [z] *Contra usurarios & cauvertinos.*

Item præcipimus districte, ut circa cauvertinos & alios usurarios ita se habeant, sicut in generali Concilio est statutum.

XXXVII. [a] *Ne Clerici litigare compellantur coram secularibus Iudicibus.*

Item cum de consuetudine approbata, & tamdiu observata, quam memoria non exstat, tam Religiosi, quam Clerici injuriatores & molestatores suos coram suis Iudicibus, videlicet Ecclesiasticis, in causam traxerint, [b] & nonnulli Barones, Ballivi, Nobiles, Præpositi, & villici, & alii laici, potestatem sæcularem habentes, Civitatis, Diœcesis, & Provinciæ Trevirensis tam Religiosos, quam Clericos coram se litigare compellant, ut non patiantur eos jus suum prosequi coram Ecclesiasticis Iudicibus: præcipimus vobis & universis Presbyteris, quatenus in Ecclesiis vestris prædictas personas moneatis, ut ab hujusmodi tam Religiosorum, quam Clericorum molestatione desistant. Nos omnes illas personas, quæ post jam dictam monitionem Religiosos & Clericos compulerint coram se litigare, excommunicationis vinculo innodamus, & præ-

cipimus eos singulis diebus Dominicis & Festivis excommunicatos denunciari.

XXXVIII. [c] *Ne Monachis duo officia assignentur.*

Item nulli Monacho, vel Moniali, duo officia in eodem Monasterio, sub pœna excommunicationis latæ sententiæ, assignentur. Singula namque officia sunt personis idoneis assignanda.

XXXIX. [c] *De Novitiis.*

Item præcipimus, ut omnes Novitii post annos discretionis & probationis statim faciant professionem expressam in manu Abbatis, vel alterius secundum consuetudines locorum rationabiles descriptas.

XL. (d) *De Monachis & Monialibus.*

Item præcipimus districte, ut Monachi, & Moniales omnibus proprietatibus, quas hætenus habuerunt, sine difficultate renuntient: ut omnia in communes usus Monasterii redigantur. Qui vero renunciare renuerit, excommunicetur. Qui, si nec sic respuerint, per Abbatem, vel per Abbatissam; aut si non, per Episcopos, aut eorum Officiales ad id compellantur.

XLI. (e) *Item de Monachis.*

Item districte prohibemus, ne Monachi denarios, quos in oblationibus Missarum recipiunt, sibi reservare præsumant; sed Abbati, & cui præceperit, assignentur in communes usus fratrum expendendi. Item de denariis anniversariorum, & omnium, quæ ad manus eorum devolvuntur, nemo sibi quicquam appropriare præsumat, nec per Monachos vel Moniales dividantur, sicut hætenus per abusionem fieri ab aliquibus consuevit, sed in communes usus omnium redigantur.

XLII. (f) *De Abbatibus & Abbatissis.*

Item præcipimus Abbatibus & Abbatissis, ut suis subditis tam in victu, quam in vestitu, secundum Monasterii possi-

(x) Cap. XXVII. *De celebratione Festorum.*

(z) Cap. XXVIII. *Cauvertinis.*

(b) trahant.

(d) Caput XXXI. *De proprietatibus Monachorum.*

(f) Caput XXXII. *De administrationibus Superiorum inter suos Monachos.*

(y) exactiones Trevericum, melius evectiones.

(a) Cap. XXIX. eodem titulo.

(c) Caput XXX. hic in duo est distinctum, in Treverico unum.

(e) Idem Caput cum antecedente.

possibilitatem, necessaria administrent, panis vero & vinum, ac alia necessaria dentur fratribus ac sororibus in communi ad sufficientem necessitatem eorum: nec alicui ad vitam, nec ad certum tempus specialiter assignetur, & quod utriusque (g) in communi superfuerit, iterum in communitatem referent, vel pauperibus distribuunt, & hospitalia pauperum in omnibus Monasteriis restaurentur. (b)

XLIII. (i) *Ne Religiosi habeant servos.*

Item inhibemus, ne Monachi, vel Moniales habeant famulos, vel servientes utriusque sexus speciales, nisi forsitan in talibus constituti sint officiis, quod ipsis omnimode carere non possint. Et tunc de consensu Prælatorum suorum assument eosdem. Si quis autem alias tales personas retinere præsumserit, expelli eas de Monasterio sub pena excommunicationis præcipimus per Prælatos.

XLIV. (k) *Ne Monachi ludant cum istis.*

Item, ludos chorearum, scacorum, [?] armillorum, & globorum Morachis interdicimus omnino; & ne infra septa sui claustrum, vel ipsum claustrum habere tabernas, neve infra ipsas ibi vel alibi sedere, ludere, seu bibere aliquis eorum audeat, sub pena excommunicationis latæ sententiæ firmiter inhibemus.

XLV. (m) *De Abbatibus & Monachis.*

Item, præcipimus districte, ne Abbates, vel Monachi, Abbatissæ, vel Moniales, sub pena excommunicationis latæ sententiæ, (n) mantella seu forcocia aperta portent de cætero, nec habeant pannos de nigra bruneta, nec de moreta; sed quanto haberi possunt humilioris pretii, prout regula præcipit; item cucullas habeant cum amplis capuciis, & talis. Quando equitant cappis utantur & clausis.

XLVI. (o) *Ne Monachi portent bruneta.*

Item, ut dictum est, de bruneta nigra, sive de moreta & pellicia, seu foraturas de vario, seu griso, & alias exquisitas, sive sumtuosas pelles districte Religiosis omnibus sub pena excommunicationis latæ sententiæ firmiter inhibemus.

XLVII. (p) *Ut claustra ferentur de nocte.*

Item claves claustrum sint semper apud Priorem, vel Priorissam, vel Magistram; nec sine licentia aliquis Monachus, seu Monialis, maxime de nocte sub pena excommunicationis latæ sententiæ (q) exire audeat; nec aliquam mulierem Monachus, cujuscumque conditionis sit, in ambitum Monasterii introducere præsumat, sine Abbatis vel Prælati sui licentia speciali; introducta tamen cum licentia non intus comedat. (r)

XLVIII. (s) *De Testamentis mortuorum.*

Item, cum nihil magis hominibus debeatur, quam [t] supremæ voluntatis liber sit stylus, & liberum, quod iterum non redit, arbitrium; sub interminatione Divini Judicii præcipimus, quod nullus executor ultimæ voluntatis, præterum ad pias causas constitutus, a Creditoribus vel Legatariis testatoris audeat percipere vel exigere pecuniam pro debito suo, seu pro legato, seu debito eis solvendo, seu pro executione facienda. Quod si fecerint, ipso facto sententiam excommunicationis incurrant.

XLIX. (u) *Contra Executores Testamentorum.*

Item, cum plures executores testamentorum defunctorum, maxime ad pias causas deputati, jam diu exequi volun-

(g) uni vel in communi.

(i) Caput XXXIII. Ill. *Hombemio.*

(l) annulorum

(m) Cap. XXXV. *De vestibus Monachorum & Monialium.*

(n) latæ sententiæ, *abest a Treverico.*

(o) Idem cum Capitulo præcedente: *sed sic legitur:* Item, ut dictum est, pallia puniceo, vel purpureo colore tincta, aut pellibus, alioque pretiosiori panno subducta, districte Religiosis omnibus inhibemus sub pena excommunicationis.

(p) Cap. XXXVI. *De custodia Claustrorum.*

(r) vel dormiat ullo modo.

(s) Cap. XXXVII. *De ultima voluntate.*

(t) ut

(u) Caput XXXVIII. *Contra falsos Apostolos,* Caput adest in Treverico, hic *omissum,* & Caput Lunigii XLIX. non est in Treverico.

(b) & eis consueti redditus assignentur.

(k) Cap. XXXIV.

(l) Cap. XXXV. *De vestibus Monachorum & Monialium.*

(m) Cap. XXXV. *De vestibus Monachorum & Monialium.*

(n) latæ sententiæ, *abest a Treverico.*

(o) Idem cum Capitulo præcedente: *sed sic legitur:* Item, ut dictum est, pallia puniceo, vel purpureo colore tincta, aut pellibus, alioque pretiosiori panno subducta, districte Religiosis omnibus inhibemus sub pena excommunicationis.

(p) Cap. XXXVI. *De custodia Claustrorum.*

(r) vel dormiat ullo modo.

(s) Cap. XXXVII. *De ultima voluntate.*

(t) ut

(u) Caput XXXVIII. *Contra falsos Apostolos,* Caput adest in Treverico, hic *omissum,* & Caput Lunigii XLIX. non est in Treverico.

luntates ultimas eorum in suæ salutis dispendium, & dñorum decedentium detrimentum neglexerint: monemus ipsos omnes & singulos primo & secundo, præcipientes eisdem, ut infra annum dicta testamenta exequantur: alioquin ad executionem eorum ex tunc per locorum Episcopos procedatur, in quantum de jure fieri poterit & debebit.

L. (x) *Contra-Begardos, ut non recipiantur.*

Item, inhibemus sub pœna excommunicationis, ne quis in nostra Civitate, Dicecesi, & Provincia Trevirensi aliquem vel aliquos de illis rusticis, qui se Apostolos appellant, in domum suam recipiat, aut eis eleemosynam erogat, cum prout in antiquis Statutis Synodali-bus continetur, Sedes Apostolica tales reprobaverit, & in eorum receptores & fautores excommunicationis sententiam tulerit ipso facto.

LI. (y) *Contra Begardos laicos.*

Item, cum quidam sint laici in Civitate, Dicecesi, & Provincia Trevirensi, qui sub prætextu cujusdam religionis (z) fictæ, Begardos se appellant, cum tabardis, & tunicis longis, & longis capuciis cum (a) ocio intendentes, ac labores manuum detestantes, conventicula inter se aliquibus temporibus faciunt, & conservant, seque fingunt coram personis simplicibus expositores sacrarum Scripturarum: nos vitam eorum, qui extra religionem approbatam validam (b) mendicantes discurrunt, (c) monemus omnes & singulos hujusmodi Begardos, quos a quolibet Parochiali Presbytero a sua Parochia moneri volumus diligenter, ut infra quindenam a præmissis desistant, & de laboribus suis vivant, circa labores, sicut cæteri homines, se exponant: alioquin ipsos & quemlibet eorum, quos excommunicamus in his scriptis, denunciari in Parochialibus Ecclesiis excommunicatos præcipimus & mandamus singulis diebus Dominicis. (d)

LII. (e) *Contra lædentes Clericos, & Portitores litterarum.*

Item, statuimus, quod si quis cujuscumque dignitatis seu conditionis existat, Nuncios, aut Executores Ecclesiasticorum Judicum, & alias literas eorumdem, actave judicialia deferentes, hac occasione, verberare, capere, vel detinere, occultare, carceri mancipare, aut quod gravius est, interficere, litteras, vel acta prædicta personis memoratis auferre, seu ea rumpere, vel cancellare, seu alias destruere quoquo modo, vel sic ablata celare præsumserit, aut ista fieri procuraverit, vel facientibus consilium, vel opem duxerit adhibendam; excommunicationis sententiæ, quam ex nunc, ut extunc in ipsum ferimus, subiaceat ipso facto: a qua nisi prius tam Judici, cujus auctoritatem contemnerat, quam passo injuriam, & cæteris, quorum intererit, prout excessus postulaverit atrocitas, satisfaciat competenter, nullatenus absolvatur.

LIII. [f] *Contra quæstores, & petentes ad calices, sine licentia Episcoporum.*

Item prohibemus sub pœna excommunicationis, ne quis de cætero cujuscumque conditionis existat, vadat per terram cum calicibus, absque litteris Episcopi loci ad petendam pecuniam, quia multa ex hoc trussæ & deceptiones committuntur.

LIV. (g) *Contra facientes convivium in exequiis defuncti.*

Præterea, cum in exequiis mortuorum lugendum sit potius, quam convivendum, inhibemus sub pœna excommunicationis, ne convivia, & comessationes teneantur de cætero, quæ per hæredes, seu successores defuncti in eisdem exequiis fieri consueverunt; sed sumtus hi in usus pauperum, & in pias causas in remedium animæ defuncti potius convertantur.

LV.

(x) Caput L. Lunigii in Treverico non est.

(y) Caput LI. est in Treverico XXXIX. De Begardis.

(a) cum, omissum.

(c) merito reprobantes.

(e) Caput XL. De impediendis Nuntios Judicum Ecclesiasticorum. Contextus idem.

(f) Caput XLI. De petentibus cum calicibus.

(g) Caput XLII. De exequiis mortuorum.

Tomus IV. Concil. German.

LV. (b) *Ne sine lumine post campanam vadant.*

In locis, in quibus post sonitum campanæ, vel buccinæ, & nocte laici sine lumine ire prohibentur, Clericos & Monachos hujusmodi nostræ constitutionis auctoritate eandem prohibitionem volumus observare: alioquin pœnæ pecuniariæ laicis propter hoc impositæ eos decrevimus subjacere, quam per Archi-Presbyteros nostros, vel per Capellanos locorum ipsorum, nomine Episcoporum, ab ipsis Clericis exigi, & levare volumus & mandamus: quam si forte legitime requisiti solvere renuerint, eandem pœnam duplicatam per eos solvere per censuram Ecclesiasticam compellantur, ut per hoc laicorum vitetur scandalum, & Clerici ab illicitis arceantur.

LVI. (i) *De Clericis & Laicis, quod se habeant honeste.*

Distriktius quoque inhibemus, ne Clerici seu Sacerdotes ad anniversaria convenientes, in Sabbato carnes comedere præsumant: vinum quoque temperent, & se vino honeste recreent, & se habeant mature & pacifice, & sine murmure, & cum gratiarum actione recipiant & comedant, quod eis fuerit appositum, nec sibi parari faciant cibaria delicata, sed solum pro corporis refectione necessaria, ne longi temporis victum brevis hora consumat, & ne quæ sua, sed quæ Christi sunt, quarere videantur. A crapula & ebrietate, a plausibus, risibus, cachinnis insolitis, ac inanibus fabulis, jocis & solatiis, ac detractionibus, de verbis otiosis atque superfluis, & a rixis contentionibus omnino studeant evitare. Paulus (k) quidem Corinthios reprehendit, quia inconvenienter conveniebant cœnam Domini manducare. (l)

LVII. *Contra retrabentes, ne anniversaria fiant.*

Postremo in virtute sanctæ obedientiæ præcipimus, ne quisquam verbo vel facto aliquos inducere, vel retrahere præsumat, ne anniversaria fieri solita fiant in

Ecclesiis, in quarum Cimiteriis corpora defunctorum, pro quibus fiunt, sepulta sunt.

LVIII. (m) *Ne Clericus ludat cum taxillis.*

Item Clericus aliquis cum taxillis publice vel occulte ludere non præsumat. Clerici vero in sacris ordinibus constituti, vel beneficium Ecclesiasticum habentes, qui in platea, vel in loco publico publice cum taxillis ludere præsumperint, ipso facto [n] sui ordinis sint suspensi. *Ludere* in præmissis casibus intelligimus *ad puncta*, ut sic dicamus, ponendo eum, qui transverferat [o], vel qui ludi est particeps, vel lucrum exinde consequitur, sive damnum. Præmissam tamen pœnam extendi nolumus ad ludentes socialiter & solatii causa, & in domibus honestis, & cum personis honestis, non ambitionis vel avaritiæ causa.

LIX. (p) *Contra Clericos, qui securitatem faciunt coram Sæcularibus.*

Nullus Clericus securitatem vel fidejussionem præster, vel faciat, coram qualunque persona vel curia sæculari de stando vel parendo juri coram ea (q) forte ratione feudorum vel possessionum, quæ seu quas ab ea tenet.

LX. (r) *Contra Statuentes & Scriptores contra libertatem Ecclesiasticam.*

Sane Honorius Papa IV. excommunicationis sententiam protulit contra Statutores, vel Scriptores statutorum contra Ecclesiæ libertatem, nec non & contra Potestates, Consules, Rectores, & Consiliarios locorum, ubi hujusmodi statuta fuerint observata, & insuper contra eos, qui secundum ea præsumperint judicare, vel in publicam formam redigere ausi fuerint judicata. Hanc autem excommunicationis sententiam illos incurere decernimus, qui contra Privilegia & libertates Clericorum & Ecclesiarum statuere, ordinare, præcipere, & interdiceré expresse, vel indirecte, per se, vel per alios præsumunt, & (s) præcipiunt, ne quis

(b) Caput XLIII. *De Clericis & Monachis noctu ambulantiibus.*

(i) Caput XLV. *Ne in anniversariis comestiones fiant.*

(k) (l) hoc comma abest a Treverico.

(n) ab executione.

(q) nisi.

(o) transverfat,

(r) Cap. XLVIII.

(m) Caput XLVI.

(p) Cap. XLVII.

(s) vel recipiunt,

quis in Ecclesiarum, vel Clericorum clibanis panem coquat, vel in molendinis eorum molat: ne quis eis ignem det, vel aquam ferat: ne quis eorum possessiones colat, aut defendat, sed impune destruat; aut ne quis cum eis commercium habeat, vel quomodolibet participet, aut loquatur, aut eis de decimis, primitiis, oblationibus vel aliis juribus spiritualibus non respondeat, aut his similia agunt: & qui talia facta per alios, in quos Dominium habent, seu Officiales suos, requisiti non revocant cum effectu. A qua sententia excommunicationis nullatenus absolvantur, donec de damnis & injuriis, propter hoc fonis Ecclesiasticis, & Ecclesiis illatis, satisfecerint competenter.

LXI. (t) *Ne aliquis conjurationes contra Ecclesiasticas personas & libertatem facere præsumat.*

Districte ergo præcipimus, ne aliquis sub pœna excommunicationis latæ sententiæ, conjurationes, collegiationes, confraternitates, seu alias quascumque obligationes, fide, vel juramenta, seu quilibet alia confirmate vallatas facere præsumat contra Ecclesias, vel Ecclesiasticas personas, seu contra Ecclesiasticam libertatem.

LXII. (u) *Ne aliquis de novo Altare ædificet absque licentia Diocesani*

Prohibemus sub pœna excommunicationis, ne deinceps quisquam Ecclesias, Capellas, Oratoria, Hospitalia, seu alia pia loca & religiosa in Trevirensi Provincia ædificet; vel Altare in eadem Provincia aliquod erigat, sine nostra vel Episcopi loci licentia speciali. (x) Sed Altaria portatilia ita lata & spatiosa fiant, quod Calix & Hostia possint super illis convenienti distantia locari.

LXIII. (y) *Sententia contra obligantes Ornamenta Ecclesiastica.*

Inhibemus sub pœna excommuni-

cationis, ut nullus Clericus vel laicus Calices, Libros, sacras Vestes, & alia Ornamenta Ecclesiastica, per se vel per alium vendere, distrahere, pignori obligare, vel alias quomodolibet alienare præsumat absque nostra, vel Episcopi loci licentia speciali. Qui vero contra fecerint, Clerici in sacris Ordinibus constituti suspensionis; laici vero & Clerici, in minoribus constituti, excommunicationis sententias incurrant ipso facto. Qui autem tales res in pignus scienter receperit, eas illi Ecclesiæ, cujus sunt, libere restituere teneatur, nulla recuperata pecunia ab eadem. Sed & quicumque Clericus regularis, vel secularis, res hujusmodi pro quocumque debito cujuscumque Rectoris vel Capellani sui Ecclesiæ propria auctoritate capere præsumpserit, præter pœnam excommunicationis, quam ipsum incurrere decernimus, ipso facto a debito ipso cadat.

LXIV. (z) *Ne indecentia in Ecclesiis & Cimiteriis fiant.*

Ne Domini aut Judices sæculares, aut Ballivi, aut Officiales, seu nuntii curiæ sæcularis in Ecclesiis vel Cimiteriis, vel Ecclesiarum atriis, causas, lites, aut contentiones, seu placita audiant, penitus inhibemus; sed nec sententias ibi proferant, nec præcepta, banna, edicta, subhastationes, (a) vel executiones faciant, nec aliquos ad quamcumque pœnam corporalem condemnatos per loca ipsa deducant. Tales enim sententiæ & processus reprobantur a jure. Sed nec aliqui congregationes, consilia, parlamenta, vel choreas facere, vel cantilenas dicere, vel mercata tenere, vel merces vendere, vel aliqua ludibria, vel inhonesta agere (b) præsumant.

LXV. (c) *De Presbyteris, ut teneant congruam hospitalitatem.*

Quoniam quidquid habent Clerici, pauperum est, districte præcipimus omnibus

S 3

(t) Cap. XLIX. *Ne quis Oratoria faciat*, abest a Lunigio. Cap. L. *De altari portatili*, usque ad Caput XLIX. quod non reperio in Treverico. Caput LXI. habet Martene, sed sine titulo, licet numero distinctum a Cap. LX.

(u) Hoc Martenii & Lunigii Caput LXII. est Honthemii Caput XLIX.

(x) Est novum Capitulum Honthemio, Martenio idem cum præcedente.

(y) Abest ab Honthemio hoc Caput Martenii LXIII.

(z) Est Caput LI. Treverici exemplaris: *Ne cause sæculares in Cimiteriis tractentur.*

(a) arrestationes, loco: subhastationes.

(b) ibidem

(c) Caput LII.

nibus Presbyteris, Rectoribus & (d) Vicariis, ut in suis Ecclesiis hospitalitatem teneant congruentem; proviso tamen per Ecclesias ipsas, ut in prandiis, cenis, vel herbergiis, & similibus, & quibuslibet aliis gravationibus, laicis quibuscumque se non submittant, aut de novo illis (e) eos quocumque modo tributarios, vel censuales faciant, si condignam effugere voluerint ultionem. Sed nec de Ecclesiis aut rebus, aut Ecclesiasticis negotiis laicorum iudicio aut voluntate quomodolibet disponant. Laici autem, aut alii quilibet, qui in præmissis, aut in talibus (f) quæstis, indebitis servitiis, vel similibus, Ecclesias vel Ecclesiasticas bona quolibet gravare, aut Ecclesiasticas personas ad hoc quomodolibet compellere præsumpserint, nisi legitime ab ordinariis moniti a talibus destiterint, aut jam commissa emendare distulerint, excommunicationis sententiæ extunc ipso facto volumus subiacere.

LXVI. (g) *Qualiter pecunia Ecclesiæ a Presbytero debet distribui.*

Interdicimus, ne Rectores, vel Beneficiati de pecunia, ratione Ecclesiarum suarum acquisita emanant possessiones, seu redditus perpetuos nomine hæredum suorum, vel etiam alieno. Sed ad opus suum duntaxat & Ecclesiarum suarum faciant confici super his instrumenta. (*) Nullus laicorum sub excommunicationis poena latæ sententiæ bona decedentium Clericorum occupare, aut detinere præsumat; sed ad utilitatem ipsius Ecclesiæ conserventur.

LXVII. (b)

Adhuc iubemus, ut Rectores & Beneficiati in ædificiis, reparationibus Ecclesiarum, & Domorum, in libris quoque & ornamentis, & aliis ad Divinum cultum necessariis, juxta facultates ipsarum Ecclesiarum studeant, cum opus fuerit taliter se habere, quod eorum exemplo Parochiani & alii merito ad hoc invitentur, præcipue cum ipsi ad talia possunt cogi.

(d) Curatis, loco: Vicariis.

(f) causis, loco: quæstis.

(b) Caput LV.

[i] Caput LVII.

LXVIII. (i) *Ut nullus cum Calice ligneo celebret.*

Omnibus Sacerdotibus nostræ Provinciæ Trevirensis interdicimus, ne quis eorum cum Calice ligneo, vel vitreo, vel stanneo, vel plumbeo, vel de peltæ, (k) vel de auricalco, vel de electro, infra nostram Provinciam ulterius celebrare præsumat. Igitur unaquæque Ecclesia calicem saltem argenteum cum patena habeat.

LXIX. (l) *Ut imagines Ecclesiæ sint supra Altare.*

Præcipimus, ut in unaquaque Ecclesia ante vel post, vel super Altare sit imago, vel sculptura, vel scriptura, vel pictura expresse designans, & cuilibet intuenti manifestans, in cujus Sancti meritum & honorem sit ipsum Altare constructum.

LXX. (m) *Quod Presbyteri in Ecclesiis personalem residentiam faciant, nisi dispensentur.*

Statuimus, monemus, atque præcipimus omnibus Rectoribus atque Capellanis curatis Ecclesiarum nostræ Civitatis, Dicecesis, & Provinciæ Trevirensis, ut in suis Ecclesiis infra mensem a die recitationis præsentis constitutionis computandum, & hospitalitates ibidem teneant, prout facultates Ecclesiarum suarum commode poterunt supportare: alioquin præsentis constitutionis auctoritate ab ipsis beneficiis se noverint esse suspensos, nisi cum eis Canonice fuerit dispensatum.

LXXI. (n) *Ut nullus census Ecclesiæ suæ ad firmam sine licentia Episcopi sui obliget.*

Cupientes hospitalitatem in Ecclesiis observari, interdicimus, ut nullus Ecclesias ad censum, seu ad firmam det vel concedat, seu fructus ejus obliget, absque nostra & Episcoporum locorum licentia speciali; sed & si quis ex aliqua rationabili causa ad censum, seu ad firmam dandi licentiam a nobis, seu loci Episcopo obti-

[e] illas tributarias.

(g) Cap. LIII. apud Honthemium. (*) Caput novum LIV.

(i) Caput LVI.

(k) abest a Martenio.

[m] Caput LVIII.

[n] Cap. LIX.

obtinuerit ; non tamen alicui sæculari (o) personale aliquod officium (p) quocumque sæculari regimini gerenti ad censuram, obligare, seu affirmare præsumat : alioquin contractum ipsum nullas vires habere decernimus ; & ipsum ad firmam contra hoc jam initos revocamus, & omnino viribus vacuumus.

LXXII. (q) *Quod Ecclesiæ non observentur laico.*

Difficite præcipimus omnibus Archiepiscopis, Curatis, & perpetuis Vicariis, ne propter debitum proprium, vel Ecclesiæ, propria auctoritate denegare præsumant quibuscumque personis ingressum Ecclesiæ, aut differre Ecclesiastica Sacramenta, quæ eis sunt absque dilatione aliqua concedenda.

LXXIII. (r) *Ut heredes moneantur, ut infra XI. dies testamentum, si fuerit, Episcopo deponatur.*

Item statuimus, ut quandocumque (s) aliquem in Parochia cujuscumque Presbyteri nostræ Civitatis, Diocesis, & Provinciæ Trevirensis, testamentum, vel quamlibet aliam ultimam voluntatem ordinare, vel disponere contigerit ; post mortem testatoris per ejusdem Parochiæ Presbyterum (t) moneantur heredes, vel heres, vel ipsius ultimæ voluntatis Executor, vel Executores, vel ille, vel illi, penes quem, vel quos scriptura ultimæ voluntatis fuerit ; quod ipsam infra XI. dies a tempore obitus testatoris computandos, Nobis vel Officiali nostro in nostra Civitate, Diocesi & Provincia ; Episcopis vero locorum, vel Officialibus eorum in nostra provincia, apertam vel aperiendam exhibeant, ne elemosynæ, seu legata ad pias causas remaneant insoluta, & ut pia ultima voluntas testatoris debitum fortiatur effectum. Quod si infra præmissos XI. dies id non fecerint,

impedimento cessante, excommunicationis sententiam incurrant ipso facto.

LXXIV. (u) *Contra illos, qui tenentur solvere pro Defuncto.*

Statuimus, ut heredes & successores defuncti, qui juraverat (x) solvere, seu reddere pecuniam illicite acquisitam, vel res alias, seu legata, moneantur per locorum ordinarios ; ut sicut ille juraverat, solvere, seu reddere, ita ipsi adimpleant, & ad hæc, si necesse fuerit, per censuram Ecclesiasticam, sicut justum fuerit, compellantur. (y) Et nihil est, quod magis debeat hominibus, quam ut eorum supremæ voluntatis [z] elogia impleantur.

LXXV. *Ut testator vocet Rectorem, vel Capellanum.*

Statuimus, atque ordinamus, ut quicumque de bonis suis testari, atque de anima sua disponere voluerit, Rectorem, seu Capellanum, sive Curatum, qui ejus debet noscere conscientiam, & conditionem, a quo Ecclesiastica Sacramenta recipit vivens, advocet, per quem salubrius, & juvari & dirigi poterit in his, quæ ad salutem animæ suæ pertinent, peragendis.

LXXVI. (a) *Contra Executores, ut moneantur super Testamentis.*

Præcipimus quoque in virtute sanctæ obedientiæ Rectoribus Ecclesiarum universis, ut annis singulis in quatuor diebus Dominicis, videlicet semel in quolibet quatuor temporum, publice infra Missarum solemniam moneant generaliter omnes & singulos Executores testamentorum, & seu quarumlibet ultimarum voluntatum & dispositionum, & etiam quoslibet heredes & successores, & generaliter quascumque personas, quæ teneban-

[o] personæ [p] in quocumque regimine.

[q] Caput LX. De Sacramentis dandis.

[r] quicumque, loco: quandocumque.

[u] Cap. LXII. De restitutione pecuniæ male acquisitæ.

[x] jurant, pro juraverat: quod videtur aptius.

[y] Novum Caput in Treverico LXIII. De Testantibus. Quia nihil est.

[z] Legata impleantur, statuimus atque ordinamus, ut quicumque de bonis suis: sed Hombemius sub uno Capite, quod Martene in duo dividit.

(a) Caput LXIV. re idem cum hoc Cap. LXXVI.

[s] Cap. LXI. De Testamentis exhibendis.

[t] Capellanum

nebantur aliqua dare, solvere, vel facere ad pias causas, seu quoslibet pios usus, juxta defunctorum dispositiones, ut illa infra anni spatium, a testatoris obitu computandum, dare, solvere, & facere teneantur; nisi quod agendum est prolixius tempore necessario de sui natura, vel ex testatoris dispositione exposcit. Hoc autem habere locum intelligimus in casibus post præsentem constitutionem futuris. In casibus vero, quæ ante præsentis constitutionis promulgationem (b) dari, solvi, vel fieri debuerunt; annum ipsum a revocatione præsentis constitutionis decernimus computandum; alioquin quæ infra præmissum tempus hoc implere neglexerint, excommunicationis sententiam ipso facto incurrant. Eisdem quoque Rectoribus & Capellanis sub pœna suspensionis ab officio præcipiendo mandamus, ut infra XX. dies post lapsum anni præmissum, Nobis vel Officiali nostro in civitate, & Diœcesi nostra, & locorum Episcopis in nostra provincia fideliter nuntiare (c) procurent personas, quas noverint in suis Parochiis, quæ præmissa (d) sciunt, infra præmissum tempus non implevisse, ut per Nos vel Episcopos ad hoc per competentia remedia urgeantur, vel per Nos ipsos, seu Episcopos, prout jura suadent, piæ ipsorum decedentium voluntates executioni debitæ demandentur. Prædicta (e) autem ad pias causas in extrema voluntate eorum, Parochiali Sacerdote, seu Curato, & duobus aut tribus fide dignis testibus sine quacumque scriptura inde confecta, firma decernimus permanere.

LXXVII. (f) *Contra illos, qui bona testatorum ad se appropriant.*

Præcipimus quoque, & præceptum fuisse hæcenus declaramus, ut testamentorum seu ultimarum voluntatum Executores titulo emptionis, vel quovis alio titulo nihil omnino propria auctoritate de bonis restituant testatoris, nisi forte ab illo legatum vel concessum sibi expresse fuerit. Qui vero contra fecerint, pretium amittant, si ex causa emtionis se

duxerint retinere. Si vero ex alia causa, judicis ordinarii (g) loco arbitrio puniantur.

LXXVIII. (h) *Ut Clerici, & Ecclesiastica persona testari possint.*

Prædecessorum nostrorum vestigiis inhærentes, permittimus de gratia speciali, quod Clerici beneficiati nostræ Civitatis, Diœcesis & Provinciæ, soluti omnibus Ecclesiarum & Beneficiorum suorum debitis, disponere possint libere, & testari, dum mentis suæ compotes existunt, de bonis mobilibus & se moventibus, obtentu Ecclesiarum, & beneficiorum suorum acquisitis: ita dumtaxat, quod Ecclesias suas, & beneficia, & domos, utensilibus & animalibus, quæ agriculturæ ipsius Ecclesiæ deputata sunt, nequaquam spoliarent, seu rapiant, (i) & insuper sufficientia victualia & sumptus necessarios usque ad novos fructus colligendos, pro futuri Successoris ac servitorum Ecclesiæ ac ministrorum necessariorum congrua sustentatione reservent.

LXXIX. (k) *Contra sortilegos & alios, qui caracteres accipiunt.*

Divinationes, sortilegia, auguria, & quælibet alia similia superstitiosa remedia, sive in (l) imprecationibus, ac conjurationibus, sive in (m) votis, quas brevia seu caracteres vocant, aut etiam in quibuscumque rebus ad collum, vel alibi suspendendis vel ligandis consistant, tamquam damnata ab omnibus Christi fidelibus Nobis subditis observari, vel fieri, eisdemque fidem adhiberi penitus prohibemus. Nullus ergo paganorum morem secutus, ad Divinos, forciarios, vel augures, pro vita, vel pro morte, hominum, vel animalium, vel rerum amissione, aut contra grandines, aut tempestates, aut ut a viro, vel, ut a muliere magis ametur, aut pro qualibet alio remedio superstitioso, vel consilio ab illis (n) expectando recurrat, aut eos in domum suam, quasi ut malum foris mittant, vel maleficium (o) nuncient, introducat.

Lxxx.

(b) a recitatione, recte: non: a revocatione.

(d) sciunt, omissa in Treverico.

(f) Caput LXV.

(i) sed illa & insuper

[m] notis, loco: votis.

(g) loci

(k) Cap. LXVII.

[n] exprecando

(c) denunciare

(e) Relicta, loco: Prædicta.

(h) Caput LXXI.

(l) in præcantationibus

[o] inveniant,

LXXX. (p) *Contra illos, qui Psalterium per sortem inspiciunt.*

Nullus etiam super *sortes*, quas *Sanctorum*, seu *Apostolorum*, vel *Psalterii* vocant, aut cuiuscumque Scripturæ inspectione Divinationis scientiam profiteatur, aut futura promittat, aut quælibet maleficia in tabulis, vel codicibus in (q) astralabo requirat.

LXXXI. (r) *Contra mulieres de nocte equitantes.*

Nulla mulier se nocturnis horis equitet cum Diana Dea paganorum, vel cum (s) Herodiana innumera mulierum multitudine profiteatur. Hæc enim Demoniacæ est illusio.

LXXXII. (r) *Ut in collectionibus herbarum incantationes non fiant.*

Nec non in herbarum collectionibus carmina, incantationes, aut alias observationes, præter Dominicam orationem & Symbolum adhibeat, nec in Brevibus suspendendis, vel ligandis aliquid præter illa scribat. Demonium tamen sustinendi, licet petras & herbas sine incantatione habere. Dies quoque Ægyptiaci, constellationes, lunationes, Calendæ Januarii, initia mensium, dies mensis, cursus Solis, Lunæ, syderum superstitione observari non debent, credendo in illis virtutem seu necessitatem interesse. Sed nec in præmissis diebus, seu temporibus, mensæ cum ampullis & lampadibus in domibus sunt parandæ, & per vicos & plateas cantores & chori [t] ducendi.

LXXXIII. (r) *Contra inspicientes animalia.*

Nulla etiam tempora fausta, vel infasta existimanda, ut quis in eis velit, aut nolit aliquid inchoare, nec ad volatum vel garritum avium; vel ad motum alicujus membri, aut ad alicujus animalis aspectum aliquid esse prospere venturum, vel non, est pronosticandum.

LXXXIV. (u) *Contra illos, qui per XII. signa celi eventus prædicunt.*

Interdicimus etiam, ne quis per duodecim signa celi, nascentium in illis mores, actus, eventus, aut effectus prædicere præsumat; & ne homo pro domo fabricanda, aut conjugio sociando, vel hujusmodi illa observet. Quicumque autem post generales prohibitiones, quas in Missarum solemniis diebus Dominicis per Sacerdotes super his fieri præcipimus, si contra fecerint, ingressus Ecclesiæ & Ecclesiastica Sacramenta eis omnino interdicantur; & si necesse fuerit, excommunicationis vinculo innodentur, aliisque juris remediis per locorum Ordinarios a talibus arceantur.

LXXXV. (x) *Contra Quæstores fidei agentes.*

Quamplurimi dicunt, se esse Quæstores Hospitalium, Ecclesiarum, & locorum religiosorum & piorum, falso mentientes, falsas literas portant, aliqua etiam falsa & adulterina signa sibi imponunt. Nonnulli quoque Sanctuaria se deferre prætendentes, abusiones multas in Religionum, & Ecclesiarum, & locorum, quorum nomine quæstus exercent, (y) infamiam & scandalum plurimorum faciunt. Idcirco volentes circa hoc remedium quale possumus adhibere, omnibus & singulis Rectoribus, & Curatis nostræ Civitatis, Diocesis, & Provinciæ in virtute sanctæ obedientiæ præcipimus, ne de cætero ullum Quæstorem in suis Ecclesiis, sine Nostris, vel Episcopi loci, aut sine literis Apostolicis admittant.

LXXXVI. (z) *Contra extraneos Presbyteros.*

Distictius quoque inhibemus, sub pœna excommunicationis latæ sententiæ, ne aliquis Sacerdos non habens Parochiam, sive animarum curam, matrimonium celebret, corpora defunctorum sepeliat, baptizet, Confessiones audiat, Eucharistiam, & alia Sacramenta Ecclesiastica ministret populo, sine Nostra, aut

[p] Caput LXVIII. [q] in astralabo

[r] Hæc tria sub uno Cap. LXVIII. *Honthemius.*

[t] choreæ

[y] ad infamiam

[u] Caput LXIX.

[x] Caput LXX.

[z] Cap. LXXI.

(s) Herodiade & innumera

(x) Caput LXX.

(z) Cap. LXXI. Per quos Matrimonium debeat celebrari.

aut Episcopi (a) loci licentia speciali, aut illius, cui animarum cura in illo loco commissæ est: Cum constet absolutiones & remissiones ab eo absque licentia huiusmodi, tamquam a non suo Iudice factas, nisi dumtaxat in casu necessitatis, nullius fore momenti. Nemini enim licet falcem suam mittere in messem alienam juxta illud: *Ingressus es, ut (*) advena, numquid, ut Iudices nos?* sed nec aliquis Sacerdos in alterius Ecclesia, vel Parochia diebus Dominicis, vel aliis Solemnitatibus Missas publicas celebrare præsumat, donec Rector, Vicarius, vel Capellanus Missam celebraverit, nisi de ipsius Rectoris vel Vicarii licentia speciali: cum secundum Canonicas Sanctiones nulli Sacerdoti licet Missas peculiares sive privatas dicere, per quas populus a publicis Missarum solemnibus, quæ hora debita fieri consueverunt, talibus diebus abstrahatur; nec absque illius licentia saltem tacita in generali Missas publicas celebrare vel baptizare, aut aliquid aliud, quod ad Rectoris, seu Vicarii spectat officium, agere præsumat.

LXXXVII. (b) *Contra illegitimos filios, ne administrant in Divinis Officiis.*

Omnibus Sacerdotibus, sub pœna excommunicationis lætæ sententiæ præcipimus, ne filiis illegitimis sibi ad altare ministrantibus Divina officia celebrare præsumant. (c) Omnibus insuper curas gerentibus animarum præcipimus, ne Horas Canonicas, vel aliud quodcumque Officium Ecclesiasticum, sine superpellicio, impedimento cessante, in Ecclesiis dicere, vel celebrare præsumant. In Ecclesia consecrata sanguinis vel feminis effusione, aut incendio, vel violentia polluta, priusquam canonice fuerit reconciliata, arctius inhibemus Divina officia celebrari.

LXXXVIII. (d) *Contra infideles, ne sepeliantur.*

Sed & si in cimiterio consecrato Ecclesiæ contiguo hoc contigerit, vel si excommunicatus fuerit, aut infidelis ibi sepultus sit; tunc absque Nostra, vel Episcopi loci licentia speciali quisquam in cimiterio eodem non sepeliatur.

LXXXIX. (e) *Contra Sacerdotes audientes Confessiones.*

Nullus Sacerdos nobis subditus, cui animarum commissæ non fuerit cura, Parochiam alterius ad confessionem admittat, absque Nostra, vel Episcopi loci, seu proprii Presbyteri licentia speciali, nisi forte Parochialis Sacerdote in gravissima ægritudine constituto, vel nisi tanta fuerit multitudo, quod ad confessiones audiendas Parochialis Sacerdos sufficere non possit; in quibus casibus concedimus, quod possit de licentia Parochialis Sacerdotis, & etiam in gravi articulo necessitatis. (f) Quamvis omnes fideles in tribus anni temporibus, videlicet in Natali, in Pascha, in Pentecoste ad communionem corporis & sanguinis Domini sint monendi.

XC. (g) *Contra illos, qui nolunt confiteri peccata sua.*

Præcipimus tamen, ut omnes subditi nostri semel in anno Capellano, seu Rectori, in cujus Parochia degunt, vel aliis de ejus licentia confiteantur peccata; & saltem in Paschate Eucharistiam recipiant, nisi de licentia sui abstinerint Confessoris: alioquin a Rectoribus & Capellanis, viventes ab ingressu Ecclesiæ, & Sacramentis Ecclesiasticis arceantur, morientibus Ecclesiastica sepultura denegatur.

XCI. *Contra illos, qui confessi sunt.*

Et insuper in virtute sanctæ obediendiæ præcipimus omnibus Rectoribus, &

(a) Agnoscebant ergo Episcopi Germaniæ penes se esse licentiam non solum Parochos approbandi, sed & aliis Religiosis vel Sæcularibus idoneis licentiam dandi, ut Confessiones suorum subditorum audiant: neque per Canonem Concilii Lateranensis omnis utriusque sexus Episcopo vel Papæ licentiam denegari absolviendi per se, vel per delegatos a se.

(*) Genes. XIX, 9.

(d) Iterum Caput separatim LXXIV.

(f) Cap. LXXVI. *Quamvis omnes.*

(g) Est unum cum priori Capitulo, & conjungendum, ut apparet ex contextu.

(e) Caput separatim LXXIII. in Treverico codice.

(b) Caput LXXII.

(c) Cap. LXXXV.

& Curatis Capellanis curam animarum gerentibus, sub pœna excommunicationis, ut Clericos, & laicos, qui præmissa facere non curaverint, sed in peccato suo pertinaciter remanserint, Nobis vel locorum Episcopis notificent, & eorum nomina in scriptis assignent, ut ex hoc canonice puniantur: (b) Quoniam circa majora majus periculum vertitur, idcirco cautius est agendum.

XCII. *Ne aliquis se intromittat in casibus Episcopalibus.*

Interdicimus igitur in virtute sanctæ obedientiæ, & præcipimus omnibus Reſtoribus, & quibuscumque aliis subditis nostris nostræ Civitatis, Diœcesis, & Provinciæ audientibus confessiones, ne in casibus Episcopalibus de jure vel consuetudine ad Nos, & ad Episcopos pertinentibus se quomodolibet intromittant; sed ad Nos, & ad Episcopos, seu (i) Pœnitentiarios nostros illi fideliter remittere curent, & ne aliquis prætextu ignorantiae, se in talibus valeat excusare, aliquos ex illis hic ducimus exprimendos.

XCIII. *Illi mittendi sunt ad Dominum Episcopum.*

Primo quidem mittendi sunt ad Nos votorum fractores, & post votum castitatis matrimonium contrahentes.

Secundo. Contrahentes matrimonium, prima vivente, & (k) continens, & religionem intrans, & sacrum ordinem suscipiens invita uxore post carnalem copulam subsecutam.

Tertio. Confessus, se credidisse hæreticam pravitatem, & se hæreticos recepisse, & iis favisse.

Quarto. Simoniacus quocumque genere Simoniae præterquam mentalis.

Quinto. Ab Episcopo alieno sine licentia proprii Episcopi ordinatus, vel tonsuratus.

Sexto. Homicidium faciens facto, præcepto, consilio, consensu, (l) excitatione, vel quolibet alio modo.

Septimo. Concipiens filium non a viro, quem vir credens esse filium, illum nutrit, vel instruere intendit.

Octavo. Vir, qui in mortem conjugis, & uxor, quæ in mortem viri cum effectu machinatur.

Nono. Presbyter celebrans scienter in Ecclesia, vel Parochia interdicta, & Sacerdos (m) nuptias benedicens.

Decimo. Clericus vel laicus scienter corpus excommunicati vel etiam tempore interdicti non excommunicati in Cimiterio sepeliens.

Undecimo. Excommunicatus a Canone in illis casibus, in quibus Episcopus absolvere potest, & etiam irregularis in illis casibus, in quibus Episcopus dispensare potest.

Duodecimo. Matrimonium clandestine contrahentes, & omnes, qui scienter interfunt, qui secundum antiqua Statuta Synodalia nostræ Provinciæ excommunicationis vinculo sunt innodati.

Tertio decimo. Falsarius literarum Apostolicarum, sive Episcopalium, vel Officialium, sive publicorum instrumentorum.

Quarto decimo. Sacerdos scienter celebrans in Altari non consecrato, vel sine Sacris in Divinis, celebrans, etiam (n) jejunus. Item non ordinatus in Presbyterum, Missam celebrans, & non ordinatus in Diaconum solemniter & publice Evangelium legens, & non ordinatus in Subdiaconum solemniter, & cum vestimentis Subdiaconi Epistolam in Missarum solemnibus legens.

Decimo quinto. Clericus jurans tædis sacrosanctis Evangeliiis & perjurus, & quando dubitatur, utrum aliquid (o) sacrum sit servandum vel non.

Sexto decimo. Ubi cumque solemniter pœnitentia est injungenda, non dicimus hoc de publica.

Septimo decimo. Incendiarii & effratores Ecclesiarum & Domorum Ecclesiasticarum, & nocturni depopulatores agro-

(b) Hic inchoatur Cap. LXXVII. De casibus reservatis Episcopo: quod incommode discerpitur in Marteniano codice.

(i) Primarios, Trevericum: melius nostrum Pœnitentiarios.

(k) Melius Trevericum: & contrahens, vel religionem intrans, vel sacrum

(l) exhortatione, non: excitatione. (m) secundas

(n) non jejunus

(o) Sacramentum

agrorum, & famosi latrones, qui in itineribus insidiantur.

Decimo octavo. Per saltum aliquo ordine prætermisso, vel etiam furtive & contra prohibitionem promotus, & baptizatus, & reordinatus & reconfirmatus.

Decimo nono. Excommunicatus, suspensus, vel interdictus celebrans Missam scienter, vel officium suum solemniter, sicut prius agens, & qui excommunicatus, vel interdictus ordinem vel Beneficium suscepit.

Vicesimo. Coiens cum Moniali sacra, Virgine vel non.

Vicesimo primo. Desfloratores Virginum, vi oppressæ, & raptæ.

Vicesimo secundo. Opprimens, sive perimens prolem suam studiose, vel negligenter, ante partum, vel post.

Vicesimo tertio. Quomodolibet abutens Chrismate, vel Hostia, vel alia re sacra.

Vicesimo quarto. Rapinam, vel sacrilegium committens in Ecclesia.

Vicesimo quinto. Scienter baptizans proprium filium, & etiam uxoris suæ ex alio viro, vel e converso, præter in articulo necessitatis, vel etiam aliis deficientibus, vel etiam in Catechismo, vel confirmatione tenens.

Vicesimo sexto. In Ecclesia maxime consecrata luxuriam committens, humanum semen quomodocumque ibidem studiose emittens.

Vicesimo septimo. Scienter coiens cum Judæa vel Saracena, vel Pagana, & e converso.

Vicesimo octavo. Verberans patrem vel matrem, vel alias enormes eis injurias irrogans.

Vicesimo nono. Sortilegi, Divinatores, malefici, incantatores, augures, aruspices, demones pro quacumque causa invocantes, vel similia facientes.

Tricesimo. Contrahentes matrimonium post sponsalia cum aliis juramento interposito contracta, illis per Ecclesiam non dissolutis.

Tricesimo primo. Violator Ecclesiæ, vel Cimiterii.

Tricesimo secundo. Peccatum Sodomiticum committens (p) cum quibuslibet consanguineis vel affinibus.

Tricesimo tertio. (q) Sacerdotes, vel Ministri, quorum culpa vel negligentia aliquid inhonestum circa Sacramentum Altaris evenierit.

Tricesimo quarto. (r) Cognoscentes consanguineas suæ uxoris vel sponsæ.

Tricesimo quinto. (s) Procurans, quomodocumque sit, sive per se, sive per alium in alio sterilitatem.

Tricesimo sexto. (t) Blasphemans Deum publice, vel Matrem ejus, vel Sanctos, vel falsum testimonium professus, & laicus juramenti transgressor; qui tamen post transgressionem satisfacit de eo, quod juraverat facere, vel servare.

Tricesimo septimo. (u) Sacerdos coiens cum ea, quam baptizavit, vel confessiones audivit, vel etiam cum ea, quæ speciali affinitate sibi est conjuncta.

Tricesimo octavo. Contrahens matrimonium cum ea, quam cognovit per adulterium, superstitre legitima uxore sua, vel e contra.

Tricesimo nono. (x) Mulier, cujus vir diu absuit, & de illius morte certitudo non habetur; contra prohibitionem Ecclesiæ matrimonium cum alio contrahens, idem & e converso.

XCIV. [y] Contra non habentes ætatem matrimonii.

Inhibemus Rectoribus & Sacerdotibus, ne matrimonialia admittant inter aliquos, qui non sunt ætatis nubilis, sive ambo, sive alter eorum tantum deficiat in ætate; vel etiam ubi dubitatur, utrum matrimonium teneat an non, vel si de hoc lis mota fuerit, solemnizare in Ecclesia præsumant sine Nostra, aut Episcoporum locorum, vel Officialium licentia speciali.

XCV.

(p) vel cum brutis commiscens. *Tricesimo tertio.* Incestum committens cum quibuscunque.

(q) In Treverico est 34. casus.

(r) 35. in Treverico.

(s) 36tus casus.

(t) 37rimus.

(u) est 38vus.

(x) est 40mus casus.

(y) Caput LXXVIII.

XCv. (2) *Contra clandestina Matrimonia.*

Declaramus & pronunciamus, quod quicumque clandestina matrimonia seu sponsalia contra juris prohibitionem contrahunt, tam ipsi contrahentes, quam ipsi omnes Laici, & Clerici, ac Religiosi, qui non sunt Presbyteri, qui scienter & sponte, non casu fortuito, tali matrimonio interfunt, per Constitutiones tam *Provincialis Concilii*, quam *Prædecessorum nostrorum*, excommunicationis; Presbyteri vero suspensionis per triennium incurrunt sententias (a) ipso facto.

XCvi. *Contra non facientes proclamationes.*

Inhibemus igitur, & inhibitu esse declaramus de jure, ne sponsalia, seu matrimonia clandestine contrahantur: sed cum contrahenda fuerint matrimonia, Sacerdotes; publice ter, scilicet, per dies Dominicos, vel Festivos proponant, & proclamationem faciant in Ecclesiis competenti termino præfinito, ut infra illum, qui voluerit, legitimum impedimentum opponat; & ipsi Sacerdotes nihilominus per se ipsos fideliter & diligenter investigent, utrum aliquod impedimentum obstat. Quod si apparuerit, vel etiam de facto ipso sit probabilis conjectura, contractus matrimonii interdicatur expresse, donec quid super hoc fieri debeat, per loci Ordinarium declaretur. Sacerdos vero, qui tales conjunctiones solemnizare præsumserit, aut quilibet Regularis, qui in eis interesse præsumserit, per triennium ab officio suspendantur; gravius nihilominus puniendus, prout culpæ ipsius gravitas postulat; sed & illis, qui taliter copulari præsumserint, condigna penitentia injungatur: & si sic conjuncti permanserint, Ecclesia [b] contra eos tamquam publicos concubinos reputabit. Verumtamen, si clandestine contrahentes talia matrimonia, postea in facie Ecclesiæ [c] publice voluerint, ab Ecclesiæ recipienda & approbata sunt, tamquam a principio in conspectu Ecclesiæ contracta, nisi vel consanguinitas, vel aliud legitimum impedimentum appareat: ita videlicet quod publice coram

Sacerdote & aliis pluribus personis confiteantur se matrimonium contraxisse, vel de novo in Ecclesia matrimonium contrahant de presenti, eisque, si postulerint, detur benedictio nuptialis, injecta tamen prius eis per Sacerdotem penitentia competenti, pro eo, quod clandestine contraxerunt. Prædictæ autem proclamationes non remittantur a quoquam, nisi super una, vel duabus dumtaxat ex causa Nos, vel Episcopi loci velimus gratiam facere specialem.

XCvii. (d) *De Personis ignotis.*

Nullus autem Sacerdos personas ignotas de remotis partibus venientes matrimonialiter copulare præsumat, siue ambæ ignotæ fuerint, siue altera illarum tantum: nec tale matrimonium faciens, dum denunciaret in Ecclesia, sine nostra, vel Episcopi loci licentia speciali.

XCviii. [e] *De alieno Parochiano.*

Sed nec aliquis Sacerdotum alienum Parochianum ad matrimonium recipiat, ignorante proprio Sacerdote.

XCix. (e) *De Sponso & Sponsa.*

Si vero Sponsus & Sponsa de diversis Parochiis fuerint, matrimonium possunt contrahere & nuptialem benedictionem recipere in quacunque Ecclesia maluerint, dum tamen literas nostras, vel certos nuncios suorum Presbyterorum ostendant, continentes, quod in Ecclesiis, quorum sunt Parochiani, matrimonium fuerit legitime denunciatum contrahendum, & quod ipsi Presbyteri nulum sciunt, vel audiverunt impedimentum, quominus inter eos possit matrimonium esse, licet autem aliqui transtulerint domicilium suum in Parochiam alienam: nihilominus tamen denuntiatio matrimonii contrahendi fiat in prima Ecclesia, in cujus Parochia diu morati sunt, & etiam in illa, in qua suum transtulerint domicilium & morantur: præcipue si noviter se transtulerint. Eis autem, quæ rupta fide sponsaliorum matrimonium cum aliis contrahunt, non detur nuptialis benedictio.

T 3

C,

(2) Caput LXXIX.

(a) sententiam

(b) contra abest a Treverico.

(c) publicare

(d) Caput LXXX.

(e) Idem cum præcedente.

C.(f) *Contra illos, qui illegitimi sunt nati, ut ad primam Tonsuram non accedant.*

Præcipimus, ut nullus illegitime natus ad primam Tonsuram, vel aliquos Ecclesiasticos Ordines, vel Ecclesiastica Beneficia se ingerat, seu præsentet, vel præsentari faciat absque legitima dispensatione. Qui vero contrarium fecerit, & qui talem scienter præsentaverit, præter pœnam juris, ipsum excommunicationis vinculo innodamus. Illegitimi quoque Beneficia Ecclesiastica absque sufficienti dispensatione obtinentes, ipso facto se noverint privatos.

CI. (g) *Contra excommunicatos.*

Excommunicatos, aut nominatim interdictos per totam nostram Provinciam ab omnibus Regularibus & secularibus exemptis, & non exemptis præcipimus in Divinis Officiis & Sacramentis Ecclesiasticis evitari: quia nulli debent in hoc aliquibus privilegiis se tueri. Qui vero contra fecerint, vel tales ad sepulturam Ecclesiasticam admiserint, vel receperint, aut celebrare in Ecclesia interdicta præsumpserint, Ecclesiæ in quibus talia fient, subiaceant interdicto.

CII. (b) *Ut Præcepta Ecclesiæ demontrentur.*

Præcipimus Rectoribus, & Capellanis Ecclesiarum omnibus sub pœna excommunicationis, ut præcepta, sententias interdicti, & excommunicationis, quæ Nos vel Episcopi nostræ Provinciæ, vel Officiales nostri, vel alius auctoritate mandaverimus observari, mandabimus in futuro, postpositis odio, gratia, vel timore, fideliter observent, & quantum in eis fuerit, faciant ab aliis observari.

CIII. (i) *Contra retinentes litteras dolose.*

Item præcipimus sub pœna excommunicationis latæ sententiæ, quod omnes illi, qui retinent scienter & dolose, contra debitorum voluntatem omnia in-

strumenta & litteras ipsorum debitorum, de quibus plane satisfactum est, quod eadem instrumenta eis restituant infra mensem, ex quo præsens statutum ad eos pervenerit, & restituendi habuerint facultatem.

CIV. (k) *Contra illos, qui faciunt contra mandata Ecclesiastica.*

Nos (l) quoque, qui propter executionem statuti & ordinationis præmissorum, vel alia qualibet occasione Clericos, vel laicos, qui aliquos ad nostram Curiam, & Ecclesiasticos Judices citari, vel trahi fecerint, vel interdicti, aut excommunicationis, vel alias sententias, & processus contra eos obtinuerint, aut ibi in iudicio contenderint, vel etiam Officialium Nuncios, Judices nostros, & Episcoporum, qui hujusmodi sententias tulerint, & processus fecerint, compellere per captionem personarum vel rerum suarum, vel alio quocumque modo ad desistendum, vel obtinendum absolutiones, vel revocationes hujusmodi faciendas. (m) Eos, qui in causis ad forum Ecclesiasticum pertinentibus executiones aliquas contra quascumque personas fecerint, capientes, & qui eos capi, vel alias lædi mandaverint, seu procuraverint, nisi infra unius mensis spatium cum debita satisfactione præmissa emendaverint, & cum (n) steterint, in his scriptis excommunicationis vinculo innodamus. (o) Ne autem circa hæc, quæ (p) notoria sunt, omittamus, & ne quis ignorantiam possit prætere in præmissis, duas constitutiones felicitis recordationis GREGORII PAPÆ X. præsentī constitutioni de verbo ad verbum duximus subnectendas. Quarum prima est:

CV. (q) *Contra illos, qui faciunt absolutiones per vim & metum.*

" Absolutionis beneficium (*) excommunicationis, vel quamcunque
" revocationem ipsius, aut suspensionis,
" seu etiam interdicti per vim, vel per
" metum extortam præsentis constitutionis

(f) Caput LXXXI.

(g) Caput LXXXII.

(h) Caput LXXXIII.

(i) Caput LXXXIV.

(k) Caput idem cum priore.

(l) Eos, pro: Nos.

(m) *subintellige*: sub pœna excommunicationis monendos præcipimus, dein inchoatur Caput LXXXV. Eos etiam, qui in causis.

(n) effectu destituerint, lege: destituerint.

[o] Cap. LXXXVI. De extortis absolutionibus.

(p) necessaria

(q) Constitutio prima Gregorii X.

(*) ab excommunicationis sententia

"nis autoritate omnibus viribus vacuamus. Si autem sive vindicta, sive violentia crescat malignandi audacia; eos qui absolutionem, seu revocationem hujusmodi vi vel metu extorserint, excommunicationis sententiæ decrevimus subiacere.

CVI. (r) *Contra illos, qui capiunt, vel interficiunt propter sententias.*

"Item alia hæc est: Quicumque, eo quod in Reges, Principes, Barones, Nobiles, Ballivos, vel quoscunque Ministros, aut quoscunque alios excommunicationis seu interdicti sententia fuerit promulgata, licentiam dederit alicui occidendi, capiendi, seu alias in personis aut bonis suis, aut suorum gravandi: eos, qui tales sententias protulerint, sive quorum sunt occasione prolata, vel easdem sententias observantes, seu taliter excommunicatis communicare volentes; nisi [r] sententiam re integra revocaverint, vel si ad bonorum captionem occasione ipsius (t) sententiæ sit processum, nisi bona ipsa fuerint infra octo dierum spatium restituta, aut satisfactio pro ipsis impensa, in excommunicationis sententiam incidant ipso facto. Eadem sint sententia inodati omnes, qui ausi fuerint prædicta licentia data uti, vel aliquo præmissorum, ad quæ committenda dari licentiam prohibemus, aliaque committere suo motu. Qui autem in eadem sententia permanserint duorum mensium spatio, extunc ab ea non possint, nisi per sedem Apostolicam absolutionis beneficium obtinere.

CVII. (u) *Contra Ballivos, & Judices sæculares.*

Illud quoque sub excommunicationis pœna prohibemus, ne quisquam Civitatis, Diœcesis & Provinciæ nostræ Clericos, seu Ecclesiasticas personas trahere, seu trahi facere præsumat, super quibuscunque personalibus actionibus, coram quocunque Judice, Domino, Ballivo, vel alio temporali, vel sæculari,

seu sæcularem jurisdictionem habente. Clerici vero hoc facientes, excommunicationis sententiam incurrant ipso facto.

CVIII. (x) *Contra Dominos temporales, qui capi faciunt Clericos, vel alios propter sententiam.*

Sed nec ipsi de facto coram talibus, & super talibus, sive a Clericis, sive a laicis (*) capti fuerint, in ipsis consentiant, aut coram eis respondeant, sub eadem excommunicationis pœna, præter alias pœnas de jure scriptas. Nos enim sententias condemnationis & processus quoslibet coram talibus, sive per eos, sive eorum auctoritate, & mandato, habentes, & habendos, irritos decernimus & inanes. Si autem Domini temporales, vel sæculares Judices, Ballivi præmissi, & alii quicumque quomodolibet directe, vel indirecte, per se, vel per alios tales in se consentire, aut sibi respondere, compellere, aut ab eis aliquid extorquere præsumserint; ipsi Domini Judices, Ballivi, & quilibet alii excommunicationis sententiæ, ipso facto, se noverint subiacere, a qua absolvi non possint, nisi prius eis restituant, quod a talibus habuerint, nec remissio eorum, a quibus exactum extiterit, ipsos extorquentes aliquatenus valeat excusare.

CIX. (y) *Contra illos, qui detinent bona & jura Ecclesiarum.*

Injuncti Nobis officii cura & commissa præterita nos compellunt, ut tam præsentis innovatione statuti, quam debitarum adjectione pœnarum, Nostræ, & subditorum nostrorum Ecclesiæ indemnitate consulamus: ne Nos, qui alios in sua justitia fovere tenemur, jus nostrum, & Ecclesiarum improvide negligere videamur. Quia igitur nonnulli bona & jura nostra, & Ecclesiarum nostrarum prædictarum spiritualia Ecclesiastica & temporalia modis variis occupare, & occupata detinere, Dei timore postposito, non verentur: alij vero feuda & retrofeuda, bona & jura, quæ a nobis, & Ecclesiis nostræ Provinciæ tenere debent; [z] & aliis

(r) Constitutio secunda ejusdem Papæ.

(t) licentiæ

(x) Idem cum priori contextu.

(y) Caput LXXXVIII.

(r) licentiam re integra

(u) Cap. LXXXVII.

(*) tracti fuerint,

(z) & omisum.

alii personis recognoscere, vel submittere non formidant. Idcirco præcipimus sub pœna excommunicationis latæ sententiæ, ipsis occupantibus, & detentoribus, ut bona & jura nostra, & Ecclesiarum absque nostra, & antecessorum nostrorum, seu earumdem Ecclesiarum Prælatorum licentia & assensu minus iuste occupata, & detenta, plene, integre, & effectualiter nobis, & eis restituere, & agnoscere debeant: ipsis vero recognitoribus, submissoribus Ecclesiarum, feudorum, & retro-feudorum, ut recognitiones & submissiones quomodolibet factas totaliter infra mensem, ex quo præsens statutum ad eos pervenerit, cum effectu revocare non omittant.

CX. (a) *Contra illos, qui recognitiones & submissiones recipi demittunt.*

Requirimus insuper, & monemus eos, qui recognitiones & submissiones hujusmodi per se, vel per alios quomodolibet receperint, aut recipi fecerint, ut omni fraude cessante, infra idem tempus illa libere resignare, remittere, & repudiare, & dimittere non omittant, de quibus restitutione, resignatione, remissione, seu repudiatione infra xx. dies post dictum mensem sufficienter Nos, & Ecclesiarum Prælatos certificare procurent per legitima documenta.

CXI. *Contra illos, qui alienant bona Ecclesiastica.*

Ad hoc interdiciamus omnibus & singulis Nobis & Ecclesiis subditis quæcumque bona Ecclesiastica, vel mundana jura, feuda, vel retrofeuda, quomodolibet tenentibus vel possidentibus, ne de cetero illa in totum, vel in partem quomodolibet vel titulo alienare, transferre, recognoscere, vel submittere quibuscumque personis Ecclesiasticis, vel Mundanis, Collegiis, Universitatibus, seu Villis sine nostra aut Successorum nostrorum ac Prælatorum dictarum Ecclesiarum licentia speciali præsumant: & ne quisquam recognitiones & submissiones hujusmodi scienter amodo præsumant. In contra facientes exnunc, ut extunc in personas singulares excommunicationis; in Collegia seu Universitates interdicti, in

his scriptis sententias promulgamus: & insuper occupationes: detentiones, alienationes, recognitiones, & submissiones ipsas, irritas nunciamus, & totaliter annullamus. Eidem quoque excommunicationis sententiæ decernimus subjacere eos, qui bona mobilia, feuda, jura, jurisdictiones, & libertates quarumlibet Ecclesiarum nostræ Civitatis, Diœcesis, & Provinciæ quomodolibet usurpare, & occupata detinere præsumperint, nisi infra duorum mensium spatium a præsentis publicatione constitutionis connumerandum, taliter occupata, vel detenta, cum omnibus fructibus & proventibus inde perceptis plene & integre restituerint illis Ecclesiis seu Ecclesiasticis personis, ad quas pertinere noscuntur: Universis & singulis Ecclesiarum Rectoribus, & Curatis præcipientes, quod præsentem Constitutionem Parochianis suis studeant diligenter exponere; & si forte quemquam hac excommunicatione ligatum noverint, illi sepulturam in morte seu aliqua Ecclesiastica Sacramenta in vita non ministrent, vel admittant etiam ad Divina.

CXII. (b) *Contra indoctos Medicos.*

Quia sicut intelleximus, plerique indocti, & quorum vita, & mores incognita sunt civitati, castris, oppidis, & villis nostris, & nostræ provinciæ in arte Medicinæ & Chirurgiæ, & aliis artibus, docere, dicere, & prædicare contendunt: & circa exhibendas medicinas & collyria quam plures imperiti, & inexperti se ingerunt, ex quibus quam plurima dispendia provenisse noscuntur, magistrique esse cupiunt, qui discipuli non fuerunt: districtè, sub pœna excommunicationis latæ sententiæ inhibemus, ne quis deinceps in Civitate, Diœcesi nostra & Provincia artem Medicinæ & Chirurgiæ exercere seu docere præsumat, absque nostra licentia seu Episcoporum locorum speciali. Decet enim ut prius examinentur & approbentur tam in scientia, quam moribus hi, qui circa salutem corporum, quæ rebus quibuslibet præponenda existit, se asserunt expertos; cum maxime in talibus tam periculosos,

(a) Connexum cum priori.

(b) Cap. LXXXIV. *De Physicis & Medicis.*

lofis, & arduis quilibet ignorans præsumi debeat, nisi probaverit se scientem.

CXIII. (c) *Contra Clericos male se gerentes.*

Item præcipimus, quod unusquisque maxime Clericus dolos & conjurationes caveat, odium, & æmulationes, obreftationes, atque invidiam fugiat, non vagis oculis, non effreni lingua verborum, non petulanti (d) fluidoque gestu incedat, sed pudorem, & verecundiam mentis simplici habitu, incessuque ostendat, obscenitatem verborum etiam (e) in membrorum, & operum penitus exsecretur. Senioribus debitam præbeat obedientiam, neque ullo jactantia studio se ipsum attollat, bonis moribus studeat, ab omnibus illicitis cor, & linguam, & corpus, Deo auctore, conservet. Omnis enim jactantia atque immoderatio a moribus bonis est aliena. Curam pauperum, peregrinorum, (f) alienarum miserabilium personarum habeat, præsentibus (ff) eis caritativam refectio- nem, prout ei a Deo fuerit inspiratum. Viduas, & Orphanos, & Pupillos defendat, & tam in his, quam in aliis totius boni laudabile exemplum exhibeat.

CXIV. (g) *Qualiter pueri baptizentur.*

Item, si mulier in puerperio decēserit, & partus maternis in visceribus adhuc jacere credatur, uterus mulieris sine mora aperiatur, & puer, si vivus eductus fuerit, baptizetur. Si vero mortuus, extra cimiterium tumuletur. Sed si puer mortuus probabiliter credatur, tunc sine apertione mulier in cimiterio cum partu tumuletur. Si autem muliere in partu laborante infans in ventre matris tantum caput emiserit, & nasci nequeat, mox aliqua de obstetricibus, aquam super caput infantis infundat, dicens: *Ego baptizo te in nomine Patris, & Filii, & Spiritus Sancti, Amen.* Et erit baptizatus.

Idemque dicendum est, prout quidam asserunt, si major pars corporis præter caput appareat, baptizetur; secus, si minor, solus pes, vel sola ma-

nus appareat, baptizari non debet, quod si fiat, nihil agitur. Cum enim partus tunc non nascatur, nec tunc etiam nasci potest. Cæterum, si solum caput, vel solum major pars corporis appareat, nec discerni potest cujus sexus sit, tunc obstetrix levando caput cum aqua faciendo crucem super caput dicat sic: *Creatura Dei, ego te baptizo in nomine Patris, & Filii, & Spiritus Sancti.* Et erit baptizatus.

CXV. (b) *De Confirmatione.*

Confirmatio est secundum Sacramentum Ecclesiasticum ab ipso Christo institutum, qui Apostolos suos confirmavit, & per eos, eorumque successores populos confirmandos decrevit. In hoc Sacramento, sicut in Baptismo, compaternitas contrahitur, impediens matrimonium contrahendum, & dirimens jam contractum. Nullus potest bis confirmari, nullus, nisi ipse baptizatus sit, alium confirmatum præsentet. Nullus proprium filium, vel e converso, nec vir, nec uxor (i) infantem aliquem ad confirmationem teneant, aut præsentent; non plures unum confirmandum, aut unus plures confirmandos præsentet, ne oblivio ex diuturnitate temporis, vel personarum multiplicitate proveniens, peccati occasionem inducat. Nullus hoc Sacramentum, nisi baptizatus fuerit, accipiat. Confirmandus, si adultus sit, prius debet confiteri peccata. In Confirmatione nomina possunt mutari. Nemo sine hoc Sacramento debet vitam finire, ideoque semper dicatur laicis, ne diu expectent Episcopi sui adventum ad confirmandum; sed pueros mittant ad loca proxima, ubi Episcopum audierint advenisse.

CXVI. *Contra illos, qui alieno Sacerdoti peccata confitentur.*

Nullus alieno Sacerdoti peccata sua confiteatur, nisi prius a proprio petita licentia, & obtenta: quam nullus requisitus malitiose dare & recusare præsumat. In quibusdam tamen casibus libere potest, quis confiteri alieno (k) Sa-

cer.

(c) Caput XC. *De honestate Clericorum.*

(e) & membrorum

(g) Caput XCI. *De fatu mortuo.*

(k) Variæ declarationes Canonis: *Omnis utriusque sexus.*

(d) tumidoque

(f) aliarum

(b) Caput XCII.

(ff) forte: præstans

(i) simul

cerdoti, licentia non petita. *Primo*, si Episcopus hoc alii delegaverit. *Secundo*, si in aliena Parochia peccaverit, potest de illo peccato Sacerdoti illius Parochiæ confiteri. *Tertio*, si suum domicilium in aliam transfulerit Parochiam. *Quarto*, si est vagabundus. *Quinto*, si mortis periculum sibi imminet, nec habere potest proprium Sacerdotem: quo etiam casu posset laico (l) Catholico confiteri. Sed nec aliquis Sacerdos alterius Parochianum ad confessionem sine licentia sui Sacerdotis admittat. Debet autem confitens se ipsum, non alium accusare, nec personam illius, cum qua peccavit, debet nominatim exprimere. Sed nec Confessor de illa quærere debet. Nec debet etiam per Nuncium, vel Scripturam, sed ore proprio confiteri, ut qui per se ipsum peccavit, per se ipsum confiteatur, & erubescat. Ad hoc confessiones mulierum in loco non occulto, sed in patenti quis audiat, nec earum facies aspiciat, sed vel capucium ante oculos teneat, vel alibi faciem avertat: & si forte horribile peccatum audierit, non sputat, nec faciem suam torqueat, aut signum aliquod faciat, propter quod peccatorem deterreat, vel rubore, seu verecundia confundat: ita ut reliqua peccata sibi timeat revelare. Sacerdos diligenter peccatorem admoneat, & directe inducat, ut omnia peccata sua humiliter, verè, integre, simpliciter, & fideliter confiteatur, nec verecundia vel timore aliqua celet. Ostendens ei, quia non homini, sed Deo, cuius personam repræsentat, ipse locuturus est, & quod etiam ipse Sacerdos peccator est, & quod beati Petrus & Paulus peccatores fuerunt, (m) quod res pene contra naturam est, ut (n) commissio quis sine peccato sit; & humanum est peccare, sed diabolicum est in peccato perseverare; dicens ei, quod si fiste & palliate confiteatur, vel si aliquod mortale peccatum celaverit, vel scienter dimiserit, vel partem peccatorum uni Sacerdoti, partem alii confiteatur, talis pœnitentia ad æternam salutem non sufficit promerendam.

Intelligens igitur Presbyter ea, quæ confitens dicere voluerit, sollicitando eum studiose, ut cogitet, ne aliquod peccatum prætermittat, de delictorum quodque circumstantiis prudenter & caute interroget, non tanquam scire appetens, sed ut melius & salubrius consulere sciat, & utatur consilio CONCILII GENERALIS, ubi sic dicitur: (nn) "Sacerdos autem sit discretus & cautus, ut more periti medici superinfundat vinum & oleum vulneribus lauciati, diligenter inquirens, & peccatorum circumstantias, & peccati, quibus prudenter intelligat, quale debet illi præstare consilium, & cuiusmodi remedium adhibere." Interroget ergo in genere, & de diversis, videlicet utrum peccaverit peccato superbiæ, gulæ, luxuriæ, & sic de aliis. Unde AUGUSTINUS: Diligens inquisitor, & subtilis investigator sapienter, & quasi astute interroget a peccatore id, quod forte ignorat, vel verecundia vult occultare.

CXVII. (o) *Qualiter Sacerdos debet audire Confessiones.*

Cognito ergo crimine (p) varietates ejus non dubitet investigare, videlicet locum, tempus, sexum, conditionem, causam, intentionem, personam, modum, & alia necessaria, non tamen (q) conspiciendo nimias circumstantias, nec interrogando de inusitatis, nec quærando de illis, quæ confitens forte ignorat, vel nunquam audivit. In his instruat, & ad peccatum (r) declarandum inducat. Nam & secundum GREGORIUM loquendo, specificando, & increpando sæpe culpa detegitur, quam nescit ille, qui confitetur. Et nec inquirat, unde persona, cum qua confitens peccavit. Quærat etiam Sacerdos a confiteute, utrum doleat de commissis, dicens ei, quod non gaudebit se conversum, nisi doleat se fuisse perversum: & an proponat ulterius non peccare, & pœnitentiam agere de commissis? Et si responderit se a peccatis abstinere non posse, vel nolle, aut ab aliquibus vult absti-

(l) humilitatis causâ, non sacramentaliter

(m) eo quod

(n) commissio omittit Trevir.

(nn) Lateranensis IV. Generalis XII. Canone XXI.

(o) In Treverico non est novus titulus, sed continuatio prioris.

(p) videlicet secundum locum, tempus, sexum, conditionem, causam, intentionem varietates ejus

(q) specificando, pro: conspiciendo.

(r) ad peccandum Trevir. melius Martens.

abstinere, & in aliquibus remanere, nihilominus Sacerdos confessionem ejus debet audire, & de peccatis consilium præbere. Prius tamen, quam sibi consulat, ei patienter dicat, quod si quis quæcumque habet, pauperibus erogaret, & quamdiu vixerit, in pane & aqua jejunaret, & alia bona faceret, nihil sibi proficeret ad vitam æternam obtinendam, quamdiu in peccato commissio remanserit, vel propositum & voluntatem committendi habuerit, nec eum ab aliquo peccato absolvat, nisi de omnibus pœnituerit, & nisi propositum habuerit iterum non peccandi, ad quod toto posse & studio eum inducat. Quod si forte ipsum ad veram pœnitentiam & confessionem inducere nequiverit, præbeat ei de peccatis confessis consilium dicens in hunc modum: Frater, dico tibi & consulo, quod jejunes, ores, eleemosynas, (r) & alia bona facias. Hæc tamen tibi ad æternam vitam non sufficiunt, & ad salutem æternam obtinendam, quamdiu in peccato vel peccandi remanseris voluntate: quia nihil prodest jejunare, orare, & alia opera religionis facere, nisi penitus ab iniquitate revocetur: & secundum ISAIAM irrisor est, & non pœnitens, qui adhuc agit, quod pœnitet. Opera enim sine caritate apud Deum nec justitiam, nec innocentiam præstant. Talem tamen pœnitentiam facias, ut per hæc bona & alia, quæ feceris, dignetur Dominus cor tuum ad veram pœnitentiam illustrare. Et facta generali confessione, scilicet: *Confiteor Deo* &c. non absolvat a peccatis, sed dicat ei, quod non recipiat corpus Christi, quamdiu in peccato, & voluntate, & proposito iterum peccandi manebit. Provideat tamen, quantum potest, ne in desperationis illum inducat periculum. (t) Judæi Judam desperare fecerunt.

CXVIII. (u) *Ut Sacerdos confitentem confortet.*

Et quia contraria contrariis curantur, Sacerdos peccatori peccata confitenti, & propositum ulterius non peccandi habenti suadeat, & imponat pœnitentiam, & correctionem per contrarium sibi respondentem.

(r) des,

(u) In Treverico sine novo titulo continuatur.

Tomus IV. Concil. German.

CXIX. *Contra superbiam, avaritiam, & gulam.*

Contra superbiam enim suadeat humilitatem & injungat orationem; contra avaritiam eleemosynam affluentem; contra gulam ciborum abstinenciam & sobrietatem; contra luxuriam, jejunium, & orationes, peregrinationes, disciplinas, & alias carnis macerationes imponendo, semper tamen juxta personæ conditionem, pœnitentiam, quam poterit supportare, ne forte nimium gravetur, (x) gravius peccet etiam injustam pœnitentiam imponendo & infringendo.

CXX. *Quam debent injungere infirmis pœnitentiam.*

Nam secundum JOANNEM CHRYSOSTOMUM, si erramus, modicam pœnitentiam injungendo, melius est propter misericordiam talem dare, quam propter crudelitatem magnam infringi. Ubi enim Paterfamilias largus est, Dispensator non debet esse tenax: & secundum AMBROSIIUM, melius est pœnitentias tales præstare per misericordiam, quam prætereundere inclementiam. Imposita ergo pœnitentia & facta generali confessione, *Confiteor Deo*, &c. dicat sic; injungo talem pœnitentiam tibi, seu satisfactionem pro peccatis, quæ per contritionem confessus es. Et imponens manus super caput ejus dicat: "Indulgentiam & remissionem omnium peccatorum tuorum tribuat tibi omnipotens, & misericors Dominus. Amen." Et ego auctoritate Domini nostri *Jesu Christi*, & beatorum Apostolorum *Petri & Pauli*, & officii mihi commissi, & auctoritate, qua fungor, absolvo te ab his, quæ confessus es, & contritus." Et dicat ei, quod si postmodum reducerit ad memoriam alia peccata, quæ non sit confessus, redeat ad eum, ut ea confiteatur.

CXXI. *Contra illos, qui debent parcere infirmis.*

Infirmis autem non est pœnitentia injungenda, sed solum innoscenda seu declaranda. Dicat enim Sacerdos infirmo, cujus peccata audivit: Frater, si sc-

(t) sicut Judæi

(x) forte: & gravius

si sanus esses pro his peccatis, quæ confessus es, deberes tot annis vel taliter poenitere; sed quia infirmus, nullam injungo poenitentiam tibi ad præsens corporalem. Si tamen de ista infirmitate te mori contigerit, facias tantum dari pauperibus, vel piis locis, vel tot Missas celebrari, vel similia loco prædictæ (y) pecuniæ. Si vero convalueris, tamen poenitentiam facias. Et imponens manum super caput ejus, absolvat eum de peccatis, prout jam de sano dictum est. Quod si forte infirmus pro poenitentia recipienda Sacerdotem petiit, vel aliqua signa poenitentiae ostendit, & priusquam Sacerdos veniat, ille obmutescat, vel amens fiat; Sacerdos postea veniens, sive ad nutum infirmi, sive ad testimonium illorum, qui illum Presbyterum vel poenitentiam petentem, vel alia signa poenitentiae facientem audierunt, ei (z) imponere (zz) quidquid humanitatis & consolationis potest, absolvendo eum, & reconciliando, & orationes dicendo, osculum Crucis sibi dando, in Cimiterio sepeliendo, & similia faciendo. (a) Caveat enim Sacerdos omnino, ne aut verbo speciali, ut dicendo, ego non sum fur, vel adulter, quasi dicat, tu es talis; vel generali, ego scio qualis tu es; aut signo, aut quolibet alio, (b) favore, odio, vel timore prodatur, vel revelet peccatorem. Sed si forte (c) pro poenitentia pro peccato injungenda dubitaverit, & Episcopi, vel alterius prudentioris consilio indigerit, illud caute & generaliter sub aliis terminis absque alicujus personæ expressione requirat. Alioquin deponatur, & in arctum Monasterium ad agendam ibi perpetuam poenitentiam detrudi debet.

CXXII. (d) *Ut Medici infirmos moneant de salute.*

Medicis corporum sub excommunicationis poena præcipimus, ut infirmos moneant, & inducant, quod ante omnia

Medicis advocent animarum, ut postmodum ad corporalis medicinæ salubrius remedium procedatur. Et insuper sub excommunicationis poena prohibemus ne infirmis pro corporali salute suadeant aliquid dare, quod in periculum sit animarum.

CXXIII. (e) *Contra non facientes restitutionem.*

Illud quoque notandum est, quod non remittitur peccatum, nisi restituatur, vel emendetur ablatum, seu restituendum, si emendandi facultas adsit. Non enim potest quis vere poenitere, nec debet aperte absolvi, nec poenitentia sibi (f) induci, nisi prius restituat, vel emendet rapinam, furtum, sacrilegium, incendium, usuram, vel res ex naufragio vel incendio habitas, seu quaslibet indebitas extorsiones, vel censum retentum præter voluntatem Domini, cui debetur, vel damna (g) cujuscunque contra iustitiam data, & generaliter cujuslibet rei alienæ scienter contra iustitiam debitam detentionem. In his siquidem omnibus & singulis Sacerdos debet præcipere confitenti, ut statim satisfaciatur juxta posse; & si peccatum occultum fuerit, fieri debet occulte per ipsum Sacerdotem, vel per aliam fidellem personam, suppresso nomine; confitentis restitutio, seu emenda: si autem poenitens non habet rem, quam restituere debet, vel alia bona mobilia vel immobilia, unde statim satisfacere possit; vel habet, seu potest, ista (h) tamen, cui restitutio facienda est, præsens non est, nec esse potest, & confitens apparet vere poenitens & contritus proponens firmiter cum poterit satisfacere; sibi poenitentia injungatur; & si sit infirmus, præcipiat heredibus, ut si mori eum contigerit, de his plene satisfacere curent pro eodem. (i) Omnibus autem poenitentibus sanis vel infirmis, qui aliis tenentur aliquid restituere, non excusantur præcipiendo suis heredibus, quod resti-

(y) poenitentiae, non: pecuniæ.

(a) Caput XCIV. De poenitentia injungenda,

(b) modo, favore

(d) Caput XCV. Treverici codicis.

(f) indici

(b) is tamen, loco: ista

(i) Caput XCVII. De restitutionibus in Confessionibus faciendis. Omnes poenitentes . . . non excusantur.

(z) impendere (zz) debet, omissum. & inquisitione facienda. Caveat.

(c) super, loco: pro

(e) Caput XCVI.

(g) cuicumque

restitutionem faciant vel emendam, nisi ipsimet in toto vel in parte statim restituant, vel emendent, si hoc commode facere possint. Tenetur enim alienæ rei detentor, & etiam ejus heres ad restitutionem, in quantum illius hereditas sufficere potest.

CXXIV. (k) *Contra illos, quibus restitutio commissæ est facere.*

Facienda autem est restitutio Domino rei, vel heredibus ejus, si inveniri possint ab his, qui bona hujus habuerunt, seu damna intulerunt, vel heredibus eorum: sed si diligenter inquisiti, & congruo tempore expectati non inveniuntur, sed, qui & ubi sint, ignoratur: tunc consilio Sacerdotis res illa in pias causas, præsertim in pauperum sustentationem, distribuatur pro illius anima, cujus fuit: sique distributio præcipue in pias causas, vel in pauperes ipsius loci, territorii, in quo res reperta, vel capta, seu damnum datum fuit. Si vero scitur persona, cui est emenda seu restitutio facienda, agit tamen in remotis partibus, nec speratur, quod debet redire: mittatur ei, si fieri possit commode & secure, vel pro eo reservetur. Quod si non venerit, si mortuus fuerit, pro anima ejus cum consilio Ecclesiæ pauperibus erogetur, & hoc, si res restituenda sit modica. Si vero magni valoris, debet mitri illi ad expensas detentoris, vel si res, vel summa modica est, & debitor inops sit, ei relinquatur, ut pro anima illius oret.

CXXV. (l) *Contra illos, qui pecuniam inveniunt.*

Qui pecuniam vel aliam rem in via, vel alibi invenit, tenetur eam reddere ei, qui eam amisit, vel perdidit, si eum poterit invenire: sed si nescitur, cujus fuerit, aut forte scitur, sed inveniri non potest, publicetur hoc per Sacerdotes, vel præcones in Ecclesia, vel in loco, ubi inventa est: & Dominus expectatus non inventus (ll), cujus fuerit, erogetur cum consilio Ecclesiæ pauperibus illius loci, pro illius anima, cujus fuit: vel si mo-

dica sit res, vel summa inventa; & inventor egenus, juxta personæ & rei qualitatem sibi concedi poterit, ut eam pro eleemosyna retineat, & pro anima ejus oret, cujus fuit.

CXXVI. [m] *Contra raptores.*

Confessor vero debet scire & discernere, quidquid habet judicare: quoniam nemo bene judicat, qui [n] ignorat. Noscere debet, quod quando plures in rapinis faciendis concurrunt simul, quilibet a se occupatâ tenetur restituere; dum tamen in occupationibus per alios factis culpabilis non existat. Si enim culpabilis fuerit, quia forte aliis, ut raperent, consuluit; tunc ejus dolo & consilio damnum datum. sic in solidum, in quantum facere potest, tenetur præcipue in foro conscientiæ. Sed & si rapinam passus adversus consiliarios rapinæ & raptores accusationes, seu actiones suas ex iusta, vel injusta causa exercere non vult, ei tamen satisfaciendum est, nisi forte ipse spoliatus raptori, qui primus & principaliter tenebatur, & [o] plures secum habuerit, liberaliter remiserit: quo casu est consiliarius, qui nihil habuit, liberatus. Sed si consiliarius a rapinam passus est absolutus, non ideo alii, ad quos pervenerint, liberantur, nisi illos expresse intellexerit liberare.

CXXVII. (p) *Contra dantes consilium raptoribus.*

Ceterum si non dederit quis consilium de rapina facienda; ivit tantum cum raptore, non ut ad rapinam, cum dissuasit, juvaret, sed ut raptorem, ne ab aliquo lædi posset, juvaret, vel defenderet: tunc, si nulla res ablata est, ad nullius rei restitutionem tenetur; sed si raptor aliqua abstulerit, bene tenetur: quia etsi non consilium, opem tamen ad rapinam dedit: quod verum est, si raptor sine eo res asportare nequivisset, quod si potuisset, iste non tenetur: si vero raptor nihil abstulerit, sed aliud damnum intulerit, tunc nullo modo tenetur, qui rapinam dissuasit, licet ad hoc ut (q) cum

V 3

rpto-

(k) In Treverico continuatur cum Capite XCVII.

[l] Non est nova divisio, sed continuatio prioris.

[m] Continuatio cum priore.

[o] & quæ res habuerit, Trevir. forte: qui

(p) In Treverico, uno contextu cum antecedentibus.

(ll) adde: fuerit,

(n) quod ignorat.

(q) ut raptorem defenderet.

raptore iverit; si tamen raptor nullo modo ivisset, nisi ejus habuisset comitatum, bene tenetur; quia etiam si verbo dissuasit, opem tamen dedit, & facto consuluit.

Generaliter autem restitutio facienda est qualitercumque in alterius, cujus interest, præjudicium acquisitum sit: puta quia damnum per injuriam datum est. Ubi vero nullius interest, tamen alias illicite acquisitum est, quod sine peccato retineri non potest, ut sicut aliqui dicunt in iis, quæ excommunicatus acquirit, & etiam ubi ipse, vel ejus heres sit, tunc idem de consilio Confessoris est totum pauperibus erogandum, vel eidem, si egeat, ut pramittitur, relinquendum. Facienda est enim restitutio ejus, quod quis per furtum, rapinam, oppressionem, dolum, vel calumniam acquisivit; ut per hoc omnes casus comprehendamus, in quibus sive per accusationes, sive judicis officio competit repetitio. (r) Tenetur quis etiam restituere, quod alteri debitum est, sive jure naturali & civili, sive naturali tantum; quale est illud, quod servo debetur. Si vero civili tantum debitum est, ut si heres credens hereditatem sufficere, solvit integre legatum, de quo poterat falcidiam detrahere, legatarius ei restituere tenetur, quamvis quidam contradicant, pro eo, quod falcidiam detrahere æquum est, super qua æquitate lex facta est: & idem videtur ipse eo, qui scripsit se pecuniam spe futuræ (s) munerationis debere; qui tamen nihil in veritate accepit, quia licet biennium, post quod exceptio pecunie non numeratæ non competit, lapsum sit; non tamen tenetur in foro conscientie reddere, seu dare aliquid illi creditori, cui jure civili teneretur per exceptionem admissam.

CXXVIII. (t) Contra hypocritas.

Item hypocrita, qui sub specie boni Christiani multa acquisivit recipiendo in se executiones testamentorum, vel alia, (u) ea restituere tenetur, quæ per fraudem qualivis: sed forte non illi, qui dedit, quia mercedem suam jam consecutus est: sed faciat sibi amicos de Man-

mona iniquitatis, in pios usus talia convertendo. (x) Sane restituisse seu satisfecisse quis videtur, qualitercumque quis satisfecerit, etiam si re non restituta ei, cui restitutio, seu emenda facienda est, [y] actionibus minime præcedentibus, ex quo sibi donavit, vel remisit: dum tamen sit persona talis, quæ donare vel remittere possit: quia satisfacere est ad voluntatem creditoris satisfacere.

CXXIX. (z) De illis, qui ad restitutionem tenentur.

Ceterum si is, qui ad restitutionem tenetur, evidenter omnino non solvendo factus est; tunc juxta præmissa sufficit contritio cum proposito reddendi, quando commode poterit: quia ejus, qui nihil habet, nihil periculo esse potest, & Deus cor interrogat, lex autem opera quærit. Si tamen Confessor dubitat, an ille sit adeo pauper, ut diximus, tunc consulat ei, ut bonis cedat; quod si fecerit, satis est: Tunc ejus nota est paupertas. Sed & quamvis bonis cedat, nihilominus debet ei injungere penitentiam salutarem. Quod facere debet etiam si plene solveret, seu satisfaceret. Talis namque duos offendit, scilicet Deum, qui præcepit: *Furtum non facias*, in quo omnis non iusta & illicita alienæ rei occupatio, sive acquisitio prohibetur, qui etiam dixit: *Diliges proximum tuum sicut te ipsum*, & iterum: *Non concupisces rem proximi tui*. Unde pro transgressione Divini præcepti, injungat ei penitentiam salutarem, per quam Deo satisfaciatur. Offendit etiam proximum, rem illius illicitè occupando, seu contrectando, vel sibi quomodolibet injuriam irrogando: unde ad restitutionem seu satisfactionem, si facilitas adsit vel non adsit facultas, saltem ad cedendum bonis tenetur, & alter (a) istorum alterum non excludit, unde non sufficit restitutio, seu satisfactio, vel cessio, nisi penitentia, per quam satisfaciatur, sequatur. Si vero omnino solvendo non est, sed vult in parte vel in toto,olvere poterit, non tamen commode, & sine periculo sustentationis suæ aut uxoris & familiæ: tunc Confessor debet illum ad veram contritionem & penitentiam.

(r) Novus titulus, vel potius iteratus: *De restitutionibus*.

(t) Continuum sine titulo.

(y) pactionibus

(u) vel alias

(z) de eodem interjectum.

(x) numerationis

(x) de eodem interjectum.

(a) alterum istorum

nitentiam inducere, dicens illi, "Fili, restituere, quod potes, ut sic pœnam inferni evites, & cum Deo in Cœlis æternaliter glorieris," & ponat secundum Augustinum ante oculos ejus iudicium Dei: terreat ejus conscientiam, & persuadeat pœnitentiam. Et si nolit restituere, nec converti, vel conteri; non potest sibi pœnitentia, sed solum consilium juxta præmissa impendi debet. Si vero ad pœnitentiam & contritionem potest induci, tunc dicat illi, quod statim, vel infra certum tempus quicquid commode emendare poterit, emendet; & de reliquo ab eo, cui satisfieri debet, veniam postulet humiliter & devote: quam si obtinere potest, bene est: alioquin componat, seu ordinet cum ipso, ut cum ejus voluntate paulatim singulis annis, & mensibus emendet, quod poterit, donec fuerit plene satisfactum, moderatâ tamen vitæ sustentatione sibi & familiæ reservatâ.

CXXX. (b) *De restitutione Testamenti & de emendatione.*

Quod si forte plures sunt, cum quibus satisfacere, vel emendare debet; quorum aliqui dilationem concedere, aut totum remittere voluerint, alii vero non; tunc Confessor consulat illi, ut ad iudicem fori contentiosi accedat: qui vocatis omnibus stabit iudicio majoris partis. Hæc autem majoritas in hoc casu intelligitur, tam respectu debiti, quam etiam respectu (c) minorum personarum. Si vero omnia paria sunt; præferenda quidem erit humanior sententia, scilicet illorum, qui in concedenda dilatione consentiunt, ne quantum ad hoc interesset inter Hypothecarios & Chyrographarios scriptores, al. creditores. Si autem nullam potest misericordiam invenire, tunc tenetur statim solvere, vel bonis cedere; quia talis peccator semper est in mora, præfertim ubi is, cui restitutio seu emenda fieri debet, multum periculose eget. Jura tamen reis condemnatis etiam quadrimestre tempus ad solvendum concedunt. Ubi autem non est tanta, & tam periculosa creditoris egestas, nec ipse induci potest ad dilationem aliquam conceden-

dam, nec etiam (d) debitorum ad statim emendandum, vel restituendum; sunt qui dicunt, quod tunc Sacerdos potest suam conscientiam informare ex eo quod intendit utiliter agere negotium creditoris. Si enim videt, quod creditor non potest in prompto, vel in cito, aut ita commode suum recuperare; potest pœnitenti, recepto ab eo juramento, & idonea cautione, si quam præstare potest, moderatam dilationem ad (e) absolvendum concedere; & sub conditione, scilicet si hoc infra diem statutum adimpleverit, absolvere: ut sic creditor debitum sibi recuperet, & ille in desperationem non incidat: quamquam rigor juris positivi aliud suadeat in hoc casu.

CXXXI. (f) *Contra fures, qui faciunt elemosynas.*

Nemini licet furari furi vel raptori, usurario, vel avaro, rem furtivam, vel raptam, ut ipse ex ea elemosynam faciat, quia non sunt facienda mala, ut eveniant bona. Aufert enim illi facultatem restituendi rem, qui ad eam tenetur. Nec rapinam seu furtum justificat, eo quod largas raptor ex invasa re elemosynas facit: imo species furti est, velle de alieno largiri, qui rem aliquam sibi ad certum tempus recepit commodatam, eam alteri (g) committendo, furtum committit: sed & creditor, qui re sibi obligata utitur, inscio debitore, furtum committit. Quo casu ad estimationem usus, etiam re Domino restitutâ tenetur.

CXXXII. (b) *Si circa illicite acquisite restitutionem ambiguitas oritur, tunc erit Episcoporum consilium.*

Illud quoque notandum est, quod si circa illicite acquisite restitutionem ambiguitas oritur, aut si res vel summa, quæ restitutioni subjacet, magna est: tunc erit nostrum & Episcoporum consilium expectandum. Ad hoc statuimus, quod Sacerdos damna data, seu forefacta sibi a consentientibus, ut aliis restituant assignata, restituere non differat, nec sibi retinere præsumat.

CXXXIII.

(b) Nulla intercapedo in Treverico, sed continuatio.

(c) respectu numeri personarum.

(d) debitor ad statim

(e) ad solvendum

(f) Est divisio in Treverico, sed titulus idem: *De restitutionibus.*

(g) commodando

(b) Titulus novus, cum in Treverico sit continuatio.

CXXXIII. [i] *Contra excommunicatos, qui tenent Beneficia, si salvari desiderant.*

Illud quoque præterendum non est, quod qui excommunicatus, vel ab homine suspensus, vel aliter absque titulo Canonico Ecclesiasticum recipit Beneficium; si salvari desiderat, omnia inde recepta Ecclesiæ restituat, & Beneficium dimittat, nisi cum eo per Sedem Apostolicam fuerit dispensatum.

CXXXIV. (k) *Contra illos, qui faciunt guerras.*

Item declaramus, & denuntiamus, quod quicumque Dominum temporalem, vel alium potentem inducit ad guerram injuste movendam, vel prædam capiendam; in solidum ad restitutionem tenetur. Ceterum si duo facientes principaliter guerram pacificantur ad invicem, & damna hinc inde data remittant: talis quidem remissio non extenditur ad homines, & subditos illorum, nisi de expresso eorum consensu sit facta remissio: imo est [l] emenda & restitutio facienda. Nam & ab illis non possent ipsi diu, guerra non existente, sine rapina extorquere tantumdem, vel nisi pax forsan aliter fieri non posset. Nam tunc utiliter partis utriusque negotium geritur.

CXXXV. (m) *Contra illos, qui judicant injuste.*

Assessores quoque, & Advocati incitantes & inducentes ex certa scientia, & contra conscientiam judicem ad injuste judicandum, in solidum ad restitutionem tenentur: quia si occasionem damni dat, damnum dedisse videtur: si vero Judex simplex est, & judicat secundum conscientiam, deceptus tamen consilio Assessoris bona fide electi, qui communiter justus, & peritus credebatur; excusatus est, & Assessor tenetur. Tenentur etiam & Judex & Assessor ad restitutionem, si se imperitos scientes de judicando vel assistendo intromittant: quia culpa est se immiscere rei non ad se pertinenti, & talem Assessorem scienter eli-

gens in culpa est. Rursus Assessor percipiens certum salarium, & ultra illud aliquid extorquens, ad restitutionem tenetur. Alii vero inferiores officii & nuntii, si missi & similes, si certum percipiunt salarium, & ultra illud aliquid extorquent, ad restitutionem tenentur: si vero certum non percipiunt salarium, & ultra debitum modum & loci morem aliquem per vim, per immoderatam improbitatem, (n) tunc quidem, licet ad restitutionem non teneantur, debent tamen inde tanquam de improbe acquisito eleemosynas facere. Prohibitus advocare, & Religiosus, Beneficiatus, & in sacris constitutus, si in certis casibus advocare præsumit, licet non cogatur salarium ei, a quo percipit, restituere, quia ejus non interest, ex quo ille in aliqua culpa amissionis causa non fuit: tenetur tamen juxta Sacerdotis consilium, illud in pias causas elargiri. Si vero per cavillationes & malitias suas adversario advocato (o) justam causam abstulit, vel aggravavit contra conscientiam allegando, seu positionem duplicem, vel capriosam faciendo, vel falsum testem instruendo, vel clientulum suum ad vera neganda inducendo, vel litem ex industria protrahendo & similia; tunc in solidum illi ad verum interesse (p) tenentur. Quod si propter ejus negligentiam, vel ignorantiam clientulus suos causam amiserit, tenetur illi non solum salarium extortum; verum etiam damnum litis restituere. Nam imperitia culpæ (q) annullatur. Verum, quamquam liceat ei vendere justum patrocinium, & (r) jurisperito consilium: pauperi tamen gratis consulere debet, si absque labore magno & studio respondere potest, ut sicut gratis accepit, sic & gratis det.

CXXXVI. (s) *Contra testem corruptum.*

Testis corruptus ad restitutionem damni ei faciendam tenetur: (t) quia propter ejus falsum testimonium causam suam amisit. Si vero recipit præmium propter verum testimonium dicendum: tunc

(i) In Treverico Caput XCVIII.

(l) & eis emenda

(n) extorquent

(q) annumeratur.

(t) qui, pro: quia.

(k) Cap. XCIX. De guerra injusta.

(m) Cap. C. De Assessorebus & Advocatis.

(o) Advocatus

(p) tenetur.

(r) jurisperitorum

(s) tenetur.

(t) Caput CI. De testibus corruptis.

tunc quod percepit, juxta Sacerdotis consilium in pios usus erogare tenetur.

CXXXVII. *Contra Judicem, qui recipit pecuniam.*

Idemque est de Judice receptâ pecuniâ justam sententiam proferente, testis tamen & judex delegatus sumtus moderatos, & assessor competens salarium licite recipere possunt.

CXXXVIII. *(u) Contra accusatores.*

Accusatores, & denunciatores criminum hoc calumniosè agentes ad illati damni restitutionem tenentur. Sed qui ex odio, non ex caritate denuntiant, pœnitentiam inde agere debent. Tales etiam non solum ad restitutionem damni, seu pecuniæ (x) tenentur: ut si forte, vel per se, vel per alios cantilenas dixerint, vel libellum famosum scripserint, seu legerint, vel famam & honorem illius detraxerint in locis illis, in quibus sciunt illum ex præmissis fore infamatum, profiteantur publice, se mentitos fuisse. Ubi autem a diversis, & super diversis infamatus est: tunc arbitrio infamati, vel saltem judicis se se super purgent, veniam insuper ab eo super hoc postulantes. Deteriores si quidem sunt, qui aliorum vitam, mores, famamque corrumpunt; quam hi, qui aliorum substantias, prædique diripiunt.

CXXXIX. *(y) Item de Judice.*

Constitutiones contra salutem animæ editæ servandæ non sunt: imo conditores earum, & statutorum iniquorum, quæ sunt contra jus naturale, quod in Evangelio continetur, & in Ecclesiarum præjudicium, & contra Ecclesiasticam libertatem, & eorum Consilarii & Scriptores, & secundum ea judicantes, & ea observantes & extorquentes, ad restitutionem damni ex hoc secuti in solidum obligantur. Idemque est, si fiat contra jus positivum ad pauperes opprimendos & justitiam impediendam, & (z) super

leges ipsæ & statuta ipso jure non (a) tenentur.

CXL. *(b) Item de usuris.*

Usurarii (c) inhonesta & prohibita lucra exercentes, ad eorum restitutionem tenentur. Quidquid autem forti accidit, usura est: unde scriptum est: *(d) Mutuum date nihil inde sperantes.* Sed nec ab infideli usuras recipere licet. Si quis tamen receperit, satisfaciât inde auctoritate Ecclesiæ illis Christianis, a quibus forsan ille infidelis usuras extorserat, vel quibus est alteri obligatus, vel in æde sacra ad id faciendum deponat, & taliter liberatur. Quodsi usurarius multa de scœnore lucratus est, de rigore juris etiam talia lucra restituere tenetur, sicut fur, vel raptor, inter quos numeratur, quia tamen, qui (e) *nimis emungit, sanguinem elicit*; videtur nobis, pro ut & sapientibus visum est, in hoc casu sufficere debitori, si sortem, & sumtus, & moderatum interesse dumtaxat, & non talia reciperet lucra, qualia hoc sumum repetere (f) usuris. Cautum inde est, quod post talem restitutionem, remissionem de talibus lucris ab illo postulet debitore.

CXLI. *(g)*

Ceterum uxor & filii, & familiares usurarii, furis & raptoris de talibus lucris concedentes, & inducentes, & unde vivant, aliunde non habentes, excusati videntur, si inde peccato non consentiunt; sed potius illum ad restituendum & corrigendum inducunt: quod verum est, si sit (b) species verisimilis de illius correctione, & utantur tali moderamine, ut super hoc non subtrahatur illi in totum, vel in magna parte restituendi facultas. Si enim nulla sit (b) species de ejus correctione, tunc illi, si sunt in illis eis aliqua bona separata, de eis vivant. Quia potius debent omnia mala pari, quam tali & tanto malo consentire. Si autem vir crudelis non permittit uxorem de alio comedere, nihilominus tamen vivat

(u) Cap. CII. *De accusantibus & denuntiantibus crimina.*

(y) Caput CIII. *De pravis constitutionibus contra Jurâ & Evangelia.*

(z) insuper leges ipsæ

(c) & alii

(d) cum usuris tantum.

(b) spes verisimilis

(a) tenent.

(d) Lucæ VI, 35.

(g) Continuat sine numero novo aut titulo in Trever.

(b) Cap. CIV. *De lucris inhonestis.*

(e) Proverb. XXX, 31.

vivat de dote sua, seu sponsalicio, si quod habet, hoc denunciet amicis, vel Episcopo, ut illum compescat: quod si nulla monitione compesci poterit, comedat cum cordis dolore, potius quam fame moriatur. Nam talis necessitas pœnam furti excusat, quam citius & commode poterit, restituat, & ad cautelam pœnitentiam agat.

CXLII. [i] *De quæstis collectis.*

Circa quæstas collectas, tallias, sciendum est, quod si Dominus in [k] concessionem rei suæ [l] retinuit, quod possit talliare homines, & [m] collectiones, potest licite facere, omnino (n) colonus de hoc aliquis ex certa scientia retinens, vel subtrahens, vel celans, ad restitutionem tenetur: dum tamen antiqua & solita fiat tallia, & talis, quæ etiam scitur, & (o) probatur, traditurque ab initio, quod ex iusta causa fuerit imposita: verum, si non fuit dictum quota tallia fiat, sed in concessione rei fuit (p) interminatæ dictum, quod Dominus in tali homine, vel casamento possit talliam facere; intelligendum est de modica tallia, considerata hominis facultate, & casamenti qualitate; si vero Dominus immoderate extorsit, debet (q) restitutionem per Sacerdotem induci. Si (r) colonus exactus tacite & expresse Domini (s) dolo, & fraude aliquid Domino offert, Dominus gratis recipiens restituere non tenetur; secus tamen est, si violenter, aut minis, vel terroribus extorsit. Quod si forte ipse, & ejus prædecessores (t) exegerint ab hominibus suis, quæ si venderet quidquid habet, restituere non possit; tunc consulat ei Sacerdos, ut remittat hominibus in compensationem aliquam termitatem, vel aliquos casus, ad quos ei forte tenentur: vel concedat eis aliquam

libertatem, vel construat hospitale, vel aliquid aliud pium agat, cum consensu (u) passorum, vel successorum illorum, certum facientes elemosynam de alieno, seu illicite acquisito.

CXLIII. (x)

Volumus omnes scire, quod si habens (y) omnia aliena bona ad restitutionem tenetur, puta, quod habuerit ex injusto bello, vel ex furto, vel rapina, vel simonia, vel usura, vel ex naufragio, vel ex injusto pedagio, vel ex injustis tallis, vel vi, vel metu extorsit, in ludo causa cupiditatis acquisivit, vel Judex, vel Assessor, seu Officialis indebita aliqua acquisivit, in his quidem, & similibus casibus, si sunt notorii, quibus quis ad restitutionem (z) non tenetur: (a) puta, quia histrionatu vel similibus acquisivit, ex talibus quidem acquisitis vel elemosyna vel personalis decima dari & recipi possunt. Nam licet tales turpiter agant, non tamen turpiter recipiunt. Sed & ubi aliquis ad restitutionem non tenetur; si tamen ex notorio peccato provenit, Ecclesia recipere non debet, ne peccatum comprobare videatur. Secus, si occultum sit, licet Prælatum hoc sciat.

CXLIV. (b)

Regulariter autem quicumque ex illicita negotiatione, vel aliter sine calumnia aliquid acquirit, quod (c) cum iuxta præmissa restituere non tenetur, prudenter agit, si illud in pios usus erogat, de sui Confessoris consilio. Non damnamus tamen eum, si suis heredibus talia relinquit. De eo vero, quod restitutioni subjacet, elemosyna fieri non debet. Nam species furti est, velle, ut prædiximus, de alieno largiri. Non debet, quis male (d) inquirere, ut bene dispen-

(a) Caput CV. *De quæstis & tallis.*

(f) instituit, pro: retinuit,

(g) & probabiliter creditur, quod ab initio ex iusta causa fuerit imposita:

(h) indeterminate

(i) Sed si colonus non exactus

(j) tot exegerint

(k) Caput CVI. *De facientibus elemosynam de alieno.*

(l) omnia, abest,

(m) Elemosyna vel decima a tali dari vel recipi non debet. Si vero ad restitutionem non tenetur, puta, quia in histrionatu

(n) Nullus novus numerus, sed continuatio.

(o) acquirere

(k) in concessione

(n) imo colonus

(m) & colonos

(q) ad restitutionem

(r) absque omni dolo & fraude

(u) damna passorum,

(z) non, abest.

(c) cura, abest.

dispenset. Nam abominabiles sunt hostiæ, quæ ex scelere offeruntur. Religiosi autem & Clerici administrationem habentes possunt eleemosynam & oblationem facere: quinimo quidquid eis superest, tenentur pauperibus erogare: quoniam (e) aliquid habent Clerici, pauperum est. Nisi forte suis Superioribus vel Ecclesiis illud ex debito restituere teneantur, parique ratione hoc licite facere possunt in studio, vel peregrinatione de suorum Abbatum, & Prælatorum licentia exeuntes. Religiosus, (f) seu Claustralis cujuscumque religionis proprio carens, nullam administrationem, vel officium habens, quia nec proprium, nec etiam voluntatem habendi habere debet, eleemosynam & oblationem facere non potest, nisi forte cum Abbatibus voluntate de omnibus rebus hoc faciat, vel nisi forte hominem ad mortem esurientem videat: tunc ei de licentia summi Abbatis (g) Dei omnia sunt communia, id est communicanda, juxta illud: *Pasce fame morientem, Si non paveris, occidisti.*

CXLV. (b) *De uxore, quæ potest facere eleemosynam de propriis bonis.*

Uxor quoque de rebus (z) paternalibus, id est, suis propriis, potest etiam viro invito eleemosynas & oblationes facere, sed & de bonis viri, de illius licentia & permissione, hoc indistincte facere potest & debet: quin imo de pane, vino, & similibus, qui de laudabili & approbato more, quasi ubique ad uxoris dispensationem pertinere solent, etiam sine illius expressa licentia, moderate tamen, hoc facere potest; informans sibi conscientiam, quia vir ejus ratum habere debeat, etiam si aliquando hoc leviter sibi, ad terrorem forte, ne immoderate det, effectum prohibuerit. Informans etiam sibi conscientiam ex pauperis qualitate, credens, quod si vir illum videret, id ipsum faceret: sin autem creditur omnino viro displicere, nec

aliquo modo valet suam conscientiam informare, nullatenus cum (k) alius scandalo det.

CXLVI. *De dotalibus.*

Quod vero de rebus viri diximus, idem est de dotalibus, quorum maritus Dominus est, intelligi debet: (l) Filius familias de castrensi, & de quasi castrensi peculio. Nam (m) quoniam ad illa, Pater familias ceterum, eleemosynam & oblationem facere potest: de adventitia & profectio sine Patris licentia vel permissione id agere. (n)

CXLVII. (o) *Omnes Fideles flexis genibus debent adorare Corpus Christi.*

Quando Corpus Domini fertur vel refertur ad infirmos, omnes fideles illud devote & reverenter, flexis genibus eundo & redeundo adorent. Nos autem omnibus penitentibus, & humiliter confessis ipsum Corpus Christi (p) assequentibus, XL. dies de injunctis sibi penitentibus misericorditer relaxamus.

CXLVIII. (q) *Ne Moniales pro delictis priventur præbendis.*

Item sub poena excommunicationis firmiter inhibemus, ne Monachi, seu Moniales pro delictis ab eis commissis præbendis suis priventur: sed in suis Monasteriis recipiantur, in quibus puniantur & corrigantur, considerata (*) qualibet delicti, secundum regulares observantias & alias, prout secundum Deum & justitiam Superioribus & Prælatibus eorumdem Monasterii videbitur expedire.

CXLIX. (r) *Nullus excommunicari debet, nisi pro peccato mortali.*

Item cum nullus excommunicari debeat, nisi pro peccato mortali, & contumacia, de qua dubitandum non est, quin peccatum mortale existat.

CL.

- (e) quidquid habent (f) tamen, pro: seu (g) scilicet Dei,
 (b) Trevir. continuat: hic novus titulus. (i) forte: paraphernalibus
 (k) illius scandalo (l) Divisio est in Treverico, sed non novus numerus.
 (m) quantum ad illa, pro: quoniam.
 (n) nequit, nisi in casibus illis, in quibus de jure donare potest.
 (o) Caput idem, sed numero CVII. [p] associantibus
 [q] Caput CVIII. (*) qualitate [r] Caput CIX.

CL. (s) *Ut Presbyteri moneant omnes Parochianos.*

Præcipimus sub pœna excommunicationis, quod omnes Presbyteri moneant in suis Ecclesiis, & inducant Parochianos suos, ut cum super excommunicationibus in eos latis fuerint per Ecclesiam militantem absoluti; nihilominus confiteantur & conterantur de peccato contumaciæ vel inobedientiæ, pro quo excommunicati fuerunt. Hoc enim expedit eis ad salutem.

CLI. (†) *Contra Religiosos.*

Item sub pœna excommunicationis omnibus Religiosis mendicantibus utriusque sexus, cujuscumque religionis existant; nostræ Civitatis, Diœcesis, & Provinciæ, firmiter inhibemus, ne extra sua Monasteria & Clausura novas mansiones sibi appropriare, seu nova beneficia (*) ad suos usus constituere præsumant, sine nostra & Episcoporum locorum licentia speciali; nisi hoc eis a Sede Apostolica specialiter sit indultum: super quo Nobis & locorum Ordinariis fidem facere teneantur.

CLII. (u) *De Decimis Ecclesiarum.*

Item cum decimæ de jure communi ad Parochiales Ecclesias pertineant, omne dubitationis scrupulum amoventes, declaramus, quod omnium novallium decimæ ad easdem Ecclesias pertinent pleno jure. Nullus itaque hujusmodi novallium decimas contra voluntatem Presbyterorum Parochialium sibi appropriare præsumat, seu recipere, nisi super hoc Sedis Apostolicæ Privilegio sit munitus. Novale vero volumus omnes scire (x) agrum seu quodcumque prædium de novo ad culturam redactum: de quo non existat memoria, quod aliquando cultus fuit. Privilegiaque super hujusmodi novallibus Religiosis concessa, non de quolibet tali novali intelligenda fore credimus, sed de illo duntaxat, cujus decimam religiosus (y) potest convenienter absque gravi detrimento

to Parochialis Ecclesiæ retinere: tum talis sit sæpe locus incultus, de quo Parochialis Ecclesiæ percepit magnos decimarum ratione proveniunt.

CLIII. (z) *Contra Tabelliones.*

Item (*) sub pœna excommunicationis latae sententiæ omnibus auctoritate Imperiali Notariis & Tabellionibus præcipimus, ut quandocumque in causis Spiritualibus & Ecclesiasticis conficere contigerit instrumenta, super eisdem instrumentis faciendis prius recipiant prothocollam, quæ penes se dimittant in cartis: ut ex hoc per eos in essentialibus nihil mutetur. Et quia qui male agit, odit lucem, statuimus, ut iidem tabelliones non occulte in privatis domibus, sed publice & in loco publico hujusmodi prothocolla & (a) creanta super conficiendis ab eis instrumentis recipiant, adhibitis ad minus duobus testibus fide dignis, nisi contractus talis sit, qui de consensu partium contrahentium usque ad certum tempus; vel ad voluntatem eorumdem contrahentium teneri debeat in secreto.

CLIV. *Contra Sacerdotes qui nolunt recommendare statuta.*

Item in virtute sanctæ obedientiæ omnibus Suffraganeis nostris & eorum vices gerentibus præcipimus, ut hæc statuta salubria recipiant infra mensem, & ea in suis Synodis Episcopalibus, vel alias quamprimum potuerint, congregatis omnibus Ecclesiarum sibi subditarum Prælati, Rectoribus, Vicariis, & personis Ecclesiasticis utriusque sexus, & publice legere & nuntiare procurent, ac deinceps annis singulis in perpetuum suis subditis & in suis Synodis eadem statuta provincialia recommendari faciant; ea præcipientes ab omnibus observari, & insuper omnium Ecclesiarum Cathedralium, Collegiarum, & Monasteriorum, tam Monachorum, quam Monialium Abbates, Abbatissæ, Priores, nec non Archiepiscopatu, Decanatu, Archiepiscopi vel Decani quamprimum commode

[s] Est continuatum cum præcedenti sine novo numero.

[†] Caput CX. *De ædificiis religiosorum mendicantium.*

[u] Cap. CXL. *De Decimis Novallium.*

[z] Caput CVII. *De receptione Statutorum.*

[a] sic habent tria MSS.

(*) forte: ædificia

(x) esse agrum.

(y) post conventus

(*) Hoc Caput abest a Treverico.

mode potuerint, sub pœna excommunicationis, copiam de hujusmodi statutis cum moderatis expensis recipiant, & de eis Vicariis Ecclesiarum & aliis personis Ecclesiasticis præfati Archi-Presbyteri & Decani in suis Archi-Presbyteratibus, & Decanatibus fiat copia: in tantum quod modis omnibus sub pœna prædicta omnes personæ Ecclesiasticæ eadem statuta penes se habent infra instantem Nativitatem Domini.

CLV. (b) *Ut Presbyteri bis in anno statuta legant.*

Et quia dilatio temporis oblivionem inducit, præcipimus sub eadem pœna ut illi in suis Decanatibus congregati, omnibus Presbyteris sibi subditis, annis singulis, certa die, vel diebus eadem statuta relegant, ut super eis plenius instruantur. Presbyteri autem saltem bis in anno statuta eadem legant & videant, & in quantum Parochianos suos tangunt, & super eis instrui possunt, ipsa statuta in suis Ecclesiis semel in anno una die, si fieri potest, vel pluribus in vulgari publicent, exponant, prout melius poterunt secundum (c) sententiam a Deo sibi datam, ut nemini in nostra Civitate, Diœcesi, & Provincia lateant ea, quæ in nostro provinciali Concilio sunt causa salubritatis instituta.

CLVI. (d) *Ad dandam absolutionem.*

Postremo Venerabilibus Fratribus nostris, Episcopis Suffraganeis nostræ Provinciæ committimus cuilibet in sua Civitate & Diœcesi plenariam potestatem ab-

solvendi suos subditos ab omnibus prædictis sententiis per nos latis, si quas incurrerint: ita tamen quod prius satisfecerint commissis, eisdem statutis semper in (e) solo robore duraturis. Item omnibus Presbyteris Nobis subditis Civitatis, Diœcesis, & Provinciæ nostræ Trevirensis vere pœnitentibus & confessis, qui quolibet mense, vel sæpius unam Missam celebraverint *de sancto Spiritu*, & aliis personis Ecclesiasticis, & sæcularibus preces Deo devotas & orationes, & præcipue orationem Dominicam cum salutatione beatæ Virginis, erga Deum pia devotione effuderint, pro statu pacifico Imperii, & Regni, & personarum piissimi Principis charissimi Domini & Fratris nostri HENRICI, (f) Dei Gratia Romanorum Regis semper Augusti, & Serenissimæ Domine Augustæ, Margarietæ, (g) felicissimæ Conjugis suæ, quæ sibi a Deo data est, & ut Deus ipsos & Nos ab omnibus adversis protegat, & deffendat, progressusque eorum, & nostros ad laudem Dei de virtute in virtutem dirigat, & prosperari faciat: quoties dictam Missam celebraverint, & prædictas preces celebraverint, XL dies de injunctis sibi pœnitentiis misericorditer relaxamus. Et hoc Presbyteri in suis Ecclesiis, quamprimum commode potuerint, non differant omnibus intimare. Insuper (b) scire volumus universos, quod nos Balduinus prædictus Trevirensis Archi-Episcopus Nobis super præmissis omnibus & singulis reservamus potestatem addendi, minuendi, corrigendi, interpretandi, & declarandi, quoties visum fuerit expedire.

Martene Tomo IV. Thesauri anecdotorum eam Synodum divisam in Capita CLVI. descripsit ex tribus MSS. codicibus: 1. Ecclesiæ Metensis. 2. Collegii Soc. JESU Metensis. 3. Conventus Cælestinorum Metensis.

Lunig Continuatio II. Spicilegii Ecclesiastici ex eodem Martene a pag. 92. ad pag. 120. sed non laudato Auctore.

Illmus Hontbernius Historiæ pragmatice Trevericæ Tomo II. eum edidit *ex codice Treveris impresso Statutorum Treverensium anno 1549.* cujus variantes tum titulorum divisiones, tum variarum vocum diversas Lectiones hic annotavimus.

(b) Continuatur sine titulo.

(c) scientiam a Deo sibi datam,

(d) Caput CXIII. & ultimum hujus Provincialis Concilii. [e] suo, pro: solo

(f) Henricus VII. Rex Germaniæ electus anno 1308. 27. Novembris, Comes Luxemburgensis, & Frater Balduini Archiep. Treverici.

(g) Margarethæ Brabantinæ Comitissæ, Conjugis Augustæ, Fratris Balduini.

(h) Hic incipit Caput CXIV. Trevericæ impressionis: cum Marteniana editio distinxerit hoc Concilium in Capita CLVI. Ex Treverica impressione variantes sumptæ.

CONCILIIUM SALTZBURGENSE PROVINCIALE XXVIII.

Anno Christi MCCCX. Clementis V. Papæ VI.
Henrici VII. Regis II.

SUB CONRADO IV. ARCHI-EPISCOPO.

*SUMMA. Determinatio Decimæ biennii solvendæ summo Pontifici
quoad quantitatem, terminos solutionis, a quibus, & ex quibus.*

Concordaverunt (a) omnes in hoc, quod summa decimæ duorum annorum, si qua fuerit, vel esse potuerit perfolvenda, solvi debeat summo Pontifici CLEMENTI PP. V., in terminis infra scriptis: ita duntaxat, quod primus terminus solutionis faciendæ de primo anno, qui incipiet in isto proximo festo S. Georgii, sit in proximo futuro festo B. Martini. Et secundus terminus solutionis faciendæ ejusdem anni sit in proximo subsequenti festo S. Georgii. Et primus terminus secundi anni, sit in alio subsequenti festo S. Martini, secundus vero terminus & ultimus sit posthoc in subsequenti festo S. Georgii. Et quod decimam dabit de omnibus possessionibus, bonis, & redditibus & Beneficiis Ecclesiasticis. Hæc de eis, qui Beneficiorum intuitu possident, expensis necessariis deductis. Necessarias vero expensas esse dixerunt quas stando, colendo, colligendo, conservando impendunt, sine quibus res subsistere non potest, & quod Ecclesiæ, quarum reditus pro majori vel pro media parte in obligationibus, legatis & testatis consistunt, de iisdem oblationibus legatiz seu test. decimam solvere teneantur. Item Capitula, Collegia seu Conventus in communi de suis redditibus decimabunt. Item si quis ex uno Beneficio 6. marcarum argenti ponderis (b) præ redditus duntaxat, eos non decimabunt. Ultra vero si habuerit, decimas inde solvet. Aut si plura beneficia habuit, quæ conjuncta prædictarum marcarum exce-

dant numerum, de ambabus insimul decimabunt. Hospitalis vero & domus leproforum, cum annexis sibi Ecclesiis super quibus fundata sunt, decimas non præstabunt: de infirmariis, Vestitiis, Sacristiis & Hospitalibus Religioforum non decimabitur, nisi si ultra provisiones necessarias de illis officiis exhibendas esset excessus reddituum illorum officiorum, tunc de illo residuo fiet decimatio communi decimæ opponenda. Pastores vero & Vicarii insimul, vel quilibet pro parte sua decimabunt, ita tamen, quod plene de omnibus redditibus Ecclesiæ decima perfolvatur. Ordinarii personas providas deputabunt, qui eandem decimam colligent & servabunt, & si Nuntius Domini Apostolici eisdem unum aut plures voluerit adjungere, suæ relinquatur optioni. Præterea sub juramento solventium decima perfolvatur. Item Ordinarii subiectos ad solutionem decimæ per Censuram Ecclesiasticam poterunt coactare; Item Decima fiat de Bonis Ecclesiarum hac taxatione præmissa, ut tempus æstimationis solvendæ decimæ bladi & vini sit inter festum S. Michaelis, & S. Martini. De caseis autem solvatur decima, sicut Prælati consueverunt, denaria suis rusticis loco caseorum recipere in festo S. Georgii secundum jus & terræ consuetudinem.

Codex Bibliothecæ Cæsareæ ab Hanfizio adductus.

*Hanfz. Tom. II. German. sacræ fol. 442.
Canisius Tom. I. antiq. Lession. pag. 623.*

DECLA-

(a) Bernhardus Pataviensis, qui obiit anno 1313. die S. Pantaleonis, centenarius ipse, & cæteri Suffraganei pag. 167. enumerati.

In Concilio lectæ sunt Literæ Papales, continentes gratias factas volentibus transfretare, vel elemosynas suas largientibus in subsidium terræ sanctæ, & processus habitati contra Templarios; & Papa petivit decimam omnium Proventuum Ecclesiasticorum per biennium sibi dari, quam petitionem Concilium admisit. *Hanfz. loco citato.*

(b) præsentiz

DECLARATIO STATUTORUM PRÆCE- TIUM, EODEM ANNO, IN EODEM CONCILIO EDITA.

- §. I. *Statuti de Clericis tabernariis.*
- §. II. *Statuti de rationibus faciendis a Prælati Ecclesiarum.*
- §. III. *Statuti de Clericis jocularibus.*
- §. IV. *Statuti de annali Capitulo Benedictinorum & Præpositorum Canonis.*
- §. V. *Statuti contra laicos facientes exactiones, talias, collectas a Clero.*

NOS CONRADUS Dei Gratia S. Saltzburgenſis Eccleſiæ Archiepiſcopus A. S. Legatus. Wernhardus Pataviſenſis, Joannes Brixinenſis, Henricus Gurc. Albertus Chyem. Fridericus Secovi. Wernhardus Lavent. Eccleſiarum Epifcopi in hoc ſacroſancto Provinciali Concilio Salzbur. congregato, de conſilio & conſenſu Procuratorum Venerabilium Friſing. & Ratiſp. Epifcoporum, plenum ad hoc mandatum habentium, ac aſſenſu Prælatorum Saltzb. Provinciæ in hoc Concilio aggregatorum nec non Procuratorum aſſenſu, hujus ſacri approbatione Concilii, quædam ſtatuta pœnalia Priorum *Provincialium Conciliorum* ex certis & legitimis cauſis, ut animarum periculum caveatur, taliter duximus moderanda; *Primo* ſtatutum de Clericis tabernariis, quod incipit; *CLERICUS NON VIATOR*, cum hoc moderamine declaramus quod cauſæ rationabiles & honeſtæ intelligi debeant iſtæ. Quod ſi Clericus non viator in ſacris conſtitutus, aut religioſus tabernam intraverit ad honorandum quempiam amicum, Dominum & quamcunque honorabilem perſonam, vel ſi in præmeditate intret, obliſ conſtitutionis, ſeu ex quacunque neceſſaria vel utili cauſa, non voluptuoſa, ibique biberit vel comederit, pœna ſtatuti præhabiti non ligetur. Hæc tamen moderatio ad Luſores non extendatur.

§. II. Item ſtatutum de rationibus faciendis, quod incipit: *Item ne*, taliter miſigamus, quod revocata pœna ſuſpenſionis ab ingreſſu Eccleſiæ, Prælati, qui collegio, aut tribus per collegium deputatis ſaltem ſemel in anno non fecerit rationem, & a clauſtri Officialibus præſentibus aut Vicinis clauſt. bis, & a

remote diſtantibus ſemel in anno non audierit rationes, ab adminiſtratione temporalium ſit ſuſpenſus, quam ſuſpenſionem ſi per tres meſes poſt annum rationibus deputatum ſuſtinuerit, animo indurato, ex tunc arbitrio Ordinarii puniatur.

§. III. Item juxta conſtitutionem Domini Bonifacii, quæ eſt talis: *Clerici*, qui clericali ordini non modicum detrahentes, ſe *Joculatores* ſeu *Galiardos* faciunt, aut Buſſones, ſi per annum artem illam ignominioſam exercuerint ipſo jure, ſi autem tempore breviori, & tertio admoniti non reſpouerint, careant omni privilegio clericali. Monemus hujus approbatione Concilii omnes & ſingulos tales, ut talem habitum & vitam non aſſument, & aſſumptam dependant, infra tres meſes, quorum unum pro primo, alterum pro ſecundo, & tertium pro tertio termino peremptorio aſſignamus, ſi pœnam prædictam, quam ipſo facto incidunt, voluerint evitare.

§. IV. Item monemus Abbates Ord. S. Benedicti & Præpoſitos & Prælatos S. Auguſtini totius noſtræ Provinciæ, ut Provincialia Capitula ſua uſque ad feſtum Purificationis proxime futurum celebrent, juxta formam a ſacris Canonibus eis datam, & deinde de triennio in triennium juxta formam ſacrorum Canonum jam prædictam.

§. V. **CLEMENS** &c. Paſtoralis cura ſolicitudinis Nobis divinitus ſuper cunctas Chriſtiani populi nationes injuncta, Nos vigilare remediis ſubjectorum, eorundem periculis obviare, ac ſcandala remove compellit, ſane q. ex conſtitutione ſe. re. hoi. Pap. (c) 8. noſtri,

(c) forte: Bonifacii octavi corrigat *Canisius* Tom. I. antiquar. Leſſion.

stri; quæ incipit: *Clericos Laicos*. Et ex declaratione seu declarationibus ex illa postmodum subsecutis nonnulla scandala pericula magna, & incommoda gravia sunt secuta & ampliora sequi, nisi cleri (d) remedio succurratur, præsumitur verisimilis (e) in futurum, Nos de consilio Fratrum nostrorum constitutionem & declarationem seu declarationes prædictas & quicquid ex eis secutum est, vel ob eas penitus revocamus, & eas habere volumus pro infectis, volentes & firmiter statuantes illud contra quoscunque laicos, exigentes seu extorquentes ab Ecclesiis, Ecclesiasticisque personis talias seu collectas,

aut exactiones quascunque & contra dantes ad id faciendum auxilium, consilium, vel favorem nec non circa præstandas subventiones laicis ab Ecclesiis prædictis & aliis Viris Ecclesiasticis inviolabiliter observari, quod super his a Prædecessoribus nostris in *Lateran.* & generali Concilio, quæ Nos sub obsecratione Divini Iudicii præcipimus observari districte, salubriter est provisum. Data Lugduni Cal. Febr. Pontificatus nostri Anno Secundo.

*Henrici Canisii Tomo I. antiqua Lectio-
nis anno 1601. impressæ, ex quo
Binius & Synodographi.*

(d) forte: celeri remedio

(e) lego: verosimiliter.

CONCILIIUM ULTRAJECTINUM

Anno Christi MCCCX. Clementis V. Papæ VI.

Henrici VII. Regis II.

SUB GUIDONE DE HANNONIA, EPISCOPO TRAJECTENSI XLII.

STATUTA XL.

*Hæc sunt Statuta Reverendi in Christo Patris, Domini GUIDONIS,
Dei gratia, Episcopi Trajectensis.*

I. Imprimis præcipimus & mandamus, quod tantum tres personæ ad suscipiendum puerum de sacro fonte Baptismatis per Sacerdotem admittantur, sic videlicet, quod, si suscipiendus puer sit masculus, una mulier & duo viri intersint. Si vero femina, unus vir & duæ mulieres; & pater suscipiendi pueri nultenus admittatur.

II. Item præcipimus & mandamus, quod Sacerdos in suis Ecclesiis publice, & pluries suis Parochianis insinuet, quod in Confirmatione, quæ post Baptismum in frontibus puerorum per Episcopos habet fieri, sicut in Baptismo paternitas contrahatur, quæ non solum matrimonium impedit contrahendum, sed etiam dirimit jam contractum.

III. Item statuendo præcipimus, quod Sacerdotes confessiones audientes reservent Nobis *majora peccata*, utpote homicidia, sacrilegia, incendia, peccata contra naturam, sive Sodomitica, sive concubitus personarum Conventualium, in sacris Ordinibus constitutarum; ince-

stus, videlicet cum consanguinea, vel affine, vel cum ea, quæ votum castitatis emisit. Insectores manuum in parentes; oppressiones parvulorum, negligentiam parentum, in igne vel aqua natos amittentium: veneficia, perjuria solempnia, fidei fractores ac votorum fractores, simulationes, adulteria manifesta, hæreses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum, vel abortum, vel falsarios, qui litteras, aut sigillum, aut monetam falsificant. In his autem casibus Presbyteri, consentientes ad Nos mittant personas absolvendas, nec etiam eas absolvant, nisi de nostra licentia specialiter, vel in mortis articulo constitutas. Licentiam autem concessam a Nobis, seu auctoritate nostra, quibuscumque personis, sive Religiosis, sive aliis a peccatis hujusmodi absolvendi, his presentibus penitus revocamus. Intendimus etiam de novo super his salubriter disponere, & super hoc aliquibus personis idoneis, pro ut videbitur expedire, committere vices nostras.

IV.

IV. Item præcipimus statuendo, quod Sacerdotes, & Ecclesiarum Rectores diligenter attendant, si qui Parochianorum suorum non veniant saltem semel in anno ad Confessionem, & ipsos Nobis, seu Officiario significant puniendos.

V. Item statuendo præcipimus omnibus Sacerdotibus, quod in principio Missæ ab eis celebrandæ moneant omnes excommunicatos, ut Ecclesia exeant, nec Missæ intersint. Moneant etiam omnes Christi fideles in Ecclesia existentes, ut si aliquem in Ecclesia sciverint excommunicatum, illum denuncient Sacerdoti, & cum ei innotuerit, non celebret, nisi excommunicatus exierit.

VI. Item præcipimus & prohibemus, ne Clerici sine nostra licentia armati incedant, vel arma, nisi itinerantes extra civitatem, vel villas deferant. Item prohibemus, ne Sacerdotes vel Clerici calceos, vel sotulares portent laqueatos. Item præcipimus sub pœna excommunicationis Clericis quibuscumque nostræ Civitatis & Diœcesis, ut tonsuram assidue deferant Clericalem, & vestibus non virgulatis, non ptitis, sed Clericalibus utantur honestis, ut a laicis discerni possint habitu & tonsura.

VII. Item excommunicamus, & excommunicatos in his scriptis publice denunciamus, tam auctoritate nostra, quam etiam virtute Constitutionis felicis recordationis Domini PETRI, Sancti Georgii ad velum aureum quondam Diaconi Cardinalis, omnes Sacerdotes & Clericos nostræ Civitatis & Diœcesis, (a) focarias habentes, donec eas a se, alias non admisuri amoverint, & absolutionis beneficium meruerint obtinere.

VIII. Item inhibemus expresse in his scriptis, quod Clerici peregrini & incogniti, tam nostræ Civitatis & Diœcesis, quam alienæ, se Presbyteros asserentes, nullatenus in nostra Civitate & Diœcesi admittantur ad celebrandum Divina, nisi ostenderint legitime se promotos.

IX. Item præcipimus districtè in virtute sanctæ obedientiæ Rectoribus & Presbyteris Ecclesiarum universis, ut eorum Parochianis *Pater noster*, & *Credo* præter articulos Fidei qualibet die Dominica, nec non decem Præcepta & septem Sacramenta Ecclesiæ semel in mense vel saltem ter, vel quater in anno populo intelligibiliter, & lingua materna exponant. Decem Præcepta, prout in Exodo continentur, sunt ista: Non habebis Deos alienos. Non assumes nomen Dei tui in vanum. Memento, ut diem Sabbathi sanctifices. Honora Patrem tuum & Matrem tuam. Non occides. Non furtum facies. Non loqueris falsum testimonium contra proximum tuum. Non concupisces rem proximi tui. Diliges proximum tuum sicut te ipsum. De Sacramentis vero Ecclesiasticis quinque dicuntur necessaria, & duo voluntaria. Sacramenta necessaria sunt ista: Baptismus, Confirmatio, Pœnitentia, Corpus Christi, extrema Unctio. Sacramenta vero voluntaria sunt ista: Ordo, & Matrimonium. Sine autem Sacramentis necessariis nemo salvari potest, si ex contemptu omittantur.

X. Item præcipimus, quod Curati habeant decretalem: DECREVIMUS &c. in Rubrica: *De sententia excommunicationis*, & est Domini Alexandri quarti, & legitur populo, & exponatur lingua materna, ut sciat populus, quomodo evitari debeat excommunicatus, ut hic decrevimus, & ut Iudices sæculares, per censuram Ecclesiasticam ab Ecclesiasticis Iudicibus Canonica monitione præmissâ, repellant excommunicatos, & ab agendo, patrocinando, & testificando in suis Curis & Iudiciis expellantur.

XI. Item prohibemus, ne aliqui Clerici & laici Ecclesias destructas per diluvium vel incendium, vel alias quoquo modo ad alia loca transferant, sine nostra licentia speciali; & si facta fuerit huiusmodi translatio, monemus eos, qui huiusmodi translationem fecerunt sub pœ-

(a) Per focarias seu ancillas culinarias intelliguntur concubinæ Clericorum & Sacerdotum hic & passim in Conciliis Germaniæ. *Cangii Lexicon*, verbo: *focaria*.

Guido, Frater Comitum Hollandiæ, Ecclesiæ Leodiensis Thesaurarius, contra æmulum Adolphum Waldeck a Clemente V. ad Generale Concilium Viennense invitatus, anno 1311. oblatum Cardinalitium pileum recusavit. Obiit anno 1317. 4. Kal. Junii. Sedit annos XVI.

Tomus IV. Concil. German.

na excommunicationis latæ sententiæ in his scriptis, ut infra menſem a tempore notiæ, Nobis & paſſis injuriam ſatisfaciant in præmiſſis.

XII. Item prohibemus, ne aliquis Presbyter celebret, niſi de horis Canonicis ſaltem *Matutinas & Primam* expleverit. Item inhibemus, ne aliquis Sacerdos duas Miſſas celebret in una die, niſi neceſſitas in jure permiſſa permittat; & tunc in priori Miſſa ablutionem poſt ſanguinem non ſumat.

XIII. Item prohibemus, ne aliquis Presbyter duabus Eccleſiis ſine Noſtra, ſeu Officiarii noſtri licentia deſerviat, niſi una ab altera dependeat, vel unam intitulatam, & aliam a Nobis, ſeu Officiario noſtro habeat commendatam.

XIV. Item prohibemus, ne Sacerdos vel Eccleſiarum Rectores, Proviſores, vel Procuratores earundem, calices, ſacra vaſa, libros & ornamenta Eccleſiæ pignori exponant, niſi evidens Eccleſiæ neceſſitas requirat; & tunc hoc fiat de conſenſu illorum, quorum intereſt. Alioquin impignorantes & recipientes ſunt ipſo facto excommunicati.

XV. Item præcipimus, ut Presbyteri Parochiales ſæpius populum ſuum habeant commonitum, ut ſi aliquis infirmetur, citius pro Sacerdote mittat, ut conſiteatur, & Eccleſiaſtica Sacramenta recipiat, quæ ſine exactione pecuniæ eis præcipimus exhiberi. Item ſtatuiſimus, ut Cuſtodes Eccleſiæ de cætero portent tonſuram Clericalem.

XVI. Item ſtatuiſimus, ut bigami de cætero non recipiant cuſtodias, ſeu ab aliquibus recipiantur ad easdem, niſi ſint adeo tenues & exiles, quod Clerici non poſſint ſuſtentari, & hoc Officiarii noſtri arbitrio relinquantur.

XVII. Item præcipimus diſtrictè, ne quis Chriſma, vel Oleum ab aliquo alio Epifcopo recipiat, quam à Nobis. Item præcipimus, quod Chriſma & Oleum ſacrum ſub diligenti clauſura, cujus claves Presbyter habeat, reſervetur.

XVIII. Item in his ſcriptis excommunicamus omnes illos & illas, qui vel quæ de Sacramento altaris, vel de ipſo altari, vel in altari, vel in Chriſmate, vel

de alio Sacramento, vel Sacramentis forſitegia faciunt, vel fieri procurant quoquo modo.

XIX. Item ſtatuiſimus, quod, ſi Canonicus, vel Presbyter, vel Clericus intra Civitates & Diœceſes noſtras capiatur, niſi ille vel illi, qui jurisdictioni temporali præſunt ibidem, infra quindenam a die perpetrati delicti ipſum procurent a vinculis abſolvi, & res ablatas ſibi reſtitui, ac etiam contumeliam irrogatam Eccleſiæ, & ſibi emendari, ex tunc in antea Parochia, in qua idem captus fuerit, Eccleſiaſtico ſubjaceat interdicto. Etiam ſi extra illam in aliam transferatur, quam ſimiliter interdicimus, quamdiu in illa detinebitur, una cum alia in qua captor, ſeu captores morabuntur; & nihilominus malefactores hujusmodi, ſi plures fuerint, cum fautoribus complicitibus & receptoribus eorundem, quos ſimiliter in his ſcriptis excommunicamus, tam auctoritate *Canonum*, quam noſtra, & tamdiu excommunicati publice nuncientur, quouſque Deo, Eccleſiæ, & Nobis, ac paſſo injuriam, condigna præſtetur emenda, & abſolutionis debitæ beneficium meruerint obtinere.

XX. Si vero occidantur, quod abſit, niſi ille, vel illi, qui jurisdictioni inibi præſunt temporali, infra menſem a die perpetrati delicti computandum, Deo, Nobis, & Eccleſiæ de tanto exceſſu, quantum in ipſis fuerit, procuraverint præſtari emendam, ^(b) addicimus, quod ex tunc illud territorium, officium, civitas, vel oppidum, in quo delictum tale fuerit perpetratum, etiam ſi in eo plures ſint Eccleſiæ, Eccleſiaſtico ſubjaceant interdicto: & nihilominus malefactorem, vel malefactores, item omnes & ſingulos impediētes noſtram jurisdictionem Eccleſiaſticam, ſeu perturbando qualitercunque, ſive litteras rumpendo, ſeu rapiendo, aut nuncios, ſeu portitores earundem lædendo, capiendo, detinendo, ſeu damna, injurias & moleſtias inferendo, complices ac fautores eorum, quos etiam in his ſcriptis excommunicamus, & excommunicatos a *Canone* declaramus, ſtatuentes, quod, niſi illi, vel ille, qui jurisdictioni inibi præſunt temporali, ubi prædicta delicta, vel eorum aliqua fuerint perpetrata, malefactores, ſeu perpetratores hujusmodi

(b) forte: edicimus, qualiter

modi, infra quindēnam a die perpetrati delicti computandum, Nobis præsenta- verint, vel de injuria emendam præstari condignam procuraverint, ex tunc cesset- tur a Divinis in Parochia, in qua tale impedimentum, perturbatio, seu violentia, seu molestia perpetrata fuerit. Et etiam ubi dictos malefactorem, seu ma- lefactores morari contigerit, quousque Deo, Nobis injuriam passo, &c.

XXI. Item omnes & singulos ex- communicamus in his scriptis, spoliato- res, raptores, seu prædones Ecclesia- rum, & bonorum Ecclesiasticorum. Ne autem quis cum discrimine alieno incerto vagetur, volumus & manda- mus, ut si collegium vel aliqua persona Ecclesiastica singulariter se depradatum, vel spoliatum, aut spoliatam a quoquam asseruerit, illud summarie coram Nobis seu Officiario nostro proprio, si sit sin- gularis persona, & si Collegium, per duos eorum pro fratribus corporaliter præstato juramento affirmet; spoliatores, prædones, aut raptōres specificans, & res ablatas exprimens, & valorem quo factō, si admonitionem nostram seu Of- ficiarii nostri raptor, seu spoliator bona hujusmodi ablata non restituerit, & No- bis, & passo vel passis injuriam, con- dignam emendam non præstiterit, ex tunc autoritate nostra excommunicatus publice nuncietur, & ad interdicti sen- tentiam, & ad alias pœnas Canonicas, si excommunicati pertinacitas meruerit, procedatur, nisi idem, qui hujusmodi fo- refactum commisisse asseritur, infra tempus præmissum coram Nobis seu Of- ficiario nostro comparuerit, suam inno- centiam propositurus, & causam ratio- nabilem, quare ad id minime teneatur, ostensurus. Quam si legitime ostende- rit, & ille, qui se spoliatum asseruit, in- ventus fuerit injustam quærimoniam de- tulisse, in expensis legitimis ac omnium interesse adversario condemnatur, alias puniendus, pro ut juris rigor vel æqui- tatis ratio suaserit judicanti, & suadebit.

XXII. Item prohibemus tam Cleri- cis quam laicis, cujuscunque conditio- nis aut status existant, sub pœna ex- communicationis latæ sententiæ in his scriptis, ne quis impediatur publice vel occulte, minis aliquibus aut precibus,

per se vel per alium aut alios, quo mi- nus bona, aut prædia, aut decimæ Ec- clesiarum, venditione, locatione, vel per emphiteosim, denſatione, seu aliis modis, scilicet per Procuratorem, vel Procuratores Ecclesiarum utiliter dispo- natur. Quam excommunicationis sen- tentiam, si qui in contrarium faciendo incurrerint, præcipimus, in ipsos inno- vari, & eos publice excommunicatos nunciari, donec Ecclesiæ, contra quam prædicto modo deliquerint, dictum ex- cessum emendaverint, vel nisi infra men- sem coram Nobis seu Officiario nostro, contra præmissa rationem ostenderint ef- ficacem.

XXIII. Item statuimus & monemus quoscunque Presbyteros & Clericos, in nostra civitate & Dicecesi Beneficiatos aut Beneficiandos, ut infra duorum men- sium spatium, postquam primum in pa- cifica possessione beneficiorum suorum & perceptione eorum fructuum fuerint, si eorum beneficia residentiam persona- lem exigant, secundum beneficiorum ipsorum exigentiam eadem cum affectu deserviant, & personaliter resideant in eisdem. Alioquin eos & eorum quem- libet, quos ex tunc pro ut ex nunc ex- communicamus, & excommunicatos publice volumus nunciari, nisi infra prædictum tempus dispensationes super hujusmodi residentia, aut causam, quo- minus residere teneantur, ostendant, & super hoc a Nobis, seu Officiario no- stro litteras testimoniales meruerint ob- tinere.

XXIV. Item præcipiendo inhi- bemus omnibus & singulis Archidiaconis, Præpositis ac quibuscunque aliis Præla- tis nostræ Civitatis & Dicecesis, & eorum Officialibus & Decanis, sub pœna su- spensionis ab officio & excommunicationis, quas in eos, & in eorum quem- libet ferimus in his scriptis, si contra præ- sentem inhibitionem venerint quoquo modo quateus nullus, eorum se intro- mittat, de causis seu casibus ad nostram jurisdictionem, seu cognitionem spe- ctantibus, nec per se, vel alium, vel alios cognoscant judicialiter de eisdem, absque nostra licentia speciali; quod si fecerint, dictas suspensionis excommu- nicationisque sententias ipso facto incur-

rant, & processus eorum nullius penitus sint momenti.

XXV. item prohibemus sub pœna prædicta, ne quis Decanus ruralis de causis matrimonialibus, seu hæresis aliquatenus se intromittat.

XXVI. Item prohibemus sub pœna excommunicationis, ne quis nuptias celebret temporibus prohibitis, videlicet a prima Dominica Adventus Domini usque ad octavas Epiphaniæ ejusdem, & a LXXma usque ad octavas Paschæ, & a Dominica ante Ascensionem Domini, usque ad Dominicam Trinitatis omnibus inclusive, nisi ab Officiario nostro licentiam meruerit contrahendi.

XXVII. Item omnes clandestina matrimonia contrahentes, excommunicamus. Item ne aliquis clandestinis intersit matrimoniis, sub pœna excommunicationis inhibemus. Clandestina autem matrimonia appellamus, quæ sine denunciatione solemnî, seu bannis competentibus in Parochiis contrahere volentium, per Presbyteros eorum publice non præmissis, contrahuntur.

XXVIII. Item prohibemus sub pœna excommunicationis lætæ sententiæ in his scriptis, ne laici se intromittant de decimis novalium Sz. ad illos pertineant, ad quos de jure aut consuetudine pertinere dinoscuntur.

XXIX. Item præcipimus expresse & prohibemus, quod nullus Capellanus sine licentia sui Rectoris seu Rectorum Ecclesiarum, cui vel quibus contrahere volentes subsunt, ipsos matrimonialiter copulare præsumat.

XXX. Item prohibemus sub pœna excommunicationis lætæ sententiæ in his scriptis, ne quis aliquem excommunicatum in Ecclesia, seu Cimiterio ejusdem audeat sepelire, seu cadaver excommunicati in Ecclesia seu Cimiterio ponere super terram.

XXXI. Item prohibemus sub pœna excommunicationis, ne aliquis in Cimiteriis interdicto, vel violato a quoquam sepeliatur.

XXXII. Item Prohibemus, ne in Ecclesiis, Porticu, seu Cimiteriis eorundem, secularia placita teneantur.

XXXIII. Item prohibemus sub pœna excommunicationis, ne aliqui, qui mortem sibi consciverunt, se ipsos laqueo suspendendo, vel qui suspensi, decollati vel rotati, aut alias propter suum scelus interfecti sunt, in Ecclesiis vel Cimiteriis sepeliantur, nisi de nostra seu Officiarii nostri licentia speciali.

XXXIV. Item excommunicamus in his scriptis, & excommunicatos denunciari volumus omnes & singulos, qui in homicidium, furtum, vel raptum, incendium, veneficium, seu quodcunque aliud scelus enorme committendum conspiraverint quoquo modo, quorum etiam absolutionem Nobis seu illis, quibus illam specialiter duxerimus committendum, præsentibus reservamus.

XXXV. Præterea pactiones, promissiones, obligationes in hujusmodi conspirationibus ab ipsis conspiratoribus interpositas, etiamtî juramento, vel qualibet alia firmitate vallatæ fuerint, cum contra justitiam & proximi caritatem sint interpositæ, decrevimus non tenere, & hujusmodi juramenti tanquam illicitis. (a)

XXXVI. Item præcipimus in virtute obedientiæ omnibus Provisoribus seu Officiariis nostris foraneis & Decanis, Christianitatis nostræ Diœcesis sub pœna excommunicationis & suspensionis ab officio, quam in eos & singulos eorum ferimus in his scriptis, nisi fecerint, quod mandamus, quatenus nomina beneficiorum seu officiorum quorumcunque, quæ vacant, vel a festo omnium Sanctorum proxime præterito vacaverint, aut infra tempus per nostram Diœcesim Trajectensem vacare contigerit; nec non etiam nomina beneficiorum Ecclesiasticorum, quæ tanto tempore in nostra Diœcesi vacaverint, quia eorum collatio ad Nos seu Sedem Apostolicam secundum *Lateranensis* statuta consilii est devoluta, Nobis seu Officiario nostro infra unius mensis spatium a tempore scientiæ eorum personaliter, aut per patentes litteras studeant intimare.

XXXVII. Item statuendo præcipimus, quod de cætero in perpetuum per nostram civitatem & Diœcesim data annorum Domini ipso die nativitatî ejusdem

(a) *Supple:* neminem teneri.

dem secundum morem Romanum , ac statuta nostræ *Metropolitane* Ecclesiæ innovetur. Scribendo anno Nativitatis Domini MCCCX.

XXXVIII. Item præcipimus & mandamus, ut nullus Sacerdos vel Clericus Quæstores eleemosynarum ad petitiones suas faciendas, in Ecclesiis, seu cæmeteriis earum deinceps admittat, nisi nostras vel Officiarii nostri litteras super huiusmodi quæstoribus admittendis habuerint testimoniales.

XXXIX. Item præcipimus & mandamus sub pœna excommunicationis prædicta, ut de cætero nullus Sacerdos in Capellania aliqua tanquam Capellanus audeat celebrare, nisi ipsa Capellania confirmata, & ipse Capellanus a Nobis seu Officiario nostro, cui specialiter commiserimus, in eodem Canonice fuerit institutus.

XL. Item cum inter cætera crimina crimen HÆRESIS detestabilius, & fidei Christianæ magis obnoxium reputatur, præcipimus & mandamus omnibus Provisoribus & Decanis Christiani-

tatis, ut diligenter inquireant. Et si quem vel quos super huiusmodi crimine diffamatum seu diffamaros invenerint, Nobis seu Officiario nostro, quantocius poterunt, non differant intimare, & conversationem eorum plenius discubendo.

Hæc Statuta & Præcepta præcipimus inviolabiliter observari, & a quolibet Provifore & Decano ante eorum ab hinc recessum & a quolibet Presbytero Parochialis Ecclesiæ infra mensem recipi, & haberi, & sub pœna excommunicationis sententiæ latæ in his scriptis prædicta statuta, per singulos Presbyteros & Sacerdotes in ter, vel quater publicari, & exponi diligenter. Datum Anno Domini MCCCX. Feria tertia post Missas Domini Alleluja, alleluja, Alleluja.

Expliciunt Statuta Synodalia Domini Guidonis, Episcopi Traiectensis.

Heusden Batavia sacra a pag. 474. ad 477.

GUIDO Avennius, Leodiensis, Episcopus Ultrajectinus XLII.

*W*ilhelmo occiso, diversis Canonico- rum suffragiis certatum: Aliis Guidonem, Fratrem Comitum Hollandia, Ecclesiæ Leodiensis thesaurarium; Aliis Adolphum Waldeck, majoris Ecclesiæ Præpositum, eligentibus.

Sed Guido pro eo annitentibus magnis Principibus, obtinuit Episcopatum.

Erat autem Guido Episcopus aspectu decorus, statura venustus, sermone facundus, ingenio clarus, consilio cautus, ac multis virtutibus extollendus. Inter cæteras mira parcimonia; maximis enim debitis prægravatus, ad tempus secessit in Galliam, illic parce victurus, donec pecuniam, cui obstructus erat, exsolvere posset. Nam a CLEMENTE V. qui primus Sedem Avenionem transiit, anno 1311. ad Generale Viennense Concilium, in quo de recuperatione terræ sanctæ tractabatur, & Templariorum ordo sublatus est, vocatus, & eodem anno, teste Trithemio, illuc adveniens, oblatum sibi mediante Rege Francorum PHILIPPO Cardinalium Galerum, religiosus Antistes recusavit; indignum sese tanto, ait Noviomagus, honore existimans, quem ho-

die tam multi etiam ambiunt. At Rex considerans integritatem, & modestiam viri, annum ei designat ex publico ærario stipendium. Stellingwerffii, Transjalarum populus, falso rumore de morte Episcopi delusi, adversus eum rebellant: sed a Guidone reduce compescuntur. Quid a victis postulaverit Guido, patet ex Charta anni 1313, quam exhibet Matthæus Analect. Tom. V. pag. 868. demum cum civibus Traiectensibus sua jura & privilegia, (quorum diplomata a Buchelio in Hedam pag. 235. &c. recensentur) confirmasset Guido, subita vi morbi pressus, (non sine suspitione accepti veneni) obiit 4. Kal. Junii anno Christi 1317. initæ dignitatis XVI. Sepultus in Ecclesia majori ad partem Chori meridionalem ex opposito decessoris, ad altare D. Laurentii.

Ejus Statuta Synodalia hic repræsentavimus.

Necrologus S. Petri Ultrajecti hæc refert de Guidone: " IV. Kal. Junii anno MDCCC. septimo decimo obiit Guido de Hanonia, Episcopus Traiectensis. Majoris vero Ecclesiæ Memoriale sic de eodem: IV.

Kal. Junii, anno Domini CIO.CCC.XVII. obiit Reverendus Pater, Dominus Guido, Episcopus Trajectensis, in cujus memoria dantur centum libræ bonarum, quas ministrabit Comes Hollandiæ, qui pro tempore fuerit, Camerario nostro, de Decimis sitis in Nigencoop, dividendis in omnes Prælatos & Canonicos civitatis, tali conditione, quod omnes conver-

niant ad majorem Ecclesiam; & quicumque non fuerit præsens a principio Vigiliarum & Missæ usque ad finem, nihil recipiet, omnino exceptione exclusa. Inde quilibet Vicariorum habebit XII. den. bonorum, & debet dare pro qualibet libra viginti grossos antiquos bonos.

Batavia sacra pag. 172.

CONCILII MONASTERIENSIS IV.

Anno Christi MCCCX. Clementis V. Papæ VI.
Henrici VII. Regis II.

LUDOVICUS, DEI gratia, Monasteriensis Ecclesiæ electus & confirmatus; Universis præsentia visuris volumus esse notum, quod in Generali Synodo Ecclesiæ Monasteriensis, cui personaliter præsedimus, coram Nobis per sententiam Synodalem extitit definitum, videlicet quod omnis inhabitans

domum vel casam infra septa dotis ad Ecclesiam aliquam pertinentis non teneatur sequi forum sæculare, imo ab jure & coercitione sæculari penitus sit exemptus. Datum anno 1310.

Schatenus Tomo II. *Annal. Paderbornens.*
pag. 220. nec plura habet.

CONCILII MOGUNTINUM PROVINCIALE XLII.

SUB PETRO ARCHI-EPISCOPO

Anno Christi MCCCX. Clementis V. Papæ VI.
Henrici VII. Regis II.

COMPLECTITUR CAPITULA CLXVI. SECUNDUM COD. MS. MEMBRANACEUM ACADEMIÆ JULLÆ HELMSTADIENSIS.

In nomine Patris, & Filii, & Spiritus Sancti. Amen.

PETRUS, DEI gratia, Sanctæ Moguntinensis Sedis Archi-Episcopus, Sacri Romani Imperii per Germaniam Archi-Cancellarius: Universis Prælatibus, Capitulis, Conventibus, Clericis, & Clericis, ac Christi fidelibus, sive Religiosis, sive Sæcularibus per Moguntinensem Civitatem, Diocesim, (a) ac Provinciam constitutis, Salutem in Domino, & præsentium repetitive (b) lectionis notitiam & observantiam (c) inconvulsam.

PRO.

(a) Dicecesim edit. Moguntina 1509. *Neumanni.*
(c) observationem.

(b) repetitive, eadem editio.

PROHEMIUM.

AD honorem Dei Omnipotentis, gloriosissime Virginis Mariæ Matris ejus; beatorum Petri & Pauli Apostolorum; beati Martini Patroni nostri ac Sanctorum omnium pro communi Ecclesiarum ac Cleri Civitatis, Diœcesis, ac Provinciæ Moguntinensis bono statu, diversas constitutiones a venerabilibus Patribus felicissime recordationis Prædecessoribus nostris (quorum vestigiis inheremus) editas: in diversis chartulis seu libellis dispersas, ita ut de quibusdam earum, an essent constitutiones Provinciales, aut constitutionum hujusmodi vim habuerint, poterat verisimiliter dubitari: in unam compilationem, seu libellum, ad tollendum [d] hoc dubium ex officii nostri debito: superfluis refectis, duximus redigendas sub certis & consuetis titulis ordinando: quasdam ex

his obscuras declarando, quasdam etiam per novellas editiones nostras innovando: causâ etiam brevitatis & utilitatis paucula de communi jure pro flosculis fructu tamen non vacuis admiscendo, pro loci & præsentis temporis qualitate. Volentes igitur ut universi, qui nobis sive Diœcesana lege sive Metropolitana auctoritate subesse censentur: hoc tamen libello pro constitutionibus Provincialibus in futurum utantur, districtius inhibemus, ne quis in antea pro constitutionibus hujusmodi præsumat in judicio vel extra, aliis uti chartulis, seu quaternis, quos fide carere decernimus in hac parte, hoc (e) sacro Concilio (cui una cum *Fratribus & Prælatibus* nostris aliis præsidemus) auctore Domino, approbante.

INCIPIT LIBER PRIMUS. (f)

DE SUMMA TRINITATE ET FIDE
CATHOLICA.

Summarius.

Laici simpliciter; Clerici autem explicite credant, quod Romana credit Ecclesia.

QUæ propter sui exquisitam & prebatissimam perfectionem, ac clarissimam ac lucidissimam veritatem, adjectione, vel declaratione ulla non indigent [ad quas in primis tanquam ad principium, medium & finem salutis omnium, corda nostra manus & oculos elevamus devoti. Nihil aliud est credendum, tenendum vel docendum, nisi quod Romana credit, tenet & docet Ecclesia, piissima, sanctissima & prudentissima Mater nostra. Ita tamen, ut omnes Prælati articulos fidei principales (g) fideliter suos subditos doceant: laicos simpliciter credere sicut Ecclesia; Clericos vero explicite & distincte.

Summarius.

Ne quis præsumat prædicare, quod Sacerdos in mortali peccato non possit conficere: solvere vel ligare.

Ex Concilio Asschaffenburgensi Domini (b) Petri Archi-Episcopi Moguntini contra hæreticos.

In primis igitur statuimus, ut si (i) aliquis Clericorum vel laicus utriusque sexus, cujuscunque dignitatis, religionis, vel status existat, ausus sit præsumptione damnabili publice prædicare, vel occulte docere, credere vel tenere, quod Sacerdos in mortali peccato existens, non possit conficere Corpus Christi, seu (k) sic ligatus non possit ligare vel solvere suos subditos a peccatis, pro hæretico & incredulo habeatur, quem errorem hujusmodi sacri Concilii approbatione condemnamus, anathematizamus & penitus reprobamus, cum sacre Scripture dicat auctoritas, quod sive bonus sive malus sit

(d) in hoc

(e) hæc

(f) Distinctio Capitulorum hujus Concilii in IV. Libros, sola extrat in antiquissima editione in Folio, sine anni & loci mentione, quæ impressio dividit omnia Capitula in LXII. non, uti Codex Helmshtadiensis in CLXVI. Capitula.

(g) Provinciales

(h) sub Gerardo Archi-Episcopo.

(i) alias

(k) seu si sit

sit Minister, per utrumque Deus effectum confert. Non enim que sancta sunt, coinquinari possunt, nec ipsa Sacramenta potest hominum malitia profanare. Unde Sacerdos, quantumque pollutus existat, Divina non potest polluere Sacramenta, quæ Purgatoria cunctarum contagionum existunt. Licite ergo a quocunque Sacerdote ab Ecclesia tolerato Divina Mysteria audiantur: & alia recipiantur Ecclesiastica Sacramenta.

DE CONSTITUTIONIBUS.

Summarius.

Canones & Constitutiones Provinciales Clerici sciant.

Ex Concilio, ut supra.

Canonum statuta primum, & deum constitutiones provinciales tam a nostris Predecessoribus, quam a Nobis editas, ab omnibus (k) sciri, ac inviolabiliter observari mandamus sub obtentu juris & honoris. Post præsentem publicationem ignorans ignorabitur & negligens negligetur.

Summarius sequentis Capituli.

Statuta provincialia habeantur in Choris Cathedralium & Collegiarum Ecclesiarum, & in Synodis omni anno legantur.

Statutum D. Petri Archi-Episcopi Moguntini.

Statuimus, ut presens libellus constitutionum Provincialium, in singulis Cathedralibus sub sigillo nostro, at deinde in aliis Ecclesiis Conventualibus infra tres menses a publicatione presentium computandos sub sigillis Ordinariorum sine excusatione qualibet habeatur conscriptus, & in Choro jaceat, sic ut possit patere cuilibet legere seu videre volenti. Ut autem communis utilitas predictarum constitutionum in notitiam luculentam cunctorum deveniat, Venerabilibus Fratribus & Coepiscopis nostris injungimus & mandamus in virtute sancte obediencie, quatenus ipsas mox scribi faciant & procurent, ac anno quolibet in singulis eorum Synodis coram toto Clero ibi, si commode fieri poterit; Alioquin alibi legi faciant, & injungant

subditis suis, ut quilibet eas sibi procuret, & tenorem earum memorie commendet, & maxime Archi-Diaconis, ut & suis subditis scilicet Decanis ruralibus, Camerariis & Plebanis hoc injungant. Nos insuper de Omnipotentis DEI misericordia, Beatorum Petri & Pauli Apostolorum ejus auctoritate, nec non Beati Martini Patroni nostri meritis confisi, omnibus vere poenitentibus & confessis, qui eas sibi procuraverint, legerint, audierint, quotienscunque fecerint, quadraginta dies de injuncta sibi poenitentia misericorditer relaxamus.

DE RESCRIPTIS.

Summarius.

Nullius Legati vel Subdelegati citatio, vel processus admittatur, nisi a sine Diocesis ad unam dietam.

Ex Concilio D. Petri Archi-Episcopi Moguntinensis.

Cum secundum sanctiones: Preses Provincie delegatos Principis ad ipsius Presidis Provinciam declinantes non debeat ex officii debito (l) finire amplius facere, quam eorum legatio se extendit, sacro approbante Concilio statuimus, ut nullus Plebanus, seu Vicarius, seu quiscunque alter Clericus, vel Prelatus citationem vel processum alium a Judice delegato Sedis Apostolice, vel Subdelegato sibi directos, de citando quemcunque, vel trahendo ultra unam dietam vulgarem notorie computandam a sine Diocesis, ipsorum Judicum, de quorum auctoritate ante omnia constare debet, aliquatenus (m) exequitur. Super forma vero rescripti, si aliquis dubitaverit, ad Officiales recurrat. Si quis autem contrarium attentare presumpserit, cum hoc quoque (n) ipso jure irritus est [o] processus, per mensum ab ingressu Ecclesie suspendatur.

Ex Concilio D. Petri.

Mortuo mandatore mandatum expirat: si eo vivente non fuerit perpetuum. Fines autem mandati exacta diligentia sunt servandi.

DE

(k) servari, inviolabiliter custodiri.
(n) qui

(l) finire
[o] processu

(m) exequatur.

DE CONSUETUDINE.

Summarius.

Appellationes Sedis Moguntinensis subditis Suffraganeorum possunt committi.

Ex Concilio Fritzlarienti D. Siffredi
Archiepiscopi Moguntini.

Ecclesia Moguntina & antiqua & rationabili consuetudine dinoscitur obtinuisse, quod causas ad eam per appellationem delatas, subditis Suffraganeorum suorum committere valeat, & compellere (p) jurisdictionem huiusmodi suscipere detrectantes: que ex his causis noscitur introducta, *Primo*, ut vite-
tur circuitus, cum per Diocesim Metropolitani eos ad id possit compellere. *Secundo*, ut propter locorum distantiam parcatur partium laboribus & expensis: quorum, si non reciperent delegationes huiusmodi: cogerentur partes cum dispendio apud Sedem Metropolitanam litigare. Huiusmodi sacri approbatione Concilii statuimus, antiquam consuetudinem declarantes, ut sedes Moguntinensis causas huiusmodi subditis Suffraganeorum suorum valeat delegare, & animadvertere in rebelles.

Ex Concilio Moguntino D. Petri Archiepiscopi Moguntinensis.

Huic statuto adjicimus & observatum ex consuetudine declaramus ex causis premissis idem in (q) citationibus, aliis processibus causarum huiusmodi apud sedem ipsam in (r) antea ventilandis, ac omnino decernimus ac precipimus observandum.

Summarius.

Male consuetudines in Ecclesia deleantur.

Ex eodem Concilio D. Petri Archiepiscopi.

Consuetudines, que gravamen Ecclesiis inducere dinoscuntur, invalidas publicamus, locorum Ordinariis, ut in omnem eventum eis resistant, firmiter iungentes.

(p) interdictione,

Tomus IV. Concil. German.

(q) in iuribus & aliis

(r) Moguntia

Z

DE SCRUTINIO IN ORDINE
FACIENDO.*Summarius.*

Vicarii in Spiritualibus ad sacros Ordines, & Prelati ad Beneficiorum investituram neminem admittant, cujus patres, avi, aut progenitores Clericum captivaverunt, aut mutilaverunt.

Ex Concilio D. Petri Archiepiscopi Moguntinensis.

Statuimus ad terrorem malefactorum, ut universi Episcopi Provincie Moguntinensis, ac eorum Vicarii, qui volunt & debent suis temporibus Ordines celebrare, committant expresse Examinatoribus Clericorum ordinandorum sub anathematis interminatione, ut inter cetera perquirenda, fidei diligentia perquirant sub obtentu honoris percipiendi a singulis ordinandis, ut si patres, avi, aut progenitores eorum usque ad quartam lineam ascendentes captivaverint, captivum detinuerint, occiderint, aut mutilaverint temere Clericum aliquem in sacris Ordinibus constitutum, & pro Clerico se gerentem. Eum autem, quem in aliquo premisorum effectuum per aliquem progenitorum suorum usque ad lineam memoratam invenerint: si factum huiusmodi sit notorium, non admittant, Prelati quoque vel eorum vices gerentes, quorum interest investire, instruereque presentatos, ante investituram sive institutionem cum summa diligentia de his querant, & quos tales invenerint, nullo modo investiant, vel instituant ad aliquod beneficium vel officium Ecclesiasticum, juxta formam Statutorum a Predecessoribus nostris desuper editorum. Examinatores insuper & Prelati, ac eorum vices gerentes, qui secus in premissis agere presumpserint in futurum, suspensionis sententia percillantur: alias per locorum Ordinarios graviter puniendi.

DE RENUNTIATIONE VEL PERMUTATIONE BENEFICIORUM.

Ex Concilio D. Petri Moguntini, ut supra.

Nullus Ecclesiam vel Beneficium Ec-

Ecclesiasticum dimittere vel recipere presumat, sine Superioris sui auctoritate, quod sub pœna excommunicationis omnibus firmiter inhibemus.

DE TEMPORIBUS ORDINUM, ET
QUALITATE ORDINAN-
DORUM.

Summarius.

*Ordinandus, & ante examinis admissionem sit
recenter, & de impedimentis Ordinationum
[si quod habeat] confessus, & ad Vica-
riam non nisi perpetuam ordinetur.*

EX Concilio Moguntino D. Gerhardi.

Statuimus, quod nullus ad exami-
nationem aliquatenus admittatur, nisi
recenter confessus fuerit omnia delicta
sua idoneo Sacerdoti, & quia pauci sunt,
qui sua delicta vel sequelas intelligant de-
lictorum, per discretum Confessorem
(s) studeat instrui ordinandus; an sibi
expediat ordinari? vel ob irregularitatis
alicujus sequelam ei sit potius abstinend-
um? Item nullus promovendus ad
Ordines admittatur ad titulum Vicarie,
nisi sit perpetua Vicaria, a qua non possit
ad (t) Pastoris sive Ordinantis placitum
amoveri.

DE ETATE, ET QUALITATE, ET OR-
DINE PREFICIENDORUM.

Summarius.

*Nemo ante vigesimum quintum ad Curatum
investiatur beneficium.*

EX Concilio Moguntino D. Petri.

Jus commune pœnæ adjectione ju-
vamus, districtissime inhibentes, ne ali-
quis Prelatus, vel ejus Vicarius, aut ejus
vices gerens, cujus interest investire:
aliquem minorem annis, qui videlicet
non attingat vigesimum quintum annum,
ad Parochie Ecclesiam investire presu-
mat: aliquin & factum ipsum irritum,
& Prelatum, seu ejus Vicarium hujus-
modi inhibitionis temerarium transgres-
sorem (u) & facto hujusmodi ab ejus
officio decrevimus suspendendum per
unum annum proxime subsequenter,
alias etiam ad arbitrium sui Ordinarii pu-
niendum.

(s) valeat instrui

(u) ex facto

(y) subditis suis aut eis,

(t) ad inordinatum placitum amoveri.

(x) Hoc Caput postponitur Cap. sequenti: De officio Archi-Diacon.

DE FILIIS PRESBYTERORUM.

Summarius.

*Illegitime natus, neque ad Ordines, neque ad
Beneficium sine dispensatione admittatur.*

EX Concilio D. Petri Moguntini.

Nullus illegitime natus ad aliquem
sacrum Ordinem, vel Beneficium, aut
Officium curam habens animarum sine
dispensatione Sedis Apostolice admitta-
tur in aliqua Ecclesia seculari. Et tales,
qui hactenus sunt admissi, si de his con-
fiterit, per eorum Ordinarios repellan-
tur. Alioquin scienter contrarium fac-
ientes per unum mensem ab ingressu
Ecclesie noverint se suspensos.

DE CLERICIS PEREGRINIS.

Summarius.

*Advene & ignoti ad Ordines vel Officium
sine literis non admittantur.*

EX Concilio Fritzlarienti D. Siffridi.

Peregrini & ignoti Clerici nullo
modo recipiantur ad Ordines vel Offi-
cium, nisi literis Episcoporum suorum
commendatitiis & dimissoriis sint muniti.

DE OFFICIO ARCHI-DIACONA-
TUS. [x]

Summarius.

Nemo inibeat; quominus appelletur.

Inhibemus Episcopis, Archi-Dia-
conis, & Prelatis, ac eorum Officialibus
universis sub pœna suspensionis, quam
in omnes facientes contrarium promul-
gamus, ne in (y) subditos suos, aut
eos, qui litigant, aut litigaverunt coram
eis aliquam faciant inhibitionem, seu
impedimentum aliquod, sub quocunque
colore vel modo, publice vel occulte,
quominus causas suas appellationum, seu
quascunque alias ad examen Superio-
rum possint deferre.

Summarius.

*Archi-Diaconi in certis causis usque ad XX.
solidorum summam; Diaconiani in
reliquis cognoscunt.*

Felices recordationis Domini WERN-
HERI Predecessoris nostri vestigiis inhe-
rentes, quædam ex statutis ipsius pro
com-

communi bono in hoc sacro Concilio duximus innovanda : cum moderatione infra scripta : de Fratrum nostrorum Concilio statuentes, ut Archi-Diaconi, & Officiales eorum Civitatis, Dioecesis, & Provincie Moguntinensis super causis decidendis per ipsos certis finibus, quos prefatus Dominus WERNHERUS Archi-Diaconis Ecclesiarum Moguntinens. & eorum Officialibus posuisse dinoscitur, scilicet, ut de causis super matrimoniis, Ecclesiis, investituris (x) & usuris, usque ad summam XX. solidorum Moguntinens. cognoscentes dumtaxat, sint contenti. Causis aliis Dioecesanorum examini & eorum officiis reservatis. Quod si contrarium facere presumpserint, iudicata per eos alias, quam in dictis casibus sint irrita ipso jure. Et nihilominus per Ordinarios a suis officiis suspendantur.

DE OFFICIO VICARII.

Summarius.

Sufficiens & honesta provisio fiat Vicariis de proventibus Ecclesie.

EX Concilio Fritzlarienti D. Siffredi.

Et quia Ecclesiarum Rectores Vicariis suis (a) relinquunt adeo exiguum portionem, quod ex ea congrue nequeant sustentari, GENERALI Concilio inherentes, statuimus, ut ipsis Vicariis sufficiens, & honesta portio de proventibus Ecclesie assignetur. Alioquin ipsos Rectores suis Ecclesiis decernimus spolianos.

Summarius.

Sine legitima causa Vicarius non amoveatur.

EX Concilio Aschaffenburgensi Domini Gerhardi.

Preterea quorundam Pastorum malitiis [qui singulis annis Vicarios a suis Ecclesiis, in quibus per consensum Dioecesani vel Archi-Diaconi instituti noscuntur : ob quendam turpem questum amovere satagunt] obviare volentes, Predecessorum nostrorum statutis duximus annectendum, ut Vicarius taliter institutus ab eadem Vicaria ad instantiam veri Pastoris, non [b] aliqua ratione, nisi

Pastor actu Sacerdos existens suam velit Ecclesiam regere per se ipsum, vel aliquam causam rationabilem, amoris contra suum Vicarium coram Dioecesano vel loci Archi-Diacono assignare velit & valeat probare.

EX Concilio Fritzlarienti D. Siffredi.

Summarius.

Ne conducti Sacerdotes ponantur ad beneficia, sed Vicarii perpetui auctoritate Superioris.

Quia enormis quedam consuetudo in quibusdam Alemannie partibus contra Canonicas Sanctiones invaluit, ut ponantur in Ecclesiis Sacerdotes conducti, vel Vicarii temporales, ne id de cetero fiat, auctoritate legationis, qua fungimur, modis omnibus inhibemus. Sed cum Vicarius poni debeat & possit, perpetuus instituatur de assensu & auctoritate Dioecesani, & Archi-Diaconi loci ejusdem. Nec Episcopus, vel Archi-Diaconus talem instituat, nisi ei tantum de bonis Ecclesie coram eo fuerit assignatum : unde jura Episcopi & Archi-Diaconi possit perfolvere, & congruam ac sufficientem sustentationem habere.

DE OFFICIO DELEGATI.

Summarius.

Legatis & Subdelegatis Rescriptorum suorum fines excedentibus, & invocationi brachii secularis, quam faciunt Sacerdotes, parere non tenentur.

EX Concilio Fritzlarienti D. Gerhardi.
MS. Helmstädiense ex Concilio Aschaffenburgensi.

Ad hec (c) plerumque contingit, quod Judices delegati vel subdelegati, ad quos simplices commissiones sub forma [d] communi impetrantur seu diriguntur, ultra quam patiantur fines rescripti precedentis, terras, civitates, oppida, & villas Ecclesiastico subijciunt interdicto : Invocantes etiam super hoc brachiumulare. Nos igitur volentes hujusmodi iniquis processibus obviare, presenti scripto declaramus, de Fratrum nostrorum consilio & assensu, quod Sacerdotes nostre civitatis ac Provincie ad observationem seu publicationem senten-

(x) & usuris, *omissum.*
(c) adhuc

(a) negant sustentationem
(d) Decreti

(b) non alia

sententiarum hujusmodi interdicti minime teneantur, nec invocationi brachii secularis, quam sic faciunt, aliquatenus est parendum. Super interdicto autem ponendo recurratur ad decretalem extravagantem Bonifacii octavi, quæ incipit: PROVIDE ATTENDENTES.

DE OFFICIO ORDINARIÏ

Summarius.

Plebanus & ipse reverenter ad infirmos Eucharistiam deferat, & plebem suam, quomodo tunc & in elevatione Altaris veneranda sit, edoceat.

Ex Concilio Fritzlarienti D. Siffridi.

Sacerdos vero quilibet plebem suam doceat diligenter, ut cum in celebratione Missarum elevatur Hostia salutaris, quilibet devote flectat genua, vel saltem reverenter se inclinet. Idem faciat, cum Presbyter eam portat ad infirmum, quam in decenti habitu, supposito mundo velamine, ferat manifeste ac honorifice ante pectus suum cum omni reverentia ac in timore: semper nola parvula & lumine (nisi locorum repugnet distantia, & temporis quantitas) precedente, ut ex hoc apud homines fides & devotio augeatur.

Summarius.

Episcopi in summis festis per se, vel alios predicent, & in Ecclesiis suis Cathedralibus nisi necessitate impediti, celebrent.

Ex eodem Concilio quo supra.

Antiquum statutum Moguntin. Concilii renovantes precipimus, ut Episcopi summis festivitibus populo Verbum Dei proponant, vel per se presentibus, vel per alios ad hoc idoneos proponi faciant & indulgentiam populo faciant, Missamque in eisdem festivitibus in Ecclesiis Cathedralibus celebrent, nisi magna necessitate fuerint impediti.

Summarius.

Singuli Episcopi pro Clericis incorrigibilibus carceres habeant juxta Ecclesiam suam Cathedrali.

Ex eodem Concilio quo supra.

Ad hec statuimus, ut singuli Episcoporum suos carceres habeant juxta Ecclesiam Cathedrali; in quibus salarii

Clerici vel Monachi incorrigibiles & apostate vel alii qui hoc meruerunt, includantur; ad quod efficacius exequendum alie Ecclesie, si opus fuerit, subsidium conferant & juvamen.

DE MAJORITATE ET OBEDIENTIA.

Summarius.

Capellani nobilium in arcibus residentes: sub suspensionis & excommunicationis pena, Episcopo vel Archi-Diacono obedientiam præstent: ad Synodos veniant, & ubi persona Ecclesiastica captiva vel preda spiritualium personarum detinetur, a Divinis abstineant.

Ex eodem Concilio eisdem D. Siffridi.

Sacro etiam approbante Concilio statuimus, ut nulli Clerici, nobilium Capellani, in Castrorum, Dominorum suorum celebrare præsumant: vel alia Sacramenta Ecclesiastica conferre, nisi ante Episcopo vel loci Archi-Diacono obedientiam faciant manualementem, & ad Synodos veniant, & Capitula certis temporibus & statutis, recepturi mandata Ecclesiastica & prolaturi suis Dominis & eorum castrensibus, secundum quod fuerit opportunum. Cum plebani, in quorum terminis castra consistunt, hoc facere frequenter non audeant, propter tyrannidem Dominorum. Qui autem ante obedientiam præstitam Capellas tales officiare præsumpserint, a Prelatis suspensi & excommunicati per vicinarum Ecclesiarum plebanos tanto tempore denuntientur, quousque satisfaciant, & obediant, ut est (e) dictum. Statuentes etiam sub excommunicationis pena jam late sententie, districtè mandantes, ut si quis (f) preda vel spoliis spiritualium personarum, seu etiam Ecclesiasticam personam captivam ad aliquam civitatem, villam vel oppidum five castrum adduci contigerit, Sacerdotes Capellani civitatum, villarum, vel castrorum; postquam hoc sciverint, non expectato super eo Superioris mandato, abstineant a Divinis.

Summa.

(e) debitum

(f) si quando

Summarius.

Canonici solitam reverentiam Prælati suis subtrahentes exclusionem a consortio Capituli, & ad arbitrium Episcopi puniantur. Ipsi autem temere se Capitulo ingerentibus, usque ad satisfactionem cessetur a Divinis. Prælati autem & Canonici, qui prædictos transgressores ad Capitulum sine emendatione admittunt, excommunicantur.

Ex Concilio Aschaffenburgensi D. Gerardi.

Præterea in quibusdam Ecclesiis Conventualibus talis consuetudo invaluit ex antiquo, quod Prælati earundem Ecclesiarum in assurgendo & in aliis prerogativis, a Canonicis exhiberi consuevit reverentia specialis: ut per hujusmodi insignia ipsi Prælati, qui columnæ Ecclesiarum censentur, ab aliis simplicibus Canonicis possint discerni. Sed quidam Canonici immemores juramenti in eorum receptionibus præstiti de Ecclesiarum consuetudinibus observandis, nec advertentes, quod sicut legum, sic antiquarum consuetudinum transgressores juxta utriusque juris præcepta non immerito sunt plectendi, quod contra hujusmodi consuetudines rationabiles, juri consonas & præscriptas, quadam arrogantia vel similitate motu proprio venire præsumunt. Propter quod non est dubium inobedientiæ notam, debitam Prælati reverentiam subtrahendo & perjurii reatum contra suarum Ecclesiarum consuetudinem veniendo, prædictos incurere præsumptores. Considerantes igitur, quod Ecclesiasticus ordo confunditur, cum unicuique honor debitus non servatur, & antiquas honestates & approbatas consuetudines & omnia Ecclesiarum jura illibata servare volentes, Predecessorum nostrorum consilio annectendum duximus, statuendo, ut quicumque Canonicorum reverentiam Prælati suo debitam, juxta consuetudinem in sua Ecclesia approbatam, proprio motu subtraxit trina vice, & de hoc per duorum de Capitulo juramentum ipsi Capitulo facta fuerit fides: a consortio sui Capituli, & perceptione proventuum sue Prebende tamquam inobediens & perjurus, ad arbitrium sui Episcopi ipso facto, auctoritate hujus Concilii sit exclusus per ipsum Episcopum, si ejusdem

presumptoris meruit pertinacia, gravius puniendus. Si qui vero Prælati, vel Canonici, presumptores hujusmodi (dispensatione a suo Episcopo non obtenta) ad Capitulares tractatus, vel ad perceptionem suarum admiserint Prebendarum, excommunicationis sententiâ hujus sacri Concilii approbatione decernimus percellendos. Quod si presumptores præfati tractatibus capitularibus se ingerere, aut prebendarum suarum proventus ante dispensationem super prædicta inobedientiâ & perjurii nota a suo Diocesano ipsis impensam: temeritate propria ipsis contingere (g) præsumpserint ullo modo, extunc in illa Ecclesia, cui talis contumelia fuerit irrogata: octo dierum per ejusdem Ecclesie Capitulum monitione præmissa, cessetur ab officiis Divinorum, usque ad prædictorum excessuum satisfactionem condignam juxta Diocesani, & lese Ecclesie Capituli arbitrium imponendam. Si autem iidem presumptores post cessationem Divinorum infra duos menses non satisfecerint plene de commissis, vel saltem non inceperint emendare, per suos Diocesanos Beneficiis Ecclesiasticis spolientur.

Summarius.

Ecclesiastici fideliter orant Deum pro Rege Romano, Regina & liberis suis.

Ex Concilio Moguntin. D. Petri.

Insuper universis Sacerdotibus, & cunctis, qui Christiana Religione censentur, tam religiosis quam secularibus constitutis per civitatem, Diocesim & Provinciam Moguntinam injungimus & mandamus, ut pro Gloriosissimo Rege nostro Domino N. romanorum rege semper Augusto, & pro Serenissima Domina nostra Regina, Romanorum semper Augusta ejus Uxore, Domina nostra, nec non eorum liberis, in Missis & Orationibus suis devotissime deprecantur Deum, ut eos semper dirigat & conservet in bono, Amen.

DE POSTULANDO.

Summarius.

Sacerdotes non nisi pro certis personis postulare permittuntur.

Ex Concilio Frltzlariensi D. Siffridi.

Item cum Sacerdotis sit, nulli nocere

cere, omnibus velle prodesse, districte precipimus, ne Presbyteri, nisi pro se ipsis, Ecclesia sua, vel dum necessitas imminet, pro personis conjunctis vel miserabilibus vel Dominis suis, & tunc gratis & sine quæstu quolibet postulare presumant, alias a patrocinio repellantur, quod multo fortius de Ecclesiarum (b) Prælatibus volumus observari.

Summarius.

Religiosi tamen in Monasteriorum suorum causis advocare permittuntur.

Statutum D. Wernheri.

Preterea cum servum Dei non oporteat litigare: omnibus religiosi præcipue Monachis (qui non docentis sed plangentis habent officium) advocacy officium sub quocunque pretexto, nisi de licentia Prelatorum suorum literis declarata, & in causis Monasterii sui tantum, inhibemus, sub interminatione Divine maledictionis & sub pena suspensionis ab officio, quam extunc ferimus, exercere. Statuentes, ut Prelati, qui tale genus potius ranarum coaxantium, quam Monachorum regulari discipline vacantium neglexerint, distractione, qua convenit, coercere, suspensionem ab administratione spiritualium & temporalium, incendant ipso facto.

Summarius.

Monachi neque in Ecclesiastico neque civili judicio, nisi pro Monasterio suo advocare presumant.

Ex Concilio D. Wernheri.

Ceterum cum dicat A. [i] *Nemo militans Deo, implicet se secularibus negotiis.* Et juxta decretum Eugenii Pape. Nullus Monachorum pro lucro terreno de Monasterio exire nefandissimo ausu presumere debeat: sacrorum Canonum statuta imitantes, districtius inhibemus, ne quis Monachus in quocunque judicio Ecclesiastico vel civili presumat aliquatenus advocare, nisi forte de licentia &c. ut supra.

DE HIS, QUE VI METUSVE CAUSA FIUNT.

Summarius.

Metus amissionis rerum aut corporis, nisi legitime probatus, Clericos, quominus superiorum mandata exequantur, non excusat, in non faciendis autem nullus omnino excusat.

EX Concilio Fritzlarienti D. Siffridi.

Quia Clerici & Religiosi nonnulli, non attendentes, quantum sit obedientie bonum, quod victimis antefertur, & quod peccatum est ariolandi, nolle acquiescere, (k) & scelus idololatriæ obedire non velle, amissionem rerum suarum & corporis, vanum metum allegant frequenter, ne cogantur mandatum exequi Prelatorum, quocunque (l) prosperitatis tempore multa bona receperint, laute vixerint de Patrimonio. Crucifixi, imminente Ecclesie necessitatis articulo, pro honore illius adversitates sustinere detrectant, qui cum foret summe dives, ad obediendum Deo, qui pro nostra salute onus subit voluntarie pauperatis, ex quo propter contemptum clavium Ecclesie, nervus Ecclesiæ discipline dissolvitur, & animas miserabiliter periclitari contingit, sacri hujus Concilii necessaria deliberatione statuimus, ut nulla rerum perditio, aut metus corporis, legitime, nisi sit probatus, subditos inobedientes, mandatum Prelati exequi non curantes, valeat excusare, adeo quodsi metus corporis, non simplici proprio juramento, sed legitimis coram eo, a quo mandatum subditus recepit, ostensus fuerit documentis, nihilominus loco cedat, ne notam transgressionis incurrere videatur. In his autem, que in non faciendo consistunt, ut puta, cum mandatur non communicare excommunicatis, non celebrare coram interdictis, ac aliis hujusmodi, nullus omnino nec rerum, nec corporum quantumcunque probatus fuerit metus, excuset, cum pro nullo metu quis debeat peccatum mortale committere, quod ex inobedientia furgere Sanctorum auctoritatibus comprobatur.

Summa.

(b) Presbyteris

(i) Apostolus, II. Tim. II, 4.

(k) I. Regum XV, 23.

(l) qui, cum Lunig Continuat. II. Specilegii Ecclesiastici pag. 42.

Summarius.

Excommunicationis, suspensionis, vel interdicti absolutionem, vel revocationem extorqueus, excommunicatus est ipso jure.

ex Concilio Domini Petri.

(l) Nos, qui absolutionem, vel quancunque revocationem ab excommunicationis, suspensionis vel interdicti sententiis per vim vel per metum extorserint, cum hoc, (u) quod hujusmodi revocationis sententiæ subiacere.

DE ALIENATIONE JUDICII MUTANDI CAUSA FACTA.

Summarius.

Actioni cessurus juxta de causa, & in judicis presentia ac licentia cedat, se quoque vere credere juret.

ex Concilio quo supra.

Quia plerumque cessiones actionum in fraudem fiunt. (m) Aliqui vero jure & simpliciter ex causa legitima vel ex causis; statuimus, ut cessiones actionum, que iustis causis vel causa precedunt, in presentia Episcoporum, seu Judicum, vel Officialium suorum de licentia eorundem (si subsunt legitime causæ) fiant. Jurent (n) etiam cedentes, quod non simulate sed vere cedant, alioquin secus factas decernimus non tenere

LIBER SECUNDUS.

DE JUDICIIS.

Summarius.

Qui propter crudelitatem vel potentiam commode citari non possunt, in eorum Parochia citentur. Quod si fieri non potest, & id legitime probari, sint quoque citandi infra unam dietam a Cathedrali, in eadem tribus Dominicis, alioquin ad tres quindenas in ambone publice citentur.

Ex Concilio Fritzlarienti D. Siffridi.

Et quia quidam per potentiam, quidam propter crudelitatem magnam personaliter citari non possunt, quidam etiam, qui in castris habitant, ita quod nulla ad eos citatio possit pervenire. Idcirco provida & necessaria deliberatione sta-

tuimus, ut contra tales citationes (o) edictum, apud Parochialem ipsorum Ecclesiam publice & legitime proponatur. Quod si Parochialis Sacerdos tales citare non posset, coram superiore (p) non simplici vel proprio juramento, sed iustis probaverint documentis, in Cathedrali Ecclesia tribus Dominicis continuis publice citentur in ambone, dummodo citandi infra unam dietam sint a Cathedrali Ecclesia constituti. Alioquin ad tres quindenas solenniter evocentur, & extunc contra hujusmodi ac si personaliter citati fuerint, procedatur (q) ne ex malicia commodum valeant reportare, statutum novissime celebratum, quantum ad hunc articulum, corrigentes.

Summarius.

Reus per se vel alium nuncios judiciales quomodocunque offendens pro convicto habetur. Actor in reconventionem super actione instituta amplius non auditur, uterque vero & omnes, talia perpetrantes ad satisfaciendum iudicibus & laico excommunicatione compelluntur.

Ex Concilio ubi supra.

Præterea quidam crudeles homines & perversi, dum ad forum Ecclesiasticum, in causis etiam, de quibus merito Ecclesia habet cognoscere, ab actoribus advocantur, illius auctoritatis, qua dicitur, *Qui honorat missum, mittentem honorat*, immemores existentes, nuncios Ecclesiasticorum Judicum, citationis, excommunicationis, vel alias judiciales, vel juris literas deferentes, verbis profrosis, & quibuscunque diris verberibus, quosdam etiam captivantes, alios interdum suis rebus temere & publice spoliantes multipliciter afficiunt & perturbant, & impediunt citationum & literarum executiones, in non modicam Ecclesiastice libertatis contumeliam & jacturam. Considerantes igitur maliciis hominum obviandum, & non esse aliquatenus indulgendum, hoc sacro approbante Concilio duximus statuendum, ut reus nuncios, acta judicialia deferentes per se vel per alium verberans, spolians, vel captivans, lite etiam non contestata, auctoritate hujus Concilii habeatur penitus pro convicto.

(l) Eos, (u) quod hujusmodi revocationes sint irritæ, statuimus & publicamus, excommunicationis sententiæ subiacere. *Lumig. loc. cit.*

(m) alienam, non procedentes (n) jurent (o) citationis

(p) motivo sufficienti, vel proposito juramento, vel iustis

(q) *Deest in typo Moguntino A. 1509.*

visito. Actor vero in causa reconventionis, si talia perpetrare per se vel per alium (r) non formidans, super instituta contra reum actione, amplius nullatenus audiatur. Et insuper uterque ac omnes alii, qui nomine & occasione eorum talia facere præsumperint, usque ad condignam satisfactionem leso & iudicibus, summaria cognitione super huiusmodi forefacto præhabita, excommunicationis sententia percellantur.

DE FORO COMPETENTI.

Summarius.

Actor Clericum malitiose trahens ad seculare iudicium, postea coram Ecclesiastico etiam iudicio non auditur. Iudex autem, qui citationem decernit, excommunicatur.

Ex Concilio Moguntino D. Gerhardi.

Ad hoc (s) quod Prælati tam Regulares quam seculares & alii Clerici passim trahuntur contra Ecclesiasticam libertatem ad iudicium seculare, cum hoc penitus sit absurdum: Statuimus, ut actor, qui talem malitiose attentaverit actionem, etiam coram Ecclesiastico Iudice conquerens, postmodum nullatenus audiatur, & nihilominus, si compertum fuerit eum de Ecclesiastica persona calumniose huiusmodi movisse querelam, ipse Iudex, qui ea recepta citationem emisit, excommunicationis sententia constringatur usque ad condignam satisfactionem artius evitandus.

Summarius.

Pro nulla re persona Ecclesiastica ad iudicium trahatur seculare.

ex Concilio Aschaffenburgensi D. Gerhardi.

Preterea nullus Ecclesiasticam personam in criminali causa, vel civili questione, nec (t) aliquam pro rebus, bonis, vel possessionibus Ecclesiarum, sive jure personali (quod vulgo *Lihgeding* dicitur) (u) quis earundem Ecclesiarum possessiones vel bona possideat, sive alio quicunque titulo, trahere presumat in iudicium seculare.

(r) similia

(u) quamvis, pro: quis. *Lunig*: qui.

(s) Ad hæc

Summarius.

Judices Ecclesiastici de causis mere laicis se non intromittant.

ex eodem Concilio, quo supra.

Huic adjicimus sanctioni, prioris Statuta Concilii sectantes, ne Prælati, vel quilibet Judices Ecclesiastici de causis, quas habent ad invicem laici, se nullatenus intromittant, nisi tales sint cause, quas ad forum Ecclesiasticum non sit dubium pertinere, ne ex hoc seculare iudicium (quod est valde incongruum) enervetur.

DE SEQUESTRATIONIBUS

Summarius.

Redditus Parochialis Ecclesie vel Capelle vacantis, a duobus ejusdem Capituli Presbyteris collecti, victori assignentur, ejusdem autem investitor, sub pena restitutionis dupli, & privationis investiendi in perpetuum, nihil de eisdem sibi usurpet.

ex Concilio Moguntino. Moguntinum impr. Aschaffenburgensi, & Lunig.

Ad hæc quandam consuetudinem imo potius corruptelam vidimus, que in quibusdam partibus inolevit, videlicet, quod aliqua Ecclesia Parochiali vacante, plures ad eam Clerici a diversis Patronis in discordia presentantur: quibus coram Diocesano, vel loci Archidiacono super ipsa Ecclesia contententibus, is, ad quem investitura, vel institutio Ecclesie talis spectat, redditus sive fructus ipsius sequestrat, & in suos usus convertit, lite coram ipso durante. Immo quod deterius est, & merito detestandum, litem, cui juxta utriusque juris præcepta finem imponere deberet, per diversos circuitus satagit prorogare, ut sic de predictis redditibus magis & magis valeat imburfare. Cum igitur huiusmodi consuetudo animabus perniciofa & sacris Canonibus sit repugnans, huius sacri Concilii approbatione statuimus, ut non obstante consuetudine supradicta (quam penitus reprobamus) per omne illud tempus quo Parochialem Ecclesiam vel Capellam Vicariam vacare contigerit, is ad quem investitura vel institutio ejus spectat, per duos idoneos Presbyteros & illius

(t) ut, pro: nec

illius Capituli, in quo Ecclesia vel Capella talis consistit, universos redditus sive fructus, qui vero Rectori cedere consueverunt, faciat, procuret, & mandet colligi & fideliter conservari, ita quod ei, qui vicerit, totaliter assignentur. Alioquin si ille, ad quem vestitura pertinet, de hujusmodi redditibus occulte vel manifeste aliquid sibi servaverit, ac usurpare presumpserit, jure investiendi ad aliqua Beneficia obtinenda in perpetuum sit privatus. Et tale jus ad Superiorem proximum devolvatur. Qui etiam duplum ejus, quod per hujusmodi sequestrationem recepit, irremissibiliter restituere teneatur.

DE JURE JURANDO.

Summarius.

Monachorum, & Canonicorum regularium, vel secularium contra Canonicas sanctiones confederatio, sive fiat interposita cautione, sive sine ea, neminem obligat, ipsi autem conjurantes sunt excommunicati; & detecta conjuratione, hi quidem a Monasteriis suis excludendi, illi vero Officiis & Beneficiis suis privandi.

ex Concilio Fritzlarienti D. Siffridi.

Excommunicamus preterea Clericos, Monachos & Canonicos universos, qui colligationes sive confederationes ullas fecerint, fidei vel juramenti interposita cautione, sive in detectionibus faciendis, sive pro aliis quibuscunque negotiis contra Canonicas sanctiones. Cum ex hujusmodi colligationibus suboriantur discordie, que Ecclesiasticam dissolvunt disciplinam, bona Ecclesiastica dissipant, & pericula patiuntur animarum: volentes ex confederatione hujusmodi neminem obligari. Eadem quoque excommunicationis sententia innodamus eos, qui conjurationes sive confederationes tales fecerint, sine difficultate & dilatione quomodolibet, quousque ab invicem se absolvant. Et quicumque detecti fuerint, confederationes hujusmodi attentare, si Monachi aut Canonici fuerint regulares, de suis Monasteriis tamquam membra putrida excludantur. Si Clerici seculares fuerint, Officiis & Beneficiis in perpetuum spolientur.

(x) Reliqua omissa in impresso Moguntia A. 1509.

Tomus IV. Concil. German.

DE APPELLATIONIBUS.

Summarius.

Appellantes a sententia diffinitiva, si infra duos menses appellationem non persequuntur, ab inferioribus iudicibus in pristinas sententias retrudantur, eisque stare cogantur, donec vel appellationem persequantur, vel paveant iudicatis.

ex Concilio Moguntino D. Petri.

Quia sepe contingit in causis appellationum interpositarum a sententiis diffinitivis revocari per Superiores, ante omnia secundum formam juris attentata; & absolvi appellantes, & ipsis revocantibus, predicti appellantes in elusionem juris, iudicium, & partis appellate a prosecutione appellationis suæ desistant. Ne igitur provilio facta ad remedium (ut experimento didicimus) tendat ad noxam, statuimus, ut si infra duos menses post revocationem hujusmodi ipsi appellantes prosequi appellationes suas non curaverint, extunc per inferiores iudices, a quibus appellarunt, in pristinas sententias retrudantur, & tandem eisdem ligati publice denuncientur, quousque iusta causa cessante ad appellationum suarum prosecutionem moram expiando redire festinent, (x) vel paveant iudicatis.

DE VITA ET HONESTATE
CLERICORUM.*Summarius.*

Clerici officia & commercia secularia non exerceant. Tabernis, nisi in itinere, choreis & spectaculis non intersint. Tonsuram congruam habeant, caste vivant. Propter incontinentiam autem suspensi, si celebraverint, & Beneficiis priventur, & perpetuo deponantur, a solo Papa dispensationem obtenturi.

ex Concilio Fritzlarienti D. Siffridi.

Clerici officia vel commercia secularia non exercent, maxime inhonesta, prorsus tabernae evitent, nisi forte causa necessitatis in itinere constituti. Choreis & publicis spectaculis non intersint, (y) coronam & tonsuram habeant congruentem, ad quod per Prelatos suos per subtractionem beneficii & officii compellantur.

(y) comam & tonsuram.

A a

pellantur. Et si Prelati eorum in his desides fuerint & remissi, per Episcopum suum vel Metropolitanum (si Episcopus negligens fuerit) a suis dignitatibus suspendantur, & ut Clericorum mores & actus in melius reformentur; continenter, & caste vivere studeant universi, presertim in sacris Ordinibus constituti, quatenus in conspectu Dei Omnipotentis puro corde & mundo corpore valeant ministrare. Quicumque autem propter vitium incontinentie a suo Prelato suspensus presumpserit celebrare Divina, non solum Ecclesiasticis spoliatur Beneficiis, verum etiam pro hac duplici causa perpetuo deponatur. Nec credat aliquis posse per alium cum talibus celebrantibus, nisi per Romanum Pontificem dispensari.

Summarius.

Clerici vagabundi non recipiantur, nihil eis detur, ad Ordines & Beneficia, nisi bene prius emendati, non admittantur. Pauperes tamen tam Clerici, quam Laici iuxta necessitate peregrinantes, ab elemosyna & hospitio non excludantur.

Clericos vagabundos (quos vulgus *Eberhardinos* vocat) quorum vita est Deo odibilis, & laicos scandalizat: priori inherentes Concilio a Clericis & personis Ecclesiasticis (z) recipi prohibemus, firmiter (a) statuentes, ne aliquid eisdem detur. Nolumus tamen, ut hujus occasione statuti, Clerici, vel seculares pauperes, quos quæcunque iuxta necessitas peregrinare compellit, a charitatis operibus excludantur, dummodo pauperes elemosynam vel hospitium sibi postulent intuitu Divine remunerationis impendi, cum necessitatis tempore sine personarum differentia elemosyna sit impendenda, adjicientes, qui *Eberhardini* prefati vitam ducunt reprobam & infamem, ne ad sacros Ordines vel Ecclesiastica Beneficia aliquatenus admittantur, ut nostrum non vituperetur ministerium, nisi per longam morum emendationem, ac honeste vite conversationem (Diocesani judicio moderandam) antea facti inventi fuerint infamiam expiasse, & tunc dispensative ad sacros Ordines & Ecclesiastica Beneficia eis aditus concedatur.

(z) velut personas ecclesiasticas, pro: & personis ecclesiasticis.

(a) finaliter, pro: firmiter.

(b) aliquando

(c) cuiquam alteri

Summarius.

Clerici vagabundi celebrare presumescentes, de mandato Episcopi vel Archi-Diaconi cum auxilio, si opus est, seculari incarcerationentur.

Ad hec, quia Clerici vagabundi (qui *Eberhardini* dicuntur) quorum vita Deo est odibilis, Clericos & ipsos laicos scandalizant, discurrendo per terras in villis, que carent propriis Sacerdotibus, aliquin (b) celebrare presumunt, seu quod verius est, quantum in ipsis est, Divina Officia prophanare, statuimus, ut tales ad mandata tum Diocesani, seu loci Archi-Diaconi teneantur in custodia carcerali. Ad hoc, si necesse fuerit, invocando auxilium brachii secularis, salvis nihilominus constitutionibus contra tales a nostris Predecessoribus promulgatis.

Summarius.

Monialium claustra nullus Clericorum, Monachorum, aut Prelatorum sine necessitate ingrediatur. Ipse etiam Moniales clausæ, de Monasteriis, nisi ex necessitate non ingrediantur, Prelatis suis obediant, nemini nisi de eorum licentia consueantur, & fenestre earum parlatorie duplicata habeant ferramenta.

EX Concilio Fritzlarienti D. Siffridi.

Claustra Monialium nullus Clericorum vel Monachorum, sine causa honesta & bono testimonio introeat. Alioquin Prelatus suus ipsum debite subiciat ultioni. Neque Moniales de suis egrediantur Monasteriis, nisi Monasteriorum necessitas id exposcat, & tunc velate incedant. Illis autem tamen ob hanc causam egredi liceat, quibus administratio est commissa, vel que a Superiori hoc receperunt in mandatis: hoc quidem non de illis Monialibus, que clausæ sunt, volumus intelligi, cum illis exire omnino non liceat, sed de illis, que sine clausura vitam consueverunt ducere laxiorem. Statuimus insuper, ut in singulis Monasteriis fenestre parlatorie duplicata habeant ferramenta. Et ut Moniales suis Prepositis, & Prelatis in rebus licitis & honestis obediant, nec (c) cuiquam propter eorum licentiam sua consueantur peccata. Ipsi autem Prepositi, sive Prelati claustra

Monia-

Monialium nullo modo introeant, nisi magna & evidens causa necessitatis id expofcat.

summarius.

Sacerdotes superpelliciis, & Campanarii camifus, ex eleemofynis Parochie, aut propriis fumptibus procuratis in Divinis Officiis & Sacramentis miniftrandis utantur. Alioquin Sacerdotes ceflent a Divinis: damnum autem in oblationibus fibi tunc emergens populus refundat. Rurales etiam Presbyteri, loco campanariorum personas literatas difponant, quibus campanariorum emolumenta cedant, neque tales fine Archi-Diaconi confenfu amoveantur.

ex Concilio, quo fupra. Afchaffenburgenf. impr. Mog. A. 1509.

Item, quod Sacerdos & Campanarii, qui Sacerdotibus ad altare, circa Baptifmum, deportationem Olei, & Corporis Domini ad infirmos affiftunt, & (juxta quod officium eorum requirit) miniftrant, fuper vefimenta fua superpelliciis, Sacerdotes & Campanarii camifiis albis utantur, diftrictè precipimus obfervari. Quas quidem camifas campanariorum & superpellicia Sacerdotum populus cujuslibet Parochie, quando & quotiens neceffe fuerit, de eleemofynis, que in Parochia haberi poffunt, procurent, alioquin de fuis propriis fumptibus procurabunt. Approbatione totius Concilii ftatuentes, ut Sacerdotes, qui poft publicationem hujus (d) ftatuti superpellicium pro fe, & camifam pro fuo campanatore non habuerint, infra duos menses poft eandem publicationem (e) prime fubfequentes, tamdiu ceflent ab officiis Divinorum, donec defectus hujusmodi fuppleatur, & damnum, quod ex tali ceflatione in oblationibus contigerit, Sacerdotem fuftinere, per populum fue Parochie refundatur eidem. Verum quia (f) in Parochiis ruralibus plurimum & maxime hoc contingit, quod propter defectum Clericorum, Sacerdotes folos oporteat celebrare contra Canonicas Sanctiones, inhibemus, ne Presbyter fine Miniftri fuffragio Divina Officia, & maxime Miffarum folennia celebrare prefu-

mar, inherentes Concilio Tholetano, ubi dicitur: *Va. foli, (g) quia cum ceciderit, non habet fublevantem.* - Provida deliberatione facri Concilii duximus ftatuendum, ut omnes Sacerdotes in villis, extra oppida celebrantes, loco campanariorum illiteratorum, perfonas de cetero habeant fide dignas, legere & cantare fcientes, que quidem perfonæ de ornatu Parochie fideliter confervando fufficienti preftita cautione univerfos redditus percipiant campanariis laicis hætenus deputatos: Nec ab illis officiis fine Archi-Diaconi confenfu valeant amoveri. Alioquin contrarium facere prefumentes, per Decrefanum vel loci Archi-Diaconum ad id compelli poterunt faciendum, Ecclefiafticam per cenfuram.

Summarius.

Sacerdotes Euchariftiam ad infirmos deferentes calopedibus non incedant. Nullus etiam Beneficiatus, vel in Sacris conftitutus, ullam ejusdem loci Ecclefiam tempore Divinorum fine habitu religionis, aut mitratus fub pena fufpenfionis ingredietur.

ex Concilio Afchaffenburgenf.

Et licet omnes Chrifti Fideles in deportatione Venerabilis Euchariftie ad infirmos fequi conveniat reverenter, precipue tamen Sacerdotes, dum ipfum Dominicum corpus in manibus fuis geftant, procedere condecet humiliter & devote, obinde precipiendo ftatuimus, ut nullus Sacerdos in deportando hujusmodi maximum & faluberrimum Sacramentum, quantumcunque aura mala, via lubrica, vel lutofa exiftat, (h) in calopedibus ire prefumat. Item precipimus, ftatuimus, & monemus, quod nullus Beneficiatus, vel in facris Ordinibus conftitutus, Ecclefiam, vel Chorum Ecclefie Cathedralis, aut aliarum Ecclefiarum tempore Divini Officii fine religione, vel mitratus intrare prefumat. Contrarium facientes, penam fufpenfionis incurrant, per Decanos, five Prelatos, five alios Superiores Ecclefie illius, quibus conftiterit, aut per nos infligendam.

Summa-

(d) hujus Concilii

(e) proxime fequentes

(f) plerumque & maxime in Parochiis

(g) Ecclefiaft. IV, 10.

(h) Calopodium, genus calcei ex ligno, quod folium focculum vel calopedes vocant.

Summarius.

Clerici vagabundi, Goliardi, sive Foculatores, si per annum tales permanferint, Clericali careant privilegio, & ad nullos Canonicos actus admittantur.

EX CONCILIO D. PETRI.

Cum Clerici vagabundi seu Goliardi non modicum detrahere dinoscantur Clericalis Ordinis dignitati, statuimus, ut si per annum artem predictam ignominiosam exercuerint, ex tunc careant omni privilegio Clericali, neque ad aliquos actus canonicos & legitimos admittantur, sicque publica resperfi infamia & repulsa, ruboreque suffusi, a statu hujusmodi pestifero retrocedant.

summarius.

Clerici beneficiati per assumptionem status secularis apostatantes, si ad Ecclesiam vel Prebendam redire voluerint, tantum in claustrum, quamdiu se ab Ecclesia vel Prebenda alienaverant.

EX CONCILIO FRITZLARIENSI 171. *Contra Clericos militares, qui quemcunque habitum portant Clericalem, quemcunque secularem.*

Contra Clericos militares, qui Clericali stemmate derelicto (g) comam nutriunt, & gestant habitum laicalem coram Prelatis suis, & in Ecclesiis, & in quibus habent beneficia, neque reverenter incedunt, demum post tyrocinia, & actus alios militares, quos interdum exercent, habitum pristinum resumentes, ad beneficia se per ipsa admitti impune desiderant. Sic terram viis duabus ingredi non verentur. Hoc sacro Concilio approbante statuimus, ut apostatantes hujusmodi, si antequam a suis Prelatis, sive Capitulis evocati, & prius quam habitis beneficiis fuerint spoliati, ad suas Ecclesias sive Prebendas redire voluerint, non aliter admittantur, nisi discipline claustralis carcerem tanto tempore sustineant, quanto a suis Ecclesiis constiterit eos se taliter alienasse. (b) Ne minus satisfactionis prolixitas, quam prevaricationis diuturnitas prorogetur.

(g) militari zeumate

DE COHABITATIONE CLERICORUM ET MULIERUM.

Summarius.

Prelati, quorum interest, publicam Clericorum & Mulierum cohabitationem corrigant. Qui autem hoc propter quæstum negligunt, a Prælationis sue honore deiciantur. Et hoc ad minus semel in anno in Archidiaconali Capitulo, & semel in Episcopali Synodo publicetur. Et quisquis eorum hoc omiserit, ab officio est suspensus.

EX CONCILIO FRITZLARIENSI.

Publice cohabitationis vitium multis successive laboribus extirparum, quorundam negligentia Prælatorum, imo, quod detestabilius est, aliquorum malitia, qui quæstum existimant pietatem, sentitur iterum pullulare. Qua propter Prælati universis, Archidiaconis videlicet, Decanis, ac aliis, quorum interest hujusmodi excessus corrigere, hujus sacri Concilii auctoritate districte precipimus, ut tam periculose recidivo pervigili studio succurrere non prætermittant, ne subditorum sanguis de eorum manibus requiratur, ac eorum negligentia per locorum Episcopos gravissime puniatur. Si quis autem, quod absit, ob quæstum turpem, peccatum hujusmodi ad se delatum, in subditis suis fovere, vel dissimulare presumpserint, illi per suos Prælatos ab eis deiciantur honoribus, quos acceptio sordium talium dehonorat. Ut autem hec statuta saluberrima districtius & efficacius observentur: Auctoritas hujus sancti Concilii provida deliberatione constituit, ut singuli Archidiaconi in Capitulo Clericorum suorum bis vel saltem semel in anno ea publice legi faciant, & nihilominus semel in anno in Episcopali Synodo publicentur. Ne quis per ignorantiam se valeat excusare. Si quis autem in publicatione horum statutorum cessaverit, temporibus pretaxatis hujus sacri auctoritate Concilii, ab officiis noverint se suspensos.

Summarius.

Clericus post Canonicam admonitionem publice concubinam tenens, Officio, & Beneficio spoliatur, quod si non curaverit, excommunicetur. Qui vero usque ad hec tempora eam tenuerit, si sit Cano-

(b) Sequens comma abest ab impresso A. 1509.

Canonicus, ad cibum quadragesimalem quadraginta diebus inclaufretur, quod si contempserit, neque Prebende sue fructus ei ministrentur, neque ad Chori & Capituli consortium admittatur, nisi penitentia peracta aut saltem incepta, & nisi juret eam non resumere. Quod si eam resumpserit, Beneficio privetur. Prelati autem hunc excessum dissimulantes excommunicationi subjaceant.

ex Concilio Fritzlarienti D. Siffredi.

Licet multa super incontinentia Clericorum, sanctorum Patrum haecenus emanarunt instituta, quia tamen adhuc nonnulli Clerici lumbos suos cingulo continentie, ut accepimus, non accingunt, & in anime sue grave periculum, & scandalum plurimorum, non attendentes, quod scriptum est. (i) *Sancti estote, quia ego sanctus sum Dominus Deus vester.* Nos, qui saltem circa undecimam horam missi sumus, ut nociva de vinea Domini Sabaoth ex officio Nobis injuncto, quantum ipse dederit, extirpemus, quia [k] *zelus nos comedit Domus Dei.* Hujus sacri Concilii approbatione duximus statuendum. Precipimus igitur, ut Clerici continenter & caste vivere studeant universi, maxime in sacris Ordinibus constituti, quatenus in conspectu omnipotentis Dei puro corde valeant ministrare. Si quis autem Clericorum visus fuerit deinceps incontinentie vitio laborare, detinendo concubinam, nisi post admonitionem Canonicam illam prorsus a se expulerit, extunc Officio & Beneficio spoliatur. (l) Si vero rectorem sue libidinis non curaverit evitare, quia crescente contumacia crescere debet & pena, anathematis gladio feriat. Qui vero obscenis voluptatibus inhiantes, concubinas ipsas usque ad hæc tempora publice tenerint, ne delictum preteritum transeat impunitum, eos sub tali pena duximus religandos, ut si Canonici fuerint, quadraginta diebus in claustris suis quadragesimali cibo jejument. Si autem hoc agere contempserint, Præpositis, Decanis, & Capitulis Ecclesiarum sub anathemate prohibemus, ne præbendarum fructus eis ministrent, vel ad cho-

rum vel ad consortium Capituli eos admittant, nisi digna penitentia incepta vel peracta, & prestitio juramento, quod eas ulterius non resumant. Qui vero sic amotas resumpserint, decernimus eos beneficiis esse privandos. Statuentes, ut illi ad quorum collationem eorum beneficia pertinent, ea personis idoneis assignant infra tempus (m) in Lateranensi Concilio comprehensum, alioquin primus superior extunc ea studeat assignare. Si vero Decani vel alii eorum Confratres excessum scientes dissimulare presumpserint, eos excommunicationis vinculo subjacere denuntiamus.

summarius.

Sacerdos publice concubinam tenens de facto est ab officio suspensus, qua sententia durante, si celebrat, a Diœcesi expellatur.

ex Concilio Moguntino D. Wernheri.

Item Sacerdos, qui (n) in domo publice ausu sacrilego presumpserit retinere, suspensionis ab officio sententiam Canonis incidat ipso facto, qua sententia durante, si Divina presumpserit celebrare, sciat se omni miseribordia postposita, de nostra Diœcesi expellendum.

summarius.

Archidiaconi Clericos suos rurales concubinos foventes aut dissimulantes, sunt ab officiis suspensi, & si in tali presumptione permanserint, Episcopi eos a dignitatibus amoveant, & eas aliis assignent.

Ex Concilio Fritzlarienti D. Siffredi.

De Clericis concubinariis ruralibus rigor superius expressus observetur, quorum Archidiaconi, si eos in suis iniquitatibus voluerint confovere, vel eorum dissimulare excessus, scient ab officiis se suspensos, & si in (n) presumptione permanserint, eos precipimus per Episcopos suos (o) vel alios, ad quos donatio spectat, personis idoneis assignentur.

(i) Levitici XI, 44.

(j) *Sequens comma:* Si vero...feriatur, abest ab impr. A. 1509.

(ll) Lateran. Concil. anni 1215. Can. 14.

(m) concubinam (n) in suspensione

(o) a dignitatibus removeri, quæ dignitates per episcopos, vel alios, ad quos denominatio spectat,

DE CLERICIS NON RESIDENTI-
BUS.*Summarius.*

Presentie, que in Divinis Officiis, Vigiliis, & Missis Defunctorum distribuuntur, non nisi interessentibus debentur, exceptis, quos aut egritudo aut evidens Ecclesie utilitas, aut Superioris excusat auctoritas. Præter has, aut alias causas, absentes, & presentias recipientes, ad restitutionem tenentur, a quo nulla eos consuetudo excusat.

ex Concilio D. Petri

Statuimus, ut in Ecclesiis Cathedralibus & aliis Collegiatis Canonici, & alii Beneficiarii nullas distributiones quotidianas seu manualia Beneficia, que (p) tamen residentibus, & qui Divinis intersunt officiis dari debeant, in absentia percipiant. Qui vero aliter de distributionibus ipsis quicquam receperint, exceptis illis, quos corporalis necessitas, aut evidens utilitas Ecclesie seu Superioris auctoritas & dispensatio (q) revelat & excusat, ad restitutionem omnium que receperint, Ecclesie teneantur. Nec ante restitutionem ad Capitula seu tractatus Capitulares aliquatenus admittantur. Et idem de distributionibus pro defunctorum anniversariis largiendis decrevimus observandum. Contra predictam vero nolumus aliquam consuetudinem suffragari.

Summarius.

Habentes in civitatibus unum Curatum, & aliud in Collegio Beneficium aut eligant alterum, in quo resideant, aut ad dimittendum unum compellantur, nisi ex gratia Episcopi ambo retinere permittantur.

ex Concilio Fritzlarienti.

Quia vero plebani civitatum, locum in Ecclesiis conventualibus obtinentes, circa curam Parochiarum frequenter occupati minus possunt in Ecclesiis, & maxime in prælaturis, quas obtinent (prout eorum spectat officium) deservire, statuimus, ut eligant, quod in Parochia vel in conventuali Ecclesia resideant, & ad dimittendam alteram compellantur, nisi utramque de gratia Archi-Episcopi vel Diocesani, qui pro tempore fuerint, valeant retinere.

(p) tantum residentibus
(r) districte præcipimus

DE INSTITUTIONIBUS.

Summarius.

Admittendus ad curam juret, in adeptione se Simoniam non commississe.

ex Concilio Fritzlarienti.

Statuimus, ut nullus Clericus ad curam animarum admittatur ab Episcopo vel Archidiacono, nisi prius juraverit, quod nullam in adeptione Beneficii, ad cuius est curam presentatus, commiserit Simoniam.

Summarius.

Clericus a Patronis sive laicis sive Clericis, sine Episcopi vel Archidiaconi licentia ad Beneficium institutus eodem Beneficio privetur: Ejusdemque collectio ea vice ad primum Superiorem devolvatur; Patronus autem temere de investitura se intromittens, si laicus sit, jure suo perpetuo privetur, Religiosi vero & illas & alias sibi unitas Ecclesias amittant.

ex Concilio Aschaffenburgensi.

Quoniam antiqua Predecessorum nostrorum statuta prohibere inveniantur, (r) ne aliquis Clericus a laico de Beneficio Ecclesiastico, in quo jus obtinet Patronatus, institui se permittat, sed potius presentatus ab eo, ab Episcopo, vel loci Archidiacono investituram recipiat ab altero eorundem, cui id de jure vel de consuetudine competit approbata. Licet etiam Templariis, & Hospitalariis, & aliis Religiosis in eisdem prohibitum sit statuis, ne Ecclesias Parochiales, quas de consensu Diocesani & Cathedralium Ecclesiarum suis domibus, seu Monasteriis uniri obtinent, per suos Confratres officiare presumant; sed Clericos seculares Episcopis sive Archidiaconis locorum presentent, qui ipsos investiant, tanquam perpetuos Vicarios in eisdem, ordinata ipsis competenti pro sua sustentatione prebenda. Quia (s) cum pena sufficiens nondum est prodita contra hujusmodi transgressores: Considerantes, quod facilitas venie incendiis tribuit delinquendi; sacri approbatione Concilii hujus hac pena presumptores predictos duximus puniendos; ut Clericus a Patrono laico vel etiam Clerico in Beneficio Ecclesiastico sine Episcopi, vel loci Archidiaconi licentia, vel con-

(q) forte: relevat
(s) quare, pro: quia

consensu institutus, eodem beneficio in perpetuum sit privatus, & ipsius collatio ea vice ad Superiorem proximum devolvatur. De quo quidem beneficio, si temeritate propria intromiserit se Patronus, jure, quod sibi competeat in eo, perpetuo sit privatus. Templarii vero, & Hospitalarii, & alii Religiosi contrarium facere presumptes, non solum Ecclesias ea vice, sed etiam alias (si quas habebant) ipsis unitas sine spe restitutionis ipso jure hujus Concilii decreto amittant.

Summarius.

Templarii, Hospitalarii, & ceteri Religiosi sine Episcopi vel Archi-Diaconi institutione in Ecclesiis Diocesano subjectis celebrantes, sententias inter se vel Ecclesias suas latas violantes, eorum in predictis defensores: in talibus interdictionis Ecclesiis celebrantes, & in eisdem Divina audientes, ipso facto sunt excommunicati, Prelati autem infra mensem, post monitionem Diocesani hos excessus corrigere dissimulantes, una cum Conventibus suis, jura sibi & ordini suo in dictis Ecclesiis competens, de facto amittunt.

EX Concilio Aschaffenburgensi.

Ad hoc, quum Templarii, & Hospitalarii, & alii Religiosi, qui a Prelatis ordinis sui ad regendas Parochiales Ecclesias destinantur, Episcopis Diocesanis subjectas sine institutione ipsorum, aut Archidiaconorum ministrare presumunt, in illis sententias Ecclesiasticas in se, vel in Ecclesias predictas ab Episcopo, vel Archidiacono, sive Decano prolatas aliquoties temeritate propria, & nunquam de Prelatorum suorum conniventia, vel mandato violare presumunt: dicentes, se ad observantiam sententiarum hujusmodi non teneri, obtentu privilegii ordinis sui ab Apostolica Sede concessi. Statuimus hoc sacro Concilio approbante, quatenus in predictis Ecclesiis sine institutione debita Diocesani, ac Archidiaconi celebrantes, & sententias aut in se, aut in Ecclesias predictas per Diocesanos, vel Archidiaconum, vel alios delegatos ipsorum prolatas violantes, exceptis casibus a jure permissis, nec non defendentes eos in contemptu hujusmodi, ac in Ecclesiis predictis in-

terdictis celebrantes, aut audientes Divina, ipso facto sententiam excommunicationis incurrant, Prelati quoque eorum regulares, cum suis Conventibus scienter dissimulantes excessus hujusmodi, post admonitionem Episcopi Diocesani corrigere infra mensem (2) jura sibi, & ordini suo in predictis Ecclesiis competens ipso facto amittant.

DE CONCESSIONE PREBENDE AUT ECCLESIE NON VACANTIS.

Summarius.

Ad Canonicatus nondum vacantes, unus tamen eligi, & talis ad residentiam compelli debet, sed non nisi cum hoc justa necessitas, & utilitas exegerit, que ante hujusmodi electionem est Episcopo exponenda. Si vero plures simul, aut successive eligantur, ipso jure electio non tenet, & tunc Episcopus ad tot prebendas eligere potest, quot persone fuerunt nominate.

EX Concilio Aschaffenburgensi.

Item nullus in Canonicum eligatur Beneficio non vacante, nisi justa necessitas vel utilitas (u) id postulaverit, & tunc unum tantum & non plures assumi permittimus, & is qui taliter assumptus fuerit, statim ad residentiam compellatur. Si qui contra hoc statutum aliquos vel successive vel simul plures elegerint, quod factum est, ipso jure non teneat. Et Episcopus ad tot Prebendas potestatem habeat eligendi, quot persone fuerint assumptæ, hujus auctoritate Concilii statuentes, ut ante receptionem persone in Canonicum assumende, persone necessitas, & utilitas ex receptione hujus secutura, loci Episcopo primitus exponantur, ne per surreptionis astutiam in fraudem hujus Concilii aliquid attentetur.

NE SEDE VACANTE ALIQUID INNOVETUR.

Summarius.

Qui pro vacante Episcopatu aut Prelatura consequenda, potentum sibi laicorum attrahunt favorem, aut filijs suis beneficia pro assistentia permittunt. Ipso facto & jure sunt excommunicati, & deinceps ad hujusmodi dignitatem ineligibiles. Qui vero taliter ad Prelaturas aspirantibus pecunias mutant, actione pro mutuo repetendo privatur.

EX

(2) infra mensem, abest ab impr. A. 1509.

(u) Ecclesia

EX Concilio Aschaffenburgensi, ex
Fritzlarienti impr. A. 1509.

Quoniam nonnunquam contingit, quod ad vacantem Episcopatum, vel aliam Prelaturam duo in discordia eliguntur, & alter, qui minori juri innititur, ut eum, cui majus jus est adquisitionem, per potentiam vel tedium fatigare & exhaurire possit, attrahit sibi favorem potentum laicorum, quibus ut ei mutant, & assistant, promissiones facit de beneficiis, filiis eorum conferendis, & de iuribus, & de liberatibus Ecclesiasticis remittendis. Nos huic morbo occurrere volentes, remedio salutari presenti statuto hujusmodi promissores, & potentum laicorum attractores, volumus ipso facto & jure excommunicationis esse sententiis innodatos, & nihilominus eum fore ineligibilem ad hujusmodi dignitatem. Mutuatores etiam pecuniarum taliter in hoc casu volumus carere actionibus, pro mutuo hujusmodi repetendo.

summarius.

Episcopo defuncto, vel Sede vacante Ecclesie bona occupans, de facto est excommunicatus, quem successor sine satisfactione & Capituli consensu absolvi non patiatur.

EX Concilio Moguntino. ex eodem
Fritzlarienti impr. A. 1509.

Quicumque autem defuncto Episcopo relicta ab eo, ac sede vacante, bona Ecclesie occupaverit, ipso facto (quam nunc in talem ferimus) sententiam excommunicationis incurrat, quam Successor inviolabiliter faciens observari nullatenus relaxet, sine restitutione, & satisfactione condigna de sui Capituli consilio & consensu.

UT ECCLESIASTICA BENEFICIA,
SINE DIMINUTIONE CONFERRANTUR.

summarius.

Laicus in Ecclesia Jussu Patronatus habens, si in presentatione ad eandem, decime vel aliarum obventionum partem ex pacto sibi vel suis reservat, excommunicatur, ejusque terra, donec Ecclesiam liberam demiserit, interdicatur. Clericus autem talem presentationem acceptans

(x) frangunt

(y) cum possint, impr. A. 1509.

Officio & Beneficio privetur, neque ad Beneficia vel actus Ecclesiasticos admittatur, nisi per Papam fuerit secum dispensatum: Episcopus vero vel Archidiaconus, qui talibus scienter curam committit animarum, perpetuo a Beneficiorum institutione suspendatur.

EX Concilio Fritzlarienti.

Quoniam in quibusdam Alemaniæ partibus Fundatores Ecclesiarum, vel heredes ipsorum, potestate (in qua hucusque Ecclesia eos sustinuit) abutuntur, partem decimarum vel aliarum obventionum Ecclesiasticarum, in quibus jus obtinent Patronatus, sibi retinentes ex pacto, cum presentant Clericos ad easdem: Huic vulneri canceroso & simoniaco censure ferrum (x) apponimus, decernentes, ut ex quo confiterit Patronum hoc perpetrasse flagitium, anathemate feriatur, & ejus terra ponatur sub Ecclesiastico interdicto, donec Ecclesiam liberam sub suo jure dimittat, salvo jure Patronatus, quod eis de jure reservamus, quod (y) possint per juris ignorantiam excusari. Qui vero ceca cupiditate ducti taliter a Patronis presentationem receperint, Officio, Beneficioque priventur, nec ad Beneficia vel actus Ecclesiasticos admittantur, nisi per Sedem Apostolicam secum fuerit dispensatum. Episcopi vero vel Archidiaconi, qui talibus scienter curam commiserint animarum, ab institutione Beneficiorum & collatione perpetuo sint suspensi.

summarius.

Clerici notantes se a Patronis certa Beneficia ad quod presentandi sunt, portione privari; si id Episcopis non conqueruntur, ab eisdem & suspendantur & Beneficiis priventur. Si vero conquesti sint: Episcopus talem Patronum per censuram Ecclesiasticam cobibeat, & si pertinax persistit, futura presentatione privetur.

EX eodem Concilio quo supra.

Cum Beneficia Ecclesiastica sine diminutione conferri debeant, quidam Ecclesiarum Patroni, (personis idoneis pretermisiss) tales ad ea presentant, qui portione quantalibet debeant esse contenti, reliquam totaliter usibus suis applicando. Unde ad hujus mali perniciem extirpandam, statuimus, ut si tales Cleri-

Clerici se portione debita spoliari videntes, ad Episcopum suum querelam non detulerint, auctoritate hujus Concilii sint ipso jure suspensi, & nihilominus eisdem Ecclesiis spoliarentur per Episcopum, & plebano idoneo provideatur de ipsis. Si vero ad Superiorem hanc detulerint questionem, ipse Patronum per censuram Ecclesiasticam ab hujusmodi molestationis onere compescat. Adjicientes nihilominus, quod si in hoc pertinax Patronus extiterit, ad presentationem talis Ecclesie, cum proximo vacaverit, nullatenus admittatur.

DE REBUS ECCLESIE NON ALIENANDIS.

Summarius.

Sine consensu Capituli, Administratores, neque res Ecclesie penitus alienent, neque nemora sevari faciant. Abbates vero, & eorum officii, si id fecerint, ab officiis in perpetuum deponantur, in mutuo autem & rerum immobilium obligatione, Canones observentur.

ex Concilio Fritzlarienti.

Interdicimus etiam prioris Concilii Statuta sectantes, ne Administratores de rebus ad eorum administrationem pertinentibus sine consensu majoris & sanioris partis Capituli quicunque (z) penitus alienare presumant. Verbis autem alienationis, donationis, venditionis, obligationis, permutationis, vel emphyteosim (a) (sic in quibusdam Ecclesiis fieri consuevit) perpetuum contractum volumus comprehendere, & si quid contra factum fuerit, irritum decernimus & inane. Foresta quoque nemorum sevari non faciant, sine Fratrum consilio & consensu, quod si fecerint, in usum fratrum pretium convertatur. Abbas vero, vel officii cujuscunque Monasterii, si de rebus Ecclesie sue quecunque citra formam Canonicam alienare presumpserint, ipsum Superior (cum id ei ex certis claruit argumentis) a suo in continenti deponat officio, nec de cetero ad dignitatem aliquam vel administrationem Ecclesiasticam admittatur, nisi secum sit per loci Episcopum misericorditer dispensatum: auctoritate presentis Concilii decernentes, ut in mutuo con-

trahendo, nec non obligatione immobilium sacri Canones observentur, qui eos creditores tantum appellant, nisi probent mutuum in Ecclesie utilitatein cessisse.

Summarius.

Ad obligandum, nulli privato aliquid de rebus Ecclesie concedatur: concessa vero infra mensem redimantur, & Ecclesie reddantur.

ex eodem, quo supra.

Item de rebus Ecclesie & ornatu nulli private persone ad obligandum aliquid concedatur, & si aliquibus sunt concessa, illa infra mensem redimere & Ecclesie restituere compellantur.

Summarius.

In qualibet Ecclesia Procuratores Fabricæ annuos ejus proventus in utilitatem Ecclesie convertant, & omni anno de ipsis rationem reddant: omnino autem caveant, ne inter personas dividantur, aut Prebendarum expensæ de eis solvantur, quæ ex suspensionibus sunt faciendæ.

ex eodem, quo supra Concilio.

Item statuimus, ut proventus annui fabricæ, uni vel duabus personis fide dignis in singulis Ecclesiis committantur, qui eos ad opus Ecclesie convertant utiliter. Et singulis annis justam de ipsis & certam Capitulo reddant rationem, & ne idem redditus dividantur, vel ad expensas messium vel autumnii, seu extraordinaria onera convertantur, quæ de Prebendis suspensis sunt potius faciendæ, distinctissime prohibemus.

Summarius.

Ornatus & libri Ecclesie semel ad minus in anno visitentur, & sub sigillo conscribantur.

ex eodem.

Statuimus (b) etiam, quod ornatus & libri Ecclesie bis vel semel ad minus in anno inspiciantur a Capitulo diligenter, & sub sigillis Prelatorum & Capituli ponantur sigillatim in scripto, ut sciatur imposterum, si de ipsis augmentatum sit aliquid, vel subtractum.

Summa-

(z) quidquam (a) lego: emphyteoseos
Tomus IV. Concil. German.

(b) Totum hoc Capitulum abest ab impr. A. 1509;

Summarius.

Ecclesiarum, Dignitatum, & Officiorum ejus predia & redditus, ac ad quolibet officia spectantia, omnia sub sigillo Prelatorum & Capituli conscribantur.

EX eodem.

At quoniam pauci sunt in singulis Ecclesiis, qui predia & redditus plene cognoscant, nisi illi officii forsan fuerint: & multa, vel aliqua propter negligentiam officiorum vel statum temporis inequalem, ex eo sunt perdita vel distracta; (b) Statuimus, quod predia & redditus Ecclesiarum communes & specialiter dignitatum & officiorum, & (c) que quali ratione cujuslibet officii fieri debeant, sub sigillo Prelatorum & Capituli plenissime conscribantur.

Summarius.

Residentes & de licentia Capituli in studio existentes equaliter participant redditus comparatos de proventibus annorum fabrice, & que intuitu pietatis sine speciali conditione Ecclesiis conferuntur, hoc est, in corpore Prebendarum, non autem in distributionibus quotidianis.

EX eodem.

Volumus (d) etiam & presentium auctoritate statuimus, ut redditus, qui de proventibus annorum fabrice exnunc in posterum poterunt procurari, & proventus illorum bonorum, qui de cetero sine speciali conditione fuerint collata Ecclesiis intuitu pietatis, fratres presentes, & qui sunt in studio per licentiam Capituli, integre & plene percipiant. Ut libentius & frequentius in choro deserviant, & fideles quilibet ad elemosynas Ecclesie conferendas ardentius invitentur.

Summarius.

Ecclesiarum Advocati stipendiis & servitiis ad defensionem jurium, possessionum & hominum sibi assignatis sint contenti. Nihil aliud pro tantis sibi usurpent: Advocatias, si quas diviserint, reintegrent: feudatarii taliter occupatas dimittant, alioquin & Advocati & Feudatarii per excommunicationem & interdictum ab Ordinariis ad hoc compellantur.

EX Concilio Moguntino.

Ceterum (e) nonnulli Ecclesiarum Advocati spe defensionis eorum, in Advocatos ea conditione primo assumpti, quod de certis stipendiis & servitiis spontanee deputatis eisdem, ipsarum Ecclesiarum jura, possessiones, & homines defendere debeant, facti sunt ex defensoribus offensores, eo quod tam immoderatis exactionibus & servitiis angariant homines, quod non possunt propriis Dominis persolvere census suos, aliasque illicite dividentes Advocatias in partes, (f) inferioribus suis eas in grave ipsarum Ecclesiarum dispendium infeudare presumant: & quia privilegium meretur amittere, qui concessa sibi abutitur potestate; statuimus, quod sponte sibi assignatis stipendiis & servitiis sint contenti, prout coram Imperio est obtentum, sententia Principum approbante, aliasque Ecclesiarum jura, possessiones, & homines defendant & protegant, ut tenentur. Nihil aliud potestatis sibi in eorum juribus, possessionibus & hominibus usurpantes, reintegrent Advocatias, quas in partes dilacerasse & suis infeudasse dinoscuntur. Feudatarii vero eas taliter occupatas dimittant. Quod si non fecerint infra mensem moniti per Ordinarios, aut alios suos Superiores, ipse Advocatus & Feudatarius ad id faciendum per excommunicationis & interdicti sententias compellantur. Demum statuimus, ut si quis Ecclesiarum vel Clericorum bona vel homines temere invalerit, spoliis, incendiis, vel rapinis, aut tollendo pignora, occasione etiam cujuscumque questionis, quam contra Ecclesie alicujus Advocatum se proponit habere, secundum Statuta Concilii Moguntinensis contra hujusmodi temerarios invalores edita procedatur.

Summarius.

Ecclesiarum Advocati juribus in prima Advocatie susceptione sibi assignatis sint contenti, Ecclesiasque suas pro viribus defendant.

EX Concilio Aschaffenburgensi.

Hac in Constitutione sancimus, cunctos Ecclesiarum Advocatos infra Provincie

(b) destructa. impr. A. 1509.

(d) Totum Caput: Volumus. abest ab impresso A. 1509.

(f) in partes; abest: ab aliis

(e) & quæ, hoc comma omissum in impr. A. 1509.

(e) Cum nonnulli

vincie nostre terminos constitutos, cuiuscumque præminetis sint status; eisdem iuribus esse contentos, que ipsis seu eorum antecessoribus fuerint concessa tempore, quo Advocatiam huiusmodi susceperunt, ac Ecclesias, quarum Advocati existunt, defendere studeant, ac manutene pro posse.

Summarius.

Nemo Ecclesiam, ejus bona, jurisdictiones, jura, aut eorum vasallos violenter, aut propria auctoritate occupet, vel occupantibus per se, vel alium consilium, auxilium, & favorem prebet. Quisquis autem hoc fecerit, nisi requisitus infra mensem dampnum resarcierit, ipso facto sit excommunicatus.

ex eodem Concilio, quo supra.

Insuper statuimus, ne persona, quantumcunque nobilitate, aut preminetia status presulgeat, Ecclesias, aut Ecclesiastica bona, jurisdictiones, jura, & vasallos eorum violenter, aut auctoritate propria publice occupare, aut occupando invadere, vel scienter occupantibus Ecclesias, vel bona Ecclesiastica & predicta, prestare presumat quomodolibet per se, vel per alium, aut alios consilium, auxilium, & favorem. Et nisi requisitus infra mensem Ecclesie lese, aut Prelato ipsius, dampnum illatum emendaverit, ipso facto sit anathematis vinculo innodatus.

Summarius.

Bona Ecclesie non dentur in suppignus, ad perpetuum contractum alienationis rerum Ecclesie roborandum, sine consensu Episcopi & solennitatibus juris sub pena Episcoporum suspensionis ab ingressu Ecclesie, aliorum autem Prelatorum ab officio & beneficio, reliquarum vero personarum excommunicationis.

ex Concilio D. Petri.

Hoc sacro Concilio approbante strictius inhibemus, ne aliquis Episcopus, vel Prelatus, Capitulum, vel Conventus, aliqua bona (g) immobilia pro suppignoribus (que vulgariter Unterpfand dicuntur) ponant, aut obligent quibuscunque personis ad contractum alienationis rerum Ecclesie perpetuum

roborandum, sine expresso consensu loci Episcopi, & juris solennitatibus, que in huiusmodi rerum alienationibus requiruntur. Alioquin factum ipsum ipsum decernimus irritum & inane. Episcopos, qui hec fecerint, ab ingressu Ecclesie suspendendos, alios vero Prelatos ab officio & beneficio, personas vero alias excommunicationis sententiis ipso facto decernimus innodandas.

Summarius.

Nullus Prelatus cuicunque pensionem de rebus Ecclesie constituat, donec ei de beneficio provideat; factum enim non tenet, & tam promissor, quam promissarius ab officio & beneficio sunt suspendendi.

ex eodem Concilio D. Petri.

Insuper inhibemus districtè, ne aliquis Prelatus cuicunque annuam pensionem de rebus Ecclesie constituat se daturum, donec provideat sibi de beneficio competenti. Alioquin factum ipsum decernimus non tenere, ac promissorem, sive promissarium ab officio & beneficio decernimus suspendendos.

DE VENDITIONE ET EMPTIONE.

Summarius.

Nemo scienter predam emat vel teneat, sed mox restituat, alioquin excommunicetur.

ex Concilio Fritzlarienti.

Nullus etiam predam aliquam scienter emere vel tenere presumat, alioquin nisi ipsam statim restituat, excommunicationis sententia percellatur.

DE PIGNORIBUS.

Summarius.

Licet predium, cui jus Patronatus annexum est, alteri obligetur, ipsum tamen jus Patronatus semper apud obligantem manet.

ex Concilio, quo supra.

Ad omnem quoque dubitationis sive questionis materiam amputandam statuimus, ut si quis predium suum, cui jus attinet Patronatus, cuicunque obligaverit, indistinctè jus presentandi apud ipsum obligantem resideat, cum tale jus estimari non possit, & ergo in fortem nequeat computari, (b) cum semper fructus

(g) mobilia

(b) *Sequentia duo commata absunt ab impr. A. 1509.*

fructus rei pignorâte in sortem debeant computari juxta Canonicas & legitimas Sanctiones.

DE TESTAMENTIS ET ULTIMIS
VOLUNTATIBUS.

summarius.

*Legata, quæ Clerici de rebus Ecclesie concubinis
& filiis suis faciunt, non tenent, debent
autem Ecclesie applicari.*

EX Concilio, quo supra.

Clericus de proventibus anni gratie, vel alias de rebus Ecclesie adquisitis, concubine sue, vel filiis in fornicatione genitis, (i) quicumque penitus non relinquunt: quod si fecerit, legatum non teneat, & quod taliter est relictum, Ecclesie applicetur.

summarius.

Ecclesiastica Clericus privetur sepultura, qui de rebus Ecclesie aliquid in testamento relinquit concubinis & spuris suis, qui & ipso facto eisdem rebus careant, eorum etiam Ecclesia interdicatur, qui tale testamentum manutenere, aut res tales dictis personis presumunt ministrare.

EX eodem Concilio, quo supra.

Ad abolendam de domo Domini consuetudinem, vel potius corruptelam, seu temeritatem, qua Clerici (qui signum pudicitie deberent laicis ostendere, quibus sunt positi in exemplum) in articulo sue finalis poenitentie, fructus prebendarum suarum concubinis & spuris suis legant in ultima voluntate, rigor Ecclesiasticus debet exerceri. Quare sub anathematis vinculo prohibemus, ne de cetero Clerici annis gratie abutentes, cum de rebus Ecclesie nullum possint condere testamentum, fructus beneficiorum etiam Ecclesiasticorum spuris vel concubinis dimittant. Qui vero contra hanc inhibitionem venire presumpserint, in signum perditionis sue Ecclesiastica careant sepultura; & quibus taliter fructus legantur, eis careant ipso jure. Qui autem testamentum tale post mortem manutenere volunt, & per quorum manus personis illis fructus Prebende fuerint ministrati, Ecclesia ipsa supposita fit interdicto.

(i) quidquam penitus non relinquat. Impr. A. 1509.

(*) elegerint

(n) quando

(l) enim, pro: etiam

(o) lege: non praterant

summarius.

Morienti, qui in vita manifeste non legit, duo ex Ecclesia deputentur, qui ejus legata exequantur.

EX Concilio Fritzlarienti.

Item legata (k) secundum dispositionem morientium ordinentur, Collectoribus ad hoc duobus de Ecclesia deputatis, si in vita sua non manifeste (*) elegerant super eis.

summarius.

Fructus anni gratie non nisi in relevamen debitorum quam aliunde solvi non possent, aut pro aliqua pia causa decedentis Clerici in usum Ecclesie concedantur.

EX Concilio D. Gerhardi Moguntini.

Sunt nonnulli, qui anno gratie, qui pro relevatione debitorum in fructibus Beneficiorum defunctis Clericis est concessus, damnabiliter abutuntur, fructus ipsius anni consanguineis suis vel aliis, quibus voluerint, relinquentes, ex quo provenit duplex injuria, Ecclesie, sed & persone: fraudatur (l) etiam Ecclesia per dictum anni spatium (m) servitore, privatur etiam persona succedens in percipiendis fructibus jure suo: quod de cetero fieri prohibentes, sacri approbatione Concilii, statuimus, quod nisi pro relevatione debitorum, (n) quam aliunde solvi non possint, anni gratie Clerici non utantur, vel nisi ipsius anni fructus pro aliqua pia causa ipsi relinquunt Ecclesie, a qua idem Beneficium habuisse noscuntur.

summarius.

Omnibus, quibus jura testamentorum factionem non prohibent, libera semper sit facultas disponendi de bonis suis ad pia loca & Ecclesiasticas personas, dummodo heredes suos (o) pretereant. Eos autem, qui vel defunctorum legata, vel ultimas voluntates impedire nituntur, Episcopi & Archidiaconi per excommunicationem in personas, & interdictum in loca coerceant.

Ad quod exequendum dicti Prelati, quorum est testamenta defendere, merito debent benivolos exhibere.

EX Concilio Aschaffenburgensi.

Ad hec, quia quedam in quibusdam partibus consuetudo imo corruptela de-

testa-

(k) seu dispositiones

(m) fruitione

testabilis observatur, videlicet quod tam Clericus, quam laicus in lecto egritudinis constitutus, ultra v. solidos usuales monete, vel aliam summam juxta loci illius consuetudinem limitatam, nec piis locis nec personis Ecclesiasticis pro anime sue remedio & salute aliqua possit ordinare legata. Considerantes predictam consuetudinem & sacris Canonibus & secularibus etiam legibus obviare, cum omnia jura clament, quod ultima voluntas, & ultimum hominis testamentum (o) immobile perseveret, & nihil sit, quod magis hominibus debeat, quam ut supreme voluntatis liber stilus existat; eandem consuetudinem Deo odibilem, animabus & moribus inimicam, auctoritate hujus sacri Concilii penitus reprobamus, firmiter statuentes, ut quibuscunque, quos jura a testamentorum non prohibent factione, & in fanitate, & in lecto egritudinis constitutis, legandi, ordinandi, & disponendi de bonis sibi collatis circa pia loca & personas Ecclesiasticas (dummodo contra suos, legitimas non pretereant functiones) libera sit voluntas & facultas. Volentes & precipientes districtè, ut per locorum Episcopos & ceteros Prelatos jurisdictionem habentes, universi Clerici & laici impediennes defunctorum legata, vel ultimas voluntates, per excommunicationis in personas, & interdicti in loca sententias, octo dierum monitione premissa ferendas, ab hujusmodi impedimentis desistere compellantur, ad quorum (p) executiones & debitas aggravationes procedente tempore faciendas, Episcopi & Prelati (ad quos testamentorum defensio utroque jure suadente dinoscitur pertinere) tam benevolos se exhibeant & paratos, ne hujusmodi negligentia de eorum manibus in die districti iudicii requiratur.

summarius.

Ordinarii Executores compellant, ut priusquam de rebus defuncti se intromittant, sub fide digno testimonio inventarium faciant, & infra annum omnia exequantur.

ex Concilio D. Petri Moguntino.

Statuimus & a cunctis precipimus inviolabiliter observari, ut manu fideles, & ad exequendum ultimas decedentium voluntates electi, antequam de rebus &

de bonis defuncti se aliquatenus intromittant: inventarium faciant sub fide dignorum testimonio de eisdem, ac infra annum cuncta disponant secundum placita defunctorum, ad que per locorum Ordinarios districtissime compellantur.

DE SEPULTURIS.

summarius.

Quadraginta dies indulgentiarum consequuntur, qui se in Parochiis suis faciunt sepeliri.

ex eodem Concilio, quo supra.

Cum sacris Canonibus sit consonum, ubi quis vivus recepit Ecclesiastica Sacramenta, quod ibi etiam mortuus requiescat: omnibus Christi Fidelibus, qui sepulti fuerint in suis Ecclesiis Parochialibus, de omnipotentis Dei misericordia & beatorum Petri & Pauli Apostolorum ejus, & beati Martini Patroni nostri meritis confisi, in relevamen suorum peccaminum quadraginta dies indulgentiarum de injuncta sibi penitentia misericorditer relaxamus.

summarius.

Omnes Sacerdotes provincie Moguntine tenentur [cessante causa legitima] dicere Missam pro defunctis pro Archi-Episcopo vel Episcopo infra octo dies, posteaquam sibi de morte alicujus eorum confiterit.

ex eodem Concilio, quo supra.

Insuper statuimus, & sub pena suspensionis precipimus firmiter & mandamus, ut omnes Sacerdotes provincie Moguntinensis cujuscunque dignitatis, eminentie, status vel religionis fuerint, infra octo dies (causa legitima cessante) postquam eis de morte Archi-Episcopi vel Episcopi cujuscunque predictæ provincie constiterit, Missam pro defunctis dicant in remedium anime Episcopi memorati.

DE PAROCHIIS, ET ALIENIS PAROCHIANIS.

summarius.

Sub juramento in receptione Sacerdotii prefito, & Divini Judicii interminatione inibetur omnibus Religiosis & secularibus Sacerdotibus, ne extra casum necessitatis alienum Parochianum ad confessionem recipiant, vel aliquod Sacramentum

B b 3

(o) inviolabile

(p) excommunicationes

mentum conferant, nisi de obtenta proprii Sacerdotis licentia. Et hoc plebani singulis Dominicis debent subditis suis publicare.

Ex Concilio Moguntino D. Petri.

Sane gravis & clamorosa querela nostris auribus inculcatur, quod nonnulli suis iuribus & finibus non contenti, Parochianos alienos presumunt recipere temere ad Divina, contra Canonicas sanctiones, & cum dictorum Parochianorum Judices non existant, nec ligandi nec solvendi in eos acceperint potestatem, se tamen judices faciendo, in foro penitentiali periculose absolvunt & ligant pro sue libitu voluntatis, sicque ipsi, qui proprios spernunt Presbyteros, minime absolutis, illud salutiferum nostre peregrinationis viaticum (q) quod non proficit, nisi prius a criminum labe mundatis, (q) in animarum suarum, & eorum qui id non dijudicantes, indiscrete recipiunt, conferre periculum non verentur. Sicque dicti eorum Sacerdotes (qui curam recipiendo, suam pro ipsis animam obligaverunt) dum sibi taliter subtrahunt, (r) statum ignorantes ipsorum, non possunt, quod in eis egrotum est, sanare, nec consolidare infirmum, nec alligare contractum, & sic dum curationis necessaria non adhibentur remedia, invalescentibus morbis usque ad interemptionem lesio dilatatur, unde Sacerdotes nullam possunt de sic pereuntibus animabus superno judici reddere rationem; Nos sanctorum Patrum, qui Ecclesie sancte Dei, & personis Ecclesiasticis terminos, quos non licet transgredi, posuerunt, statuta considerantes, hujus sacri approbatione Concilii, universis Sacerdotibus tam Religiosis quam secularibus cujuscumque conditionis, ordinis sive status existant in Civitatibus, Diocesisbus vel Provincia Moguntina degentibus, sub debito juramenti, quod Episcopo in receptione Sacerdotii prestiterunt, & sub interminatione Divini iudicii firmiter inhibemus, ne quis alienum Parochianum (cujus cura per Episcopum, vel loci Archidiaconum, seu ejus super eo Vicarium alii est commissa) presumat excepta necessitatis causa, (que legem non habet) ad confessionem recipere, vel ad porri-

gendum ei aliquod Ecclesiasticum Sacramentum, nisi petita desuper & obtenta licentia proprii Sacerdotis. Cum certi & indubitati juris existat, talem a tali crimine solvi non posse aliquatenus, vel (s) ligari, & ex hoc ordinem Ecclesie per majores & sanctos Patres Divina providentia institutum confundi. Quod per universos plebanos singulis diebus Dominicis & Festivis coram suis plebibus precipimus publicari.

DE STATU MONACHORUM.

Eadem verba habes supra de vita & honestate Clericorum, Capitulum quarto ad finem.

Ex Concilio Fritzlarienti.

Statuimus insuper, ut in singulis Monasteriis fenestre Parlatorie duplicata habeant ferramenta. Et ut Moniales suis Prepositis & Prelatis in rebus licitis & honestis obediant, nec cuicunque alteri preter eorum licentiam sua confiteantur peccata, ipsi Prepositi sive Prelati claustra Monialium non introeant, nisi magna & evidens necessitas id exposcat.

Summarius.

Monachi & Moniales compaternitatem non contrahant. Moniales egentes ab amicis sine scitu Magistrarum suarum nihil recipiant; sed & oblata & labores earum venire debent in commune.

ex eodem Concilio quo supra.

Compaternitatem a Monachis, & Monialibus contrahi districte prohibemus, statuentes, ut si aliqua claustra Monialium ad inopiam tantam devenierint, quod ibi de proventibus Monasterii sustentari non possunt, & ab amicis panem & vinum, denarios vel aliquid hujusmodi transmittatur eisdem, non hoc prius recipiant, quam Abbatisse vel Magistre sue id significant; ut ejus arbitrio, quod de hoc, quod missum est fieri debeat, statuatur, & labores earum veniant in commune, quod & de Monachis irrefragabiliter volumus observari.

Summa-

(q) quod non proficit, usque: in animarum suarum omisit impressio A. 1509.
(r) subtrahuntur, (s) ligari impr. A. 1509.

Summarius.

Nullus Religiosus utatur vestibus alterius coloris, quam ordini suo congruat. Nullus Abbas vel Abbatissa habeat duas Abbantias. Nullus Monachus vel Monialis duo officia in Monasterio.

ex eodem Concilio.

Statuimus etiam, ut juxta Concilium proxime celebratum Monachi & alii Religiosi quilibet alterius coloris vestibus, quam eorum ordini congruat, non utantur, seu quotidiane, sive pluviales existant. Ut etiam Monasteria sanctorum Augustini, Benedicti ad observationem sue regulæ efficacius reformatur, prohibemus districte, ne quis Abbas vel Abbatissa duas habeat Abbantias, & nulli Monacho vel Moniali duo officia in Monasterio assignentur, nisi Abbatibus providentia de consensu Capituli propter evidentem necessitatem vel utilitatem Monasterii aliter duxerit ordinandum.

Summarius.

Nullus non professus vel non professa, etiam si diu in religione perstiterit, in Abbatem vel Abbatissam, vel ad officium aliquod eligatur.

ex eodem Concilio.

Nullus Monachus in Abbatem, & in aliquod officium, nisi dudum professus fuerit, assumatur. Et si qui jam aliter sunt assumpti, a suis removeantur officiis, & alii substituantur eisdem. Quod de Monialibus etiam decernimus observandum. Hoc priori Concilio in non Professorum odium adjungentes, ut cum juxta decretum Pelagii, Abbas sit a Monachis eligendus; nullus omnino non professus, quantacunque temporis diuturnitate in religione duraverit, ad electionem Abbatibus aliquatenus admittatur, nec ei valeat suffragari, sive de facto, sive de consuetudine, quod una cum ceteris Monachis ad alios tractatus Ecclesie antea sit admissus.

Summarius.

Sequens Capitulum disponit de Abbatum, Abbatissarum, Monachorum, Monialium, & Canonico Regularium, post Novitiatum Professione, proprietatibus, abdicatione, de ludis, vestibus, dormitionis & comestione lo-

cis, pellitiis, calceis, cappis, secularium habitaculis juxta Monasteria, de alterius Monasterii Monachis recipiendis, de victu, de lapsu in carnale vitium, de necessariorum administratione, de mulierculis nullam regulam, vel continentiam professis.

Ex eodem Concilio.

Novitii jam adulti, si post annum probationis in manum Abbatibus facere professionem recusaverint, de Monasterio expellantur, quod etiam de Monialibus observetur. Nullus Monachus vel Monialis in duobus Monasteriis locum habeat vel prebendam. Item quicquid Monachus vel Monialis, undecunque provenierit, acquirit: suis appropriare usibus non presumat, sed totum in communes usus Monasterii redigat. Item nullus Monachus vel Monialis proprium quid habeat, & qui proprium habuisse in morte fuerint deprehensi, Ecclesiastica careant sepultura, & qui sepulti sunt, jam exhumentur. Si quis vero ipso ad mandatum sui Prelati propriis renuntiare noluerit, de Monasterio expellatur. Ludos alearum, chorearum, scacorum, tæxillorum, annulorum & globorum Monachis & Monialibus prohibemus districte. Item Abbates & Monachi mantella & chirothecas non portent, nec pannos de nigro bruneto, vel alios preciosos. Sed quanto possunt haberi precii vilioris, juxta quod precipit regula eorundem. Abbates & Abbatissæ in communi dormiant dormitorio cum Monachis vel Monialibus suis, & in refectorio communi vescantur, nisi quenquam justa necessitas propter magnos & honestos hospites id minime observare compellat. Item Abbatibus quam Monachis vulpina pellicia & de cuniculis prohibemus, sed agninus tantum utantur. Item Monachi calceos, qui stivales dicuntur, non habeant, sed alios sue regule competentes. Item Abbates cappas rotundas ad modum Episcoporum in usu quotidiano non portent, sed cum manicis, ut eorum ordo postulat & requirit: nec ipsi nec Monachi, qui equitant, mantella deferant super cappas, quas clausas fore censemus. Hoc etiam statutum lucidius declarantes, statuimus, ut tam Monachi quam Abbates in cappis nigris equitent & rotundis, vel in habitu usitato. Insuper inhibemus distri-

districte, occasione qualibet (†) seclusa a responsione ne domos vel habitacula sua faciant juxta Monasteria Monachorum, quia frequenter ex hoc contra Monachos sinistra presumptio est exorta, nisi forte alicui persone omni suspitione carenti id de consensu & auctoritate Dicecesani Episcopi permittatur: Abbas vero, qui contra hoc fieri consenserit, gravi subjaceat ultioni. Item Abbas nullum Monachum alterius Monasterii, sine literis dimissoriis proprii Abbatis, in suo Monasterio recipere vel tenere presumat. Item Monachi carnibus in refectorio non vescantur, nisi in infirmaria, cum egrotant: Item quicumque Monachus in lapsum carnis ceciderit, de quo fuerit manifestum, ad nullam deinceps dignitatem, nec ad aliquod officium Monasterii assumatur, nisi propter manifestam emendationem, & honestam, ac religiosam conversationem ipsius, per Dicecesanum Episcopum secum fuerit misericorditer dispensatum. Eidem quoque pene subjaceat, si de hoc infamatus fuerit, nec canonice potuerit se purgare, & in poenam sui criminis de cetero ultimus sit in Choro, & in Capitulo, vocem non habeat ad aliquam Monasterii ordinationem tractandam, nisi propter emendationem manifestam, Abbatis providentia de consensu Conventus ipsum duxerit admittendum. Si vero Abbas, vel Monachus in officio constitutus, in similem lapsum ceciderit, a suo statim removeatur officio, quod & circa Præpositum fieri volumus, si de hoc infamatus fuerit, nisi canonice se expurget, (u) & nihilominus penis illis subjaceat, que de simplici Monacho superius sunt expressæ. Idem de Abbatissis & Monialibus statuimus observandum. Et hec omnia, que statuta sunt de Monacho circa continentiam, propriorum abdicationem, & similia, ad Canonicos volumus regulares extendi, licet ad esum carniū, & quedam alia, regule inserviant laxiori. Item præcipimus Abbatibus, Abbatissis, nec non aliis omnibus Monasteriorum Rectoribus, ut subditis suis secundum unicujusque Monasterii facultatem, tam in victu, quam in vestitu necessaria amministrent. Item

juxta prioris Statuti Concilii prohibemus, ne muliercule, que votum continentie emiserunt, mutantes habitum secularē, nec tamen alicui certe regule se astringentes, per vicos passim discurrant. Sed si proprie suppetant eis facultates, continenter in suis vivant domibus & honeste, si vero sunt pauperes, manuum suarum laboribus & honestis servitiis necessaria sibi quærant: Plebanis suis sint subdite, & eorundem consilio regantur.

summarius.

Nulla in Beginam assumatur, nisi quadragesimum annum exceſſerit, & probate opinionis existat.

EX EODEM.

Ad hoc, quia juvenularum Beginarum lapsus frequens & evidens, statum religionis deformat, & scandalizatur plurimos; statuimus, ut nulla de cetero in earum numerum admittatur, nisi quadragesimum ætatis sue annum exceſſerit, probate opinionis existat, sexagenarium numerum (quem scripsit Apostolus talibus assumendis) propter fragilitatem nostri temporis, ad quadragenarium numerum restringentes.

summarius.

Singuli Plebani sub pena suspensionis tribus Dominicis & Festivis diebus, Beghardos & Beguttas moneant, ut sectam suam singularem, & ab Ecclesia non approbatam derelinquant. Alioquin ex Parochiis suis sub pena excommunicationis eos ejiciant, & tales vicini Sacerdotibus denuncient.

Sectam & habitum, nec non conventicula suspitione mali non vacua BEGHARDORUM, clamantium per vicos, & plateas civitatum, oppidorum & villarum hoc vulgare (Brod durch Gott) nec non quaslibet alias singularitates a sancta Dei Ecclesia non receptas colentium reprobamus in hoc sacro Concilio, & damnamus, mandantes sub pena suspensionis universis Plebanis per civitates, Diceceses, & Provinciam Moguntinensem constitutis, ut tales Beghardos, aut (x) Bicornos publice tribus Dominicis diebus & Festivis admoneant, quos &

(†) seculares domos, reliquis vocibus omiſſis impr. A. 1509.

(u) & nihilominus, omiſſum in impresso A. 1509. usque ad: Idem de Abbatissis.

(x) Bitomos impr. A. 1509.

& nos presentibus admonemus, ut hujusmodi singularitatibus derelictis se teneant, sicut alii Christiani, (y) & quod non predicent in cameris vel aliis locis publicis vel secretis, & cum Beginis se conformantibus eisdem in moribus, habitu, & incessu. Alioquin extunc ipsos extra terminos suarum Parochiarum per excommunicationis sententiam auctoritate hujus Concilii repellere (z) non omittant, denuncientque (a) vicinis Sacerdotibus, ut tales sic repulsi in suis Parochiis non admittant. Idem de Beginis predictis pestiferis duximus statuentum.

Summarius.

Sub anathemate nullus Clericus vel Religiosus domos Beginarum ingrediatur.

Sub pena etiam anathematis prohibemus, ne Clericus vel Religiosus quispian in domum intret earundem, sed si quis ex justa causa & honesta cuicumque earum loqui voluerit, hoc in Ecclesia sub bono testimonio faciat manifeste, ne sinistra contra ipsum suspitio oriatur. Alioquin gravi subiaceat ultioni.

Summarius.

Religiosi in Cœnobiis cum secularibus convivio non faciant, neque ad convivio faciendū, neque aliis, quidquam usus suis approprient sub pena carceris octo dierum.

EX Concilio Moguntinensi.

Plerique Religiosi maxime Ordinis Sancti Benedicti non venturum convivio frequentare, seculares etiam personas ad ipsa Cœnobia pro comestationibus invitantes, ex quo non solum scandalizantur extranei, sed etiam Confratres eorum, religio dissolvitur, & honestas monastica deformatur. Cum igitur juxta Sanctorum Statuta Canonum, & Venerabilium Conciliorum Decreta, Monacho non liceat, undecunque provenierit, aliquid suis usibus appropriare privatis, Sacri approbatione Concilii talia de cetero fieri, ex quacunque causa prohibemus. Si quis autem transgressor extiterit, pro qualibet transgressione carceralem octo dierum in graviore culpa subbeat disciplinam.

Summarius.

Cujuscunque ordinis aut sexus apostate, redire volentes: a Prelatis suis sub pena suspensionis non excludantur, neque victus aut vestitus eis subtrahatur, disciplina tamen consueti & regulari puniuntur.

EX Concilio Aschaffenburgensi.

Preterea etsi contra Monachos & Moniales de suis claustris propter aliquos enormes excessus, aut animi levitate temere fugientes, & in seculo seculariter per aliquot temporum spacia conversantes, & tandem pœnitentia ducti, ad claustra, de quibus profugere presumpserunt, humiliter redire volentes, certe & varie pœne juxta qualitatem, & quantitatem excedentium a sanctis Patribus sunt statute. Quidam tamen Abbates, & Abbatissæ, ac ceteri Magistratus pœnis in sacris Canonibus, sive in sui Ordinis Regula contra hujusmodi profugas personas expressis non existentes contenti, graviore, & quasi importabiles pœnas in sui reverfione imponere non ventur. Vel (quod deterius est) easdem personas quantumcunque humiliter postulantes, ad sua claustra, a quibus taliter exiverint, admittere inhumaniter contradicunt. Cum igitur juxta Sanctorum Canonum diversas auctoritates, pene non ampliande, sed potius sint (b) laxande, & longe sit securius de misericordia, quam de crudelitate reddere rationem. Cum & Dominus per os Prophete pollicitus sit, sic dicens: *Pecator (c) in quacunque hora conversus fuerit, & ingemuerit, omnium iniquitatum suarum amplius non recordabor*: Nos advertentes, quod ubi Pater familias largus dispensator existit, non decet famulum esse tenacem, ut peccandi materia, & occasio personis talibus precludatur, provida deliberatione hujus sacri Concilii decrevimus statuendum: Et sub pena suspensionis universis Abbatibus, Abbatissis, & ceteris monasticis Magistratibus, cujuscunque ordinis aut conditionis existant, aut quocunque nomine appelletur, injungimus firmiter & districte, ut suis fratribus & sororibus in apostasie labem ex quacunque causa prolapsis, defi-

(y) Hæc absunt ab impr. A. 1509. usque ad Alioquin.

(a) Hic sensus abest usque ad Idem de Beginis.

(c) Ezechiel. XXXIII, 12.

(z) repellentes, non admittant.

(b) credo: restringendæ,

desiderantibus ac petentibus cum humilitate ac devotione regressum, finem misericordie (quem alma mater Ecclesia claudere nulli pœnitenti consuevit) more pii Patrisfamilias, qui filium primo prodigum, & postmodum pœnitentem paterne recepit, liberaliter studeant aperire, ita, quod huiusmodi personas redire ad sua claustra volentes, quantumcumque graves fuerint earum excessus vel enormes, juxta cujuslibet Ordinis disciplinam, sive regulam, & consuetudinem observatam, sine qualibet contradictione recipiant & admittant, ita tamen, quod propter eorum excessus, nec victus nec vestitus subtrahatur eisdem, sed alias, sicut prediximus, regulariter puniantur. Alioquin predictam suspensionis sententiam per Ordinarios locorum, seu Officiales eorum in omnes contradictores procedente tempore, juxta quod eorum protervia meruerit, precipimus promulgari.

DE CAPELLIS MONACHORUM.

Summarius.

Episcopi & Archidiaconi sine consensu Capituli Ecclesie Cathedralis; consensum non present Hospitalariis, & aliis Religiosis, ad Ecclesiarum incorporationem.

EX Concilio Fritzlarienti.

Renovantes etiam Concilium, quod novissime celebratum fuit, firmiter prohibemus, ne Episcopi vel Archidiaconi concessionibus Ecclesiarum, que (d) sunt Templariis, Hospitalariis, & aliis Religiosis, cujuslibet approbationis consensum ullo modo exhibeant, nisi requisito & habito prius consensu Capituli Ecclesie Cathedralis. Aliter concessionibus huiusmodi sive factas, sive de cetero faciendas, vires decernimus non habere.

Summarius.

Religiosi Ecclesias suas per seculares Presbyteros faciant inofficiari.

EX Concilio Moguntinensi.

Ad hec cum Religiosi quidam aliqui per Fratres sui Ordinis officiant Ecclesias sibi unitas; & id fratribus ipsis sit dissolutionis occasio, quia iidem eo promptiores sunt ad lubricum, quo ex religioso titulo se autumant exemptos,

ac Prelati eorundem per Archidiaconos tales corrigi minime patiantur, sed quasi pro Ordinis (e) scandalo vitando ipsos ad domos suas revocant, vel ad alias Parochias mittunt illos, auctoritate huius sacri Concilii hoc duximus annectendum, ut Religiosorum Ecclesie non per Fratres eorum officientur, sed per Clericos seculares, ut saltem de reliquiis, qui de mensa Religiosorum ceciderint, sustentari valeant pauperes Sacerdotes, qui in vituperium nostri (f) misterii publica egestate laborant, ita quod sint verissima illa verba Hieronymi dicentis in Canone: *Mendicat infelix Clericus in plateis.*

DE JURE PATRONATUS.

Summarius.

Tam Clericus, quam laicus a jure presentandi ea vice suspenditur, sed & excommunicetur, qui Rectore defuncto dotem & Ecclesiam in mobilibus vel immobilibus spoliat, eandem autem Ecclesiam tunc Archidiaconus, aut eo negligente, Superior conferat.

EX Concilio Moguntino D. Petri.

Ad extirpandam illam detestabilem corruptelam quorundam Patronorum Ecclesiarum, qui Rectoribus eorum defunctis spoliant dotem, & Ecclesiam omnibus rebus mobilibus, & interdum immobilibus, in salutis proprie dispendium & scandalum plurimorum, statuimus, ut si Clericus, sive laicus hoc facere presumpserit, sit a jure presentandi ea vice suspensus, [g] & loci Archidiaconus, & si ipse negligens fuerit, Superior, Ecclesiam conferat ipsa vice. Uterque autem excommunicetur, & artius evitetur, donec cum debita satisfactione restituat sic ablata.

Summarius.

Ecclesiarum Advocati, & Patroni, si aliud, quam quod eis ab antiquo debebatur, ab Ecclesiis, aut Clericis decedentibus diripuerint, & post trinam monitionem non restituerint, Advocati a jure Advocatie, Patroni vero a jure Patronatus & presentandi cadunt ipso facto, quod Ordinarii cum invocatione auxilii secularis districtissime exequantur.

EX Concilio quo supra.

Quia plerique Advocati ecclesiarum suis

(d) fuerint impr. A. 1509.

(f) ministerii impr. A. 1509.

(e) fama tegenda, loco scandalo vitando

(g) Reliqua usque ad debita satisfact. absunt ab impr. 1509.

suis terminis non contenti, ultra pensio-
nem, & redditus seu proventus ab anti-
quo eis deputatos, diripiunt & usurpant
sibi bona & res dictarum Ecclesiarum,
propter quod spiritualia, que sine tem-
poralibus consistere non possunt, dictis
Ecclesiis subtrahuntur: Statuimus, ut si
post trinam monitionem de restituendis
hujusmodi ablatis factam, predicti non
restituunt, nec satisfaciunt, ut tenentur,
extunc ipso facto a jure Advocacie de-
cernimus predictos cecidisse. Idem contra
Patronos Ecclesiarum, qui bona Cle-
ricorum decedentium sibi usurpant, con-
tra Statuta LUGDUNENSIS CONCILII, ut
a jure Patronatus ac presentandi cadant,
& hoc statutum per locorum Ordinarios
districtissime (invocato adhuc, si opus
fuerit) auxilio brachii secularis, decer-
nimus exequendum.

DE CONSECRATIONE ECCLESIE,
VEL ALTARIS.

Summarius.

*Ecclesiam violatam, nemo, quam Episcopus
reconciliare potest.*

EX Concilio Fritzlarienti.

Et quia de Ecclesiarum reconcilia-
tione dubitari consuevit a multis, *presen-
tis auctoritate Concilii* declaramus, quod
Ecclesia violata per alium, quam per
Episcopum reconciliari non possit, cum
ea, que sunt Episcopalis ordinis, non
nisi Episcopo valeant demandari.

DE CELEBRATIONE MISSARUM.

Summarius.

*Sub Missa animarum solenni alie pro defunctis
non celebrentur, nisi submissa voce. &
sine nota.*

EX Concilio quo supra.

Auctoritate quoque presenti distri-
ctius prohibemus, ne aliqui Sacerdotes
in Ecclesiis vel Parochiis infra Missam
animarum splendens, Missam celebrent
pro defunctis, nisi rogati fuerint a de-
functi parentibus & amicis, & tunc
tamen vel plures celebrent submissa voce
& sine nota.

Summarius.

*Sacerdotes in Sacramentis ministrandis, &
aliis Divinis Officiis, induantur superpelli-
tis, que penes altare reserventur.*

EX Concilio quo supra.

Ut Sacramenta Ecclesie mundius &
reverentius ministrentur, *priori Concilio*
inherentes, statuimus, ut Sacerdotes
Baptismum, Oleum infirmorum, seu
Viaticum ministrantes, camisiis albis, vel
superpelliciiis sint induti, que penes al-
tare reserventur, & in eundo, & re-
deundo, cum infirmos visitant, (b) pa-
riter & in Missa eis utantur.

Summarius.

*Novi Sacerdotes convivium per se vel alios in
primiciis non procurent, ante tamen vel post
octo dierum spacio interposito, amicos,
sine tamen insolentis convocare
possunt.*

EX Concilio Moguntinensi D. Petri.

Predecessorum nostrorum ducti ve-
stigis statuimus, inhibentes sub poena
suspensionis, quam in omnes temerarios
transgressores hujus *Sacri approbatione
Concilii* decernimus proferendam, ut nul-
lus Sacerdotum novitiorum, illa die,
qua celebrare debuérat, primam Missam,
in exordio publicationis sacratissimi sui
officii, oblaturus Deo primitias gratie ac
salutis sibi collate, aliquos ad convivium
iuvitare, aut invitatos habere, aut pro-
curare per se vel per alium ullo modo
presumat, sed ad solum Deum (cujus
militie est adscriptus) dirigat aciem sui
cordis, maxime die illa devotus, curis
& sollicitudinibus temporalium, quibus
mentes hominum distrahuntur, exutus,
remotis vanitatibus, histrionum curi-
bus, tumultibus, & insolentis reprobo-
rum, qui etiam sepe venire assolent non
vocati. Si quis autem ante vel post
(i) octo pluriumve dierum spacio inter-
medio, amicorum honestam convoca-
tionem habere voluerit, illud absque
histrionum tumultibus fieri non veta-
mus.

DE

(b) portent, *impr. A. 1509.*

Tomus IV. Concil. German.

(i) duorum triumve dierum *impr. A. 1509.*

DE BAPTISMO, ET EJUS EFFECTU. DE OBSERVATIONE JEJUNIORUM.

Summarius.

In baptizandis pueris formam Baptismi, & ipsi Sacerdotes in latino fideliter observent & doceant laicos in suo idiomate rite observare, posseque in necessitate pueros a parentibus baptizari, verum tunc de observata forma fideliter inquirent, quam si servatam invenerint, factum approbent, ungantque pueri pectus & scapulas oleo, verticem autem Chrismate: sin minus, tunc rite baptizetur puer a Sacerdote.

ex Concilio Fritzlarienti.

Baptismus cum summa reverentia celebretur, maxime in distinctione & prolatione verborum, in quibus Sacramenti virtus consistit: his scilicet verbis: *Ego baptizo te in nomine Patris, & Filii, & Spiritus Sancti.* Doceant etiam Sacerdotes tam mares quam foeminas in necessitate debere parvulos baptizare eadem forma in suo idiomate, & quod patres & matres proprios infantes, si summa necessitas exigat, poterunt baptizare. Et si Sacerdotes super hoc diligentius requirentes, debitam formam in Baptismate observatam invenerint, quod factum est, approbent, suppletes circa baptizatum, quoad unctiones olei in pectore & in scapulis, & Chrismatis in vertice, quod a laicis est omisum. Si autem in Baptismate debitam formam non invenerint observatam, non differant pueros baptizare.

DE CUSTODIA EUCHARISTIE.

Summarius.

Ecclesiastica Sacramenta fideliter sub clavibus custodiantur, corporalia, palle, vasa sacra, & Ministrorum vestimenta munda serventur.

ex eodem, quo supra.

Item statuimus, ut in cunctis Ecclesiis Baptismus, Oleum, Chrisma, & Eucharistia sub fidei custodia clavibus adhibitis conserventur, ne possit ad illa manus temeraria extendi. Palle quoque altaris, vasa & corporalia, & vestimenta Ministrorum munda & nitida conserventur. Nimis enim videtur absurdum in sacris sordes negligere, que non decent etiam in prophanis.

(k) ordinandis *impres. A. 1509.*

summarius.

Adukti & discreti Statuta ab Ecclesia jejunia neque infringant, neque cum votivis commutent.

ex Concilio Fritzlarienti.

Ad huc etiam prohibemus, ne quis aditus pariter & discretus ordinaria & Statuta jejunia, ut Quadragesime, quatuor Temporum, & Vigiliarum presumat infringere. Nec hujusmodi necessaria jejunia pretextu votivi & extraordinarii jejunii violent, cum tale damnum tali lucro Deus nolit compensari, inherentes etiam priori Concilio pravam quorundam consuetudinem reprobamus, qui sextam feriam violant, sabbato, quarta feria vel alia die hebdomadali jejunantes, hoc de cetero fieri hujus auctoritate Concilii reprobamus & firmiter prohibemus.

DE ECCLESIIS EDIFICANDIS. (k)

Summarius.

Quisquis sine Diocesani Episcopi consensu, & primaria lapidis Benedictione Ecclesiam novam fundaverit, aut fundatam transfulerit, Ecclesiasticus ab officio suspendatur, laicus autem ad satisfactionem usque excommunicetur. Altaria superflua tollantur, neque novum Altare fiat, nisi cum Episcopi consensu dotetur.

ex eodem Concilio quo supra.

Prohibemus etiam, ne Religiosi vel quilibet alii Ecclesias de novo fundare vel fundatas transferre, sine Episcopi Diocesani licentia & sine primaria lapidis benedictione presumant, aliter fundata Ecclesia diruatur, & is, qui fundavit, si Clericus existat vel Monachus, ab officio suspendatur. Alia pena nihilominus juxta superioris arbitrium puniendus. Si laicus existat usque ad satisfactionem condignam, excommunicationis vinculo innodetur. Item Altaria superflua per Ecclesias Parochiales omnino tollantur, (l) cum singulis Ecclesiis non Conventualibus, ad plus tria sufficiant. Nec Altare aliquod de novo fiat, nisi Episcopo permittente. Nec tunc etiam, nisi eidem Altari tantum in proventibus assignetur, ut saltem luminaria ultra victum ministri habeant competenter.

Summa-

(l) omisum usque: Nec altare.

Summarius.

Saffraganei sive Episcopi aliorum in Pontificalibus Vicarii sine speciali suorum Episcoporum licentia Ecclesiam ullam, aut Oratorium non dedident. In quorum etiam assumptione caveatur, ne Parochiali Ecclesie, sub qua manebunt, sint nocumento, & sciant se ex generali sibi data commissione, nullam dispensandi, ligandi aut solvendi in Diœcesanorum subditos, nisi nominatim exprimat, habere potestatem.

ex Concilio Moguntino.

Inhibemus, ne Religiosi vel alii quilibet Ecclesias de novo fundare vel fundatas transferre &c. (m) Cum igitur ex hoc, quod aliqui in civitatibus, oppidis, villis, & interdum in rure vel nemore se passim receptantes, Ecclesias, Oratoria construant & Capellas, quas abinde postmodum recedentes, desolatas dimitunt, loca sacra contingat sepius prophanari: auctoritate *sacri Concilii* duximus statuendum, quod nullus ex Episcopis istis, qui interdum in consecrationibus Ecclesiarum vices Diœcesanorum exercent in locis de novo fundatis, vel fundandis, Ecclesiam, Oratorium, dedident seu Capellam, aut lapidem primarium ponant, nisi de Diœcesani licentia speciali, ut juxta provisionem *Prioris Concilii*, ad taxationem Diœcesani sacre Domui provideatur de dote & lumine competenti, nam talibus recedentibus ea facilitate, qua veniunt, loca sacra desolari & prophanari contingat. Et ob hoc etiam, quod antequam adventantes: (n) de novo firmiter in loco, Diœcesani providentia precaveat, ne Parochiali Ecclesie (infra cujus terminos se recipiunt) sint successu temporis nocumento. Ad hec illis Episcopis, qui vices Diœcesanorum in consecrationibus gerunt, prohibemus expresse, ne generalis commissionis pretextu, aliquas Conventuales Ecclesias dedident quoquo modo, vel in eis primarium lapidem ponant: nisi eis hoc a Diœcesano specialiter committatur. Interpretatione congrua declarantes, quod iidem Episcopi ratione commissionis hujusmodi, cum Diœcesanorum subditis dispensandi, ligandi & solvendi eosdem in manifestis casibus vel occultis, nullam obtine-

ant potestatem, nisi Diœcesanus eis hoc duxerit specialiter concedendum.

Summarius.

Solus Episcopus primarium lapidem benedicere & locare, aut hec alteri Episcopo demandare debet.

ex Concilio Fritzlarensi.

Hoc presentis auctoritate Concilii declarantes, quod Episcopus primarium lapidem benedicere, & in fundamento locare in persona propria teneatur, nec benedictionem lapidis, nec positionem ejusdem debeat alii, quam Episcopo demandare.

DE IMMUNITATE ECCLESiarUM,
CIMITERII ET RERUM AD EAS
PERTINENTIAM.

Summarius.

Ecclesias incastellantes & ob hoc ejectis mortuorum ossibus cimateria perfodiennes, ipsorumque auxiliarii, & consultores sunt excommunicati, eorum etiam loca, omnia domicilia & receptacula cum talibus Ecclesiis interdicuntur, sed & eorundem familie Sacramenta subtrahuntur, Ecclesiastica sepultura negatur, donec munitio demoliat.

ex Concilio Moguntinensi.

Excommunicamus etiam & anathematizamus omnes, qui dedicatas Deo Ecclesias ausu sacrilego prophanantes, faciunt munitiones de ipsis, & ad firmandum eas, (o) profodiunt cimiterium, ossibus mortuorum ejectis, omnes quoque adhibentes operam, consilium vel juvamen decernimus excommunicationis sententie subiacere. Ecclesias etiam taliter prophanatas, & nihilominus omnia illa loca, in quibus auctores, aut opem, consilium, operam, vel juvamen prestantes, habent domicilia vel receptacula, subicimus exnunc Ecclesiastico interdicto. In graviores etiam penam (p) subtrahantur eorum familie Sacramenta, Ecclesiastica careant sepultura, donec cum debita satisfactione munitio destruat.

(m) intendant impr. A. 1509.

(o) perfodiunt impr. A. 1509.

(n) advenientes de novo firmentur in loco. impr. 1509.

(p) omissam in impr. A. 1509. usque ad Ecclesiastica.

Summarius.

Ordinarii per Ecclesiasticas precaveant censuras, ne a spiritualibus personis pedagia, telonea, & alie hujusmodi angarie contra libertatem longo tempore obtentam injuste extorqueantur, extorte ut restituantur.

EX Concilio Moguntinensi.

Preterea, quia quidam a personis Ecclesiasticis contra libertatem earum & approbatam consuetudinem ex antiquis obtentam temporibus, ab eis pedagia & telonea interdum extorqueant injuste, tales ad abstinendum ab hujusmodi eorum angariis, & ad restituendum sic extorta injuste, per Ordinarios suos monitione premissa per Ecclesiasticam cogantur censuram.

Summarius.

Irrita sunt Statuta & consuetudines, que edite sunt vel servantur a quocunque contra Ecclesie, aut Ecclesiasticorum libertatem judicantes, aut secundum eas, inhabiles sunt ipso facto ad omnem legitimam actum in Ecclesia Dei.

EX Concilio Aschaffenburgensi.

Ad hec sacro approbante Concilio irritamus & irrita nunciamus omnia statuta & consuetudines, que civitates vel loca, potestates, consules, vel quecunque alie persone contra libertatis Ecclesie, aut personas Ecclesiasticas edere vel servare contra Canonicas sanctiones presumpserint, & easdem a suis Capitulariis mandamus infra duos menses post hujusmodi publicationem statuti penitus aboleri, & (o) similia de cetero attentaverint, ipso jure decernimus esse nulla. Potestas vero & omnes Statutarii ipsorum locorum, & qui secundum statuta, & consuetudines memoratas judicaverint, extunc inhabiles ad omnem sint in Ecclesia legitimum actum, salvo nihilominus penis aliis contra tales in generali Concilio promulgatis.

(o) si *impres. A. 1509.*

(g) novas exactiones

(x) Ecclesie, loco; etiam

Summarius.

Quisquis Ecclesiis, piis locis, vel personis Ecclesiasticis collectas, exactiones, vel angarias imposuerit, vel bona Ecclesiastica invaserit, nisi satisfecerit, quadruplum refundat.

(p) Item statuimus, ut quecunque civitas vel communitas, persona publica, vel privata, collectas, sive exactiones, angarias sive perangarias Ecclesiis, vel aliis piis locis aut Ecclesiasticis personis imposuerint, vel bona Ecclesiastica invadere presumpserint, quadruplum refundant, si requisiti contempserint emendare.

Summarius.

Jurisdictionem Ecclesiasticam impedire, & emunitatem sacrorum locorum infringere vel violare nemo presumat.

Jurisdictionem Ecclesiasticam (preterquam per vias a Canonibus indultas) nullus attentet aliquatenus impedire & Ecclesiarum & aliorum locorum emunitatem haftenus de jure vel de consuetudine obtentam infringere, aut aliquid violare.

Summarius.

Ungeltam communitas nulla instituat, institutam deponat, verum venalium mensuras non immutet, servorum autem & mancipiorum Ecclesie decedentium jura, quibus debentur, permittat.

Novas etiam (g) exactiones (que vulgo UNGELT dicuntur) nulla civitatum instituat, & ab institutis post hujusmodi edicti publicationem infra mensem desistat, nec (r) mensuras rerum venalium ab antiquo servatas & a fidelibus approbatas minuere vel immutare presumat. De servis & mancipiis Ecclesiarum in civitatibus residentibus post eorum servorum mortem, (s) etiam debita jura, quorum servi & mancipia fuerunt, recipere minime prohibeantur.

Summarius.

Nemo Ecclesias, Ecclesiasticorum bona, jura, jurisdictiones, aut eorum vasa violenter occupet, invadat, vel ad hoc auxilium, consilium,

(p) Caput totum omissum in *impr. A. 1509.*

(r) usuras, loco; mensuras

vel favorem per se vel per alium preſtet. Occupata niſi infra menſem reddiderit, ſit ipſo factō excommunicatus. Nullus etiam laicus ſub anathemate debet decedentium Clericorum peculium occupare.

Inſuper ſtatuiſmus, ut nulla perſona quacumque nobilitate, aut preeminentie ſtatu prefulgeat, Eccleſias, aut Eccleſiaſtica bona, jura, juridiſctiones, & vaſallos eorum violenter, aut auctoritate propria publice occupare, aut occupando invadere, vel ſcienter occupantibus Eccleſias & bona predicta preſtare preſumat quomodolibet per ſe, vel per alium aut alios, conſilium, auxilium vel favorem, & niſi inſram menſem Eccleſie leſe vel Prelato ipſius damnum illatum emendaverit, ipſo factō ſit anathematis vinculo innodatus. Decedentium etiam Clericorum peculium occupare, vel (†) occupantium detinere, omnibus laicis ſub anathematis pena, ex nunc prout ex tunc in ipſos lata diſtrictius inhibemus.

LIBER QUARTUS.

DE SPONSALIBUS ET MATRIMONIIS.

Summarius.

Matrimonium in conſpectu Eccleſie reverenter celebretur, ſed ante ejus contrahendum, fiat in Eccleſia per Presbyteros tribus Dominicis vel Feſtivis proclamatio de impedimentis ſub pena excommunicationis, ſi quibus conſtitit revelandis. Impedimentum autem celantes, poſtea neque ad accuſationem, neque ad teſtimonium contra matrimonium admittantur.

Ex Concilio Eritzlarienſi.

Matrimonium, ſecundum quod in Concilio noviffime celebrato, ſtatuitur cum omni reverentia & honore in conſpectu Eccleſie celebretur. Et cum matrimonium fuerit contrahendum, per Presbyteros in Eccleſiis tribus Dominicis & Feſtivis a ſe diſtantibus publice proponatur, ut ſi quoddam impedimentum contrahendi matrimonium noverint aliqui, illud inſtra terminum competentem ab ipſis Presbyteris preſigendum in facie Eccleſie ſine difficultate revelent. Excommunicationis quoque ſententia in genere proferatur in omnes hujusmodi impedimentum celantes, a qua ſine ſatisfactione

debita nullatenus abſolvantur. Et ſi qui tempore hujusmodi denuntiationis preſentes fuerint, & impedimentum celaverint, poſtmodum nec ad accuſationem, nec ad teſtimonium contra ipſum matrimonium admittantur.

Summarius.

Nullus Sacerdos, etiamſi Plebanus ſit vel Archi-Presbyter, cauſas matrimoniales audire debet.

Ex eodem Concilio quō ſupra.

Cauſas matrimoniales nullus Sacerdos, Archi-Presbyter, vel Plebanus (ſine ſpeciali mandato Episcopi) audire preſumat, aliter ejus ſententia vel proceſſus nullam obtineat firmitatem, & ipſe tranſgreſſor duriffime puniatur.

DE COGNATIONE SPIRITUALI.

Summarius.

Nullus a Sacerdote baptizatus poteſt cum ejusdem Sacerdotis filia matrimonium contrahere.

Item Statuta Canonum, in quibus eſt provide ordinatum, ut nullus baptizatus a Sacerdote cum (u) eadem Sacerdotis filia audeat matrimonium contrahere, cum inter talem baptizatum & Sacerdotis filiam ſpiritualis fraternitas generetur, firmiter precipimus obſervari.

Summarius.

Ad Baptiſmum & Confirmationem unus tantum Patrinus aſſumatur.

Statuimus (x) ut unus tantum ſumatur Patrinus in Sacramento baptiſmatis & confirmationis, ad impedimenta matrimonii precavenda.

DE SIMONIA ET NE ALIQUID PRO SPIRITUALIBUS EXIGATUR.

Summarius.

Ordinandus cautionem vel promiſſionem de non petendo ab Ordinatore beneficio, quia ſimoniacum eſt, non interponat.

ex Concilio Aſchaffenburgenſi.

Nullus quoque ordinandus de non (y) petendo Beneficio ab Ordinatore ſive Prefenatore ipſius cautionem vel promiſſionem aliquam interponet, quia hoc ſimoniacum eſt, & contra Canonicaſ ſanctiones.

Sum-

(†) occupatum
(y) non, abeſt.

(u) ejusdem impr. 1509.

(x) Hoc Capitulum abeſt ab impr. A. 1509.

Summarius.

Pro Eucharistia, Oleo infirmorum, Baptismate, Chrismate, Oleo sancto, Sepultura, & aliis Sacramentis ministrandis sponte quædam oblata licet, quomodolibet vero exacta munera sub pena excommunicationis recipere non licet. Qui vero taliter in Synodo convictus fuerit, si Vicarius est, omnino ab Archidiaconatu amoveatur. Si autem Pastor ab Officio & Beneficio, donec ab Episcopo super eo dispensationem obtinuerit, suspendatur.

Et Sacerdos, qui interea Ecclesie deservit, singulos ejusdem proventus recipiat.

ex eodem Concilio, quo supra.

Verum, quia aliqui Sacerdotes ex simplicitate, sive juris ignorantia, quidam ex avaritiæ vicio (quod fere omnium oculos excecavit) dum Eucharistiam, Oleum (z) sanctum, Sepulturam, aut alia Sacramenta Ecclesiastica suis subditis administrant, pretium extorquent ex ipsis, pro sui erroris & reatus defensione, longam illius loci consuetudinem pretendentes, nec advertentes, quod diuturnitas temporis peccatum non diminuit sed augmentat. Nos inherentes Concilio Turonensi, quod hujusmodi consuetudinem maxime detestatur, ne pro hujusmodi aut aliquibus Sacramentis conferendis aliqua de cetero munera quantumcumque modica per Prelatos vel Sacerdotes a suis subditis (tamquam debitum) exigant, sub pena excommunicationis sententie jam latæ, de approbatione hujusmodi sacri Concilii districtissime prohibemus: nisi munera hujusmodi sponte & charitative a Christi fidelibus offerantur Archidiaconis, & eorum Officialibus, sub eadem pena firmiter injungentes, ut in singulis Synodis sive Capitulis, quibus solent Clerici convenire, de hujusmodi vicio inquisitionem faciant specialem, & quos in eodem per probationes legitimas inveniunt laborare: si Vicarii fuerint, ipsos sine omni spe restitutionis a suis Archidiaconatibus amoveant: Pastores vero ab Officiis & Beneficiis tandiu suspendere non omittant, donec super hujusmodi simoniaca pravitate cum ipsis per suos Episcopos fuerit dispensatum. Predicta verò suspensione Pastorum durante Archidiaconi de redditibus Beneficiorum nihil percipiant eorundem, sed Sacerdo-

tes idoneos in Ecclesiis constituent taliter suspensionem percipiant, & in suos usus convertant universos redditus Ecclesiasticos ipsis Pastoribus competentibus, (a) dignum enim est, ut qui Altari servit, vivere debeat de Altari, sed & illi proventus Ecclesiastici merito subtrahuntur, cui Ecclesie communio denegatur.

DE JUDÆIS.

Summarius.

Judæi per excommunicationem, Christiani autem communitatum Rectores per Divinorum cessationem compellantur efficere, ut Judæi habitum & signa, quibus a Christianis internoscantur, publice gerant, Dignitates vel Officia publica & mancipia Christiana non habeant, visus etiam in parascève in plateis Judeus, aut per ostium sive fenestram prospiciens, Diacono marcham argenti tenetur. Que omnia Rectores Parochiarum sub pena excommunicationis in locis ubi Judæi morantur, singulis Dominicis post singulas quatuor angarias publice populo insinuabunt.

ex Concilio Aschaffenburgensi.

Licet enim in generali Concilio providè fuerit statutum, ut uterque sexus, de gente Judeorum in omni Christianorum provincia signum (b) publice deferre debeat (c) quo a populo Christiano manifesti distingui valeat & discerni, fuitque adjectum & salubriter provisum in Concilio memorato, ut in diebus Dominice Passionis in publicum prodire non debeat gens prædicta, sed in suis se continere domibus, clausis ostiis & fenestris, ne sicut in eodem Concilio tangitur, Christianis, quo sacratissime Passionis memoriam exhibentes lamentationis signa pretendunt, illis diebus ab eodem populo Judeorum illudatur. Licet etiam alias in sacris Canonibus prohibitum inveniat expresse, ut Judei nec publica officia, nec aliquas seculares dignitates habeant, aut in suis domibus & servitiis mancipia teneant Christiana. Quia tamen nec contra Judeos in predictis prohibitis casibus contrarium facientes, nec contra Christianos potentes (ipsos sine distinctionis signo vel habitu in suis terminis tolerantes, aut publicis officiis vel secularibus dignitatibus præficientes eosdem, certa

(z) Oleum infirmorum & Baptisma,
(b) vel habitum

(a) competentes
(c) frequenter abest.

certa & sufficiens pena in Canonibus reperitur) considerantes, quod facilitas venie incentivum tribuat delinquendi, & plus solet timeri, quod specialiter precipitur, quam quod generaliter imperatur; de multa deliberatione & unanimi approbatione hujus sacri Concilii irrefragabiliter duximus statuendum, ut in universis civitatibus, oppidis, castris, & villis Civitatis, Diocesis, & Provincie Moguntine gens Judæorum utriusque sexus infra duos menses post publicationem hujus statuti, talia signa & habitum (quibus sine qualibet ambiguitate a Christiano populo distinguatur) sibi eligat & deferat manifeste, dignitatesque seculares & officia publica, quibus de gente prefata forte aliquis preest, & mancipia Christiana, prorsus dimittat. Alioquin in omnibus locis, ubi Judæi huic sacro & salubri Concilio in hac parte obedire nolentes habitare, vel domicilia obtinere noscuntur, in pœnam Christianorum potentum, tamdiu cessetur ab Officiis Divinorum, donec per Principes, Potestates, & Nobiles Christianos, in quorum territorio predicta gens conversatur, ad observationem premissorum omnium compellatur. (d) Ipsi autem Judæi per locorum Diocesanos indirecte per subtractionem communionis fidelium excommunicationis sententia percellantur. Si quis vero de gente predicta in die Parasceves visus fuerit in plateis, vel per ostium ac fenestram sue domus prospicere, ad quod probandum duorum Christianorum stabitur juramento, idem loci Diocesano in marcha argenti pœne nomine teneatur, ad cujus solutionem reus, & omnes defendentes eundem, per excommunicationis sententiam compellantur. Et ne quis Christianus aut Judæus hujus statuti ignorantiam valeat allegare, universis Parochiarum Rectoribus per Moguntinensem Civitatem, Diocesem, & Provinciam constitutis, in quorum Parochiis Judæi morantur, sub pœna excommunicationis in quoslibet transgressores, auctoritate presentis Concilii, exnunc late precipimus firmiter & districte, ut quilibet in sua Parochia singulis Dominicis diebus,

(e) singula quatuor tempora immediate subsequencibus, infra Missarum solennia, publice prefatum statutum lingua materna exponere non omitat.

Summarius.

Per excommunicationis sententiam, & exclusionem commercii Judæorum cum aliis Christianis, prohibeantur Christiani in domibus Judæorum, & cum Judæis habitare.

ex Concilio Moguntino D. Petri.

Item cum in sacro Concilio olim sacratissime sit statutum, ne Judæi sub alendorum puerorum obtentu, nec pro servitio, nec pro qualibet alia causa, Christiana mancipia habere permittantur in domibus suis. Et quod excommunicentur Christiani, qui cum ipsis presumpserint habitare, cum ipsi propter continuam conversationem & assiduam familiaritatem ad suam superstitionem, & perfidiam execrabilem, (f) incontinentium possint simplicium Christianorum animos de facili inclinare. Nos, qui Dei injurias graviter portamus, hujus Canonis auctoritate statuimus, ut omnes Christiani nostre Provincie sub quocunque pretexto domos Judæorum inhabitantes, infra duos menses post publicationem hujus statuti, de Judæorum domibus, nunquam postmodum reversuri, recedant. Alioquin Christiani contrarium facientes per sententiam excommunicationis percellantur, & alii Christiani tamdiu a Judæorum familiaritate & commercio coerceantur, quamdiu Judæi hujusmodi Christianos in domibus suis presumpserint retinere.

DE HERETICIS.

Summarius.

Omnes heretici sive laici, sive Clerici, sunt excommunicati, qui primo ab Ecclesia per sententiam damnantur, & deinde a seculari judicio puniuntur, Clericis tamen prius ab Ordinibus degradatis.

ex Concilio Frizlarisiensi.

Excommunicamus & anathematizamus (g) omnes hereticos, quibuscunque

(d) Hoc comma usque: Si quis. abest a Mogunt. impr. A. 1509.

(e) Hoc incisum, singulis quatuor: usque: infra Missarum. non est in impr.

(f) incontinentium abest.

(g) ante omnia universos

que nominibus censeantur, facies quidem habentes diversas, sed caudas ad invicem colligatas, quia de vanitate conveniunt in idipsum. Dammati vero per Ecclesiam, seculari iudicio relinquuntur, animadversione debita puniendi, Clericis prius a suis Ordinibus degradatis.

Summarius.

Christiani ad Iudaismum transeuntes, vel redeuntes, heretici reputantur.

Statuimus, imo Statutum BONIFACII publicamus, ut contra Christianos, qui ad ritum transiverint, vel redierint Judeorum, etiam si huiusmodi redeuntes, dum erant infantes, aut mortis metu, non tamen precise (b) coacti baptizati fuerint, tanquam contra hereticos, si fuerint de hoc confessi, aut per Christianos vel Judæos convicti, & sicut contra fautores, receptatores, & defensores hæreticorum, ita contra fautores, receptatores, & defensores talium per locorum Ordinarios procedatur.

DE RAPTORIBUS.

Summarius.

Sub Archi-Diaconatu, ubi Clericus captus vel detentus est, cessetur a Divinis, infra loca autem, ubi tales captivatores & eorum adiutores domicilium, jurisdictionem, vel receptaculum habent, interdictum servetur.

ALEXANDER EPISCOPUS, SERVUS SERVORUM DEI, Dilectis Filiis, Capitulo, & Clerico civitatis & Diocesis Moguntinensis salutem & Apostolicam Benedictionem. His, qui ab Ecclesiarum Prelatis pro ipsorum utilitatibus & defensione libertatis Ecclesiastice provide statuuntur, digne adjicimus Apostolici muniminis firmitatem, ut intemerata consistant, cum nostro fuerint presidio communita. Significastis quidem Nobis, quod bone memorie GERHARDUS, Archi-Episcopus Moguntinensis, attendens, quod per statuta bone memorie SIFFRIDI Archi-Episcopi Moguntinensis Predecessoris sui, auctoritate Apostolica edita contra illos, qui Prelatos & Canonicos Moguntinensis Civitatis & Diocesis ausu sacrilego capere, & detinere captivos contra libertatem Ecclesiasticam presumebant,

non fuerat sufficienter eorum maliciis obviatum: Et volens contra tante iniquitatis malum salubriter providere, diligenti meditatione prehabita, de sui Capituli, nec non Archi-Diaconorum, aliorumque Prelatorum earundem Civitatis, & Diocesis consilio & assensu statuit, & ordinavit, ut in terminis Archi-Diaconi illius, ubi Prelatum vel Religiosum aliquem, seu Clericum in sacris Ordinibus constitutum, & pro Clerico se gerentem capi, vel detineri constiterit, eo ipso cessetur ab Officiis Divinorum: Statuit insuper & etiam ordinavit, ut in omnibus locis, in quibus Clericorum captivatores, & eorum complices, qui eis in huiusmodi maleficio consilium vel auxilium presterint, domicilium, seu jurisdictionem de facto, vel de jure obtinerent, in illis quoque locis, ubi tales receptacula habuerint, infra easdem Civitates & Dioceses servetur strictissime interdictum, ita videlicet, ut corpora mortuorum ad sepulturam Ecclesiasticam nullatenus admittantur: Et si forte in Ecclesiis vel Cimiteriis per abusum laicalis potentie huiusmodi corpora tumulari fuerint, in eis prefatum interdictum, nisi prius ejectis exinde predictis corporibus, nullatenus relaxetur. Alia etiam statuta salubria & honesta contra presumptores eosdem in favorem ejusdem libertatis Ecclesiastice Archi-Episcopus edidit supradictus, prout in eisdem literis confectis exinde plenius continetur. Nos igitur (2) universis supplicationibus inclinati, quod super hoc ab eodem Archi-Episcopo provide factum est, ratum habentes & gratum, illud auctoritate Apostolica confirmamus, & presentis scripti parrocinio communimus. Tenorem literarum ipsarum de verbo ad verbum inseri facientes presentibus, qui est talis:

TENOR STATUTI DOMINI GERHARDI,

De quo in Bulla Pape Alexandri fit mentio, quod & in totam Provinciam prorogatum est, & in ea precipitur observari: infra Capitulum: Sacri.

IN Nomine Domini Amen. GERHARDUS Dei Gratia Moguntinensis Sedis Archi-Episcopus, Sacri Imperii per Germaniam Archi-Cancellarius, universis

(b) sed

(2) vestris

versis per Moguntinensem Diœcesem constitutis, salutem in Domino. Cum per illud statutum, quod Dominus SIFRIDUS pie memorie Predecessor noster olim contra captivatores Clericorum edidit, auctoritate Sedis Apostolice super hoc statuendo specialiter sibi data, non sit adhuc sufficienter provisum, aliasque Prelati ac Clerus nostre Diœcesis a nonnullis perditionis filiis multipliciter aggraventur contra Ecclesiasticam libertatem: quia nova contra novos morbos oportet antidota preparari; multa deliberatione prehabita, de consilio & consensu Archidiaconi, Prelatorum, & Capituli nostri, statuimus, & jam nunc in quoslibet transgressores excommunicationis sententiam promulgamus, ut non solum in terminis illius Archidiaconatus, in quo Prelatum, vel Religiosum aliquem, seu Clericum habentem sacros Ordines, & pro Clerico se gerentem temere captivari; sed in terminis Archidiaconi, in quo quempiam Clericum detineri constiterit, ipso facto cessetur ab Officiis Divinorum, ut sic tam Nobiles, quam (k) Magnates, quam etiam populares cum plebe contra (l) malefactores huiusmodi & Divinorum carentia provocati, consurgant, ad liberationem illius, qui ausu sacrilego detinetur captivus; auxilium prestituri: specialiter autem in omnibus locis illis, in quibus captivatores & eorum complices nostre Diœcesis in maleficio ipsis consilium, auxilium aut juvamen prestantes domicilium obtinent, & sive de jure jurisdictionem exerceant, aut ubi habent reptaculum, servetur strictissime interdictum. Ita videlicet, quod corpora mortuorum ad Ecclesiasticam sepulturam nullatenus admittantur, quinimo si per violentiam laicalem in Ecclesiis vel cimiteriis fuerint tumulata, ibi (m) non relaxetur aliquo modo sententia interdicti, nisi prius ejectis illis corporibus sic per laicalem potentiam tumulatis. Durante etiam huiusmodi interdicto, Sacerdotes aliud facere non presumant, nisi quod in diebus Dominicis proposito suis plebibus Verbo Dei, pronuntiatis quolibet diebus Festivis, que in illa septima-

na occurrunt, eos aqua benedicta aspergant, nullum omnino dicant officium in aperto (hic servatur decretalis ALMA) semel in hebdomada absque signo campanarum clausis ostiis, cum suo tantum ministro pro conficiendo viatico sub silentio Missam dicant, prefatum interdictum juxta modum & formam prescriptam reverenter & fideliter servaturi. Archidiaconi quoque & eorum Officiales in aliis locis nostre Diœcesis requisiti, predictos sacrilegos ab omnibus suis subditis excommunicatos denunciari faciant publice singulis diebus Dominicis & Festivis, donec captivatus liber & indemnus cum satisfactione debita dimittatur.

Summarius.

Eorum, qui Clericos captivare, detinere, occidere, mutilare, aut vulnerare presumpserunt, tam filii, quam tota eorum usque in quartam generationem posteritas, neque ad sacros Ordines, neque ad beneficia nec claustra admittantur.

ex Concilio Aschaffenburgensi.

(n) Preterea cum in Predecessorum nostrorum statutis per penas contra captivatores Clericorum proditas adhuc nec Ecclesiis, nec Ecclesiasticis personis sufficienter provisum existat: Considerantes, quod pro unius delicto sacri Canones interdum puniri precipiunt totam terram, & nonnunquam propter parentum peccata in tertiam & quartam generationem filii puniuntur. Nos de similibus ad similia procedere cupientes, provida deliberatione sacri Concilii, Predecessorum nostrorum statutis duximus annectendum, irrefragabiliter statuentes, ut non solum eorum filii, qui Canonicos etiam in minoribus ordinibus constitutos, & ceteros Clericos pro Clericis se gerentes, ac alias personas Ecclesiasticas captivare, vel captivos detinere, occidere, mutilare, aut letalibus, sive nimis atrocibus vulneribus, quibus per medicorum industriam nequit subveniri, vulnerare presumunt, sed & omnis eorundem sacrilegorum utriusque sexus ab ipsis descendens posteritas usque ad quartam genera-

(k) Magistratus. Lunig & Neumann: Magnates.

(l) molestatores Megunt. impres. A. 1509.

(m) Lunig. enim

(n) Hoc Caput in impresso A. 1509. omisum, uti & in Lunig.

nerationem, nec ad sacros ordines, nec ad aliqua Ecclesiastica Beneficia, nec in claustris, nec cenobiis cujuscunque ordinis admittantur. Quodsi contrarium factum fuerit ex malitia vel ignorantia; ordinatos ab executione ordinum perpetuo volumus esse suspensos. Receptos vero ad Beneficia Ecclesiastica secularium Ecclesiarum, pro non receptis haberi decernimus ipso facto. Sed ne personis, in Monasteriis sive Claustris receptis, detur materia ad seculum redeundi, eas in ipsis quidem Monasteriis ita volumus remanere, quod in Conventu sint, & ultimi reputentur, at nunquam ad officia vel dignitates aliquas assumantur. De illis autem personis, que in Ecclesiis Conventualibus aut Monasteriis ante hoc nostrum statutum inveniuntur promote, auctoritate hujus sacri Concilii hoc distridissime precipimus observari, ut si parentes ipsorum aliquid commiserint premisorum, predictæ persone ob hujusmodi parentum suorum delictum nunquam ad Personatus vel dignitates aliquas assumantur, sed in suis gradibus persistentes ad ultiores efficiantur ineligibiles ipso facto, omnibus aliis penis contra ordnantes, presentantes & recipientes personas hujusmodi, in priori Concilio constitutis in suo robore duraturis.

summarius.

Capellani, (o) Consiliarii, Scriptores captivatorum Clericorum, si Clerici sunt, sub pena excommunicationis a Dominis suis recedant. Advocati autem, qui detentoribus Clericorum consulendo vel scribendo patrocinium vel defensionem prestant, sunt excommunicati.

Ex Concilio Aschaffenburgensi.

Nos igitur statuta ipsa non solum approbamus, verum etiam duximus adjungendum, firmiter statuentes, quod si temerarii captivatores Clericorum, aliquos de familia sua habuerint (p) Clericos, ut puta Capellanos, Consiliarios & Scriptores, iidem se statim retrahant a communione eorum non solum in Divinis, sed etiam in mensa, ac aliis, quibus excommunicato quomodolibet communicatur illicite: item nec consiliis

eorum intersint, nisi forte tractatum haberent cum eis de procuranda liberatione eorum, quam si infra duos menses procurare non potuerint, sub pena excommunicationis jam late sententie precipimus, quod ex tunc non solum a consilio & scribendo se abstrahant, sed omnino recedant ab eis: quam si iidem Clerici per unum mensem sustinuerint, ex tunc periculum suorum Beneficiorum incurrant, ita quod ipsorum Beneficia aliis conferri valeant, nec non inhabiles ad alia capienda ex late sententie reddantur. Ad hoc statuimus, ut Advocatus, qui patrocinium vel defensionem assumpserit quorumlibet Clericorum detentorum, aceos, qui oculum dederint consilium, vel literas excusationis dictaverint, vel scripserint, vel literas quascunque a Superiore impetraverint, quibus a liberatione Clerici, vel refusione damnorum, vel de satisfactione Ecclesie se quoquo modo de facto valeant colorare, nisi prius Clericum dimiserint, ablata restituerint, ac Ecclesie satisfecerint de offensa, excommunicationis sententia innodamus.

summarius.

Quantum amici Clericorum captivatorum derint, vel promiserint pro liberatione captivati, tantundem tenentur Diocesano. Detentor autem Clerici, si per mensem Clericum detinuerint, vel infra annum se absolvi non fecerint, cadit ab omnibus feudis ab Ecclesia obtentis. Episcopo vero captivato, tota captivatorum familia ab eo recedere tenetur. Captivatores autem eorum posteritas perpetuo cadunt a feudis, que habent ab Ecclesia, que & deinceps Ecclesie applicentur.

Ex eodem Concilio quo supra.

Statuimus etiam, ut nullus manu fidelis amicus, vel aliquis habens potestatem rerum captivati, promittat, vel det aliquid pro liberatione ipsius, vel de dando interponat se, vel alias aliquam cautionem faciat. Quod si contra statutum hujus sacri Concilii quisquam in casu hujusmodi inventus fuerit aliquid dedisse vel promississe, in tanto Diocesano pene nomine teneatur. Adjicientes, quod si detentor Clerici per unum mensem Clericum detinuerint captivatum, aut eo dimisso

(o) Hoc Caput apud Lunigium tribus præmissis Capitalis præponitur. *Lunig Continuatio II. Specileg. Eccles. pag. 60. 61.*

(p) Clericos omittit Lunig.

misso, infra annum, a tempore captivitatis Clerici computandum, satisfactione neglecta, non obtinuerit se absolvi: extunc ab omnibus feudis cadat ipso jure, que a quibuscunque Ecclesiis dinoscitur obtinere. Hec omnia contra captivatores Episcoporum multo fortius volumus observari. Eo adjecto, quod Episcopo captivato, Clerici & familia captivatoris statim recedere teneantur. Qui quoque (q) tales captivatores ipso facto non solum a jure cadant perpetuo feudorum, que captivitatis tempore a quibuscunque Ecclesiis detinebant, verum etiam ipso facto cum omni sua posteritate fiant inhabiles in eternum, ac feuda quælibet, que habebant captivitatis tempore, proprietati Ecclesie applicentur, (r) & hi, qui feuda eis duxerint concedenda, ipso facto sententiam excommunicationis incurrant. Quod si proximi Domini feudorum, feuda illa in quibus casibus premissis Episcoporum vel Clericorum captivatores ceciderint, infra mensem unum vel alius concedere, vel ad se neglexerint revocare, ex tunc feudorum ipsorum collatio ad superiorem proximum devolvatur, quod de occisoribus & mutilatoribus Clericorum multo fortius volumus observari.

Summarius.

Quod, & quomodo contra personarum Ecclesiasticarum spoliatores in jure sit procedendum, non obstante statuto quodam Moguntino, quo cavetur, spoliū restitutionem infra octo dierum spacium faciendam.

ex Concilio Aschaffenburgensi.

Item a nonnullis in dubium revocatur, qualiter statuta (s) contra Ecclesiasticarum personarum spoliatores a nostris Predecessoribus edita, intelligi debeant & servari, presertim cum spoliator non infra octo dierum spacium, quod super restitutione spoliū faciendam, Concilium statuit Moguntin. coram Judice, a quo emanavit monitionis edictum, comparuit, & se juri obtulerit paritutum, dummodo circa spoliū sibi impositum ordo judiciarius observetur. Nos hujusmodi ambiguitatem approbatione *hujus sacri Concilii* taliter duximus decla-

randam, ut si conquerens de spolio, ipsum spoliū esse notorium asseveraverit coram Judice, & super tali spolio notorio monitionis literas impetraverit, actor in pœnam rei, infra octo dierum spacium venire non curantis, (t) post lapsum ipsorum octo dierum, ad probandum hujusmodi notorium admittatur: sive reus absens fuerit per contumaciam, sive presens: quo probato, reus ad restituendum ea, que actor se per ipsius violentiam amisisse declaraverit, cum expensis ob inde factis, & satisfactione condigna sententialiter compellatur. Si vero in probatione *notorii* defecerit, reo condemnabitur in expensis, & ex tunc lite quasi contestata super spolio probando observabitur debitus ordo juris. Quod si is, cui impositum est spoliū, infra terminum monitionis comparens se juri obtulerit paritutum, libellumque & inducias deliberatorias petierit sibi dari; in hoc casu dicimus taliter distinguendum: Aut actor tanquam super *notorio* contra reum, aut in simplici citationis forma literas impetravit: In primo casu ad probandum notorium, lite etiam non contestata, sine prorogatione quælibet admittatur, & hoc probato, rem ablaram juxta legitimam declarationem ipsius cum expensis legitimis & satisfactione debita per (u) condonationem judicis consequetur. Alioquin reus ab actoris instantia, quantum ad spoliū sibi impositum totaliter absolvetur, cum refusione legitima expensarum. Et hunc modum & processum, similiter circa eum, qui infra monitionis terminum justo impedimento detentus venire non poterit, & hoc legitime probaverit, per omnia volumus observari. Literas autem super spolio a solis Diocesani locorum, vel eorum Officialibus precipimus impetrari, alias ab aliis iudicibus impetratas carere viribus decernentes.

Sequens Capitulum supra ponitur sub titulo:

DE IMMUNITATE ECCLESIA- SIARUM, in fine.

Insuper (x) statuimus, ne persona quantacunque nobilitate aut preeminentia status prefulgeat, Ecclesias, aut Ecclesiastica bona, jura, jurisdictiones, &

D d 3

vasal-

(q) quodque tales

(r) quælibet, *omisso* qualiter *Lunig.*

(u) condemnationem *Lunig.*

(r) applicentur,

(t) Verba intermedia *omittit Lunig.*

(x) *Lunig* continuat cum antecedentibus.

vasallos eorum, violenter, aut auctoritate propria publice occupare, aut occupando invadere, vel scienter occupantibus Ecclesias aut predicta bona, prestare presumat, quomodolibet per se, vel per alium, aut alios consilium, auxilium, vel favorem. Et nisi requisitus infra mensem [y] Ecclesie lese, aut Prelato ipsius, damnum illatum emendaverit, ipso facto sit anathematis vinculo innodatus, decedentium etiam Clericorum peculium occupare, vel occupatos derelinere omnibus laicis sub anathematis poena ex nunc prout ex tunc in ipsos lata districtius inhibemus.

Summarius.

Statuta de Clericorum, Episcoporumque captivatoribus, detentoribus, occisoribus, mutilatoribus, vulneratoribus, & spoliatoribus precipiuntur per totam Provinciam Moguntinam districte servari. Prorogantur etiam ad incendiarios, effrautores, & temerarios Ecclesiarum destructores. Ubi autem absolutio vel dispensatio necessaria est, eam Moguntinensis Archiepiscopus impertitur, dummodo tamen

prius de satisfactione per Episcopum loci sit certior factus.

ex Concilio Moguntino D. Petri.

Sacri hujus approbatione Concilii statuta Predecessorum nostrorum contra captivatores, detentores, occisores, mutilatores, vulneratores, & spoliatores Clericorum, nec non multo fortius Episcoporum edita, specialiter innovamus, approbamus, & per totam Provinciam Moguntinensem precipimus, ut pupillam oculi custodiri ab omnibus, & cum summa diligentia observari. Etiam contra incendiarios, effrautores, & destructores temerarios Ecclesiarum Dei, contra quos similiter statuta hujusmodi prorogamus, provide statuentes, ut in omnibus casibus, in quibus absolutio vel dispensatio est petenda in causa vel causis, in Conciliorum statutis quomodolibet comprehensis, & maxime in prescriptis, ut Clerus & Ecclesie conserventur in pace. Post satisfactionem debitam & condignam, Metropolitanus, qui pro tempore fuerit Moguntin. valeat ratione previa dispensare, si ei per Episcopum

loci, vel Officiale suum super satisfactione hujusmodi patentibus literis & bonis nunciis destinandis, fuerit facta fides.

DE USURIS.

Summarius.

Notarii usurarii Ecclesiastica caveant sepultura, non minus tamen heredes ad restitutionem compelluntur, usurarium autem sepeliens, beneficio privetur, & singulis Dominicis usurarii excommunicantur, qui, si sint notarii, in egritudine non audiantur, nisi vel ipsi

satisfecerint, vel heredes.

ex Concilio Frizlariensi. Lunig. ex Aichaffenburgenfi.

Contra usurarios juxta statutum LATERANENSIS Concilii procedatur, ut si notarius fuerit ipsorum excessus, sine distinctione qualibet, Ecclesiastica careat sepultura: nihilominus eorum heredibus ad restituendum usuras per censuram Ecclesiasticam compellendis. Si quis autem tales sepelire presumpserit, suis beneficiis spoliatur. Excommunicationis etiam sententia singulis diebus solennibus proferatur in omnes, quicunque usuras de cetero presumpserint exercere. Hoc priori Concilio adjungentes, ut si notarii usurarii demum in egritudine constituti absolvi desiderent, nullatenus audiantur, nisi primitus satisfaciant (z) in quantum possibile fuerit de usuris.

Summarius.

Definit hoc Capitulum penam usurariorum publicorum, convictorum, vel confessorum, a juratis proclamatorum, de usura suspectorum, & usuras solventium, nec tamen usurarios accusantium: preterea usurariorum oblationem non recipiendam, Ecclesiasticam sepulturam, altarisque Communionem eis negandam, & Sacerdotum predicta admittentium, penam. Item usurarios non nisi ab Episcopis & Archiepiscopis esse absolvendos. Insuper quomodo agendum cum usurariis resistere nolentibus, sed & absolutionem suam usque ad extrema differentibus. Postremo de familia usurariorum temere per mensem in excommunicatione durantium.

Statuit & hoc Dominus GERHARDUS.

(y) infra mensem, omittit Lunig.

(z) vel heredes suos tales habeant, quod pro eis satisfaciant, in quantum possibile fuerit de usuris. Ita Lunig.

DUS, ut in usurarios omnes cunctis diebus Dominicis & Festivis per locorum Plebanos, & eorum Vicarios auctoritate nostra excommunicationis sententia proferatur, ita ut, qui publice exercent usuras, aut qui coram Ecclesia de usura convicti fuerint vel confessi, aut qui per juratos villarum pro-usurariis sunt publice proclamati, excommunicentur solenniter nominatim: qui verò de usure vicio sola sunt suspicione notabiles, nisi datis sibi super hoc a Prelatis, Plebanis, sive Vicariis certis terminis, se de hujusmodi vicio legitime coram Ecclesia expurgaverint, & debitores usurarum & fidejussores dados forsitan super eis absolverint simpliciter & publice ab usuris, excommunicentur similiter nominatim, cum eis, qui solvunt usuras, nec accusant eos post monitionem factam eisdem infra mensem. Ab usurariis autem manifestis juxta LATERANENSE Concilium nullus omnino oblationes recipiat, nec ad communionem admittantur Altaris. Nec si in hoc decesserint peccato, recipiantur ad Ecclesiasticam sepulturam. Qui autem contra premissa fecerint, ea, que acceperint, restituere compellantur: & donec secundum nostrum arbitrium satisfecerint, ab officii sui maneant executione suspensi. Tales autem si respicere non curaverint a peccato, deinde post restitutionem, que male extorserunt per usurariam pravitatem, si ad restitutionem omnium eorum suffecerint facultates, vel si in totum solvendo non fuerint, prius restituta ea, ad quam sufficerent, portione, de reddendo residuo sortuito tempore sufficientem cautionem adhibeant eis, vel eorum heredibus, si existant, a quibus extorserint usuras: alioquin pauperibus vel piis locis juxta ordinationem Judicum sedis nostre, aut Archidiaconorum satisfactione, idonea prestita cautione, ab eisdem iudicibus, aut Archidiaconis absolutionis beneficium consequantur. Nos enim solum eis absolutionem talium duximus committendam, ne per quorundam Sacerdotum simplicitatem, & per malitiam aliorum, qui contra (a) constitutionem hujusmodi proprium questum querunt, non salutem animarum vel commodum proximorum, quibus est merito restitutio fa-

cienda, contra usurarios aliquid incongruum statuatur. Quod si usurarii prescripti spe finalis penitentie & absolutionis extreme, claves Ecclesie sani contempserint, & temere sustinuerint anathema, seque in extremis absolvi petierint, juxta provisionem Fritzlarientis Concilii non statim sub proprio juramento est eis absolutio impendenda, nisi prius cuncta male extorta restituant, dummodo tantum in bonis mobilibus & immobilibus habeant, quod restituere valeant universa, vel saltem refundant, in quantum eorum facultates se extendunt, & de reliquo refundendo & satisfaciendo Ecclesie, sanitate recepta & copia rerum facta, dederint fidejussores idoneos, consanguineosque & affines: quod si fidejussores tales non extiterint, & in eis appareant vere signa penitentie, recepto sub forma prescripta proprio juramento, admittantur ad penitentie & Eucharistie Sacramentum. Sed in penam tam diuturni contemptus clavium Ecclesie, ad terrorem aliorum, negetur eis extrema Unctio, & Ecclesiastica sepultura, nisi forte suadente causa legitima hoc a Nobis ex gratia contigerit indulgeri. Ad que etiam duo ultima consequenda, non sufficiant, proprium juramentum, & penitentie signa premissa, cum Pater & Mater male adquirentia restituere sint parati, sed forsitan filii contradicunt, & pro parentibus nolunt premissas exponere cautiones: vel cum uxor pro marito vel e converso maritus pro uxore similia facere detrectaverint. Adjicientes, quod si usurarii manifesti per mensem unum temere in excommunicatione duraverint, extunc uxoribus & filiis, ac propriis ipsorum mancipiis Divina Sacramenta & Eucharistia subtrahantur, baptismate parvulorum, & penitentia morientium exceptis, servientibus aliis, & ancillis, & conducticiis, & colonis eorum, excommunicationis gladio feriendis.

Summarius.

Nullum privilegium Usurarios, Ecclesiarum & Clericorum spoliatores & captivatores tuetur, quominus super tali eorum crimine possint conveniri.

Preterea cum delictum, privilegium emunitatis non habeat, & delinquen-

(a) restitutionem

quentem pena, non dignitas merito (d) comitetur. Statuimus, ut quilibet sive miles, sive ministerialis noster existat, seu quocunque privilegio fori prescriptione prefulerit, super usuris, cessante in hoc crimine omni privilegio, a nostris iudicibus valeat conveniri, cum privilegium meretur amittere, qui sui fori & honoris tam utiliter abutitur potestate. Nihilominus & hec contra captivatores, spoliatores Ecclesiarum & Clericorum, sive ministeriales sint, vel alias gaudeant privilegio, & contra fidei iussores datos ab usurariis, volumus observari, videlicet quod per nostros iudices valeant de talibus insolentibus coartari.

DE CRIMINE FALSI.

Summarius.

Apostolicas & aliorum literas afferentes non admittantur, nisi prius per Diocesannum vel Cathedralis Capitulum sint examinate, & ipsi per alterius eorum literas sint admissi. Tales autem citra predictam formam recipiens ipso iure ab Officio & Beneficio est suspensus. Quisquis vero aliter petitiones suas promovere presumpserit, debet a plebanis & aliis, ad quos venerit, una cum rebus suis occupari, & Diocesano vel Archi-Episcopo presentari.

ex Concilio Fritzlarienti.

Et quia plerique falsarii literis Apostolicis & aliorum Prelatorum testimoniis asserunt se munitos; hoc sanctum decrevit Concilium, ne tales, qualiacunque scripta deferant, a Clericis, vel a quibuslibet aliis personis Ecclesiasticis recipiantur in Ecclesiis, vel in domo, nisi prius ipsorum litere per Episcopum Diocesis, si ejus copia possit haberi, alioquin per Capitulum Ecclesie Cathedralis examinate fuerint diligenter, & nisi ipsius Episcopi [e] literis testimonialibus sint muniti. Et hoc ideo, quia per Sacerdotes simplices non potest de facili literarum veritas vel falsitas indagari. Sane quecunque persona Ecclesiastica citra hanc formam tales receperit, ipso iure ab officio & beneficio per triennium sit suspensa, alia pena nihilominus juxta Superioris arbitrium punienda. Illud quoque presentis auctoritate Concilii huic Capitulo duximus

annectendum, ut si tales sine dictis literis testimonialibus petitiones suas presumpserint promovere, Plebani civitatis & villarum, ac alii, ad quos veniunt, eos cum rebus eorum per seculare iudicium, si alias detineri non possint, non dubitent occupare, Diocesano, seu Archidiacono presentandos.

DE SORTILEGIIS.

Summarius.

Omnes sortilegi sunt excommunicati, & a solis Episcopis extra mortis articulum absolvendi, quod singulis Dominicis & Festis est per Plebanos in Ecclesiis publicandum.

ex Concilio Fritzlarienti.

Excommunicamus & anathematizamus omnes sortilegos, firmiter prohibentes, ne ab alio, quam a suo Episcopo, nisi forsit in mortis articulo, absolvantur: & hanc excommunicationis sententiam singulis diebus Dominicis & Festis per Sacerdotes in eorum Ecclesiis & Capellis precipimus publicari.

DE CLERICO EXCOMMUNICATO MINISTRANTE.

Summarius.

Clericus excommunicatus vel suspensus ingerens se Divinis ab officio deponitur, sit infamis, & ad beneficia inhabilis, nisi a Sede Apostolica secum dispensetur.

ex Concilio Fritzlarienti.

Cum scriptum sit in lege Domini, quod quicunque non obtemperasset (f) Sacerdotibus, ut extra castra positus dilapidabatur a populo, aut gladio cervice subiecta expiabat contemptum: Et in primitiva Ecclesia, inobedientes eiectione de Ecclesia, rabido ore demonum trahebantur: multi nomine Sacerdotes censuram Ecclesie contemnentes, excommunicati vel suspensi a Prelatis suis, exigentibus culpis eorum, & immemores, quod Episcopis & Prelatis clavium cœlorum sit collata potestas, attentare sibi interdicta ministeria non verentur. Contra quos volumus rigorem Ecclesiasticum exercere. Statuimus igitur, ut tales sine spe restitutionis ab officio deponantur, & infames ac detestabiles facti, de cete-

(d) communicetur. *Lunig.*

(f) Deuteronom. XVII, 12.

(e) vel Capituli, vel Capellani, *Lunig.*

cetero ad Beneficia Ecclesiastica nullatenus admittantur, nisi per poenitentiam approbatam, & conversationem laudabilem Sedis Apostolicæ gratiam meruerint obtinere.

DE PRIVILEGIIS ET EXCESSIBUS PRIVILEGIATORUM.

Summarius.

Religiosi privilegiorum suorum fines non excedant, jura Patronatus ad Beneficia habentes, ea temere suis usibus non usurpent, sed idoneos Sacerdotes ad ea presentent. Alioquin lapsa juris termino, Ordinarius de eis providebit. Excommunicati sunt etiam ipso facto, qui auxilium Religiosis prestant, ut de bonis, unde decimas solvere tenentur, Ecclesias in decimis defraudent, qui, si Clerici fuerint, beneficiis & dignitatibus sunt privati, locorum vero filii & nepotes in quartam usque generationem, ad dignitatem Ecclesiasticam sint inhabiles.

ex Concilio Aschaffenburgensi.

Preterea statuimus, ne Religiosi, cujuscunque religionis vel ordinis existant, privilegiati fines suorum excedant privilegiorum; cum privilegium mereatur amittere, qui concessa sibi abutitur potestate. Si qui etiam Religiosorum per donationem, vel alium legitimum titulum jura Patronatus aliquorum Beneficiorum Ecclesiasticorum acquisiverint, talia Beneficia propria temeritate suis usibus non usurpent, sed ipsis vacantibus, ad ea Sacerdotes idoneos presentent, alioquin elapso tempore a jure statuto, Ordinarius loci, prout Ecclesie expediet, providum instituat Vicarium. Si (g) quis etiam Ecclesias Parochiales, infra quarum limites, grangias, & Monasteria haberent, terras, agros, prata, vel vineas, aut alia bona, de quibus jure decimam solvere tenentur, in decimatione defraudaverint, omnes ipsis ad hoc opem vel operam dantes, & ipsorum servitiis intendentes, decernimus ipso facto excommunicationis sententiam incurrisse. Quicumque vero ausu temerario contra predictam constitutionem venerit, cujuscunque status fuerit, vel conditionis, ipso facto sit anathematis vinculo innodatus. Et si Clericus fuerit, qui talia commiserit, aut opem vel ope-

ram, consilium aut auxilium predicta, vel aliquid predictorum adhibuerit perpetrandi, omnibus sit Beneficiis Ecclesiasticis & dignitatibus privatus, & ad ulteriora percipienda sit omnino inhabilis & indignus. Laicorum etiam contra presentem nostram constitutionem in aliquo venientium filios & nepotes, usque in quartam generationem, nisi sufficienter injuriam passis satisfactum fuerit, ad omnem honorem & dignitatem Ecclesiasticam inhabiles decernimus esse, & etiam inhibemus sub anathematis pena; quam exnunc in omnes contrarium facientes ferimus, eosdem in Ecclesia Dei ulterius promoveri.

DE INJURIIS ET DAMNO DATO.

Summarius.

Canonicus publice convicia dicens Canonico, per quartam Prelato, per mediam anni partem a Capitulo & fructibus sit suspensus; manus injiciens violentas, dupliciter; vulnerans quadrupliciter dictas penas patiatur, & priusquam restituatur, juxta Diocesani arbitrium lesio satisfaciatur. Quod si mutilaverit etiam, omni beneficio sit ipso jure privatus, que omnia circa alios etiam Clericos beneficiatos eque sunt servanda.

Ex Concilio Aschaffenburgensi.

Et quia de Canonicis & ceteris Clericis conviciatoribus & percussoribus, per Predecessorum nostrorum Concilia seu Statuta, nulla certa forma vel pena, preteream, que jure communi comprehenditur, invenitur expressa. Nos attendentes, quod plus timeri solet, quam quod specialiter injungitur, quam quod generaliter imperatur, approbatione totius Concilii necessario duximus statuendum, ut Canonicus, qui sue vel alterius Ecclesie Canonicum verbis probrosis affecerit manifeste, per quartam; si vero convicia manifesta dixerit in Prelatorum, per mediam partem anni a tractatu & consortio sui Capituli, nec non a perceptione fructuum sue prebende penitus sit exclusus. Si quis autem Canonicorum in predictas personas, etiam citra sanguinis effusionem, manus injecerit violentas, penas predictas dupliciter patiatur, pro vulnere vero hujusmodi personis ab aliquo Canonicorum illato, si eti-

(g) Si quas, *Lamig.*

Tomus IV. Concilior. German.

am nulla membri mutilatio ex tali vulnere fuerit subsecuta, sine omni remissione per premissas penas quadrupliciter puniatur, & insuper in utroque casu juxta sui Dioecesani arbitrium lesio satisfaciat competenter, antequam restitutionis beneficium assequatur. Sed pro temeraria membri mutilatione, omni Beneficio Ecclesiastico sit ipso jure privatus. Que omnia & singula circa alios Clericos Beneficiatos, si personas Ecclesiasticas predictis modis ledant, vel ledantur ab ipsis, juxta premissam formam & ordinem sub penis eisdem precipimus observari. Salvis tamen aliis penis in sacris Canonibus contra temerarios violentarum manuum in Clericos injectores expressis. Salvis etiam aliis juribus, que vim vi repellere permittunt.

DE PENIS. (k)

Summarius.

Hoc Capitulum insequens vestigia C. Felicis (l) eo tit. Lib VI. Primo punit insequentes, percutientes, aut capientes Archi-Episcopos vel Episcopos, & ejus criminis socios. Secundo: Eorum filios & nepotes. Tertio: Ipsos infecutoribus penam addit. Quarto: Ponit, a quo sint absolventi. Quinto: Quam satisfactionem, cum absolventur, facere debeant. Sexto: Quid per absolutionem talem consequantur? Ultimo: Precipit secularibus potestatibus, ut hanc constitutionem districte observent, & observari faciant, & contrafacientibus penam imponit.

ex Concilio, quo supra.

Hoc sacro approbante Concilio statuiimus, ut si quis in hoc sacrilegii genus irrepserit, quod Archi-Episcopum fuerit hostiliter infecutus vel percusserit, aut ceperit, vel fieri jusserit, vel factum ratum habuerit, vel consilium dederit, aut favorem, aut postea receptaverit, vel defenserit eundem, sicut reus criminis lese Majestatis perpetuo sit infamis, diffidatus nihilominus & bannitus, sit intestabilis, & dentur cuncta ejus(m) edificia in ruinam. Et ut perpetue notam infamie, perpetua ruina testetur, nullo tempore reparentur, nullus ei debita reddere, nullus in judicio respondere teneatur. Quidquid etiam in bonis ip-

sius invenitur, ipsi Ecclesie, cujus est Episcopus, applicetur, ut ex illis nihil transmittat ad posteros, sed potius cum ipso quodammodo damnentur & sua. Si quis vero feuda, Officium vel Beneficium spirituale seu temporale ab aliquibus Ecclesiis obtinet, sit eis ipso jure privatus, que sic libere ad Ecclesias revertantur, quod Ecclesiarum Rectores de ipsis pro sua voluntate disponant. Quod si quis predictorum, filios habeat vel nepotes per rectam lineam descendentes Beneficiatos, quovis Beneficio, sint eis ipso jure privati. Nulli preterea talium filiorum vel nepotum per virilem sexum descendendum ab eisdem alicujus aperiatur janua dignitatis aut honoris Ecclesiastici vel mundani. Et ut magis famosa sit ejus infamia, ab omnibus actibus legitimis repellatur. Volumus etiam & statuto presenti adjicimus, ut ex infecutione predicta sicut ex infecutione manuum violenta, ipso facto excommunicationis sententiam quis incurrat, & tam infecutor quam alii supradicti tanti mali participes, quamdiu in sua contumacia perseveraverint, singulis diebus Dominicis & Festivis, pulsatis campanis, & candelis accensis, per omnes illius loci Ecclesias, in quibus tantum fuerit facinus perpetratum, nec non civitatum & Diocesium vicinarum excommunicati publice denuntientur. Nec ab alio, quam a Provinciali Concilio, vel a summo Pontifice possint absolutionem (preterquam in mortis articulo) obtinere. Cum autem fuerint absolventi, primo sufficienter & idonee caveatur, quod inferende pene parebunt, & auxiliante Domino penitentiam peragent injungendam. Deinde per omnes illius loci Ecclesias principales, vicinorumque locorum diebus Dominicis & solennibus incedant nudi coram populo, femoralia tantum habentes, & virgas seu ferulas ferentes in manibus, cum quibus per easdem Ecclesias publice fustigentur: ituri postmodum ad Sedem Apostolicam, & ibidem acturi penitentiam per annum integrum, nec inde postmodum reversuri, absque dicti Archi-Episcopi vel Episcopi lesi seu sic offensi, & Ecclesie sue licentia speciali. Ceterum cum tales

(k) qui Episcopum percusserit, addit *Lunig.*

(l) Honorii tertii renovata a Bonifacio VIII. Tit. IX. Libri V. Decretalium in VI. De Penis.

(m) beneficia *impr. A. 1509.*

tales gratiam reconciliationis meruerint, beneficio absolutionis obtento, indulgeatur eis licentia, ut suam & suorum injuriam persequantur, & debitorum illorum, que contracta fuerint, de postmodum acquisitis repetitio non negetur. Preterea precipimus, ut Presides, provinciarum Domini seu Rectores, Sculteri, & alii Domini temporales, civitatum, oppidorum, castrorum, villarum, & aliorum locorum contra presumptores predictos, presentis statuti tenorem districte observent & faciant observari: quod si non fecerint, tam ipsi quam Officiales eorum infra mensem, (1) postmodum res ad noticiam eorum pervenerint, eo facto sententiam excommunicationis incurrant, civitates vero & universitates alie, quam (m) talia presumentes receperint, vel qui in his consilium vel auxilium dederint; vel infra mensem saltem taliter delinquentes, pro ut tanti facinoris enormitas exegerit, & facilitas (n) eis affuerit, non duxerint puniendos, Ecclesiastico subiaceant interdicto.

DE PENITENTIS (o) ET REMISSIONIBUS.

summarius.

Confessor summam in confessionibus diligentiam adhibeat; confitentis conditionem vel statum taceat, peccati qualitatem, locum, vel circumstantias non specificet. Quin imo peccatorem nullatenus prodatur, alioquin & ab officio deponatur, & in Monasterium detrudatur.

ex Concilio Fritzlarienti.

In confessionibus audiendis, maximam adhibeant diligentiam Sacerdotes, ita ut à penitentibus usitata peccata, & communia sigillatim: inusitata vero tantum per quasdam circumlocutiones caute perquirant, ne inexpertis detur materia, quod ante nescierant, perpetrandi. Caveat autem omnino Sacerdos, ne verbo vel signo vel aliquo modo aliquatenus prodatur peccatorem, sed si

prudenter consilio indigerit, illud absque omni persone expressione caute perquirat, quam (p) qui peccatum in penitentiali judicio sibi detectum presumpserit revelare, non solum a Sacerdotali officio deponendum decernimus, verum etiam ad agendum penitentiam in artum Monasterium detrudendum. Verum quia quidem Confessores, etsi personam confitentis non exprimant, circumlocutionibus tamen confitentium & peccati confitentium & peccati confitentis circumstantiis sub quodam generalitatis involucri indirecte publicant confitentem: Adeoque Concilium proxime celebratum clarius elucidando statumimus, ut nullus Sacerdos expressa religione, conditione, seu statu, alicujus peccatum recitet confitentis, imo nec peccati qualitas, locus, seu vicinia perpetrati facinoris specificetur ullo modo, cum ex hujusmodi circumlocutionum indiciis, auditoris industria personam interdum eliciat peccatoris, & ex specificatione peccati humana fragilitas ad perpetrandum similia forsitan proveccatur.

Summarius.

Prius infirmi confessio (extra tamen mortis periculum) secreta audiatur, & deinde salutaris Eucharistia ad eum deferatur.

(q) ex eodem, quo supra.

Et quia plerumque infirmus confiteri sua peccata propter multorum (r) penitentiam erubescit, id a Sacerdotibus precipimus districte observari, ut prius familiariter & secreta audiant confessionem ipsius, si mortis periculum non existat, & postea ad eum deferant cum devotione, reverentia & habitu condecanti, Eucharistiam salutarem.

Sum-

- (1) postquam. *Lunig.* (m) quæ. *Lunig.* (n) facultas. *Lunig.*
 (o) & de pena Confessorum revelantium confessiones. *Lunig.*
 (p) quoniam, loco: quam. *Lunig.*
 (q) De Visitatione infirmorum & Confessione eorumdem. *præmittit Lunig.*
 (r) præsentiam, rectius *Lunig.*

Tomus IV. Concil. German.

E c 2

Summarius.

Penitentes ad reconciliationem non admittantur, nisi de peccata & vera penitentia Sacerdotis sui literas exhibeant, in quibusdam etiam vestis & tonsura solenniter penitentis requiratur.

(r) ex Concilio, quo supra.

Quia reconciliationis ministerium vilipenditur a plerisque, eo quod ad reconciliationem passim quilibet admittatur. (r) Districte precipimus, ne quisquam ad reconciliationis beneficium de cetero admittatur, (u) nisi literas Plebani sui vel Sacerdotis exhibeat, continentes (x) veram penitentiam inunctam sibi, vel saltem partem ejus peregerit, & utrum penitens videatur. Nec ad reconciliationem recipiantur aliqui, nisi vestem & tonsuram habeant solenniter penitentis, ut ex his, utrum vere & perfecte peniteant, vel non, cognoscantur.

Summarius.

Confessor aliorum peccata expresso nomine non inquirat, Missas pro penitentia non injungat, ut ipse legat, neque efficiat, ut pro vivis tricenarium fiat.

Ex eodem, quo supra.

Prohibemus etiam, ne quis Sacerdos ab uno sibi confitente de aliorum peccatis, nominibus expressis inquirat, & ne Missas, quas penitentibus procurandas injunxerit, ipsemet celebrare presumat, & ne pro vivis fiat aliquod tricenarium vel annuale.

(y) Summarius.

Religiosi neque Beginis aut Beghardis, neque secularibus aliis Eucharistiam, aut alia Sacramenta porrigant, a Processionibus solennibus predicando, aut quibuscunque alleluia populum non abstrahant, sed ut eis intersit, & matricem Ecclesiam in Festivitatibus frequentet, populum sepe admoneant.

ex Concilio Moguntino.

Quamvis Ecclesia toleret, quod cum conniventia proprii Sacerdotis subditi plebanorum pro maturiori consilio

adipiscendo religiosis quibusdam confiteantur interdum: Nolumus tamen, imo sacri Concilii auctoritate sub pena excommunicationis jam late sententie veramus omnibus religiosis, ne subditos plebanorum, maxime autem *Beginas & Beghardos*, aut inclusas ac alias personas hujusmodi communicent Corpore Domini, aut alia porrigant Ecclesiastica Sacramenta parvulis vel adultis. Hoc etiam sub eadem pena omnibus religiosis firmiter inhibentes, ut, cum stationes, & processiones solennes, quas observat Ecclesia generalis, ex institutione Ecclesie, & magne auctoritatis, & multe opitulationis existant, utpote in quibus Dominus honoratur votis communibus, & placatur, ne populum abstrahant ab eisdem, & predicationes tunc temporis instaurando, imo in predicationibus suis sedulo proponant eisdem, quod talibus tenentur interesse, & quod peccant se ab hujusmodi abstrahendo. Eidem etiam populo frequentius exponant, quod ad Matricem Ecclesiam in precipuis Festivitatibus tenentur accedere & illam sui presentia honorare, a qua Sacramentorum gratia in eos quasi ex fontali gurgite infuit, & descendit. Ipsique tunc abstineant ab omnibus alleluia, quibus abstrahi posset populus, quo minus ad solennitatem veniat sue matris.

Summarius.

In Dedicatione Ecclesie, etiamsi a pluribus Episcopis dedicetur, non dentur indulgentie ultra annum, in anniversario autem dies quadraginta, carenarum vero relaxatio & penitentium introductio soli diei Cene Domini referuntur.

(z) ex eodem quo supra Concilio.

Preterea, cum indulgentiarum nimietas claves Ecclesie (a) exceptibiles reddat, penitentialem satisfactionem enervet, & Pontificalem auctoritatem annihilat, generali Concilio inherendo statui-
mus, quod nullus in dedicatione cujuslibet Basilice det indulgentiam ultra annum, seu ab uno Episcopo seu a pluribus dedicetur, & in anniversario XL. dies, in dedicationibus autem talium, ac ordinum

(r) De reconciliationibus penitentium, titulum prae mittit Lunig.

Inter duo (r) & (u) posita, omisit Lunig.

(y) De Confessionibus audiendis. Lunig. prae mittit.

(z) De indulgentiis in Dedicationibus. Titulus apud Lunig.

(a) contemptibiles reddat. Lunig.

(x) utrum veram. Lunig.

num temporibus relaxari carenas, ac penitentes introduci omnino vetamus. Sed hoc fiet tantummodo in Festo Cene Domini ad hoc ordinato.

Summarius.

Plebs inducatur, ut in Quadragesime initio confiteatur, & in Paschate communicetur.

Ex Concilio Fritzlarienti.

Sacerdotes frequenter moneant plebem suam, ut initio Quadragesime ad confessionem veniant, & saltem in Resurrectione Christi accipiant corpus Dominicum, si velint inter Catholicos reputari.

Summarius.

Episcopi duos penitentiarios, unum penes se, alium in Ecclesia Cathedrali habeant, ad quos in casibus Episcopis reservatis recurratur, & ipsi Episcoporum auctoritate dispensent, quod Archidiaconi, Archipresbyteri, & Plebani suis Presbyteris subditis intimare & injungere debent.

Ex Concilio Fritzlarienti.

Quia frequenter in penitentiis injungendis quidam casus emergunt, qui propter Sacerdotum ignorantiam expediri non possunt, & qui etiam dispensationem Episcopalem requirunt, omnino salubriter duximus statuendum, quod quilibet Episcopus, eo quod propter occupationes multiplices, ejus copia quamquam (b) haberi non possit, unum penitentiarium juxta se habeat honestum providum & discretum, & nihilominus alium instituat in Ecclesia sua Cathedrali, ut saltem ad ipsorum alterum sit recursus in hujusmodi casibus, in quibus Episcopi dispensandi obtinent facultatem, ipsorum auctoritate dispensent, Archidiaconi quoque, Archipresbyteri, & Plebani suis subditis (c) Presbyteris in penitentiali judicio discrete injungant, ut in casibus memoratis sive occultis sive manifestis existant, recursum habeant ad Penitentiarios supra dictos, opportunum ab eis consilium requirentes.

Summarius.

In peccatis, quibus restitutio annexa est, ipsa ante omnia injungatur, si fieri possit.

ex eodem quo supra.

In furto, rapina, usura, fraude, ante omnia injungant penitentibus, ut si possint ablata restituant, alias nulla valebit eis satisfactio ad salutem, cum non dimittatur peccatum, nisi restituatur ablatum.

Summarius.

Tres casus Apostolico reservati.

Cum autem tria sint peccata, que in satisfactionibus injungendis sunt Domino Apostolico reservanda, sed (d) in Clericos vel quoscumque Religiosos injectio manuum violenta, Ecclesiarum vel Religiosorum locorum incendia, & simonia in ordine perpetrata. In aliis vero peccatis minoribus secundum quantitatem culpe & pluralitatem, confitentis possibilitatem, satisfactionem temperent Sacerdotes.

Summarius.

Casus Episcopis reservati.

Statuimus, quod Sacerdotes in satisfactionibus injungendis in religione sedeant, majora majoribus referent, utpote homicidia, sacrilegia, incendia, peccata contra naturam, concubitum personarum conventualium in sacris Ordinibus constitutarum, incestus (e) videlicet cum consanguinea vel affini, vel cum ea, quæ votum castitatis emisit publice, injectiones manuum in parentes, oppressiones parvulorum, negligentia parentum in igne vel in aqua natos amittentium, veneficia, perjuria, solennia, fidei fractores, votorum transgressores, simoniam, adulteria, hereses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum vel abortum, falsarios, qui sigilla literæ, vel monetam falsificant, in hujusmodi peccatis vel similibus detentos mittant Sacerdotes ad Episcopos absolvendos, nec absolvant preterquam in mortis articulo absque loci Episcopi licentia speciali. Declarantes,

E e 3

(b) quandoque. Lanig.
(d) videlicet

(c) Plebanis

(e) scilicet in Clericos

tes, quod illi, quibus hoc duxerimus committendum, potestatem illud alijs personis non habeant committendi. In dubio autem consulant Episcopum vel ejus vices gerentem, vel alios sapientes, quorum consilio penitentem absolvant, vel transmittant ad alium absolvendum.

DE SENTENTIA EXCOMMUNICATIONIS.

Summarius.

Excommunicationem & ejus absolutionem tempore sanitatis parvi facientes non nisi prestituto juramento, & data cautione idonea de satisfactione, quantum est possibile, in extremis ad reconciliationem non admittantur.

Ex Concilio Fritzlarienti.

Quia Clerici & quidam laici vinculo excommunicationis astricti, fiducia finalis penitentiae, & absolutionis extreme, claves Ecclesie contemnunt tempore sanitatis, hujus sacri Concilii auctoritate statuimus, ut tales in extremis ad reconciliationis beneficium nullatenus admittantur duntaxat sub proprio juramento, nisi idoneam cautionem presentent, quod si moriantur, siue convalescant per se vel per suos, in quantum est ipsis possibile, satisfaciant de commissio.

Summarius.

Ad excommunicationem vitiationem, ad interdicti observantiam non oportet, ut singulis intimatio fiat, sed sufficit in loco aliquo solemniter publicationem fieri.

Ex eodem Concilio, quo supra.

Plerique Clerici ac etiam alii, cum excommunicatis publice communicasse contra (f) scientiam arguuntur, eo se pretextu maliciose excusant, quod excommunicatio talium eis specialiter non fuerit nuntiata, unde necessario *Sancti approbatione Concilii* statuimus decernendo, ut postquam excommunicationis vel interdicti sententie publice proferantur, & in Cathedrali Ecclesia, Synodo, vel Capitulo, vel alias in locis debitis solemniter promulgantur, non sit necessarium eas diversorum auribus inculcari, imo post

publicationem hujusmodi, singuli ad vitandum taliter excommunicatos, etiam si specialiter eis denuntiati non fuerint, dummodo qualitercunque eis excommunicatio innotuerit, teneantur. Cum talis ignorantia crassa sit penitus & supina.

(g) Summarius.

Excommunicatio in neminem feratur, nisi admonitione, quae per idoneas personas probari possit, premissa.

EX eodem Concilio.

Quante presumptionis & temeritatis exultat, quod, qui servare debent Canonicas Sanctiones, in quibus apertius continetur (quod nullus aliquem sine rationabili causa excommunicare presumat) eas frangere non formidant, pluresque non animo justicie, sed livore odii vel favore adversariorum, excommunicationis vinculo innodantes, nullus peritus ignorat. Quare firmiter prohibemus, ne quis excommunicationis sententiam in aliquem (nisi competenti admonitione premissa, & presentibus personis idoneis, per quas, si necesse fuerit, posset probari admonitio) promulgare presumat. Et si Prelatus contra hoc fecerit, & admonitus errorem suum non revocaverit, per mensem ab ingressu Ecclesie sit exclusus.

(h) Summarius.

Excommunicatum ab excommunicante Episcopo vicinis Episcopis denuntiatum, debent ipsi etiam vicini Episcopi vitare. Alioquin Ecclesie Cathedralis Canonici eosdem Episcopos excommunicato communicantes, aut non vitantes, vitare tenentur.

EX Concilio Fritzlarienti.

Si Episcopus aliquem excommunicaverit certa de causa, denuntiet vicinis Episcopis per suas patentes literas, ut excommunicatum faciant denuntiari & vitari. Et tunc sine difficultate aliqua, vicini Episcopi excommunicatum faciant publice denuntiari, & in Dioecesebus suis artius vitari. Si vero Episcopi in hoc fuerint negligentes, vel excommunicatis communicaverint, tamdiu Cathedralium Ecclesiarum Canonici sibi non

(f) conscientiam (g) De injusta excommunicatione. *Titulus premissus apud Lunig.*
(h) De excommunicatione. *Lunigio titulus.*

non communicent, quamdiu huic salubri statuto presumpserint obviare.

(i) *Summarius.*

Quisquis intra cimiterium, loci interdicti defunctum sepelierit, vel opem ad hoc prestiterit, est ipso facto excommunicatus, & a solo Episcopo, vel ejus Vicario absolvendus, exhumato tamen prius corpore sepulti, & injuriam passis satisfacto. Et quod super predictis duobus expeditis, Ordinarium vel Officialium suorum literas ostendat.

EX Concilio Afschaffenburgenfi.

Item in quibusdam locis (ut accepimus) in tantum excrevit temeritas, & presumpcio laicorum, quod si quando auctoritate ordinaria seu delegata in terram, villam, castra interdictum generale ponatur, iidem laici officium Sacerdotum, imo quod tunc temporis ipsis Sacerdotibus est prohibitum, usurpare conantes, ut Ecclesiasticam per hoc censuram magis elidant, apud loca taliter interdicta sepelire presumunt in cimiterio corpora mortuorum. Licet autem jam pridem contra presumptiones hujusmodi inter alia sit provisum, ut non prius resumantur Divina, quam tumulata sic corpora fuerint exhumata, quia tamen per illos, contra quos interdictum ponitur, antequam satisfaciant, frequenter in pactum deducitur, ut exhumationis pena ab ordinario seu delegato ante omnia simpliciter dimittatur. Ne forte hujusmodi delinquentium temeritas hac occasione impunita remaneat, & per hoc ceteris detur audacia similia presumendi, *Sacri approbatione Concilii* statuimus, & mandamus, ut quicumque amodo intra cimiterium loci interdicti aliquid corpus seu corpora defunctorum sepelire presumpserint, qui talia presummentibus opem vel operam quocunque modo exhibuerint, excommunicationis sententiam incurrant ipso facto, a qua non nisi per solum Metropolitanum vel Diecefanum, aut cui super hoc vires suas specialiter commiserint, absolvantur. Metropolitanus vero, vel Diecefanus, vel eorum in hac parte Vicarius, ne (k) quisquam ad impendendum talibus beneficium absolutionis,

procedant, nisi prius sepultis taliter corporibus exhumatis, Ecclesie & personis, quibus ex hoc injuria dinoscitur irrogata, satisfactum fuerit competenter, & (l) super facta exhumatione (m) prestita, ordinarii, aut si copia ipsius haberi non valeat, officium (n) suorum literas absolvendi ipsi pro testimonio exhibeant & ostendant

Ex Concilio Moguntino D. Petri.

Juxta sanctorum Patrum statuta excommunicatis nec vivis nec defunctis communicare licet, & statim cum in suis Ecclesiis Parochialibus, vel in aliis, prout jura permittunt, denuntiata fuerint nominatim, mox ab omnibus tam exemptis quam non exemptis debent vitari, nec extrinsecus aliquis, qui hoc scire tenetur, credat se per ignorantiam excusari, cum talis denuntiatio publica neque possit, neque debeat singulorum auribus inculcari.

DE VERBORUM SIGNIFICATIONIBUS.

Intelligentia verborum ex causis dicendi assumenda est, verba intentioni deserviunt, ea enim, que in voce earum, que in anima passionum, sunt notata, in omni sermone ad communem verbi intelligentiam recurrendum est.

DE REGULIS JURIS.

Sanctorum Patrum regulis & statutis quivis Christianus regatur in vita, verbis & factis, ut sciat & faciat, quod acceptum est omnipotenti Deo, qui vivit & regnat per omnia secula seculorum. Amen.

FINIS CONCILII PROVINCIALIS
MOGUNTINI ANNI M.CCC. X.

Impressum 1mo, in Folio sine anno & die in Bibliotheca Coloniensi S. J. majori.

Impressum 2do, Moguntiae A. 1509.

Impressum 3tio, Hagenoæ A. 1512, in 4to expensis Conradi Hyß, typog. Henrici Gran.

Impressum 4to, in 4to, post Concilia Egstetenfia solus Index.

Idem Concilium Moguntinum Anni M. CCC. X. recensum fuit 5to, à Claviss. Lunigio *Continuatione secunda Spicilegii*

(i) De his, qui corpora mortuorum sepeliunt tempore interdicti. *Titulus apud Lunig.*

(k) nequaquam. *Lunig.*

(m) & satisfactione prestita

(l) nisi. *Lunig.*

(n) Officialium

gii Ecclesiastici. I. Theil impresso Leipzig bey Pantzschschen Erben A. MDCC. XXI. pag. 38. ad 67. sed in fine post: Per omnia secula seculorum. Amen. §. ultimo: De regulis juris, subiungit sequentia Lunigius: Unde, Deus scit.

" Felicis recordationis Domini
" WERNHERI, Predecessoris nostri,
" vestigiis inherentes quedam ex statu-
" turis ipsius, perquam bonâ in hoc
" sacro Concilio duximus innovanda, cum
" moderatione infra scripta, de Fra-
" trum nostrorum consilio statuentes,
" ut Archi-Diaconi, & Officiales eorum
" Civitarum, Diocesis, & Provintie Mo-
" guntine super causis decidendis per
" ipsos certos finibus, quos prefatus Do-
" minus WERNHERUS Archi Diacono-
" nis Ecclesiarum Moguntinarum, &

" eorum Officialibus posuisse dignoscitur,
" scilicet: ut de causis super matrimo-
" niis, Ecclesie investituris, & usuris
" usque ad summam viginti solidorum
" Moguntin. duntaxat contra delinquen-
" tes statuere sint contenti: causis aliis
" Diocesanorum Vicarii examini, & eo-
" rum Officialium reservatis.

" Quod si contrarium facere pre-
" sumperint, judicata per eos aliis, quam
" in dictis casibus, sint irrita ipso jure, &
" nihilominus per Ordinarios ipsorum
" a suis officiis suspendantur.

*Hoc sacrum Concilium Domini Archi Epi-
scopi PETRI Moguntin. habitum est
Moguntie anno Domini Millesimo tre-
centesimo decimo, feria II. III. & IV.
post Dominicam, quâ cantatur: Jubi-
lare Deo.*

Nos edidimus hoc Concilium ex typo Hagenoensi anni 1512, sed contulimus cum duplici Impresso, nempe *Primo* sine anno & loco in folio impresso. 2do. Cum editione Lunigii.

Manuscriptum extat hoc Concilium in Bibliotheca Basileensi, referente Theodoro Spitzelio. 2do. extat MS. Chartaceum in Augusta Guelpherbytana. 3tium MS. membranaceum in Bibliotheca Academiae Juliae, quæ Helmstadii est.

Ex qua Schmidius dedit indicem Capitulorum CLXVI. in quæ hoc Concilium distributum est in Historia Conciliorum Moguntinensium. Cum cæteri indices Capitula referant sine Numeris & Summariis Capitulorum, quæ solus impressus *Liber Hagenoë* habet.

Ante Titulum: DE VITA ET HONESTATE CLERICORUM. pag. 185. hujus Tomi omissa fuit hæc Divisio: LIBER III.

IN HOC CONCILIO MOGUNTINO ANNI MCCCX.

Templariorum appellatio acceptatur.

Quid in causa Templariorum in hoc Concilio Moguntinensi anno 1310. gestum fuerit, ita narrat Severius.

Romani Pontificis jussu tractata est Templariorum causa. Comparuit autem in Synodo, quemadmodum refert MS. L. (Latomianum) HUGO Comes Sylvestris & Rheni, qui morabatur in Grunbach prope Meylenheim cum XX. fratribus, sub habitu ordinis probe armatis. Hi omnes, non quidem vocati, sed ultro & subito in confessum Patrum irrumpunt, omnibus attonitis. Archiepiscopus viros considerans, ac violentiam timens, placide jubet, Commendator ut sedeat, & si quid habeat in medium afferendum, ut depromat. Qui clara & libera voce exorsus, se suosque confratres inquit intellexisse, hanc Synodum, sui ordinis de-

lendi gratia, potissimum congregatam ex commissione Romani Pontificis: Enormia enim quædam scelera, & plus quam ethnica flagitia illis objici, quæ in privato designarent: quod ipsis sane esset gravissimum & intolerabile: maxime, quod non ordinarie audiri, nec convicti condemnarentur. Quare coram ista Patrum congregatione se appellare & provocare ad futurum Pontificem, ejusque universum Clerum: publice quoque protestari, eos, qui propter talia flagitia alibi igni traditi essent, & combusti, constanter pernegasse, se quidquam eorum designasse; atque in ea confessione tormenta & mortem perpeffos. Imo Dei Opt. Max. singulari judicio & miraculo

culo eorum innocentiam comprobata, quod albæ chlamydes, ac rubricatæ Cruces, igni non potuerunt absumi. Archiepiscopus his auditis, ne tumultus suboriretur, protestationem eorum admisit, seque cum Romano Pontifice actuum respondit, ut quieti esse possint: atque ita ad propria sunt dimissi. Postea vero PETRUS aliam commissionem obtinuit, juxta quam procedens, prædictos censuit absolvendos. Actum anno 1311. Cal. Julii, ut Nauclerus ex quodam Jacobo Moguntino tradit. *Hæc Serarius Moguntiacar. Rev. L. V. in Petro Archiepisc. XXXIX. Quod ultimo loco hic subiungitur: Actum anno 1311. Intelligendum*

videtur de anno, quo prædicti Templarii Fratres absoluti a PETRO Archiepisc. fuerunt, non de tempore, quo in Concilio Moguntinensi comparuere.

Serarius Lib. V. Moguntiacarum rerum Cap. 39. pag. 850. ex MS. codice.

Templarii in Burgundia, Alsatia, Suevia, Francia orientali, Bavaria, Thuringia, Saxonia constituti fuere mandato Apostolico capti & examinati per tormenta, quorum plures fuere combusti, atque extra Patriam proscripti, vel Cænobia aliorum Religiosorum ingressi.

Trithemius in Chronico Hirsaugiensi ad annum MCCCVII. ult. editionis.

Encyclica CLEMENTIS V. PP. ad omnes Episcopos Germaniæ & Principes Europæ Invitatoria ad Concilium Generale Viennense A. 1311. inchoandum.

Carissimo in Christo Filio HENRICO, Regi Romanorum illustri. Eodem stilo Archi-Episcopo Moguntino, & Episc. Mandamus, quatenus vos Archi-Episcopo, ac Pragensis, Moraviensis, Constantiensis, & Argentinenf. Episcopi.

In eodem modo Archi-Episcopo Bisuntino, & Episcopis. Mandamus, quatenus vos Fratres, Archi-Episcopo, ac Basiliensis Episcopo.

In eodem modo Archi-Episcopo Salsburgensi, & Episcopis. Mandamus, quatenus vos Fratres, Archi-Episcopo, & Pataviensis, Ratisponenf. & Bambergens. Episc.

In eodem modo Archi-Episcopo Bremensi, & Episcopis. Mandamus, quatenus vos Fratres, Archi-Episcopo, & Lubicens. & Bardvicenf. Episcop.

In eodem modo Archi-Episcopo Magdeburgensi, & Episcopis. Mandamus, quatenus vos Fratres, Archi-Episcopo, & Brandenburg. Episcop.

In eodem modo Archi-Episcopo Coloniensi, & Episcopis. Mandamus, quatenus vos Fratres, Archi-Episcopo, & Leodiens. Traiectens. Episcop.

17

Concilium Viennæ indictum a Clemente V. anno 1308, fuit Encyclicâ Pictavis scriptâ ad omnes Episcopos & Principes Europæ, inchoandum post biennium Viennæ Allobrogum anno 1311. Kalendis Octobris: duravit circiter VII. menses: tres fuere Sessiones. Finis triplex: I. Subsidium terræ sanctæ recuperandæ, & disciplinæ Ecclesiasticæ instauratio. II. Abolitio Ordinis militum Templariorum saltem provisionalis. III. Variarum opinionum damnatio Petri Joannis Olivi. Damnatio Fraticellorum, Dulcinistarum, Beghardorum & Beghinarum in Alemannia vagantium.

In eodem modo Archi-Episcopo Treverensi, & Episcopis. Mandamus, quatenus vos Fratres, Archi-Episcopo, & Metensis Episc.

In eodem modo Archi-Episcopo Rigenſi, & Episcopis. Mandamus, quatenus vos Fratres, Archi-Episcopo.

Carissimo in Christo Filio PHILIPPO, Regi Francorum illustri.

Regnans in Cœlis triumphans Ecclesia, cujus Pastor est Pater æternus, cui Sanctorum ministrant agmina, & laudis gloriam Angelorum Chori decantant, in terris ad sui similitudinem & representationem constituit Ecclesiam militantem, Unigenito Filio DEI vivo Domino JESU CHRISTO ineffabili commercio copulatam, in quo idem Unigenitus Dei Filius a Patre progrediens per illustrationem Paracliti procedentis pariter ab utroque, statuit fidei fundamentum. Sane Romana Ecclesia, Mater alma Fidelium, Caput est, disponente Domino, Ecclesiarum aliarum omnium, & Magistra, a qua velut a primitivo fonte ad singulas alias ejusdem fidei rivuli derivantur, ad cujus regimen voluit Christi clementia Romanum Pontificem vice sui deputare Ministrum, ut instructionem & doctrinam ipsius eloquio veritatis Evangelicæ traditam, cuncti renati fonte Baptismatis teneant & conservent: ut, qui sub hac doctrina cursum vitæ recte peregerint, salvi fiant, qui vero ab ea devierint, condemnentur. Ipsa nempe Romana MATER Ecclesia juxta exigentiam possibilitatis ipsius, ad cunctas Orbis Provincias, in quibus Divini nominis cultus viget, Fideique Catholicæ observantia rutilat, (a) sedulæ considerationis extendens, ac subiciens ab olim suæ considerationis examini:

Diuturnæ calamitatis angustias, illius specialis hereditatis Dominicæ, videlicet Terræ sanctæ ab infidelibus miserabiliter conculcatæ, in qua idem Patris æterni Filius nostræ carnis indumento contactus, salutem humani generis pietate ineffabili extitit operatus, quamque sua ipse voluit corporali insignire præsentia, & proprii asperione sanguinis voluit consecrare, multa sollicitudine studuit. Eidem terræ

retro actis temporibus, quibus potuit remediis, ut eriperet ab ipsis impiis subvenire. Et quia inter cæteros, quos professio Christianæ religionis includit Milites & Fratres Domus militiæ Templi Hierosolymitani, sicut est toti orbi notorium, tanquam speciales ejusdem militiæ pugiles & jam dictæ terræ præcipui defensionis ipsius negotium principaliter gerere videbantur, ipsos & eorum Ordinem specialis favoris plenitudine prosequens, eos adversus Christi hostes crucis armavit signaculo, multis exaltavit honoribus, ditavit facultatibus, ac diversis libertatibus & privilegiis communivit.

Id nimirum, cum crederentur in Domini servitio, sub regulari habitu fideliter militare, sibi quasi cunctorum manus fidelium cum multiplici erogatione bonorum sentiebant multifarie, multisque modis propterea adjutrices.

Sed pro dolor nova & calamitosa vox de malignitatis fratrum ipsorum enormitate progrediens nostrum replevit, imo verius perturbavit auditum. Hæc enim vox nuntia lamentationis & gemitus audientibus horrorem ingerit, commovet animos, mentes turbat, & cunctis fidei Christianæ cultoribus novæ & ineffabilis amaritudinis calicem subministrat, & dum facti seriem ejus necessitate poscente depromimus, noster attenuatur præ angustia spiritus, & valetudinis fatigata confractibus membra singula præ nimio dolore tabescunt.

Dudum siquidem circa nostræ promotionis ad apicem Summi Pontificatus initium (b) etiam, antequam Lugdunum, (c) ubi recepimus nostræ coronationis Insignia veniremus, & post tam ibi, quam alibi secreta quorundam nobis insinuatio intimavit, quod Magister, Præceptores, & alii fratres dictæ militiæ templi, & etiam ipse Ordo,

(a) intuitum

(b) Bernardus de Agutis, alias de Goto, Archi-Episcopus Burdegalenſis Perusiæ eligitur Nonis Junii A. 1305. Nomen assumpsit Clementis V.

(c) A. 1305. XVIII. Kal. Decembris Lugduni in æde S. Augusti, accitis ex Italia Cardinalibus tranſtulit se Avenionem, ubi Sedes Pontificum hæſit circiter septuaginta annos.

Ordo, qui ad defensionem Patrimonii ipsius Domini nostri JESU CHRISTI fuerant in Transmarinis deputati, contra ipsum Dominum in scelus Apostasie nefandum, detestabile idololatriæ vitium, execrabile facinus Sodomorum, & hæreses varias erant lapsa. Sed quia non erat verosimile nec credibile videbatur, quod viri tam religiosi, qui præcipue pro Christi nomine suum sæpe sanguinem effundere, ac personas suas mortis periculo frequenter exponere credebantur, quique multa & magna tam in Divinis officiis, quam in jejuniis, & aliis observantiis devotionis signa frequentius prætendebant, suæ sic essent salutis immemores, quod talia perpetrarent, hujusmodi insinuationi ac delationi ipsorum ejusdem Domini nostri exemplis in Canonicæ Scripturæ doctrinis edocti, aurem noluit inclinare.

Deinde vero Tu, (d) cui eadem fuerant facinora nuntiata non *typo avaritiæ*, cum de bonis Templariorum nihil tibi vindicare, vel appropriare intendas, imo a nobis & Ecclesiæ per deputandos super hoc a nobis administranda, gubernanda, conservanda, & custodienda liberaliter, & devote in regno tuo dimisisti, manum tuam exinde totaliter amovendo, sed fidei orthodoxæ fervore tuorum Progenitorum vestigia clara sequens accensus, de præmissis quantum licite potuisti, te informans, ad instruendum, & informandum nos super iis multas, & magnas nobis informationes per tuos nuntios, & literas destinasti. Infamia vero contra Templarios ipsos increbescente validius, super sceleribus antedictis: & quia etiam quidam miles ejusdem Ordinis magnæ nobilitatis, & qui non levis opinionis in dicto Ordine habebatur, coram nobis secreto juratus deposuit, quod in receptione Fratrum præfati Ordinis hæc consuetudo, vel verius corruptela servatur, quod ad recipientis vel ab eo deputati suggestionem, qui recipitur, Christum Jesum negat, & super crucem sibi ostensam spuit in vituperium Crucifixi; & quedam alia faciunt recipiens, & receptus, quæ non sunt licita, nec humanæ conveniunt honestati, prout ipse tunc

confessus extitit coram nobis, urgente nos ad id officii nostri debito, vitare nequivimus, quin tot, & tantis clamoribus accommodaremus auditum; sed cum demum fama publica deferente, ac clamorosa insinuatione, Tui, nec non & Ducum, Comitum, & Baronum, ac aliorum Nobilium, Cleri quoque, ac populi dicti Regni tui, ad nostram propter hoc tam per se, quam per Procuratores, & Syndicos præsentiam venientium (quod dolenter referimus) ad nostram audientiam pervenisset, quod Magister, Præceptores, & alii Fratres dicti Ordinis, & ipse Ordo præfatis, & pluribus aliis erant criminibus irretiti; & præmissa per multas confessiones, attestaciones, & depositiones præfati Magistri, & plurium Præceptorum, & Fratrum Ordinis prælibati coram multis præfatis, & hæreticæ pravitatis Inquisitore in Regno Franciæ factas, habitas, & receptas, & in publicam Scripturam redactas, Nobisque & Fratribus nostris ostensas, probari quodam modo viderentur, ac nihilominus fama & clamores prædicti in tantum invaluisse, & etiam ascendissent, tam contra ipsum Ordinem, quam contra personas singulares ejusdem, quod sine gravi scandalo præteriri non poterat, nec absque eminenti periculo tolerari: Nos illius, cujus vices licet immeriti in terris gerimus, vestigiis inhaerentes, ad *inquendum de prædictis* ratione prævia duximus procedendum, multosque de Præceptoribus, Presbyteris, Militibus, & aliis Fratribus dicti Ordinis reputationis non modicæ, in nostra præsentia constitutos, præstito ab eis juramento, quod super præmissis memoriam & plenam nobis dicerent veritatem, super prædictis interrogavimus & examinavimus usque ad numerum *septuaginta duorum*, multis ex fratribus nostris nobis assistentibus diligenter; eorumque confessiones per publicas manus in authenticam scripturam redactas, illico in nostra, & dictorum fratrum nostrorum præsentia, ac deinde interposito aliquorum dierum spatio in consistorio legi fecimus coram ipsis, & illas in suo vulgari cuilibet eorum exponi. Qui perseverantes in illis, eas

ex-

- (d) Philippus pulcher Rex Franciæ, quem ostendit Papa perperam accusari, quasi ex avaritia Ordinem Templariorum extinguere procurasset. Hoc comma insertum ad solum Regem Francorum spectat: reliqua Epistolæ ad omnes Principes & Episcopos scripta sunt.

expresse & sponte, prout recitatæ fuerant, approbarunt. Postquam cum Magistro, & præcipuis Præceptoribus præfati Ordinis intendentes, super præmissis inquirere per Nos ipsos ipsum Magistrum, & Franciæ, Terræ ultramarinæ, Normandiæ, Aquitanie, ac Pictaviæ Præceptores majores; Nobis tunc Pictavis existentibus mandavimus præsentari. Sed quoniam quidam ex eis sic infirmabantur tunc temporis, quod equitare non poterant, nec ad nostram præsentiam quoquo modo adduci, nos cum eis scire volentes de præmissis omnibus veritatem, & an vera essent, quæ continebantur in eorum confessionibus & depositionibus, quas coram Inquisitore pravitatis hæreticæ in Regno tuo præfato; & præsentibus quibusdam Notariis publicis, & multis aliis bonis viris dicebantur fecisse, Nobis & Fratribus nostris per ipsum Inquisitorem sub manibus publicis exhibitis, & ostensis dilectis filiis nostris *Berengario tituli Sanctorum Nerei, & Achillei, & Stephano titulo Sancti Cyriaci in thermis, Presbyteris, ac Landulpho Sancti Angeli Diacono, CARDINALIBUS*, de quorum præsentia, experientia, & fidelitate indubitata fiduciam obtinemus, commissimus, & mandavimus, ut ipsi cum præfatis Magistro; & Præceptoribus inquirerent, tam contra ipsos & alias singulares personas dicti Ordinis generaliter, quam contra ipsum Ordinem super præmissis cum diligentia veritatem, & quidquid super his invenirent, Nobis referre, ac eorum confessiones & depositiones per manum publicam in scriptis redactas nostro Apostolatu deferre, ac præsentare curarent, eisdem Magistro, & Præceptoribus absolutionis beneficium a sententia excommunicationis, quam pro præmissis, si vera essent, incurrerant, si absolutionem humiliter, ac devote peterent, ut deberent, juxta formam Ecclesiæ impensuri. Qui Cardinales ad ipsos Magistrum & Præceptores personaliter accedentes, eis sui adventus causam exposuerunt, & quoniam tam personæ quam res ipsorum, & aliorum Templariorum in dicto regno tuo consistentium in manibus nostris erant, quod libere absque metu cujusquam plene, ac pure super præmissis omnibus ipsis Cardinalibus dicerent veritatem, eis auctoritate Apostolica injunxerunt. Qui Magister & Præceptores

Franciæ, *terræ ultramarinæ, Normandiæ, Aquitanie, ac Pictaviæ* coram ipsis tribus Cardinalibus præsentibus, quatuor tabellionibus publicis & multis aliis bonis viris ad sancta Dei Evangelia ab eis corporaliter tacta, præstito juramento, quod super præmissis omnibus meram & plenam veritatem, coram ipsis singulariter libere ac sponte absque coactione qualibet, & timore deposuerunt, & confessi fuerunt inter cetera Christi abnegationem & spuitionem super Crucem, cum in Ordine Templi recepti fuerunt, & quidam ex eis se sub eadem forma scilicet cum abnegatione Christi, & spuitione super Crucem fratres multos recepisse: sunt etiam quidam ex eis quædam alia horribilia, & inhonesta confessi, quæ ut eorum ad præsens parcamus verecundiæ, subicemus. Dixerunt præterea, & confessi fuerunt, esse vera, quæ in eorum confessionibus & depositionibus continentur, quas dudum fecerant coram Inquisitore hæreticæ pravitatis, quæ confessiones & depositiones dictorum Magistri & Præceptorum in scripturam publicam per quatuor tabelliones redactæ publicos, in ipsorum Magistri & Præceptorum, & quorundam aliorum bonorum virorum præsentia, ac deinde interposito aliquorum dierum spatio coram ipsis, eisdem lectæ fuerunt de mandato & in præsentia Cardinalium prædictorum, & in suo vulgari expositæ cuilibet eorundem. Qui perseverantes in illis, eas expresse & sponte, prout recitatæ fuerant, approbarunt, & post confessiones & depositiones ab ipsis Cardinalibus ab excommunicatione, quam pro præmissis incurrerant, absolutionem flexis genibus, manibus completis humiliter & devote ac cum lachrymarum effusione non modica petierunt: ipsi vero Cardinales, quia Ecclesia non claudit gremium redeunti, ab eisdem Magistro & Præceptoribus hæresi abjurata, expresse ipsis secundum formam Ecclesiæ auctoritate nostra, absolutionis beneficium impenderunt, ac deinde ad nostram præsentiam redeuntes, confessiones, & depositiones prælibatorum Magistri, & Præceptorum in scripturam publicam per manus publicas, ut est dictum, redactas Nobis præsentaverunt, & quæ cum dictis Magistro & Præceptoribus fecerant, retulerunt: ex quibus

bus confessionibus & depositionibus, ac relatione invenimus saepesatos Magistrum & fratres in præmissis & circa præmissa licet quosdam ex eis in pluribus, & alios in paucioribus graviter deliquisse. Attendentes autem, quod scelera tam horrenda transire incorrecta absque Dei omnipotentis, & omnium Catholicorum injuria non poterant, nec debebant; decrevimus de fratrum nostrorum consilio per Ordinarios locorum, ac per alios fideles, & sapientes viros ad hoc deputandos a Nobis contra singulares personas ipsius Ordinis, nec non contra dictum Ordinem per certas directas personas, quas ad hoc duximus deputandas super præmissis criminibus, & excessibus inquirendum, iis nempe, quæ magis flere cogimur, quam narrare cor nostrum passione nimia cruciatur, & cum tanta proinde Nobis imminet gemendi materia, fletum non possumus declinare. Quisnam Catholicus hæc audiens, nimis non doleat, & prorumpat in luctum? quis fidelis hujusmodi sinistram eventum intelligens amara non emittat suspiria, verbaque lamentationis, & inæstitudinis non erumpet (e)? cum tota Christianitas hujusmodi doloris sit particeps, & hic casus fideles percutiat universos. Ex his etiam, dum ministerio debitæ considerationis, nostræ mentis præsentatur obtutibus, ignis in nostris meditationibus exardescit, & ad tanta discrimina relevanda suspirat affectus, zelus accenditur, & spiritus anxiatur. Ad quod cum nos sufficere commode non posse sciamus, *levamus oculos nostros ad montem*, montem quidem Dei, montem uberem, montem pinguem, unde opportunum nobis provenire auxilium, & humiliter petimus, & devote speramus, & quia salubre in his adhiberi remedium interest generaliter omnium, Nos cum eisdem fratribus nostris, aliisque viris prudentibus exacto, ac frequenti tractatu præhabito, prout tantæ necessitatis instantia exigebat, de ipsorum fratrum consilio, *universale consilium* sicut imitatione digna sanctorum Patrum consuetudo laudabilis longevæ observationis exemplo nos instruit, a *proximis Kalend. Octobris ad duos annos immediate sequentes* decrevimus congregandum, ut in eo, tam circa dictum ordinem, & personas singulares, & bona ejusdem, & alia,

quæ statum tangunt Fidei Catholicæ, quam circa recuperationem, & subsidium terræ sanctæ, ac reparationem, ordinationem, & stabilitatem Ecclesiarum, & Ecclesiasticarum personarum & libertatum eorum, illa Deo auspice communi consilio inveniatur provisio, & ejusdem approbatione Concilii roboretur; per cuius salutiferam executionem virtus altissimi eliminatis erroribus, roborata fide, ad tramitem veritatis reductis errantibus, redintegrata ejusdem fidei unitate, extirpatis vitiis, virtutibusque plantatis, correctis excessibus, moribus reformatis, repressis oppressiionibus, libertate solida, stabilitate munita, recuperatis deperditis & ejusdem terræ statu prospero reparato, occupata restituatur, vastata restauratur, & restaurata conservetur, Nobisque viam aperiat idem ipse, qui novit; & facultatem tribuat ipse qui potest: ut sic in præmissis juxta intentum animi nostri desiderium sibi ministrare possimus salubriter, quod idem verus ejusdem Universalis Sponsus Ecclesiæ ipsam dilectam suam purgatam maculis, munitam virtute, ac monilibus ornatam, unam semper habeat & formosam ad sui nominis laudem, & gloriam, ad animarum profectum, robur fidei, pacem, & exaltationem populi Christiani. Quia vero prosecutio tanti propositi tempore indiget, ut deductum maturius facilius auctore effectum debitum sortiatur, prædictum tempus ad id duximus deputandum. Unde venerabilibus Fratribus nostris Archiepiscopis, Episcopis, ac dilectis filiis electis, Abbatibus, Prioribus, Decanis, Præpositis, Archidiaconis, Archipresbyteris, & aliis Ecclesiarum Prælatiis, exemptis, & non exemptis; eorumque Capitulis, & Conventibus per alias nostras literas præcipiendo *mandamus*, ut iidem Archiepiscopi nec non ceteri Episcopi per ipsorum Archiepiscoporum Provincias constituti in eisdem litteris nominati, reliquis ipsorum Episcoporum in dictis Provinciis remanentibus ad ea, quæ *Pontificale officium* exigunt, tam in suis quam illarum dictarum Provinciarum, qui *ad hujusmodi Concilium universale* accesserint, civitatibus, & Diœcesibus exercenda, omni negligentia relegata, cunctis, prout talis, & tanti negotii qualitas exigit dispositis, & paratis, sic medio tempore

(e) lege: eructet.

se accingant ad iter, quod in huiusmodi decreto termino, quem eis & aliis peremptorie assignamus in Viennem, Civitate, iidem Archiepiscopi, & Episcopi taliter nominati personaliter: alii vero remanentes Episcopi, electi, Abbates, Priores, Decani, Præpositi, Archidiaconi, Presbyteri, & Prelati, Capitula, & Conventus per eosdem Archiepiscopos & Episcopos ad prædictum Concilium accessuros, quibus ad omnia, quæ in eodem Concilio statuentur, & fuerint opportuna, concedant plenariam potestatem, de qua sufficienter constet per publica documenta nostro se conspectui repræsentent. Quod si forsan ipsis Archiepiscopis, & Episcopis accessuris huiusmodi noluerint concedere potestatem, eo casu venire, vel alios procuratores idoneos cum potestate simili ad idem teneantur Concilium destinare. Non obstantibus quibuscumque personis, Ordini, dignitati, seu Collegio sub quacunque verborum forma vel expressione a prædicta Sede concessis: per quæ possit effectus mandati nostri huiusmodi quomodolibet impediri, aut eidem in aliquo derogari *mandavimus* insuper, ut iidem Archiepiscopi & Prælati per se vel per alios viros prudentes, Deum timentes & habentes præ oculis omnia, que correctionis & reformationis limam exposcunt, inquirentes subtiliter, & conscribentes fideliter, eadem ad ipsius Concilii notitiam deferant. Et Nos nihilominus variis modis & viis solers studium, & efficacem operam dare proponimus, ut omnia talia *in examen huiusmodi deducta Concilii*, correctionem, & directionem recipiant opportunam. Hoc etiam in eisdem nostris literis adjecto, ut nullus inobedien-

tia notam, & Canonica ultionis acrimoniam vitare desiderans, fallacium excusationum velamento muniat vel ex impedimentis itinerum, que Domino *prava indirecta*, & *in vias planas aspera* sua omnipotentia convertente cessabunt, frivola allegationis munimenta confingat, ut tam a sancti prosecutione operis se subducatur: sed occurrant singuli voluntarii ad id, quod & Divina congruit voluntati, & salutem animarum, ac utilitatem respicit singulorum. Cæterum quia multipliciter expedit, ut tam celebre Concilium *Tua & aliorum Catholicorum Principum* decoretur presentia ut salubri consilio, & auxilio fulciatur, serenitatem Regiam rogamus, & hortamur attentius in remissionem Tibi peccaminum suadentes, quod præscriptis loco & termino in eodem Concilio, captata interim ad hoc opportunitate studeas *personaliter interesse*, meditatione provida prudenter attendens, quod in hoc non solum labor, quem ad tam sancti & utilis negotii promotionem assumes, Tibi cedit ad meritum, verum etiam aliorum, qui ad veniendum ad idem Concilium efficacius tuo inducentur, exemplo, & nihilominus vota Tua nobis poteris familiariter aperire, quæ in omni benevolentia libenter ad exauditionis gratiam, quantum cum Deo, ac Ecclesiæ honore poterimus, admittemus. *Datum Præfatis secundo idus Augusti, Pontificatus Nostri anno tertio.* (d)

Indixit ergo Papa biennio ante Concilium generale A. 1311. Viennæ celebrandum Kal. Octobris, sed juxta *Tribemum* Kal. Novembr.

Literæ hæc Encyclicæ Clementis V. extant apud *Binius Concil. Tom. III. Parte II. pag. 769. & seqq.*

(d) Anno 1305. Nonis Junii, Perusii absens, electus fuerat Clemens V. ergo annus 1308. erat *tertius*: mortuus est Clemens XII. Kalendas Maji A. 1314. ad rupein Mauram Diocesis Nemausensis, dum Burdigalam pergeret anno Sedis octavo, mense X. die XV. ex quo Pontificatum conscenderat.

In eodem Concilio Viennensi statutum, ut in Scholis Romanæ Curia & Academiis Parisiensi, Oxoniensi, Bononiensi, & Salmanticensi publici linguarum, Hebraicæ, Arabicæ, & Chaldaicæ Professores instituerentur. *De Magistris. Cap. Inter sollicitudines.* Statutum II. Festum Corporis Christi ab Urbano IV. institutum, debito honore & cultu peragendum ab omnibus Christianis.

Petierat etiam Rex Franciæ Philippus, ut memoria Bonifacii VII. tanquam hæretici & Pseudo-Pontificis aboleretur: cui petitioni Regiæ Concilium licet XLIV. articulis Bonifacio imputatis sollicitaretur, denegavit assensum & Bonifacium VIII. Catholicum & legitimum Papam fuisse declaravit.

Litteræ Commissoriae (a) ad Henricum Archiepiscopum Coloniensem, ejusque Suffraganeos scriptæ a Clemente V. PP. de citandis & examinandis Templariis.

Similis formæ Commissiones aliis Germaniæ Archi- & Episcopis delegatæ fuere a CLEMENTE V.

Faciens misericordiam cum servo suo Dei Filius Dominus Jesus Christus, ad hoc nos voluit in specula eminenti Apostolatus assumi, ut gerentes licet immeriti vices ejus in terris, in cunctis nostris actibus & processibus, vestigia, quantum patitur humana fragilitas, imitemur. Sane dudum circa nostræ promotionis ad apicem summi Pontificatus initium etiam antequam Lugdunum, ubi recepimus nostræ coronationis insignia, veniremus, & post etiam &c. ut supra in *Epistola ad Philippum Regem Francorum mutatis mutandis*, usque ad id, graviter deliquisse. *Sequitur:* Verum quia in universis mundi partibus, per quas idem ordo diffunditur, ac fratres degunt ipsius, super his non possumus inquirere per nos ipsos, fraternitati vestræ de fratrurn nostrorum consilio per Apostolica scripta mandamus, quatenus vos & quilibet vestrum, videlicet in suis civitate & Diocesi una cum venerabilibus Fratribus nostris *Moguntinensi, Trevirensi & Magdeburgensi Archiepiscopis, ac Basileensi & Constantiensi Episcopis, & dilectis Filiis Abbate Monasterii de Crudelio, & Priore de longo Ponte Cluniacensis Ordinis, Vivariensis, & Parisiensis Diocesis, Paulo de Chadarossa Præposito Cavallicensi, Decano sancti Servatii Trajectensis, Magistro Bernardo, Raymundi Archi-Diacono Majoricensi, Joanne dicto Presbytero Longo Tullenensi Capellano nostro & Magistro Laurentio de Fuscisberte Basilicæ sanctæ Mariæ Majoris de urbe, Canonicis Ecclesiarum vel undecim, decem, novem, octo, septem, sex, quinque, quatuor, tribus, duobus, aut uno ex ipsis, quos vobis in hac parte propter negotii magnitudinem duximus adjungendos, vocatis per publicum citationis edictum per vos & ipsos adjunctos, vel eorum aliquos sive aliquem in locis, de quibus vobis & iis videbitur faciendam, qui fue-*

rint evocandi contra singulares personas & fratres dicti ordinis in civitatibus & Diocesibus vestris degentes etiam si aliunde venerint, vel illuc adducti forsan extiterint, super articulis, quos vobis sub Bulla nostra inclusas transmittimus, & super aliis de quibus prudentiæ vestræ videbitur expedire, veritatem cum diligentia inquiretis. Volumus insuper, quod inquisitione seu inquisitionibus hujusmodi factis per Provinciale Concilium contra ipsos, singulares personas & fratres, qui in eadem provincia fuerint, seu pro eis super his, de quibus contra eos inquisitum extiterit, absolutoria, seu condemnatoria sententia juxta juris exigentiam proferatur. Inquisitore nihilominus seu Inquisitoribus ejusdem pravitatis hæreticæ in ipsa provincia per Sedem Apostolicam deputatis tam ad dictas inquisitiones, quam ad hujusmodi prolationem sententiæ admissis. Proviso, quod de inquirendo vel sententian-do contra præfatum ordinem, & contra magnum Præceptorem dicti ordinis in Regno Alemanniæ constitutum, contra quos per certas personas inquirei mandavimus, vos intromittere nullatenus præsumatis. Nostræ etiam intentionis existit & volumus, quod tu Frater Archiepiscopo in hujusmodi inquisitionis per tuos Suffraganeos, ut præmittitur faciendæ negotio, cum singulis eisdem suffraganeis, quibus ad hoc te similiter duximus adjungendum, una cum prædictis aliis adjunctis, vel undecim, decem, novem, octo, septem, sex, quinque, quatuor, tribus, duobus aut uno ex ipsis, sive etiam per te ipsum, procedas, si potueris, juxta formam super hoc adjunctis traditam memoratis. Datum Pictevis 2. Idus Augusti. Pontificatus nostri anno tertio.

Ex Archæo Ecclesiæ Metropolitana Coloniae Binus descripsit Tomo III. Concil. Part. II.

Com-

(a) Has Litteras commissorias ex originali in Archæo Metropolitano asservato, describitas edidit *Binus Conciliorum Tom. III. Part. II. pag. 783.*

Commissionis vero, quæ adjunctis datæ, formam procedendi præscribunt, Literæ sic se habent:

CLEMENS EPISCOPUS, SERVUS SERVORUM

DEI, VENERABILIBUS FRATRIBUS MOGUNTINENSI, TREVERENSI, ET MAGDEBURGENSI ARCHI-EPISCOPIS, AC BASILIENSI, CONSTANTIENSI EPISCOPIS, AC DILECTIS FILIIS, ABBATI MONASTERII DE CRUDARIO, ET PRIORI DE LONGO PONTE, CLUNIACENSIS ORDINIS, VIVARIENSIS, PARISIENSIS DIOECESIS. PAULO DE CHADAROSSA, PRÆPOSITO CAVALLICENSI, DECANO S. SERVATII TRAJECTENSIS, MAGISTRO BERNARDO, RAYMUNDI ARCHI-DIAcono MAJORICENSIS. JOANNI DICTO LONGO PRESBYTERO DE ALEMANIA, CAPELLANO NOSTRO ROMARICENSI, ET MAGISTRO LAURENTIO DE FUSCISBERTE BASILICÆ SANCTÆ MARIÆ MAJORIS DE URBEE, CANONICIS ECCLESiarUM, SALUTEM ET APOSTOLICAM BENEDICTIONEM.

Faciens misericordiam cum servo Dei Filiis &c. *ut præcedente Bulla ad Archi-Episcopum Coloniensem data usque ad illa verba non possumus: inquirere per nos ipsos, sequitur:* discretioni vestræ, de quorum circumspeditione specialem fiduciam gerimus, de fratrum nostrorum consilio per Apostolica scripta mandamus, quatenus ad Coloniensem Civitatem & Dioecesim ac Provinciam personaliter accedentes, una cum venerabilibus Fratribus nostris Archi-Episcopo Colonienfi, ejusque Suffraganeis, quibus vos propter hujusmodi negotii magnitudinem in hac parte duximus adjungendos, cum quolibet eorum, videlicet in suis civitate & Dioecesi vocatis &c. *usque ad illa verba:*

Testes autem, si qui a vobis requisiti, vel admoniti vel citati, ut super dictis articulis ferant veritatis testimonium

coram vobis, se prece vel precio gratia vel amore, odio vel timore a ferendo testimonio subtraxerint, nec non fautores, receptatores, & defensores prædictorum fratrum, qui a vobis citati vel vocati, ut præmittitur, coram vobis non comparuerint, eos insuper, qui prædictam vestram inquisitionem directe vel indirecte, publice vel occulte vel per se vel alium seu alios vel alias quoquo modo præsumperint impedire, per censuram Ecclesiasticam appellatione postposita compescatis. Invocato ad hoc, si opus fuerit, auxilio brachii sæcularis. Quod si non omnes his exequendis potueritis interesse, undecim, decem, novem, octo, septem, sex, quinque, quatuor, aut duo, seu unus vestrum ea nihilominus exequantur. Nostra etiam intentionis existit &c. *ut supra mutatis pauculis.*

Capitis per Inquisitores ex hac commissione militibus fere omnibus accidit, ut bona eorundem mobilia, diversorum prædis exponerentur, possessiones, ac redditus occuparentur, ac jura eorundem occultata subtraherentur. Ne itaque detrimentum sentirent loca pia, quibus eorum bona applicanda erant, idem Pontifex ad omnes Christi fideles hoc modo rescripsit.

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

AD omnium fere notitiam credimus pervenisse nefanda scelera, & crimina abhorrenda hæresis (b) notorie sapientia, quibus Ordo & Persona Templariorum non levibus argumentis, sed manifestis indiciis, & violentis præsumptionibus diffamati noscuntur super abnegatione, videlicet Domini Salvatoris nostri Jesu Christi, & super nefanda, temeraria & præsumptuosa, & hæretica

conspuitione super ejusdem imaginem Crucifixi; nec non & super pluribus articulis, quos, quia fore credimus manifestos, exprimi non oportet, sicque ex crebrescente infamia, & imminentibus scandalis plurimis minime contemnendis, quæ non leviter totam scandalizabant Ecclesiam, urgente conscientia, per totum orbem terrarum jam dudum ipsos capi mandavimus, & tandem cepimus; Super

(b) forte: hæresis.

Super his contra eos inquirere per Nos ipsos nonnullis ex fratribus nostris adscitis ad inquisitionem prædictam nobiscum sollicitè peragendum, tandem presentatis notis personis eisdem non parvo; sed grandi numero, non leviter, sed magnæ auctoritatis viris olim in ordine supradicto Sacerdotibus, Præceptoribus, militibus & servantibus, per eorum confessiones & depositiones spontaneas, libere factas coram Nobis & Fratribus ipsis in secreto prius, & postmodum coram Nobis totoque Collegio Fratrum nostro, Sanctæ Romanæ Ecclesiæ Cardinalium, patuit manifeste, quod ad personas ipsas consistentes dicta crimina, & scelera esse vera: iidemque consistentes omnes & singuli, suum humiliter recognoscens errorem, Nostram & Apostolicæ sedis non iusticiam, sed misericordiam & veniam implorarunt, quibus cum omni humilitate & reverentia, & proprii eorum recognitione erroris omnino persistentibus, pro absolutione ab excommunicationis sententia, quam ex huiusmodi hæresis reatibus & sceleribus incurrant, ipsis misericorditer impendenda, Nos, qui licet indigni Vicarii sumus illius, cuius *Miserationes* (c) *super omnia opera ejus existunt*, quia Romana Mater Ecclesia non claudit, prout nec claudere debet, gremium redeunti, sed potius errantem ovem ad ovile Dominicum super humeros proprios reportare; facta a supradictis consistentibus cum magna humilitate & reverentia debita, abjuratio huiusmodi hæreseos secundum Canonicas sanctiones, eisdem fecimus juxta formam Ecclesiæ munus absolutionis impendi, injungendi propterea salutarem poenitentiam, Nobis & dictæ sedi, seu quibus id committendum duxerimus, potestate specialiter reservatâ.

Ex prædictis itaque confessionibus, & nonnullis aliis causis legitimis non immerito excitati, visis etiam diversis processibus contra singulares personas dicti Ordinis super ipsis sceleribus & criminibus factis per locorum Ordinarios, & Inquisitorem generale hæreticæ pravitatis in Regno Franciæ, in quibus multorum aliorum confessiones & depositiones contineri videbantur aperte, ex quibus violenta suspicio contra Ordinem

ipsum, & personas ejusdem habebatur super criminibus antedictis contra omnes singulares personas dicti Ordinis, nec non & ipsum Ordinem; cum omni diligentia & sollicitudine per alias nostras literas mandavimus inquire, ut per huiusmodi inquisitiones de supradictis criminibus & infamiis, contra Ordinem & personas præstatos, (d) vel pro ipsis veritas elucescat.

Verum, quia occasione huiusmodi subsecutorum processuum & captionum personarum, Ordinis prælibati bona ipsius mobilia, quæ vel pro ipso ordine, si reperiatur innocens, vel alias pro subsidio Terræ sanctæ, & contra perfidos Saracenos, inimicos Fidei Christianæ, ad quæ bona prædicta per fideles ipsa largientes deputata fuerunt, & Nos ipsi eadem bona una cum aliis bonis immobilibus eorundem ad ea decrevimus deputanda, nequiter a nonnullis subvertita, penes aliquos malitiose, indebite, & injuste absconsa & celata feruntur in grave ipsorum animarum periculum, Ecclesiæ prædictæ contemptum, & dictæ Terræ præjudicium, dispendium & iacturam.

Nos volentes debitum in hac parte remedium adhibere, universis & singulis sub virtute obedientiæ, ac excommunicationis poena, quam excommunicationem contra facientes post unius mensis spacium a notitia præsentium immediate sequentis cujuscumque præminentie, dignitatis, status, vel conditionis existant, Ecclesiastici vel mundani, etiam si Pontificali præfulgeant dignitate, incurrere volumus ipso facto, auctoritate Apostolica districte præcipiendo mandamus, quatenus habentes, tenentes & possidentes, ut prædicitur, per se, vel alium, seu alios aliquas pecuniarum summas, vel alia mobilia bona quæcumque, vel se moventia personarum vel ordinis prædictorum, sive causa depositi, vel alia quacumque causa, occasione vel titulo, si qui, qui etiam personis vel Ordini ante dictis in quacumque summa vel quantitate pecuniæ obnoxii, vel alias quomodolibet fuerint obligati, ex quacumque causa vel titulo, vel ab eis aliquid receperint, vel ipsorum nomine per quemcunque, aut pro

(c) Psalmo CXLIV, 9.

(d) forte: præstatos;

Tomus IV, Concil. German.

pro ipsis; libere integraliter & sine diminutione restituant, reddant & solvant, sub instrumentis publicis, locorum Ordinariis, sive superintendentibus administrationi bonorum dicti Ordinis per sedem ipsam deputatis, vel etiam deputandis.

Non obstantibus quibuscunque promissionibus super his ab ipsis præstitis, pœnis, juramentis, cautionibus, obligationibus, seu fideiussionibus forsitan roboratis.

Si qui autem etiam nihil habentes de bonis prædictis, nihilque debentes eisdem, ac in nullo ipsis quomodolibet obligati, sciverint aliquem aliquid habere, tenere vel possidere de ipsis bonis, ut superius est expressum, aut aliquem debitorem dictorum Ordinis & personarum, vel eis quomodolibet obligatum, sive aliquem aliquid ab eis, vel ipsis, vel eorum nomine, vel alicujus eorum recepisse, infra idem tempus Ordinariis, vel superintendentibus prælibatis sub instru-

mentis similibus aperte revelent; alioquin supradictam sententiam ipsos incur-rere volumus ipso facto: quam si ipsi & alii superius nominati per sex menses sustinuerint animo indurato; Ordinariis ipsis & quibuslibet aliis absolutionem eorum penitus interdicimus, ipsam Nobis & Successoribus nostris, præterquam in mortis articulo tantummodo reservantes.

Et ut prædictorum ignorantiam nemo prætereundum valeat, hujusmodi processum nostrum mandamus & volumus per illos, quibus in aliis nostris litteris id committimus, in locis contentis in eis solemniter publicari. Datum Pictavis 2. Idus Augusti, Pontificatus nostri anno tertio.

*Binus Concil. Tom. III. Part. II. p. 783.
ex Archivio Ecclesie Metropolitane
Coloniensis.*

Effectum hujus Pontificie Commissionis *leges apud Trithemium Tom. II. Chronici Hirsaugiensis & S. Antoninum, & Joannem Marium, a Binio citatos & descriptos, clausula Bullæ: Quamquam de JURE non possumus tamen ad plenitudinem potestatis dictum Ordinem reprohamus.* Non fuit ergo juridica damnati Ordinis sententia, quia nec totus Ordo citatus, multo minus singuli saltem Præceptores auditi fuerunt, sed fuit damnatio provisionalis ex plenitudine Papalis potestatis, ut Papa ipse in Bulla dicit.

In eodem Concilio Viennensi CLEMENS V. damnat sectam Beguardorum & Beguinarum in Regno Alemanniæ vulgariter appellatarum, & octo eorum errores: excitans Diceclanorum & Inquisitorum officium contra eos. SESSIONE TERTIA.

AD nostrum (qui desideranter in votis gerimus, ut Fides Catholica nostris prosperetur temporibus, & pravitas hæretica de sinibus fidelium extirpetur) non sine displicentia grandi pervenit auditum, quod secta quædam abominabilis quorundam hominum malignorum, qui *Beguardi*, & quarundam infidelium mulierum, quæ *Beguinae* vulgariter appellantur in Regno Alemanniæ (procurante favore malorum operum) damnabiliter insurrexit, tenens & asserens doctrina sua sacrilega & perversa infertius designatos errores.

Primo videlicet, quod homo in vita præsentis tantum & talem perfectionis gradum potest acquirere, quod reddatur penitus impeccabilis, & amplius in gratia proficere non valebit. Nam, ut dicunt, si quis semper posset proficere, posset aliquis Christo perfectior inveniri.

Secundo. Quod jejunare non oportet

hominem, nec orare, postquam gradum perfectionis hujusmodi fuerit assecutus: quia tunc sensualitas est ita perfecte spiritui & rationi subiecta, quod homo potest libere corpori concedere, quidquid placet.

Tertio. Quod illi, qui sunt in prædicto gradu perfectionis, & spiritu libertatis, non sunt humanæ subiecti obedientie, nec ad aliqua præcepta Ecclesiæ obligantur, quia, ut asserunt, *ubi Spiritus Domini, ibi libertas.*

Quarto. Quod homo potest ita finalem beatitudinem secundum omnem gradum perfectionis in præsentis assequi, sicut eam in vita obtinebit beata.

Quinto. Quod quolibet intellectualis natura in se ipsa naturaliter est beata, quodque anima non indiget lumine gloriæ ipsam elevante ad Deum videndum, & eo beate fruendum.

Sexto. Quod se in actibus exercere virtut-

virtutum, est hominis imperfecti, & perfectæ anima licentiat a se virtutes.

Septimo. Mulieris osculum (cum ad hoc natura non inclinēt) est mortale peccatum. Actus autem carnalis (cum ad hoc natura inclinet) peccatum non est, maxime cum tentatur exercens.

Octavo. Quod in elevatione Corporis JESU CHRISTI non debent assurgere, nec eidem reverentiam exhibere, asserentes, quod esset imperfectionis eisdem, si a puritate & altitudine suæ contemplationis tantum descenderent, quod circa Ministerium, seu Sacramentum Eucharistiæ, aut passionem humanitatis Christi aliqua cogitarent.

Nonnulla etiam alia sub quadam simulata sanctitatis specie dicunt, faciunt, & committunt, quæ oculos Divinæ Majestatis offendunt, & grave in se continent periculum animarum. Cum autem ex debito commissi Nobis officii hujusmodi sectam detestabilem, & præmissos ipsius execrandos errores (ne propagentur ulterius, & per eos corda fide-

lium damnabiliter corrumpantur) extirpare ab Ecclesia Catholica necessaria habeamus.

NOS, SACRO APPROBANTE CONCILIO, sectam ipsam cum præmissis erroribus damnamus & reprobamus omnino, inhibentes districtius, ne quis ipsos de cætero teneat, approbet, vel defendat. Eos autem, qui secus egerint, animadversione Canonica decernimus puniendos.

Porro Diecepsani, & illarum partium Inquisitores hæreticæ pravitatis, in quibus Beguardi & Beguinæ hujusmodi commorantur, suum officium circa eos diligenter exerceant: Inquirentes de vita & moribus ipsorum, qualiter consentiant de articulis Fidei, & Ecclesiæ Sacramentis. In illos vero, quos culpabiles repperint (nisi abjuratis sponte prædictis erroribus penituerint, & satisfactionem exhibuerint competentem) debitam exerceant ultionem.

Lib. V. Clementinarum. Tit. III. De Hæreticis. cap. Ad Nostrum.

Tribemius in Chronico Hirsaugiensi eosdem octo errores refert.

Odoricus autem *Raynaldus in Annalibus Ecclesiasticis* ad annum 1312. §. 17. refert ex *Henrico Sterone*, ex *Alvaro Pelagio cœvo*, *De planctu Ecclesiæ Tit. II. Cap. 52.* non solum originem horum hæreticorum, sed & loca scripturæ, quibus abutebantur ad suos errores firmandos, & eorundem locorum per scripturæ loca opposita Catholice exposita confutationem. Rursum eorundem confutationem ex *Cardinali de Turre cremata*, ex *S. Antonino III. Parte Tit. 21.* quæ nos Polemicis Scriptoribus ponderanda relinquimus.

Bizochi, *Beghardi* *Pseudo-Apostoli*, *Dulcinistæ*, *Libertini*, nomina sunt hæreticorum, veluti totidem capitum ex *Hydra Waldensium hæreseos pullulantium*, ait *Alvarus Pelagius*.

Ex eadem *Hydra Lolhardi* & *Fraticelli* prodierunt, Germaniam, & reliquas Orbis Catholici Ecclesias invadentes, sæpius puniti, damnati, sæpiissime crudescerent.

In hoc Concilio Viennensi, celebrato in Delphinatu, adeoque extra Germaniam, fuere hæc tria acta, quæ Germaniam spectant:

- I. Suppressio Templariorum in Germania, & bonorum in Germania sitorum applicatio facta Ordini Hospitaliorum, nunc Melitenium. II. Inquisitio & examen Templariorum, commissum Archi-episcopis, & Episcopis Germaniæ. III. Condemnatio Beguinorum & Beguinarum in Alemannia commorantium, quorum punitio & exterminatio negligenter peracta fuit, ut conqueritur *Alvarus Pelagius cœvus*. Reliqua illic acta, uti imperatæ suppetiæ pro recuperanda Terra sancta: damnatio errorum Joannis Pauli Olivæ, & Spiritualium inter Minores, & Dulcinistarum, & exemptio ab Ordinariis concessa Cisterciensibus, Nos præcisè Germanos non tangunt.

Vide nostram *Digestionem ad Sæculum XIII. §. XIV. pag. 57. hujus Tomi*, ubi Antecessores & Sectatores Beghardorum & Begardarum enumeravimus, & diversitatem sententiarum variarum exhibuimus de iis. De hæreticis, & eorum erroribus confer Concilium Colonienſe anni 1306. Canon. I. pag. 100. hujus Tomi, Concilium Treverense anni 1310. Cap. 50. & 51. pag. 139. h. Tomi.

CONCILIIUM CAMERACENSE

Anno Christi MCCCXIII. Clementis V. Papæ VIII.
Henrici VII. Regis VI.

In titulo de Reverentia & Jurisdictione, & Libertate Ecclesiarum.

Quia plerumque cum nonnulli Domini, aut iustitiarum secularium nostræ Diocesis, plus sectantur motum animi, quam iudicium rationis, personas Ecclesiasticas ad solvendum debita, super quibus coram illis contra ipsos eorum exhibentur litteræ, vel probationes, quibus iudicantur, damnabili præsumptione compellunt per captionem dictorum, vel alias, cum eis nulla competat iurisdictio in hac parte. Nos huic præsumptioni pestiferæ, quæ in nostra Diocesi nimium invalescit, occurrere cupientes, statuendo præcipimus, quod nulli Domini, aut iustitiarum temporales talia præsumant facere de cetero. Si quis contra hoc salubre statutum personas Ecclesiasticas ad solvenda debita contra statuta Canonica compellere præsumperit, ipso facto, sententia excommunicationis sit ligatus.

Ex querelis lacrymabilibus personarum Ecclesiasticarum, tam regularium, quam secularium nostræ Diocesis percipimus, quod nonnulli diabolico succensi Spiritu, Divinum Iudicium contemnunt, Ecclesias frequenter destruunt, animalia interficiunt, & rapiunt, & grangias, & domos succendunt, & nunquam personas Ecclesiasticas capiunt, & captas detinent pro suæ libere voluntatis; unde quia multum crescentibus non opus est exemplo, ne de cetero fiant talia, inhibemus, statuentes, quod si quis deinceps præmissa fecerit, vel fieri mandaverit, ipso facto excommunicationis vinculo cum omnibus illis, qui in his, ut fiant, dabunt auxilium, consilium, favorem, sit ligatus. Is etenim cuius nomine præmissa fiunt, si postquam ad ejus notitiam pervenerit, rata habuerit eadem, sit ligatus sententia excommunicationis.

Præcipimus etiam in virtute sanctæ obedientiæ, & sub pena suspensionis & excommunicationis omnibus, & singulis curiæ nostræ Diocesis, ut diebus Dominicis & Festis, dum Missarum sollemnitas celebrantur, inter Offertorium, & Præfationem denuntient palam & publice excommunicatos omnes illos, qui litterarum nostrarum, vel Officialis nostri Cameracensis, vel alias ad forum Ecclesiasticum recurrentes super causis, quæ ad idem forum jure, vel antiqua consuetudine pertinere noscuntur, ad desistendum coram nobis ad iudicium Ecclesiasticum vel imperantium, aut litigantium, vel volentium litigare, aut propinquorum ipsorum, seu rerum ipsarum, aut Ecclesiarum suarum, & captionem, vel modis aliis quibuscumque compellunt, seu compelli faciunt, vel procurant, per se, seu per alios, quominus coram Nobis, vel Officiali nostro, vel iudicibus Ecclesiasticis querelantur de causis, quæ ut præmissum est, ad cognitionem nostram pertinent, vel Officialis nostri, possint libere, iusteque obtinere; & qui ad præmissa facienda dant consilium, auxilium, vel favorem; a qua sententia absolvi non possunt, nisi Nobis, vel Officiali nostro, seu iudicibus, quorum cognitio fuerit impedita, vel iurisdictio usurpata, quam parti, quæ in prosecutione turbata fuerit sui juris, de injuriis, damnis, vel expensis, & interesse, prius per eundem integre fuerit satisfactum, prout hoc in constitutione felicis recordationis Domini Bonifacii Papæ Octavi plenius continetur.

Item denuntiamus excommunicatos ut supra, qui equos, & animalia personarum Ecclesiasticarum, tam Regularium, quam secularium nostræ Diocesis interficiunt, rapiunt, & do-

mos incendunt, & ipsas personas Ecclesiasticas capiunt, prout in nostra constitutione, quæ incipit: *Ex querolis lamentabilibus*, plenius continetur.

Item denuntientur excommunicati diebus quibuslibet Dominicis & Festivis, ut supra, omnes iudices sæculares nostræ Diocesis, qui personas Ecclesiasticas compellunt per litterarum suarum

captionem vel aliter, ad solvendum debita, super quibus coram illis contra ipsos exhibentur eorum litteræ, vel probationes aliquæ inducuntur, prout in nostra constitutione alias edita continetur.

Tomo VII. Collectionis amplissimæ Martenii & Durandi.

Hæ sunt Additiones Statutorum Synodaliū Sedis Cameracensis A. 1311.

Et Additiones super Titulum notantur ordine Alphabeti.

Anno Domini MCCCXL sabbato in festo S. Remigii in Capitulo Octobris, in Synodo Cameracensi celebrata in Ecclesia B. Martini de Castello Cameracensi. Reverendus in Christo Pater ac Dominus P. (a) Dei gratia, Cameracensis Episcopus, de Statutis antiquis Synodalibus diminuit, addidit & distraxit, ut sequitur:

Primo in titulo: *De Baptismo*, addimus post illa verba: *Ego te baptizo in nomine Patris, & Filii, & Spiritus Sancti. Amen:* Nec addantur, nec inferantur aliqua verba alia.

Item in eodem titulo in paragrapho: *Ad levandum puerum*, post illa verba: *In sacris Ordinibus constituta*, amovemus ista verba: *seu Religiose in religione approbata professæ.*

Item in titulo: *De Confirmatione*, post illa verba: *Non pater, nec mater*, addimus ista verba: *istud Sacramentum non est iterandum.*

Item, titulo: *De casibus Presbyteris Parochialibus reservatis*, in paragrapho: *Sacerdotis confessionem*, post illud verbum: *non audiant*, addimus ista verba: *nisi in articulo necessitatis.* Cætera verba dicti paragraphi usque ad paragraphum amovemus.

Item, in eodem titulo, in paragrapho, qui incipit: *Item statuimus, quod in quolibet Deanatu*, &c. taliter amovemus statuendo, quod quilibet Curatus possit eligere sibi idoneum Confessorem,

qui ipsum absolvit a peccatis sibi confessis, exceptis casibus Nobis, & Pœnitentiariis nostris reservatis.

Item, in titulo: *De Eucharistia*, in paragrapho: *Item inbibemus, ne aliquis Sacerdos &c.* post illa verba, addimus ista verba: *sub pena excommunicationis*; & de fine paragraphi prædicti amovemus verba, quæ sic incipiunt: *Illos autem, qui bis in die*, &c. usque ad finem dicti paragraphi.

Item, in eodem titulo in paragrapho, qui sic incipit: *Item, statuimus, quod nullus apostatam*, amovemus illa verba, quæ sic incipiunt: *Illi, qui diebus Dominicis, & in Solemnitatibus*, &c. usque in finem dicti paragraphi.

Item, in titulo: *De Matrimonio*, in paragrapho: *Item, statuimus, quod Matrimonium non celebretur*, &c. amovemus illa verba: *nisi de mandato nostro, vel Officialis nostri speciali.*

Item, in titulo: *De vita & honestate Clericorum*, in paragrapho: *Vestibus virgulatis*, volumus paragraphum ita esse: *Vestibus virgulatis pariter, & aliis inhonestis Clerici non utantur, nisi a Nobis cum eisdem fuerit dispensatum: quod si Beneficiati fuerint, vel in sacris Ordinibus constituti, sententiam excommunicationis incurvant ipso facto. Alii vero Clerici ad penam XL. solidorum Turonensium Nobis teneantur.* Cætera vero dicti paragraphi amovemus totaliter.

Item, in titulo: *De reverentia & jurisdictione Ecclesiarum*, sub paragrapho:

G g 3

Item

(a) Perrus de Levis, seu de Mirepois, Episcopus Montis Pessulani, ad Sedem Cameracensem evocatur anno 1310, elevat Corpus S. Walædrudis A. 1313. in præsentia Abbatum Laubienfis & S. Gisleini: ob continuam civium seditionem Sedem hanc reliquit, & Bajocensem accepit anno 1324. Episcopus XIV. Cameracensis.

Castillon. sacra Belgii Chronologia.

Item statuimus, ut qui maleficium perpetravit &c. circa finem dicti paragraphi post illa verba: Parochi Ecclesiarum, addimus ista verba: si sint in culpa.

Item, in titulo: De Testamentis, in paragrapho: Item statuimus, quod singuli Presbyteri &c. apponimus ista verba: de consilio proprii Sacerdotis, juxta dispositionem testamentorum.

Item, in eodem titulo, in paragrapho: Item statuimus omnibus Presbyteris curatis, in fine dicti statuti amovemus ista verba posita: Incurrunt ipso facto in loco, & loco illorum ponimus: graviter puniuntur.

In titulo: De Jurisdictione Ecclesiarum, & cimiteriorum, ut supra in paragrapho: Statuimus, quod cimiteria excommunicatorum, &c. amovemus illa verba: interdictorum, & abortivorum.

Cum laicis disponendi de rebus Ecclesiæ nulla sit potestas, statuimus, quod si Abbates, Priores, Conventus, & personæ Ecclesiasticæ contingat possessiones, redditus perpetuo, vel ad vitam aliquibus personis vendere, aut alio modo, ordinare, vel alienare, quod pro hujusmodi alienationibus tenendis, & observandis, se coram Dominis temporalibus, seu Officiariis suis nullo modo se obligent, super hoc ad eosdem recurrant, nec ad dona, vel ad pœnam quamcumque super his, vel bonis suis capiendis, vel levandis per dictos temporales se obligent: & etiam hujusmodi alienationes faciant secundum Canonicas sanctiones, cum omni debita juris solemnitate, decreto, & confirmatione nostris intervenientibus: quod si secus attentare præsumpserint, declaramus alienationes irritas, & omnes contrarium facientes excommunicamus, & jam factas irritas nunciamus.

Item statuimus, quod si aliqua Ecclesia nostræ Diocesis interdicto particulari sit interdicta, quod in Capella ejusdem contigua interdictum hujusmodi observetur.

Statuimus, quod si contigua non existat, intentio tamen nostra est, quod si per statuta Synodalia in Ecclesia Parochiali cessetur, quod in omnibus Ecclesiis & Capellis Parochiæ cessetur, etiam si dictæ Ecclesiæ vel Capellæ ejusdem contiguae non existant.

Item statuimus, quod quotiescumque contingeret cessari in nostra Diocesi a Divinis, causas cessationis, nomina eorum, quorum causa cessatur, & alias circumstantias, Curati, seu vices eorum gerentes locorum, in quibus cessatur, infra octo dies Decanis suis, & Decani infra XV. dies Nobis vel Officiali nostro referant vel rescribant; alias ad pœnam XX. solidorum Turonensium, quotiescumque contra fecerint, Nobis solvere teneantur.

Item statuimus, quod si in Ecclesia nostræ Diocesis contingit, quod absit, aliquos excessus enormes & detestabiles committi, scilicet homicidia in Ecclesiis, incendia Ecclesiarum, vel ab immunitate Ecclesiæ extrahere violentem; Curati, in quorum Parochia talia acciderint, Decano loci infra octo dies a tempore notitiæ, & Decani infra XV. dies postmodum nomina malefactorum, factum hujusmodi, qualiter possimus informari, Nobis, vel Officiali nostro referant; quod si secus fecerint, ipsos graviter puniemus.

Item, in titulo: de Matrimonio. Quod si sponsalibus, & matrimoniis aliquis se opposuerit, Curati locorum, seu eorum vices gerentes, quibus oppositiones hujusmodi fieri contigerit, opposentes, & contrahere volentes coram Officiali nostro citent, pro hujusmodi oppositionibus terminandis, & non coram Decanis nostris, alioquin contrarium facientes suspendimus a Divinis.

Item titulo: de Matrimonio, statuimus, quod si duo contrahere volentes matrimonium, sint oriundi de diversis Decanatibus nostræ Diocesis, Curatus alterius eorum litteras testimoniales super matrimonio celebrando scribat Decano suo. Si vero sint ejusdem Decanatus, Curatus alii Curato litteras prædictas mittere poterit.

Quod si oriundus de Diocesi nostrâ contrahere voluerit, cum aliqua persona de Diocesi aliena, Curatus dirigat litteras matrimoniales Decano suo, & Decanus Officiali nostro, pro quibus concedendis, Curatus duos solidos Turonenses, & Decanus totidem recipient, & non ultra. Quod si secus fecerint, ad interesse pariter, & restitutionem duplicem partibus teneantur.

EXPLICIUNT STATUTA.

Inc.

Incipiunt Monitiones dicti Episcopi Cameracensis.

Cum tam ex nobilitate principali nostri Comitatus Cameracensis, quam ex concessione Imperatorum in solidum liceat nulli alii monetam infra limites nostri Comitatus Cameracensis facere cudi vel fabricari: Nos quoque pro nostro tempore, & Prædecessores nostri soli & in solidum pro suis temporibus fuerimus in possessione pacifica a tempore, cujus contrarii memoria non existat, faciendi, cudi & fabricari monetam hujusmodi infra limites prædictos; monemus omnes & singulos Nobis subditos cujuscunque sint status, aut conditionis primo, secundo, & tertio, & peremptorie, ne monetam aliquam sub nomine alio, quam sub nostro & charactere nostro infra limites prædictos quomodolibet fabricent, aut fabricam recipiant, seu approbent, aut utantur eadem qualicunque causa ejusdem approbandæ; alioquin contrarium facientes excommunicamus ipso facto, in his scriptis; & nihilominus pœnas, quas fabricantes monetam falsam, & adulteram, ac utentes eadem debent incurrere, se noverint incursumos.

De Testamentis.

Item statuimus, quod quilibet Curatus nomina decedentium in Parochia sua, nomina Executorum, & tempus decessus cujuslibet ipsorum Decano Christianitatis dicti loci notificet competenter infra mensem a tempore decessus numerando, Decani vero intra tres menses a tempore, quo certificati fuerint per Curatum, Nobis, aut Officiali nostro, seu Sigillifero, aut a Nobis super hoc deputando notificent competenter; alioquin omnes, & singuli Decani, qui in præmissis, aut præmissorum aliquibus negligentes fuerint, & remissi, ipso facto teneantur solvere pro emenda centum solidos Turonenses, pro quolibet defectu, Curati vero XX. solidos ejusdem monetæ, Nobis & Archi-Diacono loci applicandos.

Item districte præcipimus & injungimus omnibus Decanis nostræ Christianitatis, quod quilibet in Decanatu suo diligenter inquirat, si sint aliquæ Capellæ minus sufficienter dotatæ, aut

non admortificatæ competenter; & si celebretur in Capellis aliquibus per Episcopum non confirmatis, & de nominibus eorum, qui talibus deserviunt contra inhibitionem Synodalem, ut infra Natalem Domini Nos & Officialem nostrum super præmissis omnibus & singulis certificare procurent, vel eos graviter puniemus.

Item statuimus, quod nullus Curatus Capellanum mercenarium habeat de alia Dicecesi, sine nostra, aut Officialis nostri licentia speciali: aliter de factis & excessibus noverit se teneri.

Item Statuta facta per Capitulum nostrum Cameracense, sub quacunque forma verborum edita, sede vacante, auctoritate nostra confirmamus, & ipsa præcipimus observari, quamdiu nostræ placuerit voluntati, absolutionem in eisdem latarum statutis reservantes.

Item revocamus omnes gratias, & litteras generales non perpetuatas, cujuscunque formæ seu tenoris existant, a quibuscunque pœnis, & ex quacunque causa, a Prædecessoribus, a Capitulo Cameracensi sede vacante, a Nobis quoque & a Vicariis nostris seu Officiali nostro Cameracensi concessas, etiam quantumcumque in eis teneantur: Non obstante revocatione generali vel speciali, seu auctoritate nostra facienda.

Item revocamus omnes commissiones, Decanis nostræ Christianitatis, & Presbyteris civitatis, & Dicecesis Cameracensis, & aliis subditis nostris quomodolibet concessas, cognoscendi de causis matrimonialibus, & sponsalia, seu matrimonialia tangentibus quoquomodo.

Item revocamus potestatem, sive licentiam, siquam nos, aut Officialis noster concessit justitiariis sæcularibus quibuscunque laicis super arrestatione, captione, & detentione Clericorum & Ecclesiasticarum personarum & bonorum eorumdem.

Item Pœnitentiariorum a Nobis seu auctoritate nostra constitutos, & potestatem concessam revocamus. Præsentia autem statuta, præcepta & mandata, & prohibitiones a subditis nostris sub poena

na viginti solidorum Turonensium, & aliis pœnis ad nostrum arbitrium & Officialis nostri Cameracensis, ad opus nostrum & Archidiaconi locorum, quotiescumque contra fecerint, præcipimus inviolabiliter observari.

Item præcipimus sub pœna viginti solidorum Turonensium, ut omnes Decani nostri Christianitatis infra mensem,

& Presbyteri Parochiales civitatis, & Dicecesis infra quindenam immediate sequentem, præsentia statuta, præcepta & inhibitiones habeant, quibus eos uti volumus, & ex toto mandamus sub pœnis antedictis.

Martene Collectio amplissima Monumentorum Tomo VII.

STATUTA CONCILII CAMERACENSIS ANNI MCCCXI.

AD publicandum in Ecclesiis Parochialibus Dominicis diebus, & Festis sub pœna X. solidorum Parisiensium, a Presbytero negligente recipienda, quod Procurator residens in civitate, seu suburbis Camerac. pro qualibet assignatione diei XII. Parisienses dumtaxat pro salario recipiat sine fraude.

Item Procurator Foraneus veniens eques de quindena in quindenam quinque solidos Parisienses, pedes XXX. denarios Parisienses.

Item Procurator veniens eques de ebdomada in ebdomadam tres solidos, & sex denarios Parisienses, nec conveniant de majori salario, nisi pro Officiali, vel Sigillifero, petita super hoc licentia & obtemperata.

Item Procuratores deferentes litteras contumaciales ad Monachos contumaces, ut de contentu satisfaciunt Officiali, si pars contumax citata ad instantiam partis adversæ, ad videndum fieri taxationem expensarum velit satisfacere de expensis, non petantur nec recipiantur a personis sic monitis majores expensæ, quam consuetum sit taxari in curia.

Officialis sedis Cameracensis vacantis omnibus Decanis, Presbyteris, & Capellanis in Civitate, & Dicecesi Cameracensi constitutis, ad quos præsentis litteræ pervenerint, salutem in Domino. Olim felicitis recordationis summus Pontifex GREGORIUS Decimus usurariorum voraginem, qui animas detinent, qui animas devorant, & facultates exhauriunt, salubriter cupiens refrenare, constitutionem *Lateranensis Concilii quinti* contra usurarios editam, sub Divinæ maledictionis interminatione præcepit inviolabiliter observari. Attendentes itaque, quod quominus feneratoribus affutura foret

fœnerandi commoditas, eo magis eis esset adimenda fœnus exercendi libertas, generali constitutione sancivit, ut nec Collegium, nec alia universitas, vel singula persona cujuscumque status, aut dignitatis existat, alienigenas, & alios non oriundos de terris ipsorum publice pecuniarum (fœnus) exercentes, aut exercere volentes, & ad hæc domos in terris suis conducere, vel conductas habere, aut alias habitare permitterent, sed hujusmodi usurarios omnes infra tres menses de terris expellerent, numquam aliquos tales admitterent.

Sancivit etiam, ut nemo det illis ad fœnus exercendum: in pœnam transgressorum, ut qui contrarium fecerit præmissorum, si personæ Ecclesiasticæ, Patriarchæ, Archi-Episcopi, Episcopi fuerint, suspensionis; minores vero sæculares personæ, excommunicationis; Collegium autem, seu alia universitas interdicti sententia ipso facto se noscent incursum; quam si per mensem animo sustinuerint indurati, terræ ipsorum, quamdiu in eis iidem usurarii morarentur, ex tunc Ecclesiastico subiaceant interdicto. Adjecitque, ut laici per suos Ordinarios ab hujusmodi excessu; cessante privilegio, per censuram Ecclesiasticam compescantur. Quia vero nec sic quorundam malitia contra Dei timorem conquievit, & parum sit jura condere, nisi sit, qui ea teneat, vobis omnibus & singulis in virtute sanctæ obedientiæ, & sub pœna suspensionis & excommunicationis, quas in vos ferimus in his scriptis, si contra quod mandamus, feceritis, firmiter duximus injungendum, quatenus dictam constitutionem, juxta quod superius scriptum est, nec non & prædictam *Lateranensis Concilii*, qua cavetur, ut usurarii manifesti,

festi, nec ad communicationem Altaris admittantur, nec Christianam, si in hoc peccato decesserint, accipiant sepulturam, quodque eorum oblationes nullus accipiat in vestris Ecclesiis; singulis diebus Dominicis, & Festivis intra Missarum solennia publicare, & pœnas in transgressores dictorum constitutas Canonum, quas in dictos transgressores notorios, quantum in nobis est, tenore præsentium publicamus, palam, & publice promulgari, & ad notitiam singulorum, quos de præmissis suspectos habebitis, proferre, & eorum auribus inculcare, ne causari possint ignorantiam, vestra non omittat desidia, dictasque constitutiones observent, & in locis vestris per censuram Ecclesiasticam faciatis firmiter observari, dictosque usurarios in locis vobis subditis commorantes, in generali, nec non in speciali, & nominatim illos, quos usurarum lucris (quos utriusque testamenti nimirum pagina detestatur,) aut per facti evidentiam, sive rei, seu confessionem eorum, vel alterius notorie, & manifeste vobis constiterit damnabiliter instituisse, & ad hoc insistere, canonice moneri, ut infra XV. dies post receptam præsentationem, (quorum quinque pro primo, alios quinque pro secundo, & alios quinque pro tertio & peremptorio termino eisdem assignamus,) ab his, & similibus lucris detestabilibus, & eorum exercitio cessent penitus & desistant, extortaque ab eisdem per usurarum pravitatem, eis, a quibus talia sunt extorta, vel eorum heredibus integraliter restituant, & redant sine fraude infra terminum supra dictum, Nobisque, & Ecclesiæ super his præstent emendam competentem, alioquin ipsos notos, & manifestos, de quorum nominibus constiterit, quos extunc & exnunc excommunicamus in his scriptis, in facie Ecclesiarum vestrarum singulis diebus Dominicis & Festis nominatim, palam, & publice, & alios in generali excommunicatos nuncietis, sine alterius expectatione mandati, & sine repræsentatione præsentium. Quod nisi feceritis, nomina dictorum Collegiorum, Universitatum, singularium personarum, transgressorum, usurariorum, seu fenoratorum, monitorum, & excommunicatorum, si qui sint, in hoc instanti festo

B. Remigii in capite Octobris Cameraci fideliter referentur, si canonicam volueritis effugere ultionem: ita quod in his exsequendis, unus vestrum alium seu alios non expectet. Darum anno Domini MCCCXCVI. (a) Feria III. post Nativitatem B. MARIE Virginis,

Item titulo de vita & honestate Clericorum.

Statuimus, quod omnes Presbyteri Curati sæculares Civitatis & Diocesis Cameracensis pileos publice & continue in caputibus suis deferant, ut ab aliis Sacerdotibus dignoscantur.

Item in eodem titulo.

Statuimus, ut omnes Curati Parochialium Ecclesiarum Civitatis, & Diocesis Cameracensis, dum in ipsa civitate fuerint, per vicos & plateas civitatis ejusdem incedentes cappam rotundam, seu honestum tabardum desuper vestimenta deferant. Si autem secus fecerint, post duos menses a tempore statutorum præsentium in ipsa Synodo promulgatorum, noverint se suspensos.

Item eodem titulo.

Statuimus, quod nulli Clerici vestes deferant radiatas: alioquin si in maleficiis, seu in aliquibus forefactis fuerint deprehensi, non defendant eos, sed erunt extorres omnino ab immunitate Ecclesiæ, quæ ad Clericorum cautelam, & laicorum violentiam coercendi (gratia) dignoscitur instituta.

Item statuimus, ut omnes Presbyteri Nobis subditi, propter suam culpam excommunicati, durante excommunicatione ipsa, suorum Beneficiorum Ecclesiasticorum fructus amittant, & Episcopo Cameracensi, & locorum Archi-Diacono applicentur.

Item titulo de jurisdictione, & libertate Ecclesiarum & Cimiteriorum.

Statuimus, ut obfessores Cimiteriorum, & Ecclesiarum, & obfidentes confugientes ad ipsas Ecclesias, seu Cimiteria, nisi exeant, ipso facto, excommunicationis sententiam incurrant.

Item

(a) forte: MCCCXCVI. si verus est annus ab initio notatus MCCCXI.

Item titulo de vita & honestate Clericorum.

Alias statutum fuit, quod omnes Presbyteri curati sæculares civitatis & Diocesis Cameracensis, pileos publice & continue in capitibus suis, ac per vicos & plateas civitatis ejusdem incedentes, capam rotundam, vel honestum tabardum desuper vestimenta sua deferant, alioquin noverint se suspensos: Nos cum eis mitius agere cupientes, a dicto statuto detrahimus hæc vocabula: *continue*, & eidem statuto adjicientes post verba illa: *honestum tabardum*, hæc verba: *seu rotundum & honestum habitum*. Pœnam autem in dicto statuto contentam, videlicet, noverint se suspensos, revocamus: loco illius pœnæ aliam pœnam subrogamus, videlicet si secus fecerint, ipsos in V. solidos Turonenses totiens quotiens convenerint, teneri volumus Domino Cameracensi Episcopo, & locorum Archidiaconis applicandos.

Item eodem titulo.

Statuimus, ne Clerici mitras, seu cucufas in capitibus suis in choro deferant, dum ibidem Divina celebrantur.

Item de executione statutorum Synodaliū.

Statuimus, ut Presbyter seu Executor quicumque alienum Parochianum excommunicans, seu excommunicatum denunciens ejusdem Parochianum, proprium Sacerdotem infra octo dies sub pœna suspensionis super hoc certificare non omittat.

Item cum alias statutum fuerit, quod omnes Presbyteri. Nobis subjecti propter suam culpam excommunicati, durante excommunicatione, suorum Beneficiorum fructus amittant. &c. Huic statuto adjicietur: Præcipimus universis Decanis nostris Christianitatis, quod nomina dictorum excommunicatorum, & quantitatem dictorum fructuum Nobis infra mensem a tempore notoriæ, juramento ab ipsis præstito, intimare non omittant.

Martene & Durand veterum Scriptorum & Monumentorum Collectio amplissima Tomo VII. a pag. 1352. ad 1356.

STATUTA NOVA CONCILII CAMERACENSIS ANNI MCCCXII.

Statuta hæc sunt noviter facta, in Synodo Cameracensi celebrata in majori Ecclesia anno Domini MCCCXII. die Mercurii, in festo S. Luca Evangelistæ.

QUONIAM legitur in Canone: *Quicumque ex Deo esse videntur, arma militaria non sumant*, statuimus, ut nullus Clericus, cujuscumque generis arma deferat, sine Nostra aut Officialis nostri licentia speciali, alias ad quinquaginta solidorum pœnam teneantur, & arma nihilominus amittant.

Item statuimus, quod singuli Presbyteri in scripturis habeant nomina suorum Parochianorum excommunicatorum: qua de causa excommunicati sunt: utrum pro judicato, vel contemtu, vel aliter; & nomina illorum, ad quorum instantiam sunt excommunicati, diem etiam, quo primo denuntiantur: & singulis annis per mensem ante Synodum Decanis referant Parochianos suos excommunicatos per annum, vel ad pœnam XX. solidorum Parisiensium teneantur: & Decani ad Sy-

nodum reportent secundum antiqua statuta, alias nomine pœnæ ad XI. solidos Parisienses teneantur.

Item statuimus, ut singuli Presbyteri alta voce, & intelligibili in facie Ecclesiarum suarum singulis diebus Dominicis, & Festivis Parochianos suos excommunicatos denuntient nominatim & distincte, ut rubore confusi, ad unitatem sanctæ Matris Ecclesiæ citius revertantur, & eorum nomina habeant in cedula, vel quaterno; alias quotiens omiserint, in quinque solidis Turonensibus teneantur.

Item statuimus, quod Decani in suis litteris absolutionis nomina expriment, a qua sententia absolvent, & ad quorum instantiam tales absoluti excommunicationis sententiam incurrerunt; aliter Presbyteri Decanorum litteras excommunicatorum nullatenus exsequantur.

Item

Item statuimus, quod si aliquem contigerit excommunicatum fore pluribus sententiis, & ab una fuerit absolutus, nihilominus pro alia excommunicatus nuntietur.

Item in titulo primo, in paragrapho: item *Prelatos*, post illa verba: & *Sacerdotes*, addimus: *Capitula & Collegia*, & quoscumque alios, qui ad nostram sanctam Synodum venire tenentur de consuetudine, vel de jure, & sequitur, & tenentur non venientes.

Item, in titulo: *De Exsequutione Statutorum Synodaliū*, in paragrapho: item statuimus, quod ubicumque portatores litterarum, post illa verba: *Organa resumantur*, ibidem addimus illa verba: si postquam

a Nobis, seu Officiali nostro, aut Decano rurali, vel deputato ab ipsis, seu altero eorum requisiti fuerint, non restituuntur.

Item quantumcumque contingit Nos concedere licentiam ex certis causis aliquibus Curatis, seu Capellanis de residendo in Ecclesiis vel Capellis suis, intentio nostra est, quod domus eorum sustententur, & directæ teneantur. Quod si non fecerint, volumus, quod Decani locorum de fructibus dictarum Ecclesiarum, aut Capellaniarum faciant dictas domus, & teneant directas, & quod in his faciendo vigilent diligenter.

Martene & Durand. Collectio amplissima Veterum Monumentorum Tomo VII.

CONCILII ARGENTINENSE

SUB JOANNE I EPISCOPO ARGENTINENSI,

Circa annum Christi MCCCXI. Clementis V. PP. VI.
Henrici VII. Regis III.

JOANNES Ochsensteinius (a) electus a Capitulo, in quatuor factiones diviso, fuit ab Alberto Rege Clementi V. commendatus, & præ aliis inauguratus Argentinæ Episcopus circa A. 1307. magna sapientia, religione, prudentia, sacrarum litterarum, & utriusque juris doctrina, liberalitate erga Deum & proximos, Ecclesiam commissam administravit.

Statuta non solum Provincialia Moguntinæ Metropoleos suæ (fors ea anni 1310.) Sacerdotibus suis patefecit & divulgavit, sed & propria sui Episcopatus, quæ Synodalia vocantur, auxit, atque edidit, observarique præcepit. Curia

& fori Episcopalis ritus reformavit, Advocatorum pretia taxavit. Hypocrisis & superstitiones, perversosque ritus, & errores quarundam muliercularum, quas *Beginas*, aut *Beguttas* appellant, ut bonus & vigilantissimus Pastor extirpavit.

De iis in quodam Statuto Provinciali legitur: " Ut nulla de cætero ad statum " *Begutarum* admittatur, nisi quadragesimum ætatis suæ annum excefferit.

Wimpbelingus in Catalogo Episcoporum Argentinensium in vita hujus Joannis.

Ex quo Franciscus Guillelmus in Commentario de Episcopis Argentinensibus pag. 320.

(a) Joannes hic post laudatissimum Regimen Ecclesiæ suæ, & ejus ornamenta plura obiit anno 1328. Sedis anno XXV. VIII. Idus Novembris. Exstant adhuc Divini & Pontificii Juris Volumina, in quibus manus hujus Joannæ Scripturæ indicatur in argumentum honestissimi studii atque fervidæ lectionis. *Guillelmus.*



CONCILIIUM MAGDEBURGENSE

Anno Christi MCCCXIII. Clementis V. Papæ VIII.
Henrici VII. Reg. Roman. V.

BORCHARDUS, DEI GRATIA, MAGDEBURGENSIS ECCLESIAE
ARCHI-EPISCOPUS, UNIVERSIS PRÆLATIS, TOTIQUE CLERO EJUSDEM
PROVINCIAE SINCERAM IN DOMINO SALUTEM.

Scriptum est in Canone, quo dictum est: *Seniores Provinciae tuae congrega, & eos interroga*; a Sacrosanctæ Romanæ Ecclesiæ Summo Pontifice, Beati Petri Apostoli Successore, ad Metropolitanæ Sedis Antistitem congrue emanavit: nam & ipse, sicut olim a Sanctis Patribus dinoscitur institutum, cum suis Suffraganeis, *annis singulis Provinciale Concilium jubetur celebrare*, propter quod recte dictum est ad eum: *Seniores Provinciae tuae congrega*; in quo quidem Concilio congregato de corrigendis excessibus & moribus reformandis, præsertim in Clero habeat cum timore Dei tractatum, & maxime, quæ statuta sunt juxta Canonicas Regulas, ut ea observari faciat, poenam debitam transgressoribus infligendo. Et ut hæc omnia consultius & salubrius peragantur, expedit ea fieri *Suffraganeorum suorum approbatione & consilio* sibi in omnibus assistente. Spectat nihilominus ad ipsius Metropolitanæ circumspeditionem & providentiam, juxta creditæ sibi dispensatio-

nis officium, subditorum commodis, profectibus, & quieti sollicitudinis studium adhibere, præcipue laicorum quorundam, qui Clericis opido sunt infesti, nunc antiquorum Statutorum declaratione & suppleione, nunc vero novorum editione, prout possibile fuerit, insultus & ausus nefarios reprimendo. Ipsi namque finibus suis non contenti nituntur, in vetitum, ad illicita fræna relaxant; Ecclesiarum Prælati, Ecclesiasticisque personis, & rebus etiam earundem onera imponunt gravia, ipsasque vexationibus plurimis callidis frequenter aggravant & molestant: propter quod contra hujusmodi præsumptores summa suadet necessitas, gratia suffragante Divina pro pace, quiete, ac utilitate publica salubriter providendum.

I. *De captivantibus Archi-Episcopum, vel Episcopum intra Provinciam, & eorum penis.*

Sacro igitur approbante Concilio, statuimus, & sanximus: quod si quis deinceps

Burchardus dictus Lappe, nobilis Dominus de Quersfurt, ex gente Schraplavia, anno 1307. die S. Catharinæ eligitur Archi-Episc. Magdeburgi. Romam petiit & consecratus a Papa, Pallium impetrat. Anno 1308. initio Maji, Roma reversus, XIV. Templarios ex sua Dicecesi ejicit, eorumque prædia occupat. Anno 1310. ab Henrico Rege VII. infeudatur de omnibus Regalibus feudis, & administratione, ac jurisdictione plenissima in Magdeburgensem civitatem & Dicecesin: Primus habuit Suffraganeum in Pontificalibus Joannem de Bockerum, ex Priore Augustiniano Episcopum Coroniacensem.

Anno 1312. a Clemente V. Brevis scripto, jubentur Burchardus III. Magdeburgensis, & Gevehardus Merseburgensis Episc. Templariorum bona in Ballivia Brandenburgensi transferre in Ordinem Johannitarum (*Lunig Reichs Archiv Parte Speciali Continuation. I. De Ordine Melitensi vel Johannitarum*) tunc adhuc Rhodiorum Equitum. Cum urbe Magdeburgensi novennio bellum gessit, anno 1314. a civibus captus: post juratus liber dimittitur, solutus juramento a Papa, anno 1325. 29. Augusti iterum a civibus capitur, 21. Septembris veste occiditur in carcere. Cædes anno integro tegitur: anno 1326. 1. Decembris exhumatur, & in sua Metropolitana Ecclesia sepelitur. Joannes XXII. Magdeburgenses Banno constrinxit: auctores cædis anno uno exilio urbis multati. Anno 1334. Joannes XXII. absolvit interfectores Burchardi, teste *Cl. Lentzen*, qui in ejus famam teterrima scribit, etsi *Krantzius* & alii magnas & veras laudes Burcardo tribuant. In *Vandalia. Mencken Scriptores verum Saxonicar. Tom. III. col. 325. 394. Tom. II. col. 979.*

ceps in hoc sacrilegii genus nefandum irrepperit, quod Archi-Episcopum, vel Episcopum Magdeburgensis Provinciæ, intra Provinciam ipsam ceperit, seu captum detinuerit in eadem, vel locius fuerit facientis, aut fieri mandaverit, vel factum ratum habuerit, aut consilium dederit, vel favorem, eandem cum eo excommunicationis sententiam incidat ipso facto, ab omnibus arctius evitandus, accensis candelis & pulsatis campanis per totam Provinciam, denuntiatur excommunicatus, singulis diebus Dominicis & Festivis, & cesserit nihilominus in penam ampliore ipsius, in tota Provincia a Solemnis Divinorum.

II. *De captione vel detentione Archi-Episcopi, vel Episcopi, extra Provinciam commissa.*

Si vero Archi-Episcopi, vel Episcopi nostræ Provinciæ captio vel detentio extra Provinciam committatur; ex tunc omnes Episcopi alii, & etiam Archi-Episcopus ipse, si tunc captus fuerit, cum suis Capitulis infra XV. dies, aut etiam prius, si commode fieri poterit, postquam ad eorum notitiam de captione Archi-Episcopi, vel Episcopi pervenerit, Archi-episcopum, vel Episcopum extraneum, in cuius Diocesi detinetur captivus, requirere debent, ut exhibens consilium & auxilium optimum in tota sua Diocesi cessare faciat a Solemnis Divinorum, omnibus aliis supradictis in nostrâ Provincia observandis, tempore captivitatis huiusmodi in suo robore duraturis.

III. *De penis filiorum, & filiarum, ac posterorum huiusmodi malefactorum.*

Cæterum, quia dignum est, ut propter enormitatem culparum, poenarum modus exuberet, statuimus: quod filii, & filiæ, & omnes eorum posterii, qui, vel quæ usque in quartam generationem per rectam lineam tam masculinam, quam femininam a prædictis malefactoribus descendere dignoscuntur, in nulla Ecclesiæ nostræ Provinciæ ad beneficium aliquod Ecclesiasticum, ante præstitam satisfactionem debitam & congruentem aliquantulum assumantur.

Et, ne in oblivionem veritas veniens vagetur in terra, statuimus, ut nomina prædictorum Episcopo loci tradan-

tur per ipsum scripturæ memoriæ perhennanda, qui etiam talium nominum copiam ad alios transmittat Episcopos.

IV. *De penis spoliantium res Ecclesiarum, & personarum Ecclesiasticarum.*

Quia non solum sacrilegi a jure censentur, qui in personas Ecclesiasticas manus mittunt temere violentas, verum etiam & illi, qui res Ecclesiarum, & personarum Ecclesiasticarum spoliunt, diripiunt, & invadunt; præsentī constitutione sanximus, quod spoliatores & invasores huiusmodi, si legitima monitione præmissa, de damnis & injuriis irrogatis, infra terminum competentem ad hoc assignatum, eisdem satisfactionem competentem exhibere contempserint, excommunicationis vinculo constringantur.

V. *De penis laicorum Ecclesias incastellantium.*

Quia jura Canonum Ecclesias incastellari a laicis vetuerunt, Nos volentes prohibitionem eandem poenarum adjunctione juvare, statuimus: quod si qui laicorum ipsas incastellare, & de ipsis propugnacula facere non formidant, ipso facto excommunicationis sententiam incurrant, & terræ ipsorum, si quas habent, vel locus, in quo de jure, vel de facto jurisdictionem exercent, Ecclesiastico sit suppositus interdictio.

VI. *De facientibus statuta contra Ecclesiasticam libertatem.*

Insuper statuimus: quod omnes, qui Statuta facere, edere, vel mandare servari præsumpserint in derogationem, subversionem, & conculcationem Ecclesiasticæ libertatis, & præcipue munera sacro Altari offerre volentium, suis statutis illicitis restringentes, excommunicationis sententiam incurrant, nisi infra mensem super hoc moniti talia statuta omnino revocent, & faciant removeri nullo unquam tempore valitura.

VII. *De penis Clericorum, & Monachorum frequentantium tabernas, & abjicientium habitum & tonsuram.*

Cum Clerici debeant non solum interiore, sed etiam exteriori ornatu fulgere, præsentis approbatione Concilii prohibemus: ne quis Clericus, vel Monach-

chus tabernas frequentare præsumat, vel habitum, vel tonsuram congruentem & debitam portare contempnat, quia huic ornatui, qui in ipsis nitere debet videretur non modicum adversari; transgressores vero prædictorum ingressu Ecclesiæ suspendantur, & hi, qui contra tonsuram decentem delinquerint, reditus suorum beneficiorum non recipiant.

VIII. *De facienda computatione per Ecclesiarum Provisores.*

Insuper statuimus, quod laici, Ecclesiarum Parochialium Provisores, qui Altermanni vulgari vocabulo nuncupantur, de rebus Ecclesiarum, quas receperunt & expenderunt ad requisitionem Rectoris Ecclesiæ, quem ad hanc in virtute sanctæ obedientiæ duximus adstringendum, bis in anno in præsentia

honestiorum virorum, rationes reddere teneantur.

IX. *De revocatione Statutorum Provincialium præscriptis statutis habentia adversa.*

Postremo præcipimus & mandamus, ut nulla statuta alia a nostris Prædecessoribus in suis Conciliis promulgata, si statutis nostris præmissis reperiantur contraria, vel adversa, quisquam recipiat, vel secundum ea judicet. Per hoc nihilominus statuta alia, si quæ fuerint, minime revocantes.

Datum Magdeburgi in Concilio Anno Domini MCCCXIII. Nonas Martii.

Ex codice MS. Ecclesiæ Metropolitanae Moguntina descriptis Cl. Sebnannatus.

CONCILIIUM HERBIPOLENSE

SUB ANDREA EPISCOPO

A. C. MCCCXIV. XVI. Kal. Junii. Sede Roman. vac.
Henrici VII. Regis VI.

ANDREAS, DEI GRATIA, HERBIPOLENSIS EPISCOPUS &c.

Vestigijs Prædecessorum nostrorum inhaerentes, ad animarum salutem & Cleri emendationem ampliandam, de consilio Prælatorum, & Capituli Ecclesiæ nostræ, quædam in præsentī Synodo duximus statuenda, quæ a vobis omnibus ac singulis diligenter inantea volumus observari.

I.

Prohibemus itaque, quod nullus habeat plures Vicarias; quia cum Vicarii teneantur Ecclesiis personaliter deservire, alienum est ab ordine juris, ut Vicarius Vicarium præsumat substituere quomodo; nam taliter substitutus non Pastor, sed mercenarius, cujus non sunt oves propriæ, potius est censendus, qui videns lupum fugit, & dimittit oves quas lupus rapit miserabiliter, & dispergit. Sane cum majoribus honoribus functos, inferiores recipere non sit decus, prohibetur; quod nullus Pastor cujuscunque Ecclesiæ existens, se de regimine Vicariæ aliquantulum intromittat,

nisi nostrâ licentiâ hoc fiat, & causa rationabilis id exposcat.

II.

Quia nonnulli Sacerdotes curati Diocesis nostræ in mittendo Parochianos suos in Coena Domini Herbipolim ad nostram præsentiam, sunt per omnia desides & remissi, statuimus & præcipimus eis in virtute sanctæ obedientiæ, ut in omnem eventum ipsos Parochianos ad diem & locum prædictos transmittere non obmittant.

III.

Consuetudini generali, quæ est optima Legum interpretis, in civitate & Diocesi nostris hæcenus inconcussè servatæ, Nos conformare volentes, statuimus; quod funus quodlibet apud alienam Ecclesiam sepeliendum, prius ad Parochialem deportetur; nam sicut funeratus a priore Sacerdote Curato, dum viveret, Ecclesiastica Sacramenta recepit, sic congruum est & honestum, ut habendo Missam in propria Ecclesia, ultimum vale recipiat ab eadem.

IV.

I V.

Eleemosynarum Quæstores, terminum audaciæ suæ ponere nescientes, sed ut facultates uno die exhaurire valeant plurimorum, de & super litteras quorundam Prælatorum recipiunt & extorquent *visionis*, Nos, sub excommunicationis pœna latæ sententiæ præsentî Edicto irrefragabiliter inhibemus: ne deinceps Quæstores quicumque ad petendum eleemosynas in Ecclesiis & locis quibusvis admitantur, neque promoveantur, nisi veras ac originales (a) sententiam, quam ex nunc in hujusmodi transgressorem ferimus, per præsentem incurere volumus ipso facto, salvis nihilominus aliis pœnis a jure statutis contra tales. Sic quoque, ut firmiter speramus, minores, Divina suffragante clementia, de thesauris & divitiis ad eos ab eorum parentibus delatis, in egestatum miserias, citra ipsorum vitium, de cætero, ut hæcenus lamentabiliter contigit, non dilabentur.

Hoc statutum pro utilitate minorum inductum, per Plebanos locorum annis singulis, pluribus diebus Dominicis in theutunico, in ambonibus Ecclesiarum suarum ad populum publicetur.

V. De Jure jurando.

Statuitur contra conspiratores: quod Clerici, Monachi, & Canonici universi, qui colligationes, seu confederationes ullas fecerint, fidei vel juramenti cautione interposita, sive in Electionibus faciendis, sive in aliis quibuscumque negotiis, contra sanctiones Canonicas, excommunicati sint, nec ex confederatione hujusmodi debet aliquis obligari.

VI. De Jure Patronatus.

Item prohibemus in virtute sanctæ obedientiæ, & sub pœna suspensionis ab ingressu Ecclesiæ, & sub obstaculatione Divini Judicii, ne Sacerdotes & aliæ Ecclesiasticæ personæ, a Patronis Ecclesiarum ad Ecclesias Parochiales vacantes, nomine & vice alicujus minoris, impuberis, vel alterius, ætatem legitimam non habentis, se faciant pro veris Rectoribus præsentari; quia ab isto execrabili abusu, qui irrepsit pro dolor! in nostra civitate & Dicecesi, (ut accepimus) Ecclesia Dei, & animæ Fidelium damnabiliter decipiuntur; & præter

alia mala, quæ ex his pullulant, ipsa Ecclesia inficitur simoniaca pravitate; qui quidem sic instituti (apud Laicos *Kartbentregger* vulgariter nuncupantur) & qui hæcenus præsentati sic fuerant fraudulenter, eas Parochias a se abdicent & resignent, quod eis sub prædicta pœna firmiter præcipimus per præsentem.

VII. De Divinis Officiis.

Ad decorem Domus Domini, & ad cultum Divini Officii ibidem ampliandum, & ut Christi Fideles ad Divinorum Officiorum frequentiam ac etiam devotionem salubrius invitentur, statuiamus, & ordinamus, & nihilominus Curatis Sacerdotibus in virtute sanctæ obedientiæ injungimus, quod ipsi de cætero in Ecclesiis suis, debitis horis cortidie, pulsato campanæ ad hoc signo, non in cameris, stubis, seu aliis locis (ut nonnulli ex eis hæcenus facere ex acedia consueverunt) saltem Matutinum, & Vespertinum Officium dicant, cum commode fieri poterit: nisi eos quandoque inevitabilis necessitas, seu impedimentum legitimum ab hoc retrahat & excuset: quia ex isto abusu plures libri Ecclesiarum hujusmodi furto asportantur, ac etiam locis præhabitis deteriorantur graviter ipsi libri: alioquin ad solutionem librorum, sic perditorum, & deterioratorum, juxta modum præhabiti, dicti Plebani tenebuntur, & nihilominus super eo legitime puniantur.

VIII.

Item aliquam Ecclesiæ nostræ, Matris vestræ, consuetudinem, quæ retro temporibus in desuetudine negligenter abiit, innovare volentes, statuiamus, imo etiam omnibus Clericis Civitatis, & Dicecesis, maxime Curatis præcipimus in virtute sanctæ obedientiæ in his scriptis: ut in Ordine & in Officio Divino, & in Festorum mobilium, dierumque celebrium indictione, Dominicalium quoque Historiarum expositione, jejuniorum publicatione & observatione, quoad se, & subditos suos, in omnibus ipsi nostræ Ecclesiæ se se conforment, quem Divinum Ordinem in scriptis a Succentore Ecclesiæ nostræ de cætero in perpetuum singulis annis recipere debent, diem etiam Sancti Kiliani, & Dedicationis ejusdem Ecclesiæ solempniter cele-

(a) *Supple*: Litteras acceptæ facultatis exhibuerint; fin,

celebrent: eisdem diebus, & in septimana Pentecostes, cum plebibus suis eandem Ecclesiam nostram devote visitent Ecclesiarum Plebani, qui, & quorum Prædecessores, ab antiquis temporibus hoc facere consueverunt. Ipsi quoque Plebani, in diebus Patronorum, & Dedicationis Ecclesiarum suarum, solempnes ferias cum plebe sua teneant, & observent.

Item in die Dedicationis Ecclesiæ nostræ, quæ occurrit in die *Columbani*, Divinum Officium Plebani locorum Diœcesis nostræ, de Maryribus peragant, & observent.

Item Anniversarium Reverendi Domini Brunonis, quondam Episcopi Herbipolensis, per nostros subditos civitatis, & Diœcesis nostræ, *Sabbato post diem beati Urbani*, quo feliciter diem extremum clausit, peragi præcipimus, juxta consuetudinem, humiliter & devotè.

IX.

Præcipimus insuper, quod singulis annis Sacerdotes Curati, in *Cena Domini*, vasa munda *Herbipolim* transmittant ad recipiendum in eis Crisma & Oleum sanctum, quæ quidem vasa debent esse debitis caracteribus consignata.

X. *De Sponsalibus & Matrimonio.*

Statuimus: ut nullus, cujuscunque conditionis existat, viros, seu mulieres, per vim, coactionem. . . .

. . . . *Hiatus*

XI. Si, sede Episcopi vacante, Capitulum in Spiritualibus negligenter & perperam administret, Archiepiscopus ob negligentiam vel violentiam Capituli, eo vocatus, tunc su-

per hoc cognitione præmissa, Visitatorem, seu Administratorem eidem Ecclesiæ licite poterit deputare.

Cum evidens est Episcopi sententiam esse injustam vel indiscretam.

XII. Cum visitat Provinciam, potest litteras remissionis peccaminum concedere.

XIII. Cum visitat, potest Suffraganeorum subditorum confessiones audire, absolvere, ac penitentias injungere.

XIV. Cum ad eum deferretur quæstio per consultationem.

XV. In his, quæ tangunt totam provinciam communiter.

XVI. Quoad Congregationem sacram Concilii Provincialis, & quæ ibi aguntur & statuuntur.

XVII. In injuriis notoriis sibi, vel Familiæ suæ, vel suis Nuntiis, cum visitationis exerceret officium irrogatis.

XVIII. Ratione privilegii sibi a Papa concessi.

XIX. Si inter Episcopum, & Capitulum suum fiat contractus aliquis super rebus immobilibus, tunc, ne Episcopus possit esse autorizator in re propria.

XX. Quando Episcopus recusatur tanquam suspectus, vel alia de causa mittit ei partes, & refert totam causam.

XXI. Ratione consuetudinis, dummodo rationabiles sint & præscriptæ.

Datum *Herbipoli* Anno Dom. Incar. MCCCXIV. XVI. Kal. Junii.

Ex Schedis Joannis Gamans Soc. Jesu descriptis Cl. Schannatus.

CONCILIIUM CAMERACENSE

ANNO DOMINI M.CCC.XV.

Titulo de executione Statutorum Synodaliū.

Quia plerumque ex dilata executione Mandatorum vel Statutorum nostrorum Synodaliū scandala provenerunt; statuimus, mandamus, & præcipimus, ut ubicunque per Statuta

nostra Synodalia cessandum fuerit à Divinis, cessetur ibidem juxta Statuta prædicta, absque alterius Nostri, vel Officialis nostri Cameracensis expectatione mandati.

In titulo: De exequiis Mortuorum, & ea tangentibus.

In paragrapho: *Sunt in terris Ecclesie ab ipsis exculitis, &c.* post verba: *decendant inter festa*, addimus ista: *vel in aliqua alia parte anni, dum tamen fructus aliquos non perceperint.*

Item denuntiantur excommunicati, auctoritate Concilii Provincialis.

Item titulo de Matrimonio.

Quia in quibusdam partibus nostræ Cameracensis Diocesis, quod dolentes referimus, nonnulli tam viri, quam uxores simul matrimonialiter copulati, ad suggestionem diaboli, qui semper in hoc mundo parat discordias, & non cessat zizania seminare, Christique fideles ab unitate fidei separare, ex qua volunt displicentia, seu discordia sua, temeritate propria & absque Ecclesie judicio contra præceptum Domini & Apostolicas sanctiones se se ab invicem separare, & dividunt de facto, divortium inter se ad sui libitum celebrando, viri scilicet dimissis suis uxoribus propriis alias uxores, etiam viris aliis conjugatas, & uxores alios viros sibi damnabiliter associant & conjungunt, alter alteri in domo, loco, & aliis, quasi vir & uxor conjugati, penitus adhaerendo, & in Dei, & Ecclesie scandalum publice, & luxuriose vivendo. Nos ergo tantis in Ecclesia Dei scandalis, tantisque erroribus, & subditorum nostrorum animarum periculis, prout ex debito teneamur officii, occurrere cupientes, statuendo præcipimus, ne aliqui de cetero tam viri, quam uxores, absque Ecclesie judicio sese ab invicem separent, aut dividant causa divortii inter eos faciendi. Qui vero contrarium fecerit, in excommunicationis sententiam, quam in ipsos ferimus, incidat ipso facto.

Item Titulo de Testamentis.

Quia in quibusdam villis nostræ diocesis Cameracensis, sunt nonnulli laici, tam Judices, quam non judices, asserentes, & sustinere nitescentes ultimas decedentium voluntates, ac eorum testamenta non aliter valere, tenere, aut habere roboris firmitatem, nisi in prædictorum confessione Scabini loci, aut saltem duo de ipsis præsentibus interfuerint

ad hoc vocati specialiter, & rogati, asserentes secundum usum suum, quem prætendunt, quod per alios testes, quam Scabinos, probari non valeat ultima dispositio testamentorum. Nos igitur attendentes, quod prædictus abusus evidenter est contrarius rationi, quodque per prædictum abusum, si non tolleretur, de cetero prædictas defunctorum voluntates sæpe & sæpius indebite contingeret irritari; statuendo præcipimus, ne quis occasione abusus hujusmodi prædicta defunctorum testamenta, aut eorum voluntates ultimas, aliter tamen rite factas, impedire aut impugnare præsumat. Qui vero contrarium fecerit, in excommunicationis sententiam incidat ipso facto.

Item eodem titulo.

Item, quia in quibusdam locis & villis nostræ Cameracensis Diocesis, nonnulli laicalis justitie asserunt, & sustinere nituntur, quod secundum usum suum legata & donationes causa mortis, quas faciunt decedentes, non valeant, nec habeant roboris firmitatem, nisi testator de lecto mortis confurgens, extra domum, in qua jacet, per XI. pedum spatium pedes vadat, & ibidem de bonis suis ordinet & disponat: Sunt etiam aliqui laici Judices asserentes, quod non valent, nec tenent legata, donationes, & elemosynæ defunctorum, nisi de datis & relictis testator in vita sua, propria manu legatorum, & donatorum propriam possessionem tradiderit, & saisinam, ad iniquitatem suam, & malitiam tollendam quemdam abusum nefandissimum, pro consuetudine prætendentium; (a) Nos igitur attendentes, quam pia, quam favorabiles sunt ultimæ voluntates, ex quantoque cupiditatis & malitie fomite (b) sumplerit fundamentum, statuimus, ut legata, donationes, & elemosynæ defunctorum valeant, & teneant, sive in lecto mortis, sive in domo facta fuerint, etsi de prædictis datis, & legatis, legatorum & donatorum in vita sua possessionem non tradiderit, vel saisinam, dicto abusu contrario non obstante, dum tamen non supersit alia causa legitima, propter quam possint, & debeant impugnari: inhibentes, ne quicumque Judices occasione dictorum abusum,

(a) forte: prætendentes.

(b) Supple: hæc prætensio.

vel

vel alicujus eorumdem, dicta legata, aut legationes fraudulentè impediunt, aut impugnare præsumunt. Qui vero contrarium facere præsumpserint, in excommunicationis sententiam incidant ipso facto.

Item præcipimus & mandamus firmiter injungendo omnibus, & singulis Parochialium Ecclesiarum Curatis Cameracensis Diocesis, ut hæc statuta, in hac sancta Synodo facta per nos, singulis diebus Dominicis in Ecclesiis suis coram populo in materna lingua publicent, & exponant. Qui vero in his exequendis repertus fuerit negligens, vel remissus, pro sua negligentia graviter se sentiat puniendum.

Excommunicatos a Canone nuntiamus eos, qui exempti, & non exempti, interdicti tempore, in casibus non concessis a jure, vel excommunicatos publice, vel nominatim interdictos, vel usurarios manifestos, scienter in cimiteriis fuerint auri sepelire.

Item titulo de Matrimonio.

Excommunicatos a Canone nuntiamus eos, qui in gradibus consanguinitatis, vel affinitatis ac matrimonii constitutionem^(a) Canonice prohiberi scientes, contrahere non verentur, quorum nomina per Curatos locorum, ubi moram trahunt, cum ad ipsorum notitiam pervenerint, notificari volumus absque mora, ut contra tales, prout justum fuerit, procedere valeamus.

Item titulo de sententia excommunicationis.

Excommunicatos a Canone nuntiamus omnes & singulos Religiosos, tam exemptos, quam non exemptos, qui in civitate Cameracensi, villis, aut castris nostræ Cameracensis Diocesis, in quibus Cathedralē, vel Matricem loci Ecclesiam auctoritate statutorum Provincialium vel Synodaliū interdictum, seu cessationem sciverint observari in suis hic lacervatum est unum folium.

(a) forte: constitutos canonice

. ab illo statuto, quod incipit:

Item Sacerdotes excommunicent, & nuntient excommunicatos omnes illos, &c. illa verba: excommunicatos denuntient, subtrahimus, & post illa verba in fine dicti statuta contenta: videlicet publice vel occulte statuendo, addimus hæc verba: Quos etiam extunc ipso facto excommunicamus, nec non omnes, & singulos consilium, auxilium, & mandatum, aut favorem dantes circa conspirationem hujusmodi, sub qua, & per quam intelligimus, & declaramus contineri alligaciones, confederationes, ac durationes expensarum, seu casuum contributiones.

Item titulo de executione Statutorum Synodaliū.

Nonnulli Presbyteri, & Capellani scientes, seu scire debentes, se teneri ad observationem Statutorum Synodaliū, Statuta hujusmodi in causa cessationis non observant, sed potius statutis hujusmodi spretis, & contemtis, ignorantiam in hoc casu affectantes, seu fingentes, celebrare, ubi cessari debet, & aliter, quam de jure est permissum, scienter præsumunt. Nos cupientes contra hæc statuendo adhibere remedium optimum, tales ipso facto, extunc a Divinis suspendimus; & si suspensi hujusmodi per sex dies non se abstinerint, excommunicamus eosdem, & excommunicatos mandamus publice nuntiari.

Item eodem titulo.

Abolutionem, seu relaxationem a sententia excommunicationis, suspensionis, seu interdicti, in dictis statutis antiquis, vel novis contenta, si quis eas incurrit, Nobis, aut Episcopo Cameracensi, seu ejus locum tenenti, aut Officiali Cameracensi specialiter, præterquam in mortis articulo, reservamus.

Martene & Durand Veterum Scriptorum & Monumentorum amplissima Collectio Tomo VII. pag. 1350. - 1352.



CONCILIIUM CAMERACENSE A. MCCCXVI.

Statuta facta anno MCCCXVI. prima die mensis Octobris in Ecclesia Cameracensi.

QUoniam pro funeribus, quæ in exequiis defunctorum apportantur, antequam fiant exequiæ, a nonnullis fiunt illicitæ pactiones, Ecclesiis, atque personis Ecclesiasticis damnosæ, inhibemus præcipiendo in virtute sanctæ obedientiæ, & sub pœna excommunicationis, ne de cætero pactiones fiant de ipsis funeribus, antequam ipsæ exequiæ factæ fuerint, & corpus, pro quo fiunt, traditum sit Ecclesiasticæ sepulture.

Item denunciamus excommunicatos a Canone omnes illos, qui servant, & ser-

vari faciunt statuta edita, & consuetudines introductas contra Ecclesiæ libertatem,

Item statuimus descriptores statutorum ipsorum, nec non Scabinos, Rectores, & Consiliarios locorum, ubi de cætero hujusmodi statuta & consuetudines editæ fuerint & observatæ, nec non eos, qui secundum ea præsumpserint judicare, excommunicatos esse,

Martene vet. Monument. ampl. Collectio Tom. VII.

CONCILIIUM MONASTERIENSE

SUB LUDOVICO EPISCOPO, Primum A. 1317. Fer. II. post Lætare, Alterum A. 1318. Fer. II. post Gereonis.

Anno Christi MCCCXVII. Joannis XXII. Papæ II. Ludovici Bavari Regis IV.

Statuta Reverendi in Christo Patris ac Domini, Domini LUDOVICI, Monasteriensis Episcopi, feliciter incipiunt.

LUDOVICUS, DEI GRATIA, MONASTERIENSIS ECCLESIE EPISCOPUS, DILECTIS IN CHRISTO ABBATIBUS, PRIORIBUS, DECANIS, PRÆPOSITIS, ARCHIDIACONIS, ECCLESiarUM ET CAPELLARUM RECTORIBUS, ET ALTARIUM, NEC NON UNIVERSO CLERO NOSTRÆ CIVITATIS ET DIOECESeos MONASTERIENSIS SALUTEM IN EO, QUI OMNIUM VERA SALUS EST.

PRæcipimus Sacerdotibus sub pœna suspensionis ab officio, ut cum visitant infirmos cum sacro Corpore Domini, vel etiam pro extrema Unctione faciendâ, decenter incedant, & reverenter, & superpellicati saltem in do-

mo, in qua Sacramentum hujusmodi debilibus ministrant, vel aliquomodo sine socio, & dato signo campanulæ hujusmodi Sacramentum non deportent, nisi evidens periculum morientis aliud expeteret faciendum, etiam duas Hostias

Ludovicus, ex Landgraviis Hassiæ, a Clemente V. Papa electus & confirmatus A. 1309, Episcopus Monasteriensis XXXV. introductus in possessionem Principatus ab Ortonce, Cliviæ Comite, avunculo suo. Sedit annos 49. Mortuus A. 1357. die S. Agapeti. XV. bella gessit, & creditam sibi Diocœsin pacificavit. V. *Stangenfels Annal. Westphal. Lib. III. pag. 404.*

Filius erat Henrici conditi pueri, Ducis Brabantiae, & Patris omnium Landgravorum Hassiæ, ex ejus 2da uxore Mechtilde, filia Theodorici, Comitis VIII. Cliviæ, 4. fratrum & 7. fororum frater. Bellicosus quidem, ac Literatorum magnus Patronus, Diocœsin suam pacatiorem & mitiorem reddidit laudatissimus Princeps,

Tomus IV. Concil. German.

I i 2

stias ad minus secum deferent, cum infirmis Sacramentum Eucharistiæ administrent, ne populus fidelium idololatriam incurrens, credat in pixide Corpus Domini contineri. Cæterum, ut Clericorum mores & actus in melius reformentur, statuimus, ut continenter & caste Clerici vivere studeant, universi præsertim in sacris Ordinibus constituti ab omni vitio libidinis præcavescentes, quatenus in conspectu Dei omnipotentis puro & mundo corde valeant ministrare: manifestam itaque cohabitationem Clericis sub distractione firmissime prohibemus. Item Clerici officia, vel commercia secularia, maxime inhonesta, non studeant exercere. Item præcipimus omnibus Clericis, ut se, prout onus Beneficii sui requirit, infra tempus a jure concessum faciant, si portuerint, vel valuerint, ordinari. Item statuimus, & mandamus, ut Clerici cum habitu incedant secundum sacrorum Canonum instituta, nec vestes dissolutas, utpote auro vel argento in pectoralibus, manicis, vel alia quacunque sui parte, deferant confibulatas, vel alias abusive, & contra Clericalem decentiam deornatas: calceos etiam incisos, & perforatos ferro vel alio instrumento ad hoc apto, vel instar laicorum, non deferant quoquomodo: & coronam in capite, per quam insigne decus Clericalis militiæ elucescit, more debito & consueto rasam absque aliqua palliatione deferant in aperto: cum moribus hujusmodi, quasi communis in Clero irrepsit devotio, & ideo necesse est invigilare curiosius circa ipsum. Omnibus igitur & singulis Abbatibus, Præpositis, Prioribus, Decanis, Archidiaconis, ac Prælati quibuscunque nostræ civitatis, & Diocesis Monasteriensis, quocunque nomine censeantur, in virtute sanctæ obedientiæ, & sub pœna excommunicationis districte præcipiendo, mandamus, quatenus omnes vestros subditos moneatis, quos etiam Nos monemus per præsentem, ut ab hujusmodi se abstineant infra mensem, ac Clericaliter incedant habitu & tonsura: contrarium facientes Ecclesiastica censura compescatis, alioquin vestram suppletes negligentiam per Nos, vel Officiale nostrum contra vos & tales distractione, qua convenit, procedemus. Item præcipimus, & provide ordinamus, ut campanarii, seu cu-

stodes Ecclesiarum sint litterati, ita ut cum Plebano cantare valeant tempore oportuno, nec de cætero sine Rectoris Ecclesiæ consilio vel assensu aliqui ad officium hujusmodi assumantur.

Item, quod propter indiscretam absolutionem, quam in articulo mortis nonnunquam Sacerdotes incaute impendunt, ab excommunicationis sententiis absolvent homines sine juris processu, pericula proveniunt animarum, & multarum insurgit perplexitas questionum; circa hoc taliter duximus statuendum, ut nullus Sacerdotum de cætero excommunicatos pro manifesta offensa, ut puta, de qua in jure confessus, vel convictus, seu per sententiam condemnatus, vel alias adeo est notoria per facti evidentiam, quod nullus possit tergiversatione celari, nisi in articulo mortis absolvere non præsumat, nisi satisfaciunt de offensa, vel satisfaciendi præstent pignoratiam, seu fidejussoriam cautionem, vel in eorum defectum juratoriam, quæ, cum refuretur, ubi constat ad solvendum bona aliqua mobilia, vel immobilia possidere. Sed potius cum approbatione & consensu hæredum, & cohæredum, si commode haberi possint, qui si consensum negarint, saltem per absolvendum, quantum in eo est, ipsi læso vel offenso, si præsto fuit, vel ad manus Presbyteri eorum nomine obligentur: cum experientia, quæ efficax est rerum imaginistra, didicimus aliquos in fraudem creditorum, vel per injuriam offensorum, a se abdicasse omnia bona sua, seque sic non posse satisfacere, nec cavere juramento damnabiliter mentientes. Pro contumacia vero excommunicati de parendo juri similiter præbeant cautionem. Nullus etiam Sacerdotum manifestos raptos, maxime propter hoc excommunicatos, (quamvis non habentibus, unde satisfaciunt, vel cavere non valentibus, ut superius est præmissum, Sacramentum Eucharistiæ non negent) ad terrorem aliorum, & in detestationem tanti criminis, Nobis, & Officiali nostro inconsultis, (a) non admittat ad Ecclesiasticam sepulturam: nec pro aliquo jure sibi debito, vel propter injuriam, vel simultatem, vel etiam aliqujus laici inhibitionem absque Superioris auctoritate Sacerdotes suis subditis negent Pœnitentiæ, vel Eucharistiæ Sa-

cra-

(a) forte: non, *omittendum*.

cramentum. Item meminimus alia nos statuta contra manifestos usurarios edidisse, ex quibus, quia rarus aut nullus fructus hucusque provenit, hæc dictis statutis duximus annexenda, & etiam delaranda: mandantes, ut nullus Sacerdos manifestis usurariis in vita, vel in morte beneficium absolutionis impendat, nisi illis, quibus est restitutio facienda de usuris extortis satisfaciatur pro suarum viribus facultatum, vel de satisfaciendo pigrioratoriam, vel fideiussoriam, si præsto sint, vel illam, quam ab eis acquirere possint, & in eorum defectu Sacerdoti exhibeant cautionem. Manifesti vero usurarii sunt censendi, qui de hoc in jure confessi fuerint, vel convicti, seu per sententiam condemnati, aut in sancta Synodo accusati super hoc, vel a iudice suo impetiti super hoc, infra terminum competentem se de hoc legitime non purgaverint, seu defecerint in purgando, Monemusetiam Archi-Diaconos, vel alios Prælatos Ecclesiasticos, quibus de officio suo competit hoc, ut ad extirpandum scelus tam execrabile, quod hominum facultates devorat, & exhaurit, tanto studiosius invigilent, quanto damnabilius relinquatur incorrectum. Qui vero contra præmissa, vel aliquid præmissorum illud est (b) sit reservandum, proinde duximus statuendum, ut laici se de cætero de talibus non intromittant absque consilio, & consensu Rectorum Parochialium Ecclesiarum, volentes, quod duo viri honesti & idonei in singulis Ecclesiis Parochialibus Rectori Ecclesiæ adjungantur, qui singulas claves habentes cum Plebano, oblationes universas ad luminaria, vel ad fabricam pertinentes, in una arca concludent, & de simili consensu, assumptis ad hoc, cum opus fuerit, de Parochiis aliquibus providis & honestis facturi, prout expedire viderint utilitatibus & necessitatibus Ecclesiarum. Insuper prohibemus sub insinuatione maledictionis æternæ, ne laici de cætero in Ecclesiis, cimiteriis, aut plateis publicis truncos, aut imagines ratione questus ponant, vel deferant cum tabulis circumeuntes, questum congregantes absque consilio, voluntate, & ordinatione Rectorum Parochialium Ecclesiarum, nisi taliter conquistata in usus & utilitates Ecclesiarum convertantur, de quibus omnibus tam receptis, quam ex-

positis, Rectores Ecclesiarum cum Magistris fabricarum singulis annis in Synodo Quadragesimali coram Archi-Diaconis suis teneantur reddere rationem, de qua computatione Archi-Diaconi nihil emolumenti sibi poterunt vindicare. Qui vero contra fecerint, si personæ fuerint sæculares, excommunicationis sententiam; si vero Collegium, vel Universitas civitatis, vel castri, vel loci alterius, cujuscunque ipsa civitas, castrum, vel locus, interdicti sententiam ipso facto incurrant. Monitione tamen canonica præmissa, nec ab excommunicatione hujusmodi absolutionem, vel interdicti relaxationem obtineant, donec de transgressione competenter satisfecerint. Item, ne Clerici nostræ Civitatis vel Diocesis vanitatis, vel levitatis, ac indevotionis signa prætereant videantur, ipsis in virtute sanctæ obedientiæ, & sub pœna excommunicationis districte prohibemus, ne rubeas vestes, seu rubeos pileos, aut capillos, aut crocei coloris amodo portare præsumant: quod nisi infra octo dies hujusmodi habitum mutent, eum de cætero nullatenus portaturi, contra tales utpote rebelles districtius procedemus. Item, quia gravis & damnosa querela nostris auribus assidue inculcatur de eo, quod multi tam Clerici, quam laici, qui læbantur, dum malefaciunt, & in rebus pessimis gloriantur, noctem vertentes in diem, vagantur per plateas, domos, & hospitia, & habitacula muliercularum frequentantes: cum ad eas causa explendæ libidinis non patet introitus, vel accessus, domos, hospitia, & habitacula hujusmodi jactu lapidum hostiliter invadentes, ipsas mulierculas, ac alios homines, cum quibus cohabitant, diffamant, ac multipliciter molestant, & perturbant, unde de cætero sub pœna excommunicationis districtissime id fieri prohibemus. Qui vero præmissas inhibitiones animo petulanti contempserit, diem ultionis, & nostræ potentie non immerito acrimoniam poterit formidare. Datum, actum, & pronunciatum in nostra Sancta Synodo, Anno Domini Millesimo CCC, XVII, Feria secunda post Dominicam Latære.

(b) Latet hic mendum in impresso, nec cohererent proxima prioribus.

Aliud Statutum ejusdem.

LUDOVICUS, DEI GRATIA, MONASTERIENSIS ECCLESIE EPISCOPUS, PRÆPOSITIS, DECANIS TAM RELIGIOSIS, QUAM SÆCULARIBUS, NEC NON UNIVERSIS ECCLESiarUM RECTORIBUS, ET CLERICIS, ORDINIS, SEU STATUS CUJUSCUNQUE NOSTRÆ CIVITATIS ET DIOCESES MONASTERIENSIS, AD QUOS PRÆSENTES LITERÆ PERVENERINT, SALUTEM IN DOMINO

SEMPITERNAM.

Quamvis secundum sacrorum Canonum instituta, injector ausu temerario venire præsumperit, Divinæ ultionis, & nostræ acrimoniam non immerito poterit formidare. Actum, & statutum, & pronunciatum anno Domini

Millesimo CCC. decimo quinto, Feria secunda post Dominicam *Lætare*.

Impressa Monasterii A. 1486. recudit Lunig Continuatio II. Spicilegii Ecclesiastici pag. 802.

CONCILIIUM MONASTERIENSE

ANNI MCCCXVIII.

Statutum ejusdem Ludovici Episc. Synodi secundæ anni 1318.
Feria II. post Gereonis.

LUDOVICUS, DEI GRATIA, MONASTERIENSIS ECCLESIE EPISCOPUS, UNIVERSIS MONASTERIORUM, ECCLESiarUM, CAPELLARUM, RECTORIBUS, PRÆLATIS, PRESBYTERIS, ET CLERICIS QUIBUSCUNQUE CIVITATIS ET DIOCESES MONASTERIENSIS CUJUSCUNQUE STATUS, CONDITIONIS, AUT ORDINIS EXISTANT, ET EORUM VICES GERENTIBUS, SALUTEM IN DOMINO SEMPTERNAM.

Ecclésiasticis utilitatibus deservientes, vel defudantes, Ecclesiastica dignum est remuneratione gaudere, ut, qui se voluntariis obsequiorum necessitatibus sponte subjiciunt, digne nostris promissionibus consolentur. Sane sicut Nobis querela frequens multorum insinuat, quod nonnulli Ecclesiarum Parochialium Rectores, quos abesse contigerit, ita quod in suis Ecclesiis residentiam facere nequeunt personalem, ab his, quibus locant Ecclesias suas, tantum percipiunt annuatim, quod ipsorum Rectorum Vicarii non possunt de residuo commode sustentari, & jura Episcopalia solvere, & alia eis incumbencia onera supportare, propter quod sæpe contingit, quod non inveniuntur personæ idoneæ, ex quo pericula imminant animarum. Nos itaque volentes super hoc salubre remedium adhibere, præsentī decreto statuimus, ut cum aliqui Ecclesias suas locare propter causas legitimas & rationabiles voluerint, illud in Archidiaconorum præsentia suorum faciant consilio pariter & consensu, qui solum Deum habentes præ oculis ordinent, prout Ecclesiis, & personis hinc

inde omni fraude & dolo exclusis, viderint expedire: adjicientes, ut taliter instituti in dictorum Archidiaconorum præsentia singulis annis dictam institutionem teneantur innovare. Propterea qui in Cathedrali veteris Ecclesiæ Sancti Pauli, Sancti Martini, Sancti Ludgeri Ecclesiarum Archidiaconos non habent, illarum Nobis potestatem Ecclesiarum, aut nostro Officiali in similibus reservamus. Item præcipimus & mandamus, ut nulli Ecclesiarum Rectores, quicquam de anno in annum ratione locationis prædictæ vel conditionis recipiant, vel requirant, aut exigere præsumant: quoquomodo contrarium facientes, sententiam excommunicationis volumus incurrere ipso facto; quod summum in rebus bonum est, iustitiam colere, ac sua cujusque jura servare, & subjectos non servire, quod potestatis est fieri, sed quod æquum est, custodire. Frequens itaque & assidua querela ad Nos circumstrepit, quod quidam laici ausu sacrilego non solum de rebus & personis Ecclesiasticis, & maxime Parochialium Ecclesiarum se ingerunt, verum etiam de reliquiis oblationum, & lega-

legatis, clavibus, & Ecclesiarum ornamentis se intromittunt contra Ecclesiasticam libertatem: Nos vero attendentes, quod cum laicis de rebus & personis Ecclesiasticis disponendi, & iudicandi, vel de eorum vita aliquid investigandi nulla tributa sit facultas, sed Episcoporum iudicio, quidquid illud manuum violentarum in Clericos, seu Ecclesiasticas personas, sæculares, vel regulares, ipso facto sint vinculo anathematis innodati. Nos tamen considerantes, quod Clericos, & Ecclesiasticæ personæ nostræ Diœcesis multo plus solito a nonnullis perditionis filijs ausu sacrilego contra Ecclesiasticam libertatem aggravantur, attendentes etiam, quod pro unius delicto sacri Canonis interdum puniri præcipiunt totam terram, & nonnunquam propter parentum peccata in tertiam, vel quartam generationem filii puniuntur; unde piæ recordationis Domini EVERHARDI Episcopi, Prædecessoris nostri, vestigijs inhærentes, quibusdam additis & detractis, provida deliberatione præhabita de Concilio honorabilium Virorum, Archidiaconorum, Prælatorum, & Capituli nostri, contra invasores, occisores, mutilatores, captivatores Clericorum hæc in perpetuum vultura constitutione firmavimus, ut si quis deinceps in hoc genus sacrilegii irruat, quod Clericos, vel Ecclesiasticas personas, religiosas, vel sæculares infectus fuerit hostiliter, vel ceperit, aut percusserit, vel focius fuerit facientis, aut fieri mandaverit, aut factum ratum habuerit, aut consilium dederit, vel favorem: aut postea receptaverit, vel defensoraverit eundem scienter; sicut famæ suæ prodigus ab officiis suis publicis repulsus sit; statuentes, ut non solum in termino ipsius Archidiaconatus, in quo quæpiam talium detineri constiterit, ipso facto cessetur ab Officio Divinorum, ut tam nobiles, quam populares cum plebe contra malefactores hujusmodi ex Divinorum carentia provocati confluant ad emendam occisi, vel ad ipsius debitam liberationem, qui ausu sacrilego detinentur captivi, auxilium præstari. Præsenti nihilominus adjicimus sanctioni, ut in quibuscunque locis & Parochiis occisores, mutilatores, vel raptores, & eorum complices nostræ civitatis, & Diœcesis in maleficio hujusmodi

consilium, auxilium, vel juvamen publice, vel occulte, domicilium, vel receptaculum præstantes eisdem, ad quæ loca pervenerint, ut per triduum post eorum inde recessum, dummodo mandatum emanaverit, ut præmittitur, districtissime observetur interdictum. Archidiaconi quoque, & Officiales Curie nostræ in quibuscunque locis nostræ Diœcesis requisiti, prædictos sacrilegos ab omnibus suis subditis excommunicatos, & ab omnibus Christi Fidelibus artius evitandos campanis pulsatis, candelis accensis singulis diebus Dominicis & Festis faciant publice nuntiari, donec emenda de occiso, vel mutilato fiat sufficiens, & condigna, vel captivus liber & indemniscum satisfactione debita demittatur: adjicientes, quod si detentor Clerici per octidierum spatium Clericum detinuerit captivatum, ac eo dimisso infra annum, a tempore captivitatis Clerici computandum, satisfactione neglecta, ex tunc omnibus feudis suis careat ipso jure, quæ cum quibuscunque Ecclesijs dinoscitur obtinere. Cæterum, quod dignum est, ut nefandi ratione flagitii ultionis severitas amplius extendatur, & propter enormitatem culparum plagarum modus exuberet, nec penis solitis contentetur; statuimus, & ordinamus, ut non solum eorum filii, qui instinctu diaboli sponte aut malitiose Prælatos, aut Clericos supradictos, aut alias personas Ecclesiasticas occidere, mutilare, captivare, detinere, vel vulnerare præsumunt letaliter, sed omnis posteritas istorum sacrilegorum utriusque sexus ab ipsis descendens usque ad tertiam generationem, nec ad sacros Ordines, nec ad aliqua Beneficia Ecclesiastica, nec in Claustris, aut Cœnobiis cujuscunque Ordinis admittantur. Quod si contrarium factum fuerit ex malitia, vel affectata ignorantia, ordinatos ab executione ordinum perpetuo volumus esse suspendendos, receptos vero ad Beneficia Ecclesiastica secularium Ecclesiarum pro non receptis habere volumus ipso facto. Sed ne personis, in Monasteriis, seu Claustris receptis, detur materia ad sæculum redeundi, eas in ipsis quidem Monasteriis volumus remanere, ita tamen, quod in conventu ultimi reputentur, & nunquam ad Officia vel dignitates assumantur. Et quod prætex-

tu potentia secularis frequenter ipsa mandata nostra, Officialis nostri, seu Officialium, vel Archidiaconorum, vel aliorum Judicum impediri contingit, ne ad loca, in quibus exequenda sunt, deferantur statuta contra invasores, occisores, mutilatores, & captivatores Clericorum, nec non & raptores locorum, Ecclesiarum, & Ecclesiasticarum personarum, seu rerum earundem, ac violatores immunitatum, ac alia statuta per Prædecessores nostros, & Nos pro libertate Ecclesiastica conservanda, edita, quominus observentur, contingat effectum debitum non fortiri: ne malitia prohibentium eadem statuta in suis territoriis recipi, & servari absque vindicta crescat; Statuimus eos, qui talia faciunt, poenam statutorum incidere juxta moderationem superscriptam in hoc casu editam contra ipsos.

Quod ubicunque Ecclesiastica personæ occiduntur, mutilantur, vulnerantur, capiuntur, arrestantur, seu occupantur: bona Ecclesiastica judicio seculari vel potentia invaduntur seculari in personis propriis, vel rebus earundem, seu bona Ecclesiastica mobilia, vel immobilia, cum de hoc juxta modum prænotatum, per facti evidentiam, vel famam publicam Archidiacono, vel Plebano, vel Presbytero loci, ubi hæc facta fuerint, quibus in hoc fidem ad-

hiberi volumus, innotuerit statuta eadem ab Nostro, vel Officialis nostri, ac cujusvis alterius judicio delegati (c) Ordinarii mandati expectatione observent ipso facto, ut tam cessando a Divinis, quam denunciando dictos malefactores, & eorum complices in locis, in quibus degunt, & domicilia habuerint, seu spoliū factum fuerit, vel deductum; & consumptum, vel aliis locis, ut præmittitur, juxta dictorum statutorum continentiam, & ipsorum præcipue declarationem, quæ per bonæ memoriæ Dominum EVERHARDUM Episcopum, Prædecessorem nostrum, sunt statuta; Contrarium facientes poenas inobedientiæ non evadent. Præsentis nostri mandati copiam ab omnibus recipi volumus præcipue de Archidiaconis, & locorum Plebanis, ut eo diligentius observetur. Ut autem hæc proinde statuta tam a Nobis, quam ab aliis inviolabiliter observentur, præsentem paginam tam Nostro, quam Ecclesiæ nostræ Monasteriensis sigillis fecimus communiri. Datum, actum, & pronuntiatum Monasterii, anno Domini Millesimo CCC. XVIII. in secunda Synodo nostra generali, Feria secunda post festum Beatorum Gereonis & Victoris Martyrum.

Ex codice impresso Monasterii Westphalorum A. 1486. in 4to. una cum Conciliis Provincialibus Coloniae actis.

(c) adde: absque.

SYNODUS DIOECESANA WORMATIENSIS.

Anno Christi MCCCXVI. Joannis XXII. Papæ I.
Ludovici Bavari Regis III.

Ab EMERICO de SCHONECK, Episc. Wormat. celebrata, per quam Divinum Officium ritu æquali ac uniformi celebrari præcipitur, nec non varii abusus, qui in illud irrepsierant, tolluntur.

EMERICUS, DEI GRATIA, EPISCOPUS WORMACIENSIS, UNIVERSIS PRÆPOSITIS, DECANIS, COLLEGIIS, PLEBANIS, VICE-PLEBANIS, CETERISQUE ECCLESiarUM, ET CAPELLARUM RECTORIBUS, PER NOSTRAM CIVITATEM ET DIOECESIM WORMATIENSEM CONSTITUTIS,
SALUTEM IN DOMINO SEMPITERNAM.

DUm nuper, juxta Pastoralis officii debitum, quod nobis incumbit, in majori, & aliis Ecclesiis Collegiatis prædictæ civitatis, & Diocesis nostræ Wor-

Wormacienſis, ſanctæ Viſitationis exercemus officium, invenimus in eiſdem Eccleſiis ordinem atque modum Divini officii diſcordem & diſparem obſervari; quod, quia Sanctorum Patrum, & Canoniciſ obſtat Inſtitutiſ, ordinem univerſum a Clero ſæculari totius noſtræ civitatis & Diceceſis uniformiter & perpetuiſ temporibꝿ obſervandum compilarĩ & conſcribi fecimus, & hoc de Capituli noſtri majoris Eccleſiæ conſilio pariter, & aſſenſu.

Quapropter omnibꝿ & ſinguliſ Decaniſ, Capituliſ, Collegiſ, & Archipreſbyteriſ, in virtute ſanctæ obedienciæ, & ſub pœna ſuſpenſionis, firmiter injungimus, & mandamus: quatenus dictum ordinem, prout infra ſcribitur, de verbo ad verbum conſcriptum, & ſigillo noſtro pendenti ſigillatum infra hunc, & Feſtum Beatorum Philippi, & Jacobi Apoſtolorum, nunc venturum proxime, recipiant, & ipſum ex tunc in Eccleſiſ ſuiſ, ſecundum ipſius tenorem & formam incommutabiliter & diligentius obſervent, & per alioſ faciant obſervari.

I. Ordo autem talis eſt, videlicet: quod a Feſto Paſchæ, uſque ad Domini- cam, qua imponitur hiſtoria: *Deus om-nium* &c. in matutinali Officio treſ Pſalmi, cum tribuſ Lectionibuſ obſerventur, & idem ordo infra octavas Sanctorum, veras octavas habentium, poterit obſervari; pro reliqua vero parte anni totiuſ, ſinguliſ diebuſ, aut novem Lectioneſ cum totidem Pſalmiſ, aut Nocturnuſ cum tribuſ Lectionibuſ obſervari debet, & ſi dieſ alicujꝿ Sancti evenit, de quo non habeantur novem Lectioneſ, tunc Invitatorium erit de Sancto, & Nocturnuſ legitur, & treſ Lectioneſ cum totidem Reſponſoriſ, & Laudeſ cum Pſalmiſ: *Dominuſ regnavit*, & ſequentibuſ, cum Antiphoniſ debitiſ de Sancto ad horaſ quaſlibet cantabuntur; diebuſ autem Dominicis, cum hiſtoria ferialiſ dicitur, in primo Nocturno XII. Pſalmi, & in ſecundo, & tertio Nocturno III. Pſalmi, & ad primam: *Deuſ, Deuſ meuſ reſpice in me*, &c. cum ceteriſ ſequentibuſ & conſuetiſ Pſalmiſ dicuntur.

Item ſinguliſ diebuſ ad Veſperas, & in Matutiniſ ad Laudeſ, Hymnuſ dica-

tur; ſive fiat Officiuſ de Feria, vel de Sancto.

Item omni die ad Primam: *Jam lucis orto* &c. & ad Tertiam: *Nunc Sancte* &c. ad Sextam: *Reſtor potens* &c. ad Nonam: *Rerum Deuſ* &c. Hymni dicantur; ſed infra Octavas Paſchæ, Pentecoſteſ, & Nativitatiſ Domini, dicti Hymni ad Horaſ obmittentur, ab Octaviſ autem Paſchæ, uſque ad Aſcenſionem Domini, in fine dictorum Hymnorum, verſuſ: *Quaſumus auctor omnium* &c. cum ſequenti; & ab Aſcenſione Domini uſque ad Feſtum Pentecoſteſ, in fine eorundem Hymnorum ad Horaſ, verſuſ: *Oramuſ Domine* &c. cum duobꝿ ſequentibuſ ſimiliter cantabuntur.

Item de Beata Virgine, in Matutiniſ novem Lectionum iſti Pſalmi legentur; in primo Nocturno: *Domine Dominuſ noſter* &c. *Celi enarrant* &c. *Domini eſt terra* &c. In ſecundo Nocturno: *Eruſtavit* &c. *Deuſ noſter reſugium* &c. *Fundamenta* &c. In tertio Nocturno: *Cantate I.* &c. *Dominuſ regnavit* &c. *Cantate II.* &c.

Item de Virginibuſ, infra ſcripti Pſalmi legentur in primo Nocturno: *Domine Dominuſ noſter* &c. *In Domino conſido* &c. *Domine, quiſ habitabit* &c. In ſecundo Nocturno: *Celi enarrant* &c. *Domine in virtute* &c. *Domini eſt terra* &c. In tertio Nocturno: *Eruſtavit* &c. *Deuſ noſter reſugium* &c. *Fundamenta* &c.

Item, quotieſcumque Matutinæ dicuntur cum tribuſ vel novem Lectionibuſ, finalis ſive jubiluſ, qui dici conſuevit in fine Antiphonarum, obmittatur. In omnibuſ aliſ, ſi qua ſuper obſervatione Divini Officii aliquibuſ orta fuerint, ſuper hiſ ad conſuetudinem majoris Eccleſiæ recurrant, & quemadmodum ſervatur in illa, ſimiliter idem moduſ in omnibuſ aliſ obſervetur; præſcriptum vero Ordinem, per Clerum ſæcularem tantum, & non per Religioſoſ ſive Regulareſ, teneri & obſervari præcipimus: ſed dicti Regulareſ ſive Religioſi ſervabunt inconcuſſe ſuum Ordinem in Diviniſ Officiſ debitum, ac hætenuſ conſuetum.

II. Præterea; cum proſicuum, imo neceſſarium ſit, ut receptæ ab antiquo

consuetudines quædam, ob novellarum adinventionum superstitiones refranandas, commutentur in melius. Inde est, quod cum a nostris Antecessoribus ad Nos usque pervenerit, ut in sacra nocte Dominicæ Resurrectionis, ad sustollendam Crucifixi imaginem de sepulchro, ubi in Parasceve locata fuerat, nimia virorum, & mulierum numerositas certatim se comprimendo, Ecclesiam simul cum Canonicis, & Vicariis, introire nitantur, opinantes erronee: quod si viderent Crucifixi imaginem sustolli, evaderent hoc anno inevitabilem mortis horam. His itaque obviantes statuimus: ut Resurrectionis Mysterium, ante ingressum plebis in Ecclesiam, deinceps peragatur, debita cum devotione & reverentia.

III. Insuper, cum decorem Domus DEI omnes Christiani, & præcipue Viri Ecclesiastici diligere debeant & amare, Propheta attestante, dum ait: *Dilexi (a) Domine, decorem Domus tuæ*, ac etiam Clericorum mores in melius reformari & componi debeant; hinc est, quod considerantes illud, quod olim a Prædecessoribus nostris, causa devotionis ordinatum fuerat, & statutum, videlicet: ut Sacerdotes singulis annis in Festivitate Beati Joannis Evang. unum ex se eligant, qui more Episcopi illa die Missam gloriose celebret & festive, nunc in ludibrium vertitur, & in Ecclesia ludi sunt theatrales, & non solum in Ecclesia introducuntur monstra larvarum, verum etiam Presbyteri, Diaconi, & Subdiaconi insanix suæ ludibria exercere præsumunt, facientes prandia sumptuosa, & cum tympanis & cymbalis ducentes choreas per domos & plateas civitatis, non attendentes, quod Apostolus non solum a malo, sed etiam ab omni specie mali præcipit abstinere.

Igitur, ne id quod ob devotionem inchoatum est, ad indevotionem & lu-

(a) Psalmo XXV, 8.

dibrium vergat populorum, statuimus: ut nulli Canonici vel Prebendarii Ecclesiarum nostræ Diocesis talia præsumant de cetero exercere. Præterea districte inhibemus: ne Sacerdos, qui, ut in festo S. Johannis, more solito, Missam celebret, assumetur, aliquam personam Ecclesiasticam vel mundanam, mimos, vigellatores, vel tympanatores ad cenam, vel ad prandium invitet, vel illos, aut alios, qui musicis instrumentis canere consueverunt, in Ecclesia, vel extra, in domo, vel platea, eundo, vel corizando, sequatur; sed devote & solemni-ter, in iunctum sibi officium celebret; de mane vero, officio cum omni solemnitate curiali completo, post, si voluerit, Sacerdotem, qui sibi tanquam Capellanus afficit in altari, Diaconum & Subdiaconum, qui ei concelebraverunt, ministrando, ad prandium vocare, & eis Prebendam suam, cum gratiarum actione benivole impertiatur. Prandio autem facto, prædictus Sacerdos non equo, non asino, more insani, per vicosequitur & plateas, sed si aliquantulum jocundari delectetur, Ecclesiam cum Religione intret, & circumstantibus non impetuose, sed cum mansuetudine, aquam projiciat & aspergat.

Si quis vero Canonicorum vel Prebendariorum Ecclesiarum nostræ Diocesis contra hoc statutum in aliquo præmissorum forefecerit, sciat se a beneficio ipso factum suspensum, & antequam restituatur, carcerem claustralem intraturum; imo rigidius contra se procedendum, si id meruerit protervitas delinquentis.

Actæ, & publice sunt pronuntiatæ hæ Ordinationes, Anno Dom. MCCC. XVI. Feria IV. post *Quasi modo geniti*. in nostra Synodo generali.

Ex Archæo Wormatiensi descriptis Cl. Schannatus b.m.



SYNODUS MOGUNTINA

Anno Christi MCCCXVI. Sede Romana vacante.

Ludovici Bavari Regis II.

*Constitutiones pro Monachis, Diœcesis Moguntinæ, editæ a PETRO
Archi-Episcopo Moguntino.*

PETRUS, DEI GRATIA, SANCTÆ MOGUNTINÆ SEDIS ARCHIEPISCOPUS &c. HONORABILIBUS ET RELIGIOSIS VIRIS ABBATIBUS, PRIORIBUS, ET CONVENTIBUS MONASTERIORUM PER CIVITATEM ET DIOECESIM NOSTRAS MOGUNT. CONSTITUTORUM, DEVOTIS DILECTIS, SALUTEM IN DOMINO.

Inter præsentis sæculi molimina hoc præcipue inter caritatis opera bene agitur, ut vita hominum corrigatur; cum itaque nuper in Monasteriis vestris sanctæ Visitationis Officium, Deo cooperante ageremus, quædam, quæ correctione & reformatione indigent, invenimus in eisdem.

I. Ad Reformationem itaque considerationis nostræ oculum vertentes, primo ordinamus, disponimus, & mandamus firmiter observari, ut ab hinc inantea Fratres & personæ de Conventu Prælati suis debitam reverentiam, & honorem non negligant exhibere;

II. Item præcipimus vobis Abbatibus, & Prioribus, ut correctioni Fratrum, & subditorum vestrorum, quod circa Divinum Officium, frequentationem Chori, observantiam juniorum, & alias Regulares consuetudines se teneant, & informant, sollicitè intendatis.

III. Item substantialia Regulæ vestræ, in abstinendo a carnibus, lineis vestimentis, & lectisterniis, culcitris de plumis factis, præcipimus cum diligentia observari; & si simul in Refectorio propter sterilitatem & decrepescentiam temporum comedere non possitis, quod hac vice patienter toleramus, tamen inantea volumus, ut omnes simul in Refectorio debeant convenire ad comedendum, & specialia cubicula evitare.

IV. Præcipimus insuper, ut Camerarii, Centuarii, Cellerarii, & alii Officiarii, de officiis suis, & specialiter Camerarius de redditibus Cameræ, rationem sive

computationem faciat ad minus semel in anno in præsentia Abbatis: distributionem autem eorum, quæ ad sua officia pertinent, secundum consilium ipsius Abbatis facere teneantur.

V. Item mandamus: ut si ex aliqua causa licita & honesta, aliquis Monachorum (de Abbatis, vel Prioris tamen licentia, sine qua nullus Monachorum exeat) Monasterium egrediatur, id sine sui Ordinis socio, præcipue in civitate nostra Moguntina, non præsumat.

VI. Item vobis Abbatibus, & Prioribus firmiter injungimus: ut diligenter perspiciatis, ne aliquibus personis suspectis ad septa Monasteriorum vestrorum introitus, vel aditus pateat aliquialiter.

VII. Item vobis Abbatibus, Prioribus, cæterisque Officiariis districte præcipimus, ut ea, quæ Prælaturarum & Officiatum vestrorum requirunt officia, tam diligenter, & tam provide expleatis, ut nullam de vobis inantea negligentiam audiamus, sed vestram potius habeamus diligentiam, (a) sunt, a suis amoveantur officii, & alii substituantur eisdem; quod de Monialibus etiam decernimus statuendum. Hoc, *priori Concilio*, in non Professorum odium adjungentes: ut, cum juxta decretum PELAGII, Abbas sit a Monachis eligendus, nullus omnino non professus, quantumcumque temporis diurnitate ibi duraverit, ad electionem Abbatis admittatur, nec valeat ei suffragari sive de facto, sive de consuetudine, scilicet: quia cum cæteris Monachis ad tractatus alios Ecclesiæ antea non sit admissus.

(a) *Hiatus aliquis. pro: sunt, lege: secus,*

VIII. Item Monachi, jam adulti, si post annum probationis in manus Abbatis professionem facere recusaverint, de Monasterio expellantur. Id quod etiam de Monialibus observetur.

IX. Item nullus Monachus, vel Monialis, in duobus Monasteriis locum habeat vel prebendam.

X. Item quidquid Monachus vel Monialis, undecumque illud provenierit acquisiverit, suis applicare usibus non præsumat, sed totum in communes usus Monasterii redigatur.

XI. Item nullus Monachus, vel Monialis, proprium quid habeat, ac qui proprium habuisse, in morte fuerit deprehensus, Ecclesiastica careat sepultura, & si sepultus est jam, exhumetur; si quis vero ipsorum, ad mandatum sui Prælati, propriis renuntiare noluerit, de Monasterio expellatur.

XII. Item ludus (b) alearum, corearum, scaccorum, taxillorum, annulorum, & globorum, Monachis, & Monialibus prohibemus districte.

XIII. Item Abbates, & Monachi, Mantella vel Sarchotes (c) non portent, nec pannos de nigro brunetto, sed quanto possunt haberi prætio villiori, juxta quod præcipit Regula eorundem.

XIV. Item Abbates in communi dormiant dormitorio cum suis Monachis, in Refectorio communi vescantur, nisi quando justa necessitas propter magnos & honestos hospites id non fieri eosdem compellat. Idem de Abbatissis statuimus servandum.

XV. Item tam Abbatibus, quam Monachis, vulpina pellicia, & de cuculis prohibemus, sed agninis tantum utantur.

XVI. Item Monachi calceos strigos, qui stivales dicuntur, non habent, sed alios suæ Regulæ competentes.

XVII. Item Abbates, cappas rotundas, ad modum Episcoporum, in usu cotidiano non portent, sed ut eorum Ordo postulat & requirit; nec ipsi, nec Monachi, quando equitant, mantella deferant super cappas, quas clausas fore censemus: hoc etiam statutum lucidius declarantes, statuimus, ut tam Abbates, quam Monachi cappis nigris

equitent & rotundis, vel in habitu usitato.

XVIII. Item inhibemus districte, ne occasione qualibet sæculares personæ domos, vel habitacula sua faciant juxta Monasteria Monachorum, quia frequenter ex hoc contra Monachos sinistra præsumptio est exorta: nisi forte alicui personæ, omni suspitione carenti, id de consensu & auctoritate Ditecesani Episcopi permitatur; Abbates vero, qui contra hoc fieri præsumpserint, gravi subjaceant ultioni.

XIX. Item Abbas nullum Monachum alterius Monasterii sine litteris dimissoriis proprii Abbatis in suo Monasterio recipere, vel tenere præsumat.

XX. Item Monachi in Refectorio carnibus non utantur, nisi in Infirmatorio, cum ægrotant.

XXI. Item quicumque Monachus in lapsum carnis ceciderit, de quo fuerit manifestum, ad nullam amplius dignitatem, nec ad aliquod officium Monasterii assumatur: nisi propter manifestam emendationem, & honestam, ac religiosam conversationem ipsius, per Ditecesanum Episcopum secum fuerit misericorditer dispensatum; eidem quoque subjaceat, si super hoc fuerit infamatus, nec canonice possit se excusare, & in penam sui criminis de cætero ultimus sit in Choro, & in Capitulo vocem non habeat ad aliquam Monasterii ordinationem tractandum: nisi post emendationem manifestam, Abbatis providentia de consensu Conventus ipsum duxerit admitendum. Si vero Abbas, vel Monachus in officio constitutus, in similem lapsum ceciderit, a suo statim amoveatur officio. Quod circa Præpositum fieri volumus, si de hoc infamatus fuerit; nisi canonice se expurger, & nihilominus poenæ illi subjaceat, quæ de simplici Monacho superius est expressa. Idem de Abbatissis, & Monialibus statuimus ad servandum, & omnia, quæ statuta sunt de Monacho circa continentiam, priorum abdicationem & similia, ad Canonicos Regulares volumus extendi, licet quo ad esum carniarum, & quædam alia, Regulæ inserviant laxiori.

XXII. Item plerique Religiosi, maxime Ordinis Sancti Benedicti, non ventur convivia celebrare. Sæculares etiam

(b) lege: ludos.

(c) Surcotium, *Du Fresne in Glossario*: superhumerales interpretatur,

etiam personas ad ipsa Cœnobiaz pro commestationibus invitantes, ex quo non solum scandalizantur extranei, & Confratres, immo eorum religio dissolvitur, & modestia monastica deformatur. Cum igitur juxta Sanctorum Canonum Statuta, & Venerabilium Conciliorum Decreta, Monacho non liceat, undecumque provenierit, aliquid suis usibus appropriare privatis, Sacri hujus Concilii approbatione, talia de cætero de quacunque causa fieri prohibemus. Si quis autem transgressor extiterit pro qualibet transgressione carceralem VIII. dierum in graviori culpa subeat disciplinam.

XXIII. Item compaternitatem a Monachis & Monialibus contrahi districtius prohibemus, statuentes: ut si aliqua claustra Monialium ad inopiam tantam devenierint, quod illæ de proventibus Monasterii sustentari non possunt, & ab amicis panis, vinum, (d) commendare.

(d) Hiatus.

XXIV. In his correctionibus, licet animadverterimus, quod exemplo Sanctorum Patrum, in corrigendis subditorum delictis, non semper sit rigori, verum etiam aliquoties lenitati & salubribus monitis innitendum, dictasque correctiones ea occasione sine penarum adjectione fecerimus ista vice; si tamen inantea, quod absit, nostris, super præfatis articulis in præfata correctione contentis, non pareatis monitis & præceptis, quæ tam benigne & leniter facimus, ad correctionem cum severitate, qua convenit, canonice procedemus, ut sic quos timor Dei, & salubria, paternaque monita a malo non revocant, coerceat rigor & severitas disciplinæ.

Datum Moguntia in Synodo, Anno Domini MCCCXVI. III. Non. Martii.

Ex Schedis Georgii Helwichii descriptæ
Cl. Sebnannatus.

CONCILIIUM CAMERACENSE

Anno Christi MCCCXVII. Joannis XXII. Papæ II.
Ludovici Bavari Regis III.

Die Sabbati in Festo B. Remigii.

Reverendus in Christo Pater P. (a) Dei gratia, Cameracensis Episcopus, tenens suam Synodum in Ecclesia sua Cameracensi fecit, & addidit hoc statutum.

Quoniam sicut experientia docuit, nonnulli Sacerdotes, immo verius deceptores, in alia Messe falcem suam immittere non verentes, in nostris civitate & Diœcesi sine Nostra, vel Curatorum ipsorum Civitatis & Diœcesis licentia, in ejusdem Ecclesiis, & eorum Parochiis præsumunt temeritate propria audire confessionem, & ministrare Ecclesiastica Sacramenta contra sacrum Canonum institutum, cum sibi confitentes absolvere nequeant vel ligare, vel ipsa Ecclesiastica ministrare. Nos tantæ temeritati & animarum periculis occurrere cupientes, statuendo prohibemus,

ne quicumque Sacerdos sine Nostra, vel prædictorum Curatorum licentia audire confessiones, vel ipsa Sacramenta ministrare præsumat, nisi in mortis articulo, ubi non posset haberi copia Curatorum. Si quis autem hoc facere præsumpserit, excommunicationis vinculo sit ligatus, salvo autem auctoritatibus, & privilegiis Apostolicis, quorum volumus esse defensores.

Item denuntiamus excommunicatos omnes hæreticos, credentes & fautores eorumdem & omnes schismaticos.

Item omnes illos, qui jurisdictionem

(a) Petrus de Levis sive de Mirepoix, Episcopus Montis Pessulani, ad Sedem Cameracensem evocatus anno 1310. elevavit Corpus S. Waldetrudis anno 1313. in præsentia Abbatum Laubienfis & S. Gisleini. Ob continuam civium seditionem Sedem Cameracensem reliquit, & Bajacensem accepit anno 1324. *Castilionensis in Sacra Belgii Chronologia pag. 345.*

nem Ecclesiasticam & libertatem Ecclesiæ impediunt, & qui in his impediendis præstant auxilium, consilium & favorem.

Item denunciamus excommunicatos a *Canone* omnes illos, qui temporale Dominium obtinentes, suis subditis interdiciant, ne Prælati aut Clerici seu personis Ecclesiasticis quicquam vendant, aut emant aliquid ab eisdem, neque eis bladum molant, coquant panem, & alia obsequia exhibere præsumant.

Item denunciamus excommunicatos a *Canone Synodali* omnes illos, qui civitatem nostram Cameracensem, castra, villas, nemora, prata, molendina, vinaria, & alia loca & jura ad nostram temporalem mensam pertinentia violenter invadunt, & injuriose occupant, & illos, qui eisdem in præmissis, aut aliquo præmissorum auxilium, consilium, vel favorem præstant, & terras eorumdem suppositas Ecclesiastico interdicto.

Item denunciamus excommunicatos a *Canone Synodali* omnes illos, qui in nostro Comitatu Cameracensi incendia domorum vel segetum faciunt, & omnes illos, qui eisdem in præmissis præstant auxilium, consilium vel favorem, & eorum terras suppositas Ecclesiastico interdicto.

Item denunciamus excommunicatos a *Canone Synodali* omnes illos, qui in nostro Comitatu Cameracensi agricultores euntes, & redeuntes ad agriculturam, & in ipsa euntes, & animalia, quibus arant, & semina, quæ portant ad agrum, hostiliter capiunt, vulnerant, & interficiunt; & omnes qui eisdem in præmissis consentiunt, præstant auxilium, consilium, vel favorem.

Præcipimus omnibus Curatis in virtute sanctæ obedientiæ nostrarum civitatis & Diocesis, ut prædictas denuntiationes publice faciant in vulgari singulis diebus Dominicis & Festis, cum ibi erit major populi multitudo: negligentes poena Canonica feriantur.

Dignum esse dinoscitur, ut quos timor Dei a malo non revocat, ipsos tamen coerceat Ecclesiasticæ severitas disciplinæ, præcipue Clericos, quos Ecclesiæ Dei sibi filios prout speciales, ipsos

libertatibus, privilegio inter alios suos filios præmunivit, ac suis propriis insigniis voluit insigniri, si ipsam matrem contemnant, si ipsius immunitates infringant, si ipsius matris privilegio in contemptum ipsius uti volunt, per quæ amicorum, ac omni alio cessante subsidio, a morte etiam sæpissime liberantur, quid mirum, si eos, qui seipsos ab ejus immunitatibus exemerunt, absque causa, a communione suâ, & suorum filiorum fidelium segreget & expellat? cum igitur nonnulli Clerici de suis excessibus & delictis, coram Dominis, & Justitiariis temporalibus obligant, & eligunt respondere, & absque sui Judicii Ecclesiastici licentia, eorum jurisdictioni & correctioni voluntarie se submittunt, & cum eis de delictis & excessibus transigunt, & componunt, ut correctionem Ecclesiasticam possint effugere, a qua misericordiam & veniam debent humiliter implorare, quod cadit in totius Cleri vituperium, & Ecclesiasticæ libertatis præjudicium, & contemptum, contra sanctiones Canonicas noscitur esse factum. Nos super his occurrere, prout debemus, & possumus, juris remediis cupientes, statuimus, & firmiter inhibemus, ne de cetero quivis Clericus gaudere debens privilegio Clericali, coram laicali justitia, præcipue in delictis, respondeat, aut jurisdictione temporali se voluntarie submittat. Qui vero contrarium fecerit, excommunicationis sententiam ipso facto se noverit incursum.

Sunt nonnulli tam Clerici, quam laici scienter coram Officiali Cameracensi ex officio citati super his excessibus, & præventi, qui cum Decanis ruralibus post citationem, & processum dictæ Curie transigunt, vel componunt, & his non contenti litteras quitationis ab ipsis Decanis sub anteriori data fraudulenter impetrant, sicque processus inchoatus eliditur, Curia decipitur, & in præjudicium Decani, & Archidiaconi sumptibus inanibus, & gravibus oneratur: Nos igitur prædictis Decanis & partibus inhibemus, ne talia committere audeant vel præsumant. Qui autem contrarium scienter fecerint in præmissis, suspensionis Presbyteri, excommunicationis alii (poenam) incurrant ipso facto.

Licet

Licet per Constitutionem *Clementinam* jam dudum fuerit inhibitu[m], ne quis, nisi in Ecclesiis, in quibus sint fontes ad hoc specialiter deputati, aliquem audeat baptizare, liberis Regum & Principum dumtaxat exceptis, ut cum adjectione prædicta constitutio magis in reverentia teneatur, hæc eadem auctoritate ordinaria inhibemus, statuentes, ut qui de cætero contrarium fecerit, sententiam excommunicationis incidat ipso facto.

Item excommunicatos a Canone nuntiamus Religiosos cujuscunque ordinis vel conditionis existant, tam peremptorie, quam non peremptorie, qui cum cathedrali vel matricem Ecclesiam, Statuta Synodalia vel Provincialia de cessando viderint, aut sciverint observare, contra tenorem illius *Clementinæ* constitutionis, quæ incipit: *Ex frequentibus* &c. in suis Ecclesiis & Monasteriis publice celebrant, excepta moderatione illius constitutionis: *Alma Mater*.

Item excommunicatos nuntiamus a Canone, interdictos, & excommunicatos, qui a celebrantibus moniti competenter, ut exeant, exire noluerint, sed ibidem remanere præsumpserint, per Sedem Apostolicam absolvendos.

Item præcipimus omnibus Curatis Cameracensis Diocesis, ut statuta, & denuntiationes in præsentī Synodo factas, legant singulis diebus Dominicis, cum ipsos Divina celebrare contigerit in suis Ecclesiis Parochialibus, populo ibidem congregato publicent, & in lingua materna exponant sub pœna X. solidorum Parisiensium, quotiens in negligentia de non publicando fuerint reprehensi. Ut Abbates, Priores, Decani, Presbyteri, ac omnes alii, qui ad sanctam Synodum Cameracensem venire tenentur, & pro temporibus tenebuntur, reddantur in posterum certiores, quia die debebunt ad dictam Synodum comparere, sicque cum deliberatione pleniori de sibi ad hoc opportunis valeant providere, statuimus, & in hac sancta Synodo ordinamus, ut de anno in annum in Festo B. Remigii in capite Octobris dicta Synodus de cætero teneatur: quam quidem diem omnibus & singulis tam de Diocesi, quam extra, ad dictam Synodum venire debentibus de jure, consuetudine, vel alio quo-

quomodo præfingimus ad comparandum, præstendum seu audiendum consentiendum ea, quæ in dicta Synodo statuimus fieri, publicari, vel ordinari de anno in annum contigerit, pro terminis assignamus, ita quod aliis vocationibus vel citationibus de cætero non sit opus, nisi per Reverendum in Christo Patrem Dominum Cameracensem Episcopum, seu ejus Vicarios, dictam Synodum ad aliam diem assignari contigerit, vel transferri.

Quia plerumque nonnulli Curati Cameracensis Diocesis, vel vices eorum gerentes, & Clerici variis sigillis utuntur, nunc uno sigillo, nunc alio, executionem, rescriptionem, & alias litteras, quas quandoque Officiali, aut Sigillifero Curie Cameracensis dirigunt sigillando, propter quæ sæpissime super agnitione dictorum sigillorum dubitationes, & altercationes in dicta Curia sunt subortæ, ut sic dictæ dubitationes & altercationes ad certitudinem reducantur, & in causis in dicta Curia ventilandis, de cætero sanius procedatur, statuimus & ordinamus, ut unusquisque curatus proprium sigillum sub nomine suæ Parochialis Ecclesiæ habeat infra mensem, & eo solo utatur in prædictis executionibus, rescriptionibus, & aliis litteris sigillandis, quas tam super executionibus mandatorum curie Cameracensis, quam ipsarum, quas per se (vel) Clericum suum, vel aliter contigerit sigillare. Si autem quemquam ipsorum Ecclesiam suam contigerit ex causa permutationis, vel alias dimittere, sigillum hujusmodi suo relinquat Successori. Quisquis autem contrarium fecerit, pœnam XX. solidorum Parisiensium eo ipso se noverit incursum, Domino Cameracensi applicandorum, & per Decanum loci levandorum.

Præcipimus omnibus & singulis Decanis Christianitatis, Diocesis Cameracensis, sub pœna suspensionis firmiter injungentes, ut impressionem omnium sigillorum, quibus utuntur curati sibi subditi in sigillandis executionibus mandatorum dictæ Curie Cameracensis, ac aliis litteris, quas frequenter dictæ curie transmittunt Officiali, vel Sigillifero, infra instans Festum B. Martini transmittere non omittant.

Quer-

Querimonias quamplurimorum Cameracenſis Diœceſis recepimus. Inter alia continent, quod nonnulli curati Parochialium Eccleſiarum, ac eorum vicēs gerentes prædictæ Diœceſis pro executionibus mandatorum curiæ Cameracenſis, faciendis ſcripturis, ac ſigillis ſuis, non ad modum rationis; ſed ad libitum voluntatis, pecuniam majorem, quam deceat indebite exigunt, & extorquent, in ſcandalum dictæ curiæ, & dictorum conquerentium præjudicium & gravamen. Nos vero talibus immoderatis exactionibus, prout poſſumus & debemus, viam concludere cupientes, ac eiſdem curatis, & Vicariis pro ſuis pœnis, & laboribus, moderate tamen, ſubvenire volentes, ſtatuiſmus, & ordinamus, ut unusquisque eorundem pro qualibet executione mandatorum dictæ curiæ, infra metas ſuæ Parochialis Eccleſiæ faciendæ, uno denario pro ſigillis, uno denario pro reſcriptione, ſi fiat, & per eum ſcribatur, duos denarios pro ſcriptura, & unum pro ſigillo; pro procuracione vero, ſi per eum ſigilletur, & ſcribatur, ſex denarios. Si vero eidem ſcriptura tradatur ſigillanda, pro ſigillo duos denarios, pro receptione vero juramenti de calumnia vel deciſorii, ut continetur, affirmat, & negat, vel confitetur dumtaxat in ſubſtantia, pro ſcriptura, & ſigillo VI. denarios, pro executione vero teſtimonii, & ſcriptura ſuper depoſitione eorundem, & aliis ſcripturis, ſuper quibus non eſt impoſita taxatio pro octo vocabula integra contineat, monosyllabis in dicto vocabulorum numero minime computatis, inhibemus eiſdem, vel eorum cuilibet, ne ultra taxationem huiusmodi aliquid audeant de cetero recipere vel præſumant. Si quis vero eorundem contra hoc facere præſumpſerit, totiens quotiens ſuper hoc reprehenſus fuerit, pœnam decem ſolidorum Pariſienſium incurrat, ipſo facto, Domino Cameracenſi Epifcopo applicandorum.

Excommunicatos a Canone nuntiamus omnes, qui in in tempore interdicti defunctorum corpora in cimiteriis,

nifi in caſibus a jure conceſſis, & qui excommunicatos publice vel nominatim interdictos, aut uſurarios manifeſtos ſcienter præſumpſerint ſepelire.

Item excommunicatos a Canone nuntiamus omnes, qui a perſonis Eccleſiaſticis, quos non negotiandi caula deferunt, ſeu deferri faciunt, pedagia aliqua ſuo vel alieno nomine exigunt, vel extorquent.

Item excommunicatos a Canone nuntiamus omnes perſonas, quæ ſcienter in gradibus a jure prohibitis, vel in ſacris ordinibus conſtitutæ, aut in religionibus præſcriptæ contrahere non verentur.

Item denuntiamus excommunicatum a Canone religioſum, tam exemptum, quam non exemptum, qui in Parochiis alienis Sacramentum Unionis extremæ, aut Matrimonium ſcienter ſolemnizare præſumpſerit, Parochialis Presbyteri non habita licentia ſpeciali, per Sedem Apoſtolicam dumtaxat abſolvendum. Eos vero, qui hoc fieri procuraverint, aut in his auxilium, vel conſilium præſtaverint, aut in his ſcienter interfuerint, excommunicationis ſententia innodamus.

Item excommunicatos a Canone nuntiamus omnes excommunicatos publice aut interdictos, (qui) dum Miſſarum ſolemnia celebrantur, moniti, ut de Eccleſiis exeant, remanere præſumpſerint, per Sedem Apoſtolicam dumtaxat abſolvendos.

Eadem vero ſententia ſint ligati, qui eis, ut exeant, inhibere præſumunt.

Præcipimus in virtute ſanctæ obedientiæ, & ſub pœna excommunicationis omnibus, & ſingulis Presbyteris Eccleſiarum noſtrarum civitatis & Diœceſis Cameracenſis, ut Statuta in hac *Sancta Synodo* facta, per denunciatores in Eccleſiis ſuis ſingulis diebus Dominicis, cum ibi fuerit major multitudo populi, publice faciant promulgari: negligentes autem pœnam X. ſolidorum Turonenſium, quotiens negligentes fuerint, (incurrant) per Decanos noſtros levandorum.

Martene & Durand Collectio ampliffima Tom. VII.

SYNODUS MOGUNTINA

SUB PETRO (a) ARCHI-EPISCOPO,

Anno Christi MCCCXVIII. Joannis XXII. Papæ II.
Ludovici Bavari Regis IV.

P. DEI GRATIA, SANCTÆ MOGUNTINÆ SEDIS ARCHI-EPISCOPUS,
SACRI IMPERII PER GERMANIAM ARCHI-CANCELLARIUS, UNIVERSIS
ET SINGULIS PER CIVITATEM ET DIOECESIM MOGUNTINAM
CONSTITUTIS, SALUTEM IN DOMINO ET NOTITIAM
SUBSCRIPTORUM.

Cum, sicut non sine dolore & frequenti querela didicimus plurimorum, nonnulli Archi Diaconi nostræ Diœcesis, contra *Statuta Provincialis Concilii* Moguntini, poenas etiam comprehensas in Statutis hujusmodi non videntes, fructus Beneficiorum, super quibus coram ipsis, aut eorum Officialibus lis vertitur, pendente lite suis usibus applicant, & hætenus applicarent, facientes propterea, litem facilius & brevi tempore possibilem terminari, in grave tam beneficiorum, quam partium præjudicium prorogari, quāquam ipsi fructus, pendente lite forent ei, qui in lite vinceret, reservandi. Nos, quia parum valerent Jura vel Statuta condere, nisi executioni debite mandarentur, ex debito nostri Officii Pastoralis transgressiones hujusmodi, urgente etiam ad hoc nos conscientia, poenis in prædictis statutis comprehensis prævenire taliter cupientes, ne sit aliis exemplum, similia perpetrandi, jus etiam nobis per hoc acquisitum (b) volentes negligere in hac parte, in hac Sancta Synodo sub pœna excommunicationis latæ sententiæ in his scriptis, quam contrarium facientes incidere volumus ipso facto, statuimus, & firmiter inhibemus, ne aliquis Archi-Diaconus civitatis & Diœcesis Moguntinæ, qui hætenus talia perpetravit, quemquam de quocumque beneficio præsumat in-

antea investire, & ne aliqui ab ipsis aliquas investituras de cætero ad quæcumque beneficia præsumant recipere ullo modo, sed a Nobis investituras recipiant, ad quos vigore prædictorum statutorum pertinet investire: decernentes cum hoc irritum & inane, si secus ad quemquam fuerit attemptatum: eos etiam, qui hætenus contrarium attemptaverunt, in virtute sanctæ obedientiæ præsentibus amonemus, ut de commissis infra unius mensis spatium satisfaciant, ut tenentur, alioquin contra eos modis, quibus expediat, procedemus.

II. Item sub pœna excommunicationis prædicta latæ sententiæ in his scriptis districtius inhibemus, ne Archi-Diaconi, vel eorum Officiales judicent, vel Notarii aliquid scribant, vel Advocati Advocationis officium exerceant, aut Procuratores procurent coram ipsis in causis quibuscunque peccuniariis, duarum marcarum argenti excedentibus quantitatem, ad quam summam alias ipsis de speciali gratia ultra statuta prædicta concessimus judicare, licet ultra summam prædictam sæpe, sicut didicimus, judicaverint, & judicent prædicta nostra gratia abutendo.

III. Item multorum clamoribus excitati, iustis quoque & necessariis causis nos moventibus in hac parte, sub pœna excommunicationis, quam transgressorem

(a) Petrus de Aichspalt, Medicus Henrici Lutzenburgensis, & olim Rudolphi Regis, missus fuit ad Clementem V. Picavos in Gallia, pro impetranda Mitra Moguntina Balduino Treverensi fratri Regis: sed cum idem Petrus Clementem V. ægrotantem arte sua curasset, rejecto Balduino, ex consensu Cardinalium eundem Petrum, qui Basileensis Episcopus erat, Archi-Episcopum Moguntinum creat, consecrat, Pallio donat. Sedit annos XIV. Obiit anno 1320.

(b) lege: nolentes.

rem quemlibet incurrere volumus latæ sententiæ in his scriptis, firmiter inhibemus, ne aliquis Archi-Diaconus civitatis vel Diocesis Moguntinæ, aut ejus vices gerens pro eo, quod aliquem, vel aliquos de aliquibus Beneficiis Ecclesiasticis investiat, quidquam exigat, extorqueat, recipiat, vel requirat, & ne aliqui per se, vel per alium, quidquam pro eo, quod investiat, dare præsumant, excepto litterarum salario, quod tamen unum fertonem argenti non excedat: quapropter Archi-Diaconi, vel vices eorum gerentes, a veris Patronis ad Beneficia Ecclesiastica in concordia præsentatos Canonice ultra unius mensis spatium non differant investire, alioqui nos post lapsum dicti mensis, nisi rationabilis causa obstitit, investiemus taliter præsentatos.

IV. Item sub prædicta pena excommunicationis latæ sententiæ, quam in his scriptis proferimus, & transgressores incurrere volumus ipso facto, præsentibus, ne aliquis sine nostra, obtinenda dono speciali gratia, licentia super eo, fructus Beneficii vel Beneficiorum, quæ tenet cum cura, in quo, vel in quibus non facit residentiam personalem, recipiat, vel se de eis, vel per alium aliquatenus intromittat, sed ipsos nostræ dispositioni pro mensa nostra dimittat, cui nostræ mensæ ex speciali indulto Sedis Apostolicæ competere dinoscuntur; & etiam, ut non promoti infra statuta a jure tempora, ad quos Beneficia, quæ tenent, requirunt, se de fructibus Beneficiorum talium nullatenus intromittant, sed nostræ dispositioni ipsos dimittant, in usus debitos convertendos.

V. Item sub pena excommunicationis jam latæ sententiæ omnibus & singulis Ecclesiarum Plebanis & Vicariis præcipimus, quæ sibi demandantur, utantur, nullam etiam pro sigillatione litterarum hujusmodi recipiant pecuniæ quantitatem, volentes, quod post prædictos duos menses nulli executioni credatur, nisi fuerit sigillo ejus, cui scripta fuerat, sigillata.

VI. Item statuimus in hac *Sancta Synodo*, & firmiter præcipimus in his scriptis, quod per totam civitatem & Diocesim Moguntinam cessatio Divino-

rum clausis januis, & excluso populo, uniformiter observetur.

VII. Item, quia Stationarii, sive Quæstuarii, sicut experimentaliter didicimus, sæpe & quidem frequenter nostris litteris abutuntur, & licet aliquando ad tempus aliquæ sint concessæ, quod diutius est transactum, tamen ipsis uti præsumunt, ac si habeant roboris firmitatem, homines miserabiliter defraudando; nonnulli etiam falsis utantur litteris in hac parte, sicut nobis scientibus hoc plurimum est compertum. Nos igitur præmissis adhibere opportunum remedium cupientes, omnes litteras nostras sub quacunque forma, vel sub quocumque tenore, quibuscumque Monasteriis Ecclesiasticis vel personis datas, vel concessas, in his scriptis penitus revocamus, & de cætero nolumus habere alicujus roboris firmitatem, & si ex aliquibus iustis causis ad hoc nos moventibus aliquas concedimus, illas Prælati & Plebani locorum, ubi devenerint, inspiciant diligenter, & si in data ipsarum eas viderint expirasse, vel in ipsisprehenderint falsitatem, aut utens ipsis, plus per eas præsumat facere, quam vires litterarum hujusmodi patiuntur, utentem talibus litteris non obmittant corporaliter detinere, quousque quid cum tali fieri debeat, a Nobis recipiant in mandatis.

VIII. Item exequendo Constitutionem publice nuper editam, sub pena excommunicationis in eadem Constitutione prolata præcipimus firmiter & mandamus, ne aliqua pro *Begina* se de cætero teneat, statu, habitu, re vel nomine, aut alio quovis modo, & ne aliquis hominum ipsas foveat in statu vel habitu Beginarum.

IX. Item omnes concessiones quibuscumque personis religiosis super audiendis Confessionibus, in casibus nobis a jure reservatis, & super ministrandis Ecclesiasticis Sacramentis subditis Plebanorum, præsentibus revocamus; nolentes, quod de cætero habeant roboris firmitatem.

X. Item sub pena excommunicationis latæ sententiæ præsentibus inhibemus, ne vagæ restitutiones alicui hominum, quam *Joanni de Treveri* Prebendario, & *Dilectissimo Fests* Vicario Ecclesiæ Mo-

Moguntinæ nostris Pœnitentiariis præsententur, vel etiam ad aliquos usus alios convertantur absque nostra licentia speciali.

Fratres autem Prædicatores, Minores, Augustinenses, & Carmelitas, cum ipsi Pauperes elaborant vineam Domini, & in ea multarum salutis proficiant animarum verbo pariter & exemplo; Discretionem vestram duximus commendandos, diligentius injungentes, ut cum ad vestras Parochias pervenerint, propter Deum benivole recipiatis, & benigne per-

tractetis eosdem, sub pœna excommunicationis præcipientes, ne aliquis contra justitiam ipsos perturbet vel molester. Datum anno Domini MCCCXVIII. VII. Idus Junii.

Ex codice MS. Bibliothecæ Academiae Marburgensis post Concilium Moguntinum anno 1310. celebrati, descripsit Cl. Schumannus hæc Petri Moguntini Statuta hoc anno publicata.

Hujus Synodi nec Severius, nec Cl. Joannes meminerunt.

CONCILIVM ULTRAJECTINVM

Anno Christi MCCCXVIII. Joannis XXII. Papæ II. Ludovici Bavari Regis IV.

Statuta Domini FREDERICI (a) Episcopi Trajectensis Ecclesiæ.

NOS FREDERICUS, Dei Gratia, Episcopus Trajectensis, videntes plurimos defectus & pericula enormia Ecclesiis nostris subiectis, propter absentiam Rectorum Ecclesiarum, & aliorum Beneficiorum, quæ personalem exigunt residentiam, imminere: per hanc enim tollitur hospitalitas, & grex Dominicus minus sufficienter, & indebite gubernatur: Mercenarius (b) enim est, cujus non sunt oves propriæ, cum viderit lupum venientem, fugit & recedit.

I. Præsenti decreto statuimus, præcipimusque in virtute sanctæ obedientiæ, & sub pœnis suspensionis & excommunicationis latæ sententiæ in his scriptis, firmiter & striete mandantes, ut quilibet Rector Ecclesiæ, cui cura incumbit animarum, & quivis Beneficiarius de Beneficio quocunque, quod personalem requirit residentiam, infra duos menses a data præsentium, in sua personaliter resideat Ecclesia vel Beneficio, nec se de cætero aliquatenus absentare præsumat; alioquin quicumque secus fece-

rit, sententiam suspensionis & excommunicationis ipso facto incurrit.

II. Et si quis, quod absit, per duos alios menses immediate sequentes, dictas nostras sententiæ in contemptum clavi-um sanctæ majoris Ecclesiæ sustinerit, extunc suo beneficio, quod personalem requirit residentiam, eo ipso sit privatus, & Provisores seu Collatores Ecclesiarum, vel Beneficiorum hujusmodi, seu hi, qui de illis disponere habent, de ipsis infra tempus statutum ordinent & disponant. Alioquin ex tunc de illis disponere poterimus, & auctore Domino feliciter disponemus.

III. Item statuimus sub pœna excommunicationis latæ sententiæ, & virtute sanctæ obedientiæ in his scriptis districtè & firmiter inhibemus, ne quis Decanus, Sacerdos, vel aliquis aliter in partibus Frisiæ, vel alias in nostra Dicecesi, ullo tempore de casibus majoribus, vel causis & casibus Episcopalibus, Nobis a jure specialiter reservatis recognoscat, vel alias quomodolibet aliquatenus se in-

tro-

(a) Fridericus Zirichensis, quadragesimus tertius a S. Willibrordo Ultrajectensium Episcopus, ex Præposito S. Petri Ultrajecti fuit anno 1317. creatus Episcopus. Multa pericula sanxit, & Prædecessoris Guidonis Avenni statuta confirmavit. Obiit 10. Julii 1322. *Cassillon in sacra Belgii Chronologia.* (b) Joannis X, 12.

Tomus IV. Concil. German.

tromittat, nisi obtentis a Nobis auctoritate & mandato speciali; quibus obtentis a Nobis per concessa sibi tempora libere continue poterit exercere. Qui vero contra nostram hanc inhibitionem facere præsumpserit aut fecerit, excommunicationis sententia ipso facto sit ligatus, a qua a nullo, præterquam a Nobis, seu Officiario nostro absolvi valeat, nisi in puncto mortis, præstita tunc cautione de satisfaciendo Ecclesiæ, & nobis de tantæ temeritatis audacia perpetrata.

IV. Item statuimus in virtute sanctæ obedientiæ, & sub pœna latæ sententiæ in his scriptis præcipiendo mandamus, ne quis nostræ civitatis vel Diœcesis, cujuscunque status, gradus, aut dignitatis existat, a sententiis excommunicationis, suspensionis, vel interdicti *virtute Statutorum Synodali* nostrorum, vel Prædecessorum nostrorum latis, actione matrimoniorum clandestinorum, vel alias quomodolibet absolvere valeat; absolutiones autem omnium hujusmodi Nobis, seu Officiario nostro præsentibus referamus.

V. Item statuimus, districte præcipiendo mandantes, ne Consiliarii, seu Consules, aut Procuratores Ecclesiarum Parochialium nostræ civitatis & Diœcesis, de rebus Ecclesiarum ipsarum, sine consilio, & consensu nostro, seu Presbyterorum earundem, ordinare, & disponere præsumant; alioquin sententiæ excommunicationis subiaceant ipso facto.

VI. Item statuimus, si quis in Nuncios seu Procuratores litterarum Curia nostræ Trajectensis, seu Officialium foraneorum, aut Provisorum manus injecerit violentas, aut litteras Curia nostræ, seu Officialium earundem ruperit vel subripuerit, si hic habens jurisdictionem temporalem, eo ipso excommunicatus existat, & terra sua Ecclesiastico subiaceat interdicto: si vero sit persona privata, sententia excommunicationis sit ligata, & in Parochia qualibet, ubi malefactorem talem esse constiterit, cessetur a Divinis.

VII. Præcipimus quoque universis & singulis Ecclesiarum Rectoribus, Presbyteris, Capellanis, & Clericis nostræ civitatis & Diœcesis quibuscumque, ut præsens nostrum statutum, & pœnas, ac sententias in eo insertas, sine expecta-

tione alterius mandati statim post notitiam commissi irrefragabiliter observent, & in Ecclesiis suis denuntient singulis diebus Dominicis & Festivis, tale delictum commissum esse per talem, & propter has hujusmodi secundum qualitatem delicti secutas esse, & eas firmiter ab omnibus observandas, cum intimatione etiam, quod si absolutionem super sententiis hujusmodi breviter a Nobis non procuraverint seu Officiario nostro, pœnæ & sententiæ acriores infligentur.

Alioquin Rectores & Presbyteri non observantes hoc nostrum statutum in omni sua forma & parte, excommunicationis sententias ipso facto se noverint incurrisse. Ne vero inter viros religiosos ordinum mendicantium, qui utique in Ecclesia Dei fructum afferunt cum patientia, & quorum consiliis & doctrinis virtutes plantari solent, & vitia extirpari, ex parte una, & Clerum, cui in eadem Ecclesia commissum est regimen animarum, discordiæ, quæ mater est litium, persistendi suscipiat incentivum, præmissis sane duximus statuendum.

VIII. Sciendum, quod tam Decani Christianitatis, quam Proviores, Ecclesiarum Rectores *DECRETALES LIBRI SEPTIMI* noviter emanatas, quas Nobis hic astantibus cum ea, qua decet reverentia, publicamus, sicut in ejus cavetur principio, & in *Scholis*, & in *Judiciis* observandum; quarum Decretalium una titulo: *De Sepulturis*, incipiens, dudum a BONIFACIO Papa 8vo: reliquæ in titulo: *De religiosis domibus*, super *Beghinarum* coetibus abolendis, cujus principium sic existit: *Cum de quibusdam mulieribus Beghinabus* &c. collocantur; tertia vero eodem libro: *De Hæreticis*, contra hæreticos *Bagardos*, & *Beghinas*, qui incipit: AD NOSTRAM, penes se & suas Ecclesias habeant & observent.

IX. Cæterum universa & singula statuta, monita, & mandata Reverendissimorum Patrum & Dominorum JOHANNIS DE SIRC, & GUIDONIS DE HANONIA, Trajectensium Episcoporum, felicitis recordationis Prædecessorum nostrorum, præsentibus confirmamus, mandantes ea sub pœna in ipsis, & cæteris institutis inviolabiliter observari, quousque de maturiori consilio illa duxerimus emendare. Præcipientes in-

super

super universis & singulis Ecclesiarum Rectoribus communiter & divisim, in nostra civitate & Diœcesi constitutis, ut ipsa & hæc nostra statuta in suis Ecclesiis habeant & recipiant incunctanter, eisque utantur, & illa teneant sine addictione qualibet & observent. In quorum omnium testimonium & robur perpetuo

valiturum, sigillum nostrum præsentibus duximus apponendum. Actum, publicatum, datum anno Domini MCCCXVIII. Feria VI. post Dominicam *Oculi*.

Expliciunt Statuta Domini FREDERICI, quondam Episcopi Trajectensis.

Heusdenii Batavia Sacra.

SYNODUS OLOMUCENSIS IN CREMSIR (a)

Anno Christi MCCCXVIII. Joannis XXII. Papæ II.
Ludovici Bavari Regis IV.

CONRADUS, (b) DEI, ET APOSTOLICÆ SEDIS GRATIA, EPISCOPUS
OLOMUCENSIS &c.

Constitutiones, sive statuta Prædecessorum nostrorum diligentius requirentes, nec in Cathedrali, nec in aliis Ecclesiis, requirendo sæpius de eisdem, ipsas potuimus invenire; vel si quæ constitutiones ex ipsis particulariter receptæ fuissent, non taliter conscriptæ fuerunt nec receptæ sub sigillis authenticis, ut ipsis possit fides in iudiciis, vel extra iudicium adhiberi, vel poenæ infligi transgressoribus eorundem; propter quod volumus, & in virtute sanctæ obedienciæ præcipimus & mandamus, quatenus nostras constitutiones, quas in præsentī promulgamus *Synodo*, utantur Clerici nostræ Diœcesis, & non aliis, & ipsas diligenter infra unum mensem a publicatione præsentium, conscribi faciant, in ipsis contenta suo loco, & tempore, observando.

Caput I. *Contra Concubinos.*

Licet a sanctis Patribus in sanctorum Canonum editione, contra cohabitatores manifestos plurima emanaverint instituta, in quibus Canonibus evidenter proponitur, quod nullus Sacerdotis Missam audiat, quem indubitanter, habere nove-

rit concubinam. Nos, huiusmodi vitium a sanctis Patribus, & eorum institutionibus prohiberi, & detestari scientes, & sicut Religioni Sacerdotum convenit, prospectum cupientes, monemus omnes Prælatos, & Clericos nostræ Diœcesis, ut continenter & caste studeant vivere, & quod suspectas fœminas nullatenus secum teneant in domo, & in hoc studeant, ut eorum vita Deo & hominibus sit placibilis, & in suis actibus irreprehensibiles habeantur; statutum Provincialis Concilii contra cohabitatores & incontinentes promulgatum exequi volentes, exequimur in præsentī, sic quod tales cohabitatores ex vigore & autoritate prædicti Concilii, ex nunc prout ex tunc, sicut in eodem Provincialis Concilii continetur statuto, sint privati Beneficiis, & adiutorum Officiis sint suspensi: propter hoc enim sine qualibet ammonitione in Beneficiorum privatione, & Divinorum suspensione procedentes, poenam Concilii infligimus, cum veraciter intelleximus, quod statutum Concilii prædicti eo tempore, quo felicitis memoriæ P. Episcopus in civitate Cremfir Synodum celebravit, fuerit publicatum. Cum & Domi-

L 1 3 nica

(a) Cremfer, civitas est cum Collegio Canonicorum, & egregia arte adita fluvio Morav. in Diœcesi Olomucensi, residentia Episcopi Olomucensis. *Hübner in Conversionis Lexico.*

(b) Conradus, Comitibus publicis electus, magnanimus Ecclesiæ suæ defensor & tutor, ordine XXI. Constitutiones saluberrimas Clero suæ Diœcesis fancivit, & plurimis Ecclesiis ornamentis imo redditibus Cathedralem auxit: obiit anno MCCCXXVI. ante altare S. Cordulæ in sua Ecclesia tumulatus. *Ex MS. a Celsissimo Pragenfi Archiepisc. communicato.*

nica voce sancto Petro dictum fuit : *Si diligis me, (a) pascere oves meas* ; ex quo colligitur, si is qui omnipotentis Dei oves pascere renuit, Pastorem suum se minime ostendit amare ; & ne de grege Nobis commisso, quorum sanguis de nostris requiretur manibus, depereat quidquam, sed ex pastorum suorum solertia & corporali præsentia deservetur.

Cap. II. *Contra non residentes.*

Univerfos Plebanos, & Curatos nostræ Diœcesis præsentibus ammonemus, ut infra unum mensem a publicatione præsentium, præteritæ tamen non parentes negligentiae, ad suas revertantur Ecclesias, & in eisdem residentiam faciant personalem; illis dumtaxat, qui causa studii, vel alias ex causa legitima, de nostra licentia se possint a suis Ecclesiis absentare; quod si infra mensem ad Ecclesias, per præsentes ammoniti, non redierint, Nos ad præsentationem illorum, qui Jus Patronatus in eisdem Ecclesiis obtinent, alios ad ipsas Ecclesias confirmare nullatenus differemus; quinimo prædictarum Ecclesiarum desertores, quos non Pastores, sed pavidos mercenarios reputamus, post lapsum duorum mensium a publicatione præsentium, ipsorum privamus Beneficiis, & denuntiamus esse privatos, præjudicium nullum per hoc Patronis ex publicatione præsentium, si post lapsum duorum mensium personas idoneas ad vacantia Beneficia ex constitutione præsentis Nobis præsentaverint, inferendo; cui statuto etiam Ecclesiæ nostræ Cathedralis Canonicos, dum non in altero ipsorum resideant, ut tenentur, includi volumus.

Cap. III. *Ut nullus Plebanus aliam Ecclesiam conveniat.*

Nullus Parochianus, propriam obtinens, aliam Parochiam, vel fructus sive proventus alterius Parochiæ conveniat sub spe lucris; si ex causa legitima, nostra tamen obtenta licentia, aliquis, pro censu annuo suam Ecclesiam velit locare, hanc alteri, & non Beneficiato proventus & fructus Beneficii sui locet. Nos enim locatorem fructuum suorum Beneficiato, alias excommunicamus in his scriptis, conductorem vero in V. marcas grossi. denariorum condemnamus no-

stræ Cameræ applicandas, & nihilominus suspendimus eum ab ingressu Ecclesiæ & Divinis.

Cap. IV. *De Exhortatione faciendâ ad Plebem.*

Item statuimus: ut Plebani, & Clerici nostræ Diœcesis in suis Parochialibus Ecclesiis, diebus Dominicis & Festivis, plebem sibi commissam diligenter ammoncant, ut in Festivitatibus solemnibus, videlicet: Nativit. Christi, Resurrectionis, & Pentecostes, suo vero Plebano, & non alteri sua confiteantur peccata, & ad communionem Corporis & Sanguinis Domini in eisdem Festis properent & accedant, maxime in Festo Paschatis: & si quos invenerint, qui in Festo Paschatis sua peccata non confessi fuerint, & sacram communionem non assumpserint, viventes ab ingressu Ecclesiæ arceantur, & morientes Ecclesiastica careant sepultura.

Cap. V. *De procurandis infirmis.*

Item, quod Plebani, & Clerici infirmos visitent, & eos reconcilient, post eorum confessionem ipsis injungendo penitentiam, ipsos etiam Oleo sancto ungant, & manu communicent, & Corpus Domini ad ipsos, vexillo, lumine, & nola ipsos antecedente, deferant reverenter. Nullus etiam ex Plebanis vel Clericis nostræ Diœcesis pro baptizandis infantibus, sepeliendis mortuis, aut reconciliandis infirmis munus aliquod exigat, aut recipiat.

Cap. VI. *Ne sacra Vasa, & Ornamenta in pignus dentur.*

Sacra etiam Vasa & Vestimenta Sacerdotum Negotiatoriis aut Tabernatoriis pro pignore non exponantur, & si quis inventus fuerit de præmissis aliquid impignorasse; in quantum obligavit prædicta, tantum suo Episcopo solvere teneatur, & nihilominus obligans sit suspensus a Divinis.

Cap. VII. *Contra eos, qui sine licentia Episcopi Ecclesias amministrant.*

Statuimus etiam, quod si quis Clericus secularis, vel Religiosus in aliqua Ecclesia nostræ Diœcesis, institutione nostra non habita, in Spiritualibus vel in

(a) Joannis XXI, 16.

secularibus administrare præsumperit, ipso jure omne jus, quod in eisdem Ecclesiis compete-
bat, amittant, nec ad aliud Beneficium, etiamsi media persona interce-
serit, de cætero admittantur.

Cap. VIII. *De vita, & honestate Clericorum.*

Volentes, ut Clerus nostræ Diœcesis in suis actibus universis sit Deo placibilis, & etiam contra ipsum Clerum nulla possit haberi suspicio vel scandalum; universis præcipimus & mandamus, ut nullus tabernas intret, nisi sit in itinere constitutus, & tunc in ipsa taberna, causa necessitatis prædictæ, moras faciens, ullatenus ad taxillos vel ad aleas ludat: & si in ipsa taberna ludum taxillorum vel alearum exercuit, statim unam marcam Nobis solvere teneatur; & si qui Sacerdotes vel Clerici vagabundi in tabernis inventi fuerint; talia, quæ prædiximus, peregrisse, statim per Archidiaconos & Decanos locorum capiantur, & a nostra Diœcesi, ne sint in aliorum scandalum, penitus expellantur.

Cap. IX. *Ne Plebanus suos, vel alienos subditos excommunicet, nisi servata forma.*

Statuimus, quod Ecclesiarum Plebani subditos suos non excommunicent nisi servata forma; & non excommunicent, nisi pro notoriis excessibus; & causam excommunicationis in scriptis assignent, ut coram Nobis eadem, si per excommunicatum ad Nos desuper querela pervenerit, approbari valeat, vel si causa rationabilis non fuerit inventa, injuste excommunicato ad interessè con-
demnentur, & alias puniantur.

Cap. X. *Quod omnes Ecclesia, non solventes decimales denarios, sint subdite interdicto.*

Statuimus etiam, ut decimales denarii, qui Nobis de tabernis, molen-
dinis, curtulis, & ab aliis de jure debentur, per nostræ Diœcesis Plebanos in singulis Parochiis, statim, incipiendo a Festo S. Michaelis usque ad Festum S. Martini, fideliter & integraliter colligantur, & in Octava S. Martini, sicut alias sunt soluti, solvantur plenarie; & per quoscumque Plebanos ipsi denarii in

Octava S. Martini soluti non fuerint, ipso-
rum Ecclesiæ, elapso termino prædicto, sint Ecclesiastico interdicto suppo-
sitæ.

Cap. XI. *De Incendiariis.*

Licet a Prædecessoribus nostris, si-
cut audimus, contra nocuos & pestife-
ros incendiarios, eorumque complices ac fautores, vel alios, ipsis incendiariis conscribentes cartulas, per quas illi, qui-
bus incendium, seu vexationem inferre mi-
nitantur, ab ipsis incendiariis redimant dampnum, quondam statuta fuerint promul-
gata, non tamen ipsorum malitia suf-
ficienter punita videatur, imo quotidie per ipsos incendiarios damna plurima cau-
santur, quæ alias, si carerent fautoribus, vel scriptoribus, vel eorum negotia ge-
rentibus, nullatenus inferrentur; Nos huic morbo obviantes vel obviare volentes, præsentî constitutione sanximus & invocata Spiritus Sancti gratia, auctoritate Ss. Petri & Pauli App. & nostra, in omnes incendiarios ac eorum fautores, receptatores, vel quomodolibet ipsis consilium, auxilium, vel favorem præstantes publice vel occulte, cujuscumque digni-
tatis, conditionis aut status existant, excommunicationis sententiam in scriptis præsentibus promulgamus: & si Clericus repertus fuerit prædictorum incendiario-
rum negotia gerere, vel cartulas ipsis conscribere, si de hoc testibus, vel alias præsumptione vehementer convictus fuerit, suo nihilominus Beneficio perpetuo spoliatur, & si Beneficium non ha-
buerit, per annum detrusus in carcerem, perpetua notatus infamia, sine aliqua remissionis gratia, a nostra repellatur Diœcesi: Religiosi etiam, si inventi fuerint, talia perpetrasse, per suos Superiores in perpetuum carcerem detrudantur.

Cap. XII. *Contra illicitos Ecclesiarum occupatores.*

Pastores, non intrantes per ostium, sed aliunde venientes, tanquam fures, & non instituti per Episcopum occupantes Ecclesias, & alias se procurantes intrudi per potentiam sæcularem, omni jure, si quod eis competeret in Beneficiis taliter occupatis, ex constitutione præsentî sunt privati & inhabiles reddantur ad alia Beneficia, nisi cum ipsis per Sedem Apostolicam fuerit dispensatum.

Cap.

Cap. XIII. *Ne Patroni suos Plebanos deprædentur.*

Patroni, qui Plebanos, aut Clericos extra dotem, vel in dote, in toto vel in parte in rebus suis, vel alias aliqua re mobili, seu equo, veste, pecoribus, sive suppellectilibus spoliaverint, & moniti, infra dies octo, ablata non restituerint, in Patroni ipsius injuriam cessetur a Divinis: hanc tamen ammonitionem per Episcopum, vel Archidiaconum loci, fieri volumus, priusquam cessetur a Divinis, & quod etiam Episcopo, vel Archidiacono loci de ipsa spoliatione fides fiat.

Cap. XIV. *Ne Clerici ad Judicium trahantur seculare.*

Licet a sanctis Patribus institutum fuerit, ut nullus Clericus trahi debeat ad iudicium seculare, pœna vero actoribus & reis per Canones ad hoc sit infligenda; cui pœnæ prolatæ aliam pœnam adjicimus: statuentes: ut actor, si sit laicus, ipso facto sententiam excommunicationis incurrat: Clericus vero si sit, Beneficio, quod obtinet, ipso jure sit privatus; Clerici etiam, si, quæ ipsis illatæ fuissent injuriæ, contra Prelatos suos, spreto Episcopo suo, laicis sæcularibus conqueruntur, ipso facto, Beneficiis, quæ obtinent, sint privati, & excommunicati præsentibus constitutionibus a nostra Diocesi repellantur, cum tales spirituales jurisdictionem enervent, & sint sanctorum Canonum contemptores.

Cap. XV. *Ne Sæcularis Clericos audeat judicare.*

Judices vero sæculares, qui Clericos judicare præsumperint, per præsentem, sint excommunicationis vinculo innodati.

Cap. XVI. *De Theloneis.*

Si Clericus cum rebus, quas secum pro suis ducit usibus, locum transit, ubi thelonium exigitur, vel pedagium recipitur, Theloneum ab eodem recipiens, excommunicationis sententiam incurrat, nec absolvatur nisi dupliciter restituat, quod recipit.

Cap. XVII. *Ne aliquis, præter Officiale aut Archidiaconum, causas Matrimoniales judicet.*

Item prohibemus sub pœna excom-

municationis, ne aliquis causas matrimoniales judicet, nisi Officialis, vel Archidiaconus, idque per se, & non per aliquem substitutum; cum Matrimoniales causæ judicandæ sint per illos, qui statuta Canonum non ignorant.

Cap. XVIII. *Ne quis sine formatis majoribus Ordinibus assumat.*

Inhibemus etiam, ne in celebratione Ordinum aliquis per examinationem ad ulteriores Ordines recipiatur, nisi de Prioribus susceptis, per Episcoporum authenticas litteras sigilla fecerint plenam fidem.

Cap. XIX. *De Infantibus baptizandis.*

Nullus baptizandus non baptizatus ultra unius mensis spatium reservetur, & pueri non alibi, quam intra Ecclesiam, nisi necessitatis articulus subvenerit, exceptis filiis Principum, baptizentur.

Cap. XX. *Ut Matrimonia in facie Ecclesiæ contrahantur.*

Prohibemus etiam, quod Matrimonia alibi, nisi in facie Ecclesiæ contrahantur, & hoc Plebani suis intiment Plebanis singulis diebus Dominicis & Festivis; Et quod constitutio sive inhibitio de clandestina desponsatione a Plebanis observetur.

Cap. XXI. *Ut Plebanus in sua dote resideat.*

Nullus Plebanus circa suam residens Ecclesiam, alibi resideat, quam in dote. Si quis vero Plebanus, vel Clericus, concubinæ filiis aut filiabus agros emisse, & ipsis donasse, vel alias res immobiles Ecclesiæ compertus fuerit tradidisse, ad cujus utilitatem cedere debent, eos restituere teneatur.

Cap. XXII. *Ut Religiosi vacantes Ecclesias suis usibus non usurpent.*

Item ex Concilio Fritzlarensi statuimus: ut Religiosi, qui per donationem, seu alium titulum legitimum, jus Patronatus aliquorum Beneficiorum Ecclesiasticorum obtinent, vel acquisierint in futuro, talia beneficia suis usibus non usurpent; sed ipsis vacantibus, ad ea Sacerdotes sæculares & idoneos Diocesano præsentent, alioquin elapso tempore a jure statuto, Diocesanus, prout Eccle-

Ecclesiæ expedierit, idoneo provideat de Pastore.

Cap. XXIII. *Contra Clericorum captivatores.*

Ex Concilio *Aschaffenburger* statuimus: quod omnes, qui Clericos in sacris Ordinibus constitutos; vel pro Clericis se gerentes, maxime Prælatos & Canonicos Ecclesiæ Cathedralis, ac alias personas Ecclesiasticas captivare, captivas detinere, occidere, mutilare, aut lethalibus vulneribus afficere præsumpserint, sint ipso facto excommunicati, & non solum in terminis illius Archi-Diaconatus, in quo Prælati, Canonicus, Religiosus, vel Clericus captivatus, sed etiam in alio Archi-Diaconatu, ubi tales detinentur, cessetur a Divinis ipso facto.

Cap. XXIV. *De Interfectorum sepulturis.*

Item de sepultura interfectorum statuimus: quod si ante mortem ipsorum de contritione apparuerit, sepeliantur apud Ecclesias; si vero de ipsorum contritione per signa vel testes, Plebano, apud cujus Ecclesiam sepeliri debent, fuerit probatum, si tamen statutis a jure temporibus alias confessi fuerint, & Eucharistiam acceperint, nec evidenter appareat, quod in mortalibus fuerint peccatis, possunt interempti apud ipsam Ecclesiam sepeliri.

Cap. XXV. *De his, qui sepeliri non debent.*

De his autem, qui sepeliri apud Ecclesiam non debent, intelligi volumus, qui in peccatis mortalibus, & nulla præveniente gratia interimuntur.

Cap. XXVI. *Ne Religiosi fructus Ecclesiarum sibi retineant.*

Nonnulli Religiosi nostræ Diocesis, jus Patronatus in Parochialibus Ecclesiis obtinentes, cum prædictæ vacant Ecclesiæ, personas minus idoneas præsentant, iisque certos proventus, appropriatis sibi reliquis, relinquunt, de quibus condigne non valeant sustentari, nec nostræ Ecclesiæ, nec Archi-Diaconorum onera solvi possunt. Propter quod præsentī statuto sancimus, ut si Ecclesiarum proventus diminuti fuerint, infra mensem unum a publicatione præsentium, ad statum pristinum reducantur: si vero Religiosi sibi dicunt competere ex privi-

legio Sedis Apostolicæ, ut congrua sustentatione relicta Plebano, fructus alios suis possint incorporare Monasteriis, nobis privilegia exhibeant, infra mensem, sic, quod deliberatione habita, (a) ullum privilegiatis Monasteriis vel Parochiis præjudicium generetur.

Cap. XXVII. *Ne Laici Clericos in dispositione rerum suarum impediunt.*

Ex eo quod Nobiles Laici, Judices, Advocati, & alii temporale Dominium obtinentes, decimas villarum, seu possessionum, suo Dominio immediate subjectarum, prætextu prædictæ potestatis suæ, sibi, & non aliis vendi seu locari permittant in præjudicium Ecclesiasticæ libertatis, contra Rectores Ecclesiarum, Ecclesiasticasve personas, ad quas eadem bona spectant, ac emptores seu conductores, si secus fieret, graves gerentes inimicitias, unde Ecclesiis, Ecclesiasticisve personis damna non modica, ac inter laicos prædictos altercationes & odia didicimus oriri. Hujusmodi igitur venditiones seu locationes prædictis laicis & Judicibus, seu Dominis, aut etiam Advocatis, per ipsos fieri prohibemus; si qui vero vendendo vel locando, emendo vel commutando secus fecerint, seu decimas ipsas, ad quos pertinent, libere deducere, quocumque maluerint, non permiserint, excommunicationis sententiam eos incidere volumus ipso facto, adicientes nihilominus, ut prius nostra constitutio proxima Dominica, ac annis singulis in Festo Ss. Trinitatis & duabus Dominicis sequentibus, coram populo in Ecclesiis Parochialibus publicetur.

Nos *Conradus*, Dei Gratia, Episcopus Olomucensis, Anno Domini MCCCXVIII. proxima die Dominica post diem S. Mauritii, & Sociorum ejus, in Civitate nostra *Cremisr*, Synodum hanc nostram celebrantes, Prælati, & Canonici Ecclesiæ nostræ, ac aliis sæcularibus, & Religiosis Prælati, Presbyteris, nec non Plebanis, & toto Clero nostræ Diocesis præsentibus, ac prædictas constitutiones in ipsa Synodo pervulgavimus, volentes: ut per totam Diocesim ipsæ constitutiones serventur ab omnibus, & eis utantur in nostris Judiciis & extra Judicium, & exequantur suo loco, & tempore in ipsis contenta.

Cl. Schannat descripsit ex codice Moguntino.

(a) forte: nullum, legendum.

CONCILIIUM HALLÆ MAGDEBURGICÆ,

SUB BURCHARDO, ARCHIEPISC. MAGDEBURG.

Anno Christi MCCCXX. Joannis XXII. Papæ IV.
Ludovici Bavari Regis VI.

BORCHARDUS, DEI GRATIA, SANCTÆ MAGDEBURGENSIS
ECCLESIAE ARCHIEPISCOPUS &c.

Consulta Canonum & Legum peritia super Ecclesiarum rebus, & libertatibus conservandis, rebusque earum non alienandis, nisi in certis casibus, & forma a jure permessa per suas constitutiones multam adhibuisse sollicitudinem reperitur. Unde legitur in sacris Canonibus, quod *omne id, quod Domino consecratur*, five fuerit homo, five animal, five ager, five quidquam aliud, *sanctum erit Domino*, & ad *jus pertinet Sacerdotum*: propter quod inexcusabilis erit omnis homo, qui Domino, quod ei competit, aufert, vastat, eripit, & invadit, & usque ad emendationem, Ecclesiarumque satisfactionem ut sacrilegus judicatur, & si emendare noluerit, excommunicationis vinculo constringitur. Præterea & in eisdem scribitur, quod quicumque militum, vel cujuscumque Ordinis vel Professionis persona, prædia Ecclesiastica, a quocumque Rege, vel Principe sæculari, Episcopis, vel Abbatibus, aut aliis Ecclesiarum Rectoribus largita, invaserit, vel sine eorum consensu tenuerit, nisi eadem Ecclesia restituat, excommunicatione ligetur.

De auferentibus Bona mobilia, Jura, & Jurisdictiones Ecclesiarum.

Quia tamen in observatione Canonum prædictorum, nonnulli timore, odio, vel favore in promulganda excommunicationis sententia contra tales se exhibent negligenter, Nos volentes illorum negligentiam periculosam statutorum nostrorum executione supplere,

universos, qui bona mobilia vel immobilia, seu Jura aut Jurisdictiones ad Ecclesias pertinentes auferunt aut invadunt, aut susceperint, vel detinuerint, seu alios in talibus defensaverint, præstando auxilium, vel favorem, cujuscumque sint ordinis, præeminentiæ, conditionis, aut status; sacri hujus approbatione Concilii statuimus: nisi per Executorem, cui competit jurisdictio, contra tales legitime moniti, ab hujusmodi injuriis destiterint infra mensem, oblata vel delecta restituendo, eo ipso sententiam excommunicationis incurrant; quam si in animarum suarum periculum ac Ecclesiarum præjudicium, ac jacturam per mensem immediate sequentem animis sustinuerint induratis, ab universis Provinciæ nostræ Executoribus cum super hoc per litteras dicti Executoris, per quem processit monitio, requisiti fuerint, excommunicati publice nunti-entur, quousque per restitutionem vel satisfactionem debitam se correxerint cum effectu, & nihilominus in locis, in quibus domicilium obtinuerint, & in quibus se receperint, quamdiu ibi moram traxerint, cesserit penitus a solemnibus Divinorum, statutis prioribus, quo ad aggravationes sententiarum in suo robore duraturis.

De quibusdam abusibus infeodandi.

Quidam fraudulentus infeodationis abusus, qui *Ulusfale* vulgariter nominatur, hætenus apud quosdam invaluit in duobus infra scriptis casibus habens locum.

Pri-

- (a) Burchardus III. de Scrapelaw Comes, vir sobrius, pius, castus, fortis, prudens, & qui jura Ecclesiæ suæ magno cum labore tueretur, creatur Archiepiscopus A. 1308. A civibus Magdeburgensibus, Hallensibus, & Callentibus horrendo parricidio in carcere occiditur A. 1325. nocte S. Marthæ Apostoli: cædes anno integro celatur. Sedit annos 18. *Krantzius Wandaliæ Lib. VIII. c. 13. cui præ omnibus recentioribus acatholicis calumniatoribus credendum.*

Primo videlicet, quando Vassallus adeo gravi infirmitate decinetur, quod de periculo mortis propinquo formidat, vel ad partes longinquas, non cito reversurus, se transferre proponit, tunc de suo feodo, quod ipse a Domino suo tenet, alium infeodat, hac intentione, ut si ad convalescentiam ab ægitudine redierit, vel a loco, ad quem proficisci intendit, ad propria remeavit, feudum ad ipsum libere revertatur; quem quidem infeodationis abusum, ut & Vassallum reprobum jura Patriæ in tantum abhorrent, quod taliter infeodantem privandum esse feodi beneficio decreverint, & ipsum feudum, post privationem, libere reverti debere ad prioris Domini potestatem.

Secundo vero, dum Vassallus feudum, quod a Domino est datum eidem, in aliquem alium aut per venditionem, seu alium modum transferre desiderans, & ille alius ad feudum tale aspirans, tamen se de eo infeodari, propter suæ conditionis statum, recusat, aut forte contemnit, & dolose procurat, ut homines sui tale feudum ab ipso priore Vassallo recipiant, & ad ipsius utilitatem & commodum referrent, quo quidem casu dubium non est, verum Dominum defraudari; unde in hoc casu jura Patriæ statuerunt: quod si Dominus Vassallum taliter infeodantem apud alios suos Vassallos inculaverit, si ipse inculatus talem infeodationem forte fuerit confessus, feodo tali est ipso facto privatus, & ad Dominum priorem devolvitur; si vero taliter se infeodasse negaverit, negationem hujusmodi veram esse probabit proprio juramento, & deinde, id est, post juramentum præstitum, mandabit ei, vel eis, quibus feudum prius concessit, quod ipsi ipsius feodi possessionem ad se debeant infra sex hebdomadas efficaciter collocare, seu ejus possessionem nancisci; alioquin ipso feodo sint privandi: & feudum post privationem reddere debet ad potestatem Domini non principalis, sed Vassalli sui prioris: feudum namque sine feodi possessione nihil juris tribuit ad feudum licite retinendum. Nos itaque in favorem Ecclesiarum, & in odium præsumptorum, approbantes omnia in præmissis, statuimus: quod si quis feudum in casibus prædictis amissum retine-

re contenderit, nec ad priorem Dominum reverti permiserit, seu impedimentum ad hoc aliquod præstiterit, eo ipso sententiam excommunicationis incurrat, in omnibus locis nostræ Provinciæ, in quibus expedierit, solempniter publicandam.

De penis Prælati, Canonici, vel Ministri propriam Ecclesiam hostiliter impugnantis.

Si quis Prælatus, Canonicus, aut Minister in aliqua Cathedrali, vel Collegiata Ecclesia in tantam eruperit temeritatem, ac detestandæ ingratitude vitium inciderit, quod Ecclesiam propriam, in qua Dignitatem, Canonicatum, aut Beneficium obtinet, honorum ipsius adipe inpinguatus, per se, aut cum aliis ejusdem Ecclesiæ persecutoribus & inimicis hostiliter impugnaverit vel invaserit; Ne talis ac tanta malitia incrementum accipiat, aliisque præsumptoribus transeat in exemplum, & tales pœnæ formidine a suæ temeritatis audacia refrænentur, proinde duximus statuendum: ut quicumque talia, tamque enormia contra matrem suam Ecclesiam præsumpserit, si Prælatus fuerit, dignitate, Canonicus canonicatu, Minister beneficio ipso facto priventur, & tanquam membrum putidum ab eadem Ecclesia perpetuo sit abscissus, (b) cum indignum sit juxta doctrinam Canonum, ut Ecclesia, quæ suscepit extraneum, in sinu suo foveat invasorem.

De modo executionis statuti prædicti.

Ad hoc, ut statutum præsens plenius fortiaur effectum, voluit Ecclesia hoc ordine in ipso procedi, quod videlicet superior Prælatus Ecclesiæ taliter impugnatæ, requisito prius Capituli sui consilio, super eo monere debeat salubriter tam enormiter delinquentem, quod infra mensē vel ultra, juxta monitoris arbitrium statuendum, ab impugnatione & invasione hujusmodi abstinere de cætero debeat, & super damnis & injuriis irrogatis satisfactionem iis, quorum interest, impendere competentem, si pœnas prædictas voluerint evitare; quod si moniti a Prioribus suis malitiis cessare, aut emendare secundum arbitrium Prælati, & Capituli, juxta qualiter delicti,

(b) pro: abscissus.

ac

ac possibilitatem ipsius animo contempserint obstinato; id Prælati Ecclesiæ præponat, quod talis præsumptor tumore inflatus superbiæ, & spiritu rebellionis assumpto monitioni suæ in præmissis parere contumaciter dedignatur. Et si Prælati, & Capitulum simul diligenti deliberatione præhabita, huiusmodi ingratitude filium reputaverint, & decreverint in pœnas præsentis statuti ex suis demeritis & iniquitatibus incurrisse; ex tunc statutum ipsum, privationem beneficiorum infligens, ut prædicitur, quoad pœnam, vel pœnas inflictas, roboris obtineat firmitatem. Præsens vero statutum non tantum in sæcularibus Ecclesiis, verum etiam in Regularibus volumus observari.

Extensio pœnæ cujusdam statuti ad posteritatem submittentium civitatem Magdeburgensem.

Dudum quædam statuta anterioris nostri Concilii provide fuit deliberatio præhabita, ne Rectores, seu Majores civitatis, vel oppidi alicujus in præjudicium veri Domini, videlicet Archi-Episcopi, Episcopi, aut alterius Prælati Ecclesiastici, civitatem vel oppidum alterius Domini subjacerent ditioni, certas pœnas in eodem expressas, transgressoribus infligendo. Verum, quia subiectio & submissio huiusmodi grave præjudicium afferunt & jacturam, expedit, ut assumptione talium, malitia hominum cumularum pœnarum formidine coerceretur. Sanximus igitur in casu præmissi, ut si submissio, & subiectio, de quibus prædicitur, fuerint aliquando per cives Magdeburgenses, aut Hallenses præsumptæ, quod, præter pœnas in prædicto sta-

tuto contentas, hi, qui talia fecerint, vel mandaverint, vel cum prohibere possint, admiserint, in suis filiis, & filiabus, ac omni eorum posteritate usque ad quartam generationem, eas pœnas incurrant ipso facto, quæ in Concilio Magdeburgensi expressæ continentur.

Quod Rectores Ecclesiarum debite & licite pulsare faciant ad Divina.

Considerantes Divinum cultum non minui, sed augeri, & Ministros Ecclesiarum in Divinis peragendis officiis nullatenus impediri debere, statuimus: quod Rectores Ecclesiarum, quibus celebratio Divinorum, & cura templi est commissa, ad pullandum & pulsari faciendum pro conventionem populi ad Divinorum auditionem, & ad alia, quæ salutem respiciunt animarum, libere quæcumque eis hora placuerit, & congrua fuerit, habeant potestatem, nec a tali libertate a quoquam possint vel debeant prohiberi, cum indignum valde sit, quod ex arbitrio sic pendeant alieno, & per laicos certa forma, aut hora ipsis minime congrua imponatur. Si quis autem contrarium hujus statuti attemptare præsumpserit, prohibitionem aut impedimentum aliquod inferendo, nisi monitus per Rectorem Ecclesiæ cessaverit infra mensem, eo ipso sententiam excommunicationis incurrat, non obstante, si qua consuetudo in contrarium allegetur: quæ cum Ecclesiis sit onerosa, merito est reprobanda juxta Canonum Sanctiones.

Datum.

Ex codice MS. Ecclesiæ Moguntina descriptis Cl. Schannatus b. m.

Statutum ADULFI, Leodiensis Episcopi, *Anno MCCCXX. editum.*

ADULPHUS, DEI GRATIA, LEODIENSIS EPISCOPUS, UNIVERSIS ABBATIBUS, PRIORIBUS, PRÆPOSITIS, ARCHI-DIACONIS, DECANIS, CAPITULIS, CONVENTIBUS, ET CAPELLANIS, PLEBANIS, RECTORIBUS, CLERICIS NOstrarum CIVITATIS ET DIOCESES LEODIENSIS, NEC NON ET CÆTERIS PRESBYTERIS, ET CLERICIS IN EISDEM CIVITATE, ET DIOCESE DEAGENTIBUS, SALUTEM IN DOMINO SEMPERNAM.

DUdum in Concilio Lugdunensi dignoscitur statutum, ne causæ, quæ auctoritate litterarum Sedis Apostolicæ vel Legatorum ejusdem committuntur, alibi, quam in civitatibus vel in locis insignibus, ubi copia jurisperitorum haberi potest

potest, ullatenus audiantur. Quod attendens bonæ memoriæ Dominus JOHANNES, dudum Episcopus Leodiensis Prædecessor noster, Speculator, & Ordinarius totius suæ Diœcesis, in ea personam Christi præsentans, duxerit in quantum potuit in generali Synodo, ut sciri posset, in quibus locis Diœcesis Leodiensis causæ hujusmodi possent & deberent agitari, de ipsis super hoc ordinando, consideratis locis ipsius civitatis & Diœcesis, in quibus jurisperiti tunc temporis residebant, & eorum copia frequentius habeatur, loca ipsa propriis vocabulis exprimenda, videlicet *Leodium, Hoyum, Dionantum, Namurcum, Fossis, Thudinum, Novella, Louanium, Aquis, Trajectum, Tongris & Tbenis* in monte, prohibendo, ne in aliis locis ipsius Diœcesis, quam prædictis, causæ hujusmodi tractarentur in futurum, nec hoc de partium procederet voluntate. Verum cum succedente tempore felices recordationis BONIFACIUS Papa VIII. id quod in dicto fuerat actum Concilio, renovans, edita super hoc *nova decretali*, statuerit, ne causæ prædictæ alibi quam in civitatibus, & locis, in quibus commode jurisperitorum copia haberi possit. (a) Nihilominus tamen quidam defensionis & consilii copiam suis adversariis auferre conantes, in locis ipsis litterarum Apostolicarum auctoritate suos adversarios citari faciunt, & eos ibidem iudices a sede prædicta deputati litigare compellunt, in sui erroris fomentum, ordinationem ipsius nostri Præde-

cessoris allegantes, & non attendentes, quod cessante ibidem jurisperitorum copia, & quod ibi commode haberi non potest; ex tenore ipsius Domini BONIFACII decernitur irritum & inane, quicquid in talibus locis auctoritate litterarum Apostolicarum fuerit attentatum. Quocirca Nos diversis ac frequentibus nostrorum subditorum clamoribus, & querelis excitati, nolentes ulterius nostros subditos prætextu ordinationis præfatæ, cujus causa jam cessavit, a juris tramite deviare, & animarum periculis, & malignantium malitiis, in quantum possumus, obviare volentes, ordinationem, declarationem, & constitutionem ipsas Prædecessoris nostri prælibati, habita cum nostro venerabili Capitulo Leodiensi deliberatione diligenti, & multis jurisperitis, dicimus non tenere, nec loca ipsa præter civitatem Leodiensem, talia esse, quod secundum constitutionem antedicti Domini BONIFACII, causæ auctoritate litterarum Apostolicarum audiri possint ibidem, cum notorium sit & existat, quod jurisperitorum copia ibi non sit, nec commode haberi possit ibidem. In quorum omnium testimonium præsentem nostram declarationem fecimus nostri Sigilli munimine roborari. Datum anno Domini M. CCC. XX. in crastino Dominicæ, quo cantatur *Cantate*.

Tomo VII. Collectionis amplissimæ veterum Monumentorum Martene & Durand pag. 308. 309.

Adolphus a Marka ex Præposito Wormatiensi creatur Episcopus Leodiensis a Clemente V, Episcopus consecratur a Berengario Cardinali Dominica infra octavam Pentecostes anno 1313, quo anno Leodium venit. Mortuus 3. Novembris A. 1344.

(a) *supple* : agantur.

CONCILIIUM COLONIENSE

Anno Christi MCCCXXI. Joannis XXII. Papæ V.

Ludovici Bavari Regis VII.

CAPITULA SEU RUBRICÆ STATUTORUM

ECCLESIE COLONIENSIS, EDITORUM A BONÆ MEMORIÆ DOMINO HENRICO, ARCHIEPISCOPO COLONIENSI.

I. Ne Clerici seculares seu Religiosi, negotiis secularibus se immisceant.

II. Quod Clerici seculares aut Religiosi, tonsuram & coronam debitam in capite deferant.

III. Quod Clerici vestibus virgulis vel partitis, aut alias eorum statui contrariis, non utantur.

IV. Quod Clerici inordinati, non admittantur ad tractatus capitulares.

V. De modo celebrandi primam Missam, postquam aliquis in Sacerdotem est promotus.

VI. De locis insignibus Diœcesis Coloniensis, ubi causæ Ecclesiasticæ tractari possunt & debent.

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS
ECCLESIAE ARCHI-EPISCOPUS &c. AD PERPETUAM

REI MEMORIAM.

Licet consulta provisione a sanctis Patribus, ac etiam a nostris Prædecessoribus, ac a Nobis super vita & honestate Clericorum diversa promulgata sint statuta, tamen, quia in eorum observatione se multi (quod gravi nimirum cum animi turbatione referimus) non exhibent reverentes, ad illicita, & honori ac statui Clericali non congruentia, fræna laxantes, ex Officii Nobis commissi debito cogimur ipsos, quos ad observantiam jurum & statutorum hujusmodi, virtutum præmia non inducunt, tam adjectarum exaggeratione pœnarum, quam adjiendarum de novo formidine, ab ausibus temerariis refrenare, de nostri Capituli & Prælatorum consilio & consensu:

I. Ne Clerici sæculares seu Religiosi, negotiis sæcularibus se immisceant.

Statuimus, ne Clerici sæculares aut Religiosi, cujuscunque status sive conditionis existant, negotiis sæcularibus a jure prohibitis, præsertim tabernariorum officio, immiscere, aut ea exercere præsumant. Mandantes in virtute sanctæ obedientiæ universis Archi-Diaconis, Prioribus, Prælatis, ac cæteris quibuscunque, ad quos Clericorum tam sæcularium, quam Religiosorum nostræ civitatis & Diœcesis spectat correctio, ut ipsi suos subiectos ab hujusmodi tabernariorum officio animadversione debita desistere compellant. Et ut ad (a) hoc arctius compescantur, monemus ex nunc omnes Sæculares, Clericos, & Religiosos Nobis subiectos, termino mensis unius

ipsis pro monitione legitima indulto, ne de cætero hujusmodi tabernariorum Officium, quisquam eorum publice exercere præsumat. Alioqui auctoritate præsentis statuti, taliter officium hujusmodi exercentes, pœnis in constitutione Clementis Papæ V. extra: *De vita & honestate Clericorum*, quæ incipit: *Diœcesanis*, expressis, præter alias pœnas Canonicas, ipso facto volumus subjacere. Et nihilominus hos, qui Beneficia habuerint, a perceptione fructuum Beneficiorum suorum, & ab ingressu Ecclesiæ, eo ipso volumus (b) fore suspensos: quas suspensionum sententias, si per alium mensem sustinuerint subsequentem, tam habentes Beneficia, quam non habentes, a Divinorum officio exnunc, prout extunc, suspendimus in his scriptis. In quibus suspensionum sententias si per reliquum mensem tunc sequentem perstiterint, in quemlibet eorum in his scriptis excommunicationis sententiam promulgamus. Quod statutum ad personas foeminarum sive Ecclesiarum sæcularium, sive Monasteriorum, cum omni suo vigore duximus extendendum.

Nolumus tamen per præmissa quencquam a venditione vinorum, si qua ei a Beneficiis suis, seu aliunde, præter negotiationis causam, derivata fuerint, dummodo hoc sine dolo, nec in fraudem præsentis statuti, fecerit modis hætenus consuetis, & decentibus, prohibere.

II. Quod Clerici sæculares & Religiosi, Tonsuram & Coronam debitam in capite deferant.

Item statuimus, ut quilibet Clericus sive

Henricus Comes de Virnenburg anno 1306. electus, a Clemente V. præ duobus competitoribus confirmatus fuit: Patruus erat Henrici, ex Præposito Bonnensi, Archi-episcopi Moguntini, qui obiit 1353. & Joannis Virnenburgici Comitis, Præpositi Xantenensis, & Episcopi Monasteriensis & Ultrajectini, qui obiit 1371. 9. Kal. Julii. Cl. Joannis rerum Moguntiacarum T.I. pag. 1722.

(a) ab (b) esse

sive sæcularis, sive Religiosus, cujuscunque dignitatis, conditionis, aut status existat, habeat Tonsuram & Coronam in capite, suo Ordini & statui congruentes, maxime deferendæ quotidie coronam in capite, quæ secundum sui Ordinis & status decentiam, detecta appareat sine fraude in capite non abrafo, seu eum forfice super pedinem detonso vel decurtato, nisi infirmitas, vel quia Scholarius in Scholis est, vel quia alia eum legitima causa excuset. Alioquin Beneficia habentes, aut in sacris existentes, qui talem coronam juxta prædictum modum deinceps assidue non portaverint, monitione quindecim dierum præmissa, interdicti sententiam ab ingressu Ecclesiæ, quam in his scriptis ex nunc ferimus, se noverint incurfuros. Modificationem vero longitudinis & brevitatis crinium, salva coronæ decencia, secundum modum prædictum, ipsis, ad quos ipsorum Clericorum correctio pertinet, committimus: in virtute sanctæ obedientiæ injungentes eisdem, ut quilibet, prout ad eum pertinet, suos subditos correctione debita ad portandum & habendum tonsuram debitam non negligat adigere: ne si ipsi circa hoc inventi fuerint negligentes, oporteat Nos ipsorum desidiam corrigere & punire.

III. *Quod Clerici vestibus virgulis vel partitis, aut alias eorum statui contrariis, non utantur.*

Cum felix recordationis CLEMENTIS PAPA QUINTUS sub certis pœnis statuerit, ne aliquis Clericus virgulata vel partita publice veste utatur, nisi rationabilis causa subsit, hujusmodi pœnas in ipsa constitutione Clementina (quæ est extra: *De vita & honestate Clericorum*, & incipit, *Quoniam qui adjectis*) contentas, auctoritate præsentis statuti, in omnes & singulos Clericos nostræ civitatis & Diœcesis, vestes scacatas, omnino virides, aut omnino glaucas, aut omnino rubeas, aut in lateribus scissas, vel ante pectus notabiliter scissas, aut nodatas, publice desuper sine causa rationabili portantes (monitione unius mensis præmissa, ut talibus vestibus de cætero non utantur) decernimus extendendas: volentes & statuentes, ut post hujus mensis terminum, tales, talibus

vestibus publice de cætero utentes, pœnas hujusmodi incidant ipso facto. Expedit enim, ut ipsos pœna similis comitetur, quos facinus par coinquinat, & coæquat.

IV. *Quod Clerici inordinati, non admittantur ad tractatus capitulares.*

Licet Canon felix recordationis CLEMENTIS Papæ quinti, *extrav. De etate & qualitate Ordinandorum*, qui incipit: *Ut hi*, inter cætera statuerit, ut nulus in Ecclesiis Cathedralibus, vocem in Capitulo habeat, etiam si hoc sibi ab aliis libere concedatur, nisi saltem in Subdiaconatus ordine fuerit constitutus, non obstantibus quibusvis consuetudinibus seu statutis: quia tamen nonnulli Clerici in sacris non existentes, non obstante prohibitione Canonis antedicti, de facto tractatibus capitularibus (etsi vox eorum de jure non valeat) cum aliis vocem habentibus pertinaciter se ingerunt, & immiscent: Nos volentes prædicti Canonis intentionem præsentis statuto juvari, statuimus, ne aliquis Canonicus, aut Clericus in sacris non existens, Capitularibus se immisceat tractatibus quoquo modo, nisi ad hoc expresse per suum Decanum & Capitulum invitetur: per quam tamen invitationem non credat se vocem in Capitulo habiturum. Intentionis tamen nostræ non existit, quin ad suscipiendum disciplinarem correctionem venire ad vocationem sui Superioris, vel ad signum campanæ secundum consuetudinem suæ Ecclesiæ, seu Monasterii pristinam, non eo minus teneatur temporibus debitis & consuetis: qua disciplinari correctione completa, ultro exeat & recedat, nisi (ut dictum est) remaneat invitatus, permittendo eos libere & pacifice, qui voces in Capitulo habuerint, negocia capitularia disponere & tractare: in contrarium facientes, excommunicationis sententiam, quam in his scriptis ferimus, monitione quindecim dierum præmissa promulgamus.

V. *De modo celebrandi primam Missam, postquam aliquis in Sacerdotem fuerit promotus.*

Item cum quosdam Clericos avaritiæ impellat adeo cæcitas, ut dum ad sacrum Sacerdotii Ordinem promoventur, in quo
ob

ob ipsius ordinis dignitatem, ab omnium malo, verum etiam ab omni specie mali, prorsus deberent præ cæteris abstinere, quibusdam modis inhonestis, & illicitis, statumque eorum omnino non decentibus, lucrum extorquendi, alios antecedant. Plures enim Missas, quas *primas Missas* vocant, in diversis locis publice celebrant, omnibus, quibus possunt, non solum per se ipsos, aut per suos familiares, verum per quasdam mulieres præcones in plateis, & locis publicis, ubi populus convenire consuevit, quod hujusmodi Missas celebrare intendant, præconizantes & proclamantes, non sine scandalo & verecundia convocatis. Nos id de cætero omnino fieri prohibemus, statuentes, ne aliquis Sacerdos de novo promotus, & de cætero promovendus, aliquam primam Missam, cantet seu celebret sub titulo *primæ Missæ*, nisi duntaxat unam: quam etiam non celebrabit alibi, quam in Ecclesia, in qua Beneficiatus est, vel si Religiosus fuerit, in Monasterio suo: non Beneficiatus vero, in Ecclesia Parochiali sui domicilii, vel originis: nec (ut præmissum est) præconizationes, seu proclamationes in locis & in plateis publicis, ubi populus transire seu convenire consuevit, fieri per se, vel per alios procurabit: immo exclusa omni fraude, hoc fieri non permittet. Contrarium facientes, excommunicationis sententiam auctoritate præsentis statuti incurrant ipso facto.

(a) forte: sic.

VI. De locis insignibus Diœcesis Colonienfis, ubi causæ Ecclesiasticæ tractari possunt, & debent.

Cum item felicitis recordationis BONIFACIUS Papa VIII. inter cætera statuerit, ne causæ Apostolicæ alibi, quam in locis insignibus audiantur: & nonnulli nostræ civitatis & Diœcesis homines, auctoritate literarum Sedis Apostolicæ aliquos ad diversa loca, reputantes ea loca esse insignia, citari procurant, ipsis citatis econtra asserentibus, loca talia non debere pro insignibus reputari, & inter litigantes sapius dubio sit (a) exorto, contingit ipsas partes vexari laboribus gravibus & expensis: Nos hoc dubium auctoritate præsentis statuti propter quietem litigantium tollere intendentes, civitatem nostram *Coloniensem, Bonnensem, Sancten, Susatum, ac Tuitium*, loca fore insignia, & esse talia, ubi causæ Apostolicæ tractari de jure poterunt, & ea pro locis haberi debere insignibus: cætera vero loca nostræ Diœcesis, præter quinque loca prædicta, fore minus insignia, & talia, ubi causæ Apostolicæ tractari de jure non poterunt, declaramus. In quorum omnium testimonium, & roboris firmitatem, sigillum nostrum una cum sigillo *Capituli nostri* præsentibus est appensum. Datum anno Domini MCCC. XXI. in crastino B. Remigii Confessoris.

Ex Statutorum Typo Quenteliano anni 1554.

CONCILIUM MAGDEBURGENSE

Anno Christi MCCCXXII. Joannis XXII. Papæ VI.
Ludovici Bavari Regis VIII.

BORCHARDUS, DEI GRATIA, ARCHI-EPISCOPUS SANCTÆ MAGDEBURGENSIS ECCLESIAE &c.

Circumspecta juris providentia congrua provisione disposuit, quod constitutionum decreta, nunc novorum Jurium editione, nunc antiquorum additione, detractatione, ac declaratione, utilitate suadente, valeant prout personæ, causæ, loca, tempora, negotia, & instans necessitas postulaverint, in melius

reformari; cum enim dicat Canon, quod ob hoc Leges conditæ sint, ut earum metu humana coerceatur audacia, tutaque sit inter improbos innocentia, & in ipsis improbis formidato supplicio refrænetur malitia & nocendi facultas. Ob hoc necesse est, quod secundum necessitatem prædictarum varietatum leges & statu-

statuta hominum, per quæ contra præmissa optimum remedium adhibetur, immutationis quandam recipiant novitatem, ita quod singulis de novo morbis emergentibus sua auxilia coaptentur. Sane in Concilio [a] Provinciat dudum in Magdeburgensi Ecclesia, disponente Domino, celebrato, statuta quædam pro reprimendis oppressionibus, reformandis moribus, & corrigendis excessibus, ac libertatibus conservandis, Sacro approbante Concilio, edidimus, prout tunc temporis, communi utilitate pensata, vidimus expedire. Nunc vero præsentium experientia temporum quædam in eisdem statutis *supplenda*, quædam etiam *restringenda*, & aliqua eorum expositionis declaratione adjuvanda, apertius manifestat.

I. Sancti igitur *hujus approbatione Concilii* adjicimus & sanximus: poenas omnes per denuntiationem, excommunicationem, cessationem a solemnibus Divinorum, & subtractionibus Ecclesiasticorum Sacramentorum ac Ecclesiasticæ sepulturæ, & unctiois extremæ in priori Magdeburgensi Concilio nostro ei inflictas, qui Archi-Episcopum, vel Episcopum Magdeburgensis Provinciæ intra Provinciam ipsam ceperit, aut captum detinuerit in eadem, vel socius fuerit detentionis, æqua ratione extendendas ad eum, qui Archi-Episcopum, vel Episcopum ejusdem Provinciæ percusserit, seu etiam vulneraverit, aut socius facientis fuerit, seu alia commiserit, quæ jam de captivatoribus sunt antedicta.

II. Insuper in penam ampliorem addentes, quod quilibet de prædictis præsumptoribus, sicut reus criminis læsæ Majestatis, perpetuo sit infamis, nullus ei debita reddere, nullus ei in judicio respondere teneatur, si qua vero pœoda ab Ecclesia, cujus Archi-Episcopum, vel Episcopum in præmissis offenderit, obtinet, sit eis ipso jure privatus, & sic libere ad Ecclesiam revertantur.

III. Loca etiam, in quibus iidem captivatores, percussores, vel vulneratores, ac alii prædicti, vel eorum aliquis domicilium obtinet, aut jurisdictionem de jure vel facto exercet, similiter & locus, in quo detinetur Archi-Episcopus, vel Episcopus sic captivus, generali sub-

jaceat interdicto. Verum, quia in Concilio anteriori cavetur: omnes poenas contra captivatores ibidem statutas inviolabiliter observandas, donec captum liberum & solutum dimitti contingat, præstita prius satisfactione debita & condigna; pari ratione duximus statuendum: quod antequam percusso seu vulnerato fuerit, per emendam condignam satisfactum, nequaquam cessandum esse ab executione, seu observatione poenarum percussoribus, seu vulneratoribus superius inflictarum.

IV. Cæterum; quia Archiepiscopi, vel Episcopi captio vel percussio, aut vulneratio, si evenierint, non poterunt forsitan statim esse cognitæ, statimus: quod quancumque super aliquo eorum, saltem per famam publicam divulgantem, noticia habeatur, ex tunc absque dilatione quacumque, denuntiatio & cessatio a solemnibus Divinorum, & interdictum, sine ulla notificatione alia, districtius observentur, & iidem malefactores in genere excommunicati publice nuntientur: in specie vero, non nisi constititerit per mandatum, singulis diebus Dominicis accensis candelis & pullatis campanis, prout in priori *Magdeburgensi Concilio* de talibus est statutum.

V. Similiter volumus ad noticiam captionis Abbatis, Præpositi, Archidiaconi, Canonici vel Rectoris alicujus Ecclesiæ, aut Clerici cujuscumque sufficere pro executione facienda insinuationem, quam super hoc publica defert fama.

VI. Præterea, detestanda quorundam temeritas, qui in sua causa jus sibi (b) dicere contra personas Ecclesiasticas exhibent se molestos; cum enim aliquid quæstionis contra personas Ecclesiasticas habere proponunt, licet personæ tales paratæ sint, & paratas se exhibeant stare juri coram iudice competente, nihilominus tamen iidem temerarii impignoratores, qui vulgo *Pandatores* dicuntur, in bonis seu rebus ad personas hujusmodi spectantibus committere non verentur, ex quo quidem facto quandoque damna gravia & tædia inferuntur. Cum igitur non est

(a) Anno 1313. pag. 244. hujus Tomi.

Tomus IV. Concil. German.

(b) forte legendum: dicendo.

est malitiis hominum indulgendum, provida deliberatione sanximus: quod tales, qui impignorationes seu *pandationes* hujusmodi contra personas Ecclesiasticas, ut prædicitur, attemptare præsumunt, nisi, postquam super hoc a Judice competente moniti fuerint, infra duos dies post monitionem eandem proximos revocent cum effectu & de damnis satisfaciant competenter, excommunicationis sententiam incidant ipso facto, & nihilominus tamen perdant ea, quæ jure sibi dicunt debita, cum sibi jus dicere non liceat, sicut legitimæ perhibent sanctiones.

VII. Postremo statuimus, districtius & providemus consultius, quod statu-

ta *præsentis Concilii* debeant statutis prioribus prioris Magdeburgensis Concilii indivisibiliter aggregari, & quod quilibet Archidiaconorum & Archipresbyterorum habere apud se debeat copiam eorundem, & quod statuta eorundem ad minus semel in anno in Synodis generalibus publice recitentur, quod etiam servari volumus in Synodis particularibus, in quibus consueverunt Archidiaconi seu Archipresbyteri residere.

Datum Magdeburgi.

Ex codice MS. Bibliothecæ Metropolitanae Ecclesie Moguntinæ descripsit Cl. Schannat b. m.

CONCILIVM PROVINCIALE COLONIENSE

SUB HENRICO SANCTÆ COLONIENSIS ECCLESIAE ARCHIEPISCOPO
HABITUM

Anno Christi MCCCXXII. Joannis XXII. Papæ VI.
Ludovici Bavari Regis VIII.

Diocæsana D. Engelberti Statuta, hoc in Concilio facta sunt Provincialia.

HENRICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHICANCELLARIUS,
SACRO PRÆSENTE PROVINCIALI CONCILIO,
AD PERPETUAM REI MEMORIAM.

Reipublicæ curam gerentes, illud affectanter in corde gerimus, ut nostris subiectis pacem, quietem, & tranquillum statum præparemus, ac nunc antiquorum extensione decretorum, libertatem, ac immunitatem Ecclesiasticam conservemus, ac insurgentium contra ipsam conatus & appetitus noxios, etiam pœnarum adjectionibus retinemus. Sane jam dudum felicitis recordationis D. ENGELBERTUS Coloniensis Archiepiscopus Prædecessor noster, Speculator providus & subditorum suorum Defensor inclytus, ad manutenendam, & defendendam libertatem & immunitatem Ecclesiarum, & Ecclesiasticarum personarum, ac eorum, qui *in sortem Domini sunt vocati*, complura (ultra provisiones tam juris Canonici

quam civilis) statuta Synodalia non tam salubria, & utilia, quam necessaria promulgavit: eaque pœnarum adjectionibus (sicut erat expediens) vallavit provide & consulte: quæ de consilio & consensu nostri Capituli Coloniensis, ac Venerabilium Patrum Dominorum GODEFRIDI Osnaburgensis, & GODEFRIDI Mindensis, ac Procuratorum Venerabilium Dominorum ADOLPHI Leodiensis, & LUDOVICI Monasteriensis Ecclesiarum Episcoporum, nostrorum Suffraganeorum, & Procuratorum Ecclesiæ Trajectensis, *ipsa Trajectensi Sede vacante*, in præsentis nostri Concilio Provinciali congregatorum salvis prædictorum Suffraganeorum nostrorum statutis Synodalibus, si quæ habent, eis & eorum Ecclesiis, Monaste-

riis,

riis, & piis locis, Ecclesiasticisque personis plenius providentibus: quibus per præsentem præjudicare non intendimus, sed ea in suo robore volumus permanere: auctoritate præsentium duximus approbanda, innovanda, & auctorizanda, ac ad totam nostram provinciam, ut uniformitas in ea inducatur, in omnibus suis modo & forma, & tenoribus extendenda: ipsaque ad totam nostram provinciam extendimus per præsentem, decernentes ea, ut provincialia statuta & decreta, modo debere firmiter teneri & observari. Quorum quidem statutorum tenor, de verbo ad verbum dinoscitur esse talis:

IN NOMINE DOMINI. AMEN.

ENGELBERTUS, DEI GRATIA, &c.

Item.

I. Contra eos, qui manus in Clericos vel personas Ecclesiasticas injiciunt temere violentas.

STatuimus, ut sacrilegi, qui suadente diabolo, Dei timore postposito manus injiciunt in Cleric. &c. *ut supra.*

Hæc omnia & singula statuta, auctoritate præsentis Concilii Provincialis, in omnibus suis modo, & forma, & clausulis, & tenoribus, & penarum adjectionibus, ad totam nostram Provinciam extendimus, & Statuta Provincialia facimus: decernentes, ut statuta provincialia, debere teneri & observari, sic quod in qualibet civitate & Diœcesi Provinciæ nostræ ea teneantur & observentur, sicut sub verbis nostræ civitatis & Diœcesis tanquam Synodalia, sunt concepta ac promulgata, & hæcenus observata: salvis tamen aliis statutis Synodalibus Ecclesiæ nostræ Colonienfis, a Nobis five Prædecessoribus nostris editis: ac etiam statutis Suffraganeorum nostrorum, si quæ habent, quibus si reperiantur in aliquo præsentibus statutis contraria vel diversa ab eisdem, in quantum, & in eo, in quo melius & plenius provident Ecclesiis, Monasteriis & piis locis, Ecclesiasticisque personis, & earum rebus, & non istis: si vero melius & plenius præsentibus statutis, eisdem providetur: istis, & non illis, decernimus fore standum.

Et hoc, num melius & plenius per ista statuta, an per illa provideatur, judicio sive arbitrio executorum ipsorum statutorum duximus relinquendum. Præterea executionem præsentium statutorum, ac absolutionem, suspensionem, & relaxationem sententiarum in eisdem latorum, seu eorum auctoritate ferendarum, ad nos & ad nostrum Officiale Coloniensem in nostra Civitate, & Diœcesi, & ad quemlibet nostrorum Suffraganeorum, & ad eorum Officiales, sive ad ipsos, ad quos de jure, vel de consuetudine, quo ad Synodalia eorum statuta, pertinet, in singulis suis civitatibus & Diœcesibus volumus pertinere. Verum, ut omnis ambiguitas, perplexitas, & difficultas, quo ad observantiam præsentium statutorum, in futurum evitentur: de consensu expresso, & auctoritate præsentis Provincialis Concilii, retinemus, & referamus Nobis potestatem, facultatem, & auctoritatem præsentia, provincialia statuta, quo ad nostram civitatem & Diœcesin, & etiam quoad singulas civitates & Diœceses nostrorum Suffraganeorum, si ab aliquo Episcoporum nostrorum Suffraganeorum & eorum Capitulo requisiti super eo fuerimus, de consilio Priorum & Capituli Ecclesiæ nostræ Colonienfis, in Synodo tamen nostra Diœcesana, corrigendi, emendandi, interpretandi, tollendi, & in melius commutandi: si hoc Nobis ex causis necessariis & legitimis videbitur expedire, Provinciali Concilio ad id minime convocato. Quia vero per ipsa præsentia statuta Provincialia, communi utilitati Ecclesiarum & Ecclesiasticarum personarum, ac ipsarum bonorum, ut speramus, auctore Domino salubriter provideretur, præcipimus, & mandamus in virtute sanctæ obedientiæ, ut ea ab omnibus Ecclesiis & Ecclesiasticis personis nostræ Provinciæ inviolabiliter & firmiter fraude & dolo exclusis, observentur juxta modum & formam supradictos. In quorum omnium & singulorum testimonium, ea per Hermannum dictum (d) Ratze, publicum Imperiali auctoritate Notarium, conscribi, & in hanc publicam formam redigi, ejusque signo consueto signari mandavimus, ac Nostro, & Capituli nostri Colonienfis sigillis apensis muniri.

Acta

(d) Raitze.

Tomus IV. Concil. German.

N n 2

Acta sunt hæc in Concilio nostro Provinciali Colonia celebrato sub anno a Nativitate Domini M. CCC. XXII. ultima die Mensis Octobris, in Palatio nostro Colonienſi, præſentibus Capitulo noſtræ Eccleſiæ Colonienſis, ac Venerabilibus in CHRISTO Patribus, & Dominis, *GODEFRIDO Oſnabrugenſis*, & *GODEFRIDO Mindenſis* Eccleſiarum Dei Gratia Episcopis, noſtris Suffraganeis, proſe & ſuis Eccleſiis: ac Venerabili in CHRISTO Patre & Domino HERMÄNNO Hennenſis Eccleſiæ Episcopopo, & (e) Lenoldo de Northoff Canonico Leodienſi, Venerabilis in CHRISTO Patris ac Domini D. Adolphi Leodienſis, & dilectis in Chriſto Magiſtro (f) Rudgero de Aldendorpe, Doctore decretorum, & Friderico de Bicken Canonico Monaſterienſibus, Venerabilis in CHRISTO Patris & Domini (g) LUDOVICI Monaſterienſis Dei Gratia Episcoporum, noſtrorum Suffraganeorum Procuratoribus: ac dilectis in Chriſto Magiſtro Reynero Doctore in Theologia, ac Gerardo de (h) Vorne Canonico Trajeſtenſibus, nomine Capituli Trajeſtenſis Eccleſiæ, ipſa Eccleſia Trajeſtenſis Episcopi ſolatio viduata, in præmiſſis omnibus, & ſingulis, conſequentibus, & ſuum conſenſum expreſſe adhibentibus. Præſentibus etiam S. Pantaleonis & S. Martini Colonien. ac S. Corneliſ Inden. Gladbachen. Tuitien. Brauweileren. & Sibergen. Monaſteriorum Abbatibus Ordinis S. Benediſti: Bonnen. S. Severini & S. Andreæ Eccleſiarum Colonienſium Præpoſitis: Item Bonnen. S. Gereonis Colonien. Sanſten. S. Andreæ, S. Severini, S. Cuniberti, Ss. Apoſtolorum, S. Mariæ ad Gradus, Decanis Eccleſiarum civitatis & Diceceſis Colonien.: Officiali noſtro Colonienſi, & Eſſicenſis, & Carpenſis (Colonienſis Diceceſis) Eccleſiarum Præpoſitis, ac aliis Prælatiſ, Canonicis, Eccleſiarum Reſtoribus, & Clericis noſtrarum civitatis & Diceceſis, ac Provinciæ in multitudine copiaſ.

Et ego Hermannus dictus Ratze, de Colonia, publicus Imperiali auctoritate Notarius antedictus, præmiſſis omnibus & ſingulis, dum agerentur, una cum perſonis prænominatis præſens in-

terfui, & omnia & ſingula, prout ſuperius in præſentibus rotulis per me con- nexis & ſignatis, de mandato Reverend. in Chriſto Patris & Domini D. Henrici Colonien. Eccleſiæ Archi-Episcopi prædicti continentur, conſcripſi, & in hanc publicam formam redegi, meoque ſigno conſueto ſignavi, vocatus & rogatus.

Et Nos GODEFRIDUS, Dei Gratia, Oſnaburgenſis Eccleſiæ Episcopus, quia omnibus contentis & expreſſis in præſenti instrumento, cui noſtra præſens litera tranſfigitur, præſentes in Concilio Provinciali interfuiſimus, eiſque tanquam utilibus & neceſſariis Eccleſiis Eccleſiaſticisque perſonis & earum rebus, conſenſum noſtrum præhabita matura deliberatione, adhibuimus, pro Nobis, & Eccleſia noſtra prædicta: idcirco ſigillum noſtrum, in ſignum præſtiti conſenſus & auctoritatis a Nobis, & a toto Concilio, præſentibus duximus apponendum. Actum & datum die & loco, de quibus in ipſo instrumento fit mentio.

Et Nos GODEFRIDUS, Dei Gratia, Mindenſis Eccleſiæ Episcopus, quia omnibus contentis & expreſſis in præſenti instrumento, cui noſtra præſens litera tranſfigitur, præſentes in Concilio provinciali interfuiſimus, eiſque tanquam utilibus & neceſſariis Eccleſiis Eccleſiaſticisque perſonis, & earum rebus, conſenſum noſtrum præhabita matura deliberatione, adhibuimus pro Nobis, & Eccleſia noſtra prædicta: idcirco Sigillum noſtrum, in ſignum præſtiti conſenſus & auctoritatis a Nobis, & a toto Concilio, præſentibus duximus apponendum. Actum & datum die & loco, de quibus in ipſo instrumento fit mentio. Anno Domini, milleſimo trecenteſimo viceſimo ſecundo.

Univerſis præſentes literas viſuris & audituris, ADOLPHUS, Dei Gratia, Leodienſis Episcopus, ſalutem & cognoscere veritatem. Noveritis, quod quia Venerabilis in Chriſto Pater & Dominus, Dominus Hermannus, Hennenſis Episcopus, vices noſtras gerentes in Pontificalibus, & Levoldus de Northoff Canonicus Leodienſis, Procuratores noſtri, ipſi Concilio Provinciali Revs-

(e) Levoldo

(f) Rutgero

(g) Ludolphi (h) Vrone

Reverend. in Christo Patris & Domini D. Henrici, Dei Gratia, sanctæ Colonienſis Eccleſiæ Archi-Epiſcopi, Colonia celebrato, de quo in instrumento publico, cui præſens noſtra tranſfigitur litera, fit mentio, Nomine noſtro, & Eccleſiæ noſtræ interfuert, ac omnibus & ſingulis contentis & expreſſis in eodem instrumento, & præſertim proſogationi ſtatutorum Synodaliū bonæ memoriæ Domini ENGELBERTI ſanctæ Colonienſis Eccleſiæ Archiepiſcopi, ad totam Provinciā Colonienſem, aliisque in dicto instrumento contentis, tan-

quā utilibus & neceſſariis Eccleſiis, Eccleſiaſticisque perſonis, & earum rebus, pro Nobis & noſtra Eccleſia nomine procuratorio conſenſerunt: Ideoque Nos ea, quæ per ipſos in hoc negotio acta ſunt, ratificantes, & approbantes, Sigillum noſtrum, in ſignum adhibiti conſenſus, & auctoritatis a Nobis ſimiliter & approbationis, præſentibus duximus apponendum. Datum Anno Domini M. CCC. XXII. in caſtano B. Martini Epiſcopi.

Impreſſum Colonia A. 1554. Quenteliana in Officina.

PADERBORNÆ SYNODUS

SUB BERNARDO, LIPPENSI COMITE, EPISC. PADERBORNENSI.

Anno Chriſti MCCCXXIV. Joannis XXII. Papæ VIII.
Ludovici Bavari regis X.

Hoc anno decore magis Epiſcopi munere occupatus, convocato omni ſuo Clero & Religioſorum ordine celebrem Paderbornæ *Synodum* celebravit, quā hoc priſco Epiſcoporum ritu, ut in ea annotatum, ingreſſus.

Post Hymnos horæ, quā *Primam* dicunt, decantatos, Epiſcopus Capitularem locum intravit, ac poſtquam cum *Præſulibus* Eccleſiæ & Canoniciſ pertractaſſet ea, quæ in Synodo proponenda, quæque ad mores Cleri populique corrigendos decernenda eſſent, proceſſit ad Chorum Baſilicæ ſequentibus Canoniciſ, conſeditque ad aram Principem, ubi retento candido indumento, ſumpſit Cappam & Inſulam Epiſcopalem capiti impoſitam, chirotecas, pedum paſtorale & annulum, inde precibus rite perſolutis inter duos Abbates Inſulis quoque conſpicuos, medius ductus ad Synodi locum: hos ſecuti Præpoſitus & Decanus palliis quoque ſacris decori, poſt illos cæteri Canonici, & Clerus omnis, ordine ſuo ſacris quoque indumentis ornati. Agmen illud ſacrum præceſſere duo Scholares cum ſigno crucis, poſt illos duo alii Scholares, quorum alter thuribulum, alter candelabrum geſtabat, hos conſecuti Diaconus & Subdiaconus, quorum alter librum Evangelii, alter ſacras veſtes præ-

ſerebat: demum Cantores, duo Canonici, ac Camerarius, a quo Sella Epiſcopalis deportabatur. Ita Synodum ingreſſus Epiſcopus, in qua cum multa utiliter conſtituta ſunt tum ordo Divinorum Officiorum per ſingulos anni feſtos dies accuratiſſime digeſtus, atque integro, qui ſuper eſt, libro præſcriptus. Quā in rem hoc Epiſcopi mandatum, quod libri Præſatio habet, in Synodo palam recitatum.

" Hunc ordinem Divinorum Officio-
" rum Venerabilis Pater Dominus BER-
" NARDUS DE LIPPIA, Paderbornenſis
" Eccleſiæ Epiſcopus, ex diverſis Præ-
" latorum ejusdem Eccleſiæ Libris anti-
" quis colligi & ſcribi fecit, & ſtatuit ab
" univerſo ejusdem Eccleſiæ Clero in
" perpetuum obſervari, ipſo die Galli
" Confeſſoris in *Generali Synodo*, Anno
" Domini MCCCXXIV. & mandavit, quod
" quicumque Prælatuſ aut Clericuſ poſt
" publicationem ſine conſilio ſui Epi-
" ſcopi & Capituli ſimul aliqua in iſto
" ordine mutaverit, ipſo factō in anathe-
" mate ſit.

*Schatenus Lib. XIII. Annal. Paderbornæ.
ad hunc annum.*

CONCILIIUM CAMERACENSE

Anno Christi MCCCXXIV. Joannis XXII. Papæ VIII.
Ludovici Bavari Regis X.

*Statuta edita per Rev. Patrem Dominum PETRUM,
olim Episcopum Cameracensem.*

Licet usurarum crimen utriusque testamenti pagina detestetur, & in Concilio Lateranensi fuerit contra manifestos usurarios salubriter institutum, quod hujusmodi usurarii manifesti, nec ad communionem Altaris, nec Christianam, si in hoc peccato decesserint, accipiant sepulturam, nec etiam oblationes eorum quisquam accipiat. Sintque contra usurarios præcipue manifestos, & in eorum odium constitutiones, & Canones multiplices promulgati; nonnulli tamen nostrarum civitatis & Diocesis Cameracensis, prout ad nostrum fide digna relatio perduxit auditum, tantæ sunt insolentiae, & avaritiæ reatibus excæcati, quod non solum usurariorum crimen exercent, immo in suis malitiis & insolentis gloriantes, pro manifestis usurariis cupientes haberi, quædam signa tenent, & habent ante domos seu fenestras eorum, per quas, quod sint usurarii, divulgatur, & esse cognoscitur, ad instar tabernariorum, qui ante tabernam pro signo tabernæ circulum doli tenere solent appensum, aut qui mensam scenebrem exercent publice. Nos igitur cupientes per aggravationem peccatorum tales, & confimiles insolentias, & præsumptiones perniciosas exemplo de civitate & Diocesi nostris Cameracens. penitus extirpare, & usurarios ipsos ab usurarum voragine cohibere, præsentis Synodali statuto decernimus, & declaramus omnes tales usurarios hujusmodi signa tenentes, aut mensam scenebrem exercentes, manifestos usurarios judicandos, & fore contra ipsos tamquam manifestos usurarios procedendum, ipsos, & omnes alios usurarios manifestos in civitate, & Diocesi prædictis nostris manentes excommunicamus, & excommunicatos præcipimus nunciari publice, & tamquam excommunicatos ab omnibus evitari: injungentes

omnibus Presbyteris; Capellanis sub pena suspensionis & excommunicationis, ut prædictos usurarios manifestos auctoritate præsentis Synodalis statuti publice denuntient in eorum officiis excommunicatos, & contra ipsos penas prædictas Concilii Lateranensis diligenter observent.

Item, quia sunt aliqui usurarii, qui non sunt manifesti, usuras tamen, licet occulte, & usurarios contractus indifferenter exercentes, quos publica fama usurarios esse demonstrat, eos ad Ecclesiasticam sepulturam præcipimus non admitti.

Item titulo de Testamentis.

Ad occurrendum negligentis, fraudibus, & malitiis, quæ circa exequendas pias decedentium voluntates sæpius committuntur, hoc Synodali statuto provida deliberatione duximus ordinandum, ut omnes & singuli nostrarum civitatis & Diocesis Cameracensis ultimarum voluntatum exsequeutores, qui a testatoribus electi, onus executionis duxerint assumendum, de bonis ad executionem eis commissam pertinentibus, infra mensem a die obitus defuncti numerando, inventarium sub manu publica, vel per juratum loci, vel saltem sub fide dignorum testimonio fideliter facere teneantur, quibus omnia singula bona nominatim scribantur, & eorum valorem, seu precia juxta æstimationem per æstimatores locorum super hoc juratos plenarie declarent, & hujusmodi inventario sic confecto, præfati exsequeutores, si bona executionis hujusmodi ad centum librarum Turonensium valorem ascendunt, per se vel per alium cum testamento seu ultima voluntate testatoris eorum Officiali nostro Cameracensi, vel ejus locum tenenti se infra men-

mensē alium repræsentent, ac de ejusmodi testamento, & inventario copiam faciant; quam copiam penes Curiam nostram Cameracensem volumus remanere, ut per hujusmodi copiam informetur Officialis prædictus super fidelitate, & diligentia ipsorum executorum circa executionem prædictam, & ut negligentias & defectus eorum melius corrigere valeat, & supplere, ac ipsos exsecutores instruere, qualiter se habere debeant in executione prædictarum; quia si minoris valoris extiterint, Decani nostri Christianitatis præmissa facere, & complere teneantur. Volumus etiam, & statuendo præcipimus, ut exsecutores ipsi infra annum a die mortis testatorum executionem ipsam adimpleant, juxta ordinationem & voluntatem defuncti, ac Officiali nostro prædicto, aut illi vel illis, quibus duxerit committendum, de dictæ executionis receptis, solutis, & erogatis per ipsos ac de gestis, & administratis per eos reddant fideliter rationem. Et ut præsens statutum firmitus observetur, eadem duximus subjungenda, ut omnes & singuli Presbyteri Curati locorum, ubi testatores decedunt, vel eorum loca tenentes, exsecutores hujusmodi super dicto inventario, ut præmittitur, faciendo & ad Curiam nostram cum testamento deferendo auctoritate nostra sub pœna excommunicationis moneant diligenter, ac Domino Officiali nostro per eorum litteras patentes insinuent ipsorum testatorum & executorum nomina, (a) ipsos exsecutores monuerint, & utrum monitioni paruerint de ipso inventario faciendo.

Hoc igitur Synodale statutum, quo ad providendum piis decedentium votis & animarum salutem, eorum creditoribus, legatariis, piis locis, & pauperibus, ac eorum hæredibus, & omnibus, qui in dispositione defuncti sunt, emolumentum aliquod percepturi salubriter, & prout ad Nos, de jure pertinet, duximus faciendum, præcipimus subditis nostris sub pœnis suspensionis, & excommunicationis injungimus firmiter, & inviolabiliter observandum.

Ceterum, quod ex quorundam fide dignorum miserabili relatione didicimus, quod nonnulli nostrarum civitatis, &

Diecefis tam Curati, quam Capellani domos Ecclesiarum, Capellaniarumque suarum adeo male retineant, & sustentant, quod aliquæ ipsarum protinus corruerunt, aliæ proximæ eunt in ruinam, aliæ vero non modicum indigent in pluribus suis partibus reparatione festina. Idcirco tantis Ecclesiarum incommoditatibus occurrere volentes, statuimus, ut omnes Decani Christianitatis intra annum, ipsas domos, quæ minantur ruinam, reparari faciant, alias vero, quæ penitus corruerunt, reedificari modo utiliori quo potest, si & prout ultra salarium deferentium eisdem Ecclesiis, Ecclesiis & Capellanis ipsarum suppetunt facultates; quod nisi fecerint Provisoribus, & in præmissis negligentes fuerint & remissi, contra ipsos juxta modum negligentiae suæ & culpæ procedemus. Ad perpetuam rei memoriam, & fautorum cautelam Nos VICARII GENERALES venerabilis Capituli Ecclesiae Cameracensis, sede vacante, ex speciali commissione, & potestate Nobis super hoc concessa a dicto Capitulo, nunc locum Episcopi Cameracensis tenentibus, ratione sedis vacantis (b) Anno M. CCC. XXIV. in die B. Remigii in capite Octobris, in dicta Ecclesia sacram Synodum celebrantes, statuimus, præcipimus, & ordinamus, addimus, & subtrahimus de consilio, & assensu Archidiaconi Ecclesiae prædictæ, seu Vicariorum suorum in modum, qui sequitur.

Primo cum alias fuit statutum, quod quilibet Curatus civitatis & Dicecesis Cameracensis statuta Synodalia integraliter habeat, & nonnulli negligentes, immo verius inobedientes, dicta statuta non habuerint, nec adhuc habeant; præcipimus quod quilibet dictorum Curatorum statuta Synodalia habeat integraliter infra instans Festum Nativitatis Domini, & hoc sub pœna XL. solidorum Parisiensium, dicto Capitulo, vel futuro Episcopo & Archidiacono applicandum, & solvendum.

Statuentes, quod si quempiam ipsorum Curatorum Ecclesiarum suarum ex causa permutationis, vel alias quoquo modo dimittere contigerit, statuta hujusmodi reservet successor. Si quis autem contrarium fecerit, pœnam XL. solidorum Parisiensium, ut supra, applicandum

(a) *Supple forte*: postquam.

(b) Inter Petrum de Levis anno 1324. ad Bajacensem Sedem translatus & Guidonem de Avennia e Polonia Episcopum, nescitur quando, a Joanne XXII. surrogatum.

dorum, & per Decanos Christianitatis levandorum, eo ipso se noverit incursum.

Item in titulo de Matrimonio.

A statuto, quod sic incipit: *Statuimus, quod si duo Matrimonium contrahere volentes de diversis Decanatibus oriundi, &c. Subtrahimus ista verba: usque ad interesse partis, & restitutionem duplicem partium teneantur;* quorum loco subrogamus ista verba, videlicet: pœnam XL. solidorum Parisiensium incurrant, medietatem, ut supra, & parti denuntianti aliam medietatem applicandam, & nihilominus ad interesse ipsius partis teneantur.

Item statuimus, quod quicumque fecerit se ad sacros Ordines promoveri, ad titulum sui patrimonii, secundum quod hactenus est consuetum, quod de cætero, quamdiu idem promotus vixerit, vel donec competenter fuerit Beneficiatus, non possit dictum patrimonium ad titulum, cuius ordinatus fuerit, alienare, vendere, vel extra manus suas ponere, cum bona & emolumenta provenientia ex dicto patrimonio habeat, levet, & percipiat dictus promotus, & in suos proprios usus sine fraude convertat, nisi causam legitimam coram suo Ordinario allegaverit, & per ipsum Ordinarium cum ipso dispensatum fuerit, quod dictum patrimonium vendere possit & alienare.

Item statuimus, quod si contigerit domus Curatorum, & Capellanorum impejorari propter negligentiam Decanorum Christianitatis, qui eos tenentur visitare, dicti Decani, ob quorum defectum acciderit, & eorum beneficia teneantur dictas domos relevare, vel reparari facere suis sumptibus propriis, & expensis.

Item sequitur clausula contenta in litteris felicitis recordationis Domini CLEMENTIS Papæ V. super restitutione Comitatus & civitatis Cameracensis facta Episcopo, Præposito, Decano, cum Capitulo Cameracensi, adversus commissiones, usurpationes, & occupationes prædictarum civitatis & Comitatus, annulationem, & irritationem quorumcunque propterea consequutorum, quæ sequitur in hæc verba:

"Item inhibemus universis & singulis cujuscumque conditionis, præeminentiæ,

"dignitatis, ordinis, vel status existant, ne
"contra hujusmodi nostram retractationem, revocationem, annulationem, restitutionem, depositionem, & absolutionem, quicquam attentare præsumant;
"Nos enim omnes & singulos, cujuscumque præeminentiæ, dignitatis, ordinis, vel conditionis existant, qui contra hujusmodi nostram inhibitionem, revocationem, annulationem, detractionem, depositionem, restitutionem, absolutionem attentare, nec non & omnes, qui prædictas civitatem, & Diocesim Cameracensem quomodolibet in posterum occupare præsumferint, excommunicationis sententiam, quam ex tunc, prout ex nunc in contrarium facientes ferimus, incurrere volumus ipso facto, & in civitates & terras contrarium præsumentes, interdicti sententiâ promulgamus; & nihilominus ex nunc decrevimus irritum & inane, si secus super his contra hujusmodi inhibitionem nostram contigerit attentari, non obstante, si aliquibus a Sede Apostolica sit indultum, quod interdicti, suspendi, vel excommunicari non possint per litteras Apostolicas non facientes plenam, & expressam de verbo ad verbum de indulto hujusmodi mentionem.

Item præcipimus, quos omnes Decani Christianitatis, & Curati Ecclesiarum civitatis & Diocesis Cameracensis, hæc prædicta nova statuta, præcepta, & mandata, ordinationes, & additiones, subtractiones, & clausulam prædictam, dicti Decani videlicet infra decem dies, & dicti Curati infra instans festum Omnium Sanctorum habeant: quibus statutis una cum aliis uti volumus & mandamus. Dictaque statuta nova, additiones, & subtractiones, nec non & clausulam prædictam singulis diebus Dominicis & Festivis in Ecclesiis suis, cum major ibidem aderit populi multitudo, in lingua materna sub penis antedictis insinuare, exponere, notificare, & publicare procurent.

*Statuta expliciunt Synodalia
Deo gratias.*

*Martene & Durand veterum Scriptorum
& Monumentorum Collectio amplissima
Tomo VII. a pag. 1356. ad 1359. ex
MS. Abbatie Grimbergensis.*

*Statutum singulare D. HENRICI, Ecclesiæ**Coloniensis Archi-Episcopi, editum*

Anno Christi MCCCXXIV. Joannis XXII. Papæ VIII.

Ludovici Bavari regis X.

Moderatio Statutorum Provincialium Ecclesiæ Coloniensis, auctoritate Apostolica facta per D. HENRICUM Archi-Episcopum prædictum, quoad cives & civitatem Coloniensem.

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHI-CANCELLARIUS, DILECTIS IN CHRISTO PRÆPOSITIS, ET ARCHI-DIACONIS, ABBATIBUS, DECANIS, PRIORIBUS, ET PRÆLATIS, ECCLESiarUM RECTORIBUS NOTRARUM CIVITATIS ET DIOECESIS, AC ALIIS NOSTRIS SUBDITIS UNIVERSIS, SALUTEM IN DOMINO SEMPTERNAM.

Nuper literas dignâ Dei providentia Sanctissimi in Christo Patris & Domini D. JOANNIS PAPÆ XXII. Sacrosanctæ Romanæ ac universalis Ecclesiæ Summi Pontificis, Nobis directas, recepimus in hæc verba:

JOANNES Episcopus, Servus Servorum Dei, Venerabili Fratri Archi-Episcopo Coloniensi salutem & Apostolicam Benedictionem. Significaverant Nobis dilecti Filii, Judices, Scabini, Consules, & communitas Civitatis Coloniensis, quod quædam Statuta auctoritate ordinaria edidisti, in quibus inter alia continetur, quod violentes immunitatem seu dotes Ecclesiarum, hominem videlicet extra-bendo de eis, vel eam modo alio violando, ipso facto excommunicationis sententiam incurvant; & si plures fuerint, vel Judex secularis, qui hujusmodi violentiam fecerint, locus, in quo tales domicilium habuerint, ipso facto sub-jaceat interdicto: & in loco, ubi immunitas læsa fuerit, cessetur protinus a Divinis. Et quod quilibet locus seu Parochia tuarum civita-tis & Diœcesis, ad quem vel ad quam prædo-nes, raptores, & invasores honorum, & re-um Ecclesiarum, & Ecclesiasticarum perso-narum pervenerint, seu præda, vel spoliū, vel rapina deducta, vel ubi præda ipsius emptor fuerit, ipso facto Ecclesiastico fiat supposita interdicto: & quamdiu ibi malefactores hujus-modi, vel præda, spoliū, vel rapina, seu ip-sius emptor fuerit, cessetur etiam a Divinis:

& si per triduum ibi steterint, licet extunc re-cesserint, vel ad alia loca se transfulerint, vel præda, seu spoliū alias deductum fuerit, ni-hilominus Parochia, seu locus, in quo triduo manserant, vel ubi præda & spoliū consum-pta fuerant, per duos menses sub-jaceat interdi-cto, nisi medio tempore fuerit satisfactum, prout in eisdem statutis dicitur plenius conti-neri. Cum itaque sicut dicti Judices, Scabi-ni, Consules, & communitas Nobis signifi-care curarunt, dicta civitas sit spatiosa pluri-mum & diffusa, habens decem & octo Para-chias magnas principales, & multas Collegia-tas Ecclesias, plurimasque Capellas: & si tota Colonia censeatur in tali forefacto locus unus, tota per consequens civitas reputabitur inter-dicta: & sic propter forefacta, quæ propter magnitudinem ejusdem civitatis, frequenter in aliqua ex prædictis Parochiis committuntur, vix erit tempus aliquod, in quo dicta civitas non sub-jaceat interdicto. Sicque hujusmodi in-terdicto durante, insepulta manerent in civitate prædicta in magna multitudine corpora de-functorum, à quorum fatore sanorum in-sectio sequeretur: infantes fraudarentur Ecce-siasticis Sacramentis, cresceret inde votio populi, bereset pullularent, & infinita pericula insur-gerent animarum: magna etiam & periculosa exinde scandala possent sequi. Ac propterea Nobis humiliter supplicarunt, ut animarum periculis, & scandalis obviantes, quæ exinde possent sequi, statuta moderari, & mitigare

Tomus IV. Concilior. German.

O o

præ-

prædicta auctoritate Apostolica dignavemur. Nos eorum supplicationibus inclinati, fraternitatem tuam requirimus, & rogamus attente, tibi per Apostolica scripta mandantes, quatenus prudenter attendens, quo tempore interdicti Divina organa suspenduntur & laudes, nec etiam Sacramenta Ecclesiastica ministrantur, ut solent: adolescentes & parvuli participantes variis Sacramentis, minus inflammantur, & solidantur in fide: Fidelium tepescit devotio, hæreses pullulant, & multiplicantur pericula animarum: prædicta statuta sic studentes temere, quod ex singulari delicto in una parte civitatis commisso, tota prædicta civitas non subjaceat interdicto, sed pena hujusmodi non extendatur extra Parochiam, in qua forefactum hujusmodi fuerit perpetratum; nisi per Rectores, Judices, Consules, Scabinos, vel Officiales civitatis prædictæ, quocumque nomine censeantur, excessus præfati fuerint perpetrati: quo casu, statuta prædicta in suo robore perseverent. Datum Avinione VII. Idus Martii, Pontificatus nostri anno septimo.

Verum licet per Nos nequaquam statuta hujusmodi, immo per bonæ memoriæ D. Engilbertum quondam Coloniensem Archi-Episcopum Prædecessorem nostrum, de consilio Capituli nostri, & Priorum, ac Prælatorum nostrorum, jam dudum longe retroactis temporibus edita existant, pro Ecclesiarum, Ecclesiasticarum personarum, ac earum bonorum libertate observanda, ac per Nos publica utilitate pensata, de consilio, & consensu Capituli nostri, Suffraganeorum nostrorum, Capitulorumque suorum, seu ipsorum Procuratorum, ac Priorum, & Prælatorum nostrorum in pleno Concilio Provinciali, quod alias celebravimus, facta Provincialia, & ad totam nostram Provinciam sint extensa: existat etiam cautum, non sine consulta provisione in eisdem statutis, locum fore censendum, quo ad observantiam interdicti, & cessationis Divinorum in casibus antedictis, totam civitatem Coloniensem, & non tantum Parochiam, in qua ipsum committi contingit forefactum, ne Rectores, Consules, Scabini vel Officiales, & communitas civitatis prædictæ, forefacto aliquo in una ipsius civitatis parte perpetrato, cum ipsis una Parochia tantum sit interdicta, in aliis Ecclesiis civitatis ejusdem audiendi Divina copia superesset, forefactores &

delinquentes in talibus jam præfatis, in literis Apostolicis contentis, ad præstandas læsis emendas debitas inducere non curarent: sed potius tota interdicta civitate, Divinorum carentia contra tales forefactores acrius incitati, eos ad hujusmodi emendas præstandas inducere fortius festinarent; nec per consequens virtute literarum prædictarum astringamur de jure ad aliquam moderationem eorundem statutorum faciendam, nec præfatus Sanctissimus Pater & Dominus noster, si præmissorum veritatis noticiam habuisset, prædictas suas literas concessisset: tamen ut juxta intentionem ipsorum civium, dictas literas ad Nos impetrantium; & ne ad aliquorum persuasionem de facto, de aliqua Nota inobedienciæ arguamur, & ut ipsi promptiores existant, ad conservandum libertatem Ecclesiasticam, personasque Ecclesiasticas defendendum, & a noxiis præservandum; taliter de consensu nostri Capituli, ac Priorum, & Capitulorum nostrorum, circa observantiam interdicti, & cessationem a Divinis, auctoritate statutorum prædictorum, quo ad civitatem Coloniensem, in casibus, ad quos dictæ literæ Apostolicæ se extendunt, duximus ordinandum, & disponendum: Quod propter violationem Ecclesiarum, immunitatum, seu dorum in una parte civitatis commissam, in sola Parochia, in qua hanc committi contigerit, statim juxta moderationem infra scriptam cessetur a Divinis: Et si plures fuerint, vel Judex secularis, qui hujusmodi violentiam fecerint, in Parochia etiam, in qua tales domicilium habuerint, Ecclesiasticum servetur interdictum: In aliis autem Ecclesiis Collegiatis, Conventualibus, & Parochialibus civitatis Colonienensis propter hoc intra quindecim dies a tempore hujusmodi commissæ violentiæ per Plebanum Parochiæ, in qua violentia ipsa commissæ fuerit, Concilio civitatis Colonienfis, vel Magistro consulum, sive aliquibus ex ipsis consulibus notificatæ computandum, committentem, sive committentes compellant ad emendam, ad satisfactionem condignam præstandam, ne cessetur a Divinis, nec Ecclesiasticum servetur interdictum: sed ipsum interdictum, sive cessationem a Divinis, per eosdem quindecim dies suspen-

suspendimus, & teneri volumus ac discernimus in suspenso: nisi per iudices, Magistros civium, Consules, Scabinos, vel Officiales, aut communitatem civitatis prædictæ, vel eis mandantibus, aut ratum habentibus, seu forefactores huiusmodi in crimine suo scienter defensoribus, excessus huiusmodi fuerint perpetrati. Quo casu, statuta prædicta, sicut ab Engilberto primordialiter sunt edita, prout ipsæ literæ Apostolicæ innuunt, perseverant. Verum si intra quindecim dies post expositam sive notificationem huiusmodi violentiam, consilio civitatis Colonienfis, sive Magistro consulum, aut aliquibus ex ipsis consilibus, forefactor, sive forefactores de commissâ per ipsos violentia non satisfecerint, extunc absque aliqua interpellatione, Statuta Provincialia prædicta in omni forma primæva, exactâ diligentia observentur. Volumus autem, quod in Parochia, in qua huiusmodi violentia fuerit perpetrata, intra quindecim dierum prædictorum spatium, postquam ipse Plebanus, seu ejus Vicarius ipsam violentiam consilio civitatis, seu Magistro consulum, aut aliquibus ex ipsis consilibus notificaverit; & non ante, nec alias, corpora defunctorum cum solennitate Missæ, tradi possint Ecclesiasticæ sepulture; ipsum interdictum, sive cessationem Divinorum, quo ad sepulturam, & solennitatem exequiarum ipsarum suspendentes. Super probatione vero notificationis huiusmodi factæ, stare volumus ipsius Plebani, sive ejus Vicarii, si in dubium revocaretur juramento. Notificationem insuper ipsam factam, idem Plebanus, sive ejus Vicarius Capitulo nostro intinabit, ut sciri possit, quando quindecim dies prædicti sint elap-

si. Ne vero notificatio aliquo colore quæsito differatur, præcipimus, ut Plebanus, seu ejus vices gerens, in cujus Parochia violentia fuerit perpetrata, statim postquam hoc sibi constiterit, prout secundum statuta constandum est, notificationem ipsam faciat secundum modum prædictum. Quam si per triduum, postquam sibi sic constiterit, facere neglexerit Plebanus, seu ejus vices gerens, eo ipso ab officio & beneficio sint suspensi. Et si adhuc per triduum subsequens hanc intimationem non fecerint, ut est dictum, eo ipso excommunicationis sententia (quam in eos in his scriptis ferimus) sint nodati. Quæ omnia & singula in observatione interdictorum, sive cessatione a Divinis, secundum statuta præfata in suis Capitulis & Clausulis contra raptos, invasores, & prædones bonorum, & rerum Ecclesiarum, seu Ecclesiasticarum personarum, ipsum spoliū, rapinam, & invasionem intra civitatem Coloniensem committentes, seu domicilium habentes, volumus observari. Per præmissa vero, quæ tantum ad civitatem Coloniensem extendi volumus, quo ad observantiam eorundem statutorum, sive interdictorum, & cessationem a Divinis, quicquam non intendimus inducere, sive aliquid innovare. In quorum omnium firmitatem, & testimonium, sigillum nostrum, una cum sigillo Capituli nostri presentibus est appentum. Quod Nos Capitulum pro Nobis & Prioribus Colonienfibus, in signum consensus nostri præstiti, presentibus duximus apponendum. Datum anno Domini MCCCXXIV. crastino Dominicæ, qua cantatur *Innocavit*.

Ex Typo Quenteliano Statutorum Colonienfium anni 1554.

Indictio Synodi Constantiensis

in annum Chr. MCCCXXVII. Joannis XXII. PP. XI.

Ludovici Bavari Regis XI.

Prævia Visitatione generali, jussu RUDOLFI, Constantiensis Episcopi, facta.

RUDOLPHUS, DEI GRATIA, EPISCOPUS CONSTANTIENSIS &c.

Vobis Officiali Curie nostræ, & Marquardo Henen, Capellano nostro, seriose committimus & mandamus; quatenus in exercendo Visitationis Officio,

Tomus IV. Concil. German.

O O 2

Vobis

Vobis per Nos ad præfens commissio, fitis diligentes, & recipiatis singulorum visitandorum juramenta, neminem supponentes; si vero aliqui fuerint, quocumque nomine censeantur, qui ad ammonitionem, & requisitionem, vestras; jurare recusaverint, ab illis recipiatis, quod habere poteritis, & ad minus, quod in fide Sacerdotii, vel voto sui Ordinis, dicant vobis, super inquirendis ab ipsis articulis, veritatem; non obmittentes visitationem propter hoc, si aliqui facere recusaverint juramenta; protestantes tamen, quod in hoc contenti non sitis, sed oporteat vos id Nobis intimare, quid super eo decreverimus faciendum.

Cæterum volumus: ut conscribatis Nobis singulariter & specificè, sub eisdem præstandis juramentis, singulorum Beneficiorum, maxime Ecclesiarum Parochialium, tam incorporatarum, quam aliarum, universos & singulos redditus, & proventus tam in decimis majoribus & minoribus, quam dotibus ipsarum Ecclesiarum, ad communem æstimationem æstinatis; scribatis etiam divisim portiones Vice-Pastorum, ac Vicario-perpetuorum, nec non nomina Patronorum Ecclesiarum singularum, & quantum ultra hoc remaneat Ecclesiis, & Monasteriis, quibus ipsæ Parochiales Ecclesiæ incorporatæ existunt, & etiam Pastoribus Ecclesiarum non incorporatarum, quia hujusmodi Vicariæ nonnunquam cum diminutione reddituum conferuntur.

Intendimus etiam ex præmissis, si comode poterimus, imposterum ordinare æqualitatem in contributionibus singularum Ecclesiarum, quæ in decimis, procuracionibus, subsidiis, ac aliis in taxa sunt maxime inæquales.

Item; ingeratis & scribatis, inter cætera, Nobis, de Altaribus fundatis in Ecclesiis quibuscunque, a tempore, quo Ecclesiæ nostræ Constantiensis præfuimus, an sint dotata, consecrata, & per Nos confirmata; de quibus omnibus, maxime de ipsorum Altarium confirmatio-

nibus, Nos volumus per nostras desuper traditas litteras informari.

Item; *Convocationem omnium Præpositorum, Abbatum, Priorum Prioratuum, Decanorum Ecclesiarum Collegiatarum, ac Decanorum Christianitatum, nostrarum civitatis, & Diocesis Constantiensis, quam habere intendimus in Constantia; in crastino Decollationis Beati Joannis Baptistæ, proxime venturo; & etiam terminorum solutionis, procuracionis præsentis Visitationis, videlicet: crastinum Remigii proximum, intimabitis, ubi fuerint intimanda.*

Præterea Formulam juramenti præstandi per singulos visitandos, vobis specialiter mittimus, hic appositam.

Formula Juramenti, quam sex, & sex, simul jurabunt.

" Quod Ego dicam vobis Commis-
" sariis Domini nostri Episcopi Constan-
" tiensis, Sanctæ Visitationis Officium
" hic exercentibus, veritatem, quam
" scio, vel credo super his, quæ refor-
" manda fuerint tam in capite, quam in
" membris, & tam super statu Ecclesia-
" rum, quam personarum &c. ac etiam
" specialiter super his, de quibus requi-
" situs fuero, & eorum circumstantiis;
" occultis tamen exceptis. Sic me Deus
" adjuvet &c. "

Ut autem celerior fiat expeditio hujusmodi visitationis, & vobis commodior, omnes defectus tam in spiritualibus; quam in temporalibus, quos ipsi visitandi dare voluerint, vobis dari & exhiberi in scriptis specialiter faciatis.

Item; Decanis Christianitatum dicatis specialiter, quod quilibet eorum veniat cum duobus ad plus de suo Capitulo Fratribus, magis idoneis, quos ad hoc ipsa Capitula duxerint deputandos, & quod sint dispositi ad manendum Constantiæ per tres dies.

Datum Constantiæ Sabbatho post Festum Nativitatis Beati Joannis Baptistæ.

Ex Codice MSS. FF. Carmelitarum Wurceburgii descriptis Cl. Schannatus b.m.

No.

Rudolphus III. Comes a Montfort, Vir insigni sapientia præditus, unanimibus Canoniorum Senatûs sententiis Episcopus eligitur anno 1318. Præfuit annis XIV. Ludovico Bavaro constanter adhaesit, & ideo excommunicatus fuit: postulatus etiam ad Curienfis Ecclesiæ administrationem. Obiit A. 1332.

NOTATIO SCHANNATI.

Hæc omnia apprimè conveniunt cum iis, quæ *Joan. Vitoduranus*, auctor cœvus, in Chronico suo a *Cl. Eckhart* Tom. I. Script. German. edito, refert in hæc verba sequentia:

" Anno Domini MCCCXXVII. Episcopus *Rudolfus* Constantiensis, de *Muntfort* oriundus, totum Clerum suum in Constantia ad *Synodum Episcopalem* celebrandam, convocatum, visitari, & pro suo excessu corrigi præcepit, & ut se alterutrum studiose & discrete accusarent Clerici in suis delictis emendandis, statutum rigidum dedit; qui obtemperantes jussioni suæ coram Examinatoribus & Visitatoribus ad hoc electis & institutis, satis acriter (ut aliqui ex eis mihi pandebant) hoc fecerunt, qui ipsis pœnas seu pœnitentias pecuniarias inflixerunt. &c.

Statuta Synodalia D. HENRICI, Archiepiscopi Coloniensis, edita anno Domini MCCCXXVII.

I. De curtibus non locandis Monachis.

II. De absentia Monachis more Canonorum secularium non solvenda.

III. Et de non recipiendis Monachis vel Monialibus dato precio, seu sub spe præmii post receptionem exigendi.

HENRICUS, DEI GRATIA, SANCTÆ COLONIENSIS ECCLESIAE ARCHI-EPISCOPUS, SACRI IMPERII PER ITALIAM ARCHI-CANCELLARIUS, DILECTIS IN CHRISTO UNIVERSIS ABBATIBUS ET ABBATISSIS, AC EORUM CONVENTIBUS MONACHORUM ET SANCTIMONIALIUM NOSTRÆ DIOECESIS, SALUTEM IN DOMINO.

Licet ex injuncti Nobis debito Pastoralis Officii, super cunctum Nobis gregem commissum, ne lupus gregem invadat, invigilare pro omni nostra possibilitate, & modis omnibus teneamur; specialius tamen Nobis incumbere non ambigimus, ut ibi nostræ figamus considerationis aciem vigilantius, ubi majora disponuntur pericula animarum. Ubi enim majus vertitur periculum, cautius est agendum. Sane in Monasteriis vestris aliqui ex vobis, curtes vestras, sub certa solvenda pensione, de facto frequenter a longis temporibus conduxerunt & adhuc conducunt, & se ad hujusmodi solvendas pensiones, ac si possint habere propria, & contractuum commercia nomine proprio exercere, vobis obligant, & in hujusmodi curtibus sic conductis mansiones sibi facientes, soli moram trahere continue non formidant, non attendentes improvide, qualiter Monachum habere proprium & proprio nomine civiles exercere contractus jura abhorreant, & quam utiliter defertentur, ac a natura Monachi adeo esse debeat alienum, ut etiam Summus Pontifex profiteatur expresse, se non posse contra hoc

licentiam indulgere: nec Monachus inter seculares homines, solus spiritualium hostium conflictum debeat de jure seu poterit expectare: eique testante jure, pro terreno aliquo lucro exire Monasterium, in ausum reputetur nefandissimum: adeoque quilibet Monachus suo debeat esse contentus Monasterio, ut *Canonis* dicat autoritas, quod sicut pisces sine aqua vita carent, ita sine Monasterio Monachus. Item Monachos & Moniales, aliqui & aliquæ ex vobis sub certis precii, aut sub spe precii recipitis sub paupertatis prætextu hoc vitium palliantes, non timentes pœnas contra hoc per *Lateranense* (a) Concilium promulgatas. Præterea in nonnullis vestris Monasteriis aliqui ex vobis impetrata ad abessendum Superioris licentia, dum revertuntur, fructus suæ exigunt absentiae, ac si forent Canonici seculares, & ipsis Monachis æqualiter, habere redditus, sit indultum: & sub hujusmodi abusus modo, vos eis tales fructus estis soliti assignare. Quæ omnia & singula omnino obviant Canonice institutis, scandalum in Clero & populo generant, & dissolutionem monasticæ pariunt disciplinæ. Proinde

O o 3 quia

(a) *Lateranense anni 1215. sub Innocentio III. Cap. LXIV. Binius T. III. Concilior. Parte II. pag. 694.*

quia iste morbus inter vos magis irrepfit. Et si contra præmissa a sacris Summorum Pontificum & sacrorum generalium Conciliorum Canonibus per pœnas gravissimas sit provisum: quia tamen hujusmodi Canones & pœnas, forsitan ignorantia ducti, non curant ad animum revocare: hoc nostro mandato, in quantum possumus, medelam adhibere duximus competentem. Vobis igitur universis & singulis in virtute sanctæ obedientiæ, & sub pœna excommunicationis, quam in quemlibet vestrum in hoc culpabilem, monitione duodecim dierum præmissa, quorum quatuor pro primo, quatuor pro secundo, & residuos quatuor pro tertio, & peremptorio termino, vobis universis & singulis assignamus, ferimus in his scriptis: districtius mandantes, ut a præmissis omnibus & singulis, quocunque ad hoc quæsito colore de cætero abstineatis omnino, nec curtem aliquam alicui Monacho locare sub quocunque titulo, aut absenti Monacho ratione suæ absentiae quicquam tanquam sibi debitum

exigenti dare, & Monachum, aut Monachalem dato precio, seu sub spe pretii post receptionem exigendi recipere, aut postea etiam exigere aliquo modo præsumatis. Alioqui præcipimus universis nostræ civitatis & Diœcesis Rectoribus, & eorum vices gerentibus, quatenus in præmissis inter vos culpabiles, denuncient, quoties & quando requisiti fuerint, prædicta excommunicatione notatos. Et intimamus vobis per præsentem, quod nisi de præmissis, omni fraude & simulatione circa ea cessantibus, caveatis, ad executionem pœnarum Canonum prædictorum, & per nostram aggravationem sententiæ, ac alias per censuræ coercionem Ecclesiasticæ, prout hoc rigor juris poposcerit. (a) Et ne huius nostri mandati causari ignorantiam valeatis, in sancta Synodo, in nostra Colonienfi Ecclesia, in crastino præsentis Dominicæ celebranda, ipsum mandatum volumus solenniter publicari. Datum anno Domini M.CCC.XXVII. die Dominica, qua cantatur, INVOCAVIT.

(a) suppl.: procedemus.

De Collectoribus Fabricæ Ecclesiæ Colonienfis nullatenus impediendis. Ut laici manum deponant. Oblationes, seu elemosynas ad Fabricam inter se non dividant, aut quicquam sibi de his retineant, sed ut hæc sine diminutione Collectoribus assignentur. Et ne trunci in Ecclesiis vel Capellis erigantur. Et quæ pro Fraternitate S. Petri veniunt, per se serventur, faciendo computum collectoribus. Ut lecto Evangelio, collectores Verbum Dei populo proponant, & prædicare volentes, postea incipiant.

PRæcipitur universis Abbatibus, Prioribus, Præpositis, Archi-Diaconis, Decanis, investitis Pastoribus, Plebanis, Viceplebanis, cæterisque Ecclesiarum seu Capellarum Rectoribus, in Colonienfi Diœcesi constitutis, per Reverendum in Christo Patrem, & Dominum, D. HENRICUM Coloniensem Archi-Episcopum, de Prælatorum suorum, & Capituli Colonienfis consilio & assensu, & statuitur, & mandatur sub interminatione maledictionis æternæ, & sub obtestatione Divini, & tremendi Judicii; nec non sub pœna anathematis prohibetur, ne aliquis, cujuscunque conditionis, status, vel ordinis fuerit, audeat Fabricam Coloniensem, seu collectores vel nuncios ipsius publice vel occulte, quibuscunque viis vel coloribus ad hoc quæ-

sitis, quomodolibet impedire. Injungitur similiter, & mandatur omnibus prædictis, nec non laicis, quibuscunque etiam nominibus, sive templarii, sive custodes Ecclesiæ, aut quocunque alio titulo nuncupentur, ne de cætero quolibet oblationes, elemosynas seu largitiones quascunque datas vel oblatas dividant, & sibi partem aliquam retineant, seu se de eis aliquo modo intromittant: sed negotium fabricæ ipsius fideliter promoveant, omnino manum deponant. Et ipsis nunciis seu collectoribus omnia oblata vel donata sine diminutione assignent. Procuratori ipsius fabricæ ad usus ejusdem diligentius præsentanda. Præterea inhibetur, ne de cætero trunci in Ecclesiis, vel Capellis erigantur: sed positi & erecti, intra mensem a tempore publica-

licationis hujusmodi funditus evellantur. Præcipitur insuper, ut omnia illa, quæ pro *Fraternitate Beati Petri Apostolorum* Principis largiuntur, distincte, & per se referrentur, ipsisque nuntiis, seu collectoribus specialiter sine commutatione alicujus alterius integraliter assignentur, ita quod de hujusmodi oblationibus reddatur ipsis nuntiis, vel procuratori computus specialis. Cæterum præcipitur, sicut prius, ut statim lecto Evangelio, Ecclesiarum, seu Capellarum Rectores ordinent, & disponant, ut nuntii, seu collectores dictæ fabricæ, Verbum Dei populo proponant, & postulent oblationes, & suffragia sine impetu opportune: & si postmodum alii prædicare habuerint, sermonem suum incipiant: ut sic nuntii expediti, valeant ad alias Ecclesias, in quibus eorum adventus celeriter expectatur, sine longa mora ulterius proficisci. Idem Dominus noster Archiepiscopus omnes Prælatos, Plebanos,

Vicarios, Ecclesiarum Rectores, seu eorum vices gerentes, Presbyteros, Clericos, & laicos, cujuscunque officii, status, vel conditionis extiterint, qui contra has inhibitionem, ordinationem, & statutum veniunt, in parte, & in toto, nisi excessum eorum intra septem dies, quos eis pro monitione assignamus, emendaverint, excommunicationis sententiæ eo ipso voluit subiacere: mandans & committens Officiali Coloniensi, quatenus, dum ipse a Procuratore fabricæ Coloniensis, vel aliquo eorundem fuerit requisitus, præmissa & præmissorum quolibet exequatur, & a suis subditis quibuscunque exequi faciat diligenter, prout negotium, & utilitas ipsius fabricæ id exposcit. Facta est publicatio ordinationis, inhibitionis, & statuti hujusmodi, Colonia: crastino INVOCAVIT, in congregatione Concilii Synodalis, Anno Domini M.CCC. XXVII.

I. Contra Moniales divagantes, & Monachos apostatas.

II. Item, ne Canonici, vel Monachi sine examinatione literaturæ ad Ordines admittantur.

HENRICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERSIS CHRISTI-FIDELIBUS AUDITURIS PRÆSENTES LITERAS ET VISURIS, SALUTEM IN OMNIUM SALVATORE.

Quamquam sub prohibitionem stricta a jure statutum existat, ne Sanctimoniales, monastica modestia impudenter abjecta, extra Monasteria sua divagentur, nisi pro causis, eis a jure permissis: tamen frequenter extra eadem Monasteria sua per vicos & plateas discurrunt, & personarum secularium habitacula frequentantes, non in habitu tantum religioso, verum etiam eo relicto, in habitu seculari se ostendunt, & in tanta vanitate mundanis adspectibus se administrent, quod ex hoc possint contra propriæ conscientiae suæ puritatem, suspectæ non immerito reputari. Et quamquam variae contra Sanctimoniales easdem comminationes penarum hactenus emanarunt, tamen in vetitum nitentes, quanto plus ab istis prohibentur, tanto ardentius, quo ad hujusmodi suas vanitates exercendas, inflammantur. Quare mandamus, & præcipimus om-

nibus & singulis Sanctimonialibus, præsentibus & futuris, cujuscunque sint religionis vel ordinis, nostræ civitatis & Diocesis, ut in suis Monasteriis de cætero sub clausura perpetua permaneant juxta canonicas Sanctiones, ita, quod nulli earum religionem tacite vel expresse professæ, a suo Monasterio exire liceat, nisi forte tali morbo evidenter earum aliquam laborare constaret, quod non possit servire Deo, cui corda sua & corpora omni sanctimonia subdiderunt. Salvo, quod Abbatissa & Priorissa, seu Magistra, per quas Monasteria eadem reguntur, cum honesta & decente societate exire poterit, dum pro hoc Monasterii sui negotiis fuerit faciendum, ad Monasterium suum absque honoris dispendio, quamprimum poterit, reversura. Alioqui Sanctimoniales hujusmodi extra Monasterium suum vagantes, & quamdiu in hoc persistunt, inhibemus peni-

penitus admitti ad Divina, nisi ex rationabili & manifesta causa, ac de illius, ad quem pertinuerit, exiverint licentia speciali, & de hoc, Divina celebrantibus, ac eas hospitantibus, prius sufficiens fides fiat. Alias scienter eis præsentibus Divina celebrare præsumens, suspensionis ab ingressu Ecclesiæ, & eas sic divagantes hospicio recipiens, excommunicationis sententiam incidant ipso facto. Illas vero Sanctimoniales, quæ habitu religionis suæ dimisso, extra Monasteria sua divagantur, & quæ ex hoc sententiam excommunicationis a Canone jam prolaram inciderunt ipso facto, excommunicatas volumus & præcipimus nunciari. Inhibentes sub pœna excommunicationis, ne quis eis tanquam apostatis & excommunicatis, communice: quoquomodo, vel foveat easdem in tali apostasia scienter, ne tanquam criminosis in crimine consentiens, consimili laqueo valeat irretiri.

Statutum II. Insuper mandamus & præcipimus, immo inhibemus, ne aliquis de cætero Ecclesiæ collegiatæ Canonicus vel Religiosus ad Monasterii sui titulum ordinandus (quarum Ecclesiarum & Monasteriorum, exemptorum, & non exemptorum, Canonicus, vel Monachus, seu Fratres, sine examinatione literaturæ, & intitutione ordinari consueverunt) ad Ordines admittantur, nisi prius de ætate & corporis idoneitate (eum corpore vitati non sint ad Ordines huiusmodi admittendi) per Examinatores, ad examen ordinarium tempore

celebrationis Ordinum deputatos vel deputandos, sint examinati, & intitulati, sicut cæteri sub communi titulo ordinandi. Alias admitrentes & ordinantes eosdem, & Ordines sic prohibiti recipientes (quos ex nunc, ne contra faciant, monemus in his scriptis) post lapsum duorum mensium & publicationem præsentium mandatorum, suspensionis ab ingressu Ecclesiæ sententiam incurrant ipso facto: & hoc *in sacra sancta Synodo*, Prioribus, Clero, & Christianifidelium multitudine præsentibus, publicari mandavimus, & ab omnibus præcepimus servari, ne quis contra ipsa, crassa se valeat ignorantia excusare: præcipientes universis Capellis, Conventibus mendicantium, & non mendicantium, Christianitatum Decanis, & locorum Plebanis, ut intra decem dies post harum publicationem, sub sigillo majori Officialis Curie nostræ Colonienfis, horum copiam recipiant, & singulis mensibus, prima Dominica die mensis, in sermonibus suis, Plebanus hora Missæ, & mendicantes in eorum prædicationibus, materna lingua in vulgari & intelligibiliter publicent, & exponant. In horum testimonium præsentibus literas appenditione sigilli nostri fecimus communiari. *Datum anno Domini M. CCC. XXVI. in crastino Beati Remigii.* In cujus copiarum testimonium, sigillum Officialitatis Curie nostræ præsentibus literis duximus appendendum.

Statuta Ecclesiæ Colonienfis anni 1554. editionis Colonienfis.

Statutum singulare D. HENRICI, Ecclesiæ

Colonienfis Archi-Episcopi, editum anno Domini MCCCXXIV.

Iteratum & quasi renovatum anno Domini MCCCXXVIII.

Moderatio Statutorum Provincialium secundario facta auctoritate Apostolica per D. HENRICUM Archi-Episcopum, quoad cives & civitatem Coloniensem.

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHI-CANCELLARIUS.
&c. ut supra pag. 289.

JOANNES EPISCOPUS, SERVUS SERVORUM DEI, VENERABILI FRATRI ARCHIEPISCOPO COLONIENSI &c. ut supra pag. 289. *Datum Avinione VII. Idus Martii, Pontificatus nostri anno VII.*

NOS

NOS hujusmodi *Literis Apostolicis* reverenter obedire volentes, ut tenemur, de consensu nostri Capituli, ac Priorum, & Prælatorum nostrorum prædictorum, circa observantiam interdicti, & cessationem a Divinis, auctoritate Statutorum prædictorum, quoad civitatem Coloniensem, taliter duximus ordinandum & disponendum, & ipsa Statuta *moderandum*, quod propter violationem Ecclesiarum, seu Ecclesiasticarum immunitatum, seu dorum, in sola Parochia, in qua hanc committi contigerit, cesset, a Divinis: in aliis autem Ecclesiis Collegiatis, Conventualibus, & Parochialibus civitatis Colonienfis, propter hoc intra mensem a tempore notificationis, factæ per Plebanum Parochiæ, in qua violentia perpetrata fuerit, consilio civitatis Colonienfis, aut Magistris Consulum, sive aliquibus ex ipsis Consulibus notificatæ, computandum, ut delinquentem, seu committentem compellant ad satisfactionem condignam præstandam, si committens sive forefactor, de civitate Colonienfi, & sub potestate Magistrorum & Consulum fuerit dictæ civitatis, non cesset a Divinis, nec Ecclesiasticum servetur interdictum: sed ipsum interdictum, sive cessationem a Divinis, per eundem mensem relaxamus, ac teneri volumus, & decernimus relaxatum. Verum si intra prædictum terminum post expositam, sive notificatam hujusmodi violentiam, consilio civitatis, sive Magistris consulum, aut aliquibus ex ipsis consulibus, forefactor, sive forefactores de commissa per ipsos, seu per ipsum violentia non satisfecerint, dummodo iidem forefactores sive forefactor, jurisdictioni, & potestati dictorum Magistrorum, & Consulum subfuerint, ita quod ipsum, seu ipsos ad præstandam

hujusmodi emendam compellere de forefacto poterunt; extunc *Statuta Prævincialia prædicta*, in sui forma primæ a, exacta diligentia observentur. Si autem prædicti delinquentes aut forefactores, seu delinquens aut forefactor, extraneus fuerit, aut de civitate Colonienfi recesserit, ita quod prædicti Magistri & Consules, in ipsum seu ipsos jurisdictionem aut potestatem non habuerint, aut exercere possint in prædicta civitate Colonienfi, aut in Ecclesiis Collegiatis, Conventualibus, aut Parochialibus civitatis prædictæ, prædicta statuta nullatenus observentur: sed ipsum interdictum sive cessationem ob hujusmodi delictum, promulgatum, relaxamus, ac teneri volumus, & decernimus relaxatum. Volumus autem, quod in Parochia, in qua violentia hujusmodi fuerit perpetrata, propter quam fuerit cessandum, ut dictum est, intra spatium quatuor septimanarum, postquam ipse Plebanus, aut ejus Vicarius ipsam violentiam consilio civitatis, aut Magistris Consulum, aut aliquibus ex ipsis notificaverit, & non ante, nec alias, corpora defunctorum cum solennitate Missæ, tradi possint Ecclesiasticæ sepulturæ, ipsum interdictum, sive cessationem Divinorum, quo ad sepulturam & solennitatem exequiarum ipsarum præsentibus suspendentes. In cujus rei testimonium, sigillum nostrum una cum sigillo Capituli nostri prædicti, præsentibus est appensum. Quod Nos Capitulum, pro Nobis & Prioribus Colonienfis, in signum consensus nostri prædicti, præsentibus duximus apponendum. Datum anno Domini mcccxxviii. in vigilia Nativitatis B. MARIE Virginis.

Statuta Ecclesiæ Colonienfis, editionis Colon. anni 1554.



Protestatio & Appellatio LUDOVICI IV.

Regis Romanorum, qua Advocati S. Romanæ Ecclesiæ, & S. Imperii, Custodis Fidei Catholicæ, a gravaminibus illatis & comminatis ad Concilium generale quantocius congregandum.

Anno Christi MCCCXXIII. Joannis XXII. Papæ VIII.
Ludovici IV. Regis IX.

IN CHRISTI NOMINE. AMEN.

Die Dominico, quod fuit decima quinta Kalendas Januarii, sub anno Incarnationis Dominicæ Millesimo trecentesimo vicefimo tertio, in Nurenberg in domo *Alberti Ebner*, præsentibus honorabilibus Viris, *Domino Henrico de Lapide, Præposito Ecclesiæ Sanctæ Mariæ novi Collegii civitatis Eystetenfis*: *Magistro Ulrico Præposito Ecclesiæ S. Stephani civitatis Babenbergenfis*: *Domino Conrado in Stauff, Canonico veteris Capellæ civitatis Ratisponensis*, *Domino Gotfrido, Plebano in Ambergh Diæcesis Ratisponensis*: *Magistro Friderico Notario civitatis Nurenbergenfis*, *Domino Henrico, Plebano in Pfulendorff Diæcesis Constantiensis*, *Henrico Hausnerio Clerico, nec non Ottone de Werdea Canonico Ecclesiæ Pysanæ*, ac multis aliis Ecclesiarum Prælati & Clericis, nec non & laicis, & multæ auctoritatis viris, testibus rogatis & vocatis, & me Herdegno quondam *Conradi de Babenberg, Clerico Diæcesis Babenbergenfis*, publico Imperiali auctoritate Notario, Serenissimus Princeps, Dominus LUDOVICUS Romanorum Rex semper Augustus, coram Reverendo Patre, *Domino NICOLAO Venerabili Episcopo Ecclesiæ Ratisponensis*, & testibus supradictis, nec non & aliis Prælati & Ecclesiasticis personis & secularibus, tamquam coram authenticis, publicis & honestis personis infra scriptis proposuit,

& in scriptis fecit protestationes, & deinde appellavit, & in scriptis infra scriptam appellationem interposuit, ut inferius continetur, quarum protestationum tenor sequitur in hac forma:

Coram vobis Venerabili Patre, *Domino NICOLAO, Episcopo Ecclesiæ Ratisponensis*, & vobis honor. Viris, *Domino Henrico de Lapide, Præposito Ecclesiæ Sanctæ Mariæ novi Collegii civitatis Eystetenfis*: *Magistro Ulrico, Præposito Ecclesiæ S. Stephani civitatis Babenbergenfis*; *Domino Conrado Plebano in Stauff*, *Canonico veteris Capellæ civitatis Ratisponensis*, *Gotfrido Plebano in Ambergh, Diæcesis Ratisponensis*; *Magistro Friderico Notario civitatis Nurenbergenfis*, *Henrico Plebano in Pfulendorff Diæcesis Constantiensis*; *Henrico Hausnerio, nec non Ottone de Werdea, Canonico Ecclesiæ Pysanæ, & te HERDEGNO, publico Imperiali auctoritate Notario*, tamquam coram viris idoneis & personis authenticis. Nos LUDOVICUS, Romanorum Rex semper Augustus, comparemus, & infra scriptas protestationes nostras, coram vobis proponimus, & in scriptis offerimus, ac si in præsentia Domini nostri, Summi Pontificis, cujus copiam artante termino tamquam absentis, & remote distantis, habere non possumus, essemus personaliter constituti, promittentes expresse, quod

Anno MCCCXXII. cum Ludovicus IV. Victor Friderici, Imperii administrationem, non expectata Pontificis sententia, & subditorum sibi in Italia Patrocinium continuaret; Joannes Papa VIII. Idus Octobris A. 1323. *Monitorium* publicavit, & processum contra ipsum factum ad Ludovicum misit, cui sub pena excommunicationis injunxit: ut intra III. mensium spatium a defensione Italicorum abstinere, & ab omni Regni & Imperii administratione cessaret, nisi post factam ejus personæ a Sede Apostolica approbationem; prohibens omnibus eidem præstandam obedientiam. Hoc *Monitorium* misit ad Germaniæ & omnium Regnorum Archi-Episcopos. V. *Raynaldum* hoc anno 1323, n. 30. *Pagi in Breviario Tomo IV. pag. 77.*

Ludovicus hoc nuntio accepto sententiæ Pontificiæ, nuntios ad Papam ablegat Nurembergæ II. Idus Novembris A. 1323. Regni A. IX. ante reditum Legatorum ab Avinionem protestatur ut supra.

quod eandem in ipsius Summi Pontificis, quamprimum commode poterimus, notitiam deducemus, & coram eo invocabimus, & publicabimus, prout fuerit opportunum.

In primis protestamur, quod Sanctam Ecclesiam Romanam, Magistram Fidei Catholicæ, matrem & alumnæ nostram colere, diligere & fovere, statum ejus solidare, & jura servare semper intendimus bona fide. (a) Item quod hostes ejus & rebelles quoslibet, quos scimus, vel a professione dictæ fidei aberrantes, tamquam fidelis advocatus & fervidus Christianæ Fidei Zelator, hostiliter persequi & exterminare volumus toto posse. Item quod non credimus, contra Sanctam Ecclesiam Nos unquam in aliquo excessisse, & si quando exce-

deremus, parati sumus ad ejus correctionem humiliter emendari, & sub regula disciplinæ suæ obedienter consistere, & suo consilio & regimine gubernari. Item quod eidem volumus reverentiam debitam & honorem. Protestamur insuper, quod Domino nostro Summo Pontifici eam, quam debemus, & quemadmodum Romanis Pontificibus, Romanorum Imperatores & Reges Prædecessores nostri obedientiam, devotionem & reverentiam gesserunt & habuerunt; volumus similiter gerere & habere. Item protestamur, quod statum Romani Imperii & jura, res, & honores suos salvos sine præjudicio cujuslibet juxta debitum fidei nostræ, & virtutem præstiti Sacramenti, quantum scimus & possumus, nostris temporibus similiter disponimus custodire,

Tenor vero Appellationis prædicti Domini LUDOVICI Romanorum Regis dignoscitur esse talis:

IN CHRISTI NOMINE. AMEN.

Coram vobis Venerabili Patre, Domino Nicolao, Episcopo Ecclesiæ Ratisponensis, & vobis honorab. viris Domino Henrico de Lapide, Præposito Ecclesiæ Sanctæ MARLÆ novi Collegii civitatis Eyssetensis; Magistro Ulrico, Præposito Ecclesiæ S. Stephani Babenbergenfis; Domino Curvado de Stauf, Canonico veteris Capelle in Ratispona; Domino Gotfrido, Plebano in Anberg, Diæcesis Ratisponensis; Magistro Friderico, Notario civitatis Nurenbergenfis; Henrico Plebano in Pfulendorf, Diæcesis Constantiensis; Henrico Hausnerio, nec non Ottone de Werdea, Canonico Ecclesiæ Pisane; & te Herdegno publico Notario infra scripto, tanquam autenticis personis, honestis & publicis, ac si in præsentia Domini nostri Summi Pontificis essemus præsentia-liter constituti. Nos LUDOVICUS, Dei gratia, Romanorum Rex, semper Augustus, dicimus, asserimus, & proponimus, quod licet Domino nostro Summo Pontifici, & S. Romanæ Eccle-

siæ, Matri nostræ, sinceræ devotionis affectum cum debita reverentia semper exhibuerimus & honore; ad nostrum tamen, quod contra præmissa minime sperabamus, recenter pervenit auditum, eundem in Romana Curia quosdam processus contra nos, minus gratiosos, publicasse, imo quod salva reverentia dicamus, animosos nimis & odiosos & injuriosos, ex causis non veris, & contra jura & rationem habitos & confictos, vergentes in nostrum & Sacri Imperii dispendium, & jacturam, & scandalum plurimorum, unde dissidiis & schismatibus materia præparatur. Cum tam patenter cernitur, in dissidationem integritatis Ecclesiæ, injurias inde procedere, unde debet fons juris & justitiæ derivari.

Idem namque Summus Pontifex in ipsis processibus, sicut fertur, dicit & asserit: "Nos nomen Regni & titulum Regium nobis illicite usurpasse, eo quod

(a) Ab hæresi hæc protestatio, & ejus fautores facile eum excusant, sed non perinde ab infami Schismatis crimine, quando anno 1328, 12. Maji populo Romano adulanti & ob absentiam Papæ ab urbe irritato, Antipapam Petrum de Corbaria ex ordine Minorum proposuit: & hæresicos varia conficta crimina Joanni XXII. exprobravit, quasi ideo Pontificatu excidisset: demum quando ab hoc suo Antipapa coronari voluit. En quo studia partium & popularis furor Principem ad absurdissimam facinoræ præcipit!

" quod ad se electionis nostræ, *quam dicit in discordia celebratam*, & personæ electæ examinationem, approbationem, admissionem, repulsionem, & reprobationem quoque astruat pertinere; & priusquam hujusmodi nostra electio admittitur, & persona approbata, vel alterius coelecti nostri fuisset per Sedem Apostolicam reprobata, nobis non licuerit assumere nomen & titulum prælibatum, cum interim non Rex fuerimus, nec pro Rege haberi, vel Rex nominari debuimus, sed *electus*.

" Dicit præterea, quod hujusmodi præsumpto nomine & titulo non contenti, ad administrationem jurium Regni & Imperii, in manifestam injuriam Romanæ Ecclesiæ, ad quam vacantis ejusdem Imperii, sicut in præsentiarum vacat, regimen pertinere dignoscitur, Nos ingesserimus & immiscuerimus indebite, exigendo & recipiendo fidelitatis in Alemanniæ, & nonnullis Italiæ partibus, a personis Ecclesiasticis, & sæcularibus Vassallis Imperii, juramenta, ac dignitatibus, honoribus & officiis ejusdem Imperii, exemplo posito de Marchionatu Magdeburgensi (a) pro libito disponendo, & plura alia exercendo, quæ ad ipsorum Regni & Imperii regimen non est dubium pertinere.

" Adjecit insuper, quod ejusdem Ecclesiæ rebellibus, sicut Galiazio de Vice-Comitibus, & ejus fratribus de hæresi condemnatis, & nonnullis aliis contra dictam Ecclesiam, suam injuriam & negationem (b) Fidei & Imperii prosequentem, Nos defensorem constituerimus & fautorem, propter quæ sumpta modo plenitudine potestatis, de fratrum suorum, *ut dicitur consilio*, Nos monuisse dicitur, quod (1) infra trium mensium spacium ab administratione, fautoria, & defensione prædictis prorsus abstinere, (2) ipsam administrationem minime recepturi, nisi tunc demum, cum electionem nostram admitti & personam contingerit approbari: (3) Quodque gesta per Nos post præsumptum nomen & titulum studeremus, quantum pateretur possibilitas, infra eundem

terminum realiter revocare, (4) alioquin contra Nos ad publicationem pœnarum, quas propter præmissos excessus incidisse noscitur, & alias quantum suaderet justitia, procederet, nostra absentia non obstante.

" Ad hæc universis personis Ecclesiasticis & secularibus, cujuscunque præminentia extiterint, etiam si Pontificali vel Regali præfulgeant dignitate, & civitatibus, communitatibus, & universitatibus, sub certis pœnis (5) inhibuisse dicitur, ne Nobis, tamquam Regi, in iis, quæ Regni & Imperii contingunt regimen, nisi tunc demum, cum electionem & personam nostram per sedem eandem approbari & admitti contingerit, in aliquo parent vel intendat: & ne nobis in quibuscunque ad prælibatum regimen spectantibus præbeant quomodolibet consilium, auxilium, vel favorem, non obstantibus quibuslibet juramentis, nobis tanquam Regi, vel in Romanum Regem electo, a quibusvis personis præstitis, (6) quæ decernit penitus non tenere, nec fore aliquatenus observant, cum juramentum non obligent, tanquam ei præstita, cui præstari non deberent, & quæ sine detrimento salutis, & animæ periculo servari nequeant, sicut dicit. Seu si etiam, quod etiam excommunicari, interdicti, vel suspendi non valeant, alicui, vel aliquibus, speciali privilegio sit indultum, quod contra præmissa nulli vult penitus suffragari.

" Protestatur insuper, quod per dilationem prædicti termini *trium mensium* non vult aliquo modo obligari, quin ea pendente ad publicationem pœnarum, quas incidimus, procedere valeat, vel alias, sicut sibi visum fuerit, expedire. Et ut processus hujusmodi in nostram noticiam deducatur, eum ostiis & liminaribus Avenion. Ecclesiæ in chartis & membranis conscriptum affixit, ut sic nobis suo sonoro præconio innotescat, ac si personaliter nobis insinuatus & publicatus solenniter extitisset, constitutione qualibet non obstante in contrarium.

Verum Nos circumcincti stola justitiæ, & amicti pallio veritatis, in hac parte

(a) Brandeburgensi

(b) negotium.

parte facti & juris consuetudinis, clare respondemus & dicimus ad præmissa, (1) quod hæcenus a tempore, cujus non est memoria, circa electos Romanorum Reges & Principes, sic est de jure & consuetudine observatum, & tenent, dicunt, & sentiunt, & semper tenuerunt, dixerunt, & senserunt Principes & meliores ac majores Imperii, & est maxime in partibus Alemanniæ adeo notorium apud omnes, ut non sit, qui dubitet, vel ignoret, quod Romanus Rex eo solum, quod electus est a Principibus Electoribus, ad quos pertinet ipsius electio, omnibus vel majori numero eorundem, & coronatus corona regia in solitis locis & consuetis; Rex est, & pro Rege habetur, & Rex nominatur; & eidem ab omnibus paretur & intenditur, sicut Regi, & jura regni libere administrat, fidelitates & obedientiam recipit; feuda confert, & de bonis, honoribus, & dignitatibus & officiis regni juxta beneplacitum ordinat & disponit.

Quare cum notorie constet, (2) Nos a longe majori numero Electorum, ad quos jus eligendi Regem pertinet, rite esse electos, & diademate regio coronatos in locis debitis & consuetis, & hoc ipso nomen & titulum prælibatum, & jus administrandi jura regni, & de ipsis rebus, honoribus, dignitatibus & officiis disponendi legitime affectos; manifeste patet, (3) quod in injuriam nostram & gravamen dicit Nos illicite nomen & titulum usurpasse, & in administrationem & dispositionem præfatas indebite ingressisse; cum potius quemadmodum alii Romani Reges Prædecessores nostri in hac parte usi sunt, & Nos utamur licite jure nostro, cum etiam circiter decem annos, nomen, & titulum, administrationem & dispositionem hujusmodi in pacifica possessione continue scripserimus, & gesserimus absque reprobatione electionis, & personæ nostræ, si tamen poterant reprobari, & citra impeditionem & contradictionem, si cujus forte poterant interesse, sicut est notorie manifestum; nimis est injuriosum & juri contrarium, quod nunc primum ipse Domi-

nus Apostolicus lege inspecta, parte inaudita, negotio indiscusso, & juris ordine prætermisso, contra Nos queritur, invehitur, & procedit, intendens, ac si abjecto nomine & titulo; & deposita administratione prætermissa, Nos ipsos quasi capite minuamus. Licet sepe missis ad eum per Nos nuntiis, & rescriptis suis literis per eos, vel in illis nunquam fuerimus reprehensi. Et quia ex præmissis per evidentiam & effectum operis patet, quod sacri regni regimen gubernamus; profus a veritate discrepat, quod dicit Imperium nunc vacare & ejusdem sibi regimen pertinere. Ex quo enim Rex sumus, & jura regni administramus, ut Rex, & in possessione regendi regnum Romanum sumus; & fuimus multis annis, non poterit dici vacare, quod habet Regem regentem & regendi regnum & imperium potestatem habentem, solis duntaxat infulis Imperialibus coronandum.

(4) Nec concedimus ita simpliciter, ut proponitur, ad Sedem Apostolicam, examinationem, admissionem, & approbationem electionis, & personæ nostræ repulsionem & reprobationem pertinere, sicut asserit. Sed si, quod non credimus, pertineret, hoc unum demum sibi locum vindicare forte posset, si per querelam, vel per viam supplicationis, appellationis, vel provocationis, vel alio modo ad ipsam sedem fuisset devolutum ipsum negotium vel deductum; quæ locum non obtinent in præsentem; vel in forte petitis per Nos infulis imperialibus, vel denominatione nostra, ex causis legitimis jure scriptis, quas ad Nos locum non credimus habuisse, personam nostram contigisset exigente justitia refutari. Denominatio quippe personæ vel electionis admissio habitæ subsequenter, Nobis non jus, nomen vel titulum tribuissent, quæ jam ex ipsa electione sortiti sumus, sed ea potius detexissent, approbassent, & latius commendassent. Hæc veritas ratione juvatur, Canonibus & legibus fulcitur, & Summorum utriusque juris Doctorum sententiis comprobatur, & usu, & consuetudine longissimi temporis declaratur.

P p 3

Quod

(2) Vide Literas autographas, & ab Augustano Episcopo vidimatas apud Herwartum Bavaria Cancellarium a pag. 19. in Ludovico IV. Imperatore defenso, & Literas Reipublicæ Francofurtensis ad Aquisgranenses eodem anno 1314. scriptas pag. 13. Herwarti.

Quod vero adjunxit, Nos GALIAZIO de Vicecomitibus, & ejus Fratribus de hæresi condemnatis, & nonnullis aliis Ecclesiæ Romanæ rebellibus, quos tamen non denominat, defensionem exhibuisse, ut asserit, & favorem, penitus nihil scimus. Nam si dicti Galeazius & Fratres sui sunt *de hæresi condemnati*, Nobis non innotuit, nec per ipsum Summum Pontificem, vel alium, qui voluit, aut potuit, Nobis insinuatione debita est detectum. Ipsum ergo tanquam in facto consistens, & in remotis actum rationabiliter poteramus ignorare. Imo quem favorem, aut defensionem eis vel aliis, quos nescimus, vel quos denominat, exhibuimus, & quomodo sint vel fuerint rebelles Ecclesiæ, non videmus; aperte conjicimus (c) & per effectum operis cognoscimus, nonnullos rebelles nomini Ecclesiæ, qui per fidem devotionis suæ molientibus contra statum, & jura Imperii non (d) renituntur.

Scimus, & in nonnullis partibus Italiæ est auditum, quod ad Reverendum Patrem, Dominum Cardinalem, (e) qui in istis partibus legationis officio fungebatur, generosos viros, Comites, nuntios destinavimus, facturos ejus auxilio pacem, treugas, & concordias inter partes, quæ sibi invicem guerras, lites, & mala plurima inferebant, frequentem earundem partium querimoniam, & pietatis officio excitati. Ipse vero legatus, qui venit mittere non pacem, sed gladium, quod suæ professioni minime congruebat, dictos nuntios, & eorum dicta, & bonas exhortationes & rogamina non attendens,

nimis eos dimisit in nostram & ipsorum ignominiam inhoneste, & bellum fidelibus Mediolanensibus, & obsidionem civitati (f) in virtute valida preparavit, ipsamque in Nostram & ipsius Sacri Imperii injuriam capere nifus fuit, quibus dicti Comites, quantum poterant, præsidium afferebant. In quo non Galeazii & Fratrum suorum, sed nostrum & Sacri Imperii negotium actum fuit, nec ipsis defensio seu favor sunt exhibiti, quos constat remotos a suis Officiis extitisse.

Sed certe quoniam in Nos retorquere nititur hæreticorum & rebellium Sanctæ Romanæ Ecclesiæ fautoriam, Nos sibi ipsi objicientes, & contra eum Dei zelo ducti, & Christianæ fidei fervore accensi, ad conservationem fidei & extirpationem zizaniam hæreticæ pravitatis dicimus, proponimus, & nos adstringimus & offerimus, coram Reverendis Patribus Dominis Cardinalibus non suspectis, aut in collatione *Sacri Concilii generalis*, vel alias, ubi opportunum fuerit, legitime probaturos, quod ipse dissimulatur, defensor, & fautor hæreticæ (g) pravitatis zizaniam, quæ totam Sanctam Ecclesiam inficit & conturbat, & a confessione retrahit penitentes, & generandis in spiritu viam claudit. Nam cum ad ipsius Summi Pontificis audientiam gravibus, & frequentibus, Archi-Episcoporum, Episcoporum, & nonnullorum inferioris gradus Prælatorum querimoniis sit deductum, & legitime propositum coram eo, *generalem Ministrum*, (h) *custodes Guardianos*, & *Frates Minores Ordinis S. Francisci*,

(c) conjicimus vel convincimus

(d) non redundat.

(e) Bertrandus, Pontificis Joannis XXII. Legatus, & Guelforum Dux, & cruce signatorum contra Ludovicum & Italos; Gebellinos contra Galeazium Vice-Comitem Mediolanensem subditum Regi & Imperio, & Gibellinorum Principum unum anno 1323. obsessum a Bertrando.

(f) Anno 1323.

(g) Ab hæresi, & hæresis suspitione omnino liberum fuisse Joannem XXII. ostendunt *Henricus Spondanus & Pagi in Breviario Tomo IV. pag. 101. 102.* maxime, quia 3. Decembris A. 1334. convocatis Cardinalibus & Prælati, & Tabellionibus publicis, omnia sua dicta & scripta submittit determinationi Ecclesiæ, & Successorum suorum: & speciatim, circa id, quod animæ purgata, a corpore separata, videant Deum a facie ad faciem. Post quam declarationem ex profluvio ventris pie & sancte obiit, orans & psallens, Avenione.

(h) Michaellem Cæsarensem generalem Ministrum Minorum, Marsilium Menandrinum Paravinum, Rectorem Academiæ Viennensis, Joannem Jandunum Perusinum, Guillelmum Ockamum Anglos, variarum hæresium vere reos, præsertim adum & gratum a Joanne XXII. anno 1327. X. Kalendas Aprilis damnatos fuisse, ostendit Bulla apud

cisci, quod ipsi sint secretæ confessionis proditores, & peteretur ab eo, ut hoc tanquam perniciosissimum in Ecclesia Sancta Dei, unde periclitabantur animæ, aditus ad gratiam obstruitur, & peccatorum remissio negligitur, juxta debitum Pastoralis Officii emendaret; ipse tanquam tergiversando, dissimulando, & zelando morbum hujusmodi pestiferum, & lethalem, mortem animæ perpetuam inferentem, curare salutifero, & debito medicamine, non curavit, dictis fratribus in hac parte S. Romanæ Ecclesiæ & fidei Catholicæ inimicis, constituens se fautorem.

Ceterum prout certis patet in indi-
ciis, & evidentibus convincitur argu-
mentis, ipse contra Divinæ dispositionis
ordinationem, per quam in firmamento
Ecclesiæ militantis duo magna luminaria
Deus fecit, Pontificalem videlicet au-
thoritatem, & Imperatoriam Majestatem,
illud ut præflet diei, spirituality dispo-
nendo: alterum, ut præflet nocti, tem-
poralia judicando: manifeste nititur lu-
minaris alterius, potestatis scilicet radios
secularis suffocare, unde in confusione
& errore sancta reponetur Ecclesia,
causabuntur hæreses, ingerentur lites,
fufcitabuntur scandala, & Ecclesia Roma-
na carens Præposito Advocato, resi-
stere non poterit insurgentibus ex ad-
verso.

Nos igitur, qui Divina dispositione
constituti sumus Propugnator, Custos Fidei
Catholicæ, SACROSANCTÆ ROMANÆ
ECCLESIE ADVOCATUS, & Sacri
Imperii Rex & Princeps, volentes Nos
ponere murum pro Domo Israel, & Fi-
dem, quam defigendo manum apud ex-
traneum pro iis dedimus, & juramentum

corporaliter per Nos præstitum Dei adju-
torio inviolabiliter observare, sentiens
Nos & Jura Imperii ac nostra, Sanctam
Professionem Catholicam, Sanctam Ro-
manam Ecclesiam ex prædictis processu-
bus, nec non monitionibus, præceptis,
inhibitionibus, comminationibus, senten-
tiis, absolutionibus, relaxationibus, &
singulis in eis contentis graviter & enor-
miter, superscriptis de causis aggravatos
esse, & posse etiam in posterum quam
plurimum aggravari, a supradictis grava-
minibus iniquis, indebite & injuste illatis
& comminatis, & a processibus *DICTI
SUMMI PONTIFICIS* manifeste iniquis
& injuriosis, ex causis nobis veris, præju-
dicialibus & insolitis, juris Ordine non
servato, contra Nos factis & confictis,
in scriptis Sanctam Sedem Apostolicam
nomine nostro, & omnium huic appel-
lationi inhaerentium, & adherere volen-
tium *APPELLAMUS & APOSTOLOS
PETIMUS*, & iterum ac iterum petimus
cum instantia Nobis dari, si est, qui ip-
sas Nobis dare possit. Subicientes ex
nunc, Nos & omnia jura nostra & Impe-
rii in præmissis omnibus & singulis, sub
protectione dictæ Sedis Apostolicæ spe-
ciali, quam appellationem & omnia &
singula supra scripta coram eodem Domi-
no Summo Pontifice interposuissimus,
& fecissimus, sed sui absentis, & remo-
te distantis artante termino præfixo, co-
piam habere nequivimus; eam tamen
quamprimum commode poterimus, in
ejus notitiam deducemus, & coram eo
interponemus, proponemus, & dicemus,
ac innovabimus ex causis supra expressis,
& aliis de novo iterum exprimendis, &
publicabimus loco & tempore, sicut fue-
rint publicanda.

Cum

apud *Bzovium & Raynaldum ad hunc annum, & Baluzium Tom. II. Anecdotorum co-
lumna 704. Natalis Alexander.*

Quorum præsertim Marfilii Patavini pestilentissimos errores contra Hierarchiam con-
temnens Papa speciatim circa Paupertatem Christi & Apostolorum in usu re-
rum temporalium ad demonstrandam æquitatem Constitutionum: *Ad condi-
torem. & Cum inter.* a se editarum, aliam insuper Bullam, quæ incipit: *Quia
quorundam.* IV. Idus Novembris A. 1324. edidit, qua præmissis gravibus responsioni-
bus ad singulas detractorum objectiones, inserta ampla de clavibus scientiæ & po-
testatis disputatione ab hæresi se purgavit. *Pagi in Breviario Tomo IV. pag. 80.*

Factas autem hic objectiones de revelatis a Minoribus secretis confessionibus, videtur
Ludovicus ex suggestionem calumniantium huic suæ appellationi inferuisse. Cum
certum sit speciali eorundem de paupertate Christi disputationi Imperatorem se im-
miscere noluisse, nedum eorum opinionem adoptasse: Quod non obstat, quin
eosdem ad se recurrentes, veluti communes Joannis XXII. inimicos, foverit & tui-
tus sit. Aliud autem est, eos ad se recurrentes fovere, aliud mercede conducere,
aut ad se recurrentes, ad scribendum excitare, quod ultimum negat *Herwartus
Bavariæ Cancellarius*, ex coævis probari.

Cum vero propter præmissos articulos, quos non est dubium, statum Fidei Catholicæ, Sanctæ Romanæ Ecclesiæ, Sacri Imperii contingere, & omnium interesse, opus sit *CONVOCATIONE CONCILII GENERALIS*, instanter, & cum omni devotione ipsum quamprimum commode poterit, ad locum communem, & aptum *petimus congregari*. In quo ad Dei Omnipotentis honorem, Sanctæ Christianitatis bonum statum, & profectum fidelium, nec non pro reverentia Reverendorum Patrum Dominorum Cardinalium, Patriarcharum, Primatum, Archi-Episcoporum, Episcoporum, & totius Ordinis Ecclesiastici, nec non ejusdem Sacri Concilii solemnitate, dante Domino personaliter intendimus interesse.

LECTA & interposita est hæc appellatio, Anno, die, loco prænotatis, præsentibus Dominis ac testibus supra scriptis. Et Nos Nicolaus, Dei Gratia, Ratisponensis Ecclesiæ Episcopus prædictus, ac Nos Ulrichus Præpositus Ecclesiæ S. Stephani Babenberg. Gotfridus Plebanus in Amberg, Otto de Werdea Canonicus Ecclesiæ Pisane, & Magister Fridevicus Notarius civitatis Nurenbergensis supradicti confitemur, prædictas protestationes, & appellationem, ac

cetera supra scripta coram Nobis in scriptis facta esse, propoſita, & interposita per omnia sicut præscribitur, anno, die, & loco supra scriptis, & sigilla nostra in testimonium præsentibus appendisse. Nos vero Henricus de Lapide Præpositus Ecclesiæ Sanctæ Mariæ novi Collegii civitatis Eysletensis, Cunradus Plebanus in Stauf, Henricus Plebanus in Pfulendorf, & Henricus Hausnerius Clericus prædicti, confitemur Nos omnibus præmissis interfuisse, vidisse & audivisse, & quia Sigilla nostra nobiscum ad præsens non habemus, sub Sigillis prædictorum Dominorum, & tui Herdegni Notarii publici subscriptione nos testes ad præmissa omnia & singula offerimus, & ita recognoscimus esse facta. Anno a Nativitate Domini Millesimo trecentesimo vigesimo tertio, indictione sexta.

Et ego Herdegnus, quondam Cunradi de Babenberg, Clericus Diocesis Babenbergensis, publicus Imperiali auctoritate Notarius prædictis omnibus & singulis præsens interfui, & ad omnia rogatus scripsi, & in publicam formam redegi, signumque meum apposui consuetum. Superſcriptionem vero hujus vocabuli ea supra XXX. VI. linea descendendo, & superſcriptionem hujus vocabuli sicut supra in XLI. linea descendendo apparentes, quia eas feci, & conscripsi, duxi approbandas & approbo hic in fine.

Joannes Georgius Hermartus ab Hohenburg, Bavariæ Cancellarius, in Ludovico Bavaro Imperatore defenso. pag. 248. - 264.

Monitorium Joannes XXII. VIII. Idus Octobris A 1323. Avenione scriptum, ad Ludovicum misit, quod lege sis apud Odoricum Raynaldum b. a. num. XXX. & apud Hermartum Tomo I. pag. 194.

Utriusque summam refert Eximius Natalis Alexander Historia Ecclesiastica Seculi XIV. Tom. VII. pag. 42.

SYNODUS DIOECESANA BREMENSIS,

SUB BURCHARDO, (a) BREMENSI ARCHI-EPISCOPO CELEBRATA
Anno Christi MCCCXXVIII. Joannis XXII. Papæ XIII.
Ludovici Bavari Regis XIV.

Dominus Borchardus, (b) Archi-Episcopus Bremensis, in præsentia Decani, & Capituli Bremensis, & etiam in præsentia Prælatorum, Abbatum, Præpositorum, Decanorum, & aliorum Clericorum beneficiatorum suæ civitatis,

& Diocesis, Feria IV. post Festum Trinitatis Anno Domini MCCCXXVIII. in Choro Occidentali Ecclesiæ Bremensis, secundum receptum morem, & consuetudinem, celebravit, & tenuit publice *Synodum generalem*.

Quod

Quod eadem die, scilicet: Feria IV. & in eadem Synodo, Dominus Borchardus Archi-episcopus, de consilio & consensu prædictorum, mandatum seu constitutionem, inter alia, edidit de Residen-

tia personali in Beneficiis facienda, infra mentem, a tempore mandati & constitutionis jam dictæ, computandum, excommunicationis pœna, seu sententia, lata in contrarium facientes.

(a) Burchardus, cognomento *Grelle*, Plebeio honesto genere, sed non Plebeia virtute Bremæ natus, omnium Ordinum Cleri, Nobilium, populi votis electus, omnium commendatiis literis mittitur Avenionem ad Joannem XXII, qui visis tot commendatiis literis & moderatone summa Burchardi, cuius meliori lubenter cessuri, ejus electionem confirmavit, consecrari fecit, & Pallio donatum remisit. Hostes & invidos omnes prudentia & collectis militum copiis subesse coegit. Obiit anno 1344. circa festum Assumptæ Virginis, annis 17. in Pontificatu expletis summa omnium laude & tranquillitate id temporis insolita.

(b) Hujus Synodi notitiam habuit *Cl. Schannat b. m. ex actis MS.* cujusdam litis, quæ anno MCCCXXVII. exorta est ob Præbendam vacantem in æde Metropolitana Bremensi: in quibus hujus Synodi indicium est.

CONCILIIUM COLONIENSE

Anno Christi MCCCXXX. Joannis XXII. Papæ XIV.
Ludovici Bavari Regis xvi.

*Statuta Synodalia D. HENRICI, Archi-Episcopi Coloniensis,
edita anno Domini M.CCC.XXX.*

CAPITULA SEU RUBRICÆ:

- | | |
|--|--|
| I. Ut omnes fideles semel in anno proprio Sacerdoti constentur sua peccata, & communent. | VIII. De ter proclamandis, matrimonium contrahere volentibus. |
| II. De deferendis ad Reverendissimum Archi-Episcopum, seu ejus Officiale. | IX. Ut ordinati, accipiant ab ordinatore suas formatas. |
| III. De his, qui rebellibus Ecclesiæ in Italia vel alibi adhaeserunt seu adhaerent. | X. De benedictionibus per Abbates, & Abbatissas recipiendis. |
| IV. Memoratos excommunicatos, a Canonici, Monachis, & fratribus mendicantibus esse vitandos. | XI. De introductione, seu reconciliatone publice penitentium. |
| V. De retinentibus literas debitorum persolutorum. | XII. Ne quis in Ecclesiis violatis celebret, vel bis Missam uno die dicat. |
| VI. De precibus pro pace Ecclesiæ dicendis. | XIII. Præmissa statuta mandantur publicari. |
| VII. Quod excommunicati non habeantur pro absolutis, nisi ostendant literas absolutionis. | XIV. Ne mendici sub celebratione Divinorum obambulent mendicantes. |

HENRICUS, DEI GRATIA, SANCTÆ COLONIENSIS ECCLESIAE &c. UNIVERSIS ARCHI-DIACONIS, ABBATIBUS, PRIORIBUS, DECANIS, COLLEGIIS, CONVENTIBUS SÆCULARIUM, ac RELIGIOSARUM PERSONARUM, LOCORUM PLEBANIS, PRESBYTERIS ET CLERICIS QUIBUSCUNQUE CIVITATIS ET DIOECESIS COLONIENSIS, SALUTEM IN DOMINO SEMPTERNAM.

- I. Ut omnes Fideles semel in anno proprio Sacerdoti constentur sua peccata, & communent.

Canonum, quorum Executores sumus, auctoritate ordinaria precipimus utriusque sexus fidelibus nostræ

Tomus IV. Concil. German.

Dioecesis, ut postquam ad annos discretionis pervenerint, omnia sua peccata saltem semel in anno fideliter constentur proprio Sacerdoti, & injunctam penitentiam studeant adimplere; suscipientes reverenter ad minus semel in festo

Qq

Paschæ

Paschæ singulis annis Eucharistiæ Sacramentum, nisi de ipsius Confessoris consilio, ab hujusmodi Sacramenti perceptione ex causa rationabili ad tempus duxerit abstinentium.

II. *De deferendis ad Reverendissimum Archiepiscopum, seu ejus Officialem.*

Plebani vero, seu Ecclesiarum Rectores, nomina præmissorum, & horum, qui anno, & amplius in excommunicationis sententia, legitimo impedimento cessante, perstiterint, & qui in gradibus consanguinitatis, vel affinitatis, vel alio iusto impedimento interveniente, matrimonia contraxerunt, publice usuram exercentes, & reatu perjurii irretitos, adulteros manifestos, & Ecclesias suas Parochiales saltem in quatuor anni Festivitatibus, & aliis diebus a jure ad hoc statutis non frequentantes, & in notoriis criminibus, utpote incestu, homicidio, effractionibus, & combustionibus, ac violationibus Ecclesiarum, cœmeteriorum, & immunitatum, & in delictis similibus perseverantes, Nobis, ac nostro Officiali singulis Synodis nostris in scriptis, si non palam, saltem secrete repræsentent: alioqui noverint se super his, per Nos, aut Officialem nostrum, pœna canonica puniendos.

III. *De his, qui rebellibus Ecclesiæ in Italia, vel alibi adhæserunt seu adhærent.*

Item præcipimus, ut tam Clerici, quam laici de Italiæ partibus, aut alias ad nostram civitatem, & Diocœsin reversi, qui in armis, vel sine armis, rebellibus Sanctæ Romanæ Ecclesiæ servierunt, & adhæserunt, & ob hoc prolata a Sede Apostolica in eosdem sententias inciderunt, alique publice excommunicati ab homine, vel a jure, tamdiu in singulis Ecclesiis & Parochiis, in quibus manent excommunicati, de quorum nominibus constiterit, nominatim, alii in genere, nuncientur diebus Dominicis & Festivis, & tam in Divinis, quam extra, eis Christi fidelium communio denegetur, donec de absolutione sua docuerint literis authenticis, ut tenentur. Quod si præter hoc se Divinis violenter ingesserint, & monita Celebrantibus, vel ex parte eorundem, ut exeant Ecclesias, & Divinum Officium non perturbent,

in ipsis Ecclesiis remanere præsumpserint, Divina Officia impediendo, præter priorem sententiam, qua ligati prius extiterant, de novo excommunicationis sententiam, a qua tantum per Sedem Apostolicam absolvi possint, ipso jure decernimus incurrisse: volentes præsentis mandati auctoritate extunc Judices temporales locorum, in quibus hæc contingunt, moneri, & quos præsentibus extunc ut exnunc monemus, ut eosdem excommunicatos, a tali violentia, & Divinorum perturbatione compescant, & extra Ecclesias ipsas eos sic ligatos remanere compellant. Alioqui monitione dierum decem præmissa, eos, quos propter hoc in his scriptis excommunicamus, excommunicatos, ut alios prædictos, præcipimus evitari: & hæc per locorum Plebanos Judicibus ipsis specialiter, dum casus præmissi se offerunt, præcipimus intimari.

IV. *Memoratos excommunicatos a Canonicis, Monachis, & Fratribus mendicantibus esse vitandos.*

Item præcipimus, a Canonicis Collegiatarum, Monachis, & Sæcramentalibus Conventualium, & fratribus mendicantibus, cujuscunque ordinis Ecclesiarum, & Monasteriorum nostrorum civitatis & Diocœsis, quod ad evitacionem excommunicatorum prædictorum, præmissa firmiter observari: cum, ut aliqui eos, qui sic excommunicati existunt, ad Divina officia admittere valeant, nullo possint in contrarium privilegio se tueri.

V. *De retinentibus literas debitorum persolutorum.*

Item detentores literarum super debitis solutis monemus, ut dictas literas restituant, nec eas occultent: alias contrarium facientes, monitione consimili præmissa, exnunc, ut extunc excommunicamus in his scriptis, & excommunicatos præcipimus nunciari.

VI. *De precibus pro pace Ecclesiæ dicendis.*

Item, ut tam sæculares, quam religiosi, tam mendicantes, quam alii, in Missis nedum principalibus per notas decantandis, sed & privatis Missis, singuli cum devotione dicant hunc Psalmum:

Lata.

Letatus sum, post dictum *Pater noster*, cum cæteris orationibus a Sede Apostolica ordinatis, præsentibus admonemus: præcipientes Prioribus Prædicatorum, Guardianis Minorum, nec non Augustinensium, & Carmelitarum Prioribus Ordinum, ut in suis Conventibus a suis singulis fratribus orationes præmissas in singulis Missis solennibus, & privatis faciendis observari: ne, si secus fecerint, eorum & aliorum, qui in his negligentes fuerint, inobedientiam in hoc casu, teneamur Sedi Apostolicæ intimare.

VII. *Quod excommunicati non habeantur pro absolutis, nisi ostendant literas absolutionis.*

Item eos, qui autoritate Judicum delegatorum vel ordinariorum sunt suspensi, excommunicati, vel interdicti, & per compositiones mutuas cum parte adversa factas, vel literas suspensionis, vel excommunicationis destructas, se absolutos esse prætendunt, mandamus esse vitandos, ut prius; donec per literas eorum, a quibus absolviendi (a) sunt, de absolutione sua fecerint plenam fidem: & idem volumus in quibusvis absolutionibus observari, quod tanquam excommunicati tamdiu vitentur, & pro excommunicatis habeantur, quousque de absolutione sua fecerint plenam fidem.

VIII. *De ter proclamandis, Matrimonium contrahere volentibus.*

Item præcipimus Ecclesiarum Plebanis, ut formam statutorum in proclamationibus trinis faciendis diebus tribus Festivis a se distantibus observent, cum matrimonia fuerint conjungenda, & non proclamationes duas una die festiva faciant, ut ab aliquibus fieri est consuetum. Alioqui, cum hujusmodi matrimonia taliter celebrata, sint clandestina, transgressorum culpam taliter puniemus, ut pena unius sit cæteris in exemplum.

IX. *Ut Ordinati, accipiant ab Ordinatore suas formatas.*

Item, ne quis se fingat in aliquo esse ordine, nisi de hoc constet; præcipimus, ut singuli ordinandi, ordinis, ad quem ordinati fuerint, ab Ordinatore

suo literas recipiant, quæ formatæ nuncupantur vulgariter: alias ad ipsius ordinis executionem ab ignotis nullatenus admittantur.

X. *De Benedictionibus per Abbates & Abbatissas recipiendis.*

Item præcipimus, ut Abbates, & Abbatissæ a Nobis, vel nostras in Pontificalibus vices gerente, exnunc, si qui fuerint, benedictiones non habentes, eas deinceps post eorum creationem intra mensem recipiant: alioqui ab administrationis officio & dignitatibus, ad quas assumpti fuerint, auctoritate præsentis mandati noverint se suspensos.

XI. *De introductione seu reconciliatione publice penitentium.*

Item inhibemus, ne publice penitentes deinceps alibi, quam in nostra Diocesi, debitis temporibus ad hoc institutis, se introduci procurent. Alias a suis Plebanis pro introductis nullatenus habeantur.

XII. *Ne quis in Ecclesiis violatis celebret, vel bis Missam uno die dicat.*

Item præcipimus, ne quis in Monasteriis, Cæmeteriis, vel Ecclesiis violatis, ante solennem reconciliationem Divina officia celebret, vel duplex Missæ officium uno die dicat, intuitu oblationum percipiendarum, semel tantum conficiens Dominicum Sacramentum.

XIII. *Præmissa Statuta mandantur publicari.*

Præmissa omnia & singula, quæ etiam aliis temporibus pro parte fuerant ipsis Plebanis lecta & intimata in Sancta Synodo, qui & eorum tunc copiam recepissent, nec fecerunt adhuc ab ipsis Christianitatum Decanis, sub Officialitatis nostræ Curie sigillo, intra mensem a Data præsentium per copiam, & in Capitulis suis proximis sub sigillo eorundem Decanorum, ac singulis Plebanis per copiam ulterius tradi, & ab ipsis Plebanis recipi volumus, & saltem hæc in quatuor festis principalibus anni in Ecclesiis Parochialibus, dum suo Missa aderit populi multitudo, publicari. Alioqui contrarium facientes, & hæc im-

(a) forte: absoluti.

improvide, & temerarie negligentes, quos propter hoc extunc ut exnunc, monitione sex dierum præmissa, in his scriptis ab officio Divinorum suspendimus, haberi, & denunciari volumus pro suspensis, & per Officiale nostrum seu Procuratorem Curia nostræ procedi contra eos via juris.

XIV. Ne mendici sub celebratione Divinorum obambulent mendicantes.

Item præcipimus, & universos in Domino exhortamur, ut cum pauperes mendicando frequentius in Ecclesiis hora primæ, dum fideles devotioni orationum suarum insistere deberent, suis clamoribus pro Divinis audiendis congregatos, in orationibus suis impedian,

ne ob id in ipsis Ecclesiis, sed ante fores earundem, elemosynas, quas largiente Domino ipsis decreverint, eisdem largiantur, ut ex hoc apud Deum duplicis mercedem præmii consequantur. Et hæc ut observentur, per mendicantes, & Plebanos in eorum sermonibus volumus, & mandamus frequentius populo publicari. In quorum testimonium &c. Pronunciatum, lectum, & datum in hac nostra Synodo Priorum & Cleri nostrarum civitatis & Diœcesis copia præsentē, Anno Domini MCCCXXX. in crastino Dominicæ INVOCAVIT, in Bonnenſi Ecclesia celebrata.

Statuta Ecclesiæ Colonienſis, editionis Colonienſis anni 1554.

Statutorum D. HENRICI, Archi-Episcopi Colonienſis, ultimorum Capitula, edita in Autumno ANNO DOMINI M.CCC.XXX.

- I. De excommunicatis & criminosis deferendis ad Dominum Archi-Episcopum, seu ejus Officiale.*
- II. Contra detentores Decimarum.*
- III. Ne quis alienigena instituat. ad Ecclesiam, nisi per Officiale admittitur.*
- IV. Ut quilibet Presbyter habeat copiam statutorum.*

HENRICUS, DEI GRATIA, &c. ut supra.

- I. De excommunicatis & criminosis deferendis ad D. Archi-Episcopum seu ejus Officiale.*

Multifarie, multisque modis tam Prædecessores nostri Colonienſes Archi-Episcopi, quam Nos, de tempore in tempus studuerunt, & studuimus, nunc per Canonum Sedis Apostolicæ, nunc per statutorum Ecclesiæ Colonienſis editiones, subditos nostros exhortari, monere, & salubriter informare, ut in se ipsis sciant, qualiter in Domo Dei eos conversari oporteat, & commissæ sibi plebis curam gerere teneantur, cum ad reddendam de his Omnipotenti Deo rationem sint in die judicii obligati. Verum, quia immediate ad Nos spectat eorum negligentiam corrigere, & reformare in hac parte: Nos (ne sanguis eorum de nostris manibus requiratur, tum præcipue, ne quis in peccatis perseveret, sit admonendus, & arguendus, & ad viam poenitentiae reducendus) in nostra Sancta

Synodo, videlicet in crastino Dominicæ INVOCAVIT, proxime præterito, celebrata, Ecclesiarum Rectoribus, eorumque vices gerentibus, per nostras certi tenoris literas super hac confectas, tunc in eadem nostra Synodo publicatas, inter alia meminimus mandasse, ut quilibet eorum Nobis vel Officiali nostro utriusque sexus hominum nostræ Diœcesis nomina in scriptis, si non palam, saltem secreta, prout eis subessent, referrent, qui excommunicationis sententiam per annum, & amplius sustinuerunt animo indurato, in eosdem autoritate statutorum, Canonum, aut judicum quorumcunque promulgatam, & qui in gradibus consanguinitatis, vel affinitatis, vel alias in Ordinibus sacris constituti, vel de Ordine aliquo existentes, contra statuta Canonum, facti apostata, matrimonia contraxerint, publicam usuram exerceant, aut qui sint reatu perjuri, notorie hæretici, vel adulteri manifesti, vel aliis criminibus

bus notoriis, utpote incestu, homicidio, effractionibus, & combustionibus, ac violationibus Ecclesiarum, cœmeteriorum, & immunitatum irretiti, & in delictis similibus perseverantes, & aliorum in mandato nostro super hoc confecto contentorum. Cum itaque præmissis per Nos publicatis, nonnulli Christianitatum Decani ab Officiali nostro, & Ecclesiarum Rectores, & alii ab ipsis Decanis copiam præmissorum, tunc vel postea recipere, & publicare, prout eis sub certa pena in dicto mandato expressa injunximus, neglexerunt: Nos attendentes, quod frustra esset, præcepta Synodalia condere, & publicare, nisi executioni debitæ demandarentur, omnes & singulos Christianitatum Decanos, Ecclesiarum & Capellarum Rectores præsentibus requirimus & monemus, ut intra mensem a data præsentium, eorum, quos in præmissis defectibus, peccatis seu criminibus, vel aliquibus ex eis, eorum statui, vel vitæ contrariis, per evidentiam facti, vel per famam publicam, aut per confessionem propriam persistere, & perseverare noverint, ita quod eorum hoc casu delicta eos notorie suspectos redant, nomina in scriptis, si non publice, saltem occulte, Nobis vel Officiali nostro repræsentent, vel transmittant, sub eorum sigillis clausis, cum assignatione causæ, quare ipsi ad correctionem talium non processerunt, vel procedere nequiverunt, ut tenentur, vel saltem his se excusent legitime, pro sua in his conscientia revelanda: ut Nos aut Officialis noster extunc qualitate, & circumstantiis personarum & peccatorum hujusmodi consideratis, reformationem medicinalem, prout secundum animarum salutem expedire viderimus, Divino suffulti auxilio, circa hoc apponere valeamus, dictique nostri subditi tales notorie delinquentes, in tam notoriis peccatis existentes tamdiu, & præcipue hos, quos sententia suspensionis vel excommunicationis Canonis & statuta jam prolata ligant, in Divinis & aliis vitent, quousque Nostras, aut dicti Officialis nostri reformationis & correctionis literas receperint, de præmissis, & de receptione copiarum præmissorum, & executione dicti mandati, & publicatione juxta dicti mandati tenorem debite facta, si-

dem faciant Nobis, aut Officiali nostro prædicto, intra mensem supradictum. Alioqui ipsos omnes contrarium facientes, aut qui in præmissis negligentes fuerint, aut remissi, exnunc, ut extunc in his scriptis ab ingressu Ecclesiæ suspendimus. Illos vero, qui copiam dicti mandati non receperint, nec executionem ejusdem (saltem in principalibus festivitibus) populo, prout in eodem continetur, fecerint nec publicaverint, justo impedimento cessante, nec intra dictum terminum de hoc impedimento docuerint, & de hoc literas nostras aut Officialis nostri receperint, in his scriptis auctoritate prioris mandati & præcepti, suspensionis sententiam incidisse declaramus, suspensosque volumus & præcipimus exnunc nunciari.

II. *Contra detentores Decimarum.*

Item juxta statutum bonæ memoriæ ENGELBERTI Archi-Episcopi Coloniensis, mandamus, ut quilibet homines decimas, quæ sunt Tributa egentium animarum, & ad hoc a Domino institutæ, ut sint cibus in Domo Domini, Ecclesiis earumque personis debito tempore, & de bonis, & de rebus, de quibus debentur, persolvant. Alioqui eas subtrahentes, & injuriose detinentes, & (velut in aliquibus locis comperitur fieri) prohibentes, ne qui Ecclesiarum decimas, vel ab ipsa Ecclesia recipiant in pensione, vel Prælati, aut Ecclesiis de ipsis decimis respondeant, satisfaciant, vel ducant, vehant, vel ad hoc servitia per se, vel suos præstent, vel veduras conducant, cum talia in derogationem libertatis Ecclesiasticæ præsumantur, quos propter hoc in his scriptis excommunicamus, excommunicationis sententiam incidisse declaramus, excommunicatos volumus nunciari.

III. *Ne quis alienigena instituat ad Ecclesiam, nisi per Officialem admissus.*

Item præcipimus, ne aliquis, ad quem de jure vel consuetudine institutio in Ecclesiis Parochialibus pertinet, aliquem annalem in ea instituat, vel hi, ad quos horum correctio & jura Presbyterorum spectant, hujusmodi annales vel alienigenas, nisi per Nos, aut Officialem

nostrum approbatos, in Ecclesiis vel Capellis nostræ civitatis & Diœcesis admittant, aut etiam celebrare permittant, cum tales (ut frequentius) sub fiducia divagationis suæ (quod, dum pro excessibus suis forent puniendi, non valentes per subtractionem Beneficiorum vel bonorum suorum coarctari, ad alia loca se transferant præsumptione temeraria) cæteris audacius in locis interdictis more stipendiariorum, Divina prophanare & alia multa illicita perpetrare non formidant in Dei offensam & scandalum plurimorum. Nam hujusmodi annales & alienigenas, contra hæc se regimini Ecclesiarum & Capellarum ingerentes, nunc, & pro tempore existentes (quos, nisi ab his destiterint, & abstinerint, monitione decem dierum præmissa, in his scriptis excommunicationis sententia innodamus) excommunicatos per Decanatus singulos, in quibus hæc attentaverunt, ab Ecclesiarum Rectoribus præcipimus nunciari. Per hoc autem non intendimus prohibere, quin Ecclesiarum & Capellarum Rectores possint, & debeant recipere & habere Capellanos & socios, qui eis in regimine Ecclesiarum & Capellarum suarum assistant, prout hæcenus est consuetum.

IV. *Ut quilibet Presbyter habeat copiam Statutorum.*

Item, quia (ut supra dicitur) paucurant ea, quæ statuuntur & præcipiuntur observari, ex eo præcipue, quia statutorum, & præceptorum copiam non recipiunt, neque habent: præcipimus, ut juxta D. SIFRIDI Archi-Episcopi Colonienfis Prædecessoris nostri statutum, quilibet Presbyter Ecclesiam vel Capellam

officians, vel plebem regens, procuret & efficiat cum effectu, ut statutorum, & præcipue Provincialium nostrorum, & præmissorum copiam habeat de verbo ad verbum, ut eam frequentius legens, sciat ex eisdem, ad quid teneatur. Ipsamque copiam, quoties ad Synodum venerit, in manu sua secum deferat, & in Synodo aperte in manibus teneat. Alioqui contrarium facientes, sciant se ob hoc excommunicationis sententiam incidisse. Præmissa a dictis Christianitatibus Decanis, sub Officialitatis Curie nostræ sigillo intra mensem a data præsentium per copiam recipi, & in Capitulis suis proximis sub sigillis eorundem Decanorum singulis Plebanis per copiam ulterius tradi, & ab ipsis Plebanis recipi volumus, & saltem in quatuor Festis principalibus anni in Ecclesiis Parochialibus, dum intra mensem aderit populi multitudo, publicari. Alioqui contrarium facientes, & hæc improvide & temerarie negligentes, quos propter hoc extunc, ut exnunc, monitione sex dierum præmissa, in his scriptis ab Officio Divinorum suspensiones haberi, & denunciari volumus pro suspensis, & per Officialem nostrum, seu Procuratorem Curie nostræ contra eos procedi via juris. Item quorum testimonium, præsentibus literas sigilli nostri appensione fecimus communiri. Pronunciatum, lectum, & datum in hac Sancta Synodo, Priorum, & Cleri civitatis & Diœcesis Colonienfis, copia præsentis: Anno Domini Millesimo recentissimo trigésimo, crastino B. Remigii in Ecclesia Bonnenfis celebrata.

Statuta Colonienfis editionis Quenteliana
A. 1554.

CONCILIIUM HERBIPOLENSE

Anno Christi MCCCXXX. Joannis XXII. Papæ XIV.
Ludovici Bavari Regis XVI.

WOLFRAMUS, (a) DEI GRATIA, HERBIPOLENSIS ECCLESIAE EPISCOPUS, UNIVERSIS ET SINGULIS PRÆPOSITIS, DECANIS, ARCHI-DIACONIS, ABBATIBUS, PRIORIBUS &c.

I. *De prava consuetudine.*

Dereftanda consuetudo in locis plurimis nostræ Civitatis, & Diœcesis,

inolevit, quod uno conjugum ante inthronizationem mortuo, alter superstes cum mortuo, juxta feretrum, in quo pos-

positus est, a nonnullis Sacerdotibus, ac si ambo viverent, inthronizatur; cum igitur, juxta Apostolum, mortuo viro, mulier sit a lege viri soluta; talia fieri de cætero prohibemus.

II.

Nonnulli Sacerdotes simplices, Sacramentum Confirmationis in mortis articulo præsumunt fidelibus exhibere, quod ab Apostolorum temporibus fuit solis Pontificibus reservatum, ad excusandas excusationes in peccatis, solam consuetudinem prætendentes; unde omnibus Presbyteris districtius inhihetur, ne talia de cætero sua temeritate attemptent, præsertim cum umbra quædam ostendatur in opere, veritas autem non subeat in effectum.

III. De Raptoribus.

Quia ex Statuto *Concilii Provincialis Moguntini* edito & promulgato contra spoliatores rerum & personarum Ecclesiasticarum, Ecclesiasticis personis civitatis, & Diocesis, ac Provinciæ Moguntinæ, (ut credimus) sufficienter proviſum non existit; de consilio igitur Prælatorum, & Capituli Ecclesiæ nostræ pro utilitate subditorum nostrorum, scilicet Ecclesiasticarum personarum eidem statuto duximus, auctoritate ordinaria, annexendum; quod non solum in locis civitatis & Diocesis nostræ, ad quæ dictum spoliū deducitur, verum etiam in illis locis, in quibus res Ecclesiasticarum personarum, absque mandato Judicis Ecclesiastici competentis, occupari, arrestari, detineri, aut offerri, seu distrahi, domus etiam eorum, sive quæcumque ædificia demoliri contigerit, in eisdem locis cessetur ab officiis Divinorum, sub pœna in eodem Concilio Provinciali expressa.

IV. De Tutoribus & Curatoribus.

Ubi majus periculum vertitur, ibi præcū dubio consultius, aut cautius est agendum; cum itaque experientia magistra rerum efficacem manifestat, quod tutela pupillorum, nec non, curæ adutorum minorum, sæpe sæpius in non modica, imo gravia patrimoniorum, sive

substantiarum ipsarum minorum, suorum parentum industria, laboribus studiis, ac multis variis casibus solite ut plurimum conquisitarum, dispendia, ac detrimenta (*vergant*), perutili juris dispositione circa hoc ullatenus non attenta, per ipsorum minorum Curatores plerumque suspectos, desides, & remissos, absque curiosa (*b*) literas nostri, aut Vicarii nostri in Spiritualibus pro tempore existentis sigillorum appensione communitas, vobis duxerint ostendendas, non obstantibus literis visionis, *vidimus* communiter nuncupatis, Prælatorum & personarum quarumcunque.

V.

Præcipimus: quod nullus Archidiaconorum extra civitatem Herbipolensem, sine licentia nostra, aliquem habeat Officialem, seu causas aliquas nisi valde modicas decidentem; & quia, ubi majus periculum vertitur, cautius est agendum; sub pœna excommunicationis specialiter inhibemus: quod nulla causa matrimonialis, in qua consilium peritorum magis, quam in aliis necessariū habetur, extra dictam civitatem aliquāter decidatur; alioquin etiam taliter judicantes suspensos manere volumus, donec de transgressione hujusmodi Nobis emendam fecerint sufficientem.

VI.

Licet Archiepiscopus in subditos Suffraganeorum suorum, exceptis quibusdam casibus in jure expressis, nullam prorsus habeat potestatem; nonnulli tamen vestrum, per simplicem juris ignorantiam, consuetudinem onerosam, in nostræ jurisdictionis & honoris non modicam derogationem, & omnium vestrum quoque præjudicium, inducere minus provide præsumentes, ipsius Domini Archiepiscopi, & judicium suorum delegationem, passim suscipiunt, præcepta exequuntur, & in causis per appellationem ad eos devolutis, testimonium ferunt, contra Prædecessorum nostrorum statuta super eo in *Synodis*, quas celebraverunt, promulgata. Ne igitur ex hujusmodi consuetudine subrepticia quisquam de jurisdictione nostra in posterum sibi contra statuta Canonum

(a) Wolframmas a Grumbach, Episcopus XLIX. Herbipolensis, sub Ludovici Bavari motibus rebelles cives expertus: Sedit ab A. 1322. ad 1333. quo obiit. *Bucelinus Germaniæ Sacræ Parte I.*

(b) Hiatus hic est in MS.

quicquam vendicat vel usurpet, vobis universis, & singulariter singulis mandamus in virtute sanctæ obedientiæ, & sub pœna excommunicationis latæ sententiæ, quatenus deinceps nullus vestrum Domini Archiepiscopi Moguntini, seu iudicum suorum prædictorum mandata, seu præcepta aliquatenus exequatur, seu mandatis & præceptis eorum obediat vel intendat, exceptis dumtaxat casibus infra scriptis.

Casus autem, in quibus Archiepiscopus jurisdictionem in subditos Suffraganeorum suorum habet, sunt hi:

1. Cum deviat in Divinis Officiis a consuetudine Metropolitana Ecclesiæ, nisi contraria consuetudo, & rationabilis obviet ex adverso.

2. Si subditus delinquit in ejus Dicecesi, aut habet domicilium in ea.

3. Si causa deferatur ad eum per appellationem; aut cum absolutus ab Archiepiscopo, non vult parere Episcopo, videlicet: postquam subditus de injusta excommunicatione de Episcopo suo conquerens, fuit ab Archiepiscopo Canonice absolutus, Episcopo super eo, de quo fuit excommunicatus, satisfacere contempserit, extunc Archiepiscopus potest ipsum subditum Episcopi in pristinas excommunicationis sententias reintrudere.

4. Si causa triennalis est inter Episcopum, & Clericum suum, tunc causa illa debet deduci in Synodo, in qua præest Archi-Episcopus.

5. Si Clericus habet civilem causam contra Archiepiscopum suum.

6. Quando Canonici, absque manifesta & rationabili causa cessaverunt a Divinis, maxime in contemptum Episcopi, tunc Metropolitanus ad querelam ipsius, tanquam a Sede Apostolica super hoc delegatus, cognita veritate, ipsos poterit castigare.

7. Quando Episcopus est negligens in eo, quod ipse facere deberet, hoc est videlicet: quando Metropolitanus constituit Oeconomus, quos Episcopus neglexit habere in sua Ecclesia; Oeconomus autem dicitur, cui res gubernandæ mandantur.

8. Si aliquis conqueratur Superiori de injusta sententia excommunicationis,

& appellatur post excommunicationem, præstita cautione de stando mandatis Ecclesiæ, est in optione Superioris, an velit absolvere eum, an remittere eum ad absolvendum ad eum, a quo appellavit, præmissa tamen cognitione, quod ex iusta causa appellatum & ex vera, alioquin non transfertur jurisdictio ad Archiepiscopum, nec ipsum absolvere possit; si vero non appellavit, sed per simplicem querelam ipsum adivit, debet eum remittere ad inferiorem, ut ipsum absolvat: & si inferior ipsum absolvere nolit, Archiepiscopus eum absolvat, & si periculum effer in mora propter huiusmodi remissionem, statim eum absolvat. Si quis proponat post appellationem legitime interpositam se excommunicatione fuisse innodatum, vel in forma excommunicationis intolerabilem errorem fuisse patenter expressum; in causis istis primo admittitur probatio, ut appareat, an absolvi debeat, an denunciari non ligatus? si autem in istis casibus absolutio impendi petitur ad cautelam, necesse habet appellans probare primitus appellatum intra decendium, quamvis adhuc de veritate causæ non constet.

9. Qui conqueritur coram Superiore excommunicantis, se irrationabiliter excommunicationi vel interdicto suppositum, & offert se ad iustitiam de his, pro quibus sententiam ipsam accepit; Superior periculo imminente, ne in excommunicatione decedat, poterit absolvere, non obstante appellatione illius, qui ipsum excommunicavit.

VII. De Penitentia.

Sunt nonnulli Sacerdotes, tanta simplicitate seducti, quod in casibus poenitentes ad introducendum dumtaxat in Cœna Domini ad Nos transmittant, credentes: quod ad absolutionem illorum casuum sola introductio, sine confessione Nobis, seu Penitentiariis nostris facienda, sufficiat tunc eisdem; quorum quidem talium Sacerdotum simplicitatem, quod ad hoc, valde reprehensibilem iudicamus, statuentes & mandantes vobis universis & singulis, ut taliter poenitentibus, in confessionibus vobis fiendis, specialiter injungatis: ut tales casus, antequam introducantur, No-

Nobis, seu Pœnitentiariis nostris detegant confitendo, ut abolitionis Beneficium consequantur.

Datum Herbipoli in Synodo. Anno MCCCXXX. mense Martio.

Ex Schedis P. Joannis Gamans Soc. Jesu. Juliacensis ex Newenaar. mortui 1684. Aschaffenburgi descripsit Cl. Schannat b. m.

PADERBORNÆ SYNODUS

Anno Christi MCCCXXXI. Joannis XXII. Papæ XV. Ludovici IV. Regis XVIII.

NOS BERNARDUS, (a) Dei Gratia, Episcopus, Wernherus Præpositus, Gotscalcus Decanus, Fredericus Scholasticus, Conradus Cantor, Raynherus Cellerarius, & totum Capitulum ac singuli Canonici de Capitulo Paderborn. statum, qualitatem & conditionem Ecclesiæ nostræ ad animum, & memoriam reducentes inter alia negotia Nobis incumbentia, quæ Nos movent, & vehementer exagitant, videmus, quod ex variis causis, quæ sigillatim, & specialiter exprimi, seu designari nequeunt, multipliciter fatigamur, & quod præter alia incommoda Nobis advenientia multis personis partim minus idoneis, & inutilibus diversimode prægravamur, nam plerique, sicut eis placet, imperrant, procurant, & laborant, se fieri Canonicos, & se recipi in Ecclesia nostra & per mendosa suffragia, quod sint viles, inutilis, & aliquando inhabiles; in auribus Superiorum nostrorum se dignos, nobiles, potentes, & literatos mentiuntur, ut sint saltem sub aliqua specie laudis, & sub colore tituli confecti, præter aliqua juris amminicula, in nostris Præbendis & Beneficiis, quod absque præjudicio nostro, & absque gravi dispendio Ecclesiæ nostræ fieri nequit. Excedunt etiam aliqui eorum in processibus fines juris, & metas rationis in tantum, quod si hæc & his similia ad Summi Pontificis cum veritatis noticia præsentium deferrentur, multos ex eis potius dignos supplicii quam Beneficiis judicaret. Ut igitur

talibus malignis conatibus, prout Nobis est possibile, & in quantum decet, occurrere ratione prævia valeamus, matura super hoc deliberatione inter Nos sæpe, ac diu præhabita decrevimus, & in hoc pariter, & communiter conveniendo concordavimus, quodsi aliqui cujuscunque dignitatis, conditionis aut status existant, qui apud Nos beneficiari desiderant, & scientia, moribus, ætate, natalibus, vel alias ex qualibet iusta causa minus idonei reperiuntur, aut si per falsos, indebitos, inordinatos, iniquos, seu abruptos processus, vel per executiones, seu per alia gravamina juris & rationis fundamento carentia, Nos Episcopum, Prælatos de Capitulo, & Capitulum Ecclesiæ Paderborn. prædictos pariter, & divisim molestare seu impetere super præbendis seu Beneficiis nostris eis conferendis qualibet occasione præsumperint, talibus præsumptoribus communi voto, communibus expensis, communi defensionis præsidio, per debita, licita, & honesta juris & justitiæ remedia occurreremus. Per hoc etiam præsens factum non intendimus ab obedientia Sedis Apostolicæ recedere, vel quidquam aliud attentare, in cujus rei evidentiam sigilla nostra præsentia literæ de voluntate & consensu omnium nostrum publicè sunt appensa. Actum, & Datum IV. Calend. mensis Junii Anno Domini Millesimo trecententesimo tricesimo primo.

Sebatenus Annal. Paderbornens. L. XIII.

AD

- (a) Bernardus, Episcopus XXVIII. hoc nomine, V. Comes Lippienfis, postquam per anniversarias Synodos, & Diocesis lustrationem, Ecclesiæ disciplinam formasset, ne quid in primario etiam Clero desideraretur, in Concilio vocat Præfules & Canonicos majoris Ecclesiæ, eorumque simul judicio, & voluntate certa utiliaque decreta VI. Calend. Julii præscripsit, qui libro Statutorum continentur, in quo hocce per quam laudabile: *De coercendis a Collegio majoris Ecclesiæ, quotquot indigni, sint minus idonei censerentur.*

Tornus IV. Concil. German.

R r

AD ANNUM CHRISTI MCCCXLIII. CLEMENTIS VI. PAPÆ II.
LUDOVICI BAVARI REGIS XXX.

Utrumne BALDUINUS Episcopus noster, Fratr̃is Dynastæ Steinfel-
dantis bello se miscuerit, incertum
est; id certo constat, eum hoc anno *V. Idus Septembris*, convocato Primariū Cleri sui
Concilio, decretum Bernardi V. Episcopi,
& Capituli innovasse, de indignis inpo-

sterum in Collegium Canonicorum non
admittendis. Id uti jam a Nobis rela-
tum est ad annum MCCCXXXI. Ita eo-
dem prope verborum tenore repetitum
sancit.

*Schætenus Annal. Paderbornens. ad an-
num 1343.*

ANNO CHRISTI MCCCXLIII. CLEMENTIS VI. PAPÆ II.
LUDOVICI BAVARI REGIS XXX.

Statutum Paderbornense de Festo Immaculatæ Conceptionis B. M. V.

Nec minus laudabile Balduini, Epi-
scopi Paderani, decretum, ex eo-
dem *Præfatum & Canonicorum suorum Consi-
lio*, quo festum Conceptionis B. Virginis
diem solemnī ritu per Diocesin Pader-
bornensem celebrandam sanxit. Quippe
Eximius inter Episcopos B. V. cultus ob-

servatus. Balduini & Canonicorum no-
strorum exemplo, Ludovicus Monaste-
riensis Episcopus septennio post, Festum
Virginis sine originis labe conceptæ diem
per suam Diocesin celebrem præscripsit.

*Schætenus Annal. Paderbornens. L. XIII.
pag. 303. ad hunc annum.*

CONCILIIUM WRATISLAVIENSE

SUB NANKERO EPISCOPO,

Anno Christi MCCCXXXI. Joannis XXII. Papæ XVI.
Ludovici Bavari reg. XVI.

IN NOMINE DOMINI. AMEN.

NANKERUS, DIVINA ET APOSTOLICÆ SEDIS PROVIDENTIA,
EPISCOPUS WRATISLAVIENSIS, AD PERPETUAM REI MEMORIAM.

I. **A**varitiæ cæcitas & damnanda cu-
piditatis improbitas, ita quo-
rundam animos occuparunt, ut absti-
nere nesciant a vetitis, nec debito modo
gaudere concessio. Nonnulli siquidem
Sacerdotes & Ecclesiarum Rectores Vra-
tislaviensis Diocesis, temeritate pro-
pria derelictis suis Ecclesiis, in quibus
residere deberent, & curam rerum ge-
rere per se ipsos; temporalis lucri gra-
tia, in aliis Ecclesiis Vicarios se consti-
tuunt & Ministros, ut, cum vix unum
officium adimplere sufficiant, stipendia
sibi vendicent plurimorum. Sunt &
alii quam plures Clerici, qui etsi pro-
pria Beneficia Ecclesiastica non habeant,
quodam tamen negociationis genere vi-
ces & Ecclesias aliorum sub annuo cen-
su contra Canonica statuta recipiunt.

Sic quod una persona taliter duas Eccle-
sias, & duæ vel tres personæ reperiantur
interdum unam Ecclesiam conduxisse.
Quapropter animarum periculis & scan-
dalis gravibus, quæ frequenter ex his
tam nefandis abusibus proveniunt, op-
portunis remediis obviare volentes, non
tam nova cudendo, quam vetera recen-
sendo; de Fratrum nostrorum consilio,
ut dampnabilis divagandi, & negociatio-
nis materia Clericis subtrahatur, distri-
ctius prohibemus:

II. Ne de cætero aliquis maxime
Parochialis Ecclesiæ Rector, se a Bene-
ficio suo absintare, & alienare præsu-
mat; nisi forte Ecclesiæ nostræ Canoni-
cus Parochialem Ecclesiam habeat,
quem præsertim apud majorem Ecclesi-
am residentem in hac parte congruit ex-
cusari.

III. Illis

III. Illis autem, qui se a suis Ecclesiis absque nostra licentia absentarunt, in virtute sanctæ obedientiæ præcipimus, ut infra sex menses a publicatione præsentium computandos, ad ipsas suas Ecclesias, ut eisdem debita præstent obsequia, revertantur: alioquin infra annum extunc inchoandum eosdem absentes a perceptione proventuum Ecclesiasticorum seu Beneficiorum ipsorum, eo ipso volumus penitus fore suspensos: ad quos si infra illud tempus propria temeritate, vel alio quæsito colore se ingesserint, illi similiter cum Ecclesiis ipso jure perpetuo sint privati.

IV. Sane cum juxta Canonicas sanctiones una Ecclesia unus esse debeat Sacerdotis, præsentem etiam prohibemus edito, ne de cætero Sacerdos aliquis duas vel plures in nostra Dicecesi Ecclesias possideat, neque duo vel plures Sacerdotes unam Ecclesiam (alicujus etiam a nobis abessendi licentiam obtinentis) conductionis titulo sibi quærant, vel quæstas obtinere præsumant. Alioquin quicumque contrarium in hac parte reperti fuerint attentare, pecunias, quas pro Ecclesiis hujusmodi Conductores Ecclesiarum ipsarum locatoribus dederint, aut dare præsumperint, prorsus amittant: illas autem extunc dandas ad nostræ fabricam Ecclesiæ deputamus.

V. Mandantes, ut Archi-Diaconi nostri, in quorum Archi-Diaconatibus Sacerdotes in his reperti fuerint excessisse, pecunias hujusmodi exigant & recipiant, ac easdem Procuratoribus Uratislavien. nostri Capituli repræsentent, in usus dictæ fabricæ fideliter convertendos.

VI. Ad hæc quia plerique Ecclesiarum Rectores, Vicarii, ac alii Clerici nostræ Uratislavien. civitatis & Dicecesis, propriæ salutis immemores, & maxime fidelitatis & obedientiæ juramenti, quod in sacrorum receptione Ordinum præstiterunt, obliti, Majoribus & Prælatibus suis, ac aliis, quorum jurisdictioni & Imperio sunt subiecti, reverentiam & obedientiam debitam, quam tenentur,

exhibere contemnunt: in eo maxime, quod cum eisdem Rectoribus, Vicariis, & aliis Clericis, aut aliquibus eorum per Nostras, vel per nostri Uratislavien. Capituli literas; aut aliorum, qui jurisdictionem habere noscuntur, aliquid præcipitur exequendum, hoc nonnulli vel omnino respuunt exequi, vel tam negligenter ac tepide exequuntur, quod exinde nullus, vel modicus fructus, aut utilitas subsequatur: sed & alii præ quadam solum apparentia sigillis eorum signant quidem literas a iudicibus sibi missas, sed in executione mandatorum, seu injunctorum amplius non procedunt, umbram quandam ostendentes in opere, cum veritas non subeat in effectum. Ex qua re multipliciter, quod cum dolore referimus, Ecclesiarum & Cleri, tam Religiosorum, quam sæcularium jura depereunt, perverforum crescit audacia & judicialis auctoritas cum justitia evanescit.

VII. Volentes igitur negligentiam & rebellionem illorum, quos ad bonum obedientiæ virtutum præmia non inducunt, tam adjectarum exaggeratione pœnarum, quam adjiciendarum de novo, formidine coercere; De Fratrum nostrorum consilio statuimus: ut quicumque civitatis vel Dicecesis Uratislavien. Clericus in Superioris seu Judicis mandato sibi ad exequendum misso, negligens fuerit & remissus, trium marcarum usualis pecuniæ pœnam incurrat, solvendarum illi iudici, cujus mandatum quis repertus fuerit contempsisse. Et ad interesse illi nihilominus teneantur, ad cujus instantiam mandatum hujusmodi emanasse constabit.

Volumus autem, ut quoties in executione mandatorum iudicis alicujus contumax quis fuerit & rebellis, toties dictam pœnam nequaquam relaxandam incurrat, gravius nihilominus puniendus, prout protervitas exegerit contumacis.

Lunig Continuatione II. Spicilegii Ecclesiastici pag. 1178.



CONCILIIUM WRATISLAVIENSE

EODEM ANNO.

IN NOMINE DOMINI AMEN.

NANKERUS, DEI GRATIA, EPISCOPUS WRATISLAVIENSIS,
AD PERPETUAM REI MEMORIAM.

I. **H**orrendorum excessuum execrabilis, & multa præsumptio modernis temporibus impunitatis licentia (peccatis exigentibus) sic excrevit, quod nec Ordini Clericali parcitur, nec Divinæ Majestati defertur. Ecce enim prout frequens dolorosa multorum Nobis insinuatio demonstravit, dum interdum de Clero nostro aliqui Sacerdotes vel Clerici seculares, sive etiam Religiosi, per Nos vel per nostrum Uratislaviense Capitulum, seu Officiale nostrum, aut alios, qui jurisdictionem habere noscuntur, pro exequendis mandatis in negotiis Ecclesiasticis ad aliqua certa Diœcesis nostræ loca mittuntur; civitatum aut locorum hujusmodi consules; ac alterius sæcularis gerentes officium potestatis, tamquam honoris, & Ecclesiasticæ dignitatis invidi, libertatem & immunitatem ac alia jura Ecclesiastica suffocare, aut perimere moliantur, Clericos sive Sacerdotes in executione sic missos, injectis in ipsos sic manibus, sacros capiunt, & ablati ipsis literis, quas portant, gravibus ipsos injuriis afficiunt, & ne injecta sibi mandata præsumant exequi, diras minas & terrores ac perditionem rerum, & corporis cruciatum eis incutere non verentur. Nos igitur tam nefandis ausibus, de Fratrum nostrorum consensu, remediis, quibus possumus, occurrere cupientes, mandamus in virtute sanctæ obedientiæ, firmiter injungentes, ut in quacunque civitate, villa vel castro, vel alio loco nostræ Diœcesis, aliquis Clericus vel Sacerdos in executione mandati Ecclesiastici Judicis captus, vel vulneratus, interfectus, aut aliter enormiter molestatus fuerit, juxta tenorem Constitutionis bonæ memoriæ THOMÆ SECUNDI Prædecessoris nostri; non solum in civitate, vel in loco, ubi malum hujusmodi, seu molestiam ipsam Clerico illatam constiterit: sed in tota sede Archi-Presbyterali loci illius, teneatur Ecclesiasticum interdictum, postquam de injuria & mo-

lestia dicto executori illata, Reſtori Ecclesiæ seu loci illius Archi-Presbytero fuerit intimatum, & Patratores præsumptionis ejusdem, in omnibus Ecclesiis sedis ejusdem, per Ecclesiarum Rectores excommunicati ipso facto damnoſo publice nuntientur singulis diebus Dominicis & Festivis, tamdiu, donec injuriam passo & Ecclesiæ per eosdem sufficienter fuerit satisfactum.

II. Adjicimus insuper: si Clericus seu Sacerdos in executione prædicta captus & vulneratus, aut aliter læsus graviter, vel quod absit, occisus fuerit; statuimus, nisi læso & Ecclesiæ, infra mensem extunc proxime subsequenter de offensa hujusmodi sufficienter & plene fuerit satisfactum, si quos dicti malefici patratores filios habuerint, vel nepotes, his & omnibus ex sexu virili descendentibus, ab iisdem usque ad tertiam generationem, Clericalis Ordinis & Officii & Beneficii Ecclesiastici simulque dignitatis in tota nostra Diœcesi janua sit præclusa.

*Contra Violatores dierum Dominica
& Festos.*

III. **N**ANKERUS &c. Licet Sacrosanctæ Romanæ Ecclesiæ Matris, omnium Fidelium & Magistræ, Sanctorumque Patrum providentia circumspecta, quæ actibus intenta salubribus & operibus exposita pietatis, libenter & solerter exequitur, quæ sunt Dei, sollicita & digna consideratione ad Divini muneris honorem, exaltationem Catholicæ fidei, & salutem fidelium, ac quietem, diebus Dominicis & aliis præcipuis Festivitatibus, ab omni opere illicito, & servili statuerit abstinendum, & in illis cum veneratione debita Divinis obsequiis insistendum: Nonnulli tamen nostræ Diœcesis salutis suæ immemores, quod dolentes scribimus, tam salubre statutum hujusmodi seu præceptum, præsumptione diabolica transgredi non verentes

rentes, celebritatem in ipsis diebus Dominicis & quibusdam Festivitatibus aliis violare damnabiliter, simul in unum divites & pauperes non formidant; neglectis enim Divinis obsequiis, pro faciendo mercimonio alii forum visitant, lucris solum temporalibus inhiantes, sed & alii cæteris variis & diversis operibus illicite tunc incumbunt, quibus peccatis exigentibus non immerito Divinæ magnificentia Majestatis offenditur, & ad flagella iracundiæ, si sane perpenditur, provocata, mundum, in præsentiarum plagis variis afficit & castigat. Volentes itaque de Fratrum nostrorum consilio malis hujusmodi (ne ea per patientiam approbare videamur) opportunitis, quibus possumus, remediis obviare; Mandamus vobis Eccles. Rectoribus tam Religiosis quam sæcularibus, omnibus & singulis in virtute sanctæ obedientiæ firmiter injungentes, quatenus deinceps in vestris Ecclesiis, singulis diebus Dominicis & Festivis, ex parte nostra in virtute sanctæ obedientiæ & sub pena excommunicationis, vestris Parochianis districtius injungatis, ut omnes dies Dominicos, cæterosque dies Festos Majestati altissimæ deputatos; nec non & Festivitates alias, ob Sanctorum reverentiam institutas, quæ in nostra Diœcesi *ex antiquo* sunt celebres observatæ, *de vespere in vespere* cum omni veneratione celebrent & observent: sicquod in illis & maxime diebus Dominicis aliisque præcipuis Festivitatibus mercatum non faciant, nec aliud quodvis opus illicitum operentur. Universitati autem vestræ committimus & mandamus, quatenus quilibet vestrum in sua Parochia rebellionem illorum, qui Divini timoris, & suæ salutis immemores in aliqua dierum vel Festivitarum hujusmodi de cætero celebritatem præsumpserint violare, monitione præmissa, per excommunicationis sententiam teneantur compescere, & punire, Nobisque eos, qui incorrigibiles fuerint, nunciare. Archidiaconis vero nostris Uratislaviens. per suos Archipresbyteros & alios injungimus firmiter, & mandamus, quatenus quilibet ipsorum per Archidiaconatum suum in singulis sedibus Archipresbyteratus per suos Archipresbyteros hoc nostrum mandatum præsentibus literis his contentum, faciant in Ecclesiis publicari; ne aliquis per ignorantiam se valeat excusare.

Contra celebrantes Divina publice stante interdicto.

IV. Præterea sunt nonnulli, ut accepimus tam Religiosi, quam sæculares Clerici, famæ suæque prodigi salutis, *tempore interdicti* non clausis Ecclesiarum januis sed apertis, ac personis in Ecclesiis ipsis frequenter consistentibus, in Sacristia vel in Choro, licet pro tempore brevi clauso, Missas, & alia Divina Officia voce omnino non submissa celebrare præsumunt, nec tamen per hoc *interdictum* se reputant violasse; licet autem per constitutionem Domini BONIFACII PAPÆ OCTAVI, quolibet die possint Missas, & alia Divina Officia celebrare: hoc tamen non licet eis, nisi januis Monasteriorum & Ecclesiarum clausis ac excommunicatis & interdictis exclusis, quibus etiam extra Ecclesiam stantibus, per cancellos & fenestras non licet respicere Corpus Christi, vel quicquam aliud, quod agitur in Altari, vel legentium etiam voces audire. Universitatem ergo vestram hortamur in Domino, & nihilominus in virtute sanctæ obedientiæ districtè mandamus omnibus, ut in hoc vestræ salutis pariter & honori cautius præcavere curetis, ne incaute per violationem interdicti, vestrum aliquis irregularitatis laqueo se involvat, a quo nequaquam poterit alio modo, quam per Sedem Apostolicam liberari.

V. Sane quoniam peccatis exigentibus undique mala plurima nos perturbant, credimus non immerito ad omnipotentem Deum nostrum humilibus & devotis precibus recurrendum, ut, qui culpis offenditur, poenitentia & precum humili supplicatione placetur. Igitur de Fratrum nostrorum consilio statuitur & mandamus, quatenus in nostra Ecclesia Cathedrali, nec non in omnibus & singulis Parochialibus Ecclesiis civitatis & Diœcesis Uratislaviens. jugiter de vespere circa crepusculum, omni die de cætero tribus vicibus ad unam partem brevibus intervallis campana pulsetur, ut omnes & singuli Christi fideles ad campanæ sonitum, flexis genibus gratiam matris gratiæ invocantes, & AVE MARIA dicentes, pro bono statu Ecclesiæ & pace terrarum

nostrarum deprecentur. Omnibus enim quicumque devote sic pro pace & bono statu Ecclesiæ & terrarum, Dominum Jesum Christum, &, gloriosam Matrem ejus tunc exoraverint, de Omnipotentis Dei confisi clementia, *quadraginta dierum indulgentiam* impartimur. Quod salutare statutum præcipimus ab omnibus & singulis Ecclesiarum Rectoribus &

Prelatis, coram suis plebibus tribus saltem diebus Dominicis sollemniter publicari.

Ista sunt, quæ constituit Dominus Nankerus Episcopus Uratislaviensis sub Anno Domini Millesimo trecentesimo trigesimo primo.

Lunig Continuatio II. Spicilegii Ecclesiastici pag. 1179.

CONCILIIUM TREVERENSE

Anno Christi MCCCXXXVIII. Benedicti XII. PP. IV.

Ludovici Regis xxiv. Imp. ix.

BALDWINUS, (a) DEI GRATIA, ARCHIEPISCOPUS TREVIRENSIS &c. UNIVERSIS PRÆLATIS, PRÆPOSITIS, ARCHI-DIACONIS, DECANIS, NEC NON CLERICIS, ALIISQUE BENEFICIATIS, ET IN SACRIS ORDINIBUS CONSTITUTIS, SUARUM CIVITATIS, ET DIOECESIS TREVIRENSIS, QUIBUSCUMQUE IN CHRISTO SIBI DILECTIS, SALUTEM ET SINCERAM IN DOMINO KARITATEM.

Licet curis Nobis undique affluentibus, sollicitemur innumeris, ad illa tamen intuitum nostræ considerationis dirigimus intensius, per quæ actus & mores Clericorum, quorum vita & conversatio aliorum sunt norma & exemplum, in melius reformatur. Sane, jam dudum pro reformatione actuum, & morum Clericorum nostrarum civitatis & Dioecesis Trevirensis, ac honesta conversatione eorundem, quæ interioris mentis est indicium, nonnulla *Statuta* salubria, & sacris Canonibus fulcita, duximus publice promulganda, statuendo videlicet: quod Clerici quicumque nostrarum civitatis, & Dioecesis Trevirensis decenter incederent in habitu, calceis, caligis, corona, & tonsura Clericali, quodque nullus Canonicus, aut Beneficiatus, vel etiam quicumque Clericus in sacris Ordinibus existens, vestimentis, vel capitiis uteretur, quibus manicæ vel fimbriæ, aut aliæ extremitates, seu scissuræ vestimentorum vel caputiorum cum eisdem vestimentis seu capuciis in colore notabiliter discordarent, & specialiter, ne capucia eorum auro, vel argento, vel aliis quibuscumque appositionibus, a panno diversis, componerentur, seu scinderentur, & ne etiam Wardecociis

cum longis manicis, maxime ultra brachium protendentibus uterentur, & quod Wardecocia, seu tunica superior, breves aut strictas nimium non haberent, sed quod Wardecociis & tunicis superioribus saltem ultra medietatem Suræ, seu musculi cruris protendentibus uterentur; quodque insuper cincti super vestem superiorem non incederent, nisi dum se ad iter præpararent, vel essent in itinere constituti, & quod capillos disjunctos in medio frontis, aut longos nimis non deferrent, & quod tunicis superioribus nodos a panno tunicarum in colore discrepantes non deferrent, maxime ante pectus & locis aliis, Clericis inconsumetis; Statuimus etiam, & ordinavimus nonnulla alia statum, salutem, & honestatem dictorum Clericorum respicientia, prout in eisdem statutis per Nos editis & solempniter publicatis videri poterunt hujusmodi plenius contineri.

Verum: nonnulli ex prædictis Canonicis, & Clericis prædicta nostra statuta, quamvis ipsis salubria, (b) Ecclesiæ, ad quam secundo præsentatus fuit, pacifice fuerit adeptus, primam Ecclesiam dimittat realiter & resignet; quod si per quemcumque Archi-Diaconum nostrarum

(a) Baldwinus, Comes Luxemburgensis, postulatus Treverensis Ecclesiæ Archi-Episcopus anno 1307. defunctus A. 1354. 2. Jan. Frater Henrici VII. Romanorum Regis.

(b) *Hiatus hic est in MS.*

rum civitatis, & Diœcesis Trevirensis, seu aliquem alium, ad quem jus investiendi pertinet, factum fuerit, id ex nunc decernimus irritum & inane, & nihilominus contra ipsos hoc præsens nostrum statutum non servantes per poenas Canonicas procedemus.

Per præmissa autem, quæ ad præfacti Cleri correctionem, & emendationem excessuum, qui inter ipsos communis irreperant, specialiter statuenda providimus, veniendi contra salutaria Sacrorum Canonum, vel etiam nostri Concilii Trevirensis instituta, habenas sibi non intelligant esse laxatas, imo eadem statuta, prout salubriter instituta noscuntur, universum Clerum, Nobis subiectum, volumus cum omni obedientia & reverentia firmiter observari.

Datum Treviris, Anno Domini MCCCXXXVIII. die VIII. mensis Aprilis, & publicatum in vigilia Paschæ.

II.

BALDEWINUS, DEI GRATIA, ARCHIEPISCOPUS TREVIRENSIS &c. UNIVERSIS ABBATIBUS, PRIORIBUS, AC ALIIS PERSONIS MONASTERIORUM ORDINIS, SEU RELIGIONIS S. BENEDICTI, PER SUAS CIVITATEM, ET DIOECESIM TREVIRENSEM CONSISTENTIUM, IN CHRISTO SIBI DILECTIS, SALUTEM ET SINCERAM IN DOMINO KARITATEM.

Inter cæteras sollicitudines, nostris humeris incumbentes, illud potissimum insidet cordi nostro, ut Sacra Religio, quam & plantare, plantatamque fovere ex injuncto Nobis Officio utique tenemur, in Divini cultus obsequio, ac morum & honestatis candore, præfulgeat, nec non regulari disciplina, ac aliis spiritualibus & devotis actibus rutilet, nec decreseat, sed ipsa Religio in his, & aliis, ad conservationem & statum ejusdem pertinentibus, debitum & salubre recipiat incrementum.

Sane; licet pro felici, & salubri dicti vestri Ordinis, seu Religionis, statu, ipsiusque attinentiis, diversa & quam plura, non sine magna maturitate digesta, emanarunt statuta; nonnulli tamen ex vobis (quod dolenter referimus) in observatione regularis disciplinæ, ac statutorum hujusmodi se exhibuerunt, ut intelleximus, hæcenus negligentes: ali-

qui enim, contra statum Monachatus, proprium seu peculium, sine Superioris sui licentia, habere, tenere, & etiam ipso pro suo libitu disponere non formidant. Aliqui etiam, laxatis honestatis habenis, in caligis diversorum colorum, & calceis bassis ad modum Laicorum, nec non in habitu dictæ Religionis minime congruenti, incedere præsumunt, & qui, cum deberent in suis claustris, juxta regularia instituta, Divinis invigilare obsequiis, hujusmodi claustra abhorrentes, per vicos & plateas, ac ad loca alia inhonesta & suspecta discurrere non verentur; aliqui etiam, abjecta Monachali modestia, cum ipsos extra eorum Monasteria itinerare contingit, ornamentis superfluis, nec non pileis altis & strictis diversorum colorum uti præsumunt ad instar sæcularium personarum, aliaque plura & varia inhonesta ipsis, ac eorum statui, & prædicto ipsorum Ordini non modice derogantia, contra observantiam regularis disciplinæ dicti Ordinis, ac Sacrorum Canonum instituta, committere non pavescunt, in Divinæ Majestatis, cui se totaliter dedicarunt, offensam, Religionis opprobrium, & scandalum plurimorum.

Nos igitur, considerantes si ista sub quadam dissimulatione transire permitteremus, quod ex hoc majorimposterum præstaretur securitas delinquendi, cupientes his, in quantum Nobis possibile fuerit, occurrere remediis opportunis, vobis omnibus & singulis firmiter & distincte, ac in virtute sanctæ obedientiæ præcipimus & mandamus ac volumus, ut a præmissis, & quibuslibet aliis illicitis, nec non vobis tam per Regularia, quam Canonica instituta inhibitis, penitus abstineatis. Et quod Sacras Constitutiones pro conservatione ac reformatione dictæ vestræ Religionis, ac vestri status, editas, & specialiter eam, quæ per felicis recordationis Dominum Innocentium Papam III. quæ incipit: *Cum ad Monasteriorum* &c. Extra: *De statu Regg.* & per piæ recordationis Dominum Clementem Papam V. in constitutione posita eodem Titulo in Clem. quæ incipit: *Ne in Agro Dominico* &c. Et per Sanctiss. in Christo Patrem ac Dominum, Dom. Benedictum, nunc Sacro Sanctæ Romanæ Ecclesiæ Summum Pontificem in suis con-

constitutionibus de novo editis, salubriter sunt statutz, studeatis cum integritate, & firmiter observare; Et ne aliquis vestrum dictorum statutorum, & in eis contentorum, ignorantiam prætereundere valeat vel exultationem aliquam allegare, volumus & mandamus vobis Abbatibus, Prioribus, & alijs prædicti vestri Ordinis, ad quos correctio pertinet, vel pertinere poterit, universis, ut quibuslibet quatuor temporibus quolibet anno hujusmodi statuta faciatis in domibus vestris Capitularibus omnibus & singulis vestris Commonachis, ibidem præsentibus & auscultantibus, publice legi & solemniter publicari, quodque vos insuper Abbates, Priores, & alii, ad quos correctio Fratrum alicujus Monasterii vestri Ordinis pertinere dinoscitur, vigilem curam & diligentem sollicitudinem gerere studeatis, corrigentes & reformantes in præmissis & aliis omnibus quæ reformationis & correctionis officio videritis indigere, quodque personas universas dicti vestri ordinis vobis subditos, ab illicitis & vetitis cohibentes, ad observationem prædictorum statutorum & regularis disciplinæ, prout ut quemlibet vestrum pertinuerit, coerceatis, ac pœnis, remediis, & viis competentibus compellatis, cum non solum offensâ propria, sed etiam aliena ex Prælatorum manibus requiratur; alioquin, si in his quoquomodo negligentes fueritis, vel remissi, tam contra vos, quam personas vobis subditos excedentes, per pœnas spirituales & temporales, prout Nobis visum fuerit, procedemus.

Datum Treviris, Anno Domini MCCCXXXVIII. die VIII. Aprilis.

III.

BALDEWINUS, DEI GRATIA,
ARCHIEPISCOPUS TREVIRENSIS &c.
UNIVERSIS, ET SINGULIS, PER SUAS CIVITATEM, ET DIOECESIM TREVIRENSEM CONSISTENTIBUS, SALUTEM IN OMNIUM SALVATORE JESU CHRISTO.

Dignissimum arbitantes & justum, ut etiam Creatori omnium Deo, qui omnipotenti sua virtute Nos, ejus servos indignos, formare ad suam imaginem est dignatus, cujusque erga nos fuit, & est, munificentia copiosa, cun-

ctorum temporum curriculis laudes & venerationes debitæ per creaturas referri debeant & impendi: ei tamen specialis in certis, per anni circulum, diebus, per sacrosancam Ecclesiam, non absque mysticis rationibus, devotionis, & per orthodoxæ Fidei Professores acceptis, & inconcussè servatis, ejusdem Creatoris laudes præconiis & votivis Divinarum venerationum celebrationibus, ac festivis solemnitatibus propensius insistendo, & a cunctis hujus mundi illecebris, & sæculi pompis omnino vacando, specialium exhibitiones honorum, & exquisitarum venerationum grates & laudes altisonæ intimius persolvantur. Ne quis igitur, ratione ignorantie sacrorum dierum hujusmodi (quorum tamen dierum ignorantia crassa foret & supina) a celebratione & observantia ipsorum dierum Festivorum hujusmodi, se quomodolibet valeat excusare, & ut ab omnibus per civitatem & Dioecesim nostras prædictas, celebriter & uniformiter observentur, eosdem dies Festivus & Solemnes, hoc scripti serie, sano & maturo præhabito nostrorum Prælatorum consilio, duximus exprimendos.

Pronuntiantes itaque *Festivitates*, quæ ob Dei reverentiam specialiter statutz noscuntur, videlicet: Nativitatis Domini; Circumcisionis ejusdem; Epiphaniæ; Resurrectionis; cum tribus diebus sequentibus; Ascensionis, diei solius; Pentecostes cum duobus diebus sequentibus; pretiosissimi Corporis Christi; Nativitatis; Annuntiationis; Purificationis, & Assumptionis Virginis Gloriosissimæ Beatæ Mariæ; Dedicationis S. Michaelis; Nativitatis S. Joannis Baptistæ; Beatorum Petri, & Pauli; Joannis Evangelistæ; S. Stephani; S. Jacobi, Andreæ, Matthæi; Philippi, & Jacobi, Bartholomæi, Simonis & Judæ, Thomæ, & Matthiæ, Apostolorum; nec non Inventionis S. Crucis; S. Laurentii Martyris, atque SS. Innocentium. S. Martini Episcopi, qui par censetur Apostolis; S. Mariæ Magdalene; S. Katharinæ Virg. & Martyris; Solemnitatem quoque omnium Sanctorum; & in diebus Festivis hujusmodi jam enumeratis, & quolibet eorum firmiter præcipiendo decernimus:

mus : fore cum summa celebritate per universos & singulos utriusque sexus , in prætaxatis nostris civitate , & Dioecesi venerandos , & in ipsis diebus ab omni opere illicito ac servili , prout Sancta Mater statuit Ecclesia , esse cum debita Deo reverentia abstinendum , & Divino Officio in Deo dedicatis Ecclesiis , ad quas spècialiter illis diebus convenire debebunt , orationibus , contemplationibus , & spiritualibus , & misericordiæ operibus esse devote vacandum ; quos quidem dies omnes , & singulos , per quemlibet Parochialem Presbyterum , aut ejus vices gerentem , celebrentur (a) : nisi instans necessitas , quæ legem non habet , suaderet aliquid faciendum ; hac insuper adhibita cautela , ut majores anni solemnitates , præcipuis honoribus , & summis Festivitationibus venerandæ , in ambone cujuslibet Ecclesiæ , Fidelium populo publice insinuentur . Id ipsum etiam in diebus Dedicationis , & Patroni principalis , Matricis , vel Filialis Ecclesiæ , per Parochianos & subditos ejusdem Parochialis vel Filialis Ecclesiæ , quoad venerationem ,

& ab illicitis & servilibus operibus vacationem festive decernimus observandum . Cæteros autem dies , sub veneratione & celebritate debitis , in Divino Officio , orationibus & misericordiæ operibus volumus & statuimus peragi , inhibentes districtè universis & singulis Nobis subiectis Presbyteris : ne quis eorundem in hujusmodi diebus a laboribus cessandum præcipiat quovis modo . Unde , si quis in diebus Fæstorum hujusmodi , agriculturæ , aut vinearum putationi , aut fossuræ , arti vel operi mechanico , aut pro se , vel aliis , victum quærendo licite , intendere voluerit , hoc declaramus licere eisdem , nec ob hoc sunt per quempiam corripiendi : devotionem tamen quorumcumque , etiam in prætaxatis Fæstis ab omni simili opere vacare volentium , ob Divini Nominis gloriam , nullatenus improbamus .

Datum Treviris , Anno Domini MCCCXXXVIII. die VIII. Aprilis.

Ex Codice MS. Ecclesiæ Collegiæ S. Andreae Wormatiæ descriptis Cl. Schannatus b. m.

(a) forte : celebrent.

Anno Christi MCCCXXXVIII. Benedicti XII. PP. IV.
Ludovici Bavari regis xxiv. Imp. xi.

Ex Comitibus hoc anno 18. Martii Spiræ indictis à Ludovico Bavaro, Metropolitanus Moguntinus cum Episcopis Suffraganeis decem, mittit duos Legatos Avenionem ad Papam: Ulricum Episcopum Curiensem, & Gerlacum Nassoviæ Comitem, exposituros Pontifici studium Ludovici sincerum, se submittendi Pontificis voluntati, & postulata omnia præstandi.

SANCTISSIMO IN CHRISTO PATRI, AC DOMINO SUO D. BENEDICTO, SACRO-SANCTÆ ROMANÆ, ET UNIVERSALIS ECCLESIE SUMMO PONTIFICI, HENRICUS DEI ET APOSTOLICÆ SEDIS GRATIA ARCHIEPISCOPUS MOGUNTINUS, LUPOLDUS BABENBERGENSIS, JOANNES BASILIENSIS, BERTOLDUS ARGENTINENSIS, HENRICUS EYSTETENSIS, BERNHARDUS PADERBORNENSIS, ULRICUS CURIENSIS, OTTO HERBIPOLENSIS, AC GERARDUS SPIRENSIS, ET HENRICUS AUGUSTENSIS ECCLESiarUM ELECTI CUM OMNIMODA SUBJECTIONE, HUMILITATE ET REVERENTIA SE IPSOS AD PEDUM OSCULA BEATORUM.

Cum jam dudum ex miserabili diffidio inter Sacrosanctam Romanam Ecclesiam , ac Dominum LUDOVICUM de Bavaria , Christiani populi

peccatis exigentibus suscitato, in Regno & Imperio Romanorum, & precipue in Provincia Moguntina, grandium & diversarum turbationum tempestates emerferint, ac Ecclesiis, Ecclesiasticisque personis, nec non animabus hominum, quod gravius est ferendum, Regni, & Imperii prædictorum innumerabilia provenerint detrimenta, & quotidie majora & plura prioribus occasione diffidii hujusmodi sint, ut ex verisimilibus conjecturis colligitur, ac præsumitur, proveniunt: Nos grandes & acerbis ex hoc puncturas in nostris cordibus non immerito sentientes, nuper Dominum LUDOVICUM prædictum ad civitatem Spirensis Provincie Moguntinæ prædictæ super hoc specialiter instantivis precibus venire procuravimus ipsum; Nos Archiepiscopus Maguntinus, Argentinenfis, Paderburnensis Episcopi, ac Spirensis, & Augustensis electi prædicti personaliter; Nos vero Babenbergenfis, Basiliensis, Eystetenfis, & Herbipolenfis Episcopi, aliis nostris, & Ecclesiarum nostrarum pro tunc negotiis præpediti, per nostros solennes nuncios, precibus, consiliis, ac salutaribus monitis non sine magnæ sollicitudinis studio exhortantes, ut ipse ad Divini nominis gloriam, & ad vestræ Sanctitatis ipsiusque Ecclesiæ Romanæ honorem, & reverentiam, nec non ad quietum & salubrem statum Regni & Imperii eorundem, velit ad vestram, & ejusdem Ecclesiæ Romanæ, Sanctæque Sedis Apostolicæ gratiam cum devotione redire, se vestris, & ipsius Ecclesiæ, dictæque Sedis Apostolicæ be-
ne placitis humiliter per omnia conformando: Qui modicâ deliberatione præhabita se velle stare, ac parere super materia præfati diffidii, ac omnibus ipsum diffidium contingentibus, informationi & ordinationi nostræ, *in quantum cum Deo, justitia & honore suo fieri posset,* efficaciter repromisit, suas patentes su-

per hoc literas majori suo sigillo munitas super potestate hujusmodi tradita nobis dando, cautiones juratorias, ac fidei-jussorias Magnorum, & plurium Principum, & Baronum nobis super hoc nihilominus offerendo. Clementissimam igitur vestram Beatitudinem omni, qua valemus, precum instantia, devote ac humiliter imploramus, quatenus redeundi ad gremium S. Matris Ecclesiæ promptitudinem ipsius D. LUDOVICI, qui super materia diffidii hujusmodi ordinationi Ecclesiasticarum personarum duntaxat se submittere non expavit, præmissis quoque turbationibus, dispendiis, & periculis, specialiter Ecclesiis & personis Ecclesiasticis, ut præmittitur, imminentibus, per vestræ Sanctitatis providentiam paternis affectibus ponderatis, prædictum Dominum LUDOVICUM ad reconciliationis gratiam sub modo præmissis, vestræ solitæ benignitatis clementia recipere non recuset: Partes Regni, & Imperii prædictorum, ac præcipue Ecclesias, ac personas Ecclesiasticas eorundem partium de periculis, ærumnis, & laboribus præactis ad statum optatæ quietis per reconciliationem hujusmodi reducentes. Verum, quia ad omnia, & singula præmissa, & ea contingentia, plene, ac pacifice scribenda cedula non sufficeret, Nos Venerabilem Patrem D. Ulricum Curienfis Ecclesiæ Episcopum, & spectabilem virum Gerlacum Comitem de Nassaw, de præmissis plenissime informatos, ad pedes Vestræ Beatitudinis duximus fiducialiter destinandos; eandem vestram Beatitudinem ex intimis nostris affectibus exorantes, quatenus eisdem super iis fidem adhibere dignemini creditivam. Datum Spiræ die XXVII. mensis Martii anno Domini MCCCXXXIX.

*Schætenus Annalium Paderbornensium
L. XIII. pag. 287. 288.*



LU-

LUDOVICI IV. Regis Professio Catholicæ Fidei & Ecclesiæ.

II. Responsio Canonica ad objectum sibi processum.

LUDOVICUS, DEI GRATIA, ROMANORUM IMPERATOR SEMPER AUGUSTUS, UNIVERSIS ET SINGULIS REGIBUS CHRISTIANORUM, AC PATRIARCHIS, ARCHIEPISCOPIBUS, EPISCOPIBUS, PRESBYTERIS, DIACONIBUS, QUOCUNQUE HONORIS CULMINE PRÆFULGEANT, ET CÆTERIS ECCLESiarUM PRÆLATIS; NEC NON SÆCULARIBUS PRINCIPIBUS, MARCHIONIBUS, DUCIBUS, COMITIBUS, BARONIBUS, CAPITANEIS, DOMINIS, POTESTATIBUS, RECTORIBUS, JUDICIBUS, ET OFFICIALIBUS PROVINCIARUM, CIVITATUM, ET TERRARUM ROMANO IMPERIO SUBJECTARUM, ET IPSARUM QUIBUSCUNQUE INCOLIS, ET HABITATORIBUS, AC OMNIBUS ET SINGULIS CHRISTI FIDELIBUS, TAM ECCLESIASTICIS, QUAM SÆCULARIBUS, AD QUOS PRÆSENTES LITERÆ PERVENERINT, GRATIAM SUAM, ET OMNE BONUM.

Fidem Catholicam, quam Sancta Mater Ecclesia Catholica, (extra quam nullus omnino salvatur) in Symbolis, Conciliis, & traditionibus ipsius Ecclesiæ Sacrosanctæ docet & tenet, firmiter credentes, ac fideliter ac firmiter consentientes, & ipsius Ecclesiæ Sanctæ Doctrinam in Sacris Canonibus traditam, sequi volentes: quibusdam allegationibus, impugnationibus, & oppositionibus, quæ contra Nos & electionem ac promotionem de Nobis factam, ad culmen dignitatis Imperialis, & contra Imperialem auctoritatem, potestatem, & dignitatem opponuntur, ne simplicium corda possint inlicere, secundum Sacrorum Canonum & Legum tenorem in his scriptis duximus respondere, & contra ipsos impugnantes & opposcentes, & eorum dicta, procedimus, prout inferius continetur.

In primis contra Nos & Imperialem auctoritatem, & Jus Imperii allegatur & obijeitur, quod potestas & auctoritas Imperialis est a Papa: & quod electus in Regem Romanorum ex sola electione non est, nec dici potest verus Imperator, nec habet potestatem, jurisdictionem, & auctoritatem, antequam inungatur, consecratur, & coronetur a Papa: qui (ut dicunt) tam in temporalibus, quam in spiritualibus habet plenitudinem potestatis. Ad quæ respondemus, hanc opinionem Sacris Canonibus ac juri & rationi pariter obviare, sicut expresse patet in Decreto 96. *distinc. c. Cum ad (a) verum, & Can. Duo (b) sunt, &c. Si (c) Imperator*, ubi expresse ha-

betur in hæc verba: *Duo sunt quippe, quibus principaliter hic mundus regitur, scilicet auctoritas Sacra Pontificum, & Regalis potestas. Habet quippe Imperator privilegium potestatis suæ, quam administrandis legibus publicis divinitus est consecutus. Nec Imperator jura Pontificatus, nec Pontifex jura Imperatoria usurpat. Hæc ibi, ubi Glossæ ordinariæ dicunt, quod istæ potestates sunt diversæ, & quod neutra dependet ab altera, & quod Imperator non habet potestatem, sive Imperium, nisi a solo Deo. 93. *distinc. cap. Legimus, (d) Ubi in textu dicitur, quod exercitus facit Imperatorem: & Glossa super Verbo Imperatorem, dicit sic: Ex sola enim electione Principum dico eum verum Imperatorem, antequam a Papa confirmetur, ut dixi 63. *distinc. cap. Quanto. Hæc Glossa. Et hoc etiam probatur in Canone Quoniam 10. *distinc. Ubi de potestate Imperiali, & Pontificali loquitur in hæc verba: Quoniam Mediator Dei & hominum CHRISTUS JESUS sic actibus propriis, & dignitatibus distinctis, officia potestatis utriusque discevit, ut Imperatores pro æterna vita Pontificibus indigerent, & Pontifices pro cursu temporalium rerum imperialibus legibus uterentur: quatenus spiritualis actio a carnalibus incursum disaret, & DEO militans (scilicet Papa) minime se negotiis secularibus implicaret: ac vicissim ille (scilicet Imperator) non videretur Divinis rebus præsidere, qui esset secularibus negotiis implicatus. Hæc ibi, ubi Glossa ordinaria de utraque potestate loquens, dicit sic: Cum ergo potestates istæ distinctæ sint,****

(a) Nicol. PP.

(b) Gelaf. PP.

(c) Johan. PP.

(d) S. Hieron.

est hoc argumentum, quod Imperium non habetur a Papa: & quod Papa non habet utrumque gladium. Nam exercitus facit Imperatorem, 93. distinct. cap. Legimus: & Imperium a solo DEO habetur. 23. q. 4. c. Quæsitum. Alioquin si Imperium haberetur a Papa, posset in temporalibus ad Papam appellari, quod prohibet Alexander Papa IV. quod illa (scilicet temporalia) suam (scilicet Papæ) jurisdictionem non attingunt. Ext. De appellat. nibus, c. Si duobus: & , Qui filii sunt legitimi. c. Causam, quæ inter. Et ita credo ego istas potestates esse distinctas. Hæc Glossa. Et 8. distinct. c. Quo jure, dicitur, quod jura humana per Imperatores, Reges sæculi Deus humano generi distribuit. Et Lex dicit, quod Imperium & Sacerdotium ab eodem principio processerunt in actum, Authent. Quomodo oporteat Episcop. & Cleric. ad ord. perduc, in prin. collat. 1. Nec Imperator jurisdictionem Papæ, nec Papa jurisdictionem Imperatoris perturbare debet, ext. De Jud. c. Novit. Ex quibus & aliis pluribus, quæ brevitatis causa dimittuntur, clare patet, quod potestas, & auctoritas Imperialis est immediate a solo Deo, & non a Papa, & quod electus in Imperatorem ex sola electione est Rex Romanorum, & habet auctoritatem, jurisdictionem & potestatem Imperialem, etiam antequam inungatur, consecratur, & coronetur a Papa, & quod Papa in temporalibus non habet dictam plenitudinem potestatis.

Sed objicitur, quod ille, qui se Johannem Papam XXII. appellabat, per suos processus de facto cassavit, sive nullam, cassam, & irritam pronuntiavit electionem, de Nobis in Regem Romanorum factam, asserens in suis processibus, Nos administrare non posse jura Imperii: & quod administratio Imperii ad ipsum Johannem pertinebat de jure, & de facto attentans contra Nos, & jura, & libertates Principum Alemanniæ & subditorum Imperii, & contra consuetudines antiquitus rationabiliter introductas, & observatas, prout in ipsis processibus, imo verius excessibus continetur: insuper post dictos processus, quasdam literas sub Bulla sua dicitur fecisse, & per mundum publice transmisisse, in quibus asserit, se totam Italiam ab Im-

perio & Regno Alemanniæ separasse: insinuans per sua scripta & dicta, quod Papa tanquam Dominus universalis, non solum in spiritualibus, sed etiam in temporalibus totius mundi possit ad suum libitum disponere & ordinare.

Ad quæ omnia duximus respondendum, quod dicti omnes processus, assertiones, & literæ, & omnia, & singula, quæ per dictum Joannem in prædictis, & contra prædicta gesta, seu attentata fuisse dicuntur, fuerunt, & sunt nulla, & nullius valoris & momenti, rationibus infra scriptis.

Prima ratio est, quoniam Papa, quantumcunque Catholicus & legitimus, non habet talem potestatem, nec auctoritatem, aut jurisdictionem in temporalibus, & maxime super jura Imperii, quod est immediate a solo DEO, ut evidenter probant Canones, & jura superius allegata. Unde quicquid prædictus Joannes fecit in prædictis, tanquam a non suo iudice factum, nullius fuit momenti, ut probant aperte Canones, 11. q. 1. c. Pen. (a) & 2. q. 1. c. (b) Imprimis, juxta fin. & 16. q. 1. c. Frater (c) noster, & ext. De jud. c. At (d) si Clerici. & ext. De consuetud. c. (e) Ad audientiam nostram, & c. Si a non compet. jud. l. 2. & 3. & ulti. cum similibus.

Secunda ratio est ex eo, quod dicti processus, imo verius excessus, fuerunt facti per dictum Johannem contra Nos, & in præjudicium enorme nostrum, & illorum, qui nos elegerunt in Regem Romanorum, & aliorum Principum Imperii, & Alemanniæ ex notorie falsis causis, & nullo fori ordine servato, Nobisque & aliis, quorum intererat, absentibus, & nullo modo legitime monitis & citatis. Unde cum Sacri Canones & Jura Divina & humana decernant, sententias, & processus quoscunque promulgatos, absentibus iis, quorum causa agitur, sive ventilatur, & eis legitime non monitis & citatis, nullius existere firmitatis, 3. q. 9. Per totam. ubi etiam legitur, Sanctos Pontifices definitisse in hæc verba: Omnia, quæ adversus absentes in omni negotio aut loco aguntur, aut judicantur, irrita erunt, & evacuantur omnino, nec aliquam obtinent firmitatem; quia Divi-

(a) Hadrian. pp.
(d) Alexand. III.

(b) Greg. pp.
(e) Innoc. III.

(c) Greg. pp.

Divina & humanæ leges hoc fieri prohibent, ut ext. De testib. c. In Nomine (e) Domini, & in authen. de testib. §. Et hic vero. collat. 7. & ff. Quæ sent. sine appell. resc. l. 1. §. Item cum exdicto : & c. Quomodo & quando judex, l. Ea quæ. Et maxime in causis, quæ summi Pontificis judicio deciduntur, ordo juris, & vigor æquitatis, est subtiliter observandus, ut ext. De sent. & re judi. c. In causis. Sequitur, quod prædicti processus, imo verius excessus, fuerunt nulli & nullius valoris penitus, & momenti.

Nec obviat, si dicatur, quod prædictus Joannes, in civitate Avinionis Provinciæ existens cum sua Curia, per suas literas, quas dicitur ad fores Ecclesiæ Majoris Avinionis appendi fecisse, Nos absentem citavit ; quoniam talis citatio (esto quod appareret) nullatenus fuit, nec est dicenda legitima, rationibus infra scriptis.

Prima ratio, quia sunt Canones & jura ad hoc, quod censetur, & dici possit citatio firma, necesse, quod qui citandus est, citetur aut personaliter, si inveniri potest : aut si non potest inveniri, publice citetur ad domum suam ; alias nisi sic citetur, non potest contra ipsius procedi, ut aperte probatur. 4. q. 5. c. (f) Quisquis. & ext. de Dol. & contumac. c. (g) Causam, in text. & in Gloss. & in c. (b) Venerabilis, in fin. & de Cleric. non residen. c. (i) Ex tuæ, & ext. Qui matr. accus. pos. c. (k) 1. & De eo, qui mittitur in poss. causa rei serv. c. ult. & ff. Ex quibus caus. majores. & c. l. Item ait. §. Hæc autem, cum similibus. Et si proceditur, processus nullus est momenti, ut dicitur in superius allegatis juribus. 3. q. 9. (l) c. Cuveant, & ff. Quæ sent. sine appell. rescind. l. 1. & c. Quomodo & quando Judex, l. Ea quæ. Ex quibus juribus clare patet, dato sine præjudicio, quod talis citatio per literas in civitate Avinionis appensas reperiretur facta fuisse, quod nihilominus processus per ipsum Johannem factus fuisset irritus, & inanis.

Secunda ratio est, quia ad hoc, ut citatio de jure legitima censetur, & arctet citatum ad veniendum, necessum est, quod assignetur illi, qui citandus est,

terminus & locus ad comparendum securus. Prout manifeste probant jura. ext. De appell. c. (m) Ex parte tua. 33. q. 21. c. (n) Sive de conjugii, ubi dicitur : Providendus est locus, in quo nulla vis formidetur multitudinis, nec sit difficile testes producere, vel ceteras personas, quæ tam a Sanctis Canonibus, quam a venerandis Romanis legibus in hujusmodi controversiis requiruntur. Hæc ibi. Et 3. q. 9. c. (o) Hortamur, & ext. Ut lite non contestata c. (p) Accedens 2. & ff. de Judiciis, l. Sed locus. Sed notorium est, & indubitatum exiit, quod dictus Joannes tam Nos, quam Imperii nostri fideles & amicos odio capitali, & etiam hostili exercitu persequabatur de facto, & civitates & jura Imperii sibi usurpare, & subjugare, quantum poterat, conabatur. Civitas quoque Avinionis, in qua idem Joannes cum suo consistorio morabatur, & ad quam Nos per suas literas evocabat, & ille, qui illius civitatis Dominium detinebat, Nos & Romanum Imperium habebat odio notorio, & antiquo : unde patet, quod desperet, qui diceret, vel sentiret, talem citationem Nos ad comparendum modo aliquo coarctasse. Quis enim auderet dicere, quod talis consistorio in tali loco periculofo teneremur subire iudicium, & in hostium nostrorum Nos ponere sinum, & mortis periculo ultroneo Nos offerre ? Patet igitur, quod talis citatio, si facta reperiretur de Nobis, foret irrita & inanis.

Tertia ratio sumitur, ex eo, quod in Sacris Canonibus & legibus statuitur, quod nullus in propria causa possit judicare, vel jus sibi dicere, ut probatur. 23. quæst. 4. cap. (q) Inter querelas : & quæst. 5. (r) De occidendis, & 4. qu. 4. cap. (s) 1. & c. Ne quis in cau. prop. jud. vel jus sibi dicat. Sed manifestum adeo est & notorium, ut nulla tergiverfatione possit negari, quod prædictus Joannes de facto contendeat, scilicet, quod ipse non solum in spiritualibus, sed & in temporalibus, & in Nos, & in totum Imperium, ac jura Imperii habeat plenitudinem potestatis, & quod super hoc contra Nos controversam & litigium de facto movebat, & ju-

S s 3

ra

- (e) Greg. IX.
- (b) Greg. IX.
- (1) Eleuth. pp.
- (o) Felic. pp.
- (v) S. August.

- (f) Carthag. IV.
- (a) Innoc. III.
- (m) Innoc. III.
- (p) Innoc. III.
- (r) Fab. pp.

- (g) Alexand. III.
- (k) Alexand. III.
- (n) Nicol. pp.
- (q) Greg. pp.

ra Imperii etiam hostiliter sibi pro viribus usurpare conabatur, & Nos & Imperii nostri fideles, quantum poterat, tanquam adversarius, hostis, & inimicus noster & Imperii persequi nitebatur. Unde etiam contra eum tanquam contra adversarium, inimicum & hostem nostrum, & etiam Imperii, pro defensione nostra, & etiam fidelium nostrorum, & juris Imperialis ac fidei, appellamus ^(t) *ad futurum generale Concilium*, in loco tuto & securo, modo debito, & secundum formam Sacrorum Canonum congregandum. Ex quibus sequitur manifeste, quod dicti processus, immo verius dicti excessus, per dictum Johannem contra Nos, & contra fideles nostros, & jura Imperii, facti fuerunt in propria causa, & temere, & perperam attentati; & quod ipse in ipsis processibus se judicem simul, & partem effecit: ac per consequens, quod fuerunt irriti, & nullius penitus firmitatis.

Tertio objicitur contra Nos, quod dictus Joannes tam in Nos, quam in omnes sequaces ac fideles nostros, habentes, & tenentes Nos pro Imperatore, nomine & honore, & Nobis tanquam Imperatori obediens, & reverentiam exhibentes, & in omnibus admittentes Nos ad Divina, seu nobiscum participant in Divinis, aut Divina Officia celebrantes coram Nobis, & præbentes Nobis auxilium, consilium, & favorem de facto excommunicationis sententiam fulminavit: ^(u) & Ecclesias & Universitates, quæ contra facerent, Ecclesiastico supposuit interdicto. Unde dicitur, quod sententia Pastoris, sive justa, sive injusta, servanda est, & timenda.

Ad quæ respondemus, & dicimus, quod secundum Sacros Canones & jura, hujus sententiæ & processus fuerunt, & sunt nullæ ac nullius firmitatis, nulliusque valoris penitus & momenti: nec sunt aliquo modo timendæ nec servandæ, nec timendi nec servandi: quod evidenter ostenditur ostenditur ostenditur infra scriptis.

Prima ratio sic sumitur: Certum est, quod cum Prælati Ecclesiæ in suo mandato excedit formam, & potestatem, Sacris Canonibus sibi traditam, & in contra mandatum hujus facientes, excommunicationes in singulares personas, & in Ecclesias, & Universitates sententias interdicti promulgat, talem sententiam non tenere, sed nullam ipso jure fore, nullatenusque observandum, ut probatur per id, quod legitur, & notatur *ext. de excess. Prælat. c. Cum ad quorundam*. Temerarium enim est, & indignum, aliquem sibi sua auctoritate usurpare, quod Romana Catholica Ecclesia non concedit. *Ext. De privilegio. c. Sanc.* ^(x) Sed (ut supra probatum est evidenter) Sancta Romana Ecclesia Catholica & Apostolica non concedit, sed prohibet Papæ, Jus Imperii, & potestatem in temporalibus usurpare. Quia, ut dictum est, ista Papæ jurisdictionem, quæ solum est in Spiritualibus, non contingunt, ut patet in superius in allegato *text. de Appel. c. Si duobus*. Et manifestum est, quod dictus Johannes per suas antedictas sententias, excessit formam & potestatem Papæ traditam; Quia jus Imperii, & potestatem in temporalibus sibi usurpare conatus est, contra Sacrorum Canonum Constituta. Ergo hujus sententiæ sunt & fuerunt nullæ, & nullatenus observandæ. Et hic est unus de casibus expressis, in quibus sententia de excommunicatione nullatenus est observanda.

Secunda ratio sic sumitur. Certum est de jure, quod ubi est error expressus in sententia, vel in mandato præsentis, puta, quia præcipit, quod non obediat suo Superiori, vel præcipit aliquid contra Deum, vel contra Sacram Scripturam; talis sententia ipso jure nullius est momenti, nec est timenda, nec aliquatenus observanda, ut probatur per illud, quod legitur *extra: de sentent. excomm. cap. (y) Venerabilibus juxta fin. in Gloss. & i. r. q. 3. c. (z) Si is, qui præest, cum duobus (a) c. seq.* Et idem est ubicunque sententia est ipso jure nulla, ut probatur aperte per illud, quod legitur & notatur *extra. de sentent. excomm. c. (b) Per tuas* &

^(t) forte: appellavimus; anno 1323. supra pag. 298. buj. Tomi.

^(u) A. 1324. & 1328.

^(y) Hac C. in vulg. edit. jam deest.

^(a) Ejusdem & sunt conjuncta præcedenti.

^(x) Alexand. III.

^(z) Ilidori.

^(b) Innoc. III.

Et ext. De procurat. c. (c) In nostra presentia, in fine: Et extra: De crimine fals. c. (d) Super eo, Et ext. De sentent. Et re jud. Sed manifestum est, quod dictus Joannes in dictis suis processibus & sententiis expressit, quod non obediatur Nobis, cui omnes Imperio subiecti obedire & reverentiam exhibere secundum Divina & humana jura sunt adstricti: & quod hoc fecit volendo sibi jus Imperii & potestatem omnimodam in temporalibus contra Dominum, & contra justitiam usurpare, ad quæ non extenditur (ut dictum est) ejus auctoritas & potestas. Ergo ipsæ sententiæ sunt & fuerunt nullæ, & nullius penitus firmitatis, nec fuerunt, nec sunt quomodolibet observandæ.

Tertia ratio sic sumitur. Manifestum est, quod quando sententia excommunicationis vel interdicti, quæ prolata est post appellationem legitimam, nulla est, nec aliquatenus est timenda, nec servanda, ut aperte probatur *extr. De offic. Et potest. jud. del. c. (e) Cum olim in fine: Et de sentent. Excomm. c. Venerabilibus, in fine; Et ext. De Appell. c. (f) Ad hæc 5. quod Et habetur Et notatur extra de sentent. excomm. c. (g) Per tuas, in Gloss. ord. Et tam per Dominum Hostiensem in apparatu super c. solet, Et in summa, quam per alios Doctores.* Sed manifestum & notorium est, quod Nos dudum contra dictum Johannem, & processus, quos ipse de facto fecit contra Nos, ac potestatem & auctoritatem Imperialem & præjudicium & derogationem Fidei Catholicæ, quam sancta Romana Ecclesia firmiter hæctenus docuit & credidit, & docet, & credit, & tenet, appellavimus ad futurum generale Convilium in loco securo & congruo congregandum, & ad Sanctam Matrem Ecclesiam Catholicam. Quæ appellatio fuit ad ipsius Johannis notitiam deducta, prout notorium est, & manifestum, & constat etiam per legitimam documenta. Et quia ipse Johannes post & contra dicta appellationem, promulgavit, & protulit de facto contra Nos & fideles nostros, & Nos sequentes, & Nobis præbentes consilium, auxilium, & favorem, dictas excommunicationis & interdicti sententias

(si sic dici possunt) ergo fuerunt, & sunt nullæ, & nullius valoris & momenti, nec sunt aliquo modo timendæ nec observandæ.

Nec obstat, quod dicitur, quod Papa non habet superiorem, unde (ut aliqui garrunt) non potest ab ipso quomodolibet appellari. Et vere non obstat: quoniam manifestum est secundum doctrinam Catholicam & Sacrorum Canonum, quod Papa, ubi de fide, sive de jure Divino agitur, subest Conciliis, ut patet expresse, & legitur & notatur *15. Distinct. c. (h) Sicut Sancti, in textu Et glossa, Et 25. quæst. 1. c. (i) Sunt quidam, cum capitibus sequentibus, Et 19. Distinct. c. (k) Anastasius.* Ubi dicit glossa ordinaria super verbo, Concilio: *Videtur ergo, quod Papa tenetur requirere Concilium Episcoporum, quod verum est, ubi de fide agitur: Et tunc Synodus major est, quam Papa. 15. Distinct. c. Sicut S. Evangelii.* Ita dicit glossa ord. Et quod Papa, ubi de fide agitur, habet superiorem in terris, a quo possit judicari, & per consequens, ad ipsum superiorem valeat appellari, probatur etiam notanter per illud, quod legitur, & notatur *40. Dist. c. (l) Si Papa, ubi expresse definitur, quod Papa a nemine judicari potest, nisi deviet a Fide Catholica.* Ergo, si Papa deviat a fide, habet superiorem in terris, a quo potest judicari, & per consequens ad ipsum potest appellari. Hoc etiam patet per hoc, quod dicit Augustinus in Epistola ad Glorium & Eleusium, & reliquos Donatistas, ubi de Concilio Papæ & Collegii Cardinalium scribit, dicens sic: *Quasi non eis ad hoc dici possit, Et iustissime dici, Ecce putemus illos Episcopos, qui Romæ judicarunt (Melchiodes Papa & alii) non bonos judices fuisse: restabat adhuc plenarium Ecclesiæ universæ Concilium, ubi etiam cum ipsis iudicibus causa posset agitari, ut si male judicasse convicti essent, eorum sententiæ solverentur.* Hæc Augustinus, Ex quibus & aliis pluribus auctoritatibus, quæ brevitate causa dimittuntur, evidenter patet, quod Concilium universale Ecclesiæ Catholicæ, ubi de jure Divino, aut de Fide agitur, majus & superius est Concilio Papæ & Cardinalium, & ipsum tollit,

(c) Innoc. III.
(f) Lucii III.
(e) Urban. pp.

(d) Lucii III.
(g) Innoc. III.
(k) ex Pontificali.

(e) Innoc. III.
(f) Greg. pp.
(d) S. Bonifacii.

lit, & solvit, si ipsi repugnet. Cum ergo pro defensione juris Imperii, quod est a jure Divino, & Fidei Catholica appellamus (m) ad Generale Concilium, in loco tuto & securo congregandum: sequitur, quod appellatio nostra fuit interposita ad superiorem, ad quem legitime potuit appellari.

Plures quoque alia rationes & causae sunt, ex quibus cernitur evidenter, quod praedictae sententiae fuerunt, nec sunt timendae, nec aliquatenus observandae. Quae rationes & causae in appellationibus & provocationibus, contra adversantes Nobis, & Nos, & Imperium, & Fidem Catholicam, quam sancta Romana tenet Ecclesia, impugnant, solenniter interjectis, seorsim explicantur, quas omnes seriatim praesentibus literis explicare, prolixum nimium videretur.

Quamobrem denunciamus & dicimus, processus & sententias, de quibus superius dictum est, fuisse, & esse nullas & nullos, & nullius valoris & momenti, & nullatenus observandas: ac universis & singulis sub nostro Imperio degentibus, cujuscumque status, dignitatis, ac conditionis existant, districte praecipimus & mandamus, quatenus nulla persona singularis, aut communitas, vel universitas, dictas excommunicationis, & in-

(m) forte: appellavimus.

terdicti sententias praesumat observare, vel facere, aut sustinere quomodolibet observari.

Quicumque autem contra hoc nostrum mandatum praesumpserit facere, vel venire, cum omnibus feudis, quae ab Imperio tenet, ac omnibus jurisdictionibus, gratiis & privilegiis, libertatibus, & immunitatibus a Nobis vel Praedecessoribus nostris ei concessis, ex nunc privamus.

In quorum omnium testimonium & fidem praesentes literas fieri fecimus, & nostrae Imperialis Majestatis Bulla jussimus & fecimus communiri. Et ut ipsae literae ad communem omnium notitiam deducantur, eas majoris Ecclesiae de Franckenfurt ostiis appendi, sive affigi faciemus, quae hunc processum nostrum quasi sonoro praekonio publicabunt, ita quod nullus possit pretendere, vel ignorantiam allegare, quod ad eum praedicta non praevenerint, sive quod ea ignoraverit: cum non sit verisimile, occultum, & incognitum remanere, quod tam patenter fuit omnibus publicatum. Datum in Oppido nostro de Franckenfurt, die VIII. mensis Augusti, Anno Domini M.CCC.XXXIX.

Hervartus ab Hobenberg Bavariae Cancellarius in Ludovico defuncto ad annum 1338. a pag. 762. ad 776.

Electorum Imperii Notificatio de Juribus suis in Electione Imperii manutenendis, tuendis contra quoscunque, & de eo, quod omnes vel major pars tenuerit, firmo futuro, de mutuo auxilio & confederatione.

NOS Dei Gratia Henricus Archiepiscopus Moguntinus, Walramus Archiepiscopus Colonienfis, Balduinus Archiepiscopus Trevirensis, Rudolphus, Ruppertus Fratres, Stephanus, Ruppertus junior, Comites Palatini Rheni & Duces Bavariae, Rudolphus Dux Saxoniae, & Ludovicus Marchio Brandenburgensis. Notum facimus cunctis hominibus, qui has literas vident, aut legi audiunt, quod simul consideravimus & perpeximus, SACRUM ROMANUM IMPERIUM in suis honoribus, juribus, & bonis,

atque etiam Nos in nostris honoribus, juribus, consuetudinibus, & privilegiis, quae a praedicto Imperio habemus, vehementer his temporibus, atque etiam ante hac impetiti, infirmati & gravati fuimus ac sumus, & propter communem ac manifestam utilitatem totius Christianitatis, atque ad praedicti Imperii nostrumque honorem, jura, privilegia, & consuetudines tutandas, defendendas, & manutenendas, unanimiter convenimus, & Nos confederavimus, quod praedictum Imperium, & nostrum Principalem honorem, quem ab

ab eo obtinemus, videlicet in electione Imperii, in illius ac nostris iuribus, privilegiis, & consuetudinibus, sicut ab antiquo ad Nos, & ad Imperii Electores pervenerunt, & devoluta sunt, manuteneri, tueri, ac defendere volumus pro omnibus nostris viribus, ac opibus, sine fraude, contra quoscunque, nemine excepto: siquidem hoc nostrum honorem, iuramentum attingit; nec volumus id intermittere propter ullum mandatum, a quocunque, vel quomodocunque datum, per quod Imperium & Nos Electores in præscriptis rebus ullo modo infirmari possemus. Volumus etiam omnes Dominos & amicos, qui ad Nos pertinent, sive sint Ecclesiastici, sive seculares, nostros quoque Vassallos, Ministeriales, Castellanos, Officiales, & cives, ad idem faciendum rogare, & inducere, in quantum possumus: & ad hoc efficiendum debet quilibet ex nobis Electoribus alteri auxilium præstare, sine fraude; ut illi nobis in his rebus auxilium & opem ferant, idque nullius respectu intermittant, & ob nulla mandata, a quocunque illa dari possent. Quod si contingeret ullam dissensionem, aut dubium super his rebus inter nos Electores oriri: quicquid Nos tunc omnes aut major pars ex nobis super hoc diffiniemus, & statuemus, id debet vim habere, atque a nobis observari sine dolo. Omnia hæc præscripta capita, & unumquodlibet horum singulatim spondi-

mus bona fide, & spondemus his præsentibus literis per nostrum principalem honorem, nec non juravimus hoc ipsum ad Sanctos pro Nobis & nostris Successoribus perpetuo firmiterque tenere, neque contravenire, nec ab hoc desistere ullo modo, sicut in præmissis continetur, & scriptum est. Non debemus, non volumus quoque nec possumus nos, nec quisquam alius, qui nobiscum in hanc confederationem veniet (qui jurare quoque hoc ipsum debet, & vovere, sicut in præmissis & sequentibus scriptum est) si ita depravemur, quod Deus avertat, ut contra faceremus, aut facere vellemus; non debemus, inquam, nec volumus, nec possumus contra juvari ulla dispensatione, absolutione, relaxatione, abolitione, in integrum restitutione, neque ullo Beneficio, quocunque nomine illud appellaretur, undecunque, aut quomodocunque fieret, sive per nostras, aut aliorum hominum preces, sive quod latine dicitur, ex officio; neque ulla potestate ejus, qui hæc curare vellet: apud Deum & homines futuri ac dicendi infames, infideles & perjuri, ubicunque vel quocunque modo contra faceremus, aut veniremus, quovis pacto, omni fraude ac dolo a præscriptis capitibus, & singulis eorum exclusis. Ad notitiam horum damus has literas obsignatas nostris signis, quæ datæ sunt in Rense, die Jovis post Margaritæ. A Nativitate Christi M. CCC. XXXIX. Anno.

Epistola ELECTORUM ad Papam BENEDICTUM XII. pro revocandis sententiis Joannis XXII. contra Ludovicum Imperatorem editis.

SANCTISSIMO in Christo Patri ac Domino BENEDICTO Papæ: Vestri devoti Fili, HENRICUS Dei & Apostolicæ Sedis gratia Archi-Episcopus Moguntinus, Electorum Principum Decanus; nec non per Germaniam Sacri Imperii Archi-Cancellarius: BALDUI-
NUS Archi-Episcopus Trevirensis, Cancellarius Gallia: WALRAMUS Archi-Episcopus Colonienfis, Cancellarius Italia: WALDEMARUS Marchio Brandenburgensis, Camerarius: RUDOLPHUS Palatinus, Dapifer: RUDOLPHUS Dux Saxonie, Portitor ensis;

Tomus IV. Concil. German.

Romanorum Regis, & coronandi Imperatoris legitimi Electores. Gravamur non modice, & turbamur ex intimis, cum reverendam Sacrosanctam Romanam Ecclesiam, Matrem nostram, & ipsius Summos Pontifices, quibus reverentiam & honorem exhibere volumus promptis & devotis animis omni vice; ac sacrosanctum Imperium, & Imperatores, seu Reges ipsius, quorum defensio ad Nos, ac omnes alios Coelectores nostros præ cæteris mundi Principibus specialiter pertinere dinoscitur; sicut temporibus præsentibus, videmus ad invi-

T t

cem

cem discordare. Nam ex hoc non potuerunt sibi, & populo Christiano proficere & prodesse, & prout est divinitus institutum, sibi mutuo suffragari. Propter quæ in diversis mundi partibus, Provinciis & terris, ipsis regendas, gubernandas commissis, innumera execrabilia pericula animarum, personarum, & rerum, & diversa scandala in Dei Ecclesia [quod dolenter referimus] sunt suborta; & majora præsumuntur futuris temporibus, quæ ad planum dici nequeunt vel conscribi, certitudinaliter suboriri: quæ submoveri non possunt, nisi utraque potestas contenta sit suis juribus, & consuetudinibus hætenus observatis, & reformentur, quæ una contra aliam attemptavit.

§. II. Sanctitati vestræ cum omni devotione, & in modum, quem possumus, meliorem & humiliorem referimus bono zelo, quod super præmissis & ad consulendum & providendum sacrosancto Romano Imperio, cujus jura, honores, bona, libertates, & consuetudines prostrata jacent, & a diversis personis Ecclesiasticis & sæcularibus sunt & fuerunt hætenus in grave præjudicium dicti Imperii invasa, occupata, & multipliciter conculcata; XV. die mensis Julii anni XXXVIII. in REINSE super alveo Reni [ubi Principes Electores super negotiis Imperii tractandis convenire consueverunt ab antiquo] cum aliis Principibus Electoribus Imperii in unum fuimus congregati; & diversis deliberationibus & consiliis præmissis, sicut Divinæ gratiæ placuit, omnes unanimes fuimus & nullo penitus discrepante pro defensione & recuperatione jurium, honorum, bonorum, libertatum, consuetudinum sacri Romani Imperii ac totius Christianitatis, AD CUIUS REGIMEN, ET DEFENSIONEM IDEM IMPERIUM PRINCIPALITER ORDINATUM DINOSCITUR, disposuimus, & ordinavimus pro Nobis & successoribus nostris, & firmavimus jurejurando, per Sacramenta corporaliter a Nobis, & omnibus Coelectoribus nostris præstita; quod jura, honores, bona, libertates, & consuetudines dicti Imperii & nostra, Nobis in electione Imperii competentia ex consuetudine, vel de jure manuteneamus, defendamus & illibata conservemus toto

posse, & viribus nostris, contra omnes homines cujuscunque præminentia, dignitatis, seu status existant, & quod hoc non obmittamus propter aliqua pericula rerum, aut personarum, aut præcepta, mandata & processus, per quemcunque modum & formam prolati sint, vel in antea proferantur contra Imperium, & Nos, vel Coelectores nostros; per quæ dicto Imperio, ac Nobis, & Coelectoribus nostris in prædictis juribus, bonis, hominibus, libertatibus, & consuetudinibus præjudicatum sit, vel in futurum posset præjudicium generari.

§. III. Et tandem super præmissis lamentabili desiderio, & causis originalibus, ex quibus ortum dinoscitur, quod inter sanctam Romanam Ecclesiam, ac sacrum Romanum Imperium, & Dominum nostrum LUDOVICUM ROMANORUM IMPERATOREM, jam longis temporibus diligenti & sollicita deliberatione præhabita, Nos, & alii Coelectores nostri cognovimus, & nobis constitit evidenter ex processibus quondam Domini JOHANNIS PAPÆ XXII. Prædecessoris vestri, quod ipse primo & postea sententias excommunicationis & interdicti (si sic dici merentur) ac alias diversas sententias & processus de facto contra Deum & justitiam, & juris ordinem fulminavit contra prædictum Dominum nostrum, Dominum LUDOVICUM Rom. Imperatorem, ac fautores & adherentes sibi, qui a majori parte Principum Electorum fuit rite & rationabiliter in Regem Roman. electus in Imperatorem postea consecrandus: "Quod se de administratione Imperii intromisit, non approbata per prædictum Prædecessorem vestrum ipsius electione quam in discordia asseruit, celebratam."

§. IV. Per quas sententias & processus, cum juri & consuetudini Imperii, præfato Domino nostro Ludovico, Nobis & aliis Electoribus Imperii per maxime derogeretur; cum jure caveatur & consuetudine, cujus contrarium in memoria hominum non existit, sit rationaliter introductum, & sine cujusvis contradictione legitime observatum. Sicut etiam in prædicto Parlamento per Nos & alios Coelectores nostros præhabita diligenti deliberatione & discussione, ac consilio multorum Principum, Comitum,

tum, Baronum, & Nobilium est concorditer declaratum, & sententialiter definitum: " *Quod vacante Romano Imperio is, qui eligitur concorditer, vel a majori parte Principum Electorum, pro Rege Romano rum ab omnibus est habendus: Et quod nec nominatione, approbatione, confirmatione, consensu, vel auctoritate Sedis Apostolicæ super amministratione bonorum Et jurium Imperii indiget, sive titulo Regia assumendo: quodque jura Et bona Imperii amministrare Et gubernare poterit, Et de jure, Et de consuetudine, nulla Sedis Apostolicæ super hoc licentia habita vel obtenta.*

§. V. Quare cum Sanctitas vestra teneatur præ omnibus regnis mundi defendere jura Imperii, quod ad defensionem Sedis Apostolicæ, & totius Fidei Christianæ est cœlitus ordinatum, & sine cujus salubri gubernatione & defensione non potest in opulencia pacis persistere Christianus populus, nec bene colere pacis auctorem: Clementiæ Sanctitatis vestræ supplicamus, cum omni hu-

mitate & révérentia, quæ possumus & valemus, quatenus sententias & processus prænotatos, & quidquid exinde ob nos securum est, totaliter & penitus revocetis, tanquam in præjudicium Imperii & jurium ipsius prolatis. Quæ jura illibata pro posse servare tenemur ratione a Nobis præstiti juramenti, ut obinde in omni obedientia & devotione Ecclesiæ Romanæ & Sanctitatis vestræ debeamus devotioribus animis perpetuo permanere. Et ne si secus fieret, Nos & alii Coelectores nostri, cum aliis Principibus Ecclesiasticis, & sæcularibus Alamaniæ cogeremur invenire & quarere contra eosdem processus & sententias, quamvis inviti, remedia opportuna. Super præmissis ad Sanctitatem vestram tales transmittimus, quibus in dicendis & petendis nostro Nomine fidem, Vestram Clementiam petimus adhibere.

Cl. Leibnitius codicis Juris gentium
Parte I. No. LXXXVII. pag. 149.

Decretum & Constitutio ab Imperatore & Ordinibus de Jure Imperii facta VIII. Augusti. Anno M. CCC. XXXVIII.

Licet jura utriusque testamenti manifeste declarent, Imperialem dignitatem & potestatem immediate in Filio Dei ab antiquo processisse, & Deum per Imperatorem, & Reges mundi jura humano generi aperte tribuisse: & quod Imperator ex sola electione eorum, ad quos pertinet, verus efficitur Imperator, nec alicujus alterius eget confirmatione seu approbatione: quoniam in terris quoad temporalia non habet superiorem, sed eidem gentes subsunt & nationes: & ipse Dominus noster Jesus Christus mandavit, *quæ sunt Dei Deo, Et quæ sunt Cæsaris Cæsari reddenda.* Quia tamen nonnulli avaritiæ, & ambitionis cæcitate ducti, & nullius scripturæ intelligentiam habentes, sed diverentes a tramite recti sensus in quædam iniqua & prava commenta, & in assertiones detestabiles prorumpentes contra potestatem, & auctoritatem Imperialem, & jura Imperatorum, Electorum, & aliorum Principum, & Imperii fidelium committunt fallaciter asserentes: *Quod Imperialis digni-*

tas Et potestas est à Papâ, Et quod electus in Imperatorem non est verus Imperator nec Rex, nisi prius per Papam sive Sedem Apostolicam confirmetur, approbetur, Et coronetur: & per hujusmodi pravas assertiones & pestifera dogmata hostis antiquus movet, jurgia suscitât, contentiones parit, & seditiones procurat. Ideo ad tantum malum evitandum de consilio & consensu Electorum & aliorum Principum Imperii declaramus, quod IMPERIALIS DIGNITAS ET POTESTAS EST IMMEDIATE A SOLO DEO: & quod de jure, & Imperii consuetudine antiquitus approbata, postquam aliquis eligitur in Imperatorem sive Regem ab Electoribus Imperii concorditer, vel majori parte eorundem, statim ex sola electione est Rex verus & Imperator Romanorum censendus & nominandus, & eidem debet ab omnibus Imperio subiectis obediri; & administrandi jura Imperii & cætera faciendi, quæ ad Imperatorem verum pertinent, plenariam habet potestatem, nec Papæ, sive Sedis Apostolicæ,

aut alicujus alterius approbatione, confirmatione, auctoritate indiget vel consensu. Et ea propter hac hæc in perpetuum valitura lege decernimus, " ut electus in Imperatorem concorditer, vel a majori parte Electorum ex sola electione censeatur & habeatur ab omnibus pro vero & legitimo Imperatore, & eadem ab omnibus subiectis Imperio debeat obediri, & administrationem & jurisdictionem Imperialem, & Imperialis potestatis plenitudinem habeat, & habere ac obtinere ab omnibus censeatur, & firmiter asseratur; " Quicunque autem contra hæc declarata, decreta vel definita, aut aliquid eorum asserere, seu dicere, aut asserentibus seu dicentibus consentire, vel eorum man-

dati, vel literis, vel præceptis obedire præsumpserint, eos omnibus feudis, quæ ab Imperio detinent, & omnibus gratiis, jurisdictionibus, privilegiis, & immunitatibus a Nobis, vel Prædecessoribus nostris eis concessis ex nunc privamus, & ipso jure & facto decernimus esse privatos. Insuper eos crimen læsæ Majestatis decernimus incurrisse, & pœnis omnibus impositis crimen læsæ Majestatis committentibus subiacere. Datum in oppido nostro de Franckenfurt, die 8. mensis Augusti, anno Domini M.CCC. XXXVIII.

Cl. Leibnitz codex Diplomaticus Juris
Gentium Parte I. N. LXXXVI. pag.
148.

Statuta Synodalia BALDUINI, Archiepiscopi Treverensis, contra Violatores & Invasores tum Clericorum, tum Ecclesiarum.

Anno Christi MCCCIXL. Benedicti XII. Papæ VI.
Ludovici IV. Regis XXVI.

BALDEVINUS, DEI GRATIA, SANCTÆ TREVERENSIS ECCLESIAE ARCHIEPISCOPUS, SACRI IMPERII PER GALLIAM ARCHICANCELLARIUS, UNIVERSIS ET SINGULIS PERSONIS TAM ECCLESIASTICIS, QUAM SÆCULARIBUS PER SUAS CIVITATES ET DIOECESIN CONSTITUTIS, SALUTEM, ET SINCERAM IN DOMINO CHARITATEM.

I. **E**X credito Nobis dispensationis officio, curis sollicitamur assidue, curiosaque inquisitione meditando discurremus, ut subditorum nostrorum quieti & commodis, in quorum prosperitate utique prosperamur, jugiter mentis nostræ studiis intendamus, ut & iidem felici ducti regimine, præferventur a noxiis, & optatis semper proficiant incrementis. Igitur cum nonnulli instigante diabolo in tantam præsumptionis audaciam prorumpant, ut Clericos, & Ecclesiasticas personas occidere, mutilare, & captivare, captivosque detinere, in suæ salutis dispendium non formident: sicut hucusque pluries, (quod dolentes referimus) dinoscitur perpetratum. Nos tantis periculis cupientes occurrere, & tam nefa-

rios præsumptores condigna animadversione ferire, ut saltem metus pœnæ, tales ab hujusmodi præsumptione cohibeat, & compescat: statuimus tenore præsentium & ordinamus, si quis in hoc genus sacrilegii proruperit, quod aliquem Clericum pro Clerico se gerentem, in terminis nostræ civitatis vel Diocesis occidat, mutilet, vel captiver, seu etiam detineat captivatum, quod contra talem occisorem, mutilatorem, captivatorem, & ipsum Clericum detinentem, per totum Decanatum Christianitatis illius loci, ubi talis occisor, mutilans, seu captivans, vel Clericum detinens, domicilium habuerit, vel jurisdictionem exercuerit, de jure vel de facto, & etiam per totum Decanatum illius loci, ubi talis Clericus captivus detentus fuerit, &

& in qualibet Parochiali Ecclesia alterius Decanatus, ad quam tales malefactores declinare contigerit, quamdiu moram ibidem traxerint, & post recessum eorum, per triduum cessetur penitus a Divinis. Quam quidem cessationis Divinorum sententiam, in loca præacta, ut præactum est, ponimus per præsentem, tam diu tenendam, & firmiter observandam, donec præfatus occisor, mutilans, vel captivans, seu Clericum captivum retinens, satisfactione debita præhabita per Nos ipsam meruerit, & obtinuerit relaxari. De qua quidem relaxatione per nostras vel Officialium nostrorum literas constare debebit.

II. Præterea cum nonnulli perversi homines interdum alios in prosecutione sui juris impedire temere molientes, nuntios & portitores literarum & processuum judicialium occidunt, mutilant, & captivant, vel literas & processus quos deferunt, ipsis auferant violenter, in Ecclesiasticæ libertatis contumeliam & contemptum. Nos huic morbo pestifero per oppositionem competentium pœnarum mederi volentes, ut quos timor Dei a malo non revocat, saltem pœna coerceat a peccato: & ne quisquam hujusmodi occasione, & prosecutione sui juris & justitiæ, quam colere summum bonum esse dinoscitur, retrahatur: Statuimus, ordinamus, & volumus, si deinceps quisquam in talem vesaniam inciderit, quod nuncium aliquem literas vel processus aliquos judiciales deferentem, ea occasione occidat, mutilet, vel captivet, vel literas & processus judiciales hujusmodi cuiquam nuncio ipsos deferenti auferat violenter, quod talis occidens, mutilans, seu literas, & processus violenter auferens, juxta statuta *alias per Nos desuper edita*, sententiam majoris excommunicationis incidat ipso facto, & quod contra talem nihilominus sine alia monitione, & sine alio mandato, in terminis Parochialis loci, ubi præfens fuerit, quamdiu ibidem moram traxerit, & post ejus recessum per triduum cessetur a Divinis. Quam cessationis Divinorum sententiam, contra tales occisores, mutilatores, & captivatores dictorum nunciorum, literas seu processus hujusmodi ferimus, & præsentibus promulgamus.

III. Item quia sæpe contingit, ut ex retroactis comperimus, quod bona Clericorum decedentium a nonnullis personis, quibus nullum jus competit bonis in eisdem, de facto & per injuriam occupantur, surripiuntur, & etiam dissipantur, propter quod eorundem bonorum debita dispositio impeditur. Nos ausus talium bona hujusmodi occupantium, surripiuntium, & dissipantium, reprimere cupientes, tenore præsentis statuti omnibus & singulis personis tam Ecclesiasticis, quam sæcularibus, cujuscumque status, sexus, vel conditionis fuerint, districte, & firmiter inhibemus, ne aliqua bona per aliquem Clericum nobis subjectum, cum decesserit derelicta. S. in quibus jus ipsis non competit, occupent, subripiant, vel quovis modo dissipent. Alioquin volumus & statuimus, si quisquam repertus fuerit, qui contra hoc nostrum statutum bona aliquorum Clericorum decedentium nobis subjectorum, per injuriam occupaverit, surriperit, vel dissipaverit, quod contra talem ipsorum bonorum occupationem, subreptionem, vel dissipationem, in terminis Parochialis loci, ubi talis occupans, subripiens vel dissipans, præfens fuerit, vel moram traxerit, & post ejus recessum per triduum: & nihilominus in terminis Parochialis loci, ubi talia bona sic occupata, surrepta, vel dissipata actu constituta, seu collocata fuerint, vel ubi devenerint, cessetur eo ipso penitus a Divinis. Quam cessationis Divinorum sententiam contra hujusmodi bona Clericorum decedentium, occupatores, surreptores, ac dissipatores, modo quò præfertur, tenendam præsentibus promulgamus.

IV. Cæterum cum nonnunquam aliqua personæ Religiosæ de Religiosis etiam Monasteriis personis super bonis negociis seu juribus, ad Monasteria, in quibus hujusmodi personæ deputatæ noscuntur, spectantibus, suis consanguineis, laicis & aliis personis laicalibus ipsis faventibus quetimonias facere non erubescant, ex quo eorum Prælati vel confratribus, ac ipsis Monasteriis interdum injuriæ, damna, & gravamina non modica inferuntur, præsentis statuti tenore inhibemus districte, ac in virtute sanctæ

obedientiæ omnibus personis Religiosis, cujuscunque status, sexus, vel conditionis fuerint, ne super bonis vel juribus sive de personis ad Monasteria, in quibus degunt, vel receptæ fuerint pertinentibus, aliquas querimonias faciant aliquibus personis laicalibus, sive sint eorum consanguinei, vel alias amici, per quos dicti eorum Prælati vel Confratres, vel etiam ipsa Monasteria molestari, damnificari quoquo modo valeant, vel gravari. Et si de cætero alicujus personæ Religiosæ occasione Monasterii ejusdem personæ per aliquos laicos, sive suos consanguineos, sive alios amicos aliquæ injuriæ, vel gravamina illata fuerint, sive damna: cum non sit verisimile, quod inimica hujusmodi (a) religiosa persona talia fierent, & ob hoc scrupulo non careat societatis occultæ: volumus, & statuimus, quod dicta persona, cujus occasione talia gravamina seu damna ipsi Monasterio inferantur, eo ipso de hoc, quod querimonias sic inhibitas fecerit, sit convictus, (b) & eo ipso etiam talis persona conquerens a voce & jure Capitulari in suo Monasterio, sine spe restitutionis per triennium sit suspensa, & ultra hoc nihilominus tanto tempore, quantum ipsius Superior & Conventus arbitrati fuerint, & donec juxta eorundem Superioris & Conventus moderationem ac arbitrium pro qualitate excessus fuerit emendata.

V. Iterum, cum per importunitatem Potentium, Monasteria tam Monachorum quam Monialium, Nobis subiecta, in receptione aliquarum personarum præbendis nondum vacantibus, ut per facti experientiam didicimus, interdum nimium prægraventur: inhibemus, & singulis Conventibus Nobis subditis, tam Monachorum, quam Monialium, & singularibus personis eorundem, ne aliquas Præbendas de cætero aliquibus personis conferant, nisi actu sint vacantes: & ne

aliquas personas sub expectatione futurarum Præbendarum recipiant, seu aliquas promissiones faciant de ipsis præbendis aliquibus personis, cum vacaverint, conferendis: & ne aliquas etiam petitiones super futuris Præbendis admittant, vel quod admittantur, consentiant, divisim vel communiter quovismodo. Alioquin singulares personas de Conventibus huic nostro statuto non obtemperantes, excommunicationis: Conventus vero suspensionis sententias incurrere volumus ipso facto.

VI. Item quia intelleximus, quod nonnulli ex inordinato affectu, & non ob Dei suorumve Sanctorum venerationem, quorundam Sanctorum Festa, quæ nec Romana Ecclesia, nec Nos vel Clerus aut populus nostræ civitatis & Diocesis specialiter, & celebriter veneranda duxerunt, ita, quod in ipsis Festis ab operibus mechanicis, quibus conquæritur victus, cessetur, præsumant indicare, ac pro celebribus coli mandare. Unde in virtute sanctæ obedientiæ districtè duximus prohibendum, ne quis de cætero Prælatus, vel alius cujuscunque status, præminentia, vel conditionis existat, Nobis subiectus, hujusmodi Sanctorum Festa, in quibus homines ut plurimum, quod cordialiter Nobis displicet, se non Divino cultui, ut deberent, sed voluptati, & ociositati, quæ hostis antiquæ arma fore noscuntur, præbere student, quacunque occasione vel causa, indicare, vel coli, mandare præsumat. Salvis iis Sanctorum Festis, quæ ab antiquo hucusque fuerint in suis locis pro Festis celebribus observata. Datum Treviris, Anno Domini Millesimo trecentesimo trigésimo nono, die prima mensis Junii.

*Illmus Hontbeimius Historiæ Treverensis
Diplomaticæ Pragmaticæ Tom. II.
pag. 73, 74, 75.*

(a) forte: a religiosa persona

(b) forte: convicta



CONCILIIUM LUBECENSE

Anno Christi MCCCXLII. Clementis VI. Papæ I.

Ludovici IV Regis XXVIII.

*Johannis IV. (a) Episcopi Lubecensis Statutum & Decretum Synodale
contra invasores & violatores bonorum & personarum
Ecclesiæ Lubecensis.*

Quoniam ad officium pertinet præfidentis, nunc antiquorum observatione; nunc vero editione novorum jurium seu statutorum illicitos ausus malignantium, quam sibi possibile est, refrenare; Nos JOHANNES, Dei gratia, Episcopus Lubecensis, ad reprimendum perverfos quorundam conatus Venerabilium Patrum Dominorum videlicet BORCHARDI & HENRICI Episcoporum Prædecessorum nostrorum felicis recordationis vestigiis inhaerentes, ipsorum statuta in suis Synodis edita innovamus, & quædam alia pro præsentis temporis qualitate necessaria eis duximus annexenda. Cum enim quamplurimi timore Dei postposito, quod conquærentes referimus, bona nostra Episcopalia invadant; violenter occupent & rapiant, nec non colonis villanis subditisque nostris graves multiplicesque injurias inferant eos capiendos, ipsorum bona & res occupando nomine pignoris, res eorum violenter capiendos, eos bonis & rebus spoliando, equos, boves, oves, & alia pecora eorum in prædam abducendo per onerosas hospitalitates & indebita servitia eos affligendo, & illicitas exactiones & tallias eis imponendo, & hæc frequenter contingant, multisque grassantibus exemplo opus sit, Nos justitiam nostram & Ecclesiæ Lubec. sponsæ nostræ nolentes negligere, de Capituli nostri consilio & assensu IN PRÆSENTI SANCTA SYNODO statuimus, decernimus, & decrevimus, ne quis, cujuscunque status aut conditionis fuerit bona nostra Episcopalia violenter invadat, occupet, aut rapiat, colonos, villanos, aut subditos nostros capiat, res, vel bona eorum violenter occupet, nomine pignoris res eorum violenter capiat, eos bonis suis spoliaret, equos, boves, oves, & alia pecora eorum in præ-

dam abducatur per onerosas hospitalitates & indebita servitia eos affligat & illicitas exactiones & tallias eis imponat, nec præmissa sic occupata, rapta, capta, ablata, seu abducta emat vel teneat, nec ad præmissa facienda det consilium, auxilium, vel favorem. Si quis vero contra præsumserit, nisi infra sex dies immediate sequentes, quorum duos pro primo, duos pro secundo, & reliquos pro tertio & perempt. termino & monitione canonica sibi assignamus, occupata, rapta, ablata, seu abducta restituerit, vel de damnis illatis emendam non fecerit competentem, excommunicationi se ipso facto noverit subiacere. Et ne aliquis malefactorum prædictorum statuti ignorantiam seu decreti nostri valeat prætereundere, omnibus & singulis Ecclesiarum Rectoribus & Vice-Rectoribus per nostram Diocesin constitutis in virtute sanctæ obedientiæ & nihilominus sub excommunicationis pœna districte præcipiendo mandamus, quatenus ipsorum singuli in singulis Ecclesiis suis singulis diebus Dominicis & Festivis, cum populus convenerit ad Divina, hujusmodi Statutum & Decretum per se publicent, seu per alios faciant publicari. In quorum testimonium sigillum nostrum una cum sigillo Capituli nostri prædicti præsentibus sunt appensa; Nosque Hermannus de Westerbeke Vice-Decanus, & Capitulum dictæ Lubecensis Ecclesiæ sigillum nostrum una cum sigillo dicti Domini Episcopi nostri in testimonium præmissorum præsentibus duximus apponendum. Datum Lubecens. Anno Domini MCCCXLII. tertia die mensis Julii, quæ fuit in crastino profesti Sti. Martiniani.

Cl. Lunig aus des Teutschen Reichs. Archivs Spicilegii Ecclesiastici. anderer Theil von Hohen Stiffteren.

SYNO-

(a) Joannes von Muhl ex Scholastico Ecclesiæ suæ electus Episcopus anno 1341. fundavit Sacellum in latere Aquilonari Ecclesiæ Cathedralis, obiit peste sævientie A. 1360.

SYNODUS OLOMUCENSIS

Anno Christi MCCCXLII. Clementis VI. Papæ I.
Ludovici IV. Regis XXVIII.

JOHANNES, ^(a) DEI ET APOSTOLICÆ SEDIS GRATIA, EPISCOPUS OLOMUCENSIS : UNIVERSIS ABBATIBUS, PRÆPOSITIS, ARCHI-DIACONIS, DECANIS, PLEBANIS, VICE-PLEBANIS, ETIAM ECCLESiarUM ET CAPELLARUM RECTORIBUS, TOTIQUE CLERO, ET POPULO, QUIBUSCUMQUE NOMINIBUS CENSUNTUR, PER NOSTRAM DIOCESEM CONSTITUTIS, SALUTEM ET SINCERAM IN DOMINO CARITATEM, ET HIS NOSTRIS CONSTITUTIONIBUS FIRMITER OBEDIRE.

Humana natura labilis est ad delicta, & diaboli invidia succrescente confusa est lex justitiæ. Unde considerantes, quod licet satis provide per *Canonica*, ac deinde *Provincialia*, nec non *Prædecessorum nostrorum statuta*, circa reformationem morum Cleri sit provisum; nihilominus, cum nulla constitutio ad humanæ naturæ varietates, & ejus machinationes inopinabiles sufficit, quin per machinationes humanæ sagacitatis, quæ ad malum prona est, & multiplices appetitus noxios in se continet, mentem quandoque sapientum in erroris viam sic abducatur, ut nisi lex limitaris tales affectus noxios restringeret, ex apparentibus potius quam existentibus non formidaret. Quapropter sub maxima lucubratione degentes, noctes insomnes ducimus, Omnipotentis Dei auxilium invocantes, pro nostris subditis, ut ab hujusmodi varietatibus illicitis sibi ipsis consulere faciant abstinendo, ideoque *quasdam nostras Constitutiones* necessarias, prout rerum experientia Nos edocuit, *Prioribus* jungentes, non novitatis alicujus conceptione induciti, se veteribus fulcimenta præbentes, ut in suis limitibus salubriter perseverent, in hac nostra Sancta Synodo, cui alias auxiliante Deo præsidemus, vestræ caritati ad memoriam duximus adhibendas, mandantes & volentes, ut vos omnes & singuli vestrum eas benigne suscipientes affectu, eis utamini, de cætero locis & temporibus quibuslibet, nec

quisquam suo, sed in earum limitibus ambulet, & ducatur.

Caput I. De Officio Visitatoris.

Cum juxta dictum Salomonis, nemo prudentiæ propriæ inniti debeat; sed quilibet in suis actionibus non suo sensu, sed Canonum auctoritate duci debeat, & ob hoc lex prædita sit, ut appetitus noxius sub juris regula limitetur, per quam humanum genus, ut alterum non lædat, jus suum unicuique tribuat, informatur. Statuimus & volumus, quod juxta moderationem factam circa sanctæ Visitationis Officium per Sanctiss. in Christo Patrem & Dominum nostrum Benedictum ^(b) Pap. XII. per Constitutionem suam novellam, quæ incipit: *Vas Electionis &c.* ^(c) singuli quorum interest, sanctæ Visitationis Officium exerceant; nostræ autem intentionis existat, ut se regant, & dirigant, si pœnas in eadem Constitutione expressas voluerint evitare.

Caput II. Ut singuli Plebani hæc statuta habeant.

Ordinamus, volumus, & sub pœna excommunicationis præcipimus, quod quilibet Archi-Diaconus nostræ Diocesis infra unius mensis spatium, sub nostro sigillo, eandem Constitutionem habeat, & eam de verbo ad verbum omnibus Plebanis sui Archi-Diaconatus requirentibus ipsam dare & exhibere modis

(a) Joannes Oczko, ex Prioribus de Wlasm, Episcopus Olomucensis XXIV. ex Præposito omnium Sanctorum sit Archi-Episcopus Pragensis, ac demum Cardinalis titulo XII. Apostolorum: magna auctoritate Ecclesiam administravit.

(b) Benedictus XII. eligitur Avenione 24. Decembris A. 1334. antea dictus Jacobus Fumarius, A. 1335. VIII. Januarii coronatus. Obiit A. 1342. 25. Aprilis Avenione.

(c) Extat Extravagantium Commun. L. III. Tit. X. De censibus, exactionibus, & procurationibus.

modis omnibus absque diminutione teneatur, subterfugiis quibuslibet incongruis penitus postergatis.

Caput III. Nemo in alia Diœcesi sine licentia sui Episcopi Ordines accipiat.

Cum jam dudum sacris Constitutionibus laudabiliter sit provisum, quod nullus furtive in Diœcesi aliena ordinatus executionem ordinationum sic perceptorum habeat, nisi per suum Episcopum desuper fuerit prius dispensatum; quia tamen efficax rerum Magistra experientia per facti evidentiam Nos edocuit, quod nonnulli Archi-Diaconi per nostram Diœcesim constituti, improvide, cum tamen id facere non possint, tales tolerant, & eis concedunt literas suas; præsentibus inhibemus, ne quisquam talium per aliquem Archi-Diaconorum, seu Plebanorum nostrorum ad executionem Ordinum sic susceptorum amplius admittatur, nisi de dispensatione Ordinum sic perceptorum per Nos prius facta, per nostras patentes literas eis facta fuerit plena fides.

Caput IV. Ne quis peregrinus ad Officium Ecclesiasticum admittatur sine literis Episcopi.

Sane jam dudum per bonæ recordationis Dominum CONRADUM Prædecessorem nostrum satis provide fuit constitutum, quod nullus de alia Diœcesi per Plebanum, seu Rectorem Ecclesiæ, absque licentia Episcopi Diœcesani pro Vicario recipi debeat, seu permitti Ecclesiastica Sacramenta tractare, etiamsi dimissorias suorum habuerint Prælatorum. Nos tamen propter transgressorum audaciam, ejusmodi Constitutionem innovantes, statuimus: ut nullus de cætero pro Vicario recipiatur, seu ad ministrationem Ecclesiasticorum Sacramentorum admittatur, nisi prius Archi-Diacono loci præsentatus, per ipsum Archi-Diaconum, seu ejus literas patentes, Nobis de novo præsentandus, antequam Divinis se ingerat, digno per Nos examini subijciatur, an dignus sit ad animarum regimen suscipiendum: nec tunc etiam, cum repertus fuerit idoneus, recipiatur a quoquam, nisi nostris literis receptoris patentibus nostro sigillo roboratis, fuerit communitus.

Tornus IV. Concil. German.

Caput V. De Festivitatibus celebrandis.

Plebanorum nostrorum petitio continebat, ut ipsis Pastoralis debiti officium edicere dignaremur, quæ Festa Sanctorum per abstinenciam ab omni opere servili annuatim essent per ipsos eorundem subditis indicenda. Nos eorundem justis petitionibus inclinati, nobiscum, & cum fratribus de nostro Capitulo existentibus deliberatione præhabita diligenti, ipsis ea duximus præsentibus exprimenda: Festum videlicet Nativitatis Domini cum tribus sequentibus diebus, Circumcisio, Epiphania, Conversio S. Pauli, Purificatio, Mathiæ Apost. Annuntiatio, Festum Paschæ cum tribus diebus sequentibus; Georgii & Adalberti, Marci Evang. Philippi & Jacobi, Inventio S. Crucis, Ascensio Domini, Pentecostes cum duobus diebus sequentibus, Festum Corporis Christi, Joannis Bapt., Petri & Pauli, Margarethæ, M. Magdalenæ, Jacobi, Laurentii, Assumptionis, Bartholomæi, Nativitatis gloriosæ Virginis, Matthæi, Wenceslai, Michaelis, Lucæ Evang., Simonis & Judæ, Omnium Sanctorum, Martini, Christini, Nicolai, Andreæ, Thomæ.

Caput VI. De vitæ & honestate Clericorum.

Cupientes, ne magnus ille voluptatis hortus, quem noster verus Salomon in folio militantis Ecclesiæ plantavit, & a procelloso mundi turbinibus & fluctibus elongavit, vitii aliquid contrahat, sed potius flores & fructus honestatis in eo ubertim succrescant, statuimus: ut omnes Clerici nostræ Civitatis de cætero clerice viventes coronam & tonsuram deferant, vestem quoque talarem, nec nimia latitudine, seu strictione norandam, nec nodulis utantur inter manum & cubitum, calcæis quoque perforatis & incisis, cultellis fixitalibus, & desuper argentatis, vel alio metallo circumductis non utantur, nec cingulis sericis notatis: item nec cappas sericas, vel virgulas deferant, ut & panceria, arcus, & balistas, item nec gladios, nisi in itinere constituti, quos tamen statim, cum ad hospitium venerint, deponant. Verum cum propter transgressorum temeritatem necesse est, ut non solum prohibi-

V v

tione

tione finis contenti, sed etiam poenas delinquentibus adjiciamus, cum poena suos semper debeat tenere auctores. Volumus, ut contra facientes ex tunc, quotiescumque contravenerint, marcam solvere teneantur: talem vero Nobis denuntians & legitime probans, sive Clericus fuerit, sive laicus, ex prædicta marca unum florenum a Nobis recipiet indilate.

Caput VII. Ne Jocularibus per Clericum quidquam donetur.

Huic quoque Statuto duximus salubriter annectendum, ut nullus Clericorum nostræ Dicecesis deinceps alicui joculari, seu mimo, ex nuptiis sibi transmissis per aliquem aliquid dare præsumat: contrarium faciens poenas suspensionis IV. mensium ab ingressu Ecclesiæ incurrat.

Caput VIII. Ne Clerici filiis aut filiabus convivia faciant.

Insuper etiam prohibemus, ne quisquam Clericorum nostræ Dicecesis, filio vel filiæ suæ, qui eorum potius sunt pudori, quam honori, nuptias, seu in eorum nuptiis convivia habere audeat publice vel private, cum hæc in grave scandalum redundare non sit dubium; alioquin contra faciens Episcopo unam marcam, & Archi-Diacono loci unum fertonem solvere sit adstrictus, & nihilominus per unum mensem integrum in Ecclesia Olomucensi in cappa nigra stare teneatur.

Caput IX. Ut quilibet Rector sigillum habeat.

Cæterum, ne prætextu carentiæ sigilli, quisquam Clericorum nostræ Dicecesis occasionem habere possit suorum Prælatorum mandata non exequi, seu provideri eisdem, statuimus sub poena unius marcæ nostræ Cameræ applicandæ, ut quilibet Rector Parochialis Ecclesiæ, vel ejus Conrector, infra duorum mensium spatium a publicatione præsentis statuti computandum, habere debeat sigillum proprium, nomen suum & Ecclesiæ suæ exprimens, si est Rector, si vero Conrector fuerit, ipsius nomen & cognomen.

Caput X. Ne Clericus hastiludium exerceat.

Hastiludia & torneamenta Clerici, qui sunt in dignitatibus, seu sacris Ordinibus constituti, hoc edicto nostro sibi noverint perpetuo interdicta, ita quod nulla Ecclesiastica persona cum armis exerceat, & si contra fecerint, excommunicationis vinculum eo ipso incurrant, cujus absolutionem Nobis reservamus. Inferioris vero ordinis Clerici, si talibus se ingesserint, eo ipso, per annum integrum inhabiles sint ad Ecclesiastica Beneficia obtinenda.

Caput XI. Quomodo permutationes fieri debeant.

Frequens & assidua multorum insinuatio nostris auribus patefecit, & rerum experientia nos edocuit, quod plerique Clerici exquisitis fraudibus sua beneficia insimul permutare molientes, pecunia seu alia re interveniente, Simoniacam exercent pravitatem; verum quia iniquum hoc, sacris Canonibus inimicum vitium tolerari non debet, duximus providendum, quod de cætero permutationes Ecclesiarum nullæ fiant, nisi prius Nobis per Decanum ruralem loci, & duos viciniore & honestiores Clericos facta fuerit plena fides, quibus ex causis ipsa permuratio fiat, & quod Simonia vel pactio alia illicita non interverit ullo modo; alioquin sub alia forma huic contraria, sua beneficia per collusionem dimittentes, & alias Ecclesias subintrantes, virtute præsentis statuti, ipsis Ecclesiis sint privati.

Caput XII. Ne Patroni Ecclesiarum compellant ad permutationes.

Sunt nonnulli etiam Clerici, qui a Patronis, sive alias eorum Dominis, quibuscunque nominibus censeantur, cum pro eorum libitu non faciunt voluntatem, sive in dando eis, vel faciendo ad nutum eorum existant, coguntur ad beneficia, quæ sub eis possident, permutanda; ex quo gravamina non modica, & pericula in spiritualibus & temporalibus exurgunt Ecclesiarum & personarum earundem; Nos itaque ad tam detestabile vitium extirpandum duximus statuendum, quod Clerici talibus coactionibus non assentiant, sed illos Nobis sub

excommunicationis poena denunciare te-
neantur indilate, Patroni vero talia com-
mittentes, jure præsentandi careant ea
vice.

Caput XIII. De Festivitatibus Patronorum.

Qui suscepto de manu supernæ be-
nedictionis præmio in perhennitate glo-
riæ consistunt ad dextram Dei Patris,
devote metuendi sunt, & omni veneratione
colendi sunt, inter quos Beatissimi &
Gloriosissimi Confessores Christi CYRIL-
LUS & METHUDIUS, Patres, Apostoli,
& Patroni nostri præcipui, qui felicissimum
nostræ Ecclesiæ & Diocesis agrum in vineam
Domini DEI Sabaoth converterunt,
& palmites multiplicium virtutum,
& doctrinam longe lateque in ea ex-
tenderunt, fructus uberes proferentes.
Volentes autem, ut non solum hi San-
ctissimi, sed & loca suo odore glorificato
resperfa pia & perpetua devotione a
Christi fidelibus venerentur; statuimus:
ut omnes & singuli subditi nostri per
eosdem Clarissimos Sanctæ Fidei Planta-
tores in domum Domini complantati,
nobiscum jocunda mente suscipiant, quæ
læti referimus; videlicet: ut totus Cle-
rus & populus nostræ Diocesis ipsorum
festum & diem debeant VII. Idus Marti
solempniter una nobiscum per Di-
vinorum Officiorum celebrationem piis
ac bonis operibus recolere & observare.
Præterea, ut festum S. CHRISTINI PATRO-
NI nostri, cujus corpus in nostra Olomu-
censi Ecclesia requiescit, solempniter in
crastinum S. Martini ab omnibus Christi
fidelibus utriusque sexus nostræ Diece-
sis; sub poena excommunicationis festi-
vetur, & in Ecclesiis sub duplici officio
observetur. Insuper statuimus & ordi-
namus, ut festum *S. Cordule Virginis*
annuatim in die XI. *Milium Virginum*
solempniter festivetur, utpote cujus cor-
pus pariter in nostra Ecclesia Olomu-
censi requiescit.

Caput XIV. De Visitatione Infirmorum.

Cum ad infirmos extra septa Eccle-
siæ Corpus Christi deportatur, manda-
mus veneratione solita venerari, videlicet:
ut Presbyter indutus superpellicio cum
stola circum collum porter illud ad infir-
mum, nisi loci distantia & temporis qua-
litas secus exposcat: Clericus vero præ-

cedat cum lumine & campanella; & ob-
viantes genu flectant, & qui devote ora-
tionem Dominicam cum Ave MARIA
dixerint, his XX. dies de injuncta sibi
pœnitentia misericorditer relaxamus Qui
vero Sacerdotem sic ipsum Dominicum
Corpus deferentem ab Ecclesia usque ad
infirmum cum lumine conduxerint, &
abinde revertenti se associaverint, XL.
Indulgentiarum dies de Beatorum Petri
& Pauli, & Patronorum Ecclesiæ confisi
suffragiis, de injunctis pœnitentiis mise-
ricorditer relaxamus.

*Caput XV. Ut interdictum ponatur, dum
Ecclesiæ deprædantur, & Clerici
captivantur.*

Licet Canon Provincialis Statuti fel-
licis recordationis Domini GERHARDI
Archiepisc. Moguntinensis satis provide
sub excommunicationis jam latæ senten-
tiæ poena statuerit, ut quando spoli-
um Ecclesiasticorum bonorum factum fuerit
per laicum, vel Ecclesiastica persona ad
aliquem locum captiva duci contigerit,
ex tunc Sacerdotes hoc scientes non ex-
pectato super eo Superiorum mandato,
abstinere debeant a Divinis; quia tamen
facti nos evidentia edocuit, nondum
ad plenum contra temeritatem & auda-
ciam spoliatorum & captivatorum præ-
dictorum esse provisum, cum contra
hujusmodi Constitutionem exquisitis
fraudibus facere moliantur: hinc volu-
mus & statuto præsentis edicimus, ut ad
quemcunque locum deinceps prædicti
spoliatores seu captivatores talium per-
sonarum pervenerint, seu declinaverint,
vel etiam ipsum spoli-um deductum fue-
rit, quam diu ibidem permanerint, eo
ipso cessetur a Divinis, donec ipsum spo-
lium plene & integre fuerit restitutum,
aut de ipso alias congrue satisfactum.

Caput XVI. Ne Apostata recipiantur.

Ut periculosa rogandi materia seu
occafio eo amplius de cætero Religiosis,
seu suæ professionis habitum dimittenti-
bus subtrahatur, statuimus: ut deinceps
nullus Plebanorum, vel aliquis quicum-
que Clericus Apostatam Ordinis cujus-
cunque pro socio in sua Ecclesia recipiat,
& eum scienter retinens, præter pœ-
nam a jure statutam, unam marcam No-
bis, & Archi-Diacono loci unum ferro-

nem solvere teneatur. Similem quoque pœnam Decanus & Plebanus vicinior hoc sciens, & hoc Nobis denunciare dissimulans, incurrat.

Caput XVII. De Indulgentiis infra Elevationem.

Is, qui in elevatione Hostiæ salutaris humiliter & devote a tempore Elevationis usque post Elevationem flexerit & inclinaverit, X. dies de injunctis pœnitentiis in Domino relaxamus; ut autem ad præmissa Christi fideles commodius se aptare possint & valeant, volumus & mandamus, ut cum ipsa S. Eucharistia elevatur, iteratis vicibus sonitus campanæ pulsetur.

Caput XVIII. Ut Dedicatio Olomucensis Ecclesiæ festivetur.

Alma mater Ecclesia plerumque nonnulla rationabiliter ordinat, quæ postmodum suadente subditorum commodo consultius & rationabilius revocat in melius; inter alia solemnitates Dedicatarum Ecclesiarum per annos singulos celebrando, ipso Domino nostro exemplum dante, ut qui ad festum Dedicationis Templi cum reliquis populis eandem festivitatem celebraturis, advenit. Statuimus igitur, ut, non obstante observatione hætenus habita, festum Dedicationis Ecclesiæ Sponsæ & Matris nostræ Olomucensis, proxima Dominica post octavas Corporis Christi annis singulis solemniter celebretur, & ab omnibus Christi fidelibus votivis cordibus, & corporalium laborum itineribus sincera devotione frequentetur. Omnibus autem vere pœnitentibus & contritis ipsam Matrem nostram Ecclesiam intra octavas Dedicationis frequentantibus ac visitantibus XL. dies de injuncta eis pœnitentia misericorditer in Domino relaxamus.

Caput XIX. Ut Plebanus eligat Rectorem.

Quia sæpe super electione Scholarum Rectoris inter Plebanos & ipsarum Ecclesiarum Rectores suscitatur materia dissensionis, ipsam, quantum Nobis est possibile, tollere cupientes, statuimus: ut Magistri Scholarum electio & ordinatio cum fuerit facienda, de cætero libere ad Parochialem Rectorem, seu ejus

Vicarium debeat perpetuo pertinere, alias electio vel ordinatio de Magistro facta, nisi ipsius consensus accesserit, sit irrita ipso facto, nec ipsum, nisi voluerit, pro Magistro habere teneatur.

Caput XX. De obventibus Plebani.

Statuimus etiam, quia plerumque ipsis Rectoribus Ecclesiarum suarum ad omnia & singula incumbentia onera supportanda non sufficiunt facultates, ut nullus de cætero in aliqua Ecclesia Parochiali nostræ diocesis Magister Czechæ, qui alias vitricus Ecclesiæ vocatur, eligatur sine scitu Plebani loci vel Conventoris ipsius, qui etiam debet esse fidelis & juratus Ecclesiæ, & suum officium fideliter exercere, volentes: ut de ipsis, quæ per ipsum quæstuando cum tabula per Ecclesiam ex oblationibus Fidelium fuerint comparata in festivitibus sequentibus, videlicet: Nativitatis Christi, Paschæ, Pentecostes, Ascensionis, IV. Festivitibus B. Virginis, Dedicationis Ecclesiæ, seu Patroni, Plebanus medietatem integraliter trahere debeat, in aliis vero diebus ipsi vitrici ei tribuant juxta consuetudinem hætenus observatam, de relictis quoque pro ornamentis Ecclesiæ, de cera pro luminibus disponendis, & quidquid ad certum usum fuerit deputatum, ipse Rector Ecclesiæ nihil habere debeat.

Caput XXI. Ut Judæi caputia non deferant.

Cum per Sanctorum Canonum Statuta laudabiliter provistum fuerit, ut Judæi habitum distinctum deferant, per quem a Christianis discerni possint evidenter, quia vero nullus ex hoc, aut rarus fructus provenit, quin imo ipsi Judæi Christianorum habitu utantur distincte, quo ingens inconvenientia Christianæ Religionis dignoscitur provenire; Nos itaque pastoralis astringit sollicitudo, ut in talibus providere debeamus, statuimus, ut Judex, sive Advocatus, & Scabini, seu Jurati locorum deinceps Judæis Caputia deferentibus ea auferre debeant, alioquin id non prohibentes in vita eorum Ecclesiasticis careant Sacramentis, & post mortem Ecclesiastica sequestratura.

Caput XXII. De Confessionibus.

Sane, licet Bonifacius Papa, sua Constitutione duxerit statuendum, nulla consuetudine introduci posse aliquem, præter sui Superioris licentiam Confessorum eligere, qui eum solvere possit, vel ligare. Ne tamen pro dilatione poenitentiae periculum imminere animarum, præsentī Statuto favorabiliter indulgemus, ut Plebanus Socii, & Socii Plebano, vel Plebani Socii pluribus in Ecclesia existentibus, unus alterum de confessis sibi peccatis absolvi habeat potestatem, casibus Nobis, vel a consuetudine reservatis, dumtaxat exceptis, dum tamen absolvens illius criminis particeps non fuerit, sive Socius in perpetratione illius; ne verecundia, quæ maxima pars est poenitentiae, cessare videatur; quo

casu volumus, quod Plebano proximiori confiteri possit. Ratificantes ex nunc ex speciali gratia omnes Confessiones, & absolutiones hactenus factas per quoscunque contra formam Constitutionis præfatæ.

Diligenter collatum cum suo genuino Textu in Archivo Archi-Episcopali Pragensi sub fide mea jurata assertato per omnia concordare testor Pragæ die 7. Octobris A. 1752.

Wenceslaus Procopius Duchowsky mpp.

(L.S.) *Sr. Theol. Baccalaureus, formatus Regiæ Cap. OS. SS. in Castro Pragensi Beneficiatus Notarius Aplicus, & Curiae Archi-Episcopalis Pragensis Archivarius Juratus.*

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

*Erectio Ecclesiæ Pragensis in Metropolitanam cum duobus
Suffraganeis.*

Romanus Pontifex supremæ Majestatis providentia in altissimo dignitatis loco constitutus, ovile Domini suæ curæ traditum, ut ei ex Officio Pastoris incumbit, sollicitè circumspiciens & custodiens, Ecclesias, earumque rationes commutat, & corrigit, sicut necessitas ipsarum Ecclesiarum, & causæ postulare noscuntur pro adificatione populi, & salutē animarum. Cum sicut Nobis ex una parte a Charissimo Filio nostro Joanne Rege Bohemiæ, Illustri, & Nobilissimo Viro Carolo Marchione Moraviæ Primogenito ejus Filio, coram Nobis, & Fratribus nostris S. Romanæ Ecclesiæ Cardinalibus propositum, & reverenter significatum est, (a) Pragensis, & Olomucensis Ecclesiæ, & eorum civitates, & Episcopatus in Regno Bohemiæ sitū, spectantur jure Metropolitanano ad Archi-Episcopum Moguntinum, civitas vero Moguntina ipsa duodecim circiter dierum itinere exinde distet; ad hæc, quod prædicti Regni incolæ, qui Slavica lingua loquuntur, incolas, qui in prædicto Archi-Episcopatu sunt, non intelligant; Item quod ex Pragensi, & Olomucensi civitatibus & Episcopatibus venientes, per latrones & prædones in viis multa pericula subiverint, & quod

magnæ Silvæ, & montes interjaceant, & difficilis sit accessus, & sæpe volentes Moguntiam pergere, alias terras transire, & procul circum ire aliis viis, vel ob appellationem, vel ob alias necessitates ab Archi-Episcopo, sicut a Superiore suo, impetrare quærentes, multum laborem, difficultatem, & expensarum damnum pati debuerint; insuper quod ultra hominum memoriam nunquam (nisi semel) prædictæ Ecclesiæ Pragensis, & Olomucensis visitatæ sint; cum bonum Superiorem deceat sibi commissos visitare; sed & hoc magnum inconveniens esse cognoscitur, ut tanta multitudo hominum ab uno tam procul posito regatur. Ex his itaque causis a prædicto Rege, & Filio ejus Primogenito, humiliter rogati sumus, quatenus Pragensem & Olomucensem Ecclesias a tali respectu, dependentia, subjectione Archi-Episcoporum Moguntinorum, & Ecclesiæ Moguntinæ liberare, & hanc Ecclesiam Pragensem in Metropolitanam erigere, & alias Ecclesias in illo Episcopatu, præcipue Olomucensem, Pragensi Ecclesiæ adjungere dignaremur. Nos precibus eorum auditis, volentes in his ordinem certum, & modum servare, & absolutam rerum notitiam accipere, Venera-

nerabili Fratri Bernardo Episcopo Ostiensis, & Dilectis Filiis nostris Bernardo tituli S. Cyriaci, Præfecto Tervisano, ut & Raymundo Ecclesiæ Novæ B. Virginis Diacono, Cardinalibus, vivæ vocis oraculo mandavimus, ut de hac re personaliter, & oretenus meliorem notitiam acciperent, & quod conveniens judicarent, Nobis fideliter aperirent. Itaque per Episcopum Ostiensem & Cardinales, juxta nostram voluntatem informati, cognovimus, justas, & fere evidentes causas esse eorum petitionis, quod non solum digna res sit, sed etiam omnino necessaria, pro dilatazione præmiorum Dei, & salute animarum. Confidimus enim, quod per hoc multum bonorum salutarium provenire possit, sicut cum Fratribus nostris prædictis diligenter, & sedulo perspeximus, & consilium desuper accepimus, Ecclesiam, civitatem, & Episcopatum Pragensem prædictum, ex consilio Fratrum nostrorum, & ex Apostolicæ potestatis plenitudine, cum certa scientia nostra, ab omni jurisdictione, potestate, & subjectione Archi-Episcopi Moguntini, qui nunc est, & Dilectorum Filiorum Capituli Ecclesiæ Moguntinæ eximentes, & omnino liberantes, & soli Ecclesiæ Romanæ in posterum subjicientes, Pragensem Ecclesiam ad Dei honorem, & gloriam, atque ad exaltationem Fidei Christianæ, & cultus Divini augmentum, & animarum salutem, in Metro-

politana erigimus, & illam dignitatibus, & signis Metropolitanarum Ecclesiarum decoramus, potestate prædicta constituentes, ut hæc Pragensis Ecclesia in posterum pro Metropolitana habeatur, & ejus Pastor Archi-Episcopus nominetur. Dignum etiam est, quandoquidem prædicta Ecclesia ante fuit sicut Filia, & nunc est facta Mater Metropolitana, ut Suffraganeos, & suam peculiarem jurisdictionem habeat, ut ad judicium Archi-Episcopi, qui pro tempore erit, omnes causæ Suffraganeorum, Episcoporum, & Clericorum, & civitatum, & Episcoporum, & Provinciæ, juxta regulas juris Canonici, referantur. Villam vero Litomisl, qui est locus insignis in Episcopatu Pragensi, ad honorem Nominis Dei, & venerationem, pro ædificatione, & exaltatione in civitatem erigimus, & civitatem facimus; Item Ecclesiam hujus Monasterii Novæ civitatis Ordinis Præmonstratensis, in Episcopalem erigimus, cui ab Episcopo Olomucensi, & etiam a Pragensi aliquæ partes ditionum attribui debent, & sic Olomucensis & Litomislensis Ecclesiæ, & earum civitates, Pragensis Ecclesiæ erunt Suffraganeæ. Nulli itaque hominum liceat &c. Datum Avenione pridie Calendas Maji, Pontificatus nostri anno secundo.

P. Balbinus vite Ernesti Lib. II. Cap. III. pag. 97. & seqq.

CONCILIIUM ULTRAJECTINUM

SUB JOHANNE (a) DE ARCKEL,

Anno Christi MCCCXLIII. Clementis VI. Papæ II.
Ludovici IV. Regis XXIX.

Epistola Ima Synodalis.

JOHANNES, DEI GRATIA, EPISCOPUS TRAJECTIONSIS, UNIVERSIS ABBATIBUS, PRÆPOSITIS, ARCHI-DIACONIS, DECANIS RURALIBUS, RECTORIBUS, CURATIS, AC ALIIS CLERICIS SÆCULARIBUS, AC REGULARIBUS, PER NOSTRAS CIVITATES ET DIOECESIM CONSTITUTIS, QUOS INFRA SCRIPTUM TANGIT NEGOTIUM, SALUTEM IN DOMINO SEMPITERNAM.

I. *J. Arckelus revocat varia ante concessa privilegia.*

Quia per ambitiosam importunitatem petentium nonnulli Prædecessores nostri in diversis per suas ci-

vitates & Dioecesi constitutis, facultates & licentias concesserunt, a casibus Episcopalibus absolvendi, quibusdam in

in Oratoriis celebrandi, & aliis faciendi Missas coram se in suis castris, domibus & habitationibus celebrari, aliquibus ordines interdum sacros a quocunque antistite Catholico recipiendi, nonnullis a suis Beneficiis seu Ecclesiis residentiam exigentibus absentandi: Quidam etiam quarundam licentiarum, sententiarum & dispensationum Ecclesiæ concessarum, & factarum prætextu, interdum & indiferece, per alios, qui super his potestatem habent, se a suis Beneficiis residentiam exigentibus absentant: Nonnulli etiam Præpositi, & Archidiaconi, & Prælati, ac eorum Officiales & Decani suæ potestatis terminos amplificantes, & præsumptuositate propria excedentes, de nostra Episcopali jurisdictione interdum tota, interdum certis casibus saltem de facto, cum de jure nequeant, se intromittant, ex quibus sæpe contingit animas decipi, jura Parochialia lædi, plures insufficientes ordinari, Divinum Officium negligi, cultum Divinum minui, & plurima scandala suscitari. Nos volentes, ut tenemur, prædictæ dubitationis materiam amputare, omnes & singulas facultates, & licentias supradictas, personis non locis concessas revocamus, annullamus, cassamus & irritamus, & cassas & irritas esse volumus & inanes, easque nullius decrevimus esse firmitatis. Inhibentes omnibus & singulis Nobis subditis, cujuscunque conditionis & status extiterint, quibus prædictæ facultates & licentiæ sunt concessæ, ne eorum occasione attemptetis, ulterius facere supradicta, sed deinceps desistatis penitus ab eisdem. Monemus insuper vos omnes & singulos Clericos, & Religiosos, & alios, cujuscunque status & conditionis sitis, qui a prædictis casibus Episcopalibus, absque speciali nostra licentia absolveritis, & vos prædictos Præpositos, Archidiaconos, Prælatos vestrorum Official. & Decan. qui vos de nostra jurisdictione Episcopali, absque nostra speciali commissione intromittitis, quatenus infra quinde-

cim dies, postquam noster processus ad vestrorum notitiam pervenerit, quos pro prima, secunda, tertia, ac monitione Canonica vobis assignamus, cessetis penitus a prædictis, & vos, qui a casibus Episcopalibus absolventis, causam coram Nobis vel Officiario nostro infra prædictum tempus ostendatis & proberis, qualiter absolvere valeatis a casibus supradictis.

II. Clericos præcipit residere.

Item monemus vos omnes & singulos, in nostra civitate & Diocesi Beneficia quaecumque residentiam requirentia obtinentes, & si quæ in futurum obtinebitis, quatenus infra duos menses, postquam noster processus ad vestram notitiam pervenerit, aut postquam prædictorum Beneficiorum, quæ in futurum obtinebitis, possessionem pacificam fueritis affecturi, quos duos menses pro prima, secunda, tertia, ac monitione Canonica vobis assignamus, ad dicta Beneficia accedatis, personalem residentiam, etiam juxta Beneficiorum exigentiam servitia debita peracturi: aut coram Nobis compareatis causam rationabilem, si quam habetis, ostensuri, quare non teneamini ad residentiam antedictam, taliter, quod mereamini a Nobis super hoc testimoniales litteras obtinere; quodsi dictis nostris monitionibus aut alicui earum non parueritis, cum effectu in vos non parentes excommunicationis sententiam ferimus in his scriptis, cujus absolutionem Nobis posterum reservamus, ad pœnas alias processuri, si hoc meruerit protervitas contumaciæ.

III. Peccata reservata proponit.

Verum ne aliquis de Episcopalibus, seu peccatis, quorum Nobis est absolutio reservata, ignorantiam valeat allegare, vobis eos & ea præsentibus designamus, quæ sunt numero XIX. prout in statutis per felicis recordationis Dominum GUIDONEM Prædecessorem nostrum.

(a) Joannes, Filius Joannis Domini de Arkel, & Ermingardis, Filix & hæredis unicæ Ottonis Cliviæ Comitis, a Clemente VI. declaratus Antistes Ultrajectinus, a Cardinali Ganzelino Episcopo Albanensi Romæ consecratus fuit. Circa 1342. inter continua bella præfuit Sedi Trajectensi annis XXII. sed anno 1364. per Urbanum V. factus fuit Leodiorum Episcopus. Demum Leodii anno 1378. VI. Kal. Aprilis mortuus, cadavere Trajectum ad Ecclesiam S. Martini translato. In sacris & sæcularibus Literis non vulgariter erat institutus. *Placentius de Episcopis Leodiensibus.*

strum editis, plenius continentur. Et sunt hæc, homicidia, sacrilegia, incendia, peccata contra naturam, seu Zodomitica, concubitus personarum Conventualium in sacris Ordinibus constitutarum. Incestus videlicet cum sanguinea, vel affine, vel cum ea, quæ votum castitatis emisit. Iniectiones manuum in parentes, oppressiones parvulorum, negligentia parentum in igne vel aqua natos amittentium, veneficia, perjurya solemnina, fidei fractores, votorum fractores, symonia, adulteria manifesta, hæresis, apostasia, maleficia eorum, qui maleficiunt conjuges, ne possint coire, & qui procurant sterilitatem mulierum vel abortum. Crimina falsitatis in litteris, sigillis vel mœneta.

IV. *Et pro Concione publicari mandat.*

Mandantes vobis omnibus & sin-

gulis Curatis nostrarum civitatum & Diœcesis, in virtute sanctæ obedientiæ, & sub excommunicationis pœna, quatenus prædictos casus Episcopales quilibet vestrum in scriptis habeat, ipsosque populo lingua materna, & intelligibiliter publice quatuor diebus Dominicis continuis, postquam ipse noster processus ad vestram noticiam pervenerit, & annis singulis duabus Dominicis in Adventu, & tribus Dominicis in XL. Cæterum ut hunc nostrum processum ad omnium vestrum noticiam perducamus, ipsum munimine nostri sigilli roboratum, valvis nostræ Trajectensis Ecclesiæ affigi fecimus, & in nostra generali Synodo publicari. Datum infra nostram Ecclesiam Trajectensem, anno Domini MCCCXLIII. feria tertia post Cantate.

Heusden Bavaria Sacra pag. 187.

Epistola Secunda Synodalis.

Anno Christi MCCCXLIV. Clementis VI. Papæ III.
Ludovici IV. Regis XXX.

Jubet Regulares, nec prædicare, nec a peccatis præcipue reservatis absolvere, nisi legitime sint admissi.

JOHANNES, DEI GRATIA, EPISCOPUS TRAJECTENSIS, UNIVERSIS ET SINGULIS CURATIS, SEU ECCLESiarUM RECTORIBUS IN NOSTRIS CIVITATIBUS ET DIOECESI CONSTITUTIS, SALUTEM IN DOMINO SEMPTERNAM.

DUm nonnulli Religiosi nostrarum civitatum & Diœcesis, extra quatuor Ordines mendicantium, fratres non visi, nec recepti a Nobis, nec Nobis per eorum Superiores præsentati, asserentes se per Nos ad infra scripta receptos, aut ad ea a Nobis specialem licentiam obtinere, se prædicationi populo immiscerent, aut quoscunque a quibuscunque peccatis & commissis passim in foro poenitentiali absolvent; volentes his fraudibus obviare, mandamus vobis in virtute sanctæ obedientiæ, & sub excommunicationis pœna, quatenus prædictos Religiosos ad prædicandum populo & audiendum confessiones vestrorum Parochianorum nullatenus admittatis, nisi nostrarum litterarum patentium fide

exhibeant se munitos. Moneatis insuper publice in Ecclesiis vestris omnes & singulos, primo, 2do, 3tio, quos Nos etiam sub monitione monemus, quatenus post sex dies post publicationem præsentium, se prædictis prædicationi & auditioni confessionum fidelium minime ingerant, nisi a Nobis visi & examinati per nostras litteras meruerint approbari. Quia si nostris dictis monitionibus non paruerint, in non parentes excommunicationis sententiam ferimus in his scriptis, quorum abolitionem Nobis impofterum reservamus. Cæterum *supra* &c. Datum anno Domini MCCCXLIV. feria 4ta post Cantate.

Heusden Batavia Sacra pag. 188.

CONCILIIUM PROVINCIALE MAGDEBURGENSE

Anno Christi MCCCXLIV. Clementis VI. Papæ III.
Ludovici IV. Regis XXXI.

Feria II. post Dominicam Jubilate.

OTTO, DEI GRATIA, SANCTÆ MAGDEBURGENSIS ECCLESIAE ARCHIEPISCOPUS, UNIVERSO CLERO EJUSDEM CIVITATIS, DIOECESIS, ET PROVINCIAE, SALUTEM IN DOMINO SEMPITERNAM.

Cum per illud statutum, quod Dominus Archiepiscopus *Burchardus* olim contra eos, qui libertates, bona mobilia, vel immobilia, jura, vel jurisdictiones, ad Ecclesiam pertinentes, auferunt, vel invadunt, aut susceperint, vel derinuerint, vel alios defensaverint, præstando auxilium, consilium, vel favorem, cujuscumque sint Ordinis, præminentiae, conditionis, aut status, non sit adhuc sufficienter provisum: quandoquidem Prælati, Canonici, & Clerus nostræ Provinciae a nonnullis personis perditionis multipliciter adhuc graventur contra Ecclesiasticam libertatem; cum novis morbis antidota conveniat præparari; *Sacri hujus approbatione Concilii* statuimus, quod hi, qui Ecclesias, vel Cimiteria, ædificia, seu structuras, nec non Curias Canonicorum Ecclesiarum Cathedralium seu Collegiatarum, ac aliorum Clericorum in Immunitatibus, quæ proprie dicuntur *Vryheit*, sive dotibus Ecclesiarum constructas contra Ecclesiasticam libertatem, ac castra, vel munitiones Ecclesiarum, invaserint, impugnaverint, aut violenter occupaverint, vel destruxerint, vel talia fieri mandaverint, vel rata habuerint; ipso facto, si personæ singulares extiterint, sententiam excommunicationis incurrant, & in omnibus locis, ubi de hoc confiterit, per

Ecclesiarum Rectores excommunicati publice nuntientur. Si vero universitas fuerit, Ecclesiastico subjaceat interdicto. Specialiter autem in omnibus locis, in quibus personæ singulares prædictæ, vel aliqua persona de universitate prædicta, & eorum complices in maleficio domicilium obtinent, sive de jure, vel de facto jurisdictionem exercent, aut, ubi se receperint, & per triduum post eorum recessum, strictissimum servetur interdictum. Adjicimus etiam, quod si personæ præmissæ infra mensem continue deputandum, satisfactione neglecta, non obtinuerint se absolvi, tunc ab omnibus feodis cadant ipso jure, quæ ab Ecclesia læsa dinoscuntur obtinere. Hæc omnia suprascripta in committentes sacrilegium in personas Ecclesiasticas multo fortius volumus observari.

Præterea hujus *Sacri approbatione Concilii* statuimus, & vobis universis ac singulis sub pena suspensionis jam latæ, Canonica monitione præmissa, præcipimus, & mandamus: quatenus omnes tam Clerici, quam laici, in terminis Ecclesiarum nostrarum constitutos, cujuscumque dignitatis, nobilitatis, conditionis, aut status existant, publice in vestris Ecclesiis moneatis, ne jurisdictionem Ecclesiasticam, Nuntios, mandata nostra, seu litteras nostras contempnendo,

Otto Avenione anno 1327. a Papa impetraverat Archiepiscopatum Magdeburgensem, Filius Ottonis Landgravii Hassiæ, & Adelheidis. Anno 1330. civitatem ob eadem Burchardi antecessoris Banno ligatam solvit, ea conditione, ut 36. Senatores urbe exularent, & 6. altaria ædificarentur. Anno 1333. Magdeburgenses cives eidem Homagium præstiterunt erga reversiones. Anno 1335. cives Hallenses a cæde Burchardi infantes declarant, & promittit iis absolutorias a Papa. A. 1334. fœdera inita inter Ottonem Archiepiscopum, Capitulum, & civitatem contra inferentes injurias Ecclesiis. Mortuus est Otto anno 1361. 30. Aprilis. Sedit 33. annis.

do; vel quocumque alio modo impedire præsumant; vel Judicum nostrorum mandata deferentes verberando, offendendo, seu capiendo. Alioquin contrarium facientes, sententiam excommunicationis incurrere volumus ipso facto, & ab omnibus arctius evitandos, donec vobis de hoc poenitentia facta constiterit, vel aliud mandatum nostrum vel Judicum nostrorum super hoc receperitis, in vestris Ecclesiis publice nuntietis, quousque a sententiis excommunicationis hujusmodi per Nos, vel Judices no-

stros fuerint legitime absoluti. Adjiciamus insuper, quod quilibet Episcopus in sua Diocesi, prout sibi videbitur expedire, super hoc Statutum hujusmodi valeat dispensare.

Datum *Calvis* in Concilio Provinciali, Anno Dom. MCCCXLIV. Feria II. post Dominicam *Jubilate*.

Clar. Lentzen pag. 321. habet confederationem Archi-episcopi, & Capituli Magdeburgensis contra civitatem, sed Concilii non meminit in *Historia Diplomatica Magdeburgensi*.

BALDUINI, Archi-Episcopi Treverensis, Statutum de feriis vindemiæ & messis moderandis, in Capitulis Collegiatarum & Monasteriis

STATUTUM MAURICIANUM. (a)

BALDUINUS, DEI GRATIA, &c. AD PERPETUAM REI
MEMORIAM.

DUdum, quod dolentes referimus, abolendæ consuetudinis de novo in nostram deductæ notitiam, in Divinorum obsequiorum diminutionem, Cleri opprobrium, & Ecclesiarum non modicum detrimentum, vergens morbus irrepfit: quod videlicet quarundam Ecclesiarum nostræ Diocesis Decani, & Capitula, nec non Clerus & Ministri earundem, sub prætextu, & occasione feriarum, ob necessitates hominum a jure, & a Sanctis Patribus indultarum, a festo Beati Mauricii, continue usque ad festum Omnium Sanctorum, singulis annis, nec choros ad psallendum Altissimo frequentare, nec Divinis curant interesse officiis: propter quod etiam novelli Scholares, & alii doctrinis scholasticis imbuendi, lasciviendi importunitate assumpta, quasi licenter incipiunt, nec desinunt, durante hujusmodi tempore evagari. Cum igitur perversitatibus hominum, qui nec sciunt a vetitis, & prohibitis abstinere, nec debito modo gaudere concessis, non sit aliquatenus indulgen-

dum, attendentes quoque, quod error, cui non resistitur, approbari videtur: Nos ex commissio Nobis Pastoralis officii regimine, hujusmodi perversitatis morbum nostris temporibus penitus extulari, & exterminari votis ardentibus cupientes, deliberatione matura præhabita statuendum duximus, & statumimus in iis scriptis: Quod de cætero anno quolibet Decani Ecclesiarum de consilio Capitulorum suorum, aut Capitulum repræsentantium, (b) qualitate temporum, & maturitate vindemiarum considerent attentius tempus hujusmodi feriarum, quoad hoc duntaxat, ut Clerus ipsarum Ecclesiarum ipsis feriis gaudere valeat, pro vinis colligendis, aptius, & congruentius uno anno prius, altero autem tardius, juxta exigentiam vindemiarum & temporum, in quo vina colligenda ipsis Ecclesiis (c) a prope situata vix possint recolligi, torqueri, & vasari, citius & brevius, quo fieri poterit, moderentur, statuunt, limitent, & inducant. Hoc statuto nihilominus in virtute sanctæ obedi-

(a) Prava consuetudo in Collegiis Canonicorum per id tempus inoleverat, qua Clerus a festo die S. Mauricii usque ad SS. Omnium celebritatem Divinis interquiescentibus Officiis, vindemiarum prætextu ferias agere, & psalmodiam omittere solebat. Huic erroneo mori corrigendo hoc interdictum edidit Archi-episcopus Berncastelli 16. Septembris. *Bromerus & Meisenius in Annal. Trevirenf. Tom. II. pag. 215. ad b. a.*

(b) adde: pro qualitate

(c) in locis remotioribus ab Ecclesia sita.

dientia, & sub excommunicationis pœna, universis & singulis, quos hoc præsens nostrum statutum concernere, aut tangere poterit, districtius inhibentes, ne quisquam citra vel ultra tempus per Decanos Ecclesiarum pro vindemiarum feriis, ut præmittitur moderandum, & limitandum, ab Ecclesia sua abesse, & chorum, & Divina Officia non frequentare, seu se a Divinis Officiis, & Horis Canoniciis absentare occasione feriarum, aut occupatione vinorum quovis modo præsumat: nisi super hoc a Nobis, aut a nostrarum Curiarum Treverensis & Confluent. Offic. aut a Decano proprio impetrata licentia potiat. Sed omnes unanimiter studeant, sicut aliis temporibus, Divinis Officiis interesse, & pueri scholasticis insistere disciplinis. Quod si quis Decanorum prædictorum indictionem & limitationem feriarum hujusmodi obmitteret, aut quivis alter Clericus præmissorum contrarium faceret, contra præsens nostrum rationabile, & salubre statutum temere veniendo, se per tres menses integros a perceptione fructuum

sui beneficii, quod indebitè suis defraudatur obsequiis, noverit auctoritate hujusmodi statuti, ipso facto fore suspensum, fructibus hujusmodi suspensionis tempore provenientibus ad usum pios per Nos, & nostros in hac parte Commissarios, prout expedire visum fuerit, convertendum: nec possit aliquis hujusmodi suspensionis sententiam tollere, nisi Nos, & nostri speciales Commissarii in hac parte. Idem quoque per omnia, & quoad moderationem & indictionem feriarum, gratia *messum* colligendarum, & quoad Monasteria quorumlibet Ordinum Nobis subiecta, ne in eis circa præmissa, aut eis similia, fiat excessus, volumus, & præcipimus inviolabiliter observari. Consuetudine contraria, quæ in hac parte potius dicenda est corruptela, aliquatenus non obstante. In quorum omnium evidentiam, sigillum nostrum præsentibus est appensum. Datum Berencastell. die XVI. mensis anno MCCCXLIV.

Illmus Hontbeimus Tom. II. Historie Treverensis Diplomaticæ pag. 80. 81.

Diploma CLEMENTIS VI. quo Pragensis Ecclesie in Archi-Episcopalem Erectio confirmatur, & quibus diebus Archi-Episcopus Pallio usus sit, declaratur.

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

A Trendentes Pragensem Ecclesiam magnæ titulo dignitatis inter aliarum partium Ecclesias præfulgere, rationabile fore conspiciamus, ut Ipsam Pragensem Ecclesiam, & Archi-Episcopos, qui pro tempore inibi præfuerint, spiritualibus gratiarum largitionibus, in iis potissime, quæ ad suum decus, & decorem ex ipsius Ecclesiæ excellentia dignitatis pertinent, honoremus. Nuper siquidem suadentibus rationabilibus causis, eandem Pragensem Ecclesiam, olim Suffraganeam Ecclesiæ Moguntinensis, ac tunc de Provincia Moguntina existentis, & Venerabili Fratre nostro Arnesto Episcopo olim Pragensi, in Archi-Episcopum Pragensem electo, regimini ejusdem Pragensis Ecclesiæ Præsidente, de Fratrum nostrorum consilio, & Apostolicæ plenitudine potestatis in Archi-Epi-

scopalem, & Metropolitanam ereximus, & honoribus ac insigniis Sedis Metropolitæ duximus decorandam. Et attendentes, quod ipse Arnestus in ejusdem Ecclesiæ regimine, dum Episcopalis existebat, hæcenus se gessit fideliter & prudenter; & quod illud in posterum attentius gereret, præfatum Arnestum ipsi Ecclesiæ Pragensi in Archi-Episcopum præfecimus & Pastorem, curam & administrationem ipsius eidem Arnesto in spiritualibus committendo, sibi quæ deinde Pallium, insigne videlicet plenitudinis Pontificalis a Nobis ex parte sua humiliter postulatum, duximus concedendum. Ut autem idem Arnestus, & ejus Successores Archi-Episcopi Pragenses, qui erunt pro tempore, eo licentius Pallio uti possint, quo specialiori Apostolicæ Sedis super hoc fuerint privilegio communi-

Tomus IV. Concil. German.

X x 2

ti,

ti, ipsius Arnesti supplicationibus inclinati, eidem Arnesto & Successoribus suis præfatis, ut in ipsa Pragensi & aliis suæ Pragensis provinciæ Ecclesiis, videlicet in Nativitate Domini, & S. Joannis Evangelistæ, S. Stephani, & Circumcisionis ac Epiphanie Domini, Ramispalmarumque & Cænæ Domini, Sabbato Sancto, tribus diebus Resurrectionis, nec non in Ascensionis Domini, Pentecostes, Nativitatis S. Johannis Baptistæ, & omnium Apostolorum, & quatuor B. Mariæ Virginis, in commemoratione omnium Sanctorum, & S. Michaelis Archangelis, & Ecclesiarum Dedicationibus, ac in principalibus ipsius Pragensis Ecclesiæ Festivitatibus, & die Anniversarii

consecrationis ipsius Arnesti, & Ecclesiarum provinciæ Pragensis prædictæ, ubi ipsum Arnestum, vel Successores ejus prædictos interesse, & Missarum solennia celebrare contigerit, principalibus Festis; & etiam in consecrationibus Episcoporum, & ordinationibus Clericorum, in Abbatum & Abbatissarum, & Monialium benedictionibus, Pallio alias ei rite concessio, & etiam assignato, ut licite valeant, auctoritate Apostolica tenore præsentium indulgemus. Nulli ergo &c. Datum apud Villam novam Avinionensis Diocesis. 8. Kal. Septembris anno III.

Balbinus in vita Ernesti primi Archiepiscopi Pragensis pag. 93.

*Joannis de Arckel, Episcopi Ultrajectini,
Epistola tertia Synodica.*

Anno Christi MCCCXLV. Clementis VI. Papæ IV.
Ludovici IV. Regis XXXII.

SEGERUS, CANONICUS TRAJECTENSIS, REVERENDI IN CHRISTO
PATRIS AC DOMINI, DOMINI JOHANNIS, EPISCOPI TRAJECTENSIS, IN
REMOTIS AGENTIS, IN SPIRITUALIBUS VICARIUS GENERALIS,
OMNIBUS, QUOS INFRA SCRIPTUM NEGOTIUM TANGIT,
SALUTEM IN DOMINO SEMPITERNAM.

A. „ Auctoritate Domini nostri Episcopi Trajectensis prædicti, omnes & singulos Clericos huic Synodali Congregationi interesse debentes per se, vel per Procuratores idoneos, hic non comparentes, contumaces reputamus, & monemus eosdem, ut infra quindecim dies a die præsentis proxime futuros, Domino nostro Episcopo & nobis ad opus ipsius de hujusmodi contumacia satisfaciant. Alioquin ipsos & quemlibet ex eis ex tunc in his scriptis suspendimus a Divinis, nisi medio tempore excusationem legitimam prætenderint, & probaverint coram nobis.

B. „ Eadem auctoritate omnes & singulos Abbates, Præpositos, Archidiaconos, Decanos, Provifores, Ecclesiarum Rectores, Curatos & Clericos civitatis & Diocesis Trajectensis, Synodali jurisdictioni dicti Domini nostri Episcopi

Trajectensis subjectos, citamus peremptorie, ut feria tertia proxima post Dominicam, qua cantatur *Cantate*, sub anno Nativitatis Domini, scil. 2da hora Synodi, vel quasi, cum horis & diebus sequentibus usque ad consumationem ipsius, in Ecclesia Trajectensi sufficienter compareant ad audiendum & prosequendum, quæ propter necessitates Ecclesiasticas ibi fuerint proponenda.

C. „ Eadem auctoritate Decreta Apostolica, Canones, Ecclesiasticas Constitutiones Concilii generalis, Statuta Provincialia & Synodalia Domini nostri Episcopi prædicti, & Antecessorum Episcoporum Trajectensium, quæ omnia & singula hic pro lectis insunt, notata & publicata haberi volumus, & Ecclesiasticas censuras ipsis annexas vobis innovamus, insinuamus, & publicamus, & per vos observari in virtute sanctæ obediendiæ mandamus.

D. „

D. „ Eadem auctoritate absolutiones tam Clericorum , quam laicorum , qui suspensi , interdicti vel excommunicati , Divinis audiendo officiis interessendo , eisdem sic ligati se intermiscuerint ; Domino nostro Episcopo & Pœnitentiariis suis Generalibus specialiter reservamus.

E. „ Eadem auctoritate omnibus & singulis Ecclesiarum Rectoribus & eorum loca tenentibus inhihemus , ne homicidas voluntarios in casibus illicitis ad communionem Altaris admittant , nisi prius Episcopali auctoritate reconciliati fuerint Ecclesiasticæ unitati.

F. „ Item omnes & singulas commissiones Provisorum , nec non absolutionum casuum Episcopaliū , nec non quæstorum , seu quæstuariorum , quibus Sigillum Capituli Trajectensis non appendet , tenore præsentium revocamus.

G. „ Item omnes debitores Domini nostri Episcopi occasione sui moderati subsidii monemus , ut infra XV. dies nobis ad opus dicti Domini nostri de huiusmodi debitis satisfaciant.

H. „ Alioquin ipsos , qui huiusmodi monitioni modo non paruerint , extunc excommunicationis sententia innodamus.

I. „ Eadem auctoritate negotium fabricæ Trajectensis , juxta tenorem privilegiorum & indulgentiarum ejusdem Ecclesiæ vobis , & cuilibet vestrum in virtute sanctæ obedientiæ committimus , & præcipimus fideliter prosequendum.

K. „ Eadem auctoritate monemus omnes & singulos debitores dictæ fabricæ , ut infra mensem proximum a die præsentis , ipsi fabricæ de huiusmodi debitis satisfaciant. Alioquin quemlibet ex ipsis excommunicationis sententia in his scriptis innodamus.

L. „ Eadem auctoritate omnibus & singulis Ecclesiarum Rectoribus præcipimus & mandamus , quatenus singulis mensibus , uno die Dominico populo suo

publice insinuent , quod Reverendus Pater , Dominus noster Episcopus prædictus & Antecessores sui Episcopi Trajectenses injusta quæsitā , si nesciatur , quibus reddenda sint de jure , usui dictæ fabricæ , per civitates & Diœcesim Trajectensem legitime deputarunt , quodque nulli huiusmodi quæsitā tradere , vel recipere liceat , nisi fabricæ antedictæ , quia felicitis recordationis Clemens Papa V. in *Concilio Viennensi* omnia & singula privilegia , quibuscunque locis , Ordinibus vel personis , super receptione huiusmodi male quæstorum concessa , specialiter revocavit & inhiuit , ne se quomodolibet intromittant de eisdem , ipsosque ad hoc ordinariæ jurisdictioni subjecit , quocunque exceptionis privilegio non obstante : propter quod in virtute sanctæ obedientiæ inhihemus , ne contra præmissa quisquam huiusmodi male quæsitā alicui , quam dictæ fabricæ restituat vel recipiat ; alioquin post trium dierum monitionem , ut ex nunc , præmissam excommunicationis sententiam in rebelles ferimus in his scriptis : quodque huiusmodi quæstorum restitutio & dispositio eorundem , de jure ad solos Episcopos in suis Diœcesibus dinoscitur pertinere.

M. „ Eadem auctoritate omnes & singulos dolose dictæ fabricæ negotio detrahentes , nisi infra sex dies respuerint , ipsique fabricæ satisfecerint , ab ingressu Ecclesiæ & Divinis suspendimus in his scriptis. Absolutiones vero dictarum sententiarum Ecclesiæ dictæ fabricæ latorum Provisoribus ipsius fabricæ indulgemus. Mandamus etiam omnibus Provisoribus & Decanis , ut præsentis processus , quem ex mandato Domini nostri prædicti sigillo signavimus , & valvis Ecclesiæ Trajectensis affigi fecimus , copiam recipiant , per terminos suorum Decanatum , quam citius poterunt , publicare procurent. Datum anno Domini MCCC XLV. mensis Aprilis die xxvi.

Heusden Batavia Sacra pag. 188.



*Joannis de Arckel, Episcopi Ultrajectini,**Epistola quarta Synodica.*

Anno Christi MCCCXLVI. Clementis VI. Papæ V.

Ludovici IV. Regis XXXII.

De Monialibus & cæteris.

JOHANNES, (a) Dei gratia, Episcopus Trajectensis, ut subditis nostris, præsertim sub regulari militia in virginitatis proposito agnum, quocunque ierit, stolis incorruptilibus amictis frequentibus, retrospectiendi lubricum remediis congruis auferamus, antiquorum & novorum Apostolicorum censuram Canonum recensentes, impudicas detestabilesque personarum monacharum civitatis & Diœcesis, quæ abjecto proposito sanctitatis sacrilega se contagione miscuerunt, & de illicitis complexibus filios procrearunt, aut alias fidem castitatis, qua cœlesti sponso se donaverint, incestuosos contactibus irritarint, & de his per evidentiam rei, vel confessionem propriam seu definitionem, secundum Monasteriorum suorum consuetudinem, in notionem publicam deducuntur, ipsasque præter alias penitentias, quas per consuetudines vel statuta eorum Conventuum tractatu communi & voce Capituli perpetuo segregamus, scilicet secundum consuetudinem Bonifacianam, in suis Monasteriis, sub perpetua Clausura manentes, & tantum facinus continua lamentatione deflentes; Purgatorio igne decoquantur.

Masculis (b) vero cujuscunque status, religionis aut conditionis existant, cum quibus scelus tam illicitum perpetrarint, in Clausuras hujusmodi accessum interdiciamus. Monachos & masculos prædictos, qui præmissa, & præmissorum aliquid effectualiter non servaverint, & nihilominus omnes & singulos, qui cum Monialibus etiam occulte non verentur concumbere, Omnipotentis Dei auctoritate confisi, præsentis statuto excommunicationis sententia innodamus.

Præterea difformitatem rituum circa

reventias Festivitatum, & dierum celebrum Domini nostri Jesu Christi, nec non Gloriosæ Virginis Matris Mariæ, & Sanctorum ipsius, quam in civitatibus & Diœcesi nostris irrepsisse, & nonnulla scandala & schismata suborta cognovimus, Nos qui unum Deum, unam Fidem, unum Baptisma, & unam Ecclesiam confitemur, ad conformitatem ducere cupientes, dies & Festivitates infra-scriptas, omnibus & singulis subditis nostris præcipimus in virtute sanctæ obedientiæ, Festivæ & celebres, (c) & a quocunque servili opere vacantes perpetuis temporibus observare, & in eisdem piis ac devotis actibus insudare, nisi tanta necessitas suadeat, quæ super his per suos Superiores ex causis hujusmodi in minoribus etiam Festivitatibus dispensetur, videlicet, dies Natalis Domini, Sanctorum Stephani, Johannis Evangelistæ, & Innocentium, Circumcisionis, & Epiphaniæ Domini, Sanctorum Pontiani, & Agnetis, Conversionis Pauli, Purificationis, Annuntiationis, Assumptionis, Nativitatis, & Conceptionis Mariæ, & Visitationis Mariæ, Cathedræ, & ad Vincula Petri, Mathiæ, Gertrudis, Resurrectionis Domini, & trium dierum sequentium, Philippi & Jacobi, Inventionis, & Exaltationis Sanctæ Crucis, Ascensionis Domini, Pancratii, & Servatii, Bonifacii, Odulphi, Pentecostes, & trium dierum sequentium, Sacramenti Corporis Domini, Nativitatis & Decolationis Johannis Baptistæ, obitus & Translationis Lebuini, Passionis Petri & Pauli, Translationis & Obitus Sancti Martini, Mariæ Magdalene, Jacobi majoris, Laurentii, Bartholomæi, Lamberti, Mathæi, Mauriti, Michaelis, Remigii, Victoris, Simonis & Judæ, om-

(a) *Johannes Episcopus animadvertit in Moniales incestuosas.*

(b) *Earumque complices Monachos, aut alios masculos.*

(c) *Atque ut conformitas rituum sit in Festis celebrandis, ea sigillatim & copiose præscribit.*

omnium Sanctorum, Commemorationis Animarum, Willibrordi, Catharinæ, Andree, Nicolai, & Thomæ, nec non omnes dies Dominicos per anni circulum, quos omnes & singulos, ut supra dictum est, Festivus & celebres præcipimus observari, in quorum testimonium has lit-

teras valvis Ecclesiæ nostræ Trajectensis affigi fecimus, & Sigilli nostri munimine roborari. Actum in Synodo nostra feria 3tia post Cantate. Anno Domini MCCCXLVI.

Heusden Batavia Sacra pag. 188.

Joannis de Arckel, Episcopi Ultrajectini,

Epistola quinta Synodica,

ANNO CHRISTI MCCCXLVII. CLEMENTIS VI. PP. VI.

LUDOVICI IV. REGIS XXXIII.

De solutione diversorum dubiorum.

JOHANNES, Dei Gratia, &c. Omnes & singulos Clericos huic Synodali, *Quære A.* Item omnes & singulos Abbates & Præpositos, *Quære B.* Item decreta Apostolica Canonum, *Quære C.* Item absolutiones tam Clericorum quam laicorum, *Quære D.* Item omnibus & singulis inhibemus, ne homicidas voluntarios, *Quære E.* Item omnes & singulas commiſſiones Provisorum, nec non super absolutione &c. *Quære F.* Item omnes debitores Domini nostri Episcopi, *Quære G.* Item eadem auctoritate negotium fabricæ, *Quære I.* Item eadem auctoritate monemus, *Quære K.* Item eadem auctoritate omnibus & singulis Ecclesiarum Rectoribus præcipimus & mandamus, quatenus singulis mensibus uno die Dominico, *Quære L.* Præterea cum nonnulli Ecclesiarum Rectores subditi nostri supra infra scriptis articulis se rationabiliter dubitare proponant, (a) & se de his per Nos certificari humiliter supplicarunt.

Primo, An cum Festum Annuntiationis Domine transfertur populis ad celebrandum & jejunandum, utrum homines, qui ex voto tenentur, translato tempore teneantur?

Secundo, An Presbyteri Parochiales ex privilegio nostro vel Antecessorum nostrorum, ad usus fabricæ Ecclesiæ nostræ Trajectensis possint vota aliqua commutare?

Tertio, Cum per statuta Synodalia absolutiones adulteria committentium, sint Episcopo reservatæ; an solutus vel

soluta cum conjugato vel cum conjugata adulterium committere censeatur?

Quarto, An aliquibus clandestine contrahentibus, cum propter hoc per statuta Synodalia in excommunicationis sententia sint innodati; an parentes contrahentium hoc mandantes, vel cum prohibere possint, non prohibentes, vel alii hujusmodi contractui interessentes, simili ligentur sententia, & an Curati eorum tales parentes & interessentes possint absolvere?

Quinto, An temporibus, quibus Matrimonium celebrare prohibetur, Rectoribus Ecclesiarum, liceat banna pro contrahere volentibus & proponere, & bannis propositis liceat infra idem tempus matrimonium contrahere, & postea licito tempore dictum matrimonium in facie Ecclesiæ solemnizare, sine nota inobedientiæ, vel clandestinæ, vel excommunicationis sententiæ antedictæ?

Sexto, An Curatis in casibus Nobis reservatis omnino occultis liceat absolvere suos subditos confitentes, non obstante reservatione prædicta, quæ inter occulta & manifesta distinguit?

Septimo, Cujus ætatis esse debeat, qui extrema Unctione infirmorum Oleo inungetur?

Octavo, Quot vicibus, vel quantis interstitiis cuilibet liceat sic ungi?

Nono, An post consecrationem novi Chrisimatis, Olei Sancti, & infirmorum, alicui Presbytero antiquo uti liceat?

Solu-

(a) *Varia dubia J. Arckelio proposita.*

Solutiones dubiorum.

AD quæ sigillatim statuendo, & discernendo respondemus. *Ad primum* videlicet, quod Festum Annuntiationis prædictum in jejuniis, & Divinorum observatione, ac operum servilium vacatione, ipso tempore translatum fieri & celebrari debebit, nec quis ad iterationem est obligatus, nisi specialiter hoc voluisset. Et idem *(b)* de Festo Beati Matthiæ dicimus, quod quandoque propter causas transferri consuevit. De Festo Nativitatis Dominicæ, cum in sexta feria venerit, observari precipimus, quod Canones statuerant. *Ad secundum respondemus*, quod quamvis olim dicta fabrica hujusmodi privilegium dicitur habuisse, hoc ipsi tamen ex certis casibus non indulsimus: sed ut in votis simplicibus violatis possint absolvere, non tamen dispensare vel commutare, quod Nobis, & nostro Generali Pœnitentiaro specialiter reservamus. *Ad tertium respondemus*, quod quamquam de acceptione stricta ipsius vocabuli, adulterium dicitur committere, qui thorum alterius violat, nec mulier habere thorum dicitur; interpretamur propter peccati communionem & malitiæ paritatem non conjugatam cum conjugato adulterium committere. De conjugata vero & soluto dubium non existit. *Ad quartum respondemus*, quod parentes hujusmodi mandantes & prohibere valentes, & alii opem, vel operam præstantes clandestino contractui, tanquam in crimine participantes, juris ligantur sententia, nec per Curatos absolvi possint ab illa. Alii vero interestes tanquam pro nuptiis celebrandis, minori ligantur sententia, a qua possint per suos proprios Sacerdotes absolvi. *Ad quintum respondemus*, illud de jure licere, cum sola matrimonii solemnizatio, & benedictio Ecclesiæ duntaxat sint certis temporibus interdictæ. *Ad sextum dicimus*, quod tam in occultis, quam in manifestis, in dictis Statutis Synodalibus expressis Episcopis Trajectensibus est reservata, & Curatis abdicata absolvendi potestas. *Ad septimum respondemus*, *(c)*

quod cum ex quo quis doli capax esse reperitur, vel pubertati proximus peccare poterit, potest & inungi. *Ad octavum respondemus*, quod quia hoc in jure cautum non reperimus, hoc ipsorum Curatorum arbitrio duximus relinquendum, etiam consideratione habita personarum decumbentium & desiderii earundem, temporum quoque & circumstantiarum, Sacramentum sæpius vel rarius, ne vilescat propter frequentiam, hoc impendant. *Ad nonum dicimus*, quod uti non liceat post consecrationem novi, veteri Chrismate & Oleo sacro.

Immo *(d)* in virtute sanctæ obedientiæ, & sub pœna excommunicationis, quam in modum statuti in his scriptis ferimus in rebelles, prohibemus, ne quis subditorum nostrorum, post diem Cænæ Domini quovis modo, vel quocunque modo necessitatis, sine nostra licentia speciali utatur veteri Chrismate, vel Oleo sacro, & sub eadem pœna præcipimus eisdem, ut eadem die Cænæ Domini annis singulis hujusmodi vetus Chrisma & Oleum igne consumant.

Cæterum cum propter ingentem Nobis & Ecclesiæ nostræ necessitatem, ad præsens dictæ nostræ Synodo interesse personaliter nequeamus, de circumspecta discretione dilectorum Nobis Dominorum Henrici, Sancti Johannis Officiarii nostri Trajectensis, & Hugonis Sanctæ Mariæ Decani, Hugonis Unstici, & Suederi Uterloë, majorum Canonice Ecclesiarum Trajectensium confisi, ipsis & eorum cuilibet in solidum tenore præsentium committimus & mandamus, quatenus voce nostra dictæ nostræ Synodo intersint hac vice. Hæcque statuta, mandata, & declarationes nostras insinuent, & promulgent, Synodalia quoque, pro ut ad Nos pertinent, exequantur, & observent, faciantque, quod decreverint, per Ecclesiasticam censuram firmiter observari. In quorum omnium testimonium has literas sigillo nostro fecimus consignari. Datum anno Domini MCCCXLVII. mensis Aprilis die XXVI.

Heusden Batavia Sacra pag. 190. - 191.

(b) Quibus hic satisfacit.

(c) Sigillatim edicit, quod ex quo aliquis doli capax censetur, ungi possit.

(d) Et quod confecto novo, veteri Chrismate vel Oleo uti non liceat.

*Joannis de Arckel, Episcopi Ultrajectini,
Epistola sexta Synodica.*

ANNO CHRISTI MCCCXLVIII.

*Suederus Uterloë, Vicarius Generalis Johannis Traject. Episcopi,
anteecessorum Traject. Episcoporum Statuta confirmat.*

SUEDERUS UTERLOE, CANONICUS ECCLESIAE TRAJECTENSIS,
REVERENDI IN CHRISTO PATRIS, AC DOMINI NOSTRI, D. JOHANNIS
EPISCOPI TRAJECTENSIS IN REMOTIS AGENTIS, IN SPIRITUA-
LIBUS ET TEMPORALIBUS VICARIUS GENERALIS.

Universis & singulis Clericis &c. Auctoritate Domini nostri Episcopi & Vicariatus prædicti Constitutiones Canonicas, & præsertim Concilii generalis, nec non Statuta Provincialia olim per bonæ memoriæ HENRICUM Archi-episcopum Coloniensem in Concilio suo Provinciali edita, nec non Synodalia Reverendorum Patrum Episcoporum Trajectensium vobis insinuamus, & præcipimus in virtute sanctæ obedientiæ fideliter observari. Cum etiam in tantum excreverit quorundam pertinacia laicorum, quod processus, monitiones, & denunciations Ordinarium, contra dictorum Statutorum exigentiam, per secularis potestatis abusum impediunt, ne ipsi processus, monitiones, denunciationsque in ipsorum præsentia, vel alias valeant publicari; & ne ex hujusmodi malicia videantur commodum reportare, decrevimus Rectores Ecclesiarum Parochialium, & alios Clericos civitatis & Diocesis Trajectensis, ubi præmissa contigerint, vel contingant, ad sententiam excommunicationis, interdictorum, & Divinorum cessationem, juxta ipsorum Statutorum tenorem, observantiam effectualiter teneri, ac si processus, monitiones, & denunciations prædictæ in ipsorum laicorum præsentia fuissent executioni mandatæ, quas etiam sententias sub penis in eisdem statutis contentis, vobis præcipimus observare.

O. „ Quia vero nonnulli minus idonei per importunitatem, a dicto Domino nostro, & Nobis super audiendis confessionibus, absolutionem impendendis, & penitentiis injungendis, in casibus dicto Domino nostro, de jure, vel per

statuta, vel alias reservatis facultatem receperunt, nos de præmissis aliter disporre, favente Domino intendentes, omnes commissiones per Dominum nostrum JOHANNEM, (a) vel per Nos super præmissis, sub quacunque forma verborum, vel quibuscunque non obstantibus clausulis, vel quibuscunque personis, vivæ vocis oraculo, vel per litteras gestas, sive habitas, commissione Pœnitentiarii generalis dicti Domini nostri duntaxat excepta, tenore præsentium revocamus, & penitus annullamus: Presbyteros etiam in hospitalibus celebrantes monemus, ipsisque præcipimus, ne in ipsis hospitalibus quidquam attemptent, quod in præjudicium Ecclesiarum suarum matriculium quomodolibet redundare possit, nec de his, quæ ad regimen curæ Parochialis pertinent, se quomodolibet intromittant, nisi in quantum super his muniti fuerint legitimis munimentis.

Contradictores vero & rebelles post novem dierum monitionem, ut ex nunc præmissa excommunicationis sententia innodamus.

P. „ Item in virtute sanctæ obedientiæ præcipimus & mandamus omnibus & singulis Ecclesiarum Rectoribus, & eorum loca tenentibus, ut dictorum Provincialium & Synodalia Statutorum, & hujusmodi nostri processus exemplum continue penes se habeant, ne ipsorum supinam ignorantiam valeant allegare. Datum & actum Trajecti in Synodo Generali mensis Maji die XX. anno Domini MCCCXLVIII.

Anno XLIX. non fuerunt Statuta edita.

Heusden Batavia sacra pag. 191.

(a) Erat Joannes hic Episcopus vir doctus admodum tam in sæcularibus, quam in spiritualibus: Ecclesias instauravit, restauratis Libris optimis, & ornamentis jussit conscribi Librum Pontificalem continentem ense septem Libros. *Buchelius in Notis ad Hedam.*

CLEMENTIS VI. Papæ Epistola decretalis

ad Archi-Episcopum Moguntinum contra sectam Flagellatorum, a se prohibitam & reprobam, ut ad alios Germaniæ Episcopos idem scriberetur.

Anno Christi MCCCXLIX. Clementis VI. Papæ VIII.
Caroli IV. Imp. III.

CLEMENS EPISCOPUS, SERVUS SERVORUM DEI, VENERABILIBUS
FRATRIBUS ARCHI-EPISCOPIS, EORUMQUE SUFFRAGANEIS
SALUTEM, ET APOSTOLICAM BENEDICTIONEM.

INter sollicitudines innumeras, & immensas, quibus ultra vires Apostolicæ servitutis debito perurgemur, illud cordi nostro potissimum insidet, & ad hoc attentius studia nostra convertimus & conatus, ut apud omnes Christiani nominis Professores fides orthodoxa fulgeat, Sanctorum Patrum doctrina splendeat, & sic Catholicæ & Apostolicæ Ecclesiæ Romanæ religio sine cuiusquam similitudinis, fictionis seu velaminis pallio, pure & inviolabiliter observetur, quod a vinea Domini Sabaoth, cujus cura & custodia Nobis licet immeritis est commissæ, vepres & urticæ tam periculose quam damnabiliter succrescentes evellantur; & vulpeculæ, quæ ipsam demoliri nituntur, per Apostolicæ Sedis curam & evidentiam abigantur.

Sane molesta Nobis, licet fide digna magnorum relatio, & multorum assertio, Nostrum, & Fratrum nostrorum non mediocriter turbavit auditum; quod in partibus Regni Germaniæ, & ei convicinis quædam sub prætextu devotionis, & agendæ pœnitentiæ vana religio, & supersticiosa adinventio procurante satore malorum operum surrexerit; per quam prophana multitudo simplicium hominum, qui se *flagellantes* appellant, decepta verbis fictis atque mendacibus malignorum, asserentium, Salvatorem nostrum Hierosolymis Patriarchæ Hierosolymitano apparuisse; (cum tamen a longis citra temporibus nullus ibidem præsentialiter fuerit Patriarcha) & sibi aliqua dixisse, quæ colorem veritatis non habentia, nec saporem, quibusdam Sacræ Scripturæ aucto-

ritatibus obviare noscuntur, in illam cordis vesaniam est deducta, & in animæ præcipitationem acta; atque de die in diem suggestionibus hostis antiqui, se, ut Dominicum gregem devoret, transferentis in Angelum lucis, nimium succrescendo deduci (cortina trahente cortinam) periculosius formidatur, quod se per societates, & conventicula (licet caudas invicem colligatas habeant) dividentes diversas circumeunt patrias; cæterorum hominum vitam & statum condemnando, se justificant: Claves Ecclesiæ vilipendunt, ac in contemptum disciplinæ Ecclesiasticæ, habitum certum, nigrum videlicet, ante & retro ipsius vivificæ Crucis impressum habentes signaculum, sine Superioris licentia deferentes, sub nomine pœnitentiæ gerunt; & alias in causâ insolita congregationes, conventicula, & coadunationes, quæ a iure sunt prohibitiæ, faciunt, & ad alios actus profluunt, a vita & moribus observantiaque fidelium Christianorum penitus alienos. Ordinationes etiam & statuta, quibus utuntur (imo verius abutuntur) propria temeritate fecerunt, erroris suspitione non vacua, & iudicio rationis carentia. Sed ex eo tam pro Deo, quam hominibus odiose per amplius turbamur, acerbiusque & durius anxiamur, quod quidem religiosi præsertim de *Ordinibus mendicantium*, qui alios revocare debuerant, & ad viam reducere veritatis, ab utero Matris Ecclesiæ veluti maledictionis filii nequiter aberrantes, linguas suas, ut alios pertrahant in errorem, acunt, quibus corda debilia vulnerant, & ignorantes Dei iustitiam suæ propriæ innitentes pruden-

dentia, dum legi Domini nolunt esse subiecti, aliis in persuasibilibus humanæ sapientiæ verbis prædicando, & dogmatizando contra Ecclesiæ libertatem, & Fidei Catholicæ puritatem, ab ipsa veritate subducere moluntur. Quod eo faciunt efficacius, quo conceptum virus latenter effundunt: blandis prius sermonibus auditores, quasi bonum vinum prius ponendo, satagunt irretire, & cum inebriati fuerint, illud quod est deterius, cum ipsis in perditionis laqueum incidunt, & in profundum malorum pariter demerguntur.

Nos igitur tam pernicioso & periculoso principio, per quod ultra Divinæ Majestatis offensam, magnum etiam reipub. periculum, & apud fideles scandalum generatur, ne deteriores processus pariat & successus, obflare volentes, & considerantes, quod cum plerique ex ipsis, seu adherentes eisdem, sub pietatis colore ad impietatis opera laxantes crudeliter manus suas, Judæorum (quos pietas Christiana retinet, & sustinet, offendi eos aliquatenus non permittens) & frequenter etiam Christianorum sanguinem effundere, & oportunitate capata bona Clericorum & laicorum diripere, & suis usibus applicare, ac Superiorum jurisdictionem usurpare, & ad multa alia illicita erumpere minime vereantur.

Timendum est, quod tam præsumptuosa temeritas & temeraria præsumptio, nisi ei persalubri antidoto occurratur, paritura sit non levem perniciem, nec sine aliquorum morborum lethali contagio properans in plurimos, fero recipiat medicinam. Attendentes insuper, quod error, cui non resistitur, quodammodo approbati videtur, & quod ex Officio Nobis injuncto compellimur, ut quos per iter devium errando currere, & plures in præcipationem secum trahere percipimus, ac in dispersionem multarum gentium ambulare, revocando a devio, ut in viam veritatis & justitiæ dirigant gressus suos, eisque providere per opportuna remedia studeamus; Fraternitati vestræ, de Fratrum nostrorum consilio per Apostolica scripta committimus & districte præcipiendo mandamus, quatenus vos & singuli vestrum in singulis civitatibus vestris & Diocesis, per vos, seu alium,

vel alios, adventiones hujusmodi seu ritus prophanos (quos una cum Societatibus, Congregationibus, Statutis, & Ordinationibus supradictis, qui se, ut præmittitur, *Flagellatores* appellant, temerarie attentatos, de eundem Fratrum nostrorum consilio *perpetuæ prohibitioni* subjecimus, & tanquam illicitos *reprobavimus*) auctoritate nostra reprobetis, in vestris civitatibus, & Diocesis, reprobos & illicitos publice denuntietis: ac omnes tam Clericos sæculares, quam regulares, & laicos de prædicta superstitiosa secta, vel societate, quocumque appelletur nomine, existentes, vel eam sectantes, auctoritate prædicta monere, & inducere studeatis, ut ab hujusmodi observantia, secta, & nova religione totaliter desisterent, & resilire procurent. Quodque nullus deinceps prædictam sectam seu conventiculum præsumat intrare, aut ritus, & statuta societatum hujusmodi observare; contrarium facientes per censuram Ecclesiasticam coercendo: nec non eos, in quos temporalem jurisdictionem habetis per penas temporales, de quibus expedire videritis, appellatione postposita compellatis.

Sane ut Religiosi, & alii errorum Magistri, qui prædicando, & dogmatizando simplices decipiunt, & cæci ducuntur cæcis præbentes, ipsos secum in foveam trahunt, & si non Divino amore, saltem humana confusione a tam iniquo proposito revocentur: omnes & singulos, cujuscunque sint Ordinis, Religionis, præminentia vel status; quos in præmissis vobis constiterit deliquisse, capi faciatis; non obstante quocumque privilegio vel indulto (quod eis in nullo suffragari volumus) tam diu captivos detineatis, donec aliud a Nobis acceperitis in mandatis, invocato ad hoc, si opus fuerit, *auxilio brachii secularis*.

Per prædicta tamen nequaquam intendimus prohibere, quin Christi fideles impostam sibi penitentiam, vel etiam non-impositam, dummodo recta intentione, & pura devotione ad illam peragendam procedant, in suis hospitibus, vel aliis, absque superstitiosis congregationibus, societatibus, & conventiculis supradictis, possint facere, & se in bonis exercendo virtutum actibus Domino, prout

prout ipse inspiraverit, in humilitatis spiritu deservire.

Caterum, quia præsentēs literæ nequeunt singulis vestrum propter locorum discrimina commode præsentari, volumus, quod per te, Frater Archi-Episcopo! earum transumptum publica manu scrip-

tum & tuo communium Sigillo vestris Suffraganeis transmittatur, cui adhiberi volumus plenam fidem. Datum Avenione XIII. Calend. Novembris. Pontificatus nostri Anno octavo.

Tritheimius in Chronico Hirsaugiensi ult. edition.

Electus fuerat Clemens VI. anno Christi 1342. Nonis Maji, obiit 1352. VIII. Idus Decembris. Tritheimius refert hanc Bullam anno 1348. in Chronico Hirsaugiensi ultimæ editionis.

Anno 1348. 2. Maji magna Flagellatorum multitudo ex Polonia, Misnia, & Thuringia cum crucibus & vexillis processionaliter intravit Herbipolim, & ibidem triduo permanserunt. Verum, quia nimium quotidie multiplicabantur, nec poterant eos capere urbes, ut simul incederent, in plures se turmas diviserunt, quorum alii Saxoniæ, alii Marchiam, alii Bohemiam, alii Austriam, atque alii Hungariam, nonnulli ad partes Rheni, Moguntiam, Coloniam, Trêverim, & partes Galliæ cum Ducibus singulis atque Magistris intraverunt.

Anno etiam præscripto venerunt in Avenionem, ubi Clemens tunc Papa sextus cum Cardinalibus suis morabatur, Flagellatores, studiose immisi ad explorandum, quid de illa secta Apostolica sentiret Ecclesia. Intrantes autem turmatim Ecclesias, suo more se flagellabant publice, orabant in modum crucis prostrati super terram, & magna prudentiæ signa multipliciter ostendebant, in tantum, quod non solum cives, sed etiam Cardinales in stuporem verterunt. Papa vero, cum esset vir undequaque doctissimus, rem altius considerare cepit, & maturâ deliberatione in secretario cordis sui præhabita, sub excommunicationis sententia prohibuit, ne deinceps sese publice flagellarent. Non placuit Cardinalibus ea prohibitio, qui sectam illam putabant sanctissimam, & ideo se Pontifici fortiter nonnulli ex eis opposuerunt. Verum Papa in sua perstans sententia, sectam illam sub anathematis vinculo damnavit. Quod videntes Principes sectæ, magno timore perculsi sunt, & in paucis diebus penitus evanuerunt. Tandem Papa in suam sententiam revocatis Cardinalibus, omnibus Archi-episcopis, & Episcopis scribens per Apostolica scripta mandavit, quatenus sæpe dictam Flagellatorum sectam in suis Diocesisbus extinguerent, Sacerdotes & Clausuales, qui hac hæresi fuissent infecti, carceribus manciparent, tenerentque captivos, donec aliud ab eo reciperent in mandatis, sicut patet in ipsis Literis, quas misit ad GERLACUM Archi-episcopum Moguntinum, & ad alios Archi-episcopos Germaniæ, quarum tenorem his inferere utile judicavimus.

Hætenus Tritheimius in Chronico Hirsaugiensi ultimæ editionis pag. 208. 209. Binius Tomi III. Concilior. Parte II. pag. 820.

Pestis anno 1349. per Germaniam grassata, opportunam dedit Flagellatoribus ansam, ad peccata hominum suis flagellis expianda, & ad Divinam iram placandam.

Sebatenus Annal. Paderborni. Lib. XIII. ad b. a.

Wittius scribit, deceptos a desertore Monacho fanaticos hos homines, ex Ungaria in Germaniam prorepisse, qui & plures ex mendicantibus Monachis specie pietatis allexit & pertraxit in societatem. *Sebatenus Loc. cit.*

CONCILIIUM NAUMBURGENSE

Anno Christi MCCCCL. Clementis VI. Papæ IX.
Caroli IV. Imp. IV.

JOHANNES, (a) DEI GRATIA, NAUMBURGENSIS EPISCOPUS, UNIVERSIS ET SINGULIS ABBATIBUS, PRIORIBUS, PRÆPOSITIS, DECANIS, PLEBANIS, PRESBYTERIS, CURATIS ET NON CURATIS, ET CLERO NOSTRÆ DIOCESES, SALUTEM IN DOMINO SEMPERTERNAM, ET MANDATIS NOSTRIS FIRMITER OBEDIRE.

Statuta Synodalia per Prædecessores quæ per negligentiam servata non sunt, nostros edicta confirmans, & ea, innovans, & sub excommunicationis pœna

(a) Joannes Nobilis de Miltitz, Episcopus Naumburgensis, Obiit A. 1352.

pœna præcipimus inviolabiliter observari, quorum copiam per singulos Decanos rurales nostræ Diœcesis recipi, ac ea una cum statutis Provincialibus per eodem Decanos in Synodis particularibus Clero ipsis subdito, & convocato legi & publicari volumus & mandamus.

Primo; omnes hæreticos, scismaticos, sacrilegos, incantores, homicidas, & usurarios publicos & manifestos, præsertim decem sexagenas pro una mutantes, Ecclesiasticæ libertatis violatores, excommunicamus in Dei nomine in his scriptis, & vos ipsos singulis diebus Dominicis & Festivis excommunicatos denuntiatis.

Item; quia sæpius contingit hæreticos, & eorum fautores, sacrilegos, nigromanticos, homicidas, bannitos, proscriptos, & nonnullos alios, quibus Jus omne Ecclesiasticam sepulturam tribui prohibet, contingit trucidari & occidi, & quandoque obtenta licentia secularium Judicum, quidam Religiosi, & alii Ecclesiarum Curati nostræ Diœcesis taliter occisorum corpora ad Ecclesiasticam recipiunt sepulturam; prohibemus sub excommunicationis pœna, ne dictorum corpora de cætero sepeliantur, nisi Nos, aut Curie nostræ Officialis, eos concesserimus sepeliri.

Item; quod nullus Presbyter, aut Clericus tabernas visitet, nisi viator exiilat. Neque fornicarias in domo teneat sub pœna excommunicationis. Insuper omnes & singulos Ecclesiarum Rectores sub eadem pœna monemus, ut manifestos cohabitatores & concubinariorum Clericos, quos noverint, infra quindenam a tempore notitiæ manifestent; illos etiam, quos noverint institutos de Beneficiis aliorum, qui ex causis legitimis præesse non possunt, sed ex patetionibus privatis, absque juris cognitione & dispensatione ad hoc specialiter requisitis, similiter non negligant denuntiare.

Item; quod singuli Clerici nostræ Diœcesis juxta Rubricam Nunburgensem in Divinis se regant.

Item, quod Divinum Officium celebretur disciplinate, & devote in superpelliciis, vel aliis vestibus, prout expedit, impleatur; volentesque se in-

duere ad Missam celebrandam, deponant peras cum cingulis, & etiam supplicationes non celebrent absque caligis (a) neque bracciis.

Item; cum in Sacramentorum perceptione singula, quæ eadem maculare possunt, sint ressecanda; salubriter consulendum duximus: quod in Sacramento Baptismatis, quod aliorum est janua, Patrinorum pluralitas, qui arrogantiae vel cupiditatis gratia solent invitari, abdicetur, maxime cum in pluralitate Patrinorum matrimonialis impeditur copula, & nonnunquam per errorem contrahunt, quos reperta affinitate non sine gravi perturbationis dispendio contingit separari; viris tamen ex utroque Parente Nobilibus; propter sanguinis altitudinem, & quia circa matrimonia sollicitiorem gerunt curam, statutum nostrum dictum esse nolumus, hoc juxta patriæ consuetudinem numero patrinorum uti possunt.

Item; licet in jure sit cautum, quod cum ab aliquibus matrimonia fuerint contrahenda, in Ecclesiis per Presbyteros publice proponi debeant competenti termino præfinito, ut infra illum, qui voluerint, & valuerint, legitimum impedimentum opponant, hoc autem cum in Diœcesi nostra fere ubilibet negligatur; Nos hujusmodi negligentiae occurrere volentes, præsentis statuti sanximus, ut nullus Sacerdotum præsens statutum de cætero transgrediatur, & ne prætextu ignorantiae laici se in hoc pariter valeant excusare, volumus, ut singulis diebus Dominicis ab hinc, usque ad Dominicam post Festum Sancti Jacobi Apostoli, hujusmodi nostrum statutum per quemlibet Parochialem Sacerdotem in sua Ecclesia publicetur, & materna lingua exponatur.

Item; cum inter cæteros Clericorum, ac etiam Prælatorum excessus heu! hoc maxime inolevit, quod spreta in vestibus forma Ecclesiasticæ honestatis, plurimum delectantur esse difformes, & cupiant laicis conformari, sicque quod mente gerunt, habitu profitentur. Unde sacra hac approbante Synodo præcipimus & mandamus, ut singuli Clerici vestem, tonsuram, & mores, juxta Sacrorum Canonum constitutiones gerant,

Y y 3 non

(a) forte: atque

non vëro vestes amplas, manicas, & ante, retro, ac in lateribus quatuor cissuras habentes, aut nimium extensas, cum variò, vulpino, aut alio ornamento per circumferentias earum, aliquatenus deferant, neque camisas longas ad modum mulierum; præterea capita saltem in publico induant capuciis, vel iis humeros decenter sternant. Et Religiosi, nisi Prælati existant, mitras gestare non præsumant; contrarium facientes tantquam inobedientes puniemus.

Item; prohibemus: ne in Monasteriis Sanctimonialium permittantur habitare vetulæ seculares sub habitu seculari, sed quæcumque, etiam puellæ, seculares in huiusmodi Monasteriis inter

Sanctimoniales mansionem aliqualem & notabilem facere voluerint, habitum gestent novitiarum, ne propter indecentiam habitus distrahantur & scandalizentur.

Item prohibemus: ne Quæstores aliqui, nisi litteras nostras, exhibuerint quandolibet admittantur, nec ultra continentiam litterarumstrarum agere permittantur; alioquin admittentes & permittentes sententiæ excommunicationis subiaceant, & ipsi quæstores contra facientes suffragio brachii secularis Nobis præsententur. Datum. . .

Descriptit Cl. Schannatus b. m. ex codice MS. Bibliothecæ Metropolitanæ Ecclesiæ Moguntinæ.

CAROLI IV. Imp. Litteræ ad Gerlacum

Moguntinum Archi-Episcopum directæ,

Anno Christi MCCCCL. Clementis VI. Papæ IX.

Caroli IV. Imp. IV.

Quibus eum hortatur, ut, convocata quantocius Provinciali Synodo, Cleri mores universim reformet.

KAROLUS QUARTUS, DIVINA CLEMENTIA, ROMANORUM IMPERATOR SEMPER AUGUSTUS, ET BOEMIÆ REX &c. GERLACO, MOGUNTINO ARCHI-EPISCOPO &c. CONSANGUINEO ET DEVOTO SUO DILECTO, GRATIAM SUAM ET OMNE BONUM,

Quemadmodum, cum alias in nostræ Celsitudinis constitutus esses præsentia, devotionem tuam, præsentem Venerabili Cavallacensi Episcopo, Apostolicæ Sedis Legato, fuimus allocuti; sic iterum his Imperialibus litteris Te ad exercendum in subscriptis tuum Officium propensius excitamus. Consideravit namque jam dudum, sicut in præsentia considerat, nostra Serenitas, quod antiqui Patres, Canonum conditores, qui Regulam modumque Clericis, & personis Ecclesiasticis pio proposito tradere sunt conati, circa nonnullos Prælatos, & Clericos seculares & Regulares, aliasque personas Ecclesiasticas Tuæ Provinciæ, in vanum vigilasse videntur, nisi Tu eorundem Custos Canonum & Minister, super hæc, vigilantius, quam hucusque sit factum, stu-

deas vigilare. Quis enim Canonicos cum Clericis dispensavit, ut fructus Ecclesiarum & Præbendarum percipiant, & de Christi Patrimonio ludos, Hastiludia, & Torneamenta exerceant? habitum militare cum prætextis aureis & argenteis gestent, & cultros militares; comam & barbam nutrant, & nihil quod ad vitam & Ordinem Ecclesiasticum spectat, ostendant, militaribus se dumtaxat & secularibus actibus, vita & moribus, in suæ salutis dispendium, & generale populi scandalum immiscendo? Sic hæc singula per multos Provinciæ tuæ Prælatos & Clericos non est dubium exerceri, & tanto jam esse tempore præterito perpetrata, ac si contra vitam regularem & bonos mores voluerint per irregulares errores & petulantiam præscripsisse, si præscribendi contra

tra virtutes jura locum vitiis dedissent.

Talem igitur corruptelam propter zelum, quo erga Domum Dei afficimur, non modicum detestantes, devotionem tuam attente requirimus & hortamur, Teque per Officii tui debitum propensius obsecramus; quatenus una cum Coepiscopis tuis, Metropolitico Jure Tibi subiectis, ad correctionem morum & vitæ Prælatorum, Clericorum, & personarum Ecclesiasticarum tuæ Provinciæ, sollicitè & constanter assurgens, omnia in præmissis, habitu, vita, moribus, & exemplis, per eos errata corripas, corrigas, & reformes, ac in statum redigas, dictos quoque Episcopos corripere, reformare, & redire facias, sicut melius poteris, salutarem; amicis non parcendo, nec potentibus

deferendo, neque timorem in hac parte justitiæ præponendo, sed potius contraditores & rebelles per censuram Ecclesiasticam, & per subtractionem reddituum & fructuum suorum Ecclesiasticorum districtius compellendo, donec talia universa sufficienter emendent, & de non transgrediendo in his ulterius, idoneam Tibi, & eisdem Episcopis præstiterint cautionem, cum indigne de Altari vivant, qui ministrare Altaribus erubescunt. Confidit, profecto nostra sublimitas, quod accuratam in præmissis debeat tua devotio sollicitudinem tanto ferventius adhibere, quanto diutius in his nostri erratum fuisse &c.

Datum in *Consuetudina*, die XVIII. mensis Martii, Regnorum nostrorum XIII. Imperii vero IV.

SYNODUS BREMENSIS

CIRCA ANNUM MCCCL.

SUB GOTEFRIDO, (a) ARCHI-EPISCOPO BREMENSI.

Varia Statuta circa juratos Provisores, seu æconomos Ecclesiarum (Kirchgeschworne) &c.

NOS GOTFRIDUS, Dei gratia, Sanctæ Bremensis Ecclesiæ Archi-Episcopus, recognoscimus, quod *Præsentibus Nobis Sacrosanctæ Synodo Ecclesiæ nostræ Bremensis*, I. Quæsitum fuit per Venerabilem Virum Dominum Erponem Abbatem Monasterii S. Pauli extra muros Bremenses diffinitum, & sententialiter intimatum, quod si (b) patulum dandum fuerit pro villa, Rector Ecclesiæ pro dote nihil dabit. Item, si Curia deferta fuerit, de agris Curiæ dabitur præbenda.

II. Item Parochiani Rectori Ecclesiæ ipsorum, domum septem distinctionum, quæ *Vake* dicuntur, comparare & construere tenebuntur.

III. Item laquear super ignem XXIV. pedum in longitudine, duæ Camerae per omnia bene conclusæ, una bona fenestra; & (c) dos bene debet esse cooperta, & tecto & parietibus, sicut decet Plebano.

IV. Item si campanarius, non convenit Plebano, potest eum deponere, & alium sibi conducere.

V. Item Jurati Ecclesiæ non debent petere, nisi cum licentia Rectoris illius Ecclesiæ, & debet hæc petitio fieri post Offertorium, & dabunt Rectori tertiam partem, quinque temporibus anni, scilicet in festo Paschæ, Pentecostes, Assumptionis B. MARIE Virginis, Nativitatis Christi, & Dedicationis Ecclesiæ, & omnibus

(a) Godefridus ex Osnabrugensi Episcopo electus Bremensis Archi-episc., familia Comes de Arensburg, anno 1349. Obiit 1363.

(b) Lambecius legit: *Pascuarium*, qui census solvitur pro pascuis.

(c) ibi *Dos* barbarè pro Domo Rectoris Parochialis.

(d) Formula hujusmodi promoti est apud Lindenbrog. Syntagm. rer. German. Septentr. pag. 199. & in fine dicitur: *Sic me Deus adjuvet, & ista quatuor Sancta Evangelia, & quatuor Evangelista, & ista Patrocinia Sanctorum*, hoc est reliquæ.

nibus aliis temporibus, quando rogaverunt, debent Rectori tertiam partem.

VI. Et quicumque ad annos discretionis pervenerint in dictis quinque festivitatis anni, tenetur satisfacere unum Offertorium; item, si Jurati cum consensu Rectoris Ecclesiæ posuerunt carbonem, vel triticum ad aliquem locum pertinentem ad Ecclesiam, de illo sumat sibi Rector tertiam partem: & si in Ecclesia aliquid positum fuerit, habebit Rector tertiam partem; si vero præter ejus voluntatem positum fuerit, sumat Rector totum.

VII. Item Jurati non debent eligi, nisi cum consensu Rectoris Ecclesiæ, & iidem Jurati debent facere computum de bonis Ecclesiæ semel in anno, & nihil debent disponere de eisdem bonis, nisi cum consilio & consensu Rectoris, &

debent jurare (d) ad reliquias Sanctorum, quod justum computum fecerunt. Si Jurati non conveniunt, Rector potest eos deponere, & alios eligere.

VIII. Item, si Ecclesiæ aliquid datum fuerit, rectori nihil assignatum fuerit, idem rector habebit dimidiam partem in hoc dato.

IX. Item tres debent esse Ecclesiæ claves ad bona Ecclesiæ, duas debent habere jurati, tertiam vero rector.

X. Idem rector tertiam de Imaginibus Sanctorum accipiet, & habebit de jure Ecclesiæ. Acta sunt hæc in Synodo nostra, prædicta approbante. Datum & actum Bremis anno MCCC . . . Feria quarta post *Lætare*, nostro sigillo præsentibus munito.

Lambecius Lib. III. rerum Hamburgensium pag. 71.

CONCILIIUM ULTRAJECTINUM

Anno Christi MCCCL. Clementis VI. Papæ IX.
Caroli IV. Imp. IV.

JOANNIS de ARCKEL, Episcopi Ultrajectini,
Epistola septima Synodica.

De Proclamationibus dandis ante Solemnitatem Nuptiarum.

JOHANNES, DEI GRATIA, UNIVERSIS ET SINGULIS, QUOS INFRA SCRIPTUM TANGIT NEGOTIUM, VEL TANGERE POTERIT IN FUTURUM, SALUTEM IN DOMINO SEMPITERNAM.

CUM Nos licet immeriti, disponente tamen Divina (Providentia), ad Regimen universalis Ecclesiæ Trajectensis assumpti; nobis commissi Gregis Curam gerere mente vigili ex debito nostri officii teneamur, præsertim ut eis, per quos nimium diffamatur Ecclesiæ & scandala generantur in populo, viam præcludamus, digna sollicitudine meditari; sane cum eo, quod matrimonia contrahere volentes, quanquam ipsi etiam contrahere volentes diversorum existant Episcopatum, vel Parochiarum a se distantium: non tamen in utroque Episcopatum vel Parochiarum hujusmodi, sed in uno eorum duntaxat aliquotiens banna, pro eisdem contrahendis matrimoniis fieri procurant, scandala vel pe-

ricula in Dei Ecclesia contigerunt, hætenus etiam contingunt; ea propter statuimus & statuendo præcipimus præsentibus, ne aliqui de cætero diversorum Episcopatum vel Parochiarum, quam plurimum a se distantium, matrimonia invicem contrahant, aut contrahere præsumant, nisi bannis & denunciationibus, seu proclamationibus in utrisque Episcopatibus & Parochiis, quos dicti contrahentes inhabitaverint, seu habitare consueverint, de quibus originem traxerint, debite præmissis, iidem contrahentes litteras testimoniales obtinuerint super factis proclamationibus antedictis. Alioquin dicta matrimonia clandestina repuramus, & ipsos contrahentes, ac Presbyteros eosdem

dem contrahentes matrimonialiter copulantes, decrevimus & declaramus auctoritate statutorum synodaliū, per Nos alias editorum, fore excommunicationis sententia innodatos, quorum absolutionem Nobis & Officiario nostro Traiectensi specialiter reservamus.

Item omnibus Provisoribus, & Decanis, & Officiariis foraneis nostris, & subditorum nostrorum sub pœna excommunicationis inhibemus, ne supra emittendis uno vel duobus bannis, seu proclamationibus, terminis in matrimoniis observandis, aliquatenus dispenſent, aut se de ebrum dispensatione aliquatenus intromittant.

Quæstoribus modestia præscribitur.

Item Quæstoribus, qui pro elemosinis quærendis in nostris civitatibus & Dicecesi destinantur, sub pœna excommunicationis latæ sententiæ prohibemus, ne in tabernis vel aliis locis inhonestis hospitentur, aut sibi mulieres affocient, aut habitum falsæ & fictæ religionis assumant aliquid sive gestent.

Item eisdem Quæstoribus sub pœna excommunicationis inhibemus, ne de cætero aliquid acceptent, seu faciant contra ea, vel eorum aliquid, quæ in decretali edita sunt per Dominum Clementem Papam in Consilio Viennensi, sub rubrica: *De pen. & remissione*, quæ sic incipit: *Abusionibus*, quas nonnulli elemosinarum Quæstores in suis proponunt prædicationibus, ut simplices decipiant, ut aurum subtili vel fallaci potius ingenio extorqueant ab eisdem. Nam ibi continentur ipsis Quæstoribus sub eadem pœna districte præcipiente, antequam ad quæstum admittantur, de observandis in dicta *Decret.* contentis, iuramentum nostris vel Commissariis nostris præstent, & ejusdem decretalis habeant copiam, ne ignorantiam valeant allegare.

Nulli extërorum conferatur Beneficium; nemo in eodem instituatur, nisi legitime fuerit approbatus.

Item omnibus & singulis Abbatibus, Præpositis, & Rectoribus, Archidiaconis, Decanis, Collegiis, ac aliis quibuscunque, ad quos de consuetudine Beneficiorum collatio, seu persona-

rum institutio in eadem, vel curæ, aut officiationum aliquorum Beneficiorum commissio pertinent, ne personis extraneis alienæ Dicecesis, aut his, qui professione in aliquo Ordine a Sede Apostolica approbato, tacite, vel expresse facta, eundem suum Ordinem dimiserunt prætextu dispensationis, vel alias quovis colore quæſito, vel etiam in suis Ordinibus permanentes, superiorum suorum non obtenta licentia evagantur, Beneficia conferant, vel ipsos in eodem Beneficio instituunt, aut eis Curam, aut officiationem aliquorum Beneficiorum committant, nec Curati & Rectores Ecclesiarum ipsos ad regnum aliquorum Beneficiorum admittant, nisi prius per Nos, aut per Officialem nostrum Traiectensem, per nostri officii litteras patentes approbati fuerint & recepti.

Curatis facultas conceditur absolvendi ab adulterio occulto.

Item Curatis nostrarum civitatum & Dicecesis, & eorum vicem gerentibus, suos Parochianos utriusque sexus, quos adulterium se commississe contingat confiteri, dummodo sit occultum, absolvendi in foro poenitentiae duntaxat concedimus facultatem.

Item veteri utendi oleo, dum novum diffculter poterit comparari.

Item eisdem concedimus & damus licentiam utendi veteris olei Sacramento in articulo necessitatis, utpote in articulo mortis, dummodo non notabilis culpa, negligentia vel desidia super novo acquirendo valeat imputari.

Notorii excessus non emendati, ac testamenta non mandata executioni, quot annis deferantur ad Synodum.

Item præcipimus omnibus & singulis Ecclesiarum Curatis, & eorum loca tenentibus, ut excessus notorios & enormes non correctos, infra limites suarum Parochiarum commissos, nec non testamenta seu ultimas voluntates decedentium rite vel legitime factas, infra annum non executas, singulis annis in Sancta Synodo, per eorum patentes litteras vel vivæ vocis oraculo, & in scriptis ad nostram vel nostri Officialis deducant notationem.

Z z

Reſto-

*Rectores Ecclesiarum, eorum Vicarii, ac
etiam Custodes inter Divina Officia
Sacris & ordinatis vestibus
induuntur.*

Item, quia Domum Domini decet Sanctitudo, statuimus, ut Rectores Ecclesiarum nostrarum civitatum & Diocesis, & eorum vices gerentes, dum in suis Ecclesiis Divina Officia celebraverint, aut eisdem officiis interfuerint, nec non dum Ecclesiastica Sacramenta suis Parochianis ministraverint, nisi quod ad hoc distantia locorum, vel qualitas temporis aliud exegerit, almuciis, & superpelliciis, aut aliis sacris vestibus sint induti. Similiter & eorum Rectorum Custodes, seu Sacristæ in ipsis Ecclesiis utantur superpelliciis, vel sacris vesti-

bus huiusmodi temporibus Divinorum: qui autem nostri Statuti absque legitima & rationabili causa temerarius fuerit violator, per octo dies a Divinis Officiis auctoritate præsentium se noverit ipso facto suspensum; quam suspensionem si non sustinuerit reverenter, extunc pro ut exnunc excommunicationis sententiam se noverit incurrisse. Quarum absolutionem Nobis & Officiali nostro præsentibus reservamus. Et hoc præsens nostrum Statutum post octavas Beati Johannis Baptistæ proxime affuturas, & non prius, volumus obtinere roboris firmitatem. In quorum testimonium &c. Actum in Synodo nostra Trajecti feria 3tia post Cantate, anno Domini MCCCCL.

Heusden Batavia Sacra pag. 192.

Joannis de Arckel, Episcopi Ultrajectini,

Epistola octava Synodica,

ANNO CHRISTI MCCCCLI.

*Gerardus, Johannis Traject. Episc. Vicarius, Statuta Antistitis
sui renovat.*

GERARDUS de Veno, Canonicus Trajectensis, Reverendi in Christo Patris, &c. Universis & singulis Clericis & laicis, auctoritate Domini nostri Episcopi prædicti omnes & singulos Clericos huic Synodali, &c. *Quære A.* Eadem auctoritate omnes & singulos Abbates, Præpositos &c. *Quære B.* Eadem auctoritate Constitutiones Canonicas &c. *Quære C.* Cum etiam in tantum quorundam justitiariorum, balivorum, judicumque secularium & temporalium Dominorum, civitatum Diocesis Trajectensis præsumptuosa temeritas sic excreverit, ut in certis eorum districtibus ad iudicium Domini nostri Episcopi Trajectensis recurrentes super causis, negotiis, seu questionibus, quæ de jure seu antiqua consuetudine ad forum suum Ecclesiasticum pertinent, obtinere non possint justitiarum complementum, quin potius super illos incurrere ad iudiciumulare, vel a lite, causa, vel questione desistere compelluntur, præcipiendo Presbyteris, Curatis & Clericis, dictæ Diocesis Trajectensis, ne litteras citatorum, seu monitorum, & excommunicatorum, a Domino nostro Nobis, seu Officiario suo in

huiusmodi causas obtentas executioni demandent & demandare præsumant; decrevimus & declaramus, tales quoscunque balivos, judices seculares, aut Dominos temporales excommunicationis sententiam auctoritate decretalis, quam ut intelleximus, incurrere, & sententiæ excommunicationis subiacere ipso jure; a qua, nisi dicto Domino nostro, cujus cognitio fuerit impedita & jurisdictio usurpata, de damnis & expensis integraliter fuerit satisfactum, beneficium absolutionis se sciant nullatenus obtenturos: quam quidem excommunicationis sententiam, si per 15. dies animo sustinuerint indurato, etiam alia monitione non præmissa, si nobilis fuerit, aut Dominus terræ, districtus ipsius, si quem habet, Ecclesiastico sit suppositus interdicto. Et nihilominus in loco, ubi balivus, iudex secularis, seu Dominus temporalis Domicilium habet, cesset a Divinis, quousque legitime fuerit satisfactum. Præterea cum nonnulli minus idonei, &c. *Quære O.* Eadem auctoritate negotium fabricæ, &c. *Quære I.* Eadem auctoritate monemus omnes & singulos, &c. *Quære K.* Eadem aucto-

auctoritate omnibus & singulis. *Quære L.* Item in virtute sanctæ obedientiæ præcipimus & mandamus omnibus & singulis Ecclesiarum Rectoribus &c. *Quære P.* In quorum testimonium &c. Da-

tum & actum Trajecti in Synodo generali. (a) Anno Nativitatis Domini MCCCLI. XVII. die mensis Maji.

Heusden Batavia sacra pag. 193.

(a) Totius Diceceos: sic abutuntur voce *Generalis* multi Episcopi in suis Synodis appellandis.

Joannis de Arckel, Episcopi Ultrajectini,

Epistola nona Synodica.

ANNO CHRISTI MCCCCLII.

Nemo laicus tempore interdicti generalis, etiam dum Divina peragere conceditur, ad Sanct. Eucharistiam admittatur.

JOANNES Dei gratia, &c. Auctoritate nostra omnes & singulos huic Synodali, &c. *Quære A.* Eadem auctoritate omnes Abbates, Præpositos, &c. *Quære B.* Eadem auctoritate constitutionis, *Quære C.* Suscepti regiminis cura Nos sollicitat, ut, quæ in Ecclesiis, Monasteriis, & aliis nostræ civitatis & Dicecesis locis, non absque violatione censuræ Ecclesiasticæ servare vidimus, per appensionem congrui statuti melius conformemus. Cum itaque in nonnullis Ecclesiis ac Monasteriis nostrarum civitatum & Dicecesis observetur, & a longe retroactis temporibus observatum fuerit, ut in aliquo loco nostræ Dicecesis generaliter interdicto, & interdicto hujusmodi a jure vel ab homine aliquibus temporibus, vel per aliquod tempus certis de causis relaxato, ipse populus, & quilibet de populo sanus, & non in mortis articulo constitutus admittebatur non sine metu violationis censuræ Ecclesiasticæ ad Eucharistiæ Sacramentum, quod interdicti tempore decedentibus tamen a sacris Canonibus est concessum. Unde super hoc providere volentes, deliberatione præhabita diligenti, duximus statuendum, ut nullus de cætero laicus tempore Generalis interdicti in quatuor Festivitatibus, quibus licet Divina celebrari, ad Communionem Altaris seu Eucharistiæ admittatur. Quod si quisquam Sacerdotum alicui sano tempore festivitatum præsumpserit ministrare, penam meritam poterit non immerito formidare.

Item statuimus, & pœna excommunicationis prohibemus, ne quis Sacerdos nostrarum civitatum vel Dicecesis aliquem ab homine, vel a jure, aut a statutis quibuscunque Provincialibus vel Synodalibus publice excommunicatum, in mortis articulo, ubi excommunicator præsens est, vel commode adiri poterit, nisi ipse Superior, ad quem absolutionis Beneficium pertinet, id impendere recusaret, vel plus debito differret, deinceps absolvere præsumat: & in casu, quo juxta præmissa in mortis articulo quemquam absolvere contigerit, ipse absolutiones, servata juris forma, modum absolutionis, nomenque, status & conditionem absoluti, & causam, pro qua ligatus fuerat, Nobis aut Officiario nostro, aut illi vel illis, ad quos absolutio pertinuerit, infra XL. dies a tempore absolutionis impensæ notificet competenter, vobis mandamus & præcipimus in virtute sanctæ obedientiæ fideliter observare. Præterea cum nonnulli minus idonei, *Quære O.* Eadem auctoritate negotium, *Quære I.* Eadem auctoritate monemus omnes & singulos, *Quære L.* Item in virtute sanctæ obedientiæ præcipimus & mandamus omnibus, & singulis, *Quære P.* In quorum, &c.

Anno Domini MCCCCLII. viii. die mensis Maji.

Heusden Batavia sacra pag. 193.

*Joannis de Arckel, Episcopi Ultrajectini,**Epistola Decima Synodica.*

ANNO CHRISTI MCCCCLIII.

Hæreticis, falsariis Apostolicarum ac Episc. litterarum manifestis, &c. ultra annum in crimine contumacibus, testamenta, ac legata condere interdicitur.

JOHANNES Dei gratia, &c. Omnes & singulos huic Synodali, &c. *Quere A.* Eadem auctoritate omnes Abbates, & Præpositos. *Quere B.* Præcipientes insuper Provisoribus, Decanis, & Rectoribus Ecclesiarum nostræ Dicecesis supradictis sub intimatione maledictionis æternæ, & in hujusmodi nostra Synodo proxime ventura, hæreticos, falsarios Apostolicarum & nostrarum litterarum, usurarios manifestos, in gradibus prohibitis conjugatos, & in sententis excommunicationis ultra unius anni circulum contumaciter perdurantes, testamenta & legata, quæ intra annum a tempore mortis legantium & testamenta condentium non sunt executi, nec ad voluntatem decedentium terminata, aliæque crimina graviora, notoria & manifesta, ne præmissorum sanguis de ipsorum manibus requiratur, Nobis, si præsentibus in dicta Synodo fuerimus; alioquin Officiario nostro Trajectensi in scriptis particulariter & specificè denunciare non dimittant. Eadem auctoritate citamus omnes & singulos Decanos, & Provissores, & Ecclesiarum Curatos nostræ Dicecesis pro tempore existentes, peremptorie, ut secunda die mensis Octobris proxime venturi compareant coram Nobis Trajecti, si ibidem præsentibus fuerimus; alioquin coram Officiario nostro: vel saltem mittant de quolibet Decanatu, vel Provisoria duos vel tres Procuratores, ad audiendum salubria monita & mandata. Eadem auctoritate Constitutiones Can. &c. *Quere N.*

Clerici certis temporibus Ecclesie Cappis nigris incedere jubentur.

Item statuimus & ordinamus, quod Clerici Beneficiati nostræ civitatis & Dicecesis in Ecclesiis Collegiatis, in quibus Beneficia obtinent, a Dominica, qua cantatur: *Vidi Dominum*, usque ad Vigiliis Paschæ, exce-

ptis Festivitatibus omnium Sanctorum, Martini, Conceptionis, Purificationis, Annunciationis Mariæ, Natalis Domini cum diebus sequentibus, usque ad octavas Epiphaniæ, Petri ad Cathedram, & Dominicæ Palmarum, cum cappis nigris incedere, Archidiaconis exceptis, non dimittant.

Cavetur, ne unus Clericus alterum rogationum tempore in Ecclesiis trudit, aut propellat.

Item illum usum, qui jam diu inolevit inter Clericos Ecclesiarum Trajectensium puta quo unus alium trudit & retrudit, ejiciendo unus alium de loco ad locum, inhoneste in Ecclesiis Nicolai & Gertrudis nostræ civitatis tempore rogationum, penitus reprobamus, ne illum exerceant ulterius prohibentes, districtius præcipimus in virtute sanctæ obedientiæ fideliter observari. Præterea nonnulli minus idonei, &c. *Quere O.*

Quæstiones vetito tempore non admittendi.

Inhibemus sub poenis excommunicationis, firmiter injungendo omnibus & singulis Ecclesiarum Curatis nostræ Dicecesis, ne aliquem Quæstorem temporibus petitionis B. Martini indultis, sive in XL. sive extra, ad quæstum suum exercendum in Ecclesiis eorum admittere præsumant quoquo modo. Eadem auctoritate monemus omnes & singulos debitores, &c. *Quere K.* Eadem auctoritate omnes & singulos dolose dictæ fabricæ, &c. *Quere M.* Item in virtute sanctæ obedientiæ præcipimus & mandamus omnibus, *Quere P.* In quorum testimonium, &c. Datum Anno Domini MCCCCLIII. xx tertio die Aprilis.

Heusden Batavia sacra pag. 194.

Joannis

Joannis de Arckel, Episcopi Ultrajectini,

Epistola undecima Synodica.

ANNO CHRISTI MCCCLIV.

I. De denunciandis illis, qui testamenta non exequuntur.

II. Ex pacto ratione mutui aliquid recipere ultra sortem, usura computatur, Episcopo Trajeet. aut ejus Vicario reservata.

JOHANNES Dei gratia, &c. Cum Nos alias in nostra Synodo, sub anno Domini MCCCLIII feria 3ia post *Cantate*; omnes & singulos Abbat, & Præpositos, Diaconos, Archidiaconos, Provisores Ecclesiarum, Curatos & Clericos nostræ jurisdictioni subiectos citaverimus peremptorie ad secundum diem mensis Octobris proxime venturi coram Nobis Trajeeti, si ibidem præsentem essemus; alioquin Officiario nostro, vel saltem mitterent de quolibet Decanatu & Provisoria duos vel tres Procuratores, ad audiendum salubria monita & mandata, omnes hic non comparentes contumaces computamus, *Quære A.* Eadem auctoritate omnes & singulos Abbates, *Quære B.* Præcipientes Provisoriis, ac Decanis, & Ecclesiarum Curatis, sub intimatione maledictionis æternæ constituta Can. &c. *Quære IV.* Nostri Officii debita ac ultimas voluntates decedentium exequi volentes, statuimus, & sub intimatione maledictionis æternæ præcipimus, ut Rectores Ecclesiarum Parochialium nostrarum civitatum & Diœcesis, testamentum seu ultimas voluntates suorum Parochianorum, infra annum a die mortis decedentium non executi vel executas, &

hæredes & executores, qui ea exequi infra annum prætermiserint, Nobis aut Officiario nostro Trajectensi infra tres menses annum hujusmodi subsequentes, immediate per se vel per alios procurent denunciare; quod si non fecerint, & in hoc remissi fuerint, Nos contra eos ad pœnas Canonis, prout de jure poterimus, procedemus. Præterea illum abusu, quo plerique civitatis & Diœcesis Trajectensis abutuntur circa pecuniæ quantitatem, mutuando tali pacto, ut post annum unum pro decem denariis unum denarium recipiant ultra sortem, non attendentes illud dictum Salvatoris: *Mutuum dantes & nihil inde sperantes*; reprobamus istos: & illos, qui acceptis muneribus fructus non computant in sortem, exceptis in casibus a jure concessis, usurarios declaramus, eorum absolutionem Nobis seu Pœnitentiario nostro, qui pro tempore fuerit, reservantes, præcipimus in virrute sanctæ obedientiæ observari. Præcipimus omnibus & singulis, *Quære P.*

Datum Anno Domini MCCCLIV. secunda die mensis Octobris.

Heusden Batavia sacra pag. 194.

Joannis de Arckel, Episcopi Ultrajectini,

Epistola duodecima Synodica.

ANNO CHRISTI MCCCLV.

Judices Eccles. non admittantur, nisi saltem Baccalaurei in jure &c.

JOHANNES Dei gratia, &c. Auctoritate nostra omnes & singulos huic Synodali, &c. *Quære A.* Eadem auctoritate citamus, *Quære B.* Eadem auctoritate constitutis Canonis, *Quære N.* Quorum tenor talis est: Pastoralis Nos cura sollicitat, ut in foris Ecclesiasticis nostrarum civitatum & Diœcesis observetur, quod a longis re-

troactis temporibus fuerit observatum, quod Clerici juris ignari passim ad causarum Patrocinia seu advocatiâ admittantur, in Ecclesiasticæ jurisdictionis illusionem, litigantium dispendium, & Clericorum nostrarum civitatum & Diœcesis in jure Canonico vel civili studium, qui amore scientiæ facti sunt exules, de divitibus pauperes semetipsos

exinaniunt, vitam suam omnibus periculis exponunt, & a vilissimis sæpe hominibus, quod graviter est ferendum, corporales injurias sine causâ perferunt, ac non modicum detrimentum. Nos super hoc providere volentes, deliberatione habita super hoc diligenti, duximus statuendum, ut Judices Ecclesiastici nostræ civitatis vel alicujus loci nostræ Diœcesis, ubi copia peritorum facile possit haberi, in causis criminalibus, Beneficialibus, vel prophanis coram eis pendentibus, libellos exceptionis, replicationes, seu alium actum judiciale, a partibus exhibitum de cætero non admittant, nisi subscriptione saltem Baccalaurei in Jure Canonico vel Civili, vel alterius juris periti per Nos ad honorem advocatiæ in civitate ac Diœcesi Trajectensi exercendi approbatum: præsens statutum vero ad causas prophanas, quæ summam decem librarum Trajectensi-

um monetæ excedunt, & ad lites jam pendentes volumus non extendi.

Item inhibemus sub pœna excommunicationis omnibus Presbyteris Nobis subditis, ne cadavera mortuorum cum pileo, baculo vel alio habitu flagellatorum, Ecclesiasticæ tradant sepulturæ, vobis insinuamus & præcipimus, in virtute sanctæ obedientiæ fideliter observari. Præterea cum nonnulli minus idonei, &c. *Quære O.* Eadem auctoritate negotium, &c. *Quære H.* Eadem auctoritate monemus omnes & singulos, dolose. *Quære L.* Præcipimus in virtute sanctæ obedientiæ omnibus & singulis Ecclesiarum Curatis, *Quære P.* In quorum, &c.

Datum Anno Domini MCCCCLV. xiii. die mensis Maji.

Heusden Batavia sacra pag. 195. Ex libello Goudæ anno 1484. impresso.

Epistola decima tertia Synodica.

Statutum JOANNIS AB ARCKEL, Episcopi Trajectensis,

Negligentes exequi Legata ad pias causas ad Synodum deferendi.

JOHANNES, DEI GRATIA, UNIVERSIS RECTORIBUS ET ECCLESiarum CURATIS CIVITATIS ET DIOECESIS TRAJECTENSIS, NOTARIIS, SEU PERSONIS PUBLICIS, IN DICTIS NOSTRIS CIVITATIBUS ET DIOECESI, SALUTEM IN DOMINO.

AD nostrum spectat Officium, Defunctorum exequi voluntates: Cum ergo nonnulli nostrarum civitatum & Diœcesis iniquitatis filii, se Christiano nomine inaniter gloriantur, tanquam scorpiones fel in corde habentes, & mel in ore gerentes, se esse amici fideles morientium, piarum voluntatum executioni offerunt, & post eorum obitum de animarum redemptiōe non curantes, eas pias voluntates debitæ executioni renuunt demandare: quin potius, ac si hæredes justî existentes, ea, quæ in pios usus legata existunt, nituntur in propriis applicare. Volentes his abusibus obviare, prout Nobis ab alto promittitur, & præsertim, quia ad hoc commonet Nos, & compellit Canon felicis recordationis domini CLEMENTIS PAPÆ Quinti editus IN CONCILIO VIENNENSI. Vos omnes & singulos, cujuscunque status & conditionis sitis, mo-

nemus primo, secundo, & tertio, & vobis in virtute sanctæ obedientiæ, qui factionibus testamentorum interfuisitis & intereritis, & præcipiendo mandamus, quatenus annis singulis in nostra Synodo, quam annis singulis ac feria tertia post Dominicam *Cantate*, in præsentî nostra Ecclesia tenere & servare intendimus, Nobis testamenta, in quibus legata ad causas pias, præsertim ad fabricam istius Ecclesiæ nostræ Trajectensis fiunt, quæ per eos executores & manufideles non fuerint executioni mandata, & nomina executorum, & de præteritis instructionem plenariam, Nobis per vos vel per alios fideliter referatis: quod si in prædictis vos de negligentia notari contingat, ad pœnas debitas procedemus. Cæterum de hinc nostrum processum, &c. videbitis.

Heusden Batavia sacra pag. 195.

Epistola

Epistola decima quarta Synodica.

Statutum JOANNIS AB ARCKEL, Episcopi Ultrajectini,

*Pro fabrica Ecclesiæ Sancti Martini perficienda instructio
Episcopalis.*

Placet Domino Episcopo, quod Ecclesiarum Rectores, & Presbyteri per suas civitates & Diocesim Trajectensem constituti, quartam partem de petitionibus & legatis, per ipsos collectis & acquisitis, seu imposterum acquirendis per eas, ad opus novæ fabricæ Ecclesiæ Trajectensis suæ prælibatæ, dummodo bene & fideliter reportaverint, & Procuratores novæ fabricæ Ecclesiæ Trajectensis prædictæ effectualiter fense- rint, ad arbitrium prædictorum Procuratorum licite recipere valeant, in munera earundem, licet alias per suos certos processus inhibuerit, ne quis eorum de dictis Collationibus, petitionibus & legatis quidquam acciperet.

Item præcipit eisdem in virtute obedientiæ, ut quisquis eorum recipiat extunc cedulam indulgentiarum, dictæ suæ Ecclesiæ concessarum, & eam scribat in Missali, ac publice suis subditis ipsas indulgentias omnibus diebus Dominicis & festivis, prout in eisdem continetur, ne a modo Ecclesia sua prædicta Trajectensis gravetur laboribus & ex-

pensis, immitendo dictas cedulas Ecclesiarum Rectoribus & subditis sibi Presbyteris.

Item præcipit Provisoribus, & Decanis Christianitatis, ut quilibet eorum semel in anno, ad unam certam diem & locum determinatum, quos ad hoc præfixerit * q-q; Omnes & singulos Curatos Ecclesiarum & Presbyteros in suo Decanatu existentes, (a) ac eisdem præcipiat, ut oblationes & petitiones petitas, ac legata ad opus dictæ fabricæ Procuratoribus infra mensem, post notificationem ipsi factam, reportent fideliter, ut tenentur.

Item præcipit dictis Curatis & Presbyteris in virtute sanctæ obedientiæ, ut ipsi præcipiant suis subditis omnibus & singulis, & legata dictæ fabricæ detrahentibus & desinentibus, ut infra mensem post insinuationem eis factam, hujusmodi legata Procuratoribus dictæ fabricæ perfolvant, seu eisdem cautionem sufficientem faciant.

Heusden Batavia sacra pag. 196.(a) *Supple*: convocet.*Gerlaci, Archi-Episcopi Moguntini,**Declaratio super Concilio PETRI.*

GERLACUS, DEI GRATIA, SANCTÆ MOGUNTINÆ SEDIS ARCHIEPISCOPUS, SACRI IMPERII ARCHI-CANCELLARIUS, &c. HONORABILIBUS VIRIS: JOHANNI PRÆPOSITO, BORCHARDO DECANO, TOTIQUE CAPITULO ECCLESIAE HALBERSTADENSIS, SALUTEM CUM SINCERA IN DOMINO CARITATE.

Quia, ut a vobis intelleximus, nuper pro doior! Ecclesiæ vestræ Concanonicus, per quosdam cives vestræ civitatis Halberstadenfis, in strata publica, intra muros civitatis ejusdem, ensibus evaginat, violenter fuit invasus & occisus; Nos vestra circum-

specta dilectio duxerat consulendos: nunquid pro eadem occasione, sicuti pro captivitate ejusdem, vel alterius Clerici, si hoc evenisset, sint statuta *Concilii generalis observanda*, & ad hoc ejus decreta rationabiliter se extendant, vestri dubia rationes quamplurimas annectentes;

Super

Super quibus vestra circumspecta dilectioni sic duximus mandandum : quod eodem Concilio, olim sano atque maturo consilio, & matura deliberatione præhabita per felicis recordationis Dominum *Petrum*, Archiepiscopum Moguntinum, Prædecessorem nostrum, cum nostris Suffraganeis peracto, contigit per aliquos Jurisperitos in civitate ipsa Moguntina, & ejus Dicecesi, de eodem casu, quem movetis, sollicitè dubitare; propter quod ipse Dominus *Petrus*, Princeps & Auctor ejusdem Concilii, cum sapientibus atque peritis, deliberatione præhabita, ex forma & continentia, ac manifesta eorundem statutorum Provincialium, fecit unum suum Synodale statutum talis tenoris.

" Innotescere volumus, & tenere præsentium declaramus: quod statuta contra captivatores Clericorum, per Prædecessores nostros, & Nos edita, ad occisores, & mutilatores eorundem extendantur; nolentes, ut de hoc de cætero, vel in Judicio, vel extra, aliquod dubium habeatur."

Quod quidem statutum, quod est declaratorium antiquorum Provincialium statutorum prædictorum, publicatum in nostris sanctis Synodis, continue cum eis servamus, & custodimus, & servari volumus, & mandamus a nostro Clero reverenter, quod & vobis præsentibus indicamus. Scribimus etiam vobis confidenter, quod, ut præmittitur, fecit ipse idem statutum Synodale ex forma & continentia, ac mente manifesta eorundem statutorum, ut credimus.

I. Ex eo, cum hoc ipso Clericus etiam in Equo existens detinetur, capi censeatur, longe iniquius, qui ad mortem invaditur, detentus est, cum non sit verisimile, si non esset prius detentus, & circumvallatus, & captus, quin potius evaderet, quam mortem subiret.

II. Præsumendo argumentum a minori, quod accipitur affirmative, & quod longe majus est delictum, occidere, quam captivare; Ergo, si in captivitate cessatur, multo fortius in occisione.

Nec obstat, quod dici possit, quod alia pœna super occisione inflicta non excludunt pœnas propter captivitatem inducunt (a): sed exaggerant & augmentant eas propter immanitatem criminis. Non obstat etiam, quod dicitur, quod declaratio Archi-Episcopi Moguntini Synodalis ipsius, se extendere possit ad Provinciam; videmus enim, quod & frequenter Archi-Episcopus Moguntinus Statuta & Synodalia, & consuetudines Ecclesiæ Moguntinæ quoad suam Provinciam declarat; ad quod facit optime in prædictis Constitutionibus Synodalibus c. 1. *De Rapto*. c. 2. & 3. *De consuetudine*, ad quod etiam optime facit, quod Archi-Episcopus possit Statuta Concilii declarare: nam constat, quod in majoribus, videlicet: in absolutionibus & dispensationibus impendendis, juxta eadem statuta, potest dispensare & absolvere solus, etiam ad solam relationem Episcopi de satisfactione, ubi agitur expresse de principali præjudicio partium, & eis non vocatis; multo fortius ergo potest Statuta Provincialia declarare, maxime secundum intellectum juris communis, secundum quod ipsa Statuta sunt ordinata & injuncta. Quod autem idem sit intelligendum in occisione, & multo fortius, quam in captivatore, probat C. *De Rapto*, cum C. *Nos igitur*, & C. *Statuimus*, semper se referant ad præcedentia, & etiam in tantum ipsa Capitula se continentur præcedenti, & se referant ad ipsum, quod potius ab aliquibus videantur paragraphi, quam Capitula; & dictum c. *Statuimus*, in fine concludit, quod præcedentia sunt de mutilatoribus & occisoribus Clericorum multo fortius observanda.

Hoc diligenti vestra Inquisitioni transcribimus, ut animum vestrum ex præmissis, & aliis, quæ vos movere poterunt, informetis.

Datum anno Domini MCCCCLIV. in crastino Nativitatis Beatæ Mariæ Virginis.

Ex cod. MS. Bibliot. Monasterii S. Petri Erphord. descripsit Cl. Schannat b. m.

(a) lege: inducias.

SYNODUS EYSTETTENSIS

Anno Christi MCCCLIV. Innocentii VI. Papæ II.
Caroli IV. Imp. VIII.

Statuta Synodalia Episcopi BERTHOLDI, Burggravii Norimbergensis,

Hæc sunt Statuta Synodalia Reverendi Patris & Domini, Domini BERTHOLDI, Dei & Apostolicæ Sedis gratia Venerabilis Ecclesiæ Eystetensis Episcopi promulgata, anno Domini Millesimo trecentesimo quinquagesimo quarto, in die Sancti Galli Confessoris, in Ecclesia Eystetensi prædicta.

NOS (a) BERTHOLDUS, Dei & Apostolicæ Sedis gratia Episcopus Ecclesiæ Eystetensis, (b) *generalem Synodum* celebrantes, diligenti ac sollicita consideratione pensavimus, quod licet universis & singulis nostræ jurisdictioni subiectis, tamquam gregi Dominico Nobis commisso, vigilem debeamus curam impendere, & debitæ sollicitudinis remedia adhibere, primo tamen & principaliter officii nostri debitum in illos credimus exercendum, quorum vita & conversatio exemplum debet esse, & speculum aliorum, qui in partem sollicitudinis unâ nobiscum vocati, in seipsis debent ostendere, quomodo alios in domo Dei oporteat conversari: ad quorum siquidem edificationem congruam, & commissi sibi populi instructionem pariter & doctrinam statuta Synodalia subnotata, quæ in ipsa Synodo lecta fuerint, & edita, ac ab omnibus, quorum interest, approbata, ab universis Decanis & Ca-

merariis nostræ Diceceſeos per copiam haberi præcipimus, (c) quia in singulis convocationibus in Confratrum suorum præsentia recitari & publicari volumus, ac ab omnibus inviolabiliter observari.

De Prebendis diminutis.

Licet jam dudum, jure & ratione hoc dictante, a Sanctis Patribus salubriter sit statutum, ut cuilibet Sacerdoti Vicario, Plebem seu Parochialem Ecclesiam gubernanti, ratum de ipsius Ecclesiæ proventibus assignari debeat, unde idem Sacerdos cum familia sua, decenter sustentari, jura Episcopalia exsolvere, & hospitalitatem caritativam valeat exhibere; ob hoc autoritate ordinaria statuimus, & districte & in virtute sanctæ obedientiæ præcipiendo mandamus omnibus & singulis. . . Decanis & Camerariis, ut in suis Decanatibus Prebendas Vicariorum in scriptis annotent, siquæ ibidem sint aliquæ antiquæ

Ex codice chartaceo *MS. Vicariatus Eystetensis*, quem *P. Ignatius Bonſchab S. J. A. 1759.* 9. Julii ad me misit, descripsi, & contuli & remisi A. 1759. 7. Augusti.

(a) Bertholdus Burggravius Norimbergensis, construxit magnificentum castrum Episcopale, post exauctoratum Albertum ab Hohenfels A. 1344. subleſtus Alberto Bertholdus A. 1351.

(b) *Generalem* pro totius Diceceſis Synodo: alió sensu dicitur *Generalis Synodus* cœcumenica.

(c) Berchtoldi in illustrissima Burggraviorum Norimbergensium gente nati, elogium justum dat *Gregorius in Catalogo Episcoporum Eystetensium*, recuso Tomo X. novæ editionis pag. 86. Episcopus XLV. fuit, ex Commendatore Provinciali in Prussia & Franconia, anno 1351. ætatis suæ XXXI. A Clemente VI. tiara Eystetensi redimitus Feria II. Rogationum, quæ tunc in VIII. Kal. Junii incidebat. Sedit annis XIV. Carebat ante Sacris Ordinibus, sed concessione Papæ statim, tamen gradatim, iis insignitus fuit. Obiit A. 1365. Sepultus in Monasterio Heilsbronnensi, in Gentilitio Burggraviorum sepulcro.

quæ diminutæ, aut siquæ sint ibidem minus sufficientes pro labore & sustentatione Sacerdotum, & Nobis hujusmodi diminutionem & insufficientiam in scriptis infra mensem assignent cum effectu, quia circa hoc ex officio nostro, prout tenemur, intendimus providere.

De non amovendis Sacerdotibus.

Item statuimus & præcipimus universis Ecclesiarum Rectoribus, ne Sacerdotes, institutos in Ecclesiis, aliquatenus amovere præsumant, nisi amotionis causa sufficiens coram nobis probata fuit & ostensa.

De non admittendis personis extraneis.

Item statuimus & precipimus, ut Decani & Camerarii nullum Sacerdotem extraneum & ignotum ad consortium suæ fraternitatis admittant; nisi super receptione sua nostras eis exhibeat litteras speciales, & nisi eis veraciter constet, quod alias pro suis non sit ejectus excessibus & repulsus.

Ut quælibet Parochialis Ecclesia proprium habeat Sacerdotem.

Adjicimus etiam statuendo, quod quælibet Parochialis Ecclesia proprium habeat Sacerdotem, qui ipsam gubernet & resideat in eadem, ut solitum est ab antiquo, si ipsam Parochiam tenens privationis penam, quam jura infligunt, voluit evitare; nisi facultates Ecclesiæ sint ita diminutæ, ut ipsam regens residendo in eadem commode non valeat sustentari.

De perpetuis Vicariis præsentandis.

Item statuimus & precipimus, ut infra instantem octavam Epiphaniæ, ad singulas Parochiales Ecclesias, quarum ad hoc facultates sufficiant, perpetui Nobis Vicarii præsententur, alioquin extunc Ecclesiastico subiaceant interdicto.

Ut veri Pastores de bona vita Vicariorum suorum diligenter inquireant.

Item statuimus & universis veris Pastoribus in virtute sanctæ obedientiæ præcipiendo mandamus districte, ut de vita, conversatione, moribus, & idoneitate Vicariorum suorum, antequam

Nobis per Nos instituendi in Ecclesiis præsententur, diligenter inquireant: & ipsis præsentatis & investitis similiter omni anno de vita & conversatione ac modo regiminis ipsis commissi, ne sanguis subditorum de manibus ipsorum requiratur, inquirere non obmittant, & eos, quos incontinentiæ vitio maxime laborare invenerint, a tempore, quo excessus hujusmodi ad eorum pervenit noticiam, nostris vel Officialis nostri, qui pro tempore fuit, deferant similiter auribus infra mensem, alioquin contra ipsos Pastores ad penam suspensionis ab Officio & Beneficio, in quantum poterimus, procedemus.

De Sacerdotibus concubinariis.

Cum curam animarum gerentes debeant mundis manibus Ecclesiastica Sacramenta pertractare, Deo Sacrificium non pollutis manibus offerre; Ut autem commissi regiminis curam valeant salubriter exercere, mandamus omnibus & singulis. Decanis, Camerariis, Rectoribus, Plebanis, Viceplebanis, nec non Vicariis per totam nostram Diocesim constitutis, qui hætenus publici & notorii fornicatores & concubinarij fuerant, concubinas in domibus ipsorum publice tenentes, eis manifeste cohabitando; quatenus infra mensem a publicatione præsentium concubinas suas de domibus & habitationibus ipsorum ejiciant & amoveant cum effectu, a familiaritate eorum de cetero omnino abstinendo, alioquin dicto termino elapso tales manifesti & notorii concubinarij ab ingressu Ecclesiæ & a Divinis noverint se per nos fore suspensos, quas sententias suspensionis in ipso extunc, prout extunc ferimus in his scriptis, mandantes nihilominus sub pena prædicta omnibus Decanis & Camerariis per totam nostram Diocesim constitutis, quatenus omnes Sacerdotes concubinariorum, publice concubinas in domibus ipsorum post admonitionem, & contra prohibitionem nostram præmissam amplius tenentes, ab ingressu Ecclesiæ & a Divinis per Nos fore suspensos, publice in omnibus convocationibus vestris denuntiatis & per Confratres vestros alios in suis Ecclesiis Parochialibus eisdem denunciari procuratis; Nomina quoque ipsorum concubi-

cubinariorum, ut prædicatur, Nobis vel Officiali nostro, qui pro tempore fuit, infra mensem a tempore concede (d) notitiæ computandum, literis vestris volumus intimari. Quod si non feceritis, mandatis nostris in hac parte non obediendo, contra vos, in quantum de jure poterimus, ad graviores pœnas indubitanter procedemus. Insuper sub pœna prædicta damus vobis firmiter in mandatis, ut singulas Clericorum concubinas per evidendam facti notitiam, si amplius ab hujusmodi vicio, competenti monitione præmissa, cessare noluerint, excludatis, & per alios Confratres vestros excludi faciatis penitus a Divinis, nec eis presentibus, aut in cimiterio stantibus, Divina Officia per vos & per alios Confratres vestros ullatenus celebrentur.

Sequitur de Tabernariis & Lusoribus.

Statuimus insuper & prohibemus sub pœna prædicta, ne quicumque Clericus in quocunque Ordine, maxime tamen in Sacerdotali Ordine constitutus, tabernas a modo frequentare, aut ludos taxillares continuare præsumat, alioquin lusor hujusmodi totiens Nobis nomine pœnæ teneatur in tanto, quantum eum per ludum hujusmodi lucratum fuisse confiteris, seu amisisse. Tabernarii vero si tertio moniti per Decanos suos a frequentatione tabernarum abstinere noluerint, a consortio Fratrum, nec non a tota nostra Diœcesi, tamquam incorrigibiles excludantur. Clerici similiter officium tabernariorum publice & personaliter exercentes, de cetero, si infra mensem, a tempore incepti officii prædicti numerandum, non cessaverint, aut si post cessationem amplius dictum officium resumpserint, ipso facto privilegio Clericali noverint se per Nos in personis eorum fore privatos, ac a consortio Contrarum & a tota Diœcesi nostra per Decanos penitus excludantur. Insuper Clerici, qui Clericalis Ordinis dignitati non modicum detrahentes, se jocolatores seu histriones faciunt in publicis spectaculis per instrumenta musicalia, vel per quencumque alium modum exquisitum spectaculum suorum corporum in publico faciant, si per duos menses ar-

tem illam ignominiosam exercuerint, ut prædicatur, ab ingressu Ecclesiæ & a Divinis noverint se suspensos. Quas sententias suspensionis in ipsos ex tunc prout ex nunc ferimus in his scriptis. Clerici quoque nutriendes comas & barbas in verecundiam & destructionem honestatis Clericalis tam diu sint a perceptione decimarum & omnium fructuum Beneficiorum suorum suspensi, quamdiu eas indecenter nutrire præsumunt, nisi hoc faciant ex honesta causa vel ex rationabili alia causa. Clerici etiam, & maxime Sacerdotes tonsuras congruentes non deferentes, seu crines non præcidentes, per Decanos eorum tondeantur & præcendantur, seu ipsos tonderi & præcidi procurent & compellant, si indignationem nostram & correctionem velint evitare.

De Vestibus Clericorum.

Sacra insuper Synodo approbante statuimus, ut, sicut in statu Clerici a laicis differunt, sic & in habitu sint distincti. Clerici Beneficiati pannorum coloribus a jure prohibitis, videlicet rubris, viridibus, & maxime in caleis(e) non utantur; sed vestes deferant nimia brevitate vel longitudine non notandas. Sacerdotes vero vestes talares curent deferre, non manicas longas, & pendentes formari sibi faciant, prout laici abusive solent deferre. Amplam quoque vestem desuper deferant, non cinctam, maxime cum fuerint in publico spectaculo vel platea, seu in Ecclesia; pileis etiam & cultellis magnis fixoriis aut gladiis, seu cuspidibus, vel aliis armis quibuscumque non utantur, nisi forsitan fuerint in itinere constituti, vel alia necessitas, aut metus corporis ipsis incumbat.

Nolumus insuper, imo prohibemus omnino, ne Sacerdotes maxime, aut quicumque alii Diœcesis nostræ Clerici calceos rostratos, seu per supersticiosam curiositatem incisos portent: alioquin, quotiescumque in præmissis, aut aliquo præmissorum deliquerint, totiens Nobis nomine pœnæ in quinque solidis Hallerorum brevium per superiores eorum irremissibiliter repetendis teneantur.

De

(d) lego: conceptæ, vel conquistæ, vel communicatæ notitiæ.

(e) lego: calceis

De habenda visitatione per Decanos & Camerarios.

Præterea statuimus, & Decanis, & Camerariis sub pœna suspensionis ab Officio & Beneficio districtè præcipimus & mandamus, ut assumptis sibi juratis Confratribus Decanatus illius, singulis annis duabus vicibus, videlicet primo post Festum S. Jacobi infra mensem, secundo infra Adventum, & Nativitatem Domini immediate sequentem, omnes Confratres suos in unum locum convocent causa visitationis habendæ, aut singulas eorum Parochias sigillatim accedant, super excessibus eorum inquirendo, & excessus eorum inquisitos nostris auribus deferatis infra mensem, aut Officiali nostro, qui pro tempore fuit; & hæc statuta nostra Synodalia auribus ipsorum tunc serioſius inculcare curetis.

Ne Monachi regant Parochias.

Statuimus insuper districtius prohibentes, ne Monachi, aut quicumque alii Religiosi, seu Clerici, & Sacerdotes sæculares, cujuscumque conditionis existant, absque nostra licentia speciali & instructione, ac commissione regiminis animarum, præsumant Parochiales Ecclesias regere, & tenere; alioquin ipso facto ab ingressu Ecclesiæ & a Divinis sint suspensi, qua suspensione durante, si se Divinis ingesserint, laqueum irregularitatis non evadent, a qua nisi per Sedem Apostolicam valeant absolvi.

De Sacramento Eucharistiæ.

Cum Sacramentum Eucharistiæ, propter sanctitatem in se contentam sit excellentius ceteris Sacramentis, & tamquam solus Deus debeat adorari, hoc Sancta Synodo approbante statuimus: ut cum Sacerdos cum Sacramento Eucharistiæ visitat & procurat infirmum, si totum Sacramentum expenditur adeo, quod nihil remaneat in conservatorio seu vase, in reditu Sacerdotis extinguatur candela, & nola aliquatenus non pulsetur; ne fideles vas adorando vacuum idololatriæ vitium incidant, vel incurrant; si autem aliquid superfuerit de hujusmodi Sacramento, Sacerdos per se ipsum, vel per Sacerdotem alium, vel Ministrum ad hoc aptum, utpote Diaconum, non per Scho-

larem, vel Ministrum alium, quantumcunque via difficilis fuerit vel extensa, ad Ecclesiam ipsum referat vel reportet, alioquin hoc non observans, præter ultionem Divinam ad arbitrium nostrum gravissimæ subiaceat ultioni.

De Confessionibus audiendis.

In Confessionibus vero audiendis illam præcipue diligentiam Sacerdotes observent, ut a penitente peccata usitata & gravia sigillatim, inusitata vero per qualdam rerum circumstantias caute perquirant, ne inexpertis detur materia, quod ante nescierant, perpetrandi. In communiori quoque loco Ecclesiæ & suspicione carente sedeant Sacerdotes, cum confessiones audiunt, & in spiritu lenitatis audiant, & instruant confitentem. Immo specialiter inhibemus, ne aliquis Sacerdotum in casibus Nobis, & Episcopis reservatis, maxime notoriis aliquem presument absolvere in foro penitentiae, nisi ex speciali commissione nostra vel Penitentiarii nostri vices nostras in hac parte gerentis. In satisfactionibus vero injungendis minora (a) majoribus referrentur, in minoribus autem secundum quantitatem culpæ & qualitatem delinquentium se teneant, atque regant. Caveant etiam Sacerdotes, ne verbo, signo, nutu, aut alio quovis modo prodant aliquatenus confitentem; quoniam qui peccatum in confessione sibi relatum publicare præsumperit, non solum ab omni Officio Sacerdotali deponendum decrevimus, verum etiam ad agendam penitentiam perpetuum in arctum Monasterium tradendum. Sciant insuper Sacerdotes, quod juxta doctrinam Canonum infirmis non est injungenda penitentia, sed tantum innotescenda. Ita quod satisfactionis impossibilitas Domini nostri Jesu Christi Passione, sui que pretiosi sanguinis effusione suppletur. Item confessio nulli proderit, nisi vere contrito.

Isti sunt Casus Domino nostro Episcopo specialiter reservati, in quibus præter specialem Commissionem nullus neque secularis, nec Religiosus sive Presbyter absolvere habet confitentem.

Primo absolvere excommunicatos majori excommunicatione alicui simplici Sacerdoti non competit, sed Domino Epi-

(a) forte: majora.

Episcopo, vel ejus vices in hac parte gerenti.

Item non possunt absolvere blasphematores Dei & Sanctorum.

Item non possunt absolvere fortilegos, incantatores. (a)

Item ad Dominum Episcopum spectat quorumlibet votorum commutatio.

Item male ablatorum incertorum vel certorum, quando non extant hi, quibus facienda est restitutio.

Item, qui clandestine contrahunt matrimonia, vel contra interdictum ecclesiæ, ad Dominum Episcopum remittantur.

Item reservatur absolutio Domino nostro Episcopo ab omni enormi publico crimine.

Primo videlicet, quia a nullo homicidio voluntario, vel casuali, alius Sacerdos potest absolvere, nisi Dominus noster Episcopus.

Etiā, qui opprimunt infantes ex proposito, vel ex casu.

Item a crimine perjurii absolutio Domino nostro Episcopo a jure referatur.

Item a falso testimonio, seu instrumento.

Item ab Incestu.

Item a corruptione Monialium.

Item a coitu cum brutis.

Item a peccato contra naturam.

Item a Sacrilegio.

Item ab adulterio & aliis confimilibus criminibus notoriis Dominus noster Episcopus poterit absolvere. Et præmissorum absolutio sibi soli exitit a jure reservata.

Ne pro ministrandis Sacramentis aliquid exigatur.

Volumus & districtissime præcipiendo prohibemus, ne Sacerdotes pro ministrandis Sacramentis, vel pro sepultura fidelium munera quantumcumque modica exigant, aut extorqueant a suis subditis more contrahentium. Ipsi autem Sacerdotibus non interdicimus, ut si subditi eorum post Sacramentorum ministrationem, aut post funerum sepulturam laudabilem & devotam consuetudinem pro hujusmodi Sacramento-

rum ministratione a fidelibus introductam nollent observare, ad hoc Officium nostrum seu Officialis nostri implorando possunt licite coarctari. . . & ipsos conveniendo . . compelli.

De Observantia Feriarum & Jejuniorum.

Committimus insuper & mandamus universis Sacerdotibus & Vicariis Ecclesias Parochiales regentibus per nostram Diecepsim constitutis, ut subditum sibi populum ad condignam feriarum & jejuniorum observantiam inducant verbo pariter & exemplo.

De Baptismo.

Baptismum etiam cum suprema reverentia præcipimus celebrari, maxime in præscripta forma, & pondere verborum, in quibus virtus Sacramenti consistit in elemento aquæ, scilicet in his verbis: *Ego baptizo te in nomine Patris, & Filii, & Spiritus Sancti.*

Statuimus etiam & præcipimus universis, ut in baptismo tantum unus assumatur Patrinus ad impedimenta matrimonii precavenda. Præcipimus etiam, quod nullus filium Sacerdotis, qui ipsam (b) baptizavit, ducat aliquatenus in uxorem.

De damnatis ad mortem.

Volumus & strictissime prohibemus, quod Sacerdotes, cum confessiones illorum audiunt, qui propter eorum excessus suspendio, aut incendio traduntur, a consortium suorum proditione retrahant, sed eos potius in hac parte, an tales velint, an nolint prodere, propriæ voluntati relinquuntur.

De prohibendis petitoribus.

Propter nimietatem Indulgentiarum & quorundam Quæstionariorum turpitudinem & nequitiam prohibemus, omnes omnino & singulos petitores elemosynarum in Ecclesiis per totam nostram Diecepsim admitti, nisi super hys speciales nostras litteras valeant exhibere, quibus habitis, visis, & ostensis, nullus Quæstionarius laicus admitatur ad prædicandum in ambone in aliqua Ecclesiarum Verbum Dei, sed tantum ad indulgentias

A a a 3

simplici

(a) *Alia manu additum.*

(b) *forte: ipsum*

simpliciter exponendas. Insuper prohibemus Quæstionarios omnes & petitores admitti & maxime laicos conjugatos, qui non sunt familiares Ecclesiarum, ad quas elemosynas intendunt colligere, sed sunt extranei, & pro certa quota elemosynarum collectarum conveniuntur ab his, qui Ecclesiis solent præesse. Et sic cum suis uxoribus elemosyna per eosdem expenditur in periculum animarum suarum, nec non scandalum plurimorum, alioquin contra Sacerdotes, tales admitcentes, ad pœnas graves procedemus.

Cum sancta & salubris sit excogitatio pro Defunctis exorare; statuimus, & inviolabiliter observari mandamus, ut juxta consuetudinem Cathedralis Ecclesiæ nostræ omnes & singuli cujuslibet Decanatus Confratres annis singulis feria secunda ante Festum Dedicationis ipsius Ecclesiæ nostræ, omnium Confratrum suorum memoriam Defunctorum apud aliquem locum ad hoc aptum cum Missa & Vigiliis præcedenti nocte *Placebo* celebrent solemniter & devote.

De Decimis solvendis.

Expedi, ut iste Titulus populo publicetur per Plebanos.

Cum decimæ sint tributa egentium animarum, quas sibi Dominus in signum universalis Domini reddi præcepit, easque pro cultu suo Clericis concessit exhibendas secundum *Canonum Sanctiones*: Nos prædictis rationibus & juribus freti statuimus declarantes, quod laici decimas de agris, pratis, hortis, & arboribus, nec non de omnibus fructibus, Clericis, seu Parochialibus Ecclesiis, nullis deductis expensis, sive messorum pretium, vel aliorum mercenariorum, seu familiæ eorundem, etiam si de uno fundo & uno anno pluribus vicibus crescant, atque proveniant plures fructus; & similiter de animalibus, & aliis rebus, licite acquisitis sine fraude, quilibet tribuant integraliter & exsolvant. Alioquin in his excedentes, & minus debite exsolventes, si manifesti fuerint, & post ammonitionem ac justum non satisfecerint Sacerdotum, ad Divina non admittantur, nec eis Ecclesiastica sacra ministrentur, & si in hujusmodi pertinacia decesserunt, Christiana careant sepultura. Si autem

occulti fuerint, postquam in judicio animarum ad solutionem moniti fuerint atque jussi, ad damnationis periculum ipsi suis conscientis relinquantur. Firmiter etiam præcipiendo mandamus, ut Decani, Camerarii, Rectores, Plebani, & alii nostræ Diœceseos Clerici, quibus officium prædicandi & confessiones audiendi est injunctum, publice in sermonibus suis, præcipue in Dominicis diebus Quadragesimæ, & in festis Ascensionis Dominicæ, Pentecostes, Nativitatis Domini, beati Joannis Baptiste, Assumptionis & Nativitatis Virginis gloriosæ, ac etiam occulte informet populum sibi commissum, ut secundum modum superius expressum decimam dent & exsolvant.

Sequitur, quod omnis Christianus confiteatur semel in anno proprio Sacerdoti omnia peccata sua.

Expedi, ut iste Titulus populo sæpius publicetur per quemlibet Plebanum.

Item statuimus, ut juxta CONCILIUM GENERALE " omnis utriusque sexus " quilibet Christianus, postquam ad annos discretionis pervenerit, solus omnia " peccata sua semel in anno proprio Sacerdoti maxime in Quadragesima confiteatur. Et in Cœna Domini, ut in die " Parasceve, aut in die Paschæ devote corpus Christi suscipiat, nisi de ipsius Sacerdotis sui consilio ex causa rationabili " a susceptione hujusmodi abstineat illa " vice. Alioquin & vivens sanus ab ingressu Ecclesiæ arceatur, & moriens " Ecclesiastica careat sepultura.

De clandestinis Matrimoniiis prohibendis.

Clandestina Matrimonia contrahi omnino prohibemus, & Plebanos nostræ Diœceseos talibus Matrimoniis interesse, & auctorizare eadem omnino detestamur, sed in duorum aut trium testium præsentia ipsa contrahantur, per quos, si quæstio super his emerferit, veritas comprobetur.

Immo volumus & statuimus, ut cum aliqui velint contrahere Matrimonium, quod Plebanus eorum prius in Ecclesia sua publice nominet personas contrahere volentes, & moneat omnes suos Parochianos, si aliquis eorum sciat & noverit aliquod impedimentum consanguinitatis, seu affinitatis, seu compaternitatis, seu

seu aliquod aliud impedimentum , quod iste tale impedimentum infra quindenam opponat , & ad audientiam suam deferat , & tunc audita probabili conjectura contra contractum celebrandum , contractus per eundem contrahere volentibus expresse interdicitur ; Si autem aliqui contra nostram & juris inhibitionem matrimonium clandestine contraxerint , talis contractus de jure censetur fore legitimus , nisi aliquod canonicum obsistat impedimentum , quod sit efficax ad contractum habitum dirimendum.

De Laicis tumultantibus corpora mortuorum in loco interdicto , aut publice excommunicatorum.

Expedit , ut iste Titulus populo publicetur per quemlibet Plebanum.

Ex Statutis Concilii Moguntini colligimus , statuimus , & mandamus , ut quicumque laici nostræ Diœcesis amodo intra cimiterium loci interdicti aliquod corpus , seu corpora mortuorum , aut publice excommunicatorum etiam in loco non interdicto sepelire præsumperint , aut qui talia præsumptibus opem vel operam quocumque modo adhibuerint in hac parte , excommunicationis incurrant sententiam ipso facto , a qua non nisi per Metropolitanum possunt absolvi ; ita quod non refumantur Divina , nisi sepulta taliter corpora fuerint exhumata , vel per Nos absoluta.

De (a) Laicis spoliantibus Sacerdotes defunctos.

Expedit , ut iste titulus publicetur populo per quemlibet Plebanum.

Contra laicos insuper Patronos seu Advocatos Ecclesiarum , aut quoscumque alios laicos , qui post mortem Pastoris aut Vicarii ipsum defunctum spoliant universis rebus mobilibus suis , statuimus , ut Ecclesia , in qua defunctus taliter Clericus fuerit spoliatus , interdicto Ecclesiastico sit supposita ipso facto. Nolentes , ut alius Sacerdos Successor reparatam ipsam ante restitutionem omnium ablatorum & satisfactionem plenariam aliquate-

nus officiare præsumat , alioquin Sacerdos hujusmodi præter irregularitatem , quam ex hoc contrahet , excommunicationis sententiam incurrat ipso facto , relaxationem vero sententiarum hujusmodi tam excommunicationis in personam , quam interdicti in Ecclesiam , solum Metropolitano nostro , seu Romano Pontifici duximus reservandam. Insuper statuimus , sive sit Clericus , sive Laicus Patronus , qui defuncto Pastore vel Vicario , Sacerdotem spolians , vel Ecclesiam , sit in pœnam a jure præsentandæ vice suspensus , & immediatus Superior Ecclesiam conferat illa vice.

De Captivatoribus Clericorum.

Expedit , ut iste titulus populo publicetur per quemlibet Plebanum.

Contra captivatores , occisores , mutilatores , seu vulneratores Canonicorum , etiam in minoribus Ordinibus existentium , & cæterorum quorumcumque Clericorum , pro Clericis se gerentium , aut aliarum Ecclesiasticarum quarumlibet personarum statuimus , quod omnes tales , & omnis eorum , ab ipsis utriusque sexus descendens posteritas , nec ad sacros Ordines , nec ad aliqua Beneficia Ecclesiastica , nec in Claustris , nec in Cœnobiis nostræ Diœceseos aliquatenus admittantur absque dispensatione nostra speciali : salvo aliis pœnis contra tales a jure editis & statutis.

De Usurariis.

Expedit , ut iste titulus publicetur populo per quemlibet Plebanum.

Sunt nonnulli per diversas Diœcesis nostræ Parochias & loca constituti fidem Christianam professi , qui lucris usurarum insistere , & contractus illicitos exercere præsumant , propter quod universis Ecclesiarum Rectoribus , Plebanis & Vicariis damus firmiter in mandatis , ut contra manifestos Usurarios & alios , qui contractus illicitos exercent , pœnam *Lateranensis Concilii* publicent solemniter coram plebe , ut videlicet nec ad communionem Altaris admittantur , nec Christianam ,

(a) Hujus constitutionis Bercholdi contra spoliatores defunctorum Sacerdotum meminit *Gretserus in Catalogo Episcoporum Eystettensum* editæ A. 1364. posttridie S. Martini , Tomo X. oper. *Gretseri nove editionis* pag. 861. Sed in codice chartaceo Synodi A. 1354. mihi communicato , subjungebatur hæc constitutio immediate veluti emanata in Synodo anni 1354.

nam, si in hoc puncto decesserint, accipiant sepulturam. Nullus etiam Sacerdos oblationes eorum accipiat, quia eas & acceptas cogetur reddere, & ad nostri arbitrium ab executione sui officii noverit se suspensum.

Quod Parochiales Ecclesias regentes de causis Matrimonialibus, & aliis causis non cognoscant, nec eas definiant.

Ad audientiam nostram quoque ex fide dignorum relatione pervenit, quod nonnulli Decani, Camerarii, Rectores, Plebani, Viceplebani, & Vicarii nostræ Diocesis in gravem jurisdictionis nostræ detractationem, & in suarum periculum animarum de causis Matrimonialibus cognoscere, & easdem diffinire non vererentur, & his, qui de contractibus Matrimonialibus coram ipsis accusantur seu denuntiantur, negantibus dictos contractus super ipsorum negationem publice in ambonibus suis corporalia deferrent juramenta, actoribus super his perpetuum silentium imponendo, & jurisdictionem nostram sibi in hac parte usurpando: insuper, quod sententias excommunicationis majoris in subditos suos auctoritate propria fulminare præsumunt, nec non personaliter suspensi & excommunicati, ac in præsentia publice majori excommunicatione excommunicatorum scienter se Divinis ingerere non erubescant; Mandata quoque Nostra & Officialis nostri ipsis injuncta vilipendendo, executioni mandare non curant. Et quia quilibet Sacerdos in sua Consecratione ad Sancta Dei Evangelia tacta jurat, quod sit obediens suo Episcopo, ad cujus Parochiam extitit ordinatus; quapropter universis & singulis . . Decanis ruralibus, Camerariis, & aliis Ecclesiarum Rectoribus, Plebanis, Vice-Plebanis, & Vicariis per totam Diocesin nostram constitutis sub pœna suspensionis ab ingressu Ecclesiæ districtissime statuendo prohibemus, & sub præstitis in ipsorum consecratione juramentis eos seriose requirimus, & in Domino hortamur, ne de causis matrimonialibus, usurarum, Decimarum, nec non de omnibus aliis causis & quæstionibus Clericorum vel Laicorum, quæ judicalem indaginem exposcunt, & quæ de jure aut consuetudine

ad forum Ecclesiasticum pertinere dignoscuntur, audiant, vel diffiniant, sed eas decidendas ad Officiale nostrum, qui pro tempore tunc fuit, adhibita diligentia transmittantur. Sententias etiam excommunicationis majoris in subditos suos fulminare sub dicta pœna omnino prohibemus. Suspensi quoque personaliter vel excommunicati per Nos, vel Officiale nostrum, qui pro tempore tunc fuit, in contemptum Clavium Ecclesiæ se Divinis ingerere non prædant. Alioquin ipso facto a jure & secundum Canonicas sanctiones irregularitatem noverint se incurrisse, a qua non nisi per Summum Pontificem, seu ejus Pœnitentiarium Beneficium absolutionis poterunt obtinere. In excommunicatorum insuper præsentia temere & scienter celebrare nullo modo præsumant, alioquin post primam celebrationem ab ingressu Ecclesiæ ipso jure noverint se fore suspensos, & si sic suspensi, & a dicta sententia suspensionis per Nos non fuerint absoluti, secundo se Divinis ingesserint, laqueum irregularitatis ipso facto similiter a jure non evitabunt. Vobis etiam firmiter damus in mandatis, in virtute sanctæ obedientiæ firmiter præcipiendo, ut mandata nostra, & Officialis nostri vobis injuncta per vos executioni debite mandentur, alioquin quicumque ea temere absque causa rationabili coram Nobis proposita exequi neglexerit, ab ingressu Ecclesiæ noverit se fore per Nos suspensum. Contra transgressores nihilominus in præmissis seu aliquo præmissorum præter pœnas juris prædictas ad privationem Beneficiorum suorum justitia mediante procedemus.

Sequitur de Statutis quibusdam brevibus & cottidianis.

Post præmissarum autem constitutionum observantiam salutarem quædam statuta specialia, licet pauca sint, & brevia, devotionem pariter ac salutem augentia, post dictas anneximus, quo propter eorum brevitatem & de facili observari poterunt & mentaliter retineri: quæque ab omnibus Diocesis nostræ Clericis eorum pro quibus sunt instituta reverentiam singulis diebus observari monemus, volumus, & in Domino, quantum possumus obsecramus; primo, ut omnes Cle-

Clerici in sacris Ordinibus constituti nostræ Diœcesis sæculares, horas Canonicas legant, seu cantent secundum Breviarium Ecclesiæ nostræ, ac Divina Officia alia quæcumque secundum ritum & consuetudinem ejusdem Ecclesiæ nostræ current cum devotione celebrare: primo tamen volumus, ut post singulas horas Canonicas de Beata Virgine dicatur: *Salve Regina*, cum Versiculo: *Ave Maria*, & Collectam: *Concede misericors Deus* &c. Item quod cottidie ad gratiam subjungatur Collecta illa de Spiritu Sancto: *Assit nobis, quæsumus Domine, virtus Spiritus Sancti* &c.

Item, quod in omnibus Missis post elevationem Hostiæ salutari Calix non statim, nisi prius verba ad hoc pertinentia, distincte prolata fuerint, elevetur.

Item cum Hymnus: *Te Deum laudamus*, cantatur, aut dictus, seu lectus fuerit usque ad illum locum: *Non borruisti Virginis uterum*, ob reverentiam Beatæ Virginis quilibet reverenter se inclinet.

Item, quando in Matutinis Textus Evangelicus legitur, biretum, mitra, vel caputia deponantur.

Item, quod singulis diebus in Sacro tribus vicibus in omnibus Ecclesiis Parochialibus nostræ Diœcesis fiat campanæ unius sonitus, & tunc tam a Clero, quam a populo ad minus unum *Pater noster*, & unum *Ave Maria* pro bono statu Ecclesiæ nostræ flexis genibus cum devotione dicatur.

Item diem Beatæ Catharinæ Virginis & Martyris eximie deinceps per totam Civitatem & Diœcesin nostram ab omnibus cum solemnitate officii & observantia sancta haberi volumus tamquam celebrem & festivam.

Sequitur Festum Insigniorum Passionis Christi, de novo institutum per Dominum INNOCENTIIUM Papam VI. ad supplicationem Domini KAROLI Regis Romanorum quarti. Anno Domini Millesimo trecentesimo quinquagesimo quarto.

BERTHOLDUS, DEI & Apostolicæ Sedis gratia, Episcopus Ecclesiæ Ey-

stetensis, Discretis Viris..Decanis.. Camerariis, cæterisque Rectoribus.. Plebanis.. Viceplebanis, & Clericis per totam nostram Diœcesin constitutis, Salutem & sinceram in Domino caritatem &c.

Vestram discretionem scire volumus, quod nuper Serenissimus Princeps & Dominus noster, Dominus KARULUS, Romanorum & Bohemiæ Rex, semper Augustus, Nobis coram ipso constitutis quandam litteram Sanctissimi in Christo Patris Domini Innocentii Sexti veræ Bullæ (a) more Curie Romanæ bullatam legi iussit, & ostendi, in cujus tenore continebatur, qualiter idem Dominus Papa ad laudem & gloriam Salvatoris nostri Domini JESU CHRISTI, & suæ Passionis reverentiam gloriosam, pro veneratione Instrumentorum saluciferorum ejusdem Dominicæ Passionis, videlicet: LANCEE & CLAVORUM a cunctis Christi fidelibus honorandorum, nec non ad supplicationem ejusdam Domini Regis illustis, qui in sua custodia prædictam Lanceam, & unum de Clavis, sicut ceteri Imperatores & Reges Romanorum hætenus obtinuerunt, pro Insigniis Imperialibus, dinoscitur obtinere, de præmissis Lancea & Clavis, Dominicæ Passionis Instrumentis, speciale festum singulis annis feria sexta proxima post octavam Resurrectionis Dominicæ ab omnibus Christi fidelibus in Alamaniæ & Bohemiæ partibus solemniter celebrandum instituit, & causam ordinavit, addens tres annos & tres Quadragenas Indulgentiarum omnibus fidelibus penitentibus & confessis, qui eodem festo Ecclesiam seu Capellam, in qua hujusmodi instrumenta recluduntur, visitaverint annuatim; nec non centum dies Indulgentiarum his, qui in præsentia prædicti Domini Regis, & suorum successorum Imperatorum, & Regum Romanorum Catholicorum Missæ & Horis Canonicis interfuerint in Festo præfato. Insuper mandavit Nobis, ac aliis Alamaniæ & Bohemiæ Archi-Episcopis & Episcopis, ut prædictum Festum die præfata annis singulis celebraremus, & faceremus a

no-

(a) Bullam integram habet Gretserus in Syntagma de Insignibus Imperii, Tomi I. Operum Gretseri novæ editionis in Mantissa pag. 109. una cum Apologia contra hæreticos & pseudo-criticos. Item Raynaldus in Annalibus Ecclesiasticis ad annum 1354. No. 18. Pagi historiam refert in Breviario gestorum Pontificum Romanorum Tomo IV. in vita Innocentii VI. No. XIII. pag. 157.

nostris subditis celebrari. Volentes itaque Apostolicis & Regalibus obedire mandatis, ut tenemur, vobis omnibus & singulis in virtute sanctæ obedientiæ districtè præcipiendo mandamus, quatenus prædictum festum in honorem Lanceæ & Clavorum, & aliorum instrumentorum Passionis Domini nostri Jesu Christi prædicta feria sexta proxima post octavam Resurrectionis Dominicæ singulis annis solemniter celebretis, & vestris Parochianis celebrandum denuntietis, & mandetis, ac in Libris Officialibus Ecclesiarum vestrarum, in quibus cætera Sanctorum Festa continentur, conscribi faciatis; Officium vero speciale hujus Festi, quod idem Dominus Rex per suos Clericos fieri decrevit in Brevi, cum ad Nos pervenerit, recipiatis, & copiam vobis fieri faciatis. Datum

Raynaldus asserit Bullæ Innocentii VI. de festo Lanceæ & Clavorum celebrando exemplaria fuisse, missa ad Magdeburgensem, Pragensem, Coloniensem, Treverensem, Moguntinum, Salisburgensem, Bremensem, Rigensem Archi-Episcopos: eorumque Suffraganeos, quæ extant Romæ in *Registro Epistolarum Innocentii VI.* post Bullam ipsam instituti festi hic relatam ad annum 1354. No. 18.

De Festis Mobilibus. Et de Litera Dominicali. Item de distantia inter Nativitatem Domini & Dominicam Esto mihi, *Item de propriis hominibus Ecclesiæ nostræ diligenter inquirendis.*

Cæterum, ne Festa Mobilia per annum futurum Sacerdotes & inexpectos Clericos lateant, scire debent, quod Adventus Domini in Dominica, in qua cadit Festum Sancti Andreæ Apostoli, & prædictum Festum anticipabitur, cum Officio suo Sabbato præcedenti, & sic erunt tres septimanæ, & tres dies ab Adventu Domini usque ad diem Nativitatis Domini. Item Litera Dominicalis per totum annum futurum D. Item Septuagesima erit proxima die ante Purificationem Virginis Gloriosæ, & sic erunt septem septimanæ a Dominica post Nativitatem Domini usque ad Dominicam *Esto mihi.*

Volumus insuper & mandamus, ut omnes Sacerdotes Ecclesias regentes, tam in publico, quam in privato de propriis hominibus & servis Ecclesiæ nostræ diligenter inquireant. Eos autem, quos invenerint, Nobis, in singulis quatuor Temporibus ad audientiam nostram inscriptis curent deferre.

CONCILIIUM ULTRAJECTINUM

Anno Christi MCCCLV. Innocentii VI. Papæ III.
Caroli IV. Imp. VIII.

SUB JOANNE, EPISCOPO ULTRAJECTENSI,

EPISTOLA XV.

- I. Quolibet anno Decretalis Gregorii IX. pro Cathedra publicetur.
- II. Notorii excessus & testamenta infra annum ab obitu, non mandata executioni deferenda ad Synodum.

JOHANNES, Dei gratia, &c. Auctoritate nostra omnes & singulos Clericos, huic Synodali, *Quære A.* Eadem auctoritate omnes & singulos Abbates, &c. *Quære B.* Insuper præcipientes Provisoribus, & Decanis, Ecclesiarum Curatis nostræ Dicecesis supra dictis, sub intimatione maledictionis æternæ constituta, *Quære N.* Præterea præcipimus omnibus & singulis Ecclesiarum

ReCTORIBUS, ut quolibet anno semel vel bis Decretalem GREGORII IX., cum ipsorum Parochianorum major pars affuerit, in Ecclesiis suis prædicent & exponant, hujus continentiz & tenoris: Is, qui fidem dedit mulieri super matrimonio contrahendo, carnali copula subsecuta, etsi in facie Ecclesiæ aliam duxerit & cognoverit, ad primam redire tenetur; quia licet præsumptum primum matri-

matrimonium videatur contra præsumptionem, hujusmodi non est probatio admittenda. Ex quo sequitur, quod nec verum, nec aliquid censetur matrimonium, quod de facto est postmodum subsecutum. Præterea licet nos alias in *Synodo nostra generali* decrevimus statuendum, quod omnes & singuli Curati Ecclesiarum testamenta, vel ultimas voluntates suorum Parochianorum, infra annum a die mortis decedentium non executas, nec executas, nec non excessus notorios incorrectos, Nobis, aut Officiario nostro denunciarent; nihilominus ramen plerique Ecclesiarum Curati in præmissis negligentes existunt & remissi; hinc est, quod ipsis, & eorum cuilibet districte præcipimus injungendo, ut ante ipsorum a Civitate Trajectensi recessum,

hujusmodi testamenta & excessus, sub juramenti ipsorum, Nobis, aut nostris Commissariis denunciare non obmittant. Si quis vero contrarium præsumperit, contra eum cum animadversione condigna procedemus. Eadem auctoritate, &c. *Quære B.* Præterea cum nonnulli minus idonei, &c. *Quære O.* Eadem auctoritate negotium, &c. *Quære I.* Eadem auctoritate inhibemus, *Quære Q.* Eadem auctoritate monemus omnes debitores, &c. *Quære K.* Eadem auctoritate omnes & singulos dolose, &c. *Quære M.* Item in virtute sanctæ obedientiæ omnibus & singulis Ecclesiarum Rectoribus, &c. *Quære P.*

Datum anno Domini MCCCLV.
quarta die mensis Maji.

Heusden Batavia sacra pag. 196.

Joannis de Arckel, Episcopi Ultrajectini, EPISTOLA XVI.

JOHANNES, Dei gratia, &c. Cum nos alias, &c. *Quære N.* Eadem auctoritate omnes & singulos Abbates, &c. *Quære B.* Præterea omnibus & singulis Ecclesiarum Curatis civitatis & Diocesis, quatenus constituta Canonum, & præsertim Concilij generalis, nec non Statuta *Provincialia*, & Prædecessorum nostrorum Episcoporum Trajectensium, & nostra *Synodalia* firmiter observent, nec non constituta Domini CLEMENTIS Papæ Quinti, in Concilio Viennensi edita, cujus tenor sequitur in hæc verba; "Eos, qui propriæ re-meritis audacia corpora defunctorum, non sine contemptu clavium Ecclesiæ, in cimiteriis interdicti tempore, in casibus non concessis a jure, vel excom-

"municatos publice, aut nominatim interdictos, aut usurarios manifestos scilicet enter sepelire præsumunt, decrevimus ipso facto excommunicationis sententiæ subiacere, a qua nullatenus absolvantur, nisi prius ad arbitrium Diocesani Episcopi eis, quibus per præmissa fuerit injuria irrogata, satisfactionem exhibuerint competentem, nullo eis circa præmissa exemptionis, vel quovis alio privilegio, sub quacunque forma verborum concessio, aliquatenus suffragante, in Ecclesiis suis, cum major multitudo populi affuerit, & quantum primum poterit, solemniter publicari procurent.

Datum anno Domini MCCCLV. secunda die mensis Octobris.

Heusden Batavia sacra pag. 196.

Potestatem Provisorum ac Decanorum per terminos Hollandiæ, Zelandiæ, limitamus secundum moderationes inscriptas.

Leges circa Immunitatem Ecclesiasticam præfixæ.

Item Provisor & Decanus non molestent aliquem super perjurio, pro eo, quod coram sæculari iudice iuramentum præstitit in iudicio, (*) ac di-

Tomus IV. Concil. German.

(*) forte: juxta.

Etamen legum Patriæ, nisi contra illum qui juravit, sit tanta fama de perjurio, quod illa etiam iudici temporali innoscat. In illo casu corrigetur de perjurio, convictus per Provissorem & Decanum. Emolumenta de correctione cum pro-

B b b 2

ventu

ventu æqualiter dividuntur inter Provisorem, & Decanum, & Judicem loci temporalem. Item confugientibus ad emunitatem Ecclesiarum, Provisores & Decani habent potestatem extrahendi eos, quos de jure Ecclesiastica emunitas non defendit, videlicet illos, qui de cimiterio exeuntes homines spoliunt, aliena rapiunt, & violentias committunt, & ex tunc ad emunitatem Ecclesiasticam redeunt, & alia similia crimina committentes. Et ex cunctis talibus Provisor præsentare debet hujusmodi Dominis, Episcopo, & Archidiacono puniendos, si convicti fuerint per Judicem Ecclesiasticum seu temporalem, pro ut qualitas delictorum exegerit; videlicet, quod Clerici sic extracti, & quos emunitas Ecclesiastica non defendit de jure, per Judicem Ecclesiasticum corrigantur, & quod laici convicti, & quos emunitas Ecclesiastica non defendit de jure, ex emunitate, de qua ejecti sunt, remittantur, defensione emunitatis nullatenus gavisuri.

Judices Ecclesiastici non fulminent interdictum, sine causæ cognitione.

Item Provisores & Decani pro delicto singularis personæ vel secundarum personarum, non fulminent interdicti sententiam sine cognitione causæ.

Item de Clericis non portantibus tonsuram, & vestes Clericales, alias fuit ordinatum, quod infra certum terminum eis statutum se in tonsura & vestibus Clericalibus exhiberent, alioquin non gaudebunt privilegio Clericali. Et cum hoc ordinatum nunc existit de novo, quod volentes gaudere privilegio Clericali, pro eo, quod asserunt, se in minoribus Ordinibus constitutos, exhibeant se Provisor & Decano loci, & se faciant propriis nominibus eorum scribi pro Clericis, & tales gaudebunt privilegio Clericali, & si quis prædictorum Clericorum postea reperiretur delinquens enormiter, caperetur per Judicem secularem, Provisor vel Decano præsentandus est, & corrigendus secundum qualitatem delicti sui.

Item Provisor & Decanus non molestant homines super violatione Festorum, extra Synodum, nisi fuerit manifesta probatio contra impetendos seu

molestandos, quos tunc Provisor & Decanus poterunt convictos de violatione corrigere, & non nisi per justitiam temporalem ad reparationem aggerum aut aliarum rerum, quæ servare non poterunt, compellantur.

Item de fornicatoribus & aliis delinquentibus observetur consuetudo hætenus observata, hoc salvo, quod mulieres maritatæ non vexentur super fornicatione seu adulterio, nisi fornicatio sit publica, vel sit acculata in Synodo.

Nec vexent aliquem per monitiones, aut excommunications, nisi legitime citatos.

Item, quod non molestantur aliqui per monitiones aut excommunications, nisi prius ita legitime citati fuerint, quod citatio probabiliter credi possit ad eorum notitiam pervenisse.

Non excedant in pecuniarum exactione.

Item, quod Provisores & Decani de citationibus suis & actis judicialibus, in receptione pecuniarum non excedant, sed se conforment in præmissis observantiæ Trajectensium Curiarum.

Item de proclamationibus & absentis recipiatur, sicut prætaxatum est.

Item, quod officium Provisoris & Decani in quolibet Decanatu, per unam duntaxat personam idoneam exercentur.

Nec incolæ Patriæ Trajectum protrahantur ad judicium.

Item, quod incolæ Patriæ, in quibus potestas Provisoris & Decani se extendit, non citentur Trajecti ad instantiam aliorum incolarum ejusdem Patriæ, dummodo citandi realiter in effectu juri parere voluerint coram Provisor & Decano, & Provisor & Decanus amore quolibet impedimento libere valeant judicare.

Item de bonis Clericorum ad refectionem aggerum, & aquæductuum, ac viarum publicarum, quod de consuetudine Patriæ est observatum, de prædiis laicalibus erit observandum.

Statuta hæc a Joanne Syrichio usque ad J. Verneburgum, ex veteri libello, Goudæ Anno D. 1484. impresso, qualicunque pro ævo isto latinitate, hic dedimus.

Heusden Batavia sacra pag. 197.

SYNO-

SYNODUS PRAGENSIS PROVINCIALIS

Anno Christi MCCCLV. Innocentii VI. Papæ III.
Caroli IV. Imp. VIII.

AB ERNESTO, PRAGENSI ARCHI-EPISCOPO I.

STATUTA LXVIII.

IN NOMINE SANCTÆ, ET INDIVIDUÆ TRINITATIS, PATRIS,
ET FILII, ET SPIRITUS SANCTI. AMEN.

ARNESTUS, DEI, ET APOSTOLICÆ SEDIS GRATIA, SANCTÆ
PRAGENSIS ECCLESIAE ARCHI-EPISCOPUS; UNIVERSIS PRÆLATIS, CAP-
ITULIS, CONVENTIBUS, PLEBANIS, ECCLESiarUM RECTORIBUS, CLERO,
ET CLERICIS, AC CÆTERIS CHRISTI FIDELIBUS TAM RELIGIOSIS, QUAM
ETIAM SÆCULARIBUS, PRAGENSEM PER CIVITATESM, DIOECESIM, ET
PROVINCIAM, CONSTITUTIS, IN (a) OMNI SALVATIONE SALUTEM,
ET PRÆSENTIUM OBSERVANTIAM, EX (b) FREQUENTI
LECTIONIS STUDIO, SALUTAREM.

REX magnificus, qui facit (c) *mirabilia magna solus*, suum (d) mag-
nificentia sinum aperiens, nuper (e) no-
stram Pragensem Ecclesiam per Sanctis-
simum in Christo Patrem, & Dominum,
Dominum CLEMENTEM Papam VI.
ad preces & solertem instantiam Sere-
nissimi Principis & Domini nostri, Do-
mini KAROLI, tunc (f) Marchionis
Moraviae, nunc vero Romanorum & Bo-
hemorum Regis, in Metropolitanam
erexit, & Archi-Episcopalis dignitatis
titulo insignivit, Nos quoque super so-
limum Pastoralis praeminentiae ipsius Pra-
gensis Ecclesiae licet immeritos, sua ta-
men, ac ipsius Sedis Apostolicae digna-
tione locavit. Idcirco ex injuncti Nobis
officii debito, in hujus novitatis pri-
mordio, subditorum utilitati providere
volentes *Summam aliquorum Canonum, &*
Constitutionum Provincialium Ecclesiae Mo-

guntinae, quae olim in nostra Provincia
tenebantur, ac etiam *Statutorum Synoda-*
lium per Nos, & nostros Praedecessores
editorum, quae pro morum correctione
& decisione causarum & casuum fre-
quentius occurrentium magis utiles, &
transgressoribus periculosiores judica-
mus, de unanimi consilio, & assensu Suf-
fraganeorum, Capitulorum, & Con-
ventuum, omnium quoque Praelatorum,
Personatus, Dignitates, Officia Ecclesia-
stica regentium, plano & brevi stylo,
ut facilius possint memoriae commendari,
in unum libellum duximus redigendum,
quem, & nullum alium, pro Constitu-
tionibus Provincialibus reputari volu-
mus & haberi; omnes alias Constitutio-
nes Provinciales Ecclesiae Moguntinae,
& omnia Statuta Synodalia a Praedeces-
soribus nostris, *vel a* (g) *Nobis*, usque
ad praesens edita, quo ad nostram Dice-
cesim

B b b 3

(a) in omnium Salvatore Salutem, *Archivium Pragens.*

(c) Psalmo LXXI, 18.

(d) munificentiae

(b) ex, *omissum.*

(e) Anno 1344. 8. Kal. Maji, anno III. Pontificatus a Clemente VI. Pragensis Ecclesia fuit
erecta in Metropolitam, & subtracta Moguntinae Provinciae, cum jam ante A. 1343.
pridie Kalendas Maji anno II. Clementis VI. Avenione Pallium eidem missum fuisset,
& duas Suffraganeas Olomucensem & Litomislensem Ecclesias ac civitates obtinuisset.
Balbinus in vita Ernesti Archi-Episcopi I. Pragensis L. II. C. III. pag. 97. & sequentibus.

(f) Post mortem Ludovici Bavari Imp. Augusti A. 1347. succedit Carolus IV. Joannis
Bohemiae Regis Filius.

(g) Anno 1342. vel prius, ante Archi-Episcopalem Dignitatem Statuta Dicecesana ab Er-
nesto edita suspicatur *Balbinus in vita Ernesti Lib. II. C. XV*: sed ea nunquam a se
visa idem affirmat. *Loc. cit.*

cesim præsentibus non inſitas, & inſita irritantes; imo irritas, & irrita nuntiantes; & omni carere decrevimus roboris firmitate; Ut autem Constitutiones ipſæ ad ſingulorum perveniant notiā clariorem, Venerabilibus Fratribus & Coepiſcopis noſtris, in virtute ſanctæ obediētiæ diſtricte præcipiendo mandamus: quatenus ipſas mox ſcribi faciant, & ſibi procurent, ac ſingulis annis, cum ſuas Synodos celebrant, Clero ſuo earundem ſtudium & obſervantiā, ſtudioſius recommendent, Cathedralium vero & Collegiatarum Eccleſiarum Capitula habeant earundem Constitutionum duo paria, unum ſub ſigillo noſtro; quod in Sacriſtia ſervetur, aliud, quod in Eccleſia ſua in loco patenti affixum ^(b) kathernula, a die publicationis earundem, infra trium menſium ſpatium reponi faciant: Archi-Diaconi autem, Decani rurales, & Parochialium Eccleſiarum Rectores ſinguli unum libellum ipſarum Constitutionum ſibi comparent, nam lapſis tribus menſibus memoratis, nemo per ignorantiam earundem poterit ſe tueri.

Cap. I. De Summa Trinitate.

Firmiter præcipimus, ut univerſi Prælati, Plebani, & Rectores Eccleſiarum noſtræ Provinciæ de Sancta & Individua Trinitate Patre, & Filio, & Spiritu Sancto, & articulis Fidei maxime Divinitatem & humanitatem Domini noſtri JJeſu Chriſti, concernentibus, nihil aliud tradant, teneant, ac doceant, niſi quod Sancta Romana Eccleſia credit, tenet, & docet. Laici implicate, Clerici vero explicite & diſtincte; & ne quis Clericorum per craſſam ignorantiam articulorum Fidei ſe poſſit aliquoſiter palliare, de ipſis articulis Fidei, & de quibusdam aliis ad ſalutem fidelium ſummè neceſſariis libellum quendam, qui de tribus punctis eſſentialibus Religionis Chriſtianæ incutitur in ſine harum noſtrarum Constitutionum decrevimus anneſtendum, quem libellum cum præſentibus noſtris Constitutionibus mandamus per omnes haberi, & contenta in eo efficaciter obſervari.

^(b) catenula.

^(k) ferro, ſpecies minuta monete.

Cap. II. De Constitutionibus.

Statuimus: quod Constitutiones ſeu Statuta Provincialia, quælibet perſonarum ſuperius expreſſarum ad Provinciale Concilium ſecum afferat, & lectionem eorundem audiat, ac eadem in eodem perlegat, hoc ipſum circa Synodalia Episcoporum Statuta per ſubditos ipſorum in Synodis Episcopalibus obſervari mandamus.

Cap. III. De Reſcriptis.

Fraudibus impetrantium Reſcripta Apoſtolica, in quibus actor rei potentiā ſe perhorreſcere, falſo proponens, tantum, ut Judices extra ipſorum Diceceſim impetret, ut reus fatigatus laboribus & expenſis cum eo pro ſuo libitu concordare cogatur, obviare volentes; Statuimus: quod ipſorum Diceceſanus, vel ejus Officialis, ad inſtantiā Rei, ſi hoc notorium fuerit, quod non eſt tantæ potentiæ, quam actor merito perhorreſcere debeat, teneatur conditionem actoris & rei ſcribere Judici taliter impetrato, & ipſum petere, ut ſuper hoc rei probationes recipiat potius, quam credat actoris ſimplici juramento. Nam licet jus permittat hanc perhorreſcentiam probari poſſe juramento, quæ probatio inter cæteras eſt fragilior, non tamen prohibetur, quin reus volens contrarium probare per teſtes, quæ probatio fortior eſt juramento, ſit merito admittendus. Adjicientes, quod nullus ad requiſitionem cujuſque ignoti Judicis, ſe delegatum vel ſubdelegatum Sedis Apoſtolicæ afferentis, aliquam citationem, ſeu publicationem proceſſuum quorumcumque audeat facere: niſi ſibi prius de interdictione ipſius per offenſionem Bullæ Apoſtolicæ, vel tranſumpti, auctoritate Ordinarii per ⁽ⁱ⁾ Manualem publica facta fuerit plena fides. Ut autem de citationibus factis, & proceſſibus executis conſtare poſſit, injungimus Decanis, & Parochialium Eccleſiarum Plebanis, ut quilibet ipſorum ſigillum proprium infra menſem a præſentium publicatione numerandum, habere teneatur ſub pena unius ^(k) feronis groſſorum Pragenſium, Fabricæ Cathedralis Eccleſiæ perſolvendi.

Cap.

⁽ⁱ⁾ per manum publicam

Cap. IV. De (l) Consuetudine.

Olim ECCLESIA MOGUNTINA, diuturna (m) servata consuetudine, introduxit, ut Archi-Episcopus Mōguntinus, vel ipsius Officialis, causas appellationum, vel alias ad Moguntinam Sedem legitime devolutas, subditis suorum Suffraganeorum in toto vel in parte possit committere, & eos ad suscipiendas huiusmodi causas compellere; Nos, considerantes prædictam consuetudinem & statutum pro subditorum litigantium commodo introductas, & ante erectionem nostræ Pragensis Ecclesiæ in Pragensi, & in Olomucensi Diocesis, observatas, eas in Provincia nostra inviolabiliter servandas, & tenendas de cætero, hoc sacro approbante Concilio, diffinimus.

Cap. V. De Electione.

Cum in Ecclesiis Prælatorum, seu Canonorum Electio, vel Præbendarum, seu Beneficiorum collatio, vel bonorum alienatio, seu obligatio, aut alia ardua negotia Ecclesiæ imminere facienda, ad talia absentes Canonici sunt vocandi; alioquin ipsis instantibus per Superiorem cassabitur, quod in eorum absentia per præsentem fuerit attemptatum; nisi consuetudo habeat eos ad talia non vocari, vel absentes sint extra Provinciam constituti.

Cap. VI. De Excommunicatione.

Excommunicamus (n) omnes sæculares, & Regulares Canonicos, ac Monachos, qui in Electionibus aut aliis suarum Ecclesiarum, seu Monasteriorum negotiis persequendis conspirationes, seu alias quascunque colligationes fecerunt, eis districte injungentes: ut ipsi utilitatem & profectum Ecclesiarum, & Monasteriorum suorum solummodo habentes præ oculis, recta conscientia & mente libera satagant procurare.

Cap. VII. De Renuntiatione.

Sunt tamen nonnulli, qui se ad Beneficia Ecclesiastica minus pinguiora procurant institui, ut ratione tituli recipiantur ad Ordines, & demum facti Presby-

teri, temeritate propria, dimittunt Beneficia, & more conductorum servorum singulis annis pro cottidiano victu de una Ecclesia ad aliam se transferunt, facientes, quæ non licet loqui, in Cleri opprobrium, & scandalum laicorum. Nos attendentes: quod nullus sine Superioris sui licentia Beneficium Ecclesiasticum dimittere, vel recipere potest, temeritatem huiusmodi volentes compescere, statuimus: quod tales per Diocesanos suos suspendantur ab executione Ordinum susceptorum, & nihilominus in exaggerationem facti subdantur pœnæ carcerali; verumtamen Beneficium suum aliquis ad manus sui Superioris si renuntiare voluerit, Superior ipse de renuntiationis causa, an sit rationalis & iusta, & per consequens admittenda, an non simoniaca? vel in fraudem expectantium, aut Ordinum, ut prædicitur, susceptorum, seu per vim & metum extorta, & sic non admittenda; inquisitionem faciat diligenter.

Cap. VIII. De ætate, & qualitate ad sacros Ordines (o) promovendorum.

Cum Clericorum Ordinatio vel Beneficiorum provisio imminerit (p) facienda, Prælati, ex sui officii debito, diligentius inquirent an promovendus ad sacros Ordines, vel ad (q) citatum Beneficium, sit gravis in moribus, ætatis legitimæ, & scientiæ competentis, & utrum sit de thoro legitimo generatus? (nam cum illegitime nato, si in sæculo remanet, quo ad sacros Ordines, vel Curatum Beneficium obtinendum solus Papa poterit dispensare) & an promovendus, vel aliquis suorum progenitorum usque ad quartum gradum per paternam lineam ascendendo, occiderit vel mutilaverit aliquem Clericum in sacris Ordinibus constitutum, & pro Clerico se gerentem? & utrum habeat perpetuum Beneficium Ecclesiasticum, vel sufficiens Patrimonium volens ad sacros Ordines promoveri: & si est de alia Diocesi, utrum habeat commendatitias seu dimissorias Superioris sui litteras; quem autem criminofum, vel defectuosum

(l) De diutina consuetudine.

(m) diuturne servatam consuetudinem,

(n) In Pragensi Archivio hoc Caput priori junctum unum facit.

(o) & curata beneficia

(p) imminuerit

(q) ad curatum

sum invenerint in præmissis, aut aliquo præmissorum, hunc omnino repellant. Præcipimus insuper: quod Episcopi excommunicationis sententiam proferant in illos, qui furtive ad receptionem Ordinum acceperint, priusquam ordinationem inchoent Clericorum.

Cap. IX. *De Clericis peregrinis.*

Nullus in Ecclesia sua ignotum seu peregrinum Clericum de alia Dicecesi venientem ad celebrationem Divinorum in publico præsumat admittere, licet *formatas*, seu litteras suæ ordinationis exhibeat, nisi etiam ostendat litteras Dicecesani Episcopi, vel ejus Vicarii, in cujus Dicecesi se petit admitti, in quibus contineatur expresse, quod in ejus Dicecesi habeat licentiam celebrandi; contrarium faciens, in uno *sertone* grossorum Pragensium pro admissione qualibet per loci Archidiaconum puniatur, pro utilitate fabricæ Cathedralis Ecclesiæ convertendum.

Cap. X. *De Officio Archidiaconi.*

Permittimus, ut Archidiaconi, juxta antiqua statuta Ecclesiæ Moguntinæ, per consuetudinem approbata, personarum in suis sedibus residentes, si juris habent peritiam, seu Assessores peritos, causas matrimoniales, & usurarum, audire & diffinire valeant, causis aliis Dicecesanis Episcopis, & Officialium examini reservatis; judicata per eos, præterquam in casibus supradictis, sint irrita ipso jure, & nihilominus per loci Ordinarium a suis officiis suspendantur, nec absque suorum Episcoporum speciali licentia ex causa quacumque a Clero suorum Archidiaconatum possint petere subsidium. (d)

Cap. XI. *De Vicariis.*

Multorum querelis, & propria experientia Nos docente, didicimus: quod nonnulli Prælati, seu Canonici, Cathedralium & Collegiatarum Ecclesiarum secularium, & Regularium, quorum Dignitatibus, Præbendis, seu Monasteriis Parochiales Ecclesiæ incorporatæ sunt, vel annexæ, perpetuis Vicariis

earundem assignant sic tenuem portionem, quod de ea Vicarii nequeant sustentari; Nos in his dispositionem *Juris communis* observari volentes, omnibus, ad quos talium Vicariorum institutio, seu investitura pertinet, præsentis statuti serie districte præcipimus: quod de cætero nullatenus ad Vicarias ipsas præsentatos admittant, nisi ipsis præsentatis pro sustentatione sua, & hospitalitate servanda, ac pro aliis oneribus incumbentibus sufferendis congrua portio deputetur; insuper Rectoribus Parochialium Ecclesiarum, simili discretionem (e) mandamus: ut quoniam (f) ipsis studiorum, vel alia justa causa, per Episcopum datur licentia se ad tempus a suis Ecclesiis absentandi, non quærant Vicarios, qui eis solvant magnam pensionem, quam verifimiliter de fructibus Beneficii ultra sustentationem comportare non possunt; sed potius illos, quos plebibus suis prodesse crediderint verbo pariter, & exemplo; hujusmodi autem Vicarios, Rectores Ecclesiarum Episcopo loci præsentare teneantur, ut ab eo, præmisso examine, pro illo tempore curam animarum recipiant, quam Rectores ipsi auctoritate propria eis nequeunt delegare.

Cap. XII. *De Officio Legati. (g)*

Quorundam delegatorum, five subdelegatorum, mentem (b) progreditur periculosa temeritas; quod licet à Sede Apostolica simplices in forma commissiones recipiant, nihilominus in earundem auctoritate (i) civitates, oppida, villas, loca, territoria, vel districtus Ecclesiastico subdunt interdicto, & ut malefactum deterius valeant effectui mancipare, in suum subsidium potentiam invocant Brachii secularis; cum auctoritas (k) talium Judicum, ipso jure, sit (l) nulla, omnibus Metropolitico jure Nobis subiectis, ne antedicta hujusmodi teneant, districtius inhibemus, nec seculare Brachium, quo ad hoc, ipsis præstet aliquod subsidium, vel juvamen.

Cap.

(d) moderatum (e) districte (f) quando (g) Delegatorum.
(b) in tantum pro mentem (i) nonnunquam etiam pro pecuniario debito
(k) auctoritate talium judicum, vel pro tali causa interdicta posita (l) sint

Cap. XIII. *De Officio Ordinarii.*

Ne inferiores Prælati suorum Superiorum jurisdictionem eludant, Episcopis, Archidiaconis, Decanis, & aliis Prælati, seu eorum Officialibus, in virtute sanctæ obedientiæ, & sub interminatione maledictionis æternæ, districtius inhibemus: ne subditis suis, seu eis, qui litigant, aut litigaverint, coram eis inhibitionem faciant, aut aliquod impedimentum præstent directe vel indirecte, quominus appellationem, (m) vel alias suas causas ad superiorem deducere valeant, seu perferre examen.

Cap. XIV. *De (n) Vicariis, & Prædictoribus Episcoporum.*

Cum propter occupationes multiplices, aut invaliditutes, seu occasiones alias, Episcopi, per se ipsos, non sufficiant ministrare populo Verbum Dei, ac ipsius confessiones audire, maxime propter amplas Dioceses, & diffusas, assumant sibi viros idoneos, ac Sanctum prædicationis officium salubriter exequi potentes, (o) qui plebes sibi commissas vice ipsorum, cum per se nequiverint, solcite visitantes eos verbo reficiant pariter & exemplo, ac cæteris, quæ ad salutem pertinent animarum. Habeant, & saltem tres privatos (p) sæculares, vel Religiosos industres (q) & peritos, quorum duo apud Ecclesiam Cathedrali sint assidui; tertius Episcopalem Curiam sequatur continuo, quibus plenam suam auctoritatem tribuant in audiendis confessionibus, & absolutionibus impendendis, & eis, cum indiguerint, necessaria subministrent, ne per necessarium defectum cogantur desistere ab incepto. Celebrant autem Episcopi Missarum solemniam in suis Ecclesiis Cathedralibus, præsertim in Festivitatibus Domini, & Virginis gloriosæ, Clero & populo indulgentias solitas concedentes, & quia plures non re, sed solo nomine, tam Clerici, quam Monachi magis metu pœnæ, quam verbo vitæ a suis cohibentur excessibus, statuimus; quod Episcopi singuli suos habeant carceres du-

plicatos, minores scilicet, & magis rigidos, in quibus secundum exigentiam criminum, tales delinquentes ad tempus vel in perpetuum ad agendam poenitentiam recludantur.

Cap. XV. (r) *Ne Beneficia spoliarentur.*

Præsentem prohibemus Edicto, ne Episcopi, aut Abbates, seu quivis alii Regulares, vel sæculares Prælati, aut Ecclesiasticæ, vel laicæ quæcumque personæ, vacantibus Dignitatibus, Personatibus, Prioratibus, vel Ecclesiis quibuscumque sibi subiectis, seu ad Collationem, Præsentationem, Ordinationem, institutionem, vel custodiam pertinentibus, eorumdem bona, morientibus eorum Rectoribus vel Ministris, in ipsis inventa, sive vacationis ipsorum tempore obvenientia, quæ in utilitatem eorumdem expendi, vel futuris debent Successoribus fideliter reservari, occupare, aut in usus suos convertere, quoquo modo præsumant; alioquin Episcopi ab ingressu Ecclesiæ, cæteri vero Clerici ab Officio & Beneficio tamdiu eo ipso noverint se suspensos, quousque restitutionem fecerint de prædictis; laici vero Patroni, pro illa vacatione præsentandi potestate, & nisi (s) occupata plene restituant infra mensem, jure Patronatus ipsius Ecclesiæ perpetuo sint privati.

Cap. XVI. *De (t) Reverentia, & Obedientia.*

Cum inferior suo Superiori regulariter ad exhibendam reverentiam & obedientiam teneatur, quarum exhibitio nonnisi per obsequium humilitatis extrinsecus præstitum, aliorum notitiæ innotescit; Quapropter Canonici Cathedralium & Collegiatarum Ecclesiarum Prælatis, & inferiores Prælati Superioribus, ac universaliter omnes Clerici Majoribus suis in assurgendo, inclinando, & aliis prærogativis, quibus consueverunt honoratioribus revereri, honorem debitum deferant reverenter: ut etiam laici a Clerico sumentes humilitatis exemplum, eis-

(m) appellatione

(n) omisso titulo connectuntur sequentia integre.

(o) in opere & sermone

(p) Primarios

(r) Sine medio titulo sequentia antecedentibus jungit codex Pragensis MS.

(q) industrios

(s) moniti

(t) De majoritate & obedientia. Cod. Pragensis.

cisdem exhibeant reverentiam amplior.

Cap. XVII. De (u) *Obedientia manuali.*

Quia frequenter Rectores Parochiarum non audent contra Nobiles & Potentes mandata Superiorum exequi propter eorundem tyrannidem belluinam, statuimus: quod nullus Presbyter assumat Capellaniam cujuscumque Nobilis vel Potentis, seu ipsorum Capellas tanquam Capellanus administret; nisi prius ipso Diecefano super eo, quod ad ipsius Synodos veniat, & mandata Superiorum sibi injuncta ad sui domum (x), & ipsius castri familiarum noticiam perferat, obedientiam faciat manualement. Item, cum aliquis nobilis Justiciarius, seu laicus quicumque captivaverit aliquem Clericum, seu pro Clerico se gerentem, seu deprædatus fuerit alicujus Ecclesiæ bona, Capellani castrorum hujusmodi, & Plebani locorum, in quibus Clericus detinetur captivus, aut præda servatur, non expectato super hoc alio Superiorum mandato, a celebratione abstineant Divinorum, sub pœna excommunicationis, quam facientes contrarium incidere volumus eo ipso facto.

Cap. XVIII. De (y) *Rege.*

Omnes Clerici sæculares, & religiosi, Metropolitico nostro & Diecefano Nobis jure subiecti, pro Serenissimo Domino nostro KAROLO, Rom. & Boemiarum Rege, & Gloriosa Conthorali sua Domina Regina, ac eis, qui pro tempore fuerint Boemiarum Reges & Reginae, in Missis & cottidianis orationibus suis, fundant devotas preces ad Dominum, ut in præfenti vias ipsorum dirigat per suorum semitas mandatorum pro statu pacifico subditorum, & in futuro eis præmium tribuat Beatorum.

Cap. XIX. De (z) *Postulationibus.*

Repellantur ab Advocatorum, seu Postulationis officio, qui in Presbyteratus ordine, vel in dignitate Prælationis Ecclesiasticæ constituti, nisi proprias, &

Ecclesiæ suæ; aut, cum necessitas imminet, convictarum vel miserabilium personarum causas, non temporalis lucris causa, sed Divinæ retributionis intuitu prosequantur; Religiosi vero; solum in causis suorum Monasteriorum, & tunc, cum super hoc a suis Superioribus mandatum ostendunt, ad hujusmodi Postulationis, vel Procuratoris officium admittantur.

Cap. XX. De bis, (a) *quæ metu sine causa fiunt.*

De multorum inobedientia tam Sæcularium, quam Religiosorum, crudelibus hominibus displicere nolentium, contempnitur nimis [b] Ecclesiastica disciplina: quibus cum a suis Superioribus injungitur, ut contra rebelles processus publicent, vanum metum talium prætexentes, eosdem processus publicare recusant; & ex hoc illi, pro quibus hujusmodi latæ sunt sententiæ, beneficio (c) earundem indebitè defraudantur. Ut igitur huic pesti salubris obviet medicina, sacrorum Canonum sequentes vestigia, diffinimus: quod metus amissionis rerum temporalium omnium, aut saltem majoris partis, aut invasionis personæ, propter publicationem hujusmodi processuum imminens, qui, si requiratur Superior, probari possit per testes idoneos, subditum ab executione mandati sui excuset; si quis vero ad communicandum excommunicatis, vel celebrandum coram eis, seu in loco supposito Ecclesiastico interdicto, sive ad quodcumque simile faciendum se coactum asserat, quod a jure, vel mandato Superiorum fieri prohibetur, qualiscumque sit metus, quem præterdit, etiam si poterit cadere in constantem virum, eum a transgressionis pœna non valeat (d) excusare; qui autem absolutionem a sententiis excommunicationis vel suspensionis, aut relaxationem interdicti per vim seu metum extorquent, ipso facto sunt excommunicationis vinculo innodati.

Cap. XXI. De (e) *Cessionibus.*

Cum cessiones actionum multis intervenien-

(u) Omisso titulo sequentia connectuntur priori.

(y) Hic titulus omittitur in cod. Prag.

(a) De bis, quæ vi, metusve causa fiunt.

(c) executionis

(d) quomodolibet

(e) De alienatione mutandi judicii causa facta. Cod. Prag.

(x) Domini

(z) De Postulando.

(b) nervus Ecclesiasticæ

venientibus causis invalidæ reputentur; ad tollendam super hoc omnem materiam dubitandi, hoc sacro approbante Concilio, illam tantum cessionem, quæ sit in præsentia, & de autoritate proprii Episcopi, vel ejus Officialis, vel alterius ordinarii Judicis, præmissa summaria cognitione, an fiat ex causa legitima, validam reputamus.

Cap. XXII. De Judiciis.

Hoc sacro approbante Concilio statuimus: quod hi, qui propter pericula verisimiliter imminencia per nuntios personaliter adiri non possunt, ut citentur; in ipsorum Parochiali Ecclesia citentur (f) in publico; & si ibidem etiam citator de periculo dubitat, tunc in ambone Cathedralis Ecclesiæ, continuis tribus diebus Dominicis, citatio talium publice proponatur: contra quos taliter evocatos procedi poterit, si fuerint contumaces, ac si eos apprehendisset citatio personalis. Reus autem, qui per se, vel per alium, seu alios, Judicis nuncios (g) verberat vel captivat, excommunicationis sententiam ipso facto incidit.

Cap. XXIII. De foro competenti.

Quia tam Ecclesiasticus, quam sæcularis Ordo confunditur, cum unicuique sua jurisdictio non servatur; hinc est, quod spiritualia & sæcularia judicia convenit esse inpermixta. Quare omnibus Ecclesiasticis Judicibus districtius inhibemus, ne laicos ad instantiam quorumcumque Clericorum, vel Laicorum pro causis sæcularibus, seu mere civilibus ad suum Consistorium citari faciant, aut de cognitione causarum hujusmodi se aliquatenus intrinquant; nisi forte miserabilium personarum, vel in defectum Judicis sæcularis. Nec e contra, Judices sæculares; Clericos pro quibuscumque causis criminalibus vel civilibus, nec etiam laicos super rebus vel possessionibus Ecclesiarum, quocumque titulo eas possideant, ad suum judicium faciant evocari, vel eas audeant judicare; alioquin tam Ecclesiasticus, quam sæcularis Judex, metas suæ potestatis exce-

dens, excommunicationis sententia innodetur, & actor Clericus, qui reum indebite coram non suo Judice fatigaverit, in expensas condempnetur, & super eadem causa de cætero nullatenus audiat.

Cap. XXIV. De fide Instrumentorum.

Cum ex eo, quod plerique rudes & ignari, per se protocollo facere nescientes, & alii Notarios publicos se mentientes, conficere instrumenta præsumunt, plurima incommoda & pericula oriuntur; quibus Nos obviare volentes, prohibemus: ne pro Notario publico quisquam se gerat, vel quævis Instrumenta conficiat, antequam de sua creatione loci Dicecesano, vel ejus Officiali fecerit plenam fidem; contrarium faciens, excommunicationis sententiam incidat, & Instrumenta per eum confecta, sint irrita ipso facto.

Cap. XXV. De Appellationibus.

Juris beneficio abutitur appellans, qui (h) sententia obtenta contentus, de justitia forsitan principalis causæ dubitans, appellationem suam (i) consequi prætermittit. Ut igitur parti appellatæ, (k) & honori Judicis, a quo appellavit, provideatur de remedio oportuno, præsentī Constitutione statuimus: quod si appellans ipse, justo impedimento cessante, suam appellationem non prosequatur, ex tunc Judex ipse, a quo appellavit, eum in pristinas reducat sententias, quousque judicatis pareat, vel appellationem suam debite prosequatur.

Cap. XXVI. De vita, & honestate Clericorum.

Dolenter referimus, quod multorum Clericorum adeo reprehensibilis sit vita, ut ipsi per exemplum mores non instruant, sed potius destruant laicorum; Quapropter universi Clerici, mores & vitam refovent, (l) & ea, quæ ad ipsorum statum & honestatem pertinent, cum magna cautela custodiant; nec solum a malo, sed etiam ab omni specie mali se (m) studeant cohibere; caste vivant, a crapula & ebrietate abstineant, quæ

(f) per edictum

(g) spoliatur, verberatur,

(h) revocatione per appellationis judicem attenuatorum post sententiam obtenta contentus,

(i) prosequi

(k) appellanti

(l) in melius

(m) prudenter

quæ sunt libidinis incentiva; (n) arma non possunt nisi per necessitatem, & viarum pericula in itinere constituti, (o) commercia sæcularia, & præsertim carnicum seu macellanorum, prorsus evitent; nam Clerici, si huiusmodi carnicum, aut etiam tabernariorum officium publice & personaliter exercent, & cum hoc habitum deferant Clericalem, & per Dioecesanum tertio moniti non destiterint ab huiusmodi officiis, vel postea reassumant, Clericorum immunitate non gaudeant; si vero cum hoc abjiciunt habitum Clericalem, etiam quoad personas perdunt privilegium Clericale. Decet etiam, ut Clerici coronam, seu Clericalem tonsuram patentibus auribus (p) deferant: & quicumque Clericus publica virgata veste utitur, nisi rationabilis causa subesset, si Beneficiatus existat, per VI. menses a perceptione fructuum suorum beneficiorum (q) sit suspensus; si vero Beneficiatus non fuerit, in sacris tantum Ordinibus infra Sacerdotium constitutus, per idem tempus redditur eo ipso inhabilis ad Beneficium Ecclesiasticum (r) possidendum. (s) Clerici insuper, maxime Beneficiati, (t) tabardis rubeis aut viridibus uti non debent, nec joculariter se faciant, & si (u) post unam aut trinam ammonitionem artem illam ignominiosam exercent, eo ipso privati sint omni (x) beneficio Clericali: alearum & taxillorum ludos fugiant; corearum, torneamentorum, & hastiludiorum, & aliis publicis spectaculis, non intersint; Clausuras Monasteriorum Monialium absque causa rationabili & manifesta, & sine Superiorum licentia, ingredi non præsumant;

Clericos, qui *vagi* communiter nuncupantur, in domibus suis non recolligant, nec eis aliquod munus nec parvum nec magnum tribuant: Ecclesiam Cathedralē, vel Collegiatam, in qua quis Beneficiatus existit, infra Divinum Officium sine religione non intrent. Presbyteri Parochialium Ecclesiarum, campanatores literatos seu Clericos, non laicos uxoratos, habeant, qui cum eis legere & cantare non ignorent, & cum Divinum Officium celebratur, (y) uterque Presbyter & Campanarius, superpellicis desuper sint induci, insuper nullus Presbyterorum sine Ministro Missam audeat celebrare.

Cap. XXVII. *De cohabitatione* (z)
Clericorum.

Quamvis fornicationis crimen inter cætera crimina sit detestabilius Clericis, utpote, qui inter cæteras virtutes principaliter carnis continentiam profitentur; multi tamen Clerici, suæ salutis immemores, & professionis, non solum temptationibus victi desideria carnis perficiunt, sed etiam temptationem præveniunt, dum, ne frustra temptentur, in domibus propriis vel vicinis, paratas ad malum fornicationis inter tenent (a) mulieres. Ne igitur crimen ipsum videamur per tolerantiam approbare; omnes Clericos, qui de cætero in domibus suis suspectas mulieres, vel etiam extra domum in sua procuracione publice detinent concubinas, si sunt Beneficiati, Beneficiis suis privandos; si vero non habeant Beneficia, ab executione Ordinum per suos Superiores fore decernimus suspendendos perpetuo, quos demum, eorum malitia

(n) & etiam quando convivia præparant, quæ rara sint, Clericis, sex cibariorum seu ferulorum numerum non excedant: Tabernas non visitent,

(o) officia vel commercia

(p) cum habitu Clericali

(q) quæ obtinet ipso facto

(r) obtinendum

(s) & idem est de aliis Clericis, qui nec Beneficiati sunt, nec sacram vestem talem simul & tonsuram publice deferunt Clericalem. Dignitatem vero, vel Personatum, seu Beneficium aliud obtinens, cui cura imminet animarum, nec non cæteri in Sacerdotio constituti, ac Religiosi quilibet, quos oportet per decentiam habitus extrinseci morum intrinsecam honestatem ostendere, si præterquam ex causa rationabili publice vestem ferant huiusmodi, sunt eo ipso Beneficiati a perceptione Beneficiorum, quæ obtinent, suspensi per annum. Cæteri vero Sacerdotes & Religiosi quilibet per idem tempus annuale redduntur inhabiles ad quæcunque Beneficia Ecclesiastica obtinenda.

(t) caligis, ac scaccatis rubeis, ac viridibus

(u) per annum aut post trinam

(x) privilegio Clericali

(y) vel fidelibus Ecclesiastica Sacramenta ministrant

(z) & mulierum

(a) nutriunt

(1) *De concessione Præbendæ non vacantis.*

cujus præbenda se credit successurum, districtius inhibemus: ne Capitulum Cathedralis, vel Collegiatae Ecclesiæ, aliquem, non vacante Præbenda, in Canonicum recipiat, (m) nisi evidens Ecclesiæ utilitas id exposcat, quam suo Episcopo exponere tenebitur, & tunc unam personam tantum recipiendi habeant facultatem: quibus obmissis, receptio unius, vel plurium, eo ipso sit nulla; & in penam Capituli, Episcopus totidem in eadem Ecclesia Canonicatus & Præbendas conferat, dum vacabunt.

Cap. XXXI. De (n) indemnitatibus Ecclesiarum.

Indemnitatibus Ecclesiarum providere volentes, statuimus, ut in Cathedralibus, & Collegiatis Ecclesiis, Prælaturarum, Præbendarum, & cæterorum Officiorum, ac bonorum Ecclesiæ, nec non omnium reddituum & proventuum, & quid ad cujuslibet Dignitatem, Officium, Præbendam seu dispensationem pertineat, sub sigillo majoris Prælati, & ipsius Capituli, habeatur in Sacristia Ecclesiæ clara & fidelis conscriptio, ut saltem novus Prælatus, Canonicus, vel Minister, per hujusmodi scripturam de suis juribus & proventibus informatus, recuperare valeat per suum Prædecessorem deperdita, vel neglecta; similiter Libri, & Ornatus, Calices & cætera clenodia (o) Ecclesiæ registrantur, & saltem de anno in annum videantur per Seniores de Capitulo, ut appareat, si qua (p) fuerint distracta, aut (q) a novo acquisita.

Cap. XXXII. De (r) Rebus Ecclesiæ alienandis, vel non.

Administratores bonorum Ecclesiæ, (s) si (t) quam rem mobilem aut pretiosam, sine consensu majoris sive senioris partis Capituli, donationis, vel venditionis, vel permutationis titulo alienent aut obligent, invalidus sit contractus; quod si Abbates, Præpositi, Priores, seu alii quivis Monasteriorum, seu Religiosorum locorum Rectores, aliquid de rebus suorum

Monasteriorum, citra formam Canonum, ut prædicitur, alienare præsumpserint, contractus est nullus, & alienantes, per suos Superiores administratione officii perpetuo spolientur, nec aliquis creditorum audeat repetere à Successore mutuum, quod fecit Ecclesia per litteras, vel pignorum cautione, (u) nisi prius probet, quod in evidentem utilitatem Ecclesiarum, seu Monasteriorum hujusmodi sit commissum.

Cap. (x) XXXIII. De Emptione & Venditione.

Si quis emerit Animalia, vel alias res prædatas, cum in prædonis jus succedat, ad restitutionem eorundem per Censuram Ecclesiasticam compellatur. Emptor vero vel venditor, qui alterum decipit in legitimo pondere, vel mensura, aut qui scienter ignoranti rem vendiderit vitiosam, pœnitere non potest, donec satisfaciatur taliter damnum passio.

Cap. XXXIV. De Pignoribus.

Sacrorum Canonum vestigiis inhærentes declaramus, quod si quis alteri castrum, villam, seu possessionem quamlibet, titulo pignoris obligat, ratione cuius ad eundem Ecclesiæ inibi situatæ jus pertinet Patronatus, etsi hoc non exprimat, nihilominus apud obligantem jus remanet præsentandi, ex eo, quia fructus rei pignoratæ minuunt debitum principale, fructus vero juris Patronatus, cum sit spiritualis, nequit cum rebus temporalibus compensari.

Cap. XXXV. De Testamentis & ultimis voluntatibus.

Cum in officiis charitatis primo loco illis naturaliter obligemur, a quibus Beneficium Nos cognoscimus recepisse, proinde statuerunt, & definierunt Sancti Patres, quod Clericus de bonis per Ecclesiam & intuitu Ecclesiæ acquisitis, non potest condere testamentum, sed bona hujusmodi, sive Clericus ipse testatus, sive intestatus decedat, per eum reli-

(m) & in fratrem, nisi

(o) & ornamenta

(q) eorum diligentia

priori titulo conjunguntur.

(s) vacantis, vel alia ex causa legitima Superioris officio deputati,

(t) quam possessionem

(n) De rebus Ecclesiæ alienandis, vel non.

(p) per imprudentiam Ministrorum

(r) Hic titulus omissus in Cod. Pragensi, & sequentia

(u) super cautione

[x] Cap. 33. & 34. omissa erant in codice MS. Ecclesiæ Moguntinae.

relictæ Ecclesiæ, a qua percepit Beneficium, vel Successoris usibus applicentur : salvo quod Pauperibus, & Religiosis locis, & illis, qui sibi viventi servierunt, sive consanguinei sint, sive alii, juxta servitiorum merita, potest donationem facere moderatam. De his vero, quæ personæ suæ industria, vel intuitu, aut ex successione parentum acquisivit, disponere poterit in vita pariter, & in morte. Præterea Statuta locorum, quæ habent, quod nullus ultra certam summam Ecclesiis, vel Clericis donare, seu legare audeat in ultima voluntate, irrita judicamus, cum iniquitatem contineant, & testandi perimant libertatem. Conditores vero hujusmodi Statutorum, ac eisdem utentes, coerceantur Canonica disciplina. Invigilent insuper Ordinarii circa executores testamentorum, & ultimarum voluntatum, & contra illos, qui eas impediunt quovis modo, ut ipsæ voluntates extremæ infra tempus testatoris arbitrio limitatum effectui mancipientur. Vel si testator exequutionis terminum non præfixit, ut ipsa executio ultra unius anni spatium, nullatenus prorogetur. Executores etiam ultimarum voluntatum, de bonis defuncti se nullatenus intromittant, donec de eisdem inventarium fecerint sub fide dignarum testimonio personarum.

Cap. XXXVI. *De Sepulturis.*

Illi, qui propriæ temeritatis audacia defunctorum corpora in cæmeteriis, interdicti tempore, in casibus non concessis a jure, vel excommunicatos publice, aut nominatim interdictos, vel usurarios manifestos, scienter sepelire præsumunt, excommunicationis sententiæ subjaceant ipso facto, a qua nullatenus absolvi poterunt, nisi prius ad arbitrium Diocæsani Episcopi eis, quibus per præmissa fuerit injuria irrogata, satisfactionem exhibuerint competentem. Quicumque Religiosi, & sæculares Clerici aliquem ad vendendum, jurandum, vel fide interposita, seu alias promittendum inducunt, ut sepulturam apud eorum Ecclesias eligant, vel jam electam ulterius non immutent, excommunicationis sententiam incidunt ipso facto, a qua ab alio, quam a Sede Apostolica præterquam in mortis articulo nullatenus absolvuntur.

(y) *Hoc Caput omissum in cod. Moguntino.*

Nec valet talis electio. Et is, qui sic elegerit, nec apud sic electam Ecclesiam sepeliri, nec alibi poterit eligere sepulturam, ne contra votum, juramentum, vel promissum hujusmodi a se factum, materiam habeat veniendi; sed contradictione quacunque cessante, sepeliatur omnino apud illam Ecclesiam, apud quam sepeliendus de jure fuisset, si alias sepultura non electa forsitan decessisset. Si vero iidem Religiosi, vel Clerici prædictum in sua Ecclesia, vel Cæmeterio præsumpserint sepelire, ad restitutionem tam sepulti corporis, si petatur, quam etiam omnium, quæ occasione sepulture illius provenerint quomodolibet ad eosdem, infra decendium integraliter faciendam obligantur: quæ nisi fecerint, Ecclesia ipsa, apud quam sepultus fuerit, nec non ipsius cæmeterium, ex tunc eo ipso sunt, & tam diu manebunt Ecclesiastico supposita interdicto, donec ab eis facta fuerit restitutio plenaria omnium prædictorum. Plebanus Ecclesiæ, vel ipsius vices gerens, si præter licentiam sui Episcopi, vel ipsius in Spiritualibus Vicarii, defunctum intra Parochialem Ecclesiam præsumpserit sepelire, in poenam unius sexagenæ grossorum Pragensium ad fabricam Cathedralis Ecclesiæ applicandorum incidat ipso facto. Et nihilominus per Episcopum subjiatur poenitentia graviore; nisi is, qui est sepultus, fuisset Presbyter, vel Patronus Ecclesiæ, aut alius ipsius Ecclesiæ notabilis Benefactor.

Cap. XXXVII. (y) *De Parochiis.*

Dominicis, & aliis festivis diebus, Presbyteri Parochiarum, antequam Missam celebrent, plebem interrogeant, si alterius Parochianus sit in Ecclesia, qui proprio contempto Plebano ibi Missam velit audire: quem, si invenerint, de Ecclesia ejiciant sine mora. Nullus Presbyter Parochianum alterius, sine proprii Sacerdotis licentia, nisi in mortis periculo constitutum, ad Confessionem recipiat, cum eum absolvere nequeat, vel ligare, neque ei ministret quodcunque aliud Ecclesiasticum Sacramentum.

Cap. XXXVIII. *De Statu Monachorum.*

Præcipimus, ut Abbates, Præpositi, Priores Monachorum, & Canonicorum Regu-

Regularium, nec non Abbatissæ, Magistræ, & Priorissæ Monialium tam in se ipsis, quam in subditis, prout ad cuiuscunque spectat officium, vitam, & conversationem exhibeant, ac habitum deferant regularem, se ipsos, ac suos subditos ab his præcipue, quæ ipsorum professioni obviant, & Ordinis honestati non congruunt, puta circa exquisitum ornatum, vel notabilem excessum in vestibus, cibis, & potibus, equitaturis, & lectisterniis, ac similibus superfluitatibus, seu taxillis, alearum, & scachorum ludis, ac chorearum lasciviis, totaliter cohibentes, juxta dispositionem suæ regulæ, & Sacrorum Canonum instituta, sollicite providentes, quod nullus Monachus, vel Canonicus regularis, seu Monialis nisi ratione administrationis, seu officii, possessiones, redditus, vel aliud quidpiam proprii habeat, quin imo illud, quod cuilibet singulari personæ, ex suo labore, vel artificio, aut parentum, seu amicorum largitione obvenit, Superiorum manibus offeratur, ut per ipsorum providentiam circumspectam, emolumentis hujusmodi, communitatis, vel singularium personarum necessitas sublevetur, apostatasque suos inquirant, & repetant, ac ipsos carcerum pœnis afficiant, & voluntarie revertentes, paterne suscipiant, salva semper pœnitentia regulari.

Cap. XXXIX. (z) *De Capellis Monachorum.*

Religiosi in Ecclesiis, ad ipsos etiam pleno jure spectantibus, Rectores sui Ordinis locare non audeant, quæ alias sunt solitæ per sæculares Clericos gubernari. Nec Episcopus potest Ecclesias Parochiales, vel certos redditus earundem sine consensu sui Capituli, Religiosorum usibus applicare.

Cap. XL. *De Jure Patronatus.*

Volentes viam præcludere, ne quis per subreptionis astutiam præficiatur Ecclesiis, & ne ex institutionibus repentinis inter Patronos, si qui sunt, lites oriuntur ex litibus fortiores, præsentī decreto statuimus: Quod, cum aliquis ad Curatum Beneficium, per quempiam Clericum, vel laicum fuerit præsentatus, Ordinarius loci, seu is, ad quem institu-

tio spectat, per Decanum loci, vel viciniorem Plebanum in Ecclesia, ad quam fit præsentatio, præsentē plebe ad hoc specialiter convocata, publice faciat proclamari. Quod si quis est, qui velit docere de jure suo, quod ad ipsum solum, vel cum alio, seu aliis, jus pertineat præsentandi, aut præsentato aliquid objicere, quod eum reddat inhabilem, ne possit ad idem Beneficium promoveri, veniat infra certum, & peremptorium terminum, ad ipsius instituentis præsentiam, hoc facturum; adjiciendo in proclamatione hujusmodi, quod si infra talem terminum nullus compareat, præsentationi, vel præsentato se opponens, ex tunc ad institutionem præsentati procedetur, juxta formam juris. Institutio vero facta, non præmissa proclamatione hujusmodi, sit irrita eo ipso.

Cap. XLI. *De Patronis, & Clericis, qui mediante pacto Ecclesias præsentant, & recipiunt: quod est Simoniacum.*

Detestanda quorundam Patronorum, seu Advocatorum cupiditas, in tantum metas suæ potestatis excedit; quod, cum aliqua Ecclesiastica Beneficia vacare contingit, quorum ad ipsos jus pertinet Patronatus, nullam idoneitatem præsentandarum personarum, sive Ecclesiarum, seu Plebium utilitatem attendentes, sed imitatores Giezi, quarunt Clericos Simonis Successoris, quos recepta prius ab eis certa summa pecuniæ, sive cautione, de ipsa in posterum persolvenda, aut promissione de remittendis sibi, vel non repetendis ab eo decimis, vel aliis Ecclesiæ juribus: aut quod si eis quādocunque displicentiam fecerint, Ecclesias ipsas dimittere, & litteras præsentationis suæ ipsorum manibus tradere teneantur, aut similibus pactionibus præmissis, demum eos instituendos Episcopis repræsentant. Ne igitur hujusmodi execrabile mercationis genus jus sibi vendicat de cætero contra Canonicas Sanctiones; hoc Sacro approbante Concilio diffinimus, quod Patronus, Clericus, vel laicus, qui ex conventionē, vel pacto, aut quolibet præmissorum, vel simili deprehensus fuerit, aliquem præsentasse, eo ipso, pro illa vacatione jus præ-

(z) Hoc Caput 39. omissum in cod. Moguntino.

præsentationis amittat, & pro tunc Beneficium huiusmodi per eum, ad quem ipsius institutio pertinet, conferatur. Præsentatus vero (a) non solum eodem Beneficio sit privatus, sed ipso facto redatur inhabilis, ad sacros Ordines, & ad alia quævis Ecclesiastica Beneficia obtinenda.

Cap. XLII. *De Consecratione Ecclesiæ, vel Altaris.*

Si Ecclesiam pollui humani sanguinis, aut feminis effusione contingat, ipsius Ecclesiæ Cœmeterium, si contiguum sit eidem, censetur esse pollutum; & antequam reconcilietur per Episcopum, in ea non debent Divina celebrari, vel aliquis sepeliri.

Cap. XLIII. *De celebratione Missarum.*

In eadem Ecclesia, & eodem tempore, duas Missas sub nota celebrare districtius inhibemus: Adjicientes, quod nullus pro vivis, mortuorum officium audeat facere septimum, tricesimum, vel annuale. Omnibus Sacerdotibus in virtute sanctæ obedientiæ, & sub excommunicationis pœna, districtius inhibemus, ne die, qua primam Missam celebrant, seu octo diebus immediate sequentibus, per se, vel alium, invitatum solemnem audeant præparare. Salvo, quod tunc certos Clericos, sæculares, & Religiosos, paucos tamen, & sine solemnitate qualibet procurare poterunt. Sic tamen, quod joculariores, & histriones nullatenus admittantur. Missarum etiam novarum Officia, quas sancta Romana, & universalis non recepit, seu instituit Ecclesia, penitus reprobamus. Historias novas, Hymnos, Sequentias, nisi in Concilio Provinciali, aut in Episcoporum Synodis approbentur, in Ecclesiis legi, aut decantari districtius prohibemus. Quod enim sanctorum Patrum decreto non est sancitum, superstitiosis non est adinventionibus præsumendum. Si cui per Nos, aut Suffraganeorum nostrorum aliquem conceditur, quod in Altari viatico portatili Divina coram ipso possint officia celebrari; non in loco ventoso, seu alias periculoso, vel inhonesto, hoc fieri debere intelligimus. Unde si quis Pres-

byterorum, occasione concessionis huiusmodi contra præmissa Divina celebrare præsumperit, eo ipso per unum mensē a Missæ Officio, præsentis statuti vigore noverit se suspensum.

Cap. XLIV. *De Baptismo.*

Quia Sacramentum Baptismi omnium aliorum est janua, quo carens, non est capax cujuscunque alterius Sacramenti, Presbyteri cum exacta diligentia studeant providere, ne in collatione ipsius, tam in prolotione formæ verborum debita, quam immersione in aqua, circa quæ tota virtus Baptismi versatur, aliqua negligentia committatur. Forma autem verborum, de qua nihil potest obmitti, nec ei debet aliquid interponi, est ista: *Ego te baptizo, in nomine + Patris, & + Filii, & + Spiritus Sancti.* Immersio vero fiat trina, sic, quod primam faciat statim, cum incipit formam verborum proferre, ultimam autem finiendo formam. Hanc autem formam frequenter Plebani doceant plebes suas. Nam propter necessitatem istius Sacramenti, sine quo nullus potest salvari, etiam laicus quicumque, vir, vel mulier, pater, vel mater, puerum, vel adultum baptizare poterunt in suo vulgari proferentes formam verborum, in mortis articulo constitutum. Et cum in tali necessitate per huiusmodi personas, quis fuerit baptizatus, Presbyter a baptizato, & personis circumstantibus, diligenter inquirat, si forma debita sit servata: quam si servatam invenerit, circa Baptismum unctiones tantum supplere debitas non obmittat. Si vero circa formam erratum fuerit, tunc ipsum denuo baptizet. Quod si verisimiliter dubitatur, an quis rite, vel non rite fuerit baptizatus, tunc baptizetur sub hac forma: *Si baptizatus es, non te rebaptizo, in nomine + Patris, & + Filii, & + Spiritus Sancti.*

Cap. XLV. *De custodia Eucharistiæ, Chrismatis, & aliorum Sacramentorum, vasorum, & vestimentorum sacrarum.*

Statuimus, ut in Ecclesiis Chrisma, & Eucharistia, Oleum sacrum, Aqua Baptismi, sub fideli custodia, sive seris conserventur, ne possit ad illa temeraria manus

(a) taliter

manus extendi, pro nephandis aliquibus exercendis. Si vero is, ad quem spectat custodia, ea incaute reliquerit, tribus mensibus ab officio suspendatur. Et si per ejus incuriam aliquid nephandum inde contigerit, graviori subiaceat ultioni. Relinqui nolumus incorrectum, quod quidam Clerici Ecclesias sic exponunt suppellectilibus propriis, & etiam alienis, ut potius domus laicæ, quam Dei Basilicæ videantur, non considerantes, quod Dominus in Evangelio non sinebat, ut vas transferretur per templum. Sunt & alii, qui non solum Ecclesias dimittunt incultas, verum etiam vasa Ministerii, & vestimenta Ministrorum, ac pallas Altaris, nec non & ipsa corporalia, tam immunda relinquunt, quod interdum aliquibus sunt horrore. Quia vero zelus nos comedit domus DEI, firmiter prohibemus, ne hujusmodi suppellectilia in Ecclesiis admittantur, nisi propter hostiles incurfus, aut incendia repentina, seu alias necessitates urgentes, ad ea oportet haberi refugium. Sic tamen, ut necessitate cessante, res in loca pristina reportentur. Præcipimus quoque, ut in Oratorio, vasa, corporalia, & vestimenta prædicta, munda, & nitida conserventur. Nimis enim videtur absurdum, in sacris sordes negligere, quæ dedecere etiam in prophanis.

Cap. XLVI. *De Festivitatibus celebrandis.*

Ut circa Celebrationem Festivitarum sit Ecclesiarum nostræ Provinciæ concordia singularum, statuimus, ut in subscriptis diebus tantum, Clerici, & laici debeant a servilibus operibus abstinere. Primo in Festivitatibus Christi, videlicet: Nativitatis, Circumcisionis, Epiphaniæ, & Resurrectionis ipsius, cum duobus diebus immediate sequentibus, Ascensionis ipsius, & Pentecostes, cum duobus immediate sequentibus, Corporis Christi, in Festivitatibus Sanctæ Crucis, Inventionis scilicet, & Exaltationis, & omnibus diebus Dominicis. In quatuor Festivitatibus Beatæ Virginis Mariæ, Nativitatis, Annunciationis, Purificationis, & Assumptionis. Item, in die Angelorum, quod dicitur festum S. Michaelis. In festo Nativitatis Sancti Joannis Baptistæ. Item, in diebus Apostolorum, videlicet:

Matthiæ, Philippi, & Jacobi, Petri, & Pauli, Jacobi Majoris, Bartholomæi, Matthæi, Simonis, & Judæ, Andreæ, Thomæ, & Joannis Evangelistæ transitus tantum. Item, in diebus Beatorum Martyrum, Stephani, Laurentii, Viti, Wenceslai passionis tantum, Adalberti, & quinque Fratrum, scilicet, Benedicti cum fratribus. Item, Confessorum Martini, Nicolai, & Procopii. Item Mariæ Magdalene, & Margarethæ, Ludmillæ passionis tantum, & Catharinæ. Item, in festo omnium Sanctorum. Item, Episcopus Festivitates Patronorum suæ Ecclesiæ, in sua Diocesi potest facere celebrari. Et quælibet Parochialis Ecclesia festum Patroni sui, in cujus est honorem principaliter dedicata, & Anniversarium Dedicationis diem in sua Parochia faciat celebrari. Item, in diebus Beatorum Marci, & Lucæ Evangelistarum, & quatuor Doctorum Ecclesiæ, Gregorii, Ambrosii, Augustini, & Hieronymi, quorum festivitates felicitis memoriæ Bonifacius Papa mandavit in universis Ecclesiis sub officio duplici solenniter venerari: Et populus in sua Parochiali Ecclesia Divino officio peraudit, ad sua opera licite se convertit.

Cap. XLVII. *De Observatione Jejuniorum.*

Quidam novitatum avidi sectatores, jejunia per Ecclesiam indicta violant, propter quædam alia jejunia, quæ faciunt diversis fictionibus hominum adinventæ. Cum autem omnes novitates sint suspectæ, & propter hoc fugiendæ, maxime autem illæ, quæ Sanctorum Patrum obviant institutis, districtius inhibemus, ne aliquis quodcumque jejunium Ecclesiæ propter aliud votivum audeat solvere, sed universi Fideles utriusque sexus, præsertim a viginti annis super omnia jejunia, quæ per Ecclesiam indicuntur, vel consuetudine Patriæ approbantur, cum summa diligentia studeant observare, nisi forte aliquis debilitate, vel infirmitate gravatus, refectione cibarium egeat, & tunc de licentia Superioris, si commode adiri poterit. Nec sufficit licentia simplicis Sacerdotis, nisi jejunanti periculum immineret.

Cap. XLVIII. *De Ecclesiis ædificandis.*

Ecclesiam, seu Basilicam denuo nullus ædificet, nec antiquam transferat, nisi per Episcopum, vel ejus Commissarium, in locum structuræ ponatur lapis primarius benedictus, alias ædificium diruatur, ædificans temerarius Clericus, vel laicus Canonice puniatur. Nec Episcopi socii Diœcesanorum, seu Vicarii, qui communiter Suffraganei appellantur, hujusmodi primum lapidem ponant, maxime in locis, in quibus Ecclesiæ alias non fuerunt, nec ædificatas consecrent, sine Diœcesani licentia speciali, qui ex officio suo providere tenetur, ne Ecclesia erigatur sine dote congrua, luminaribus, & ornamentis, & absque alterius Ecclesiæ notabili detrimento. Cum autem hujusmodi Episcopo per Diœcesanum committitur, ut in Diœcesi sua Ecclesiarum construendarum primarios lapides ponat, seu constructas consecret, in tali generali mandato non comprehenduntur Collegiæ Ecclesiæ, nisi de speciali Diœcesani commissione: nec potest ipsius subditos solvere, vel ligare. Insuper singulæ Parochiales Ecclesiæ duorum altarium, vel maxime trium numero sint contentæ, nisi essent Collegiæ, in quibus altaria, arbitrio Diœcesani multiplicari poterunt, secundum exigentiam multitudinis Ministrorum. Quicumque Ecclesiastica Beneficia obtinent, omnino adjuvent, ad tecta reficienda, vel Ecclesias emendandas. Collectores eleemosynarum pro fabricis Ecclesiarum, quos quidem *vitricos* appellant, deputati, sint omnium exceptione de plebe majores, & iidem eleemosynas fidelium inconsultis Ecclesiarum Rectoribus non expendant.

Cap. XLIX. *De Immunitate Ecclesiarum & Ecclesiasticarum Personarum.*

Licet laicis in Ecclesiis in Ecclesias, Ecclesiasticasve personas, ac eorum bona, omnis authoritas sit ablata tam Jure Canonico, quam Civili; nonnulli tamen laici nitentes in vetitum, immunitates eorum diversis conatibus infringere moluntur. Nos super his volentes eorum ausum reprimere, *auctoritate hujus Sacri Concilii*, sub obtestatione Divini Judicii, & maledictionis æternæ districtius inhibemus, ne de cætero ad hujusmodi teme-

rarias manus præsumant extendere, quod videlicet aliquem confugientem ad Ecclesiam, quantumcunque maleficio commiserit grave, Judex laicus, seu quivis alius, quantumcunque sæcularem Dignitatem obtinens, seu potestatem exercens, de Ecclesia violenter præsumant extrahere, immunitatem Ecclesiæ taliter violando. Sed potius ad instantiam Rectoris Ecclesiæ, ad quam fugit, eidem vitam, & membra illæsa conservent, & ipsum pecuniaria, vel alia disciplina puniant mitiori; nisi malefactor ad Ecclesiam fugiens publicus latro fuerit, vel nocturnus prædator agrorum, aut si in ipsa Ecclesia, vel ejus cœmiterio homicidium, vel membri truncationem sub spe immunitatis perpetraverit. Tales enim quolibet immunitatis privilegio sunt indigni. Nullus sub excommunicationis pœna in Ecclesia, vel de Ecclesia munitionem, seu fortalitium præsumat erigere, vel facere, aut ipsius cœmiterium pro ejus firmitate fossatis quibuslibet vallare. Nullus laicorum Clericum quemcunque deferentem coronam, & habitum Clericalem, sine demandatione Ecclesiastici Judicis captivare præsumat. Quod si fecerit, excommunicationis sententiam incidit ipso facto, a qua eum solus Papa absolvere potest. Et nihilominus in ejus opprobrium Clerus civitatis, villæ, oppidi, vel castri, seu Parochiæ, in quibus Clericus captus est, seu detinetur captivus, eo ipso, alio non expectato mandato, cessationem faciat a Divinis, donec per Diœcesani providentiam, ad cujus notitiam id perferant sine mora, vel aliter liberetur. Nec aliquis consanguineorum, seu amicorum Clerici, taliter captivati, pro ipsius liberatione sub excommunicationis pœna aliquid audeat solvere, vel de solvendo ponere cautionem. Verum si Clericus vagabundus, in furto, vel alio maleficio deprehendatur, & habeatur de fuga suspectus, tunc ex hac nostra generali licentia, quam præsentibus impartimur, sæcularis potestas sub testimonio tamen Clericorum, si commode haberi poterit, vel alio fide digno, poterit malefactorem hujusmodi captivare, ac eum quamprimum Ecclesiastico judicio præsentare, juxta traditiones sacrorum Canonum puniendum. Qui autem ausu sacrilego Prælatum, Canonicum, aut quem-

cunque Clericum pro Clero se gerentem occiderit, seu mutilaverit; præter alias diversas poenas juris, omnibus feodalibus, si quæ ab Ecclesia tenuit, sit eo ipso privatus, & ad Ecclesiam, a qua ea tenuit, libere revertantur. Jus Patronatus, si quod in una, vel in pluribus Ecclesiis habuit, ipso facto perdat, & ad Dioecesanum Episcopum devolvatur: filii ejus, & nepotes usque ad quartum gradum per masculinam lineam descendentes, ad Ordines, seu quodcunque Ecclesiasticum Beneficium nullatenus admittantur. Illi autem, qui omnem maliciam superantes, Archi-Episcopum, vel Episcopum fuerint hostiliter insecuti, vel eorum aliquem percusserint, ceperint, vel occiderint, seu ipsis malefactoribus ad hoc præstiterint consilium, auxilium, vel favorem; ipsorum filii, & nepotes descendentes, ut una cum supra ipsis ad hoc quomodo libet cooperantibus, ipso facto poenas incidunt a jure statutas. Eos, qui temporale Dominium obtinentes suis subditis aliquando interdiciunt, ne Prælati, aut Clerici, seu personis Ecclesiasticis quidquam vendant, aut emant aliquid ab eisdem, neque ipsis bladum molant, coquant panem, aliqua obsequia exhibeant, vel exhibere præsumant; cum talia in derogationem libertatis Ecclesiasticæ vergant, eo ipso excommunicationis sententiæ decernimus subiacere. Insuper præsentii constitutione jubemus, ut locorum Dioecesani contra eos, qui ab Ecclesiis, vel Ecclesiasticis personis pro eorum rebus propriis, quas non negotiandi causa deferunt, aut deferri faciunt, vel transmittunt, gabellam, seu theloneum suo, vel alieno nomine exigunt, vel extorquent in suarum animarum periculum, & eorum, a quibus talia exigunt, præjudicium, & gravamen; excommunicationis, & interdicti sententias a jure prolatas, postquam de hoc ipsis constiterit, omnino publicent, & a suis subditis tam diu faciant publicari, donec illi sic ablata, restituant, & de transgressione hujusmodi satis faciant competenter. Ad hæc quicunque servari faciunt Statuta edita, vel consuetudines introductas, contra Ecclesiæ libertatem, Statutarii, & Scriptores Statutorum ipsorum, nec non Potestates, Consules, Rectores, & Consilarii locorum, ubi hujusmodi statuta, & consue-

tudines editæ fuerint, vel servatæ, nec non & illi, qui secundum ea præsumpserint judicare, vel in publicam formam scribere judicata, in excommunicationis sententiam incidunt ipso facto.

Cap. L. De Sponsalibus, & Matrimoniiis.

Si inter virum, & mulierem legitimus consensus interveniat de præsentii, ita quod unus alterum mutuo consensu, verbis consuetis expresse recipiat, utroque dicente: *Ego accipio te in meam, & ego te in meum*, vel alia verba consensum exprimentia de præsentii, non liceat alteri ad alia vota transire. Quod si fecerint secundum matrimonium, imo verius adulterium de facto contractum, etiamsi sit carnalis copula subsecuta, separari debent, & primum in sua firmitate manere; Verum si inter ipsos accessit tantum promissio de futuro matrimonio contrahendo, utroque dicente: *Ego te recipiam in meam, & ego te in meum*, sive verba similia; & alter eorum, antequam carnaliter se cognoscant, aliam seu alium per verba sibi desponsaverit de præsentii, dato, quod prima promissio de futuro per interpositionem fuerit juramenti firmata, ei tamen præjudicat de præsentii desponsatio post secuta. Illi vero, qui primam promissionem per secundum contractum irritam fecit, est de violatione fidei poenitentia injungenda. Carnalis vero copula si sequatur promissionem de futuro, eo ipso matrimonium efficit: sic, quod ei in nullo præjudicat quicunque contractus matrimonialis postmodum consecutus. Constitutionem quoque generalis Concilii, tum inhibitionem, contrahentium periculum providentem, censemus districtius observandam, ut cum matrimonia fuerint contrahenda, diebus Dominicis, vel aliis Festivis, in Ecclesiis per Presbyteros coram plebe publice proponatur, trium dierum ad minus, termino præfinito, ut infra illum, qui voluerit, & valuerit, legitimum impedimentum opponat. Sed & ipsi Presbyteri nihilominus investigent, utrum aliquod impedimentum obsistat, & si nec per oppositionem alicujus, nec per investigationem propriam infra eundem terminum inter volentes contrahere, ali-

aliquod impedimentum invenerint, Presbyteri ipsi factis interrogationibus consuetis, eos non differant copulare. Si vero ex oppositione cujuscunque, vel alias contra copulam contrahendam apparuit probabilis conjectura, per Presbyteros interdicatur contractus publice, & expresse, donec, quid fieri debeat, super eo, per Episcopum, vel ejus Officiale, ad quorum hæc notitia perferant, sint edocti. Si quis autem edicto hujusmodi prætermisso, clandestina, vel interdicta conjugia inire præsumpserit in gradu prohibito, etiam ignoranter, soboles de tali conjunctione susceptæ prorsus illegitima censeatur, de parentum consensu nullum subsidium habitura: cum ipsi parentes taliter contrahendo affectatores ignorantia videantur. Pari modo proles illegitima censeatur, si ambo parentes impedimentum scientes legitimum, præter Ecclesiæ interdictum, etiam in conspectu Ecclesiæ contrahere præsumpserint. Sane, si Parochialis Sacerdos hujusmodi clandestinas conjunctiones prohibere contempserit, aut quilibet etiam regularis, qui eis præsumpserit interesse, per triennium ab officio suspendatur, gravius puniendus, si culpæ qualitas postulerit. Sed & his, qui taliter copulare præsumpserint, etiam nullo alio impedimento obstante, condigna penitentia per Episcopum injungatur. Si quis vero ad impediendam legitimam copulam, malitiose impedimentum objecerit, Canonicam non effugiet ultionem. Nullus autem elapso dicto denunciationis termino, matrimonium audiatur accusans, seu contra illud testificans, nisi denunciationem hujusmodi probabiliter ignoraverit, vel nisi juret, quod post terminum denunciationis illud didicerit, quod opponit, & quod ad hoc ex malitia non procedat. Cum autem Presbyter contrahentes matrimonium legitime copulavit, eis Benedictionem Sacramentalem impendat, si neuter contrahentium alias fuerit in matrimonio constitutus. Nam si benediceret secundas nuptias, per Episcopum cum literis testimonialibus ab officio, Beneficioque suspensus, ad Sedem Apostolicam est mittendus. Laici sub excommunicationis pœna nubentes non audeant copulare, nec aliqua statuta

condere, quæ libertatem contrahentium matrimonium impediunt quovis modo, Cognitionem vero causarum matrimonialium Plebani, & Decani rurales sibi penitus noverint interdictam.

Cap. LI. De Cognatione Spirituali.

Spiritualis cognatio, sive compaternitas, in viginti casibus matrimonium contrahendum impedit, & dirimit post contractum, scilicet, inter levantem, & levatum, levatum, & filios levantis, levatum, & conjugem levantis prius cognitam: Parentes levati, & conjugem levantis prius cognitam: Levantem, & Parentes levati. Item inter baptizatum, & baptizantem: baptizatum, & filios baptizantis: baptizatum, & conjugem baptizantis prius cognitam: Parentes baptizati, & conjugem baptizantis prius cognitam: Baptizantem, & parentes baptizati. Item inter confirmatum, & levantem: confirmatum, & filios levantis: confirmatum, & conjugem levantis prius cognitam: Levantem, & parentes confirmati. Item, confirmatum, & confirmantem: confirmatum, & filios confirmantis, & conjugem confirmantis prius cognitam. Parentes confirmati, & conjugem confirmantis prius cognitam: confirmantem, & parentes confirmati. Ne igitur occasione spiritualis cognationis in matrimonio difficultates emergant, districte præcipimus, ut ad prædicta baptismi, & confirmationis Sacramenta, per quæ tantum compaternitates hujusmodi contrahuntur, solum unus vir, vel mulier cum compatre levante, de cetero admittatur: non obstante in contrarium prava consuetudine, cum sit contra sacrorum Canonum instituta.

Cap. LII. De Consanguinitate, & Affinitate.

Qui Divino timore postposito in animarum suarum periculum scienter in quarto, vel infra consanguinitatis, vel affinitatis gradu, aut cum monialibus contrahere matrimonialiter non verentur, nec non Religiosi, & Moniales, ac Clerici in sacris Ordinibus constituti, matrimonia contrahentes, præter alias pœnas juris, excommunicationis sententiam incidunt ipso facto.

Cap. LIII. *De eo, qui duxit in Matrimonium, quam polluit per Adulterium.*

Habens uxorem legitimam, si adulteræ suæ hoc scienti promittit fidem de ea ducenda post mortem uxoris, vel cum ea de facto contrahit, carnali copula præcedente, vel sequente, non potest cum ipsa, legitima mortua, in matrimonio remanere. Si vero secunda ducta contractum cum alia ignorabat, tunc secunda instante cum ea compellitur remanere. Compulsione autem huiusmodi durante, si vir cum tertia contrahit, tenet contractus: est tamen sibi propter hoc poenitentia imponenda. Similiter si ipse, vel adultera sua, mortem uxoris legitimæ effectualiter procuravit, non potest adulteram aliquatenus ducere in uxorem. Item, si uterque etiam sine adulterio in mortem legitimæ effectus machinatus cum effectu.

Cap. LIV. *De Simonia, & ne aliquid pro Spiritualibus exigatur, vel promittatur.*

In tantum peccatis exigentibus corda quorundam Presbyterorum simoniaca pravitas depravat, qui nec Baptismi, Eucharistiæ, Poenitentiae, aut extremæ Unctionis Sacramenta, nec benedictionem nubentium, aut exequias, seu sepulturam mortuorum, five alia quæcunque spiritualia suis volunt subditis ministrare, nisi pro huiusmodi seu administratione ipsorum eis solvatur, vel promittatur precium, pro suæ turpitudinis excusatione, imo verius accusatione, diuturnam consuetudinem prætendentes. Ne igitur tam perniciosam venalitatem pravitatis simoniacæ per impunitatem vendentium videamur nostris temporibus approbare, huius sacri approbatione Concilii duximus statuendum, quod singula prædicta Sacramenta, & res sacra, non obstante quacunque consuetudine in contrarium, quæ censenda est potius corruptela, per Presbyteros sine exactione cuiuscunque temporalis emolumentum libere conferantur. Et quicumque de cætero præmissorum, vel alicuius ex prædictis venditor fuerit deprehensus, si est Rector Ecclesiæ, perpetuo ipsa privetur, si vero Vicarius, seu socius Rectoris fuerit, ad Episcopales

carceres, ut ibi perpetua agat poenitentiam, detrudatur. Veruntamen, si laici nollent rationabiles, & approbatas Ecclesiarum consuetudines observare, tunc non per ipsos Presbyteros, cum in propria causa iudices esse nequeant, sed per Episcopum, vel ejus Officialem summarie, & de plano de hoc veritate cognita, ad earundem observationem censura Ecclesiastica compellantur. Præterea Archidiaconi locorum, seu Decani rurales, si pro sacris liquoribus, vel Chrismate, & Oleo per se, vel alios aliquid præsumpserint extorquere, suis Beneficiis perpetuo spoliuntur.

Cap. LV. *De Judæis.*

Et si Judæos, quos perpetua culpa perpetuæ servituti subiecit, pietas Christiana receperet, & sustineat cohabitationem illorum, ingrati tamen esse non debent, ut reddant Christianis pro gratia contumeliam, & de familiaritate contemptum, & illam retributionem impendant, quorum iuxta vulgare Proverbium: *Mus in pera, serpens in gremio, & ignis in sinu*, suis consueverunt hospitibus exhibere. Accepimus autem, quod Judæi Christianas puerorum suorum nutrices, quod non tantum dicere, sed etiam nefandum est cogitare, cum illas recipere Corpus & Sanguinem JESU CHRISTI contingit, per triduum antequam eos lactent, lac effundere faciunt in latrinam: alia insuper contra Fidem Catholicam derestabilia, & inaudita committunt, propter quæ fidelibus est verendum, ne Divinam indignationem incurrant, cum eos perpetrare sustinent, quæ fidei nostræ confusionem inducunt. Inhibemus ergo districtè, ne de cætero Nutrices, seu Obstetrices, vel servientes habeant Christianos, ne ipsos ex familiaritate nimia, ad suæ infidelitatis errorem pertrahant, & ne filii liberæ, filiis famulentur ancillæ, sed tanquam servi a Domino reprobati, in cuius mortem nequiter conjurarunt, se saltem per effectum operis recognoscant servos illorum, quos Christi mors liberos, & illos servos effecit. Si vero hac prohibitionem nostram, imo verius Apostolica contemptam, Nutrices, Obstetrices, & aliam familiam, non dimiserint Christianam, Episcopi locorum sub

sub excommunicationis poena inhibeat districtè omnibus Christianis, ne cum Judæis commercium aliquod audeant exercere. Quia similitudo exterioris habitus, quem Judæi cum Christianis indistinctim deferunt, plerumque tantum periculum inducit, quod non errorem Christiani Judæorum, & Judæi Christianorum mulieribus commiscantur. Ne igitur tam damnata commixtionis excessus, per velamen erroris hujusmodi, quandoque simulati, ulterius excusari possit; Statuimus, ut masculi Judæorum in capitibus suis pilea lata, ut antiquitus consueverunt, & non capucia, deferant. Mulieres vero sub peplo, sive alio velamine capitis ornatum, sive levaturam eminentem supra frontem ponant: sic, quod omni tempore per hujusmodi signa a Christianis discernantur. Quæ signa, si Judæi, infra duorum mensium spacium a publicatione præsentium non assumpserint, ut est dictum, ex tunc eis, per excommunicationis sententiam Christianorum communio subtrahatur, & in poenam temporalis Domini loci, qui ipsos ad hoc non compelleret; Clerus sæcularis, & Religiosus civitatis, oppidi, seu villæ, in quibus Judæi taliter indistincte morantur, eo ipso generalem cessationem faciant a Divinis, donec per Judæos statuto præfenti fuerit obeditum. In die Parasceves Dominicæ Passionis, Judæi in publicum non prodeant, & per totam illam diem ostia, & fenestras suas clausas teneant, ne in Christianorum conspectum, qui tunc sacratissimæ Passionis memoriam exhibentes, lamentationis signa prætendunt, per suas derisiones, & blasphemias in contumeliam profiliant Creatoris. Nulli eorum publico præficiantur officio. Si quis autem hæc commiserit, excommunicationis sententia innotatur. Judæo vero officiali, tamdiu Christianorum communio in commerciis, & aliis denegatur, donec in usum Pauperum Christianorum secundum providentiam Diocesani Episcopi convertatur, quidquid fuerit a Christianis adeptus occasione officii sic suscepti, & officium cum pudore dimittat, quod irreverenter assumpsit. Synagogas novas construere nullatenus admittantur: sed antiquas, si corruerunt, vel

ruinam minantur, reedificare poterunt: non autem, ut eas exaltent, aut ampliores, aut pretiosiores faciant, quam antea fuisse noscuntur, qui utique pro magno debent habere, quod in veteribus Synagogis, & suis observantiis tolerantur. Ad Baptismum non cogantur inviti, nec in personis, vel rebus suis, sine judicio puniantur: nec in suis Festivitatibus perturbentur, nec eorum Cœmeteria per exhumationem corporum, vel alias violentur.

Cap. LVI. De Hæreticis.

Hæretici, quarumcunque sectarum, & credentes ipsorum erroribus, nec non receptatores, defensores, & fautores eorum excommunicati sunt, quos universi fideles Christi, maxime Parochiales Presbyteri, Diocesano loci, vel Inquisitori hæreticæ pravitatis denunciare tenentur, ut pro suis demeritis ultionem recipiant, & ne fidelium corda eorum doctrinis pestiferis corrumpantur.

Cap. LVII. Contra Christianos, qui ad ritum transierunt, vel redierunt Judæorum.

Etiam si hujusmodi redeuntes, dum erant infantes, aut mortis metu, non tamen absolute, seu præcisè coacti baptizati fuerint, est tamen contra eos tanquam contra hæreticos, si fuerint de hoc confessi, aut per Christianos, seu Judæos convicti, & sicut contra fautores, receptatores, & defensores talium procedendum.

Cap. LVIII. De Raptoribus.

Mandamus universis Plebanis, & alijs Clericis, cujuscunque sunt status, in virtute sanctæ obedientiæ, & sub poena privationis Beneficii, ne aliquem raptorem, proscriptum, bannitum, profugum, vel incendiarium, aut eorum rapinas, in domibus suis recolligant, vel conservent, aut ipsis etiam extra domos suas, expensas seu alimenta ministrent, sive ipsorum literas, vel legationes, ad quascunque personas perferant, a quibus plerumque hujusmodi pestiferum genus hominum, per comminationes de occidendis personis, vel earum bonis cremandis, pecunias extorquere conantur.

Cap.

Cap. LIX. *De Usuris, & Usurariis.*

Usurariorum pravitatem, qui plerumque mercatorum famam inquinant, dum sub mercationis velamine, diversis adinventis fraudibus plus secum contrahentes damnificant, quam illi, qui nullo quæsito colore, directe mutant ad usuras, detegere cupientes; & ne etiam juris ignorantiam simulatam circa hoc possint prætere, & sic suos errores de cætero, frivolis rationibus excusare: Declaramus, & dicimus, quod, cum usura tantum committatur in mutuo; mutuum autem in iis rebus consistit, quæ determinantur numero, pondere, vel mensura; non solum is, qui expresse rem huiusmodi eo pacto, vel principaliter ea spe mutat, ut aliquid emolumentum temporale ultra sortem recipiat, quantumcunque sit parvum, sive sit fructus, seu proventus rei pignoratæ, in sortem non computat, usurarius est censendus; sed & ille, qui mercem quamcunque venditionis tempore, communi æstimatione minus valentem, & quam tunc venditurus erat, carius vendit, solutionem precii differens ea vice, & qui statim solvit precium cuiuscunque rei emptæ pro minori, quam tunc valeat, lucri causa, ejusdem rei traditione dilata ad terminum, in quo constat, ipsam rem plus valere, usurarii sunt censendi: & qui tales esse probari possunt, ad notitiam Diocesānorum, vel eorum Officialium perferantur, ut per eos ad restitutionem usurarum ipsi, vel eorum hæredes distractione Canonica compellantur. Confessores autem in foro animæ, tales ad restitutionem inducant efficaciter, si suarum animarum damnationem cupiunt evitare. Sane si quis in illum errorem inciderit, ut pertinaciter affirmare præsumat, *exercere usuras, non esse peccatum*, ille, velut hæreticus condemnatur. Prædicimus autem Plebanis locorum, ac illis, qui habent officium prædicandi, quod saltem semel singulis mensibus statutum præsens, fidelibus exponant vulgariter, ac eos salutaribus inducant monitis, ut abstineant a criminibus, & fraudibus usurarum. Et innotescant omnibus, ac eis in remedium peccatorum suorum injungant, ut ipsi in nostro, seu Suffra-

ganeorum nostrorum Consistoriis usuras, aliquo de prædictis modis solutas, repetant, vel si nondum solverint, sed solvere promiserint, a promisso se, & suos fidejussores absolvi petant.

Cap. LX. *De Falsariis.*

Plerumque Parochialium Ecclesiarum Rectores, & alii simplices Clerici, decipiuntur per falsarios literarum, dum juris ignari, falsitatem eorundem, quæ non solum in sigillis, & eorum applicatione, verum etiam in rasuris chartarum, & alias multipliciter perpetrantur, deprehendere nescientes, falsas, pro veris receperant.

Volentes igitur inconvientiis, & periculis, quæ ex huiusmodi incauta credulitate sequuntur, occurrere; statuimus, ne de cætero aliquis Plebanorum, vel quæcunque alia Ecclesiastica persona, literas, quæ dicuntur a Sede Apostolica, vel ejus Pœnitentiariis, seu a quocunque alio de ignotis partibus, super indulgentiis, petitionibus elemosynarum, vel dispensationibus, seu quibuscunque aliis negotiis impetratæ, in favorem, vel præjudicium cuiuscunque audeat approbare, nec ipsas, in sua Ecclesia permittat aliquatenus publicare, nisi prius per Diocesāni loci, vel ejus Officialis, patentes literas fuerint approbatæ. Quod si portitores huiusmodi literarum, contradicente Plebano, eas publicare, vel earum prætextu elemosynas, seu alios quoscunque actus præsumpserint exercere: ipse Plebanus, eos cum rebus suis, auctoritatem habeat arrestandi, cum adiutorio, si opus foret, brachii secularis, sic, quod ipsos una cum rebus, & literis Diocesāno, vel Archidiacono loci, quam cito commode poterit, studeat præsentare.

Cap. LXI. *De Sortilegiis.*

Parochiales Presbyteri plebes suas frequenter informant, ut sciant fortilegas artes, & incantationes sub prolatione quorumcunque verborum, vel scriptura characterum, quibuslibet infirmitatibus hominum, seu animalium, nihil posse conferre remedii, vel sterilitati agrorum, vel arborum, seu potestati tonitruorum, vel grandinum providere, & eis sub excommunicationis poena præcipiant, quod a for-

a fortilegiis, & superstitionibus quibuscunque abstineant, nec fortilegos consulant, vel ad domos suas recipiant, sed quod ipsi Plebano tales denuntient, ut turpiter dehonestati ejiciantur de plebibus, ne per eos simplicium conscientiarum polluantur.

Cap. LXII. *De Excommunicato, Interdicto, vel Suspendo celebrante.*

Is, qui celebrat majori excommunicatione ligatus, aut cui est ingressus Ecclesiarum interdictus, si in ea se Divinis ingerat, celebrando, vel concelebrando in suo officio, sicut prius: & ille, qui scienter celebrat in loco supposito interdicto, irregularitatem incurrunt, a qua nequeunt per alium, quam per Romanum Pontificem liberari. Talis etiam, cui est ingressus Ecclesiarum interdictus, si, interdicto hujusmodi durante, decedit, non debet, sicut nec excommunicatus excommunicatione majori, in Ecclesia, vel Cœmeterio Ecclesiastico sepeliri. Illi vero, qui scienter celebrat præsentem excommunicato excommunicatione majori, est ingressus Ecclesiarum interdictus. Et si hoc interdicto durante celebrat, irregularis efficitur, ab ea tantum per Summum Pontificem liberandus. Qui autem sic irregularis in contemptum clavium Divina præsumpserit profanare, Beneficiis suis privetur perpetuo, & nihilominus subjiçatur poenitentiarum carcerali.

Cap. LXIII. *De injuriis, & damno datis.*

Si culpa tua factum est damnum, vel injuria irrogata, seu aliis irrogantibus auxilium præbuiti, aut hæc imperitia tua, seu negligentia evenerunt; de jure super his satisfacere te oportet. Nec ignorantia te excusat, si scire debuisti, ex facto tuo injuriam verisimiliter posse contingere, vel jacturam. Quod si animalia tua alicui nocuerunt, tu ad satisfactionem teneris, nisi eadem animalia dando passis damnum, velis liberare te ipsum: quod tamen ad liberationem tuam non proficeret, si fera animalia, vel quæ naturaliter consueverunt nocere, dato, quod domesticata fuissent, & quam debueras, non curasti, diligentiam adhibere. Sane, licet ille, qui oc-

casione damni dat, damnum videtur dedisse; secus tamen est in illo dicendum, qui ne damnum accideret, de contingentibus nil obmisit. Et si injuriam passus secundum Christianitatis legem injurianti rancorem, ex corde, gratis, pro DEO dimittere teneatur; satisfactionem tamen pro eadem, coram competenti iudice potest petere, dimissione rancoris hujusmodi non obstante.

Cap. LXIV. *De Penitentibus, & Remissionibus.*

Omnis utriusque sexus fidelis, postquam ad annos discretionis pervenerit, omnia sua solus peccata, saltem semel in anno, fideliter confiteatur proprio Sacerdoti, & adjunctam sibi poenitentiam pro virilibus studeat adimplere: suscipiens reverenter ad minus in Pascha Eucharistiarum Sacramentum, nisi forte de proprii Sacerdotis consilio, ob aliquam causam rationabilem, ad tempus ab ejus perceptione duxerit abstinendum, aliquin, & vivens ab ingressu Ecclesiarum arceatur, & moriens Christiana careat sepultura. (a) Unde hoc salutare statutum frequenter in Ecclesiis publicetur, ne quisquam ex ignorantiarum cecitate, velamen excusationis assumat. Si quis autem alieno Sacerdoti voluerit, iusta de causa, sua confiteri peccata, licentiam prius postulet, & obtineat a proprio Sacerdote, cum aliter ipse illum non possit solvere, vel ligare. Sacerdos autem sit discretus, & cautus, ut more periti medici, superinfundat vinum, & oleum vulneribus lauciati, diligenter inquirens, & peccatoris contentis, non alterius circumstantias, & peccati, per circumlocutiones cautas, maxime circa inusitata peccata, quibus prudenter intelligat, quale ei debeat præbere consilium, & remedium adhibere, diversis experimentis utendo, ad sanandum ægrotum. Nam si peccator dicat, se non posse, vel nolle in futurum ab aliquibus peccatis mortalibus abstinere, dato, quod pro præteritis poenitentiam sit paratus suscipere, tamen, quia contritionem veram non habet, quæ requiritur, quod & præterita plangat, & in futuro ab eisdem, & similibus abstinere proponat, absolvi non debet; sed ejus confessione recepta crebris, & salubribus monitis ad

(a) Concilii Lateranensis anni 1215. Statutus Canon 21mus.

absti-

abstinendi propositum, aliquali sibi imposita pœnitentia inducatur. Caveat autem Sacerdos omnino, ne verbo, aut signo, aut alio quovis modo seriose, vel jocosè prodatur aliquatenus peccatorem; sed si prudentiori consilio indigerit, illud absque ulla expressione personæ, caute requirat. Quoniam, qui peccatum in pœnitentiali judicio sibi detectum præsumpserit revelare, non solum a Sacerdotali officio decernimus deponendum; verum etiam ad agendam perpetuam pœnitentiam, in arctum Monasterium detrudendum. Presbyteri circa principium Quadragesimæ, in suis Prædicationibus, suas plebes sollicitent, ut Confessiones suorum peccatorum ad finem ipsius Quadragesimæ non differant, sed eas statim faciant, cum jejunium, seu alia quæcunque bona opera ad salutem non prostant, in peccatis mortalibus constitutis; & induti superpellicis in Ecclesia confessiones audiant: pœnitentibus, qui confitentur, se furtis, rapinis, usuris, vel aliis fraudibus facultates aliorum abstulisse, ante omnia male ablatorum restitutionem injungant, in toto, vel in parte, prout eorundem se facultates extendunt, cum non dimittatur peccatum, nisi restituatur ablatum. Nec confitentibus sibi præcise comparationes Missarum injungant, sed mandent certum, quod erogandum pauperibus Presbyteris, vel aliis, prout rationabilius devotioni videbitur congruere confitentis. Casus reservatos, auctoritati Summi Pontificis, vel Episcopis de jure ad eosdem remittant; nisi habens casus hujusmodi sit in mortis articulo constitutus, quo cessante periculo super criminibus Papæ, vel Episcoporum auctoritati reservatis, pro recipienda pœnitentia ipsorum, vel Pœnitentiariorum eorundem se conspectui repræsentent. Cum autem vocatur Presbyter ad curandum infirmum, priusquam ad eum deferat Corpus Christi ipsius, si non imminet mortis periculum, familiariter confessionem recipiat; ne per multorum præsentiam, & tumultum, qui ob devotionem, & indulgentias comitantur ipsum Presbyterum Sacramentum Eucharistiæ deferentem, impediatur devotio confitentis. Ab infirmis in periculo mortis positis, pura est inquirenda con-

fessio peccatorum, non tamen illis imponenda est quantitas pœnitentiæ, sed innotescenda, & cum amicorum orationibus, & elemosynarum studiis, pondus pœnitentiæ sublevandum: quod si forte migraverint, ne obligati, a communione, & consortio veniæ, fiant alieni. A quo periculo, si Divinitus erepti convalescerint, pœnitentiæ modum a Sacerdote sibi impositum, diligenter observent. Et ideo secundum auctoritatem Canonicam, ne illis janua pietatis clausa videatur, orationibus, & consolationibus Ecclesiasticis, sacra unctione Olei inuncti, secundum Statuta Sanctorum Patrum, Communione viatici reficiantur. Aliis vero pro qualitate peccati, & præsentium arbitrio, tempora pœnitentiæ sunt decernenda. Licet Fratribus *Prædicatoribus*, & *Minoribus* sit a jure permixtum, ut ex iis personæ sufficientes, idoneæ, vitæ probatæ, discretæ, modestæ, atque peritæ, per eorum certos Superiores electæ & præsentatæ *Dieceſanis locorum*, in eorum civitatibus, & *Dieceſibus*, de ipsorum humiliter petenda licentia, gratia, & beneplacito, confessiones sibi confiteri volentium audire, & imponere pœnitentias salutare, & absolutionis beneficium impendere possint: Quia tamen sumus certo certius informati, quod iidem Religiosi contempta ejusdem juris forma, indifferenter omnes, dummodo sint Presbyteri, etiam non præsentati Episcopo, confessiones audiant singulorum, in apertam damnationem suarum, & sibi contentium periculum animarum; Ne per errorem hujusmodi animæ subditorum nostrorum periclitentur de cætero, hoc *Sacro provocante*, ac *approbante Concilio*, omnibus Rectoribus Parochialibus nostrarum *Dieceſis*, & *Provinciæ* firmiter inhibemus, ne Parochianos suos permittant, dictis Fratribus confiteri, nisi illis duntaxat, qui per patentes literas *Dieceſani Episcopi* propriis Confessionibus audiendis nominatim fuerint deputati. Quas quidem literas de Cancellaria nostra, & Suffraganeorum nostrorum, gratis, & sine solutione pecuniæ aliqua ipsi fratres habent recipere, & eas Rectores Ecclesiarum ad requisitionem ipsorum fratrum sub excommunicationis pœna teneantur in suis Ecclesiis publicare. Verumtamen
si Epi-

si Episcopus fratribus ipsis, ut præmittitur, electis, & præsentatis, sine causa recusaverit audiendi confessiones licentiam exhibere; ex tunc fratres ipsi ex speciali concessione Apostolica id faciendi, habent liberam facultatem. In nullo tamen casu, circa absolutionem, majorem auctoritatem habent, quam Parochiales Presbyteri, nisi Episcopus; vel Superior, qui potest, ipsis uberiorem gratiam specialiter duxerit concedendam. Nec etiam possunt dicti fratres, seu quivis alii Religiosi, Clerici; vel laici, sine speciali licentia Parochialis Presbyteri, ministrare alia Sacramenta, & qui contrarium faciunt; excommunicationis sententiam incidunt ipso facto.

In Ecclesiis quoque Parochialibus, dicti fratres prædicare non possunt, nisi de ipsorum Rectorum beneplacito & assensu. Cum autem fratres ipsi, diebus Festivis, in suis domibus, in mane prædicationes faciant, non eas in tantum protrahant, quod plebs ad prædicationem, & summam Missam, suæ Parochiæ, quibus tunc interesse tenentur, negligat horam debitam veniendi. Nec Parochianos in suis sermonibus detineant, nisi forte domorum suarum Festivitates indicent, nec gyrando per Ecclesias, & eorum ambitus, populum aqua benedicta aspergant, aut cereorum, cinerum, vel frondium palmarum benedictionibus occupent, cum talia in Parochialibus Ecclesiis de jure, & antiqua consuetudine peragantur. Non impediunt etiam dicti fratres per suas prædicationes, stationes, & processiones solennes, quas observat Ecclesia generalis, quin imo fratres ipsi se in his debent Parochialibus Ecclesiis conformare.

Plerique Episcopi, per indiscretam, & superfluam indulgentiarum concessionem, claves Ecclesiæ contemptibiles reddunt, & pœnitentialem satisfactionem enervant, non advertentes, quomodo Romanus Pontifex, qui plenitudinem obtinet potestatis, in hoc tantum moderamen consuevit observare, qui in Capella sua personaliter celebrans, vel prædicans, interessentibus contritis, & confessis, ad maximum septem annos indulgentiæ & carenas totidem largitur. Ne igitur per temeritatem hujusmodi, simplicitati fidelium de cætero

illudatur, decernimus, ut secundum dispositionem juris communis, cum dedicatur Basilica, non extendantur indulgentiæ ultra annum, sive ab uno solo, sive a pluribus Episcopis dedicetur. In anniversario vero dedicationis tempore, quadraginta dies de injunctis pœnitentiis, indulta remissio non excedat. Et similiter, quando ex aliis rationabilibus causis, per literas suas Episcopus hujusmodi remissiones suis subditis voluerit indulgere, quadraginta dierum, & non amplius numero sit contentus. Nec remittentium indulgentias subditi participant alieni, nisi hoc, ut ipsi, uti possent, eis proprii judices specialiter duxerint indulgendum.

Huic autem statuto necessario duximus annectendum, quod nullus Clericus sæcularis, vel Religiosus exemptus, in Ecclesia sua, seu Monasterio, indulgentias, præterquam Dicecesani loci audeant publicare, vel nisi per Dicecesani parentes literas fuerint approbatæ. Nam frequenter in diversis Ecclesiis, sive locis multorum annorum, & carenarum indulgentiæ sub nominibus summorum Pontificum, & etiam Episcoporum ignotorum conceduntur, quæ propter nimium excessum de falsitate vehementer sunt suspectæ, & propter hoc hujusmodi indulgentiarum literæ, per Dicecesanum examinari & approbari debent, cujus interest, ne ipsius subditi ex spe, quam (a) hujusmodi mendosæ & falsas indulgentias obtinent, ab agendis, condignis pœnitentiis retrahantur. Prohibemus insuper, ne publice pœnitentes alias, quam in die Cœnæ Domini, reconcilientur Ecclesiæ, & eis relaxentur carenæ, & nisi iidem a suis Plebanis testimoniales portent literas, quod vere sunt pœnitentes, & quod jam pœnitentiam, vel ejus partem aliquam peregerunt. Si Episcopus subditi concesserit, ut sibi possit idoneum eligere Confessorem, ille, quem is elegerit, in casibus, qui idem Episcopo specialiter reservantur, nullam habet penitus potestatem, nisi hoc in concessione specialiter exprimat, cum in generali concessione illa non veniant, quæ non esset quis verosimiliter in specie concessurus. Nulla quoque potest consuetudine introduci, quod aliquis præter sui Superioris

Tomus IV. Concil. German.

(a) forte: per, addendum.

E e e 2

licen-

licentiam Confessorem sibi eligere valeat, qui eum possit solvere vel ligare.

Cap. LXV. *De Sententia Excommunicationis, Suspensionis, & interdicti.*

Sacros approbante Concilio prohibemus, ne quisquam Prælati, vel Judex, de jure, vel consuetudine excommunicandi potestatem habens, in aliquem procedendo tanquam Judex excommunicationis sententiam, nisi competenti ad monitionem præmissa, & præsentibus personis idoneis, per quas, si necesse fuerit, possit probari monitio, promulgare præsumat.

Excommunicationem autem in scriptis proferat, & causam excommunicationis expresse scribat, propter quam excommunicato proferatur. Exemplum etiam hujusmodi scripturæ, excommunicans teneatur excommunicato tradere infra mensem, si fuerit requisitus, super qua requisitione, volumus fieri publicum instrumentum, vel literas testimoniales confici, sigillo autentico consignatas. Si quis autem Judicum hujus constitutionis temerarius extiterit violator, etiamsi alias fuerit iusta excommunicationis sententia, per mensem unum ab ingressu Ecclesiæ, & Divinis noverit se suspensum.

Et hæc eadem in suspensionis, & interdicti sententiis volumus observari. Plebani vero, seu Parochiarum Rectores, excommunicandi auctoritatem sibi noverint penitus interdictam. Quod si propria temeritate quempiam excommunicare præsumpserint, Superioris arbitrio proinde puniantur. Cum autem in prolatione sententiarum hujusmodi magna maturitas requiratur, Episcopi & alii Judices Ecclesiastici sententias ipsas, per se ipsos, in rebelles proferant, & demum publicationem seu denuntiationem eorundem, Plebanis locorum committant. Qui commissione super hoc, seu mandato recepto, induti Sacerdotali veste ad Altare, seu in ambone Ecclesiæ stantes, exposita populo excommunicationis causâ accensis candelis projectis ad terram, excommunicatum denuntiabunt publice & præcipient, ut ab ipsius communionem abstineant universi. De-

nunciare etiam debet Episcopus, eum, quem excommunicavit, vicinis Episcopis, qui ad ipsius requisitionem, talem in suis Dicecesibus excommunicatum denuntiabunt, & ipsum tanquam excommunicatum vitabunt, & a suis subditis arctius facient evitari.

Cap. LXVI. *Qui absolutionis Beneficium parvipendunt.*

Nonnulli majore excommunicatione ligati, & publice denunciati, absolutionis Beneficium parvipendunt, ex eo, quia Clerici sæculares, & Religiosi, & maxime exempti, eis non solum in communibus actibus, & extra Divinum Officium, verum etiam in Divinorum celebratione communicare præsumunt: Et si quandoque Clerici ipsi de communionem seu participationem hujus arguuntur, respondent nonnunquam mendaciter, quod talis excommunicatio ad eorum notitiam non pervenit. Quia vero excommunicatos excommunicatione majori, tam exempti, quam non exempti vitare tenentur, & si eis communicant, excommunicationem incurrunt minorem, ne sit necessarium, quod singulorum auribus singulariter inculcetur, ex quo sententia ipsa publice promulgatur; diffiniendo statuimus, quod quando excommunicationis sententia in Ecclesia Cathedrali, Synodo, Parochia propria, vel alio loco debito & parenti solemniter fuerit promulgata seu publicata, ipsi excommunicato participans se, quin hujusmodi Canonice puniatur, per ignorantiam nullatenus valeat excusare, nisi doceat, quod tempore promulgationis ipsius sententiæ fuerit extra Dicecesim, vel alibi, in tanta distantia constitutus, sic, quod ad eum talis excommunicatio non pervenit, nec potuerit verisimiliter pervenisse. Insuper ille, qui dum esset sanus corpore, absolutionis Beneficium a sententia excommunicationis, qua innodatus existit, petere negligit, seu contemnit; in ægritudinis lecto absolutionem petens, antea non absolvetur, donec ponat idoneam cautionem, quod sive convalescat, sive moriatur secundum possibilitatem suam per se, vel per alium plenarie satisfaciatur de commissio, ratione cujus fuit excommunicationis vinculo innodatus. Qui vero ex-

com-

communicatus moritur, ipsius cadaveri Christianorum communio denegetur.

Cap. LXVII. *De Verborum significatione.*

Intelligentia verborum ex causis dicendi assumenda est: quia non sermoni res, sed rei est sermo subjectus, verba ex communi usu sunt intelligenda.

Cap. LXVIII. *De Regulis Juris.*

" Dubia in meliorem partem sunt interpretanda.

" Utilius scandalum nasci permittitur, quam veritas relinquatur.

" Necessitas licitum facit, quod in lege licitum non habetur.

" Res sacræ a quoquam injuste violari non debent.

" Non iuste facit, qui ex timore servili aliquid facit.

" Defleat peccator, quia *offendens in uno (c) factus est omnium reus.*

" Non potest esse Pastoris excusatio, si lupo oves comedit, & Pastor nescit.

P R A G Æ,

Imprimebantur apud Nicolaum Straus, Anno MDCVI. accurrante Georgio Bartholdo Pontano a Bräutenbach, S. Metropolitana Ecclesia Pragensis Præposito, Archi-Episcopatus Officialis & Vicario generali.

(c) Jacobi C. II, v. 10.

*Statutum Synodale Domini ARNESTI,
Archi-Episcopi Pragensis, nondum typis datum.*

IN NOMINE DOMINI. AMEN.

ARNESTUS, DEI, ET APOSTOLICÆ SEDIS GRATIA, SANCTÆ PRAGENSIS ECCLESIAE ARCHI-EPISCOPUS; UNIVERSIS PRÆLATIS, CAPITULIS, CONVENTIBUS, DECANIS, PLEBANIS, VICE-PLEBANIS, CÆTERISQUE ECCLESIARUM RECTORIBUS, TAM RELIGIOSIS, QUAM SÆCULARIBUS, IN NOSTRA ECCLESIA, CIVITATE ET DIOECESI PRAGENSI CONSTITUTIS, SALUTEM, ET SINCERAM IN DOMINO CHARITATEM.

I. **E**T licet in libro *Constitutionum sive Statutorum Provincialium* sit præmissum, & per Nos dudum mandatum, ut in omnibus Ecclesiis tam Cathedralibus, quam Collegiatis, & in aliis Ecclesiis ruralibus dictæ nostræ Diocesis liber scriptus habeatur earundem constitutionum; tamen ne se aliquis per ignorantiam valeat excusare, ex superabundanti virtute sanctæ obedientiæ districtè præcipiendo mandamus, quatenus omnes & singuli videlicet Prælati, Capitula, & Conventus, ceterique Ecclesiarum Rectores, & Capellarum, prædictum librum constitutionum, sive statutorum Provincialium mox sibi scribi faciant, & se secundum easdem regant, plebi suæ, in quantum eas tangunt, ipsas exponendo, similiter & Ecclesia nostra Cathedralis, ac aliæ Ecclesiæ Collegiatae statuta specialia per Nos data in singulis ipsorum Ecclesiis habeant, & con-

tenta in eisdem fideliter observent cum effectu.

II. Cum enim ex injuncti Nobis Officii debito, dictam nostram Diocesisin quolibet anno visitare teneamur; omnibus personis Ecclesiasticis in Diocesi nostra constitutis innotescimus, & mandamus, ut se ad sanctæ visitationis officium præparent, quam, DEO concedente, instaurare volumus per Nos, vel per Commissarios nostros speciales tempore opportuno.

III. Inhibemus, ne ullus in Ecclesia sua Clericum peregrinum, seu ignotum ex alia Diocesi vel Provincia ad celebrationem Divinorum in publico admittere præsumat, licet literas suæ ordinationis exhibeat; nisi etiam ostendat nostras, vel nostrorum Vicariorum in Spiritualibus literas, in quibus contineatur expresse, quod in nostra Diocesi habeat licentiam celebrandi: & quod universi

E e e 3

Recto-

Rectores Ecclesiarum, seu ipsorum vices gerentes omnibus diebus Dominicis & Festivis ante sermonem seu exhortationem, quam facient ad populum, Dominicam orationem, & Symbolum Apostolorum in vulgari præmittant; & sic ab oratione, & fidei fundamento sermo, vel exhortatio incipiat, & procedat.

IV. Mandamus etiam universis Decanis, & Plebanis, ac aliis Clericis, cuiuscunque sint status, vel præeminentiæ existant, ne aliquem raptorem, proscriptum, bannitum, profigum, vel incendiarium, aut eorum rapinas in domibus suis recolligant, vel conservent, aut ipsis extra domos expensas ministrent, sive ipsorum literas, vel legationes ad quascunque personas deferant, & si quos tales invenerint, vel sciverint, Nobis, vel Officialibus nostris, seu Archidiaconis locorum eos sine mora diffugio significent: hæreticos, & quorumcunque sectarum, & ipsorum erroribus credentes, nec non receptatores, defensores, & fautores eorum Nobis, sive nostris requisitoribus hæreticæ pravitatis denuntient ex nomine, ut quod pro suis excessibus ultione condignum promant, ipsisque inquisitoribus nostris in causa fidei omni consilio, & auxilio assistant, quoties fuerint requisiti.

V. Omnibus Archidiaconis præfatæ nostræ Dicecesis in virtute S. Obedientiæ injungimus, & mandamus, ut Clericos, quos notoriis criminibus sciverint irretitos, utpote concubenarios, falsarios, contemptores sententiarum, fures, tabernarios, lutores, taxillorum, & chorearum, habitum, & tonsuram Clericalem deferentes, ac arma sine necessitate gestantes, corrigant, & etiam incarcerandi eosdem, si opus fuerit, nostram præsentibus habeant potestatem, quamdiu non duxerimus revocandum.

VI. Item, ut in omnibus Ecclesiis, Monasteriis, exemptis, & non exemptis, Festum Lanceæ & Clavorum Domini nostri Jesu Christi a Fidelibus Christi devotius celebretur; mandamus & præcipimus, ut prædictum Festum proxima feria sexta post octavam Paschæ, prout per Sanctissimum Patrem, & Domi-

num, Dominum *Innocentium sextum* Papam modernum est institutum, solemniter & reverenter per totam nostram Provinciam celebretur, in cantu nocturno, pariter & diurno nostræ Pragenſi Ecclesiæ se conformando; volentes, ut Archidiaconi & Decani locorum copiam historiæ de Festo prædicto compilare a Nobis incipiant, & suis subditis ulterius ministrent.

VII. Insuper præcipimus, & mandamus, ut ob reverentiam sacrorum Corporum & Reliquiarum, ac aliorum Sanctorum, quorum Corpora & reliquias Serenissimus Princeps, & Dominus, Dominus *Carolus Quartus* Divina favente Clementia Romanorum Imperator, & semper Augustus, ad honorem & decorem Regni Bohemiæ in Pragensem civitatem attulit, & ipsa in sancta Pragenſi Ecclesia collocata eidem Ecclesiæ donavit, perpetuis temporibus possidenda, *Festum allationis prædictarum Reliquiarum*, per nostram Archidiaconem, & Provinciam in octava sancti Stephani Protbo-Martyris, cum debita reverentia, & devotione celebretur in cantu, & legenda more, & ordine, prout in Pragenſi Ecclesia agitur, tenendo, & similiter observando.

VIII. Monemus quoque omnes Plebes, Plebanos, & Rectores Ecclesiarum, ut plebes suas informant, & inducant, ut osculum pacis post Agnus DEI per Clericum ipsis porrectum solum propter XI. dierum indulgentias per Nos dudum datas, & concessas mutuo inter se recipiant, alter alteri porrigendo; & si eos ad hoc inducere non possent, indulgemus, ut tabula cum Crucifixo in signum pacis ad osculandum deferatur.

IX. De cætero mandamus omnibus Archidiaconis, & Decanis, ut præsentis scripti seriem, seu copiam, a nostris Notariis recipiant Sigillo nostro appresso consignatam. In quorum omnium testimonium præsentibus literas fieri volumus, nostrorum Sigillorum appositione communiendas. Datum & actum apud prædictam Ecclesiam nostram Pragensem, Anno Domini MCCCCLV. (a) in die S. Lucæ Evangelistæ, Archiepiscopatus nostri anno XII.

Diligenter collatum cum suo genuino textu, in Archivo Archi-Episcopali Pragensi sub fide mea jurata asserto, per omnia concordare testor, Pragæ die VII. Octobris Anno MDCCLVII.

(L.S.)

WENCESLAUS PROCOPIUS DUCHOWSKY, Sac. Eccl.
Regiæ Capellan. OO. Sanctor. in Castro Pragensi Beneficiatus,
Notarius Apostolicus. Curia Archi-Episcopalis Pragensis Archi-
cibarius Curatus.

(a) Eodem die & anno Statuta Provincialia Ernesti edita fuisse, putat Balbinus in vita Ernesti Archi-Episcopi I. Pragensis L. II. Cap. XV. pag. 204. 205. 206. Etsi hanc Epocham nec aliquo argumento firmer, nec sollicite inquiret.

Cæterum Ernestus, Divini & Ecclesiastici juris peritissimus, annos XIV. in Academiis Bononiensi & Paduana iisdem incubuit: Curiam Romani Pontificis, Avenione tunc hærentem plus semel adivit.

Unusquisque Canonorum Ecclesiæ Metropolitanæ Pragensis, priusquam ad Statum & Capitulum admittatur, sancte jurare debet in hæc Statuta Ernesti: eadem Carolus IV. Imperator & Bohemiæ Rex aurea Bulla confirmavit.

Balbinus in vita Ernesti Lib. III. Cap. I. pag. 224. 225. Eadem extat descripta in Codice MS. Bibliothecæ Moguntinæ, ubi eam Cl. Sebannatus b. m. descripsit, sed mutilam multis Capitulis, & ad annum 1366. relatam.

CONCILIIUM SPIRENSE

Anno Christi MCCCCLVI. Innocentii VI. Papæ IV.
Caroli IV. Imp. IX.

GERHARDUS ab ERNBERG, Episcopus Spirensis, BERTHOLDUM BECKHART VON RORBACH Sacræ Scripturæ Testimoniis ab erroribus liberare conatus est, sed frustra: ergo sæculari potestati eundem tradidit: in loco supplicii denuo interrogatus? num errores detestari vellet? Respondit non posse a se suam veram fidem abjici: ergo a Iudice sæculari igne consumtus, periit.

Post hæc tempora judicabatur Spiræ Beghardus Bertoldus de Rorbach. Hic antea in Herbipoli quosdam articulos reclamaverat, videlicet: quod Christus in passione sua sic fuerit a Patre derelictus, quod præ nimio dolore dubitavit, salvarine anima sua deberet. Secundus articulus: quod Christus in cruce propter nimiam passionem & dolorem, maledixit Beatæ Mariæ Virgini. Tertius: quod maledixit terræ, quæ suscepit ejus sanguinem de Cruce. Propter præmissa fugiens, ad Diocesim Spirens. venit, ubi articulos hos veros asseruit. Addidit etiam, quod homo in hac vita in tantum proficere possit, quod nec orare, nec jejunare eum oporteret; Item: quod laicus illuminatus possit plus proficere in docendo,

& plus sit sibi credendum, quam Evangelio, aut Doctoribus Sacræ Scripturæ. Item: quod homo devotus in perceptione cibi communis possit percipere tantam gratiam, ac si acciperet Eucharistiæ Sacramentum. Et quia relapsus; tradebatur Curia sæculari, & est incineratus.

Naucleus Volumine 2do Chronographia pag. 1015. concordat Chronicon Spirensium Episcoporum Germanicum, scriptum a Philippo Simonis, Capituli Cathedralis Secretario, ex Bibliotheca Cl. D. Joannis Pistorii.

Vulgatum & impressum Friburgi in Brisgoia anno 1608.

SYNO-

SYNODUS CAMINENSIS

ANNO MCCCLVIII.

JOANNES, Dux Saxoniz Inferioris, Episcopus Caminenfis X. Synodum conscripsit . . . neque Coadjutorem seu Chori-Episcopum habuit, ut alii inter Prædecessores, sed ipsemet tam spiritualia, quam temporalia dexterrime administravit.

P. de Wua Historia Episcopatus Caminenfis Cap. XXIX.

Forte an in eadem Synodo Monasterium *MARIÆ Thronus* in memoriam Deiparæ anno 1356. ædificatum, a Bugislawo quinto & fratre, consecravit. Obiit 1372. anno 29no suæ Sedis: ætatis 43. sepultus in sua æde Cathedrali Caminenfi.

Cramer Historia Ecclesiæ Pomeraniæ Lib. II. Cap. XXVIII. pag. 71.

SYNODUS DIOECESANA MAGDEBURGENSIS

Anno Christi MCCCLXII. Urbani V. Papæ II.
Caroli IV. Imp. XIV.

THEODORICUS, Archi-Episcopus Magdeburgensis, anno suo secundo in die S. Lucie personaliter præsedet Synodo, assidentibus sibi Domino Ebro-nensi Episcopo, & Abbatibus pluribus infularis, in qua Synodo nihil gravami-

nis actum est, sed pro pace & contra pestilentiam Missas & Suffragia idem Archi-Episcopus injunxit, ad hoc nihilominus suam Indulgentiam largiendo.

Meibomius Tomo II. Scriptorum Germaniæ. Chronicon Magdeburgense.

Theodoricus, humili loco natus Stendaliæ, ex Cisterciensi Cœnobio a Carolo IV. eductus fit primo Confiliarius, dein Regni Bohemiæ Cancellarius, & Supremus Camerarius. Anno 1553. 1. Martii fit Episcopus Mindensis. Anno 1360. a Cæsare creatur Imperii Administrator & Advocatus. Anno 1361. a Carolo IV. proponitur Innocentio VI. pro Cathedra Magdeburgensi, ad cujus instantiam liberatur a vinculo Mindensis Ecclesiæ, & ad Magdeburgensem transferatur Sedem, Bulla datâ Avenione A. 1361. XII. Kal. Junii. Anno 1361. 27. Septembris aggreditur solemnî ingressu Sedem Magdeburgensem. Obiit A. 1367. 16. Decembris, sepultus in sua Metropolitana.

Cl. Lentzen Magdeburgicæ Ecclesiæ Diplomatica Historia.

CONCILIIUM EYSTETENSE (a)

SUB BERTHOLDO EPISCOPO,

Anno Christi MCCCLXIV. Urbani V. Papæ III.
Caroli IV. Imp. XVI.

REGISTRUM.

- | | |
|--|--------------------------------|
| I. De Summa Trinitate, & Fide Catholica. | IV. De prædicatione Verbi Dei. |
| II. De Hæreticis & Superstitiosis. | V. Omnis utriusque sexus. |
| III. Contra Blasphemos. | VI. De indictione Feriarum. |

VII.

(a) Impressum Eystadii anno 1484. typo Walkeri de Reutlingen: aperiente Archivium Synodaliū Statutorum Wilhelmo Episcopo Eystetenfi nobili a Reichenaw, qui obiit anno 1496. Liber extat in Collegio Augustano Societatis Jesu in 4to.

- VII. De observatione jejuniorum.
 VIII. De interdictu nuptiarum.
 IX. De examine Sacerdotum.
 X. De Sacramento Ecclesiæ.
 XI. De Baptismo.
 XII. De Sacramento Eucharistiæ & officio Missæ. Constitutio Philippi quondam Episcopi Eystadiensis XXXIXni.
 XIII. De Sacerdotibus existentibus in peccatis.
 XIV. De custodia Eucharistiæ.
 XV. Ex Statutis D. Bertholdi.
 XVI. De Sacramento Unctionis extremæ.
 XVII. De Matrimonio.
 XVIII. De Confessionibus audiendis.
 XIX. Casus Episcopales.
 XX. Forma absolutionis.
 XXI. Ne pro Sacramentis administrandis aliquid exigatur.
 XXII. De Cultu Divino perageno.
 XXIII. De Recordatione Fratrum.
 XXIV. De Regularibus. Statutum Domini Alberti.
 XXV. Ne Monachi regant Parochias.
 XXVI. De vita & honestate Clericorum.
 XXVII. Contra Concubinarios.
 XXVIII. De Adulteris & Usuariis.
 XXIX. De Libertate Ecclesiastica.
 XXX. De Captivatoribus Clericorum.
 XXXI. De spoliatis Sacerdotes defunctos.
 XXXII. De Præbendis diminutis.
 XXXIII. De Decimis solvendis.
 XXXIV. De Testamentis Clericorum.
 XXXV. De officio & juramento Decanorum.
 XXXVI. Ne quis Rectorum de causis matrimonialibus cognoscat.

XXXVII. De Quæstionariis & Litteris extraneorum Judicum.

XXXVIII. De Magistris fabricæ Ecclesiarum.

XXXIX. De Conciliis Provincialibus, & Synodalibus celebrandis. Ex Concilio Basileensi anno 1436. posteriori editioni insertum.

XL. De publicis Concubinariis. Ex Concilio Basileensi.

XLI. De excommunicatis vitandis. Ex Statutis Wilhelmi Episcopi.

XLII. De Interdictis servandis.

XLIII. De Cultu Divino celebrando.

XLIV. Quo tempore quisquis in Choro esse debet.

XLV. Qualiter Horæ Canonice extra Chorum dicende sunt.

XLVI. De his, qui tempore Divinorum vagantur per Ecclesiam.

XLVII. De Tabula pendente in Choro.

XLVIII. De his, qui in Missa non cantant Credo.

XLIX. De Pignorantibus Divinum Cultum.

L. De tenentibus Capitula tempore Missæ Majorum.

LI. De Spectaculis in Ecclesiis non faciendis. Ex Basileensi Concilio A. 1435.

Hinc liquet editionem Statutorum Ecclesiæ Eystetenensis, quæ anno 1484. impetrata est, inchoare collectionem a Concilio Bertholdi celebrato 1364., sed & posteriorum Conciliorum Canones illi innexuisse ante A. 1484. statutos.

IN NOMINE DOMINI. AMEN.

Nos BERTHOLDUS, DEI GRATIA, EPISCOPUS EYSTETENSIS. AD UNIVERSORUM ET SINGULORUM, PRÆSENTIUM ET FUTURORUM, AD QUOS PRÆSENTES PERVENERINT, NOTICIAM VOLUMUS PERVENIRE,

Quod quidem inter sollicitudines nostras ista debet esse præcipua, ut a laboribus nostris voluntariis, prout ex debito Pastoralis tenemur Officii, quietum & pacificum statum Nobis subiectis, maxime personis Ecclesiasticis procuremus. Ita quod Clerici, nostri cooperatores officii, una cum rebus ipsorum immunitate & remuneratione Ecclesiastica pacifice gaudeant. Ut qui

sponte obsequiis Divinis & Ecclesiarum necessitatibus se subiciunt, nostris provisionibus consolentur. Sane quidem quorundam laicorum non satianda cupiditas tam in vita, quam post mortem Clericorum res & bona in DEI Omnipotentis & Ecclesiasticæ libertatis offensam, præjudicium, & gravamen impudenter & potenter invadit, totaliter occupat, adeoque violenter usurpat, quod alioquin ante-

Bertholdus, Burggravius Norimbergensis, a Clemente VI. dictus Episcopus Eystetenensis sedit in Cathedra hujus Ecclesiæ ab A. 1355. ad 1365. quo obiit.

Tomus IV. Concil. German.

F f f

antequam anima migret a corpore , ablati lectis , suppellectilibus , & facultatibus aliis , relinquuntur corpora solo stratu , & quo tradantur Ecclesiasticæ sepulturæ , desit substantia ; ut nec decentes exequiæ valeant celebrari . Propter quod nonnulli Clerici sumptus inutiles faciunt & majores , dicentes , sibi nil velle in vita detrudere : ex quo post mortem rebus suis a laicis totaliter spolientur , & aggregata laboribus alieni diripiant , nec de eorum iustantia provideatur domesticis vel amicis .

Unde societates Clerici insolitas adunt , sumptus superfluos subeunt , pauperibus eroganda vane dispergunt , nec Ecclesiarum facultates , ut deberent , dispensantur .

Nos inculcatam sic sæpe querelam ad animum revocantes , laicali potentia , imo insolentia obviare , ac aviditatis & presumptionis morbo mederi , & provide providere curantes , Pastoralis suffulti presidio , deliberatione super hoc cum honorabilibus *Rabmono* Præposito , *Gotfrido* Decano , & Capitulo nostro diligenti præhabita , ipsorum accedentibus consilio & assensu statuimus , & ordinamus , auctoritate ordinaria concedimus , & presentibus indulgemus , ut omnes , & singuli Ecclesiarum Rectores , Plebani , & Viceplebani , Capellarum , & Altarium Capellani , quique Clerici sæculares nostræ Diœcesis , disponendi , & ordinandi de rebus suis mobilibus , & immobilibus , & easdem donandi , testandi , legandi , vel coram duobus testibus idoneis suum testamentum condendi , seu nominandi , & recipiendi Executores sui testamenti , qui de rebus , ut præmittitur , testantis disponere valeant , plena potestate gaudeant , & liberam habeant facultatem , prout suarum saluti congruere viderint animarum , absque tamen Ecclesiarum & Beneficiorum suorum , quas & quæ obtinebant , vel obtinent , præjudicio sive damno . Et quicquid idem nostræ Diœcesis Clerici , vel eorum Executores de rebus suis , ut præmittitur , quibuscumque disposuerint , & ordinaverint , donaverint , vel pro sua expresse sint ultima voluntate , id firmiter & inviolabiliter volumus observari , & debite executioni mandari : & nec per Nos , vel Successores , aut Officiales nostros , imo nec per quancumque per-

sonam Ecclesiasticam vel mundanam infirmari aliqualiter , vel infringi : mandantes , & firmiter injungentes , ac presentibus inhibentes omnibus & singulis presentibus & futuris , Nobilibus & ignobilibus , personisque Ecclesiasticis & mundanis , & specialiter nostris & Ecclesiæ nostræ Castellanis , officiatis , Judicibus , præconibus , nec non quibuscumque aliis , cujuscumque conditionis seu status existant , jurisdictionem a Nobis vel nostris Successoribus obtinentibus ; ne quis quempiam Clericorum nostræ Diœcesis cujuscumque gradus , conditionis , vel ordinis , in personis vel rebus , & contra prædictam libertatem perturbet , invadat aliquomodo , seu molestat in vita vel in morte . Siquis autem contra hanc nostram libertatem statutum seu ordinationem attemptare præsumserit , Omnipotentis DEI indignationem se noverit incursum , & nostram seu Successorum nostrorum non effugiet ultionem . Talemque ut rerum Ecclesiasticarum spoliatores per nostrum vel Successorum nostrorum Vicarium in Spiritualibus , vel Officiale Curie Eyslerensis , qui pro tempore fuerint , usque ad restitutionem ablatarum , & satisfactionem condignam excommunicari volumus , & taliter procedere nihilominus contra ipsum mediante justitia juxta sacrorum Canonum sanctiones , ut quem timor DEI a malo non revocet , Ecclesiasticæ saltem coerceat severitatis disciplinæ . Siquis vero Clericorum nostræ Diœcesis , ut præfertur , propriæ salutis immemor , suum testamentum coram duobus personis fide dignis taliter non conderet , & intestatus decederet , Volumus , & statuimus , quod de ejusdem intestati rebus , & bonis relictis , siquid ultra solutorum debitorum , & exequiarum suarum celebrationem supererit , disponatur per Nos , vel Successores nostros secundum sacrorum Canonum & antiquorum Patrum sanctiones , ac etiam secundum consuetudinem , per *Episcopos Prædecessores* nostros hætenus observatam . Volumus etiam , quod in perpetuam hujus nostræ libertatis concessionis , & constitutionis memoriam per singulos Decanatus nostræ Diœcesis , singuli Decani , Camerarii , Plebani , & alias quomodolibet Beneficiati , qui hac gaudere voluerint libertate , semel dun-

taxat in anno, videlicet secunda feria proxima post octavas Corporis Christi convenient ad unam Parochialium Ecclesiarum, vel ad duas, si convenienter ad unum locum omnes venire non poterint singulis annis & perpetuo, & nihilominus ibidem duas Missas cum nota, Primam pro Episcopis Benefactoribus, & fidelibus defunctis, Secundam pro salute vivorum Episcoporum & Benefactorum, & pacifico statu Ecclesiæ; Alii vero Sacerdotes omnes & singuli alteram earundem Missarum sine nota, prout uniuscujusque conscientia dictaverit & devotio, devote celebrent & attente. Mandamus etiam firmiter & districte in virtute sanctæ obedientiæ: quatenus singulis annis & in talibus congregationibus copia hujus nostræ Constitutionis per Decanos & Camerarios legatur publice & aperte: insuper strictissime prohibemus, ne in talibus congregationi-

bus ulla fiat per Clericos & Sacerdotes enormitas vel excessus: cum vita Clericorum esse debeat laicorum & simplicium forma & specula. Unde sic unusquisque, cui Deus suum talentum credidit, & dispensandum tradidit, caute videat, ne vel scandali alieni quoque reatus & occulti suis propriis excessibus cumulentur. In quorum omnium testimonium & perpetuam roboris firmitatem præsentem literas conscribi, & Nostri, ac etiam Capituli nostri supradicti sigillorum appensione fecimus communiri. Datum & actum Eyster. Anno Domini Millesimo, trecentesimo, sexagesimo quarto, in crastino Sancti Martini Episcopi & Confessoris.

Job. Henr. de Falckenstein inter Episcopatus Eichstadiensis Statuta Diocesana A. 1733. excusa Francofurti & Lipsiæ post Codicem Diplomaticum Nordgavicum pag. 45.

CONCILIIUM PROVINCIALE MAGDEBURGENSE

Anno Christi MCCCCLXX. Gregorii XI. Papæ I.
Caroli IV. Imp. XXIV.

AB (a) ALBERTO II. MAGDEBURGENSI ARCHI-EPISCOPO
CELEBRATUM,

*In quo simul Antecessorum suorum, notanter BURCHARDI III.
Archi-Episcopi, Statuta innovantur.*

ALBERTUS, DEI GRATIA, SANCTÆ MAGDEBURGENSIS ECCLESIAE
ARCHI-EPISCOPUS, UNIVERSIS PRÆLATIS, CAPITULIS, CONVENTIBUS,
CLERO, ET CLERICIS, AC CHRISTI FIDELIBUS TAM RELIGIOSIS, QUAM
SÆCULARIBUS SEXUS UTRIUSQUE, PER NOSTRAM MAGDEBURGENSEM
PROVINCIAM VENERABILIBUS CONSTITUTIS, IN DOMINO SALUTEM,
AC PRÆSENS OPUSCULUM GRATANTER ACCEPTARE, LECTIONIS
STUDIO FREQUENTI MEMORIÆ COMMENDARE, ACCEPTA-
TUMQUE DISTRICTIUS EFFECTUALI OBSERVANTIA
ADIMPLERE.

Licet a diversis nostris Prædecessoribus, Conciliis diversis celebratis, per quæ tam Clericorum, quam laicorum status resplendet adornatus; vitiis plurima Statuta & diversa Provincialia, repulsis, scandalis refecatis, & nocivis qui-

(a) Anno 1368. Dom. 1. Adventus introducitur Magdeburgum Albertus Bohemus, a Papa rogatu Caroli IV. ex Episcopo Olomucensi Magdeburgensis nominatus Archi-episcopus. Anno 1372. ab Archi-Episcopatu Magdeburgensi ad Episcopatum Leitomischlensem transit. *Lentzen pag. 337. ad 340.*

Tomus IV. Concil. German.

F f f 2

quibuscumque eminus profugatis, edita & promulgata pervenerunt in lucem. Et quanquam felicitis recordationis BORCHARDUS, Prædecessor noster novissimus, & tali nomine designatus, omnium Prædecessorum suorum, & nostrorum, Statuta, in unum collecta opusculum, sub certis rubricis adunasset, tamen modum & formam, quam alii Archi-Episcopi in suis Statutis Provincialibus digne servarunt, prætermisit observare, causa congruenti ipsum pro temporis tunc concurrentis dispositione movente. Nos vero, Ordinem & Rubricas positas in Constitutionibus Sacræ Rom. Ecclesiæ, quam sequi expedit, quia ex ipsa sola veritas conspiciatur, sequi volentes, quia turpis est pars, quæ suo minime conformatur universo, Statuta Provincialia prædicti BORCHARDI, & aliorum Prædecessorum nostrorum, & quæ ipsis *in hoc præfenti Concilio* per Nos edita, de consensu & approbatione Venerabilium Fratrum nostrorum, & Coepiscoporum nostræ Provinciæ: *Missiensis, Merseburgensis, Nuemburgensis, Havelbergensis, & Brandeburgensis*, adjecimus, aliis statutis Prædecessorum nostrorum immutatis, ac in melius reformatis, aliis etiam penitus refecatis, prout tempus exposcit, & causarum de novo emergentium facultas requirit ordinare, secundum Rubricas, & juxta Ordinem in Constitutionibus Romanæ Ecclesiæ observatum, præfenti opusculo fecimus inscribere minutatas, ut legentibus Provinciæ subditis; qui ad ipsorum observantiam astricti tenentur, facilius sit aditus, & statuta ipsa, cum casus ipsorum, vel aliquis eorum in dubium venerit, facultas inveniendi sit. Statuta autem Prædecessorum nostrorum quæcumque, & cujuscumque tenoris existant, etiam Nostra, præfenti quæ volumine minime reperiuntur inserta, & præfentibus annumerata, volumus habere pro cassatis & rejectis, nec quemquam de nostra Provincia ad ipsorum observantiam in iudiciis vel extra, in actibus suis, sed duntaxat ad ea, quæ in præfenti volumine continentur, fore obligatum.

I. De Summa Trinitate, & Fide Catholica,

(b) Quæ propter sui exquisitissimam & probatissimam perfectionem, ac clarissimam & lucidissimam veritatem, adjectione vel declaratione ulla non indigent, ad quæ in primis tanquam principium, medium, & finem salutis omnium, corda, manus, & oculos elevamus devoti, nihil aliud est credendum, tenendum, vel dicendum, nisi quod Romana credit, tenet, docet etiam piissima, sanctissima, & prudentissima Mater nostra, ita tamen, ut omnes Prælati articulos Fidei principales fideliter suos subditos doceant, laicos simpliciter credere, sicut Ecclesia, (*) explicite & distincte.

(c) In primis igitur statuimus: ut si aliquis Clericus, vel laicus, utriusque sexus, cujuscumque dignitatis, religionis, vel status existat, ausus sit præsumptione damnabili publice prædicare, vel occulte docere, credere, vel tenere, quod Sacerdos in mortali existens peccato non possit conficere Corpus Christi, seu sic ligatus non possit solvere, ligare suos subditos a peccatis, pro hæretico & incredulo habeatur. Quem errorem *hujus sacri Concilii approbatione* damnamus, anathematizamus, & penitus reprobamus, cum sacra Scripturæ dicat auctoritas: quod siue bonus, siue malus sit Minister, per utrumque Deus effectum gratiæ confert; non enim, quæ sancta sunt, coinquinari possunt, nec ipsa Sacramenta potest hominum malicia prophanare. Unde Sacerdos, quantumcumque pollutus existat, Divina non potest polluere Sacramenta, quæ purgatoria cunctarum contagionum existunt; licite ergo a quocumque Sacerdote, ab Ecclesia tolerato, Divina Mysteria audiantur, & alia recipiantur Sacramenta Ecclesiastica.

II. De Constitutionibus.

(d) Canonum Statuta primum, & demum Constitutiones Provinciales, tam a nostris Prædecessoribus, quam a Nobis editas, & præfentibus insertas, ab omnibus sciri ac inviolabiliter custodiri mandamus, sub obtentu jurium & honorum

(b) Albertus Archiepisc. ex Concil. Magdeburg.
(d) Idem ibid.

(*) Clericos vero

(c) Idem ibid.

norum eorum; post præsentem publicationem ignorans ignorabitur, & negligens negligetur.

(e) Statuimus: ut præsens libellus de Constitutionibus Provincialium in singulis Ecclesiis Cathedralibus sub sigillo nostro, ac deinde in aliis Collegiatis, & Conventualibus nostræ Provinciæ, infra tres menses à publicatione præsentium computandos, sub sigillo Diœcesanorum, sine excusatione qualibet, habeatur conscriptus, & in Choro jaceat, ut sic patere possit cuilibet legere seu videre volenti. Ut autem communis utilitas in prædictarum constitutionum in notitiam luculentam cunctorum deveniat; Venerabilibus Fratribus, & Coepiscopis nostris injungimus & mandamus in virtute sanctæ obedientiæ, quatenus ipsas mox scribi faciant, ac anno quolibet in singulis eorum Synodis injungant toti Clero, ubi sic commodè fieri poterit, aut alibi legi faciant, & injungant subditis suis, ut eas quilibet sibi procuret, & tenorem earum memoriæ recommendet, & maxime Archidiaconis, & suis subditis, scilicet: ruralibus Archi-Presbyteris, & Presbyteris hoc injungant. Nos insuper, de omnipotentis Dei misericordia, & Beatorum Petri, & Pauli Apostolorum ejus auctoritate, nec non *Mauritii, & ejus Sociorum*, Patroni nostri, meritis confisi, omnibus vere pœnitentibus & confessis, qui eas sibi comparaverint, legerrint, aut legi audierint, quotienscumque hoc fecerint, XL. dies de injuncta sibi pœnitentia relaxamus.

(f) Præsenti statuto, *sacro approbante Concilio*, ordinamus, & mandamus districte observari, ut quilibet Episcopus cum suo Capitulo nostræ Provinciæ pro se, ac suis Capitularibus, Prælati, Religiosis, & sæcularibus, ac generaliter pro Clericis suæ civitatis, & Diœcesis universis procurent, & habeant, sine defectu, constitutionem felicitis recordationis *Friderici, & Caroli IV.*, Romanorum Imperatorum, quam & Nos cum nostro Capitulo, eo modo servare intendimus, & quantum possumus, nostros Successores exhortamur, sub Bulla Papali perpetuo durare. Volumus etiam, ut quater in anno quilibet Curatus civita-

tis & Diœcesis nostræ Provinciæ, videlicet: Dominicis diebus immediate quatuor tempora sequentibus, suis Parochianis infra Missarum solemniam eandem pronuntiet publicando in lingua teutonica, & suos Parochianos ammoneat diligenter, ut sibi caveant, ne in pœnas dictæ *Caroline* incidant laqueati. Volumus autem & mandamus, ut in singulis Synodis Episcopalibus, Prælati, & Clerici universis, ibidem præsentibus dicta Carolina diligenter publicetur, quam in præsentis statuto in fine volumus de verbo ad verbum annotari. (g)

III. De Rescriptis.

Cum secundum legitimas sanctiones, Præses Provinciæ delegatos Principes, ad ipsius Provinciam declinantes, non debeat ex officii debito sinere amplius facere, quam eorum legatio intendat;

(b) Attendentes, quod judices delegati a Sede Apostolica, & a Legatis a Latere, vel aliis Legatis, conservatores deputati, gratiarum Executores, vel ab eis subdelegati Judices, subconservatores, vel subexecutores deputati, communiter vel divisim, potestatem eis habitam & mandatorum suorum fines transseundum multis modis, & fraudibus exquisitis etiam Bullæ Apostolicæ, per nonnullos iniquitatis filios falsificantur, vel etiam alias ipso jure sunt nullæ. . . cum ergo processus, earum auctoritate fulminati, sunt ipso jure & facto nullæ, nec quis ad earum executionem observantiam tenetur obligatus, diversos fulminant processus, limites sui mandati excedentes, locum Ecclesiastico interdicto, seu cessationi generali, pro rebus mobilibus, vel pro pecuniaria summa supponentes; Unde, sacro approbante Concilio, statuimus: ut nullus Plebanus, seu Vicarius, vel quicumque alius Clericus vel Prælatus citationem, seu processum aliquem a Judice legato Sedis Apostolicæ, vel subdelegato ipsius, vel a Legato dictæ Sedis Apostolicæ, etiam a latere, gratiarum executoribus, vel conservatoribus, vel ab ipsis communiter subdelegatis, vel divisim sibi directo, de citando quemcumque, monendo, vel trahendo &c. aliquatenus exequantur, nisi

F f f 3

(e) idem ibid.
(b) idem ibid.

(f) idem ibid.

(g) desideratur in MS.

nisi fuerint per *vidimus* Diœcesani approbati, pro quo *vidimus* Officialis, Episcopi, vel alius, qui hoc officium habet exercere, non amplius accipiet, quam III. solidos denariorum communium, & in illa Diœcesi currentium; contrarium faciens sit ab ingressu Ecclesiæ suspensus, quousque parti sic indebite exactionatæ duplum restituat.

Statuimus etiam: rescripta conservatoria Papalia, litteras gratiarum Legatorum quorumcumque, & subdelegationes, prædictis Officialibus, vel aliis, qui hoc officium gerunt per nostram Provinciam, pro examinatione diligenti faciendâ, & ut evitetur omnis falsitas & corruptela, exhiberi debere. Si autem contingit quemquam Plebanum, Curatum, seu Clericum, etiam in dignitate constitutum, in civitatibus & Diœcesibus nostræ provinciæ, per Iudices delegatos Sedis Apostolicæ &c. citari vel vexari pro eo, quod sine *vidimus* suæ Diœcesis eorum citationes & processus alios quoscunque, requisiti spreverint recipere, & executioni debitæ demandare; ex tunc Episcopus, cui prædicti Plebani, Curati, & alii Clerici subsumunt, & in cuius civitatibus & Diœcesibus nostræ provinciæ sunt Beneficiati, ipsos totius Cleri sumptibus & expensis defendere non tardabit, cum ad ipsum spectet, & suam defendere jurisdictionem teneatur; nihilominus, si Episcopus in præmissis negligens inveniatur, subdito, si quæ damna receperit, & expensas fecerit, ad arbitrium nostrum, vel nostri in Spiritualibus Vicarii sibi plenarie restituat, & cum effectu.

IV. De Electione.

(i) Item; quamvis provisum sit Canonice de illis nondum in sacris Ordinibus constitutis, quibus d. Ecclesiis Parochialibus providetur, & qui tales Parochiales Ecclesias ea de causâ dumtaxat recipiunt, ut eas bonis, & rebus inventis in eisdem, mobilibus præcipue (taceamus de alienatione rerum immobilium) possint spoliare; etiam fructus universos primi anni, infra quem deberent ad Sacerdotium promoveri, recipiunt, in usus suos convertunt minime promoti, dictas Parochiales Ecclesias sic spoliatas &

defraudatas tacite resignando vel expresse Patronis earum, & Collatoribus. Volumus autem jus, quod in casu illo providit ad permutantes infra annum, siue sint promoti, siue non, prorogari, ita ut bona inventa in dotibus Ecclesiarum prædictarum apud Ecclesias tales debeant sine qualibet diminutione suis Successoribus remanere pro eorum sustentatione. In præmissis vero reperti culpabiles, & delinquentes a perceptione Beneficiorum, quæ obtinent in Provincia nostra, volumus esse suspensos, nec fructus ipsorum posse facere suos, nec in utilitatem suam debere convertere, donec ablata Priori Ecclesiæ cum omni restituant integritate.

V. De scrutinio in Ordine faciendo.

(k) Statuimus: ad terrorem malefactorum, ut universi Episcopi Provinciæ Magdeburgensis, ac eorum Vicarii, quando volunt, & debent ordines celebrare, committant Examinatoribus Clericorum ordinandorum, sub anathematis interminatione, ut inter cætera perquirenda fidei diligentia perquirant, sub obtentu honoris percipiendi, a singulis ordinandis, Religiosis cujuscunque Ordinis, vel secularibus, ut, si Patres, avi, ac progenitores eorum, usque ad quartam lineam ascendentem, captivaverint, captivatum detinuerint, occiderint, mutilaverint, proscripserint, banniverint, diffidaverint Clericum in sacris constitutum, & pro Clerico se gerentem, etiam si in minoribus fuerit constitutus, & pro tali se gerebat, habitum, & tonsuram deferentem; eum, quem in aliquo præmissorum affectum per aliquem progenitorum fuorum usque ad lineam memoratam invenerint, si factum istud sit notorium, vel scitum in loco nativitatis suæ, nulloatenus admittant. Prælati vero, vel eorum vices gerentes, quorum interest investire, vel instituere præsentatos, ante investituram vel institutionem cum summa diligentia de his quærant, & quos tales invenerint, vitio progenitorum laborantes, de quo præscriptum est, nullo modo instituant, vel investiant ad aliquod Officium Ecclesiasticum, etiam dignitatem, & si tales quovis modo per negligentiam ordinantium fuerint ordinati, vel

(i) idem ibid.

(k) idem ibid.

vel per propriam taciturnitatem, cum de hoc constiterit; sint ab Ordinibus sic susceptis suspensi, & maneat, donec a suis Diœcesanis dispensationem meruerint obtinere. Instituti etiam in Beneficio, vel in claustris professi, vel Monasterio oblati, sint ipso facto, jure quod habent in Beneficiis, privati: oblato vero & professi a dictis claustris expellantur, vel saltem suspensi maneat ab Ordinibus sic susceptis, donec Diœcesani sui cum eis dispensaverint, ipsorum meritis, & laudabili eorum conversatione hoc exigente, & cum Beneficio institutis etiam Diœcesani, prout viderint expedire, habeant plenam in his potestatem dispensandi: Examinatores insuper, & Prælati, ac eorum vices gerentes, qui secus in præmissis agere præsumpserint in futurum, per suos Superiores immediatos suspensionis sententia percellantur, alias etiam pro tanta negligentia per Diœcesanos suos Ordinarios graviter puniendi.

VI. De Renuntiatione.

(l) Nullus Ecclesiam vel Beneficium Ecclesiasticum dimittere, vel recipere præsumat, sine Superioris sui auctoritate, qua sub pœna suspensionis, omnibus firmiter inhibemus, etiam quodcumque fuerit, Curatum, vel non Curatum, quod ea de causa recepit dumtaxat, ut sub ipsius titulo ad sacros Ordines, & ad Sacerdotium promoveatur. Nam decens est, ut in recipiendo Beneficia Ecclesiastica, Canonum statuta observentur, sic & pari modo in dimittendo, & in renuntiando Beneficio, seu Beneficiis Ecclesiasticis, debent Canones observari.

VII. De Temporibus Ordinationum.

(m) Statuimus, quod nullus ad examinationem aliquatinus admittatur, nisi ante confiteatur omnia sua delicta idoneo Sacerdoti: & quia pauci sunt, qui sua delicta, vel sequelas intelligant delictorum, ideo per discretum Confessorem debet instrui ordinandus, & talem, seu tales, Vicarius Episcopi, qui statuta Canonum non ignorat, seu alios idoneos pro ordinandis, secundum ipsorum pluralitatem, seu paucitatem, tempore ordinationis deputabit, etiam in loco, ubi

continget Ordines celebrari, vel Vicario in Pontificalibus, qui Ordines celebrabit, si de ejus puritate conscientie confusus fuerit, tribuet facultatem ordinandos in confessione expediendi. Et talibus Confessoribus injungimus, sub interminatione maledictionis aeternæ, ut ordinandos, quos invenerint repellendos in foro suo, id est: animæ, ubi factum est occultum, amoneant, ne quovis modo ad Ordinum susceptiones procedant: si autem casus eorum non præstaret eis perpetuum impedimentum, sed esset dispensabilis per Episcopum suum, vel Papam, vel per alios, sicut Archi-Episcopum, vel per Cardinales, certis in casibus eis specialiter reservatis, pro dispensatione remittant ad eosdem Superiores obtinenda.

VIII. De Clericis peregrinis.

(n) Nullus in Ecclesia sua ignotum, seu peregrinum de alia Diœcesi venientem ad celebrationem Divinorum in publico præsumat admittere, licet formatas, seu litteras suæ ordinationis exhibeat, nisi & ostendat litteras Diœcesani Episcopi, vel ejus Vicarii, in ejus Diœcesi se petit admitti, in quibus contineatur expresse, quod in ejus Diœcesi in Spiritualibus habeat licentiam celebrandi; ne ignoti, & de longinquo venientes, qui frequenter sunt apostatæ, criminosi, & irregulares in sua temeritatis malitia foveantur, & tribuatur audacia Divina prophanandi. Contrarium facientes in una marca puri, & defæcati argenti, pro admissione qualibet per loci Archi-Diaconum puniantur: si vero Archi-Diaconatus non habeatur, per loci Diœcesanum, vel ejus Vicarium in Spiritualibus, cujuscumque etiam dignitatis fuerit, Abbas; Præpositus, seu Decanus, medietatem, reliquam vero medietatem fabricæ Cathedr. Ecclesiæ convertendam.

IX. De officio Ordinarii.

(o) Cum quilibet Archi-Episcopus, & Episcopus, Canone disponente, teneatur Dominicis diebus singulis, & Festivitatibus aliis, præsertim luminis, in Ecclesia suo populo sibi credito se præsentem exhibere, Missam celebrare, verbum Dei proponere, Indulgentias dare, unde

(l) idem ibid.
(o) idem ibid.

(m) idem ibid.

(n) idem ibid.

unde præcipimus: ut quilibet Episcopus nostræ Provinciæ, maxime in summis Festivitatibus, nisi necessitate prohibente, vel causa rationabili excusante, sit præsens in Ecclesia sua Cathedrali, verbum Dei proponat, vel se præsentem per alium idoneum proponi faciat, & Indulgentiam populo det, Missam in eadem Ecclesia devotius celebrando.

(p) Post hæc statuimus: ut singuli Episcoporum nostræ Provinciæ suos carceres habeant juxta Ecclesiam Cathedrali, pro Clericis dumtaxat, & specialiter. Itaque nullatenus cum furibus, & aliis ultimo supplicio deputatis, vel deputandis Clericis detineantur, sed in carceribus, in quibus falsarii Clerici, vel Monachi incorrigibiles, & apostatæ, vel alii, qui hoc meruerunt, recludantur perpetuo, vel ad tempus, prout eorum exposcerit excessus, ad quod efficacius consequendum aliæ Ecclesiæ, si opus fuerit, subsidium conferant & juvamen; Episcopus tamen cum suo Capitulo carcerem procurabit apud Ecclesiam majorem, vel in alio loco congruo, & custodem carceris unum, vel plures, secundum quod opus fuerit, suis sumptibus & expensis, juratos tamen prius, quod fideliter velint præesse incarcerationis, & eos custodire diligenter, & humaniter tractare, deputabit, & de expensis nihilominus etiam incarcerationis providebit, juxta Canonum Præcepta, in victu pariter, & amictu.

X. De Officio delegati.

(q) Qui frequenter injuriati Clerici sæculares, vel Religiosi, facultatibus destituti, vel minus idonei, etiam si eis rerum affluentia favit copiose, vel metu concussi, & tali, qui merito cadere debet in conitantes virum, contra suos Injuriatores pro justitia consequenda cum satisfactione debita non præsumunt actionem intentare: statutorum nostræ provinciæ etiam Executores in civitate, vel Diocesi deputati, ubi Clerico, vel Religioso injuria illata est, injuriantium potentiam perhorrescentes, contra tales, requisiti per dictos Clericos, vel ex suo Officio procedere, & processus fulminare formidant; Ne ergo Injuriatores & Cle-

ricis sæcularibus, seu Religiosis injuriam seu violentiam, & bonis Ecclesiarum suarum in suis juribus, & libertatibus, familia, consanguineis, nepotibus, vel neptibus inferentes, transeant impuniti, & de suæ temeritatis violentia commodum reportent, gloriantes cum illis, qui *latentur cum malefecerint*; Sacro igitur approbante Concilio, præsentis statuto ordinamus: ut Clerus cujuslibet civitatis, & Diocesis nostræ Provinciæ habeat unum, vel plures Procuratores Fiscales, quos etiam in locis congruis, & securis, ubi Tyrannorum potentiam non habeant formidare, Episcopus loci cum consensu sui Capituli, Prælatorum, & sanioris partis Cleri suæ civitatis, & Diocesis deputabit, qui Clericorum sæcularium, Religiosorum injuriam, & Promotores Curie, cum Clerici injuriati sæculares, vel Religiosi propter inopiam vel injuriantium potentiam, suam justitiam contra injuriantes prosequi non præsumunt, dictorum injuriatorum justitiam coram Executore loci *Karoline*, vel *Urbanie* prosequi festinabunt; & requisiti procurarent processum juxta statuta nostræ Provinciæ cum suis pœnis contra injuriantes & usque ad satisfactionem congruam promulgari, & per subditos nostræ Provinciæ arctius observari: prædicto vero Procuratori Fiscali, seu Procuratoribus, Episcopus loci, & per quem suo Clero fuerit, vel fuerint deputati, eis de expensis, quas in prosecutione injuriarum, & pro injuriatis Clericis, vel Religiosis facient, si injuriati prædictis Procuratoribus de stipendio congruo pro suis laboribus, & expensis satisfacere noluerint, seu inopia eos excusante non potuerint, providebit.

(r) Congruum reputamus, & consonum æquitati, quod Executores statutorum nostræ Provinciæ, sibi debeant, necessitate seu utilitate urgente, in vicem suffragari; unde præsentis statuto sanximus: quod quilibet Executor, dum super processibus, & sententiis per eum in sua Diocesi factis, & habitis, Executorem alterius Diocesis super eis publicandis, ac etiam observandis duxerit per suas litteras requirendum, quod idem requisitus, occasione postposita, nisi in-

(p) Idem ibid.

(q) Idem ibid.

(r) Borchardus Archiepisc. ex Concil. Hallensi.

(r) Borchardus Archiepisc. ex Concil. Hallensi.

necessitate indispenfabili se excufare vo-
lent, requifitionem admittre teneatur.

(r) Si Executor in aliqua Diœcefi
noſtræ Provinciæ deputatus, executionis
ſuæ miniſterium facere negligat, ſeu de-
neger conquerenti, & potiſſimum per
Procuratorem ſcicalem requiſitus, ad in-
ſtantiam injuriam paſſi, ſeu pro eo: ex
tunc ad Epifcopum loci Ordinarium in
caſu hujusmodi recurratur, qui Execu-
torem ſuum pro commiſſa negligentia
corrigat, & ad faciendum debitam exe-
cutionem compellat, adjicientes: quod
nec per Nos, nec per Coepiſcopos no-
ſtros ſententiæ Executorum rite & ratio-
nabiliter latae, de factò poſſint vel debeant
revocari, nec eorum officium aliquali-
ter impediri.

(t) Cum Statutorum noſtrorum
remediis intendamus, contra notorias
injurias & violentias, provide decerni-
mus: quod Executors Statutorum hu-
jusmodi ad ea, quæ judicialem indagi-
nem exigunt, ſe nullatenus intromittant,
nec ad talia, quæ ordinem judicium
requirunt, ſuam extendant aliquatenus
potestatem, quia in talibus juris & judi-
cium ordinem ſervare juxta Canonum
inſtituta expedit & rigorem.

(u) Plerumque tamen id, quod no-
torium aſſeritur, apud Executorem no-
torium non habetur, & ob hoc teſtes
quinque producuntur a parte, ut Exe-
cutori de notorio fides fiat; unde a qui-
busdam revocatur in dubium; an exe-
cutor exceptiones propoſitas contra teſ-
tes productos ad notorium oſtenden-
dum admittre teneatur; & licet ſuper
eo diverſi Doctores ſentire diverſimode
videantur, quibusdam aſſentientibus, ex-
ceptiones hujusmodi debere admitti,
aliis vero affirmantibus, ipſas in caſu hu-
jusmodi repellendas; Nos tamen decer-
nimus & declaramus, illi opinioni fa-
vore Eccleſiarum, & Eccleſiaſticarum
perſonarum potiùs adharendum, quæ
exceptiones tales aſſerit non eſſe contra
teſtes hujusmodi admittendas; tales
namque ad judicem ordinariæ proceden-
tem, non autem ad Executorem, qui
circa notoria intendit, pertinere videntur:
niſi exceptiones, objectæ adeo forent

ſufficientes & notoriæ, quod nulla poſ-
ſent tergiverſatione celari, quod diſcreti
executoris arbitrio duximus relinquen-
dum.

XI. De Majoritate & Obedientia.

(x) *Sacro approbante Concilio*, ſtatu-
mus: ut nulli Clerici Nobilium Capella-
ni, in Capellis caſtrorum Dominorum
ſuorum celebrare præſumant, ſeu con-
ferre Sacramenta Eccleſiaſtica, niſi ante
Epifcopo loci, ſi dictæ Capellæ ſubſint
Epifcopo immediate, & ad eas habeat
inſtituere: vel alteri Plebano, Archi-
Diacono, Præpoſito, Decano Rurali,
qui habeat jus in dictis Capellis, manua-
lem obedientiam faciant, & ad Synodos
veniant, & Capitula, certis temporibus
& ſtatutis, recepturi, & mandata Ec-
cleſiaſtica; & prædicaturi ſuis Dominis
& eorum Caſtrenſibus, Secundum quod
fuerit oportunitas: cum Plebani, in quo-
rum terminis caſtra conſiſtunt, hoc fa-
cere frequenter non audeant propter
tyrannidem Dominorum. Qui autem,
ante obedientiam ſic præſtitam Prælati,
ut præmittitur, quibus ſubſint imme-
diate, Capellas tales officiari præſump-
ſerint, ſint ipſo factò excommunicati,
& nuntientur per Eccleſiarum Rectores
tanto tempore, quousque ſatiſfaciant &
obediant, ut dictum eſt.

XII. De his, quæ vi, metus &c.

(y) Cum obedientia potentiſſime
meritum vitæ conferat, & victimis præ-
fertur, in quibus aliena caro, ſed in ipſa
propria Deo conſecratur; nonnunquam
plures Plebani, Sacerdotes, & Clerici
hoc minime attendunt, & cum eis Su-
periorum mandata diriguntur, etiam
pro executione debita faciendâ requiſiti,
tanquam vano metu concuſſi, & talem
allegantes, ipſa mandata ſeu proceſſus
exequi, & debitæ executioni mandare,
in ſuarum animarum periculum con-
temnunt, pœnas diverſas Eccleſiaſticas
frequenter, & legales aliquando ob hoc
miſerabiliter incurrunt laqueati, & dum
pro Chriſto, & ipſius Sponſa, Sancta
Matre Eccleſia, cujus ſtipendio, & Chriſti
patrimonio laute reſciuntur ſaginati, ex
adverſo aſcendere, ac pro libertatibus

con-

(r) Idem ex eodem. (t) Idem ex eodem.

(x) Albertus Archiepiſc. ex Concil. Magdeburg.

(u) Idem ex eodem.

(y) Idem ex eodem.

conservandis bellare refugiunt; quapropter censura Ecclesiastica contemnitur, nervus disciplinæ Ecclesiasticæ dissolvitur, clavium potestas ludibrio fit & vilescit; *Sacri* hujus igitur *Concilii* provida deliberatione sanximus diffinientes: ut nullus Prælatorum, Plebanorum, Curatorum, seu Clericorum nostræ Provinciæ debeat se excusare, quo minus requisitus, ad executionem mandatorum suorum Prælatorum &c. procedant, & debite exequantur, & ipsi eadem observent, & per suos faciant observari: etiam si pœnas & censuras contineant Ecclesiasticas, seu legales, etiam si metum corporum & rerum suarum temporalium amissionem pro sua allegent excusatione inantea: cum revera quisque Prælatus, Plebanus, Curatus, & Clericus (taceamus de laicis) potius debet omnia mala pati præsentis status, quam malum inobedientiæ incurere: etiam si per idoneos testes coram Superiore, a quo mandata & processus diriguntur, se offerunt paratos ad probandum hujusmodi metum: in his enim, quæ in non faciendum consistunt, utpote cum mandatur non communicare cum excommunicatis, non celebrare in locis interdictis, aut coram majoris sententiæ excommunicatis, seu aliis hujusmodi, nullus omnino, nec rerum, nec corporum, probatus metus, quemquam possit vel debeat excusare a talium observatione firmiter & intrepide exequenda. Quia melius est viam veritatis non agnovisse, quam ut quis post agnitam ab ea discedat, ut prophanus & idololatra sceleratus.

XIII. De alienatione Judicii mutanda &c.

(2) Quia plerumque cessiones actionum in fraudem fiunt, aliquando vero pure & simpliciter ex causa legitima, vel ex causis, statuimus: ut cessiones actionum, quæ justis causis, vel causa procedunt, in præsentia ipsorum Episcoporum, vel Judicum, vel Officialis ipsorum, & de licentia eorundem, si subsint legitimæ causæ, fiant; jurent etiam, cedentes, quod non simulare, sed vere cedunt, alioquin secus (*) stans decernimus non tenere.

(a) Et quia quidam propter potentiam, quidam propter crudelitatem

magnam personaliter citari non possunt, quidam etiam, qui in castris habitant, ita quod nulla propter eorum tyrannidem citatio ad eos pervenire, vel aditus haberi securus subinqueat; idcirco provida & necessaria deliberatione statuimus: ut contra tales citationis edictum apud Parochialem Ecclesiam ipsorum publice & legitime proponatur; quod si Parochialis Sacerdos eos citare non possit, & hoc coram Superiore, non simplici vel proprio juramento, sed iustis probaverit documentis; in Cathedrali Ecclesia tribus Dominicis diebus continuo citentur in ambone, dummodo citandi infra unam dietam sint a Cathedrali Ecclesia distantes: alioquin ad tres quindenae solempniter evocentur, & ex tunc contra hujusmodi, ac si personaliter citati fuerint, procedatur; ne ex malitia hujusmodi valeant commodum reportare.

XIV. De foro competenti.

(b) Præterea, quidam crudeles homines & perversi, dum ad forum Ecclesiasticum in causis etiam, in quibus habet Ecclesia merito judicare & cognoscere, ab actoribus evocantur, illius auctoritatis, qua dicitur: *Qui (c) bonorat missum mittentem bonorat*, immemores existentes, Nuntios Ecclesiasticorum Judicum, citationis, executionis, vel alias judiciales, & jurisdictionis litteras deferentes, verbis quandoque probrosis, & diris verberibus afficientes, quosdam etiam captivos vulnerantes, mutilantes, & nonnullos occidentes, alios interdum suis rebus temere & publice spoliantes, multipliciter afficiunt, & perturbant, & impediunt citationem, & litterarum executionem, & in non modicam Ecclesiasticæ libertatis contumeliam & jacturam. Considerantes igitur, malitiis hominum non esse aliquatenus indulgendum, hoc sacri approbatione Concilii, duximus statuendum, ut reus, nuntios acta judicialia deferentes, per se, vel per alium verberans, spoliens, vulnerans, mutilans, occidens, & captivans, licet etsi non contestata, auctoritate hujus Concilii, habeatur penitus pro convicto: Actor vero in causa reconventionis similia perpetrare per se, vel per alium non formidans, super instituta contra eum actione amplius nullatenus audiat, & infu-

(2) Idem ex eod.

(b) Idem ex eod.

(*) lego: pacta, vel cessa

(c) Lucæ IX, 48. X, 16.

(a) Idem ex eod.

insuper uterque, ac omnes alii, qui nomine ac occasione eorum talia præsumpserint, usque ad condignam satisfactionem laico, & iudicibus, summaria cognitione super huiusmodi forefacto præhabita, percellantur adeo iustis & gravibus pœnis, ut alii metu pœnæ a similibus arceantur: ita etiam, quod si tales sint Clerici, pœna in captivantes Clericos, vulnerantes, mutilantes, verberantes, & occidentes, promulgata, in Statutis nostris Provincialibus; & Prædecessorum nostrorum huic volumini inscriptis usque ad satisfactionem congruam districtius observetur, pœnis etiam a Canonibus & Legibus, talibus inflictis nihilominus rigore observatis.

Præterea, hujus approbatione Concilii, statuimus: & vobis universis & singulis Rectoribus Ecclesiarum Parochialium, seu vices eorum gerentibus, per nostram Provinciam constitutis, sub pœna suspensionis ab ingressu Ecclesiæ præcipimus, & mandamus: quatenus omnes tam Clericos, quam laicos, in terminis Ecclesiarum vestrarum constitutos, cujuscumque dignitatis, nobilitatis, conditionis, aut status existant, publice in vestris Ecclesiis moneatis: ne jurisdictionem Ecclesiasticam, nuntios, mandata nostra, seu literas nostras, vel Judicium nostrorum, etiam nostrorum Suffraganeorum, & Judicium Ecclesiasticorum quorumcumque nostræ Provinciæ deferentes, verberando, offendendo, &c. seu ipsas literas lacerando, vel quocumque alio modo impedire præsumant; alioquin contrarium facientes, sententiam excommunicationis incurrere volumus ipso facto, & excommunicatos nuntiamus, & ab omnibus arctius evitandos singulis diebus Dominicis, accensis candelis, & pulsatis campanis, cum Nobis de hoc per evidentiam facti constiterit: etiamsi aliud mandatum nostrorum Judicum, seu Suffraganeorum nostrorum, vel eorum Judicum super hoc non receperitis, in vestris Ecclesiis publice nuntietis, quousque a sententiæ excommunicationis huiusmodi per Nos, vel Judices nostros, seu nostros Suffraganeos, vel eorum Judices, sicut in civitate, vel Diœcesi, vel altero eorum excessus hu-

jusmodi commissus reperitur, fuerint legitime absoluci. Adjicimus insuper, quod quilibet Episcopus in sua Diœcesi, prout sibi expedire videbitur, super statutis huiusmodi valeat dispensare.

(c) Cum laici, etiam cujuscumque dignitatis, status, & præminentiae fuerint, de rebus Ecclesiæ disponere non habeant, multo fortius Prælatos, & Clericos, seu quemcumque de personis Ecclesiasticis, vel laicum religiosum alicui religioni dedicatum, etiamsi nondum fuerit tacite professus, vel expresse, cum omnes tales sint in sortem Domini electi, & a sæculari potestate, & iudicio tam in criminalibus, quam in civilibus *Christi privilegio exempti*; unde universis Judicibus sæcularibus per nostram provinciam constitutis districtius inhiemus, & mandamus, ne quenquam Prælatum, tam regularem, quam sæcularem Clericum, vel laicum Religiosum contra Ecclesiasticam libertatem ad cujuscumque instantiam laici, vel Clerici, vel ex suo officio ad iudicium trahere sæculare per se, vel per alium procurent, etiam ipsum judicare, vel sententiarum præsumant: actor vero, si laicus fuerit, qui hoc procuraverit cum iudice, ambo sint majoris excommunicationis sententia ligati ipso facto, quos sic citatos, & Judicis Officialis Episcopi in *Synodo Episcopali*, & in propriis eorum Parochiis, ac aliis vicinis sic excommunicatos, donec parti citatæ, & Episcopo loci de huiusmodi excessu satisfactionem præstiterint ad condignum, publice faciat denunciare. Clericus vero, qui sic procuraverit Clericum alium, ad sui, vel alterius instantiam, ad iudicium evocare sæculare, sit ipso Beneficii suo meliori, si plura obtinet in nostra provincia, ipso facto privatus; si vero unum dumtaxat, eodem etiam ipso facto sit privatus; si vero nullum Beneficium obtinet in nostra provincia, domicilium tamen habens, aut aliunde veniens, hunc excessum committens in nostra provincia, propter quem se subditum nostræ jurisdictioni facit; volumus præfenti constitutione esse inhabilem ad Beneficium Ecclesiasticum in nostra provincia obtinendum; donec a Nobis, si hunc excessum commiserit in nostra Diœcesi, vel civi-

(c) Idem ex eodem.

Tomus IV. Concil. German.

G g g 2

civitate, seu a nostris Suffraganeis, in quorum civitatibus, vel Diœcesibus, vel alterius eorum huiusmodi excessus commiserit, satisfactione condigna præmissa, fuerit cum eo interim indultum.

XV. De Fide Instrumentorum.

(d) Cum ex eo, quod plerique adeo rudes, & ignari inveniuntur, quod per se protocolla facere penitus ignorent, & alii, se Notarios publicos mentientes, conficere instrumenta præsumant, ex quibus incommoda, & pericula oriuntur, quibus Nos obviare volentes, prohibemus: ne pro Notario publice quisque se gerat, vel quævis instrumenta conficiat in nostra provincia, vel quisquam eis utatur confectis, antequam de creatione sua loci Diœcesano, vel ejus Officiali fecerit plenam fidem; contrarium faciens, excommunicationis sententiam incidat ipso facto, & instrumenta per eum confecta sint irrita ipso facto, & alias per loci Diœcesanum, conficiens cum utentibus scienter, pœna debita puniatur.

XVI. De Jure jurando.

(e) Cum Legis veteris autoritas, & Evangelica veritas invincibilis præcipiat, quod omne verbum in ore debeat stare duorum, vel trium. Unde prohibemus omnibus Spiritualibus, & sæcularibus iudicibus, ne de cætero in iudicio in quacumque causa, juramentum deferant decisorio reo, adversa parte volente intentum suum per testes probare fide dignos, & hoc potente.

XVII. De Exceptionibus.

(f) Quoniam exceptio de loco non tuto nonnunquam ad fugam ab opponente confingitur, ut ejus ope evitetur iudicium, & conquerens defraudetur: id quod, sicut experientia docuit, plerumque fieri consuevit coram Executoribus statutorum nostræ provinciæ: quamvis autem exceptio eadem adeo videatur legitima, quod si repulsa fuerit, licite valeat appellari. An igitur Executor statutorum exceptiones huiusmodi teneatur admittere vel repellere, non immerito dubitatur. Unde, juxta prudentum consilium, ac doctrinam, duximus statuen-

dum: quod si quis coram Executoribus, locum ad quem citatus existit, sibi oggerit non securum; idem excipiens, ad mandatum Executoris debeat exprimere coram eo, quid illo loco securo, quem postulat, velit proponere vel probare, & si tale quid exprimere jussus contumaciter recusaverit, ex tunc Executor in negotio proposito, tali exceptione non obstante, procedere non obmittat: si vero aliquid vel aliqua dixerit exprimendo, Executoris relinquatur arbitrio, an super tali aut talibus expressis sit exceptio admittenda, & locus alius securus super expressis & propositis assignandus.

XVIII. De Appellationibus.

(g) Quia sæpe contingit in causa appellationum, ad Nos a nostris Suffraganeis appellari; statuimus: ut si infra duos menses, huiusmodi appellantes, prosequi appellationes suas non curaverint, ex tunc per inferiores Judices, a quibus appellarunt, in pristinas sententias extrudantur, & tam diu eisdem ligati publice nuntientur, quousque iusta causa cessante, ad appellationum suarum prosecutionem redire festinent, vel pareant iudicatis.

XIX. De Vita, & honestate Clericorum.

(b) Ad hæc, quia Clerici vagabundi, qui *Everhardini* dicuntur, quorum vita Deo odibilis est, Clericos, & ipsos laicos scandalizant discurrendo per terras, in villis, quæ carent propriis Sacerdotibus, celebrare præsumunt; statuimus: ut tales ad mandatum Diœcesani, vel loci Archidiaconi teneantur in custodia carcerali.

Contra illos Clericos militares, & præsertim in sacris constitutos, qui Clericali schemate derelicto, comam nutriunt, gestantes habitum laicalem; demum post tyrocinia, & actus alios militares, quos interdum exercent, habitum pristinum resumentes, ad Beneficia priora se admitti impune desiderant, sic terram *viis duabus ingredi* non verentur, Hoc *Sacro Concilio* approbante, statuimus: ut apostantes huiusmodi, si a Prælati suis, & Capitulis evocati, ad suas Ecclesias, & Præbendas redire voluerint,

(d) Idem ex eod.

(e) Idem ex eod.

(f) Borchardus Archiep. ex Conc. Hallenf.

(g) Albericus Archiepisc. ex Concil. Magdeburg.

(b) Idem ex eod.

rint, non aliter admittantur, nisi disciplina Claustralis carcerem tanto tempore sustineant, quanto a suis Ecclesiis eos constituerit taliter aberasse, & sic reuersi debent ultimum in Choro, Capitulo, aliisque actibus, locum dumtaxat perpetuo obtinere.

XX. De Cobabitatione Clericorum.

(i) Attendentes, quod omnibus Dei Ministris, & in ejus sortem sua providentia electis, sit a sacris Canonibus præceptum, ut non solum abstineant a malo, sed etiam ab omni specie mali. Unde quoslibet Canonicos, tam Cathedralium, quam Collegiarum Ecclesiarum nostræ Provinciæ, cæterosque Beneficiatos hortamur, & in visceribus Christi obsecramus, ne amodo in stufis, venatibus, & publicis balnea recipiant, ubi suspectarum personarum præsentia se præbet frequenter scandaloſe; sed in stufis suarum Ecclesiarum balnea sua faciant, personis suspectis longe exclusis; has autem stufas in singulis Ecclesiis Cathedralibus, & Collegiatis nostræ provinciæ, si non habeantur, volumus ædificari, vel si sunt defectuosæ, infra mensem restaurari, & debitis temporibus caleſeri, idque ad minus de quindena in quindena, deputatis ad hoc consuetis & honestis ministris.

Religiosis universis nostræ provinciæ in Monasteriis degentibus, quibus urbium locorumque publicorum aditus omnino interdictus est, prohibemus præſenti nostro statuto, ne quis de cætero in stufsa publica, extra septa sui Monasterii, balnea subire attemptet: præſens etiam statutum ad Sanctimoniales nostræ provinciæ, prout concernit Religiosis, observandum extendimus. Transgressores vero hujus statuti volumus, si Canonici sunt, vel Beneficiati, per suos Episcopos poena debita emendari, si vero Religiosi vel Moniales fuerint, poena graviori post carceralem, per suos Prælatos præcipimus emendari.

Attendentes insuper, quod scriptum est, & dictum præcipue Sacerdotibus, & Clericis universis: *Sancti estote, quia Sanctus Ego sum*: (k) Præcipimus, hujus approbatione Concilii, ut universi in sacris Ordinibus constituti, studeant caste

vivere, quatenus in conspectu omnipotentis Dei, puro corde, & mundo corpore valeant ministrare. Si quis autem Clericorum deinceps visus fuerit incontinentiæ vitio laborare, publice concubinam secum detinendo, vel alias a se positam in domo nutriendo aliena, post ammonitionem Canonicam ei per Prælatos suos immediatos factam verbo, vel scriptis, illam de sua domo non expulerit, vel a se positæ victum & amictum non subtraxerit, Officio, & Beneficio suo privetur; si vero nec sic, fautorem libidinis suæ curavit evitare, quia crescente contumacia, crescere debet & poena; anathematis gladio feriat. Qui vero concubinas usque ad hæc tempora tenuerunt, ne delictum præteritum transeat impunitum, eos sub tali poena duximus religandos, ut si Canonici fuerint, vel Beneficiati, in Ecclesia eorum XL. diebus in claustris suis quadagesimali cibo vescantur; si autem hoc agere contempserint, Præpositis, Decanis, & Capitulis Ecclesiarum suarum, sub anathemate prohibemus, ne prædictarum fructus eis ministrent, vel ad chorum, vel ad consortium eos admittant, nisi digna poenitentia, de qua præmittitur, peracta plenarie. De Clericis concubinariis ruralibus, rigor superius expressus fervetur, quorum Archidiaconi, si eos in suis iniquitatibus voluerint confovere, vel eorum dissimulare excessus, sciant ab officiis se suspendendos.

XXI. De Institutionibus.

(l) Cum frequenter magis a tramite Regulæ, & Statutorum observantia deviare videntur, qui amplioribus privilegiis præfulgent, præsertim Hospitalarii Fratres de Domo Teutonica; sanximus, ne Ecclesias Parochiales, quas unitas sibi & incorporatas habent, per suos Confratres officiare præsumant, sed Clericos seculares, & idoneos, Episcopo, sive Archidiacono loci infra debitum tempus præsentent, qui istos instituunt tanquam perpetuos Vicarios in eisdem, ordinata ipsis portione congrua, & jurabunt dicti Fratres pro se, & suo Conventu, quod hujusmodi portionem dicto instituendo per pactum non minuent, vel alias quocumque modo sibi auferent in parte, vel

G g g 3 in

(i) Idem ibid.

(k) Levitici XI, 44.

(l) Idem ibid.

in toto, & quod dictum Vicarium sic instituendum non procurabunt amoveri, cum talis titulum habeat perpetuum in Beneficio.

Præterea statuimus: ne Religiosi cujuscumque Ordinis existant, fines privilegiorum suorum excedant. Si qui etiam Religiosorum, per donationem, vel alium legitimum titulum, jura Patronatus aliquorum Beneficiorum Ecclesiasticorum acquisiverint, talia Beneficia, propria temeritate, suis usibus non usurpent; sed ipsis vacantibus, ad ea Sacerdotes idoneos sæculares, per quos regi consueverunt, non Fratres sui Ordinis, vel alterius præsentent, nec bona ipsarum Ecclesiarum corporalia, vel incorporalia, seu libertates quascumque detracta, suis Monasteriis seu Domibus applicare præsumant; contrarium facientes, auctoritate præsentis constitutionis Jure Patronatus, quod ad ipsa Beneficia habuerunt, privari volumus, & jus Patronatus ad loci Diocesenum, sine omni exceptione, devolutum volumus. Si quas etiam Ecclesias Parochiales, infra quarum limites, granges de Monasterio habuerint, terras, agros, prata, vel vineas, aut alia bona, de quibus jure decimasolvere tenentur, in decimatione defraudaverint, omnes ipsis ad hoc opem, & operam dantes, & ipsorum servitiis intendentes, decernimus ipso facto sententiam excommunicationis incurrisse.

Item; cum Beneficia Ecclesiastica sine diminutione conferri debeant; quidam Ecclesiarum Patroni, personis idoneis prætermisiss, tales ad ea præsentent, qui paucis debeant esse contenti, reliquum suis usibus applicando; unde ad hujusmodi mali perniciem extirpandam statuimus: quod si tales Clerici portione debita se spoliare sinentes, ad Episcopum suum querelam non detulerint, auctoritate hujus consilii, sint ipso facto suspensi, & nihilominus eisdem Ecclesiis priventur per Episcopum, & de Plebano idoneo provideatur ipsis Ecclesiis, seu Beneficiis. Si vero ad Superiorem querelam detulerint, ipse Patronum per censuram Ecclesiasticam ab hujusmodi molestatione compescat, adjiciendo nihilominus, quod si in hoc pertinax Patronus exstiterit, jure præsentandi sit. priva-

tus, & Episcopus, ut ante, Patronatus jure fungatur.

XXII. De rebus Ecclesiæ non alienandis.

(l) Hoc Sacro Concilio approbante, districtius inhibemus; ne aliquis Episcopus, vel Prælatus, Capitulum, vel Conventus, aliqua bona immobilia Ecclesiæ sub pignoribus ponant, aut alienent sine expresso consensu Episcopi, & juris solemnitatibus, quæ in hujusmodi alienationibus requiruntur, alioquin factum ipsum decernimus irritum, & inane, & Episcopi, qui hoc fecerint, ab ingressu Ecclesiæ suspendendi; alios vero Prælatos ab Officio, & Beneficio; personas vero alias excommunicationis sententiæ ipso facto decernimus subjacere.

Item; de rebus Ecclesiæ, & ornatu, nulli privatae personæ ad obligandum aliqua concedantur, & si aliquibus sint concessa, illa infra infra mensem redimere, & Ecclesiæ restituere compellantur.

Item statuimus: ut proventus fabricæ, uni, vel duabus personis fide dignis committantur, qui eos ad opus Ecclesiæ convertant utiliter, & justam de ipsis reddant rationem. Et quia pauci sunt in singulis Ecclesiis, qui prædia, & redditus plene cognoscunt; statuimus: quod prædia, redditus, & servitutes Ecclesiarum, Monasteriorum, Officiorum, Beneficiorum etiam laicorum, qui Ecclesiæ specialiter obsequuntur, in duobus libris conscribant, & quibus terminis redditus præmissorum sint colligendi; quorum unus ponatur in loco Ecclesiæ, vel Monasterii tuto; alius vero liber reservetur ubi privilegia, & clenodia reservantur.

XXIII. De Pignoribus.

(m) Detestanda quorundam temeritas, qui in causa sua jus sibi dicere contra sanctiones legitimas moluntur, nunquam personis Ecclesiasticis exhibet se molestam: cum enim aliquid questionis contra personas Ecclesiasticas habere proponunt, licet personæ prædictæ Ecclesiasticæ paratas se exhibent, stare coram suo Judice Ecclesiastico competente; nihilominus tamen iidem temerarii impig-

nora-

(l) Idem ibid.

(m) Burchardus Archiep. ex Concil. Hallensi.

noratores, qui vulgo *Phünding* dicuntur, frequenter in rebus, & bonis ad Beneficia dictarum Ecclesiasticarum personarum spectantibus, vel ad personas eorum committere non verentur, unde, non modica damna & injuriæ oriuntur; attendentes igitur, quod præmissas invaſiones, de cætero conniventibus oculis dissimulare non debemus; unde, provida deliberatione sacri hujus Concilii, sancimus: quod quæcumque persona, licet ipsorum Advocati, vel Officiati, quæ hujusmodi *Phündinge* fecerit, aut fieri mandaverit, si persona fuerit singularis, ipsam excommunicationis sententiæ majoris volumus ipso facto subiacere; si requisitus per Executorem ex officio suo, vel ad instantiam injuriam passi infra XV. dies, res personæ Ecclesiasticæ non restituerit integraliter, damna reficiat cum satisfactione de injuriis ea occasione illatis.

. . . *Lacuna in MSS.* . . .

Ita ut laicis, quibus tempore interdicti, Divinorum participatio omnino est interdicta, ea per viam illicitam, lucri & quæstus causa concedatur; Et quia hujusmodi abusionem committentes, tam Clericos seculares, quam Religiosos Ordinum, vinculo excommunicationis constrinxit, ne ipsi in nostra provincia degentes statuti pœnam non incurrant, volumus, & mandamus prædictum statutum URBANI in singulis Synodis nostris ac Fratrum, & Coepiscoporum nostræ provincie legi, & publicari; ut meri pœnæ ipsius abusum prædictum de nostra provincia extirpemus.

(n) Statuimus: ut cum Sacramentum Eucharistiæ, quod summa dignum est veneratione; ad infirmum deferatur, Presbyter nullatenus in calepodiis, sed calceatus incedat, in habitu decenti, superpelliceo indutus, deferens desuper stolam, corpusque Dominicum decenter ante pectus suum porter, luminariis cereis ardentibus antelatis, cum campanula continue resonante, & fideles hortamur ut Presbyterum deferentem sequantur humiliter, & devote ad infirmum, & de infirmo redeuntem ad Ecclesiam: Indulgentiam XL. dierum ipsis elargiendo.

(n) Idem ibid.

(o) Idem ibid.

XXX. De observatione jejunii.

(o) Adhæc etiam prohibemus: ne adultus ordinaria & statuta jejunia præsumat infringere, nec hujusmodi necessaria jejunia prætextu votivi, & extraordinarii jejunii violare: quia tale dampnum tali lucro Deus nolit compensari. Inhærentes ergo priori Concilio, pravam quorundam consuetudinem reprobamus, qui sextam feriam violant, sabbatho, vel alia die hebdomadæ jejunantes: quod de cætero fieri, hujus sacri auctoritate Concilii, firmiter prohibemus, & præsertim alia jejunia supersticiosa, quibus Deum tentare videntur: vel dum sic jejunant, ut tribus buccellis panis, & totidem cerevisiæ vel aquæ, pro die naturali sint contenti, vel alio modo supersticioso jejunant usque ad visionem syderum, more Gentilium & Judæorum. Hæc & hujusmodi similia cum Religioni Christianæ sint inimica, hujus sacri Concilii approbatione, de cætero fieri prohibemus, injungentes Confessoribus tam secularibus, quam Religiosis, ut conficentes sibi ab hujusmodi jejniis supersticiosi retrahant: districtius eis injungentes, ne talia de cætero faciant, sed Ecclesiæ jejunia, quæ Deo sunt accepta, cum omni sinceritate observent.

XXXI. De Ecclesiis.

(p) Prohibemus etiam, ut Religiosi, vel quilibet alii, Ecclesias de novo fundare, vel fundatas transferre sine Episcopi Diocesani licentia, & sine primarii lapidis benedictione non præsumant: aliter fundata Ecclesia diruatur, & is, qui fundat, sive Clericus, sive Monachus, ab officio suspendatur, alia nihilominus pœna, juxta Superiorum arbitrium puniendus; si vero laicus sit, usque ad satisfactionem, excommunicationis vinculo innodetur. Item Altaria superflua per Parochiales Ecclesias omnino tollantur; nec aliquid de novo fiat, nisi Episcopo permittente.

Excommunicamus & anathematizamus omnes, qui dedicatas Deo Ecclesias ausu sacrilego prophanant, aut munitiones de ipsis faciunt, & cæmeteria perfodiunt, ossibus mortuorum ejectis.

Ad hæc, sacro approbante Concilio, irritamus omnia statuta & consue-

(p) Idem ibid.

tudines, quas civitates, vel oppida, Consules, & quæcumque alia personæ contra libertates Ecclesiasticas edere adversus Canonicas sanctiones præsumunt, & eadem mandamus infra duos menses, post hujusmodi publicationem statuci, penitus aboliri.

Novas etiam exactiones, quæ vulgo *Ungelt* dicuntur, vel alio nomine, nulla civitatum instituat, & ab institutis, post hujusmodi edicti publicationem, infra mensem, desistat, nec mensuras rerum venalium ab antiquo servatas minuere, vel immutare præsumat; de servis vero & mancipiis Ecclesiarum in civitatibus residentibus, & post mortem eorundem, Ecclesiæ debita jura recipere minime prohibeantur.

XXXII. De Sponsalibus & Matrimonio.

(q) Cum Sacramentum Matrimonii sit magnum, & omni reverentia & celebritate dignum; sacro hoc approbante Concilio, statuimus: ne quis laicos, cujuscumque etiam conditionis, status, vel præminentia fuerint, præsumat aliquis copulare in domibus, vel extra Ecclesiam. De Desponsatis vero statuimus: ut eorum proprii Sacerdotes tribus diebus Dominicis, aut aliis Festivis diebus tribus, a se distantibus, per Edictum publice proponantur infra Missarum solemniam coram Christi Fidelibus, & Parochianis; ut si quis, vel si qui sunt, qui inter desponsatos de futuro aliquod impedimentum noverint, illud infra tempus proclamationis in facie Ecclesiæ, & consanguineis ipsorum omni studio adhibito, & sine difficultate revelent.

XXXIII. De Judæis.

(r) Cum gens Judaica Crucis sit inimica, & nostræ Religionis, ut rei evidenti multis signis edocuit. Unde, sacro hoc approbante Concilio, statuimus: ut in septimana Dominice Passionis domos suas, & fenestras clausas teneant, nec de domibus suis in publicum prodeant, sed ante de sibi necessariis pro illo tempore provideant, ne Christiani sacratissimæ Passionis memoriam exhibentes, ab eodem Judæorum populo illudantur. Judæos vero contrarium fa-

cientes volumus per locorum Ordinarios pœnis pecuniariis graviter mulctari, & eorum rebellione exigente, si in præmissis culpabiles reperti fuerint, contra eos brachium invocari sæculare.

Insuper districtè præcipiendo, præsentis Concilii approbatione, mandamus: ne provincia nostræ Comites, Barones, per se, vel per alios, dictis Judæis sæculares dignitates, officia publica, & privata, de cætero regenda committant; cum valde sit indecens filium liberæ filio ancillæ subesse debere, & famulari; quod si quæ jam commissa sunt, infra XV. dies, post publicationem præsentium, revocentur, quæ & Nos præsentis Concilio revocamus. Insuper; nullus Judæus nostræ provinciæ Christianos, masculum, vel feminam, in domibus suis in servitio teneat, vel extra, vel in mensa, nec in stupa. Inhibemus etiam Christi fidelibus universis nostræ provinciæ, ne aliquo tempore infirmantes, seu sani, Judæos medicos ad se advocent, nec medicamina, vel consilia quovis modo ab eis recipiant; contrarium facientes per locorum Ordinarios volumus excommunicari, & qui in illa infirmitate decesserint, nisi digne pœnituerint, Ecclesiastica careant sepultura.

XXXIV. De Hæreticis, & Schismaticis.

(s) Universos Canones, & Statuta, prout a sancta Matre Ecclesia sunt edita, Spiritu Sancto docente, qui universum Corpus Ecclesiæ suo statu regit, & vivificat, observare tenemur. Quapropter, hujus sacri Concilii approbatione, tanquam veræ fidei Zelatores præcipimus, & mandamus, in omnibus suis Capitulis, & articulis, ea districtius, omni metu ac potentum terrore cessante, observari, & potissime per Coepiscopos, & Confratres nostros, eorumque Vicarios in Spiritualibus, ad quos hoc principaliter pertinet, ut ipsi diligenti studio, sollicita cura, & toto conatu invigilent, ut hæretici, & schismatici in suis civitatibus, & Diocesis reperti, penitus exterminentur, frequenter scrutinium contra eos observent, eis debitas pœnas infligendo, & si opus est, pro executione ult-

(q) Idem ibid.

(r) Idem ibid.

(s) Idem ibid.

ultima, brachio ad hoc sæculari invocato.

XXXV. De Maleficiis.

(z) Cum veteri Testamento omne genus aruspicum, malefici, & incantationis, sub pœna corporis fuit prohibitum, & interdictum. Unde omnes augurium facientes, masculos, & fœminas, Phytones, & Phytionissas, maleficos, incantatores, præsentī statuto, approbante sacro Concilio, excommunicamus; & volumus eos ad Nos remitti absolvendos, inhibentes sub interminatione Divini Iudicii: ne quis, Religiosus, Curatus, vel Sacerdos aliquos in ista causa absolvere præsumat. Si autem tales reperti fuerint, & vere, non simulate, ad gremium sanctæ Matris Ecclesiæ redire voluerint, signa pœnitentiæ edentes, absolutione obtenta per Diœcesanum, aut Vicarium in Spiritualibus, quibus reservata est; nihilominus, quia Deum creatorem temptantes sponte Idolatriam commiserunt, volumus, ut IV. diebus Dominicis, nudis pedibus, cum Processio fit per Cœmeterium, Crucem, & vexilla antecedant; caput abjecto: processione finita ante fores Ecclesiæ maneat, & post omnes introeant, accedentes chorū illic sic stantes, nudis pedibus, non longe retro Presbyterum, sine caputo, cingulum gerentes in collo, totam Missam in signum veræ pœnitentiæ audiant.

XXXVI. De Apostatis.

(u) Contingit aliquoties, quod nonnulli Clerici, vinculo excommunicationis adstricti, vel prophani, vel aliter ad Divinorum celebrationem indigni, e Diœcesi, in qua de his habetur notitia, fugientes, ad Diœcesim aliam se transferant fraudulentè, ut siq̃ debitas tuorum excessuum pœnas evitent, & Divinis se ibidem ingerunt officiis. Cum itaque malevolis non sit indulgendum; præcipimus: ut Executor in ea Diœcesi, in qua prædicti præsumptores se receperunt, eos per suas litteras denunciare teneatur, ut & Episcopi tales excommunicatos faciant ab omnibus cautius evitandos.

XXXVII. De Raptoribus, & Clericorum occisoribus.

(x) Considerantes, quod Clericorum quorumcumque, præcipue in dignitate constitutorum, sive Religiosi fuerint, sive sæculares, occisoribus seu mutilatoribus, tanti criminis atrenta enormitate nondum sit sufficiens pœna per constitutiones Prædecessorum nostrorum, & nostras, inflicta; *Sacro hoc approbante Concilio*, præsentī statuto ordinamus, & adjicimus: quod ultra alias pœnas, emendas, & satisfactiones, prædicti occisores & mutilatores, & eorum quilibet, debet tribus diebus Dominicis se continue sequentibus, nudatis pedibus & corpore, femoralia dumtaxat habens, in Ecclesia Cathedrali civitatis & Diœcesis illius, in qua Clericum occidit, vel mutilavit, stare, & sic nudus & discalceatus, deferens rotam in dorso, & virgam in qualibet manu, processionem antecedere, donec circuitu facto, sancta processio Ecclesiam ingreditur, & ante illam januam, per quam processio ingreditur, subsistet, & duobus ultimis Prælati, vel Canonici in processione, cuilibet unam virgam præsentabit ad manum, & in signum veræ pœnitentiæ, petet se ab eis emendari, qui virgis receptis ipsum pro qualibet vice emendabunt. Nolumus etiam emendam per quemquam debere remitti, nec prædictos facinorosos ad communionem Christi fidelium recipi & admitti, nisi emendam præscriptam in forma sua observaverint, ultra alias emendas & pœnitentias prædictis injunctas a Lege, vel a Canonibus. Et hujusmodi Constitutionem volumus districtius observari per illos, qui proprios Capellanos, Plebanos, seu Curatos occidunt vel mutilant, vulnerant, captivant, & detinent captivatos, & similiter per Vassallos & omnes subditos Ecclesiarum & Monasteriorum, in præmissis delinquentes.

XXXVIII. De Usuris.

(y) Contra usurarios, juxta *Statutum Lateranensis Concilii*, procedatur, ut si notorius fuerit ipsorum excessus, sine distinctione qualibet, Ecclesiastica

carcant

(z) Idem ibid.

(u) Borchard. Archiepisc. ex Concil. Hallensi.

(x) Albertus Archiepisc. ex Concil. Hallensi.

(y) Idem ibid.

careant sepultura : si quis autem tales sepelire præsumpserit , suis beneficiis spoliatur. Excommunicationis sententia singulis diebus Dominicis , & Solempnibus , proferatur in omnes , quicumque usuras de cætero præsumpserint. Hoc priori Concilio adjungentes : ut si notorii usurarii demum in ægritudine constituti , absolvi desiderent , nullatenus audiantur , nisi primitus satisfaciant , vel hæredes suos tales habeant , quod pro eis satisfaciant , in quantum possibile fuerit , de usuris.

XXXIX. *De excessibus Privilegiatorum.*

(z) Ex multorum subditorum nostrorum querelis recepimus , quæ & ipsi quidem dolenter referimus , & experientia didicimus evidenti , quod Mendicantium Ordinum Fratres , suæ institutionis & Professionis facti immemores , soli incedere in campis , in civitatibus , & in villis , nunc pedestres , nunc in equis , nunc in curribus , aliquando sine habitu , aliquando habitum suæ Professionis deferentes , præsumunt , & Curatis nostræ Provinciæ , quibus deputati Terminarii ad suportandum cum eis eorum onera , eorumque subditis facti sint in gravamen : & cum solum in Adventu Domini usque ad diem Circumcisionis inclusive , & per Quadragesimam usque ad Octavam Paschæ , & per festa Pentecostes deberent in locis , ubi Terminarii deputati sunt , requisiti & licentiat per Curatos , in verbo Dei proponendo , & audiendis Confessionibus præstare subsidium , suis sanctis moribus populum ad salutis perfectionem incitare ; nunc vero privilegiis eis concessis præsumptuose ab Ecclesia universali abeuntes , se per totum annum in locis , in quibus Terminarii deputati sunt , & in domibus soli cum mulieribus , quas ipsorum *Marthas* (ut eorum verbis utamur) habitare non verentur : ex quibus scandala plurima oriuntur in populo ; nunc Medicorum officium exercentes , nunc se artifices in diversis artibus mentientes , victum per tales abusus quærentes , & quod deterius est in stufis communibus inter populares balneari non verentur. Unde , *Sacro approbante Concilio* , præsentis statuto ordinamus : ne quis mendicantium ordinum frater de cætero præsumat solus , etiam in habitu suæ professionis , per

quævis loca nostræ Provinciæ incedere , vel morari in locis , & domibus , ubi sunt Terminarii deputati , ultra tempora præscripta ; nec ea exercere , quæ suæ Religioni non conveniunt. Contrarium facientes , volumus per Curatos , in quorum Parochiis sunt deputati , ad suos Superiores ad manendum in claustris suis remitti , & de cætero eos pro Terminariis minime sustineri. Si autem prædictorum ordinum mendicantium Fratribus , sic solis repertis , vel in stufis communibus balneantibus , injuria facta fuerit ; volumus eis per Executores Statutorum nostrorum nostræ Provinciæ minime subveniri , nec ipsos ad prædicandum verbum Dei in Ecclesiis nostræ Provinciæ , vel ad audiendum confessiones , vel ad petendum caritativa subsidia , a populo nostræ Provinciæ per Plebanos & Curatos amplius admitti.

Præterea , sacri hujus Concilii auctoritate , sub pena excommunicationis jam latæ sententiæ , mandamus omnibus Religiosis , ne subditos Plebanorum , maxime autem Begghardos , Begginas , & inclusos , aut alias ejusmodi personas communicent corpore Domini , aut alia porrigant Ecclesiastica Sacramenta parvulis , & adultis , hoc etiam sub eadem pena Religiosis omnibus firmiter inhibentes : ut cum processiones , & solennes stationes fiunt , quas observat Ecclesia generalis , ne populum abstrahant ab eisdem , prædicationes tunc ipsis instaurando : imo in prædicationibus sedulo proponant , quod totaliter tenentur interesse Festivitatibus , & quod peccant , se ab hujusmodi abstrahendo : & populo exponant , quod matricem Ecclesiam in præcipuis Festivitatibus tenentur accedere ; ipsique tunc abstineant ab omnibus allecivis , quibus attrahi posset populus , quominus ad solemnitatem veniat. Interdicimus etiam omnibus Religiosis mendicantibus , ne ipsi præsumant facere novas adinventiones in processionibus , & aliis , nec diebus Dominicis aut Festivis circuitus faciant per ambitum , & Cæmeteria , nisi diebus Dedicationum suarum Ecclesiarum. Requiritur igitur omnes Coepiscopos nostræ provinciæ , ut diligenti cura invigilent , ut mendicantium Ord. Fratres in præmissis culpabiles reperti , de tanto temeritatis excessu satisfacere , per distractionem Ecclesi-

clerasticam compellantur, Executore statutorum hoc efficiente.

XL. *De Verborum significatione.*

(a) Parum esset malitiis hominum occurrere per novorum statutorum sanctiones, nisi quilibet ad ipsorum observantiam, prout sui status concernit decorem, iusto modo compellatur. Sacro igitur approbante Concilio, statuentes ordinamus: quod licet statuta Provinciae præsentis opusculi sint ab omnibus subditis nostræ provinciæ debita reverentia, & observantia amplectenda; tamen non omnibus omnia præscripta videntur, sed aliqua Prælati, aliqua Canonici secularibus, aliqua Curatis, & Plebanis, aliqua vero Religiosis utriusque sexus; Quapropter volumus, & præcipimus: ut Plebani, & Curati statuta præsentis opusculi habeant, & frequenter perlegant, & præsertim, quæ eis specialiter injunguntur, & memoriæ commendent, ne pœnas ipsorum incurrant. Insuper Monachi, & ipsorum Prælati, & qui cumque Regulares statuta ipsos concernentia, & per quæ status suæ professionis in decore conservatur, volumus singulis septimanis feria VI. ipsis congregatis in unum, lectione diligenti recitari, & istum modum per Præpositos

(a) idem ibid.

sanctimonialium volumus diligenter observari.

REGULÆ JURIS.

" Omne statutum præsentis opusculi, aut continet mandatum, aut consilium.

" Statutum, continens mandatum aut præceptum, obligat omnes subditos nostræ Provinciæ, quibus dirigitur sub pœna peccati.

" Statutum, continens consilium, licet transgressor pœnam non meretur, tamen personis prodest ipsum adimplendo.

" Sicut diversi sunt status hominum nostræ provinciæ, ita oportuum fuit diversa statuta edere, quibus mali retrahantur a noxiis, & boni dirigantur vel instruuntur ad opera virtutis.

" Omne statutum præsentis nostri opusculi, continens præceptum, sive affirmativum, sive negativum, ligat & constringit subditos nostræ Provinciæ, quibus dirigitur secundum suam limitationem, & adjectas condiciones.

Sanctorum Patrum Regulis, & statutis quilibet Christianus regatur in vita verbis, & factis, ut sciat, & faciat, quod acceptum est Omnipotenti DEO, qui vivit, & regnat per omnia sæcula sæculorum. Amen.

SYNODI COLONIENSES

AB ANNO MCCCXXXIII. AD ANNUM MCCCXLVIII.

SUB WALRAMO, (a) ARCHI-EPISCOPO COLONIENSI, EX PRÆPOSITO LEODIENSI, ET THESAURARIO COLONIENSI A PAPA NOMINATO, CELEBRATÆ.

SYNODUS COLONIÆ Anno MCCCXXXIII. Autumnal.

Joannis xxii. Papæ xviii. Ludovici iv. reg. xx.

MCCCXXXIII. *Synodus Autumnalis Colonie, sub Walramo, in crastino S. Remigii.* Scharenus T. II. Annal. Paderb. ad h. a. pag. 275.

Statutum I. Nullus Clericus titulo Patrimonii approbandus: competens Patrimonium, quod 24. solidos grossorum Turonensium annue reddit.

Statutum II. Indebitæ ætatis Candidati rejiciendi.

Statu-

(a) Synodi hæ Colonienfes sub Walramo & Wilhelmo Archi-Episcopis per oblivionem locis suis omiffæ, hic sub unum conspectum simul ponuntur, licet annis suis singulæ, uti & in Colonienfi impressione A. 1554. sub uno conspectu simul collocatæ fuer.

Tomus IV. Concil. German.

H h h 2

Statutum III. *Tabernarii officium Clericis secularibus, & Religiosis interdictum.*

Statutum IV. *Declaratio Statuti Henrici II. anni 1321. in Clericos non portantes habitum Clericalem & bastiludia exercentes.*

Statutum V. *Innovatio Statuti Conradi Archiep. Colon. A. 1260. de modo & forma Officii Divini exercendi.*

Colonienfis Ecclesiæ anni MCCCXXXV. Synodus

Verna & Autumnalis.

MCCCXXXV. *Synodus Verna Coloniae, Dominica: Invocavit.*

Canon I. *Officialis Coloniae non habet potestatem absolvendi Clericos excommunicatos ob bastiludia, vel vestium licentiam.*

II. *Ne plures Missæ una die fiant.*

III. *Contra Pastores non promotos, non residentes.*

IV. *Ne Patroni præsentent ineptos aut sub pactis illicitis.*

V. *Contra Beggardos & Suestriones. Crastino Dominicæ Invocavit.*

MCCCXXXV. *Bonnæ post festum Petri ad Vincula.*

Statutum I. *De non promotis & non residentibus.*

II. *Statuti Engelbertini Declaratio contra injicientes manum in Clericos. In Vigilia B. Remigii.*

III. *Innovatio Statuti Henriciani contra Beggardos & Suestriones. Ipso die B. Remigii A. 1335.*

Colonienfis Ecclesiæ anni MCCCXXXVI. Synodus

Verna & Autumnalis.

MCCCXXXVI. *Brulæ in Crastino B. Valentini M. Synodus Verna.*

Scharen. Annal. Paderborn. Tom. II. ad h. a. pag. 281.

Statutum I. *De non residentibus & non promotis ad sacros Ordines.*

MCCCXXXVI. *Synodus Autumnalis. Leggenich: in præsentia Synodi die B. Matthiæ Apostoli.*

Statutum I. *Indulta pro Monialibus, vela non gestantibus in publico, revocantur.*

II. *Comminantibus incendia, & tædam posti affigentibus, pæna dictata.*

Colonæ, dum Synodus ibi esset congregata in crastino B. Remigii, quæ erat 2da Octobris.

Colonienfis Ecclesiæ anni MCCCXXXVII. Verna

& Autumnalis Synodus.

MCCCXXXVII. *in vigilia B. Matthiæ Apostoli Statutum promulgandum coram Concilio in crastino B. Remigii quolibet anno celebrando.*

Statutum I. *De Synodi observatione.*

II. *De habitu & tonsura Clericorum. Gudesberg in vigil. B. Michael.*

III. *De cinctura & vestibus Clericorum. Ibidem.*

Colonienfis Ecclesiæ A. MCCCXXXVIII. Synodus autumn.

MCCCXXXVIII. *Brulæ Sabbato post festum B. Matthiæ.*

Statutum I. *Non habentes Beneficia ad Ordines non promovendi, & non habentes ætatem.*

Statu-

Statutum II. *Contra Quæstores elemosynarum, publicatur Bulla CLEMENTIS V. ex Concilio Viennensi: Abusionibus.*

Brulæ in vigilia B. Michaelis.

Statutum III. *Tabelliones nonnisi ab Officiali examinatos admittendos.*

De Capituli assensu & consensu in craftino B. Michaelis.

Statutum IV. *De annis gratiæ ultra triennium non extendendis.*

Constitutio extravagans Joannis XXII. suscepti Regimini publicatur.

Synodus Colonienfis Ecclesiæ A. MCCCXXXIX.

MCCCXXXIX. Statutum I. *De expectatione trienni, ultra quod anni gratiæ non extenduntur.*

Statutum II. *De Confraternitate S. Petri, & ejus interpretatione.*

Colon. Ecclesiæ Synodus autumnalis A. MCCCXLIV.

MCCCXLIV. *Feria VI. post Festum S. Andreae.*

Statutum I. *Moderatio Statuti de triennio annorum gratiæ ad quadriennium extenso.*

Statutum II. *Conjungenda tempora & expectantias in utilitatem Ecclesiæ convertendas.*

Statutum III. *Permutantem posse redimere duos annos pro tribus libris grossorum monetæ Domini Colonienfis.*

Colon. Ecclesiæ A. MCCCXLVI. Synodus autumnalis.

MCCCXLVI. *Feria VI. post Remigii.*

Statutum I. *De Clericis & Religiosis vina vel cerevisiam vendentibus contra vel præter modum permissum.*

Colon. Ecclesiæ A. MCCCXLVIII. Synodus autumnalis.

MCCCXLVIII. *Die S. Michaelis.*

Statutum I. *Contra committentes fraudem in observatione interdicti generalis.*

Statutum II. *Eodem anno, & die monentur Conventuales, ut exhibeant privilegium, de admittendis suis Procuratoribus ad Divina, stante interdicto.*

COLONIÆ SYNODUS AUTUMNALIS

ANNO MCCCXXXIII.

WALRAMUS, DEI GRATIA, SANCTÆ COLONIENSIS ECCLESIAE
ARCHI-EPISCOPUS, SACRI IMPERII PER ITALIAM ARCHI-CANCELLARIUS,
AD PERPETUAM REI MEMORIAM.

Quia plerique ad sacrorum Ordinum fastigia, non ut convenit, adspirantes, dum eis Beneficii competentis titulum prætendendi (eo quod Beneficium non habeant) facultas non suppetit, sub fraudis cujusdam commento falso allegant, sufficiens Patrimonium se habere: & cum ab eis super hoc probatio exigitur, personas forte vel literas

ignotas, aut suspectas, quod sufficiens obtineant Patrimonium, producere non verentur, & ad ipsos sacros Ordines, immo in Presbyteros sic promoti, cum revera nihil, vel parum in bonis habeant, in Cleri, & Sacerdotalis dignitatis opprobrium, mendicare, & ob mendicitatis angustiam, lucra sectari illicita ac turpia compelluntur;

H h h 3

I. Quod

I. Quod nulli Clerici ad Sacros Ordines sub titulo Patrimonii per Examinatores admittantur, nisi sub distinctione inferius annotata.

Statuimus igitur, ne de cætero quicumque sub titulo Patrimonii ad aliquem sacrorum Ordinum per Examinatores ad hoc deputatos, aut deputandos aliquammodo admitatur; nisi nostras super hoc literas habeat, & ostendat: quas si ostenderit, super eo tamen, quod sufficiens Patrimonium obtineat, nisi ad minus literas alicujus Prælati, aut Christianitatis Decani, seu Curati, aut Canonici, vel duorum Presbyterorum idoneorum literas habeat, sigillis notis signatas: & nihilominus per duos testes idoneos juratos, & per proprium juramentum coram nostris Examinatoribus hoc doceat, & ostendat. Volumus etiam, quod sic (a) ad titulum Patrimonii, his habitis & receptis probationibus promovendus suo se obliget præstito juramento, quod sic obtinere se probavit, nequaquam alienet in toto, vel in parte, quousque sit Ecclesiasticum Beneficium competens pacifice affectus. Mandamus etiam Examinatori seu Examinatoribus ad hoc deputatis, deputandis, præsentibus, & futuris, sub poena suspensionis ab officio, quam (monitione sex dierum exnunc præmissa) in quolibet eorum ferimus, ne omisis prædictis probationibus & juramentis, aut aliqua eorum parte, aliquem sub titulo Patrimonii ad aliquem sacrum Ordinem audeant admittere, seu præsumant. Competens autem Patrimonium vocamus, & æstimamus, de quo viginti & quatuor solidi grossorum Turonensium regali expendi commode ad minus poterunt annuatim.

II. Ne per Examinatores ad Ordines admittantur, qui debita ætatis non sunt.

Licet præsentati sub titulo Ecclesiæ, seu Monasteriorum citra literaturæ, & ætatis examinationem, ad sacros Ordines in nostra Diocesi recipi consueverunt, & admitti: quia tamen (sicut experti sumus) nonnulli sub titulo Ecclesiæ, & Monasteriorum secularium, & Religiosorum, ad sacrorum Ordinum susceptionem aliquoties præsentantur, qui ex ipso solo affectu

pro eo suscipiendo ordine, ad quem suscipiendum præsentati sunt, ætatis pati defectum apparent evidenter: statui-
mus, ut Examinatores pro tempore existentes, coram quibus se ordinandi præsentare debent, quantumcunque sub titulo Ecclesiæ aut Monasteriorum secularium aut Religiosorum fuerint præsentati, sic præsentatos diligenter inspiciant: & si quis ex eis, quoad suscipiendum ordinem, ad quem præsentatur, pati defectum ætatis (cujus ipsum esse debere statuta declarant Canonica) ex ipso solo apparuerit, seu videatur evidenter adspectu, ad susceptionem talis Ordinis nullatenus admittatur, donec ad debitam perveniat ætatem: vel nisi docuerit Canonicæ, quod quamquam minoris appareat, sufficientis tamen, quoad hunc Ordinem suscipiendum, ad quem præsentatus fuerit, sit ætatis. Vicario etiam nostro in Pontificalibus pro tempore existente, ne sub titulo Ecclesiæ, Monasteriorum, vel secularium seu Religiosorum quenquam, de quo aliquo modo, quoad ætatis sufficientiam, pro eo adipiscendo ordine, quem desiderat, poterit verisimiliter hæsitari, sine Examinatoris examine, & admissione ad hunc Ordinem admittere præsumat, nostram interdiximus potestatem.

III. Declaratio Statuti D. HENRICI Archiepiscopi, ne Clerici seculares, vel Religiosi, Officium Tabernariorum exerceant.

Cum bonæ Memorix HENRICUS Prædecessor noster statuendo prohibuerit, ne Clerici seculares, & Religiosi, Officium Tabernariorum exerceant: nolens tamen per hoc Statutum, quenquam a venditione vinorum, si qua ei a Beneficiis, seu aliunde præter negotiationis causam derivata fuerint, dommodo hoc sine dolo, nec in fraudem sui prædicti Statuti fecerit, modis hæcenus consuetis, & decentibus, prohibere: a nonnullis in dubium revocatur, qui modi sint consueti, & decentes, & circa venditiones vinorum hujusmodi, Clericis observandi? Statuto igitur præfenti duximus declarandum, modos venditionis consuetos, & decentes fore, quod scilicet hæc vinorum venditiones sine caupo-

(a) forte: sub titulo.

num vociferatione, & clamore, & quantum in venditoribus est, sine fraude, absque remanensione, & demoracione hominum bibentium ea vina intra, vel ante domum, ac intra immunitatem, in quibus vina venduntur, fiant: & potare hæc vina volentibus, ne eis ibidem remanendi, & demorandi occasio præbeatur, pocula sive amphoræ, sicut in tabernis publicis laicalibus fieri consuevit, non commodentur, nec aliquoter ministrentur: suntque secundum renorem præfati Statuti, de cætero a Clericis vinorum venditiones exercendæ. Eos autem Clericos, qui secus fecerint, in pœnas virtute præfati (b) Statuti in ipsos promulgatas, incidere decernimus.

IV. *Declaratio statuti ejusdem D. HENRICI Archi-Episcopi, & adjectio penarum, contra Clericos non portantes Coronas, & Vestes statui Clericali congruentes, & hastiludia exercentes.*

Felicitis recordationis HENRICUS Prædecessor noster, de suorum Capituli, & Prælatorum consilio in Clericos quoslibet Beneficiatos, non portantes assidue Coronas in capite, quæ secundum sui Ordinis, & status decentiam detestæ appareant, interdicti ab ingressu Ecclesiæ sententiam, quam extunc (monitione quindecim dierum præmissa) ipsos incurrere voluit, promulgavit: similiter in Clericos vestes scaccatas, omnino virides, aut omnino glaucas, aut omnino rubeas, aut a lateribus vel ante petus notabiliter (c) fissas, aut nodatas, publice desuper sine causa rationabili portantes, unius mensis monitione præmissa, ne hujusmodi vestibus uterentur de cætero, decrevit, statuendo pœnas constitutionis Clementinæ, quæ incipit: *Quoniam qui abjectis* &c. extendendas volens, & statuens, ut Clerici talibus vestibus post hunc mensem utentes publice, pœnas hujusmodi (quæ, quoad Beneficiatos, est suspensionis sententia per sex menses a perceptione fructuum Beneficiorum, quæ obtinent) incidant ipso facto. Nonnulli tamen Clerici Beneficiati, effectum harum pœnarum, & Clericalis militiæ (immo etiam aliqui ex eis, qui sacrorum Ordinum sunt caracte-

re insigniti) minime attendentes, quo ad usum, & utilitatem privatam stipendiorum Beneficialium, Clericalis militiæ stipendiariis esse volunt, ad obsequia vero, quæ horum stipendiorum receptio, exigit, se nequaquam obnoxios reputantes, adscribunt dedecori, vile æstimant, aut autumant inhonestum, in hujusmodi characteris Clericalis militiæ, & sacrorum Ordinum, quos sibi assumpserunt, signis, & insigniis, in tonsura scilicet, & habitu eos decentibus, conversari, & incedere, & in publico comparere. Hanc itaque tonsuram abhorrescentes, & habitum, in capillorum longitudine, in capitibus, & in barbis, absque coronis, minime tonsurati, & in vestibus prohibitis, & omnino indecentibus, & quod deterius est, in Choro, & Capitulo, immo serviendo in ordine, barbat, & sine corona Clericali, decente statum, & ordinem, incedentes, laici adeo se conformant, ut inter ipsos, & laicos, etiam excessive delicatos, & mundanos delectus modicus, immo nullus quoad tonsuram, & habitum valeat perpendi. Quidam etiam eis, hastiludiis (ex quibus homicidia, & membrorum mutilationes probabiliter sequi possunt) cum militibus, & armigeris laicis, in locis etiam, ubi Beneficia obtinent Ecclesiastica, temere se immiscant, ipsa hastiludia corporaliter exercendo. Quibus Nos competentem cupientes adhibere medelam, in Clericos quoscumque cujuscunque dignitatis, conditionis, aut status existant, barbam ultra consuetum Clericis modum nutriendes, pœnam interdicti ab ingressu Ecclesiæ: item in exercentes hastiludia in locis, in quibus Beneficia Ecclesiastica obtinent, & tunicas, quibus manicæ coloris alterius, quam sint ipsæ tunicæ, sunt assutæ, portantes, pœnam suspensionis per sex menses a perceptione Beneficiorum, quæ obtinent, secundum prædictorum continentiam statutorum duximus extendendas: statuentes, ut qui deinceps in has interdicti, vel suspensionis pœnas ex dictis causis inciderint, & durantibus his interdicto, & suspensione, & antequam absolutionis literas ab hujusmodi sententiis a Nobis, seu nostro Officiali, meruerint obtinere, & eas Capitulo suo ostenderint, maxime hi, qui in Choro, &

Capit-

(b) mandati.

(c) forte: scissas.

Capitulo, aut in serviendo in officio sine coronis decentibus statum, & ordinem, & cum barbis ultra quindenam non abrafis, seu in vestibus prohibitis comparuerint, ne quicquam de suis Beneficiis, etiam sibi ab alio quocunque oblatum, recipere, nec ex distributoribus, pro Præbendarum, fructuum, proventuum & obventionum distributionibus faciendis a Capitulo deputatis, eis quicquam de eorum præbendis, sive in grosso, sive in quotidianis distributionibus, ministrare præsumat: alioqui tam recipiens, quam ministrans scienter, eo ipso se noverint excommunicationis sententia, quam ex nunc ferimus, innodatos. Et si durantibus hujusmodi interdicti seu suspensionis sententis, & antequam sic interdicti, & suspensi, ut dictum est, se doceant absolutos, ipsi quicquam de suis præbendis receperint, & Capitulum Ecclesiæ, in qua interdicti, & suspensi hujusmodi negligentias commiserunt, ratum habuerint, hanc receptionem expresse, seu tacite, dissimulare (ne hoc nostrum statutum effectum habeat) cupiens, a tractatibus Capitularibus eo ipso volumus esse suspensum tamdiu, donec ipsos interdictos, & suspensos induxerit integre, & sine diminutione aliqua restituere sic percepta: tollentes præsentis auctoritate statuti, ipsi interdictis taliter, & suspensis quicquam de præfatis fructibus, redditibus, proventibus, & obventionibus ab ipso Capitulo, seu a quocunque alio, remittendi, dandi, seu restituendi potestatem.

V. *Innovatio Statuti D. CONRADI Archiepiscopi, de modo, & forma tenendis, & exercendis circa Officium Divinum, cum adjectione penarum contra non observantes.*

Quamquam olim bonæ Memoræ Prædecessor noster CONRADUS, de Consilio Capituli, & Priorum suorum, statuendo præceperit, ut Divinum Officium, in Choro cujuscunque Ecclesiæ Collegiatæ nunquam absque Ordine Ministrorum Sacerdoti ministrare debentium, scilicet Diaconi, & Subdiaconi, decantaretur: in Ecclesia tamen nostra, & nonnullis aliis Ecclesiis Collegiatis (quod cum cordis amaritudine referimus) ad hoc his temporibus est devenum, quod

frequentèr propter ministrantium, seu alterius eorum defectum (eo quod illi Canonici, quibus ex more pro ministrando in officio ad Altare in suo Ordine hebdomada designatur, hoc ministrandi officium facere negligunt, neque curant) Missarum solennia omittuntur: ex quo DEUS offenditur, ordo Ecclesiasticus confunditur, excrescit indevotio populi, scandala oriuntur: & ipsa nostra Ecclesia (quæ cæteris subjectis Ecclesiis, in Divinorum Officiorum peractione solenni, deberet esse speculum, & exemplar) occasio negligentiarum ipsorum reputari poterit Divinorum. Cui Nos voentes omnino, ut tenemur, remedio occurrere opportuno, statuendo renovamus, ut sicut in prædictis continetur statutis, in nostra, & qualibet nostræ civitatis, & Diocesis Ecclesia Collegiata, quoties opus fuerit, post ingressum ad Capitulum, ante omnem tractatum disciplinæ, vel etiam alterius cujuscunque actus seu negotii, Decano præsentem, vel absentem, tabulæ Capitulares, lecturam habentes in scripto distinctæ, quid unicuique sit cantandum aut legendum in choro, legantur, & audiantur diligenter: vel Cantor, vel Succentor, seu alius, ad quem hoc pertinet de consuetudine Ecclesiæ, vel cui hoc duxerint committendum, poterunt cuilibet, quid sibi legendum aut cantandum in choro incumbat, referre. Et secundum hoc præcipimus cuilibet, quatenus id, quod sibi faciendum, cantandum, seu legendum incumbit, per se, vel per alium compleat reverenter. Huic etiam statuto addimus, quod si aliquis Sacerdos, Diaconus, aut Subdiaconus, cui in summo Altari celebrandi, aut serviendi Ordine, per lecturam prædictam, aut Cantoris aut Succentoris relationem, seu ejus, ad quem hoc de consuetudine pertinet, seu ex eorum parte, hebdomada fuerit deputata: seu is, qui secundum aliquarum Ecclesiarum consuetudinem, ex gradus ordine, aut alio quovis modo, præter aliquam lecturam, aut intimationem faciendam, se Missam celebraturum scit, vel scire debet; nisi per causam legitimam, vel rationabilem evidenter (ita quod per se, vel per alium explere non valeat) impediretur, per se celebret, & serviri per alium modo debito, & consueto faciat, & procuret. Alioqui si cessan-

cessante hujusmodi legitima, & rationabili causa evidenter, hoc neglexerit, pro cuiuslibet officii unius Missæ negligentia, a perceptione distributionum, & omnium observationum (præter fructus grossos, qui corpus præbendæ appellantur) tamdiu ipso facto sit, & maneat suspensus, quousque grossos quatuor Turonenses regales, nomine pœnæ, collector suspensionum de hujusmodi ejus fructibus toties quoties in una Missa suam non fecerit officium, scilicet pro singulæ Missæ defectu singulos quatuor grossos, recipiat: vel ipse negligens aliunde satisfaciatur, in eos usus, in quos suspensionum distributiones quotidianæ servari, & expendi consueverunt, servandos, & exponendos: & de hujusmodi pœna in parte, vel in toto quicquam ipsi negligenti remittendi, Capitulo vel alicui adimimus potestatem. Quod si hac suspensione durante talis sic negligens, receptioni harum distributionum, aut obventionum, aut partis ejus alicujus, etiam si Administrator, vel quicumque alius eos seu hujusmodi partem sibi offerat, immiscuerit, recipiendo distributiones, & obventiones hujusmodi seu earum partem, ipso facto excommunicationis sententiæ, quam

exnunc ferimus, ipsum negligentem, & sibi distributiones, & obventiones hujusmodi scienter offerentem seu dantem, volumus subiacere, pœna præmissa nihilominus in suo robore duratura. Volumus etiam hanc scripturam, & lecturam in Capitulis Ecclesiarum, in quibus de consuetudine ex gradus Ordine, aut alio modo celebraturi seu ministraturi, quando celebrare aut ministrare debeant, nesciunt, nec scire tenentur, nec alias eis intimatio fieri solet, Cantor, vel Succentor, seu alius, ad quem hoc de consuetudine pertinet, fieri procurent, aut relationem faciant, ut est dictum. Alioqui ipse Cantor, seu is, ad quem hoc de consuetudine pertinet, toties quoties hoc negligenter omiserit, & ex hoc defectus Missæ decantandæ evenerit, dictis pœnis, prout superius enarrantur, subiaceat ipso facto. In quorum testimonium, sigillum nostrum una cum sigillo Capituli nostri duximus præsentibus apponendum.

Datum Colonie in crastino B. Remigii Confessoris, Anno Domini MCCCXXXIII.

Statuta Ecclesiæ Coloniensis impr. A. 1554.

CONCILIIUM COLONIENSE VERNUM ET AUTUMNALE,

Anno Christi MCCCXXXV. Benedicti XII. Papæ II.
Ludovici IV. Regis XXII.

Cap. I. *Quod Officialis Coloniensis non habet potestatem absolvendi Clericos, excommunicationis sententiam incurrentes, propter bastiludia aut indecentiam Vestium seu Tonsuræ, nisi recepta prius ab eis cautione Juratoria de parendo mandatis Ecclesiæ.*

WALRAMUS, Dei Gratia, sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius &c.

Alias Statuta quædam Synodalia, edita per bonæ memoriæ HENRICUM Prædecessorem nostrum, super Tonsuris, & Vestibus Clericalibus, in aliqua sui parte in nostris Statutis Synodalibus de-

Tomus IV. Concil. German.

claramus, & extendimus ad eos, qui barbas statum Clericalem non decentes nutriunt: nec non ad eos, qui hastiludia in locis, in quibus Beneficiati existunt, exercent: additis, subtractis, & mutatis quibusdam, sicut hæc in ipsis nostris Statutis plenius continentur. Quia vero nonnulli in pœnas horum Statutorum ex suis incidentes delictis, quasi parvi, immo nihil reputant, a nostro Officiali, a suspensionis, interdicti, excommunicationis sententiis, in eisdem statutis prolati, quas incidunt, absolutiones petere, & impetrare, sic etiam, quia quasi ex hujusmodi facili imperatione, recidivare continue in pœnas sententiarum hujusmodi non formidant, & præfatas sententias

I i i

vili-

villipendunt: ipsi Officiali nostro, ne de cætero eos, qui in tales sententias suspensionis, interdicti, & excommunicationis prolapsi fuerint, ab huiusmodi absolvere præsumat, omiſſa ſolennitate juris, qua cavetur, quod tales, absolvendi non ſunt ſine cautione Juratoria præſtanda *de parendo mandatis Eccleſiæ*, & poſtquam talem præſtiterint cautionem, eis in virtute huiusmodi juramenti injungat, quod de cætero ab his, propter quæ has inciderunt ſententias, abſtinebunt: & aliter, quam præmiſſis obſervatis per omnia, prædictos ſic ligatos absolvendi a ſententiis huiusmodi, prædicto Officiali noſtro totalem adimimus poteſtatem.

Datum Anno Domini 1335. die Dominica, qua cantatur *Invocavit*.

Cap. II. *Ne quis plures Miſſas una die celebret.*

WALRAMUS, Dei Gratia, ſanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius &c.

Quoniam ſacrorum Teſtatoribus *Regulis Canonum*, cuilibet Sacerdoti ſufficere, quod unam de die Miſſam duntaxat celebret, præterquam in caſibus exceptis, regulare exiſtat, immo, & valde felicem eſſe Presbyterum, qui unam digne de die celebret: Nonnulli tamen Sacerdotes, non in caſibus permiſſis ſibi, immo (quod horrendum eſt) avaritiæ ducti cupidine, vel nolentes ſibi habere ſocios in Eccleſiis, in quibus præfecti ſunt, ut amplius de redditibus earum ſibi abſorbeant, de quibus tamen ſibi, & ſocio poſſent pro ſuis neceſſitatibus ſatiſficere competenter: vel qui tanquam mercenarii aliis ſervjunt, ut amplius lucrentur: ex pacto etiam & condicto onus celebrandi quaſi quotidie, ſeu alternis diebus, Miſſas duas in ſe recipiunt, *contra eorundem ſacrorum Canonum inſtituta*, quod de cætero omnino prohibemus: inhibentes ex nunc univerſis Presbyteris noſtræ Civitatis, & Diœceſis, ne quis de cætero plus quam unam Miſſam una die, niſi per aliquem de caſibus a jure exceptis, manifeſte, & plane ſe excuſare valeat, celebrare præſumat. Contrarium facientes, quos Nos monitione (qua Nos ex nunc omnes, & ſingulos monemus) novem dierum præmiſſa, excommunica-

mus in his ſcriptis, excommunicatos per Decanos Concilii, & locorum Plebanos, ſeu eorum vices gerentes, volumus publice nunciari. Si qui etiam de cætero talia facere præſumpſerint, ex nunc Decanis Chriſtianitatum in virtute ſanctæ obedienciæ diſtrictè mandamus, ut tales ad Nos, ſeu Officiale noſtrum deferant, pœnam ſibi ſuper hoc debitam recepturos.

Datum craſtino Dominicæ *Invocavit*, Anno Domini 1335.

Cap. III. *Contra Paſtores non promotos, & non reſidentes.*

WALRAMUS, DEI gratia &c. Dilectis in Chriſto Decanis Chriſtianitatum, nec non Plebanis Eccleſiarum noſtræ Civitatis & Diœceſis, aut eorum vices gerentibus, Salutem in Domino ſempiternam.

Quoniam inter cætera, quæ noſtræ conſiderationis oculus in noſtra civitate & Diœceſi, poſtquam ad regimen Colonienſis Eccleſiæ, licet immeriti, Divina diſponente clementia, aſſumpti fuimus, correptione digna proſpexit, unum notabiliter periculolum & deteſtabilem comperimus abuſum & peſſimam corruptelam, ſcilicet, quod in noſtra Diœceſi non pauci, immo in multitudine copioſa, Eccleſiarum Reſtores ſeu Paſtores, poſtquam pacificas ſuarum Eccleſiarum poſſeſſiones adepti ſunt, ad annum, & amplius, immo per multos annos, ad ordinem Sacerdotii non promoti exiſtunt: aliqui vero in ſuis huiusmodi Eccleſiis non reſident, citra diſpenſationes & licentias eorum, qui ſuper his poteſtatem habent canonice diſpenſandi: fructusque ex ipsis ſuis Eccleſiis, nec non redditus & proventus non eo minus tollere verentur. Cui morbo, eſſi competentem apponere intendamus medelam; quia tamen idem morbus ex diſſimulatione noſtrorum Prædeceſſorum adeo communis irrepſit, quod tales ſic non promoti & non reſidentes, corruptelam hanc nominant conſuetudinem, ſua hac in parte peccata notoria, hac allegatione pudenda defendere ſatagentes: nos in præmiſſis, omiſſa pro nunc contra eos executione juſtiæ rigoroſæ omnes tales & ſingulos, cujuſcunque ſtatus ſeu conditionis exiſtant, in hujus-

hujusmodi *Sanctæ Synodi Congregatione* rogamus, hortamur in Domino & monemus, ut se intra tres menses a data præsentium sic disponant, non promoti scilicet, ut promoveantur, & non residentes, de cætero residentiam faciant personalem. Alioqui sciant nos contra eos, prout nobis melius faciendum, & utilius visum fuerit, sine dubio processuros.

Cap. IV. *Ne Patroni vel ineptos præsentent ad Ecclesias, vel alioquin intercedentibus pactis illicitis.*

Item quia nonnulli (quod utique non minus præmissis dolendum est) Ecclesiarum curatarum Patroni existunt, ipsis quospiam præsentare incumbit, & carnali, seu alio inordinato affectu desiderio circa aliquos, fortasse suos filios aut cognatos, aut alia affinitate seu amicitia conjunctos, qui vigesimum quintum ætatis suæ annum minime attigerunt: & sic defectu ætatis obstante, ad Beneficia curata minus habiles existunt, tales sic inhabiles, ad tales præsentare Ecclesias gerunt in voto, verisimiliterque dubitant, tales, si præsententur, per eos, ad quos horum pertinet admissio, admitti nequaquam debere; cum quibusdam, forte Presbyteris, seu aliis, quibus ætatis, licet non justitiæ seu conscientie maturitas suffragatur, paciscuntur, & inter se condicunt quod scilicet tales Presbyteri se præsentari ad tales permittunt Ecclesias, & postquam admissi fuerint ad easdem, eas ad ipsorum Patronorum voluntatem debeant dimittere, & certam partem modicam fructuum, reddituum, & obventionum earundem Ecclesiarum sibi reservare, ipsis Patronis toto residuo remanente. Aliqui etiam simpliciter cum Patronis conveniunt, ut ad Ecclesias aliquas præsententur, de certa portione ad tempus, seu quamdiu ipsas Ecclesias tenuerint, anno quolibet persolvenda. Et sic tales Presbyteri suæ salutis immemores, pessima specie simoniacæ pravitatis infecti, ad tales Ecclesias non intrantes per ostium, eas possident: immo verius occupant minus juste, & curæ talium Ecclesiarum non capaces, populos harum Ecclesiarum decipiunt, circa prædictos fructus, redditus, proventus & obventiones committendo spolum & rapinam. Cui quantum pos-

sumus, occurrere cupientes, omnes & singulos tales, hujusmodi peccati turpitudinis labe resperfos, in præsentia congregatorum in hac *Sanctæ Synodo* monemus nostra auctoritate, ut tales, Ecclesias, quas sic præsentati obtinent, immo occupant, statim coram Nobis, seu Officiali nostro, & præsentem persona publica, verbo & facto publice dimittant, ad eas (nisi super præmissis egerint poenitentiam, & dispensationem ad hoc habuerint) nequaquam de cætero reversuri. Et coram Nobis, aut prædicto nostro Officiali compareant, Nostrium, seu ipsius Officialis super hoc audituri mandatum. Monemus etiam omnes & singulos hujus rei conscios, ut Nobis, seu prædicto Officiali nostro tales personas, sic Ecclesias obtinentes, nominent, & revelent. Alioqui tam prædictos, sic Ecclesias obtinentes, quam conscios & non revelantes, (quos, monitione decem dierum præmissa, in his scriptis excommunicamus) excommunicatos nominatim, quorum nomina sciveritis, reliquos in genere, publice in vestris Ecclesiis nuntietis, & per Plebanos, seu eorum vices gerentes, intra vestros constitutos Decanatus, nostra auctoritate, quam vobis in hac parte committimus, nunciari præcipiat. Intimamus etiam eisdem, quod si prædicti tales, sic Ecclesias obtinentes, se Nobis, seu Officiali nostro non præsentaverint seu nominaverint, nostram indignationem incurrant: & si eam expectare maluerint, nullam a Nobis gratiam invenient, (quam tamen, si se ipsos ostenderint, firmiter expectare poterunt) verum consequentur id, quod justitia dictaverit rigorosa. Et ne aliqui ex eis, crassam præsentium præterdere valeant ignorantiam, quamvis necesse non esset, id, quod in hac *Sacra Synodo* ita publice promulgatur, singulorum auribus inculcare; vobis in virtute sanctæ obedientiæ, & sub pœna excommunicationis districte præcipiendo mandamus, quatenus has nostras literas, & in eis contenta, in vestris Ecclesiis, & per Plebanos, seu eorum Vicarios, intra vestros Decanatus constitutos, publicetis, & nostra auctoritate publicari omnimode faciatis. Datum crastino Dominicæ *Invocavit*, Anno Domini 1335.

Cap. V. *Contra Beggardos & Suestriones.*

WALRAMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius &c. Dilectis Abbatibus, Præpoſitis, Decanis Eccleſiarum Collegiatarum, nec non Collegiis & Conventibus, ac Decanis Chriſtianitatum, Plebanis, & eorum vices gerentibus, nec non omnibus & ſingulis Clericis ſæcularibus & religioſis, ac univerſis Chriſti fidelibus noſtrarum Civitatis & Diœceſis, Salutem in Domino ſempiternam.

Olim bonæ memoriæ HENRICUS Prædeceſſor noſter, homines, qui Beggardi & Sueſtriones appellantur, propter vitam & converſationem eorum ſuſpectam, eorum ſectam cupiens extirpare, ne communione eorum periculofa, cæterorum Chriſti fidelium gregem tanquam oves morbidæ coinquinarent, proceſſus quosdam fecit, in quibus eos, monitione Canonica præmiſſa, ſuam præcepit exire Diœceſin: & ſi qui manere debeant, ſub certis modis, & conditionibus fuerant remanſuri; ipſosque poſtmodum ſi remanerent, ſeu ad ſuam reverterent Diœceſin, & civitatem, vel venirent, ſeu mandatis ſuis ſalubribus non parerent, monitione legitima præmiſſa excommunicavit, & excommunicatos mandavit publice denunciari, & alios diverſos, & eis merito formidandos proceſſus, contra ipſos duxerat emittendos: Noſque ejus veſtigii inhærentes, ſecundum eorundem proceſſuum continentiam; contra eos, & eorum perſonas noſtros proceſſus duximus faciendos ac etiam publicandos, ſicut hæc ad veſtram, ſeu veſtrum majoris partis notitiam deveniſſe, minime dubitamus, prout hæc & alia in literis tam Prædeceſſoris noſtri, quam noſtris ſuper hoc conſectis, plenius continentur. Verum quia, prout ad noſtram relatum eſt audientiam, hujusmodi hominum pernicioſa de novo incipit adeo in noſtra civitate & Diœceſi invaleſcere multitudo, ut niſi de novo eis per competentia contraria reſiſtatur, pejora prioribus pericula ſubintrabunt: Vobis Plebanis & vices veſtras gerentibus, in virtute ſanctæ obedienciæ, & ſub pena excommunica-

tionis diſtrictè præciendo mandamus, quatenus contra omnes hujusmodi ſectarum homines, Beggardos & Sueſtriones, ſecundum præſati Prædeceſſoris noſtri, & noſtorum proceſſuum continentiam procedatis, ipſos proceſſus contra eos, & ipſos in domos ſuas recipientes, communicantes eiſdem, ſeu eis quidquam dantes, nec non eorum fautores, & eis opem ſeu operam conferentes, procedatis. Vosque omnes, & ſinguli ſupradicti ipſos arctius evitetis: & intimamus vobis, quod ſi in præmiſſa executione aliqui ex vobis inventi fuerint deſides, vel remiſſi, contra tales per rigorem juſtiæ ſine dubio procedemus.

Datum craſtino Dominicæ *Invocavit*, Anno 1335.

C. VI. *De non promotis, & non reſidentibus.*

WALRAMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius &c. Dilectis in Chriſto univerſis, & ſingulis Decanis Chriſtianitatum noſtræ Diœceſis, ſalutem in Domino.

Cum nuper in Concilio proxime præterito in *majori Eccleſia noſtra Coloniënſi celebrato*, omnes & ſingulos Eccleſiarum Parochialium (a) Paſtores non promotos ad Sacerdotium, aut non reſidentes, moneri, requiri & hortari in Domino charitative fecerimus, ut intra certa tempora promoveri ſe facerent, & in ſuis Eccleſiis reſiderent, niſi eos cauſæ rationabiles excuſarent: alioqui Nos proceſſuros contra eos fuerimus comminati: quo non obſtante, nonnulli in ſua pertinacia perſiſtentes, non promoti, ac non reſidentes, & ad ſuſceptionem ordinis Sacerdotii, & ad reſidentiam faciendam, ſicut prius, hætenus ſe non diſpoſuerunt, & adhuc minime ſe diſponunt. Quocirca vobis committimus & mandamus, quatenus quilibet veſtrum per ſe, ſeu per alium, aut alios vice, & autoritate noſtra, quas cuilibet veſtrum in hac materia committimus, fructus univerſos Eccleſiarum hujusmodi non promotorum, & non reſidentium, prout cuilibet veſtrum ſubſunt, ſequeſtretis, & in ſequeſtro ſub (b) firma cuſtodia teneatis

(a) Rectores

(b) fida

tis & reservetis, quousque aliud receperitis in mandatis. Volumus etiam, ut si qui ex eis causas rationabiles juris proponere (c) voluerint, quare tales non promoti, & non residentes, ad præmissa minime teneantur, coram Officiali nostro Colonienſi probent, & proponant, & ejus super hoc declarationem recipiant. Si qui vero ex eis, in hujusmodi rationabilibus causis deficiunt, vel eas non habuerint, in fructibus hujusmodi suarum Ecclesiarum, aut parte aliqua eorum, cum verisimiliter hanc poenam plus timere consueverint, prout quantitas eorum contumaciæ exegerit, decernimus mulandos. Quos quidem fructus Dilecto in Christo Sigillifero Colonienſi, dum, & prout requisierit, volumus assignari, & ei rationem fieri de eisdem: Ecclesias etiam prædictorum non promotorum, & non residentium, quarum fructuum sequestratio forsitan impediretur violenter, expresse vel occulte, per quamcunque personam cujuscumque Dignitatis, Status, aut conditionis existat, monitione sex dierum præmissa, Ecclesiastico supponimus interdicto, in ipsasque personas in hoc culpabiles, excommunicationis sententiam ferimus in his scriptis. Et tam diu Ecclesiæ maneant interdictæ, & personæ excommunicatæ denunciuntur, quousque Ecclesiæ fuerint relaxatæ, & personæ mereantur a Nobis, seu ab Officiali nostro absolutionis Beneficium humiliter obtinere. Nomina vero non promotorum, & non residentium, & Ecclesiarum, quas obtinent, aut quid in præmissis feceritis, Sigillifero nostro prædicto intra novem dies post receptionem nostri mandati, rescribere nullatenus omitteritis. Nomina etiam illorum, qui in hoc præſenti nostro mandato rebelles aut impediētes tacite seu expresse, per se, seu per alios, fuerint reperti, quam cito talem rebellionem aut impedimentum intellexeritis, prædicto nostro Sigillifero rescribere, & intimare non differatis. Datum Bonnæ *Feria quinta post festum B. Petri ad Vincula*, Anno Domini 1335.

(c) habuerint

C. VII. *Declaratio super Statuto edito a D. ENGELBERTO contra eos, qui manus violentas injiciunt in Clericos.*

WALRAMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius:

Cum olim bonæ memoriæ ENGELBERTUS noster Prædecessor, in primo Capitulo Statutorum tunc Synodalium, quod intitulatur: *Contra eos, qui manus in Clericos, vel personas Ecclesiasticas injiciunt temere violentas*: quosdam probandi modos, per quos, seu per quorum alterum ad minus, probari & constare deberet de injectione hujusmodi violenta, ad hoc, quod prædictum Statutum contra eos editum servaretur, expresse sub his verbis, scilicet: Cum de injectione hujusmodi constiterit per facti evidenciam, vel publicam famam, vel aliam fidem, coram loci Ordinario faciendam per juramentum injuriam passi, si fuerit persona honesta & fide digna, vel per testes: & in Statutis subsequentibus, quæ de injuriis personarum Ecclesiasticarum, ac Monasteriorum, & rerum Ecclesiasticarum, seu ad eas, vel ad ea pertinentium, faciunt mentionem, modos probandi non expresse & constandi; in hujusmodi tamen Statutis iidem probandi & constandi modi, per multa tempora, puta per quadraginta annos & amplius, nedum hujusmodi Statutis existentibus Synodalibus, verum etiam postquam per bonæ memoriæ HENRICUM Prædecessorem nostrum in Provinciali Concilio congregato, autoritate & consensu hujus Provincialis Concilii, ad ipsam nostram Provinciam in omni forma, modo, ac clausulis, & tenoribus, & poenarum adjectionibus suis fuerunt extensa & Provincialia facta, usque ad hæc tempora sint observata a nostris subditis pacifice & quiete: quia tamen ad Nos noviter devenit, apud nonnullos in dubium revocatum esse, an hæc subditorum nostrorum observantia, ex eo, quod prædicti modi probandi, in præſato primo Capitulo duntaxat expressi sunt, sint sic de jure hætenus observata, & in antea observanda: Nos minime ambi-

gentes, ut Ecclesiasticis personis, Ecclesiis, & Monasteriis, ac earum rebus contra multiplices injurias, quæ frequenter ipsis & multipliciter irrogantur, celeri subveniretur remedio, nec ipsos Prædecessores nostros in hac parte in odium injuriatorum, ad probationes aliquas, in quibus prorsus ad celere non posset perveniri, remedium oppressorum, remittere voluisse, & ob hoc eosdem probandi modos & constandi, cum eadem sit ratio primi & omnium subsequenti Statutorum, & si quodammodo non expresse sint, fieri debere, eorundem Prædecessorum nostrorum fuisse absque dubio voluntatem. Autoritate igitur præsentis statuti, de consilio & consensu dilectorum in Christo Capituli & Prælatorum nostrorum decernimus, dicimus, & declaramus, juris observantiam prædictam rationabilem, ac intentioni prædictorum Condentium correspondentem, & ita debere a nostris subditis sine contradictione qualibet, absque dubitationis scrupulo, de cætero observari. Datum anno Domini 1335. in vigilia B. Remigii Confessoris.

C. VIII. *Innovatio Statuti D. HENRICI
Archi-Episcopi, contra Beggardos
& Suestriones.*

IN Nomine Domini, Amen. WAL-
RAMUS, DEI gratia, Sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo Præpositis, Archi-Diaconis, Abbatibus, Decanis, Prioribus, & Prælatibus, Ecclesiarum Rectoribus nostrarum civitatis ac Diocesis Coloniensis, ac aliis nostris subditis universis, Salutem in Domino sempiternam.

Cum alias bonæ memoriæ HENRICUS Prædecessor noster, multa diligentia & deliberatione præhabitis, quosdam homines, Beggardos & Suestriones vulgariter nuncupatos, cum suis receptatoribus, defensoribus, & fautoribus, propter sectam, quam sequuntur, & errores varios Fidei Catholicæ contrarios, exigente justitia excommunicasset, & excommunicatos per omnes Ecclesias civitatis & Diocesis nostræ mandasset publice nunciari, diversis nihilominus pœnis contra eos in suis processibus pro-

mulgatis, quos & Nos in pluribus nostris Synodalibus Conciliis innovari fecimus publice & solemniter publicari, prout hæc & alia in ipsius nostri Prædecessoris processibus atque nostris plenius continentur: Nos demum fide dignorum assertionibus inclinati, assertionum complures ex his, dictorum Beggardorum & Suestrionum abjecto habitu & spretis erroribus, reconciliationis gratiam & absolutionis beneficium affectare, etiam erroris (a) sectam hujusmodi & habitum abjurare; certo nostro Commissario super his inquirendi, eosque, vel eas ab ipsis processibus, arque pœnis in ipsis contentis, absolvendi dedimus potestatem. Verum quia de novo, nonnullos hujusmodi habitus delatores, & sectæ professores, non abjuratis secta & habitu hujusmodi, immo ipso habitu non abjecto, a dictis processibus & pœnis in ipsis contentis, per dictum nostrum Commissarium (quod tamen nec speramus, nec credimus) se publice percepimus asserere absolutos: Nos, qui precipue in votis gerimus, ut negotium Catholicæ Fidei nostris prosperetur temporibus, & errores hujusmodi a finibus fidelium extirpentur, præsentibus declaramus, nostræ intentionis nec fuisse, nec esse, quod ipse noster Commissarius ipsos Beggardos aut Suestriones a dictis processibus & pœnis eximeret, vel absolveret, aut eos ipsis decerneret non teneri, nisi prius ipsi, ipsorum erroribus, secta etiam & habitu hujusmodi, abjuratis, sub communi vita & habitu Christi fidelium, vivere laudabiliter & devote. Decernimus etiam & declaramus, absolutiones ipsis Beggardis & Suestrionibus datas, & decreta super ipsis facta aliter a quovis nostro Commissario, quod tamen non credimus, non tenere. Quo circa vobis & cuilibet vestrum sub pœnis in dictis processibus expressis & prolati, præcipimus & mandamus, quatenus dictæ sectæ professores & habitus hujusmodi delatores Beggardos & Suestriones, una cum suis defensoribus, receptatoribus & fautoribus excommunicatos, & a cunctis Christi fidelibus evitandos publice nunciatis, contra eos, sicut prius, procedentes, secundum dicti nostri Prædecessoris, & nostrorum continentiam mandatorum, ipsa in omni
sua

(a) errorum

sua forma executioni fidei debite demandando. Datum ipso die B. Remigii

Confessoris, Anno Domini MCCCXXXV.

COLONIÆ SYNODUS DUPLEX

ANNO MCCCXXXVI. VERNA ET AUTUMNALIS.

I. De non residentibus, & non promotis ad sacros Ordines.

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo omnibus, & singulis Christianitatum Decanis nostræ Diœcesis, salutem in Domino.

Meminimus Nos dudum paterna sollicitudine ex officii nostri debito, omnes, & singulos nostræ civitatis, & Diœcesis Ecclesiarum Rectores ad Sacerdotium non promotos; aut etiam promotos, in suis Ecclesiis minime residentes, charitative monuisse, & induxisse, ut intra certa competentia tempora, cessantibus aliis Canoniciis impedimentis seu privilegiis, se promoveri in Sacerdotes procurassent, & in suis Ecclesiis residerent. Veruntamen complures ex eis, nostris monitionibus, & inductionibus salubribus spretis, intra hujusmodi tempora se minime promoveri procurarunt, neque in hujusmodi suis Ecclesiis curaverunt residere, aut privilegia, sive Canonica impedimenta, aut Statuta allegare seu prætere, quare ad hoc non tenerentur, vel compelli non deberent. Unde Nos talium non promotorum seu non residentium temerariam audaciam animadvertentes, fructus hujusmodi Ecclesiarum mandavimus, & commissimus, per vos, & quemlibet vestrum, prout vobis fuverant, sequestrari, & teneri fideliter in sequestro, quousque aliud perciperetis super his in mandatis: hac tamen moderatione tunc adjecta, ut si quis eorundem non promotorum, aut non residentium, privilegiis aut aliis causis rationabilibus, seu Canoniciis impedimentis se tueri posset, quominus hujusmodi nostris monitionibus, & sequestrationibus fructuum parere tenerentur, coram Nobis aut Officiali nostro Colonienfi illas proponerent, & probarent, & suam declarationem reciperent, & determinationem. Aliarum vero Ecclesiarum (quarum Pastores nullam habent

excusationem contra hanc nostram sequestrationem) mandavimus fructus nostro Sigillifero per vos Decanos assignari, & ei rationem fieri de eisdem, nisi compnerent hujusmodi Pastores de his cum eodem. Et ne hujusmodi sequestrationis nostræ mandata præfata, ludi-briosa reddant, Ecclesias hujusmodi non promotorum, aut non residentium, in quibus, vel quarum aliqua, sequestratio nostra præfata impediretur violenter, expresse, vel occulte per quamcunque personam cujuscunque status aut conditionis existeret, monitione sex dierum præmissa, ut desisterent, Ecclesiastico in Scriptis supponimus interdicto: & in culpabilem, seu culpabiles in istis, promulgamus similiter propter hoc in scriptis, præfata Canonica monitione præmissa, sententiam excommunicationis: & mandavimus eosdem excommunicatos, si satisfacere non curarent de commissis, & absolutionis Beneficium a Nobis, aut a dicto Officiali nostro obtinere, publice nunciari. Sane cum nonnulli ex dictis Pastoribus, ad huc non promoti, seu non residentes reperiantur, qui nec privilegia, seu causas rationabiles, aut Canonica impedimenta, quare ad hoc minime tenerentur, coram Nobis, aut dicto Officiali nostro ostenderunt: & his non obstantibus, contra nostram sequestrationem fructus hujusmodi suarum Ecclesiarum, sicut prius perceperunt, & absporraverunt, in animarum suarum grave periculum, & scandalum plurimorum, ac nostram, & nostrorum mandatorum parvi pensionem. Propter quod vos Decanos Christianitatum prædictos, & quemlibet vestrum requirimus, vobisque mandamus, quatenus fructus per vos (a) sequestratos, & vestræ custodiæ deputatos, præfato Sigillifero nostro assignetis, & rationem de his faciatis intra tres septimanas, a data præsentium numerandas. Ecclesias vero Pastorum non promotorum, aut non residentium, qui fructus earum sine licentia nostra, vel ordinatione habita cum Sigillifero nostro, perce-

(a) nos

perceperunt, & absporraverunt (quas propter hoc Ecclesiastico supponimus interdico) interdixas publice nuntietis, mandantes inibi interdictum inviolabiliter observari. Ipsos vero Pastores, seu alios, qui in hoc culpabiles exstiterint, & sunt, & propter hoc sententiam excommunicationis inciderunt, excommunicatos publice in vestris Ecclesiis, & eorum, & alibi, ubi opportunum fuerit, nuntietis, & faciatis ab aliis nuntiari, ubi & quando de hoc fueritis requisiti: mandantes eisdem & aliis, qui scienter in ipsis Ecclesiis sic interdictis in contemptum clavium, divina celebraverint officia, immo potius profanaverint, qui nisi de celeri satisfactione sibi prospexerint, contra eos nominatim tanquam contra irregulares, prout iustitia exegerit, procedemus, nomina horum, qui dictum nostrum sequestrum impediverunt, seu fructus sequestrationis absporraverunt, & nomina Ecclesiarum earundem, Nobis aut præfato Officiali nostro fideliter rescribentes.

Datum Brulæ in crastino B. Valentini Martiris Anno Domini 1336.

C. II. *Revocantur omnia indulta præsentia, per quæ Moniales consueta velamina tollendi auctoritatem sibi concessam excusare volunt, & falso allegarunt.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis præsentis literas visuris, & audituris, salutem in Domino sempiternam.

Quamquam animarum subditorum nostrorum periculis, ex nostri Officii debito præcavere, quantum possumus, teneamur, illarum tamen excessibus personarum, quæ specialiter Divino sunt mancipatæ ministerio, præsertim quando ipsorum dissimulatio correctionis excessuum, non absque nostra aliqua infamia poterit non modica perdurare, debemus occurrere, quanto celerius possumus, toto nisu, ne in aliis errorum occasio (qui positi sumus, ut aliorum corrigamus errores, sedentes super speculam) videamur, cum testante sacro (b) Canone crudelis sit, qui famam suam ne-

gligit. Sane his temporibus (quod dolenter referimus) nonnullæ Sancti Augustini, & Sancti Benedicti Ordinis Monasteriorum nostræ civitatis, & Diocesis Sanctimonialiales, Ordinis ac Status sui, ac Jurium, & Statutorum Synodaliū Prædecessorum nostrorum super hoc editorum immemores, & eorum pœnas formidabiles minime formidantes, tam intra, quam extra Monasteria sua habitibus, quibus ex eorundem injunctione Statutorum uti tenentur, abjectis, seu in majori parte mutatis, incedere publice non verentur, & habitibus ac ornamentis etiam ad instar mulierum sæcularium, suum Ordinem, Statum & regulam nequaquam decentibus, se parant illicitis in excessu, prout de hystanquam de notoriis, non potest alicui de populo non constare: & nonnullæ ex eis, ut suæ hujusmodi inordinationis excusationem habere in talibus tepentur, in nostri Status injuriam asserunt, prout ad Nos pervenit, Nos eis, ut talibus ipsis uti liceat, indulgisse. Nos igitur, licet non credamus, nec recordemur, Nos eis verbo vel facto aliqua talia indulgisse, per quæ fomentum licentiæ eis talia faciendi possint elicere quoquo modo: ex abundanti tamen (ut cunctis nostra hac in parte pateat intentio) hujusmodi calva excusationis consueta velamina omnino tollere cupientes, omnia, & singula quibuscunque Sanctimonialibus, & earum Prælatibus cujuscunque Ordinis, Status, & conditionis nostræ civitatis & Diocesis in genere, vel in specie indulta, sub quacunque verborum forma concepta, dicta, vel scripta per Nos, aut nostro nomine aut auctoritate quocunque modo, quæ aliquem intellectum, per quem hujusmodi abusum prædictæ Sanctimonialiales, seu eorum Prælatæ valeant de cætero colorare, & tanquam nostram se habere super hoc licentiam pro excusatione protendere, trahi possent (cum intentionis nostræ non fuerit, sicut nec esse debuit, quin semper Prædecessorum nostrorum Statuta salva, & incolumia voluerimus, remanere) præsentibus revocamus, & nullius penitus volumus fore momenti: immo nostræ non fuisse intentionis, quin prædicta Statuta prædecessorum nostrorum super statu, & decencia prædictarum Sanctimonialium, & suarum Prælatarum edita,

(b) Nolo 12. q. 1.

edicta, in suo remanerent robore, & ad ea tenerentur efficaciter observanda, his nostris literis declaramus. Mandantes eisdem sanctimonialibus omnibus, & singulis, ac earum Prælati in præsentia omnium *in hac sacra Synodo congregatorum*, ut prætextu cujuscunque nostræ licentiæ, si quam hæcenus ex eis aliquæ minus veraciter allegarunt, Statuta præfata aqualiter non excedant, nec pro sui Status, & habitus aliquo abusu, tuitione seu excessu, nostræ licentiæ prætextu audeant seu debeant se aqualiter excusare. Datum Lechenich in die Beati Mathiæ Apostoli, Anno Domini 1336.

C. III. *De comminantibus incendium, & tædas ante portas seu ostia appendentibus.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c.

Quædam in his partibus (prout apud omnes notorium est) abusus inolevit, quod quidam iniquitatis filii, dum ab aliquibus, quos sibi in aliquo injuriatos aliquando, aut alias obnoxios confingunt, aliqua contra Deum & Justitiam nituntur fallaciter extorquere; ad Sacerdotes aliquos accedunt, quibus prædicunt, quo sub Sacramentalis confessionis titulo exponere desiderent aliqua eisdem, ipsis postea committendo, quod ipsi Sacerdotes absque illorum nominum expressione, seu certa denominatione, his, quos sibi injuriatos seu obnoxios sic confingunt, dicant, quod aliqui deventerint ad ipsos Sacerdotes, qui ipsis dixerint, quod nisi ipsi prædictis iniquitatis filii certas pecuniarum summas per tales Presbyteros transfuerint, eorum curtes, grangias seu domos volent incendio devastare: aut tædas quasdam eorum portis seu ostiis clam appendunt, in signum, quod domus tales, grangias, seu curtes concremare proponant, nisi secundum eorum voluntatem aliquantæ summæ pecunias eis solvant: & denuo ad ipsos accedunt Presbyteros, eis suum in hac parte dicentes propositum, his, quorum portis aut ostiis tædas appendant, per ipsos Presbyteros indicandum sub Sacramentali confessionis no-

mine, ut est dictum. Nonnulli etiam Presbyteri nimia simplicitate, immo vera detenti ignorantia cœcitate, sub cuiusdam pietatis, & monitionis faciendæ velamento, tales iniquitatis filios, circa talia audiunt, & eorum sic relata (eo quod hujusmodi scelerati afferunt se talia sub Sacramentali confessionis titulo dicere ipsis Presbyteris) sub hoc confessionis Sacramentalis titulo recipiunt, & se debere recipere existimant, & ea ulterius absque illorum sic contentium nominum expressione seu designatione apud illos, a quibus sic ipsi extorquere cupiunt, exponunt, & frequenter sic ab innoxiiis pecuniæ extorquentur, & sceleratis, & noxiis assignantur. Præterea, quod magis perniciosum exemplo est, & gravius dolendum, de quibusdam audivimus Sacerdotibus, quod aliquando, etsi nullus eis talia dixerit, seu etiam aliquas tædas aliquorum portis seu ostiis non appenderint, per se tædas hujusmodi appenderunt, alios hoc fecisse, & sibi sub Sacramentali confessionis retulisse nequiter confingentes, & sic aliquando pecunias extorserunt. Nos itaque, ne tales homines perniciosi, de sua commodum reportent nequitia, eorum (quantum possumus) malitiis occurrere cupientes, de nostri Capituli consilio, & consensu, hoc fieri de cætero autoritate præsentis statuti omnimode prohibemus: monentes universos Presbyteros nostræ civitatis, & Diocesis, ne, si qua sibi talia occurrerint, sub titulo hujus Sacramentalis confessionis recipiant, sicut nec recipere possunt, cum talis confessio (per quam expresse apparet, nedum contentem velle aqualiter a peccato abstinere, verum plane intendere peccati flagitium perpetrare) Sacramentalis naturam confessionis excludat. Talia etiam eis de cætero sic dicenda audire resutent, vel si audierint casu, dicta, nominaque dicentium, & facti circumstantiam, plane his, quorum interest, exprimant: dum tamen per expressionem hujusmodi, ipsi talia dicentes, vitam, & membrum non sint verisimiliter perdituri: circa quam expressionem, eorum conscientiam oneramus: nec de his: ut ipsis iniquitatis filiis aliquid detur, vel promittatur, aut ipsi aliquam utilitatem consequantur sub præ-

dicta confessionis specie, & modis præfatis, se nullatenus intromittant. Alioqui ipsos omnes, & singulos contrarium facientes, monitione ex nunc decem dierum præmissa, excommunicationis sententiæ volumus subiacere: omnes etiam, & singulos Clericos, & laicos, qui tede de cætero apposuerint aliquoram portis seu ostiis, aut aliqua signa clandestina, seu furtiva, seu aliqua sub Sacramentalis confessionis specie aliquibus Sacerdotibus exposuerint, ad hunc finem, quod per appositionem talium tædarum, vel aliorum signorum clan-

destinorum, & furtivorum prætensionem, & talis confessionis per aliquem Presbyterum relationem, nec expresso nomine seu designato faciendam, ut propter hoc emolumentum aliquod extorqueatur, eadem excommunicationis sententiæ, quam autoritate præsentis Statuti in ipsos ferimus, innodamus. Datum & publicatum in Ecclesia nostra Colonienfi, dum esset ibidem Sancta Synodus congregata. Anno Domini 1336. in crastino B. Remigii Confessoris, quæ fuit dies secunda mensis Octobris.

SYNODUS COLONIÆ A. MCCCXXXVII. VERNA ET AUTUMNALIS.

C. I. De Synodi observatione.

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo, nostras in sacra ventura Synodo, in crastino Dominicæ *Invocavit*, in Ecclesia nostra Colonienfi celebranda, vices gerentibus, salutem in Domino sempiternam.

Multis modis, & in pluribus sacris Synodis, hætenus per Prædecessores nostros, & per Nos celebratis, universos Prælatos, Collegia, Christianitatum Decanos, nec non Vicarios, ceterosque in Synodis Colonienfis Ecclesiæ, diversis vicibus, prout observatæ fuerant, congregatos, rogatos, hortatos, ac requisiti, nec non ipsis mandatum ex parte nostrorum Prædecessorum intelleximus, & a Nobis meminimus, ut sicut Statuta Prædecessorum nostrorum, præsertim piæ memoriæ SIFRIDI nostri Prædecessoris, præcipiunt, in ipsis Synodis præsentialiter, vel per Procuratores in suo casu, & cum decenti habitu & modo, ac habentes Statuta ipsius nostræ Ecclesiæ in manibus, comparerent: nonnulli tamen ex eis, huiusmodi salubres rogatus, hortationes, requisitiones, & mandata minime advertentes, secundum ipsorum Statutorum continentiam, venire, & stare, & comparere in ipsis Conciliis non curarunt, penas in ipsis expressas minime formidantes, forte supina quadam & crassa prædicti Statuti, Domini SIFRIDI maxime, ignorantia volentes suam inobedientiam excusare.

Verum etsi de rigore juris, ut forsitan pluribus videretur, circa præmissa inexcusabiles videantur hi, qui circa talia exceßerunt; quia tamen huiusmodi statuti penæ sunt multum formidabiles, & secundum aliquorum reputationem, prædicti excedentes, reputari deberent suspensionis, excommunicationis, & irregularitatis nexibus damnabiliter laqueati: Nos tamen misericorditer agere volentes, delicta, quæ sic per eosdem delinquentes hætenus facta sunt, liberaliter remittimus: Vosque a sententiis suspensionis & excommunicationis eosdem delinquentes (si & in quantum in ipsas inciderunt) vice nostra ad cautelam absolvere studeatis: super irregularitatibus vero & eorum dispensationibus ipsos ad Sedem Apostolicam (si & in quantum ipsos eorum urgent conscientia, præsertim rationabiliter informatæ, quibus conscientia ipsos in hac parte relinquitur) remittentes. Cæterum, ne per hanc crassam & supinam ignorantiam de cætero valeant se tueri, & omni semota excusatione fucata, (a) ad prædicti statuti SIFRIDI observantiam totalem sciant & noscant se de cætero penitus obligatos, ipsum statutum, quod est primum inter statuta ipsius SIFRIDI, & quod sic incipit: *Licet de Clericis, qualiter eos cum modestia* &c. de verbo ad verbum volumus, & omnino præcipimus, legi publice intelligibiliter in sacra Synodo memorata, & eisdem ibi præsentibus, ac aliis omnibus, quorum interest, publice prædici, post prædictam nostram Synodum,

(a) ficta

dum, omnes Prælatos, Collegia, Christianitatum Decanos, Plebanos, Capellanos, Vicarios, ac omnes & singulos, de quibus in ipso statuto mentio fit, pœnis in ipso statuto expressis, si contrarium fecerint, innodatos secundum ipsius continentiam & plectendos, & per vos, qui præsentes fueritis, hoc præcipimus declarari. Prædictum etiam statutum cum omnibus suis clausulis & pœnis extendi volumus ad Concilium in crastino B. Remigii Confessoris anno quolibet celebrandum. Datum anno Domini 1337. in vigilia Beati Mathiæ Apostoli.

C. II. *De tonsura & habitu Clericorum.*

WALRAMUS, DEI gratia, Sanctæ Colonienfis Ecclesiæ Archi-Episcopus, Sacri Imperii per Italian Archi-Cancellarius, Dilectis sibi Abbatibus, Præpositis, Decanis Ecclesiarum Collegiarum, ac Collegiis & Conventibus, ac Decanis Christianitatum, Plebanis, & eorum vices gerentibus, nec non omnibus Clericis sæcularibus & religiosis, ac universis Christi fidelibus nostrarum Civitatis & Diocesis Colonienfis, salutem in Domino sempiternam.

Quoniam diversi generis hominum distingui & secerni per habitum Professores, consuleæ editiones tam Civiles, quam Canonice decreverunt, ut hi, qui specialiter Divino sunt officio mancipati, & contemplationi & orationi dediti, ab omni conformatione cessent temporalium, & in se, qui sunt forma aliis & exemplar, quomodo deceat *in domo Domini conversari*, per decentiam habitus extrinseci ostendant morum intrinsecam honestatem: & quod corde gerunt, ore prædicent, actu demonstrent, tanquam militiæ Dei & Ecclesiæ militanti specialiter deputati, a sæcularibus sint sejuncti: contra lascivientes per ejusmodi habitum, coronam, crines, & incesum quemlibet Ordini Clericali minime congruentem, a nostris Prædecessoribus, & a Nobis sub duris pœnis & gravibus sententiis emanarunt successive, prout reformationi horum & honestati Cleri expedire pro tempore putabatur, diversimodæ sanctiones. Sane cum humana infirmitas, victorum imitatrix, quæ

plus vetitis, quam concessis solito immoratur: nonnullos nostræ Civitatis & Diocesis tam Clericos, quam Prælatos, hujusmodi prohibitionibus non contentos adeo excæcavit, ut inter ipsos (quod dolenter referimus) quasi communis morbus irrepserit, quod se in incessu, moribus, vestibus, & capillis, laicis, & plus etiam, quam vel hos deceat, studeant conformare: & tamen quoad usum & utilitatem privatam stipendiorum beneficialium, Clericalis militiæ stipendiarii esse volunt: ad obsequia vero, quæ horum exigit receptio, nequaquam se obnoxios reputantes, adscribunt dedecori, vile æstimant, & autumant inhonestum, in horum ordinum signis & insigniis, in tonsura scilicet & habitu eos decentibus, conversari, & in publico comparere, minime advertentes, quod ipsi Clericalis militiæ, immo aliqui ex eis, sacrorum Ordinum sunt characteres insigniti: ac quod non solum crudeliter famam suam negligunt, & Cleri statum deformant; sed & plerumque more femineo laborare contra propria sua comoda moluntur. Incedunt siquidem in vestibus arctis & strictis, quibus cum difficultatibus induuntur: in tantum etiam brevibus, quod vix per eas genua & inferiora femoralia conteguntur. Wambosis etiam cum longis manicis, per particulas appendentes, scissis & non scissis, ac non solum longis, sed ultra genua pendentibus: & aliqui nimis brevibus, amplis & latis multipliciter complicatis utuntur, subius pro prima subveste Wambosia apparent contra Clericalem decentiam deferentes: & quod nec licet in aliis vestibus, eadem variata ex diversis coloribus & figuris, etiam scacata & virgata, ex texturis sericis & aliis induuntur. Vestes etiam scacatas rubei & viridis coloris, seu quibus de alio colore manica est affuta, ante pectus & ultra cubitum, multum & notanter nodatas, a lateribus scissas, ibi & in longum ad oram ac in manicis cum quadam revolutione furratas, ita quod ad modum chordæ exterius apparet ipsa notabiliter furratura.

Nonnulli etiam CORONAS non deferunt, & si ipsas deferunt, in locis hoc faciunt indebitis, retro videlicet in capite, ut dum velint, ipsas, de quibus de-

berent,

berent merito gloriari, possint sub crinibus occultare. Quidam etiam comam & barbam exquisitè nutriunt, & desuper cincturis (a) de auro & argento, quod potius deberet ad usus pauperum erogari, multifarie ornatis, se cingunt; quibus testas sive peras pretiosas & simili modo ornatos cultellos trusorios, & non solum trusorios, sed & semigladios (b) appendunt, & eosdem non tantum in populo & in grande Cleri scandalum, sed & intra immunitates, & in Ecclesiis, ubi Beneficiati sunt, & (quod deterius est) quando Divinis interfunt Officiis, in Omnipotentis DEI offensam deferre publice non verentur. Caligis rubeis, glaucis & viridibus se caligant: & calceis modo vario perforatis & incisis, sic etiam, quod incisum corium aliquibus in calceis appendet per frusta volitantia hinc & inde, obliti cœlestis militiæ, cui adscripti sunt, tanquam inservientes armatæ militiæ induuntur. Aliqui etiam ex dissolutionis fomite, caputis utuntur longis, quorum similibus Monachi conversi intra septa sui Monasterii solent uti, causam legitimam confingentes, quod ipsorum caputiorum caudis nuda manuum a frigorebus protegant: quas non solum decentius & commodius, sed & utilius & celerius præservaret ab his abusivis, si eisdem uterentur, vestium amplitudo. Plures etiam quædam caputia perforata scissa & fissa, cum magnis panni particulis pendentibus: quidem vermiculata filis sericeis, aureis & argenteis, eademque desuper variis contextis & depictis figuris ornata deferunt, statum suum in præmissis, & pluribus aliis plus, quam laici, dissolventes, & adeo in suis stultitiis & superstitionis adinventionibus gloriantes, ut suo (c) iudicio plus laudetur, qui plures & magis raras formas adinvenit, & gestat: & in his abusionibus plus laicis se conformant, sic quod nullus delectus vel modicus perpendi valet inter tales Clericos & laicos excessivè delicatos, & plus etiam, quam eosdem deceat, dissolutos.

Nos igitur cupientes ex debito Pastoralis nostri Officii (ut tenemur) præmissis, quæ nuper in *visitatione nostra generali*, nonnullis nostræ Civitatis Ecclesiis personaliter per Nos impenfa, ac in

aliis per *nostros Commissarios facta*, tanquam notoria, & quia pro more jam evidens abusus inolevit, reformationi nostræ reservavimus speciali, competentem adhibere medelam; ut eos, quos ad delationem habitus, tonsuræ, incessus, & conversationem honestam congruentes Ordini Clericali, virtutum præmia non inducant, licet de rigore juris secundum decretum *Innocentii Papæ II.* (qui præcipit, ut *Clerici universi, in statu mentis, in habitu corporis, Deo, & hominibus placere studeant*, & nec in superfluitate fisluræ, aut colore vestium, nec in mensura, intuentium, quorum forma, & exemplum esse debent, offendant ad spectum, sed potius, quod eorum deceat sanctitatem: quod si moniti ab Episcopis, emendare noluerint, Ecclesiasticis careant Beneficiis) contra toties monitos, ad privationem Beneficiorum suorum procedere nunc possemus: quoniam iustum esset, ut Beneficiis privarentur, qui eisdem se reddunt indignos, & ipsorum insigniis abutuntur, ut similem cum illis, quorum sectantur gestus, & leges, recipere in legibus disciplinam: saltem mitius, prout ad præsens proficere credimus, tam adjectarum pœnarum exaggeratione, quam adjiciendarum de novo formidine, possemus a suis ausibus temerariis refrenare. Monemus igitur universos, & singulos nostrarum civitatis, & Diœcesis Priores, & Prælatos, & Clericos, Beneficiatos, & quoscunque etiam alios in sacris Ordinibus constitutos, pro Clericis se gerentes, cuiuscunque dignitatis, & præeminentiæ, conditionis aut status fuerint, quatenus a præmissis omnibus, & singulis abusionibus, præsertim coram Nobis, nec non in locis, aut intra Ecclesias, & immunitatem Ecclesiarum, ubi Beneficiati existunt, penitus abstineant, & honeste incedant, secundum decentiam Clericalem, tonsuram ac habitum deferant suo Ordini congruentes. Et superius cincti, nusquam compareant, nisi tempus hoc requirat, vel recessuri sint a locis, ubi degunt, aut sint in itinere constituti. Alioqui Nobis in præmissis, vel præmissorum quolibet non parentes, vel contrarium facientes, *triginta sex dierum monitione præmissa*, quorum ipsis duodecim pro primo, duodecim

(a) tincturis

(b) gladiolos

(c) ipsorum

cim pro secundo, reliquos vero duodecim pro tertio termino peremptorio, & monitione Canonica assignamus, exnunc prout extunc excommunicationis sententiam ferimus in his scriptis: Momentes nihilominus vos omnes, & singulos nostræ civitatis, & Diocesis Ecclesiarum Collegiatarum Decanos, nec non Subdecanum Ecclesiæ nostræ Coloniensis, in virtute sanctæ obedientiæ, & sub pœna excommunicationis latæ sententiæ, quam in vos, & quemlibet vestrum, sex dierum monitione præmissa, in his scriptis ferimus, si non feceritis, quod mandamus: quatenus vos Decani prædicti, autoritate vobis in hac parte competente, nec non tu Subdecane, prædicta autoritate, quam tibi in hac parte per præsentem specialiter indulgemus, postquam vobis post dictam nostram monitionem, aliquem de Prælati, Canonicis seu Clericis Ecclesiarum Nostrarum apparuerit excedere in præmissis, seu aliquo præmissorum, super quo vobis, & simplici volumus adhiberi relationi vestræ plenam fidem: statim absque moræ dispensio, quantocius poteritis, Administratores, & Distributoribus fructuum, reddituum, proveniunt, & obventionum, Præbendarum, & Beneficiorum suorum, nec non distributionum, & præsentiarum, inhibeatis, & interdiciatis, quibus Nos præsentibus interdiciamus, & etiam inhibemus, ne post monitionem vestram, ipsis quicquam de præmissis, sive in grosso, sive in minuto, distribuant sive administrent quomodolibet, vel assignent; cum illis fructus Beneficiorum suorum merito subtrahantur, quibus Ecclesiastica communio denegatur. Alioqui in Administratores, & Distributores prædictos, in præmissis contrarium facientes, sex dierum monitione præmissa, excommunicationis sententiam ferimus in his scriptis. Volumus etiam quod nomina rebellium præsentem nostro mandato, nobis intra mensem, postquam vobis de huiusmodi rebellione apparuerit publicum per incesum, fideliter referatis, ut contra eosdem, prout eorum protervitas exegerit; per alia juris remedia arctius (a) procedere valeamus. Porro vos etiam omnes, & singuli supradi-

cti, præmissis inobedientes, & rebelles, lapso dicto nostræ monitionis termino, tanquam excommunicatos, & a communione hominum exclusos, nequam ad Divina Officia admittatis, nec cum ipsis interfitis eisdem, sed eos in actibus legitimis ac in omni humanitatis solatio penitus evitatis; sicut pœnas a jure statutas super his, incurrere formidatis: ut sic rubore confusi, a præmissis abstinere, & ad gremium Ecclesiæ Matris suæ redire, & dictis sententiis, absolusionis Beneficium quærere compellantur. Quarum (b) absolusionem, Nobis, & Officiali nostro duntaxat, præsentibus reservamus, ipsi Officiali nostro eosdem absolvendi (nisi prius exacta ab ipsis, & præstita juratoria cautione, quod mandatis Ecclesiæ parere debeant humiliter; & postquam talem cautionem præstiterint, eis injungat in virtute huiusmodi juramenti, quod de cætero ab his, propter quæ has inciderunt sententias, abstinebunt) potestatem omnimodam adimittentes. Per præmissa autem nolumus, nec intentionis est Nostræ, jurisdictioni vestræ Decanorum, quam vobis in correctionem prædictorum excessuum quomodolibet vindicare potestis, in aliquo derogare: seu tuam Subdecani (cui propter hoc, quod Decanus Ecclesiæ nostræ Coloniensis hactenus non fecit, nec adhuc facit in ipsa Ecclesia nostra residentiam personalem in præmissis autoritate nostra exequendis dedimus potestatem) ad alia, quæ tibi non competunt, prorogari: sed hinc inde jurisdictionem vestram, nec plus auctam, nec diminutam, sed in suo statu salvam manere providemus sicut ante, pœnis etiam, & sententiis aliis a jure communi, Prædecessorum nostrorum statutis, atque nostris præceptis aut mandatis, contra & in præfatos abusores prolatis & expressis in suo robore nihilominus duraturis. Insuper vobis universis, & singulis Christianitatum Decanis per nostras civitates & Diocesis constitutis sub pœna excommunicationis latæ sententiæ, quam in vos, & vestrum quemlibet sex dierum monitione præmissa in his scriptis ferimus, si præsentem nostro mandato non parueritis, districte præcipiendo mandamus, quate-

K k k 3

nus

(a) acrius

(b) Quorum

nus postquam Nobis aliquem Pastorum, Plebanorum, Rectorum, seu Vicariorum perpetuorum Ecclesiarum seu Capellarum, intra limites vestrorum Decanatum consistentium, aut ipsas Ecclesias, seu Capellas quomodolibet Officiantium, & Regentium, lapsō dictæ nostræ monitionis termino, excedere in præmissis, seu in aliquo præmissorum apparuerit publicum per incesum, Nobis ex tunc nomina ipsorum excedentium, intra mensem fideliter referatis, ut DEO auctore ad graviora (prout intendimus) procedamus. *Datum Godesberg, in Vigilia B. Michaelis. Anno Domini 1337.*

C. III. *De Cinctura, & Vestibus Clericorum.*

WALRAMUS, Dei gratia, Sanctæ Colonienſis Ecclesiæ Archi-Epiſcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Ecclesiarum Collegiatarum, nec non Collegiis, & Conventibus, ac Decanis Christianitatum, & eorum vices gerentibus &c.

Nuper Nos in Synodo nostra proxime præterita inter alia, quæ pro reformatione Status Clericalis tam in habitu quam tonsura, in quodam nostro mandato per Nos factō, & inibi publicato, universis & singulis Prioribus, Prælatis, & Clericis, nostrarum civitatis, & Diœcesis, cuiuscunque Ordinis, Status aut conditionis existerent, dummodo pro Clericis se gererent, inhibuimus eisdem, cum facti experientia informati didicissemus, propter gestationem cingulorum desuper in arctitudine, & brevitate vestium, & aliis, habitum, & incesum Clericalem multipliciter deformantibus, ipsos in abusus varios incidisse, quos verissimiliter prospeximus ex prohibitione cinguli posse facilius aboleri, ne usquam cincti desuper comparerent, nisi in casibus quibusdam exceptis, sub pœna excommunicationis latæ sententiæ, sine qua alias nihil Nos proficere putabamus, aliisque gravibus pœnis, in eodem mandato nostro prolatis, & expressis, duximus inhibendum. Verum quia nonnulli Ecclesiæ nostræ Canonici, se personaliter nostro conspectui præsentantes, Nobis pro se, & aliis suis Concanonicis, de cætero in decenti eos habitu, & tonsura

debita, & patente incedere promiserunt, ut cincturis simplicibus desuper uti valerent, sine aliis abusionibus in dicto mandato nostro prohibitis: quodque sententiam excommunicationis in eodem mandato nostro latam, cum inde possent gravia etiam animarum pericula provenire, & non solum culpabiles, sed infantes, & alios innocentes per eam posset contingere laqueari, salvis tamen aliis pœnis in dicto mandato, & in aliis nostris Prædecessorum nostrorum Statutis, præceptis, & mandatis expressis, & prolatis, tollere dignemur, instantius supplicantes. Unde Nos cum Capitulo, & Prioribus nostris deliberatione præhabita diligenti, qui Nobiscum quo ad correctionem suorum subditorum, quoad alias abusiones, in dicto mandato, Statutis, & præceptis, expressas & prohibitas, secundum formam, & modum eorundem vellent in antea diligentius insurgere, ipsaque mandata, statuta, & præcepta in omni sui (a) forma alias observare: dicto periculo attendentes, & præcipue, quod non modicum jam in reformatione habitus, & tonsuræ Clericali statui congruentis profecimus, immo multum; dictam excommunicationis sententiam in singulis suis clausulis in dicto mandato expressam, & prolatam, præsentibus tollimus, & penitus amovemus. Eisdem Prioribus, Prælatis, & Clericis nostrarum civitatis, & Diœcesis universis & singulis, ut cincti superius, cingulis tamen simplicibus, sine peris, & cultellis, dummodo his cingulis, dum religionem deferunt, non utantur, neque propter hoc magis strictas, & breves vestes deferant, sed alias in habitu comperenter longo, & iato: in tonsura vero in loco debito sita, patente, & suo Ordini congruente, publico se conspectui exhibeant, nec alias abusiones in eodem mandato nostro prohibitas committant, incedere valeant usque ad crastinum Dôminicæ *Invocavit*, proxime adventuræ: Interim experiri volentes, an ex cessatione causæ prohibitionis dictorum cingulorum, Nos ad hoc moventis, quod Nobis promissum est, ut præferatur, sequatur in effectu, & ut eos decet, in habitu, & cinctura assuescant in publico comparere, præsentibus indulgentes: sic tamen, quod si quis-

(a) sua

si quisquam per publicum incesum, dicti mandati nostri in aliis abusionibus inventus fuerit violator, extunc sibi per personas ad hoc in dicto nostro mandato deputatas fructus, redditus, & distributiones quæcunque sui Beneficii, vel Beneficiorum, si plura obtinet, auferantur, & penitus denegentur, & alias fiat, prout in eodem nostro mandato continetur: ita etiam, quod si qui eisdem fructibus, redditibus, distributionibus, obventionibus seu receptioni eorundem se ingesserint, seu quicquam etiam a volente recipiant de eisdem, extunc sententiam excommunicationis (quam in his scriptis in eisdem ferimus, præter etiam eas sententias, quas auctoritate priorum nostrorum Statutorum sive mandatorum, propter hoc incidere dignoscuntur) incurrant ipso facto. Quarum absolutio-

nem Nobis, & Officiali nostro, secundum formam tamen alias ei indultam, præsentibus reservamus: Intimantes nihilominus eisdem nostris Prioribus, Prælati, & Clericis, quod nisi a prædictis abusionibus studeant effectualiter abstinere, Nos ad dictam excommunicationis sententiam, privationem suorum Beneficiorum, & alia graviora, prout expedit videbitur, procedemus. Per præmissa autem intentionis nostræ non existit, eos teneri pro absolutis, qui contra prædictum nostrum mandatum faciundo; jam in excommunicationis sententiam inciderunt, donec absolutionem earum sententiarum, quas ante revocationem nostram præsentem inciderunt, ostenderint competenter. Datum, ut supra &c.

SYNODUS COLONIÆ AUTUM- NALIS ANNO MCCCXXXVIII.

C. I. *De non habentibus Beneficia, ad Ordines non promovendis. Et de Clericis, nisi prius receperint ab Examinatoribus approbationem super debitis tonsuratione, & ætate, similiter non promovendis.*

WALRAMUS, DEI grãtia, Sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Pastoribus, Plebanis &c.

Cum sub vetustæ consuetudinis velamine, qua tam regulares, quam sæculares Collegiatæ Ecclesiæ, per nostras Civitatem & Dioccesin constitutæ, illos in suis Ecclesiis beneficiatos Clericos, quos ex transacta vita per honesta mutue conversationis exempla, ad sacrorum susceptionem Ordinum, prout in suis Ecclesiis Divini cultus ministerium exigebat, idoneos reputarunt, Nobis, aut vice nostra Ordines celebriter conferenti, pro suscipiendis eisdem, ad titulum suarum Ecclesiarum, citra aliam examinationem & scrutinium, ut hoc suis dimissum est conscientis hætenus, præsentarunt complures, ad præsentationem Ecclesiarum hujusmodi, de quorum vita & conversa-

tione ipsis aliqualiter non constabat, titulos non habentes, imo (quod pejus est) per pactiones & renuntiationes præhabitas, spe habendi ab ipsis Ecclesiis titulum, penitus destitutos, intercedentibus quorundam precibus importunis (quibus prout frequenter fit, non concedenda conceduntur) ipsæ Ecclesiæ aliquoties reluctantes, adhuc contra conscientias proprias inducuntur, & experientia non solum ad sacros Ordines, sed ad Sacerdotium etiam didicimus jam promotos: qui tandem ducti penuria in Omnipotentis DEI offensam, & in sui ordinis periculum, venale suum officium visi sunt exponere, & ostiatim querendo victum, in totius Cleri opprobrium publice mendicare. Cupientes huic morbo ex officii nostri debito competentem adhibere medelam, vobis districtè sub interminatione æternæ maledictionis, & sicut illas vultis præfatam consuetudinem observari (meretur enim suum usum amittere consuetudo, cum trahitur in abusum) præsentibus inhibemus, ne quempiam, nisi actu in vestris Ecclesiis obtinentem beneficium, ad titulum earundem, pro suscipiendis sacris Ordinibus Nobis, aut cui hoc committendum duxerimus, de cætero præsentetis, nec quispiam ad eas procuret

turet se a vobis, ubi actu non obtinet beneficium, præsentari, nisi super eo a Nobis per patentes nostras litteras, obtinuerit specialem licentiam & consensum, & se prius nostris Examinatoribus cum ipsis litteris, antequam procedat ad Ordines, repræsentet: & tam literarum huiusmodi, quam de vita, scientia, moribus, & ætate, & aliis, quæ in huiusmodi scrutinio (a) fuerint indaganda, approbationem obtineat ab eisdem. Qui vero contra præmissa ad titulum alicujus Ecclesiæ vestrarum, de cætero ad aliquem sacrum Ordinem procuraverit promoveri, Canonica monitione præmissa, sententiam excommunicationis (quam in his scriptis ex tunc prout ex nunc ferimus) huiusmodi præsumptorem incurere volumus ipso facto. Insuper cum nonnullos in Ecclesiis vestris etiam actu Beneficiatos, qui prætextu præfatæ consuetudinis citra examinationem aliquam, ad locum, ubi conferuntur Ordines, processerunt, ex (b) eo, quod minus erant congrue tonsurati, ab ipso loco in conspectu omnium non sine magno scandalo amoveri, & ad sacros suscipiendos tunc Ordines, invenerimus non immerito refutari: Nos malo huiusmodi, antequam ad lucem sic scandalose prodeat, occurrere fore salubrius attendentes, vobis universis & singulis nostrarum Civitatis & Diocesis, Clericis districte præcipiendo mandamus, quatenus non obstante præfata consuetudine, antequam vos ad sacros suscipiendos Ordines præparetis, & ad locum, ubi conferuntur Ordines, reponatis, personas vestras Examinatoribus nostris, qui pro tempore fuerint, præsentetis, approbationem saltem ab ipsis super tonsuratione & ætate debitæ recepturi. In quo, si reperti fueritis negligentes, non solum vos volumus & mandamus publice refutari, sed & nos contra vos juxta qualitatem facti arctius (c) procedemus. Datum Brulæ Anno Domini 1338. sabbato post festum B. Mathiæ Apostoli.

C. II. *Contra Quæstores Eleemosynarum, & diversos abusus, & temerarias præsumptiones eorum.*

WALRAMUS, Dei gratia; sanctæ Coloniensis Ecclesiæ Archi-Episcopus.

pus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Plebanis, & eorum Vices gerentibus salutem in Domino sempiternam.

Morbo, qui in nostram Dioccesin quasi communis irrepit, quod nonnulli Eleemosynarum quæstores, se fore alios mentiuntur: & ut pauperum substantias rapiant, & aurum subtili, imo potius fallaci ingenio extorqueant, ad alia, quam eis competant, suæ extendunt limites potestatis: super votis quidem de facto dispensant: a perjuriis, homicidiis, & peccatis aliis, sibi consistentes absolvunt: mala ablata incerta, data sibi aliqua pecuniæ quantitate remittunt, tertiam aut quartam partem de penitentibus injunctis relaxant: animas tres, vel plures Parentum, aut amicorum, illorum, qui Eleemosynas eis conferunt, de purgatorio (ut asserunt mendaciter) extrahunt, & ad gaudia Paradisi perducunt: & alias complures abusiones committunt: nonnulli etiam se confingunt habere potestatem per litteras Apostolicas, quas non habent: & si habent, eis (ut præmittitur) abutuntur) ut per eas etiam ante, quam ipsæ literæ per Nos examinatæ fuerint, sint admissi: huic inquam morbo cupientes mederi, remedio a sede Apostolica jam proviso, vobis Constitutionem per felic. recordation. Dominum CLEMENTEM Papam Quintum, contra huiusmodi abusores etiam in CONCILIO VIENNENSI in præsentem nostram Synodo duximus publicandam, cujus tenor de verbo ad verbum dignoscitur esse talis:

„ Abusiones, (d) quas nonnulli eleemosynarum Quæstores in suis „ proponunt prædicationibus, ut simplices decipiant, & aurum subtili vel fallaci potius ingenio extorqueant ab eisdem, cum in animarum cedant periculum & scandalum vergant plurimum, viam (prout est Nobis possibile) „ præcludere cupientes, juxta statutum „ Concilii generalis duximus prohibendum districte, ne Quæstores aliqui, nisi „ Apostolicas vel Diocesani Episcopi „ litteras exhibuerint, quomodolibet admittantur, nec permittantur: cum solum ipsis competat, indulgentias sibi „ concessas insinuare populo, & charitativa

(a) Scrutinio pro examine

(b) & eo

(c) acrius

(d) Inter CLEMENTINAS Lib. V. Tit. IX. De penitentibus & remissionibus. Cap. II.

tativa postulare subsidia suppliciter ab eodem; nullatenus CHRISTI populo prædicare, vel aliquid exponere, quam quod in literis continebitur supra dicta. *Literas quoque Apostolicas DIOECESANI EPISCOPI*, ne quid fraudis committi valeat per eandem, antequam admittantur Quæstores, examinent diligenter. Ad hoc (a) cum aliqui ex huiusmodi Quæstoribus, sicut ad nostram audientiam est perlatum, non sine multa temeritatis audacia, & deceptione multiplici animarum, indulgentias populo *motu suo proprio* de facto concedant: super votis dispensent: a perjuriis, homicidiis, & peccatis aliis sibi confidentes absolvant, male ablata, incerta, data sibi aliqua pecuniæ quantitate, remittant: tertiam aut quartam partem de pœnitentis injunctis relaxent: animas tres, vel plures Parentum, vel amicorum illorum, qui elemosynas eis conferunt, de purgatorii (ut asserunt mendaciter) extrahant, & ad gaudium Paradisi perducant: Benefactoribus istorum, quorum Quæstores existunt, remissionem plenariam peccatorum indulgeant (& aliqui ex ipsis, eos a pœna & a culpa) *ut eorum verbis utamur*) absolvant: Nos abusus huiusmodi, per quos censura vilescit Ecclesiastica, & clavium Ecclesiæ auctoritas deducitur in contemptum, omnimode abolere volentes, ea per quoscunque Quæstores fieri, vel attentari de cætero districtius inhibemus: omnia & singula privilegia, si qua super præmissis, vel eorum aliquo sint aliquibus locis, ordinibus, vel personis Quæstorum huiusmodi, quomodocunque concessa, ne ipsorum prætextu sit eis materia talia ulterius præsumendi, auctoritate Apostolica, quantum ad præmissa, penitus revocantes. Quæstores autem, qui deinceps in præmissis, vel aliquo præmissorum deliquerint, vel alias etiam quibuscunque privilegiis suis abusi fuerint, sic per locorum Episcopos puniri volumus, nullo prorsus eisdem quæstoribus in hac parte privilegio suffragante; quod (b) a suis temerariis ausibus, qui ubique (ut communis habet assertio) nimium excreverunt, pœnæ formidine propensius compescantur.

Huiusmodi igitur auctoritate Constitutionis, vobis universis, & singulis Abbatibus, Prioribus, Prælatibus, & Clericis, sub pœna suspensionis a Divinis, quam in vos, & vestrum quemlibet huiusmodi nostri mandati transgressorem, monitione tamen Canonica præmissa, in his scriptis ferimus, districtius inhibemus, ne aliquos elemosynarum Quæstores, etiam antea admissos per vos, quacunque auctoritate fungantur, etiam si literas Apostolicas super eo se habere asserant, & ostendant, nisi vobis *literas nostras patentes* exhibuerint, quibus vobis appareat, quod per examinationem nostram diligentem, ipsas literas Apostolicas tales invenerimus, quod earum prætextu sint merito admittendi: nec ex tunc per vos ad alia admittantur, quam quæ expressa in his examinatis per Nos literis continentur. Quæstores autem, qui in antea suam ultra, quam in ipsorum literis exprimitur, extenderint potestatem, vel qui in præmissis, vel aliquo præmissorum deliquerint, per vos eo ipso volumus, & mandamus, ad competentes diem, & horam coram Officiali nostro, cui in hoc committimus Vices nostras, non obstante quocunque exemptionis privilegio citari, pœnam pro meritis recepturos. Et diem, & horam citationis vestræ per literas vestras patentes, Sigillo vestro, vel alio authentico sigillatas, vel per alia legitima documenta prædicto nostro Officiali, quanto citius poteritis, ante citationis terminum intimari curetis. Datum Brulæ Anno 1338. Sabbatho post Festum B. Mathiæ Apostoli.

C. III. *Cassatur consuetudo, qua maiorem Præbendam adoptans, si illa ab eo postmodum evincatur, debeat minori Præbenda, quam prius obtinebat, esse privatus.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universo Clero nostrarum civitatis, & Diœcesis salutem in Domino sempiternam.

Cum in quibusdam nostræ Diœcesis Collegiatis Ecclesiis, in quibus nonnullæ minores, & quædam majores Præbendæ existere dignoscuntur, & ad

majo-

(a) hæc

(b) quoad

Tomus IV. Concil. German.

maiores per ipsas minores gradatim ascensus consuevit haberi, sic, quod senior in gradu minores obtinentium Præbendas, maiorem Præbendam vacantem adoptare potest secundum consuetudinem ibi hætenus observatam: dicaturque pro consuetudine observari, eo ipso, quod minorem obtinens Præbendam maiorem adoptat Præbendam, quam sibi, & nulli alii competere opinatur, etiam in hoc errore ducatur probabili, & ipsa Præbenda major ab eo, tanquam sibi non competens, sententialiter evincatur, licet nunquam ipsam maiorem Præbendam possederit, vel occupaverit, vel fructus ex ea receperit, ipsa minor Præbenda sua, quamvis nec re, nec verbo dimissa fuerit, vacare censetur, & tanquam vacans, alii conferri potest, ipso adoptante ad eam nullo tempore regredi valituro: & propter hoc a multis didicimus in dubium revocari, an præmissa (dato etiam quod sint consuetudine introducta, cum potius contraria rationi, quam consona, videantur) de jure possint & debeant pro consuetudine observari. NOS igitur, quia ex hoc dubio plures perplexitates inter Beneficiatos ibidem etiam inevitabiles experimento didicimus evenisse, & complura prævidemus posse (nisi occurratur) scandala provenire; ut de cætero tollatur ambiguitas, & sedetur opinio in præmissis: præfatam consuetudinem, tanquam nulla ratione fulcitam, non fuisse, nec esse observandam, præsentibus declaramus: mandantes ipsis Ecclesiis, ut eandem de suis observantiis studeant abolere. Datum Brulæ, anno Domini 1338. in vigilia B. Michaelis Archangeli.

C. IV. De Tabellionibus ad exercendum officium Tabellionatus non admittendis, nisi prius per Dominum Officiale examinati & admissi.

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Pastoribus, Plebanis &c.

Quoniam morbum per nostras Civitatem & Diocesin generalem, compluribus nostris damnosum subjectis, & periculofum Reipublicæ, cognovimus ex

facti evidentia irrepressisse, quo dum passim hi, qui se ad dictas nostras Civitatem & Diocesin transtulerunt, vel in eisdem degerunt, ad tabellionatus exercendum officium se senserunt admitti, complures nulla legitima potestate fulciti, utpote, qui ab illis (quorum aliqui suam creandi potestatem, quam tamen asseruerint & asserant ab Imperiali culmine processisse) de facto solum absque ullo, aut cum minus sufficiente sibi titulo, usurparunt: aliqui etiam eorum penitus sunt ignoti, sic quod eorum potestas, cum nec ostendi, nec famari possit, potius conficta præsumitur a creatis, quam usquam rerum existere in natura) asserunt se creatos, vel qui suæ creationis nullam ostendunt, vel ostendere possunt penitus potestatem: quosdam etiam tam grammaticæ, quam contractuum ignaros, aut infames, perjuros & infideles, aliasque leves personas, hujusmodi didicimus officium usurpasse. Propter quod juramentum, quod in creatione tabellionum præstari consuevit, super contractibus usurariis, & aliis per vim & fraudem conventis, nec non aliis factis, extrajudicialibus, ubi ipsi conficientes rogati non fuerint, immo (quod periculosius) nec præsentibus, ad voluntatem hoc petentium per falsitatis commentum, quædam etiam ex sui forma falsa, & cum falsis datis, & indictionibus, nonnulla incerta, & defectuosa, ex corruptione grammaticæ, complura confici vidimus publica instrumenta, quibus multi nostri subjecti, etiam innocentes, status & honoris, & bonorum suorum periculum subierunt: Nos igitur tam generalem pestem, & mortiferam plus omnibus venenosam, per quam, sine defensione, in se innocens, potenter succumbit, & sibi latenter conficius potenter ascendit, de nostris terminis extirpare radicitus, quo possumus, conamine cupientes, omnibus & singulis, cujuscunque conditionis, aut status fuerint, (eis tamen exceptis, qui ab Imperiali autoritate sine medio processerunt,) qui in nostra civitate, & Diocesi in antea tabellionatus officium voluerint exercere, præsentibus inhibemus; ne hujusmodi officium in judicialibus, vel extra judicialibus factis, quoquomodo exercent clam vel palam, nisi prius ad Officialis nostri pro tempore existentis se præsen-

sentiam contulerint, cui in plenam, & specialem presentibus tribuimus potestatem: & per eum; cujus autoritate hoc officium exercendi sibi potestatem vendicent, & de aliis, quæ fuerint indaganda, reperti admissibiles, & idonei ad huiusmodi exercitium in eisdem licentia liter admittantur; quorum nomina posthac ab ipso Officiali nostro volumus registrari. Alioqui in omnes, & singulos contrarium facientes, sex dierum monitione præmissa, excommunicationis sententiam ferimus in his scriptis: & nihilominus infrumentis per ipsos confectis nullam fidem per præsens nostrum statutum volumus ac decernimus adhiberi: inhibentes, etiam vobis omnibus, & singulis sub pœna suspensionis a Divinis (quam ipso facto incurrere volumus contrarium facientes) ne aliquis vestrum quarumcunque commissionis literarum prætextu, quencumque in tabellionem creet, nisi prius ipsum in his, quæ de iure tabellio scire debet, examinaverit diligenter, & per examinationem solertem convenienter idoneum repererit, ad ipsum Officium exercendum, & etiam iuramentum præstiterit, in ipsa creatione præstari debitum, & consuetum. Datum & actum de Capituli nostri consilio & consensu. *Anno Domini 1338. in crastino B. Michaelis Archangeli.*

C. V. De annis gratiæ ultra triennium non extendendis. Et quod observetur Constitutio: SUSCEPTI REGIMINIS, per JOANNEM Papam XXII. edita.

WALRAMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius: Dilectis sibi Abbatibus, Præpositis &c.

Omnium malorum radix cæca (a) cupiditas, caritatis sibi nomen proprium (b) adoptavit: quæ dum suo ardore avendo diffunditur, nec in se, nec in aliis videt, quod indiget rectæ (c) iudicio rationis, sed solum ambit, quo suo appetitui, quamvis infatigabili, satisfiat. Ex hac autem siccanti radice per solertem indagatorem in Visitatione nonnullarum Ec-

clesiarum, nostrarum Civitatis & Diocesis, tam per Nos, quam nostros in hac parte Commissarios nuper facta, cognovimus processisse, quod fructus Beneficiorum vacantium in eisdem ad certos annos de consuetudine, vel statuto competentes Ecclesiæ vel defuncto, ipsis sic totaliter applicantur; quod in locum defuncti, eisdem annis durantibus, nullus substituitur, qui serviat Ecclesiæ in Divinis: propter quod ipsæ Ecclesiæ debito Ministrorum obsequio, præsertim [uti sæpius contingit] plurimum Beneficiorum vacationibus concurrentibus, non absque grandi cultûs detrimento Divini, & fundatores locorum suis votis & piæ institutionis (d) proposito defraudantur. In tantum etiam a quibusdam Ecclesiis in numero annorum exceditur; quod qui huiusmodi Beneficia Canonice obtinent, & ad quos alias fructus ipsorum de iure pertinere deberent, spem abijciunt huiusmodi fructus consequendi: & contra Clericalis status decentiam, necessitate cogente, urgentur se negotiis secularibus immiscere, & in foro (quos potius deceret in Vineâ (e) Domini) conversari. Quædam etiam Ecclesiæ non contentæ suis excessibus, in præmissis abusum adjiciunt, quo coincidentibus ejusdem Beneficii, antequam ipsum obtinens, fructus percipiat ex eodem, pluribus vacationibus, ex ultima vacatione completum sibi annorum numerum debere hætenus observarunt: licet etiam de primæ vacationis tempore, uno duntaxat die excepto, omnium annorum curricula effluxissent: propter quæ (f) experimento didicimus, unum & idem Beneficium suo ministerio in talibus Ecclesiis decem & octo annis & amplius destitutum. Item nonnullæ Ecclesiæ de facto observant, licet nulla super eo præscripta consuetudine, vel alia causa rationabili se tueantur, quod ubi via permutationis aliquis ad eorum transferatur Ecclesiam, sibi per biennium fructus cedere debeant sic translati, etiam si Beneficium, ad quod transfertur, subjaceat expectantiis antedictis, quod & utique in nostræ autoritatis, per quam plene & libere unus translatorum in locum transfertur al-

(a) I. Timoth. VI. 10.

(d) elemosynis

(b) propriis

(e) domo

(c) recto

(f) quod

alterius, præjudicium, immo Divini cultus detrimentum, & contra permutationis negotium, cum hoc agatur, ut qui transfertur, ibi se valeat utilius exercere, dignoscitur redundare. Insuper ipsas Ecclesias in observatione Constitutionis: SUSCEPTI REGIMINIS, per felic. Record. JOANNEM Papam XXII. editæ, qui præmissis in parte salubriter duxerat providendum, non solum desides, sed contra eandem quamplurimum quibusdam confectis coloribus excessisse invenimus: eo quod asserunt se habere consuetudinem (in dicta Constitutione utique reprobata) per quam receptos ad Beneficia ipsius Ecclesiæ post iuramentum ab eisdem præstitum de suis consuetudinibus observandis (ac si iuramento huiusmodi adstringantur) ad non utendum, immo renunciandum ipsi Constitutioni, licet & hoc ipsum non teneat, simplices alliciunt & inducunt: volentibus etiam ea uti, ita difficiles se reddunt, quod a suo conanime indirecte coguntur penitus abstinere. Et his suis abusionibus ut valeant quietius immorari, & sic fructus dictis annis cedentes, suis condisionibus (quas Capitulares attitulant) usurpare, quos Divites & CHRISTI patrimonio dilatatos, pro luxuriantione victus, sub colore, quod Ecclesiarum utilitatibus referrentur, quæ a proventibus communibus, & illorum, qui plus ab Ecclesia receperunt, deberent potius procurari, suis privatis usus imbutare, & sic in eis pauperes defraudare: quo aliqui pro Ecclesiastico stipendio & Clericali titulo acquirendis se ipsos exinaniverunt, patriæ suæ sunt exules, & de divitibus facti pauperes quotidie experimur, eorum observantiis adscribunt, & consuetudinibus, licet nulla præscriptione juventur, quod fructus suorum Beneficiorum dicto tempore expectantes, licet alias sint habiles ad Capitulum & Capitulares tractatus ipsius, nec vocari debeant, nec admitti, ad quæ ratione Canonis, etsi nullam actu Præbendam inibi obtinerent, de jure deberent alias evocari.

NOS igitur ex suscepti cura regiminis, de agro Nobis commissio, dictarum abusionum tribulos, ne suis plantationibus invaleant, & ex tempore licere credatur, quod est ratione prohibi-

tum, extirpare funditus sitientes: vobis districte præcipimus & mandamus, quatenus dictam Constitutionem SUSCEPTI REGIMINIS, in omni sui (g) forma diligentius observetis, & omni studio caveatis, ne pœnas contentas & expresse in eadem tam formidabiles, incurrat. Prohibemus etiam, ne aliquid per vos, vel alium, clam vel palam, directe vel indirecte, quovis ad hoc quæsito colore, ad renunciandum ipsius Constitutionis Beneficio, vel non utendum eadem, inducat, vel induci quomodolibet procuretis: sed volentem eam uti quolibet libere sine offenculo permittatis, nec propter hoc eidem graves in aliquo vos reddatis. Alioqui in omnes & singulos contrarium facientes, vel fieri procurantes, sex dierum monitione præmissa, excommunicationis sententiam ferimus in his scriptis.

Item, quia causas rationabiles cessare reperimus, immo (ut profertur) vergere in abusum, quod tot annis (sicut aliquæ Ecclesiæ sibi comperere contendunt) Beneficiati beneficiorum suorum fructus debeant expectare, Nos in hac parte alias Ecclesias ad uniformitatem cum nostra Ecclesia Cathedrali, & nonnullis aliis Ecclesiis, quæ suis antiquis observantiis nituntur, sic ut nec ipsis expectantibus nimis grave, nec ipsis Ecclesiis, nec defunctis nimium præjudiciale reddatur, reducere volumus: statuentes, ut nulla Ecclesiastrarum Civitatis & Diœcesis, sibi & defuncto, ultra triennium fructus Beneficiorum ipsius Ecclesiæ vacantium, vel in antea vacaturorum, etiamsi durantibus expectantiis vacent pluries successive, de cætero vendicent vel usurpent. Sed ulterioribus expectantiis & biennii (quod tam cessante causa rationabili, quam consuetudine legitime præscripta, de facto solum sibi quædam Ecclesiæ, factis permutationibus vendicarunt) penitus abrogatis, Ecclesiæ, quæ non paucioribus gaudent annis, pro se & defunctis triennio sint contentæ: sic quod ubi defunctus minus non habet biennio, & Ecclesia minus anno, ipse defunctus biennio & Ecclesia gaudeat solo anno. Si vero minus, tunc quilibet suis utatur observantiis: sic tamen, quod triennii curricula in dictis expectantiis non transcendantur.

(g) sua

(b) eodem

dantur. Dicto autem durante triennio, in locum defuncti, ne Ecclesia debito Ministrorum obsequio defraudetur, in casu, ubi obtinens Beneficium, dicta Constitutione SUSCEPTI REGIMINIS non uteretur sua sponte, de fructibus ipsius Beneficii, Minister, ad debitum Ecclesiæ servitium impendendum, idoneus ordinetur. Volumus etiam, quod interim obtinens Beneficium [dummodo alias sit habilis] vocem habeat in Capitulo : & sicut alius vocem habens, admittatur ad Capitulum, & vocetur : eique quotidianæ distributiones, ut aliis, si Divinis adfuerit, tribuantur. Quæ non solum ad Beneficia vacatura, sed & quæ vacarunt antea, quorum tamen expectantiæ adhuc pendunt, ut simul juncti anni præteriti & futuri, sub triennio limitentur : & postquam lapsum fuerit triennium, vel si jam lapsum est triennium, omnino expectantiæ sint extinctæ, extendi volumus & mandamus : non obstantibus contrariis consuetudinibus, indulgentiis vel statutis nostris, vel Prædecessorum, vel ipsarum Ecclesiarum, quacunque Nostra vel Prædecessorum nostrorum confirmatione vallatis : quas & quæ (quia causæ eorum cessant, & ea vergere in abusum, ut prædicitur, cognovimus) viribus per præsentem penitus vacuamus. Datum Brulæ anno Domini 1338. in crastino B. Michaelis, & publicatum in Synodo in crastino B. Remigii.

Quoniam Extravagantis hujus : SUSCEPTI REGIMINIS, a JOANNE Papa XXII. editæ, in præcedente mandato & postea rursus aliquoties celebris mentio fit, eaque hic tam sedulo observari præcipitur ; ne ex ignotis procederemus, simul ut studioso ad manum esset, de quo diligenter adeo WALRAMUS agit, visum est, eam hic de verbo ad verbum, quemadmodum in Extravagantibus habetur, subicere, idque hoc pacto :

Constitutio Extravagans JOANNIS Papæ XXII.

SUSCEPTI regiminis Nos cura sollicitat, ut quæ in Ecclesiis non absque dispendio ministrorum, & cultus detrimento Divini servari videamus, per appositionem congrui moderami-

nis melius reformemus. Cum itaque in nonnullis Ecclesiis observetur, & a longis retroactis temporibus fuerit observatum, quod fructus primi vel secundi, aut alterius cujuscunque sequentis anni Beneficiorum vacantium in eisdem, defuncto, vel fabricæ, aut Ecclesiis, vel personis habentibus annalia, de consuetudine, privilegio, vel Statuto applicentur in totum : ita, quod illi, qui hujusmodi Beneficia Canonice obtinent, & ad quos alias de jure fructus ipsi spectare deberent, nihil inde percipiunt : unde illud inconveniens sequitur ; quod commode nequeunt ad impendendum servitium debitum residere in Ecclesiis, in quibus Beneficiati existunt. Nos de illo super his remedio providere volentes, per quod hi & illi in fructuum perceptione prædictorum participant, & Ecclesiæ debitis servitiis non fraudentur, præsentis decreto statuimus de fratribus nostrorum consilio, quod illi, qui fructus prædictos sibi hæcenus integre vendicabunt ex privilegio, de consuetudine, vel statuto, nihil exinde ultra summam, pro qua unumquodque Beneficiorum ipsorum consuevit in decimæ solutione taxari, prætextu cuiusvis privilegii, consuetudinis vel statuti, quovis modo percipient : sed ipsius summæ perceptione duntaxat sint omnino contenti, totali residuo prædicta obtinentibus Beneficia remanente : nisi forsitan illi, qui fructus eisdem soliti fuerint (ut præfertur) cum integritate percipere, per se mallent ipsum habere residuum, & obtinentibus ipsa Beneficia summam dimittere memoratam : quo casu, percipiendi, quod maluerint, illis relinquimus optionem, sic quod intra decem dies, postquam sciverint Beneficia ipsa vacare, ii, quibus annalia ipsa debentur ex privilegio, consuetudine, vel statuto, aut ipsorum annalium collectores, quam partem habere voluerint, an scilicet decimæ taxationem, vel illa dimissa, residuum (nulla subhastatione præmissa) eligere teneantur. Quam electionem, si intra dictos decem dies non fecerint, ut est dictum, extunc ad eum, cujus est Beneficium, hujusmodi optio, vel electio transeat ipso jure. Et hoc in Eccle-

" Ecclesiis & partibus illis , in quibus
 " Beneficia majora & alia, quantum ad
 " solutionem decimarum, sunt taxata, vo-
 " lumus observari. In illis vero parti-
 " bus & Ecclesiis, in quibus decima-
 " rum taxatio non est facta, fervetur,
 " quod fructus & obventiones Beneficii
 " tunc vacantis, quos in decima solvere
 " consuevit, per medium dividantur :
 " quorum medietatem habeat is, cui an-
 " nualium per alterum de prædictis modis
 " perceptio est concessa : Reliquam ve-
 " ro medietatem percipiat ille, cui Be-
 " neficium est concessum, pro sustenta-
 " tione sua, & aliis Ecclesiæ oneribus
 " supportandis: quorum, si alter de præ-
 " dictis, prædicta medietate voluerit
 " esse contentus, altero contentari no-
 " lente, pars volentis ipso jure transeat
 " ad nolentem : & volens, fructus &
 " obventiones illius Beneficii percipiet
 " universos, eidem Beneficio congrue
 " faciens deserviri, ac ejus supportans
 " onera consueta. Et si quicquam ali-
 " quis prædictorum ultra præmissa per-
 " ceperit, illudque his, ad quos perti-
 " nebit, intra mensem non restituerit
 " eum effectum, eo ipso si Episcopus, vel
 " Superior Prælatus fuerit, a Pontifica-
 " libus, & ingressu Ecclesiæ noverit se

" suspensum : Si autem Capitulum,
 " Universitas, vel Collegium; Ecclesia-
 " stico interdicto se noverit (donec præ-
 " dicta cum integritate restituerit) sub-
 " jacere. Si vero aliqua singularis per-
 " sona Ecclesiastica, vel mundana id fe-
 " cerit, excommunicationis incurrat
 " sententiam ipso facto: a qua, nisi re-
 " stitutione præmissa (præterquam in
 " mortis articulo) minime absolvetur :
 " non obstantibus quibuscunque privi-
 " legiis, vel indulgentiis, aut contrariis
 " consuetudinibus, aut contrariis statu-
 " tis, juramento, confirmatione Sedis
 " Apostolicæ, aut alia quæcunque fir-
 " mitate vallatis. Quæ omnia quoad
 " hæc, autoritate Apostolica revoca-
 " mus, cassamus, & irritamus, & nul-
 " lius deinceps esse volumus firmitatis.
 " Nulli ergo omnino hominum liceat
 " hanc paginam nostræ constitutionis,
 " revocationis, cassationis, & volunta-
 " tis infringere, vel ei ausu temerario
 " contraire. Si quis autem hoc atten-
 " taverit, indignationem Omnipotentis
 " DEI, & Beatorum Petri & Pauli Apo-
 " stolorum ejus, se noverit incursum.
 " Datum Avinione Kalendas No-

" vembriis, Pontificatus nostri Anno II.

COLONIÆ SYNODUS

ANNO MCCCXXXIX.

C. I. *De expectatione triennii, ultra quod
 anni gratiæ se non exten-
 dant.*

WALRAMUS, Dei gratia, Sanctæ
 Coloniensis Ecclesiæ Archi-Epi-
 scopus, Sacri Imperii per Italiam Archi-
 Cancellarius, dilectis in CHRISTO om-
 nibus & singulis &c.

Nuper sitientes Divini cultum no-
 minis, nostris temporibus augmentari,
 & ea, quæ in detrimentum ipsius a non-
 nullis Ecclesiis nostræ Dicecesis abusive
 observata fuerunt, tamquam ratione ca-
 rentia extirpari, super observatione con-
 stitutionis, SUSCEPTI REGIMINIS,
 per felicis recordationis Dominum JO-
 ANNEM Papam XXII. editæ, circa
 quam aliqui ex ipsis, quæsitis ad hoc
 circumventionibus, dum fructus suorum

Beneficiorum expectantes, ei renunciare,
 vel non uti, opponendo, comminando,
 vel se eisdem graves reddendo, aut
 blandiendo induxerunt, quamplurimum
 excedebant, non permittentes ali-
 quem libere ea uti: nec non restrictione
 annorum expectantiarum, competen-
 tium Ecclesiæ & defuncto, ut quo-
 tiescunque eis durantibus vacet idem Be-
 neficium successive, ipsi triennium non
 transcendant: quo nihilominus durante,
 si Beneficiatus sua sponte dicta constitu-
 tione non uteretur, Minister substituatur
 idoneus, qui Ecclesiæ serviat in Divi-
 nis: ipse etiam Beneficiatus, si alias sit
 habilis, vocem in suo habeat Capitulo,
 & non solum veniens admittatur, sed
 etiam sicut alius advocetur, eique ut
 alii quotidianæ distributiones, si Divinis
 adfuerit, tribuantur: mandatum nostrum,
 in

in parte videlicet super dictæ Constitutionis transgressione pœna vallatum, ne subditis nostris, dum eam sic circumvenire putarunt, laqueus pateret, emisimus, & in *proxima præterita nostra Synodo* fecimus solenniter publicari. Verum, quia tandem experientia certa didicimus, quod nonnulli dictorum excedentium sola prohibitione sua audacia non contenti, immo etiam in sententias dictæ Constitutionis & Nostras quamplurimum formidabiles, incidere non timentes, dictum mandatum nostrum ludibrios non solum verbis contemnunt, sed & eo & dicta Constitutione uti volentibus realiter se opponunt: confingunt etiam & asserunt, eos per hoc perjurium incurrere, eo quod contrarium dicti mandati nostri, ascribunt suis observantiis & statutis, quæ se observaturos tempore sui introitus more solito jurarunt. Quidam etiam eis, quod ante præfatum mandatum, dictæ Constitutioni renunciaverint, obijciunt: defectum tamen eorum in Divinis supplere diligunt, imo nolunt, & ut ipsum mandatum circumveniant & defraudent, ipsis Divinis interessentibus distributiones minuunt, quas (a) tunc inter se postea in quantitate distribui consueverat alibi partiuntur. NOS igitur conveniens reputantes, ut quos excessum prohibitio, & DEI timor a malo non revocat, saltem cohibeat severitas Ecclesiasticæ disciplinæ: vobis omnibus & singulis districtè præcipimus & mandamus, quatenus dictum nostrum mandatum, quod Nos præsentibus innovamus in omni sui forma, & singulis suis Capitulis, non obstantibus juramentis prædictis & renunciationibus ante ipsum factis, quos propter detrimentum Divino cultui inde verisimiliter subsecuturum decernimus non valere, sine fraude aliqua firmiter observetis. Alioqui contrarium facientes, vel fieri procurantes directè vel indirectè, clam vel palam, quovis ad hoc quæsito colore, sex dierum monitione præmissa, a tempore publicationis præsentis nostri mandati, excommunicationis sententiam (quam in his scriptis exnunc prout extunc in ipsos ferimus) incurrere volumus ipso facto. Denunciamus insuper, & per vos denunciari mandamus excommunicatos eos omnes & singu-

los, qui Constitutione: SUSCEPTI REGIMINIS, prædicta, contra prohibitionem dicti mandati nostri, postea sunt abusi: volentes ipsos a vobis, de quibus constiterit, in judicialibus & extrajudicialibus præsertim in Divinis Officiis, evitari. Datum anno Domini MCCCXXXIX.

C. II. De Fraternitate S. Petri, & de ejus interpretatione.

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, dilectis in CHRISTO Abbatibus, Prioribus, Præpositis, Archidiaconis, Decanis &c.

ETSI promotio tam magnifici operis fabricæ Ecclesiæ majoris Colonienfis, præcipue Nobis, qui speciali vinculo illi jungimur, & CHRISTI Fidelibus cunctis debeat in pietatis visceribus insistere; decet tamen & est debitum, ut vigeat discretio, sic quod (b) illud non effugiat judicium rationis, ne, dum hujusmodi fabricam promovisse putemur, succrescat dispendium, aut alia illicita compensatio pro favore hujusmodi inconvenientiis admixta. Dudum siquidem nonnulli Prædecessores nostri, & Nos ipsi, ad promovendam felicem consummationem structuræ dictæ fabricæ multum laudabilem, & non modicum sumptuosam, corda gerentes ardentia, indulsumus & concessimus, ut utriusque sexus homines, qui fraternitatem ejusdem Ecclesiæ nostræ receperint, & pensionem annuam promissam, & exinde debitam devote persolverint, si auctoritate Statutorum Ecclesiæ nostræ Provincialium aut Synodaliū, vel nostra ordinaria quacunque, vel Officialis nostri, vel Archidiaconorum nostrorum, vel Decanorum, aut aliorum quorumcunque nostræ jurisdictionis Ecclesiæ fuerint interdictæ, ipsosque fratres seu eorum liberos infirmari, vel mori contigerit (dummodo non fuerint usurarii manifesti, vel excommunicati, aut interdicti) inungantur: & si decesserint, corpora defunctorum tradantur Ecclesiasticæ sepulturæ: quibus exequiis, & Missis fideles Christiani poterunt interesse, si voluerint, non obstante hujusmodi inter;

(a) tamen.

(b) forte: illa

interdicto : quod interdictum, seu quæ interdicta, quo ad unctionem, & ad ipsam diem sepulturæ & exequiarum, ducimus relaxandum, non ergo ad alia : interdictis tamen huiusmodi, lapsis diebus exequiarum prædictarum, in suo robore ulterius duraturis. Et postmodum ad ambitiosam, & importunam quorundam instantiam, per quam multociens non concedenda conceduntur, præmissis indulgentiis nostram declarationem subjunximus, videlicet, quod etiam hi, qui ad cursum vitæ suæ pensionem annuam non darent, sed cum potuerint, largiuntur, & ascribi faciunt ad fraternitatem prædictam, quod a die largitionis, & oblationis usque ad annum gaudere debent omnibus & singulis libertatibus, privilegiis, & gratiis fabricæ supradictæ : sic tamen, quod si anno revoluto hoc non facerent, ab huiusmodi libertatis gratia forent exclusi : nihilominus tamen quocunque postmodum tempore ascribi possent, & gaudere libertatibus antedictis. Verum, quia experientia didicimus, quod per declarationem nostram huiusmodi, sibi quidam, contra tamen intentionem nostram, quandam occasionem, quamvis fatuam, assumpserunt, qua ipsi & nonnulli infirmi, qui dum essent sani, de hoc minime curaverunt, pro sola gloria humana, & vivorum solatio, exequiarum post mortem solennia affectantes, se ad dictam fraternitatem, & privilegia ejusdem pro uno denario, vel duobus fecerunt recipi & ascribi. Unde in aliquibus partibus nostræ Diocesis (ubi magis contra libertatem Cleri invaluit audacia perversorum) raro contingebat, quin tempore generalis interdicti Missarum solennia pro sepulturis huiusmodi secundum prædicta privilegia haberentur : propter quod ibidem (c) dissolveretur pariter & (d) vilesceret nervus Ecclesiasticæ disciplinæ, & libertas Ecclesiæ destruitur, pro qua dicta interdicta sunt provide adinventæ. Læsores enim illius per hoc contra Clerum eo licentius animati, non quærunt satisfacere, nec curant populares, & eorum Domini insurgere contra ipsos : Dehonestatur etiam honor fabricæ, cujus tanta privilegia passim ab omnibus comparari posse pro tam vili pretio publicantur : & si inde dictæ fabricæ, secun-

(c) forte: dissolvitur

dum quorundam opinionem, aliquod emolumentum quomodolibet eveniret (quod tamen credere non valemus, cum res minori taxatæ præcio, ut frequentius refutentur, quæ pro iusto, vel majori avidius peterentur) non est talis tamen cum tantis inconvenientiis compensatio admittenda. Nos igitur crebris super his Cleri in dictis partibus miserabiliter afflicti lamentationibus excitati, præfatam declarationem nostram, tanquam per importunitatem obtentam, & quæ tracta est contra intentionem nostram notorium in abusum, cum omni suo effectu præsentibus revocamus, & de consilio & consensu Capituli & Prælatorum nostrorum declaramus & statuimus, quod hi duntaxat, qui se in Fratres dictæ Fraternitatis faciunt recipi & ascribi, sani vel infirmi, pro annua pensione ad minus unius Somborini bladi mensuræ Colonienfis, aut pro sex solidis Colonienfis pagamenti, singulis annis ad dies vitæ eorum præstandis & solvendis, & de hoc sufficienter secundum consuetudinem & exigentias locorum, ubi talia sunt, cavetur, ita quod hoc firmum sit, nec de eo possit postea quæstio seu dubitatio suscitari, gaudebunt pro se & suis liberis secundum indulgentias nostras, & Prædecessorum nostrorum prædictorum, quoad dictam inunctionem, & diem Ecclesiasticæ sepulturæ cum Missa pro Defunctis, in forma, qua superius est expressum. Quod sic duximus declarandum : gaudebunt quoad diem, id est, spatium diei, quo præmissa sine fraude possunt commodè expediri : & quoad hoc, & non quoad totam diem, interdicta huiusmodi tantummodo relaxamus. Non est tamen intentionis nostræ, quin præter indulgentiam huiusmodi inunctionis, Missæ, & Sepulturæ tempore interdicti, CHRISTO devoti Fraternitatem prædictam pro minori, de quo eis Deus inspiraverit, possent habere, ac Fratres ejusdem Fraternitatis appellari, & participare in Missis, orationibus, jejuniis, vigiliis, castigationibus, & aliis operibus charitatis, quæ ob dictam Fraternitatem, & ut Fratres illius eorum participes sint, fuisse dignoscuntur hætenus instituta. Summo itaque opere caveatis, ne in his, quæ pro tutela libertatis vestræ duximus ordinanda, inveniamini in aliquo trans-

(d) forte: vilescit.

transgressores, ita quod de cætero nulum Fratrem dictæ Fraternitatis, in indulgentia Unctionis, Sepulturæ & Missæ prædictarum participem habeatis, nisi tantum dederit, & de hoc etiam sufficienter caverit, de quo tamen vobis, qui Curati illius fueritis, plene constat, quan-

tum, & sicut superius est taxatum & statutum. Alias contra vos tanquam transgressores interdictorum & prophnatores. Divinorum, ad officiorum vestrorum privationem, & alias pœnas Canonicas, quantum de jure poterimus, arctius procedemus. *Datum, ut supra.*

COLONIÆ SYNODUS AUTUMNALIS

ANNO MCCCXLIV.

I. Moderatio Statuti de tribus annis expectandis, ad quadriennium extensis.

WALRAMUS, DEI gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius. Dilectis sibi Præpositis, Decanis Ecclesiarum Collegiatarum, nec non Collegiis, Decanis Christianitatum, Plebanis, & eorum vices gerentibus, ac universis Clericis nostrarum Civitatis & Diœcesis, salutem in Domino sempiternam.

Quoniam novis morbis supervenientibus, convenit nova antidota præparari, dudum quidem quoddam mandatum edidimus, & sub anno Domini Millesimo trecentesimo trigesimo octavo in nostra Generali Synodo tunc celebrata fecimus solenniter publicari, per quod volentes in annis expectantiarum, Ecclesiis nostrarum Civitatis & Diœcesis, de privilegio, consuetudine vel statuto competentibus, pro fabrica vel defuncto, mori quibusdam rationibus juri & æquitati (ut videbatur) consonis, ipsas Ecclesias ad conformitatem reducere cum nostra Ecclesia Cathedrali, revocatis & annullatis penitus illis expectantiis, quas post factas permutationes sibi aliquæ Ecclesiæ vendicabant, annos hujusmodi expectantiarum in Ecclesiis illis, quæ plures habebant, duximus sub triennio limitandos. Verum quia tandem diversarum Ecclesiarum querelis frequentius excitati didicimus, & etiam experientia facti percepimus, quod nonnullæ Ecclesiæ ex limitatione prædicta in eorum Fabrica & ornamentis Ecclesiæ, ad quorum usus fructus annorum expectantiarum prædictarum convertebant, & con-

vertere tenebantur, senserunt notabile detrimentum: Nos igitur cupientes dictam limitationem, & mandatum propter eam (e) factam totaliter moderari, quod non reddatur Ecclesiis in hujusmodi usibus nimium præjudiciale, nec etiam expectantibus nimis grave, de consensu Capituli Ecclesiæ nostræ Colonienfis ita duximus statuendum, quod Ecclesiæ nostrarum Civitatis & Diœcesis, quæ prius ante mandatum nostrum prædictum, habebant quatuor annos expectantiarum aut plures, solummodo quatuor annos, sicuti illos prius habuerunt pro defuncto & fabrica de cætero obtinebunt:

II. De conjungendis temporibus, & expectantiis in utilitatem Ecclesiæ convertendis.

Sic tamen, quod si expectans, hujusmodi præbendæ fructus aliquo tempore expectaverit, & postea tacite, vel expresse cesserit vel decesserit, primæ & ultimæ expectantiæ conjungantur, & conjunctæ simul, numerum dicti quadriennii non transcendant. Ecclesiis etiam, quæ post permutationes habebant ante dictam limitationem, duorum annorum aut plurium expectantias, restituvimus solummodo duos annos, sic, quod istorum duorum annorum fructus non debebunt Ecclesiarum Canonici inter se dividere, sed in utilitatem Ecclesiarum duntaxat fideliter convertere pro fabrica vel ornatu.

III. Quod permutans potest redimere duos annos pro tribus libris grossorum monetæ Domini Colonienfis.

Statuimus tamen, quod ipsi permutantes, si voluerint, fructus hujusmodi

(e) forte: factum.

modi duorum annorum in qualibet Ecclesia pro tribus libris grossorum Turo-
nens. monetæ nostræ, aut valore eorun-
dem, aut unius anni pro XXX solidis
eiusdem monetæ, quem elegerint redi-
mendum, redimere poterunt: & hu-
iusmodi redemptione facta, statim in-
trabunt plenam perceptionem, & par-
ticipationem fructuum Præbendarum
suarum, & quotidianarum distributio-
num, aliarumque obventionum, pro-
ventuum, iurium, & reddituum ip-
sorum Ecclesiarum pro duobus, vel uno
anno, secundum quod redemptionis pro-
cesserit, sicuti facerent, si sibi horum
annorum expectantia non obstaret. Et
prædicta pecunia debet tantummodo
converti pro ornatu Ecclesiæ, aut ad
usum fabricæ, ut præfertur: per præmis-
sa autem illis Ecclesiis, quæ ante præfa-
tæ nostræ limitationis mandatum, post
alicujus Canonici cessum, tacitum, vel
expressum, aut decessum expectantia-

rum quatuor, aut post permutationes
duos annos antea legitime & Canonice
non habebant, nihil novi censetur at-
tributum: sed manebunt in suis consue-
tudinibus, privilegiis & statutis, quoad
numerus ac alia, eo vigore & firmitate,
sicuti ea ante revocationem huiusmodi
habuerunt. Porro, quod ad præfatam
nostram moderationem pertinet, dictæ
nostræ limitationis mandatum, pænæque
& sententias in ipso latas, & expressas,
cum omni suo effectu, præsentibus re-
vocamus; & penitus annullamus. In
cujus rei testimonium, sigillum no-
strum una cum sigillo Capituli nostri
prædicti, præsentibus est appensum.

Et Nos Capitulum Ecclesiæ Colo-
niensis, in signum consensus nostri præ-
dicti, & testimonium præmissorum, si-
gillum nostrum duximus præsentibus
appendendum. Datum Anno Domini
MCCCXLIV. feria VI. post Festum S.
Andree Apostoli.

COLONIÆ SYNODUS AUTUMNALIS

ANNI MCCCXLVI.

I. De Clericis, & Religiosis vina seu cere-
visiam dividendis contra vel præter
formam, & modos per-
missos.

WALRAMUS, Dei gratia, Sanctæ
Coloniensis Ecclesiæ Archi-Episco-
pus, Sacri Imperii per Italiam Archi-
Cancellarius, universis in hac præsentī
Sacra Synodo congregatis, salutem in
Domino.

Piæ memoriæ HENRICUS olim
Prædecessor noster, constitutioni olim
per felicis recordationis CLEMEN-
TEM Papam quintum super hoc editæ
non inconsulte inhaerens, statutum con-
tra Clericos tam sæculares, quam Reli-
giosos, tabernariorum officia exercen-
tes, edidit, ipsum præcipiens sub di-
versarum pœnarum exaggeratione cen-
suræ Ecclesiasticæ, a suis subditis obser-
vari: per quod tamen statutum, quen-
quam a venditione vinorum, si qua ei
a Beneficiis suis, seu aliunde præter ne-
gociationis causas derivata fuerint, dum-
modo hoc sine dolo, nec in fraudem hu-
jus statuti fecerit modis hætenus con-

fuetis & decentibus, noluit prohibere.
Quod etiam statutum ad personas scem-
narum, sive Ecclesiarum sæcularium, seu
Monasteriorum duxerat extendendum.
Nosque propter hæc, quia super hoc
fuerat dubitatum, modos consuetos &
decentes, quibus Clerici & Ecclesiasticæ
personæ, vina de suis Beneficiis, vel ali-
unde, præter negociationis causas derivata,
possent licite venditioni exponere, in
quodam nostro statuto declaravimus ex-
plicitè in hunc modum: " Quod scilicet
" cet horum vinorum venditiones sine
" cauponum vociferatione & clamore,
" & quantum in venditoribus est, sine
" fraude, absque demoracione homi-
" num bibentium ea vina intra vel ante
" domum, ac intra immunitatem, in
" quibus vina venduntur, fierent, &
" potare volentibus hæc vina, ne eis
" ibidem remanendi, & demorandi oc-
" casio præbeatur, pocula sive ampho-
" ræ, sicut in tabernis publicis laicalibus
" fieri consuevit, non commodarentur,
" nec aliquāliter ministrarentur: Eos
" quidem Clericos & Ecclesiasticas per-
" sonas, qui secus venditionem vinorum
" fece-

"fecerint; in pœnas dicti statuti in ipsos promulgatas, incidere decernentes." Verum quia percepimus veraciter, quod harum formidine pœnarum, nonnulli Canonici, Clerici, & Monachi, nec non Canonice & Monasteriorum sceminæ intra immunitates his statutis contrarium facere, & diversis modis fraudem circa ea committere non verentur: Quidam enim ex eis, cum vociferatione cauponum & receptione ad domus suas potantium, & accommodatione poculorum sive amphorarum, & absque omni dissimulatione, tanquam laici tabernarii, alii autem cum quadam aliquorum ex his modis dissimulatione, etsi non habeant caupones alta voce vociferantes, discurrentes tamen per plateas, & intelligibiliter (*licet submisso*) præconizantes, huiusmodi vina esse in domibus eorum venalia, conducunt. Sunt etiam quidam ex eis, qui hominibus in his partibus, ubi vina crescunt, suas mutant pecunias, sub spe vina pro eisdem pecuniis rehabendi, & hæc vina, postquam ea habuerint, vendendi alique vina emunt huiusmodi, & sic se non intelligere fingentes, quod hæc vina ex negotiationis causa proveniant, ad ducibulum ea vendunt. Item specialiter aliquorum Monasteriorum Sanctimonialia aliquæ contra easdem eorundem statutorum prohibitiones, vendere cerevisiam hæcenus præsumperunt: sunt etiam aliqui & aliquæ ex præmissis, qui & quæ in suis domibus alios laicos aut laicas in his casibus prohibitis vina vendere admiserunt. Prælati etiam & Prælatæ personarum sic delinquentium, ad quos & ad quas hoc corrigere & non permittere specialiter pertinet, etsi eas non lateat, nec latere valeat, subconniventibus pertransunt oculis: nec hoc prohibent, sed permittunt; immo quod pejus est, percepimus ipsos Prælatos & Prælatas aliquos & aliquas, vina & cerevisiam extra modum, per eadem statuta interpretatam, venditioni exponere pro se ipsis: & sic his & aliis modis diversis, prohibitis, & indecentibus, contra statuta huiusmodi hæcenus multipliciter est excessum. Et sicut ab aliquibus fide dignis audivimus, quia super his, dum in eorandem statutorum pœnas personæ sic delinquentes incidunt

Tomus IV. Concil. German.

manifeste, per Officiale nostrum ab his faciliter absolvuntur, facilitas huiusmodi veniæ ipsis tribuit materiam delinquendi.

NOS igitur volentes his, quantum possumus adhibere remedium oportunitum, in hac Sacra Synodo monemus omnes & singulos Prælatos & Prælatas, ad quos & ad quas personarum sic delinquentium pertinet correctio de consuetudine seu de jure, ut dum per aliquos, seu aliquas, suos subditos & subditas circa præmissa statuta, & eorum interpretationem, sicut supra posita sunt, delinquere intellexerint; eos secundum suæ Ecclesiæ & Monasterii huiusmodi, quantum in eis est, corrigere consuetudinem non omittant, & nihilominus Officiali nostro, quam cito sciverint, intimant, seu faciant intimari. Item omnes & singulos & singulas personas Ecclesiarum & Monasteriorum nostræ Civitatis & Diocesis, masculos & sceminas cujuscunque dignitatis & status, ne in præmissis, aut aliquo præmissorum excedant, seu fraudem faciant, monemus per præsentem, monitione termini sex dierum præmissa, quorum duos pro primo, duos pro secundo, & reliquos duos pro tertio & peremptorio termino ipsis & cuilibet eorum assignamus. Alioquin ipsos & ipsas, Prælatos & Prælatas, ac personas sic delinquentes, aut fraudem committentes in præmissis aut aliquo eorum, excommunicationis sententiæ, quam in quemlibet eorum ex nunc pro extunc ferimus, subdimus in his scriptis. Et ne in venditione vini & cerevisiæ, ejusque modis delinquentibus, seu fraudem facientibus, impetrandæ absolutionis ab hac excommunicationis sententia facilitas, causam seu occasionem tribuat libentius delinquendi: volumus, quod de cætero taliter delinquentes seu fraudem committentes ab huiusmodi excommunicationis sententiam nullatenus absolvantur, nisi ante omnia jurent, stare mandatis Ecclesiæ; & idem Officialis, seu alius, aut alii quicunque, super hoc a Nobis habentes potestatem absolvendi, ipsis in virtute juramenti præstiti injungant, quod de cætero talia, qualia commiserunt, & similia, facere non attentent: & quod quicquid emolumenti, quod ex his ven-

M m m 2 ditio.

ditionibus habent, seu habere se sperant, sub virtute hujusmodi juramenti planè & plene absolventi revelent, & tantum, ad quantum hoc emolumentum se extendit, in pœnam hujus peccati commissi, Sigillifero nostro Curiae, nostro nominae assignent cum effectu, ut in eo, in quo exceſſerunt, puniantur, & his perfectis demum absolvantur: alias autem absolvendi eosdem, quam per istum modum, ipsi nostro Officiali totalem adimimus potestatem. Verum, quia contentis in his literis fœminæ, propter sui fragilitatem non possunt (ficuti viri) applicare ita de facili intellectum, ut nulla horum ignorantia se valeant excusare universis & singulis Ec-

clesiarum Parochialium Rectoribus, præsertim civitatis nostræ Colonienſis, in quorum Parochiis Ecclesiæ Canonicarum Regularium, & Monasteria Sanctimonialium sita sunt, mandamus sub pœna excommunicationis, quam (monitione sex dierum præmissa) in quolibet eorum huic mandato non obedientium, ferimus in his scriptis, quatenus quilibet ipsorum, hujus nostri mandati de verbo ad verbum copiam recipiat, & Monasteriis, & Ecclesiis præfatis, prout eis subſunt, plene & plane ejus intentionem exponant, ne ejus ignorantiam prætere vœant ullo modo. Datum anno Domini MCCCXLVI. feria sexta post Remigii Confessoris.

COLONIÆ SYNODUS AUTUMNALIS ANNO MCCCXLVIII.

I. *Contra committentes fraudem in observatione generalis interdicti.*

WALRAMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, universis Prælatiſ, Canonicis, Ecclesiarum Rectoribus, Clericis, Capellanis nostræ civitatis & Diocesis, salutem in Domino.

Quia Nobis a fide dignis veridice est relatum, qualiter nonnulli Presbyteri & Ecclesiarum Rectores naturam (f) interdicti, maxime generalis, forsitan negligenter ignorantes; alii vero fraudulentè circa ipsius observantiam versantes, ut infra narratur, peccant multipliciter & delinquant.

Inprimis, quia quidam Presbyteri quibusdam, volentibus intrare Ecclesiam, præsentibus, legunt Missam usque ad Offertorium inclusive: quibus præsentibus tunc, usque ad peractam Communionem exclusis, & demum post Communionem peractam admissis, osculum pacis communicant, & Missæ benedictionem largiuntur. Item aliqui, in aliquibus Ecclesiis unum interſtitium de-

asseribus inter locum Altaris, & totam residuam Ecclesiæ partem, circa Altare dimisso modico spatio, interponunt: & populum ibidem extra hoc interſtitium, dum Missas dicunt, esse permittunt, quod totam Missam populus auscultare intelligibiliter poterit & audire. Item quod diebus Dominicis & Festivis aliqui Presbyteri induti sacris Vestibus, coram populo Missæ legunt officium, sine tunc Sacramenti consecratione, ostendentes tamen ipsi hostiam antea alio tempore consecratam, danteque pacis osculum, & Missæ benedictionem præsentibus universis.

Item quidam Presbyteri laicos aliunde advenientes passim admittere ad interſſendum solenniis non verentur. Item in Festis quatuor principalibus, in quibus jura permittunt campanas pulsari, & januis apertis Divina Officia solenniter celebrari, excommunicatis prorsus exclusis, nonnulli Presbyteri excommunicatis & interdictis corpus Domini cum administrant.

Item Presbyteri, qui præſunt in castris Capellani, Capellarum Rectores, sub quodam fraudis commento recipiunt

(f) Natura interdicti est, ut eo communitas aliqua graviter delinquens, vel delinquentibus tacite vel expresse consentiens, puniatur, donec resipuerit, seu delictum suo assensu commissum, vel conniventia tacite approbatum, vindicaverit. Multa extant in sacris Scripturis exempla, sæpe magnas multitudines graviter punitas esse, quæ impiis communicasset, ut inter alia patet in his, qui a tabernaculis Core, Dathan, & Abiron recedere non curarunt, Numer. 16. & Apostolus Corinthios, ob communicationem cum incestuoso, graviter arguit. 1. Corinth. 5.

unt notabiles personas, imo & quandoque Dominas ad serviendum sibi in Missis, ut sub hujusmodi velamento personæ hujusmodi Missis valeant interesse. Cum itaque his, & aliis pluribus observationem interdictorum Ecclesiasticorum, maxime generalium (quarum tamen pœnarum usus ad conservationem jurium & libertatum Ecclesiarum, & Ecclesiasticarum personarum, propter, & contra impressiones, & violentias potentiz laicorum, Clericis oppido infestorum, ut plurimum in nostra Dicecesi est inventus) personæ Ecclesiasticæ, puta Presbyteri & Ecclesiarum Rectores contra propria laborantes commoda, & quorum magis interest, ut hujusmodi interdicta abique læsione aliqua integre observentur; agant plerumque adeo negligenter, imo etiam fraudulentè, quod unde violentiarum & injuriarum, quæ continue Ecclesiis & personis Ecclesiasticis graviter irrogantur, repressio sperabatur, quasi quædam defensio sequitur in effectu.

Quocirca vos omnes & singulos sub obtestatione Divini judicii hortamur, vobis & cuilibet vestrum in virtute sanctæ obedientiz mandantes, quatenus ab omnibus his & singulis negligentis & fraudibus, & similibus penitus abstinentes, dum incumbit vobis aut alicui vestrum interdictum observandum aliquod, maxime generale, pure & absque omni simulatione curetis omnimodo observare, Ecclesiis scilicet vestris eo tempore, dum officia celebrari debebunt Divina, circumcirca penitus observatis, ac omnibus & singulis Clericis, & laicis incolis, seu extraneis quibuscunque exclusis, præter eos, quos jus interesse permittit: sic, quod dum Divina voce submissa officia in vestris peraguntur Ecclesiis, ab extra Ecclesiam existentibus audiri nequeant, nec videri. Alioqui monitione novem dierum præmissa, contrarium facientes, negligentiam scilicet ac fraudem, quominus hujusmodi observetur interdictum in sua debita forma effectualiter, (sicut debet) quomodolibet committentes, præter alias pœnas a jure statutas, sciant se excommunicationis sententiam, quam in eorum quemlibet in his scriptis ferimus, incursum. Per clausuram autem Ecclesiarum in-

terdictarum, tempore celebrationis Divinorum, in ipsis faciendorum, superius per Nos expressam, tollere nequaquam intendimus, quin si aliqua Ecclesia capacitatis magnæ, habens forsan Sacristiam, seu locum sufficienter capacem, pro Divinis celebrandis officiis aptum & parietem adeo spissum, a cæteris Ecclesiæ partibus ita notabiliter separatam, quod manifeste appareret, voces ipsa Divina Officia celebrantium, ab his, qui in Ecclesia, extra tamen hujusmodi Sacristiam vel locum forent, nequaquam posse auscultari aliquid, seu audiri: ut exclusis omnibus & singulis de jure excludendis, præsertim si Ecclesia talis fuerit, in qua populus singulari affectione ad orandum est solitus convenire; ne Christi fideles in tali orandi devotione contingat aliquo modo impediri, in tali Sacristia seu loco tempore interdicti, absque ejus injuria, possint Divina officia licite celebrari. Datum anno Domini MCCCXLVIII. die antepenultima mensis Septembris.

II. *Monentur Conventuales, ut exhibeant privilegium, quod se habere prætenderunt, de admittendis laicis suis procuratoribus ad Divina tempore interdicti.*

WALRAMUS, DEI gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo Prælati, Canonicis Ecclesiarum, Christianitatum Decanis, Ecclesiarum Curatarum Rectoribus, Capellanis, Clericis nostræ civitatis & Dicecesis salutem in Domino.

Ad Nos pervenit, quod quidam Religiosi, domos claustrales in nostris civitate & Dicecesi, in quibusdam locis habentes, his temporibus, quibus in illis locis generale interdictum oportuerat observari, & hoc interdictum, matrice hujusmodi loci Ecclesia observante, ipsi religiosi de majoribus hujusmodi loci multos homines, immo longe, & in excessivo numero, plures; quam indigeant, laicos constituunt, & suos nominant Procuratores. Cujus prætextu ipsos, sic nominatos Procuratores suos, secum admittunt Divinis interesse officiis, asserentes sibi hoc virtute cujusdam privilegii, eis auctoritate Sedis Apostolicæ concessi,

M m m 3

com-

competere & licere. Verum quia de hoc Nobis nequaquam constat privilegio, nec omnino credimus, quod huiusmodi privilegium sub tali forma (quod adeo esset juri nostro Ordinario, & Ecclesiis, & Ecclesiasticis Personis Nobis subditis, ac earum libertati præjudiciale, maxime prout ipsi eo, etiam si haberent, uti dicuntur) a Sede Apostolica sit concessum. Ut itaque circa hoc privilegium de veritate plenius informemur, universos, & singulos harum domorum religiosarum, asserentium privilegia huiusmodi se habere, Rectores sive Prælatos, quocunque censeantur nomine, in ipsis nostris civitate, & Diœcesi constitutos requirimus, quatenus per se, seu Procuratores suos ad hoc deputatos, compareant coram dilectis Nobis Decano Ecclesiæ Sanctensis nostræ Diœcesis, & Officiali nostro Colonienſi, quibus quoad hoc committimus vicēs nostras, in domo ipsius Officialis intra hunc diem, & Festum omnium Sanctorum proxime futurum, quocunque die intra hunc, & huiusmodi Festum constitutum, seu constitutos, quem seu quos simul seu successive decreverint eligendum seu eligendos, ostensuri in prima sui forma privilegium huiusmodi, ut per ipsos nostros huiusmodi Commissarios videatur, & integre legatur, ipsiusque articuli ipsis copia assignetur.

Mandamus etiam vobis Ecclesiarum Parochialium Rectoribus horum locorum nostræ civitatis & Diœcesis, in quibus dicti religiosi domos habuerint conventuales; quatenus inhibeatis omnibus, & singulis vestris Parochianis, ne prætextu nominationis, seu ordinationis huiusmodi procurationis, generalis tempore interdicti, Divinis, etiam in prædictorum religiosorum domibus, interesse præsumant, quousque ipsi nostri Commissarii super privilegio huiusmodi fuerint (ut continetur superius) informati; alioqui monitione novem dierum præmissa, in omnes, & singulos contrarium facientes excommunicationis sententiam ferimus in his scriptis. Volentes, ut ipsos excommunicatos in vestris Ecclesiis publice nunciatis. In his exequendis unus alium, seu alios non expectet, & quod in præmissis feceritis, Nobis per scripturam authenticam rescribatis. Datum anno Domini

MCCCXLVIII. die antepenultima mensis Septembris.

III. *Ne Clerici inordinati se immisceant tractantibus Capitularibus, nisi invitati per suos Decanum & Capitulum. Et ne aliquis in sacris existens, alium in sacris non existentem incitet ad interessendum tractantibus huiusmodi pro sua voluntate consequenda.*

WALRAMUS, Dei Gratia, sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius. Dilectis in Christo Abbatibus, Præpositis, Decanis, Capitulis ac Personis Capitulorum singularibus Ecclesiarum Collegiarum ac Monasteriorum Civitatis & Diœcesis Colonienſis, salutem in Domino.

Olim bonæ memoriæ HENRICUS Prædecessor noster, quoddam Statutum edidit sub hac forma:

Licet Canon felix recordat, **CLEMENTIS** PAPÆ quinti, extra *De etate & qualitate ordinandorum*, qui incipit: **UT** **HI**, inter cætera statuerit, &c. ut supra.

Verum quia huius Statuti salubris intentio in aliquibus Capitulis ita in oblivionem, immo in dissimulationem dicitur devenisse, quod etiam non existentes in sacris, passim cum in sacris existentibus, etiam si a Decano suo, & Capitulo minime sint vocati, immo, ut audivimus, contra sui prohibitionem Decani, existentibus in sacris assidere præsumunt & tractatibus Capitularibus interesse, se in hoc excommunicationis sententiæ damnabiliter involvendo: & quod adhuc amplius est detestandum, ad talia facienda, ab aliquibus in sacris existentibus ipsi in sacris non existentes, aliquando (ut certo didicimus) incitantur: propter quod volentes eorum periculis, quantum possumus, occurrere, præfatum statutum huic nostro insertum mandato, de verbo ad verbum, ut deinceps omnibus, quorum interest, pateat, *in hoc sacro Concilio* ex abundanti volumus recitari, ipso statuto non eo minus in forma statuti in suo robore validum. Inhibemus nihilominus in sacris existentibus Decanis, cæterisque Prælati-

tis, ac aliis vocem in Capitulis habentibus, ne tales in Sacris non existentes, interesse suis tractatibus, aut sibi ipsos, non existentes in Sacris, ad intrandum in tractando confidere permittant. Alioqui, qui ex Prælatiis, & ex sex Senioribus in ingressu ad Canonica- tus & Præbendas, contrarium fecerint cum eis tractando, aut ipsos non existen- tes in sacris, ad intrandum Capitulum, & ad remanendum, & tractandum ibi- dem actus Capitulares, induxerint, seu

animaverint, seu etiam admiserint, nisi tunc demum, cum (secundum idem sta- tutum) per Decanum & Capitulum vo- cati fuerint, seu concorditer invitati; monitione novem dierum præmissa, in his scriptis excommunicationis sententia innodamus. Datum anno Domini M- CCCXLVIII, penultima die Septem- bris.

*Ex impresso Colonia in Officina Quente-
liana A. 1554.*

CAPITULA SEU RUBRICÆ DECRETORUM SYNODALIU

AB ANNO MCCCCLI. ad MCCCCLXII.

SUB WILHELMO (a) DE GENNEPE ARCHI-EPISCOPO
COLONIENSI.

Coloniæ Synodus Verna anni MCCCCLI. v. martii.

MCCCCLI. *Disciplina Ecclesiastica D. WILHELMI Archi-Episcopi.*

Coloniæ Synodus Verna A. MCCCCLII. XXV. Februar.

MCCCCLII. *De Clericis bastiludia exercentibus, & declaratio, quod bonæ memoria WAL-
RAMUS bujusmodi Statuta non revocaverit.*

Schatenus Annal. Paderbornæ Tom. II. pag. 327.

Coloniæ Synodus Verna & Autumnalis A. MCCCCLIII.

XXV. Februarii BONNÆ celebrata.

MCCCCLIII. I. *Processus & Mandata contra Clericos & Religiosos, imitatores sectæ FLA-
GELLATORUM.* A. 1353. in crastino Dominicæ: Jubilate.

II. *Ut literæ impetrantium, sive dispensationum non recipiantur sine Episco-
pali examine.* A. 1353. 10. Junii.

III. *Contra Clericos inordinate viventes, tam in vestibus, quam in tonsuris &
aliis.* A. 1353. in Synodo Autumnali in crastino S. Remigii.

IV.

(a) Wilhelmus, Baro de Gennep, ex Præposito Sufatensi electus Archi-Episcopus, anno 1349. ab Papa CLÉMENTE VI. Avenione consecratur 1. Novem- bris. Providus, & sapientissimus, & beneficus Præsul. Sedit annos XII. Men- ses XI. Dies XV. Obiit Coloniæ A. 1362. 17. Kal. Octobr. Anno 1356. in- terfuit Comitibus Norimbergæ & Meis, dum conderetur AUREA BULLA. Disciplinam Cleri multis saluberrimis Legibus & Conciliis, non tantum annuis sed in anno Vernis & Autumnalibus emendare statuit: puta annis 1351. 1352. 1353. 1354. 1356. 1357. 1359. 1362., quæ in tam diversis Conciliis edita Statuta semel sub uno conspectu ponimus.

- IV. Aggravantur penæ in eos, qui Clericos occidunt, seu letaliter vulnerant.
A. 1353. eodem loco.
- V. Contra illos, qui officium Tabernariorum exercent injuste.
A. 1353. Sabbato post S. Severini Episcopi. Schatenus Annal. Paderb. Tom. II. ad h. a. pag. 329.
- VI. Contra illos, qui se non curarunt promoveri debito tempore ad sacros Ordines, nec curant promoveri. A. 1353. eodem anno & loco.

Coloniæ Synodus Verna A. MCCCLIV.

- MCCCLIV. I. Confirmatio Statutorum Domini HENRICI & WALRAMI de tonsuris, bastiludiis, & vestibus Clericalibus. In crastino Dominicæ: Invocavit.
- II. Contra illos, qui vagantur, & discurrunt in Ecclesiis, quando Chorus cantat, vel quando Divina celebrantur. Verna tantum.
- III. De commutatione votorum, & vagis restitutionibus. Eod. anno & loco.
- IV. De eodem cum inhibitione contra Religiosos. A. 1354. in crastino Palmarum.

Coloniæ Synodus Verna A. MCCCLVI.

- MCCCLVI. I. Ne Religiosi quicunque quæstum publicum faciant, vel male quæsta incerta, alias, quam ad fabricam Ecclesiæ Coloniensis ordinent.
A. 1356. in crastino Dominicæ: Invocavit.
- II. Contra exercentes Contractus Handgelf. Eodem anno & die.

Coloniæ Synodus A. MCCCLVII. Verna & Autumnalis.

- MCCCLVII. I. Contra Beggardos, & Suestriones, & eorum receptatores. A. 1357. 25. Febr.
- II. Contra injectores manuum in Clericos & Ecclesiasticas personas.
In eadem Synodo Verna A. 1357. 25. Februarii.
- III. Ne aliqui Domini temporales, vel Judices, seu Consules, aliquid attentent in præjudicium Sanctæ Ecclesiæ, in abrogandis piis & laudabilibus consuetudinibus. In eadem Synodo Vernâ ejusdem anni & diei.
- IV. Ne aliquis assumatur in Capellarium, vel Vicarium sine Episcopali licentia, & quod Rectores de elemosynis retentis fabricæ teneantur satisfacere.
A. 1357. in crastino Cinerum.
- V. Confirmatio indulgentiarum Fabricæ Coloniensis Ecclesiæ, & de cæteris remissionibus, & Quæstoribus, item de Indulgentiis specialibus Benefactorum Fabricæ. A. 1357. Dominica: Invocavit.
- VI. Ubique Flagellatores exercent exercitium scilicet suæ, cessandum est per triduum: absolutionem excessuum eorumdem retinente sibi Diocesano.
A. 1357. Schatenus Annal. Paderb. Tom. II. p. 339. ad h. a.
- VII. De usurariis manifestis & exercentibus contractus dictos: Handgelf.
A. 1357. in Synodo Autumnali 30. Septembris.
- VIII. Quod homines existentes de loco interdicto, non debeant admitti ad Sacramenta Ecclesiastica in locis non interdictis. Ibidem, ut supra.
- IX. Privilegia Fraternalitatis S. Petri, non solum magnis donis, sed modicis etiam, affectu magno datis, posse obtineri: & quod durante interdicto ultra annum, homines habentes Fraternalitatem S. Petri non debent inungi, nec Ecclesiasticæ tradi sepultura. In crastino S. Remigii A. 1357. in Synodo Autumnali.
- X. Ne aliquis celebret in altari portatili, aut viatico, sine licentia Episcopali.
A. 1357. eodem loco & anno.
- XI. Ne Religiosi extra sua Monasteria moram trahant, & contra receptatores eorum. Ut supra.

MCCCLVII. XII. *Ne Quæstores cum crucibus, vel calicibus admittantur in Parochiis sine licentia data per Episcopum, aut Capitulum. Ut supra.*

XIII. *Contra detentores, & subtractores Legatorum fabricæ Ecclesiæ majoris Colonienfis. Ut supra.*

XIV. *De pena eorum, qui Statuta prius publicata non sunt executi. De delatione Corporis Dominici, & sortilegis. Ut supra.*

Coloniæ Synodus A. MCCCLX. Autumnalis.

MCCCLX. *De vita, habitu, & honestate Clericorum & Monachorum, & de penis excedentibus infirmandis.*

Bulla INNOCENTII VI. de A. 1359. III. Kal. Maji, publicata Colonia A. 1360. I. Octobris in Synodo Autumnali.

Coloniæ Synodus A. MCCCLXII. Autumnalis.

MCCCLXII. I. *Quando Clerici in superpellicio incedere debeant, & de Sacramenti Eucharistiæ ad infirmos delatione.*

II. *De Custodibus & Campanariis.*

III. *Ne Altaristæ, seu Vicarii, Pastori in aliquo derogent.*

IV. *De absolutione pro cadavere impetrata, seu impetranda.*

In Synodo Autumnali Coloniensi A. 1362. 21. Octobris.

COLONIÆ SYNODUS VERNA

ANNO MCCCLI.

WILHELMUS, DEI GRATIA, SANCTÆ COLONIENSIS ECCLESIAE
ARCHI-EPISCOPUS, SACRI IMPERII PER ITALIAM ARCHI-CANCELARIUS,
UNIVERSIS PRÆLATIS, ECCLESIARUM RECTORIBUS, ET CLERICIS,
SALUTEM IN DOMINO SEMPITERNAM.

Quamvis de univerforum statu Clericorum, Nobis subjeetorum, prospere dirigendo, cura Nos Pastoralis officii sollicitudine quotidiana fatigat; circa illa tamen, quæ honestatem, mores, & modestiam ipsorum Clericorum, & domus Dei decorem respiciunt, affectionis potioris sollicitamur instantia. Cum itaque nonnulli Clerici Nobis subjeeti, a via modestiæ devient, Clericalis honestatis vestibus Clericalibus impudenter abjectis, alias laicales ordini, & statui Clericali non congruentes, in contemptum dignitatis Clericalis; in publico deferre non formidant, nec nomine, nec re se venerabili Clericorum cetui in aliquo conformant, sed satore malorum operum procurante, in illam vesaniam sunt deducti; quod prophanos ritus laicorum concommitari non erubescunt, & elata præsumptione, & præsumptuosa elatione, habitum & statum Clericalem postergant,

& vitam Clericalem non ducunt, ac tonsuram Clericalem decentem portare contemnunt, & recusant, immemores, quod ipsi de Patrimonio Domini nostri Jesu Christi resciantur diutine, & sublimantur. Et cum ad ea nostra versatur intentio, etiam ad illa ex paternæ charitatis officio diligentem operam, & operosam diligentiam intendimus adhibere, per quæ Clerici Nobis subjeeti, ab imminenti scandalis, & futuris vilipensionibus valeant præservari. Verum licet hujusmodi errori & excessui nostri Prædecessores per Canonica tam utilia, quam salubria Statuta super hoc edita, occurrerunt, ultra tamen provisiones eas tam Juris Canonici, quam civilis, Statuta quædam promulgarunt, per quæ ipsi ab hujusmodi devio & errore retrahere ipsos, & eis succurrere existimarunt: sed nunc pro dolor evidenter Nobis apparet, quod dolenter referimus, hujus-

Tomus IV. Concilior. German.

N n n

modi

modi Clericos in labyrinthum erroris incidisse. Quare opus est, ut hujusmodi perniciosi, & periculosi excessibus, & erroribus, per quos scandalum in Clero, ac populo, & in Ecclesia Dei continue generatur per opportuna provisionis remedium salubriter occurratur, præsertim cum error, cui non resistitur, quodammodo approbari videatur. Cumque per operam nostræ sollicitudinis, intendimus medelam circa præmissa adhibere, per quam cultus Divinus cum debita decencia propagatur, & status Clericorum jam (proh dolor) lapsus reformetur; qui undique in Collegiatis, Conventualibus, & aliis Ecclesiis nostrarum civitatis, & Diœcesis Colonien. tum propter abusum, tum etiam propter torporem negligentiae Prælatorum est destitutus. Quos Prælatos & præsertim Decanos, rogamus & exhortamur, obsecramus, & sub virtute sanctæ obedientiæ monemus, ut suos Concanonicos, & alios eis subiectos, viis, modis, & sub pœnis & multis quibuscunque, quæ de jure, vel consuetudine Canonici, & aliis suis subditis injungere possunt, inducant, & effectualiter faciant, & procurent nostrorum Prædecessorum Statuta & nostra, præsertim infra-scripta, inviolabiliter observari, ne ad vindictam ex officii debito contra eosdem Prælatos insurgere perurgeamur. Quam vindictam & ultionem nostram iidem Prælati, si negligentes inventi fuerint in præmissis, sibi inferri indubitanter expectabunt. Unde ad præcavendum etiam, ne Clerici prædicti, vel aliqui ex eis, occasionem se excusandi de præmissis usurpent, pro eo, quod frivole allegare possent, quod dicta Statuta nostrorum Prædecessorum, maxime piæ memoriæ Dominorum *CONRADI*, *SIFRIDI*, *HENRICI*, & *WALRAMI*, Archi-Episcoporum Colonien. sum, in eorum notitiam non venissent, nec ipsis de eorum promulgatione constaret: cum hoc præsumi non debet, nec verisimiliter præsumendum existit, immo hoc frivolum debet reputari, & majori ob hoc pœna tales sic se excusantes sunt plectendi: cum in illis magis plectibilis sit offensæ, per quos ad excusandas excusationes in culpis, delinquendi autoritas usurpatur. Volumus igitur, & mandamus, & præcipi-

mus, dicta Statuta nostrorum Antecessorum prædictorum, per Nos innovata, & nostra, quorum tenor inferius describitur, notificari, publicari, & insinuari Clero nostrarum civitatis, & Diœcesis in sancta Synodo proxime in Ecclesia Colonien. si celebranda, ipsaque Statuta tenore præsentium literarum, ex Capituli nostri, & Priorum nostrorum consilio & assensu, approbamus, confirmamus, & præcipimus inviolabiliter observari, sublatis tamen pœnis in statutis Dominorum *HENRICI* & *WALRAMI* nostrorum Prædecessorum prædictorum, comprehensis, præsertim super punctis infra-scriptis: & quicquid ex ejusmodi pœnis subsecutum est, vel ob eas, penitus ex certis causis Nos moventibus revocamus, & eas volumus haberi pro infectis. Sequitur autem series Statutorum prædictorum, & publicandorum, in hunc modum.

*Disciplina Ecclesiastica D. WILHELMI
Archi-Episcopi.*

I. In primis, ut Canonici nostrarum civitatis & Diœcesis, alique Clerici & focii, exquisite comam non nutrant, neque barbam, quodque coronas assidue deferant, quæ secundum sui ordinis & status decenciam appareant detectæ: tonsuras & rasuras in crinibus & barbis habeant decentes, nec aliquis crines suos totaliter abradat, seu super pectine abscondat, sine licentia sui Decani.

II. Item, ut Canonici, & alii Clerici non sint manifesti concubinarij, nec fœminas secum in domo retineant, de quibus suspicio incontinentiæ possit haberi. Nam tales animadversione condigna plectendi sunt, prout in Statutis Dominorum quondam *CONRADI* & *SIFRIDI* nostrorum Prædecessorum, plenius continetur.

III. Item, ut Clerici vestes omnino virides, glaucas, aut rubeas, scacatas, virgatas, seu complicatas ante pectus, vel aliquos ultra cubitum notabiliter nodos habentes, aut quibus de alio colore manica est assuta, & vestes supra vel infra rugatas, seu a lateribus scissas: ibi & in longum ad oras, & in manicis cum aliqua revolutione furratas, nec non vestes nimis arctas, vel nimia brevitate notatas, non deferant, nec manicis ultra modum

modum longis & scissis, in suis vestibus utantur.

IV. Item non debent uti subtus pro prima subveste Wambosii variatis ex diversis coloribus & figuris: etiam scacatis & virgatis ex texturis sericis & aliis, non utantur.

V. Item caligas virides, glaucas vel rubeas non deferant: neque calceos variis modis perforatos, incisos vel laqueatos.

VI. Item non utantur caputiis longis, quorum similibus Monachi conversi intra septa sui Monasterii solent uti: neque deferant caputia perforata, scissa vel fissa, cum magnis panni particulis pendentibus, nec (a) vermiculata filis sericis, argenteis, vel aureis, de eisdem desuper variis contextis, ac depictis figuris & gemmis ornata

VII. Item Canonici & Clerici cum Rutingis vel cultellis truforiis non incedant, præsertim in Choro vel Stationibus, & coram suis Prælatibus & intra immunitatem.

VIII. Item hastiludia non exercent, maxime in locis, ubi sunt Beneficiati.

IX. Item Canonici ac cæteri Clerici Ecclesiarum Collegiarum intra vel extra immunitatem sine religione non compareant coram suis vel aliis Prælatibus, si suo in habitu vel religione incedant. Prælati etiam, nisi sit delicentia eorundem, sive sit eques, sive pedes.

X. Item non intrent aliquam Ecclesiam Collegiatam Canonicorum sine religione.

XI. Item veniant ad processiones consuetas & debitas frequenter, & faciant inclinationes intrando cum processione, & exeundo chorum, DEO, & Prælatibus suis reverenter, sicut antiquitus est consuetum, etiam inclinent incipiendo antiphonas, vel cum cantaverint versum, vel cum thurificaverint, & quando legerint Lectiones, & cum legitur: *Gloria Patri* ad Psalmos, quando canitur *Gloria in excelsis*, & *Credo in unum Deum*, sicut ab antiquo est consuetum.

XII. Item Canonici & cæteri Clerici frequentantes Chorum, non utantur in

capite caputiis, cappis choralibus, nigris affutis, dum Divina peraguntur. Et hoc idem in Capitulo, nec non in Stationibus, quæ fiunt in Ecclesia vel in ambitu, observetur.

XIII. Item pileolos seu birretos non deferant inconsumptos, sed textos seu fæminigros.

XIV. Item ad Matutinas post *Venite*, & ad Vesperas post primum Psalmum, & ad Completorium post primum *Gloria Patri* nemo intret Chorum: & quamdiu legitur Evangelium ad Missam, nullus intret vel exeat Chorum.

XV. Item Sacerdos celebraturus Missam, non accedat ad Altare sine Ministris, & nullus vel Diaconus, vel Subdiaconus legat ad Missam, nisi Sacris sit indutus ornamentis, prout ejus ordo requirit, nec recedat, nisi officium totaliter sit expletum. Sacerdote etiam stante in altari, Ministri non recedant ab altari, nec sedebunt, sed Sacerdoti fideliter ministrabunt.

XVI. Item Canonici etiam in festis novem Lectionum per se, vel per alios suos Concanonicos, ad Missam ministrent, & legant in locis debitis, & ad hoc deputatis, maxime in Ecclesiis, in quibus non est consuetum, quotidie per Canonicos ministrare.

XVII. Item nullus ministrans ad Altare, aut regens Chorum, vel legens lectionem, calopodibus utatur.

XVIII. Item nullus sedeat in Choro, nisi horis & locis, in quibus est consuetum.

XIX. Item Canonici & Clerici non vagentur in choro, vel in Ecclesia de loco ad locum, nec fabulentur, quamdiu Divina (alios impediendo) inibi peraguntur, sed morate & discrete incedant in Divinis.

XX. Item Canonici & Beneficiati horas Canonicas, & de *Domina nostra* quolibet die discrete, & distincte dicant, maxime Beneficiati vel in sacris Ordinibus constituti.

XXI. Item Canonici & cæteri Clerici venientes cum cruce ad stationes in choro, maneant ibidem, nisi causa rationabilis cogat eos exire, donec cum cruce

(a) vinculata

Tomus IV. Concil. German.

cruce recedant. Et Magistri Scholarum suos Scholares decenter faciant stare, & manere in choro.

XXII. Item quicumque cantabit versum in choro, incipiet responsum secundum vocem suam, ut bono modo cantare valeat, ne ibi confusio fiat.

XXIII. Item Canonici sacros recipient ordines, cum a suis Decanis fuerint moniti; nec aliquis Canonicorum ad Ordines accedat, nisi petita, & obtenta licentia ejus, ad quem hoc pertinet in sua Ecclesia de consuetudine vel de jure.

XXIV. Item Canonici comedant in immunitatibus suis in domibus propriis, vel habeant hospites suos in eadem, quod tamen volumus committere discretioni Decanorum suorum, secundum quod ipsi magis viderint expedire.

XXV. Item Canonici, vel Clerici nocturno tempore per plateas non vadant cum insolentia & clamore.

XXVI. Item non vadant die, vel tempore nocturno in plateis aut locis publicis ad tabernas, vel choreas.

XXVII. Item Canonici, & alii Clerici vina vendere non debent, nisi secundum formam, & modum, & continentiam mandatorum piæ memoriæ *D. WALRAMI* nostri Prædecessoris, quæ volumus in suo robore permanere, una cum penis & sententiis expressis, & in eisdem contentis.

XXVIII. Item nullus Canonicus solus vadat per civitatem sine famulo vel socio.

XXIX. Item unusquisque sciatur, quid sibi legere, vel cantare incumbat: frequenter legantur tabulæ in Capitulo, qui legere, vel cantare debeant, & commemorationes defunctorum, & aliqua lectio de regula. Si Decanus est præsens, Decanus: si non, Prior intret Capitulum cum cæteris fratribus, & hebdomadarius Sacerdos dicat vers. *Preciosa*. & deinde finita *Preciosa* &c. ante quencunque tractatum, tractetur de disciplina, intra quam quilibet Canonicus debet esse tacitus, compositus & mansuetus.

XXX. Item, ut Canonialis disciplina, correctionis & reformationis officium libere valeant Decani, & alii Præ-

lati circa suos Canonicos & subditos exercere, decernimus & statuimus, ut executionem eorum nulla consuetudo, vel approbationis Beneficium valeat impedire.

XXXI. Item Canonici incarcerationi non debent a carcere absolvi (*b*) præsentibus aliquibus extraneis, quibus non constat de disciplina.

XXXII. Item Canonicus quamdiu fuerit suspensus, non debet comparere coram fratribus sui Capituli, vel Decano, vel ultro eorum conspectui se præsentare.

XXXIII. Item statuimus, quod nemo private legat horas suas in choro, dum Divina ab aliis peraguntur.

XXXIV. Item statuimus, quod Canonici suis Decanis sint in Capitulis obediens, prout disciplina Capitularis requirit; mandatis ac monitionibus suorum Decanorum humiliter pareant, tam in majoribus quam in minoribus, ut tenentur. Et non intendimus correctioni, & authoritati Decanorum, quas habent de jure, vel consuetudine in Canonicos & alios suos subditos, per Nostra & Prædecessorum nostrorum statuta, in aliquo derogare.

XXXV. Item statuimus, & districte præcipimus, quod Statuta præsertim præsentia ponantur in choro cujuslibet Ecclesiæ, ut Canonici & alii possint ad ea accedere perlegendo.

XXXVI. Item statuimus, quod eadem Statuta præsentia in singulis Capitulis nostrarum civitatis & Diocesis *post nostram sacram Synodum*, quamprimo hoc commode fieri poterit, publicentur. In quorum omnium testimonium, & roboris firmitatem, Sigillum nostrum una cum Sigillo Capituli nostri præsentibus est appensum. Quod Nos Capitulum pro Nobis, & Prioribus Colonienfibus, in signum consensus nostri præstiti, præsentibus duximus apponendum. Datum anno Domini *Millesimo trecentesimo quinquagesimo primo, quinta die mensis Martii.*

NOTANDUM,

Quod *Gloria in excelsis*, & *Ite missa est*, per totum annum est cantandum, quotiescunque novem lectiones habent.

(*b*) precibus aliquorum extraneorum, quibus &c.

habentur. Excipiuntur, Adventus Domini (præter Festa Beatorum Andreæ & Thomæ Apostolorum) & Septuagesima usque ad Festum Paschæ, & præter Festum Conversionis Sancti Pauli, & Purificationis Beatæ Mariæ, si in Septuagesima evenerit, & Festa Beatorum Petri & Matthiæ Apostolorum, & Annuntiationis Dominicæ. In quibus Festis cantatur: *Te Deum laudamus, Gloria in excelsis, Credo in unum Deum, & Ite missa est.* Nota, quod in nocte Nativitatis Domini, ad primam & secundam Missam *Ite missa est* non dicitur, quamvis *Gloria in excelsis*, & *Credo in unum Deum* cantetur, sed *Benedicamus* sine Benedictione. Ad summam vero Missam dicitur *Ite missa est* cum Benedictione. Item a Nativitate Domini usque ad octavam Epiphaniæ, cantatur *Gloria in excelsis*, & *Ite missa est*, excepto Festo Innocentium, ubi *Gloria in excelsis, Gloria Patri*, ad Missam, & ad omnes horas *Alleluja, Credo, & Ite missa est*, non dicitur, sed omnia in octava cantantur. (c) Sed si Festum Innocentium in Dominica evenerit, omnia præmissa dicuntur. Item in Cena Domini, ubi Chrisma conficitur, cantatur *Gloria in excelsis, Credo in unum Deum, & Ite missa est*, & alias non.

Item in Vigilia Paschæ, quamvis *Gloria in excelsis* cantetur, tamen *Ite missa est*, & benedictio subticetur.

Item a Festo Paschæ ad octavas Pentecostes, omni die dicitur *Ite missa est*: *Gloria in excelsis* vero non nisi in Festis Sanctorum, sicut sunt Georgii Martyris & aliorum. Item in hebdomada Trinitatis cantatur *Gloria in excelsis, Credo in unum, & Ite missa est.* Item rogatus Missam celebrare, *Gloria in excelsis, & Ite missa est*, de quolibet sancto poteris cantare. De Patrono idem facies, excepto in Adventu Domini, & Quadragesima, & Septuagesima. Item intra Octavas Petri, & Pauli Apostolorum, Assumptionis, & Nativitatis Beatæ Virginis, & Patroni, cantatur *Gloria in excelsis, & Ite missa est*, si de eis cantatur. Item nota, quod *Credo in unum*, in omni Missa non est cantandum, nisi in Festis Sanctorum, quorum mentio fit in symbolo, scilicet Nativitatis Domini, octava Nativitatis Domini, a Vigilia Epiphaniæ inclusive,

usque ad octavam ipsius, a Festo Ascensionis ipsius, a Festo Pentecostes ad octavam, de sancta Cruce, in omnibus Festis sanctæ Mariæ, in Festis Apostolorum & Evangelistarum, si de eis cantatur: in Dedicatione Ecclesiarum. Quidam vero in Festis beatæ Mariæ Magdalenæ, quia Apostolorum fuit Apostola: tamen non (d) cantatur *Credo*. Item in Festo omnium Sanctorum cantatur *Credo in unum*, & omnibus diebus Dominicis per annum: a Nativitate Domini usque ad Vigiliam Epiphaniæ, cantabitur Præfatio: *Quia per incarnati verbi.* Et post octavam Nativitatis Domini addes præfationi Collectam: *Deus, qui salutis.* A Festo Epiphaniæ ad octavas ipsius cantabitur præfatio: *Quia cum unigenitus tuus*, cum sua Collecta, de quocunque sancto celebretur. Ab octava Nativitatis Domini usque ad Purificationem quotiescunque de Sancta Maria celebretur, præfatio erit: *Quia per incarnati verbi*, cum Collecta: *Deus, qui salutis æternæ*, similiter ipso die Purificationis, Annuntiationis, eadem præfatio dicitur. Item ab octavis Epiphaniæ usque ad Cineres, dicitur præfatio quotidiana. Item a Festo Cinerum usque ad Passionem Domini, erit præfatio: *Qui corporali jejuni*; exceptis Dominicis diebus, in quibus præfatio quotidiana dicitur. Item a Dominica Passionis usque ad Parasceven erit præfatio: *Qui salutem humani generis*; & *Gloria Patri*, super introitum Missæ subticetur. A Vigilia Paschæ usque ad Ascensionem Domini præfatio erit: *Te quidem Domine*, quaecunque festum superveniat. Post octavas Paschæ usque ad Ascensionem Domini, addes Collectam: *Deus, qui resurrectionis Dominicæ.* A die Ascensionis Domini usque ad Vigiliam Pentecostes, erit præfatio: *Qui post resurrectionem.* A Vigilia Pentecostes usque ad octavas erit præfatio: *Qui ascendens.* Hebdomada Trinitatis erit præfatio: *Qui cum unigenito Filio tuo.* Et nota, quod ab octava Pentecostes usque ad Nativitatem Domini, dicitur præfatio quotidiana, Dominicis diebus exceptis usque ad Adventum Domini, in quibus cantabitur præfatio Ss. Trinitatis cum sua collecta. Si vero Collecta obmittitur, præfatio

N n n 3

tio

(c) forte: Etli

(d) forte: non passim cantatur

tio quotidiana dicitur, festis tamen exceptis, quæ proprias habent prærationes. In Dedicatione Ecclesiarum Collecta *Trinitatis* cum sua præratione dicitur. Item nota, quod nulla Dominica per annum, per totam hebdomadam suam servat *Gloria in excelsis*: *Credo in unum, Ite missa est*, nisi illa Dominica, *Dum medium silentium*, & *In excelsis Throno*, & Dominica *Exaudi*. Item nota, quod nulla vigilia cuiusunque Sancti, servat *Gloria in excelsis*: *Credo in unum*: *Ite missa est*: *Alleluja*,

nisi evenerit in Dominicam. Item in die omnium Sanctorum præratio quotidiana dicitur. In Nativitate Domini ad tres Missas dicitur: *Communicantes*, tantum ipso die. In Cæna Domini: *Communicantes*, & *Hanc igitur, Qui pridie*. A Vigiliis Paschæ usque ad octavas est servandum: *Communicantes*, & *Hanc igitur*. In Ascensione Domini: *Communicantes*, tantum ipso die. A Vigilia Pentecostes usque ad octavas est servandum: *Communicantes*, & *Hanc igitur*.

SYNODUS COLONIÆ A. MCCCLII. VERNA.

De Clericis hastiludia exercentibus, & declaratione, quod bonæ memoriæ WALRAMUS hujusmodi Statuta non revocaverit.

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis in sancta Synodo constitutis, salutem in Domino.

Quia (sicut non notorium esse non potest) Prælati, Canonici, Curati, Capellani, & Clerici nostræ civitatis & Dicecesis, in tonsura, in habitu, & in pluribus aliis, puta in hastiludiis, & in vinorum venditione, & in Divinorum Officiorum negligentis, & in pluribus enormitatibus, & vanitatibus frequenter, & enormiter excedere non verentur: & quanquam per Prædecessores nostros maxime bonæ memoriæ *CONRADUM*, *HENRICUM*, & *WALRAMUM* Archi-Episcopos Colonienfes, Statuta, ad reprimendum excessus hujusmodi emanarunt: tamen minime profuerunt, quando nonnulli ex eis hujusmodi enormitatibus se non metuunt immiscere: & cum Statuta hujusmodi in Statutorum Ecclesiæ nostræ corpore contineantur, hic in præsentibus literis ea non duximus inferenda, sed omnes nostros Prælatos, Canonicos, Curatos, Capellanos, Presbyteros, & quoscunque alios, ad eorum tenores duximus remittendos: & quia prædicta Statuta hujusmodi multum sunt poenalia, immo periculosa illis, qui ipsa ad unguem (licet eis ligarentur) non curarunt hæcenus observare; ob id, ut ad nostram

devenit notitiam, nonnulli ex nostris subditis præfatis, falsam sibi quandam revelationem circa præmissa fingentes, falso asserunt, & minus veraciter famam sparserunt, quod scilicet bonæ memoriæ *WALRAMUS* Prædecessor noster prædictus hæc Statuta in toto, seu in parte revocaverit, & quod propter hoc ipsi, nec non eis subditi, non ligentur. Cum itaque hoc simpliciter non credamus, immo non sit verum, sed contrarium veritati, idcirco huic dolo volentes, quantum possumus, obviare, præfata Statuta, non fuisse nec esse per aliquem revocata, immo in omni suo robore, & firmitate remansisse, & adhuc remanere, & remanere debere, præsentibus declaramus: ipsa ex abundanti, nostra auctoritate, sicut Statuta ante fuerant, statuentes, & mandantes in virtute sanctæ obedientiæ omnibus nostris Prælati, Canonicis, Decanis Christianitatum, Curatis, Capellanis, Presbyteris, & Clericis nostræ civitatis, & Dicecesis, ut prædicta Statuta omnia & singula, ad correctionem morum edita, per præfatos nostros, & quoscunque alios Prædecessores, sicut edita sunt, firma teneant atque rata: Specialiter etiam ex certa nostra scientia dilectis Nobis Decanis Ecclesiarum Collegiarum majoris, & aliarum Ecclesiarum nostræ civitatis & Dicecesis injungimus & mandamus in virtute sanctæ obedientiæ (cum eis hoc specialius incumbat, tanquam iudicibus correctionis, & disciplinæ suorum Canonicorum, & Capellanorum) ut circa observantiam prædictorum Statutorum se ita exhibeant vigilantes, quod ipsi eorum Canonici & Vicarii in talibus de

de cetero non excedant: scituri pro certo, quod si per alicujus eorum desidium seu dissimulationem aliquis suorum Canonicorum in contentis in præfatis Statutis, seu eorum aliquo excefferit, manifeste Nos contra Decanum, cujus talis Canonicus subditus fuerit, ad ipsum propter hoc puniendum rigore juris, quo possumus, procedemus: Volentes, quod si aliquis suorum subditorum, ita inven-

tus fuerit contra suum Decanum, propter talia ipsum punire volentem, adeo dyscolus & protervus, quod ipse suus Decanus talem subditum non poterit corrigere commode bono modo, hoc Nobis non differat intimare: & Nos ei circa hoc adhibebimus remedium oportunum. Datum Coloniae mensis Februarii die 25. Anno Domini MCCCLII.

SYNODUS DIOECES. COLONIÆ

A. MCCCLIII. VERNA ET AUTUMNALIS

SUB EODEM ARCHI-EP. WILHELMO.

I. *Processus & Mandata contra Clericos,
& Religiosos, imitatores Sæctæ
FLAGELLATORUM.*

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis Christianitatum Decanis, & Ecclesiis, Capellarumque Rectoribus nostræ civitatis & Diocesis Colonienfis salutem in Domino.

Nuper in sacra Synodo in crastino Dominicæ, qua cantatur *Invocavit*, in Ecclesia sancti Cassii dictæ nostræ Diocesis celebrata, omnes & singulos Clericos & Religiosos, cujuscunque Status, Ordinis, conditionis, aut præminentie existerent, qui de sæctæ Flagellatorum, aut ipsorum imitatores, aut sectatores extiterunt, per nostras certi tenoris literas monuimus palam, publice, & solenniter, quatenus de suis excessibus, per sæctæ hujusmodi nefariæ exercitium, & tempore exercitii ipsius in opprobrium totius fidei Christianæ damnabiliter præsumptis, Deo, Nobis, & Ecclesiæ intra unius mensis spatium a die publicationis dictarum literarum nostrarum computandum, condignam præstarent emendam: alioqui ipsos omnes & singulos Clericos & Religiosos prædictos, quos propter hoc (dierum dicti mensis monitione Canonica præmissa) in scriptis excommunicavimus, excommunicatos palam, & publice in Ecclesiis & in Capitulis nostrarum civitatis & Diocesis mandavimus nunciari. Verum licet dictarum literarum nostrarum executio, & publicatio in Sacra Synodo prædicta adeo

publice, & solenniter facta fuerit, quod nulli Clerici, aut Religiosi, quos hoc tangit negotium, præmissorum ignorantiam aliquatenus valeant allegare, complures tamen Clerici & Religiosi, qui de sæctæ ipsa, seu ipsius sæctæ imitatores extiterunt, spretis nostris mandatis, & monitionibus prædictis, excommunicationis sententiam in dictis literis nostris latam in eosdem, incidere minime formidarunt, in animarum suarum grave periculum, & scandalum plurimorum. Vobis igitur & cuilibet vestrum sub pœna suspensionis ab officio Divinorum districtè præcipiendo mandamus, quatenus intra quindenam a tempore receptionis harum nostrarum literarum, Capitula vestra congregetis, ac Clericis vestrorum Decanatum has literas nostras fideliter intimetis, ipsis vice & auctoritate nostra mandantes, quatenus in Ecclesiis suis & Capitulis suis, Clericos & Religiosos quoscunque, qui præmissam excommunicationis sententiam inciderunt, ut præfertur, quorum nomina sciveritis, aut ipsi sciverint, nominatim & in specie, alias vero in genere, excommunicatos palam & publice, & alta & intelligibili voce singulis diebus Dominicis & Festivis coram populo nuncient, & vos ipsos excommunicatos nuncietis, & ab omnibus Christi fidelibus arctius evitandos, vobisque Decanis ac universis Ecclesiarum & Capellarum Rectoribus nostrarum civitatis & Diocesis, sub pœna suspensionis prædictæ, districtè præcipiendo mandamus, quatenus nomina Clericorum & Religiosorum quorumcunque, qui sententiam excom-

excommunicationis prædictam incidere, quorum nomina sciveritis, intra quindenam a tempore publicationis præsentium ipsis faciendæ, Nobis rescribatis, & vos Decani prædicti rescribere nullatenus omittatis.

Datum sub Sigillo nostro ad causas, anno Domini MCCCLIII. crastino Dominicæ, qua cantatur: *Jubilate*.

II. *Ut literæ impetrantium, siue dispensationum, non recipiantur sine Episcopali examine.*

WILHELMUS, Dei Gratia, sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c.

Cum nonnulli Clerici peregrini & alienigenæ, nostræ Colonienfis Diocesis, originis ratione, falso se esse prætendentes, a Sede Apostolica literas *gratiosas*, quarum vigore de Beneficiis Ecclesiasticis sub certa forma mandatur eis provideri: alii tam Clerici, quam laici, ab eadem Sede literas super diversis defectibus, irregularitatibus, & cum quibusdam, ut impedimento legitimo (ut exprimunt) non obstante, matrimonium contrahere valeant subrepticie & obrepticie: alii vero a Sede Apostolica literas falsas de justitia (ut experientia docuit sæpius) ad Nos, & ad certos Prælatos nostræ Diocesis retroactis temporibus impetrarunt; unde contingit Clericos, & personas literatas nostræ Diocesis, de Beneficiis Ecclesiasticis non posse debite in eadem provideri, eosque in ea parte cum eorum magno incommodo supplantari: alios quoque in Beneficiis, vigore dispensationum prædictarum subrepticie obtentorum periculose negligi, cæterosque in matrimonio (earundem dispensationum vigore) contracto, cum periculo animarum suarum remanere, & nonnullos per prædictas literas falsas cum onere sumptuum & expensarum indebite prægravari: Nos hujusmodi morbo pestifero in dicta nostra Diocesi pro tempore præterito plurimum usitato, quantum in Nobis est, remedium cupientes ponere oportunit, vobis & cuilibet vestrum sub pœna latæ sententiæ in his scriptis districte præcipimus & mandamus, quatenus antequam ad

executionem literarum hujusmodi Apostolicarum vobis præsentandarum quarumcunque de cætero procedatis, præsentatores earundem ad Nos, seu ad Officiale nostrum pro examinatione earundem, quanta sit eis adhibenda fides, ut dictis occurratur periculis, transmittatis, ad vos cum literis sub sigillo nostro, aut dicti Officialis nostri sigillatis, in signum visionis & examinationis hujusmodi factæ absque moræ dispendio reverfurus. Et ne ignorantiam aliquam in præmissis causari valeatis, volumus, ut quilibet vestrum copiam præsentis nostri mandati recipiat, & apud se tenere nullatenus omittat. Datum anno Domini Millefimo trecentesimo quinquagesimo tertio, X. die Junii.

III. *Contra Clericos inordinate viventes tam in vestibus, quam in tonsuris, & aliis.*

WILHELMUS, DEI gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c.

Bonæ memoriæ Prædecessores nostri HENRICUS, & post eum WALRAMUS, Archi-Episcopi Colonienfes, Statuta quadam contra Clericos non portantes assidue coronas in capite decretas, & secundum ordinem sui status, & decentiam competentes: nec non contra Clericos vestes scacaras, aut omnino virides, aut omnino rubeas, seu glaucas, vel a lateribus, vel ante pectus notabiliter (e) fissas, aut nodatas, publice desuper sine causa rationabili portantes: Item contra Clericos barbas portantes, nec non contra eos, qui hastiludiis publice se immiscunt, ipsa hastiludia corporaliter exercendo, præsertim in locis, in quibus Beneficia Ecclesiastica obtinent: Item contra portantes tunicas, quibus manicæ alterius coloris sunt assutæ, magnis pœnis vallata ediderunt, ipsisque ad quos hoc pertinet, mandaverunt, ne illis, qui pœnas hujusmodi inciderunt, quicquam de suis Præbendis, proventibus, fructibus, redditibus, & obventionibus ministrarent. Et si aliquid prædicti Clerici receperint, pœnis formidabilibus involverunt, sicut in eorum nostrorum Prædecessorum præ-

(e) forte: scissas.

præfatis Statutis, maxime ipsius WAL-
RAMI plenissime continetur. Nos ve-
ro, dum nostræ Ecclesiæ Colonienſi pri-
mum præſecti ſumus, ſperantes ipſos
Clericos, de quibus circa præmiſſa ſuſpi-
cio fuerat, ſe proſuſ debere ab huius-
modi exceſſibus abſtinere, penas Sta-
tutorum huiusmodi ad noſtrum bene-
placitum duximus ſuſpendendas. Ve-
rum, ubi per hanc ſuſpenſionem, quam
ex vera clementia pro tempore fecimus,
proſicere credebamus, invenimus dete-
rius provenire. Sunt enim inter illos
nonnulli Clerici, qui (in præmiſſis ma-
lumo addentes non curant, immo
verecundantur, ſe Clericos apparere)
circa præmiſſa peccare communiter, &
publice non deſiſtunt: immo reputant
ſe in his corrigi non poſſe merito nec
debere: & quanquam prædicta omnino
reputari debebunt circa omnes Clericos
indecentia, in ipſis tamen Beneficiatis,
maxime Canonicis præbendis, hæc
abſurdiſſima reputamus, eo quod hi,
quod vivunt, & vivere volunt de patri-
monio Jeſu CHRISTI, inſignia Cleri-
calia publice portare deſignantur: cu-
jus occaſionem, & cauſam non modi-
cam, Eccleſiarum Collegiatarum Deca-
nis, ad quos correctio ſuorum Canoni-
corum *de conſuetudine pertinet*, & *de*
jure, eo quod tales exceſſus diſſimulant,
& eos in talibus corrigere vel ſimilibus
omnimode prætermittunt, merito im-
putamus: quanquam etiam ipſis Decanis
in civitate noſtra fuimus locuti ſuper
his alias vivæ vocis oraculo ſerioſe. Quo-
circa volumus & mandamus, præfata
ſtatuta in omni ſui forma poſt quinde-
nam a data præſentium, in ſui robore
ſtrictè obſervari: ſuſpenſionem de his
per Nos factam, penitus revocantes:
Vobisque, & Decanis Collegiatarum Ec-
cleſiarum noſtræ civitatis & Dioceſis
mandamus in virtute ſanctæ obedientiæ,
ut ſi indignationem noſtram volueritis
evitare, quilibet ex vobis ſuos Canoni-
cos, & Vicarios, & Clericos, maxime
in prædictis exceſſibus, ita efficaciter
corrigere ſtudeat, quod de cætero de
his non ſit amplior correptione (f) oportu-
na, ſcientes pro certo, quod ſi in his
aliqui veſtrum fuerint deſides vel remiſſi,
côntra tales, licet invitos Nos ad debi-

tas pœnas procedere oportebit. Da-
tum anno Domini Milieſimo trecentefi-
mo quinquageſimo tertio, Feria IV. poſt
Michaelis, quæ fuit craſtinum B. Remi-
gii Epifcopi.

Schaten. Annal. Paderborn. Tom. II.
pag. 329. ad h. a.

IV. *Aggravantur pœne in eos, qui Clericos
occidunt, ſeu letaliter vulnerant.*

WILHELMUS, Dei gratia, Sanctæ
Colonienſis Eccleſiæ Archi-Epi-
ſcopus, Sacri Imperii per Italiam Archi-
Cancellarius, univerſis Eccleſiarum Præ-
latis, Prioribus, & Reſtoribus noſtræ
civitatis, & Dioceſis, & aliis Nobis ſub-
ditis, ſalutem in Domino ſempiternam.

Quanto hominum natura moderno
tempore, ut experientia (quod dolen-
ter referimus) edocet, longe prioribus
ſolito temporibus malitiis dedita prior
eſt ad malum, tanto plus convenit au-
ſus temporum nefarios, & conatus oportu-
no pœnarum remedio conſultius re-
formari. Sane, ſi quis, ſuadente dia-
bolo, Clericum (manus in eum injici-
ens temere violentas) interfecerit, ſeu
vulnus letale intulerit, unde ipſum po-
ſtea contigerit exſpirare, ſalvis aliis pœ-
nis tam a jure, quam per ſtatuta contra
huiusmodi occiſores Clericorum, a no-
ſtris Prædeceſſoribus edita, jam dudum
inſiſtis, quæ præſentibus innovamus,
& inviolabiliter præcipimus obſervari,
de noſtri Capituli & Prælatorum Colo-
nienſium conſilio & aſſenſu ſtatuiſſimus
ſalubriter, & ordinamus, ut huiusmodi
occiſores, ſeu occiſorum & interfecto-
rum filii ſeu hæredes per masculinam li-
neam deſcendentes uſque ad tertiam
generationem inclusive ſint ipſo facto
præſentis noſtri authoritate ſtatuti perpe-
tuo inhabiles ad quæcunque Beneficia
ſeu Officia Eccleſiaſtica in noſtra civitate
& Dioceſi Colonienſi, ut ſic pœnæ for-
midine ab huiusmodi nefariis exceſſibus
committendis ſtrictius arceantur. In
quorum teſtimonium &c.

V. *Contra illos, qui officium Tabernario-
rum exercent injuſte.*

WILHELMUS, DEI gratia, ſanctæ
Colonienſis Eccleſiæ Archi-Epi-
ſco-

(f) forte: neceſſaria, ab oportet.

scopus, Sacri Imperii per Italiam Archi-Cancellarius, dilectis in CHRISTO Abbatibus, Decanis, & Capitulis Monasteriorum utriusque sexus in civitate Colonienſi moram trahentibus, nec non ſingulis eorum, ac Clericis, nec non Monachis & Monialibus, ſalutem in Domino.

Prædeceſſores noſtri bonæ memoriæ HENRICUS & WALRAMUS, conſiderantes Statum Clericorum, & Religioſorum omnimode non decere, quod ſe involvunt & involvere nituntur negociis ſæcularibus, præſertim Tabernariorum officio, quod omnino conditionem ipſorum (g) dedecet atque ſtatum, ſelic. record. CLEMENTIS PAPÆ VI. veſtigiiſ in hærentes, ſub magnarum vallatione penarum tam Clericis ſæcularibus quam Religioſis, ſtatutis ſuper hoc editis, inhibuiſſe huiusmodi tabernariorum officium dignoſcuntur, ſicut hæc in eorum ſtatutis ſuper hoc editis plenius ſunt expreſſa. Nonnulli tamen Clerici ac Eccleſiaſtica perſonæ utriuſque ſexus, pœnas huiusmodi non verentes, tale officium tabernariorum intra civitatem Colonienſem, modis circa hoc prohibitis, vinorum, immo & aliqua perſonæ Eccleſiaſtica ſceminæ, cereviſiæ venditioni frequenter inſiſtunt, ſtatutis non obſtantibus ſupradictis. Nos itaque attendentes Prædeceſſorum noſtrorum prædictorum intentionem circa præmiſſa fuiſſe laudabilem atque ſanctam, vobis univerſis & ſingulis in virtute ſanctæ obedientiæ, & ſub pœnis præcipimus antedictis, ne vina quæcunque vel cereviſiam præter & extra formas & modos in prædictis ſtatutis expreſſas, vendere præſumatis quoquoſmodo. Alioqui præter pœnas præſatas, ſcilicet excommunicationis & ſuſpenſionis (quas eo ipſo incidunt venditiones huiusmodi facientes, ſive ſint Clerici, ſive perſonæ Eccleſiaſtica, aut Monachi ſeu Moniales, ſeu Canonicæ ſæculares) quemlibet ſcilicet & quamlibet huiusmodi Clericorum & perſonarum in tantis ſummis, quantas in pecunia ratione huiusmodi venditionis receperunt per ſe vel per alios nomine pœnæ condemnamus: volentes & mandantes eiſdem & cuilibet eorum, ac earum, ut tantas ſummas, quantas ex talibus venditionibus recepe-

rint, Sigillifero curiæ noſtræ perſolvant abſque diminutione aliqua totaliter & complete. Alioqui (ſalvis aliis pœnis a Prædeceſſoribus noſtris talibus excedentibus illatis, in quas hōs forefactores incidere volumus eo ipſo factō) monitione ſex dierum præmiſſa, in eōdem ſimilem excommunicationis ſententiam ferimus in his ſcriptis. Inhibemus nihilominus Officiali noſtro Colonienſi, ne præſatos delinquentes, ſic venditiones vinorum modo tabernariorum exercentes, aliquid abſolvere a talibus excommunicationibus præſumat, niſi ante omnia jurent, ſe ſtare debere mandatis Eccleſiæ, & niſi ea, quæ ex commercio huiusmodi receperint, Sigillifero noſtro integraliter perſolvant: & his peractis, eis & cuilibet eorum in virtute juramenti ſui præſtiti, idem Officialis injungat, quod venditiones ſimiles de cætero nulloatenus exerceant. Et ſine hoc ordine, ipſi Officiali noſtro, ne de cætero aliquam perſonam in his delinquentem præſumat abſolvere, præcipimus: immo, ipſos abſolvendi ſine hoc ordine, totalem adimimus poteſtatem: Et ne ignorantiam horum Statutorum cauſari valeatis, vos ad eorum tenores, cum in Conciliis prædictorum noſtrorum Prædeceſſorum ſint ſolemniter publicata, duximus remittendos. Volumus etiam & mandamus, quatenus quælibet Eccleſiarum noſtrarum, & Monasteriorum civitatis noſtræ Colonienſis, habeat præſentis noſtri mandati penes ſe copiam totaliter & complete. Datum anno Domini MCCCLIII. Sabbato poſt S. Severini Episcopii.

Statuta Colonienſia impreſſa anno 1554.
Schatenus Annal. Paderborn. Tom.
II. pag. 329.

VI. Contra illos, qui ſe non curarunt promoveri debito tempore ad ſacros Ordines, nec curant promoveri.

WILHELMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius, univerſo Clero noſtræ civitatis & Diœceſis ſalutem in Domino.

Ex injuncta Nobis debito ſervitutis adſtringimur, ut ad reformandos mores & actus, prout ex alto Nobis permittitur,

(g) forte: dedecorat.

tur, solerter intendamus, ibique præcipue congruæ reformationis remedia apponere studeamus, ubi majus periculum inspicimus imminere, & scandala frequentius exoriri. Sane quam detestabile existat, quod nonnulli Beneficiarii, Beneficiis certum Ordinem habentibus annexum, in Officiis, Dignitatibus, Personatibus, Archidiaconatibus, seu Gradibus Ecclesiasticis fore se asserant constitutos, & pro talibus se etiam reputari & haberi desiderant; insignia tamen clericalia, utpote vestes, habitum & Tonfuram Clericalem deferre, & ad Ordines sacros, quos hujusmodi sua Beneficia, Officia, Dignitates, (b) Status, Archidiaconatus, seu alia quocunque nomine censeantur, requirunt de consuetudine, vel de jure, promoveri non curent, experientia Nos docuit evidenter. Hinc est, quod Nos pio sollicitudinis studio ductos, licet in casibus præmissis sit (tam ex constitutionibus, quam ex Statutis Prædecessorum nostrorum editis) aliquoter jam provisum, provisioni tamen hujusmodi, quatenus ipsæ constitutiones, & Statuta eo fortius & diligentius observentur, præsentis nostri Statuti tenore pœnas condignas adjicere oportet. Præsentis itaque perpetuo valitura constitutione, de nostri Capituli, ac Prælatorum Colonienſium consilio, & assensu statuimus & ordinamus, quod quicumque Clerici Beneficiarii nostræ civitatis & Diocesis, cessante causa legitima, Tonfuram non deferunt publice Clericalem; ipso facto præsentis nostri auctoritate Statuti a percep-

tione fructuum Beneficiorum suorum, quæ in nostra civitate, & Diocesi obtinent, aut in futuro obtinebunt, sint suspensi. Cæterum Beneficiarii quicumque in Cathedrali, vel Collegiatis Ecclesiis sæcularibus, vel Regularibus nostræ civitatis & Diocesis prædictarum, qui Dignitates, Personatus, Archidiaconatus, Officia, seu Præbendas, quibus certi Ordines sunt annexi, aut debentur, pacifice obtinent nunc, aut obtinebunt in futurum, si legitimo cessante impedimento, ad hujusmodi Ordines, quos Dignitates, Personatus, Archidiaconatus, Officia, seu Beneficia prædicta requirunt, quovis modo etiam de consuetudine, vel de jure, si Subdiaconalis aut Diaconalis Ordo forsitan existat, intra sex menses: si vero Presbyteralis Ordo fuerit, intra annum a tempore pacifice possessionis adeptæ Beneficiorum prædictorum, se promoveri non fecerint, extunc a perceptione fructuum Beneficiorum eorundem, quæ hujusmodi requirunt, sint ipso facto auctoritate ejusdem præsentis Statuti nostri suspensi: quos in utilitatem dictorum Beneficiorum hujusmodi, a quorum perceptione fructuum sunt suspensi, decernimus convertendos, quam suspensionem, si postmodum hujusmodi Beneficiarii per sex menses contumaciter sustinuerint, statuimus ipsos dictis suis Dignitatibus, Personatibus, Officiis, Archidiaconatibus, aut Beneficiis hujusmodi Ordinem requirentibus, eo ipso extunc fore & esse privatos. In quorum &c.

COLONIÆ SYNODUS DIOECESANA

VERNA ANNO MCCCLIV.

I. *Confirmatio Statutorum D. HENRICI & WALRAMI de Tonsuris, hastiludis, & Festibus Clericilibus.*

WILHELMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, universis in hac Synodo congregatis, salutem in Domino.

Quia in sacra Synodo in hac Ecclesia, nunc in crastino B. Remigii proxime præ-

rito congregata, mentio facta fuit, quod fuit, quod felicitis recordationis HENRICUS, & WALRAMUS Archi-Episcopi Colonienſes quædam Statuta ediderant contra Clericos, sine coronis debitis in capitibus, & cum barbis non abrais, ac etiam vestibus indecentibus incedentes, nec non hastiludia corporaliter exercentes, salubria & juri Divino consonantia, ipsos Clericos, ne de cætero talia faciant, rigoroſe prohibentia, cum censu-

(b) Personatus,

Tomus IV. Concil. German.

O o o 2

cenſuræ Eccleſiaſtica exaggeratione multimoda ediderunt: quæ quidem Statuta tunc Noſtra etiam authoritate mandavimus integre obſervari & teneri. Verum quia Nos poſt hæc a noſtra Capitulo, & a nonnullis Prælatiſ noſtræ civitatis & Diceceſiſ, quibus viſum tunc fuerat, hæc Statuta nimis fore pungentia, & nihilo minus captioſa, interpellati fuimus, ut ea mitigare, ſaltem quantum ad pœnas in eis expreſſas, aliquid dignaremur. Et quanquam in hoc ipſiſ quodammodo, in quantum ſalva conſcientia poteramus, condeſcendimus, ipſas pœnas ad noſtrum beneplacitum ad aliqua modica tempora ſuſpendentes, ſperantesque eos, quos harum pœnarum formido non moverat, charitative ſaltem amor virtutis ad obediendum ſtatutis huiusmodi aliquantulum commoveret, ſalvis interim ipſiſ Statutis in ſuo robore duraturis. Veruntamen quia procedente tempore experti fuimus, Nos nedum nihil in remiſſione huiusmodi profeciſſe, quin imo horum intentionem Statutorum prædictos Clericos noſtros, ut in pluribus, amplius, quam antea, contempſiſſe, eapropter tunc ſuſpenſionem huiusmodi pœnarum in huiusmodi Concilio revocavimus, & prædicta ſtatuta cum omnibus ſuiſ pœniſ, prout ſunt edita, obſervari omnimode præcepimus, ſicut hæc in mandato ſuper hoc conſecto, & tunc inibi publicato, plenius continentur. Nunc autem, ſicut ad noſtram devenit notiſiam, nonnulli Canonici Eccleſiarum noſtrarum civitatis & Diceceſiſ, conſingerunt (ut dicitur) mendaciter & inter ſe communiter fabulantur, Nos nedum pœnas huiusmodi, quin imo ipſa ſtatuta, prout ſunt edita, revocaſſe, ſe forſan in hoc, ſi in aliquibus eorum pœnas inciderunt, excuſare intendentes: propter quod noſtram excuſationem, & circa hoc noſtram intentionem, volentes omnes noſtros ſubditos non latere, & eorum, qui in Nos talia conſingunt mendacia, ad diminutionem etiam noſtri honoris directe tendentia ſententiam propalare: (*) præſentes literas in veſtrum omnium deduci volumus notiſiam, quod publice profiteamur & proteſtamur, Nos nequaquam hæc ſtatuta unquam ullatenus revocaſſe. Abſit enim, quod horum Prædeceſſorum noſtrorum intentionem tam ſalubrem, ſu-

per jure naturali, & Divino fundatam, præſertim ſine cauſa rationabili, quæ in revocando hæc ſtatuta eſſe non poſſet, ut apparet ſubtiliter intuenti, revocaverimus, ſeu intendamus aliquid revo-
care.

Quocirca omnibus noſtriſ ſubditis diſtrictè mandamus, quatenus hæc ſtatuta ipſa in omni ſui forma cum ſuiſ pœniſ, prout edita ſunt, obſervent, & ſe ſciant ea totaliter obſervare debere: immo ad cautelam majorem, denuo ſtatui-
mus, ea eſſe penitus obſervanda. Et hæc ſtatuta (ne fingi poſſit per aliquos de hiſ craſſa ignorantia vel ſupina) volentes certius designari, ad oculum demonſtramus, ſcilicet ipſiſ quondam HENRICI, quod ſic incipit:

IN Nomine Domini, Amen. HENRICUS, Dei gratia, &c. ad perpetuam rei memoriam.

*Licet conſulta proviſione a Sanctiſ Patri-
tribus, etiam a noſtriſ Prædeceſſoribus &c.
& ſic finit: Expedit enim, ut ipſos pœna
ſimiliſ comitetur, quos facinus par &c.*

*Secundum: quod eſt WALRAMI
Prædeceſſoriſ noſtri, incipit: Felicis Re-
cordat. HENRICUS Prædeceſſor noſter, de
ſuorum Capituli & Prælatorum conſilio in
Clericos &c. item finit: Tollentes auctoritate
præſentis ſtatuti ipſiſ interditiſ talibus &
ſuſpenſiſ quicquam de præſatiſ fructibus.*

*Item Tertium, quod eſt ejusdem
WALRAMI Prædeceſſoriſ noſtri, inci-
pit: Quanquam olim bonæ memoriæ Præde-
ceſſor noſter CONRADUS de conſilio Capi-
tuli, & Priorum ſuorum, &c. & in fine:
Alioqui ipſe Cantor, ſeu iſ, ad quem hoc de
conſuetudine pertinet, toties, quoties hoc &c.*

*Item cum bonæ memoriæ SIFRI-
DUS, olim Coloniienſiſ Archi-Epiſcopus,
Monachorum nigrorum, qui nominantur
Ordiniſ Sancti Benedicti, & Monialiſ
ejusdem Ordiniſ, ſtatim in pluribiſ ſenti-
ens declinare, & ob hoc volens eos
in debitum ſtatum reponere, Statutum
ediderit, quod incipit: Statuimus, ut nul-
luſ Monachus, aut Monialis, clauſtrum ſuum
exeat, per civitates, villas, vel oppida diſcur-
rendo &c. & finit: Licet Dominuſ CON-
RADUS Prædeceſſor noſter antedictuſ hoc
mandaverit, Nos penam adjicimus, & non
ſervantes excommunicamus in hiſ ſcriptiſ.*

Quia

(*) per præſentes

Quia evidentia facti, hujus Statuti utilitatem ostendit, decernimus ipsum vobis omnibus publicare; volentes & decernentes, Statutum hujusmodi ac Statuta prædicta omnia, & singula Prædecessorum nostrorum, in quantum sunt hætenus pro Statutis habita, Statutorum habere, & habere debere vigorem, & ea sub pœnis in eis expressis inviolabiliter observanda. Datum in crastino Dominicæ *Invocavit*, anno Domini MCCCLIV.

II. *Contra illos, qui vagantur, & discunt in Ecclesiis, quando chorus cantat, vel quando Divina celebrantur.*

WILHELMUS, Dei gratia, Sanctæ Colonienfis Ecclesiæ Archi-Episcopus, sacri Imperii per Italiam Archi-Cancellarius, universis in hac Sacra Synodo congregatis, salutem in Domino.

Quia indecens, & honestati Clericali contrarium reputamus, quod in quibusdam Ecclesiis Collegiatis, Nobis subiectis, præsertim in Ecclesia nostra majori, fieri conspiciamus, videlicet, quod temporibus illis, quibus in ipsis Ecclesiis Clerici, qui celebrationi Divinorum interfunt, superpelliciis, aut chori pelliciis induuntur, nonnulli Canonici, & alii Clerici Ecclesiarum prædictarum, nulla rationabili causa exposcente, in cappis incedunt, sicque per Ecclesias circumquaque pervagantes, Missa principali, & aliis horis dimissis, & quodammodo spretis, aliquoties Missas peculiares audiunt, aliquoties vanis, & prophanis colloquiis (quæ in Ecclesiis præcipue cessare debent) tempus deducentes, distributiones quotidianas sibi vendicant, ac si Divinis Officiis interessent.

Igitur universis Ecclesiarum Collegatarum Nobis subiectarum Decanis in virtute obedientiæ districte præcipiendo mandamus, quatenus Canonicos & Clericos Ecclesiarum suarum, ab his & similibus indecentiis, per suspensionem & alias pœnas (prout ad ipsorum spectat officium) debita correctione compescant, ac administratoribus distribu-

tionum quotidianarum, sub dictarum interminatione pœnarum inhi-beant, vice & autoritate nostra, quibus etiam, & Nos tenore præsentium inhi-beamus districtius, ne dictis Canonicis & Clericis, diebus, & temporibus incon-suetis in Ecclesiis, dum ibidem Divina celebrantur officia, in cappis, causa rationabili cessante, incedentibus, distributiones quotidianas administrent. Alioqui tam contra Decanos in præmissis negligentes, quam etiam contra administratores prædictos contrarium facientes acrius procedemus. Datum anno Domini Millesimo trecentesimo quinquagesimo quarto, crastino Dominicæ *Invocavit*.

III. *De commutatione votorum, & vagis restitutionibus.*

WILHELMUS, Dei gratia, sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius (i) &c.

Et si omnibus & singulis indigentibus personis, & Ecclesiis charitative teneamini secundum vestram possibilitatem opera misericordiæ impertiri, Ecclesiæ tamen Colonienfi sponsæ nostræ, quæ vestra honorabilior Parochialis est Ecclesia, & ad quam omnia charitatis opera, quæ nedum in civitate & Diocesi, verum etiam in ipsa provincia exercentur, tanquam ad suam majorem Ecclesiam dirigantur, & cui (k) specialis amoris nexu & unione spirituali estis obligati, in suis tenemini necessitatibus specialius subvenire: pro cuius etiam exaltatione Nos maritalis copula, qua ei spiritualiter alligamur, ferventius intendere urget, & compellit. Nos itaque Prædecessorum nostrorum vestigiis inhærentes, ea Beneficia, quibus vos & singulos vestrum, omnesque Christi fideles ad subveniendum ipsius Ecclesiæ fabricæ (quæ quam honorabiliter sit incepta, & in parte ad effectum Dei gratia deducta, non est hic in patria, qui ignoret) invitare possumus, quantum licet permissione Divina, ordinavimus, & intendimus ordinare, ut per hoc ipsa fabrica ad finem deveniat destinatum: & vos vestrarum largitione

O o o 3

ele-

(i) forte: Universis tam Ecclesiastici, quam sæcularis status Nobis subiectis, in Civitate & Diocesi nostra Colonienfi constitutis, salutem in Domino.

(k) spiritualis

eleemosynarum ab hoc consequamini præmia sempiterna. Hinc est, quod vos omnes & singulos requirimus, monemus & hortamur, vobis in virtute sanctæ obedientiæ mandantes, quatenus, qui ex vobis aliqua vota fecerunt, vel fecerint, & ea ex aliqua causa perficere non poterunt, ita quod ea desiderent ex causa legitima commutari, super hoc nullatenus quinquam, nisi pœnitentiariæ nostræ curam gerentem, & intra Ecclesiam nostram residentem, aut suum Plebanum, si Sacerdos & Residens fuerit, dum tamen ipsum sufficientis discretionis & scientiæ existiment, requirant: & secundum ipsius pœnitentiariæ nostræ curam gerentis, & in Ecclesia nostra residentis, aut sui Plebani (ut dictum est) consilium, horum votorum suscipiant humiliter commutationem: nec non, quod sibi ratione hujusmodi commutationis injunctum fuerit, perficiant reverenter: & intimamus vobis præsentibus, quod aliis nostræ pœnitentiariæ curam gerentibus quibuscunque, vota hujusmodi commutandi totalem adimimus præsentibus potestatem, non obstantibus quibuscunque literis, sub quacunque forma ipsis super hoc concessis: quas quoad hunc articulum præsentibus revocamus: verum ipsi, pœnitentiariæ nostræ curam gerenti, & in Ecclesia nostra Residenti, nec non universis Plebanis nostræ civitatis & Diœcesis, ac eorum Vicariis in virtute sanctæ obedientiæ, & in remissionem superiorum peccaminum injungimus, quatenus ipsi suis Parochianis plene, & plane exponant, ita, quod in hoc non sint ignorantæ: quod scilicet, si ad eos venirent pro suorum votorum commutationibus, & commodo, talia vota in eleemosynas pecuniarias distribuendas valeant, & ea ratio exigat commutari; ut hujusmodi eleemosynas pecuniarias ad fabricæ præfatæ subsidium largiantur, ipsis omnino autoritate nostra injungant: immo in hoc casu commutationem votorum alio modo fieri nolumus, & fieri prohibemus. Cæterum, quia nonnulli Religiosi & sæculares, Capitula, Collegia seu Conventus, aut singulares personæ asserunt se habere a Sede Apostolica, seu a Pœnitentiarario, vel a Nobis, seu a nostris Prædecessoribus, vel quocunque alio potestatem hujusmodi vota commutandi, &

illicite acquisita seu extorta, quorum Domini ab his, qui ea illicite acquisierunt, & extorserunt, prorsus ignorantur: quæ quidem illicite acquisita, & extorta, in subsidium prædictæ nostræ fabricæ sicut ex officio nostro possumus, deputavimus assignanda: sibi reservanda, & ad usus alios, quam ad usus prædictæ nostræ fabricæ deputandi sub quocunque velamento, & si forsan ex eis aliqui (quod non credimus) hujusmodi habeant potestatem, alii plures eandem potestatem non habentes, sibi tamen eam fallaciter usurpantes, sub falsis transeunt narrationibus, & deceptionibus, ita quod plures ex communi populo illiterato, ignorantia ducti simplicitate, immo verius cæcitate, ad horum simplicem relationem; quanquam literas suæ potestatis non videant, quas si viderent, nequam intelligerent; ipsis talia falsa asserentibus fidem adhiberent, & commutationem suorum votorum secundum eorum consilium & asseritionem recipiunt, eisque injuste acquisita & extorta, seu ad eorum consilium distribuunt, se ab eis sic posse absolvi, non tam provide, quam fatue reputantes, dum absolvi se existimant, fortioribus vinculis se illaqueant, & ampliori gravantur sarcina peccatorum.

Nos igitur hujusmodi animarum periculo occurrere cupientes, prædictis Capellanis, & eorum Vicariis mandamus in virtute sanctæ obedientiæ, & sub excommunicationis pœna, quatenus universis & singulis suis Parochianis inhibeant autoritatem nostram, quibus etiam præsentibus inhibemus, ne de cætero cuicumque Religioso seu sæculari Capitulo, Collegio, Conventui, seu singulari personæ, cujusunque dignitatis, præeminentiæ, status, aut conditionis fuerint, de tali fidem adhibeant potestate; nisi prius coram dilectis in Christo Capitulo nostro Colonienfi, quibus in hac parte committimus vices nostras, literas suas, quas sub tali potestate se habere dicunt, seu contendunt, ostendant in prima sui forma: & hujusmodi ostensione litterarum (1) ab ipso Capitulo nostro literas testimoniales reportent, quod scilicet hæc literæ sint veræ, & non adulterinæ, & habentes eas, potestate hujusmodi merito uti valeant, atque possint. Si qui vero

(1) forte: facta.

ex vobis contrarium fecerint , adeundo scilicet aliquem ex ipsis , & eorum consilium , seu mandatum tanquam potestatem habentium vota commutandi , & acquisita , & extorta illicite recipiendi , aut de eis quicquam disponendi , nisi (sicut dictum est) eos habere testimoniales Capituli nostri literas plene constet (quos propter hoc sex dierum monitione præmissa , omnes & singulos in his scriptis excommunicamus) excommunicatos nominatim , quorum nomina sciveritis , reliquos vero in genere publice nunciari , & ipsos ad Ecclesiastica Sacramenta ullatenus non admitti (volumus) , donec a Nobis seu ipso Capitulo meruerint absolutionis Beneficium obtinere. Volumus etiam , & in virtute sanctæ obedientiæ , nec non sub pœna excommunicationis universis Plebanis , & eorum vices gerentibus mandamus , quatenus in his literis nostris contenta , qualibet die Dominica ante quodlibet Festum principale præcedente , & aliis diebus Festivis , quibus magis tam pro informatione subditorum suorum , quam pro utilitate ipsius fabricæ viderint expedire , in Missarum solenniis , & in prædicationibus , sive immediate post , plene , & plane ac distincte proponant , & exponant , ita quod in hoc sufficienter informantur , ac etiam in confessionibus eadem confitentibus exponant , ne ex ipsorum ignorantia , per ea , quæ eis pro salute animarum suarum non expediunt , seducantur. Ita in præmissis vos vigilantes & sollicitos exhibentes , quod ex hoc retributionem consequamini æternam , nostramque evadatis indignationem , imo , & vos super eo habeamus merito commendatos. Datum anno Domini MCCC. LIV. crastino Dominicæ *Invocavit*.

IV. *De eodem , cum inhibitione contra Religiosos.*

WILHELMUS, Dei gratia, Sanctæ Colonienſis Ecclesiæ Archi-Episcopus , Sacri Imperii per Italiam Archi-Cancellarius , &c.

Præcipimus , quod vota , seu quæcunque peregrinationes , si debeant commutari vel redimi , quod hæc fiant de consilio

lio Sacerdotum Parochialium Ecclesiarum , ex causis iustis : & redemptiones eorundem , sive in pecunia , sive in rebus aliis fiant : & illicite acquisita , nisi sciatur , quibus ex debito sint reddenda , ad usum fabricæ Ecclesiæ nostræ Colonienſis deputamus & concedimus per præsentem. Concessionem vero commissionem super his recipiendis , a Prædecessoribus nostris factas quibuscunque Religiosis , & aliis , præsentibus revocamus : inhibentes vobis , & cuilibet vestrum in virtute sanctæ obedientiæ , & sub excommunicationis pœna , ne quis alius cujuscunque conditionis , Status , Dignitatis , aut Ordinis existat , hujusmodi votorum redemptiones , & commutationes facere , aut in alium usum convertere præsumat , vel converti præcipiat , quam fabricæ nostræ prædictæ : Qui autem hujusmodi redemptiones ac illicite , ad usum alium converterit vel convertent , converti præceperit , seu præceperint , illum vel illos , quem vel quos (sex dierum monitione præmissa) excommunicamus in his scriptis. Præcipimus etiam sub eadem pœna per singulos , & universos Plebanos , & Rectores Ecclesiarum nostræ civitatis & Diœcesis Colonienſis , nominatim , quorum nomina sciri poterunt , & alios in genere , excommunicatum , & excommunicatos singulis mensibus , quando requisiti fuerint , publice nunciari. Si vero Religiosi , vel alii quicunque , se dicant habere auctoritatem a Sede Apostolica recipiendi illicite , faciendi commutationes & redemptiones votorum hujusmodi , volumus , quod ipsi auctoritatem , & privilegia , si qua super hoc sint ipsis concessa , Decano & Capitulo nostro Colonienſi intra quindenam post publicationem præsentium literarum , exhibeant & ostendant. Præcipimus etiam universis & singulis Plebanis prædictis , sub pœna prædicta , ut Parochianis suis intiment & publicent quatuor diebus Dominicis per circulum anni cujuslibet , vel pluries , prout eorum discretioni videbitur expedire. Datum anno Domini MCCC. LIV. in crastino *Palmarum*.

COLONIÆ SYNODUS A. MCCCLVI.

V E R N A.

I. *Ne Religiosi quicumque quæstum publicum faciant, vel male quæsitâ incertâ, alias quam ad fabricam Ecclesiæ Coloniensis ordinent.*

WILHELMUS, Dei gratia, Sanctæ Coloniensis Ecclesiæ Archi-Episcopus, Sacri Imperii per Italian Archi-Cancellarius &c.

Etsi de statu cunctarum Ecclesiarum nostræ civitatis & Diœcesis prospere dirigendo, cura Pastoralis Officii Nos sollicitè & fatiget, pro exaltatione tamen & promotione majoris Ecclesiæ Coloniensis nostræ Sponsæ, cui Spirituali conjugio copulamur, affectionis sollicitamur instantia potioris. Rationi quoque congruum fore reputamus, quod ad hoc nostrâ jure dirigatur intentio, & diligentem operam, ac operosam diligentiam adhibeamus, per quod ipsa Ecclesia, ejusque solennis fabrica seu structura, non solum ab imminutibus præservetur periculis, sed cooperante Altissimo, continuum recipiat incrementum. Dudum siquidem a nostris bonæ memoriæ Prædecessoribus Coloniens. Ecclesiæ Archi-Episcopis, & a Nobis dictæ fabricæ per multa privilegia libertates & indulgentias varias, ex affectione paterna est provissum & indultum, quod pœnitentiarii nostri pro tempore existentes, cujuscunque Ordinis aut conditionis existerent, dictam fabricam verbaliter & realiter promoverent, vagas & incertas restitutiones, male ablata, subtrahita, vel inventa bona, & alias illicite acquisita, & obventiones, quæ provenirent ex commutationibus votorum, tradi facerent ad usum prædictæ fabricæ, nec deberent per quempiam alibi assignari; nonnulli tamen religiosi, qui circa hujusmodi officium pœnitentiarii versantur, sicut veridica relatione didicimus, provisiones hujusmodi quadam (a) incurialitatis imagine infringere moluntur, & malorum operum instigante satore, hujusmodi bona & obventiones suis Monasteriis applicari procurant. Plerique religiosi, non sine multa temeritatis audacia quæstum publicum faciunt, Monasteriis suis & alibi indulgentias populo motu proprio & de

facto concedendo, sine exhibitione aliquarum literarum a Sede Apostolica, nostris Prædecessoribus, aut a Nobis obtentorum, ut simplices decipiant, & pecunias subtili & fallaci potius ingenio extorqueant ab eisdem. Nonnulli etiam Fratres de Ordine mendicantium, quibus secundum juris dispositionem, a Nobis petita licentia, & concessa audiendi confessiones eis confiteri volentibus, falcem suam in alienam messem mittentes, super votis dispensant: & suis terminis non contenti, a casibus Episcopalibus, Nobis & nostris Pœnitentiariis reservatis, absolvunt: cum tamen ipsi fratres uberio rem authoritatem non habeant in absolvendo, quam Parochialium Ecclesiarum Rectores: & quod perniciosum est exemplo, multi de ipsis fratribus sine aliqua licentia a Nobis petita, vel obtenta, de confessionibus populi se intromittunt, in præjudicium rectorum prædictorum, pœnas varias & sententias contra tales & præmissorum quorumlibet transgressores a jure prolatas damnabiliter incurrendo. Nos vero abusus hujusmodi, per quos censura vilescit Ecclesiastica, clavium Ecclesiæ autoritas deducitur in contemptum, & fabricæ prædictæ structura damna, & dispendia notorie patitur & jacturas, omnimode aboleri volentes, præsertim cum hujusmodi procedant in gravem Dei offensam, nostræ Pontificalis dignitatis præjudicium, plurimorum scandalum, & deceptionem multiplicem animarum; inhibemus & interdicimus universis & singulis confessoribus & quæstoribus, cujuscunque Ordinis aut Religionis, status aut conditionis existant, ac aliis, ipsisque districte præcipiendo mandamus, quatenus ex nunc in antea a talibus abusionibus & corruptelis prorsus abstineant: amplius hujusmodi pecunias, res & bona, quæ dicuntur vagæ restitutiones, non exigant, extorqueant, vel acquirant & recipiant, & Christi Fidelium vota commutare de cætero non præsumant. Nec confessores Religiosi prædicti (exceptis nostris Pœnitentiariis, potestatem absolvendi & dispensandi in casibus Episcopalibus a Nobis habentibus) absolutionem alicui & dispensationem

(a) forte: incivilitatis

nem amodo impendant, non ostensis per eos primo *Nostris literis desuper nostro Sigillo sigillatis*, & in vestris Ecclesiis super hoc publicatis. Alioqui in ipsos quæsttores, & eorum quemlibet, non exemptos, & non privilegiatos, quos Nos sex dierum monitione Canonica præmissa (quorum ipsis & eorum cuilibet duos pro primo, duos pro secundo, & reliquos duos pro tertio, & peremptorio termino assignamus) in his scriptis excommunicationis sententias promulgamus. Insuper Religiosos Viros, Priores, Guardianos, Prælatos, & Superiores Frarum quorumlibet Ordinum mendicantium prædictorum, requirimus sub penis infra scriptis, quatenus omnes & singulos suos subditos moneant efficaciter & inducant, ac sub interminatione maledictionis æternæ eisdem inhi-beant, ne in sermonibus suis Ecclesiarum Prælatis detrahant, aut retrahant laicos ab Ecclesiarum suarum frequentia vel accessu, seu indulgentias pronunciant indifcretas: & cum confessionibus Testamentorum intererunt, aut in suis confessionibus, & restitutionibus dictorum male ablatorum, Ecclesiis & dictæ fabricæ debitis, non retrahant Testatores, aut ipsos etiam confidentes, nec legata vel debita, aut male acquisita, ablata incerta, sibi aut aliis sui Ordinis Fratribus vel conventibus, in dictæ fabricæ aut aliorum præjudicium, fieri seu erogari procurent: ii vero, qui præmissa, vel aliquid de præmissis, attentare præsumperint, penis illis, quæ secundum eorum regulam, vel statuta, pro gravibus culpis eis consueverunt imponi, subiaceant, & jure subjecti denuncientur, super quibus absque manifesta necessitate cum eis non audeant dispensare. Et si Priores, Guardiani, & Prælati Ordinum prædictorum, de his, quæ occasione præmissorum excessuum ad eos quoque modo provenierint, dictæ fabricæ, Ecclesiis aut personis Ecclesiasticis damnificatis seu læsis, satisfactionem plenariam non exhibuerint intra mensem, postquam per vos super hoc fuerint requisiti, suspensionis sententiam jam dudum contra tales a jure promulgatam, usque ad satisfactionem debitam eo ipso declaramus, & denunciamus incurrisse, & vos extunc

iplos sic suspensos, in vestris Ecclesiis publice nuncietis, & nihilominus universis & singulis vestris Parochianis utriusque sexus hominibus, diebus Dominicis & Festivis latius exponatis, & ipsis vice, & autoritate nostra publice inhi-bendo interdicatis, quibus & Nos præsentibus interdicimus, ne ipsi de cætero vel eorum aliqui, dictis confessoribus religiosis vel quæstoribus aliis, hujusmodi pecuniarum, rerum, & bonorum subtractorum, inventorum, aut alias illicite acquisitionum summas, quæ vagæ dicuntur restitutiones, in confessionibus, vel extra subtiliter extorquentibus, aliquo modo dent, tradant, vel assignent, in præjudicium fabricæ prædictæ: nec votorum commutationes ab ipsis recipiant: vel pro votorum commutatione ipsis aliquid dent, tradant, vel assignent, vel aliis ad tradendum, dandum, vel assignandum eis aliquid pro hujusmodi vagis restitutionibus, aut votorum commutatione, præstent consilium, auxilium, vel favorem: & ne ad eorum quæstum publicum, aliquas ipsis elemosynas offerant, vel assignent: nec a religiosis confessoribus, terminaliis, & aliis prædictis, nisi a Penitentiariis potestatem a Nobis in Episcopali-bus casibus absolvendi, & dispensandi duntaxat habentibus, absolutionem, & dispensationem recipiant, nisi prius ostensis vobis & vestrum cuilibet desuper literis nostro Sigillo sigillatis, a Nobis obtentis, & per vestras Ecclesias & Capellas publicatis. Alioqui omnes & singulos utriusque sexus, vestros, & cujuslibet vestrum Parochianos, inhibitioni, & interdicto nostro hujusmodi non parentes, sed contrarium facientes, quos, & Nos, Canonica monitione præmissa novem dierum, quorum ipsis & cuilibet eorum, tres pro primo, tres pro secundo, & reliquos tres pro tertio & peremptorio termino assignamus, in his scriptis in Nomine Domini excommunicamus: & quorum inobedientium nomina sciveritis, excommunicatos nominatim publice nuntietis. Datum anno Domini mccc.lvi. in crastino Dominicæ *Invocavit*.

II. Com.

II. *Contra exercentes contractus Sautgest.*

In *Synodali Congregatione* facta universis Clericis &c. Præcipiendo mandamus, ut publice & in confessionibus denuncient, contractus, qui dicuntur *Sautgest*, fore usurarios, & non posse exerceri sine periculo salutis æternæ: & illos, qui non formidant manifeste excercere, & tales contractus manifeste exercentes, usurarios esse. Nec admittant tales ad Altaris communionem, nec ad sepulturam Christianam, nec eorum oblationes recipiant: & si quis accepe-

rit, aut Christianæ sepulturæ tradiderit, & quæ acceperit, reddere compellatur: & donec ad nostrum arbitrium satisfecerit, ab officii sui executione maneat suspensus.

Item præcipimus, decretalem Gregorianam, quæ incipit: *Quamquam usurarii*, quam SIFRIDUS interserit inter Statuta sua, sub rubrica: *De usurariis manifestis*, contra exercentes contractus prædictos, publice & diligenter observari, & servandam intimari. Datum &c.

COLONIÆ SYNODUS A. MCCCLVII.

VERNA ET AUTUMNALIS.

I. *Contra Beggardos, & Suestriones, & eorum Receptatores.*

WILHELMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius. Universis Prælatiſ, cæterisque Clericis, & Personis Ecclésiasticis, salutem in Domino sempiternam.

Ad eliminandam pestiferam hominum quorundam (qui Beggardi & Suestriones appellantur) sectam, propter vitam & conversationem eorundem suspectam, ac propter varios, Christianæque Fidei contrarios (quos ii homines profitentur) errores olim bonæ memoriæ Reverendi Patres HENRICUS & WALRAMUS Prædecessores nostri contra homines præscriptos, ne communione sua contagiosa, cæterorum Christi Fidelium gregem, tamquam oves morbidæ coinquinarent, in pluribus *Synodalibus Conciliis*, autoritate eorundem Prædecessorum nostrorum celebratis, varios fecerunt processus: in quibus inter cætera homines prædictos, & eis communicantes, ipsosque hospitantes, domos & hospitia eis aut alicui, seu aliquibus ex eis locantes, concedentes aliquid vel dantes, seu aliquo humanitatis solatio subvenientes eisdem, monitionibus legitimis præmissis, excommunicarunt, excommunicatosque mandaverunt publice nunciari: aliosque multiplices, formidabilesque processus du-

xerunt emittendos, prout in literis, & processibus eorundem Prædecessorum nostrorum super his confectis, & in publicam notitiam deductis, plenius continetur. Verum, quia prout ad nostram noviter, non absque displicentia gravi, relatum est audientiam, huiusmodi hominum pernicioſa denuo incepit adeo in nostra civitate, & Diocesi invalescere multitudo, quæ, nisi denuo eis per competentia contraria resistatur, verendum est, quod finaliter sua contagione execranda, totum commaculent ipsum gregem, aliaque pejora prioribus pericula subintrabunt. Vobis igitur Ecclesiarum Parochialium Rectoribus, & vices nostras gerentibus, in virtute sanctæ obedientiæ, & sub excommunicationis pœna districte præcipiendo statui-mus & mandamus, quatenus contra omnes & singulos huiusmodi sectæ homines Beggardos & Suestriones, secundum eorundem Prædecessorum nostrorum processuum continentiam (quos tenore præsentium in omnibus suis punctis, & clausulis ratificamus, confirmamus, & præsentibus innovamus) procedatis: ipsosque processus contra homines præscriptos, ac ipsos in domibus suis recipientes, aut (n) alios communicantes eisdem, seu eis quicquam dantes, nec non eorum fautores, & eis opem, seu operam conferentes, fideliter & frequenter publicetis, ac executioni demandetis debitæ. Vosque omnes & singulos supradictos homines ipsos arctius evi-

(n) alias

etis.

tetis. Intimamus etiam vobis, quod si aliqui ex vobis in executione præmissa inventi fueritis desides vel remissi; contra tales per rigorem justitiæ sine dolo procedemus.

Datum sub Sigillo nostro anno Domini Millesimo trecentesimo quinquagesimo septimo. 25. die mensis Februarii.

II. *Contra Injectores manuum in Clericos & Ecclesiasticas personas.*

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italian Archi-Cancellarius, &c.

Multiplicata fide dignorum ad Nos perduxit relatio, quod complures scelerati, qui propter violentas manuum injectiones in Clericos, Ecclesiasticave personas, dudum fuerunt, & hodie sunt autoritate Canonis, qui sic incipit: *Si quis suadente diabolo*, in favorem totius Clericalis Ordinis edicti, majoris excommunicationis sententia innodati, adeo sunt in suis malitiis, & perversitatibus obstinata quadam elatione indurati, quod sententias hujusmodi (eo quia denunciantur) damnabiliter vilipendunt, absolutionisque Beneficium petere dignantur, in grave animarum suarum dispendium, grandeque scandalum, ac non mediocriter periculum totius Ordinis Clericalis. Quapropter universis Ecclesiarum Rectoribus, & eorum vices gerentibus nostræ civitatis & Diocesis, sub excommunicationis pœna districte præcipiendo mandamus, quatenus universos & singulos sacrilegos hujusmodi, quorum nomina sciveritis ad præsens, aut in posterum perceperitis, nominatim & specie, alios vero in genere, campanis pulsatis, candelisque accensis & in terram projectis, & pedibus conculcatis, excommunicatos publice & solenniter denunciatis, & ab universis Christi Fidelibus archius evitandos. Datum anno Domini MCCCLVII. vigesimo quinto die Februarii.

III. *Ne aliqui Domini temporales vel iudices, seu consules aliquid attentent in præjudicium sanctæ Ecclesiæ in abrogandis piis & laudabilibus consuetudinibus.*

WILHELMUS, Dei gratia, Sanctæ Colonienfis Ecclesiæ Archi-Epi-

Tomus IV. Concil. German.

scopus, Sacri Imperii per Italian Archi-Cancellarius &c.

Præsumptuosa quorundam Dominorum temporalium, Judicum, Scabiorum, Consulum, Juratorum, civitatum Rectorum, aliorumque laicorum, in nonnullis nostræ jurisdictionis terminis, contra Dei Ecclesiam, suam extendens potestatem temeritas, sic excrevit, quod consuetudines ac observantias vetustas ac laudabiles, pia fidelium devotione introductas, non absque scrupulo hæreticæ pravitatis infringere moliantur, inhibendo, seu opem, operam, consilium vel favorem ad hoc præstando, aut alias callidis occultisque machinationibus, seu condictis verbis & factis efficiendo, ne tempore exequiarum, ac in septimo, tricesimo, & anniversariis Parochianorum occulorum, Ecclesiarum quarundam Parochialium panes, carnes, & casei, seu pisces, vinum vel cerevisia, seu candelæ cum denariis, seu aliæ res quælibet, prout juxta morem & consuetudinem prædictos Ecclesiarum earundem, ab antiquis temporibus obtentum fuit, a Christi fidelibus offerantur. Cumque præmissa in Divinæ Majestatis offensam, (a qua laici præscripti suas merito sibi datas recognoscere deberent potestates) ad Ecclesiarum earundem grandem perniciem cedere dignoscantur; Nos hujusmodi ausibus nefariis occurrere cupientes, districtius inhibemus, ne quis in dictis præscriptis, vel aliis quibuscunque dictas consuetudines infringat, aut violet, infringere, aut violare procuret, nec per se, aut per alios, quibuscunque machinationibus, condictis verbis vel factis, qualitercunque efficiendo impediatur, quominus dictæ, aut aliæ quævis oblationes, Ecclesiis, aut Ecclesiasticis personis quibuscunque libere offerantur: nec ad prædicta facienda dent consilium, auxilium, vel favorem publice vel occulte. Insuper mandamus, quod in contrarium attentata revocent, & revocari procurent cum effectu. Alioqui in omnes & singulos in præmissis contrarium facientes, aut in aliquo ipsorum inobedientes, & rebelles, decem dierum monitione præmissa, excommunicationis sententiam, quam etiam ipsos per jus commune incidisse reputamus, ferimus

in his scriptis. A qua, nisi Reſtori Eccleſiæ, cujus oblatio (ut prædicitur) impedita fuerit, vel diminuta, de injuriis, damnis, & expenſis, nec non intereſſe prius integre fuerit ſatiſfactum, nullatenus abſolvantur. Volentes, quod univerſi & ſinguli Eccleſiarum Reſtores, & eorum vices gerentes prædicti, quorum intereſt, præmiſſa ſuis Parochianis ſingulis diebus Dominicis & Feſtibus publicare non omittant. Datum anno Domini MCCCLVII. 25. die menſis Februarii.

IV. *Ne aliquis aſſumatur in Capellanum, vel Vicarium ſine Episcopali licentia, & quod Reſtores de eleemoſynis retentis, Fabricæ teneantur ſatiſfacere.*

WILHELMUS, DEI gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius. &c.

Ad noſtrum non ſine diſplicitia pervenit auditum, quod nonnulli Reſtores ſeu Curati Eccleſiarum Parochialium noſtræ civitatis & Diceceſis Colonienſis prædictæ, a ſuis etiam Eccleſiis ſtudio literarum, ſeu pro aliis cauſis licitis & honeſtis de noſtra licentia, aut aliorum Prælatorum ſuorum, quibus hoc de jure competit, ſe abſentant: & ut animarum cura in hujusmodi exerceatur Eccleſiis, & deſerviat laudabiliter in Divinis, præſati Reſtores, ſeu Curati, Eccleſiarum ſuarum regimen per locorum Ordinarios Vicariis temporalibus ad annum, vel ad tempus aliud faciunt committi, qui temporales Vicarii, onere hujusmodi Eccleſiarum Regiminis aſſumpto, Beneficia, & eleemoſynas, quas ad conſummandam ſtructuram fabricæ Sanctæ noſtræ Eccleſiæ Colonienſis glorioſam, Chriſti fideles ipſorum Curatorum ſubditi, pro ſalute & remedio animarum ſuarum liberabiliter contulerunt, colligunt, ipſasque eleemoſynas & beneficia collecta, Procuratori fabricæ prædictæ ſtatutis temporibus minime repræſentant, & nonnuncquam aliqui eorum, ante redditam rationem beneficiorum, & eleemoſynarum prædictarum, tolluntur e medio: alii vero ad loca remotiora ſe tranſferunt, & quandoque extra noſtram Diceceſim, ubi per Procuratores fabricæ

prædictæ ſuper eleemoſynis perceptis per eodem Vicarios & collectis, commode nequeunt conveniri. Ex quibus aliisque verſutis & fraudibus per ipſos temporales Vicarios exquisitis, nobilis ſtructura dictæ fabricæ, quæ (ut cunctis liquet intuentibus) immenſis indiget ſumptibus, grande ſuſtinet diſpendium & jacturam.

Nos igitur, quia almæ noſtræ Colonienſis Eccleſiæ, ejusque ſtructuræ ſpectabilis diſpendia diſſimulare non poſſumus, quin poſtquam Nobis cognita fuerint, adverſus ea oportunitis remediis occurramus, ut opus tam laudabile tamque pium, quod poſſime cordi noſtro inſidet, maxime noſtro proſperetur in tempore, & felicius ſurgat in altum; omnes & ſingulos Reſtores, ſeu Curatos Eccleſiarum Parochialium, & Capellarum noſtræ civitatis & Diceceſis, tam exemptos, quam non exemptos admonemus, & cautos ſibi eſſe volumus, ut in toto tempore ſuæ abſentiæ Vicarios idoneos, fideles & honeſtos, Eccleſiarum & Capellarum ſuarum Regimini præponi faciant, qui beneficia & eleemoſynas prædictas fideliter colligant, & collectas Procuratori prædicto ſine diminutione aliqua tradant & aſſignent debitis temporibus, & conſuetis: quoniam ad hoc ipſi Reſtores & Curati, de antiqua & approbata conſuetudine noſtræ Colonienſis Eccleſiæ & Statutis, teneantur & obligati eſſent, ſi ſuis in Eccleſiis perſonaliter reſiderent: ſcientes, quod damna, ſi qua Fabrica memorata, culpa ſeu dolo dictorum Vicariorum in ſuis beneficiis & eleemoſynis pertulerit, ipſi Reſtores & Curati eidem Fabricæ ex integro de jure tenentur refundere, ipſamque in his indemnem penitus conſervare. Datum craſtino Cinerum, Anno ut ſupra.

V. *Confirmatio Indulgentiarum Fabricæ Colonienſis Eccleſiæ, & de cæteris remiſſionibus & Quæſtoribus, item de indulgentiis ſpecialibus Benefactorum Fabricæ.*

WILHELMUS, Dei Gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius. &c.

Cum ex debito noſtræ Paſtoralis dignitatis primitivo officio, Matri noſtræ Eccle-

Ecclesiæ Colonienſi merito providere tenemur, quin potius, ut devotio veſtra ex meritis ipſi Eccleſiæ impendendis, apud Nos valeat commendari, ne veſter labor atque affectus a Nobis vacuus tranſire videatur, vobis Prælatiſ & Sacerdotibus, qui in negotio dictæ matris Eccleſiæ fideles inventi fueritis & devoti, quicquid ex negligentia, torpore, ſeu oblivione in horis Canonicis, aut in Miſſis contra Deum & Ordinem veſtrum omiſiſtis, dummodo contriti fueritis atque confeſſi; totum de Dei miſericordia duximus indulgendum. Et ut ad majoris mercedis cumulum omnes Chriſti fideles ferventius provocemus, ſtatuiſmus ratificantes, ut omnes indulgentiæ venerabili Matri noſtræ Eccleſiæ Colonienſi conſeſſæ, in noſtra Provincia omnibus Chriſti fidelibus manum largitatis ad ſanctum & laudabile opus porrigentibus, ad æternæ ſalutis augmentum ſint valitura. Nos etiam ad excitandam & in Domino exhortandam fidelium devotionem, hoc de noſtro apponimus, quod omnibus Chriſti fidelibus dictæ Eccleſiæ Benefactoribus, quadraginta dies de pœnitentiis ipſis inſunctis ob peccata oblita, vota fracta (ſi ad ea redierint) offenſas patrum & matrum ſine manuum injectione violenta, juramenta, quæ mentis impetu, & ſine diſcretione ſunt prolata, mendacia ex levitate, ſeu joco, & pietate dicta; vaniloquia ſuperflua & inutilia, & bona quocunque modo illicite acquiſita (ſi nesciantur hi, quibus reddenda ſunt, & in ſubſidium dictæ fabricæ Colonienſis Eccleſiæ conſerantur) miſericorditer relaxamus.

Inſuper, ut ad majoris mercedis cumulum omnes Chriſti fideles efficacius & ferventius provocemus, præcipimus in virtute ſanctæ obedientiæ, & ſtatuiſmus, ut ſinguli Sacerdotes noſtræ Diœceſis ſingulis menſibus duas Miſſas, unam pro vivis, & aliam pro deſunctis celebrent. Diaconi vero & Subdiaconi, nec non & Moniales, ſingulis anniſ duo Pfalteria perlegant pro Benefactoribus, & Eccleſiæ noſtræ Fraternitatem, ipſis exponendam zelo devotionis accenſis aſſumentibus, ut pro tantarum orationum beneficio æternæ vitæ mereantur eſſe conſortes. Item, ut cognoscat diſcretio veſtra, quod Nos prædictam ſanctam &

laudabilem noſtram Eccleſiam Colonienſem ſummo amore proſequamur, præcipimus & ſtatuiſmus, & mandamus ſub pœna ſuſpenſionis Divinorum Officii veſtri, ne aliqua negocia cujuſcunque ſint conditionis, nominis, aut authoritatis, aut petitores, cujuſcunque ſint conditionis, in veſtris Eccleſiis admittatis poſt exhibitionem præſentium: immo nullatenus ipſos promoveatis ſeu recipiatis, niſi de mandatis noſtris, & conſenſu ipſos ſciveritis tranſire, noſtrisque literis tranſeant, quæ de præſentibus plenam & ſpecialem faciant mentionem. Hæc omnia & ſingula ſtatuiſmus, indulgemus, & tenore præſentium mandamus. Datum Dominica *Invocavit*, anno Domini MCCCXLVII.

VI. *Ubiſcunque Flagellatores exercent exercitium ſectæ ſuæ, ceſſandum eſt per triduum, abſolutionem exceſſuum eorundem retinente ſibi Diœceſano.*

WILHELMUS, DEI gratia, Sanctæ Colonienſis Eccleſiæ Archiepiſcopus, Sacri Imperii per Italiam Archi-Cancellarius, &c.

Ad eliminandam flagitioſam hominum quorundam (qui ſe FLAGELLATORES appellabant) ſectam, tam Apoſtolica, quam Noſtra ordinaria authoritatibus, varios Nos pridem proceſſus meminimus emiſſiſſe: quorum diſtinctione, dictæ ſectæ Sectatores, ab ejus exercitio in noſtra civitate & Diœceſi Colonienſi deſiſtere ſunt compulſi. Ad noſtrum tamen non abſque perturbatione gravi pervenit auditum, quod nonnulli ſuperſtitioſi homines & nefandi in hujusmodi deteſtabilem & damnatum recidivantes errorem, his diebus hujusmodi ſectæ exercitium intra noſtræ jurisdictionis terminos reſtaurare præſumptione diabolica præſumpſerunt, falſo conſingentes ſe a Nobis ſuper hoc licentiam accepiſſe.

Nos igitur, ne hujusmodi ſectæ nefariæ recidiva peſte reſurgat exercitium, vobis & cuilibet veſtrum ſub excommunicationis pœna diſtincte præcipiendo mandamus, quatenus in veſtris Eccleſiis publice moneatis homines præſcriptos peſtiferos, quos & Nos tenore præſentium monemus, ut intra ſeptem dies poſt veſtram monitionem, Deo & Nobis de hujusmodi ſuis pernicioſis exceſſibus con-

dignam præstent emendam. Alioqui ipsos omnes & singulos, qui hoc anno sectæ prædictæ exercitium restaurare præsumpserunt, vel in posterum exercere præsumunt (quos propter hoc hiscriptis excommunicamus) excommunicatos nominatim & in specie, quorum nomina sciveritis, vel in posterum scire poteritis: alias vero in genere publice & solenniter, campanis pulsatis, candelis accensis, & in terram projectis & extinctis, intimetis: & in locis quibuscunque, ad quæ hujusmodi sectæ exercitium exequendo pervenerint, quamdiu ibi fuerint, & per sequens triduum, cessetis penitus a Divinis. Hortamur insuper & requirimus universos terrarum Dominos, Potestates & iustitiosos saculares, ut hujusmodi homines a sectæ prædictæ exercitio arcere studeant manus appositione militaris. In quo nedum reipublicæ non modicum consulunt, quin etiam obsequium acceptum Divinæ præstabunt Majestati: absolutione omnium præmissorum transgressorum Nobis tantummodo reservata. Datum anno Domini mccc. LVII.

VII. *De usurariis manifestis, & exercentibus contractus dictos Hantgelt.*

WILHELMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, &c.

Omnibus, quibus ex privilegio competit proponere Verbum Dei, præcipiendo statuimus, & mandavimus, quatenus in sermonibus suis, & in confessionibus occulte Christi Fidelibus, contractus, quos *Hantgelt* vocant, directe, & manifeste esse usurarios, & absque periculo salutis æternæ exerceri non posse, denunciare & intimare non obmitterent ullo modo. Verum, quia ex multiplici fide dignorum relatione ad nostrum pervenit auditum, quod complures Ecclesiasticæ & sæculares personæ adhuc in diversis nostræ Diœcesis locis, ab hujusmodi contractibus minime abstinere formidantes, ipsos etiam exercere manifeste non verentur; vobis mandamus & injungimus, quatenus hujusmodi contractus manifeste exercentes, usurarios manife-

stos esse denunciatis: nec ipsos ad communionem Altaris admittatis: nec ipsi, si in hoc peccato decesserint, Christianam accipiant sepulturam: sed nec oblationes eorum quisquam recipiat. Qui autem accepit, aut ipsos Christianæ tradiderit sepulturæ, & quæ accepit, reddere compellatur, & donec ad arbitrium nostrum satisfecerit, ab officii sui executione sit suspensus. Insuper decretalem Gregorianam, quæ incipit: *Quoniam usurarii*, inter Statuta D. SIFRIDI Archi-Episcopi Colonienſis, nostri Prædecessoris, sub rubrica: *De usurariis manifestis*, insertam contra contractus prædictos publice exercentes, observetis, & observandam intimetis. Datum anno Domini mccc. LVII. ultima die Septembris.

VIII. *Quod homines existentes de loco interdicto non debeant admitti ad Sacramenta Ecclesiastica in locis non interdictis.*

WILHELMUS, Dei gratia, Sanctæ Colonienſis Ecclesiæ Archi-Episcopus, &c.

Perniciosus quidam, ut intelleximus, in nonnullis nostræ Diœcesis partibus abusus inolevit, quod loco aliquo, Ecclesiastico supposito interdicto, Parochiani loci interdicti, ad vicinas Ecclesias pro Divinis audiendis accedunt, & ibidem indifferenter ad Divina & alia Sacramenta Ecclesiastica a Plebanis admittuntur: quod sicut juri contrarium, ita correctione dignum judicantes, statuimus, ut diebus Dominicis & Festivis Presbyteri, antequam Missam celebrent, interrogent, si aliquis in Ecclesiis sit, qui sit de loco interdicto: quem si invenerit, statim ab Ecclesia abjiciatur. Presbyterum autem aut Plebanum, qui proprium vel alienum Parochianum interdictum, scienter ad aliquod Sacramentum Ecclesiasticum admittit, ab officio Divinorum, trium dierum monitione præmissa suspendimus. Datum &c.

IX. Privilegia Fraternitatis S. Petri non solum magnis donis, sed modicis etiam affectu magno datis, posse obtineri, Et quod durante interdicto ultra annum, homines habentes Fraternitatem S. Petri, non debent inungi, nec Ecclesiastica tradi sepultura.

WILHELMUS, Dei gratia &c.

Cum sicut ad Nos id fide dignorum perduxit relatio, ac fama valida publica acclamatione lucidius attestatur, quod nonnulli civitatis & Diocesis nostræ prædictæ, Nobis subditi, non pauci numero, qui zelo devotionis, qua opus ditissimum fabricæ nostræ Ecclesiæ Colonienfis (cum omni exactissima operatorum diligentia, miranda preciositate, ex fidelium largitione elemosynarum continua jam dudum inceptum) prosequuntur, pro Fraternitate Beati Petri, oblati ad id opus debite perficiendum suis elemosynis, juxta suarum virium facultates, se ascribi, & participes privilegiorum, libertatum & gratiarum ejusdem fieri desideranter affectant. Sed quia ad hujusmodi Fraternitati quendam ascribendum, rerum & bonorum oblatorum quantitatem, quam offerentis pro modo facultatum, mundi cordis affectum æstimant, licet indebite, plus attendi, & per hoc ad hujusmodi fraternitatem (si id, quod possent, non quod vellent, si suppeterent facultates, offerrent) verentur se, quamvis immerito, ullatenus non posse admitti nec ascribi. Eapropter devotioni hujusmodi subditorum nostrorum pio compatiens affectu, ac volentes eosdem (o) tam laudabili proposito, ad salutem animarum suarum salubriter confovere, præsentibus duximus ordinandum, specialiter indulgentes eisdem, quod hi, qui de bonis sibi a Deo collatis, tantum ad structuram fabricæ Ecclesiæ nostræ prædictæ solvendum annuatim se adstrinxerint & contulerint, quantum, compensatis eorum facultatibus, de consilio & judicio Curatorum suorum, commode solvere poterunt & conferre, se dictæ fraternitati facere possint, & faciant ascribi, privilegiis, indulgentiis ac gratiis, & libertatibus, ac immunitatibus quibuscunque, a Nobis & nostris Prædecessoribus dictæ Fraternitatis Fratribus

(o) in tam

concessis (non obstantibus literis nostris quibuscunque, seu Prædecessorum nostrorum huic indulto nostro forsitan derogantibus) libere potituri, exceptis sepultura, & extrema Unctione, eis nullatenus ministrandis in locis illis, quæ per unum annum continue Ecclesiastico fuerunt supposita interdicto. Ita tamen, quod hujusmodi futuri fratres, elemosynas suas prædictas, inspirante Deo, successu temporis de bono in melius augere studeant, prout (præstante Deo) ipsorum auctæ fuerint, & exereverint facultates, ut exinde procul dubio centuplum in terris recipere valeant, & in cælis vitam possidere sempiternam. Datum crastino B. Remigii, anno Domini MCCCLVII.

X. Ne aliquis celebret in Altari portatili aut viatico sine licentia Episcopali.

WILHELMUS, DEI gratia, &c.

Querela multorum Rectorum Ecclesiarum Parochialium, nostrum pulsavit auditum, se in suarum proventibus Ecclesiarum notabilem deplorantium sustinere jacturam ex eo, quod plerumque Dominis temporalibus, militibus, armigeris, aliisque pluribus in multitudine innumera, ut in Altari portatili coram se Missarum solennia possint facere celebrari, dicimur concessisse. Cum igitur privilegium in alterius præjudicium non sit concedendum, aut si ex post facto, in alterius dispendium vergat, merito sit revocandum: ea propter concessionem quaslibet, quibuscunque personis factas de celebrando, aut de faciendo coram se in Altari portatili celebrari, ultra duos menses a data præsentium durare nolumus, sed ipsas penitus revocamus. Datum anno Domini MCCCLVII. ultima die mensis Septembris.

XI. Ne Religiosi extra sua Monasteria moram trahant, Et contra receptatores eorum.

WILHELMUS, Dei gratia, &c.

Vergit quidem in totius Religionis opprobrium, grave quoque & nimium detestabile scandalum parit in populo, actibusque nefariis aditum præbet, immo in perniciem multorum adivi-

divimus redundare, quod quamplures Religiosi per nostram civitatem & Diocesim Coloniensem moram (p) trahendo, aliqui etiam ex ipsis, de suorum inconsulta & juri contraria licentia Prælatorum, suorum Monasteriorum loca, extra quæ tamen, sicut piscis extra aquam vita carent, passim & publice, quasi oves aberrantes, discurrendo vagantur, nullasque suorum Monasteriorum utilitates exequentes, negociis in toto sæcularibus ultra alios se nimis irreverenter immiscere non verentur: quod correctionis lima necessaria conspiciamus indigere, ipsosque ad Pastores animarum suarum convertere satagentes, universitati vestræ præsentibus intimamus, hos Religiosos, cujuscunque ordinis aut conditionis existant, amodo contra sui ordinis substantiam, & contra id, quod sonat verbum hoc, MONACHUS, quod solitarium significat, in statu prædicto, in mortalique peccato versari, in suarum grave periculum animarum. Eapropter universos & singulos requirimus, vobisque sub pœna excommunicationis districte præcipiendo mandamus, quatenus ab hujusmodi Religiosorum conversatione, familiaritate, hospitii, seu domicilii locatione, seu concessione, seu sub alterius cujuscunque coloris titulo, præstatione penitus abstinere: vosque Parochialium Ecclesiarum Rectores & eorum vices gerentes, eosdem Religiosos & subditos vestros utriusque sexus, præsentis nostri mandati contemptores, hospitia aut domicilia hujusmodi Religiosis quocunque colore exhibentes, aut conversationes habentes quascunque cum eisdem, quorum nomina sciveritis, nominatim & in specie, alios vero in genere, vice & autoritate nostra moneatis, quos etiam & Nos monemus per præsentem, ut prædicti Religiosi intra quindecim dierum spatium ad Monasteria sua redeant, in ipsis (ut status Monasticus exigit, hujusmodi vagationibus & discursionibus postpositis, ut decet) continuo permansuri: dictique nostri subditi prædicto nostro mandato pareant cum effectu: alioqui ipsos (quos Nos dictorum quindecim dierum monitione Canonica præmissa in his scriptis excommunicamus) excommunicetis, & ab universis Christi fidelibus arctius evitan-

dos (cum plena & fidei hujusmodi mandati executione) palam & publice nuncietis: nisi dicti Religiosi causam rationabilem, quare extra Monasteriorum suorum septa possint sic degere, ipsi vel aliquis eorundem intra dictos dies præstendant: & ipsi subditi nostri, quare hujusmodi mandato nostro minime parere teneantur, coram dilecto Nobis Officiali Curie nostræ Colonienfis (cui in præmissis, & ea quoquo modo tangentibus, committimus vices nostras) allegaverint. Diem vero monitionis vestræ, ac nomina monitorum executionis præsentium, Nobis liquide rescribatis vos, qui præsens nostrum mandatum fueritis executi. Datum Colonie sub sigillo nostro, anno Domini MCCCLVII. ultima die mensis Septembris.

XII. *Ne Quæstores cum crucibus, vel calicibus admittantur in Parochiis, sine licentia data per Episcopum, aut Capitulum.*

WILHELMUS, DEI gratia, &c.
Meminimus Nos jam dudum & vicibus multiplicibus sub certarum pœnarum adjectione, decrevisse Christianitatum Decanis, ac Rectoribus investitis, & Sacerdotibus universis Ecclesiarum & Capellarum, in nostra Diocesi constitutis, ne Quæstores aut Petitores, cujuscunque forent nominis, autoritatis, sive conditionis, in suis Ecclesiis admitterent, promoverent, seu reciperent, nisi ipsos transire scirent cum Nostreis, & Capituli nostri Colonienfis litteris certis & expressis. Sane ex parte vestra Nobis oblata petitio continebat, quod cum nonnullæ hætenus fuerint, & sint personæ prophanæ, & profugæ, quæ diabolicæ persuasionis instinctu sub falso titulo Nunciorum fabricæ Ecclesiæ Colonienfis, & cum literis confictis, in aliquibus Ecclesiis Diocesis transeundo, beneficia & elemosynas ad consummandam structuram fabricæ memoratæ petant, colligant, & recipiant, in præjudicium & jacturam ejusdem fabricæ, cui subripiunt ea, quæ ei a Christi fidelibus donantur, quatenus eidem fabricæ, & vobis super his de oportuno remedio providere dignemur. Nos igitur non solum præjudicia & jacturas, quibus gloriosa fabrica & structura Ecclesiæ Colonien-

(p) trahentes

lonienſis memoratæ per prædictos ex-
ceſſus impeditur, vitare, ſed etiam ex-
cedentium hujusmodi exceſſus corrigere
cupientes, quod cum efficacia perficere
nequivimus, cum ipſi exiſtant profugi,
niſi perſonaliter capiantur: idcirco au-
thoritate præſentium committimus &
diſtrictè univerſis & ſingulis Officiariis
ubilibet conſtitutis mandamus, & requi-
rimus Officiarios aliorum Dominorum,
quatenus delinquentes, cum per vos,
vel per nuncios veſtros requiſiti fuerint,
authoritate noſtra capiant, etiamſi Cle-
rici fuerint, detineant, & Nobis ipſos
repræſentent, pro meritis & modo cul-
pæ poenam recepturos. Præterea expo-
ſuiſtis Nobis, quod ſint nonnullæ perſo-
næ utriuſque ſexus, quæ novæ mendi-
catis, ſive extorſionis pecuniæ a Chriſti
fidelibus ſpeciem adinvenientes, nulla
authoritate ſuffultæ, cum crucibus &
imaginibus, ſive calicibus, quas portant,
ſine verecundia, & cum ſcandalo publi-
ce petunt, & recipiunt eleemoſynas in
præjudicium non modicum fabricæ me-
moratæ: quocirca præcipimus & inhi-
bemus ſub poena excommunicationis
Decanis, Plebanis, Rectoribus, & Vi-
cariis Eccleſiarum & Capellarum univer-
ſis noſtræ Diœceſis, ne de cætero tales
in ſuis Eccleſiis admittant, niſi Noſtris
& Capituli noſtri literis ſint munitæ:
immo hujusmodi perſonas omnes & ſin-
gulas (quas ſex dierum ſpatio pro termi-
no peremptorio & monitione Canonica
præmiſſa, niſi deſtiterint a præmiſſis, ex-
communicamus in his ſcriptis) in Ec-
cleſiis veſtris publice nunciatis excommu-
nicatos. Et ut forſan nonnulli ſpiritu-
alem poenam formidantes minime, tem-
poralis metu poenæ a prædictis arcean-
tur; Vobis officiariis noſtris ſub obten-
tu gratiæ noſtræ, & nihilominus vobis
& aliis Officiariis prædictis in virtute
ſanctæ obedientiæ, & ſub poena excom-
municationis diſtrictè præcipiendo man-
damus, quatenus ubicunque & quoties-
cunque a præſentium exhibitore fueritis
requiſiti, prædictis perſonis (ſicut præ-
dictur) cum crucibus, imaginibus, cali-
cibus, vel monſtrantiis mendicantibus,
eaſdem cruces, imagines, calices, ſeu
monſtrantias authoritate noſtra auferatis,
ipſosque præſentium exhibitori tradatis,
& ut aſſignentur Procuratori fabricæ
prædictæ fideliter, mandetis, ut ſic præ-

fatæ perſonæ metu poenæ; ab hujus-
modi forefactis & exceſſibus diſcant ulte-
rius abſtinere. Datum anno Domini, *ut*
ſupra.

XIII. *Contra detentores & ſubtractores*
Legatorum Fabrica Eccleſiæ ma-
joris Colonienſis.

WILHELMUS, DEI gratia, &c.
Multifariis excitatos clamoribus
Nos oportet occurrere præjudiciis &
jaſturis, quibus Sancta noſtra Colonien-
ſis Eccleſia, in glorioſa templi ſui fabrica
& ſtructura opprimitur, & multipliciter
impeditur, præſertim per Plebanos &
Rectores Eccleſiarum Civitatis & Diœce-
ſis noſtræ Colonienſis, qui eleemoſynas
& legata fabricæ ipſius Eccleſiæ, tem-
pore debito minime reportant & repræ-
ſentant: unde omnes & fabricæ Eccle-
ſiæ noſtræ prædictæ, & aliorum nego-
ciorum ad ipſam fabricam ſpectantium,
eleemoſynarum ſeu legationum, ultra
diem reportationis earundem indiſtæ,
ſeu indicendæ, detentores ſeu ſubtracto-
res authoritate a DEO Nobis conceſſa,
propter contemptum clavium & ſacri-
legium commiſſum, decem dierum mo-
nitione Canonica præmiſſa, excommu-
nicationis vinculis in his ſcriptis innoda-
mus: & præmiſſa non ſolum ad futura,
ſed & jam pendentia, ſubtracta & de-
tenta, & in reportatione dilata ipſi fabri-
cæ extendi volumus, & ligari detento-
res & ſubtractores hujusmodi præſata
poena poſt publicationem mandati hu-
juſmodi, niſi intra tempus præſatæ mo-
nitionis ſatiſfaciant de perceptis & ſub-
tractis.

Expoſitum etiam eſt Nobis, quod
nonnullæ perſonæ utriuſque ſexus, quæ
novæ mendicatis, ſive extorſionis pecu-
niæ a Chriſti fidelibus colorem adinve-
nientes nulla authoritate ſuffultæ, cum
crucibus & imaginibus, calicibus, ac aliis
monſtrantiis, quas portant, publice ele-
moſynas petunt & recipiunt in præju-
diciū fabricæ prædictæ. Quocirca
præſigimus univerſis Chriſtianitatum De-
canis, Plebanis, & Rectoribus, & Vi-
cariis Eccleſiarum, & Capellarum noſtræ
Diœceſis, ne de cætero tales, aut alios
Quæſtores, aut quæſtus quoscumque
publicos, in ſuis Eccleſiis & Capellis ad-
mittant, niſi Noſtris, aut Officialis no-
ſtri, & Proviſoris fabricæ prædictæ lice-

ris sint muniti: immo eos (quos monitione decem dierum præmissa, in his scriptis excommunicamus) excommunicatos nominatim denunciatis, nisi intra huiusmodi monitionis terminum a præmissis desistant, & Nobis de commissis satisfaciant competenter. Inhibemus insuper universis & singulis Christianitatum Decanis, Ecclesiarum Rectoribus, Plebanis, Vicariis, Capellarum Rectoribus nostræ Diœcesis, ne consentiant, ut aliqui stipites, sive trunci pro eleemosynis colligendis, in eorum Ecclesiis, Capellis, & Parochiis ponantur, seu locentur, prout hoc etiam inhibuit in Statutis D. HENRICI Archiepiscopi Colonienfis nostri Prædecessoris sub penis expressis in eisdem. Datum anno Domini ut supra MCCCCLVII.

XIV. *De pena eorum, qui Statuta prius publicata non sunt executi. De delatione Corporis Dominici & sortilegis.*

WILHELMUS, Dei gratia, Sanctæ Colonienfis Ecclesiæ &c.

Animarum periculis occurrere desiderabiliter affectantes, transactis temporibus diversa mandata emisimus salubria, quæ & in *diversis Synodalibus Congregationibus* solenniter fecimus publicari: sed quia propter desidiosam aut nullatenus factam executionem aliquorum mandatorum prædictorum, per eos, quibus executio prædicta tunc injecta fuit faciendâ, modicum exinde fructum adhuc sensimus pervenisse; ea propter aliqua ex mandatis ipsis renovanda censuimus, vestrisque auribus repetitis vicibus inculcanda, illis, quorum huiusmodi executio mandatorum faciendâ tunc injecta fuerat, sub pœna suspensionis ab officio Divinorum (quam in ipsos & eorum quemlibet, si non

fecerint, quod mandamus, trium dierum Canonica monitione præmissa ferimus in his scriptis) districte præcipiendo mandantes, quatenus ipsi, & eorum quilibet, mandatorum dictorum (secundum continentias eorundem) executionem fidelem & efficacem facere studeant, ac Sigilliferis Curia nostræ, quando & qualiter executionem ipsam fecerint, per literas suis sigillis sigillatas rescribant intra mentem: taliter in his legentes, ne subditorum suorum excessus dissimulando, suos facere videantur, Nosque contra ipsos proinde acius procedere compellamur.

Mandata vero prædicta, sic incipiunt: Primum, *Usurarum voraginem*: Secundum, *In Synodo Sancta*: Tertium, *Vergit quidem*: Quartum, *Perniciosus quidam, ut intelleximus*: Quintum vero, *Multiplata fide dignorum*. Insuper, ne propter injuriam Sacerdotum Divina indignatio gravius ardeat, sub pœna excommunicationis districte præcipiendo mandamus universis Sacerdotibus, quatenus cum ipsi Dominici Corporis Sacramentum ad infirmos deferunt, in decenti habitu, superposito mundo velamine, ferant & referant manifeste & honorifice ante pectus cum omni reverentia & timore. Ad hoc, quia execrandas Divinationum, incantationum, & sortilegiorum superstitiones in nostra Civitate & Diœcesi Colonienfi invaluisse percepimus, ne ipsorum assiduitate noxia Christi fideles in idololatriam pertrahantur, universos utriusque sexus homines huiusmodi maleficiis se de cætero multiplicantes, aut ipsa fieri procurantes, excommunicamus in his scriptis, ac per vos Ecclesiarum Rectores, vestrasque vices gerentes, singulis diebus Dominicis & Festivis excommunicatos mandamus publice nunciari. Datum ut supra A. MCCCCLVII.

COLONIÆ SYNODUS AUTUMNALIS ANNO MCCCCLX.

WILHELMUS, Archiep. Colon. anno MCCCCLX. publicat Edictum Pontificium ad se missum.

De vita, habitu, & honestate Clericorum & Monachorum, & de panis excedentibus infligendis. Ex Decreto Papæ Innocentii VI.

WILHELMUS, Dei gratia, Sanctæ Colonienfis Ecclesiæ Archi-Epi-

scopus, Sacri Imperii per Italiam Archi-Cancellarius, universis Ecclesiis & Mona-

Monasteriorum Prælati, & Clerici, Ecclesiasticisque Personis nostrarum Civitatis, & Diocesis Colonienfis, salutem in Domino sempiternam.

Sanctissimi in CHRISTO Patris & Domini nostri INNOCENTII, Divina Providentia Papæ Sexti, literas accepimus in hæc verba:

INNOCENTIUS EPISCOPUS, SERVUS SERVORUM DEI,
VENERABILI FRATRI WILHELMO,
ARCHIEPISCOPO COLONIENSIS, SALUTEM ET APOSTOLICAM
BENEDICTIONEM.

ET si de cunctorum Christi Fidelium, super quorum universali cura & custodia sumus constituti, delictis & excessibus doleamus ab intimis, de Prælatorum tamen & Clericorum defectibus tanto nimirum dolemus acerbius, & profundius conturbamur, quanto sentimus graviora inde eisdem fidelibus animarum pericula provenire. Nuper siquidem ad aures nostras rumor infestus de partibus Germaniæ progressus, fide digna refectione perduxit, quod nonnulli solo vocabulo Clerici & Ecclesiasticæ personæ, non solum in minoribus gradibus consistentes, sed etiam ad fastigium Pastoralis dignitatis evecti, de partibus prælibatis effrenato quodam vivendi modo libitum pro licentia capientes, & per dissolutionis lubricum, & sine ullo rationis Imperio gradientes, neglecta Clericalis honestatis observantia, & gravitate Ecclesiasticæ religionis abjectæ, vitam suam Deo & Ecclesiasticis ministeriis dedicatam, quibusvis sæcularibus actibus contra sacrorum Canonum prohibitiones se immiscerent in ludis, basiliudiis, torneamentis, & aliis militaribus & prohibitis eis actibus, nec non in defendendis vestibus sæcularibus, ac aliis quibusdam a jure prohibitis ornamentis, dilapidantes bona pauperum, & Patrimonium Jesu Christi, in Dei offensam, propriæ salutis dispendium, & perniciosum populi talia conspicientis exemplum. Nos igitur attendentes, quod, qui tanquam Dei Ministri positi sunt ad abolendas maculas sub-

ditorum, immaculatam & irreprehensibilem debeant ducere vitam suam, & quasi lumen accensum super candelabro positi, gregem Dominicum sibi commissum, in viam rectam dirigere verbo pariter, & exemplo: considerantes itaque, quod sæpe pejora malis addere solent impunitates delictorum, & propterea hujusmodi talium personarum excessibus debitis obviare remediis cupientes, fraternitatem tuam requirimus pariter, & monemus attente, per Apostolica scripta tibi nihilominus mandantes, quatenus juxta villicationis tuæ debitum officium, & incumbens tuis humeris onus ministerii Pastoralis, attempta diligentia, & diligenti attentione te sollicitum reddas, & vigilem circa Prælatos & Clericos, aliasque personas Ecclesiasticas, cujuscunque gradus & dignitatis existant, tibi subiectos, ab hujusmodi excessibus coercendos: si quos in prælatam temeritatem, & lasciviam inveneris incidisse, ut a talibus actibus prorsus abstineant, sæculares hujusmodi usus morum, gravitati Ecclesiasticæ penitus indecentes, abjiciant, & Divinis obsequiis vocationis suæ non immemores integritate vitæ & gestibus modestis intendant, correctionis tuæ limam in peritantes, & negligentes, prout ad tuum spectat officium, efficaciter impensurus: & etiam Venerabilibus Fratribus nostris Episcopis Suffraganeis tuis mandaturus, ut circa subditos sibi Clericos, & personas Ecclesiasticas similem curam adhibeant, & ad hujusmodi corripiendos abusus vigilantiter advertant. Sic ergo adhibeas debitæ sollicitudinis tuæ curam, & tuum ministerium impleas in prædictis, quod apud Nos, cum tolerare negligentiam non possumus, adhibere solertia præconium merearis, & contra delinquentes eosdem aliud remedium adhibere non sit opus. Cæterum ut hæc omnia tibi latius & apertius innotescant, venerabilis Frater noster Episcopus PHILIPPUS Cavallicen. Apostolicæ Sedis Nuncius, per nostras literas: & Dilectus Filius Conradus Præpositus Ecclesiæ S. Mauricii Moguntinensis, lator præsentium, per Nos vivæ vocis oraculo plenius infor-

"mati, eidem fraternitati tuæ Nostræ
"mentis propositum plenius explica-
"bunt & feriosius, quibus vel eorum
"alteri, dabis in prædictis cum efficacia
"operis plenam fidem: Nihilominus
"præfatis Episcopo & Præposito, vel
"alteri eorundem, super quibusdam
"aliis, pro parte nostra tibi viva voce
"latius referendis, tam plenarie, quam
"efficaciter crediturus. Datum Avi-
"nionæ, tertio Calendas Maji, Pontifi-
"catus nostri anno (a) septimo.

Volentes itaque prædicta Apostolica
Nobis directæ adimplere mandata, ne de
damnabili possumus negligentia repre-
hendi, dissolutiones, indecentias, &
abusus varios, quibus Clericos & Eccle-
siasticas personas Nostrarum civitatis &
Diocesis Colonienf. excedere, & scan-
dalose deformari comperimus, Aposto-
licis jam dictis compulsi præceptis, Pa-
storalis emendationis sarculo evellere cu-
pientes, suspensiones quarumcunque
pœnarum, & censurarum Ecclesiastica-
rum, in Statutis & mandatis quondam Re-
verendorum Patrum Dominorum HEN-
RICI & WALRAMI Archi-Episcopo-
rum Colonienfium Prædecessorum no-
strorum, pro reformatione vitæ, & ho-
nestatis status Clericalis editis, pridem
promulgatarum, nuperque ad preces di-

lectorum Nobis Decanorum nostræ Ma-
joris, & aliarum Ecclesiarum Collegiata-
rum Colonienfium, aut alias qualitercun-
que per Nos factas, quia Decanos ipsos
in correctione dissolutionum, abusionum
& excessuum prædictorum Nobis pollicita
per eosdem, invenimus notorie negli-
gentes, quantum ad infra scriptos abusus,
& indecentias revocamus, cassamus, &
nullius deinceps esse volumus firmitatis,
sed Statuta & mandata prædicta, cum
pœnis, sententiis & censuris Ecclesiasti-
cis quibuscunque contentis, & prolatis
in eisdem, quoad dissolutiones, inde-
centias, & abusus eosdem, cum sub-
scripto moderamine innovamus, ea in
statum primævum restaurantes. Ne au-
tem Clerici, & personæ Ecclesiasticæ
prædictas pœnas hujusmodi utique formi-
dabiles, incident quodammodo impro-
vise, monemus universos & singulos
Clericos sæculares Beneficiatos, & non
Beneficiatos, in Sacris tamen Ordinibus
constitutos duntaxat, & etiam Religio-
sos, ejuscunque Ordinis, gradus, aut
conditionis existant, ne de cætero ve-
stes partitas, virgatas, taliatas, scacatas,
aut quibus manicæ, vel aliæ particulæ
alterius coloris sunt assutæ, aut omnino
rubeas, aut omnino virides, aut glaucas
pro Superiori veste desuper cinctas, aut
(b) botoratas, vel nodatas præter togas vel

(a) Innocentius VI. adiit Pontificatum A. 1352. XV. Kal. Januarii.

(b) Vocabulum istud botorata aliter atque aliter in aliis hujus operis locis scribitur, modo
enim botorata, modo botenata, aut bortonata, aut boroneata. Quid autem vox
ista, seu voces sibi vellent, nondum iis, qui hæc notabant, neque ex doctis, neque
ex barbaris dictionariis inter notandum constabat.

Si botoratam, aut bortonatam, scriptum legeretur, facile ex voce partim Teutonica, partim
Latina conjiceretur, assuturas illas, sive appendices fimbriis vestium extrinsecus additas,
isto vocabulo innui ac vetari, ut quæ non tam necessitatis & utilitatis, quam orna-
tus & ostentationis, immo vanitatis potius gratia assuantur: ideoque Clericis, quos
potissimum simplicitas deceat, maxime vitandas. Quantum vero & hodie, non
olim modo inter vulgares & mediocres, ut taceantur superbi divites, bortonum,
seu bortonarum (licet in præsentiarum & hoc maxime in loco vocabulis istis, quò
facilius intelligamur, uti: Nam boto, sive botona, navale potius aliquid, quam
quod ad vestimenta spectat, innuere aut sonare videtur) istarum luxus & cura sit,
in proclivi est vulgo cernere, quum limbi & assuturæ istæ prætextæ curiosæ, immo
superflue & inanes, plus aliquando negotii exhibeant, plusque lucri sartoribus ad-
ferant, quam vel universa totius vestimenti sutura: idque tum præcipue, si addi-
tamenta ista ostentatoria, seu appendices superbæ ex preciosis & variis, maxime ra-
ris & artificiosis, non simplicibus rebus fiant. Videtur proinde hic esse sensus,
quod suffultura pellicia vestimenti Clericalis non debeat foris existare, neque illius
loco quicquam extra, quod luxui magis & ostentationi, quam usui & necessitati
inferviat, assui) nisi tantummodo superne circa collum, quodque abinde usque in
pedes, superior aut exterior vestis Clerici non fissa & aperta, verum solida gestari
debeat, quemadmodum hodie etiamnum in solemnibus choralium summi templi
Colonienf. vestimentis apparet. Notatio editoris Statut. Colonienf. A. 1554.

vel scissas, confuticas in aliqua sui parte, nisi in spatulis, & manicis duntaxat pro superiori veste, aut caputiola parva subtus brachia colligata, vel vinculis, vel nodis alteri vestii affixa, aut etiam caputia, vel alias vestes scissas per particulas pendentes, vel auri vel argenti, aut texturarum, vel circumferentiarum appositione ornatas, vel manicas, aut wambosia defuscata, vel tela linea (b) aut ex alia quacunque materia desuper; vel etiam sub wambosiis sericia, vel semisericia, sindatica, vel velluta indumenta pro prima veste ferant: nec togis, quas in fraudem Statutorum, & mandatorum prædictorum deferre consueverunt, sub choripelliciis aut cappis, nisi in matutinis duntaxat, induantur. Barbas quoque intra tres septimanas non rasas in Ecclesiis vel eorum Capiculis, calceos etiam per particulas pendentes scissos, vel etiam multipliciter perforatos alicubi non deportent. Sed vestes Clericales decentes, & honestas ad minus usque ad medium tibiæ, vel ultra suram longas, & non nimium strictas, & coronas ad minus singulis tribus septimanis rasas, in loco capitis debito apparentes, & assidue detectas portent: hastulidia & torneamenta in locis Beneficiorum suorum similiter non exerceant ullo modo. Presbyteri vero, quos propter tanti præminentiam Ordinis præcipua morum decet honestas, vestes, quas sibi de cætero novas facient, usque ad talum vel prope longas, coronas quoque largas, & capillos capitis non in totum rasos, sed infra decurtatos, & auribus saltem in parte patentibus, deferant: manicas vero wambosiorum intra mensuram unius quartalis & dimidiæ ulnæ Colonienfis longas vel largas non habeant, sed intra mensuram prædictam, latitudinem & longitudinem sibi restringant earundem. Non tamen prohibere intendimus, quin Clerici seculares in itinere constituti, vel a locis, in quibus consistunt, statim eadem hora recessuri, vel equites exituri, vestes competenter breves, nodatas & desuper cinctas, ferre possint. Monemus insuper universos & singulos Monachos & Canonicos Regulares, ac etiam Moniales, cujuscunque præminentie, Ordinis vel conditionis existant, etiam si allegent, quod de consuetudine Monasteria sua deferere & matrimonium contrahere

possint, ne de cætero habitum suæ religionis dimittant, aut vestibus secularibus induantur, neque vestes botenatas vel nodatas, aut seculares, seu calceos infra talum bassos aut vestes, vel zonas seu cingulos auro, argento, vel gemmis ornatas, in aliquo loco publice deferant, sed vestes hujusmodi seculares, & corrigias ornatas (ut præfertur) vendant absque ulla fictione sine fraude. Neve Monachi & Canonici Regulares prædicti, in aliquo loco tabbardis utantur, quia tabbardus, ipsorum habitus in jure, vel ipsorum regulis descriptus, vel eis permixtus non existit, sed per abusum usurpatus per eosdem. Sed Monachi ipsi cucullas largas & usque ad terram longas, nodatas, sed infra in totum clausas, vel flotos aut cappas, aut scapularia ferant secundum Constitutionis Clementis, quæ incipit: *Ne in agro*. continentiam & tenorem. Neve Moniales pepa seu sericeos pannos capitis, qui *Crusetele* in vulgari idiomate appellantur, aut etiam acus, grossa habentes capita, aut gemmis ornatas deportent. In omnes & singulos utriusque sexus homines, quos supradictæ monitiones & inhibitiones nostræ tangunt, & prout ipsos & eorum quenlibet concernunt, etiam si sub toga vel cappa hujusmodi vestimenta, & alia prohibita prædicta detulerint, monitione triginta dierum præmissa, quos a publicatione præsentium currere volumus, excommunicationis sententiam ferimus in his scriptis. Inhibemus insuper tam Clericis secularibus, quam religiosis, Ecclesiasticisque personis quibuscunque supradictis, ad quos fructuum & proventuum grossorum, vel distributionum quotidianarum Ecclesiarum, seu Monasteriorum eorundem administratio, exhibitio, vel quævis distributio pertinet, ne talibus excommunicatis quicquam de fructibus, proventibus, obventionibus, quotidianis distributionibus, vel præsentibus, vel per se, vel per alios quocunque colore quæsito, distribuant, vel administrent quovis modo. Alioqui ipsos Administratores & Distributores pro tempore, dictorum triginta dierum monitione præmissa, excommunicamus in his scriptis: quos omnes & singulos excommunicatos volumus publice nunciari. Absolutionem vero omnium & singulorum, qui

Q q q ;

hujus-

(b) aut alia quæcunque.

hujusmodi sententias incurrerint, Nobis duntaxat reservamus.

Monemus etiam universos & singulos Abbates, Decanos Ecclesiarum Collegiatarum, & Monasteriorum prædictorum, & alios quoscunque Nobis subditos, cujuscunque Ordinis, Status, Sexus, aut Conditionis existant, ad quos, vel ad quas personarum, Ecclesiarum, & Monasteriorum suorum correctiones pertinent, ipsisque sub excommunicationis pœna districte præcipiendo mandamus, quatenus ipsi & eorum quilibet, ultra pœnas præscriptas, etiam per consuetudinarias Ecclesiarum, & locorum suorum pœnas, personas easdem, prout ipsis subsunt, pro præmissis, & aliis quibuscunque indecentiis, dissolutionibus & abusionibus, & præsertim pro Divinorum negligentia officiorum, corrigere non tepefiant. Nostræ enim intentionis non exsistit, correctionibus disciplinariis Ecclesiarum & Monasteriorum prædictorum, seu jurisdictioni quorumcunque in aliquo derogare: multiplices enim pœna merito percelluntur, qui in præmissis multipliciter excedentes, Divinam offendunt Majestatem, suos Superiores despiciunt, statum Clericalem, in quo sunt, unde & temporalem alimoniam & honores habent præcipuos, inhonorant: sicque in se & in alios, eos suo pernicioso corruptentes exemplo, peccant scandalose.

Cæterum, quia in nonnullis Collegiatis Ecclesiis supradictis consuetudinem, immo damnabilem abusum invaluisse percepimus, scilicet quod Decani Ecclesiarum earundem, & alii jurisdictionem habentes, Canonicos, & alias personas

Ecclesiasticas, Ecclesiarum suarum, Divina Officia & Ministeria non facientes, aut eisdem non interessentes, aut alias excedentes, per censuras & pœnas ipsarum Ecclesiarum & Monasteriorum prædictorum disciplinares consuetudines corrigere non possunt, subtrahendo scilicet eisdem Canonicis aliquid, etiam modicum, vel magnum de fructibus Præbendarum suarum; Hanc igitur malam consuetudinem, immo perniciosam corruptelam sacris inimicam Canonibus, & Divinæ invisam Majestati damnamus & reprobamus, inhibentes universis, & singulis Prælatiis, Canonicis & Monachis, & Ecclesiasticis personis prædictis, ne de cætero hujusmodi corruptelam servant, aut secundum eam judicare præsumant. Alioqui sex dierum monitione præmissa, quos a dicta publicatione præsentium currere volumus, contrarium facientes, ab Officio Divinorum suspendimus in his scriptis. Mandamus etiam universis & singulis Abbatibus, nec non Collegiatarum Ecclesiarum, & Conciliorum seu Christianitatum Decanis, & Præpositis Monasteriorum nostrarum civitatis, & Diocesis prædictarum, sub excommunicationis pœna, quatenus intra octo dies a data præsentium continue subsequentes, præmissorum copiam de verbo ad verbum recipiant, ac ea omnia & singula, quam primum commode possent, personis Monasteriorum, & Ecclesiarum ac Conciliorum suorum publicent convocatis. In quorum omnium & singulorum testimonium, Sigillum nostrum præsentibus est appensum. Datum Colonia anno Domini MCCCCLX. die prima mensis Octobris.

COLONIÆ SYNODUS AUTUMNALIS

ANNO MCCCCLXII.

I. *Quando Clerici in superpellicio incedere debeant, & de Sacramenti Eucharistiæ ad infirmos delatione.*

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis & singulis Parochialium Ecclesiarum Rectoribus, Plebanis, ac in eis Ecclesiis, & intra limites ipsarum Beneficiatis & intutatis,

Civitatis & Diocesis nostræ Colonienfis, Salutem in Domino.

Ex officii nostri debito frequentibus clamoribus incitati, subditorum nostrorum excessus corrigere, mores indecentes & gestus reformare, negligentiam & desidiam eorum ulterius sine scandalo dissimulare non valentes, cogimur a temerariis ausibus, pœnarum adjectione, eosdem coercere: statuentes de Capituli nostri

nostri, & Priorum Colonienſium Eccleſiarum conſilio & aſſenſu, & ſtrictius inhibentes ſub pœna ſuſpenſionis ab officio, quam in contrarium facientes, ferimus in his ſcriptis: Ne quis Eccleſiarum Parochialium Plebanus, Rector, aut Curatus, Vicarius, aut locum tenens eorundem, ſeu Altariſta, aut in ipſa Eccleſia quomodolibet intitulatus, Divinis officiis celebrandis, & eo tempore, quo ibi Divina fuerint, nec non in commendationibus peragendis & commemorationis fiendis defunctorum, ac viſitationibus ſepulchrorum eorum cum Pſalmis, Collectis, & Orationibus conſuetis, in adminiſtrandis Sacramentis Eucharistiæ, Viatici, Pœnitentiæ, & extremæ Unctio- nis fidelibus, quos in domibus eorum infirmantes, debet accedere, ſine ſuperpellicio & religione intereſſe in Eccleſia, aut ipſa ſine religione Sacramenta adminiſtrare præſumat: ita tamen, quod adminiſtrando Sacramentum Eucharistiæ lumen & nola eum præcedant reverenter, egrediendo Eccleſiam & regrediendo: & intra civitatem, villam, vel oppidum calopodibus (propter pericula vitanda) non utatur: ſitque Presbyter huiusmodi munitus Eucharistiis, in quantum poſſibile fuerit, nec vacuus revertatur, ne forte homines idololatrentur, non Creatorem, ſed creaturam adorando. Eſſi omnes Eucharistiis forſan propter multitudinem expenderet infirmorum, in redeundo ceſſet lumen, & ſonitus campanellæ. Confeſſiones etiam ſubditorum ſuorum non languentium, nec debilium, ſed valentium accedere ipſam Eccleſiam commode, in ipſa Eccleſia volumus in loco aperto, non ſerato, humiliter & devote audiri, & pœnitentias pro modo culpæ inſligi ſalutares.

II. De Cuſtodibus ſive Campanariis.

Statuimus etiam, ſub pœna prædicta inhibentes, ne quis Rector, ſeu ejus vices gerens, cuſtodem ſeu campanarium (qui quantum poſſibile ſit, perſona literata exiſtat) niſi indutum ſuperpellicio, ſeu linea veſte decenter (ut moris eſt) ſuperiori, alia veſtimenta tegente, ad miniſtrandum ſeu ſerviendum in Divinis ſibi aliquoſiter ſuſtineat vel admittat. Quod ſi talis cuſtos vel campanarius ſe contra voluntatem aut prohibitionem

dicti Rectoris, ſeu ejus vices gerentis, huiusmodi ſervitio & miniſtrationi ingerat animoſe, nec ipſius Rectoris aut Vicarii monitis acquieſcat, niſi intra decem dies continuos, huiusmodi reſiſtentiam & prohibitionem ſequentes, de huiusmodi rebellionem condignam Nobis, & Rectori, injuriam paſſo, præſter emendam, ſit præſentis Noſtri ſtatuti authoritate, huiusmodi ſua cuſtodia ſeu officio campanariæ privatus ipſo facto, & alteri idoneæ perſonæ per eum, ad quem pertinet, libere committatur: ita, quod, ſicut rei qualitas expoſoſerit, Canonica diſtrictio alterutrius, culpam feriat delinquentis.

III. Ne Altariſtæ, ſeu Vicarii, Paſtori in aliquo derogent.

Mandamus igitur & diſtrictè ſub excommunicationis pœna injungimus omnibus & ſingulis Altariſtis, Capellanis perpetuis, Beneficiatis & intitulatis in Eccleſiis Parochialibus ſupradictis, aut intra limites eorundem, quatenus Plebanis & Rectoribus matricis Eccleſiæ, quoad jura, ipſis tam de jure, quam de conſuetudine debita, intendant reverenter, ſi Noſtram & Canonica effugere velint debitam ultionem. Inſuper mandata, ordinationes, & præcepta, cum ipſarum additione pœnarum tam per Nos, quam Prædeceſſores noſtros ſub quacunque verborum forma, contra Rectores, Plebanos, & eorum vices gerentes Eccleſiarum Parochialium prædictarum (qui recepta cautione excommunicatos authoritate Noſtra, in mortis articulo, juris permiſſione duxerint abſolvendos, quam intra certum terminum in dictis mandatis expreſſum, Officiali noſtro, aut Sigillifero noſtræ Curie Colonienſis ſignificare tenebuntur) edita, præſentibus repetimus & renovamus, ut eorum tranſgreſſores a temerariis eorum auſibus refrænentur.

IV. De abſolutione pro cadavere impetrata, ſeu impetranda.

Præterea ſtatuiſmus & ordinamus, ut ſi aliquis auſu temerario abſolutionem alicujus obtinuerit a Nobis, ſeu Officiali noſtro, a quacunque excommunicationis ſententia, authoritate noſtra, ſeu Statutorum Provincialium ſeu Synodali- um, vel quomodocunque lata, falſo & menda-

mendaciter asserens, excommunicatum huiusmodi vitam ducere in humanis, cum jam de medio sit sublatus, eo ipso sententiam excommunicationis incurrat huiusmodi impetrator, quam in his scriptis ferimus in eundem: dictamque absolutionem sic per fraudem, & dolum ei subreptitie contra formam juris impensam, cum impendi his duntaxat, in quibus, dum vixerint, signa pœnitentiæ apparuerint (ita quod non contemptus religionis, sed necessitatis articulus, & ipsorum angustia, eos absolvi viventes impediunt) debeat: decernimus & pronunciamus, prout est irrita, nullius de jure existere firmitatis. Plebani vero & Rectores, eorundemque Vicarii, & vices gerentes, qui huiusmodi absolutionibus scientes uti, dictosque excommunicatos nominatim & publice, tam mortuos, quam adhuc viventes, absolvent de facto, seu eorum corpora, in contemptum clavium propriæ temeritatis audacia, prætextu dictæ absolutionis, Ecclesiasticæ tradere præsumpserint sepulturæ, pœnas contra participantes excommunicatis in crimine damnato in jure expressas, nec non in constitutione

felic. record. CLEMENTIS V. *Eos qui*, in Concilio Viennensi salubriter edita, descriptas, non immerito poterunt formidare. Pœnas autem & sententias, per Nos in huiusmodi Statutis nostris latas, post mensem unum, immediate sequentem publicationem eorundem, in Synodo Sancta proxima, per Nos seu nostram auctoritate celebranda, solenniter factam, ipsorum volumus incipere tenere transgressores: mandantes universis & singulis Christianitatum Decanis Foraneis nostræ Diocesis, ut recepta eorum copia, intra quindecim dies a tempore publicationis eorundem, Plebanis, & Rectoribus, & Presbyteris, in suis Decanatibus, & intra limites ipsorum constitutis, publicent, & insinuent ea ipsis, ne dicta Statuta, per ignorantiam supinam & crassam, se causari possint, aliquatenus ignorasse.

Datum Coloniae sub Sigillo nostro, & editum anno Nativitatis Domini MCCCLXII. XX. die mensis Octobris.

Impressum Coloniae A. 1554. Typo Quentelio.

CONCILIIUM COLONIENSE

AUTUMNALE,

Anno Christi MCCCLXX. Urbani V. Papæ VIII. Caroli IV. Regis XXV.

SUB FRIDERICO III. ARCHIEPISCOPO COLONIENSI,

Revocantur & irritantur indulta confessionalia, & aufertur potestas Episcopalis omnibus, præterquam Pœnitentiariis Ecclesiæ Coloniensis ad hoc deputatis, & indicitur Synodus celebranda.

FRIDERICUS, (a) DEI, ET APOSTOLICÆ SEDIS GRATIA, ARCHIEPISCOPUS COLONIENSIS, SACRI IMPERII PER ITALIAM ARCHICELLARIUS, UNIVERSIS ET SINGULIS, AD QUOS PRÆSENTES LITERÆ PERVENERINT, SALUTEM IN DOMINO SEMPTERNAM.

Quia pro qualitate temporis, modi quod illius cursu & mutabilitate mutantur. Hinc est, quod cum Prædecessores nostri

(a) Fridericus, Comes Sarawerdenensis, eligitur Archiepiscopus Coloniae anno 1370. Obiit A. 1414.

nostri pluribus & diversis personis Ecclesiasticis, tam Religiosis quam sæcularibus, quibusdam ad tempus certum, quibusdam vero sine temporis determinatione non tam motu proprio, quam importuna petentium instantia, considerata tunc temporis qualitate, per suas certi tenoris literas, subditorum Civitatis & Diocesis nostræ Colonienfis, etiam eorum certo numero tunc expresso, confessiones audiendi, & eos in casibus a jure specialiter reservatis absolvendi, ac pœnitentias salutares injungendi potestatem duxerunt indulgisse. Accidente itaque ex eo, quod nonnulli concessione & indulto hujusmodi, sicut relatibus accepimus fide dignis, non minus provide, quam indiscrete & periculose (quod tamen ad præsens silentio præterimus) in hoc versantes, quamplurimum sunt abusi, id quod ad subditorum prædictorum salutis compendium, circa quod tunc eorum Prædecessorum nostrorum dirigebatur intentio, egisse

videbantur, morbum quodammodo letiferum latenter ingerens, scandalum paravit & parat, ac errorem inducit, & Episcopalem (& in hac parte quodammodo detrahendo) parvipendit potestatem; omnes & singulas concessiones & indulta hujusmodi, *salva potestate Pœnitentiariorum in Ecclesia nostra Colonienfi consistente, & creata provide tradita*, nec non literas super hoc sub quacunque forma verborum concessas, etiam si in eis forsitan cautum existeret, quod hujusmodi literæ vires obtineant, non obstante revocatione quacunque generali vel speciali, nisi nominatim & expresse in hujusmodi revocatione mentio sit habenda specialis, penitus & in totum revocamus, & ex causis supradictis & aliis Nos moventibus irritamus.

Datum sub sigillo nostro, præsentibus, quas in Synodo Sancta proxime celebranda volumus publicari, appenso, anno Nativitatis Domini MCCCLXX. primo Sabbatho post Lamberti.

Revocantur literæ, quibuscunque Eleemosynarum Quæstoribus hucusque concessæ, præterquam pro Ecclesia Majori Colonienfi, & ejus Fabrica.

FRIDERICUS, DEI ET APOSTOLICÆ SEDIS GRATIA ARCHIEPISCOPUS COLONIENSIS, SACRI IMPERII PER ITALIAM ARCHICANCELLARIUS, UNIVERSIS ET SINGULIS ECCLESiarUM PAROCHIALIUM RECTORIBUS, SEU EORUM VICES GERENTIBUS, CIVITATIS ET DIOECESIS COLONIENSIS SALUTEM IN DOMINO.

Cum dudum, sicut accepimus, Prædecessores nostri per suas (a) certi tenoris literas diversis quæstoribus eleemosynarum super hoc concessas, per quas universitatem vestram exhortando, vobis dicuntur injunxisse, quatenus quæstoribus hujusmodi, dum ipsi ad vos, vestrasque Ecclesias, pias fidelium eleemosynas & grata charitatis subsidia petitori, declinaverint, gratiose admittere & charitative curaretis: nonnulli quæstorum in hac parte literis obtentis adulterinis; alii vero literis sibi concessis nequiter abutentes, nonnullas etiam abusiones in suis sermonibus ad populum factis publice prædicando, ad quærendas hujusmodi eleemosynas & subtiliter extorquendas constringunt. Quidam vero, qui minus ad id idonei, & modesti, & (b) indiscreti existunt, cum literis hujus-

modi pro petendis eleemosynis & quærendis destinantur, & multipliciter exceperunt & excedunt, in suarum grave dispendium animarum, salutem populi & devotioni fallaciter illudentes. Quapropter præfatas hujusmodi Prædecessorum literas, quibuscunque eleemosynarum quæstoribus, præterquam his, qui pro Ecclesia nostra Colonienfi & ejus fabrica, ad vos, vel vestrum quemlibet, & Ecclesias vestras declinantes, acceperint, eleemosynas petitori, sub quacunque verborum forma concessas, penitus revocamus & in totum.

Datum sub sigillo nostro, præsentibus, in Synodali Concilio celebrando publicandis, appenso, Anno Nativitatis Domini MCCCLXXI. penultima die mensis Septembris.

SE.

(a) sui (b) discreti.

Tomus IV. Concil. German.

R r r

SEQUUNTUR CAPITULA SYNODI ANNI MCCCLXXI.

CAP. I. *Vult Episcopus exequi literas Apostolicas, in forma Pauperum ad ipsum directas.*

FRIDERICUS, DEI ET APOSTOLICÆ SEDIS GRATIA ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERSIS ET SINGULIS, QUORUM INREREST, AUT QUOS PRÆSENS NEGOTIUM TANGIT, SEU TANGERE POTERIT, QUOMODOLIBET IN FUTURUM,

Volumus esse notum, quod cum dudum Sanctissimus in CHRISTO Pater & Dominus noster, D. GREGORIUS IX. per suas certi tenoris literas sub ea forma, secundum quam Sedes Apostolica pro pauperibus Clericis scribere consuevit, Nobis directas, cum clausula, quod si huiusmodi literas exequi non possemus, nec vellemus, alia personæ in eisdem literis expressæ, eas executioni demandarent, mandaverit, quatenus de debita conversatione Clericorum nonnullorum nostrarum civitatis & Diocesis, juxta formam literarum prædictarum inquisito & reperto, ac pronuntiato ipsos habiles existere, & idoneos ad huiusmodi beneficia, juxta eorundem literarum tenorem obtinenda, eisdem de ipsis beneficiis spectantibus ad collationem Prælatorum seu Capitulorum, Monachorum, Conventuum, vel personarum civitatum nostrarum prædictarum, qui & quæ in eisdem exprimuntur, providere curaremus. Verum, cum nonnulli, prout ad nos fida perduxit relatio, prætendentes nos literas huiusmodi exequi tunc non potuisse nec voluisse ad inquisitionem & pronuntiationem prædictas, alii vero ad ulteriorem earundem executionem processerunt literarum: igitur, ne circa præmissa contra formam dictarum literarum per quemcunque vigore clausulæ supradictæ quicquam, quod viribus non subsistat, ad perniciem etiam & jacturam huiusmodi pauperum Clericorum contingat deinceps attentari: & si quid forsan indebite præsumptum fuerit, per appositionem debiti remedii ipsis Clericis, si petant, in hoc casu opportune valeat subveniri, universitati vestræ ac omnibus & singulis, quorum interest, insinuamus, quod in præsentī Synodo, ne quemquam lateant, præmissa mandamus publicari,

(b) Et propterea.

quod nostræ intentionis est, prout etiam prius quotidie exitit, dictas literas exequi voluisse & velle reverenter, ut tenemur, juxta earundem continentiam & tenorem, super quorum etiam executione & per alias nostras certi tenoris literas, Officiali nostro Colonienſi sub certa forma commisimus vices nostras.

In quorum testimonium, sigillum nostrum præsentibus duximus apponendum. Datum anno Domini MCCCLXXI. penultima die mensis Septembris.

CAP. II.

FRIDERICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERSIS ET SINGULIS TAM SÆCULARIBUS QUAM REGULARIBUS ECCLESIAARUM ET MONASTERIORUM ABBATIBUS, PRÆPOSITIS, PRÆLATIS, PRIORIBUS, DECANIS, COLLEGIS, CONVENTIBUS, PLEBANIS, EORUMQUE VICES GERENTIBUS, CÆTERISQUE BENEFICIATIS CLERICIS ET RELIGIOSIS, CUJUSCUNQUE STATUS, CONDITIONIS AUT ORDINIS EXISTANT, NOSTRARUM CIVITATIS ET DIOCESES COLONIENSIS; NOBIS SUBDITIS, SALUTEM IN DOMINO SEMPERNAM.

ET si de cunctorum passim & generaliter Nobis subditorum, super quorum universalem curam & custodiam sumus constituti, delictis, negligentis, & excessibus doleamus ex intus; de Prælatorum tamen sæcularium, & Regularium Clericorum, & personarum Ecclesiasticarum utriusque sexus defectibus, tanto nimirum dolemus acerbius; & profundius conturbamur, quanto sentimus graviora ex eisdem animarum pericula provenire, & specialiter personis Monasticis, in quibus sacra Religio abjecta devotio, multis actibus illicitis aditum præbens, periculoso invenitur. (b) Eapropter nonnullas sacrorum Canonum constitutiones ex-

exequentes, ac Statuta, ordinationes, & Præcepta nostrorum Prædecessorum innovantes, qui hujusmodi talium personarum excessibus satagant debitis obviare remediis, quorum etiam (ut de ipsis cognitio plenior habeatur) effectum ut sequitur, fecimus annotari, sic duximus ordinandum.

C. III. *De Vestibus Clericorum Beneficiatorum.*

Imprimis igitur contra Clericos, qui gravitate Ecclesiasticæ Religionis abjecta, in deferendis vestibus Ordini suo non congruentibus, contra Canonum prohibitiones excedere non verentur, constitutionem felicitis Recordationis Domini CLEMENTIS PAPÆ Quinti, in Concilio Viennensi editam, qua cavetur inter cætera, quod Clericus quicumque, virgata vel partita veste publice utens, nisi causa subsit rationabilis, si Beneficiatus extiterit, a perceptione fructuum Beneficiorum, quæ obtinet, per sex menses sit ipso facto suspensus. Si vero Beneficiatus non fuerit, in sacris tamen Ordinibus constitutus citra Sacerdotium, per idem tempus sit eo ipso facto inhabilis ad Beneficium Ecclesiasticum obtinendum.

Idem quoque dicta Constitutio censuit observandum de Clericis aliis, qui vestem virgatam vel partitam simul, & tonsuram publice deferant (c) Clericalem. Dignitatem vero, Personatum seu Beneficium Curatum obtinentes, ac Sacerdotes, nec non & Religiosi, si vestes deferant hujusmodi, præterquam ex causa rationabili, eo ipso a perceptione fructuum Beneficiorum quæ obtinent, per annum continuum sint suspensi: & Sacerdotes non Beneficiati, & Religiosi cæteri, per idem tempus anni reddantur inhabiles ad Beneficium Ecclesiasticum obtinendum: Hanc inquam, constitutionem exequentes, nec non Statuta, ordinationes, mandata, & præcepta bonæ memoriæ Domini WALRAMI, edita circa præmissa, innovantes, quæ incipiunt, *Felicitis Record.* HENRICUS &c. statuentes, quo (d) cavetur inter cætera, quod suspensus hujusmodi, si durante ipsa suspensionis poena, aliquid de fructibus sui Beneficii, seu Præbendæ percipiat, & ministrans, si quid ei ratione Præbendæ suæ min-

nistraverit scienter, uterque ipsorum excommunicationis poenam incurrat ipso facto. Et Capitulum, si in hac parte culpam vel negligentiam, dissimulationem vel ratihabitionem commiserit, sit suspensum ipso facto. Et Statutum ejusdem quondam Domini WALRAMI, quod incipit, *Quoniam diversi, &c.* cum ejus mitigatione ibi subsequente innovantes, eas & ea præcipimus inviolabiliter observari: statuentes de consensu Capituli nostri, & Priorum Colonienſium, poenas & sententias supradictas, locum habere debere in futurum, ipsasque sententias ferimus in his scriptis in omnes & singulos Clericos, juxta distinctiones superius annotatas, qui vestem superiorem ante pectus a summo deorsum inferius usque ad oram deferre publice præsumant botonatam, vel ultra spatium, quo quis commode caput suum ipsi vesti inferre poterit, eam induendo. Si quis vero Clericus juxta morem detestabilem, qui modernis temporibus inolevit, vestem superiorem (ipsius manicam unam ante pectus, & aliam post dorsum vertendo) publice deferre sine causa justa, & irreverenter incedere præsumperit, si sæcularis fuerit Beneficiatus, vel carens Beneficio, vel Religiosus administrationem habens, hujusmodi vestem intra mensem dare pauperibus teneatur. Religiosus vero administrationem habens, intra idem tempus ipsam teneatur suo Superiori assignare, in pios usus convertendam. Alioqui si secus fecerit, dicto mense elapso, se noverit incidisse suspensionis sententiam ab Officio, & Beneficio, quam ferimus in eum in his scriptis.

C. IV. *De Tonsura & Corona Clericorum Beneficiatorum, & ne barbas deferant.*

Præterea Constitutionem felicitis Recordationis Domini GREGORII PAPÆ Noni, & aliam in Concilio Carthagenſi editam, in quibus sub excommunicationis poena, prohibetur Clericis, ne nutrant comam & barbam, nisi ex justa causa, exequentes eas inviolabiliter præcipimus observari. Statuta quoque, mandata & præcepta piæ memoriæ Domini HENRICI, quæ incipiunt: *Item præcipimus in virtute* &c. & Domini WALRAMI, quæ incipiunt:

(c). minus Clericalem.

(d) quibus

piunt: *Felices Recordationis* &c. nec non Domini WILHELMI, Archi-Episcoporum Colonienſium, Prædeceſſorum noſtrorum, quæ incipiunt: *Bonæ memoriæ Prædeceſſores noſtri* &c. edita contra Clericos, qui coronam ſeu tonſuram Eccleſiaſticas debitas, juxta ſtatus & ordinis recepti exigentiam non deferunt, barbas & comas nutriunt, ſine cauſa juſta portando: quibus in effectu cavetur inter cætera, in ordinatione videlicet & ſtatuto dicti Domini HENRICI, quod Clerici beneficiati civitatis & Diœceſis Colonienſis, tonſuram Eccleſiaſticam ſecundum ſui ſtatus & ordinis exigentiam, decenter & patenter, ac publice in capite affidue portare negligentes, interdicti ſententiam ab ingreſſu Eccleſiæ (quindecim dierum monitione Canonica præmiſſa) incurrunt. In ordinatione vero, ſtatuto & mandato dictorum Dominorum WALRAMI & WILHELMI, prædictorum (qui hujusmodi pœnæ ſuſpenſionis ab ingreſſu Eccleſiæ, quam etiam ad Clericos barbas deferentes extenderunt, pœnam ſubſcriptam addiderunt) cavetur, quod Clericus barbam nutriens ſine cauſa juſta, eamque deferens ultra quindecim non abraſam, nec coronam ſeu tonſuram ſtatui & ordini ſuo congruentem portans publice in capite, & propter hoc pœnam ſuſpenſionis ab ingreſſu Eccleſiæ incidit ſupradictam, a fructibus ſuorum beneficiorum ſit eo ipſo ſuſpenſus: & ſi ſic ſuſpenſus exiſtens, quicquam de fructibus hujusmodi receperit, aut quiſquam ei aliquid miniſtraverit, tam recipiens quam miniſtrans, eo ipſo ſe noverit excommunicationis ſententiam incidiffe. Et Capitulum Eccleſiæ, ſi collegiata fuerit, ſuſpenſionis, ſi in culpa extiterit vel negligentia, vel adminiſtrationem hujusmodi factam, ratam, & gratam habuerit, & ipſa Eccleſia interdicti ſententias incurrant ipſo facto. Idemque D. WILHELMUS per ſuum poſtmodum ſtatutum, quod incipit: *Ex injuncta*, tales non deferentes tonſuram Clericalem, ipſo facto ſuſpenderit, præſentibus innovantes, ſalvo, quod loco quindecim prædictæ, quo ad radendum barbam, vel tondendum, ſpatium trium ſeptimanarum ſubrogamus. Eaque ſtatuta, mandata, & præcepta, quæ etiam ad Clericos haſtiludia in locis, in quibus Beneficiati exiſtunt, exercentes, provide

extenderunt, & pœnam ſuſpenſionis a perceptione fructuum Beneficiorum ſuorum per ſex menſes, in contrarium facientes intulerunt: nec non ſtatutum ejusdem quondam Domini WILHELMI, quod incipit: *Multimodorum exaggeratione* &c. ſtatuiſimus, & aliud, quod incipit: *Sanctiſſimi in Chriſto Patris* &c. nec non ejusdem Domini ſtatutum in hoc caſu editum, quod incipit: *Statuiſimus, ut quilibet Clericus ſive ſecularis, ſive Religioſus* &c. mandamus & præcipimus (niſi quatenus per noſtram ordinationem eis detractum reperiatur) inviolabiliter obſervari, ipſas ſententias ex abundanti repentes, quas dicta monitione canonica præmiſſa, in non parentes & rebelles ferimus in his ſcriptis.

C. V. *Ne Religioſi dimittant habitum. De Confeſſoribus ipſorum. Et ne vagentur extra ſua Monaſteria.*

Inſuper felices record. Domini BONIFACII PAPÆ VIII. Constitutionem, per quam diſtrictius inhibetur, ne aliquis Religioſus, quamcunque Religionem taceat vel expreſſe profeſſus, ubicunque locorum habitum ſuæ religionis temere dimittat, hujusmodi temerarium violatorem excommunicationis ſententia plectens ipſo facto. Nec non Constitutionem felices rec. Domini CLEMENTIS PAPÆ QUINTI, in Concilio Vienneniſi editam, quæ inter cætera ſacræ Religionis Monachis nigris Ordinis S. Benedicti, omnem in veſtibus inordinatum ſeu exquiſitum ornatum & cultum, nec non in equitaturis & lectiſterniis quemvis notabilem interdicit exceſſum, præcipiens, ut ſuperior veſtis ipſorum habitui proxima, nigri aut bruni coloris, juxta morem apud eos obſervari ſolitum in regione, qua degunt, exiſtat: exequentes, ab hujusmodi eis interdictis & vetitis abſtinere, ac præceptis & ſtatutis hujusmodi obedire, ipſis præcipimus firmiter & mandamus. Statuta vero, mandata & præcepta felices record. Domini HENRICI, quæ incipiunt: *Volumus etiam* &c. quo inhibetur, ne quis Abbas vel Abbatiffa, cujuſcunque religionis non exemptæ, civitatis & Diœceſis Colonienſis, abſque ſpeciali licentia Archi-Epſcopi Colonienſis, vel Sedis Apoſtolice auctoritate, Monachis aut Monialibus ſui Monaſte-

nafterii Confessorem aliunde, quam de suo ordine, prout ipsorum statuit religio, eligendi vel assumendi concedat potestatem. Nec non bonæ memoriæ Domini **WILHELMI Archi-Episcoporum** nostrorum Prædecessorum mandatum, quod incipit: *Vergit quidem* &c. in quo inter cætera, omnes & singulos Monachos extra Monasteria sua non intitulos, utentes (ut dicunt, licet inconsulte, indebite, & indiscrete, etiam contra juris & ordinis sui dispositionem regularem) licentia suorum Abbatum seu Prælatorum, qui nulla suadente utilitate Monasteriorum suorum, aut necessitate exigente, (a) se conferunt ad aliena negotia exequenda, prohibito vagantes, ad sua Monasteria (monitione canonica præmissa, si fecus fecerint, in eos excommunicationis sententiam tulit) redire præcepit. Nec non statutum bonæ memoriæ Domini **SIFRIDI Archi-Episcopi** Colonienfis, quod incipit: *Statuimus, ut nullus Monachus* &c. quod postmodum piæ recordationis Dominus **WILHELMUS Archi-episcopus** Colonienfis Prædecessor noster, in quodam statuto suo, quod incipit: *Item cum bonæ memoriæ SIFRIDUS olim* &c. idem statuens approbavit, sub certa tamen postmodum facta declaratione, quæ incipit: *Cum nos dudum Concilium Synodale in Capitulo Ecclesiæ nostræ* &c. quam quidem declarationem bonæ memoriæ **ENGELBERTUS** Prædecessor noster etiam est secutus, eam repetendo in sua ordinatione, quæ incipit: *Cum nos dudum* &c. factam, in hac parte innovantes, cum dicta declaratione præcipimus & mandamus, quo ad religiosos Ordinis prædicti, salva Constitutione: *Quoniam, qui abjctis* &c. sed & talis in *Concilio Viennensi* edita. Nec non dictum statutum, quod Dominus **SIFRIDUS** ad Canonicos Regulares S. Augustini & Præmonstratensium Ordinum, salvis eorundem Ordinum institutis, extendebat, extendimus, in quantum ipsorum Ordinum patitur institutio regularis, cui (ut clarum est) dicti Monachi intersunt laxiori, præcipimus inviolabiliter observari: pœnasque & sententias, in dicto statuto expressas, repetentes, eas in contradictores & rebelles, Canonica monitione præmissa, ferimus in his scriptis.

C. VI. *Contra Moniales portantes secularia vestimenta.*

Subsequenter piæ recordationis **D. BONIRACHI PAPÆ** Octavi, quæ incipit, (b) *Periculoso* &c. & **D. CLEMENSIS PAPÆ** Quinti in *Concilio Viennensi* editam constitutionem, conservationem & reformationem status, & morum Monialium, cujuscunque Religionis aut Ordinis extiterint, præcipimus observari diligenter: In quibus inter cætera caveatur, ut virtutum Domino, debitum reddant famulatum, nec Monachali postposita modestia, extra sua Monasteria impudenter discurrant: pannis sericis, & variorum foderaturis, (c) & virgatis seu diversorum colorum caputiolis non utantur. Nec non Statutum bonæ memoriæ **D. SIFRIDI ARCHIEPISCOPI COLONIENSIS**, quod incipit, *Statuimus ut nullus Monachus aut Monialis* &c. quod postmodum bonæ memoriæ **WALRAMUS**, in quadam sua ordinatione, quæ incipit, *Quoniam animarum* &c. laudavit & approbavit. Et **WILHELMUS** in Statuto per eum edito, quod incipit, *Item cum bonæ memoriæ SIFRIDUS* &c. idem statuendo repetit, pœnam adjiciens excommunicationis in contrarium eorum, quæ in eodem Statuto perstringuntur, facientes, innovamus cum pœnis & sententiis contentis in Statutis prædictis.

C. VII. *De Presbyteris Concubinariis, & Focariis ipsorum.*

Porro Statutum bonæ memoriæ **D. CONRADI** Prædecessoris nostri, per **SIFRIDUM** ejus Successorem (qui idem statuit contra concubinarios publicos, & notorios, qui concubinis suis in suis domibus cohabitavit) innovatum, quod incipit, **EX CONCILIO** bonæ memoriæ &c. in quo inter cætera mandatur sub excommunicationis pœna, quæ in contrarium facientes fertur, & quam sententiam secus faciens incurrit ipso facto, quod Sacerdotes manifesti mulierum cohabitatores, concubinas suas de domibus suis, & Parochiis intra decem dies expellant, eis pro termino peremptorio, & monitione Canonica assignatos: quodque mulieres ipsæ per sententiam excommunicationis in eas ferendam, Parochiam ipsam exire

R r r 3

com-

(a) urgente

(b) De voto & voti redemptione in VI.

(c) id est: pelliceis suffulturis.

compellantur, innovamus: statuentes, ut hujusmodi notorii fornicatores supradicti, quibus concubinæ suæ in domibus eorum cohabitant, si tales focarias publicas in domibus suis eis cohabitantes tenere præsumpserint per decem dies, nec eas a se abjecerint, & abegerint; & si dictæ fornicariæ notoriæ, abinde non receßerint, tam ipsi focarii cohabitatores notorii, quam fornicariæ, (a) sententiam excommunicationis incurrant præsentis nostri statuti autoritate, quam in eos, & eorum quemlibet ferimus in his scriptis.

C. VIII. *Ut capto aliquo Clerico statim cessetur a Divinis.*

Item licet jam dudum certus modus per nostros Prædecessores traditus, sit omnibus manifestus, quo servato nullus Prælatus, Rector, vel alicujus Ecclesiæ intitulus civitatis & Diœcesis Colonienfis, prætextu dubii aut ignorantia supinæ, quovis colore quæsito (in grave tamen suarum periculum animarum) ab observatione statutorum prædictorum nostrorum Prædecessorum, & mandatorum, penarum, & sententiarum latarum in eisdem, se rationabiliter valeat excusare: tamen ne quis ad declinandum executionem eorundem mandatorum, conscientia scrupulosa dubitare se dicat, ubi æqua ratione dubitandum non est, statutum dudum in provinciali Concilio Coloniensi super hoc salubriter editum, ut de hujusmodi modo prædicto cognitio certior habeatur, ipsum innovantes duximus annotandum, in hæc verba: "Statuimus, ut Prælati, Archidiaconi, Præpositi, Decani, Rectores Ecclesiarum, seu (b) Capellani ac eorum Vicarii, quam cito capti-vitas Clerici, vel spoliū, aut aliquod forfactum; de quibus est supradictum, ad eorum notitiam, vel fama deferente, vel alio quocunque modo pervenerit, statim cessetur (c) a Divinis, ubi hoc juxta præmissa fuerit faciendum, & ad observationem, & executionem dictarum sententiarum per se vel per alios teneantur. Alioqui non obstante excusatione crassæ ignorantia, pœnis & sententiis sub-jaceant supradictis.

C. IX. *Contra Usurarios, & exercentes contractum, qui nuncupatur Sandgeld.*

Præterea felicitis Record. D. ALEXANDRI PAPÆ Tertii Constitutionem, Quia in omnibus &c. contra Usurarios in Concilio generali editam, quæ prohibet usurarios manifestos ad Altaris communionem admitti, præcipiens oblationes eorum non recipi, & in morte eis denegari Ecclesiasticam sepulturam, Clericos contrarium facientes, donec ad arbitrium Episcopi satisfaciant, ab executione sui officii vult manere suspensos. Nec non felicitis Record. Domini GREGORII PAPÆ Decimi Constitutionem: Usurarum voraginem, quæ Concilium Lateranense prædictum pœnæ adjectione juvat, ipsum Concilium innovando: & constitutionem: *Quamquam usurarii*, in Concilio Lugdunensi, editam, quæ statuit, quod manifesto usurario (licet ipse usuras extortas restitui mandaverit, Ecclesiastica tamen denegabitur sepultura, nisi prius satisfaciatur, vel secundum formam illius constitutionis idonee caveatur, sepeliendo eos contra illam constitutionem, pœnam Lateranensis Concilii prædictam incurrant, testamenta ipsorum aliter facta non valeant: nec eis testamentis condendis aliquis debet interesse, vel eos absolvere, vel ad confessionem admittere. Nec non piæ Record. Domini CLEMENTIS PAPÆ Quinti constitutionem, *Ex gravi*, in Concilio Viennensi editam, per quam Officiales communionatim, facientes, dictantes, vel scribentes Statuta super usuris solvendis, non repetendis, non restituendis, vel judicantes secundum illa Statuta, vel non delentes illa statuta, si possunt, intra tres menses de libris communiatum, vel illa statuta servantes, sunt excommunicati: & pertinaciter asserens, exercere usuras, non esse peccatum, hæreticus est censendus. Executioni mandantes eas, præcipimus, & mandamus, inviolabiliter observari. Statutum quoque bonæ memoriæ SIFRIDII, quod incipit, *Statuimus, ut usurarii* &c. & WICHOLDI Prædecessorum nostrorum, quod incipit, *Excommunicamus, & excommunicatos nuntiamus* &c. & HENRICI, quod incipit, *Item statuimus, ut usurarii* &c. per quæ quidem statuta & mandata iidem

(a) alias: focariæ. (b) Capellarum

(c) cessent

iidem Prædecesores nostri usurarios manifestos, qui ultra sortem principalem seu debitum principale aliquid receperint, excommunicarunt, & excommunicatos publice mandarunt, vigore hujusmodi statutorum, & mandatorum nuntiari: Nec non etiam statutum, ordinationem & mandatum bonæ memoriæ WILHELMI Prædecessoris nostri, quod incipit, *Om-nibus, quibus ex privilegio &c.* in quo contractus detestabiles, qui moderno tempore pullulant communiter & vigent, quos vulgus *Handgeld* appellat, idem Prædecessor noster usurarios, prout revera sunt, censuit & declaravit, ipsosque contractus tanquam vere usurarios damnavit, & ab eis præcepit, ut illicitis, abstinere contractibus: atque omnes, & singulos hujusmodi contractus *Handgeld* nuncupatos, manifeste exercentes, publicos: & clam exercentes, occultos seu non manifestos usurarios fore denuntiavit: & ipsos decrevit pœnis, & sententiis contra usurarios latis subiacere: Innovantes, (a) ipsa statuta prædicta sub pœna in eisdem & aliis in jure expressis, statuentes, mandantes, & declarantes eadem, ut supra mandavimus, firmiter observari.

Usurarios autem manifestos vocat in hoc casu dictum statutum SIFRIDI, *Statuimus &c.* de crimine hujusmodi per confessionem in judicio factam, aut per sententiam contra tales super hujusmodi crimine latam convictos, quæ in rem transiit judicatam, vel per evidentiam facti, vel rei evidentiam, quæ nulla potest tergiversatione celari.

C. X. *Nē aliquis Sacerdos inebrietur, vel calceos rostratos deferat.*

Præterea cum ex decreto Concilii *Agathensis*, quod incipit, *Ante omnia &c.* abrietas (quæ omnium vitiorum fomes est, & nutrit) Clericis summe vitanda sit, & Apostolus Sacerdotem damnet (b) vinolentum, Sacerdotesque in Templo Domini ministrantes, lege veteri vinum, & siceram bibere prohibiti sunt, ne craspula & ebrietate corda eorum gravarentur: Nos dicto Concilio, quod ebrium Sacerdotem triginta dierum spatio a communionem submoveret, inhaerentes, statuimus & ordinamus, si quis Presbyter Beneficia

tus gulæ deserviens, incaute se inebriaverit: vel ebrius existens, in Ecclesia in qua intitulus existit, Divinum perturbaverit Officium, vel insolentiam commiserit, aut Clericum intitulatum, vel servitorem illius Ecclesiæ in ea vel ejus immunitate verbo vel facto, probris, contumeliis, aut quibusvis aliis injuriis affecerit, per unum mensem continue, præsentis nostri statuti autoritate a perceptione fructuum Beneficiorum suorum sit suspensus ipso facto: intra quem, si aliquid etiam sibi oblatum ex fructibus ipsis percipere præsumpserit, licet paratus id fuerit restituere sine mora, excommunicationis sententiam incurrat eo ipso, (c) quam in ipsum ferimus in his scriptis, ipsumque sic excommunicatum, usque ad satisfactionem condignam publice præcipimus nuntiari. Dignum enim est, ut is, qui Christum annuntiat ut Sacerdos, ab omnium vitiorum incentivo præstare se debeat alienum: & secus agens, censura debita a vitiis arceatur.

Pœnam quoque & sententias per Nos latis in hac constitutione & ordinatione ad Clericos, cujuscunque gradus extiterint, & personas Religiosas, calceos rostratos portantes, seu more militum desuper notabiliter perforatos, duximus ad ipsam constitutionem extendendas.

C. XI. *Quod Matrimonium contrahere volentes, debito modo proclamantur.*

Item Statutum seu mandatum piæ memoriæ Domini HENRICI Prædecessoris nostri, quod incipit, *Item præcipimus Ecclesiarum Prælati, &c.* in quo præcepit, banna seu proclamationes matrimoniorum inter sponsalia, & matrimonia contracturos fieri debere tribus diebus Dominicis vel Festivis, a se distantibus, & non una die duas simul proclamationes fieri, innovamus & præcipimus, statuentes illud idem, & addentes, quod in hujusmodi proclamationibus faciendis & imminentibus, nomina, & cognomina personarum contrahere volentium & debentium, expresse, & clare, & intelligibiliter ad populum in Ecclesia tempore congruo recitata publicentur, ut si quod impedimentum inter eos extiterit, quo

(a) innovamus

(b) I. Timoth. III, 3.

(c) ipso facto

minus legitime valeant matrimonialiter copulari, Ecclesia plenius certificari possit de eodem. In contrarium facientes, suspensionis ab Officio & Beneficio sententiam ferimus in his scriptis.

C. XII. *De Cautionibus recipiendis in mortis articulo ab absolvendis.*

Item præcipimus, statuimus, & mandamus sub pœna suspensionis ab officio, quam in contrarium facientes ferimus in his scriptis, quod si quis Rector Parochialis Ecclesiæ nostrarum civitatis, & Diœcesis, aut ejus vices gerens, aut alius Presbyter Nobis subditus, cui Parochiam suam excommunicatum majoris excommunicationis sententia, juxta constitutionem, Parochiano, à felicis Rec. GREGORIO PAPA Nono editam, in mortis articulo incumbit absolvere; prius, quam eum absolvat, idoneam cautionem, id est, fidejussoriam, vel pignoratitiam, si poterit: alioqui juratoriam recipiat de satisfaciendo parti, & excommunicatori, & parendo juri intra mensem, si convaluerit. Alioqui intra mensem post ejus mortem, per suos fidejussores, qui se ad id obligabunt bona fide, aut per traditionem, & venditionem pignorum receptorum, ad quod idem excommunicatus, ejusque hæredes, si & qui præsentēs fuerint, consentient expresse, quodque etiam idem Rector seu Presbyter absolvens, intra dictum mensem præmissa omnia, & singula cum nominibus, & cognominibus excommunicati sic absoluti, & fidejussorum ejusdem, nec non qualitatem, valorem, & æstimationem pignorum receptorum (quid super his opus sit facto, sciscitaturus) parti ad cujus instantiam talis processit excommunicationis sententia (si commode ipsius copiam habere poterit) ac Officiali nostro, & Sigillifero Curiae Colonien-sis fideliter quantocius non differat intimare.

C. XNI. *Quod moniti ab Officiali Coloniensi, nisi intra terminum monitionis satisfecerint, sunt excommunicati.*

Item Statuto & præcepto felicis Recordationis D. HENRICI Prædecessoris nostri in hærentes, quod incipit, *Item*

cum plures, &c. præcipimus sub excommunicationis pœna, & mandamus, ne quis monitus auctoritate nostra, seu Officialis nostri (ut intra certum peremptorium terminum expressum, parti de expensis, vel interesse, vel alias, & Nobis seu Officiali nostro de contemptu, vel alias, ubi ex officio procedi contingit, satisfaciat competenter: alioqui, quod dicto termino lapsso, excommunicationis sententiam, in ipsis literis, & scriptis latam incurrat) transacto hujusmodi termino, nullatenus pro absoluto (taliter monitus) a dicta excommunicationis sententia, sed potius pro excommunicato teneatur, nisi literas absolutio-nis super hoc exhibuerit competentes: etiam si forte interveniente amicabili compositione inter partes, termino hujusmodi monitionis pendente, pars acquiescat adversa: vel ipsas literas excommunicationis subtrahi, furripere, vel etiam (ut frequentius factum didicimus) studiose lacerari contingat.

C. XIV. *Contra injectores manuum in Clericos, vel minas, vel aliis damna Ecclesis aut personis Ecclesiarum in quibus Beneficiati sunt, inferentes.*

Item licet statutum, quod incipit: *Item cum magnum sit scandalum*, dudum per felicis Record. Dominum HENRICUM, Prædecessorem nostrum, ejusque Suffraganeos in Provinciali Concilio Coloniensi editum contra Clericos, sacrilegium in Clericos committentes, manus mittendo violentas, aliquantulum sit provisum: tamen futuris periculis, quæ in aliis partibus (quod dolenter referimus) in hoc casu novimus accidisse, occurrere cupientes, præcipimus & mandamus omnibus & singulis tam Cathedralis, quam aliarum Ecclesiarum Collegiarum nostræ civitatis & Diœcesis, sub pœna suspensionis, quam in Capitulum singularem personarum ferimus in his scriptis, si secus fecerint, ut intra quatuor menses a tempore publicationis hujusmodi nostri mandati, juramento quod per novum Canonicum, vel alium, ibidem Ecclesiastico vel laicali officio intitulandum vel intitulatum, tempore receptionis suæ in Canonicum & in fratrem, locum, vel intitulatum, de consuetudine ipsius cujuslibet Ecclesiæ præstari

stari consuevit, inter cætera Capitula in hujusmodi juramento descripta, interferant & inscribant, interferi & inscribi, & annexi faciant hanc clausulam, quod ipse Canonicus, vel talis intitulatus, in nullam personam ejusdem Ecclesiæ suæ, cujuscunque ordinis vel conditionis existat, in ipsa Ecclesia beneficiatam & intitulatam, aut quæ alias de ejus gremio fuerit, eam capiendo, occidendo, vel aliis injuriis enormibus lethaliter afficiendo, non sœviet per se vel alium, publice vel occulte, animo suspecto & diffinito consilio scienter, nec eidem, nec Ecclesiæ suæ in bonis & rebus violenter inferat damna incendiis, & rapinis, debito justitiæ & juris executione contentus. Istudque Capitulum, inter alia per hujusmodi Canonicum novum vel intitulatum præstari facient sine fraude, ut sic sinistra in cogitatione voluntas cautius reprimatur, ne in actione postmodum periculosius dominetur. Quod si præstare noluerit vel reculaverit, suspensionis sententiam, quam a perceptione fructuum beneficii (propter quod in ipsa Ecclesia juramentum est præstiturus) ferimus in his scriptis, autoritate præsentis nostræ ordinationis & mandati se noverit incidisse.

C. XV. *Ut servitores Dominorum Ecclesiasticorum, possint deferre vestes Clericis prohibitas.*

Item cum per nonnulla statuta Prædecessorum nostrorum, & Nostra, Clerici vestes panni certi coloris tincti deferre (si secus fecerint pœnas & sententias in ea parte latas incursum) districte prohibeantur: decernimus & declaramus ex certa causa, hujusmodi statuta, mandata, pœnasque & sententias Clericos, qui ex largitione vel munificencia nostra, vel aliorum Principum, seu Dominorum Ecclesiasticorum, quorum familiares vel servitores existunt, vestes hujusmodi coloris prohibiti forsân deferentes, non complecti, & locum in eis non habere.

C. XVI. *Quod quilibet tenetur in anno semel confiteri, & Sacramentum Eucharistiæ a proprio accipere Sacerdote.*

Item statutum bonæ memoriæ Domini HENRICI Prædecessoris nostri,
Tonus IV. Concil. German.

seu præceptum, quod incipit: *Canonum, quorum sumus executores &c.* in quo mandato præcipit, ut omnis utriusque sexus fidelis Dicecesis Colonienfis, postquam ad annos discretionis pervenerit, omnia sua peccata [prout in Concilio generali perstringitur] suo proprio Sacerdoti, si ea alteri legitime confessus non fuerit, saltem semel in anno, fideliter confiteatur, & injunctam sibi penitentiam pro viribus studeat adimplere; suscipiens reverenter ad minus in festo Paschæ annis singulis Eucharistiæ Sacramentum, nisi forte de proprii Sacerdotis consilio, ob aliquam causam rationabilem, ad tempus ab ejus perceptione duxerit abstinentium, repetendo præsentibus innovamus. Per hoc tamen, quin Prædicatorum, Minorum, & aliorum Ordinum Fratres, & alii, quibus ex privilegio vigore Constitutionis: *Dudum &c. in Concilio Viennensi editæ*, vel alias id competit, confessiones sibi confiteri volentium, libere liciteque audire, ac eisdem penitentias imponere salutare, nec non eisdem beneficium absolutionis (nisi in casibus Episcopis specialiter reservatis) juxta formam constitutionis prædictæ impertiri valeat, nullatenus derogando.

C. XVII. *Ne Clerici uxorati vel bigami, in spiritualibus causis judicent.*

Item statutum seu mandatum dicti quondam Domini HENRICI, quod incipit: *Item ut erroribus &c.* mandans, ut nullus Clericus uxoratus vel bigamus, sub quocunque colore quæsito in causis Ecclesiasticis vel Spiritualibus, judicare aut jurisdictionem exercere præsumat, declarans & decernens, si secus factum fuerit, irritum (prout est) inane, repetendo præsentibus innovamus.

C. XVIII. *De Fructibus Beneficiorum, ex causa permutationis aut alias vacantium.*

Item felicitis Record. Domini WALRAMI Prædecessoris nostri statuta, mandata, & præcepta per ipsum edita, quorum primum incipit: *Omnium malorum radix &c.* & statutum ejusdem, quod incipit: *Item quia causas &c.* cum ejus modificatione, quæ incipit: *Cum novus morbus &c.* in quibus, ne Ecclesiæ, dum eis vacantibus, fructus Beneficiorum vacantium in eisdem, ad certos annos
u sui

iusui Ecclesiæ vel defuncto debitos, ad alios usus indebite, & aliquando plus debito tempore, & ultra tempus debitum convertuntur, non sine gravi cultus Divini detrimento, debito ministrorum destitutæ diutius deplorent obsequia, opportuno subvenitur remedio.

Item statutum ejusdem Domini WALRAMI, quod incipit: *Item nonnullæ &c.* per quod contra abusum, quo se nonnulla Capitula Ecclesiarum defendere conantes, contendunt, ubi via permutationis legitimæ aliquis Beneficiatus in alterius locum transfertur, per biennium debere expectare, priusquam fructus Beneficii permutati in eorum Ecclesia percipere valeat, eos fructus sibi usurpantes, quamvis in in cuius locum talis Beneficiatus transfertur, seu translatus est, suæ expectantiæ tempus pro non modico temporis cursu, transacto, juxta consuetudinem Ecclesiæ ipsius jam compleverit, salubriter providetur. Item statutum seu mandatum ejusdem quondam Domini WALRAMI, quod incipit: *Insuper ipsas Ecclesias &c.* cum ejus innovatione, quæ incipit: *Nuper fidentes &c.* quod quidem statutum callidis machinationibus aliquorum Capitulorum Ecclesiarum Collegiatarum Civitatis & Diocesis Colonienfis prædictæ, quæ Clericos simplices, impetrantes Canonicatus & Præbendas in eorum Ecclesiis, dum vacant, allectos inducunt, propter juramentum, quod de observandis consuetudinibus Ecclesiæ suæ præstiterant, ut constitutione extravagante Domini JOANNIS PAPÆ Vigésimi secundi: *Suscepti Regiminis*, & ejus Beneficio non utantur: quinimo quod etiam expresse renuntient eidem; debitæ provisionis remedium apponit, ipsaque innovatio statuti seu mandati, pœnas & sententias adjicit. Item statutum ejusdem quondam Domini WALRAMI archiepiscopi, quod incipit, *Statuimus tamen &c.* quod permittit & facultatem concedit libere permutantibus, si voluerint fructus Beneficii duorum annorum expectantiæ suæ pro tribus libris grossorum Turonensium monetæ suæ, aut valore eorundem, seu fructus Beneficii unitus anni expectantiæ consuetæ XXX. solidis ejusdem monetæ redimere, convertendis in utilitatem Ecclesiæ, & ornatum, ac fabricæ usum. Nec non statutum seu

mandatum præfati Domini WALRAMI quondam Archiepiscopi, quod incipit: *Dudum Pyrioribus &c.* in quo quidem statuto & mandato idem Dominus WALRAMUS in omnes & singulas personas, impedimentum præstantes, vel difficultatem ingerentes, quo minus dicti permutantes, in singulis Ecclesiis, in quibus hujusmodi factam constat esse permutationem, fructus Beneficiorum duorum annorum vel unius, ut præferatur, & pro summa superius taxata, redimere poterunt, & ad hujusmodi redemptionem libere admittantur, excommunicationis sententiam tulit, Canonica monitione præmissa, & in scriptis: quam excommunicationis sententiam, si per duodecim dies continuos contumaciter sustinerent, si quidem personæ ipsæ, Capitulum constituentes, seu major pars ipsius Capituli fuerint; extunc Ecclesiam ipsam, cujus personæ, ut præmittitur, rebelles fuerint, gratia prædicta expectantiarum & privilegio, in eisdem scriptis penitus spoliavit, & privavit, exnunc innovamus: eaque & contenta in eisdem, sub pœnis & sententiis in eisdem expressis, quas Canonica monitione præmissa, exnunc ferimus in contradictores & rebelles in his scriptis, præcipimus, & mandamus firmiter observari. Præfata quoque statuta, mandata, & præcepta cum suis pœnis & sententiis, ibidem & per Nos latas, ad impetran-tes, quo ad redemptionem duorum annorum, vel unius pro summa trium librarum Turonensium grossorum, vel XXX. solidorum Turonensium grossorum monetæ nostræ faciendam, & ad quæcunque Monasteria sæcularia & Regularia, in quibus Canonicatus & Præbendæ sæculares, & pro personis & Clericis sæcularibus fundati sunt, & consistere dignoscuntur, extendimus per præfentes.

C. XIX. *Contra illos, qui in Consistorio Ecclesiastico deliquerint contra Officiale, Advocatos, vel Procuratores.*

Item statutum seu mandatum bonæ memoriæ Domini HENRICI Prædecessoris nostri, quod incipit: *Item omnes illos &c.* per quod quidem mandatum seu statutum fertur excommunicationis sententia in omnes & singulos, qui

in Consistorio nostro Colonienſi, dum Officialis noſter ibi vel alibi, aut ubiquis alius Officialis juridiſtionem habens, præſederit pro juſtitia reddenda, in Advocatum, Notarium, aut Procuratorem, aut Officiarium Curie noſtræ vel ipſius, manus temere injeſcerint violentas, & in quoscuſque qui ad id dederint conſilium, auxilium vel favorem: & ſi tales excommunicati, animo pertinaci & contumaciter per triduum ſuſtinerint excommunicationis hujusmodi ſententiam, minime ſatisfaciendo, nec emendam præſtando condignam, ad denuntiati- nem noſtri Officialis, vel alterius Officialis prædictorum, in Parochia, ubi & in qua tales delinquentes Parochiani extiterint, ceſſari præcipitur a Divinis: innovamus, & in eos, qui taliter exceſſerint, ſententias excommunicationis, Canonica monitione præmiſſa, ferimus in his ſcriptis, volentes in eorum Parochiis, modo & forma ſupradictis, ceſſari a Divinis, quouſque præſtiterint emendam condignam.

C. XX. *Quod omnes habeant Copiam Statutorum Colonienſium.*

Cæterum omnia & ſingula ſtatuta Prædeceſſorum, uſu & moribus utentium recepta & uſitata, quæ Canonum conſtitutionibus, ac Sanctorum Patrum, & Regularibus non obſtant inſtitutis,

innovamus, & ea firmiter & inviolabiliter ſtatuyendo obſervari mandamus: præcipimusque nihilominus ſub excommunicationis pœna omnibus & ſingulis Eccleſiarum Parochialium Rectoribus, ſeu eorum vices in hac Synodo gerentibus, ut omnium & ſingulorum ſtatutorum Colonienſis Eccleſiæ & Prædeceſſorum noſtrorum, quæ nunc expreſſe cum inſerſione & recitatione effectus & vigore eorum innovamus, recitari facientes, ſi ea non habuerint: nec non eorum ſtatutorum & mandatorum per Nos editorum, & quæ nunc fecimus, & mandamus publicari, copiam ſolicite recipiant & procurent intra duos meſes a tempore publicationis eorundem, vel quanto citius (intra tamen dictum tempus) habere potuerint. Capitula vero & Conventus Sæcularium & Regularium Eccleſiarum & Monasteriorum, eadem ſtatuta innovata (ſi non habuerint) & mandata Prædeceſſorum noſtrorum, atque Noſtra, fideliter tranſcripta, intra tres meſes a publicationis tempore prædicto ſtudeant obtinere, in armariis Eccleſiarum ſuarum ſub ſida cuſtodia cautius obſervanda, ne quis ignorantiam eorum poſtmodum ſupine forſan allegando, ſe ab eorum obſervatione debita valeat excuſare. Datum ſub ſigillo noſtro, præſentibus appenſo, Anno Domini MCCCCLXXI. caſtino B. Remigii Confeſſoris.

Quod Curati intra meſem reſideant in Beneficiis ſuis curatis, & indicitur Synodus proxima.

FRIDERICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHI-CANCELLARIUS, UNIVERSIS ET SINGULIS, TAM SÆCULARIBUS, QUAM REGULARIBUS, ECCLESiarum ET MONASTERIORUM ABBATIBUS, PRÆPOSITIS, PRÆLATIS, PRIORIBUS, DECANIS, COLLEGIIS, CONVENTIBUS, PLEBANIS, EORUMQUE VICES GERENTIBUS, CÆTERISQUE BENEFICIATIS, ET CLERICIS, ET RELIGIOSIS, CUJUSCUNQUE STATUS, CON-
DITIONIS AUT ORDINIS EXISTANT, CIVITATIS ET DIOECESIS COLONIENSIS,
NOBIS SUBDITIS, SALUTEM IN DOMINO SEMPTERNAM.

AD audientiam noſtram ſida relatione pervenit, quod nonnulli Eccleſiarum Collegiatarum & Monasteriorum utriusque ſexus Prælati, nec non Eccleſiarum Parochialium Rectores, noſtrarum civitatis & Dioceſis Colonienſis, ipſas Eccleſias & Monasteria deferentes, in aliis locis reſident, contra ſacrorum Canonum Sanctiones: propter quod curæ animarum & diſciplinæ Eccleſiaſticæ

ipſis commiſſæ, multipliciter detrahitur, ac eorum ſubditi, & Eccleſiæ, & Monasteria, in ſpiritualibus & temporalibus damnabiliter defraudantur. Nos igitur huic morbo tam deteſtabili, quam pernicioſo medelam adhibere cupientes, omnibus & ſingulis Eccleſiarum & Monasteriorum Prælatiſ utriusque ſexus, curam animarum habentibus, per quos in ipſis Eccleſiis & Monasteriis Eccleſia-

stica disciplina gubernatur, ac Ecclesiarum Parochialium Rectoribus, nostrarum civitatis & Diœcesis prædictarum, districtè præcipiendo mandamus, quatenus intra unius mensis spatium, a data præsentium computandum, ad suas Ecclesias & Monasteria, in quibus Prælati & Rectores existunt, revertantur, & de cætero personaliter continue resideant in eisdem, onera seu officia ipsis vigore Prælaturarum suarum, seu Regiminis incumbentia, auctore Domino, feliciter gubernando. Quod si quis eorum secus fecerit, dicto mense elapso, Canonica monitione præmissa, ipsum excommu-

nicationis sententiam (quam pro nunc, prout extrunc ferimus in his scriptis) incurrere volumus ipso facto, alias pœnas nihilominus eidem, prout ipsius contumacia seu protervitas exegerit, inflicturn: absolutionem autem omnium & singulorum, qui dictam excommunicationis sententiam incurrerint, Nobis specialiter reservantes. Et ne aliquis prædictorum aliquam ignorantiam protendere valeat in præmissis, volumus in proxima instanti Synodo nostra Colonia celebranda, publicari. Datam Lechnich sub Sigillo nostro præsentibus in testimonium appenso, anno ut supra.

SYNODUS COLONIENSIS

Anno Christi MCCCLXXII. Gregorii XI. Papæ II. Caroli IV. Regis XXVI.

SUB FRIDERICO III. ARCHI-EPISCOPO COLONIENSI.

Tenor Privilegiorum Cleri Coloniensis.

FRIDERICUS, DEI GRATIA, SANCTÆ COLONIENSIS ECCLESIAE ARCHI-EPISCOPUS, SACRI IMPERII PER ITALIAM ARCHI-CANCELLARIUS, DILECTIS VOBIS IN CHRISTO PRIORIBUS, PRÆLATIS, AC UNIVERSO CLERO CIVITATIS ET DIOECESIS NOSTRARUM COLONIENSIS, SALUTEM IN EO, QUI EST OMNIUM VERA SALUS.

JUSTIS petentium desideriis, dignum est Nos promptum facilemque præbere auditum: & vota petentium, quæ a rationis tramite non discordant, affectu prosequente complere. Eapropter petitiones vestras Nobis nuper oblatas, benigno prosequentes affectu, gratiose vobis omnibus, & singulis omnem indignationem, si quam contra vos, vel aliquem vestrum, communiter vel divisim, unquam concepimus, ex puro corde omnino remittimus, & medullitus indulgemus, vobisque omnia privilegia, omnesque immunitates, libertates & gratias, a Prædecessoribus nostris vobis concessas, & Ecclesiarum consuetudines licitas & honestas, confirmamus, & præsentis paginæ scripto innovamus. Vo-

bisque nihilominus infra scriptas libertates & privilegia, ad amicitia mutuæ & conventionis reciprocaë compaginem indissolubili glutino connectendam, liberaliter concedentes:

C. I. *Inprimis*, quod omnes & singuli Officarii nostri, qui nunc sunt, & qui in posterum per Nos creabuntur, inter alia in juramento ipsorum contenta, coram Nobis & nostris, nomine Cleri, Civitatis & Diœcesis nostrarum Coloniensis, juramentum hujusmodi recipientibus, jurabunt specialiter & expresse, quod personas, res, & bona Ecclesiastica, tempore administrationis suæ, pro posse suo defendent, nullasque talias & exactiones ab eis recipient, collectasve imponent, nec libertates eorum impident, vel

Fridericus, Archi-Episcopus Coloniensis, h. a. Diœcesin suam ingressus, pacem in urbe inter Magistratum & Cives conciliavit, eosque adduxit, ut Consultum adversus Cleri libertatem editum rescinderent. Subinde ad Clerum formandum postmodum Remigii celebrem Diœcesis Synodum evocavit, in qua tum vetera Episcoporum Decreta renovata, tum multis novis additis Cleri & populi disciplinam in melius composuit. *Schætenus Annal. Paderborn. T. II. pag. 382. ad annum 1371.*

vel perturbabunt. Et si contrarium (quod absit) per eos, eorumve subditos, vel familiares actum fuerit, intra unius mensis spatium, requisiti ex parte ipsorum, qui passi sunt injuriam, de præmissis condignam præstent emendam: extunc denuntiatione Nobis facta, ipsos a suis Officiis, & administrationibus depouimus: & nihilominus contra eos, ne quovis modo transeant impuniti, per statuta Ecclesiæ nostræ Colonienfis secundum ipsorum seriem procedatur.

C. II. *Item* volumus, & præsentibus indulgemus, quod bona Ecclesiarum, & Ecclesiasticarum personarum communiter vel divisim, quæ negotiationis causa minime deducuntur, per loca, ubi ex parte nostra telonium recipitur seu vectigal, transeuntia, sine protractione per telonarios nostros transire, expedite & libere permittantur: ita tamen, quod ipsis telonariis fides fiat per literas Capitulorum Colonienfis, quorum bona deducuntur, sub sigillis ipsorum, inserto in eisdem literis, quot carratæ vini, vel quantitates bonorum aliorum, ex parte ipsorum & nomine deducantur, & nihilominus per juramentum deducentis bona hujusmodi, comprobentur dictarum personarum ea bona esse, nullis aliis vinis seu bonis intermixtis, quorum nomine deferuntur. Dicti etiam telonarii nostri, qui nunc sunt, & qui in posterum per Nos creabuntur, jurabunt in Capitulo Colonienfi, vel super juramento alibi præstito, de præmissis observandis dabunt literas apertas, depositionis, & præfatas statutorum pœnas subituri, si contrarium fecerint, quod in articulo proximo est expressum.

C. III. De Testamentis Clericorum.

Adjungentes præmissis, quod quilibet Prælati, & Clerici nostrarum civitatis & Diocesis Colonienfis prædictarum, coram duobus vel tribus testibus fide dignis, suum testamentum, seu ultimam suam voluntatem de bonis suis quibuscunque libere valeat ordinare: habeantque testamenta, & voluntates hujusmodi & ipsorum executiones, absque cujusquam impedimento vel obstaculo, roboris plenitudinem efficacem.

C. IV. De Visitatione.

Et ut Clerus civitatis nostræ Colonienfis, peculiari munificentia nostræ gaudeat prærogativa, ipsis, si Nos eos visitare contigerit, ab hinc ad sexennium, procuraciones remittimus per præsentem

Prælati & Clerici, qui, quibus sub Judicibus conveniendi.

Insuper ut statui Prælatorum, & Cleri nostrarum civitatis & Diocesis Colonienfis prædictarum, per Nos uberius (quod summe appetimus) consulatur, jugique memoria perennetur idem status, præsentibus declaramus, Prælatos & Priores civitatis & Diocesis Colonienfis prædictarum, auctoritate ordinaria non posse aliter conveniri, nisi coram Nobismetipsis, & secundum eorum consuetudinem hæcenus observatam: quodque Canonici Ecclesiarum Collegiarum civitatis Colonienfis, ab Officiali nostro & aliis Ordinariis Judicibus, ad Decanos suos, pro quibuslibet causis conventi, remitti debeant hoc petentes: nec alias auctoritate ordinaria judicari valeant, nisi in defectu justitiæ per Decanos & Capitula expedite reddendæ, secundum eorum consuetudinem hæcenus observatam.

C. V. Quia, prohi dolor, novis machinationibus laici Clericis de die in diem amplius sunt infesti; contra novos morbos nova medicamenta cogimur præparare. Idcirco ad eximendum Clerum nostrum in præmissis, & liberandum eundem, statuta Prædecessorum nostrorum volumus recenseri, corrigi, & emendari addendo & subtrahendo, & etiam acuendo pœnas in eis contentas, prout Cleri utilitas hoc suadebit, Officialem nostrum, qui pro tempore fuerit, executioni dictorum statutorum efficaciter, & fideliter deputaturi; nec per Nos, nec per dictum Officialem, vel quemcunque alium, hujusmodi executionem revocaturi, vel etiam relaxaturi simpliciter, vel ad tempus, nisi laeso secundum eorumdem statutorum tenorem fuerit satisfactum.

C. VI. Insuper etiam vobis omnibus & singulis bona fide permittimus per præsentem, quod vos singulos & universos, tam in personis, quam rebus redditibusq; proventibus & obventionibus ve-

stris quibuscunque, omnibus modis, quibus poterimus, defensabimus, & tuebimur, & conservare studebimus effective. Et quod contra læsores & injuriatores vestros, ac libertatum & immunitatum vestrarum turbatores, cujuscunque status aut præeminentiæ existant, & præsertim contra eos, qui de bonis vestris, quæ per loca quæcunque negotiationis causa minime deferuntur, telonia, pedagia, seu vectigal extorquent, duriori qua poterimus acrimonia, brachiique nostri sæcularis potentia procedemus, dum super his per aliquem vestrum in præmissis læsum, fuerimus requisiti.

C. VII. Et quia ex conquisitionibus vestris nuper accepimus, quod Ecclesiæ, Monasteria & personæ Ecclesiasticæ nostræ jurisdictionis, in suis curti- bus per Dominos temporales, ac interdum per nostros Officiarios, in vecturis & aliis oneribus quam plurimum prægravantur: igitur sinceritatibus vestris præsentibus bona fide promittimus, quod super his perpenso consilio vias & modos excogitabimus, ut Vos Ecclesiæque vestræ, & Monasteria prædicta hujusmodi oneribus indebite, & excessive non graventur.

C. VIII. Etiam vobis omnibus & singulis benigna provisione prospiciemus, quod Clerici & personæ Ecclesiasticæ quæcunque, dum (ut interdum evenit) relaxationes interdictorum Ecclesiasticorum, in Ecclesias suas vel loca autoritate nostra, aut statutorum Ecclesiæ nostræ latorum, impetrare coguntur, per Sigilliferum Curie nostræ pro tempore existentem, indebite non aggraventur exactionibus importunis.

Cæterum vobis omnibus & singulis prædictis, bona fide præsentibus, promittimus, quod vobis omnes immunitates, libertates, privilegia, & gratias vobis per Nos concessas & concessa, effectualiter & firmiter observabimus, & per nostros Officiarios quoscunque inviolabiliter mandabimus & faciemus observari.

C. IX. De Decimis.

Promittimus insuper, quod quancunque a Collegiis & Clericis, nostræ jurisdictioni subiectis, Decimam seu De-

cimas recipere nos continget, quod pro ipsis Collegiis, ipsorumque Dignitatibus & Officiis, ac Ecclesiis Parochialibus & Capellis, ipsis unitis & annexis, ulteriorem solutionem Decimarum non exigemus, aut exigere faciemus, nisi prout ipsa Collegia hæcenus Decimas solvere consueverunt.

Præmissis etiam ad benevolentiam vestræ exuberantiam pleniorē, gratiosè duximus annektendum, quod nec Nos, nec Officarii nostri in comitatu de Hylkenrode, vel aliis territoriis Nobis subiectis, a Nobis deputati, vel etiam deputandi, de bonis seu terris Ecclesiarum, Decimas Nobis nunc solventium, exactiones seu tallias extorquebimus, seu extorquebunt.

C. X. De penis in Hylkenrode.

Et nihilominus Coloni Ecclesiarum & Monasteriorum in comitatu Hylkenrode, pro pœna, quæ vulgariter dicitur *Wedde*, septem solidos & sex denarios tantum solvent; nec ad aliam penam judicariam, quæ *Wedde* dicitur, ratione possessionum, terrarum, seu bonorum Ecclesiarum & Monasteriorum prædictorum tenebuntur, nisi pœna sanguinis sint plectendi, vel pœnam quæ *Höwedde* dicitur, incurrerint, quas luent, sicut in aliis territoriis observatur.

Item si contingeret Nos decimas intra sex annos a Sede Apostolica impetrare, nos illas defalcabimus de decimis, nobis nuper per vos concessis.

Item si contingeret vos vel ecclesias vestras bonis vestris spoliari, nos decimas nobis per vos concessas moderabimur sic, ut ipsarum solutio vobis non existat nimium onerosa.

C. XI. De Decimis Papæ.

Si vero Dominus noster Summus Pontifex Decimas sibi dari vellet, Nos ad evadendum, seu ad mitigandum ipsarum solutionem, vobis consilio & auxilio assistemus, in quantum absque Sedis Apostolicæ injuria possumus & offensa. In quorum omnium robur & testimonium, Sigillum nostrum majus præsentibus duximus apponendum. Datum Colonie anno Domini Millesimo trecentesimo septuagesimo secundo, die vigesima sexta mensis Augusti.

CONCILIIUM MONASTERIENSE

SUB FLORENTIO EPISCOPO,

Anno Christi MCCCCLXX. Gregorii XI. Papæ I.
Caroli IV. Regis XXIV. xxv. Martii.

Statuta Synodalia Reverendi in Christo Patris & Domini, Domini FLORENTII, Episcopi MONASTERIENSIS, feliciter incipiunt: PRIMUM: quod omnes utriusque sexus semel in anno confiteantur integre omnia sua peccata proprio Parochiali, & ab eodem capiant Eucharistiæ Sacramentum, & quod Fratres mendicantes non habent ampliolem potestatem in audiendis Confessionibus, quam Curati.

FLORENTIUS, DEI gratia, Monasteriensis Episcopus. Dudum pie memoriæ Dominus EVERHARDUS Monasteriensis ecclesiæ Episcopus, Prædecessor noster, Statutum Synodale Dicecesanum in Synodo sua Generali Dicecesana fecit, & statuit: quod omnes Sacerdotes Parochialium ecclesiarum frequenter & diligenter admoneant suos subditos utriusque sexus homines: "ut postquam ad annos discretionis pervenerint, omnia peccata sua integre, & ad minus semel in anno confiteantur proprio Sacerdoti Parochiali, & injunctam eis poenitentiam studeant adimplere, suscipiendo reverenter in Pascha ad minus Eucharistiæ Sacramentum, nisi de consensu proprii Sacerdotis ob aliam quam rationabilem causam duxerint abstinendum, alioquin viventes, ab ingressu Ecclesiæ arceantur, & morientes, Christiana careant sepultura." Quod quidem Statutum de Concilio & consensu Capituli nostri Monasteriensis approbamus, & confirmamus, ac renovamus, ac volumus inviolabiliter observari, vobis, & cuilibet vestrum districte præcipiendo injungimus, quatenus frequenter & publice de ambone infra Missarum solemniam, & extra, prout magis congruit, singulis diebus Dominicis & Festivis vestris subditis publice & materna lingua exponatis, seu ad eorum notitiam deducatis hujusmodi Statutum Synodale. Mandantes eosdem vestris subditis, & admonentes eisdem, quibus & Nos præsentibus in virtute sanctæ obedientiæ, & sub poena excommunica-

tionis mandamus, & monemus eosdem, ut contenta in hujusmodi statuto in omni sui forma observent: alioquin contrarium facientes, & nostris hujusmodi mandatis non obediens, in quantum rigorosius de jure poterimus, procedemus: quia in sacris Canonibus est scriptum, quod si quis venerit contra Decretum Episcopi, ab Ecclesia abiciatur. Cæterum declaramus & decernimus, quod si quis opinaretur, seu asserere conaretur, quod Fratres Minores, & Prædicatores, aut Augustinenses latiore, ampliolem, & majorem auctoritatem habeant absolvendi ipsos confitentes, quam ecclesiarum Parochialium Rectores, & Curati: & dictorum Ordinum Fratres haberent in mille casibus auctoritatem a peccatis absolvendi, in quibus Ecclesiarum Rectores absolvere non possent, nec deberent, quod hujusmodi opinio & assertio est erronea, & contra sacros Canones, & contra Statuta, & Decretum Papæ, prout expresse habetur in C. Dudum: quod alias incipit: Super Cathedram de Sepultura, & in C. Per hujus autem confessionem, ubi cavetur: Minores, Prædicatores, & Augustinenses ampliolem non habent potestatem in confessionibus, quam Curatis, & Parochialibus Sacerdotibus est concessa, nisi forsan eis Ecclesiarum Prælati, id est, Dicecesani uberiorem in hac parte gratiam specialiter ducerent faciendam. Vobis autem Plebanis, & Parochialium ecclesiarum Rectoribus, & Curatis præcipue districte præcipiendo mandamus sub poena suspensionis ab ingressu ecclesiæ, quam in vos, & quemlibet vestrum,

trium

trium dierum tamen monitione pro termino peremptorio præmissa, ferimus in his scriptis, si non feceritis, quod mandamus, ut copiam præmissorum infra sex dies a data præsentium continue currentes; ab Officiali nostro recipiatis, ac præmissa Parochianis vestris infra decem dies a data præsentium continue subsequentes, in Ecclesiis vestris publicetis, ne aliquam occasionem ignorantia super his præsumant, & prætendant, & quidquid in præmissis feceritis, ac nomina rebellium, seu monitorium, Nobis fideliter rescribatis, quorum absolutionem Nobis, seu Officiali nostro specialiter reservamus, in quorum omnium testimo-

nium sigillum nostrum, una tum sigillo Capituli nostri ad causas in signum sui consensus apposito, præsentibus est appensum. Et Nos Capitulum Ecclesiæ Monasteriensis recognoscimus, sigillum nostrum in signum consensus, una cum sigillo Reverendi in Christo Patris, ac Domini D. nostri FLORENTII, episcopi Monasteriensis, prædicti appendisse.

Datum anno Domini Millesimo CCC. LXX. in crastino Annuntiationis Beate MARIE Virginis.

Impressum Monasterii Westphaliæ in 4to anno 1486. Recusum a Lunig. Continuat. II. Spicilegii Ecclesiastici pag. 806.

Statutum aliud Domini FLORENTII de peregrinis euntibus in via sine licentia, & de locis interdictis & consimilibus.

FLORENTIUS Dei gratia, Monasteriensis Ecclesiæ Episcopus. Perniciosus quidem, intelleximus, in nonnullis nostræ Diocesis partibus abusus invaluit, quod loco aliquo ecclesiastico supposito interdicto, Parochiales loci interdicti ad vicinas Ecclesias, seu capellas contiguas pro Divinis audiendis officiis accedant, & ibidem indifferenter admittuntur, sacros Canones contemnendo; quod sicut juri con-

trarium, ita correctione dignum judicamus. Mandamus sub pœna excommunicationis firmiter observari præcipimus, ut diebus Dominicis & Festivis, & aliis, cum opus fuerit, Presbyteri quicunque antequam Missam celebrent, populum interrogent, si aliquis in Ecclesia seu Capella sit, qui de loco interdicto existat? quem, seu quos invenerint, statim ab Ecclesia ejicient.

Statutum: quod cessante Matrice Ecclesia cessabunt omnes alie a Divinis.

CUM vero in jure cautum extitit, quod non decet membra a capite distcedere, sed juxta scripturæ testimonium omnia membra caput sequuntur; Mandamus, & sub pœna prædicta præcipimus observari, cum nostra sponsa Monasteriensis Ecclesia a Divinis cessat officiis seu interdicta teneatur, ne censura incurratur Ecclesiastica, in cæteris locis sacratissimis a Divinis cessari dictæ nostræ Monasteriensis civitatis, & in continentiis Beneficiis nolumus apertis celebrari januis. Cæterum ad Nos fide dignorum perduxit relatio, famaque valida ac publica acclamante lucidius attestatur, nonnullos utriusque sexus homines Nobis subditos mole debitorum paupertatis prohdolor variarum excommunicationum sententiis laqueatos, atque oneratos frequenter itinera peregrinationis in diversis mundi partibus & locis facere, hætenus licentia Venerabilium Dominorum

Parochialium Ecclesiarum Rectorum minime petita, & obtenta præsumperunt. Cum autem iter peregrinationis non solum Clericis, Episcopi licentia non obtenta, sed etiam sit a jure prohibitum: mandamus, & præcipimus sub pœna superius expressa, ne deinceps subditi nostri itinera peregrinationis facere præsumant, nisi confessi petita & obtenta ab eorum Plebano licentia: quam licentiam excommunicatis & interdictis penitus denegamus concedendam. Presbyterum autem proprium, aut alienum Parochianum publice excommunicatum, vel interdictum, scienter ad aliquod Ecclesiasticum Sacramentum, vel Divinum Officium admittentem, seu contrarium facientem, ab Officio Divinorum, trium dierum monitione præmissa suspendimus: laicos vero inhibitioni & interdicti minime parentes, sed contrarium facientes, quos Nos Canonica monitione sex dierum præ-

præmissa (quorum duos pro primo, & duos pro secundo, & reliquos duos dies pro tertio & peremptorio ipsis, & eorum cuilibet assignamus in his scriptis) in nomine Domini excommunicamus, excommunicatos publice nunciatis: Sacerdotes vero attendant diligenter, contrarium facientes, & nomina illorum ad Nos, vel Officalem nostrum referant sub pœna superius expressa, ut debite puniantur, ne ab ipsis Sacerdotibus notam negligentiae requiramus; mandamus etiam universis & singulis Abbatibus, nec non Collegiatarum Ecclesiarum, & Curatarum Decanis, Prapofitis, Plebanis nostrarum civitatis & Diœcesis Monasteriensis, populum sub se habentibus, sub pœna excommunicationis,

quam infra octo dies a datâ præsentium continue sequentes, currere volumus, præmissorum copiam de verbo ad verbum sub sigillo Officialis tergatenus appresso; & omnia & singula subditis eorum frequenter publicent, & insinuent, ne præmissa per ignorantiam supinam atque crassam se excusare alicqualiter possint ignorasse.

Datum in Castro Wolbecke nostro sub sigillo. Anno Domini M.CCC. septuagesimo primo, decima quinta die mensis Martii.

Impressum Monasterii Westphalorum anno 1486. Recusum a Lunig. Continuat. II. Spicilegiu Ecclesiastici pag. 807.

Epistola I. URBANI Papæ VI. ad Archiepiscopum Coloniensem, ejusque Suffraganeos, denuntians CLEMENTEM ANTI-PAPAM, ejusque Electores Cardinales a se excommunicatos, esse vitandos.

URBANUS EPISCOPUS, SERVUS SERVORUM DEI, VENERABILIBUS FRATRIBUS ARCHIEPISCOPO COLONIENSI, EJUSQUE SUFFRAGANEIS, SALUTEM ET APOSTOLICAM BENEDICTIONEM.

Nuper cum vinea Domini Sabaoth S. videlicet R. E. ventrem dole-ret, & amaricatis visceribus gravia emit-tere suspiria cogeretur ex eo, quia filios uteri sui, quos enutriverat, & de infi-mis ad culmina dignitatum extulerat, videlicet iniquitatis & perditionis alum-nos, Robertum olim Basilicæ duodecim Apostolorum vulgariter dictum Gebennensem, Joannem olim tituli Sancti Marcelli, vulgari-ter dictum Ambianensem, Gervaldum olim tituli Sancti Clementis vulgariter dictum ma-joris Monasterii, Presbyteros, & Petrum

(a) olim Sancti Eustachii Diaconum, Car-dinales conspiciebat matris ubera sperne-re, & a rectitudinis tramite deviare, & non solum leges & monita materna despicere, sed eorum matris uterum, quan-tum in eis erat, viperinis moribus (b) amatibus (c) laniare, & quod ipsi inconsu-tilem Domini tunicam scindere satagen-tes, scandalorum & scismatum semina-ria præparabant, ac famæ suæ præligi, & honoris proprii persecutores effecti, non tantum se ipsos nexibus peccatorum in-volvere, sed in reprobum sensum ducti alios

(a) Petrus de Luna electus a schismaticis Cardinalibus anno 1394. sub nomine Benedicti XI. vel XII. vel XIII. sedit Paniscolæ in Catalonia annis fere XXX. contra veros Pa-pas ad annum 1424.

(b) Avenione cepit schisma sub nomine Clementis VII. contra Urbanum VI. Obiit hic Antipapa anno 1394. Robertus antea dictus, Filius Comitis Gebennensis.

(c) forte: amarissimis.

alios secum ad præcipitum trahere conabantur. Nos qui Divina disponente clementia prædictæ vineæ sollicitudinem & curam gerebamus, prout gerimus, adversus huiusmodi prætergredientes veritatis & fidei rectæ semitam, & prævaricationem addentes, ut eandem vineam demoliri in virtute Altissimi de Fratrum nostrorum consilio decrevimus exurgendum, & contra ipsos & nonnullos alios adhærentes ac faventes inferius nominatos per infra scriptum modum mediante iustitia duximus procedendum. Siquidem cum prædicti nequam viri, nescientes in semitis iustitiæ dirigere gressus suos, & timorem Dei præ oculis non habentes, contra conspirationes, colligationes & machinationes diversas facere, & in Ecclesia Dei schisma & divisionem ponere, & civitatem nostram *Anagninensem*, & *Castrum sancti Angeli de urbe*, & nonnulla alia castra, terras & loca Nobis & dictæ Ecclesiæ subiecta occupare, & occupari facere, & illarum occupationibus auxilium, consilium, & favorem præbere præsumpissent, & præsumerent, & insuper, ut dictam civitatem & alias terras Provinciæ nostræ Campaniæ facilius occupare, & occupata detinere, & alios ad consentiendum eorum iniquis voluntatibus & operibus violentè attrahere possent, magnam multitudinem gentium armigerarum, qui *Britones* & *Vascones* nuncupantur, ad dictas civitatem & Provinciam venire fecissent, & exinde quamplurima homicidia, sacrilegia, rapinæ, depopulationes, & alia mala ac damna & scelera fuissent subsecuta. Nos qui salutem zelabamur illorum, sperantes illos ad cor reverteros, & viam iustitiæ repetituros, eos per Venerabilem Fratrem *Petrum Episcopum Portuensem*, & Dilectos Filios nostros *Simonem* &c. tales Cardinales, pluries per diversos alios probos Prælatos, ac magnæ authoritatis viros, ac etiam per literas nostras iteratis vicibus, ut ad viam veritatis & iustitiæ redire, & ab huiusmodi erroribus resipiscere vellent, duximus exhortandos, ac requirendos. Sed præfati nequam viri in sua pertinacia & superbia obstinati, post monitiones & exhortationes huiusmodi contra Nos, antea in urbe per ipsos & alios, ad quos

spectabat, in Papam electos, ac debitis & consuetis solennitatibus observatis inthronizatos, & publice coronatos (quibuscumque tanquam cum Papa, & Summo Pontifice, in Missarum solemniis, & consistoriis publicis ac privatis, consulendo & ordinando de Statu Romanæ Ecclesiæ ac Reipublicæ, recipiendo a Nobis Ecclesiastica Sacramenta, ac dignitates, ac Beneficia Ecclesiastica pro se & aliis a Nobis impetrando, per plures menses tractaverunt) diversos libellos diffamatorios fecerunt, & ad diversos Prælatos, & Principes mundi transmiserunt, & tandem in profundum descendentes maiorum, & cupientes sanctæ Mariæ Ecclesiæ scindere unitatem in *Civitate Fundanensi* cum quibuscumque aliis, quos cum machinationibus & diabolicis suggestionibus ad eorum impium propositum attraxerunt: congregati in domo iniquitatis filii Honorati Gaitani olim Comes (d) civitatis Fundorum, cum ipsius Honorati auxilio & favore præfatum Robertum temere eligendo *ANTI-PAPAM* fecerunt, ipsumque ausu sacrilego Papam nominare præsumebant, & præsumunt, ipseque Robertus se Papam nominare ausu temerario non pavebat, nec pavebat. Præterea cum etiam iniquitatis alumnus *Petrus olim Archi-Episcopus Avellanensis* & *Camerarius* noster dudum diabolico spiritu instigatus de urbe prædicta, ubi Nobiscum erat, sine licentia quasi furtive recessisset, & de Camera nostra quam plurima jocalia, & alias res & bona magni valoris & pretiosa, ad Nos, & ad Romanam Ecclesiam pertinentia secum asportasset, ad dictam civitatem Anagninensem se conferens, cum præfatis sceleratis viris *Roberto*, *Joanne*, *Geraldo*, & *Petro* olim Cardinalibus, diversas colligationes, & contra Nos conspirationes ordinare, & facere, ac ad conducendum dictas gentes armigeras ad dictam civitatem Anagninensem consilium, auxilium, & favorem præbere, & tam ipse, quam perditionis filii *Jacobus* olim Patriarcha Constantinopolitanus, *Nicolaus*, tales & tales Episcopi, ac etiam iniquitatis filii *Honoratus* Gaitanensis olim Comes Fundorum, *Antonius* olim Comes (e) Cifertanensis, *Franciscus de Vico* olim Præfectus urbis, *Joannes de Malestreck*, & tales

(d) lege: Comitibus

(e) forte: Cafertanensis.

tales ac tales in reprobum sensum dati, præfato Roberto *ANTI PAPÆ* adhære- re & favere, & eorum linguis transeun- tibus super terram, os in cælum ponere præsumentes, non fuissent veriti, (d) verentur publice asserere, & per alios asserere & prædicare, Nos non esse Papam & Romanum Pontificem, & eorum falsis & confictis mendaciis quam plurima & enormia mala de nobis dicere, & se ab unitate Romanæ Ecclesiæ separare, schisma & divisionem, quantum in eis erat, in Dei Ecclesia ponere.

Nos nequeunt absque gravi offensa Christi, & remorū conscientię tot & tantos excessus & scelera amplius tolerare, adversus præfatos sceleratos viros in virtute Altissimi de dictorum fratrum consilio, ut præmittitur, duximus extirgendum, & contra ipsos super præmissis procedendum, ac eis ad hoc legitime citatis, & aliis debitis solemnitatibus observatis, per nostram *diffinitivam sententiam* decrevimus ac declaravimus præfatos Robertum, Joannem, Geraldum, & Petrum olim Cardinales, nec non Jacobum olim Patriarchum, Petrum &c. tales ac tales laicos fuisse, & (e) etiam *SCHISMATICOS & APOSTATAS*, & contra Nos conspiratores, & blasphemos, & tanquam hæreticos puniendos, & reos criminis læsæ Majestatis, ipsosque propter præmissa fore excommunicatos, & anathematizatos, ac in pœnas & sententias contentas in processibus felicis recordationis JOANNIS XXII. & CLEMENTIS VI. summorum Pontificum Prædecessorum nostrorum contra occupatores & invalsores, & turbatores terrarum Ecclesiæ Romanæ factis: ac declaravimus, dictum Robertum, Joannem, Geraldum & Petrum olim Cardinales fu-

isse, & esse depositos, & ipsos deposui- mus a Cardinalatibus, commodo & honore. (*Et infra*) absolutione eorum, præterquam in mortis articulo, Romano Pontifici reservata. Et insuper decrevi- mus, quod quicumque aliquem prædi- ctorum scienter præsumerent ecclesiasti- cæ sepulturæ tradere, excommunicatio- ni subiaceant, a qua absolvi non possunt, nisi prius propriis manibus extumula- rent, & procul ejicerent ab ecclesiasti- ca sepultura corpora eorundem. *Et infra.* Qui vero contra præmissa, aut aliquid præmissorum facerent, seu qui præfatum Robertum, qui se Clemen- tem Papam nominat, scienter Papam nominarent, tenerent, crederent, seu prædicarent, aut ab eo quasunque gra- tias, indulgentias, privilegia, aut quæ- vis beneficia peterent, per se, aut per alium; si personæ singulares, excommu- nicationis, si vero Communitas, seu Uni- versitas fuerit, aut foret, interdicti sen- tentias incurrerent eo dicto. A qua qui- dem excommunicationis sententia ali- quis absolvi & interdicti hujusmodi ab alio, quam a Romano Pontifice relaxari non possent. Decrevimus quoque fore absolutos a debito fidelitatis homagii seu ligii, & alterius cujusunque obsequii omnes & singulos, qui eisdem damna- tis, superius nominatis, juramento, obli- gatione, promissione, vel quacunque firmitate vallato antea fuissent astric- ti: alias etiam pœnas eisdem damnatis infligimus, & a jure inflictas decrevimus in suo rubore duraturas. (*Et infra*) Datum Romæ apud Sanctam MARIAM trans Tyberim. VIII. Idus Novembris, Pontificatus nostri anni primo.

*Binius Concilior. Tom. III. Parte II.
pag. 823. 824.*

(d) forte: nec verentur.

(e) forte: & esse

Decretum ALBERTI III. Episcopi

Herbipolensis, latum in Synodo anni MCCCLXXIII.

ALBERTUS, Dei gratia, Episco- pus *Herbipolensis*. Tenore præsen- tium pateat universis, quod infrascripta, eorum recolendæ memoriæ, Domino OTTONE, episcopo Herbipolenti, Præ-

Tomus IV. Concil. German.

decessore nostro olim diffinita, & a No- bis in Synodo nostra nuper confirmata, (altercationibus inter Plebanos, seu Cu- ratos, ac Religiosos, præsertim quatuor Ordinum Fratrum Mendicantium, Sa-

T t t 2

cerdo:

cerdotes, hæstenuſ habitis in hac parte, deinceps ceſſare debentibus) per noſtras civitatem, & Diœceſim Herbipol. tenenda ſunt in modum, qui ſequitur:

I. Secundum Catholicam, & Canonicam veritatem, omnes utriusque ſexus Parochiani, tenentur, ſaltem ſemel in anno, peccata ſua Plebano ſuo fideliter confiteri, & etiam ab eo, ad minus in Paſcha, ſuſcipere Eucharistiæ Sacramentum, niſi ipſe Parochianus, de ſui Plebani licentia vel conſilio duxerit ab eo ad tempus abſtinendum; alioquin ipſe Parochianus & vivens ab ingreſſu Eccleſiæ arceatur, & moriens Chriſtiana careat ſepultura: Illi vero, qui prædictis Fratribus confitentur, non magis tenentur eadem peccata iterum confiteri, quam ſi illa alias confeſſi fuiſſent proprio eorum Sacerdoti, ſeu Plebano.

II. Item prædicti Presbyteri Religioſi Ordinum Mendicantium, non omnes quidem licentiam habent audiendi libere confeſſiones, & abſolutionis beneficium impendendi, ſed dumtaxat, qui a Superioribus ſuis electi, ad tam ſalubre officium exercendum, per patentes litteras noſtras fuerint nominatim deputati; quas quidem litteras *de Cancellaria noſtra*, juxta formulam, quæ ſequitur,

ipſi Fratres gratis, & abſque ſolutione pecuniæ aliqua, habent recipere.

III. " ALBERTUS &c. Venerabilibus Divinorum Reſtoribus N.N. præſentibus requiſiti, ſalutem, & ſinceram in Domino caritatem. Religioſos & devotos Fratres N.N. Conventus & Monasterii Ordinis N. Nobis per eorum ſuperiores ad confeſſiones oppidanorum ibidem, & particulariter ipſius Conventus, audiendas, rite præſentatos, quos ad hoc admittimus, proteſtatione tamen hac adjecta: ut ipſi, & non alii de fratribus eorum aliquam audiendi confeſſionem, ut præmittitur, habeant authoritatem, per præſentes vobis tranſmittimus, exhortantes vos, quantum eoſdem ſic admiſſos publice in Eccleſiis prænuntiari faciatis: caſibus tamen, *de more, & conſuetudine*, Nobis reſervatis &c.

Attamen Parochiani, dictis Fratribus confeſſi, tenentur nihilominus ſemel in anno etiam ſuis Plebanis; aut, de ipſorum licentia, aliis Presbyteris confiteri.

Datum *Herbipoli*, anno Domini M. CCC. LXXIII. Die XX. menſis Octobris.

Ex codice MS. FF. Minorum Conventualium Herbipoli deſcriptis Cl. Schannat. b. m.

CONCILIIUM COLONIENSE

Anno Chriſti MCCCCLXXV. Gregorii XI. Papæ V. Caroli IV. Regis XXVIII.

SUB FRIDERICO III. ARCHI-EPISCOPO COLONIENSI.

Ut omnes Curati, Prælati, vel Paſtores, reſideant perſonaliter in ſuis Beneficiis curatis, & indicitur Synodus proxima.

FRIDERICUS, DEI GRATIA, SANCTÆ COLONIENSIS ECCLESIÆ ARCHI-EPISCOPUS, SACRI IMPERII PER ITALIAM ARCHI-CANCELLARIUS, UNIVERSIS ET SINGULIS TAM SÆCULARIBUS, QUAM REGULARIBUS, ECCLESIARUM ET MONASTERIORUM ABBATIBUS, PRÆLATIS, PRIORIBUS, DECANIS, COLLEGIIS, CONVENTIBUS, PLEBANIS, EORUMQUE VICES GERENTIBUS, CÆTERISQUE BENEFICIATIS, CLERICIS ET RELIGIOSIS NOSTRARUM CIVITATIS ET DIOECESIS COLONIENSIS; NOBIS SUBDITIS, SALUTEM IN DOMINO SEMPITERNAM.

Pastoralis officii debitum exequentes, Eccleſiarum & Monasteriorum utilitatibus, eorumque (præſertim Offi-

cii Divini, Eccleſiaſticaque diſciplinæ neglectæ) defectibus volentes, quantum in Nobis erat, ſalubriter provide-

re,

re, nuper constitutionem fecimus, per quam inter cætera singulis Ecclesiarum Collegiarum, & Monasteriorum nostrarum civitatis & Diecefis prædictarum Prælati utriusque sexus, curam animarum habentibus, per quos in ipsis Ecclesiis & Monasteriis Ecclesiastica disciplina gubernatur, vel ad quos ipsius disciplinæ correctio noscitur pertinere, suas Ecclesias & Monasteria, in quibus Prælati existunt, in aliis locis residendo deferentes, mandavimus, ut intra unius mensis spatium a data hujusmodi nostræ constitutionis seu mandati, tunc emissi, computandum, (a) ad suas Ecclesias & Monasteria, in quibus Prælati existerent, redirent, de cætero personaliter continue residendo in eisdem. Verum ut accepimus, nonnulli prætendentes, hujusmodi constitutionem per Nos revocatam seu suspensam, ipsas Ecclesias & Monasteria in locis aliis residendo deferunt & dimittunt. Propter quod honoribus, statui, disciplinæ, & utilitatibus Ecclesiarum ipsis commissis plerumque detrahitur, eorumque subditi, Ecclesiæ & Monasteria, in spiritualibus & temporalibus multipliciter defraudantur: Nos volentes huic morbo tam detestabili & pernicioso, quantum in Nobis est, debitum adhibere remedium, constitutionem & mandatum prædicta vel facta, ut præmittitur, in hac parte innovantes, omnibus & singulis Ecclesiarum & Monasteriorum Prælati utriusque sexus, curam animarum habentibus, seu per quos in ipsis Ecclesiis & Monasteriis disciplina Ecclesiastica gubernatur, seu consueverit gubernari,

nostrarum civitatis & Diecefis prædictarum, sub pœnis infra scriptis districtè præcipiendo mandamus & injungimus, quatenus intra unius mensis spatium, a tempore publicationis præsentium computandum, ad suas Ecclesias & Monasteria, in quibus Prælati existunt, revertantur, & de cætero personaliter & continue resideant in eisdem, officia, curas & disciplinas, & onera ipsis vigore suarum Prælaturarum incumbentia, Authore Domino feliciter gubernando: alioqui omnes & singulos contra facientes, seu in præmissis, vel aliquo præmissorum negligentes, culpabiles, & rebelles, dicto mense elapso (quem ipsis & eorum cuilibet pro termino peremptorio monitione canonica præfigimus & assignamus) excommunicationis sententiam, quam pro nunc prout extunc, & extunc prout exnunc, ferimus in his scriptis, incurrere volumus ipso facto: alias nihilominus pœnas ipsis & eorum cuilibet, prout eorum contumacia seu protervitas exegerit, infligendi, absolutionem omnium & singulorum, qui præfatas excommunicationum sententias vel eorum aliquam inciderint, Nobis vel Commissario nostro super hoc deputando, specialiter reservantes. Et ne prædictorum aliquis aliquam possit saltem debitam prætereignere ignorantiam in præmissis, volumus præmissa in proxima nostra instanti Synodo Coloniz celebranda publicari. Datum Poppelsdorff Anno Domini 1375. die prima mensis Martii.

*Statuta Coloniensia impressa A. 1554.
Lunig. Spicilegii Ecclesiastici Sortsehung
I. Theil pag. 551.*

CAP. I. *Ut fructus Beneficiorum vacantium spectantes ad Fabricam, aut pecunia pro Statutis edita, non dividatur inter Canonicos.
Et ne Censuum annui aut usufructuales redditus vendantur
sine auctoritate Episcopi.*

FRIDERICUS, DEI GRATIA, SANCTÆ COLONIENSIS ECCLESIAE &c. UNIVERSIS ET SINGULIS TAM SÆCULARIBUS, QUAM REGULARIBUS ECCLESiarum ET MONASTERIORUM ABBATIBUS, PRÆPOSITIS, PRÆLATIS, PRIORIBUS, DECANIS, COLLEGIIS, CONVENTIBUS, ECCLESiarum PAROCHIALIUM RECTORIBUS, CÆTERISQUE BENEFICIATIS, CLERICIS, ET RELIGIOSIS, CUJUSCUNQUE STATUS, ORDINIS, VEL CONDITIONIS EXISTANT, NOSTRARUM CIVITATIS ET DIOECESIS COLONIENSIS, NOBIS SUBDITIS, SALUTEM IN DOMINO SEMPITERNAM.

SUSCEPTI Pastoralis Officii Nos cura sollicitat & inducit, ut quibusdam abusionibus detestandis, a sola cupiditate, virtutum noverca, contra jus seu

T t t 3 con-

(a) computandi

consuetudines Ecclesiarum & Monasteriorum antiquas, non absque cultus detrimento Divini, in ipsis Ecclesiis & Monasteriis introductis, novis (a) & inventis remediis succurramus. Sane expectantia facti didicimus, & comperimus Relatione fide digna, nonnullos Ecclesiarum & Monasteriorum nostrarum civitatis & Diocesis Colonienfis Prælatos, personas Ecclesiasticas & Ministros, vicio avaritiæ sic intentos, ut fructus primi, secundi, vel alterius cujuscunque sequentis anni Beneficiorum vacantium in eisdem, Ecclesiarum seu Monasteriorum hujusmodi, fabricæ, & utibus aliis de consuetudine, privilegio vel statuto, solitis applicari, nec non ea, quæ per novas seu noviter receptas vel admittas personas in eisdem, ad Ecclesiarum vel Monasteriorum ornamenta consueverunt, & debent de jure erogari & converti, suis student privatim utibus imbutare, licet imminetibus ruinis, vel ædificiis inibi reformandis, imbutata prædicta exponere recusaverint, renuerint, vel non potuerint, inopia eorum exigente. Unde hujusmodi Ecclesias & Monasteria in suis videmus ædificiis & structuris plerumque deficere, sicque in aliquibus vix locus salvus remanet, pro Divinis ibidem officiis celebrandis.

Aliud etiam detestatione dignissimum, eadem Nobis relatio patefecit, Prælatos, Personas, & Ministros, seu Capitula & Conventus in Ecclesiis & monasteriorum detrimentum, ac supervenientium Ministrorum fraudem, usurpare consuetudinem, quinimo potius corruptelam, per quam interdum occasione debitorum, vel damnorum etiam levium incumbendum, interdum etiam causa rationabili (prout jura volunt) nulla subsistente, certos de fructibus & redditibus Ecclesiarum, & Monasteriorum, & Beneficiorum vendunt, & distrahunt redditus & pensiones, sive census annuos, aliquando perpetuos, aliquando usufructuales, seu ad vitam, Superioris autoritate vel licentia minime requisita. Unde tamen illud sequetur (prout in aliquibus sequi vidimus) inconveniens, quod temporalibus, sine quibus spiritualia non diu possunt subsistere, ab Ecclesiis & Monasteriis improprie sic distractis, Beneficiati ob hoc

in Ecclesiis & Monasteriis residere, & eorum onera supportare commode non valentes, Divino plerumque neglecto officio, contra Clericalis status decetiam, negotiis urgentur secularibus immisceri. Nos igitur volentes, quantum in nobis est, hujusmodi abusuum morbis, ne nimis invalescant, debiti appositione remedii subvenire, vobis universis & singulis sub pœnis infra scriptis, districte præcipiendo mandamus, quatenus fructus primi, secundi, vel alterius cujuscunque anni sequentis, Beneficiorum vacantium quorumcunque, ab antiquo Ecclesiarum & Monasteriorum fabricæ solitis applicari, nec non ea, quæ per novas seu noviter receptas personas vel admittas, ut prædicitur, Ecclesiis & Monasteriis erogantur, & hætenus erogari & solvi quovis modo seu colore quæsito consueverunt, non vobis, seu alicui vestrum imbutetis, nec ad alios privatos vestros usus quomodolibet applicetis, sed ipsarum Ecclesiarum & Monasteriorum fabricis & ornamentis, in & ad usus eorundem exponendis, prout ex antiquo introductum extitit, jure permittente, fideliter conservetis. Item, quia in hujusmodi reddituum, pensionum, sive censuum perpetuorum, vel ad vitam, venditionibus prædictis causas rationabiles plerumque cessare, immo (ut præfertur) eas vergere reperimus in abusum; statuendo prohibemus, ne Capitula, Conventus, vel personæ Ecclesiarum vel Monasteriorum Civitatis & Diocesis Colonienfis, in aliquo de & super Ecclesiis & Monasteriis ipsis, seu Ecclesiis & Monasteriis prædictorum fructibus, redditibus, sive bonis, pecunia etiam inde recepta, redditus, pensiones, sive census annuos perpetuos, sive usufructuales, dividant, nisi Nostra vel Commissarii nostri super hoc autoritas & licentia sit obtenta. Alioqui in omnes & singulos contrarium facientes, vel fieri procurantes, quindecim dierum monitione præmissa, si singulares personæ fuerint, suspensionis: in Ecclesiam vero vel Monasterium, in qua vel per cujus personas contraventum fuerit, interdicti sententias ferimus in his scriptis. Non obstantibus consuetudinibus, indulgentiis, vel statutis nostris, Prædecessorum nostrorum confirmatione valla-

(a) etiam

vallatis, contrariis quibuscunque: quas & quæ (ut prædicitur) vergere novimus in abusum, per præsentes viribus vacuumus. Datum Bonnæ, Nostro sub sigillo præsentibus appenso. Anno Do-

mini 1375. mensis Martii, die undecima.

Ex typo Colonienſium Statutorum A. 1554.
Deſcripti Lunig Spicilegii Eccleſiaſtici
Fortſetzung 1. Theils pag. 552.

CAP. II. *De impediētibz Jurisdictionem. De violatoribz Immunitatum. Et de excommunicatis per annum & amplius, non tumultandis.*

FRIDERICUS, &c. UNIVERSIS ET SINGULIS CHRISTIANITATUM DECANIS, ET ECCLESiarUM PAROCHIALIUM RECTORIBUS, SEU EORUM VICES GERENTIBUS, PER CIVITATEM ET DIOECESIN COLONIENSEM NOSTRAS CONSTITUTIS, SALUTEM IN DOMINO.

Quamquam sacris Canonibus, & nonnullorum Prædecessorum nostrorum ordinationibus, certarum additione pœnarum sit constitutum, ne quis literarum Apostolicarum impetratores, vel alios ad iudices & forum Ecclesiasticum recurrentes super causis, quæstionibus, seu negotiis, quæ ad idem forum de jure, vel antiqua consuetudine pertinere noscuntur, quominus coram Iudicibus Ecclesiasticis ordinariis, vel delegatis, & per eosdem vel literas Apostolicas de causis, quæ ad cognitionem pertinent eorundem, justitiam consequantur, impediatur, vel super illis ad iudicium sæculare recurrere, vel in foro sæculari litigare, seu alias a lite, causa, seu questione desistere per se vel alium compellat, seu compelli faciat vel procuret modis & coloribus quibuscunque; tamen plurimum fide dignorum relatio frequens & assidua, nostrum pertulit ad auditum, nonnullos intra nostrarum civitatis & Diœcesis Colonienſis, seu nostræ jurisdictionis spiritualis limites consistentes, etiam castrorum, oppidorum, territoriorum seu districtuum, villarum & locorum nostræ temporali jurisdictioni subditorum, Officiarios, Scultetos, Consules, Scabinos, Advocatos, Iudices, Juratos, Commissarios, Inhabitantes, Incolas, nuncios, & præcones, jurisdictioni temporali præsidentes, seu eam quomodolibet exercentes, tanquam jurisdictionis, libertatis, privilegii, & honoris Ecclesiastici æmulos, in tanti erroris devenisse malitiam, quod literas Apostolicas & ordinarias, etiam super litibus, causis, questionibus & negotiis ad forum, cognitionem & Iudices Ecclesiasticos, de jure aut antiqua consuetudine pertinentibus, impetrari, & impetratas

exequi, & eis uti prohibent, vetant & impediunt: ipsarumque impetratores, executores, nuncios seu latores, seu alias ad forum, Iudices vel Iudicium Ecclesiasticos, de & super causis prædictis quomodolibet recurrentes, ad iudicium sæculare transire, seu a litibus, causis, questionibus, & negotiis prædictis desistere, ac ipsis literis prædictis (quas, quod deterius est, quandoque partibus auferunt, & laniant, seu auferri & laniari mandant) renunciare, præceptis, pœnis, comminationibus & mandatis variis & diversis compellunt & inducunt, ac alias faciunt & procurant, dando ad hoc consilium, auxilium, vel favorem, quominus Sedis Apostolicæ atque nostri Iudices Ecclesiastici querulantibus ministrare, ipsique querulantes libere possint coram eis justitiam obtinere, in Sedis Apostolicæ & nostræ ordinariæ jurisdictionis Ecclesiasticæ vilipendium & contemptum. Unde & ex debito nostri Pastoralis officii incitati, huic errori, totque nefandis ausibus, quos dissimulare diutius non valemus, congruis volentes remediis obviare, Sacrorum Canonum & Prædecessorum nostrorum Statutis, universos & singulos supradictos hortamur in Domino & requirimus, & monemus, ipsis & eorum cuilibet sub pœnis infraſcriptis inhibentes & injungentes, ut de cætero a prohibitione, compulsionem, comminationem, & impedimentis & mandatis prædictis abstineant, nec quisquam cujuscunque gradus, status, vel conditionis extiterit, Apostolicam aut nostram jurisdictionem Ordinariam Ecclesiasticam, in literarum & mandatorum quorumcunque impetrationibus, executionibus, cognitionibus, decisionibus & modis aliis, quibus ipsa jurisdictio

ctio exercetur, per se vel per alium prohibeant, impedian, usurpent, vel retardent, seu prohiberi, impediri, usurpari, vel retardari faciant, vel procurent quovis modo, dando ad hoc auxilium, consilium, vel favorem. Si quis vero prædictorum, cujuscunque etiam status aut conditionis extiterit, contra præmissa venire, vel quicquam attentare præsumpserit, excommunicationis sententiam auctoritate Canonis, & etiam nostra (quam quindecim dierum monitione Canonica præmissa, exnunc prout extunc ferimus in his scriptis) se noverit incurrisse ipso facto: a qua, nisi tam judici (cujus cognitio vel jurisdictio impedita vel usurpata fuerit) quam parti in prosecutione sui juris turbata, de injuriis, damnis, expensis & interesse, per eum vel eos integre fuerit satisfactum, nullatenus absolvatur. Et nihilominus, etiam si in mortis articulo fuerint absoluti, nisi debita & plenaria his, quibus ea (ut præmittitur) facienda fuerit, satisfactio præstita extiterit, Ecclesiastica carere volumus sepultura: mandantes insuper vobis Ecclesiarum Parochialium Rectoribus, ac vices vestras gerentibus universis, sub excommunicationis pœna, quam in vos & quemlibet vestrum, quindecim dierum monitione Canonica præmissa, ferimus in his scriptis, si non feceritis, quod mandamus, quatenus in Ecclesiis vestris, ut ad (a) omnem possint devenire notitiam, nec quisquam ignorantiam prætereundere valeat de eisdem, fideliter publicetis: ac omnes & singulos, si quos sciveritis in specie: reliquos vero in genere, quos jurisdictionem Ecclesiasticam (ut prædicitur) impedivisse vel perturbasse constiterit, singulis diebus Dominicis & Festivis, in Ecclesiis vestris, dum major ibidem fuerit populi multi-

tudo, excommunicatos publice nunciatis.

Item, quia plerique (ut accepimus) Ecclesiarum, Cœmiteriorum, Immunitatum, & Dotum violatores, ipsarumque & personarum, rerum, & bonorum Ecclesiasticorum invasores, incendiarii, & raptores, nec non illi, qui per annum & amplius excommunicationis sententia innodati, ad gremium Sanctæ Matris Ecclesiæ, pro absolutionis beneficio impetrandi, redire negligunt, & contemnere diversas per Prædecessores nostros Archiepiscopos Colonienfes contra tales emissas sententias & mandata, instigante diabolo, non verentur: & quasi in malitiis obstinati, data ad hoc opera, Divina student officia multoties perturbare: unde volentes, ut ipsorum crescentia contumacia, etiam crescere debeat & pœna, statuimus, ut omnes & singuli malefactores & rebelles hujusmodi, Ecclesiarum, Cœmiteriorum, Immunitatum & Dotum violatores, nec non ipsarum personarum, rerum, & bonorum Ecclesiasticorum invasores, incendiarii, & raptores, ac illi, qui per annum & amplius excommunicati, ad gremium Sanctæ Matris Ecclesiæ, pro absolutionis obtinendo beneficio contumaciter redire negligunt vel contemnunt, Ecclesiastica (etiam si in mortis articulo fuerint absoluti) careant sepultura: nec in Ecclesiis, cœmiteriis, vel aliis locis sacris per aliquem possint sepeliri, nisi prius a nobis, vel Officiali nostro super hoc licentia sit obtenta: cæteris nostris & Prædecessorum nostrorum ordinationibus & statutis, circa præmissa, quibus in nullo derogare volumus, in suo robore firmiter duraturis. Datum *Bonna* nostro sub sigillo, anno Domini 1375. mensis Martii, die undecima.

(a) ut ad omnium

*Ex impressis Statutis Colonia A. 1554.
Descriptis Lamig Spicilegii Ecclesiastici
Sortierung 1. Theils pag. 558.*

CAP. III. *Contra Usurarios, Lombardos, ac Handgelt capientes.*
FRIDERICUS, DEI GRATIA, &c. UNIVERSIS ET SINGULIS CHRISTIANITATUM DECANIS, ET ECCLESiarUM PAROCHIALIUM RECTORIBUS, SEU EORUM VICES GERENTIBUS, PER CIVITATEM ET DIOECESIN NOSTRAS COLONIENSEM CONSTITUTIS, SALUTEM IN DOMINO.

Quamvis usurarum voraginem, quæ animas devorat, & degentium fa-

cultatem exhaurit, utriusque tam veteris, quam novi testamenti pagina detesteretur, sique

sitque jure communi, ac cæteris (a) nostrorum Prædecessorum Archi-Episcoporum *Provincialibus & Synodalibus Ordinationibus & Statutis* salubriter editis, & dudum etiam publicatis prohibitum manifeste, ne quis Christi fidelium Nobis, aut nostræ jurisdictioni spirituali subje-ctorum, derestandis usurarum lucris studeat inhare; hujusmodi tamen usurarum modus ita invaluit, & in communem usum, immo verius abusum & errorem, prodiit & processit, ut nonnulli utriusque sexus homines, cupiditatis & ambitionis detestandæ vitiis excæcati, aliis negotiis prætermisissis, sibi quasi licere, pecunias suas sub usuris exponere, & ipsas exercere nituntur, & quotidie exercent in animarum suarum periculum, populi scandalum, & Fidei Catholicæ confusionem & contemptum. Et quia fama publica & experientia facti didicimus, hujusmodi usurarum morbum pestiferum in nostris civitate & Diocesi Colonienſi, etiam ad subditorum nostrorum, tam religiosorum, quam sæcularium, depauperationem permaximam, per quosdam usurarios manifestos, qui vulgariter *Lombardi* appellantur, mentas paratas ad pecuniam pro usuris cuilibet mutuandam publice tenentes, ac alios utriusque sexus homines per empti-
onem & alios contractus illicitos, & vulgariter *Hantgelt* appellatos, exercentes seu recipientes, plurimum frequentari: Nos igitur ex suscepti cura regiminis, subditorum nostrorum providere salutem, & de agro nobis commissio, hujusmodi abusione & errorum tribulos, ne nimis invalescant, & ex tempore licere credatur, quod est jure prohibitum, extirpare funditus cupientes, præfatorum Prædecessorum nostrorum Archi-Episcoporum Colonienſium statuta, contra eosdem usurarios edita, ut prædicatur, innovantes, vobis universis & singulis Ecclesiarum Rectoribus, & eorum vices gerentibus supradictis, in virtute sanctæ obedientiæ, & sub excommunicationis pena (quam in vos & quemlibet vestrum quindecim dierum monitione Canonica præmissa, serimus in his scriptis, si non feceritis, quod mandamus) districte præcipiendo mandamus, quate-

nus dictos usurarios omnes & singulos, quorum nomina sciveritis in specie, aut quos lator præsentium vobis duxerit nominandos, reliquos vero in genere moneatis, ut infra septem dies, post vestram monitionem immediate sequentes, ab usuris & contractibus (b) cessent penitus & desistant, Deoque, Nobis, & Ecclesiæ de præmissis excessibus satisfaciant cum effectu. Alioqui ipsos omnes & singulos, quos Nos ex tunc, propter hoc in his scriptis excommunicamus, singulis diebus Dominicis & Festivis, dum Missarum solennia peraguntur, autoritate statutorum per bonæ memoriæ Dominos SIFRIDUM & WILHELMUM nostros Prædecessores editorum, campanis pulsatis, candelis accensis & extinctis, ac in terram projectis, nec non pedibus conculcatis excommunicatos publice nuntietis, nec ad communionem Altaris ipsos, aut aliquem eorum admittatis, aut oblationes eorum recipiatis: nec ipsos, si in hoc peccato decesserint, sepeliatis, donec DEO (c) & Ecclesiæ satisfaciant de præmissis, aliudque a Nobis receperitis in mandatis. Moneatis insuper omnes & singulos utriusque sexus homines, eosdem usurarios manifestos & alios supradictos scientes, cognoscentes & occultantes, vel qui ipsis in aliquibus pecuniarum summis vel rebus aliis tenentur, aut sunt obligati, ut intra dictæ monitionis terminum, eosdem usurarios Nobis prodant, indicent & revelent, nec dictis usurariis eorumque consortibus & familiaribus, de hujusmodi debitis, ipsis aut aliquibus eorum satisfaciant, aut bona seu res, ad ipsos spectantes & pertinentes, si quas, aut si quas penes se habent & tenent, ipsis reddant vel restituant: sed (d) ipsas aut ipsa, penes se in sequestro & arresto, nomine nostro retineant & observent, quousque de hujusmodi excessibus publicis & manifestis, Deo, Nobis, & Ecclesiæ emendam præstiterint satisfacientem & condignam. Alioqui ipsos omnes & singulos contrarium facientes, quos Nos ex tunc, propter hoc in his scriptis excommunicamus, excommunicatos in Ecclesiis vestris una cum dictis *Lombardis* manifestis, eorumque consortibus & familia-

(a) certis

(b) illicitis *Hantgelt* cessent

(c) Nobis & ecclesiæ

(d) forte: seu

miliaribus, publice intra Missarum solennia nuntietis, intimantes eisdem & aliis quibuscunque, quorum interest, aut interesse poterit, quod Nos ad executionem dictæ excommunicationis pœnæ, ac etiam interdicti Ecclesiastici positionem, & alias, prout (e) in quantum gravius poterimus, & juris ordo exegerit, procedemus.

Insuper vigore statuti quondam Domini SIFRIDII prædicti, omnibus & singulis Jurisperitis, Advocatis, & aliis quibuscunque, tenore præsentium inhibemus, ne quis dictis usurariis, eorumque consortibus, & familiaribus, in executionibus hujusmodi nostri mandati, nominandis, in hujusmodi causis & negotiis, aut eorum appendiciis, patrocini-um aut consilium aliquod præster publice vel occulte, nisi antea coram Nobis ju-

ramentum præstet, quod quam cito sciverit vel scire poterit causam esse usurariam, causam ipsam non fovebit ulterius, nec patrocini-um, nec consilium aliquod clam vel aperte impertiat-ur usurario vel usurariis supradictis. Alioqui ipsos jurisperitos, Advocatos, & alios etiam quoslibet contrarium facientes, trium dierum monitione Canonica præmissa, excommunicamus in his scriptis, quos etiam excommunicatos volumus publice nuntiari. Et quid in præmissis feceritis, Nobis literis vestris præsentibus transigendis liquide rescribatis. Datum Bonnæ Anno Domini MCCCCLXXV. mensis Martii die 12.

Ex impressis Statutis Colonia A. 1554.

Descriptit Lunig Spicilegii Ecclesiastici Sortijungung 1. Heils pag. 554.

(e) prout &

CONCILIIUM AUGUSTANUM

ANNO CHRISTI MCCCCLXXVII.

SUB BURCARDO, AUGUSTANO EPISCOPO.

BURCARDUS anno 1377. Augustæ Synodum celebravit.

Corbiniani Kbamm Hierarchia Augustana pag. 270.

Burchardus ab Ellerbach, electus a Collegio summæ ecclesiæ Episcopus, ordine XLIX. rexit Ecclesiam annis 31. Obiit anno 1404. 9. Martii.

BRANDENBURGENSIS SYNODUS

ANNO CHRISTI MCCCCLXXX. VII. MARTII.

SUB THEODORICO DE SCHULENBURG EPISCO.

Statuta in hac Synodo edita fuerunt XXVIII. quorum Epitomen in Potsdamii quinta essentia N. 37. legere poteris; in Bibliotheca Brandenburgica D. Küstner eadem extant pag. III.

Theodoricus von der Schulenburg, Episcopus Brandenburgensis, ab A. 1351. Ordine XXXVI. Obiit anno 1393. VI. Kal. Maji.



CONCILIIUM OLOMUCENSE

Anno Christi MCCCLXXX. Urbani VI. Papæ III.

Wenceslai reg. II. feria II. post fest. Ss. Trinitatis.

Epistola Synodica scripta e Synodo Dicecesana, confirmatoria Statuti editi a JOANNE Prædecessore in Ecclesia Olomucensi.

JOANNES, (a) DEI ET APOSTOLICÆ SEDIS GRATIA EPISCOPUS OLOMUCENSIS, HONORABILIBUS ET DISCRETIS VIRIS, PRÆPOSITIS, DECANIS, ARCHIDIACONIS, PRESBYTERIS, ECCLESiarUM RECTORIBUS, ALTARISTIS ET VICARIIS PER ECCLESIAM, CIVITATEM ET DIOECESIM NOSTRAS CONSTITUTIS, SALUTEM IN DOMINO, QUI EST OMNIUM VERA SALUS.

Honorabiles, devoti, dilecti &c. Accessimus (b) voce veridica, & experientia didicimus cotidiana, quod statutum felicitis memoriæ Domini JOANNIS Olomucensis Episcopi, nostri Prædecessoris, quod incipit: *Licet Canon Provincialis statuti* &c. Qui (c) defensionem Ecclesiasticæ libertatis adversus captivatores Clericorum, & spoliatores bonorum Ecclesiasticorum, cum magna maturitate factum, & multis retroactis temporibus tentum & servatum: modo (quod cum cordis amaritudine referimus) non servatur, nec debite exequitur secundum sui monitum & tenorem; pro eo vobis omnibus & singulis in virtute sanctæ obedientiæ & sub excommunicationis pœna, quam vos, & quilibet vestrum incurere volumus, si in præmissis fueritis negligentes, trium tamen dierum monitione prævia, districtè præsentibus injungimus & mandamus: quatinus ipsum statutum sic alias inviolabiliter observatum, quotiens, & quando personam Ecclesiasticam captivari, & bona Ecclesiarum invadi contige-

rit, non expectato Superiorum mandato, secundum continentiam statuti antedicti rigide servetis & observari faciatis, cessando a solemnibus (d) Divinorum, donec menti & verbis ejusdem statuti satisfactum fuerit cum effectu, nullam negligentiam in præmissis commissuri, si de obedientia potius commendari volueritis, quam de inobedientia reprehendi.

Datum Chremis, in Synodo per Nos celebrata Anno Domin. MCCCLXXX: Feria II. post Festum Sanctissimæ Trinitatis.

Sumptum ex codice MS. Bibliotheca Metropolitana Moguntina, diligenter collatum cum suo genuino textu in Archivo Archi-Episcopali Pragensi, sub fide mea jurata asservato, per omnia concordare testor. Praga die 7. Octobris A. 1752.

Wenceslaus Procopius Duchowsky mpp.

(L.S.) Regia Capella OO. SS. in castro Pragensi Beneficiatus, Notarius Apostolicus, & Curia Archi-Episcopalis Archivarius juratus.

CON-

(a) Joannes de novo foro, Episcopus Lithomislensis, ac Caroli IV. Augusti Cancellarius, ad Ecclesiam Olomucensem postulatus Episcopus XXV. ipsius curam non in-virus suscepit. Hic Monasterium Eremitarum S. Augustini in Lithomisl a fundam-entis erexit, ac liberaliter dotavit; Ecclesiam Olomucensem, per familiares JO-DOCI Marchionis ignis consumptam injuria, restituit. Moritur anno Christi M-CCCLXXX, in Lithomisl humatus in Monasterio a se fundato.

Catalogus Episcoporum Olomucensium post historiam Bohemie Duvravii Episcopi Olo-mucensis, anno 1575. Basileæ impressam.

(b) Accepimus

(c) in, pro: qui

(d) solemnibus

Tomus IV. Concil. German.

CONCILIUM SALISBURGENSE

Anno Christi MCCCLXXX. Urbani VI. Papæ III.

Wenceslai Regis II.

PILGRINUS II. Archi-Episcopus Salisburgensis XXXV. anno 1380. circa
Festum S. Jacobi celebravit Concilium Provinciale, vocatis & præsentibus
suis Suffraganeis, & aliis pro tunc vocandis.

*Ex Chronico Salisburgensi tantum indicat Hansfzcius Tomo II. Germaniæ
Sacrae pag. 460.*

CONCILIUM PRAGENSE

Anno Christi MCCCLXXI. Urbani VI. Papæ IV.

Wenceslai Regis III.

Statuta JOHANNIS, Archi-Episcopi

*Pragensis, Legati Apostolici, in CONCILIO PROVIN-
CIALI edita.*

JOHANNES, DEI GRATIA, SANCTÆ PRAGENSIS ECCLESIE
ARCHI-EPISCOPUS, APOSTOLICÆ SEDIS LEGATUS, UNIVERSIS
PRÆLATIS, CAPITULIS, ABBATIBUS, PRÆPOSITIS, ET CONVENTIBUS
QUORUMCUNQUE ORDINUM, PLEBANIS, ECCLESiarUM RECTORIBUS,
ET CÆTERIS CHRISTI-FIDELIBUS TAM RELIGIOSIS, QUAM SÆCULARI-
BUS PER RATISPONENSEM, BAMBERGENSEM, ET MISNENSEM, DIOE-
CESES, LEGATIONIS JURE, NOBIS SUBDITAS, CONSTITUTIS, SALUTEM

IN DOMINO SEMPITERNAM, ET INERAScriptorum SALUBRIUM MANDATORUM AC Jugi
STUDIO ET EXACTA DILIGENTIA FREQUENTIAM SALUTAREM.

Gloriosus Deus , & in suis donis
semper magnificus , qui sua largi-
flua bonitate caelestia & terrestria dispo-
nens, per suorum incrementa donorum
sanctam Pragensem Ecclesiam, cujus regi-
mini ipso donante, quamvis immeriti,
praesidemus, per singulos gradus prae-
nunciat, dum ipsam per intercessores & me-
rita beatissimorum Patronorum Boemiae
de virtute ambulat in virtutem, & de no-
bili praerogativa Archiepiscopalis Eccle-
siae Praeturae jam dudum sub felici
recordationis Domino *Urbano PP. V.* gra-

dum confendit altioris præminentis dignitatis. Sane olim recolendæ memoriæ *Aneſtus*, primus Archiepiſcopus Pragenſis, Prædeceſſor noſter, in ſua provincia extirpatis vitiis, volens plantare virtutes quædam *Statuta Provinciæ* ad modum & iſtar decretalium per articulos edidit, & rubricatas, in quibus reformationem morum in ſubditis de honeſtate Clericorum & vita ac ſtatu ipſorum, ac etiam de judiciis & contractibus ſuccincte, juridice & pulcherime ſunt ſtatuta, & nedum ſimplices & Juris Canonici & ci-
viliſ

vilis notitiam non habentes, verum etiam provecti possent in statutis hujusmodi absque alia revolutione librorum multa tanquam in ortulo colligere salutifera documenta. Nos itaque in partem sollicitudinis, superna dispositione vocati, ex injuncto Pastoralis Officii fructum in Domino Domini facere cupientes, attendentes præsertim, quod ratione legationis in omnes Ecclesiarum secularium & Regularium Rectores, Clericos, & Prælatos, sine personarum & Ordinum differentia & delectu, utpote Apostolicæ Sedis Vicariatus jurisdictione, paucorum & brevium statutorum, ac cum libello, qui de tribus punctis Christianæ Religionis communiter appellatur (observantiam) ad prædictas Ratisponensem, Bambergensem, & Misnensem Dioceses præsentibus duximus extendendam, volentes & in virtute sanctæ obedienciæ districtè præcipiendo mandantes, ut Domini Episcopi dictarum Diocesium & Abbates copiam eorundem infra duorum mensium spatium, & infra alios sequentes tres menses omnes & singuli alii Prælati, Decani Collegiatarum, seu Priores principales Conventualium & Regularium Ecclesiarum & Monasteriorum de Cancellaria nostra recipiant, & habere cum effectu procurent, alioquin contra eos ad pœnas Canonicas, Deo Nobis propitio, procedemus. Volentes nihilominus ut in habendo, legendo, & reverendo statuta prædicta modus talis per omnia teneatur, sicut in prohemio præfati Prædecessoris nostri clarius continetur, præfatique Domini Episcopi Archidiaconos rurales suarum Diocesium, qui forte propter viarum pericula ad hoc sanctum Concilium vocati, non sunt adhibendi, memorata statuta in omnibus suis punctis & articulis infra scriptis juxta ipsorum arbitrium observantiam cogere studeant. Nos enim intendimus ea, quæ præmisimus, auctore Domino ad executionem debitam perducere & debito effectui mancipare. Prohemium ergo statutorum de quibus supra fit mentio, sequitur & est tale: *In Nomine sanctæ & individue Trinitatis, Patris, & Filii, & Spiritus Sancti amen. Armatus Dei & Apostolicæ Sedis gratia &c. Rex magnificus, qui facit mirabilia solus &c.*

I. Licet sub rubrica *de Festivitatibus celebrandis* inter alia statutum esse noscatur,

quod festum gloriosissimi Ducis & Martyris Wenceslai debeat celebrari, prout nedum in Pragensi, Olomucensi, & Luthomirensi Diocesium, verum etiam in Regno Daciæ miraculose, ut pia fidelium tenet credulitas, a Christi fidelibus celebratur, quia tamen pœna non est in non celebrantes specialis expressa, possent fortasse Clerus & populus Ratisponensis, Bambergensis, & Misnensis Diocesium in celebratione hujusmodi esse desides & remissi: idcirco, hoc sacro Provinciali & legationis nostræ Concilio approbante, statuimus & ordinamus, ut dies Passionis tantum sanctissimi Martyris supradicti, qui suo glorioso triumpho Martirii hanc Patriam & alias regiones vicinas multis honoribus sublevat & extollit; qui quidem dies in vigilia diei Angelorum, quæ Festum S. Michaelis dicitur, observari consuevit ab omnibus Christi fidelibus dictarum Diocesium, annis singulis perpetuis temporibus sub officio duplici & cum omnimoda abstinentia a ferialibus operibus solemniter celebretur, & ejus officium, nocturnum atque diurnum cum historia sub nota in Cancellaria nostra recipiatur cum effectu; & quia plus timeri solet quod specialiter præcipitur, quam quod generaliter imperatur, omnibus Prælati, Plebanis, & Curatis, ac aliis Plebium curam gerentibus, quibus datum est proponere Verbum Dei, in virtute sanctæ obedienciæ præcipimus & mandamus, quatenus singulis annis aliquo die Dominico vel Festivo, diem S. Wenceslai prædicti per sex vel plures dies præcedentibus, hoc ipsum per se, vel alium, vel alios plebibus suis infinuent & injungant;

II. Item ad Rubricam *de Hæreticis & Schismaticis*, duximus adjungendum: dolenter enim referimus quod in Diocesium supradictis, prout certa relatione percepinus, insunt hæreses multum pestiferæ, & signanter secta Saraboytarum & illorum rusticorum Waldensium damnatorum, & quia Domini Episcopi, ad quos directè pertinet suas Dioceses purgare malis hominibus, in hujusmodi negotio sanctæ fidei sunt negligentes plurimum atque tardi, parcentes fortassis expensis, & inquisitionem hæreticæ pravitatis non habentes; Nos de Fratrum nostrorum consilio hoc sacro approbante Concilio duximus

mus statuendum, ut prædicti Domini Episcopi contra tales pestiferos per se, vel Inquisitores instituendos ab eis diligenter invigilent & attendant, ad quod ipsos per viscera Misericordiæ Dei & per sponsonem Sanguinis Jesu Christi præsentibus excitamus & invitamus; & nihilominus ipsos in virtute juramenti, quod in sacra Episcopali solemnitate præstiterunt, commonemus, & ad eor reducimus: ut si in dicto sancto negotio resistantiam aliquam, quod absit, fortassis habuerint; ad Nos confidentes refugiant, ut Nos, videlicet per auxilium & brachium Magnifici, Serenissimi, & invictissimi Principis Domini Wenceslai Romanorum & Bohemiæ Regis inclyti, Divina in omnibus gratia præcedente, oportuna remedia adhibere in Domino valeamus: alioquin ipsorum Dominorum Episcoporum negligentiam, Deo Nobis auctore, supplebimus, & inquisitionem in dictis Diocesisibus per Nos ipsos curabimus deputare.

III. Item Manifestum est, proh dolor! & experientia publica notorium habetur ubique, quod nonnulli fautores *Roberti Antipapæ Gehemensis*, quidam latenter, alii publice prædicant & etiam dogmatizant, Sanctissimo Domino nostro Urbano Papæ VI., quem constat esse Successorem Beati Petri & Vicarium Jesu Christi, mordaciter detrahentes, quorum Gebennensis, & sui sequaces iniqui, litteras & Epistolas ambitione plenissimas præferunt, portant & spargunt: Nos cum præfato Domino nostro, ut membra capiti, & ut Filius Patri, realiter compati cupientes, statuimus & amodo mandamus, ut omnes Episcopi legationis jure Nobis subjecti, dictos schismaticos & fautores, litterarum portatores, & dantes eis consilium, auxilium, vel favorem, quos scienter, vel de hoc infamatos esse repperint, capiant & captivari procurent: ipsorumque captivitatem infra XIV. dies Nobis vel nostris in Spiritualibus Vicariis studeant intimare, & in præmissis taliter se habeant, ut a Deo mercedem perpetuam & a Domino nostro Summo Pontifice, ac Nobis ejus Vicario, gratam vicissitudinem valeant obtinere. Abbates vero, Præpositi, & Decani, & alii Ecclesiarum Prælati, si quos tales cognoverint, ipsos suis Episcopis infra VIII. dies postquam sciverint, denun-

tiare studeant, & eorum nomina, conditiones, & loca, verbo vel scripto designare.

IV. Præterea intelleximus, & nimis graviter portamus, quod in aliquibus Diocesisibus consuetudo talis prorepit, quod locorum Ordinarii, ad quos Beneficiorum erectio pertinet de consuetudine, vel de jure, Beneficia ipsa, quæ de novo fundantur, de censibus illicitis, usurariis, & usuris omnino sapientibus erigunt atque creant: Nam ut præfertur, pecunias super certis possessionibus vel pensionibus mutant fundatores sub conditionibus remendi. De quibus pensionibus taliter & omnino incestis & pravis Beneficia petunt erigi & creari. Nos huic malo, & pernicioso obviare volentes exemplo, attendentes præsertim, quod hujusmodi erectiones de talibus redditibus vergunt in interitum animarum, & propter vicissitudinem eorundem nulla sunt stabilitate subnixæ; statuimus, ut nullus Christi Fidelium de talibus redditibus Beneficia fundare valeat vel dotare; ordinariis etiam in virtute sanctæ obedientiæ & præstiti juramenti districte præcipiendo mandamus, ut nullus eorum talia Beneficia præsumat facere erigi vel creare, sed fundatores ipsorum ab hujusmodi facto sub obtestatione Divini Judicii studeant divertere. Nos enim, si secus factum fuerit, decernimus irritum & inane, volentes, ut prædicti redditus taliter deputati illis, quorum quo ad... existunt, dominium, fructibus computatis in sortem reddant, & sine difficultate qualibet assignentur.

V. Item fertur & experientia probatur, quod in dictis Diocesisibus Monachi quorumcumque ordinum passim & indifferenter ad Parochiales Ecclesias præsentantur, & per Ordinarios instituuntur in eis, propter quod magna pericula occurrunt animarum, & jurius Episcopalis & Archidiaconalibus plurimum derogatur. Cum ergo illud sit juri communi contrarium, & ab omnibus moribus alienum; statuimus, ut nullus Episcopus, vel alius, ad quem institutio vel destitutio nostra pertinet, quempiam Religiosum ad Ecclesiam Parochialem, per sæcularem Clericum regi solitam, confirmare, vel instituere præsumat, nisi fortassis esset Canonicus Regularis, aut Sancti Benedicti Ordinis, cum quo posset Episcopus dispen-

pensare, vel si Parochia ipsa per Religiosum tanto tempore gubernata fuisset, de cujus contrario memoria hominum nulloatenus haberetur.

VI. Item fama referente dicimus quod Monachi & Religiosi, qui velle aut nolle non habent, aut propter professionem omnino abdicaverunt grangias, curias, & possessiones temporales, seu castra amicorum, nec etiam aliorum gubernatione reguntur, se temporalibus & secularibus immiscere negotiis in scandalum plurimorum. Nos huic periculoso morbo celeriter occurrere cupientes omnes Episcopos, Abbates, & alios ipsorum Prælatos obsecramus in Domino, ipsis nihilominus in remissionem peccatorum injungimus, & in virtute obedientiæ præcipimus & mandamus, ipsorum officium excitantes, ut tales Monachos infra duorum mensium spatium a noticia præsentium ad Monasterium studeant revocare, & pro excessu præterito poenitentiam injungere salutarem.

VII. Item. Sub titulo de *Officio Ordinarum* talia adjicimus: præsentium suspirio & amaritudine cordis dolenter referimus, quod Parochialium Ecclesiarum Rectores, qui Diocesis Pastores communi vocabulo nuncupantur, & eorum Superiores, quibus visitationis, correctionis, & prædicationis officium competit de consuetudine, vel de more, in tantum sunt de neglectu culpabiles, quod fortassis, ut verisimiliter formidamus, de ipsorum manibus subditorum sanguis & animæ requiruntur. Nam pro vero dicimus, & hoc ipsum quoque experientia sensuali comprobimus, quod eorum subditi usuras, divinationes, fortilegia, interpretationes & alia superstitiosa pariter & nefanda impune & libere exercere præsumunt: Cle-

rici etiam in sacris constituti, & Ecclesiarum Parochialium regimini prædentes concubinas publice tenent in domibus, & alias in tonsura & in habitu taliter inhoneste se gerunt, quo fiant in scandalum plurimorum. Nos talibus animarum periculis, quantum est Nobis ex alto concessum, obviare volentes, statuimus, & Apostolica & Provinciali auctoritate mandamus, quatenus hi, qui de jure vel de consuetudine visitare tenentur suos subditos, infra tres menses a data præsentium incipiant visitare, visitationem ipsam ea correctione & reformatione salubri studeant sine intermissione qualibet consummare. Provideant insuper, ut populus laicalis oratione Dominica & Symbolo sit sufficienter instructus, & quod Sacramenta Ecclesiastica ministrantur. Præsertim contra usurarios per denuntiationes ac censuras Ecclesiasticas viriliter & intrepide procedere non obmittant, alioquin si præfati, quibus competit visitatio, per se vel alios non inceperint, ut præmittitur, visitare, ipsos & eorum quolibet dicto tempore elapso, quod eis pro monitione Canonica duximus statuentum.

Ut autem nullus ignorantiam præmissorum possit prætereundere quovis modo, volumus & mandamus, ut omnes Episcopi, Abbates, Præpositi, Decani, & alii Prælati diocesum prædictarum copiam cartæ præsentis infra tres dies in Cancellaria nostra recipiant cum effectu.

Datum Pragæ, Anno Domini MCCCLXXXI. die penultima mensis Aprilis.

Ex Codice MS. Bibliothecæ Metropolitanae Moguntinae descriptis Cl. Schannatus b. m.

CAMERACENSE CONCILIUM

ANNO CHRISTI MCCCLXXXIII.

In causa Schismatis Romani inter Urbanum VI. & Clementem VII.
Anti-Papam, Avenione a Gallis electum A. 1378.

Defunctum 1394.

Superius cum de Concilio Medinæ Castellensis agerem, indiculum documentorum quorundam in Colbertino Codice descripto-

rum ex Baluzio dedi: hæc inter monumenta extare notavi sermonem factum pro sedando Schismate, per Guidonem Cardinalem Pictonem.

Pictavensem in Synodo Cameracensi anno Domini MCCCLXXXIII. die prima Octobris Pontificatus Clementis VII. anno secundo. Habes hic Concilium Collectoribus hucusque ignotum: cujus tamen solum nomen superest, neque enim tractatus ille Guidonis Pictavensis, de hoc argumento, quod legitur in Anecdotis Martene To. II. pag. 1193. idem esse potest cum oratione hac pro Concilio habita, cum Benedicti Pontificis meminerit, qui Pontifex non nisi anno MCCCXCIV. cepit. Integræ tamen orationis hujus defectum utcumque supplent fragmenta ejus quedam apud Baluzium in notis: ad vitas Paparum Avenionensium Tom. I. pag. 1106. occurrentia, et unum: Hactenus Cl. Mansi.

Ad primam oppositionem seu objectionem de literis respondeo &c. quod B. illas literas petiit ab omnibus nobis. Responsum fuit ei: quod nunquam de more sacrum Collegium notificat per suas literas electionem Romani Pontificis Principibus, vel aliis, & sic se habet veritas. Et paulo post: Ipse tamen hoc non obstante cum omni instantia eas habere voluit; ad quem finem potes bene cogitare! Et infra: Imo etiam cum secundum stilum Curia, quando Collegium scribit, literæ sigillantur solum sigillis trium Prior. trium Ordin. cum tunc actu duo Priores

essent Italici, videlicet Dominus Florentinus, & de Urfinis, suspicans, quod propter nationem, de qua etiam erant, ipsorum testimonia reputarentur suspecta, petiit, quod alii duo loco illorum sigillarent. Sed resistentibus Dominis Italicis, non potuit hoc obtinere, licet contristatus fuerit contra unum de Dominis. Satis propter evitandum omnem suspensionem & scandalum, quod posset inde suscitari, literas Domini concesserunt.

Nonne etiam illi Adversarii Dei & Ecclesiæ falsissima miracula confinxerunt ad simplicem populum magis seducendum? Nonne dixerunt publice, quod Dominus noster Papa CLEMENS VII. statim, quando ab intruso recessit, habuit signum tahau impressum in facie, & hoc multis Regibus & Principibus per suas literas conscripserunt, de cujus contrario per aspectum sui vultus evidenter apparet? Nonne publicaverunt publice, quod in prima Missa, quam celebravit, Corpus Christi aufugit ab Altari? cujus contrarium per duo millia testium, ut ex testimoniis, qui in electione & coronatione ipsius præsentibus fuerunt, manifestissime probaretur.

Mansi Tom. III. Supplementi Concilior. pag. 666.

PRAGENSIS SYNODUS

ANNO CHRISTI MCCCCLXXXIV. IN FESTO S. LUCÆ.

Prædicavit in hac Archi Episcopali Synodo *Sermonem de emendatione morum Cleri & populi Matthæus de Cracovia.*

Hæc tantum Petzcius Tom. I. Thef. noviss.

Matthæus de Cracovia cur dicatur, nescitur: creditus fuit de ea urbe, propterea Polonus, sed Clariss. Bernardus Petzcius Ord. S. Bened. Tom. I. Theauri novissimi Anecdotorum in Præfatione pag. 14. asserit eundem non Polonum, sed Germanum natione, genere Pomeranum fuisse, de quo eodem alios codices MSS. vidit Petzcius.



SYNO-

SYNODUS DIOECESANA WORMATIENSIS

AB ECCHARDO A DERS EPISCOPO, CELEBRATA

Anno Christi MCCCLXXXIV. Urbani VI. Papæ VI.
Wenceslai Regis V.*Hujus Synodi, cujus Acta intercederunt, mentionem facit Charta sequens:*ECKARDUS, DEI ET APOSTOLICÆ SEDIS GRATIA, EPISCOPUS
WORMATIENSIS.

Præsentium tenore profitemur, quod cum nuper, videlicet: Anno MCCCLXXXIV. in Feria secunda ante Festum Ascensionis Domini citari mandavimus, Dilectos Nobis in Christo *Joannem Horne*, Decanum, cæterosque omnes & singulos Canonicos Ecclesiæ nostræ Collegiæ S. Petri Vallis-Wimpinensis, ut coram nobis comparere deberent WORMATIÆ, objectioni per nos eis datæ, quod ad *Synodum nostram* Feria IV. post Dominicam, qua cantatur in Ecclesia Dei: *Quasi modo geniti*. WORMATIÆ celebratam, venire obmiserunt, responsuri.

Comparentibus igitur in termino præassignato coram nobis, *Alberto de Auverbach* Præposito, *Joanne Thesaurario*, & *Joanne de Nyperg*, Canonico dictæ Ecclesiæ Wimpinensis, ipsius Ecclesiæ, & Concanonicorum suorum nomine, pro excusatione absentiæ Synodi allegantibus: quod tempore ab antiquo, de cujus initio memoria hominum non existat, apud Prædecessores nostros etiam sit observatum, quod pro Ecclesia Wimpinensi, & omnibus personis ejusdem, Prælati, Canonici, Beneficiati, & Officiati, una persona ipsius Ecclesiæ, nomine aliorum omnium, & pro ipsis, in Synodis episcopalibus semper transmissa sit, & consuevit interesse; & quod in Synodo nostra præscripta *Joannes* dictus

de *Veningen*, Presbyter prebendatus Ecclesiæ ejusdem Wimpinensis, religione indutus, juxta morem antiquum interfuerit nomine Decani, Thesaurarii, & Canonicorum ipsius Ecclesiæ; Audita igitur allegatione illa, & defensione, cum etiam fide dignorum testimonio simus sufficienter informati, allegationem & defensionem præscriptas, nobis propositas, continere veritatem; Nos, volentes dictam ecclesiam nostram Wimpinensem, Prælatos ipsius Ecclesiæ, Canonicos, Beneficiatos, cæterasque personas ejusdem, in juribus suis, & consuetudinibus laudabilibus, paterno more, semper pie conservare, & ne nunc, vel in futuro, a Nobis, vel Successoribus nostris Episcopis WORMATIENSIBUS, quovis modo in his aggraventur, sollicitè providere, consuetudinem de persona unica de ipsa Ecclesia Wimpinensi, nomine aliarum omnium personarum ejusdem, ad Sanctam Synodum Episcopalem, consuetis temporibus, transmittendam, ex certa scientia approbamus, & præsentibus sigilli nostri appensione roboratis, in testimonium perpetuum confirmamus.

Datum anno Dom. MCCCLXXXIV.
Feria IV. ante Festum Dominicæ Ascensionis.

Ex Archiv. Eccles. Colleg. Wimpinens.

CONCILIIUM WORMATIENSE

ANNO CHRISTI MCCCLXXXIV.

SUB ECCHARDO A DERS, EPISCOPO.

Cum civitas & populus Episcopi & Cleri immunitates aperta vi impugnarent: Episcopus & Clerus Wenceslaum Imp. imploravit contra violato-

res Clericalis Immunitatis: Imperator scripsit & ad varios Nobiles & Cives WORMATIENSES, ut ab his injuriis in Clerum desisterent sub pœna Banni Imperia-

Tomus IV. Concilior. German.

X x x

lis

lis ex Norimberga & Moguntia, quas
 literas Imperiales refert *Cl. Schannatus in
 codice Probationum Historie Wormatiensis
 N. CCXIX. CCXX.*

Deinde ipse Episcopus Wormatiensis cum universo Clero foedus defensivum init contra civium Wormatiensium aulus

temerarios: & ob hunc finem Synodum
celebrat anno MCCCCLXXXIV. XXII. No-
vembris.

*Relatum a Schannato in codice Probatio-
num Historiæ Wormatiensis N. CC.
XXI. pag. 193.*

CONCILIUM SALTZBURGENSE
Anno Christi MCCCLXXXVI. Urbani VI. Papæ VIII.
Wenceslai Regis VIII.

In causa disciplinae Ecclesiasticae tempore PILGRINI Archiepiscopi celebratum.

TITULI CAPITULORUM.

- | | |
|---|--|
| <i>I. De modo dicendi Horas Canonicas.</i> | <i>X. Contra vilipendentes sententias excommunicationis.</i> |
| <i>II. De absolutionibus impendendis.</i> | <i>XI. De publicatione Constitutionis Bonifacii VIII. contra recipientes pedagia a Clericis.</i> |
| <i>III. De abutentibus indulgentiis a Superioribus super absolutionibus concessis.</i> | <i>XII. De occupatoribus Beneficiorum, & eorum bonorum.</i> |
| <i>IV. De modo absolutionis impendende in casibus dubitalibus.</i> | <i>XIII. De usurariis, & eorum penis.</i> |
| <i>V. De habitu Clericorum.</i> | <i>XIV. Ne Clerici conveniantur coram secularibus Judicibus.</i> |
| <i>VI. De eodem, & differentia habitus majorum ab inferioribus.</i> | <i>XV. Ne ignoti Presbyteri admittantur ad Divina.</i> |
| <i>VII. De munda conservatione rerum, & valorum Divino cultui deputatorum.</i> | <i>XVI. De Notariis publicis.</i> |
| <i>VIII. Ne Mendicantes admittantur sine Diocesanorum licentia & testimonio litterarum.</i> | <i>XVII. Ut Episcopi, Prælati, & Rectores habeant quæstiones sigillatim.</i> |
| <i>IX. De Immunitate Clericorum, & eorum rerum, ab impositionibus secularium Dominorum.</i> | |

*Hæc sunt instituta Domini PILGRINI, Archi-Episcopi Saltzburger-
gensis, Apostolicæ Sedis Legati, publicata in Provinciali
Concilio Saltzburgoensi, anno M.CCC.LXXXVI.*

P R Æ F A T I O.

AD LAUDEM & HONOREM, ac GLORIAM NOMINIS DEI, ac SALUTEM
DOMINICI GREGIS NOBIS COMMISSI:

NOS PILGRINUS, DEI gratia, Archi-episcopus Saltzburgenſis Eccleſiæ, Apoſtolice Sedis Legatus, *Joannes* Gurzenſis, *Fridericus* Chiemenſis, & *Joannes* Secovienſis, Eccleſiarum Episcopoi, una cum aliis Venerabilibus Patribus, ac Procuratoribus ſuis, ac Coepiscoporum noſtrorum, & quorundam

aliorum Prælatorum præsentium, Nobiscum *in hoc Sacro Provinciali Concilio* residentibus, ad correctionem excessuum, & reformationem morum, diligenti ac matura deliberatione præhabita, infra scriptas Constitutiones edidimus salubres & utiles, jure fundatas, æquitati consonas, & per quas subditorum servatur honestas:

stas: quas per locorum Ordinarios, Prælatos, Archi-Diaconos, & allos Ecclesiarum Rectores, per totam nostram Provinciam publicari, & sub pœnis in eis contentis præcipimus inviolabiliter observari.

CAPITULA.

I. De modo dicendi Horas Canonicas.

Quia ut accepimus, Clerici diversimode in Horis Canonicis, & diversis officiis diversum psallendi tenent modum, contra Canonica instituta: Volentes igitur huic morbo remedium apponere opportunum, districte præcipimus, ut ab omnibus & singulis Clericis sæcularibus in psallendo idem modus & ordo in Divinis Officiis, & Horis Canonicis observetur: ita quod unusquisque in hoc suæ Cathedrali Ecclesiæ, sive fuerit Regularis, sive sæcularis, rationabiliter se conformet. Si quis hujus constitutionis transgressor exstiterit, per loci Ordinarium, vel Archidiaconum, Canonica monitione præmissa, ab ingressu Ecclesiæ suspendatur. Religiosos vero in suis rationabilibus observantiis volumus remanere.

II. De Absolutionibus impendendis.

Sanctione præsentis, sub interminatione maledictionis æternæ districte prohibemus, ne aliqua majori excommunicatione nodatos, aut suspensos, vel in homicidio, furto, sacrilegio, falso testimonio, perjurio, incestu, instrumentorum & litterarum falsitate, & aliis casibus Sedi Apostolicæ, vel Nobis specialiter, vel nostris Suffraganeis, aut aliis competentibus iudicibus reservatis, quacunque præsumant absolvere, vel vota commutare. Quod si quis fecerit, ab officio suspendatur, donec pro superiorum arbitrio satisfaciatur competenter.

III. De abutentibus indulgentiis, a superioribus super absolutionibus concessis.

Cum interdum tam a Sede Apostolica, quam ex speciali indulto, plerisque gratiose concedatur, ut in casibus superioribus reservatis cum sibi subditis dis-

pensare, ac eos absolvere, ac eis pro modo culpæ pœnitentiam injungere valeant competentem;

Verum quia nonnulli indulto hujusmodi abutentes, pœnitentias hujusmodi in pecuniarum proprium, & burisalem quæstum vertunt: Nos igitur attendentes, quod privilegium meretur amittere, qui concessa sibi abutitur potestate: discernimus hujusmodi indulgentias a Nobis concessas, vel in posterum concedendas, post hujusmodi abusum esse nullas, vacuas, & inanes: declarantes etiam absolutiones, quas tales abutentes impenderint, similiter fore nullas. Abutentes quoque eo ipso suspendimus a Divinis, donec pro qualitate culpæ absolutionis Beneficium a suis superioribus meruerint obtinere.

IV. De modo absolutionis impendendæ in casibus dubitalibus.

Volumus, & omnibus Ecclesiarum Rectoribus districte præcipimus, ut in casibus dubitalibus, præcipue periculum, vel salutem animarum concernentibus, ad superiorem recurrant confidenter: vel saltem peritiores, vel sapientiores studeant super his diligenter requirere; quod si non fecerint, & eorum incuria vel negligentia, periculum aliquod emerferit, gravi subiaceant ultioni.

V. De habitu Clericorum.

Quoniam per decentiam habitus extrinseci oportet Clericos intrinsecam morum honestatem ostendere, districte prohibemus, ne aliqui Clerici sine capucio capitis, bireto, capello, vel pileo cooperto, in Ecclesia, seu alias in publico præsumant incedere, cum hoc honestatem non decet Clericalem. Quod si quis contra fecerit, per superiorem acriter puniatur.

VI. De eodem, & differentia habitus majorum ab inferioribus.

Canonica testatur auctoritas, quod ex majore decore & majoritate ornatuum apparere debeat majoritas dignitatum. Hinc est, quod firmiter inhibemus, ne Clerici in publico utantur vario, (a) vel illud

(a) Vide Glossarium du Cangii, verbo: *vares*.

illud deferre præsumant, nisi in dignitatibus fuerint, vel Canonici Ecclesiarum Cathedralium, vel in gradu magisterii scientiæ litterarum fuerint constituti. Adjicientes quoque, ne ipsi Clerici, maxime non Beneficiati, cincturis corrigiis, aut peris auri vel argenti ornatum habentibus utantur, aut etiam veste, vel alio habitu indecenti.

VII. *De munda conservatione rerum & vasorum Divino cultui deputatorum.*

In plerisque Ecclesiis mappæ, pallæ Altaris, Corporalia, & alia vestimenta, ac vasa Divino cultui deputata, tam inculta, tam immunda relinquuntur, ut interdum quibusdam sint horrore, contra statutum Concilii generalis. Et licet alias super his tam a viris, quam a Legatis Sedis Apostolicæ, quam etiam a nostris Prædecessoribus satis utiliter sit provisum: Nos vero repetitis eorum constitutionibus, volentes expressius providere; universis custodibus, sacristis, Ecclesiarum Rectoribus, præcipimus, quatenus omnia vestimenta, ornamenta & vasa supradicta, per ipsos munda & nitida & præcipue Ecclesiastica Sacramenta, sub clausura & fida custodia conserventur. Si quis vero in transgressione hujusmodi statuti culpabilis fuerit, usque ad condignam satisfactionem ab officio suspendatur.

VIII. *Ne mendicantes admittantur sine Diæcesanorum licentia & testimonio litterarum.*

Quia Religiosos, præcipue fratres mendicantes, decet puritatem omnimodam in suis actibus observare: tamen sæpe divagandi & dissolutionis materiam mutantur, scandalum aliorum & tanquam pseudo Prophetæ fabulosis prædicationibus audientium animos plerumque seducunt: & quamquam invititis ipsarum Ecclesiarum Rectoribus ipsi fratres, nisi per eosdem Rectores vocati, vel invitati ad hoc fuerint, de jure non audeant, nec debeant prædicare: volumus tamen, quod nequaquam dicti Rectores ipsos invitent, vel admittant, nisi de proponendo Verbum Dei a suis Superioribus licentiam habeant, & de illa sæpe dictis Rectoribus faciant plenam fidem. In civitatibus

vero & Diæcesi, in quibus ipsorum fratrum loca consistunt, ac in locis vicinis, nullatenus ad dictum officium prædicandi, vel ad confessiones admittantur, nisi (b) locis Diæcesanis Canonice præsentati fuerint prius & admissi.

IX. *De Immunitate Clericorum, & eorum rerum, ab inpositionibus secularium Domino-rum.*

Dum Ecclesiæ & Ecclesiasticæ personæ, ac res ipsorum, non solum jure civili, quin imo & Canonico, & Divino, sæcularibus personarum tallis, collectis, & exactionibus sint immunes, nonnulli tamen Ecclesiasticæ libertatis & immunitatis æmuli, hujusmodi libertatem offendere moliantur. Nos igitur ipsorum ausus, quantum possumus reprimere cupientes, statutum Domini JOANNIS Episcopi Tusculani, Apostolicæ Sedis Legati, qui invasores, & occupatores, & detentores Ecclesiasticorum bonorum, vel dantes in his auxilium, consilium, vel favorem, si postquam per Ecclesiarum Prælatos, vel Rectores requisiti fuerint, infra mensem non desisterint, vel de damnis datis non satisfecerint, extunc subicit Ecclesiasticæ interdictioni; ad hujusmodi exactores, collectores, & talliatores, declaramus extendi, ut extendimus sanctionem præsentem: omnibus Ecclesiarum Prælati & Rectoribus, sub excommunicationis pœna, districte præcipientes, quatenus hujusmodi statuta inviolabiliter observent, ac nihilominus singulis annis ter in suis Ecclesiis fidei populo studeant publicare.

X. *Contra vilipendentes sententias excommunicationis.*

Multi in profundum malorum venientes, adeo Ecclesiæ claves, & Ecclesiasticæ censuræ sententias vilipendendo contemnunt, quod tam incorrigibiles plerique talium facti, in suæ damnationis periculum, in hujusmodi sententiis moriuntur. Quare statutum Domini FRIDERICI Prædecessoris nostri, quod per omnes civitates & Diæceses mandat, tales sententias publicari per Ecclesiarum Prælatos, & observari præcipimus, ut sic malignorum perversitatibus obvietur.

(b) forte: locorum

XI. *De publicatione Constitutionis Bonifacii VIII. contra recipientes pedagiam a Clericis.*

Constitutiones felices recordationis Bonifacii VIII. editas contra eos, qui ab Ecclesiis & Ecclesiasticis personis, pro earum rebus propriis, quas non negociandi causa deferunt, vel deferri faciunt, vel transmittunt, suo vel alieno nomine, pedagiam, vel quidagiam exigunt, vel extorquent, eosque, qui in his culpabiles fuerint; si personæ sint singulares, excommunicationis, si vero collegium, civitatem, vel castrum, vel locum alterius concernit, interdicti sententiæ subiacere: per locorum Ordinarios, Prælatos, & Archi-Diaconos, ac Parochiales Ecclesiarum Rectores præcipimus solemniter publicari: quemadmodum etiam in *Vienensi Concilio* est provide constitutum.

XII. *De occupatoribus Beneficiorum, & eorum bonorum.*

Omnibus volumus esse notum, quod tam Episcopi, quam alii Ecclesiarum Prælati, & quæcunque aliarum Ecclesiasticarum personarum, qui bona vacantium dignitatum & Ecclesiarum quarumcunque sibi subiectarum, seu ad collationem, vel ad præsentationem eorundem pertinentium, occupant, rapiunt, aut usurpant, vel in suos usus convertunt; ipsi Episcopi ab ingressu ecclesiæ; inferiores vero, ab officio & beneficio de jure sint suspensi, donec de occupatis satisfaciant cum effectu: laici vero, si Judices fuerint, aut ecclesiarum Patroni, bona hujusmodi rapientes vel usurpantes, juxta statutum felices recordationis Domini FRIDERICI, Prædecessoris nostri, eo ipso sententiæ excommunicationis incurrant: in locis vero, ad quæ eadem bona delata fuerint, postquam hoc Rectoribus ecclesiarum innoverit, juxta ejusdem statuti tenorem tamdiu cessetur a Divinis, donec de ablati congrue fuerit satisfactum.

XIII. *De usurariis & eorum penis.*

Apud multos ita crimen usurarum invaluit, quod nonnulli nullis negotiationibus vel laboribus student intendere: putantes sibi hoc licere, quod Præ-

lati, vel alii ecclesiarum Rectores, in animarum suarum periculum negligunt id corrigere, ac per hoc in majoris damnationis laqueum se immergunt. Nos igitur recolendæ memoriæ Domini JOANNIS Tusculani Episcopi, Legati Sedis Apostolicæ, ac aliorum Prædecessorum nostrorum vestigiis inhærentes, qui crimen hujusmodi fuerint specialiter de testati: decernimus eosdem usurarios, postquam per suos Rectores trina monitione nominatim moniti fuerint, & infra mensem ipsi ab eadem pravitate non destiterint, eo ipso excommunicationis sententiæ subiacere. Quapropter singulis ecclesiarum Prælati, ac Rectoribus districte præcipimus, ut omnes manifestos usurarios moneant, & inducant, quatenus ab hujusmodi pravitate infra unius mensis spatium curent studiose desistere, ac de perceptis satisfacere cum effectu. Quod si non fecerint, extunc excommunicati publice nuncientur. Certificentur nihilominus, quod si in hoc crimine sine satisfactione Canonica cautioni (c) de satisfaciendo decesserint, Christiana careant sepultura. Ipsi quoque Rectores, & scienter sepelientes eosdem, simili de jure excommunicationis sententiæ sint ligati. Declaramus insuper manifestos usurarios esse, de quibus est publica vox & fama, & certa sunt indicia, & argumenta, quod pecunias mutant ad usuras, easque recipiunt, vel fructus rei pignoratæ ex pacto, vel alias sibi usurpant, vel imbutant, nec computant in sortem pecuniæ pignoratæ.

XIV. *Ne Clerici conveniantur coram secularibus Judicibus.*

Sæpe contingit, quod nedum laici, sed Ecclesiarum Prælati, & alii Clerici (quod dolentes referimus) alius alium ad secularia trahant judicia, contra Canonicas & legitimas sanctiones: ex quo non modicum ecclesiastica libertati detrahitur, ac ecclesiæ plerumque in suis juribus & libertatibus grandia dispendia patiuntur. Nos volentes his malis, quantum possumus, obviare: decernimus, quod, si Prælati, vel quivis alius Clericus, alium Prælatum vel Clericum, vel etiam laicum quamcunque aliam ecclesiasticam personam, coram seculari

X x x 3

judi-

(c) forte: vel cautione

judice trahere, vel convenire, aut tractus seu conventus sponte & judicialiter præsumpserit respondere: tam trahentes, quam tracti, ultra pœnas contra tales a jure prolatas, eo ipso se noverint, excommunicationis sententiæ subiacere.

XV. *Ne ignoti Presbyteri admittantur ad Divina.*

Firmiter inhibemus, nè Presbyteri peregrini vel ignoti ad Missarum solemnitas celebranda in publico admittantur, nisi per literas testimoniales, vel Canonice de ipsorum ordinatione ecclesiarum Prælati & Rectoribus fiat fides.

XVI. *De Notariis publicis.*

Placuit nostro Sancto Concilio, ut nullus se Notarium publicum asserens, in officio tabellionatus aliquatenus admittatur, nec credatur ejus instrumento, nisi coram loci Ordinario, vel ejus Officiali de suo officio faciat plenam fidem, cum sæpe ex Notariis incognitis & imperitis grandia pericula soleant provenire.

XVII. *Ut Episcopi, Prælati, & Rectores habeant (d) Quæstiones singillatim.*

Dudum fuit in nostra Provincia constitutum, ut Episcopi suffraganei omnes provinciales Constitutiones habeant singillatim, easque suis subditis, sicut juris est, studeant publicare. Verum,

(d) forte: Constitutiones.

quia hujusmodi statutum, fructum modicum hucusque produxit: Nos igitur illud ampliare, & pœnæ adjectione valere volentes, ne ipsarum ignorantiam ipsi vel subditi prætereundum valeant, vel quoslibet allegare; statuimus, & districte præcipiendo mandamus, quatenus omnes & singuli ecclesiarum Prælati, Archidiaconi, ac Parochi, ecclesiarum Rectores, tam Legatorum Sedis Apostolicæ, quam Nostras, & Prædecessorum nostrorum Constitutiones scriptas habeant, quas non habentibus de nostra Cancellaria præcipimus exhiberi, sub perentium tamen sumptibus & expensis. Quod si ipsi Prælati, & Archidiaconi infra sex mensium spatium a data præsentium, rationabili causa cessante, ipsas per se, vel alios non receperint, seu habuerint: ipsos, & quemlibet ipsorum, qui in hoc negligens vel remissus fuerit, eo ipso ab ingressu ecclesiæ suspendimus, donec a suo Superiore absolutionis beneficium meruerit obtinere.

Acta sunt hæc Salzburgi in nostro Archi-Episcopali Palatio, anno Domini MCCCLXXXVI. Pontificatus Sanctissimi in Christo Patris, & Domini, Domini URBANI, Divina Providentia Papæ VI. anno VIII. Mense Januarii.

Harduinus Tom. VIII. Concil. pag. 1900. post editionem Regiam & Labbeianam.

CONCILIIUM MOGUNTINUM

SUB CONRADO II. ARCHI-EPISCOPO MOGUNTINO,

ANNO CHRISTI MCCCLXXXVII. URBANI VI. PAPÆ IX.
WENCESLAI REGIS IX.

Contra Waldenses invalescentes Moguntia.

ANNO MCCCLXXXVII. invaluit sub Conrado de Winspurg, Archi-episcopo Moguntino, Waldensium secta, Lutheranae haud dissimilis, adeo ut 36. ci- ves Moguntini, ea hæresi infames, Bingium sint abducti, & ibidem combusti.

Latomus Catalog. Archiepisc. Moguntin.

Menckenius Tom. III. Scriptorum Germaniae pag. 542.

Serarius rerum Moguntin. Lib. V. pag. 867.

CONCILIIUM COLONIENSE

Anno Christi MCCCXC. Bonifacii IX. Papæ II.
Wenceslai Regis XII.

*Quomodo Clerici Beneficiati Horis Canonicis & Tractatibus
Capitularibus interesse debeant.*

FRIDERICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHI-CANCELLARIUS,
ET APOSTOLICÆ SEDIS LEGATUS, UNIVERSIS ET SINGULIS ABBATIBUS, PRIORIBUS,
PRÆPOSITIS, ARCHI-DIACONIS, DECANIS, ET CAPITULIS, PAROCHIALIUM
ECCLESiarUM, CAPELLARUM, ET ALTARIUM RECTORIBUS, PER CIVITATEM ET
DIOECESIN COLONIENSEM CONSTITUTIS, SALUTEM IN DOMINO.

CRebra veridicorum relatione, & oculata fide cognovimus, quod quamquam Statuta bonæ memoriæ Dominorum, SIFRIDII, HENRICI, WALRAMI, & WILHELMI, Prædecessorum nostrorum Sanctæ Coloniensis Ecclesiæ Archiepiscoporum, pro vita, bonestate, statu & honore Clericorum & Ecclesiasticarum personarum provide facta & ordinata, innovaverimus, ac sub certis & gravibus pœnis, & sententiis firmiter observari mandaverimus, prout in literis nostris desuper confectis plenius continetur: dolentes tamen, & amaricati referimus, quod nonnulli Ecclesiarum, & Monasteriorum Prælati, distarum civitatis & Dioecesis, ad quos Clericorum, & Beneficiatorum sibi subsectorum correctio spectat & disciplina, in reformatione Status Ecclesiastici, Canonicorum, & Beneficiatorum correctionibus & disciplinis, sunt quamplurimum desides & negligentes, ita quod per eorum desidiam & negligentiam, cultus Divinus deperit & diminuitur: Beneficium, quod datur propter officium, servitio debito defraudatur: atque ubi quadraginta vel circiter Beneficiati sunt residentes, vix quinque aut sex, ad Matutinas, & ad alias Horas veniunt decantandas. Cæteri vero circa commessationes, ebriitates, superfluas (a) & nocturnas atque illicitas vagationes, ut de aliis taceamus, noctem vertentes in diem, fere totum noctis tempus expendant: reliquum somno relinquentes, non ad concentum avium, sed vix hora tertiarum excitantur. Et cum campanas præsentiarum aut distributionum pulsari audiunt, non quæ

Dei sunt, sed propria sua quærentes, & ad Ecclesias tanquam acephali currentes, receptis, licet omnino non deservitis, præsentis, seu quotidianis distributionibus, statim ab inde discurrunt, & Divinis interesse contemnunt: & quod deterius est, sunt & nonnulli, qui nec Horas Canonicas, nec de Domina nostra legunt. In aliquibus etiam Ecclesiis, pro dolor, hic modus inolevit, ut decantatis Tertiis, Responsorio & Versu in Vigiliis, statim Decanus & Canonici de Choro recedentes ad domos Capitulares, pro suis & Ecclesiarum suorum tractatibus, factis Capitularibus, colloctionibus, collationibus, factis & negotiis expediendis, progredientes recedunt, vix tribus aut quatuor Vicariis in Choro, pro vigiliis complendis, Missa defunctorum & commendatione peragendis, relictis. Et in huiusmodi tractatibus & factis Capitularibus Ecclesiarum seu Monasteriorum suorum peragendis, nedum publicis, verum etiam disciplinaribus & occultis, adeo sunt incompotiti, tumultuosi & violenti, quod voluntatem suam & libitum rationi aliorum præferre conantes, commodum proprium, & suorum extorquere nituntur per importunos clamores & disturbia, ac interruptiones vocum assidentium aliorum. Et, quod deterius est, per opprobria, insultationes & contumelias, minas, insidias, persecutiones & invasiones, ac alias injurias & violentias enormes, tam in locis Capitularibus, Ecclesiis & Immunitatibus, quam extra, perpetrant & perperam committunt, quod

(a) superfluitates

quod ex his Ecclesiæ ipsæ & Monasteria, disciplina Ecclesiastica, status, honor, & bona, seu prædia Ecclesiarum & Monasteriorum, misere & damnabiliter pereunt & negliguntur: Canonici & personæ Capitulares, rationabilia & iusta proponentes, opprimuntur, vobisque suis Capitularibus, & libertate loquendi sibi debita spoliuntur, in Omnipotentis Dei offensam, Divini cultus diminutionem, Ecclesiarum & Monasteriorum desolationem, & exinanitionem, fraternæ pacis, & concordie dispendium, laicorum ridiculum, scandalum populorum, personarum Ecclesiasticarum confusionem, detrimentumque non modicum & gravamen. In quibusdam etiam Ecclesiis, ubi duodecim, & sexdecim Missæ, aut plures, seu pauciores celebrari deberent, heu vix duæ, aut una celebrantur. Laici quoque Beneficia seu Præbendas non eo modo, quo instituta existunt, deserviunt. Sunt denique & nonnulli Clerici sæculares & Religiosi, ac in sacris Ordinibus constituti in civitate & Diocesi Coloniensi Beneficiarii, statuta supradicta minime curantes, imo potius contemnendo vilipendentes, qui vestes virides & rubeas, calceos rostratos, cincturas desuper tabbardos cum cultellis trusoriis in publico & intra septa Ecclesiarum, Monasteriorum, ac in ipsis Ecclesiis, Monasteriis, & Choris, dum Divina celebrantur, deferunt, & sine tonsura cum capillis decurtatis, vel saltem absque debita tonsura incedunt: & cum tali viatico habitu choreas & publica spectacula visitant, ac visitare & frequentare non formidant, omnem per hoc ordinem, statum & honestatem Clericales denigrando confundentes, propter quæ Divinus cultus diminuitur, odia provocantur, dissensiones pullulant, Christi Fidelium devotio deperit, & quamplurima animarum pericula generantur: & proh dolor delinquentium hujusmodi tantum invaluit temeritas & audacia, quod jam inter Clericum taliter incedentem, & laicum, differentia haberi vix poterit, seu discerni. Unde Nos talia detestabilia atque nefaria deinceps sustinere, seu diutius dissimulare non valentes, vos omnes & singulos supradictos, & vestrum quemlibet præsentibus, qui fueritis requisiti, seu fuerit requisitus: ita tamen, quod unus vestrum

aliud non expectet, nec alter vestrum pro altero se excuset, requirimus & monemus, vobisque in virtute sanctæ obedientiæ & sub pœna excommunicationis, quam ferimus in his scriptis, trium tamen dierum monitione Canonica præmissa, districte præcipiendo mandamus, quatenus accedentes, quo propter hoc fuerit accedendum, & accedere fueritis requisiti: moneatis omnes & singulos Ecclesiarum quarumcunque, & Monasteriorum civitatis & Diocesis prædictarum Prælatos, ad quos correctio & Ecclesiarum, & Ecclesiasticarum personarum status, & reformatio dignoscantur pertinere, quos & Nos tenore præsentium requirimus & monemus, eisque & eorum cuilibet in virtute sanctæ obedientiæ districte præcipiendo mandamus, quatenus ipsi solum Deum præ oculis habentes, subditos suos in his, quæ ad disciplinam, Divinum cultum, vitam Canonicam & honestam spectant, taliter corrigant, reformat & emendent, ut Divinus cultus augeatur, fructus Beneficiorum debite deserviantur, Horæ Canonice tam nocturnæ, quam diurnæ, tractim, distincte & devote decantentur: Missæ juxta exigentiam Beneficiorum celebrentur, ac alia debita & onera, per laicos etiam adimplenda, rite peragantur. Alioqui contra ipsos & ipsorum quemlibet procedemus, & negligentes in præmissis, juxta modum excessuum Canonice puniemus, prout Nobis videbitur, justitia mediante.

Insuper sub pœna excommunicationis, quam ferimus in his scriptis, sex tamen dierum Canonica monitione præmissa, districte præcipimus & mandamus omnibus & singulis Præpositis, Decanis, Canonicis & Capitulis civitatis & Diocesis Coloniensis, quod de cætero in antea nullatenus accedant aut vadant ad quoscunque tractatus, collationes aut colloctiones pro quibuscunque etiam factis & negotiis, nisi vigiliis, Missa defunctorum & commendatione penitus peractis & completis: & quod nemini quotidianas distributiones, five præsentias faciant dari aut distribui, neque dent vel distribuunt, nisi illis, qui in choro fuerint, quando tertium Responsorium & tertius versus in vigiliis, Evangelium in Missa Defunctorum & Psalmus: *Memento Domine David*, in commendatione de-

decantantur aut legantur : & qui in altero istorum trium non fuerit , careat portione , & parte distributionum , aut præsentiarum , ipsum illa vice contingente . Et quod hoc jurare faciant Camerarios , aut præsentiarum distributores , durantibus suis officiis inviolabiliter observaturos . Inhibemus etiam , districtius præcipiendo omnibus & singulis Canoniciis , & cuilibet eorum , sub pœna excommunicationis supradictæ , ut in tractatibus & factis Capitularibus , ac aliis colloctionibus , & collationibus quibuscunque , inter se communiter , vel divisim habendis , taliter sint compositi , & morati , quod ex hoc Ecclesiarum , & Ecclesiasticarum personarum scandala & vituperia , damna , dispendia , & gravamina non exurgant : & ne per clamores importunos & disturbia , aut interruptiones vocum aliorum , & præsertim per opprobria , insultationes , & contumelias , ipsi , vel aliquis eorum , contra alium vel alios quomodolibet insurgat , vel insurgant : & quod nec ipsi , vel aliquis eorum per se , vel alium , seu alios , ullo unquam loco vel tempore , per minas quasque verbo , vel facto quomodolibet

illatas , vel inferendas , aut per insidias , persecutiones , vel invasiones violentas , aut alias injurias enormes quasque contra alias personas Ecclesiasticas , aut aliquam earum quomodolibet sæviant , vel insurgant , sæviant , vel insurgat publice , vel occulte ; sed justitia , & juris executione contenti , causas & quæstiones inter se motas , vel movendas , via justitiæ prosequantur . Alioqui omnes & singulos , in præmissis culpabiles & rebelles , prædictæ Canonica monitione præmissa , sententia excommunicationis , quam ferimus in his scriptis , innodamus : gravius nihilominus processuri , prout Nobis videbitur , justitia median-
te . Damus insuper dilecto Nobis Officiali curiæ nostræ præmissa declarandi , processus aggravandi , & suspendendi , a sententiis absolvendi , & cætera in præmissis faciendi , prout ei videbitur expedire , tenore præsentium plenam , & liberam potestatem . Datum Gudesberch nostro sub Sigillo præsentibus appenso , Anno Domini 1390. die 16. mensis Septembris .

Ex typo Colonienſum Statutorum A. 1554.

CONCILIIUM ULTRAJECTENSE

Anno Christi MCCCXCII. Bonifacii IX. Papæ IV.
Wenceslai Regis XIV.

In quo cognita causa Monachi cujusdam sacrilegi.

IN DEI NOMINE. AMEN.

FLORENTIUS de Wewelichoven , Dei & Apostolicæ Sedis gratia , Episcopus Trajectensis , nec non eadem gratia Fratres ARNOLDUS Episcopus Capitoliadensis , WENEMARUS , Episcopus Symbolienſis , HUBERTUS , Episcopus Yppulensis , BERTOLDUS , Episcopus Lindienſis , ANDREAS , Episcopus Miſconienſis , & JACOBUS , Sareptensis , conjudices in negotio infraſcripto . Præſidente rationis Imperio in animo judicantis ſeder in examine veritatis pro tribunali . juſtitia , & quaſi Rex in folio judicii reſtitudo , *de cujus ore procedit gladius bis acutus* . Cujus etiam aſpectu terribili propriæ voluntatis diſſipatur

arbitrium , noxiuſ appetituſ abſque perſonarum delectu ſub juris regula limitatur . Hæc enim fuit æterni prudentia judicis , de cujus vultu recta judicia pendent , ut judices conſtituerentur in orbe , qui juſtitiam diligant , filioſ hominum judicent , & pro modo culpæ feriant delinquentes . Sane cunctis inauditam ſæculis ſclerum immanitatem tuam , qui caput eſ ſcandali & petra offenſionis , non ſine grandi cordis mœſtitia attendentes , & tuam inſauſtiſſimam temeritatis audaciam , quæ nimirum cœlum perturbat , & terram tremere facit , crebris , ſuſpirioſiſque anguſtiis recenſentes , cogimur , ut contra te ad debitæ ,

Tomus IV. Concil. Germæn.

Y y y

quam

quam meruisti animadversionis vindictam, exigente iustitia, procedamus. CHRISTI igitur nomine invocato pro tribunali, & solum Deum præ oculis habentes, communicato nobis virorum prudentium, & jurisperitorum consilio plurimorum, quia Nobis per tuam confessionem, & alias evidenter, & legitime constat, 1. quod tu literas Apostolicas falsasti, 2. & titulum Pontificalis apicis temerarie, & fallaciter usurpare, & tibi ascribere, 3. & perquam plurimis hominibus ordines minores & majores conferre, 4. Christum conficere, 5. Ecclesias, Capellas, & altaria consecrare & reconciliare, 6. in frontibus confirmare, cæteraque Pontifici duntaxat incumbencia exercere, sub falso, & per te conficto Episcopali titulo, in Treverensi, Moguntinensi, Argentina, & Trajectensi Diocesis, aliisque locis, per decem annorum curricula, & ultra, quumque Episcopus non esses, nec sis de facto, in tuæ & multarum grave periculum animarum, totius Catholicæ, & universalis Ecclesiæ contemptum frontose, & daminabiliter præsumpsisti. Licet etiam per diutina satis tempora Nos FLORENTIUS, Trajectensis antedictus, tibi spatium pœnitendi in carceris nostri custodia reservato, dudum piæ clementiæ motu duxerimus indulgendum: quatenus etiam Altissimum, quem tam graviter tuis nefandis reatibus offendiisti, placare studeres, & ipsius misericordiam devotis, crebrisque precibus lacrymosis assequi posses; tu tamen nesciens ad cor reverti, & pœnitentiæ agere dignos fructus; quamvis diutius expectatos, indurato corde, & obstricto animo tempora pœnitentis tibi per Nos misericorditer, ut antefertur, indulta, quod dolenter referimus, usque in tempus præsens in tuæ salutis dispendium parvipendere nullatenus horruisti. Idcirco Nos FLORENTIUS, Coepiscopi superius nominati, propter, & ad actum præsentem convocati specialiter, & præfentialiter congregati, secundum ea, quæ vidimus, audivimus, & cognovimus, cognoscimus, atque scimus, te ad eundem legitime citatum, ab omnibus Ecclesiasticis Ordinibus, & officio Sacerdotali, tanquam literarum Apostolicarum falsarium, Sacramentorum Ecclesiasticorum abusorem, & hostem, animarum fidelium vastatorem, ac sacrorum Ca-

nonum transgressorem perpepui, 1. degradamus, deponimus, & privamus, 2. teque actualiter degradandum, & demum degradatum Curia seculari relinquendum, & legitime citra mortis periculum puniendum fore, in his scriptis finaliter condemnamus.

Post prædictam sententiam in eum præsentem latam, seorsim ducebatur degradandus, & vestimentis Sacerdotalibus induebatur, & ferendo calice cum vino, & patena cum hostia in manibus suis, ac si debuisset Missam solemniter celebrare, reducebatur coram Episcopo Trajectensi, qui detrahendo sibi insignia Sacerdotalia, videlicet calicem cum patena ac casulam & stolam, utebatur his verbis: *In remotione planetæ auferimus tibi vestimentum, & insignia Sacerdotalia, teque honore Sacerdotali privamus.* Quo facto Episcopus in continenti, in signum deletionis Sacerdotalis, cum vitro exunxit leviter citra sanguinis effusionem loca manuum, quæ fuerant inuncta, ducens tractum cum illo vitro a pollice dextro per indicem sinistram. Deinde fecit secundum tractum a pollice sinistro per indicem dextrum sicut moris, quum Episcopus aliquem in Sacerdotem inungit. De hac ratione seu consuectione manuum notatur in *tertia parte specul. tit. de accus. §. secundo loco: verb. Degradandum.* Talis tamen ratio in decreto degradationis de pœnis *lib. VI.* non præcipitur, nec etiam prohibetur, sed duntaxat fit mentio de ratione, vel consuectione capitis *ut not. ib. Jo. Andr. super verbo: Radatur, in novella.*

Quo completo, iterato secessit ad partem, & induebatur habitu Diaconali, scilicet dalmatica, & stola pendente super humerum ejus sinistram, ut moris est Diaconum vestiri, & sic ferendo codice Evangeliorum in manibus suis representabatur coram Episcopo prædicto, qui hæc sibi contrahendo dixit: *In remotione planetæ auferimus tibi vestimenta, & insignia Diaconalia, teque honore Diaconali privamus.*

Post huc abiit iterato seorsum, & induebatur tunica Subdiaconali, & manipulo in sinistro ejus brachio appposito, & ferendo in manibus suis codicem epistolarum, reducebatur coram Episcopo, & tunc etiam sibi addebatur calix vacuus cum

cum patena in manu, quia illum in collatione Ordinis Subdiaconalis de manu Ordinatoris accepit. Quo facto Episcopus sibi hæc detrahendo præmisit hæc verba: *In remotione planetæ auferimus tibi vestimentum, & insignia Subdiaconalia, teque honore Subdiaconatus privamus.* Privatus supradictis insignibus, ut prius, secessit ad partem, cingulum deponendo, & albam exuendo: & indutus superpellicio Clericali, ferendo in manibus suis candelabrum cereo extincto, & ampullam, coram Episcopo fuit representatus, & Episcopus ei abstulit candelabrum cum cereo & ampullam, & immediate post hoc exiit eum superpelliceo, quo induerat eum Ordinator in collatione primæ tonsuræ, & pronuntiavit in hæc verba: *Auctoritate Dei Omnipotentis, Patris, & Filii, & Spiritus Sancti, ac Nostra, tibi auferimus habitum Clericalem, & depomi-*

mus, degradamus, spoliamus, ac eximus te omni ordine & privilegio Clericali. Deinde Episcopus incepit eum forcipe tondere parumper capillos capitis sui. Et postea barbitonsor illud cum novacula perfecit: ita quod in eo nullum remanserit vestigium tonsuræ, vel Clericatus.

Postremo his peractis inducebatur habitu laicali, & relinquebatur Judici sæculari, ut in suum forum eum reciperet, cum protestatione, quod penam sanguinis ei non infligeret, quia hoc Episcopo petere non licet, ut patet *ex Cap. Ne Clerici, vel Mon. C. Sententiam, & De crim. falsi. C. Ad audientiam.* Ideo supplicabant Domino Traiectensi, & ejus Sculteto, illi sex Episcopi prædicti, alique Prælati ibidem præsentis, quod citra mortis periculum dignarentur circa eum sententiam moderari juxta Decretum: *Novimus. de verb. sign.*

Monachus quidam scelestus Episcopum se, nulla licet consecratione initiatum gerebat, idque muneris sibi Apostolicarum literarum, quas ipse fabricaverat, autoritate delatum jactabat. Fraude hac usus Sacerdotes plures, aliosque minores Clericos sacris Ordinibus consecraverat, donec tandem FLORENTIUS, Episcopus Ultrajectensis, cujus se Suffraganeum dicebat, rem subodoratus, ad Romanum Pontificem delulit, eoque mandante reum detrusit in carcerem; tum septem adhibitis Episcopis judicium solemne instituit. Judicium istud *Synodum* appellat Raynaldus in *continuatione Baronii* ad annum 1391. quare locum hic suum meretur; totamque ejus historiam hanc exhibeo ex versto MS. codice Ultrajectino vulgatam a *Matthæo in Analectis Tom. III. pag. 281. nov. edit.*

Anno Domini cccc. xcii. ultima die Septembris, quidam Jacobus, Ordinis Fratrum Minorum Presbyter, de Ducatu Juliacensi oriundus, fuit in civitate Traiectensi super quoddam solarium in medio Noede de lignis erectum verbaliter & actualiter per modum infra scriptum degradatus pro eo, quod ipse sibi usurpando per quasdam literas confictas Apostolicas, quas falsavit, titulum & nomen Episcopi Lavacensis, in Dicepsi in Suffraganeum Episcopi Traiectensis assumptus aliquamdiu, & antea per decem annos in Trevirensi, Maguntinensi, & Argentina Diocesibus Ordines minores & majores, cæteraque Episcopalia celebrare & exercere præsumpsit. Post degradationem vero fuit relictus tanquam laicus Sculteto & Scabinis Traiectensibus ibi præsentibus, & eum in suum serio recipientibus. Et per eorum sententiam in eodem loco, præsidente Domino FLORENTIO episcopo Traiectensi, fuit idem Jacobus addictus ignis cremationi in cacabo, prope dictum solarium inferius parato. Tandem tamen per gratiam fuit ereptus de cacabo, & capire in eodem loco truncatus.

Constitutus igitur Domino FLORENTIO prædicto, aliisque sex Episcopis subscriptis, & singulis eorum indutis Pontificalibus, ac sedentibus in solarium supradictum, Magister Arnoldus Po vice, ac de mandato eorum in dictum Jacobum talem sententiam promulgavit.

Manfi Tom. III. Supplementi Conciliorum pag. 674.



SYNODUS PRAGENSIS

Anno Christi MCCCXCII. Bonifacii IX. Papæ IV.
Wenceslai Regis XIV.

*JOANNIS, Archi-Episcopi Pragensis, variae Synodales
CONSTITUTIONES.*

JOANNES, DEI GRATIA, SANCTÆ PRAGENSIS ECCLESIAE ARCHIEPISCOPUS, APOSTOLICÆ SEDIS LEGATUS, UNIVERSIS ET SINGULIS PRÆLATIS, PRÆSIDENTIBUS CLERICIS SÆCULARIBUS ET RELIGIOSIS, CURATIS ET NON CURATIS, AUT EORUM LOCA TENENTIBUS, NOBIS ORDINARIO ET LEGATIONIS JURE SUBJECTIS, SALUTEM IN DOMINO.

Inter cunctas sollicitudines nostras, quibus Nos Pastorale officium & debicium injunctæ servitutis astringit, illa debet esse præcipua, ut Gregis Domini Nobis superna dispositione commissi animarum cura non negligatur, & ne illum lupo rapax, antiquus humani generis inimicus, invadat, ejusque sanguis de nostris (quod absit) Propheta dicente, manibus requiratur. Sane, cum secundum Canonicas Sanctiones, ultimo deputandis supplicio negari, si petant, non debeat Pœnitentiæ aut Eucharistiæ Sacramentum, abutum damnabiliter in quibusdam locis Provinciæ & Diœcesis nostræ contra hoc introductum, hac *Synodali Constitutione* abolere omnino volentes, omnes & singulos Barones, Nobiles, Justiciarios, Bailivos, Capitaneos, Burgimagistros, Magistros civium, Judices, & Juratos, ac alios Dominos temporalem jurisdictionem obtinentes, Nobis ordinario & legationis jure subiectos requirimus, monemus & hortamur, & per viscera misericordiæ Domini nostri JESU CHRISTI obsecramus in Domino, ut ab hujusmodi desistant abusu; mandantes, & injungentes in virtute sanctæ obedientiæ, & sub pœna excommunicationis, præfatis Prælati, & Ecclesiarum Parochialium Rectoribus, & Plebanis, quatenus præfatos Dominos Barones, Nobiles, Justiciarios, Bailivos, Capitaneos, Burgimagistros, Magistros civium, Judices & Juratos, nec non alios Dominos quoscunque præfidentes eis, & temporalem jurisdictionem obtinentes, & in eorundem Parochiis consisten-

tes, toties, quoties opus fuerit, moneant & requirant, quos & Nos præfentis nostri statuti requirimus & monemus auctoritate, ut ipsi præfatum usum damnabilem aboleri facientes, omnes & singulos ultimo supplicio deputandos, ante hujusmodi supplicium, si petant, aut affectaverint ex devotione, permittant recipere & sumere Pœnitentiæ, & Eucharistiæ Sacramentum, seu viaticum cum effectu, quibusvis impedimentis, seu fucatis occasionibus procul motis. Quod si præfatorum Prælatorum præfidentium, seu Plebanorum monitionibus & requiritionibus, ac præfenti nostræ *Synodali* Constitutioni acquiescere non curaverint; damus, & tenore præfentium plenam concedimus facultatem præfatis Plebanis & Præfidentibus, in præfatos Barones, Nobiles, Justiciarios, ac alios Dominos omnes & singulos supradictos, temporalem jurisdictionem obtinentes, non parentes hujusmodi nostræ salubri constitutioni, sententiæ Ecclesiasticæ censuræ, toties, quoties opus fuerit, proferendi, & monitione Canonica præmissa promulgandi, nec non ad denunciationem eorundem procedendi, si necesse & visum fuerit expedire. Ratas etiam atque gratas habebimus sententiæ, quas præfati Prælati, Plebani, & præfidentes in tales Nobiles rite tulerint, & faciemus, auctore Domino, firmiter observari.

Præterea, in tantum, peccatis exi-
gentibus, corda quorundam Presbyterorum Simoniaca servitius depravat, quod
nec Baptismi, Eucharistiæ, Pœnitentiæ,
aut

aut extremæ Unctionis Sacramenta, nec benedictionem nubentium, aut exequias seu sepulturam mortuorum, sive alia quæcumque spiritualia, suis nolint subditis ministrare, nisi pro huiusmodi spiritualibus, seu administratione ipsorum, eis solvatur, vel promittatur præmium ex pacto, pro suæ turpitudinis excusatione, imo verius accusatione, diuturnæ consuetudinem prætendentes: & quamvis hæc per statuta Provincialia, dudum per Prædecessores nostros edita, sunt expresse prohibita & vetita; Nos attendentes, quod ea, quæ super iis repetuntur, melius memoriæ commendantur: ne tam perniciosam venalitatem videamur nostris temporibus approbare, præfatum statutum, in libello statutorum Provincialium expressum, per nostrum prælens statutum duximus repetendum, mandantes: quatenus singula prædicta Sacramenta, & res sacræ, non obstante quacumque consuetudine, sine exactio-
ne cuiuscumque temporalis emolumenti libere conferantur, & quicunque de cætero præmissorum, vel alicujus ex præ-

missis venditor deprehensus fuerit, si est Rector Ecclesiæ, perpetuo ipsa privetur; si vero Vicarius, seu Socius fuerit, ad nostros carceres, ut poenitentiam agat, detrudatur. Insuper Archi Diaconi locorum, seu Decani rurales, si pro sacris liquoribus, Crismate, vel Oleo, per se, vel alios aliquid præsumpserint extorquere, suis beneficiis perpetuo spoli-entur; & quia desidia & oblivio mater ignorantiae existunt & confusionis, ideo districte præcipimus & mandamus omnibus Archi-Diaconis, & Decanis civitatis & Diocesis nostræ Pragenis, quatenus libellum statutorum huiusmodi, & aliorum per Prædecessores nostros, & Nos editorum, tam *Provincialium*, quam *Synodali*, habeant, & in suis convocationibus integre legant & publicent sub pœna suspensionis ab ingressu Ecclesiæ &c.

Datum *Pragæ*, anno Dom. MCCC. LXXXII. die xvii. mensis Junii.

Ex codice MS. Bibliothecæ Metropolitanæ Pragensis describebat Cl. Schannatus b. m.

CONCILIIUM MONASTERIENSE

Anno Christi MCCCXCIII. Bonifacii IX. Papæ V.
Wenceslai Regis XV.

*Statutum Reverendi in Christo Patris ac Domini, Dni OTTONIS (a)
Episcopi Monasteriensis, feliciter incipit:*

- I. Confirmat Statuta Antecessorum Gerhardi & Everhardi.
- II. Lubberto excommunicato communicantes suspendit.
- III. Jurisdictionem Archi-Diaconorum suspendit.
- IV. Spolia mortuorum vetat.
- V. A Colonienfi nulla rescripta recipienda.
- VI. Decanus Monasteriensis non habet jurisdictionem, nisi in suos Canonicos.

OTTO, DEI GRATIA, MONASTERIENSIS EPISCOPUS, UNIVERSIS ET SINGULIS ABBATIBUS, PRÆPOSITIS, DECANIS, PRÆLATIS, CANONICIS, ECCLESiarUM ET CAPELLARUM RECTORIBUS, CAPELLANIS, VICARIIS, ET ALIIS CLERICIS QUIBUSCUNQUE NOSTRÆ CIVITATIS ET DIOCESEOS SALUTEM, ET COGNOSCERE VERITATEM.

NOS habita deliberatione cum fidelibus nostris Canonicis Ecclesiæ Monasteriensis non excommunicatis, apud quos ius

Capituli decernimus residere, ac Prædecessorum nostrorum vestigiis inhaerentes:

Y y y 3

I. Om.

(a) Otto III. Comes de Hoya floruit ab anno 1392. ad 1424. 3. Octobr.

I. Omnia & singula (*) per felicitis recordationis Monasterienses quondam Dominos *Gerhardum* (b), & *Everhardum* (c), Prædecessores nostros sunt statuta, & ordinata, & mandata, secundum formam & tenorem eorundem per præsentem nostram constitutionem confirmamus, ratificamus, & approbamus, & inviolabiliter præcipimus observari.

II. Item, cum *Labbertus de Langhen* jam dudum Apostolica, & Nostra auctoritatibus sit excommunicatus, & quidam Canonici Monasterienses Archidiaconi dicto *Lubberto* communicent, & in sua malitia & pertinacia assistant, & eundem præsumptuose foveant, in eisdem sententiis excommunicationis ex hoc innodati;

III. Nos eorundem Archidiaconorum præsumptionem punire volentes, jurisdictionem, quam habere dignoscuntur, ratione dictorum Archidiaconatum suspendimus per præsentem: unde vobis universis præcipimus & singulis sub pœna excommunicationis latæ sententiæ, ne quis deinceps se intromittat nomine eorundem, aut eisdem tanquam Archidiaconis obediat vel intendat.

IV. Item, cum quædam consuetudo pessima, quæ potius dicenda est corruptela, in civitate & Diocesi Monasteriensi invaluerit, quod Archidiaconi civitatis & Diocesis Monasteriensis vestes, equum, si habuerit aliquis, aut certam summam pecuniæ, & res alias, nomine exuviarum ab executoribus, sive hæredibus Rectorum, sive Vicariorum Ecclesiarum Monasteriensis civitatis & Dioceseos defunctorum recipere non verentur: minus attendentes, quod indecens est, quod quidquid a bonis decedentium recipere volunt, ultra id, quod sacri Canones statue-

runt: unde nos eandem consuetudinem tanquam juri contrariam amovemus, & reprobamus, præcipientes sub pœna excommunicationis latæ sententiæ, ne quis deinceps de bonis Clericorum decedentium, seu eorum hæredibus, seu executoribus testamenti Ecclesiæ dictæ consuetudinis extorqueat, vel recipiat quomodo.

V. Item statuimus, & ordinamus, & sub pœna excommunicationis latæ sententiæ mandamus, ut nulla persona Ecclesiastica nostræ civitatis & Dioceseos, mandata, monitiones, vel sententias Domini Colonienfis Archiepiscopi, vel ejus Officialis recipiat, vel exequatur, cum ad id secundum statuta INNOCENTII Papæ Quarti non teneatur.

VI. Item pronunciamus, & decernimus, quod Decanus Monasteriensis, qui pro tempore fuerit, & Capitulum Monasteriense conjunctim vel divisim in vos, vel in aliquem vestrum jurisdictionem, vel mandata non habere, nec eorum præceptis vel sententiis vos, vel aliquem de vobis obligari, vel innodari. Si vero aliquid in hoc per ipsos conjunctim vel divisim in vos, vel in quemlibet vestrum attemptari contigerit, illud attemptatum ex nunc irritamus, & nullum nuntiamus, quod & vos, ubi necesse fuerit, publicetis; Salvo, quod Decanus Monasteriensis, qui pro tempore fuerit, quemadmodum alii nostri Decani, postquam in jus confirmationis Canonice sunt adepti, jurisdictionem in suos Canonicos, quod Nostra, & Prædecessorum nostrorum auctoritate recipere consueverunt.

Ex libro Monasterii Westphalorum impresso A. 1486.

(*) *supple: quæ*

(b) *Gerhardus Comes de Marca.*

(c) *Everhardus de Deest.*



CONCILIIUM MONASTERIENSE

EODEM ANNO.

*Reverendi in Christo Patris, & Domini, Domini OTTONIS
de HOYA, Episcopi Monasteriensis, Statuta Diœcesana
feliciter incipiunt:*

OTTO, DEI, ET APOSTOLICÆ SEDIS GRATIA, MONASTERIENSIS
ECCLESIAE EPISCOPUS, UNIVERSIS ET SINGULIS PRIORIBUS, PRÆ-
POSITIS, DECANIS, ARCHI-DIACONIS, ECCLESiarUMQUE PAROCHIA-
LIUM ET COLLEGIATARUM RECTORIBUS, AC ALIIS QUIBUSCUNQUE
PERSONIS ECCLESIASTICIS, PER CIVITATEM ET DIOECESIM MO-
NASTERIENSEM CONSTITUTIS, SALUTEM IN DOMINO
SEMPITERNAM.

CUM ad id Pastoralis cura Nos indu-
cat, ut regimini Pastoralis suis tem-
poribus juxta necessitatem nostram sub-
venire teneamur, cum vero status di-
verforum Presbyterorum, & Clerico-
rum aliorum Beneficiatorum, & non
Beneficiatorum, in nostris civitate & Dice-
cesi Monasteriensi prædictis, commoran-
tium taliter se habeat, ut merito inde
suspicio habeatur: alii tonsura debita
Clericali, nec vestibus decentibus, & pro-
ut eorum status requirit, non utentes,
imo, quod deterius est, tabernis, hi-
strionibus, ludis se immiscentes, in præ-
missis Privilegia Clericalia renuntiantes:
alii autem temporibus *Synodorum Gene-
ralium* in habitu laicali, religione spre-
ta comparent, non exhibentes Statuta
Provincialia aut Diœcesana, ex quibus
posset edoceri, quoquomodo & quali-
ter se & subditos suos regere possent, &
deberent: alii vero, qui Rectores Eccle-
siarum, & Capellarum Curatarum, &
non Curatarum existunt, nonnullos tam
Religiosos, quam sæculares Presbyteros
aliorum Diœcesum, & maxime ignaros,
ad Evangelisandum Verbum Dei, &
Divina, seu Missarum solemnia in Eccle-
siis, & Capellis celebrantes sine nostra,
aut Vicarii nostri in Spiritualibus licen-
tia admitterunt, & continue sic admittere
minime curant: alii vero Capellas rura-
les, in eorum Parochiis constructas, &
Deo dicatas, & sacratas, per eorum sub-
ditos, licentia nostra ad hoc minime ob-
tenta, devastari, destrui, & annihilari
permiserunt, & adhuc permittere non
formidant: alii vero, qui Rectores Para-
chialium Ecclesiarum, & Collegiata-

rum, & Capellarum Curatarum exi-
stunt, coram excommunicatis celebrare
non abhorrent, eosque causa avaritiæ,
seu amicitiae, & ob alias causas, dictos
Curatos ad hoc moventes, singulis die-
bus Dominicis, & Festis excommunica-
tos, prout tenentur, excommunicare
recusant, & recusant. Nos vero ex
Pastorali Officio in præmissis omnibus,
prout juste tenemur, obviare volentes,
vobis omnibus personis Ecclesiasti-
cis prædictis sub excommunicationis in-
obedientiae, & irregularitatis pœnis,
quas in vos, & in quemlibet vestrum
ferimus, nisi feceritis, quæ mandamus,
districte præcipimus, & mandamus, ne
vestrum aliquis tabernis, ludis, histrio-
nibusque se immisceat, sed unusquisque
vestrum tonsuram debitam Clericalem,
& vestes decentes, prout Statuta Pro-
vincialia, Synodalia, & Diœcesana edi-
cunt, deferentes incedant: vobis vero
Parochialium Ecclesiarum, Capellarum
curatarum Rectoribus, qui ad regen-
dum gregem Dominicum estis instituti,
ut eundem gregem, vosque metipsos
multoties ex humana fragilitate errantes,
eo salubrius regere, & ab errore ad vi-
am veritatis reducere possitis, præcipi-
mus, & mandamus sub pœnis antedi-
ctis, quotiens uniuscujusque vestrum
Provincialia, Synodalia, & Diœcesana
sibi procurat statuta, semper Synodali-
um tempore nunc in antea Generalium,
Monasterii celebrandarum, se coram
Nobis, aut in Spiritualibus Vicario no-
stro, cum eisdem statutis per eundem Vi-
carium signandum præsentaturus, vobis
vero Ecclesiarum Collegiatarum, Para-
chia,

chialium, & ac Capellarum Rectoribus prædictis, ac quorumcunque locorum, ac Monasteriorum Prælati, Superioribus, præcipimus, & mandamus sub pœnis supradictis, ne de cætero aliquem Religiosum, nisi vobis per Nos, aut Vicarium nostrum in Spiritualibus præsentatus fuerit, Seu Presbyterum sæcularem, nisi per Nos, aut eundem Vicarium examinatus fuerit, & admissus, in vestras Ecclesias ad aliquos actus Sacerdotales exercendos, recipiatis, & admittatis. Cæterum autem vobis omnibus prædictis, qui Ecclesias, seu Capellas rurales, ut præmittitur, destrui permisisistis, præcipimus, & mandamus; quatenus monentis omnes & singulos, quorum nomina sciveritis, in specie, reliquos vero in genere, earundem Ecclesiarum, seu Capellarum destructores, nisi hoc de Nostra, aut piæ memoriæ *Domini Heydenrici*, Ecclesiæ Monasteriensis Episcopi, Prædecessoris nostri, seu ejusdem, sive nostri in Spiritualibus Vicarii licentia factum fuerit speciali; ut infra septem dies post vestram monitionem, quam Dominica die Passionis Domini proxime futura, post executionem præsentium per vos fieri volumus, ut valorem earum Ecclesiarum, & Capellarum, vobis, & Provisoribus Ecclesiarum vestrarum conjunctim, ad structuras Parochialium, Collegiatarum Ecclesiarum vestrarum convertendum donent, & assignent: alioquin propter hoc eosdem, dictis septem diebus elapsis, in his scriptis excommunicamus, excommunicatos publice eosdem nuntietis, nomina, & cognomina monitorum Nobis per vestras authenticas literas liquide rescribentes sub pœnis supradictis: inhibentes nihilominus omnibus & singulis vestris

subditis communiter, vel divisim, quibus, & Nos sub excommunicationis, & viginti marcarum denariorum Monasteriensium per quemlibet contrarium facientem, Nobis solvendarum pœnis, præsentibus inhibemus, ne quis Capellas, seu Ecclesias rurales, noviter Deo dicatas, destruere, seu annihilare præsumat, nisi hoc de Nostra, aut in Spiritualibus Vicarii nostri licentia fecerit speciali: contrarium in præmissis facientes, excommunicationis sententiam, pœnamque pecuniariam volumus incidisse: & nihilominus, ne vestrorum Curatorum, Rectorum, & Prælatorum Ecclesiarum prædictarum aliqui per Parochiam aliquam possint prætereundere ignorantiam, & valeant: ut etiam boni, ne in malum cadant, abhorreant, mali etiam de malo in bonum reducantur; Vobis præcipimus, & mandamus, quatenus per vos, aut vestros Capellanos de cætero semel in mense ex registro inibi excommunicatis conscripto, aut conscribendo per vos excommunicari mandavimus, aut Officialis curiæ nostræ mandavit, vel forsan mandabimus, seu mandabit excommunicatos, eosdem excommunicetis, seu excommunicari faciatis, mandantes vobis, & cuilibet vestrum districte præcipiendo sub excommunicationis latæ sententiæ pœna, quatenus quivis vestrum præsentis nostri mandati copiam a Notario Cameræ Curiæ nostræ, & Sigillo Curiæ ejusdem munitam recipiat, antequam de civitate Monasteriensi recedat.

Datum sub Sigillo Curiæ nostræ prædictæ, quo utimur in præmissis, Anno Domini millesimo ccc. nonagesimo tertio, feria tertia post Dominicam Oculi..

Lanig Continuatio II. Spicilegii Ecclesiastici pag. 808. 809.

Aliud OTTONIS Episcopi Statutum.

ANNO CHRISTI MCCCXCVIII.

OTTO, DEI GRATIA, EPISCOPUS MONASTERIENSIS, UNIVERSIS ET SINGULIS ECCLESiarUM PAROCHIALIUM, CAPELLARUM, ALTARIUM, DIVINORUMQUE RECTORIBUS, PER CIVITATEM ET DIOECESIM MONASTERIENSEM UBILIBET CONSTITUTIS, SALUTEM IN DOMINO.

INter alia statuta per felicis recordationis LUDOWICUM Prædecessorem nostrum edita, statutum de laicis, se de

bonis, & rebus Ecclesiasticis intramittentibus, duximus innovandum, & præsentibus innovamus, cujus tenor sic inci-

incipit, & est talis : " Frequens itaque
 " & assidua Nos querela circumstrepit ,
 " quod quidam laici ausu sacrilego non
 " solum de rebus , & personis Eccle-
 " siasticis , & maxime Ecclesiarum Pa-
 " rochialium, se ingerunt, verum etiam
 " de reliquiarum oblationibus, clavibus,
 " & Ecclesiarum ornamentis , & lega-
 " tis se intromittunt contra Ecclesiasti-
 " cam libertatem. Nos vero attendentes,
 " quod cum laicis de rebus , & personis
 " Ecclesiasticis disponendi , & judicandi,
 " vel de vitæ eorum aliquid investigandi,
 " nulla attributa sit facultas , sed ipso-
 " rum iudicio, quicquid illud est, refer-
 " vandum ; provide duximus statuen-
 " dum , ut laici de cætero se de talibus
 " non intromittant absque consilio , &
 " consensu Rectorum Parochialium Eccle-
 " siarum, volentes, quod duo viri honesti
 " & idonei in singulis Ecclesiis Parochiali-
 " bus Rectori Ecclesiæ adjungantur , qui
 " singulas claves cum Plebano , oblatio-
 " nes universas ad luminaria, vel ad fabri-
 " cam pertinentes , in una arca conclu-
 " dant , & de communi consensu assum-
 " ptis , cum hoc opus fuerit, de Pa-
 " rochiis aliquibus providis & honestis, fa-
 " cturi, prout plus expedire viderint uti-
 " litatibus , & necessitatibus Ecclesiarum.
 " Insuper prohibemus sub insinuatione
 " maledictionis æternæ, ne laici de cætero
 " in Ecclesiis, cimiteriis, aut plateis trun-
 " cos , aut imagines ratione questus po-

nant , vel deferant cum tabulis circum-
 euntes, questum congregantes , absque
 consilio, consensu, & voluntate, & or-
 dinatione Rectorum Parochialium Eccle-
 siarum : & taliter conquesta in usus , &
 utilitates Ecclesiarum convertantur, de
 quibus omnibus tam receptis , quam
 expositis , Rectores Ecclesiarum cum
 Magistris fabricarum singulis annis in
 Synodo quadagesimali coram Archidiacono suis
 teneantur reddere rationem , de qua
 computatione Archidiaconi nil emolu-
 menti sibi poterunt vindicare. Qui vero
 contrafecerint , si personæ fuerint sæcu-
 lares, excommunicationis, si vero Col-
 legium, vel universitas civitatis, vel cas-
 tri, vel loci alterius, cujuscunque ipsa
 civitas, castrum , vel locus, interdicti
 sententias ipso facto incurrant , monito-
 ne Canonica præmissa, nec ab excom-
 municatione hujusmodi absolutionem ,
 vel interdicto relaxationem obtineant ,
 donec de transgressione satisfecerint com-
 petenter. Executione facta reddite litte-
 ras sigillatas, locum executionis , atque
 diem liquide rescribentes. Datum sub
 Sigillo Curiae nostræ Monasteriensis ma-
 jori. Anno Domini millesimo ccc. nona-
 gesimo octavo, feria sexta post Domini-
 cam Oculi.

*Impressum Monasterii Westphalorum an-
 no 1486. in 4to.*

*Recusum a Lunig. Continuat. II. Spicil.
 Ecclesiast. pag. 809.*

Aliud Statutum ejusdem Domini OTTONIS.

ANNO CHRISTI MCCCCXIII.

OTTO, DEI, ET APOSTOLICÆ SEDIS GRATIA, MONASTERIENSIS
 ECCLESIAE EPISCOPUS, UNIVERSIS ET SINGULIS ABBATIBUS,
 PRIORIBUS, PRÆPOSITIS, TAM CONVENTUALIUM QUAM COLLEGIATA-
 RUM ECCLESiarum DECANIS, ARCHIDIACONIS, THESAURARIIS, SCHO-
 LASTICIS, CANTORIBUS, CANONICIS, PAROCHIALIUM ECCLESiarum, CAPELLARUM,
 ET ALTARIUM RECTORIBUS, CÆTERISQUE PRESBYTERIS CURATIS ET NON CURA-
 TIS, AC CLERICIS ALIIS PER CIVITATEM ET DIOCESEM NOSTRAM MONASTERIENSEM
 CONSTITUTIS, ET EORUM CULIBET SALUTEM, ET SINCERAM IN DOMINO CHARITATEM,
 ET MANDATIS NOSTRIS INFERA SCRIPTIS FIRMITER OBEDIRE.

Cum Domum Domini decet sancti-
 tudo , Ministrosque pudicos, hu-
 miles, pacificos, & modestos Rex pacifi-
 cus pia miseratione disposuit, nonnulli ta-
 men in ministerium Domini assumpti,
 quos virtutis amor a vitiis non retraxit, im-
 punitatem excessus sperantes sua effra-
 nata pertinacia, sui ipsius honoris ac toti-
 us status Clericalis prodigi, diversis abu-

sibus, & actibus abusivis, imo prohibi-
 tis inverecunde se implicant , & immi-
 scent, ac ministerium sibi traditum Deo,
 & Ecclesiæ non curant impendere , ad
 hoc se non teneri , temere asserentes ,
 vel saltem impendunt minus plenarie ,
 ac peccatum adjicientes peccato , de
 præmissis, cum male fecerint, glorian-
 tur. Ideoque, ne culpabiles in præmissis

sis ex dissimulatione, vel permissione, saltem tacitum videamur præbere consensum, & ob hoc argui, seu de negligentia reprehendi valeamus; ad compescendos seu abolendos abusus, & indecentia quæcunque, monemus omnes & singulos Clericos supradictos, vobisque, & vestrum cuilibet in virtute sanctæ obedientiæ districte præcipiendo mandamus, quatenus infra triginta dies a data præsentium computando, quorum decem pro primo, decem pro secundo, & reliquos decem dies pro tertio, & peremptorio termino, ac monitione Canonica præfigimus, & assignamus, quascunque focarias, seu concubinas, si quas habetis, a vobis, & domibus vestris ita remote repellatis, quod verisimiliter nihil finistri possit suspicari de eisdem, nec easdem refumat, sed continenter vivere studeatis, & caste ab omni libidinis vitio: quatenus in conspectu Omnipotentis Dei puro corde, & mundo corpore valeatis ministrare, & familiam honestam vobiscum in domibus vestris teneatis. Et subditi, qui per eorum Prælatos comprehensi fuerint in incontinentiæ vitio, prout magis & minus peccaverint, ab eorum Ordinariis, & Prælati infra prædictum terminum triginta dierum debite puniantur: alioquin Nos prælatorum Prælatorum negligentiam supplerentes in præmissis, tales puniemus secundum Canonicas sanctiones poena decenti, ut inde abstineant a peccato. Et qui ea de causa per Nos, vel Prælatos suspensus, Divina Officia celebrare præsumperit, Beneficio Ecclesiastico spoliatur, & pro duplici culpa perpetuo deponatur. Item a crapula, & ebrietate omnes Clerici supradicti se diligenter abstineant, ut vinum sibi temperent, nec ad bibendum quispiam incitetur, cum ebrietas inducat mentis exilium, & libidinis provocet incendium. Insuper tabernas, ludos taxillorum, & alios illicitos actus non visiteris, neque frequentis usuras, & negotiationes per vos, vel alios non exerceatis: conspirationes contra vos invicem, & maxime contra Prælatos, & Majores vestros non faciatis: confuras, & vestes deferatis Clericales ultra genua protendentes, quas si non habetis, infra triginta dierum spatium vobis procuretis cum effectu: Beneficia vero Ecclesiastica habentes, prout

eorum Beneficia exigunt, & requirunt, in quatuor proximis temporibus, & deinceps aliis temporibus a jure statutis, ad sacros Ordines se promoveri faciant, & procurent. Cæterum mandamus vobis Ecclesiarum-Parochialium, Capellarum, & Altarium Rectoribus, ut super conjugii Sacramento non permittatis subditos vestros amicabilem compositionem, sive transactionem inire sub penis infra scriptis, & vestris subditis, & Parochialibus sub excommunicationis poena inhibeat, ne fidem sibi mutuo dent clandestine, & in occulto super matrimonio contrahendo, vel etiam clam contrahant matrimonium, sed publice coram Presbytero, & pluribus aliis adstantibus hoc faciant.

De Clandestinis Nuptiis.

Item omnes & singulos, qui clandestinis nuptiis interfuerint, in his scriptis excommunicamus, nisi infra mensem a tempore contractus hujusmodi matrimonii Officiali, aut Sigillifero Curiae nostræ Monasteriensis hoc revelaverint cum effectu: quod si non fecerint, ipsos singulis diebus Dominicis, & Festis excommunicatos publice nuntietis, & teneatis, donec & quousque Beneficium absolutionis litteratorie a dicto nostro Officiali meruerint obtinere. Monemus insuper Provisores, Structores Ecclesiarum, & Capellarum prædictarum, quos per vos, & quemlibet vestrum sub penis antedictis moneri præcipimus, & mandamus, quatenus infra mensem a data præsentium immediate sequentem Ecclesias, Capellas, & cæmeteria violatas, & violata, Altariaque dicata, nondum adhuc consecrata, neque confirmata, reconciliari, consecrari, & confirmari procurent realiter, & cum effectu. Requirimus etiam omnes & singulos Testamentarios, & Executores Testamentorum, Beneficiatorum defunctorum, & quarumcunque personarum Ecclesiasticarum civitatis & Diocesis prædictarum, quatenus Sigillifero Curiae nostræ Monasteriensis prædicto de bonis testatorum inventis infra mensem, & de dispositione eorundem bonorum inventorum infra annum post obitum testatorum immediate sequentem certificent, & informant, ut tenentur, alioquin contra eosdem, prout de jure poterimus, censura Ecclesiastica me-

mediate procedemus: & manifestos, five Executores Testamentorum, five ultimarum voluntatum illorum, qui ultra annum decesserunt, & dicto Sigillifero nostro de bonis testatorum per eisdem inventis, nondum adhuc computum reddiderunt, licet per Nos, & nostra mandata ad hoc sæpius fuerint requisiti, in his scriptis excommunicamus, excommunicatos singulis diebus Dominicis & Festis publice nuntietis, & teneatis. Insuper requirimus, & in Domino exhortamur omnes & singulos Dominos Abbates, Priores, Præpositos, Decanos, & Archidiaconos, ac alios quoscunque de jure, vel consuetudine jurisdictionem in subditos habentes conjunctim vel divisim, quatenus infra unum mensem a data præsentium proximum, & immediate sequentem, excessus culpabiles suorum subditorum corrigant, & Beneficiatos quoscunque, qui se a Beneficiis hucusque absentarunt, & absintant, ad personalem residentiam cogant, & inducant: sic quod nullus Beneficiatorum in Diocesi nostra Monasteriensi a personali residentia sui Beneficii sine legitima causa, & absque speciali licentia sui Prælati se absentare præsumat: alioquin negligentiam ipsorum Prælatorum auctoritate nostra supplere volentes, contra ipsos delinquentes, & personaliter non residentes, prout juris fuerit, procedemus. Inhibemus etiam universis & singulis Ecclesiarum Parochialium, Capellarum, & Altarium Rectoribus, ne aliquos Monachos, cujuscunque status, vel ordinis fuerint, ac Presbyteros extraneos, ignotos, in suis Ecclesiis, & Capellis admittant ad Divina; nisi penitus per Nos, vel Commissarium nostrum fuerint approbati, & admissi, & de eorum admissione per patentes literas, sigillo dictæ Curie nostræ Monasteriensis sigillatas legitime constiterit. Insuper mandamus vobis Rectoribus Ecclesiarum prædictis, ac Clericis, & Campanariis earundem, ut infra Missam, & alia Divina Officia religione, ut decet, sitis, & sint induti, & in casibus, in quibus penitentes ad Superiores remitti debeant, studeatis diligenter informare, agentesque penitentiam solemnem in die Jovis Sancto ad Ecclesiam nostram Monasteriensem reconciliatos, transmittatis. Cæterum processus & mandata quoscunque, &

quæcunque, tam Nostra, quam Prædecessorum nostrorum auctoritatibus, de consensu Capituli nostri Monasteriensis emissos, & emissæ, & plures in *Sancta Synodo Generali in dicta nostra Ecclesia Monasteriensi celebrata in præsentia Prælatorum*, ac aliorum Clericorum civitatis & Diocesis Monasteriensis tunc ibidem congregatorum, executos, & executæ, una cum statutis tam Provincialibus, quam Synodalibus, in omni eorum forma præsentibus innovamus; ipsosque, & ipsa vobis universis & singulis supradictis intimamus, insinuamus, & notificamus, ac eos, & ea cum & sub pœnis & censuris in eisdem contentis, & expressis, firmiter & inviolabiliter observare precipimus, & mandamus. Insuper vobis Dominis Abbatibus, Prioribus, Præpositis, Decanis, Archidiaconis, Ecclesiarumque Parochialium, Capellarum, & Altarium Rectoribus nostrarum civitatis & Diocesis prædictarum, & vestrum cuilibet sub pœnis infra scriptis districtè precipiendo mandamus, quatenus copias tam Provincialium felicis recordationis Dominorum CONRADI, ENGELBERTI, SIFRIDI, WIGBOLDI, HENRICI, WALRAMI, Sanctæ Colonienfis Ecclesiæ Archiepiscoporum, quam Synodaliū vide licet LUDOWICI & FLORENTII, Monasteriensis Ecclesiæ Episcoporum, Statutorum vobis in debita forma infra hinc & festum Sancti Michaelis Archangeli proxime venturum procuretis, ut vos secundum formam & tenorem eorundem debite regere, & gubernare valeatis, ac copiam eorundem statutorum in proxima sancta Synodo tunc proxima & immediate sequente, Sigillifero Curie nostræ prædictæ nostro nomine per vos, & quemlibet vestrum realiter, & cum effectu sub eisdem pœnis exhibere, precipimus & mandamus. Omnia & singula, & quodlibet præmissorum sub pœna excommunicationis latæ sententiæ, quam ferimus in his scriptis, & centum florenorum Rhenensium sine nova declaratione nostra, inviolabiliter observari, precipimus, & mandamus. Insuper mandamus vobis Archidiaconis, & aliis Prælati, ac Rectoribus Ecclesiarum supradictis, ut copiam recipiatis ex præmissis, ut ea vestris subditis, ne aliquam ignorantiam præmissorum prætereunda valeant, possitis intimare, absentes vero, qui

qui ad hanc sanctam Synodum absque Nostra, sive dicti nostri Sigilliferi petita, & obtenta licentia speciali non venerint, vel qui sine religione dictam sanctam Synodum intraverint, præsentibus iudicamus contumaces, & super huiusmodi contumacia, prout juris fuerit, procedemus. Per hoc præsens nostrum mandatum Ecclesiam nostram Monasteriensem, & Beneficiatos in eadem, propter gloriam & honorem ejusdem nolumus in præmissis, seu in aliquo præmissorum coarctari, vel ligari. In quorum testimonium sigillum Officialatus Curiae nostrae Monasteriensis majus, quo utimur, ad præmissa præsentibus est appensum.

Datum anno Domini M.CCCC.XIII. sab-
bato post Dominicam Oculi.

*Impressum Monast. Westphal. anno 1486.
Recusum a Lutig. Continuat. II. Spicil.
Ecclesiast. pag. 809.*

Statuta Provincialia Coloniensia, ac Syno-
dalia, seu Diocæsana Monasteriensia
fidelissime a Johanne Limburgio, Aque-
nensi, Monasterii Westphaliæ electissimo
caractere impressa. Anno nostræ salu-
tis M.CCCC.LXXXVI. pridie Idus
Octobris finem feliciter sumpturunt.

*Tinxerat hæc formis sculptores arte Joannes
Limburgus superans, nec Polyclete negat.
Hoc sibi Pellei juvenis tribuisset Apelles
Pictor, & ex auro, qui dedit ora ducit.*

CONCILIIUM COLONIENSE

Anno Christi MCCCC. Bonifacii IX. Papæ XI.
Ruperti Imp. I.

Post Visitationem Generalem Domini FRIDERICI.

FRIDERICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHI-CANCELLARIUS,
APOSTOLICÆ SEDIS LEGATUS, UNIVERSO CLERO, CÆTERISQUE
ECCLESIASTICIS PERSONIS NOstrarum CIVITATIS ET
DIOECESIS, SALUTEM IN DOMINO SEMPTERNAM.

QUoniam in *Visitatione Generali* per
Nos *personaliter* in nostra, & in
nonnullis aliis Civitatis & Dioecesis
nostræ Sæcularibus & Regularibus
Ecclesiis, per certos nostros in hac parte
Commissarios nuper facta, comperimus,
in ipsis Ecclesiis & earum personis plu-
rima, Deo utique & Nobis ingrata, ac
Reformatione & correctione digna; ad
quæ reformanda & corrigenda, licet
multis arduis Ecclesiæ nostræ prægrave-
mur negotiis, solerti cura intendimus,
& ea tam Prædecessorum nostrorum in-
novatione, quam novorum statutorum
editione, nec non aliis viis & modis,
quibus de jure possumus, reformare &
corrigere, sicut nostro incumbit officio,
desiderabiliter affectamus.

C. I. *Innovatio Statutorum Archi-Episco-
porum Coloniensium.*

Inprimis igitur omnia & singula
Prædecessorum nostrorum statuta &

mandata, præsertim ea, quæ pro Divini
cultus augmento & reformatione mo-
rum, actuumque Clericorum, & Eccle-
siasticarum personarum hætenus salu-
briter emanarunt, quæque etiam dudum
Nos innovasse meminimus, denuo ex
abundanti tenore præsentium innova-
mus, universis & singulis Prælati nostræ
Cathedralis, aliarumque Ecclesiarum
Collegiatarum, Regularium & Sæcula-
rium civitatis & Dioecesis nostrarum,
in virtute sanctæ obedientiæ, districtè
præcipiendo mandantes, quatenus ipsi
statuta & mandata huiusmodi, atque
Nostra, cum eorum moderationibus &
declarationibus, quorum copiam dicta-
rum Ecclesiarum Capitula & Conven-
tus vigore mandati super hoc a Nobis
pridem emissi, & in Sancta Synodo pub-
licati, habere tenentur, diligenter per
se ipsos observent, & a suis subditis fa-
ciant inviolabiliter observari, ipsorum-
que

que statutorum ac mandatorum temerarios transgressores, prout ad eos, & eorum quemlibet pertinet, taliter corrigere & punire non differant, quod metu pœnæ curent ea diligentius observare, eorumque pena sit cæteris in exemplum. Illos vero, qui excommunicationis, aut suspensionis, vel interdicti sententias in dictis statutis & mandatis prolatas, incurrerint, volumus & mandamus a perceptione fructuum Beneficiorum suorum tam diu remanere & teneri suspensos, ac in Divinis vitari Officiis, donec a Nobis, vel Officiali Curiae nostrae Colonienfis fuerint absoluti, & de absolutione huiusmodi Capitulis vel Prælati suis, per Nostras, vel ipsius Officialis nostri literas, fecerint plenam fidem.

C. II. De Diaconis Ecclesiae majoris Colonienfis.

Item, quia in Ecclesia nostra Colonienfi, sicut in Visitatione praedicta invenimus, dudum fuit & adhuc est evidens Diaconorum defectus, praesertim ex eo, quod Canonici, qui de consuetudine ipsius Ecclesiae deberent esse Diaconi, & eidem in Decanatu ordine servire, quamvis per Decanum ejusdem Ecclesiae saepius moniti distulerunt, & differunt, etiam absque causa rationabili, ad huiusmodi ordinem se facere promoveri, propter quod Ecclesia ipsa in Missarum celebrationibus ac Capitularis disciplinae debitis observationibus, aliasque spiritualibus & temporalibus gravia sustinuit & sustinet detrimenta; Nos volentes super hoc de oportuno providere remedio, requirimus & monemus sub pœna suspensionis ab officio & beneficio, universos & singulos Canonicos Ecclesiae nostrae praedictae; qui juxta praefatam consuetudinem deberent ad dictum Ordinem esse promoti, & non sunt, ut intra quatuor menses post publicationem praesentium continue & immediate sequentes, ad eundem ordinem, cessante impedimento legitimo, se faciant promoveri. Alioqui monitioni nostrae huiusmodi non parentes, a perceptione omnium fructuum, reddituum, & proventuum Praebendarum, quae in dicta Ecclesia obtinent, sint ipso facto suspensi. Inhibentes districtè, & sub excommunicationis pœna, quam in his scriptis fe-

rimus, universis & singulis, ad quos fructuum, reddituum, proventuum huiusmodi ministratio, seu quavis distributio pertinet, ne talibus sic suspensis quicquam de huiusmodi fructibus, redditibus, & proventibus, aut etiam quotidianis distributionibus, per se, vel per alium, seu alios, quovis colore quaesito, distribuunt, vel ministrent. Si qui vero Canonici legitimam habuerint excusationem, propter quam a susceptione memorati ordinis velint & debeant merito supportari, illam coram Nobis, aut Officiali Curiae nostrae Colonienfis intra praedictos quatuor menses proponere, & probare debebunt. Et ne diutius praefata Ecclesia nostra Diaconorum patiatur defectum, volumus & ordinamus, quod si dicti Canonici sic (ut praefertur) moniti, non fuerint intra quatuor menses praefatos ad ordinem antedictum promoti, quod extunc quatuor inferiores Canonici proximiores in gradu, ad hoc habiles & idonei, seu tot, quod ad minus quinque vel sex Diaconi ad ministrandum, ac serviendum in memorato ordine sufficientes & idonei, sint in ipsa Ecclesia continue residentes, possint & valeant ad praefatum ordinem ascendere, & ad illum se facere promoveri, ac in eodem libere & licite ministrare: quibus etiam sub pœna suspensionis antedictae praecipimus & mandamus, ut ad ordinem ipsum, cum ad hoc per dictae Ecclesiae Decanum fuerint moniti, & requisiti, procedere non recusent. Ut autem ad hoc facilius inclinentur, statuiamus & ordinamus, quod tales post eorum promotionem, nec non alii idonei, si qui inferioris gradus ejusdem Ecclesiae Canonici, jam ad ordinem illum existunt promoti, gaudeant & potantur in Capitulo, & extra, omnibus honoribus, emolumentis, & praerogativis, quibus ipsius Ecclesiae Canonici Diaconi gaudere hactenus consueverant, & solent. Ordinationem quoque praescriptam deinceps perpetuo, quando, & quoties in ipsa Ecclesia opus fuerit, volumus observari. Non obstantibus quibuscunque ejusdem Ecclesiae contrariis consuetudinibus, ordinationibus, & statutis, quibus in hac parte ob urgentem ipsius Ecclesiae necessitatem, & evidentem utilitatem, duximus derogandum.

C. III. *Contra inobedientes in receptione
Ordinum quarumcunque Ecclesiarum
Civitatis & Diocesis Colo-
nienfis.*

Item cum non solum Ecclesiæ nostræ Majori, verum etiam universis civitatis & Diocesis nostræ Ecclesiis, ne in ipsis Ministrorum defectus existat, teneamur ex officii nostri debito providere: idcirco felicis Rec. Domini WILHELMII, Prædecessoris nostri, inhaerentes statuto, quod incipit: *Ex injuncta Nobis* &c. quibusdam tamen additis & mutatis, innovando statuimus & ordinamus, quod Beneficiati quicunque in nostra Colonienfi, vel aliis Collegiatis Ecclesiis civitatis & Diocesis prædictarum, qui Dignitates, Personatus, Officia, seu Præbendas, vel alia Beneficia Ecclesiastica, quibus certi ordines sunt annexi, aut debentur, pacifice nunc obtinent, aut obtinebunt in futurum, si legitimo cessante impedimento, ad hujusmodi ordines, quos Dignitates, Personatus, Beneficia, seu Officia requirunt, quovis modo etiam de consuetudine, vel de jure, si Subdiaconalis, vel Diaconalis ordo forsitan existit, intra sex menses: si vero Presbyteralis ordo fuerit, intra annum a tempore pacificæ possessionis adeptæ Beneficiorum prædictorum, se promoveri non fecerint, extunc a perceptione fructuum Beneficiorum eorundem, quæ hujusmodi requirunt, sint ipso facto auctoritate præsentis nostri statuti suspensi; quos deductis oneribus eisdem Beneficiis incumbentibus, in usus Fabricæ, seu ornamentorum Ecclesiarum, in quibus Beneficia ipsa consistunt, decernimus convertendos. Quam suspensionem, si postmodum hujusmodi Beneficiati per sex menses contumaciter sustinuerint, volumus & mandamus, ipsos dictis suis Beneficiis, hujusmodi ordines requirentibus, extunc per suos Superiores, ad quos hoc pertinet, omnino privari, & illa aliis idoneis conferri personis, qui velint & possint ad hujusmodi ordines intra tempus prædictum Canonice promoveri, poenis aliis, quæ contra tales promoveri ad ordines recusantes, statuuntur in jure, nihilominus in suo robore duraturis.

C. IV. *Contra negligentes Missam, aut
Evangelium vel Epistolam
cantare.*

Item Statutum bonæ mem. WALRA-
MI Prædecessoris nostri, quod incipit, *Quoniam olim bonæ memoriæ* &c. editum contra Canonicos negligentes cantare Missam, aut Evangelium, vel Epistolam, cum ipsis ex ordine hæc cantanda incumbunt, præsentibus specialiter innovantes, præcipimus & mandamus statutum hujusmodi in omni sui forma firmiter observari: adjicientes eidem, quod negligentia seu defectus Canonici non cantantis per se, vel alium Missam, aut Evangelium, vel Epistolam, cum hæc sibi incumbunt, possit per quemcunque alium ipsius Ecclesiæ Cononicum, ad hoc idoneum, negligente Canonico etiam irrequisito, suppleri. Cui sic alterius in præmissis suppleti defectum, volumus, & sub poena excommunicationis (quam ferimus in his scriptis) præcipimus & mandamus, statim finita Missa, per distributorem præsentiarum seu quotidianarum distributionum pro tempore ejusdem Ecclesiæ, de hujusmodi præsentis seu distributionibus ipsi negligenti tum competentibus, seu in posterum competituris, quatuor grossos Turonenses antiquos, seu eorum in alio pagamento valorem, sine contradictione qualibet solvi & ministrari, quos ipse distributor eidem negligenti postmodum defalcare poterit & debebit.

C. V. *Ut Prælati Ecclesiarum, compellant
Clericos suos ad celebrationem
Divinorum.*

Item, quia propter reprehensibilem Prælatorum negligentiam & desidiam, ut in *Visitatione prædicta* comperimus, Horæ Canonice, & alia Divina Officia, tam in nostra majori, quam in aliis Collegiatis Ecclesiis nostræ civitatis & Diocesis, sæpe negligenter & indevote, ac plerumque a paucis psalluntur, & celebrantur personis; districte injungimus, & in virtute sanctæ obedientiæ præcipiendo mandamus dictarum Ecclesiarum Prælati, quatenus ipsi, prout ad eos & eorum quemlibet pertinet, Canonicos, Vicarios, & Altaristas, ceterosque dictarum Ecclesiarum Beneficiatos, eis subjectos, sine licentia, & rationabili causa absentes, & non residentes,

dentes, ad residendum moneant, & requirant.

Præsentes vero, ad interessendum frequenter, debitisque temporibus, horis, & Officiis memoratis, nec non ipsos Vicarios, & Altaristas ad celebrandum assidue Missas in suis Altaribus, ut tenentur, studiose inducant: contra rebelles, & contumaces in præmissis, vel aliquo præmissorum, seu alias quomodolibet delinquentes, debitam exerceant disciplinam, si DEI offensam, & Nostram vitare voluerint ultionem.

Verum, quia nonnulli prædictarum Ecclesiarum Canonici, & alii Beneficiati, propter eorum absentiam a perceptione fructuum Præbendarum, & Beneficiorum suorum, per suos Prælatos, & Superiores rite suspensi, suspensionem hujusmodi (ut accepimus) quandoque pluribus annis contumaciter sustinent: quidam etiam suspensione ipsa durante, nihilominus fructus suarum Præbendarum, & Beneficiorum hujusmodi, interdum de facto ausu temerario percipere non verentur: propter quæ, Præbendæ, & Beneficia hujusmodi, plerumque debitis serviciis indebite defraudantur.

Nos itaque attendentes, quod crescente contumacia, crescere debet & poena: statuimus & ordinamus, quod quicumque præfatarum Ecclesiarum Beneficiarius, deinceps hujusmodi suspensionem per annum integrum pertinaci animo sustinuerit, seu qui durante suspensione ipsa, quicquam de Beneficii sui fructibus, a quorum perceptione est suspensus, propria temeritate perceperit, excommunicationis sententiam, quam ferimus in his scriptis, ipso facto incurrat.

C. VI. Ut Beneficiati, non absentent se a Beneficiis suis sine licentia suorum Prælatorum: Et tunc faciant deserviri Beneficiis suis per Vicarium.

Præterea statuimus, quod quicumque Canonicus aut Vicarius, vel alias in aliqua prædictarum Ecclesiarum Beneficiatus seu intitulatus, voluerit ex licita, & rationabili causa abesse, tenetur a suo Prælato, seu ab illo, vel illis, cui seu quibus de jure, vel consuetudine hoc competit, licentiam petere & obtinere: qua petita & obtenta, debet per aliam perso-

nam idoneam, Beneficio suo, a quo se absentat, durante ejus absentia, facere deserviri: quod si non fecerit, volumus & præcipimus, ut per Decanum, & Capitulum Ecclesiæ, in qua Beneficium hujusmodi est constitutum, minister substituat idoneus, qui eidem Beneficio, & Ecclesiæ interim deserviat, in Divinis, cui de fructibus, & redditibus ejusdem Beneficii, mandamus per ipsos Decanum & Capitulum congrue provideri.

Quicumque vero sine licentia a suo Beneficio se absentare præsumpserit, etiam si per alium idoneum hujusmodi Beneficio deserviat, nihilominus a perceptione fructuum ipsius Beneficii, per illum ad quem id pertinet, suspendatur. Salvis tamen in his rationabilibus cujuslibet Ecclesiæ observantiis, consuetudinibus, & statutis, quibus per hanc constitutionem non intendimus derogare, aut eis præjudicium aliquod generari.

C. VII. Ne quotidiana distributiones Præsentiarum, fiant in absentes.

Item ut Canonici, & alii prædictarum Ecclesiarum Beneficiati seu Clerici, horis Canonicis, Missarum celebrationibus, aliisque Divinorum Officiis, dum in ipsis peraguntur Ecclesiis, curent frequentius interesse: statuimus, ut distributiones quotidianæ, in quibuscunque rebus constiterint, quæ pro defunctorum memoriis, vel alia quavis de causa in dictis Ecclesiis, Canonicis, & aliis Beneficiatis earum dari consueverant & solent, non dentur nisi illis, qui hujusmodi officiis & memoriis, tempore quo celebrantur & fiunt, in choris earundem Ecclesiarum præsentialiter interfunt, licet in ipsis Ecclesiis præsentem existant. Qui vero aliter de distributionibus ipsis quicquam receperint (illis tamen, quos infirmitas, seu justa & rationabilis corporis, ac evidens Ecclesiæ utilitas excusaret, nonnullis etiam Ecclesiarum Prælatis, quibus de antiqua ipsarum Ecclesiarum consuetudine, & observantia, distributiones hujusmodi etiam in absentia sunt solitæ ministrari, exceptis) rerum sic receptarum dominium non acquirant, nec faciant eas suas, imo ad omnium restitutionem, quæ contra hujusmodi nostrum statutum receperint, teneantur. Mandantes,

dantes, & districte præcipientes universis administratoribus pro tempore dictarum distributionum, ut statutum hujusmodi fideliter tenere & observare procurent. Alioqui contrarium facientes, ipso facto excommunicationis sententia innodamus. Præmissis insuper addendo statuimus, & sub pœna prædicta mandamus, ut præfata distributiones, quatenus facultates, & vires bonorum, ac reddituum ad eas faciendas assignatorum patiuntur, dentur horis, temporibus & modis, & ad hoc per illos, qui eas de suis, vel aliorum bonis ordinarunt, rationabiliter constitutis: & prout horæ, tempora & modi hujusmodi, in libris memoriarum cujuslibet Ecclesiæ, annotati & conscripti existunt: reprobantes penitus & omnino detestabilem abusum, qui in quibusdam Ecclesiis inolevit, in quibus illi, qui in commendatione animarum, dum legitur Psalmus *Miserere*, præsentem existunt, licet ante & post se absentaverint, distributiones, quæ pro defunctorum memoriis largiuntur, integraliter percipiunt, ac si totali Animarum Officio, videlicet Vigiliis, Missæ, & Commendationi, *præsentialiter* interfuissent. Præsentias vero quis uno die habere non potest in duabus Ecclesiis civitatis Colonienfis, nisi sit Prælatum in una ex ipsis.

Item, ut his, qui in duabus, vel pluribus Ecclesiis nostrarum civitatis & Diœcesis Canonici, vel alias Beneficiati existunt, vagationis & dissolutionis subtrahatur occasio: statuimus & ordinamus, quod nemo deinceps una die in diversis Ecclesiis, in quibus Beneficia detinet, quotidianas distributiones percipiat, nisi in aliqua prædictarum Ecclesiarum sit Prælatum, seu alias ei hoc competat ex privilegio, vel jure alio speciali: ne, dum ad plures uno tempore festinat Ecclesias, nulli earum debitum famulatum impendat.

C. VIII. *De annis gratiæ, defuncto ac Ecclesiæ debitis, redimendis.*

Item cupientes Divinum cultum nostris augeri temporibus, qui, propter defunctorum Canonorum Præbendas, quarum fructus de consuetudine, (ut accepimus) in singulis fere Collegiatis Ecclesiis nostræ civitatis & Diœcesis, ad certos annos ipsis Ecclesiis, & defunctis de

facto totaliter applicantur, in multis Ecclesiis est non modicum diminutus, constitutionem, *Suscepti regiminis*, per fel. Rec. JOANNEM Papam XXII, super hoc editam, volumus & mandamus in omni sua forma diligentius observari. Præterea concedimus & indulgemus his, qui Præbendas Sacerdotales, in dictis Ecclesiis jam obtinent, vel in posterum obtinebunt, salva moderatione prædictæ Constitutionis, *Suscepti regiminis*, quod ipsi, si voluerint, omnium & singulorum annorum expectantiarum, in qualibet Ecclesia videlicet, quemlibet annum, quem elegerint redimendum, possint & valeant pro 30 libris grossorum Turonensis monetæ quondam Domini WALRAMI, Prædecessoris nostri, aut eorum valore redimere, sicuti idem Prædecessor noster in quadam constitutione sua super hoc edita, his, qui via permutationis Præbendas in dictis Ecclesiis assequuntur, noscitur indulgisse. Præterea statutum ejusdem Prædecessoris nostri, quod fructus annorum expectantiarum, aut pecuniam, quæ a Canonicis via permutationis intrantibus, & fructus hujusmodi redimentibus datur, inter singulares Canonicos dividi prohibet, sed in communem utilitatem, videlicet ad fabricam, vel ornatum ipsarum Ecclesiarum duntaxat converti, volentes inviolabiliter observari, ipsum propter multorum abusum duximus pœnæ adjectione innovandum: statuentes, ut transgressores dicti statuti, excommunicationis sententiam ipso facto incurrant: a qua absolvi non valeant, donec ea, quæ de memoratis fructibus seu pecuniis in eorum privatam utilitatem conversa fuerint, plene & integraliter restituant, & de transgressione hujusmodi satisfecerint competenter.

C. IX. *Si expectans moritur, antequam fructus percipiat, Successor ejus tempora sua continuat, nec denuo tempus incipiat.*

Item quia WALRAMUS Prædecessor noster præfatus, ne Præbendas Ecclesiarum, in quibus vacantibus Præbendis, fructus earum per certos annos defuncto, & Ecclesiis de consuetudine applicantur, nimis diu suis servitoribus, & ministris carere contingat, aliisque legitimis rationibus motus, duxit provide statuendum, ut nulla Ecclesia civitatis & Diœcesis Colonien-

Ionienſis, ſibi & defuncto ultra quadriennium fructus Præbendarum ipſius Eccleſiæ vacantium, etiamſi durantibus annis expectantiarum vacent pluries ſucceſſive, vendicet, vel uſurpet: ſæpe dubitatur a multis, ſi aliquis Canonicus poſt completum dictorum annorum numerum, ad perceptionem fructuum Præbendæ ſuæ ſic admiſſus decedat, vel Præbendam ſuam ſimpliciter, vel per mutationem, vel alia quavis ex cauſa reſignet ſeu dimittat, utrum dictum ſtatutum etiam locum habeat in hoc caſu? Nos dubitationem huiusmodi in caſu præmiſſo locum habere declaramus, ipſumque ſimilitudine rationis inducti, ad eundem caſum extendimus & prorogamus, mandantes, & ſub pena ſuſpenſionis ab officio & beneficio diſtrictè præcipientes, ut ſucceſſor in tali Præbenda, ſine ulteriori expectatione ad perceptionem fructuum ipſius Præbendæ, qualibet difficultate ſemota, benevole admittatur, non obſtante contraria conſuetudine, ſi qua forſan ab aliquibus prætendatur Eccleſiis, vel perſonis de facto ſervata, quam, utpote abuſionem, & corruptelam, penitus abolemus.

C. X. *Ut Miniſtri maneant apud Presbyterum circa Altare.*

Item, quia nonnulli Diaconi, & Subdiaconi in noſtra Majori, aliſque Collegiatis Eccleſiis noſtræ civitatis & Diaceſis, Sacerdotibus ad Altare pro tempore miniſtrantes, plerumque (ut intelleximus) tempore celebrationis Miſſarum, dum circa Altaris miniſterium deberent eſſe ſolliciti, & cum debita veneratione intenti, circumcirca ipſum Altare hinc inde irreverenter vagantes, prophanis, ac vanis nedom virorum, ſed etiam mulierum colloquiis intendere non formidant in Divinæ Maieſtatis offenſam, & adſtantium ſcandalum populoꝝ: quidam vero huiusmodi miniſtrantium, & nonnulli alii earundem Eccleſiarum tam Canonici, quam Vicarii, Chorum pro tempore in dictis Eccleſiis regentes, & lectiones legentes, nonnunquam calopodiis contra ſtatuta bonæ memoriæ WILHELMſi, Prædeceſſoris noſtri, ſuper hoc edita, indecenter utuntur: quidam etiam contra memorati Prædeceſſoris noſtri ſtatuta, ſæpius legunt private Horas ſuas in Choro,

Tomus IV. Concil. German.

dum Divina inibi officia ab aliis ſolenniter peraguntur: ſunt inſuper nonnulli, qui raro ad Chorum conveniunt: ſunt & alii, qui Chorum ipſum abſque rationabili cauſa, ante finem Divini officii frequenter exeunt: & ſunt nonnulli, qui tempore Divinorum, dum ſpiritualibus canticis & orationibus deberent humiliter & devote inſiſtere, in Eccleſia de loco ad locum vagantur, ac vanis & ſuperſtitiis laicorum & aliorum colloquiis, & conſabulationibus intendunt, prout hæc, & plura alia indecentia comperimus ex Viſitatione antediſſa: Nos igitur ſuper his providere cupientes, ipſarum Eccleſiarum Decanis, ad quos huiusmodi exceſſuum ſpectat correctio, in virtute ſanctæ obedientiæ diſtrictè injungimus, quatenus tales ſic corrigant, quod metu pænæ a præmiſſis, & aliis conſimilibus exceſſibus, & indecentiis prorsus abſtineant, & alii eorum exemplo perterriti, ſimilia facere, pertimeſcant.

Intimamus etiam eiſdem Decanis, quod ſi ipſi circa correctionem huiusmodi exceſſuum, ſeu indecentiarum, negligentes & remiſſos ſe exhibuerint, Nos contra eos, propter hoc ad pænæ debitas procedemus, & nihilominus eorum negligentias, prout Nobis ex officio noſtri debito incumbit, ſupplere curabimus remediis opportunis.

C. XI. *De Stationibus, qualiter ſint obſervandæ, & de præſentis dandis eiſdem.*

Item, ut Stationes ſolitæ & conſuetæ in civitate noſtra Colonienſi, & extra, honorifice & decenter teneantur & fiant, ſtatuiſmus & ordinamus, quod diſtributiones quotidianæ, quæ Canonici, & aliis Beneficiatis, huiusmodi ſtationibus intereſſentibus dari ſolent, nullis de cætero dentur, niſi illis, qui proceſſionaliter ad locum, ſeu Eccleſiam, ubi ſtatio ſervatur, vadunt, ac Chorum ipſius Eccleſiæ intrant, ibique uſque ad finem Divini Officii perſeverant, & peracto officio, cum cruce ad Eccleſiam ſuam revertuntur: exceptis illis, quos ad revertendum cauſa rationabilis excuſaret. Et ut huiusmodi ordinatio noſtra ſuum melius fortiatur effectum, inhibemus ſub pænâ excommunicationis, diſtributoribus pro tempore dictarum

A a a a

diſtri-

distributionum, quod distributiones huiusmodi, nisi post stationem completam & redditum processionis, nulli cuiuscunque etiam status, dignitatis, vel conditionis extiterit, tribuant seu ministrant, nec in hoc fraudem aliquam committere quovis modo audeant, vel præsumant.

C. XII. *De Baculo Sancti Petri.*

Item, cum Baculum B. PETRI de Ecclesia nostra Colonienſi ad aliquam stationem cum Cruce processionaliter (ut moris est) portari contingeret, ipsum in Ecclesiam cum Cruce & processione solenniter & devote (ut decet) reportari præcipimus & mandamus, non obstante contraria observantia, quam velut inhonestam, & contra reverentiam Beato PETRO Patrono nostro debitam, merito detestantes, observari de cætero districtius inhibemus.

C. XIII. *De Choralis Pelliceo.*

Item statutum CONRADI, bonæ memoriæ Prædecessoris nostri, ut videlicet in civitate nostra Colonienſi Canonici in magnis festivitibus, & solennibus stationibus sine choralis pelliceo in Ecclesiis, vel earum Choris non incendant: quod quorundam temeritas male servat: volentes huiusmodi statutum, quod honestati congruit, pænæ adminiculo juvare, transgressores ipsius in amissione quotidianarum distributionum, quas illa die in Ecclesiis, in quibus Beneficiati existunt, habituri forent, multari volumus, & puniri.

C. XIV. *De propina vigore literarum Apostolicarum, vel Ordinis receptionis.*

Item statuimus, cum quis vigore Apostolicæ, aut alterius gratiæ, seu admissionis, vel receptionis suæ ad quodcunque Beneficium, in aliqua dictarum Ecclesiarum consistens, Decano, & Capitulo, seu Canonicis ipsius Ecclesiæ, in qua huiusmodi literas publicari, seu admissionem, & receptionem fieri contingit, semel dederit *propinam* ab antiquo eis dari solitam & consuetam: si idem postmodum huiusmodi Beneficium, tanquam sibi non debitum dimiserit, seu ab eo finaliter evictum fuerit, & vigore ejusdem gratiæ aliud Beneficium in ea-

dem Ecclesia fuerit affectus, vel ut assequatur insitit; propter hoc ad *aliam propinam* denuo solvendam, seu dandam nullatenus teneatur: sub excommunicationis pœna districtè inhibentes, ne aliqui prætextu alicujus etiam consuetudinis, hætenus observatæ, quam minus æquam & rationi contrariam reputamus, propinam huiusmodi plus quam semel in casu præmissio, a quoquam directè, vel indirectè præsumant exigere, seu extorquere. Contrariam facientes, ad restitutionem sic exactorum teneri volumus, & efficaciter obligari, nulla eis in hoc eorum, quibus restitutio facienda fuerit, remissione, liberalitate, seu gratia valitura.

Ultra antiquam consuetudinem, non est augmentanda propina a Vicariis, Altaristis, seu Chorisociis.

Præterea ex *Visitacione* antedicta intelleximus, quod Decanus, & Capitulum Ecclesiæ nostræ Majoris, suis propriis commodis inhiantes, nuper paucis annis elapsis, quandam ordinationem sua autoritate fecerunt de facto, per quam, antiquam propinam a Vicariis, Altaristis, & Chorisociis ipsius Ecclesiæ, cum de novo in ipsa Ecclesia recipiuntur, dari solitam, augmentare temere præsumpserunt, in ipsorum Vicariorum, Altaristarum, & Chorisociorum præjudicium non modicum & gravamen: Nos ordinationem huiusmodi, utpote illicitam, cum sacris sit inimica Canonibus, merito reprobantes, eam quatenus de facto processit, cassamus, tollimus, & irritamus, eisdem Decano & Capitulo sub excommunicationis pœna firmiter inhibentes, ne de cætero memoratam propinam novam, ab aliquo exigere, vel recipere, quocunque colore quæsito, præsumant, sed *antiqua propina* contenti existant. Alioqui tam exigentes & recipientes, quam etiam huiusmodi novam propinam solventes, eo ipso excommunicationis sententiam se noverint incursumos. Præfaram autem inhibitionem & ejus pœnam, in quibuscunque etiam Collegiatis Ecclesiis nostrarum Civitatis & Diocesis, earumque personis, simili morbo infectis, locum habere volumus, & ad easdem extendi.

C. XV. *Panes, qui dantur loco distributionum quotidianarum, non debent dari aliis, quam his, qui intersunt Divinis.*

Item cum ea, quæ ad certum usum, largitione fidelium sunt destinata, ad illum debeant, & non alium usum converti, inhibemus sub excommunicationis pœna, quam in omnes & singulos contrarium quomodolibet facientes, seu fieri procurantes, ferimus in his scriptis, ne quotidianæ distributiones in Ecclesia nostra Colonienſi in ſimellis (quæ *panes canales* communiter nuncupantur) conſiſtentes, & Canonicis, ac Vicariis, seu Altariſtis, & Choriſociis ipſius Eccleſiæ, Divinis Officiis ac Deſinctorum memoriis, dum in ipſa Eccleſia peraguntur, intereſſentibus, dari, ac miniſtrari conſueverunt, & debent, ad quorum uſus distributiones huiusmodi (ut ex dicta Viſitatione cognovimus) ſpecialiter & duntaxat ſunt deputatæ, perſoniſ aliis (ſicut a nonnullis annis proxime præteritis citra, eas in dictorum Canonicorum, Vicariorum, & Choriſociorum præiudicium comperimus indebite miniſtratas) de cætero ullatenus miniſtrentur.

C. XVI. *De Cista Vicariorum.*

Item, quia propter frequentes mutationes Vicariorum, & Altariſtarum in noſtra Cathedrali, vel aliis Collegiatis Eccleſiis noſtrarum civitatis & Diceceſis complures literæ, ut ex præſata Viſitatione percepimus, ſuper fundationibus, ac bonis, ac iuribus Vicariarum, & Altariarum dictarum Eccleſiarum conſectæ, damnabiliter ſunt deperditæ & neglectæ: Nos earundem Vicariarum, & Altariarum indemnitatibus in futurum (quantum poſſumus) præcavere volentes, præcipimus & mandamus, ut intra ſex meſes, poſt publicationem præſentium continue ſequentes, in qualibet prædictarum Eccleſiarum, per Capitulum earundem, procuretur expenſis Reſtorum Vicariarum, & Altariarum prædictorum, una bona & conveniens ciſta, quæ duas habeat ſeras, & duas claves diverſas, quarum unam ſenior Canonicus Presbyter, juxta ſui introitus ordinem, & aliam ſenior Vicarius, seu Altariſta cujuſlibet Eccleſiæ, reſidentes, fideliter cuſtodiant & conſervent. Et cum unum illorum

abeſſe contigerit, alteri Seniori poſt eum, clavem ſuam uſque ad ejus reditum cuſtodendam committat. Ad quam quidem ciſtam quilibet Vicarius, seu Altariſta uniſcujuſque Eccleſiæ, uniſverſas literas ad ſuam Vicariam, seu Altare ſpectantes, ſimul in aliquo parvo ſerinio incluſas reponere teneatur, copiis ipſarum literarum apud ſe retentis, ita quod quandocunque aliquis huiusmodi Vicariorum, seu Altariſtarum, literis ſuis originalibus in iudicio vel extra indiguerit, ad dictam ciſtam valeat habere reſcurſum. Quicunque vero Vicarius, seu Altariſta, ſine cauſa legitima, contra præmiſſa, vel eorum aliquod ſe oppoſuerit, volumus illum tam diu a perceptione fruſtuum ſuæ Vicariæ, seu Altaris manere ſuſpenſum, donec ea, quatenus ipſum concernunt, effectualiter curaverit adimplere.

C. XVII. *De abſentia quindecim dierum in anno quatuor Clericorum majoris Eccleſiæ Colonienſis.*

Item licet bonæ memoriæ ADOLPHUS, Eccleſiæ noſtræ Canonicus, dum vixit, dudum in teſtamento ſuo per eum rite condito, de conſenſu Decani pro tempore, & Capituli ipſius Eccleſiæ, ad Divini cultus augmentum, inſtituit, & ordinavit quatuor Clericos, qui Horis nocturnis & diurnis Chorum dictæ Eccleſiæ frequentare, & Divinis Officiis inibi quotidie temporibus debitis intereſſe deberent; quibus ob hoc, idem ADOLPHUS de bonis ſuis certos redditus deputavit, prout hæc & alia in dicto teſtamento, in libro privilegiorum ejusdem Eccleſiæ conſcripto, dicuntur plenius contineri: tamen, ſicut Nobis ex præſata Viſitatione innotuit, nonnulli ex dictis Clericis aliorum ſervitiis inſiſtentes, & quidam eorum aliis implicati negotiis, a dicta Eccleſia ſe abſentant, & ad prædictum chorum raro conveniunt, quamvis cum integritate percipiant redditus antedictos, propter quæ Eccleſia ipſa debito Miniſtrorum ſervitio, & præſati ADOLPHI pia ordinatio indebite deſraudatur. Nos volentes ſuper hoc paternæ ſolicitudine providere, firmiter inhibemus, ne aliquis dictorum Clericorum, deinceps cujuſcunque perſonæ Eccleſiaſtica vel Sæcularis obſequio, per

quod a frequentatione dicti Chori possit aliquatenus impediri, se deputet, vel adstringat, nec a dicta Ecclesia sine expresso consensu Decani & Capituli ipsius Ecclesiæ, ex causâ legitima, nec ultra 15. dies in anno se absintet. Si quis vero contrarium fecerit, per dictos Decanum & Capitulum suo privetur stipendio, & in ejus locum alter idoneus per eosdem Decanum & Capitulum intra mensem postea substituatur. Alioqui dicto mense elapso, nos ipsorum negligentiam supplere curabimus, ut teneamur.

C. XVIII. *Reparatio in temporalibus Ecclesiæ Colonienfis.*

Item circa bona temporalia ad mensam Capituli Ecclesiæ nostræ Colonienfis spectantia, sine quibus spiritualia diu subsistere nequeunt, in quorum dispositione, gubernatione, & administratione, plurimos defectus, negligentias, & abusiones, eidem Ecclesiæ, & personis ipsius damnosos, & præjudiciales comperimus, ut sequitur, providendum.

C. XIX. *Separatio inter Præpositum & Capitulum Majoris Ecclesiæ Colonienfis.*

Imprimis statuimus, & ordinamus ac volumus, quod separatio bonorum temporalium, dudum sub anno Domini MCCCLXXIV. die octava mensis Januarii anni ejusdem, inter THEODORICUM de Marcka, tunc Præpositum, ex una, Decanum & Capitulum Ecclesiæ nostræ Colonienfis supradictæ parte ex altera, per Nos, & de consensu & autoritate nostris facta & ordinata, nec non per fel. Record. Dominum GREGORIUM Papam XI. approbata & confirmata, tam per Præpositum, quam per Decanum, & Capitulum pro tempore ejusdem Ecclesiæ, in omnibus, & per omnia juxta sui tenorem & formam, perpetuo, & inviolabiliter observetur: volentes, prout idem Dominus GREGORIUS voluit, quod bona, possessiones & jura, de quibus in separatione ipsa mentio habetur, & jus percipiendi ea, inter singulares Canonicos ipsius Ecclesiæ non dividantur, sed perpetuo in communi remaneant, & ad usus Præbendarum, & suppletionem earundem, per communem Officiarium,

per prædictum Capitulum deputandum, gubernanda, & administranda: decernentes irritum & inane, quemadmodum dictus Dominus GREGORIUS etiam decrevit, si secus a quoquam quicquam attentatum jam sit, vel in posterum attentetur. Quod etiam sub pœna excommunicationis, quam in his scriptis ferimus in contrarium facientes, districtissime prohibemus.

C. XX. *Revocatio separationis Bonorum Majoris Ecclesiæ Colonienfis.*

Consequenter quia quorundam Canonicorum Ecclesiæ nostræ præfatæ Colonienfis, avaritiæ cæcitas, animos occupavit & occupat, ut quæ per vias dictarum divisionum bonorum præfatorum, jure & dicta separatione prohibente, interdicta noverint, per vias commissionis, & locationis, & aliis exquisitis modis & viis, fraudem juri & dictæ separationi committentes, sibi usurpare temere præsumpserunt, & præsumunt: unde ex verbis, & mente dictæ separationis pronunciamus, decernimus, & præsentium tenore declaramus, pronuntiationes, commissiones, seu divisiones quorumcunque bonorum prædictorum, aut quocunque alio nomine vocentur, quandocunque post datam dictæ separationis factas, & maxime illas de Anno Domini MCCCLXXVII. de mense Septembri, die decima octava ejusdem, & alias postmodum sub Anno Domini MCCCLXXVIII. de mense Decembri ejusdem anni factas, fuisse, & esse de ipso jure nullas, irritas & inanes, ac contra tenorem, mentem, & formam dictæ separationis ac Ecclesiam, contra juris dispositionem, & utilitatem ipsius Ecclesiæ, & Capituli ejusdem, attentatas & præsumptas, aliasque fuisse, & esse nullius roboris, vel firmitatis, ipsas pronuntiationes, commissiones seu divisiones, etiam quibuscunque nominibus censeantur, de facto, prout de facto tantum processerunt, in omnibus suis punctis & clausulis, & per omnia, quantum ad prædicta bona, revocamus. Monemus insuper omnes, & singulos Canonicos ejusdem Ecclesiæ, cujuscunque status, gradus, vel conditionis existant, in dictis pronuntiationibus nominatos & expressos, & singulariter quemlibet eorundem conjunctim, & divisim,

visum, qui occasione dictarum pronuntiationum, seu alterius earundem, curtes, bona, & possessiones, decimas, redditus, seu iura quæcunque, vel qualiacunque de & ex prædictis bonis habent, tenent, vel possident, sub pœna excommunicationis, quam ferimus in his scriptis, quatenus huiusmodi bona, possessiones, curtes, decimas, domus, redditus, seu iura, prout ipsi, & quilibet ipsorum tenent, omnia & singula, intra quindecim dies post publicationem huiusmodi immediate sequentes, quorum dierum quinque pro primo, quinque pro secundo, & reliquos quinque pro tertio termino, & monitione Canonica assignamus & cuilibet eorum, conjunctim, & divisim, in manibus Capituli ejusdem Ecclesiæ, verbo & facto absque fraude libere dimittant, & extra manus suas ponant: ulterius occasione, vel causa dictarum pronuntiationum se non intromittant de eisdem: nec fructus de cætero, redditus, vel proventus recipiant ex eisdem, sed libere ipsa omnia, & singula ad Capitulum supradictum cum suis pertinentiis, fructibus, redditibus, & proventibus, & in communi habenda, ac per communem *Officiarium* ipsius Ecclesiæ deputatum vel deputandum, regenda, & gubernanda reverti permittant, & quantum in eis est, reverti & redire faciant, & sine fraude, & dolo procurent. Dispositionem autem, & declarationem de levatis, & perceptis indebitè per eosdem Canonicos hucusque de & ex bonis antedictis, nostræ reservamus declarationi, ipsosque Canonicos ad Nos venire, & remitti volumus & præcipimus, intra alios quindecim dies, extunc immediate sequentes, super hoc nostram voluntatem audituros, sub pœna suspensionis ab Officio, quam in ipsos, & quemlibet ipsorum (si non fecerint) in his scriptis, dicta monitione Canonica præmissa, ferimus.

Inhibemus etiam autoritate supradicta, sub pœna excommunicationis latæ sententiæ, quam in singulares personas, & suspensionis in Capitulum ferimus in scriptis & promulgamus, si forte contra inhibitionem nostram huiusmodi quicquam fecerint vel fecerint, attentaverint seu attentaverint quovis modo, quovis etiam quæsito colore, quatenus de cætero a talibus, vel consimilibus divisionibus, pronuntiationibus,

commissionibus, aut quovis alio nomine vocari possint, præfatorum, vel consimilium bonorum, possessionum, curtiarum, decimarum, reddituum, & jurium, abstineant. Sed omnia & singula, in communi, & ad communes usus perpetuo per communem *Officiarium* gubernanda, regenda, & administranda remanere permittant. Dispositionem, & ordinationem bonorum immobilium, ad quotidianas distributiones seu præsentias in Ecclesia nostra antedicta spectantium, in jam dictis pronuntiationibus inter nonnullos Canonicos divisorum, ut in *visitatione nostra* huiusmodi comperimus, Nobis in posterum reservamus.

C. XXI. *Ecclesia Colonienfis major ultra annum non committat Officia hic subscripta.*

Similiter ex eisdem, & aliis rationabilibus causis Nos moventibus, pronuntiationes sive commissiones *Officiorum* quatuor villarum seu locorum, videlicet in *Erpel*, in *Woringen*, in *Gluwel*, & in *Freisheim*, ad Ecclesiam, & Capitulum nostrum Coionienfem spectantium, & pertinentium, quibuscunque, & per quascunque personas, sive in perpetuum, sive ad tempus longum vel breve, ultra unum annum factæ fuerint, præsentium tenore tanquam nullas, & invalidas de jure, & contra tenorem, & mentem separationis antedictæ præsumptas & attentatas, quatenus de facto processerint, cassamus, irritamus, & penitus revocamus: mandantes omnibus, & singulis, & cuilibet eorum singulariter, qui de dictis officiis, vel aliquo eorundem hactenus se intromiserint, & de præsentibus intromittunt, quos etiam tenore præsentium monemus, & districtè requirimus, quatenus intra quindecim dies post publicationem præsentium immediate sequentes, dicta officia & quodlibet ipsorum, ipsasque villas libere & expedite dimittant, & se de cætero occasione dictarum pronuntiationum seu commissionum, nullatenus intromittant, permittentes ipsa, & quodlibet eorundem ad ordinationem & dispositionem ipsius Capituli libere reverti. Alioqui ipsos omnes, & singulos contrarium facientes, & quemlibet ipsorum, dicta monitione, quindecim dierum præfixione, pro Canonica monitione præmissa, in

his scriptis excommunicamus, & excommunicatos publice præcipimus evitari. Præterea statuimus & ordinamus, quod dicta officia villarum, de cætero singulis annis, & ad unum annum tantum, & duntaxat, sicut cætera officia annalia ipsius Ecclesiæ, personis fide dignis, & idoneis uni vel pluribus, siue sint personæ huiusmodi de gremio Ecclesiæ, siue extraneæ, per Capitulum committantur, ita quod omnis utilitas & emolumentum, obventio seu proventus, ex ipsis officiis provenientia, competenti salario Officiariorum salvo, in usus cedant Capituli antedicti, qui Officarii pro tempore, teneantur, sicut cæteri officia annalia habentes, de huiusmodi proventus, & obventionibus singulis annis debitum facere computum & rationem: decernentes irritum & inane, si secus a quoquam fuerit attentatum. Et nihilominus in contrarium facientes, tam committentes quam recipientes, præsentis constitutionis autoritate ab Officio, & Beneficio, & ab ingressu Ecclesiæ sint suspensi: quam suspensionem si per quindecim dies continuos, quos pro Canonica monitione eisdem, & eorum cuilibet assignamus, sustinuerint, extunc prout exnunc sententia excommunicationis autoritate prædicta sint, & quilibet eorum sit innodatus, quousque officia huiusmodi libere dimittant: quos etiam extunc, tanquam excommunicatos, mandamus publice evitari.

C. XXII. *Alienationes seu locationes rerum Ecclesiasticarum, qua forma servanda faciende.*

Præterea statuimus, volumus, & tenore præsentium ordinamus, quod quando deinceps ob necessitatem, utilitatem, commoditatem, seu aliam rationabilem, & legitimam causam, Ecclesiæ & Capituli prædictorum, possessionum, obedientiarum, curtium, decimarum, grangiarum, domorum, bonorum, reddituum seu iurium, vel rerum quarumcunque immobilium, unius seu plurium (quocunque nomine censeantur) & ad ipsam Ecclesiam nunc, vel in antea, & in futurum spectantium, venditio, locatio, conductio ad firmam, vel in emphytheusin, datio, vel commissio in perpetuum, vel ad certum tempus pro annua pensionem concessio, vel alias alienatio im-

minet facienda, huiusmodi venditio, concessio, commissio, datio, vel locatio seu alienatio, quocunque nomine censeatur, ultra formam iuris, & alias de consuetudine servari debitam, & consuetam, minime fiat, & peragatur, antequam de consensu omnium Capitularium, totiusque, vel majoris partis Capituli ejusdem, matura deliberatione, & tractatibus, & termini certi præfixione, ac debita licitatione præmissis ac alias legitimis. Et detur seu concedatur ipsa res sic alienanda, vel committenda, plus de pensionem, seu precium cum sufficienti cautione offerenti, siue huiusmodi offerens, de gremio ipsius Capituli sit, vel aliunde superveniens. Eo tamen salvo, quod cæteris paribus, videlicet in oblatione pretii seu pensionis, Capitularis non Capitulari, & Senior Capitularis in Præbenda, Juniori præferatur: & alias, vel alio modo contractus huiusmodi, quocunque nomine censeatur, factus seu celebratus, sit ipso iure nullus & invalidus, consuetudine, vel observantia contraria quacunque non obstante: & ultra hoc, citra vel contra præfatos modum & formam, aliter seu alio modo alienationes concedentes, seu committentes, ac etiam recipientes, ipso facto sententiæ excommunicationis subiaceant, quam in his scriptis in eosdem, & quilibet eorum ferimus & promulgamus.

C. XXIII. *Pensionem siue censum Ecclesiæ debitum non solvens, quomodo ad solutionem cogendus.*

Item quia in dicta visitatione manifeste comperimus, nonnullos ex Canonicis Ecclesiæ nostræ antedictæ, qui ratione bonorum, possessionum, curtium, decimarum, domorum, & obedientiarum, quas sub annuis pensionibus inde solvendis a dicto Capitulo ad firmam, seu quovis titulo receperunt, & per retroacta tempora non modica tenuerunt, & de præsentibus tenent, in solutione pensionum suarum hæcenus nimium fuerant, ac de præsentibus existunt remissi & negligentes, pœnas non leves, sed utique valde formidabiles, in quodam statuto Capitulari, super solutionibus huiusmodi pensionum dudum edito, comprehensas parvipendentes, propter quæ sine dubio, prout quotidiana testatur experientia, Ecclesia nostra Colonienfis supradicta in Divino cultu, quo cæteris civitatis &

Diœcesis nostrarum Ecclesiis, tanquam caput præfulgere merito deberet & consuevit, detestabiliter est diminuta, & miserabiliter destituta: & in bonis temporalibus etiam eapropter intolerabilibus damnis & dispendiis afflicta, & ut verisimiliter timendum est, in futurum, nisi celerius provideatur, passura est graviora: quibus quidem salubriter occurrere intendentes, præfatum statutum Capitulare, dudum videlicet sub anno 1333. feria quarta post Dominicam, qua cantatur in Ecclesia Dei pro Officio Missæ: *Oculi mei* &c. per Capitulum Colonienſe autoritate, voluntate & consensu bonæ memoriæ Domini HENRICI Archiepiscopi Colonienſis Prædecessoris nostri super præfatis solutionibus pensionum, reddituum, & affictuum, Capitulo antedicto ratione possessionum, curtium, decimarum, jurium, & aliorum bonorum tunc debitorum, & in futurum debendorum, provide & matura deliberatione prævia factum, & ordinatum, ac etiam per singulares Canonicos ejusdem Ecclesiæ Capitulariter juramentis per eos corporaliter præfictis firmatum, in omnibus suis punctis & clausulis, & per omnia præsentibus innovamus: mandantes, & præcipientes eisdem Canonicis, & personis, in & sub dicto statuto comprehensis, quod ipsi tam præsentibus, quam futuri, cujuscunque status, gradus, seu conditionis existant, pensiones ab eis debitas sine dilatione qualibet solvant Capitulo antedicto, & plenarie curent satisfacere de eisdem, juxta modos & formas in statuto ipso plenius traditas & expressas. Alioqui contrariarum facientes, vel in hoc negligentes, ultra poenas in statuto ipso positas, ab officio & beneficio, & ab ingressu Ecclesiæ sint suspensi, quos & eorum quemlibet præsentis Constitutionis nostræ tenore suspendimus, & sic suspensi tam diu maneant, quousque realiter solvendo, de pensione hujusmodi debite extiterit satisfactum.

C. XXIV. *Officarii Ecclesiastici in exigentis Ecclesiæ debitis, aut monendis debitoribus negligentes, quomodo castigandi.*

Præterea Officarii quicunque dictæ Ecclesiæ nostræ pro tempore, quibus juxta tenorem dicti statuti incumbit, no-

mina negligentium in solutionibus pensionum talium, in Capitulo in scriptis præsentare, & præsentari facere, dolo, fraude, prece, amore, & dilatione quibuscunque seclusis, studeant & curent cum effectu, terminis & temporibus sibi in ipso statuto præfixis & limitatis. Alioqui Officarii ipsi, videlicet quilibet, quantum ipsum contingit, in hoc negligentes vel remissi, videlicet qui nomina non solventium in scriptis (ut dictum est) non curaverint præsentare, sint & quilibet eorum sit præsentis Constitutionis nostræ autoritate consimiliter ab Officio & Beneficio, & ab ingressu Ecclesiæ suspensi, quousque præsentationem supradictam in scriptis, & in Capitulo duxerint faciendam. Quam suspensionem supradicti Canonici Ecclesiæ nostræ, in solutione pensionum negligentes, ut dictum est, aut ipsi Officarii, aut aliquis eorundem, si sustinuerint per quindecim dies continuos animo indurato, quos quindecim dies tam dictis Canonicis, quam Officiariis quibuslibet supradictis, & cuilibet eorundem pro Canonica monitione præmissa assignamus; extunc sententiam excommunicationis, quam ferimus etiam in his scriptis, ipso facto incurrant: quos extunc, prout ex nunc, tanquam publice excommunicatos, districte præcipimus evitari: Inhibentes etiam sub pœna suspensionis consimili Præsentariis in ipsa Ecclesia pro tempore, & aliis Officiariis, seu Administratoribus Præbendarum, seu portionum quarumcunque, quatenus hujusmodi suspensione, seu excommunicatione durante, sic suspensio seu suspensio pro tempore suspensionis hujusmodi nihil penitus & omnino distribuunt, vel administrant.

C. XXV. *Meringarum (a) solutio quam stricte semper facienda.*

Præterea statuimus, & ordinamus, quod Canonici hujusmodi, seu alij quicunque, quibus ratione bonorum, possessionum, decimarum, curtium seu jurium, vel quacunque de causa incumbit, vel in futurum incumbet, Meringas in pane, vel in vino, seu petuniis, seu aliis rebus quibuslibet, dare vel distribuere, seu administrare, quod illas Meringas sine dilatione, remissione, negligentia quacunque seu intermissione singulis temporibus solvant, distri-

(a) Meringa, significat augmentationem salarii.

tribuant & administrent, prout consue-
tum ab antiquo & ordinatum, excusatio-
ne qualibet, super distributione hujus-
modi non facienda, semota. Et si forte
pretenderetur vel diceretur, quod reddi-
tus, fructus seu proventus, jam tunc,
videlicet solutionis seu distributionis tem-
pore, percepti vel percipiendi, ad hujus-
modi integram distributionem non suf-
ficerent, quo casu volumus, & ordina-
mus, quod hi, qui his, cui vel quibus
distributio hujusmodi incumbit facienda,
in proximo die Capitulari, postquam pro-
pter hujusmodi defectum ipsas meringas
cum integritate supradicta administrare
cessaverint, in Capitulo ipso, quod ad
hoc specialiter fieri procurabit, plenam
relationem inibi faciet de defectu supra-
dicto, & de diligentia sua, contra non
solventes fructus seu redditus, ad hujus-
modi meringarum administrationem spe-
ctantes, per ipsum sufficienter facta do-
ceat: alias de suo proprio tantundem in
usus supradictos (a Capitulo tempore
rationis seu computationis per ipsum fa-
ciendæ, vice versa recepturus) mutuet
seu accomodet, quod distributio præ-
dicta integre, & sine diminutione (ut su-
pradictum est) fiat. Alioqui in præmis-
sis aut aliquo præmissorum negligens, vel
remissus, ultra poenas in statuto Capitu-
lari, supra proxime dicto expressas, ab Of-
ficio, & Beneficio, & ab ingressu Eccle-
siæ sit præsentis constitutionis vigore sus-
pensus, quousque defectus hujusmodi
integraliter, & plenarie suppleat, & re-
staurer: qua suspensione durante, nihil
penitus de fructibus Præbendæ, seu quo-
tidianis distributionibus ei administretur,
sub pœna suspensionis consimilis, quam
in Administratores Præbendarum, & Præ-
fentarios, qui contra fecerint, ferimus
in his scriptis.

C. XXVI. *Officiorum quorumcunque causa
rationem facere debentes, qua pena
ad computum præstandum
urgendi.*

Præterea in virtute sanctæ obedi-
entiæ, sub excommunicationis pœna distri-
ctæ præcipientes mandamus omnibus, &
singulis Canonicis, cæterisque Beneficia-
tis in nostra Majore, & aliis Collegiatis no-
strarum civitatis & Diocesis Ecclesiis, &
eorum cuilibet, cujuscunque status, &
dignitatis seu conditionis existant, qui in

ratione & computatione faciendis, ratio-
ne officiorum sibi hæcenus a Capitulo
suo commissorum, ac qui in Pensionum,
affictuum, seu reddituum, seu pecuniarum
summis, dicto Capitulo, sive ratione
possessionum, curium, decimarum, do-
morum, obedientiarum, meringarum,
bonorum, reddituum, jurium, sive of-
ficiorum, aut alias quacunque justa causa
debitorum, seu debitarum solutione, hæ-
cenus fuerint, & adhuc existunt negli-
gentes & remissi, in toto vel in parte,
quatenus intra quinquaginta dies conti-
nuos a die publicationis præsentium nu-
merandos, hujusmodi computum, & ra-
tionem faciant, & reliqua Capitulo ipsi
restituunt, ac de hujusmodi pensionibus,
affictibus, redditibus, & pecuniarum sum-
mis, dicto nostro Capitulo plenarie sa-
tisfaciant cum effectu: alioqui dictis quin-
quaginta diebus elapsis (quos pro moni-
tione Canonica, & competenti termino
ipsis, & eorum cuilibet assignamus) ipsos,
& eorum quemlibet, quos etiam in his
scriptis excommunicamus, tanquam ex-
communicatos, publice tenore præsen-
tium denunciamus ab omnibus arctius
evitandos.

Item statuimus & ordinamus, quod
Canonici officarii quicunque, officia an-
nalia, seu perpetua, in Ecclesia vel ex-
tra, ad ipsam Ecclesiam tamen spectantia,
actu vel in futurum habentes, ratione
quorum ad computum, & ad rationem
sunt vel fuerunt adstricti faciendum, Ca-
pitulo sæpèdicto illum computum, seu
rationem ipsi facere teneantur & faciant,
& quilibet eorum in fine officii sui, vel
intra quindecim dies proxime tunc se-
quentes: perpetua vero habentes, sin-
gulis annis ante festum Beati Petri ad
Vincula, in Capitulo memorato, & ipso
in hoc specialiter & legitime indicto:
Alioqui Canonicus in hoc negligens, vel
remissus, ad officium habendum pro se-
quenti anno sit penitus inhabilis, & om-
nino incapax, & ad aliquod officium
intra dictum annum assumi, & id ei com-
mitti districte prohibemus. Et ultra
hoc ipse idem inhabilis, & incapax rema-
neat, quousque negligentiam suam pur-
gaverit cum effectu, computum debite
faciendū. Et nihilominus pro illo anno,
quo sic negligens fuerit, salario sibi ra-
tione officii sui hujusmodi competenti
careat omnino, & solvi ei prohibemus:
quod

quod salarium, si jam ante computum hujusmodi faciendum forte percepit, restituere teneatur, & restituat intra mensem Capitulo antedicto. Alioqui non computantes, committentes, tenentes, & recipientes, & non restituentes, ut præmissum est, conjunctim & divisim, ab Officio & Beneficio, & ingressu Ecclesiæ, præsentis Constitutionis nostræ auctoritate sint suspensi.

C. XXVII. *Præsentia in defunctorum memoris obvenientes, præsentibus tantum dandæ.*

Item statuimus & ordinamus, quod ea, quæ pro memoriis defunctorum inter præsentibus Canonicos, Vicarios, & Chorifocios distribuenda certis diebus, & horis anni, a viginti annis citra sunt specialiter deputata, siue in pecunia numerata, siue in aliis speciebus quibuscunque consistant, integraliter sine qualibet diminutione eisdem diebus & horis dentur, & distribuuntur tantum præsentibus supradictis.

C. XXVIII. *Vota seu Suffragia in Capitulis quomodo scrutanda & audienda.*

Item statuimus, quod de cætero in tractatibus capitularibus & negotiis per Capitulum expediendis; negotio proposito, tractatu securo, omnibus & singulis Canonicis præsentibus & residentibus, Capitulum legitime ad hoc indicatur: omnia singulorum Canonicorum Capitularium per Decanum, vel alium ad quem de consuetudine votorum spectat scrutinium, vota diligenter scrutentur: & quilibet de modestia audiat: & singulorum votis auditis, super negotio expediendo concludatur, & prævaleat, quod majori & saniori parti Capituli visum fuerit, & placuerit, consuetudinibus & observantiis quibuscunque contrariis, quæ dicendæ sunt corruptelæ, non obstantibus: exceptis gratiosis, videlicet ubi agitur de gratia alicui, seu aliquibus faciendæ, in quibus contradictio rationalis unius Canonici Capitularis præsentis, possit illud impedire. Alioqui actus ipse Capitularis, ipso jure sit invalidus, nullius valoris vel momenti.

C. XXIX. *Officia singula singulis personis, non uni plura, committenda.*

Item cum singula Officia singulis personis sint committenda, prout sacrorum Canonum tenet auctoritas, statuimus, volumus, & ordinamus, quod singula Officia annalia Ecclesiæ nostræ Colonienfis, consueta Canonicis ipsius Ecclesiæ committi, singulis personis, non uni plura, committantur. Et si secus fiat, ipso jure commissio non valeat, & tam committentes, quam recipientes Officia talia plura, ab ingressu Ecclesiæ, & ab Officio, & Beneficio sint suspensi, quousque ipsa Officia dimittant libere, & resignent. Et nihilominus sic plura recipiens, pro illo anno ad Officia dictæ Ecclesiæ sit inhabilis, & ei Officium committi, districte prohibemus.

C. XXX. *Officia annalia quomodo committenda.*

Item circa Officia hujusmodi annalia, a Capitulo sæpe dicto singulis annis committenda, volumus, statuimus, & ordinamus, modum & formam infra scriptos observari: sic videlicet, quod singulis annis, die ad hujusmodi Officia committendum præfixa, de & ex gremio totius Capituli, & omnium Canonicorum Capitularium, tunc in loco Capitulari comparentium, eligantur tres Canonici Capitulares ipsius Ecclesiæ, qui tres sic electi, ex tunc statim in Capitulo publicati, intra mensem proxime tunc sequentem, distribuere, & committere habeant & possint Officia annalia supradicta, singula singulis ex Canonicis, non uni plura, ut supra scriptum est, secundum Deum & justitiam, prout ipsis pro utilitate Ecclesiæ & Capituli visum fuerit expedire: semper & exclusis omni dolo, & fraude, gratia, odio, invidia, vel favore. Et hæc præmissa dicti sic electi, post publicationem eorundem, statim in præsentia Capituli talis Sacrosanctis, jurent ad Sancta Dei Evangelia, se juxta posse & nosse facturos. Et si forte dicti tres omnes, in hujusmodi distributionibus & commissionibus faciendis concordare non possent, ex tunc prævaleat & subsistat, ac prævalere & subsistere censemus, quod a duobus eorundem tantum ordinatum fuerit in & circa commissiones Officio-

rum hujusmodi & firmatum, tertii contradictione aut dissensu non obstante. Alias vel alio modo & forma distributiones, & commissiones Officiorum hujusmodi fieri, sub pœna excommunicationis, quam in his scriptis ferimus in contrarium facientes, tam committentes, quam recipientes, districtissime prohibemus. Et nihilominus commissiones & distributiones aliter factæ, ipso jure non valeant, contraria consuetudine & observantia, quibus in hac parte tanquam irrationabilibus & corruptelis derogandum duximus, non obstantibus quibuscunque. &c.

C. XXXI. *De Cellarariis Ecclesiæ Majoris Coloniensis.*

Præterea ordinationem quandam Capituli Ecclesiæ nostræ de Cellarariis ipsius Ecclesiæ, & eorum Saliis, dudum factam, tanquam justam, æquam & rationabilem, approbamus, confirmamus, & ratificamus: ipsamque denuo auctoritate nostra præsentium tenore statuimus & innovamus, volentes, mandantes, & præcipientes, eam tam inviolabiliter observari sub pœna excommunicationis, quam in contrafacientes, & eam non servantes quovis modo, ferimus in his scriptis, quibusque hujusmodi officium committi prohibemus sub simili excommunicationis pœna, quam etiam in committentes ferimus in his scriptis, donec hujusmodi recepta, & detenta injuste, plenarie restituant.

C. XXXII. *De Subcellarario Cellarariis a Capitulo substituendo.*

Statuimus, pronuntiamus, & ordinamus, quod quicumque Cellararii Ecclesiæ Coloniensis, deinceps per Nos aut nostrum Capitulum admissi, vel admittendi, cum infra scriptis punctis, & conditionibus stabunt contenti, & contra ipsa puncta non venient aliquo ingenio, vel colore. Sicque Capitulum ipsum deinceps in perpetuo eliger, & eligere debet unum Subcellarium idoneum, qui Cellarius distribuet Dominis Canonicis corpus Præbendæ: nec non Cellarius pro tempore, salarium eorum pro rata: nec etiam dicti Cellarii sic admissi, vel admittendi, se de fructibus aut redditibus aliquibus ipsius Cella-

riarum intromittent, aut ipsum nostrum Subcellarium, pro tempore per Capitulum sic assumptum, in recipiendo aut exponendo dictæ Cellariarum redditus, aut in quibuscunque aliis ad eam pertinentibus, impediunt quovis modo. Data, acta, & ordinata sunt hæc in loco Capitulari nostræ majoris Ecclesiæ, die Capitulari ad hoc (ut moris est) præfixa, & per sonum campanæ nostræ Capitularis, capitulariter celebrata. Anno Domini M. CCC. LXXVI. ipso die Beati Barnabæ Apostoli.

C. XXXIII. *Continuatio post literas separationis.*

Illos vero, qui post dictam ordinationem Capitularem, plus de salario hujusmodi hætenus receperint, ad Nos remitti, & venire volumus, & præcipimus intra quindecim dies post publicationem præsentium immediate sequentes, sub pœna suspensionis officii sui, nostram super hoc voluntatem audituros.

C. XXXIV. *De Domibus Canonicalibus vendendis.*

Præterea Capitulo nostro supradicto, & singularibus personis ejusdem, sub suspensionis, & interdicti pœnis districtè inhibemus, ne vendant, committant, vel locent, vel alio quovis quæsito colore assignent uni Canonico, vel alteri cuiquam in Ecclesia Coloniensi Beneficiato, plures domos Canonicales pro usibus suis & suorum: & domum pro tempore habens Capitularem sive hæreditariam, a dicta Ecclesia tamen dependentem, si aliam habere procuraverit, vel assecutus fuerit ex successione hæreditaria, ex concessione, venditione, vel assignatione Capitulari, vel alias quomodolibet, ille domum suam priorem; si hæreditaria foret, intra annum continuum, a die acquisitionis secundæ computandum, in Capitulo Canonico Ecclesiæ ejusdem vendere, vel alias jus suum, quod ipse habet, dimittere libere teneatur, dummodo emptorem pro competenti pretio habuerit. In quo pretio, si concordare nequiverint, illud Capitulum, vel major pars ejus, super suis conscientiis taxabunt: ad quam taxationem intra quindecim

decim dies tunc immediate sequentes, idem Capitulum, vel major pars, sub pœna suspensionis, quam in his scriptis ferimus, faciendam teneantur; quod si non, ipso factò post dictum annum, & quindecim dies pœnam suspensionis ab Officio & Beneficio, quam in his scriptis in sic contra facientes promulgamus, inevitabiliter incurrant.

C. XXXV. *Ne Laici habitent in domibus
Canonicalibus vel Beneficia-
torum.*

Præterea sub pœna excommunicationis, quam etiam in his scriptis ferimus in quolibet contrarium facientem, districte prohibemus, ne de cætero quisquam domos Capitulares sive hæreditarias, ab aliqua Ecclesiarum dependentes, quas Canonici, seu Beneficiarii ipsius Ecclesiæ inhabitare consueverunt, laicalibus seu extraneis personis quibuscumque concedere, dare, vel locare, committere, seu vendere ad inhabitandum, aut in eis nuptias, aut choreas publicas, vel alia sæcularia negotia exercendum, vel alios quoslibet usus, præsumant. Et si forte actu aliquarum domorum hujusmodi, locatæ, commissæ, vel concessæ sint, locationes, commissiones, & concessionem hujusmodi illi, ad quos perti-

nent hujusmodi domus, intra duos menses post publicationem præsentium immediate sequentes, quos ipsis & eorum cuilibet pro monitione Canonica assignamus, studeant sub pœna excommunicationis antedicta cum effectu revocare. Quas etiam & Nos nostro ex officio præsentium autoritate revocamus. Item volumus & ordinamus, & districte præcipiendo in virtute sanctæ obedientiæ, & sub excommunicationis pœna (quam in his scriptis in quolibet contravenientem ferimus) mandamus, quod statutum & ordinatio olim per felicis record. HENRICUM, Archiepiscopum Colonensem, Prædecessorem nostrum, ac Decanum, & Capitulum Ecclesiæ Colonensis sub anno Domini MCCXXIII. in vigilia Beati Laurentii, de & super custodia & conservatione Clavium Majoris Sigilli Capituli Ecclesiæ nostræ ejusdem facta & edita, quæ etiam tenore præsentium Nos innovamus in omnibus suis punctis & clausulis, prout edita & facta existunt per Decanum & Capitulum nostrum antedictum, observentur. Actum & pronuntiatum anno Domini MCCCC. die xvi. Mensis Decembris, quæ fuit FERIA V.

*Ex Typo Statutorum Quenteliano anni
1554.*



S U P P L E M E N T U M

CONCILIORUM GERMANIÆ.

Addenda ad pag. 590. Tom. II. Concilior.

CANONES DUO CONCILII ALTHEIMENSIS,

Diversi a mea Editione,

Ex Chartario Farfensi editi a Mabillonio in Annal. Benedictin. Tom. III. in appendice pag. 705.

HOc ibidem inventum est de Episcopis, Presbyteris, & Clericis, si hæreditas a Domino Rege, vel ab alio Principe, vel amico suo, seu per hæreditariam sortem sibi devenierint, vel acquisierint, donare eis liceat, cui voluerint, dum vivunt, pro remedio animæ ad Ecclesiam quamcunque elegerunt, vel consanguineis suis vel amicis: si autem antea obierint, quam firmiter perfecerint, Altari, cui serviunt, omnia perpetuo sanctificentur, & in eis tradantur. Similiter de Presbyteris statutum est.

Hildepertus, Maguntiensis Archi-Episcopus, subscripsi.

Ruobertus, Treverensis Archi-Episcopus, subscripsi.

Unni, Hammaburgensis Archi-Episcopus, subscripsi.

Adalwaldus, Sardienfis Archi-Episcopus, subscripsi.

Et reliqui Episcopi VII. subscripserunt, nec non & Abbates, cum cæteris sacri Ordinis viris subscripserunt.

MOnachus, quem Canonica electio a jugo Regulæ Monasticæ Professionis absolvit, & sacra Ordinatio de Monacho Episcopum facit, velut legitimus hæres paternam sibi hæreditatem postea jure vindicandi potestatem habeat; sed quidquid acquisierat, vel habere visus fuerat, Monasterio relinquat, & arbitrio Abbatis sui, qui fuerat secundum Regulam Sancti Benedicti. Postquam enim Episcopus ordinatur ad Altare, quo sanctificatur & titulatur, secundum sanctos Canones, quæ acquirere poterit, restituat.

Hactenus Mabillon. loco citato.

Differens in pluribus a mea Editione. Cur autem ad annum 936. rejiciat Synodum, quæ juxta plures Synchronos ad A. 916. refertur, nescio, nisi ob mortes Episcoporum hoc anno notatas: qua occasione refert hanc Synodum, sed observat 4. ex his nondum fuisse anno 916. Archi-episcopos, etsi sic subscripti ferantur.

Eodem Tomo II. Conciliorum.

NOTA AD SYNODUM AUGUSTANAM

ANNI DCCCCLII.

Pratuit Synodo Frithuricus, seu Friduricus Moguntinus, antea Benedictinus. Heroldus Juvavenfis, seu Saltzburgeris, Manasses Mediolanensis, Petrus Ravennas, Archi-Episcopi. Anno Wormatiensis Episc. Godefridus Nimesensis (seu Spirensis) Episc. ex Monacho Wissenburgeris.

Hæc nomina ex solis Benedictinis Episcopis refert Mabillon. Tom. III. Annal. Benedictin. pag. 517.

Adden-

Tom. III. Concil. Germ. pag. 103.

AD SYNODUM TRIBURIENSEM ANNI MXXXV.

C A N O N:

Virgines sacræ, si pro lucro animæ suæ, & propter districtiorem vitam, ad aliud Monasterium pergere disposuerint, & ibidem commanere decreverint; Synodus concedit. Si vero fuga disciplinæ alium quæsierint, ad locum redire cogentur . . . quia, qui de Monasterio ad Monasterium transit, redire cogendus est.

Stephanus (a) Tornacensis Episcopus, Epist. I. ad Robertum Pontiniacensem recitat hunc Canonem Concilii Triburienfis in Bibliotheca Patrum Parisina: Quem cum ad istud Concilium referri nec stilius, nec rei argumentum prohibeat, illum Cl. Mansi Synodo huic adscribendum censet Tom. I. Supplem. Concil. ad ann. 1135.

(a) Stephanus Tornacensis Episcopus adiit Episcopatum anno 1193. Obiit 1203. scripsit Epistolas CCLX.

Tom. III. Concil. German. pag. 279. confer

REINHARDI Episcopi Diploma

cum sequenti, & variantes nota.

IN NOMINE DEI OMNIPOTENTIS.

REINHARDUS, B. STEPHANI PROTO-MARTYRIS DEVOTUS FAMULUS, SANCTE HALBERSTADENSIS ECCLESIE DIVINA GRATIA ANTISTES.

IN instituendis ac confirmandis Sancte Ecclesie iustitiis, & Religionis incrementis, Episcopale precipue decet providere vigilantia: unde quamvis Matris Ecclesie ruinas frequenter multiplicari videamus, & eis, peccatis nostris exigentibus, pro debito nostro ad occurrendum minime per omnia sufficiamus; Divina tamen favente gratia susceptum in his officii nostri ministerium pro posse nostro recogitare studebimus. Notum itaque facimus presentibus & cunctis retro futuris, Sancte Ecclesie fidelibus filiis, quod Nos in Ecclesia, Nobis credita, inordinata corrigere, & correctæ fidei devotione persequi cupientes, quandam Sanctimonialium Congregationem apud Villam *Schenigge* institutam, sed inutiliter ac sine fructu sancte religionis, omnisque honestatis, dies suos deducentem, communicato fidelium Ecclesie nostre consilio removimus, & fratres juxta traditionem Regule B. Augustini communem vitam ducentes, illuc substituiimus. Quia vero prioris claustrilo-

ca ad constituenda domicilia Congregationis inconvenientia vidimus, fidelibus Ecclesie nostre consulentibus, in Curiam nostram, quam in superiori parte ejusdem Ville habuimus, ipsum claustrum utilitatis & commodorum gratia transtulimus, antiqua tamen Ecclesia cum bonis, mediis, omnibusque iustitiis suis in potestatem & subjectionem ipsius Congregationis perpetua stabilitate cedenti. Dei igitur Omnipotentis auctoritate, Sancteque Scripture preceptis informati, statuimus, & firmando precipimus, ut regularis Professionis Ordo ibidem Divina favente gratia incommutabiliter perseveret, nullusque post factam ibi Professionem sine Prepositi, totiusque Conventus licentia abcedere, seu ad aliam vitam vel ordinem presumat transmigrare. Patre quoque ejusdem Ecclesie obeunte vel decedente, nemo ibi violenter, seu alio quolibet malo conamine preficiatur, sed unanimitate & concordia fratrum sana integraque persistente, electionis eis firma permaneat libertas: videlicet, ut de eodem claustro, aut ali-

B b b b 3

unde

unde, si opus est, ejusdem tamen Professionis, in paternitatis officium idonea persona sumatur. Ceterum pro remotione omni infestationis molestia, decernimus, ut omnia ejusdem Ecclesie predia, in villis, agris, silvis, pratis, ac molendinis, salva semper & illibata permaneant, Deo ibi famulantium usus debita commoditate proventura. Tres quoque manfos nostri juris, in eadem villa sitos, omnemque decimam eorum possessionis, ex eadem *Scheniggense* villa, ad Nos pertinentes, in eorum sustentationem, obtentu Divine indulgentie concedimus, statuantes, ut tam hec, quam omnia, que vel per Nos, nostrosque Successores, aut per alios fideles, congrua ac iusta acquisitione, quoquomodo in futurum consecuti fuerint, sine omni gravaminis oportunitate, sub eorum ditione permaneant. Apostolica itaque traditione pro auctoritate Patris, & Filii, & Spiritus Sancti statuimus, ut eandem Ecclesiam, ad officium Divini cultus informatam, nemo unquam hominum temeraria fatigatione aut exactione inquietare, vel ejus possessiones diripere, auferre, vel ablatas retinere, ullo modo presumat; sed in pace, & tranquillitate Ecclesiastice Religionis, securus semper & libera consistat. Si quis igitur huic nostre institutionis scripto pertinaciter obviare presumpserit, nisi celeri & digna correctione resipuerit, a visceribus matris Ecclesie sine dilatione

sequestratus, Divino iudicio plectendus subiaceat. Omnes autem eandem Ecclesiam in pace & quiete foventes, ejusque profectum fidei congratulatione prosequentes, pretiosa B. Laurentii Martyris oratio, & gratuita Domini Dei nostri benedictio semper tueatur. Amen.

Hec itaque Statuta & Decreta, ut firma semper & illibata permaneant, in verbo Dei Omnipotentis, & B. Petri Apostoli auctoritate, vinculo anathematis interposito, precipimus, & sigilli nostri impressione inviolabiliter consolidamus.

In hujus condonationis testimonium interfuerunt *Elferus*, majoris Ecclesie Prepositus; *Fridericus*, Decanus; *Conradus*, Camerarius; *Elferus*, Abbas de Hugesborg; *Martinus*, Abbas de Hilesineborg; *Thietmarus*, ejusdem Scheniggenensis Ecclesie Prepositus; *Fridericus*, Comes Palatinus, ejusdem loci Advocatus, cum aliis quam plurimis fidelibus. Data in *Halberstad* XV. Kal. Novembris in publico Concilio: Incarnationis Dominice Anno M. C. XX. Indi Et. XIII. Presulatus Domini Calixti PP. anno II. Ordinationis vero Domini *Reinbardi*, Episcopi XIII. feliciter Amen.

Ex Originali MS. communicavit Dullenburgo hoc ipso anno 1761. 8va 7bris Cl. D. ab Erath, Consiliarius Auriaco Nassovicus.

Confer etiam Diploma pag. 280. cum eo, quod hic subjicitur, quod idem Cl. D. ab Erath ex Originali descriptum transmissit:

IN NOMINE SANCTE ET INDIVIDUE TRINITATIS.

REINHARDUS, DEI GRATIA, SANCTE HALVERSTADENSIS ECCLESIE DICTUS EPISCOPUS, BEATI STEPHANI PROTO-MARTYRIS HUMILIS ET DEVOTUS FAMULUS, OMNIBUS CHRISTI-FIDELIBUS, TAM FUTURIS QUAM PRESENTIBUS, IN PERPETUUM! GRATIA VOBIS ET PAX ADIMPLEATUR!

Officii nostri debitum expostulat, Nos religiosos Viros, Fratres nostros, Regulam Beati Augustini Professos, in contemplative vite dulcedine quiescentes, & cum Maria ad pedes Domini sedentes, & verbum illius audientes, optimam etiam partem eligentes, paterno karitatis affectu diligere, & cum

Martha in active vite labore pias pro eis sollicitudines gerere, & eos per omnia in suis oportunitatibus pro posse nostro confovere. Et cum per Apostoli preceptum operari bonum ad omnes doceamur; maxime tamen domesticis fidei, Apostolice utique vite imitatoribus assistere informamur.

Ea-

Eapropter notum esse cupimus omnibus Christi fidelibus, qui coequalem nobiscum sortiti sunt fidem, quod Schenningensis Cenobii novellam plantationem, & quarundam Sanctimonialium ob inutilem earum conversationem remotionem, loci etiam, in quo manebant, necessariam mutationem, & cetera, que litteris prioribus adnotavimus, & posteriorum memorie transmisimus, rata esse censemus, nec aliquid eorum, que scripta sunt, immutamus: ut videlicet Regule Beati Augustini Canonica Professio in eodem loco in perpetuum permaneat, nullusque post factum inibi votum absque licentia Capituli recedere audeat: in statuendis etiam Prepositis Canonice electionis libertas firma perduret: predia fratrum, que prius Sanctimoniales ille possederant, & que postmodum adjecimus, nullus temere invadat: ipsos & bona eorum tuentes Dei Omnipotentis gratia custodiat, & persequentes eos ultio Divina percellat. Presentem etiam paginam posteritati fidelium scribimus, in qua locum quandam, qui *Calvo* dicitur, iu . . . Idinem situm, in quo felicis memorie *Oda*, Comitissa, Regia stirpe orta, Sanctimonialium Congregationem pio voto collocaverat, sed peccatis exigentibus malorum hominum . . . ione sepius desolatus est, cum universis allodiis, que illi attinebant, Schenningensium Fratrum utilitati, Episcopali auctoritate delegamus, eundem etiam locum & omnia ad ipsum aliquando attinentia, omnium hominum potestati & usui, anathemate interposito, abdicamus; Divina quoque illic celebrari, locumque ipsorum ab aliquo incoli, nisi voluntate Schenningensis Prepositi & fratrum ejus, nullius presumptioni assensum damus. Nullus etiam Successorum nostrorum, nec aliqua prorsus Ecclesiastica, secularisve persona, annum eorum censum, & jus litonum, qui eis serviunt, & antiqua traditione usque ad nos statutum, pro decimis, addere, vel minuere, vel mutare presumat. Preterea, quem vulgato nomine Advocatum vocant, Prepositus, & Fratres eligant, & si plus iusto forte importunus esse voluerit, Episcopali auctoritate alium magis idoneum illi substituant.

Hec autem sunt predia, que vene-

rabilis Matrona, & ejusdem loci Abbatissa, alique illi Cenobio attulerunt:

In villa, que dicitur *Hergrimestorp* XVIII. aree, cum decem & novem mansis. In *Helmerichestorp* XV. aree cum XII. mansis. In *Suammere* XII. mansi & dimidius, & XV. aree. In *Lucbestorp* XI. aree & octo mansi. In *Rodesleve* XII. mansi & XVI. aree. In *Geroldestorp* VII. aree cum V. mansis. In *Iggersleve* II. aree & totidem mansi. In *Hellese* III. mansi & VII. aree cum adjacenti silva. In *Badinstedt* I. mansus & I. area. In *Dalwersleve* I. mansus & area. In *Edendorp* mansus & area. In *Ballinge* VI. mansi & X. aree. In *Suardenese* VII. aree cum tot mansis. In *Bulsteringe* II. aree & II. mansi. In *Bindorp* III. aree & II. mansi & dimidius. In *Buga* mansus & area. *Eclstede* & *Akendop* juxta *Gardeleve* cum omni utilitate: & in silva, que *Heimeisse* dicitur, & his contigua est, participatio. *Hoploge* cum omnibus attinentiis. *Liudune* dimidia cum omni utilitate. *Schirmbiche* ex integro, exceptis duobus mansis nostri juris, quos etiam Beato Laurentio in *Scheninge* contulimus. In *Chieringerode* mansus & area. In *Alende* III. mansi & dimidius, & II. aree. In *Banisleve* mansus & area. In *Udenheim* III. mansi & dimidius cum tot areis. Juxta *Bardewic* in *Messenhusen* unum panstale, & dimidium in *Beckenhusen*, que solvunt XXIII. solidos. In villa *Schanigge* XXII. aree & VII. mansi cum pratis & usibus silvarum, & utilitate salis, & molendinum in superiori parte ejusdem ville: preterea omnia predia Parochialis Ecclesie Beati Stephani Protho-Martyris in eadem villa, que fratrum usibus assignavimus.

Has itaque possessiones, quas prebens pagina continet, quas videlicet supra dicta nobilis femina, & alie Abbatisse, vel reliqui fideles iusta donatione priori loco delegaverant, in villis & locis desertis, in campis & silvis, in agris, cultis & incultis, in vineis & vinetis, in arbutis & arboribus, in pratis & pascuis, in aquis & aquarum decursibus, in molis & molendinis, in piscationibus & venationibus, in exitibus & redditibus, in viis & inviis, in acquisitis & acquirendis, vel etiam ea, que aliquorum violentia Cenobio subtracta sunt, in ipso suo . . . Beati Laurentii Deo famulantium usibus hoc testamento assignata.

Et ne in posterum inquietorum temeraria presumptione auferri debeant, sigillo nostro, que scripta sunt, roboramus. In nomine etiam Patris, & Filii, & Spiritus Sancti, auctoritate Apostolorum Petri & Pauli, potestate quoque Kalixti Summe Sedis Pontificis, & banno nostro *Scheningensi* Monasterio, & omnibus in eo merita Beati Laurentii devote venerantibus, & eorum possessionibus, quas in presenti iuste possident, & in futurum concessione Pontificum, largitione Regum, liberalitate Principum, oblatione Fidelium, seu quibuslibet iustis modis adipisci poterunt, eterna pace firmamus, & hanc ab Omnipotentis Dei misericordia perpetuam eis imprecamur & optamus.

Si quis igitur hec Statuta nostra sciens contraire temperaverit, & Fratres nostros, & bona eorum in aliquo infestare presumpserit, non sit ei hereditas in Regno Christi & Dei, sed abscessus ab unitate corporis Ecclesie non resurgat in consilio iustorum, si non agnoscens reatum suum resipuerit, & pro temeritatis ausu Patri Cenobii & Fratribus satisfecerit.

Omnibus autem eidem loco & Deo in ipso servientibus, que iusta sunt, deferentes, & tam ipsos, quam bona eo-

rum pace prosequentes & defendentes, gratuita Dei Omnipotentis misericordia preveniat & subsequatur, & gloriosa Beati Laurentii, incliti Martiris, intercessio tueatur. Amen.

Hujus pagine testes sunt hii: *Elverus*, majoris Ecclesie Prepositus: *Gerhardus*, Decanus: *Martinus*, Custos: *Conradus*, Camerarius: *Martinus*, Abbas Hilfinburgensis: *Alfridus*, Abbas Hugenburgensis: *Gerhardus*, Prepositus Sancti Johannis in civitate: *Thitmarus*, Prepositus Scheningenensis Cenobii: *Fridevicus*, Palatinus Comes junior: *Ruodolfus*, Marchio: *Adelbertus*, Comes de Ballentide: *Adelbertus*, Comes de Werniggerode: *Beringerus*, Advocatus majoris Domus: *Willerus*, Prefectus in civitate: *Engilmarus*, Vice-Dominus: *Everhardus*, Advocatus Schaniggenensis Cenobii, & alii quam plures Nobilium & Ministrantium.

Actum *Halberstad*: anno Dominice Incarnationis Mill. centesimo XX. primo, Indictione quarta decima, in publica Synodo, in festo Beati Luce Evangeliste, Presulatus Domini Kalixti Pape II. anno tercio, Regnante Heinricho V. Romanorum Imperatore Augusto, anno Ordinationis Domini Reinhardi Episcopi XIII. feliciter. Amen.

CONVENTUS EPISCOPORUM

APUD THEODONIS VILLAM,

Anno Christi MCXXXII. Innocentii II. Papæ III.
Lotharii II. Imp. VII.

*Pax restauratur, quum Simon, Dux Lotharingie, usurpatas
in S. Deodati Ecclesia exactiones remittit.*

IN NOMINE SANCTÆ ET INDIVIDUÆ TRINITATIS.

EGO Dux SIMON Lotharingorum & Marchio, in celebri Conventu apud Theodonis villam, coram Domino ALBERONE Archi-Episcopo Reverentissimo Treverensi, presentibus quoque tribus Episcopis: STEPHANO Metensi, HERMANNO Tullensi, & ALBERONE Virdunensi, multisque aliis Regni Principibus, qui causa pacis convenerant, subscriptas pravas exactiones

tempore meo in Ecclesia S. DEODATI inductas, Divina Clementia inspirante recognovi, & assensu & voluntate conjugis meæ Excellentissimæ Ducissæ ADELIDIS ad Ecclesiam præstatam veniens, easdem exactiones subscriptas ad corpus B. DEODATI deposui, & ibidem una cum MATTHÆO filio meo abjuravi, videlicet placitum Palatii, ad quod nullus de hominibus S. DEODATI,
ad

ad Præbendam Fratrum pertinentibus, venire cogendus est. Fortunam, incensum, raptum, & quandam exactiorem, quæ vulgo tallia dicitur, quam Ministeriales mei apud *Cocincourt* aliquando exigebant. Si quis autem de hominibus S. DEODATI ad Præbendam Fratrum de susceptione concambii impetratus fuerit, secundum legem Tullensium vel Metensium respondebit. Actum est hoc apud Theodonis villam anno Dominicæ Incarnationis MCXXXII. Indiæ. X. in Sede Apostolica Præsidente INNOCENTIO PP. II. regnante Rege Augusto

Romanorum, fratre nostro LOTHARIO, ALBERTO, ejusdem Ecclesiæ Præposito. Adstipulatione autem & abjurazione facta horum Virorum Illustrium testimonio: *HENRICUS* Venerabilis Tullensium Episcopus, *Hugo* Abbas, *Henricus* Archidiaconus, *Jocelinus* Abbas Calmoiensis, *Wlterus* de Goudricort, *Pancrus* cognomento *Canis*, *Petrus* de Brisei, *Rainerus* de Brisei, *Albertus* de Dumei, *Walterus* de Lanfracort, *Albertus* de Aricere villa, & *Lavarinus* frater ejus, *Valdricus* puer, *Simon*, *Gerardus*, *Vosagi* Advocatus.

ALBERONIS, *Archi-Episcopi Treverensis*, *Testimoniales de Duce in hoc Conventu absoluto.*

IN NOMINE SANCTÆ ET INDIVIDUÆ TRINITATIS.

EGO ALBERO, DIVINA FAVENTE CLEMENTIA, TREVERORUM HUMILIS MINISTER ET SERVUS, APOSTOLICÆ SEDIS LEGATUS, DILECTIS FRATRIBUS IN CHRISTO, CANONICIS S. DEODATI, EORUMQUE SUCCESSORIBUS, IN PERPETUUM.

Si providentiæ Pastoralis officium rationabiliter & congrue dispensamus, oportet Nos Ecclesiarum oppressiones & molestias propulsi, & eas paterno solatio confovere, ut tanto interius Deo liberius serviant, quanto in exterioribus minime perturbantur.

Quocirca præsentis paginæ testimonio notum fieri volumus, & præsentium memoriæ, & sequentium posteritati, quod in præsentia nostra, & Venerabilium Fratrum & Coepiscoporum nostrorum STEPHANI Metensis, HENRICI Tullensis, ALBERONIS Virdunensis, & multorum Principum, qui nobiscum apud Theodonis villam pro pace reformanda convenerant, Albertus Præpositus, & alii Canonici Ecclesiæ S. Deodati conquesti sunt super Duce SIMONE, quod ipse violentas exactiões & injustas consuetudines temporibus suis super prædictæ Ecclesiæ servos & possessiones induxisset, & quedam jura ad se per violentiam retorquisset. Verum Divina cooperante Clementia præfatus Dux assensu & voluntate ADELEIDIS, Nobilis Ducissæ uxoris suæ, omnia illa, de quibus in eum querela fundebatur, in præsentia nostra gueripivit & abstipulavit. Et quia jam dudum pro ea injuria

erat excommunicatus; Ecclesiæ pristinam restituens libertatem, a Nobis est ibidem absolutus. Deinde ad prædictam Ecclesiam veniens, ad corpus B. DEODATI violentis, illis exactiõibus omnibus renuntiavit, & ibidem cum MARTHEO Filio suo subscriptas pravas consuetudines damnavit & abjuravit: istas scilicet, quod ad placitum Palatii nullus hominum S. DEODATI, ad Præbendam Fratrum pertinentium, amplius venire cogeretur. Fortunam quoque, raptum, incendium, & quandam exactiõem, quæ vulgo tallia dicitur, quam Ministeriales ejusdem Ducis apud *Cocincourt* aliquando injuste exigebant. Si quis præterea de hominibus S. Deodati, ad Præbendam Fratrum pertinentibus, de suspitione concambii impetratus fuerit, secundum legem Tullensium, vel Metensium respondebit.

NOS igitur paci & libertati Ecclesiæ non tantum in diebus nostris, sed etiam in posterum providere volentes, ut hoc firmum & inconvulsam permaneat, auctoritate Dei & Nostra præcipimus & stabilimus, & in testimonium hujus rei præsentem paginam sigilli nostri impressione firmavimus & consignavimus. Quod si aliquis postmodum in-

fringere vel infirmare tentaverit, anathematis eum vinculo, donec satisfaciatur, astringimus & innodamus.

Acta sunt hæc anno Dominicæ Incarnationis MCXXXII. Indictione X. Apostolicæ Sedi præfidente Domino Papa INNOCENTIO II., Regnante Imperatore Romanorum Augusto LOTHARIO II. Anno Ordinationis nostræ II.

Ego ALBERO Dei gratia, Treverorum humilis Minister & Servus, manu mea S. Ego Godefridus Præpositus S. Ego Folmarus Decanus S. Ego Arnulfus Archi-Diaconus.

Martene ex Schedis Domini de Riguet, Præpositi S. Deodati. Tomo IV. Thesauri novi Anecdotorum pag. 136. 137.

SYNODUS HALBERSTADENSIS

ANNO CHRISTI MCXLI.

IN NOMINE SANCTE ET INDIVIDUE TRINITATIS.

EGO RODOLPHUS, DEI gratia, Sancte Halberstadenſis Eccleſie Episcopus, religioni & utilitati Ecclesiæ volens consulere, in omnibus, que gerenda sunt, sic auctoritate Christi & Ecclesie testimonio agere satago, ut, que in presenti confirmantur, in futuro secura permaneant. Itaque hujus Sacri Concilii notitiam & testimonium super hac re requiro; ut noverint, qualiter Contrater noster Bodo, Scheniggenſis Monasterii Præpositus, quatuor mansos in villa Odenheim, & dimidium in Suligge, XXX. IIabus libris a Monasterio Thribicensi solita cambia commutaverit, anuente Præposito Heinricho, & Abbatiſſa Juthita. Actionem vero hujus commutationis utriusque Monasterii Advocati, Athelbertus Comes, & Gevehardus pari consensu & more legitimo perfecerunt. Preterea Venerabilium Personarum, que huic negotio aderant, testimonium suffragatur & auctoritas, ut iuste convelli nunquam possit, quod eorum presentia & reverentia confirmatum fuisse suffecerit, etiamſi nulla testamenti confirmatio adhiberetur. Aderat namque Elkebertus, Abbas Hujusburgensis: Siegebodo, Abbas Hilſeneburgensis: Buchardus, Abbas Uimedeburgensis: Conradus, Præpositus Niwenburgensis: Bodo, Præpositus Scheniggenſis: & ceteri quam plures Viri Religioſi, quos sub occasione sacre ſolempnitatis VIII. Martyris Archi-Epiſcopi, ad laudem nominis ſui in Monasterio Thribi-

ceſſi aggregaverat. Aderat quoque, que de tota Provincia ſolempnitatis gratia confluerat, copioſa populi multitudo, a qua notitia & testimonium rei geſte requiſitum eſt, nec fuit, qui refragaretur, cum per omnia iuſte & legitime factum fuerit. Hanc ergo commutationem clavibus cæli confirmamus, testimonio Chriſti roboramus: ut deinceps nullus temerare audeat, quod tali auctoritate confirmatum eſt; nulli namque tutum eſt temerare, quod Eccleſia ligaverit in terra, quoniam teſte Chriſto ligatum eſt in cælo.

Actum eſt in magna Synodo, in Feſtivitate Luce Evangeliſte, anno Domini Incarnationis Milieſimo centeſimo quadrageſimo primo, Indictione prima, feliciter Amen.

Godefridus & Samſon Sacerdotes Eccleſie noſtre; Hubertus & Heinrichus, converſi ejusdem Eccleſie; Hartmannus & Bertheherus, converſi Thribicenſis Eccleſie; Richiſio, Advocatus noſter de Cletligge.

Athelbertus Comes. De Wereninge-rothe; Gevehardus de Horneburgh; Hermannus de Rimbeke; Giſelbertus de Silſtide, & alii quam plures aderant.

Communicavit ex Originali inſpecto Cl. D. ab Erath Conſiliarius Naſſovio. Dillenburgius.

CON-

CONCILIIUM PROVINCIALE TREVERENSE

ANNO CHRISTI MCLII.

JUSSU EUGENII PAPÆ III. CELEBRATUM,

In quo iudicio Episcoporum & Abbatum, aliorumque Ecclesiasticorum Virorum, Matthæus illustris Dux Lotharingiæ Romaricensi Ecclesiæ ad hanc diem infensus, ad concordiam adducitur, juraque omnia prædictæ Ecclesiæ confirmat, ablata restituit. &c.

IN NOMINE SANCTÆ, ET INDIVIDUÆ TRINITATIS.

HELLINUS, DEI GRATIA, TREVERENSIS ARCHI-EPISCOPUS,
DILECTÆ FILIÆ JUDITH, EADEM GRATIA ABBATISSÆ ROMARICENSIS, ET SORORIBUS EJUS IN POSTERUM.

Querimonias tuas contra Ducem MATTHÆUM jam per tempora multa agitatas, & tandem secundum præceptum Domini Papæ coram Episcopis, & Abbatibus, & Principibus terræ a Nobis definitas, utile duximus tibi & Ecclesiæ tuæ sigillo nostro, & auctoritate tam nostra, quam Suffraganeorum nostrorum diligenter munire.

De diversis igitur querimoniis assensu communi statuitis, quod Capitulum vestrum liberam electionem habebit, & de Præpositis, & de Cancellariis præficiendis, & Dux electioni illi celerem præbebit assensum, salvo jure suo. Si autem persona quæcumque electa postmodum Ecclesiæ inutilis fuerit, ipsa voce Capituli, qua præstituta fuerit, deponetur. Quibusdam Præpositis Beneficia, & redditus suos, unde vivere debent, quos ab Ecclesia tenent, alicui in feodum dare non licebit, neque Dux feodificare eos coget, immo etiam dare, & accipere in fide & veritate prohibebit. Quando autem Præpositus Vosagi, & Cancellarii in Potestatibus placitum tenere voluerint, laudante, & assentiente Advocato, diem placitandi præfigere debent. Summam autem quæstus definiunt Præpositus, & Cancellarii consilio & assensu Advocati, consilio tamen Ministri Ecclesiæ præcedente. Tallias autem, quas ipse Dux & Advocati sui injuste super homines Ecclesiæ facere consueverant, penitus quirpiverunt. Clerici & Ecclesiales, & res eorum a Duce, & ab advocatis, & a venatoribus non inquietabuntur, sed in nobili libertate, ut dignum est, in pace remanebunt.

Tomas IV. Concilior. German.

Servitium vero, quod venatores ab Ecclesiælibus exigebant, ex toto dimissum est. Dominus autem Dux vel Ministri sui non cogent homines Ecclesiæ exire extra bannum suum ad placitandum: neque Dux quempiam hominum Ecclesiæ absque Abbatis placitabit. De omni autem quæstu super homines sumto, in omni negotio, & in omni proventu, Ecclesia medietatem recipiet. Advocati vero in potestatibus avenam non accipient, nisi pactione cum fidelitate renuntiata, & nisi Ecclesia plenarie avenam suam ad cervisandum prius acceperit. Vacas vero, quas nuper Advocati injuste in potestatibus accipere in natale Domini consueverant, penitus a modo non accipient. Suprapositi vero, & Subadvocati, qui a Duce, & ab Advocatis injuste substituebantur, a modo radicitus extirpantur. Super mundiculos vero Minister Ecclesiæ, & Advocatus placitum tenere debent, & Ecclesia totum censum habebit, nisi in duabus potestatibus, videlicet campi, & Archarum, in quibus non nisi dimidia pars census est Ecclesiæ: idem vero de placito fabrorum, Ecclesia videlicet medietatem quæstus recipiet. Quando vero Dux in quolibet castrorum suorum morabitur; de suo viveret: si vero per terram transiens, ad quamlibet Ecclesiæ curiam pernoctaverit, villicus de communi quæstu per curiam cum fidelitate sumto, eum procurabit, & hoc semel in anno, & in mane recedet. Si vero Advocati per curias aliquando pernoctaverint, de jure suo vivent. Qui si forte in aliquo pa-

C c c c a

cem

cem istam infregerint, nisi ammoniti a Duce infra sex septimanas ablata restituerint, Dux terram eorum sasibit, eis que prohibebit, ne in eis aliquid accipiant, donec Ecclesiæ satisfecerint. Insuper ex præcepto Domini Papæ sub vinculo anathematis nexi tenebuntur, donec resipuerint, & Ecclesiæ satisfecerint. Forum vero Archarum esse concedimus, ita ut absque omni dolo, & absque multa acquisitione, & absque omni genere exactionis teneatur. De tabernis relatione fidelium discussum est, quod in tertio anno in xxx. duabus potestatibus Dux suum vinum vendet solo obolo carius; quod vinum rustici debent deducere, & infra Abbatiam accipere, & in loco nominato solo die expectare. Apud Girbespath medietatem veneraciarum, & quæstus in placitis & avenam recuperavimus. Usuagium nemorum recognovit Dux, & concessit hominibus ecclesiæ, ubi antiquitus habere solebant ex ratione fidelium. Si vero postmodum Dux terram vestram aliquibus minis, aliqua exactione, aliqua precatione, vel alicujus extorsionis genere oppresserit, vel aliquam supradictarum pactionum, aut per se, aut per Advocatos suos infregerit; quotiescumque ecclesia reclamaverit, absque omni retractatione ipse cum suis, & cum terra sua vinculo anathematis iterum nexus teneatur: nisi ammonitus, vel reprehensus, infra quadraginta dies pœnituerit & satisfecerit, ipso Duce in hunc modum concedente.

Ego MATHEUS, DEI patientia, Lotharingorum Dux, & Marchio, ductus pœnitentia, spe retributionis æternæ, in his, in quibus læseram Romaricensem ecclesiam, consilio religiosorum Virorum, Clericorum, & laicorum, cum Romaricensi Ecclesia feci præscriptam compositionem, & posui in sacratam manum Domini Archi-episcopi: & charitam Trevirensi, & Tullensi ecclesiæ inde feci, quod hoc bona fide servabo; & si aliquando, quod absit, per Me, vel per meos fuerit contra hoc factum, nisi infra quadraginta dies, si ammonitus fuero, satisfaciam, & ablata restituum, meo assensu Trevirensis, & Tullensis Ecclesia in me, & in terram meam sine iudicio dent anathematis sententiam.

Hujus compositionis testes sunt Stephanus, Metensis episcopus: Henricus, Tullensis episcopus: Albero, Verdunensis episcopus: Arnulfus, Alexander, Bruno, Trevirentes Archi-Diaconi: Henricus, Cantor: Baldricus, Magister Scholaris: Sigericus, Abbas S. Maximini: Bertolfus, Abbas S. Eucharii: Richardus, Abbas de Sprinckirbach: Philippus, Decanus Metensis: Roscelinus, Archidiaconus: Hugo, Magister Scholaris: Richerius, Præpositus S. Salvatoris: Albertus, Primicerius Verdunensis: Willelmus, Decanus: Richardus, Archidiaconus: Andreas, Archidiaconus: Isembaldus, Abbas Gordienfis: Manegaldus, Abbas S. Michaelis: Hugo albus, Decanus & Archidiaconus Tullensis: Henricus, Archidiaconus: Magister Haimo, Archidiaconus: Roricus, Archidiaconus: Cisterciensis Ordinis Rannulphus, Abbas de Claustro: Bernardus, Abbas Marimondensis: Milo, Abbas de Crista: Odo, Abbas Belli-prati: Richardus, Abbas de Vallibus. Romaricensis ecclesiæ testes sunt: Theobaldus, Præpositus: Cono, Cancellarius: Petrus, Cancellarius: Magister Widricus, Salturiensis: Theodericus de Domino Martini: Magister Hagano. Nobiles & Milites: Henricus, Dux de Lenburc: Henricus, Comes de Namur: Henricus, Comes de Salm: Fridericus, Comes de Viann: Gosuinus, Comes de Facermont: Folmarus, Comes de Cast: Albertus, Comes Chiniacensis: Conradus, Comes Salvagii: Ulricus, Comes de Aira. De Familia S. Petri: Engelbertus, & Fridericus frater ejus: Isembardus, & Guillelmus frater ejus: Hermannus, & Galterus frater ejus de Palatio: Theodoricus de Romont: Ulricus de Sampinn. Hi duo cum Duce erant. Magister Bovo, Tullensis Archidiaconus: Roricus, Abbas Calmosiacensis: Durannus, Abbas Bellicampi.

Actum autem est hoc anno ab Incarnatione Domini M.C.LII. Epacta XII. Indictione XV. concurrente secundo. Data Treviris per manum HELLINI, Trevirensis Archi-Episcopi, XVII. Cal. Septembris.

Martene & Durand Tomo VII. veterum Scriptor. & Monumentor. Collectionis amplissima.

HAMBURGENSE STATUTUM DE SYNODO ANNUA, A TRANSALBIANIS EPISCOPIS INVISENDA.

*HARTWICI I. Archi-Episcopi Bremensis Statutum de Provinciali
Synodo, quod Lubecensis, Razeburgensis, Zwerinensis, Cisalbiani
Episcopi, quot annis Hamburgum ad Synodum veniant, uti ad
Bremensem Synodum suo tempore Brema servandam
Transalbiani.*

IN NOMINE SANCTÆ ET INDIVIDUÆ TRINITATIS.

EGO HARTWICUS, DEI GRATIA, SANCTÆ HAMBURGENSIS
ECCLESIE ARCHIEPISCOPUS.

Pastoralis officii nostri sollicitudo Nos admonet, pia Antecessorum nostrorum studia considerare, & ne ipsorum religiosa facta ulla possint refragatione perturbari, vigili cura providere. Notum igitur cupimus tam presentibus quam futuris, quod cum Venerabilis Pater & Antecessor noster ADALBERO, totius Parochiæ suæ diligentem curam gereret, prælegit Metropolim suam Hamborg, per sævitiam Barbarorum propter Evangelium JESU CHRISTI sæpius vastatam, & jam quasi jure postliminii revertam, reformare, & in statum pristinum revocare: fecundissimam illam matrem gentium considerans, omnique devotionis officio venerandam protestatus, & tanto majorem offerri debere consolationem, quanto majori plaga & propioribus infidiis, & tam longiturna paganorum infestatione turbaretur. Quæ qualis & cujus sit meriti, quibusve eam dignitatibus præferre debemus, Pontificum & Principum Romanorum apud nos deposita nos instruunt privilegia: quæ idem Venerabilis Pater noster diligentius intuens, licet eadem Ecclesia in sua vastatione nominis conservasset dignitatem, ut plene tamen in ea pristinum remansisse declararet honorem, ne propter temporis lapsum & frequentem paganorum insultum de libertatis suæ titulo posset suboriri dubium, Canonicos in ipsa restituit in omni libertate & jure Metropolitico, ipsis a Sancta Romana Ecclesia, Pontificibus & piissimis Principibus concessio, usque ad vitæ suæ excessum cum debita conferans reverentia.


NOS igitur, qui eandem ecclesiam, licet indigni, gubernandam suscepimus, factum ejus per omnia commendantes, & confirmantes, ut ex laboris nostri sollicitudine eidem aliquid adjicere videamur, quia jam Suffraganeos habere desierit; in quadem parte Slaviæ, adjutorio nobilis viri Henrici Ducis Saxoniae devicta, tribus Suffraganeis, scilicet: Lubic. Razezburg. & Zwerin. ipsam decoravimus, auctoritate Sedis Apostolicæ, cujus LEGATIONE fungimur, statuentes, quatenus prædictæ ecclesiæ novellæ ad Hamburgensem ecclesiam, tanquam ad METROPOLIM suam, in omnibus respectum habeant, & ut Matrem debito honore venerentur, nec non ejusdem Sedis ARCHIEPISCOPO tantum secundum Canonum Sanctiones exhibeant debitam obedientiam & reverentiam: jura etiam & consuetudines tam BREMENSI, quam HAMBURGENSE Ecclesiæ, quæ post Unionem ipsarum fideliter ab Antecessoribus nostris suo tempore servatæ sunt, & quæ maxime propter viarum & aquarum pericula, & locorum distantiam ad commodum utriusque Provinciæ provide institutæ sunt, in perpetuum servandas decernimus: ita ut in Hamburgensi ecclesia semel in anno cum Suffraganeis, Prælati, Clerici, Nobilibus, liberis, tantum Cisalbinis, Provincialis Synodus: in Bremensi vero, sicut consuetum est, suo tempore tantum cum Transalbinis Generalis Synodus celebretur. Ut autem prædicta omni ævo rata permaneant, præsentem chartam scribi, & Sigilli nostri appensione signari fecimus.

Ne quis autem nostræ Confirmationis paginam infringere præsumat, sub anathemate & districti iudicii intermi-

natione prohibemus. Actum Hammenturg, anno Dominicæ Incarnationis MCLX. Indiæ VIII.

Lunig Spicilegii Ecclesiastici 1sten Theils Fortsetzungs Anhang Privilegio LXXII. inter Bremensia pag. 104. 105.

Donationem Comitatus Stade, a Friderico I. factam A. 1180. Sigefrido Archiep. Bremensi, sub nube plurimorum Episcoporum, aliorumque testium exhibet *Lunig Loc. cit. Privileg. Bremens. LXXV. pag. 106. 107.*



Ad pag. 420. Tom. III.

De Concilio Lateranensi III. sub Alexandro III. hæc addenda ex Anonymi Bremensium Archi-Episcoporum Catalago pag. 63.

IN eodem Concilio BERTHOLDUS Bremensis electus, petivit Consecrationem, certissimus ordinari. Sed pridie federat in Concilio inter Episcopos insulatus, cum tamen non esset Presbyter: unde magnam contraxit invidiam, & Magister GERARDUS sic pro eo allegabat:

Domine Pater! Ecce Bremensis Ecclesia concordii & unanimi voto offert Sponsum suum, Magistrum Bertholdum, Virum undique dignum, & moribus approbatum, scientia decoratum, liberalibus artibus instructum, utriusque Testamenti pagina eruditum, Decretorum, Legumque industria peritum, Virum, ut apparet, personatum Canonice, & sine omni contradictione electum, petitque hodie a Te accipere Gradum Sacerdotii, & cras Episcopalem Benedictionem.

Papa breviter. Credimus tibi bene Magister. Sed dictum est: Manum nemini cito (a) imposueris. Loquemur cum Fratribus nostris. Audiemus etiam diligentius modum electionis.

Examinantur Bremenses per duos Cardinales: Reinerum Papientsem, & Jo-

annem Neapolitanum, & inventi sunt, discordare.

Papa in Consistorio suo sententiatu est. Fratres, vidi vestrum electum, placet persona, placet sententia, placet eloquentia, placent etiam, quantum novimus, mores, verum modus electionis displicet: præsertim, quia est infra sacros Ordines, non dico, Subdiaconatum, sed acolythatum electus: quo gradu secundum vigorem juris licet contrahere matrimonium; quod Canonice obviat institutis. Audivimus etiam super hæc appellationem factam, quam coactus est resignare appellator. Insuper denuo se fecit eligi: & secunda electio cassavit primam. Præterea electus vester ante sacros Ordines suscepit Regalia de manu Imperatoris.

Hæc non admittunt dispensationem de facili: & alia, quæ præterimus. Inde est, quod electionem vestram infirmamus, & irritam judicamus, data sententia. Volenti loqui deposito BERTHOLDO, non est data audientia; sed ostiarii clamabant: Levate, Levate, Levate.

(a) 1. ad Timoth. V, 22.



CONCILIIUM HILDESEMENSE

Anno Christi MCCXXXVI. Gregorii IX. Papæ IX.
Friderici II. Regis XVII.

IN NOMINE &c. CONRADUS, &c. HILDES. EPISC.

Quoniam in brevi tempore humana & labitur, & transit memoria; idcirco de his, quæ coram Nobis geruntur, ne oblivione intercidant, publica fieri permittimus Instrumenta: ad memoriam itaque futurorum cupimus pervenire, quod Dominus dictus de Gandersheim Miles, heredum suorum C. & L. & Juttæ voluntarium habens consensum, dimidiam decimam in Brunen, quam a Nobis in feodo tenuit LXX. libris receptis ab Ecclesia S. Godehardi in Hildesheim, ejusque Abbate Ludolpho (a), in manus nostras juxta vil-

lam in Hetwic, cum Heredibus jam expressis, coram Viris idoneis tam Ecclesiasticis quam sæcularibus, Domino R. (b) Majore Præposito, H. Custode &c. Militibus autem . . . & coram toto Clero in Generali nostra Synodo resignavit, Nos vero resignatione facta, pro Deo & animæ nostræ remedio, favore Religionis, & obtentu singularis erga Nos devotionis jam dicto contulimus Conventui, in proprietatem & beneficium assignando. Datum, &c.

Ex cod. MS. Biblioth. Mogunt.

- (a) Ludolphus von Golteren ex Conventuali Monacho ad S. Godehardum octavus Abbas, eligitur anno 1228: Præfuit decennio. Moritur A. 1238. Ita *Lauenstein*.
(b) Reinholdus, anno 1235. electus Præpositus Majoris Ecclesiæ Hildesienfis, teste *Behrens in serie Præpositorum*. Citatur a *Lauenstein* pag. 217. in *Hist. Diplom.* Hildesf.

Tom. III. pag. 587.

CONCILIIUM PROVINCIALE MOGUNTINUM

Anno Christi MCCLIX. Alexandri IV. Papæ V.
Interregni Germaniæ III.

§. I. De Clandestina desponsatione.

Statuimus: ut matrimonium cum reverentia, & honore in conspectu Ecclesiæ celebretur, sic, ut cum matrimonio fuerit contrahendum, in Ecclesiis publice per Parochialem Presbyterum tribus diebus Dominicis & Festivis a se distantibus publice proponatur: ut si quod impedimentum matrimonii contrahendi noverint aliqui, illud infra terminum competentem, ab ipso Presbytero præfigendum, in facie Ecclesiæ sine difficultate revelent. Excommunicationis quoque sententia in genere proferatur in omnes, hujusmodi impedimentum celantes; si quis autem, non præmissa de-

nuntiatione, clandestina & interdicta conjugia inire præsumpserit, etiam ignoranter, soboles de tali conjunctione suscepta, illegitima est censenda. Parochialis etiam Sacerdos, si tales conjunctiones prohibere contempserit: aut quilibet etiam regularis, qui eis præsumpserit interesse, per triduum ab officio suspendatur. Quibus quidem Sacerdotibus in virtute sanctæ obedientiæ injungimus districtius in his scriptis, ut hoc salutare statutum, & pœnas in eo expressas in quolibet quarta parte anni in amonibus Ecclesiarum suarum duobus Dominicis diebus ad plebem publicent, ne quis per ignorantiam excusare se valeat, ne pœnas, de quibus prædicitur, incurrat.

§. II.

Ne sede vacante aliquid innovetur.

Statuimus: ut quicumque defuncto Episcopo relicta ab eo, aut sede vacante, bona Ecclesiæ occupavit, ipso facto excommunicationis sententiam incurrat, quam Successor inviolabiliter faciens observari, nullatenus relaxet sine restitutione, & satisfactione condigna, de sui Capituli consilio, & assensu.

De Vita & Honestate Clericorum.

De Clericis vagabundis est statutum, & prohibetur: quod nullus a Clericis, vel personis Ecclesiasticis recipi, nec dari quidquam debeat eisdem, cum vitam ducant reprobam, & infamem.

Item; contra Clericos militares, qui Clericali schemate derelicto comam nutriunt, & gestantes habitum laicalem coram Prælatiis suis, & in Ecclesiis, in quibus habent Beneficia, neque reverenter incedunt, statuimus & præcipimus: ut apostantes hujusmodi, si, antequam a suis Prælatiis, sive Capitulis evocati, & prius habitis Beneficiis fuerint spoliati, ad suas Ecclesias, sive Præbendas redire voluerint, non aliter admittantur, nisi disciplinæ claustralis carcerem tanto tempore sustineant, quanto a suis Ecclesiis eos constiterit aberrasse.

De Beghardis, & Beguinis reprobandis.

Statuimus: quod secta, & habitus, nec non conventicula Beghardorum, clamanum per plateas, & vicos civitatum, oppidorum, & villarum, hoc vulgare: *Broth durch Gott*, & quæ aliæ singularitates a sancta Dei Ecclesia non receptæ, sint penitus reprobati: & mandatur universis Plebanis, per civitates, Diocesium, & Provinciam *Moguntin.* constitutis, ut eosdem *Beghards* publice tribus diebus Dominicis, vel Festivis ammonerent, ut, hujusmodi singularitatibus derelictis, se teneant sicut alii Christiani, & quod non prædicent in cavernis, vel in aliis locis secretis, & non convenient cum Beguinis, se conformantibus eisdem in moribus, habitu, & incessu; alioquin extra Parochias suas eos expellant. Idem etiam de Beguinis pestiferis statuimus.

De Capellis Monachorum.

Quia Religiosi quidam per *Frates sui*

Ordinis officiant Ecclesias unitas sibi, & id fratribus illis sit occasio dissolutionis: cum iidem eo sint proniores in lubricum, quo ex religioso titulo se autumant exemptos, ac Prælati eorundem per Ordinarios tales corrigi minime patientur, sed quasi pro ordinis scandalo evitando ipsos ad domos suas revocant, vel ad alias Parochias mittunt; autoritate hujus sacri Concilii duximus statuendum: ut Religiosorum Ecclesiæ, per fratres eorum non officientur, sed per Clericos sæculares, ut saltem de reliquiis, quæ de mensa religiosorum ceciderint, sustentari valeant pauperes Sacerdotes, qui in vituperium ordinis Sacerdotalis publica egestate laborant; ita quod sint verissima illa verba Hieronymi dicentis in Canone: *Mendicat infelix Clericus in plateis.*

*De statu, & habitu Monachorum,
& Monialium.*

Statuimus etiam, ut, juxta Concilium proxime celebratum, Monachi, & alii Religiosi quilibet; alterius coloris vestibus, quam ejus, qui *Ordini* congruit, non utantur, sive cottidianæ, sive pluviales existant. Et ut Monasteria *Ord. S. Benedicti & S. Augustini*, juxta observationem suæ Regulæ, efficacius reformationem suæ Regulæ, prohibemus districte, ne quis Abbas, vel Abbatisa, duas habeat Abbacias, & etiam nulli Monacho, vel Moniali, duo officia in Monasterio assignentur; nisi Abbatis providentia, de assensu Capituli, propter evidentem necessitatem Monasterii id duxerit ordinandum.

Item; nullus Monachus in Abbatem, vel ad aliquod officium, nisi dudum expresse professus fuerit, assumatur, & si qui taliter jam assumpti (a) denarii, vel aliqua hujusmodi transmittantur eisdem, non hoc prius recipiant, quam Magistræ, vel Abbatisa id significant: ut, de ejus arbitrio, quid de hoc (b) missum est, fieri debeat, statuatur, & labores eorum veniant in commune. Quod & de Monachis inrefragabiliter volumus observari.

Item; statuimus: ut in singulis Monasteriis fenestræ *Parlatoria* duplicata habeant ferramenta, & ut Moniales suis Præpositis & Prælatiis in rebus licitis, & honestis obediant, nec cuiquam alii præter

(a) Hic ingens Lacuna est in MS.

Tomus IV. Concil. German.

(b) *supple:* quod

D d d d

ter eorum licentiam sua confiteantur peccata; ipsi etiam Præpositi & Prælati claustra Monialium non introeant, nisi summa, magna, & evidens necessitas id exigat.

Præterea; etsi contra Moniales, quæ de suis claustris propter aliquos enormes excessus, aut animi levitate temere fugientes; & in sæculo sæculariter per aliqua temporum spatia conversantes, & tandem pœnitentia ductæ, ad claustra, de quibus fugere præsumperunt, humiliter redire volunt, certæ ac variæ pœnæ, juxta qualitatem, & quantitatem excedentium, a sanctis Patribus sint statutæ; quidam tamen Abbates & Abbatissæ, ac cæteri Magistratus, pœnis in sacris Canonibus, citra sui Ordinis Regulam, contra hujusmodi profugas personas expressis, non existentes contenti, graviores, & quasi importabiles pœnas ipsis in sui reversione imponere non verentur, vel etiam, quod deterius est, easdem personas, quantumcumque humiliter postulantes aditum ad sua claustra, ex quibus taliter exiverunt, admittere unanimiter contradicunt. Cum ergo, juxta sacrorum Canonum diversas auctoritates, pœnæ non ampliandæ, sed potius sint restringendæ, & longe melius sit, de misericordia, quam de crudelitate, Deo reddere rationem: cum etiam Dominus per os Prophetæ pollicitus sit, sic dicens: *Peccator in quacumque hora conversus fuerit, & ingemuerit, omnium iniquitatum suarum minime recordabor.* Nos attendentes, quod ubi Pater-Familias largus Dispensator exstiterit, non decet famulum esse tenacem; ut peccandi via, & occasio personis talibus præcludatur, provida deliberatione *Concilii hujus*, decernimus statuendum, & sub pœna suspensionis universis Abbatibus, Abbatissis, & cæteris Monasteriorum Magistratibus, cuiuscumque Ordinis, seu conditionis existant, aut quocumque nomine appellentur, injungimus firmiter & districte, ut suis fratribus, & fororibus, in apostasiæ labem ex quacumque causa prolapsis, desiderantibus, & appetentibus cum humilitate, & devotione regressum suum, portam misericordiæ, quam alma Mater Ecclesia nulli pœnitenti claudere constituit, more pii Patris-Familias, qui filium primo prodigum, & postmodum pœnitentem paterne recepit, liberaliter studeant aperire; ita quod hu-

jusmodi personas, redire ad sua claustra volentes, quantumcumque excessus earum graves fuerint, vel enormes, juxta cujuslibet ordinis disciplinam sive regulam, & consuetudinem observatam, sine qualibet contradictione recipiant & admittant: ita tamen, quod propter earum excessus, nec victus subtrahatur eisdem, sed alias, sicut prædiximus, regulariter puniantur; alioquin prædictam suspensionis sententiam per Ordinarios locorum, seu Officiales eorum, in omnes contradictores, procedente tempore, juxta quod eorum protervia meruerit, præcipimus promulgari.

De Raptoribus.

Statuimus, & præcipimus sub pœna excommunicationis, quam transgressores incurrunt, ut, non solum in terminis illius Archidiaconatus, in quo Prælatum, vel Religiosum aliquem, vel Clericum, habentem sacros Ordines, & pro Clerico se gerentem, contigerit temere captivari, sed & in terminis illius Archidiaconatus, in quo quempiam talium detineri contigerit, ipso facto cessetur a Divinorum Officiis.

De Judeis.

Statuimus: ut in universis civitatibus, oppidis, castris, & villis, civitatis, Diœcesis, & *Provincia Moguntine*, Gens Judæorum, utriusque sexus, infra II. menses post publicationem hujusmodi statuti, talia signa, & habitum, quibus, seu per quem sine ambiguitate a Christiano populo distinguatur, sibi eligat, & deferat manifeste: dignitates quoque sæculares, & officia publica, scilicet: in quibus de gente præfata aliquis præest, & incipia Christiana prorsus dimittat. Alioquin in omnibus locis, ubi Judæi dicto statuto obedire nolentes, habitare, vel domicilia obtinere noscuntur, in pœnam Christianorum Potentum, tam diu cessetur ab Officio Divinorum, donec per præfactos Principes & Nobiles Christianos, in quorum Territoriis prædicta gens perfida, & misera conversatur, ad observationem præmissorum omnium compellatur. Ipsi autem Judæi per locorum Diœcesanos indirectè per subtractionem communionis fidelium, excommunicationis sententia percellantur. Si quis vero de gente præfata in die Parasceve visus fuerit in platea, vel per ostium domus suæ pro-

prospicere vel fenestras, ad quod probandum duorum Christianorum stabitur juramento, is loci Diœcesano in marca argenti, pœnæ nomine, teneatur: ad cuius solutionem etiam omnes defendentes eum, per excommunicationis sententiam compellantur; & ne quis Christianus huiusmodi statuti ignorantiam valeat allegare, universis Ecclesiarum Rectoribus per Mogunt. civitatem, & Provinciam constitutis, in quorum Parochiis Judæi mo-

rantur, sub pœna excommunicationis, auctoritate *dicti Concilii*, late sententiæ præcipimus firmiter & districte: ut quilibet in sua Parochia singulis diebus Dominicis, singula quatuor tempora immediate sequentibus, infra Missarum solemniam publice præfatum statutum lingua materna non obmittat exponere.

Ex codice MS. Bibliothecæ S. Petri Erfordiæ descripsit Cl. Sebnannus b. mem.

CONCILIUM BREMENSE

ANNO CHRISTI MCCLXVI. MENSE NOVEMBRI.

SUB WIDONE, CARDINALI LEGATO AD ECCLESIAM BREMENSEM, HILDEBOLDO, BREMENSI ARCHI-EPISCOPO, QUI OBIT A. MCCLXXXIII.

ANNO XV. SUE SEDIS.

FRATER WIDO, MISERATIONE DIVINA IN LUCINA PRESBYTER CARDINALIS, APOSTOLICÆ SEDIS LEGATUS, AD PERPETUAM REI MEMORIAM.

Humanæ naturæ sauciata conditio, quam hostis antiqui invidia graviori spoliare, & in naturalibus vulnerare fraudulentis conatibus elaborat, ligamenta requirit salutarium præceptorum, infusionem quoque olei, per quod intelligitur pia ammonitio: & vini, per quod pungitiva correptio, vel increpatio figuratur, sicut in homine, qui descendit ab Hierosolyma in Jericho, & incidit in latrones, pio sœmate declaratur. Hinc est, quod, cum Dominus noster Summus Pontifex, Vicarius Jesu Christi, Nos, ad Bremensem Ecclesiam, cum plenæ Legationis officio duxerit destinandos, ea libenti & diligenti animo cogitamus, ordinamus, atque statuimus, quæ libertati Ecclesiasticæ convenient, animarum salutis proficiant, finem imponant vitiiis, remissionem peccati, vitæ ordinem, moribus disciplinam. Verum quoniam expedit, ut Sacramenta Ecclesiæ, in quibus, tanquam in vasis medicinalibus, populus devotus & humilis antidotum gratiæ recipere consuevit, in honore & reverentia ab omnibus habeantur; cum ea plerumque contingat effici vilia, propter vilem, & abominabilem Ministrorum Ecclesiæ conversationem: universis personis Ecclesiasticis Provinciæ memoratæ districte præcipimus, ut in victu, vesti-

tu, gestu, & aliis operibus, & circumstantiis status sui sic honeste se habeant & decenter, ne propter ipsos nomen Ecclesiasticum inter laicos blasphemetur. Eisdem imprimis districtius inhihentes, ne de patrimonio Crucifixi inimicos se faciant crucis Christi, sicuti illi, quorum Deus venter est, & qui terrena sapiunt, non Divina. In conviviis suis modestiam & mediocritatem observent, superfluitatem indebitam resecantes. Ebrietatem omnium vitiorum comitem & nutricem devitent. Prælati vero a gravaminibus abstineant subditorum, & maxime cum Ecclesias visitant, moderentur expensas, coerceant evectionem, numerum, prout in generali Concilio extitit diffinitum, sibi & gregi suo taliter intendentes, ut zelatores justitiæ & modestiæ amatores, & generaliter omnium sectatores bonorum operum ostendantur. *Præsentis igitur Concilii* approbatione præcipimus, ut continenter & caste vivere studeant; ut puro corde, & mundo corpore Domino possint in Offertorio Ecclesiastico ministrare. Si qui de cætero deprehensi fuerint detinere publice concubinas, nisi se ab eis, & earum consortio separaverint, ita quod in domibus ipsarum, aut ipsis, aut aliis quibuscunque non cohabitent, nec ad illas accedant; extunc omni Beneficio

Ecclesiastico (a), & per eos, ad quos dictorum Beneficiorum spectat collatio, personis idoneis conferantur: illis exceptis, quæ nostræ collationi hac vice duximus reservanda. Illi vero, qui Subdiaconi, aut aliis Superioribus Ordinibus insigniti, fornicariam aliquam sub uxoris specie animo sibi præsumpserint, de facto matrimonialiter copulandi, omni officio Ecclesiastico perpetuo sint privati. Et sicut ob culpam omnis ejus posteritas legitur condemnata: sic pœnam talibus infligendam, in progenie, quæ de coitu sic damnato nascitur, duximus protendendam, statuentes, ut filii, nec non qui tam incestuosum & sacrilegum concubium duxerint eligendum; ab omnibus bonis eorum mobilibus habeantur penitus alieni, & quidquid eis fuit ab ipsis relictum in morte, vel in vita donatum, inter Episcopum & civitatem loci ejusdem æqualiter dividatur. Præfatos vero filios nota semper infamiæ comitetur. Et quia, sicut intelleximus, aliqui Prælati tales, in scandalum totius Ecclesiæ ipsius, in iniquitatibus, & immunditiis, obtentu pecuniæ, confovent, & defendunt, qui eos deberent a suis iniquitatibus & immunditiis ex injuncto sibi officio revocare; excommunicamus in scriptis & anathematizamus omnes illos, tam Clericos, quam laicos, tam Prælatos, quam subditos, tam minores, quam majores, & medios, qui hujus (b) cohabitatores, sive clam, sive palam, in suis iniquitatibus præsumpserint defendere: nec non & illos, qui præstabant consilium vel auxilium, opem vel operam, quominus observetur istud nimirum salutare statutum, quod legi præcipimus annis singulis in *Synodis Episcopalibus & Provincialibus*, ne aliquis prætextu ignorantie se valeat exexcusare. Illi vero, sive laici, sive Clerici fuerint, qui de cætero filias, sorores, aut cognatas personis in sacris Ordinibus constitutis, sive ratione matrimonii, quod multi errore cæcati fieri posse credunt, ut dicitur, seu ratione concubinitus duxerint concedendas: sive mediatores extiterint, aut fautores; introitum Ecclesiæ sibi noverint interdictum. Si vero aliqui Clerici tanti furoris (c) arrepti fuerint, ut in Prælatos suos, aut alios, quos ad exequendum tam salubre statutum contigerit deputari, præsumant infringere, aut se in

sua turpitudine viribus temporalibus defendere, sicut nonnulli jam fecisse dicuntur, ipso facto, Officio, & Beneficio Ecclesiastico sint privati, nec restitui valeant, nisi cum eis per Sedem Apostolicam fuerit dispensatum. Et cum in plebisque locis quorundam iniquitas tantum invaluerit, quod in rebus Ecclesiæ furtum reputetur sagacitas, rapina probitas, & violentia fortitudo: *Synoduli judicio diffinimus*, ut qui bonâ Ecclesiæ scienter detinent occupata, nisi infra instantem quadragesimam eadem restituerint, & de damnis aut injuriis satisfecerint competenter; extunc introitum Ecclesiæ sibi noverint interdictum, nec ab Episcopis, aut aliis Ecclesiæ Prælati ad communionem Dominici corporis admittantur. Qui vero obstinata mente, dum vixerint, satisfacere non curaverint, nullus Clericus secularis, vel regularis sepulture ipsorum interesse præsumat. Adjicientes, ut singulis annis in *Synodo* illi, qui Clericos rapuerint, verberant vel occidunt, vel alias, in ipsos manus injiciunt violentas, excommunicati denuncientur, & nominatim illi, de quibus constiterit manifeste. Quicunque vero personam Ecclesiasticam enormiter vulneraverit, mutilaverit, vel occiderit, vel captivaverit, non nisi per Sedem Apostolicam absolvatur. Et in ipso facto, si quid tenebat, illud perdat, & res suæ in utilitatem Ecclesiæ convertantur. Adjicientes, quod in illa Diœcesi, in qua aliquem Canonicum Cathedralis Ecclesiæ, vel in dignitate Ecclesiastica constitutum capi contigerit, vel captum detineri; usque ad libertatem ipsius, & exhibitionem debitæ satisfactionis cesserur generaliter a Divinis. Similiter & in illa Parochia, in qua res Clericis violenter ablatas capi, vel detineri contigerit, usque ad restitutionem & satisfactionem congruam a Divinis cessetur. Item cum matrimonii Sacramentum non sit incontinentiæ præcipitium, sed potius remedium contra illud; non absque dolore cordis audivimus, quosdam in hac provincia sic a suæ carnis voluptate, vel terrena cupiditate deceptos; quod in gradu prohibito de facto temere contrahentes, quod non tam matrimonium, quam contubernium censerit dicitur, se incestuosæ luxuriæ vilitati immergere, & Sacramentum matrimonii, quantum in ipsis

(a) *supple:* priventur(b) *forte:* hujusmodi.(c) *supple:* æstu

ipsis est, polluere non verentur. Nos itaque tantum excessum conniventibus oculis pertransire non valentes, sub pœna excommunicationis districtius prohibemus; ne absque dispensatione Sedis Apostolicæ tale de cætero matrimonium, seu contubernium contrahatur. Alioquin Sacerdotes, qui tales conjunxerint, a Sacerdotali officio se noverint esse suspensos. Illi vero, qui scientes sic permiserint se conjungi, ipso facto ab ingressu Ecclesiæ suspendantur. Sub eadem pœna, (*) qua illis, qui jam absque dispensatione Sedis Apostolicæ tale matrimonium contraxerunt, districtè præcipimus, ut a cohabitatione invicem abstinentes, Diocesano suo, seu alio (d) Prælato, ad quem de jure vel consuetudine pertinere dinoscitur talium causarum cognitio, rei veritatem insinuare non tudent, convocatis, qui fuerint evocandi: & causa diligenter examinata, quod Canonikum fuerit, statuatur, faciens, quod decrevit, per censuram Ecclesiasticam inviolabiliter observari. Episcopi vero, seu alii Prælati, de causis matrimonialibus cognoscences, omnino caveant, ne cupiditate devicti, non solum dirimenda non dirimant, verum etiam separanda redintegrare, prætextu pecuniæ, & alterius commodi, non non præsumant. Si quis autem contra hoc venire præsumpserit interdictum, eo ipso se noverit Officio, Beneficioque privatum. Laici vero, qui de pœnis inferendis personis conjunctis in causa matrimoniali, seu accusatoribus se intromiserint, cum ad ipsos non pertineant, sed ad judicem Ecclesiasticum, coram quo negotium ventilatur, per censuram Ecclesiasticam compescantur, cum ex hoc multi ab accusatione matrimonii retrahantur. Item cum detentores plurium personatum, vel dignitatum, seu beneficiorum Ecclesiasticorum cum cura, sint sacerdotum Canonum transgressores, & fructus talium Beneficiorum percipiendo, furtum committere dignoscantur; Statuimus, ut omnis, qui hujus (e) dignitatum, personatum, vel dignitatum, seu Beneficiorum cum cura pluralitatem recipient, nisi super hoc dispensatum fuisse, coram Nobis infra proximam quadragesimam doceant manifeste, aut si cum eis non fuit dispensatum, eligant ergo unum de prædictis Beneficiis retinendum, &

alia infra terminum memoratum libere in manibus eorum resignent, ad quos illorum collatio dignoscatur pertinere; alioquin extunc ab omnibus Ecclesiasticis Beneficiis, dignitatibus, seu Personatibus se noverint esse privatos. Præcipimus autem illis, ad quos illorum Beneficiorum, dignitatum, seu Personatum Collatio pertinet, ut aliis personis idoneis eadem conferant, & assignent. Quod si infra terminum determinatum a jure, hoc adimplere non curaverint, ad proximum Superiorem collatio devolvatur. Item cum judiciorum vigor, jurisque publici tutela sit in medio constituta, ne quis sibi sumere audeat ultionem, præsentì decreto statuimus, ut si quis aliquid contra quemcunque Clericum, vel laicum de jure competere crediderit, nequaquam in ipsum sponte insurgere, aut res ejus propria auctoritate occupare præsumat, sed ipsum vocari faciat coram judice competente. Adjicientes, quod ille tanquam contumax puniatur, qui ne ad ipsum citatio perveniat, inferendo minas, vel injurias, præsumpserit impedire. Item ad aures nostras quorundam laicorum gravis excessus pervenit, quod Ecclesias Parochiales de facto detinent contra Canonicas sanctiones: qui nisi infra proximam natiuitatem Domini dimiserint libere & absolute, ipsos excommunicamus in his scriptis, districtè præcipientes, ut illi, ad quos prædictarum Ecclesiarum ordinatio pertinet, extunc personas idoneas instituunt in eisdem. Item cum Ecclesia, ad quam fideles ad audienda Divina conveniant, domus sit orationis, non negotiationis, nec spelunca latronum, nec locus armorum, seu materialium gladiatorum; Statuimus, ut quicunque ad Ecclesias ad audienda Divina convenerint, inter ipsas, vel cœmeteria eorum, arma non inferant, sed extra dimittant: cum tales Judæis similes videantur, qui ad capiendum Christum cum gladiis, & fustibus convenerunt: transgressores hujus statuti per excommunicationis sententiam compescantur. Item, cum sicut (f) perpendimus, Bremensem visitando provinciam, homines ejusdem provinciæ ad committendum homicidium proni sint ac proclivi, volentes tantam refrenare nequitiam, ut inter ipsos improbos sit tuta innocentia, & malignorum coerceatur audacia; præsentì

D d d d 3

decre-

(*) forte: illis, qui (d) lege: alii (e) forte: hujusmodi (f) forte: reperimus

decreto statuimus, ut quicumque laicus in publico hominem interfecerit, pœnitentiam faciat privatam, & publicam, & carenas similiter, & hoc secundum arbitrium Dioecessani sui. Alioquin Ecclesiastica careat sepultura, nisi forte jam incepta pœnitentia, morte sit prœventus. Nilominus prœcipientes sub pœna excommunicationis iudicibus sæcularibus, sub quorum iurisdictione homicidium a laicis contigerit perpetrari; ut homicidas requirant, & eos puniant secundum legitimas sanctiones: & si quis in hoc negligens apparuerit, per Dioecesanum Episcopum auctoritate *hujus Concilii* per censuram Ecclesiasticam compellatur. Item, sicut intelleximus fama crebrescente, Beneficia Ecclesiastica a nonnullis Prælati hujus Provinciæ per vitium Simoniacæ conferuntur: Nos ergo huic morbo pestifero congruum remedium adhibere volentes, districtè præcipimus; ne id de cætero fiat: & quicumque sentit morsum conscientiae hominis super Beneficio per Simoniam dato, vel recepto, illud infra instans Pascha resignet, qui simoniace recepit: & qui obtulit, pœnitentiam agat, & si quid accepit pro eo, restituat. Alioquin dantem scilicet & recipientem ex tunc excommunicationis vinculo inodamus. Item statuimus, ut unusquisque liberam testamenti factionem habeat, & liberam testandi voluntatem, non obstantibus quibuscunque statutis per quoscumque editis, videlicet, quod non

valeat testamentum, nisi fiat parentibus consulibus, vel laicis aliquibus de ipso municipio, vel loco testantibus: cujusmodi statuta decrevimus nullius fore momenti, abolerique præcipimus & abradi. Conservatori vero horum statutorum, & apparitoribus eorundem, nisi resipiunt, introitum Ecclesiæ denegamus. Sub eadem interminatione injungentes eisdem, ut etiam statuta contra Ecclesiasticam libertatem edita ab ipsis, præmoniti a Dioecesanis Episcopis, studeant revocare. Item cum raptus & corruptionis Dinæ filiae Jacob exemplo, periculosum esse noverimus vel discursum, vel egressum mulieribus religiosis; præsentī decreto statuimus, ut Moniales, quæ evidenti necessitate exire debuerint, maturæ sint & honestæ, & cum tali societate se teneant, ut non solum propriæ salutis periculum, sed & sinistra suspicio inde non valeat exoriri. Adjicientes, ut illis Monialibus, qui Præpositos habere consueverunt, Religiosi, seu Regulares præficiantur, si personæ idoneæ de talibus potuerint inveniri; si vero propter defectum regularium, personas eis oportuit præfici sæculares, tales instituantur, qui morum maturitate præfulgeant, & probata diutius castitate. Acta fuerunt hæc in Concilio *Bremensi*, Mense Novembris, Anno Domini M. CC. LXVI.

Lutig Spicil. Ecclesiast. i. Theil Gortsehung's Anhang pag. 114, 115, 116.

Ad pag. 644. Tom. III. Anni MCCLXXV.

CONCILIUM PATAVIENSE.

INVITATORIÆ

Litæ PETRI Episcopi Patavienfis XLII. ad Abbates Altahensem, Varnbancensem, Manseensem, & Aspafitensem, ac Præpositos de S. Nicolao, Reicherspergensensem, Ranshoven, Suben & de Osterhoven, ad Capitulum Pataviæ, proxima II. feria post Dominicam *Reminiscere* celebrandum, Datæ Pataviæ XI. Kal. Martii.

Videtur Petrus Constitutiones Concilii Patavienfis, proxime celebrati, in usum deducere voluisse, proinde anno 1275. convocatum hoc Concilium fuisse. Hansiz. Tom. I. German. sacræ pag. 414.

Tomo III. pag. 734.

CONCILII HERBIPOLENSIS
ANNI MCCLXXXVII.*Clausula extat in Libro Statutorum, impresso Hagenoæ A. 1512.*

HAs nostras Constitutiones in eodem Herbipolensi Concilio promulgatas, in singulis Cathedralibus Ecclesiis, infra Legationis nostræ terminos constitutis, sub nostro sigillo haberi volumus & publicari, prout superius legitur, omni anno. Ut his nostris Constitutioni-

bus adhibeatur in perpetuum plena fides, eas appensione nostri sigilli fecimus communiri. Actum Herbipoli, anno Domini MCCLXXXVII. mense Martii; feria tertia post: *Latere Hierusalem.* Pontificatus Domini Honorii Papæ Quarti anno secundo.

CONCILIIUM BREMENSE

SUB GISELBERTO, ARCHI-EPISC. BREMENSI,

Anno Christi MCCXCII. Nicolai IV. Papæ V.
Adolphi Regis I.GYSELBERTUS, DEI GRATIA, SANCTÆ BREMENSIS ECCLESIAE
ARCHI-EPISCOPUS, AD PERPETUAM REI MEMORIAM.

EXecrabilis horribilium scelerum, & multa præsumptio per importunitatis licentiam contractorum, nostris temporibus sic excrevit; ut quidam perditionis filii, qui obstinatis animis ad exercenda quæque nefaria velociter currere sunt edocti, nunc ad illam crudelitatis fævitiam non verentur manus extendere, quod Episcopos capere audeant, includere, & carcerali custodiæ mancipare. Propter hoc Clericalis dignitas contemnitur, dum Ecclesiarum Prælati, filii Syon incliti, velut vasa testacea conteruntur. Certe ne in his magis insoleseat crudelis cervicositas impiorum, & superbia Deum odientium libere semper ascendat. Nos una cum Razzeburgen. Zwerinen. & Lubicen. Ecclesiarum Episcopis, Suffraganeis nostris, nec non totius Provinciæ Prælati, tam regularibus, quam secularibus, & pluribus Clericis, tam Religiosis, quam aliis in nostra Bremensi Ecclesia, in *Provinciali Concilio* congregatis, deliberatione diligenti habita, consensu, approbatione prædictorum omnium accedente, statuimus: ut si in nostra aliquos, vel Episcoporum nostræ Provinciæ in sua, vel aliena capi contigerit; in

illa Diœcesi, in qua captus tenetur, & in sua cessetur generaliter a Divinis. Similiter a Divinis cessari præcipimus, & in territorio, in quo capitur, vel deductioni huiusmodi Dominus dicti territorii consensum præstiterit vel juvamen. Quodsi infra mensem a captivitate idem Episcopus detentus fuerit, totam Provinciam supponimus per sententiam, quam nunc ferimus, Ecclesiastico interdicto. Item cum huiusmodi scelerum pertractores ipso facto sint excommunicatione ligati a Canone sententiæ promulgatæ, volumus & præcipimus, ipsos ab omnibus Ecclesiarum Rectoribus nostræ Provinciæ excommunicatos, expressis eorum nominibus, nunciari singulis diebus Dominicis & Festis, & a Christi fidelibus, usque ad satisfactionem condignam certius evitari. Illos etiam, qui ipsis communicare præsumperint, præterquam in casibus a iure concessis, si Canonice moniti, a comunione talium se non abstraxerint, sive laici fuerint, sive Clerici, religionis, vel ordinis cuiuscunque; præcipimus a locorum Ordinariis auctoritate nostra, & dicti Concilii excommunicationis vinculo innodari. Insuper dicti sacrilegi personam

nam standi in iudicio non habeant, testimonium eorum nihil fidei afferat, & tanquam rei crimine læsæ Majestatis, inter vivos ab omnibus prorsus legitimis actibus sint exclusi, & post mortem, nisi sibi a Sede Apostolica de absolutionis Beneficio providerint; bestialem cum bestiis recipient sepulturam. Feuda, si qua ab Ecclesia tenuerint, ipso facto amittant: nec infeudentur a novo, qui talibus Beneficiis ex eorum maleficio se reddiderunt indignos: filii etiam patratorem hujusmodi scelera, capientium scilicet, quam raptos detinentium, in Clericatu positos, ad ecclesiasticos Ordines, Beneficia ecclesiastica, & honores, nisi parentes eorum celeri sibi satisfactione prospexerint, prohibitus sit assensus. Ad hoc statuimus, & firmamus in his scriptis, ut si qui Clerici, Monachi, aut Regulares, cujuscunque ordinis, religionis, status, conditionis, aut gradus existant, qui prædictos sacrilegos ad ecclesiasticam scienter receperint sepulturam, sint suis officiis, beneficiis, locisque privati, & a Clericali ordine penitus alieni. Item de Episcopis alienis, per nostram Provinciam transeuntibus, sic volumus observari: quod in territorio nostræ Diœcesis, vel Provincia, in qua eos capi contigerit, si Dominus ejusdem territorii captioni eorum assensum & opem præstiterit, ac per totam Diœcesim, in qua capti detinentur, donec ad eorum liberationem, Divina officia intermittantur: & capientes, ac ipsos captos detinentes, per totam nostram Provinciam usque ad satisfactionem condignam, excommunicati publice denuntientur. Statuimus insuper, & inviolabili Constitutione firmamus, ut si qui domos, vel curias Episcoporum, aliorum Prælatorum, vel Canonicorum per vim confregerint, aut alias dotes ecclesiæ in ruinam, quive ad hoc consilium, & auxilium, opem, vel operam præstiterint efficacem; ut sacrilegi invasores a Diœcesano loci, cum ad ejus notitiam pervenerint, excommunicentur, & per totam Diœcesim usque ad condignam satisfactionem excommunicati publice nuntientur. Si vero usque ad vitam suam exitum in sua pertinacia persistierint, Ecclesiastica careant sepultura: quos si Parochialium Ecclesiarum Clerici ex certa scientia ad sepulturam receperint, pro

ipso suis Beneficiis ex hac nostra sententia, quam in his scriptis exnunc ferimus, sint privati, & is ea libere conferet, ad quem collatio pertinet eorundem. Si vero Religiosi Monachi, vel Canonici eos sepelire præsumpserint; in eo loco, in quo sepulti fuerunt, Ecclesiasticum ponimus interdictum, donec corpus effodiant: & super nostri transgressione statuti emendam exhibebunt competentem Diœcesano & Ecclesiæ, in cujus loci injuriam hanc fecerunt. Addentes, ut si Dominus terræ, civitas, oppidum, aut quæcunque communis, in Domibus, Curis, aut.... præmittitur, terrarum Domini eisdem pœnis, contra singulares personas annotatis superius, subjacebunt: nec non & ipsius terra, civitas, communis, vel oppidum, nisi monitione præmissa satisfecerit, a Diœcesano loci supponatur Ecclesiastico interdicto, quod usque ad condignam satisfactionem per totam Diœcesim præcipimus inviolabiliter observari. Item si Canonicum Cathedralis Ecclesiæ, aut alterius Collegii, vel personam ecclesiasticam alias in dignitate, vel personatu capi contigerit, & captum detineri; statuimus, ut usque ad liberationem ipsius, & exhibitionem debitæ satisfactionis, in Diœcesi, in qua captus detinetur, cessetur generaliter a Divinis. Sacrilegi quoque, expressis eorum nominibus, per totam Provinciam singulis diebus Dominicis excommunicati publice denuntientur. Item, si quisquam de Prælatorum, vel Canonicorum familia captus fuerit, nulla adversus eum, coram ipsius Domino, vel Prælato, scilicet, & Canonico instituta querela; taliter diffinimus, ut ejus captivatores, vel detentores, a Canonica monitione præmissa, ab Ordinario loci excommunicationi subdantur, donec captum libertati pristinæ restituant, & ei ac Domino satisfactionem exhibeant competentem. Insuper statuimus, ut in singulis nostris, Suffraganeorum nostrorum, ac Archi-Diaconorum nostrorum nostræ Diœcesis, & Provinciæ Synodis, ab his, qui eis præsident, Clerici prophani excommunicentur, anathematizentur: & una cum laicis, contra libertates Ecclesiasticas statuta edentibus, ac eis utentibus, qui ipso facto Canonis sententia sunt ligati; excommunicati publice nuntientur, prout secundum Deum

Deum videbitur expediens & consulum. Item statuimus, ut Ecclesiarum, Monasteriorum, aut aliorum piorum locorum Advocati in personis, aut bonis earundem Ecclesiarum, Monasteriorum, aut piorum locorum sibi debito usurpantes contenti his, quæ ipsi jura permittunt, hoc est, pœnis delinquentium moderatis, ex justo judicio provenienti- bus, ab injuriis & injuriis gravaminibus omnino desistant, & personas Ecclesiasticas, Procuratores, aut nuncios Ecclesiarum, seu ecclesiasticarum personarum in petendis, aut percipiendis decimis, censibus, vel aliis redditibus eorundem, & in pignoribus pro eisdem decimis, censibus, seu redditibus, ut in quibusdam locis affollet, capiendum non impediunt, & requisiti, eos impediri a suis subditis modo aliquo non permittant. Quod si a dictis Advocatis, vel eorum nuntiis secus fuerit attemptatum, Canonica contra ipsos, ubi commode fieri possit, & verisimile sit ad eorum posse notitiam pervenire, admonitione præmissa, ex abundantia tribus Dominicis diebus de ambone majorum Ecclesiarum illius Diœcesis, in qua dicti Advocati delinquant, publica fiet mentio, ut ab injuria desistant, & commissio infra terminum de ambone sibi statuendum satisfactionem exhibeant congruentem. Alioquin extunc ab Ordinario loci excommunicentur, ac per totam Diœcesin excommunicati publice nuntientur. Ceterum si Dominus terræ fuerit Advocatus, & per se, vel suos deliquerit in præmissis, rota illius terra, vel si singularis sit persona, Parochia, in qua moratur per mensem de ambone statutum, ab eodem loci Ordinario supponitur ecclesiastico interdicto. Præterea (*) raptores, & invalores, & detentores rerum mobilium, seu immobilium ad mensam episcopalem, Monasteria, Capitula, alia pia loca, seu personas ecclesiasticas pertinentium, si continua monitione infra terminum præmissa a loci Ordinario, sibi statutum restitutionem & satisfactionem plenariam cum effectu non duxerint faciendam; hoc observatum volumus & teneri, quod supra de Advocatis, terrarum Dominis, & personis singularibus est statutum. Ceterum, ut fortiori caritatis vinculo uniti, alter alterius onera portantes, contra præmissorum statuto-

rum transgressores, ac alios delinquentes instantius procedamus, & ut ipsi majori rubore suffusi citius resipiscant, hac *Synodali* Constitutione sanximus, ut Nos, & Successores nostri, & quilibet suprascriptorum Coepiscoporum, nostrorum Suffraganeorum, invicem tenere debeamus, & observare nostras sententias, & per nostras Diœceses exequendam ab earum latore sumus requisiti. Verum, si in personas spectabiles, illustres, aut alios Nobiles, scilicet terrarum Dominos, sententias proferre contigerit, postquam a Sede Metropolitana, cui nunc favente Domino præsidemus, fuerint confirmatæ, ipsa mandata per totam nostram Provinciam fideliter exequantur. Archidiaconorum etiam per nostram Diœcesim, & Provinciam constitutorum sententias, nec Nos, nec Successores nostri, nec aliquis Coepiscoporum nostrorum, absque causæ cognitione relaxabimus ullo modo. Item omnibus, & singulis Prælati ac Clerici nostræ Diœcesis, & Provinciæ prohibemus, ne in domibus suis, vel comestionibus scolares vagos, qui goliardi vel histriones alio nomine appellantur, per quos non modicum vilescit dignitas Clericalis, ullatenus recipiant. Illos maxime, qui in sacris constituti sunt ordinibus, a Clericali habitu apostatantes & ordine, laicalem habitum assumpserunt. Quod cum præmissis statutis omnibus & singulis sub excommunicationis pœna præcipimus firmiter observari. Postremo ne circa hæc aliquis occasionis vel ignorantia possit velamen prætere, statuimus, volumus, & mandamus, ut hæc salutaria statuta semel quolibet anno in *Episcopali Synodo*, vel *Capitulo*, publice recitentur. Verum quia plus firmitatis, asserere videtur, quod specialiter injungitur, quam quod generaliter imperatur, suprascriptis omnibus etiam includimus, & inclusum esse volumus Diœcesis nostræ honorabile Capitulum Ecclesiæ Hamburg. In quorum omnium, & singulorum, testimonium, & approbationem totius *Concilii* accedentis consensu sigillum nostrum præsentibus duximus apponendum.

Datum & actum Anno Domini MCCLXXXII. feria secunda post Dominicam, qua cantatur *Letare*.

E c c e

Nota.

Tomus IV. Concil. German.

(*) *supple*: circa

Nota. Simile statutum per omnia de verbo ad verbum, excepto dato, loco & nomine statuentis, fecit Dominus JOHANNES, Archi-Episcopus Bremensis, in Provinciali Concilio, in Ecclesia Hamburg. celebrato. Anno Domini MCCCCVII, die Lunæ, mensis Maji, post Dominicam: *Exaudi.*

Lunig Spicil. Ecclesiast. Contin. 1. P. in Append. pag. 118, 119, 120.

CONCILIIUM FRANCOFORDIENSE

ANNO CHRISTI MCCXCIII.

ANNO MCCXCIII. Congregatio Episcoporum, Abbatum, aliorumque Ecclesiasticorum hic Francofurti habita fuit: Quidam opinantur hunc Conventum à recens electo Pontifice Romano ordinatum fuisse: in quo poenæ in blasphemos adulteros, fornicatores, aliosque criminosos statutz fuere.

Hæc Letsnerus in *Chronico Francoford. Germanice edito T.I. L. 2. C. 4.* Erronea tamen videtur opinio eorum, qui Synodum hanc à recens electo Rom. Pontifice coactam putant: nam si vera est Papebrochii supputatio; ab obitu Nicolai IV. Papæ Romana Sedes vacavit mensibus 26. diebus 29. scilicet, a 14. April. anni 1292. ad 5. Jul. 1294. adeoque hoc Concilium non sub Successore Nicolai, sed Sede adhuc vacante celebratum fuit.

Statutum GERARDI, Archi-Episcopi

Moguntini, datum A. C. MCCXCIV.

GERHARDUS, DEI GRATIA, S. MOGUNTINÆ SEDIS ARCHI-EPISCOPUS, SACRI IMPERII PER GERMANIAM ARCHI-CANCELLARIUS: DILECTO IN CHRISTO ABBATI ECCLESIE S. JACOBI SCOTORUM IN ERFORDIA SALUTEM IN DOMINO.

Plum esse dignoscitur, ut gloriantibus in sua malitia per Nos taliter consistatur, quod repressis eorum insultibus vacantes Divino cultui in observantia mandatorum Domini liberius valeant delectari: cum igitur *Monasterium Montis S. Petri in Erfordia, Ordinis S. Benedicti*, quod affectione amplectimur singulari, a nonnullis, qui lætantur, cum male fecerint, & in rebus pessimis gloriantur, super bonis suis diversis patiantur injurias & pressuras, sicut Nobis Abbatis & Conventus ejusdem Monasterii querulosa insinuatio patefecit; Nos eorum providere quieti & malignantium conatibus obviare volentes, Devotioni tuæ committimus & mandamus, quatenus

ipsis contra raptorum, prædonum, & invasorum maliciam efficaci præsidio defensionis assistens, non permittas eos in rebus & bonis eorum indebite molestari, molestatores hujusmodi auctoritate nostra, juxta *Formam Moguntinens, & Aschaffenburgensis Conciliorum Statutorum* per censuram Ecclesiasticam compescendo: proviso, ne te de his, quæ causæ cognitionem requirunt, & quæ personas & bona hujusmodi non contingunt, te aliquatenus intromittas. Alioquin litteras & processus, quas earum auctoritate habere te contigerit, viribus carere discernimus. Datum Erfordiz anno Domini M.CC.XCIV. VI. Non. Octobris.

Gerhardus II. ab Epstein electus anno 1288. a Papa Nicolao IV. contra æmulum Emericum de Schöneck Romæ ordinatus fuit. Obiit anno 1304. 25. Februarii: Præfuit annis 16. an sub eo Erfordiz Concilium celebratum fuerit, *Serarius* tacet.

Alter a

Altera ejusdem Constitutio.

GERHARDUS, DEI GRATIA, SANCTÆ MOGUNTINÆ SEDIS ARCHIEPISCOPUS, SACRI IMPERII PER GERMANIAM ARCHI-CANCELLARIUS, DILECTIS IN CHRISTO ABBATI ET CONVENTUI MONTIS S. PETRI, ORD. S. BENEDICTI IN ERFORDIA, SALUTEM IN DOMINO.

VEstræ devotionis votis ac desideriiis rationabilibus favorabiliter annuentes, hanc vobis gratiam duximus faciendam, & in privilegium vestræ Ecclesiæ concedimus per præsentem, ut cum campana pulsata fuerit apud Ecclesiam S. Mariæ Erford. in signum interdicti, seu cessationis Divinorum, ad requisitionem vestram, ac Prælatorum aliarum Ecclesiarum Conventualium, Decanus, qui pro tempore fuerit Ecclesiæ memoratæ, vobis causam interdicti, vel cessationis hujusmodi absque difficultate qualibet exponere teneatur: quam si rationabilem inveneritis, cessetis ab Officiis Divinorum; alioquin juxta conscientias vestras in cessando, & non cessando, quod vobis inspiratum fuerit, faciatis: Præ-

tea Statuta Conciliorum Moguntini, & Aschaffenburgensis propter occisionem Clericorum edita, declarantes, statuimus: ut cum Clericus reperitur interfectus, & interfectoris persona ignoratur omnino, aut existat profuga, vel tanta paupertate depressa, quod ab eo satisfactio nequeat extorqueri; non obstantibus statutis prædictis, celebrare Divina libere valeatis, cum idem de eo, quod non est, & quod non apparet, judicium videatur, & inanis sit actio, quam excludit inopia debitoris: cæterum volentes privilegia, libertates, statuta, & consuetudines rationabiliter introductas, vestræ Ecclesiæ non minui nostris temporibus, sed augeri. Datum Erfordii idus Octob. Anno Domini MCCXCIII.

*GERHARDI II. Archi-Episcopi Moguntini
STATUTA ECCLESIASTICA,*

Edita ANNO CHRISTI MCCXC. vel MCCXCVIII.

GERHARDUS D. G. S. MAGUNTINE SEDIS ARCHIEPISCOPUS, SACRI IMPERII PER GERMANIAM ARCHI-CANCELLARIUS, DILECTIS IN CHRISTO PREPOSITIS, DECANIS, CETERISQUE PRELATIS, ET CLERO CIVITATIS ET DIOECESIS MAGUNTINE, SALUTEM IN DOMINO.

CUM Officium Pastorale, quod suscepimus, postulet & requirat, ut subditorum nostrorum remediis, & maxime circa ea, quæ ad cultum Divini Nomini, & honestatem Ecclesiarum ac morum correctionem pertinent, intendere debeamus; ne subditorum nostrorum culpa propter nostram negligentiam Nobis valeat imputari; Quædam, quæ visitationis officium exercendo invenimus, quibusdam statutis Generalibus corrigere decrevimus, ac eam emendare.

Decani compellant subditos ad frequentationem Chori.

Statuimus igitur, & sub pena suspensionis districtè precipiendo mandamus, ut Decani Ecclesiarum Nobis subjectarum de cetero studiose invigilent, ut subiectos sibi ad frequentationem Chori, & ad disciplinam Choralem servandam, ac celebrandum & ministrandum quodlibet in suo ordine, seu officio, pena, qua convenit, coerceant & compellant.

Subditi Decanis reverentiam ac honorem exhibeant.

Precipimus etiam subditis predictorum Decanorum in virtute sancte obediencie, ut ipsis Decanis, in his, & aliis preceptis suis licitis, & honestis exhibeant debitam obedienciam & honorem. Vobis etiam Decanis omnibus & singulis precipimus in his scriptis, quatenus vestros Concanonicos & Socios Chori publice moneatis, ut reverentiam in omnibus locis, juxta consuetudinem cuiuslibet Ecclesie Prelatis debitam, ipsis plane, & reverenter exhibeant: alioquin omnes contrarium facientes, quociens & quando vobis constiterit, a suis Beneficiis per octo dies suspendatis; in tantum, ut si dictam suspensionem ultra predictum terminum animo sustinuerint indurato, de premissis satisfacere non curando; ex tunc ipsos usque ad satisfactionem condignam per excommunicationis sententiam compellatis. Quicunque etiam Decanorum ex quacunque causa prefens mandatum nostrum diligenter non fuerit executus, ipsum a perceptione sue Prebende per octo dies volumus esse suspendum; contra eum gravius processuri.

Decime non debent locari Canonici earundem Ecclesiarum.

Item volentes Ecclesiarum indempnitatibus precavere, & inter fratres litis materiam, quantum possumus, amputare; statuimus, quod a Decanis & Capitulis, decime, aut alia bona Ecclesiarum, Prelatis aut Canonici earundem sub annuo censu, seu pensione nullatenus locentur, seu etiam concedantur; ne exinde inter fratres questiones exurgant, & querele concrescant, aut lites & odia eruantur. Quod si Decani & Capitula contra hanc inhibitionem venire presumpserint; tam diu una cum conductoribus a Divinis Officiis sint suspensi, donec locaciones huiusmodi revocent, & retractent.

Ne quis in Civitate Mog. duo obtineat Beneficia.

Item cum Ecclesiarum Personatus

& Officia, maxime ea, que requirunt Chori frequentacionem, & residenciam personalem, sint talibus conferenda, que in ipsis volunt & possint personaliter residere; sequentes vestigia fel. record. Predecessorum nostrorum, statuimus, ut nullus in civitate Moguntina duas Prelaturas, Personatus, sive Officia, Canonicatus & Prebendas, in diversis Conventualibus Ecclesiis, aut etiam in una talium Conventuali, Officium cum Prelatura habeat, vel habere presumat. Quodsi quisque Canonicorum duas Prelaturas, Personatus, Officia, Prebendas, & Canonicatus simul habeat: infra unius mensis spacium dimittat ipsorum alterum, seu resignet; alioquin primum quod ex predictis Prelaturis, ... recepit, ex tunc vacare decrevimus ipso iure. Injungentes omnibus & singulis, ad quos electio, provisorio, presentacio, collacio seu institutio ipsius Beneficii, videlicet Prelature, Personatus, ... pertinet, ut infra tempus a Canone prefinitum, ad id aliam Personam idoneam eligant, ordinent, seu presentent.

Clerici non nutriant tortos crines: neque Choreis se immisceant: Arma ne portent.

Item statuimus, firmiter precipientes, ne Clerici nutriant tortos crines, que vulgariter *Crulle* dicuntur. Nec *Mitras* extra domos & curias suas deferant, nisi in equis constituti fuerint ad eundum, vel equitandum parati; & Choreis laicorum in plateis vel vicis se nequaquam immisceant, vel *corizent*. (*) Volumus quoque, ut loricas, gladios, cultellos fixorios, seu alia arma nocturno tempore in laicali habitu incedentes, sub tunicis, aut alias non deferant quoquo modo; ne, si hoc modo fuerint deprehensi, tradantur iudicio seculari.

Clerici sub Divinis Officiis non transiant sine religione.

Transitum non faciant per Ecclesiam sine superpelliceis, sive cappis, eo tempore, quo Divinum Officium peragitur. In eisdem vestibus etiam nimia brevitate notatis, & lateralibus scissis, aut cum collirio eminenti, seu nimis alto dispo-

(*) *corizare*, idem est, quod Choreas agere, saltare. *Breidenbach* † *itinere Hierosol. pag. 216*: Omnis hospitis nostri familia insanire cepit & cantare, & corizare, & cum instrumentis musicis ludere.

† BERNARDUS: Can. Mogunt. An. 1484. Decanus. Obiit A. 1497. 5. Maji.

dispositis, dum superpelliceis sunt induti, de cetero non utantur. In pectoralibus, vel collo, uno, duobus, vel tribus nodulis sint contenti; Attendentes prudenter, quod conversatio & habitus Clericorum, dissimiles esse debeant a laicis; & sit dignum, ut, qui similem cum aliis vitam suscipiunt, similem sentiant cum aliis disciplinam.

Prelati & Clerici, qui res injuste subtraxerint, restituant easdem infra mensem.

Item, cum Clerici in sortem DEI electi sic dignitate, ita fide & caritate laicos precellere debeant, & circa omnes fideliter se habere, maxime autem circa Ecclesias, quarum stipendiis sustentantur; Firmiter precipimus, & mandamus, ut Prelati, Canonici, & alii Clerici, qui res Ecclesiarum suarum subtraxerint, occulte vel manifeste, & detinent minus juste, restituant integraliter infra mensem; alioquin ex tunc suspensionis vinculo ab officio & beneficio, quam in eos ferimus, se noverint innodatos.

Clerici obligati Ecclesiis licito modo, satisfaciant sub suspensionis pena.

Illi etiam Prelati & Clerici, qui Ecclesiis licito modo, id est, non ex maleficio, sed contractu, vel quasi, sunt in debitis obligati; si a die publicationis hujusmodi nostrorum statutorum infra duos menses non satisfecerint, vel arbitrio Capituli cautionem, quam per Capitula volumus a Debitoribus ipsis studiose requiri, pro ipsis debitis solvendis non prestiterint competentem; eodem vinculo suspensionis, quod in eos ex tunc proferimus, se noverint irretitos.

Clerici in religione non vadant ad fororum.

Item præcipimus, ut Clerici non frequentent forum rerum venalium in superpelliceis, sive cappis, vel in religione alia constituti, nec portent calopides (**). Corpus Dominicum deferendo, vel Ecclesias transeundo; nec Sacerdotes calceis excisis utantur, dum ad Altare ministrant.

Tractatus Capitulares non debent observari nisi vocatis vocandis, & in loco ad hoc deputato.

Item sub pena suspensionis Officii & Beneficii jam late sententie firmiter inhibemus, ne quas conspiraciones, colligaciones vel confederaciones illicitas in Ecclesiis faciant, vel procurent. Et cum, quod omnes communiter tangit, debet ab omnibus approbari; & loca certa & communia ab antiquo in Ecclesiis sunt statuta, in quibus Tractatus Capitulares haberi consueverunt; statui-mus, ut deinceps ab aliquibus de Capitulo, Tractatus qui super rebus seu statu Ecclesie aliquatenus habeantur, nisi vocatis omnibus, quorum interest, & qui de jure vel consuetudine possunt & debent hujusmodi tractatibus interesse, nec in locis aliis, quam in locis communibus, ad hoc ab antiquo deputatis, Conventicula sua privata & specialia habeant, nisi de communi consensu totius Capituli ex aliqua causa rationabili seu necessaria contingat ad tractatus hujusmodi locum alium assignari.

Si qui autem contra statutum hujusmodi super rebus, vel statu Ecclesie aliquid tractare, vel ordinare presumpserit in prejudicium ejusdem Ecclesie, vel personarum ipsius; tractatus & ordinaciones hujusmodi decernimus non valere, & nullius penitus esse momenti. Tractatores, & Ordinatores ipsos, usque ad satisfactionem condignam, in his scriptis a voce Capituli suspendentes.

Clerici non debent tenere in suis domibus famulas suspectas.

Item, quia nonnulli Clerici in domibus suis famulas, sive Beckinas, servicii nomine secum habent; ne hac occasione Angelus tenebrarum; qui in Angelum lucis aliquando se transformat, ut simplices & incautos subtilius fallere valeat, sua, eos, quod absit, calliditate decipiat; Præcipimus & mandamus, ut post mensem unum nullus Clericorum secum in hospicio famulam habeat, vel Beckinam, nisi etate, consanguinitate, vel affinitate reputari valeat non suspecta;

E e e e 3

quod

(**) Calcei lignei, aut saltem calcei, quorum pars inferior lignea est, superior vero coriacea. Du Fren. T. II. pag. 55. In Regesto.... Non portentur Calopodia in Choro sub pena distributionum unius diei. Item inhibemus, ne aliquis deambulet per Chorum in Calopodiis, seu patinis serratis, vel non serratis, dum Hora canuntur.

quod si secus a quoquam factum fuerit, contra talem gravius procedemus.

Non vendere in suis domibus vinum.

Statuimus eciam, & precipimus observari, ut nullus Clericorum in domo sua, vel in curia vinum vendat, nisi illud vinum tantum, quod de Beneficio, vel patrimonio suo habet.

Fructus deputati ad Fabricam, in alium usum converti non debent.

Insuper, ne, quod pia devotione introductum est, transeat in abusum, & cupiditate qualibet annuletur; adnectendum duximus, statuendo firmiter inhibentes, ne fructus Prebendarum, ad Fabricam deputati, in alios usus, quam ad Fabricam de cetero convertantur; praesertim cum plures Ecclesie in edificiis colabantur, & alios defectus sustineant in ornatu.

Mercimonia Vini & Annone interdicta.

Item statuimus, ne Prelati vel Clerici nostre civitatis & Dioecesis negociacionem exercent, emendo vel vendendo, vinum, annonam, vel res alias causa lucris, secundum quod Canonice prohibent sanctiones; Et qui huiusmodi statuti transgressores extiterint, vel existunt, nisi se infra unius mensis spacium a tali Negociacione subtraxerint, ex tunc ipsos ab Officio, & Beneficiis suis suspendimus ipso facto.

Clerici, Usurarii & Concubinari excommunicantur, nisi se correxerint.

Insuper Clericos usurarios, & turpe fenus querentes, ac Clericos concubinarios manifestos, nisi se infra mensem correxerint, excommunicamus in nomine Domini in his scriptis. Adjicientes, ut nullus Prelatorum, Canonico- rum, seu aliorum Clericorum quorum- cunque nostre civitatis, vel Dioecesis aliquem in domo, vel familia, seu procuracione sua habeat, qui turpe fenus exerceat vel usuras. Si quis vero Prelatus, Canonicus, vel Clericus in familia, domo, seu procuracione sua aliquem habeat, ipsum a se removeat infra mensem, alioquin ex tunc eum ab Officio & Beneficio suspendimus in his scriptis.

Hec Statuta in singulis Ecclesiis per Decanos debent publicari.

Predicta autem Statuta Generalia, quae de Concilio Sapientum invenimus, necessario statuenda, praecipimus inviolabiliter observari, & in singulis Ecclesiis ad minus bis in anno in praesentia omnium, qui de membro Ecclesie fuerint, per Decanos Ecclesiarum sollempniter publicari, ne quis ab earum observancia per ignoranciam se valeat excusare. Actum & Datum Anno Domini MCCL. XXXXVIII. Idus Septembris. (*)

(*) Hos numeros vetus Scriptor tam arte conjunxit, ut purae subiectum sit Divinationi, an legere oporteat: 1290. VIII. Idus Sept. aut: 1298, Idus Sept. Interea D. JOANNIS loco post titulum signato, ad ann. 1290. isthaec Statuta retulit: quem etiam in ordine locandi fuisse secutus; nisi aetate ambiguae asterisco semel annotassent annum 1298, signo, quod istum aliunde exploratum habuerim, ceu rei gestae proprium. *Annotatio Cl. Dom. Valent. Ferd. de Gudenus Cod. I. Diplom. ex quo haec decerpimus a pag. 907.*

Statutum Capituli Cathedralis Ecclesiae Mindensis contra Praepositum praeripientem sibi Praebendas, directum ad Ludolphum, Mindensem Episcopum.

NOS GEROLDUS, Decanus, & Canonici Mindensis Ecclesiae infra- scripti, considerantes versutiam Domini nostri Volquini Praepositi, querentis vias callidas per suos, ut videtur, consiliarios, excogitando per cavillationes injustas formam, Nobis non ministrandi Praebendas. Ne Nobis in praesenti, & nostris Successoribus in futuro per

cavillationes hujus, per nostram taciturnitatem, praepudicium generetur; decrevimus consensu unanimi, & pari voce jurantes, tactis sacro-sanctis Evangeliiis, quod omni timore, & metu, & favore postpositis, stabimus pro jure petendi Praebendas nostras contra ipsum Praepositum, & contra quemlibet animum obedientiarum five consolatorem Prae-

Præbendarum nostrarum detentorem, actione quacunque, & per Ecclesiasticam censuram excommunicationis, suspensionis ab officio, seu administrationis, interdicti, privationis, sive modis aliis quibuscunque. Petentes vos Revendam Patrem, & Dominum nostrum, LUDOLFUM, Mindensem Episcopum; ut vos excommunicationis sententiam generalem, volentes, & consentientes, in omnes illos ex Nobis (*), qui contra decretum, & juramentum nostrum, prout supra dictum est, venire præsumpserint ullo modo; nisi simul omnes in unam sententiam decrevimus convenire, ne nostris temporibus jura

(*) *supple: feratis*

Præbendarum pereant, a nostris Prædecessoribus hucusque gloriose defensa.

Et Nos LUDOLFFUS, Dei gratia Mindensis Ecclesiæ Episcopus, mandamus sub pœna excommunicationis late sententie in his scriptis in illum, & illos, qui venerint contra decretum, & juramentum premissa, ut omnia inviolabiliter observentur. Ego Geroldus, juravi, & Sigillum meum apposui &c. Datum Anno Domini MCCC. feria secunda post *Invocavit*.

Lunig Spicil. Ecclesiast. Continuation. III. pag. 51. in appendice.

Mindensis Synodi Statutum,

Excommunicandos esse eos, qui debitos census Ecclesiæ, & Clericis suo tempore solvere negligunt.

ANNO CHRISTI MCCCII.

LUDOLFUS, DEI GRATIA, MINDENSIS ECCLESIAE EPISCOPUS.

AD certitudinem præsentium, & memoriam futurorum Prelatorum, Capitulorum, Monasteriorum, Sacerdotum, & aliorum Clericorum nostræ Mindensis Diocesis. Querelis frequentibus excitati de hominibus, sibi censuibus utriusque sexus, quod ipsum censum statutis temporibus non persolvant: de Capituli nostri consilio duximus statuendum, quod quicumque censuales sibi utriusque sexus homines emphyteute, villici, seu alii, quocunque nomine censeantur, sive sint Clerici, sive laici: cujuscunque ordinis, status, vel condi-

tionis existant; censum proventuum suorum statuto termino non solverint, & moniti, infra quindecim dies de hoc non satisfecerint competenter; incurrant excommunicationis sententiam ipso facto. In cujus rei testimonium, Nostrum, & Capituli nostri sigilla præsentibus sunt appensa. Datum Mindæ in die Purificationis B. Mariæ, Anno Domini MCCCII.

(L. Episc.) (S. Capituli)

Lunig Continuation. III. Spicil. Ecclesiast. in appendice pag. 51.

Mindensis Concilii, sub Godefrido Episc.

Declaratio & Renovatio Statutorum antecedentium.

ANNO CHRISTI MCCCXIII.

GODEFRIDUS, DEI GRATIA, MINDENSIS ECCLESIAE EPISCOPUS, AD PERPETUAM REI MEMORIAM.

VEstigiis Prædecessorum nostrorum inharere volentes, ipsa Statuta recensemus cum quibusdam, & additionibus, & declarationibus, in hunc modum:

Ad reprimendam malitiam perversorum contra transgressores Canonum multaræ de novo pene, tam in *Lugdunensi* (a), quam in *Herbipolensi* (b) Conciliis sunt statuta, qua:

(a) Anno 1274. Generale XIV. Concilium.

(b) Anno 1287. Tomo III. nostro.

quarum aliquas ad præsens recitare duximus, ut earum periculis auditis, attentius evitentur.

Primum est, quod Parochiales Ecclesiæ non conferantur alicui, nisi vicissimum quintum annum attigerit.

Secundum: quod nullus habeat potestatem, plures curas animarum, aut plures dignitates, sine dispensatione Domini Papæ, aut plures Præbendas, vel Beneficia simplicia in nostra Dicecesi, sine nostræ dispensationis licentia speciali.

Tertium est, quod Beneficiati in Ecclesiis curatis residentiam faciant personalem, & Ordines sacros recipiant infra annum; alioquin Beneficiis sint privati, nisi juxta statuta Canonica voluerint ad studium se transferre.

Quartum est, qui tenent notorie concubinas, quod tales sunt suspensi ipso facto, & Beneficiis privati.

Quintum est, quod illegitime natis non conferantur Ecclesiæ curatæ, nec etiam Ecclesias conducant, nec conducti Ecclesiastica Sacramenta ministrent, sine dispensatione Domini Papæ.

Sextum est, quod nullus Ecclesiam, seu Præbendam aliquam, vel Beneficium Ecclesiasticum, aut Proventus ipsorum, qui ad eum de jure non pertinent, in alterius præjudicium recipere, aut retinere præsumat: & qui contra fecerint, ipso facto sententiam excommunicationis incurrant, & omnes consentientes eisdem, tanquam participantes in crimine criminosis.

Septimum est, quod Universitates civitatum & locorum, aut Consules, sive Scabini, qui prohibent, ne aliquis conqueratur coram Ecclesiastico Judice, & statuta condunt contra Clerum, sive Clericos, & Ecclesiasticam libertatem, excommunicationis, & interdicti sententias subeant ipso facto.

Octavum est, quod qui bona Ecclesiarum vacantium, & Clericorum decedentium mobilia, seu immobilia, diripere, aut occupare præsumperint; ipso facto sententiam excommunicationis incurrant.

Nonum est, quod qui Ecclesias, vel Monasteria, bonis eorum, vel Beneficiis spoliant, vel procurant spoliari, vel aliter persequuntur, pro eo, quod personas

aliquas nolunt eligere in Ecclesiis, sive Monasteriis, sint excommunicati ipso facto.

Decimum est, quod in Archidiaconatibus, ubi Clerici, vel personæ Ecclesiasticæ detinentur captivi, Presbyteri statim, postquam ad noticiam ipsorum pervenerit, in ipsis Archidiaconatibus tamdiu cessent a Divinis, quousque dimissione talium captivorum, Divina merito resumenda per nostras literas decernamus. Hæc omnia ex *Conciliis Lugdun. & Herbipol.* collecta, districte præcipimus ab omnibus fideliter observari: alioquin poenās, contra transgressores editas, exequemur tempore opportuno.

Insuper etiam Capituli nostri, & omnium Prælatorum nostrorum consensu accedente, statuimus, quod omnes, qui res Ecclesiarum, vel Monasteriorum, vel etiam Clericorum, rapiunt, vel occupant violentè, ipso facto sententiam excommunicationis incurrant: & ad quamcunque Parochiam, civitatem, vel munitionem, eadem res raptæ, vel spoliatae deferuntur, sive deducuntur, vel etiam reponuntur, Sacerdotes Parochiarum, civitatum, vel munitionum, statim, ut eis constiterit, cessent a Divinis, quamdiu teneantur.

Prohibemus etiam, ne Clerici vestibus scissis a lateribus utantur, nec togis virgulatis in marginibus, neque pileis cum sertis infutis superius: sed utantur habitu congruenti, & tonsuras habeant Clericales. Monachi quoque Ordinis sancti Benedicti in eundo, & equitando habitum suum portent; si poenās latas, & per Nos inferendas voluerint evitare.

Pœna Statuti Papalis contra usurarios manifestos talis est: quod ipsi non sunt admittendi ad confessionem, nec ad Sacramentum Altaris, nec ad Ecclesiasticam sepulturam: & quod nullus debet interesse testamentis eorum, nisi prius de usura satisfecerint competenter.

Item quicunque sæculares, vel Religiosi, ad sepulturam Ecclesiasticam receperint usurarios manifestos; ipso jure suspensi sunt ab executione Officii sui, donec ad arbitrium Episcopi satisfactio nem præstent debitam, & condignam.

Igitur ne aliquis ignorantia velamine se de his valeat excusare, vobis universis

verfis & fingulis in virtute sanctæ obedientiæ districte præcipiendo mandamus ; quatenus pœnas hujus , & statuta Papalia , sicut præmissa sunt , in Parochiis vestris publicetur ; & publicari faciat

fingulis diebus Dominicis , & Festivis. Datum anno Domini 1308.

Lunig Continuation. III. Spicil. Ecclesiast. in Appendice pag. 52.

GODEFRIDI Mindensis, ejusque Capituli

Statutum, quod Præpositi debitas Præbendas Clericis suo tempore solvant, aut Officii sui jacturam faciant.

ANNO CHRISTI MCCCXI.

IN NOMINE DOMINI. AMEN.

GODEFRIDUS, DEI GRATIA, EPISCOPUS, ET CAPITULUM ECCLESIAE MINDENSIS, AD PERPETUAM REI MEMORIAM.

Olim Prædecessores nostri, videntes, redditus Præposituræ nostræ esse nimis tenues, & exiles: quatuor villicationes videlicet in Belderfen, Ufsen, Ulbeke, & in Dudenhusen: quas quidem villicationes de manu laicali redemerunt magna pecuniæ quantitate, eidem Præposituræ applicuerunt conditionaliter; ut Præpositi, qui pro tempore forent, propter augmentum reddituum suorum omni occasione postposita deberent Canonicis, & Vicariis, & Officiariis Præbendas suas statutis terminis integraliter ministrare. Quumque Præpositi, qui fuerunt pro tempore, hoc non semel, sed sæpius facere neglexerunt; seditiones, & tractatus odiosi multociens sunt exortæ. Nos communi consensu, & deliberatione volentes tali morbo remedium adhibere, hac constitutione, perpetuo valitura, sanximus; ut quicumque Præpositi electi fuerint, qui Præbendas statutis terminis non ministraverint, moneri debeant a Decano, & Cellerario, ut infra tres menses a die monitionis eis factæ illud competenter emendent; alioquin ipso jure, & facto per constitutionem præsentem sint Præpositura privati: & si de hoc contendere voluerint, incurrant sententiam excommunicationis ipso facto. Atque si forte duo Præpositi in discordia eligantur, nullus ipsorum de Præpositura intrmittere se debeat. Quod si forte contra hoc facere præsumplerint; similiter; si quid juris habuerit, ipso facto amittat: & simili modo, si de hoc contendere

voluerit, sententiam excommunicationis incurrat. Sed lite inter ipsos electos pendente, collectio fructuum, & Præbendarum ministratio apud Capitulum remanebit. Et si contingat villicationes in Dungen, in Ekersten, & in Halen quocunque casu ad collocationem Præpositi devenire simul, vel sigillatim; illas non conferet alicui alteri villico, nisi consilio Capituli mediante. Volumus etiam, quod novi Canonici tempore emancipationis suæ præsens statutum jurent cum aliis statutis Ecclesiæ se inviolabiliter servaturos. Et Nos Episcopus, & Capitulum sigilla nostra præsentis statuto duximus apponenda, & ad majorem firmitatem ego *Hinricus*, Decanus, hoc statutum juravi, & sigillum meum apposui. Nos *Hinricus*, Decanus, *Gherbodus de Bastorpe*, *Johannes de Scoevenborgh*, *Volquinus de Monte*, juravimus. *Ludolfus de Arnheim*, sub pœna Canonica, & Præbendæ me obligo, & statutum non servando, ipso facto meis Beneficiis sim privatus. *Wedekindus* Præpositus *Hamelensis*, *Ghyro Vos*, *Richardus Vos*, Magister *Jacobus*, *Hermannus de Mandeslo*, *Johannes Scele*, *Lodewicus de Bardeleve*, *Hermannus de Hardenberghe*, *Bruningus de Engbeborste*, *Bernardus Dumel*, *Johannes Lubbeke*, *Ekkericus Post*, *Bernhardus de Lippia* statutum hoc juravimus, & sigilla nostra apposuimus. Datum & actum Anno Domini MCCCXI. feria secunda infra septimanam Trinitatis.

Lunig Continuation. III. Spicil. Ecclesiast. in Append. pag. 53.

Statutum HENRICI, Episcopi Hildesheimensis, quo ratificat Facultatem donandi Ecclesiis sua bona, modo consensus adsit propinquissimorum Heredum.

ANNO CHRISTI MCCCXII.

NOS HENRICUS, DEI gratia, Hildensemensis Ecclesiæ Episcopus, tenore præsentium publice recognoscimus & testamur, quod ad inquisitionem ex parte Heinemanni Schlengerdes, ac uxoris suæ Dominæ Gertrudis, talis qualis sententia coram Nobis, præsentibus nostris Ministerialibus ac Fidelibus, nullo contradicente, dictata fuit & inventa: quod quilibet homo cujuscunque conditionis aut status existat, sua bona propria donando, vendendo, aut permutando transferre potest libere in quamcunque voluerit Ecclesiam & personam, solum cum consensu propinquissimorum heredum suorum, aliorum consanguineorum suorum consensu ad hoc minime requisito. Ex generalibus contra specialia declarantes, pronunciamus, quod prædicti Heinemannus & uxor sua Gertrudis, omnia sua propria bona, quæ habent in villa, & in campis

villæ Bortvelde cum consensu solum filiarum suarum, cum plures non habeant heredes, simul & densum vendendo, donando, permutando transferre possunt libere, translatione efficaci & valitura, in quamcunque voluerint Ecclesiam vel personam, consensu omnium aliorum consanguineorum suorum ad hoc minime requisito. Et nos auctoritate nostra ratificamus, stabilimus, & confirmamus præsentibus, quicquid per ipsos actum fuerit in hac parte; sub excommunicationis sententia districtius inhibentes, ne quis contra hoc quid audeat attentare. Et in horum omnium testimonium sigillum nostrum præsentibus duximus apponendum. Actum & datum anno Domini MCCCXII. decimo tertio Calendarum Novembris.

Cl. ab Erath Tractatu von den Ertheilungen im Herzogth. Braunsch. Lüneb. Hause pag. 44.

GODEFRIDI Mindensis Statutum,

- I. De residentia Beneficiatorum apud sua Beneficia.*
- II. De illegitimis, absque dispensatione Apostolica ad Officium Ecclesiasticum non admittendis.*
- III. Prohibetur usus Altaris portatilis sine licentia speciali.*

ANNO CHRISTI MCCCXIII.

GODEFRIDUS, Dei gratia, auctoritate præsentium, una monitione pro tribus, & peremptorie monemus, & sub pœna excommunicationis, quam in omnes, & singulos transgressores hujus mandati nostri, & aliorum omnium in præsentem literam contentorum, ferimus in his scriptis, districtè mandantes, quatenus singuli habentes Beneficia Ecclesiastica, qui hæcenus defuerunt, intra tempus mensis, a præsentem tempore computandum, ad Beneficia sua redeant, & personalem residentiam faciant in eisdem. Mandamus insuper, & sub eadem pœna districtius inhibemus, ne Sacerdotes,

defectum natalium habentes, de curis animarum, seu Beneficiis, nisi literas dispensatorias a Sede Apostolica super his obtinuerint, se alicqualiter intromittant: quas quidem literas infra tempus mensis nobis exhiberi volumus, & ostendi. Præterea sub pœna prædicta firmiter inhibemus, ne quis a modo in altari portatili, sive lapide itinerario, in nostra Diocesi Missam celebrare præsumat, nisi de nostra licentia speciali. Datum &c.

Lunig Continuation. III. Spicil. Ecclesiast. in Appendice pag. 54.

GODE,

GODEFRIDI, Mindensis Episcopi,

Renovatio Statutorum: De vita & honestate Clericorum, & de non alienandis Bonis Ecclesiasticis.

GODEFRIDUS, DEI GRATIA, EPISCOPUS ECCLESIAE MINDENSIS, DILECTIS IN CHRISTO PRÆPOSITO, DECANO, TOTIQUE CAPITULO EJUSDEM ECCLESIAE MINDENSIS SPECIALITER, NEC NON GENERALITER UNIVERSIS ABBATIBUS, PRÆPOSITIS, DECANIS, PLEBANIS, VICE-PLEBANIS, ET ECCLESiarUM, ET CAPELLARUM SACERDOTIBUS, ET RECTORIBUS, NEC NON CLERICIS UNIVERSIS, PER CIVITATEM, ET DIOECESIN MINDENSEM CONSTITUTIS, AD QUORUM NOTITIAM ISTÆ LITERÆ PERVENERINT, SALUTEM IN DOMINO.

Meminimus, olim bonæ memoriæ Domin. quondam LUDOLFUM Episcopum, Prædecessorem nostrum, utilitati Ecclesiæ suæ, ac salutis subditorum suorum, sicut merito debuit, intendentem, *de vita, & honesta conversatione Clericorum*, aliisque necessariis, & maxime de alienationibus, & obligationibus rerum Ecclesiasticarum non faciendis, & alienatis, & obligatis recuperandis, quædam *Statuta*, præhabita deliberatione provida edidisse, ac executioni mandasse: non quidem, ut in ipsis dicitur, jus novum statuendo, sed leges, & Canones recensendo. Et licet Nos aliquando eadem forte *Statuta*, quorundam de Capitulo nostro inductu pariter, & rogatu, utcumque duxerimus revocanda; considerantes tamen, hujusmodi revocationem tam Ecclesiis, quam subditis nostris, periculosam fieri quamplurimum & damnosam, prout evidentia facti declarat: eo quod aliqui verisimiliter, prætextu revocationis prædictæ, alienationes, seu obligationes rerum Ecclesiasticarum postmodum eo libentius facere præsumpserunt: ex quo accidit, quod aliquibus cedentibus, aut etiam decedentibus, eorum in Beneficiis Successores ipsorum Beneficiorum debitis fructibus, & proventibus contra justitiam defraudantur. Igitur ne magis utile vitari per id, quod minus utile, videatur, Nos, matura deliberatione præhabita, supra dictam revocationem, a Nobis quomodolibet factam, tenore presentium publice retractantes, quædam *Statu-*

ta in utilitatem Ecclesiæ salubriter edita, propter causas præmissas juxta omnem sui tenorem innovamus, & in statum pristinum auctoritate ordinaria reponimus in nomine Domini in his scriptis. Mandantes nihilominus vobis universaliter singulis, & singulariter universis in virtute sanctæ obedientiæ, & sub pœna excommunicationis, quam a tempore notificationis præsentium, unius mensis monitione præmissa, in quemlibet vestrum hujus nostri mandati temerarium contemptum ferimus in nomine Domini in his scriptis; quatenus, si qua de rebus in mobilibus, vel hominibus Ecclesiæ vestrarum alienata fuerint, aut obligata; vos, qui alienatores aut obligatores talium estis, res tales, & homines, ad jus, & proprietatem Ecclesiæ, ad quas pertinent, infra dictum tempus mensis cum exacta diligentia reducat. Alioquin enim contra præsentis nostri mandati temerarios contemptores dictam excommunicationis sententiam taliter persequemur; ut, quos timor Dei a malo non revocat, saltem eos coerceat severitas Ecclesiasticæ disciplinæ. Vos autem Sancti Martini, & Sancti Johannis Mindensis Ecclesiæ Decani, sigilla vestra in testimonium publicationis hujus mandati, & omnium præmissorum præsentibus apponatis. Latum, publicatum, & actum in majori Ecclesia, Sabbato infra octavam Assumptionis Beatæ Mariæ Virginis gloriosæ. Anno Domini MCCCXIII.

Lunig Continuation. III. Spicil. Ecclesiast. pag. 33, 54.

Cathedralis Capituli Mindensis Statutum

De distributione Panis Præbendalis.

NOS BRUNINGHUS, Decanus, & Capitulum Ecclesiæ Mindensis, considerantes, quod obedientiarii Ecclesiæ nostræ, qui Panem præbendam statutis ad hoc temporibus ex consuetudine, juramento vallata rationabili, & præscripta, Nobis ministrare consueverunt, vel saltem aliqui ex eisdem novis advenientibus frugibus, fructibusque proventuum suorum perceptis, annonam suam distrahunt, consumunt, & expendant: & etiam aliqui eorundem debitis gravati, creditoribus suis exsolvunt, ad alleviandam sarcinam debitorum: propter ea, quæ dicta sunt, ministratiorem panis Præbendalis in certis temporibus contingit impediri sæpissime, vel differri; matura deliberatione præhabita de communi consensu, & unanimi voluntate, salubre remedium contra huiusmodi impedimentum, seu dilationem panis nostri Præbendalis decrevimus adhibere, ordinantes, & inviolabiliter statuantes: ut singulis annis, quibus obedientiarius annonam, de qua per circulum anni, certis & statutis ad hoc temporibus, panem Præbendam ministrare debebit, infra festum Martini, & festum Beati Thomæ apostoli ad claustrum nostrum, & ad locum ad hoc deputatum, integraliter, & absque diminutione adduci faciat. Ita quidem, quod in pane nostro Præbendali nullus deputatis ad hoc temporibus sit defectus. Et ut statutum huiusmodi inviolabiliter observetur, poena illud vallare decrevimus inferius annotata, videlicet, quod quicumque obedientiarius in adductione annonæ suæ in termino prænotato, ut dictum est, fuerit negligens, & remissus sit inobediens; ipso facto a Præbendæ suæ fructibus sit suspensus, nullam gratiam habiturus, nisi Capitulo de præmissis satisfiat. Et ut hoc statutum nostris perpetuis temporibus duraturum debitum in suo vigore fortiaur effectum; Petimus vos Reverendum Patrem, ac Dominum nostrum Godefridum, ut illud dignemini confirmare.

Et Nos GODEFRIDUS, Mindensis Episcopus, statutum huiusmodi, sicut provide factum est, auctoritate nostra ordinaria in nomine Domini confirmamus, & Sigillum nostrum una cum Capituli nostri Sigillo præsentis scripto apponi fecimus super eo. Datum anno Domini MCCCXVII. Calendas Junii III.

(Sign.)
(Episc.)

(Sign.)
(Capit.)

Præposito Mindensis Ecclesiæ, viam universæ carnis ingresso, antequam de Successore ipsius tractaretur, Canonice juraverunt, quod quicumque inter eos Præpositus eligeretur, bona, quæ in præsentis habentur vacantia, non alienabit. Sed alienata bona fide recuperabit, & Præbendam fratrum bona fide ministrabit, quam Præbendam bona fide, & sine dolo requiret. Si vero Præpositus in administratione Præbendarum negligens fuerit; Decanus, & quidam de Capitulo verbis pacificis ipsum commoneant, ut infra mensem neglecta suppleat: & si post admonitionem in ipso mense subtrahita non dederit, nisi causam legitimam post admonitionem ostendere valeat, scil. grandinis, ignis, & rapinæ communis; eo ipso a Præpositura cadat, & insuper in eligendo, vel impediendo Successore suo vocem in Capitulo non habeat ea vice, ut autem hoc iuramentum a memoria non recedat, & idem Præpositus, si necesse fuerit, suo convinci valeat iuramento; huius testimonii literam Episc. nostri, & ipsius Præpositi Sigillis communivimus.

Auscultata & collacionata est præfens copia per me JOHANNEM BERUH. Clericum Mindensem Diocæs. publicum Imperiali auctoritate Notarium, & concordat cum suo Originali, quod protestor manu propria.

Lunig Continuation. III. Spicil. Ecclesiast. in Appendice pag. 54. 55.

Fragmen.

Fragmentum Concilii generalis XV.

Viennensis.

Ex Chron. Monachi & Procuratoris Egmundani, apud Ant. Matthæum
Tom. IV. Analect.

Anno MCCCXVII. erant in villis, & in finibus, quasi totius Christianitatis, quædam *Beghinæ* mulieres, longo per præterita tempora habitum griseum cum FF. aliis deferentes, sibi-que Magisterium, & abique

Superioris confirmatione procurantes, qua habitus & regulatio, ut nunc per Dominum Papam abjicitur, sicut in septimo decretalium, causis dilucide propofitis continetur.

Clemens V. in Concilio Viennensi damnat sectam Beguardorum, & Beguinarum *Almanniæ*: quorum VII. errores recenset. At Joannes XXII. *Extravagantium Lib. III. T. IX. pag. 366.* hæc ita moderatur: Licet Beguinarum status sit a Clemente V. reprobatus; permittitur tamen mulieribus fide dignis, non culpabilibus, non suspectis, sub habitu Beguinarum vivere.

CONCILIUM MOGUNTINUM

ANNO CHRISTI MCCCXVIII.

SUB PETRO, ARCHI-EPISCOPO MOGUNTINO, CELEBRATUM:

In quo, quæ constituta fuerint, cognoscere est ex sequenti Epistola, quam e codice quodam MS. Academiæ Marburgensis affert *Georg. Christ. Joannis in Tom. novæ Script. Hist. Mogunt.*

PETRUS, DEI GRATIA, SANCTÆ MOGUNTINÆ SEDIS ARCHI-EPISCOPUS, SACRI IMPERII PER GERMANIAM ARCHI-CANCELLARIUS, UNIVERSIS ET SINGULIS PER CIVITATEM ET DIOECESIM MOGUNTINAM CONSTITUTIS, SALUTEM IN DOMINO, ET NOTITIAM SUBSCRIPTORUM.

Cum sicut non sine dolore & frequenti querela didicimus plurimorum, nonnulli Archidiaconi nostræ Diocesis contra Statuta Provincialis Concilii Moguntini, pœnas etiam comprehensas in statutis hujusmodi, non verentes, fructus Beneficiorum, super quibus coram ipsis aut eorum Officialibus lis vertitur, pendente lite suis usibus applicant, & hæcenus applicarunt, facientes propterea litem, faciliter & brevi tempore possibilem terminari, in grave tam Beneficiorum, quam partium præjudicium, prorogari: quam ipsi fructus pendente lite forent ei, qui in lite vinceret, reservandi. Nos, quia parum valerent jura vel statuta, nisi executioni debitæ mandarentur, ex debito nostri officii Pastoralis, transgressiones hujusmodi, urgente etiam ad hoc Nos

conscientia, pœnis in prædictis statutis comprehensis prævenire taliter cupientes, ne sit aliis exemplum similia perpetrandi: jus etiam Nobis per hoc acquisitum nolentes negligere in hac parte; in hac Sancta Synodo sub pœna excommunicationis latæ sententiæ in his scriptis, quam contrarium facientes incidere volumus ipso facto, statuimus & firmiter inhibemus, ne aliquis Archidiaconus civitatis & Diocesis Moguntinæ, qui hæcenus talia perpetravit, quemquam de quocunque Beneficio præsumat inantea investire, & ne aliqui ab ipsis aliquas investituras de cætero ad quæcunque Beneficia præsumant recipere ullo modo, sed a Nobis investituras recipiant, ad quos vigore prædictorum statutorum pertinet investire, decernentes cum hoc irritum & inane, si se-

cus ad quemquam fuerit attemptatum : eos etiam , qui hactenus contrarium attemptaverunt , in virtute sanctæ obedientiæ præsentibus amonemus , ut de commissis infra unius mensis spatium satisfaciant , ut tenentur ; alioquin contra eos modis , quibus expedit , procedemus.

Item sub pœna excommunicationis prædicta latæ sententiæ in his scriptis districtius inhibemus , ne Archidiaconi vel eorum Officiales judicent , vel Notarii aliquid scribant , vel Advocati advocacionis officium exercent , aut Procuratores procurent coram ipsis in causis quibuscunque pecuniariis , duarum marcarum argenti excedentibus quantitatem , ad quam summam alias ipsis de speciali gratia ultra statuta prædicta concessimus judicare , licet ultra summam prædictam sæpe , sicut didicimus , judicaverint & judicent , prædicta nostra gratia abutendo.

Item multorum clamoribus excitati , iustis quoque & necessariis causis Nos moventibus in hac parte , sub pœna excommunicationis , quam transgressorum quemlibet incurrere volumus , latæ sententiæ in his scriptis , firmiter inhibemus , ne aliquis Archi-Diaconus civitatis vel Diocesis Moguntinæ , aut ejus vices gerens , pro eo , quod aliquem vel aliquos de aliquibus Beneficiis ecclesiasticis investiat , quidquam exigit , extorqueat , recipiat vel requirat , & ne aliqui per se , vel per alium quidquam pro eo , quod investiantur , dare præsumant , excepto litterarum salario , quod tamen unum fertonem argenti non excedat . Quapropter Archidiaconi , vel vices eorum gerentes , a veris Patronis ad Beneficia Ecclesiastica in concordia præsentatos Canonice , ultra unius mensis spatium non differant investire : alioqui Nos post lapsum dicti mensis , nisi rationabilis causa constiterit , investiemus taliter præsentatos.

Item sub prædicta pœna excommunicationis latæ sententiæ , quam in his

scriptis proferimus , & transgressores incurrere volumus ipso facto præsentibus , ne aliquis sine nostra obtinenda dono speciali gratia (&) licentia super eo , fructus Beneficii vel Beneficiorum , quæ tenent (a) cum cura , in quo , vel in quibus non facit residentiam personalem , recipiat , vel se de eis , vel per alium aliquatenus intromittat , sed ipsos nostræ dispositioni pro mensa nostra dimittat , cui nostræ mensæ ex speciali indulto Sedis Apostolicæ competere dinoscuntur : & etiam ut non promoti infra statuta a jure tempora , (b) ad quos Beneficia , quæ tenent , requirunt , se de fructibus Beneficiorum talium nullatenus intromittant , sed nostræ dispositioni ipsos dimittant in usus debitos convertendos.

Item sub pœna excommunicationis jam latæ sententiæ omnibus & singulis Ecclesiarum Plebanis & Vicariis præcipimus , (c) quæ sibi demandantur , utantur , nullam etiam pro sigillatione litterarum hujusmodi recipiant pecuniæ quantitatem ; volentes , quod post prædictos duos menses , nulli executioni credatur ; nisi fuerit sigillo ejus , cui scripta fuerat , sigillata.

Item statuimus in hac Sancta Synodo , & firmiter præcipimus , in his scriptis , quod per totam civitatem , & Diocesim Moguntinam cessatio Divinorum clausis januis & excluso populo uniformiter observetur.

Item , quia Stationarii sive Questuarii , sicut experimentaliter didicimus , sæpe & quidem frequenter in commissis sibi negotiis nostris litteris abutuntur , & licet aliquando ad tempus aliquæ sint concessæ , quod diutius est transactum , tamen ipsis uti præsumunt , ac si habeant roboris firmitatem , homines miserabiliter defraudando ; nonnulli etiam falsis utantur litteris in hac parte , sicut Nobis scientibus hoc plurimum est compertum : Nos igitur præmissis adhibere oportuna remedium cupientes , omnes litteras nostras , etiam filiorum nostrorum , (d)
sub

(a) forte : tenet.

(b) Nota Cl. Joannis : Hæc verba , ad quos Beneficia , quæ tenent , requirunt --- ita se habere in MS. , Cl. Vir Joan. Joach. Schræderus in Academia Marburgensi linguarum Orient. PP. dignissimus , qui id rogatu meo curate insepexit , mihi significavit.

(c) Et hæc verba : quæ sibi demandantur , utantur , ita se habent in MS.

(d) Hæc verba : etiam filiorum nostrorum , item distincte satis in MS. leguntur . Vix tamen dubium , quin a Librario depravata sint , forte , loco vocis familiarium per compendium litterarum scriptæ , postiq̃ vocabulo filiorum .

sub quacunque forma, vel sub quocunque tenore, quibuscunque Monasteriis, Ecclesiasticis, vel personis datas, vel concessas, in his scriptis penitus revocamus, & de cetero nolumus habere alicujus roboris firmitatem: & si ex aliquibus iustis causis ad hoc Nos moventibus aliquas concedemus, illas Prælati & Plebani locorum, ubi devenerint, inspiciant diligenter: & si in data ipsarum eas viderint expirasse, vel in ipsis deprehenderint falsitatem, aut utens ipsis plus per eas præsumat facere, quam vires litterarum hujusmodi patiuntur; urentem talibus litteris non obmittant corporaliter detinere, quousque, quid cum tali fieri debeat, a Nobis recipiant in mandatis.

Item exequendo constitutionem publicè nuper editam, sub pœna excommunicationis in eadem constitutione prolata, præcipimus firmiter & mandamus, ne aliqua pro Begina se de cetero teneat, statu, habitu, re vel nomine, aut alio quovis modo, & ne aliquis hominum ipsas voveat in statu, vel in habitu Beginarum.

Item omnes concessiones quibuscum-

que personis religiosis super audiendis confessionibus, in casibus Nobis a jure reservatis, & super ministrandis Ecclesiasticis Sacramentis, subditis Plebanorum, præsentibus revocamus, nolentes, quod de cetero habeant roboris firmitatem.

Item sub pœna excommunicationis lata sententiæ præsentibus inhibemus, ne vagæ restitutiones alicui hominum, quam Joanni de Treviri Præbendario, & Dilemanno Feß Vicario Ecclesiæ Moguntinæ, nostris Pœnitentiariis, præsententur, vel etiam ad aliquos usus alios convertantur, absque nostra licentiâ speciali.

Fratres autem Prædicatores, Minores, Augustinenses, & Carmelitas, cum ipsi pauperes elaborent vineam Domini, & in ea multarum salutis proficiant animarum verbo pariter & exemplo, discretioni vestræ duximus commendandos, diligentius injungentes, ut cum ad vestras Parochias pervenerint, propter Deum benivole recipiatis, & benigne pertractetis eosdem, sub pœna excommunicationis præcipientes, ne aliquis contra justitiam ipsos perturbet, vel molester. Datum anno Domini MCCCXVIII, VII. Id. Junii.

POMESANIENSE CONCILIUM VEL RISEBURGENSE IN PRUSSIA,

ANNO CHRISTI MCCCXXII.

ANno MCCCXXII. die 22. Augusti obiit Lutho de Baldersheim, Episcopus Vtus Pomesaniensis, vel Riseburgensis in Prussia. Hic tempore sui Regiminis convocavit Synodum suæ Diœcesis, in qua reperit 450. Parochos, 175. Vicarios & Diaconos.

Hartknock Dissertat. XIV. subjuncta Chronico Prussia Petri de Duisburgo.

ASCHAFFENBURGENSE CONCILIUM PROVINCIALE

A PETRO, MOGUNTINO ARCHI-EPISCOPO, HABITUM
ANTE ANNUM CHRISTI MCCCXXVIII.

PETRUM, Moguntinum Archi-Episcopum, ultra Concilium illud, quod habuit Moguntinæ anno MCCCX. a Labbeo indicatum, & a Veneto ejus editore ex Lunigii Spicilegio suppletum, aliud etiam Provinciale Concilium in urbe Aschaffenburgensi habuisse, discimus ex Synodo Diœcesana Hildesheimensi anni MDCLII. apud Lunig. *Spicileg. Continuat. II. pag. 707.* Unde pariter intelligimus, Suffraganeos Episcopos illi

illi habendo convenisse. De anno nihil constat, sed cum Petrus Cathedram illam ab anno MCCCVI. circiter ad MCCCXXVIII. tenuerit; intra tempus illud collocandum esse constat. Ipse quidem Petrus Aschaffenburgensis Concilii sæpe meminit in suis constitutionibus Concilii Moguntiae habiti anno MCCCX. sed Concilium illud est alterum ab hoc diversum, à Gerharo Archi-episcopo anno MCCXCII. habitum, hujus vero Concilii a Petro habiti constitutiones geminas has profero, quas affert idem Herbipolense Concilium apud *Lunig ibid.* *Hactenus Cl. Mansi in Supplem.*

*Ex Concilio Provinciali Aschaffenburgensi D. PETRI,
Archi-Episcopi Moguntini.*

Item statuimus, & ordinamus, ut si aliquis Clericus vel laicus utriusque sexus cujuscunque dignitatis, religionis, vel status existat, ausus sit, præsumptione & pertinacia damnabili publice prædicare, vel occulte docere, credere, vel tenere, quod Sacerdos in mortali peccato existens non possit efficere Corpus Christi: seu sic ligatus non possit ligare, vel solvere suos subditos a peccatis; pro hæretico, & incredulo habeatur, & errorem hujusmodi sacri Concilii approbatione condemnamus, anathematizamus, & penitus reprobamus; cum sacra Scriptura dicat auctoritas, quod sive bonus, sive malus sit minister, per utrumque Deus effectum gratiae suae confert. Non enim, quæ sunt sancta, coinquinari possunt, nec ipsa Sacramenta potest hominum malitia profanare; unde Sacerdos quantumcunque pollutus existat, Divina non potest polluere Sacramenta, quæ purgatoria cunctarum contagionum existunt. Licite ergo a quocunque Sacerdote ab Ecclesia tolerato, Divina mysteria audiantur, & alia recipiantur Ecclesiastica Sacramenta.

*Ad idem, de Blasphematoribus & Sor-
tilegis.*

Quamvis sacris Canonibus, & sanctorum Patrum traditionibus contra manifestos sanctorum blasphemos, ac damnatum & abominabile scelus idololatriæ, videlicet incantationes, superstitiones, & sortilegia Phitonum & Phitonissarum; in locis diversis sufficienter

cautum & provisum existat; quia tamen (quod mentis amaritudine referimus) adhuc vitia talia in multis locis Nobis subiectis existunt in usu; quapropter erroribus & periculis exinde in dies confurgentibus, quantum in Nobis est, obviare cupientes, districte statuto præsentis, perpetuo duraturo, præcipimus, ut contra tales statuta Canonica desuper edita summa cum diligentia ab universis Nobis subiectis præstentur, & in confessionibus de peccatis hujusmodi solers fiat inquisitio, & tam mares, quam mulieres talia exercentes, a communione Sacramentorum excludantur, ac pro absolutione ad Nos, vel Vicarium nostrum remittantur. Et nihilominus, si qui publici blasphemii reperti fuerint, vel de hujusmodi incantationibus, vel superstitionibus ab Ecclesia reprobatis se intromiserint, vel eisdem fidem adhibuerint, ut ab his intra breve tempus eis statuendum desistant, volumus moneri sub pœna suspensionis a Divinis & Ecclesiastica sepultura, a qua non nisi per Nos, vel Vicarium nostrum, aut nostros Superiores valeant liberari & absolvi. Hoc etiam statutum nostrum saluiferum, ne quis illius ignorantiam prætereundum possit, volumus per Rectores Ecclesiarum, ac curam animarum habentes, in Cancellis Ecclesiarum, si & quoties expedire visum fuerit, solemniter publicari.

*Ex Dominico Mansi Supplem. Concilior.
Tomo III. pag. 430, 431.*

CONCILIUM MOGUNTINUM

ANNO CHRISTI MCCCXXVII.

ANno MCCCXXVII. Præside Matthia Archi-Episcopo Moguntino cum Suffraganeis, Abbatibus, Prælatibus, & Sacerdotibus, Moguntia Generale, id est, Provinciale habitum fuit Concilium, in quo plura pro Reformatione Status Clericalis constituit, quæ tamen nul-

lum aut modicum habuerunt profectum; ob mortem Matthiæ, & novum a Papa datum Successorem.

Joannis Tom. novo Script. Hist. Mogunt. pag. 303.

Tritheim. Chron. Hirsaug. edit. S. Galens. T. II. p. 166.

CONCILIUM HALBERSTADIENSE

ANNO CHRISTI MCCCXXVIII.

ALBERTUS, DEI GRATIA, HALBERSTADIENSIS ECCLESIAE EPISCOPUS, OMNIBUS CHRISTI-FIDELIBUS, QUORUM INTEREST, AUT INTERESSE POTERIT, SALUTEM, ET IN DOMINO CARITATEM.

Recognoscimus, & præsentibus protestamur, quod anno Domini MCCCXXVIII. in die Beati Lucae Evangelistæ, Nobis præsentibus *Generali Synodo* deputato tempore & loco consueto fuit quæsitum: si aliquem contingerit Altare aliquod de novo ædificare, & id congrue dotare in aliqua Ecclesia, quis procurare teneretur, ut idem Altare consecraretur? Et in eadem Synodo sententialiter diffini-

tum, quod is, qui ædificasset dictum Altare, & dotasset. Cui sententiæ omnes, tam Clerici, quam laici concordarunt. Unde ipsam de consensu omnium tunc præsentium approbavimus, & præsentibus approbamus. Datum & actum anno & die prædictis.

Synodalem hanc hactenus ineditam chartam communicavit Cl. D. ab Erath, Consiliarius Auriaco-Nassovicus.

Albertus II., e Duce Brunswicensi, Episcopus Halberstadenensis ab anno 1326, ad 1358. quo obiit.

Synodica GERLACI, Episcopi

Wormatiensis,

ANNO CHRISTI MCCCXXXI.

GERLACUS, DEI GRATIA, ELECTUS, CONFIRMATUS ECCLESIAE WORMATIENSIS; PRÆPOSITUS, DECANIS, ET CAPITULIS, CÆTERISQUE PERSONIS ET VICARIIS PER DIOCESEM NOSTRAM CONSTITUTIS, SALUTEM IN DOMINO SEMPERITERNAM.

Cum Officio nostro Pastoralis congruat, statum Ecclesiarum Nobis subditarum servare illæsum, & in eis hactenus male observata in melius re-

forma- Gerlacus Baro Pincerna ab Erpach, Episcopus Wormatiensis XXXIX. *iudice Cl. Schannato in historia Episcopatus Wormatiensis*, electus anno 1329. Synodum anno 1331. indixit: severius in utrumque Clerum inquisivit, & ad primum vigorem unius mensæ & unius dormitorii Canonicos revocare allaboravit. Hinc Balduinum Treverensem Archi-Episcopum suæ Ecclesiæ Administratorem ac Patronum deligere voluerunt. Vota effectu caruere: rediit concordia inter Gerlacum, & Clerum teste *charta Ludovici IV. Regis apud eundem Schannatum No. 191*. Obiit Gerlacus anno 1332. XV. Kal. Januarii, teste eodem pag. 394, 395.

Tomus IV. Concil. German.

G g g g

formare ; statuimus inprimis & ordinamus, & sub pœna suspensionis ab officio omnibus, & singulis præcipimus, & mandamus : ut Divinum Officium horis debitis solemniter celebretur, & quilibet Canonicorum, & Vicariorum suis diebus per se cantet & legat, sed impeditus legitime, per alium idoneum fieri hoc procuraret. Decanos etiam, quibus cura talium specialiter imminet, hortamur in Domino, ut, excusso negligentiae somno, in promotionem Divini Officii de cætero jugiter tam sollicitè invigilent, ne culpa negligentiae exigente, graves juris, & nostras pœnas, eos contingat non immerito formidare.

II. Item; sub pœna excommunicationis latæ sententiæ, quam in his scriptis incurrere (Canonica tamen trium dierum monitione præmissa) volumus transgressores hujus nostri mandati, videlicet : ut infra VIII. dies a publicatione præsentium proxime computandos, sigillum cuiusque Capituli, sub tribus diversis clavibus in arca firma includatur, quarum unam Decanus, qui pro tempore fuerit, habebit, alias vero duas habebunt duo seniores in introitu ; dum tamen custos non sit unus ex illis senioribus, quem custodem aliquam illarum clavium nolumus retinere, cum idem totum Ecclesiæ armarium habeat sub clausura; & si Deanus, vel aliquem alium claves hujusmodi habentem, abesse contigerit, alteri seniori post eum in introitu præsentem committat; quod sic committendo, & descendendo per singulos, per omnia volumus asservari : nolumus tamen quod duæ claves hujusmodi apud unam personam ad tempus quantumcumque modicum servantur, sicut pœnam supra proxime positam voluerint evitare.

III. Item; sub eadem excommunicationis latæ sententiæ pœna (Canonica tamen monitione præmissa) præcipimus & mandamus : ne de cætero aliquæ litteræ, & specialiter super receptione Canonico- rum sub expectatione Præbendarum, a quibuscumque sigillentur, nisi requisitis requirendis, & majoris, & sanioris partis Capituli, vel totius, ubi juris necessitas hoc requirit ; cæterum in his scriptis cassamus & irritamus omnes, si quæ hujusmodi clandestinæ factæ sunt receptiones, cum & juri communi, & statutis Provincialibus directe sint contrariæ ; re-

servantes Nobis ex nunc omne illud jus, quod per cassationem, & reservationem Prædecessorum nostrorum Wormatiensium Episcoporum de talibus receptionibus Nobis ac ipsis existit acquisitum.

IV. Item ; quia plus timeri solet, quod specialiter præcipitur, quam quod generaliter imperatur ; præcipimus specialiter & mandamus : quatenus secundum rationis exigentiam, Decano obedientia, & cæteris majoribus reverentia exhibeatur in licitis & honestis ; idemque Decanus subditos suos, exemplo Salvatoris, qui fecit & docuit, non solum verbo corrigit, sed etiam verbo instruat pariter & exemplo : nam quod a Prælato agitur, a subditis facile trahitur in exemplum.

V. Item ; sub pœna excommunicationis præcipimus & mandamus : ut vina, blada, numerata Pecunia, & aliæ res Ecclesiæ non dentur alicui personæ sine iusta & urgenti causa, & totius, vel majoris partis Capituli præsentis ibidem, & maximè in causis, & casibus in quibus etiam absentes merito sunt vocandi.

VI. Item; sub pœna excommunicationis, quam Canonica monitione præmissa, transgressores incurrere volumus, præcipimus & mandamus ; ut nulla persona Ecclesiæ vadat sub expensis Ecclesiæ communibus ad torneamenta, ad hastiludia, aut alios privatos usus, & commodi non communia, cum ex talibus casibus Ecclesiæ plurimum graventur.

VII. Item; sub interminatione Divini Judicii præcipimus, & mandamus : ut ipsarum Ecclesiarum consuetudines rationabiles, sine fraude inantea fideliter observentur : quibus deficientibus provocetur ad consuetudines Matricis Ecclesiæ, post has autem ad jus commune. Quod si consuetudo allegata negetur ab aliquo cuius interest, allegans ipsam ex nunc necessario probare habeat ad minus per duos idoneos Testes de Ecclesia, qui in virtute juramenti per eos Ecclesiæ præstiti, deponant & affirmant : se ita, & usque in præsentem diem non aliter vidisse & audivisse in certis terminis judicari.

VIII. Item; statutum (si tamen sic dici meretur) quod absentes duas partes fructuum Præbendæ, tertiam Ecclesiæ relinquent-

linquendam, præcipere indulget, propter paucitatem personarum Deo servientium, in his scriptis cassamus, & irritamus, & perpetuo abolemus.

IX. Item; in virtute sanctæ obdientie firmiter præcipimus & mandamus: ut singulis annis ad minus semel in anno Portarius, Cellarius, Magister Fabricæ, Præsentiarum, Suspendiarum, & cæteri Ecclesiarum Officiarii, quocumque nomine censeantur, de officiis suis, tum creditis, debitum, ac neglectis in Capitulo, convocatis ad hoc omnibus & singulis Canonicis, Præbendariis, & Vicariis, quorum interest, qui volunt & possunt interesse, debitam reddant rationem.

X. Item; sub pœna in statuto Provinciali, contra conviciatores edito, promulgata, præcipimus & mandamus: ne

aliquis Prælati, Canonicus, aut alia quævis persona, cujuscumque conditionis aut status existat, contra aliam quantumvis ipsius Ecclesiæ personam, aliqua verba contumeliosa, vel opprobriosa de cætero habeat, sed per vias juris iustitiam suam, non convitiis, coram iudice, competenti prosequatur.

XI. Item; statuimus & ordinamus: ne de cætero alicui excommunicato, suspensio, vel interdictio, durantibus huiusmodi sententiis, quidquam de Præbendæ suæ fructibus assignetur, nisi appellaverit, vel alias, quare id fieri debeat, habeat iustam causam.

Datum Wormatiæ in Synodo; Anno Dom. MCCCXXXI. crastino Purificationis Virginis Gloriosæ.

Descriptit Cl. Schannatus ex Archivo Ecclesiæ Collegiæ Wimpinensis.

CONCILIIUM TREVIRENSE PROVINCIALE

ANNO CHRISTI MCCCXXXVII.

Statutum I. Moderatio in vestium luxu præscripta.

II. Pœnæ contra violatores Statuti.

III. Nemo præsentandus, nisi cum consensu Patronorum,

IV. Et ætate præscripta ad Officia Ecclesiastica.

V. Probatio ætatis per iuramentum exigenda a præsentatis.

VI. Post Primam quotidie lecto Martyrologio fiat memoria anniversarii postridie faciendi, cum mentione pecuniæ legatæ pro memoria.

VII. Præsentie pro Memoriis nonnisi præsentibus in Choro cedant, solis infirmis exceptis.

VIII. Statuta hæc publicanda & observanda.

NOS BALDEVINUS, DEI GRATIA, SANCTÆ TREVERENSIS
ECCLESIE ARCHI-EPISCOPUS, &c.

§. I.

Stauimus & ordinamus, ut Clerici quicunque nostræ civitatis & Diocesis Treverensis, decenter incedant in habitu, calceis, caligis, corona, & tonsura Clericali, & ne quis Canonicus, aut Beneficiatus, vel etiam quicumque existens in sacris Ordinibus post mensem computandum a die publicationis præsentium, vestimentis, vel capuciis utatur,

quibus manicæ, vel fimbriæ, vel aliæ extremitates seu scissuræ vestimentorum, vel capuciorum cum eisdem vestimentis, vel caputiis notabiliter in colore discordent, & specialiter de caputiis, ne auro vel argento, vel aliis quibuscunque appositionibus a panno diversis, componantur, vel scindantur, vel Wardecociis cum longis manicis ultra brachium procedentibus utantur. Item prædictis personis

Wardecocia, seu tunicas superiores, nimis breves aut strictas penitus interdiciamus. Sed volumus, & eisdem præcipimus, ut de cætero utantur Wardecociis, & tunicis superioribus saltem ultra medietatem suræ, seu musculi cruris procedentibus: per hoc tamen eis non interdiciamus, quin in equitando vestimentis brevioribus uti possint. Item prohibemus, ne quis de prædictis personis cinctus super vestem superiorem, incedat ullo modo, nisi cum in itinere fuerint, vel se ad iter præparaverint causa proficiscendi: aut capillos capitis sui deferat disjunctos, seu divisos in medio frontis, seu etiam nimis longos. Item dictis Canonicis, & Clericis prohibemus, & interdiciamus tunicas superiores, nodos habentes, a tunicis hujusmodi superiori in colore discrepantes, & maxime ante pectus, & in aliis locis Clericis inconspicuis.

§. II. Si quis vero contra præmissa, aut aliquid præmissorum venire præsumpserit, si Canonicus fuerit, eo ipso sit suspensus a perceptione distributionum, quæ in Choro dividuntur: & si vocem habuerit in Capitulo, etiam ipsa voce careat ipso facto, nec ex tunc ad tractatus Capitulares admittatur, nec sibi de distributionibus quidquam detur; nisi prius per Nos ad præmissa fuerit restitutus. Officiatus vero, qui tali ante nostram restitutionem distributiones Chori scienter dare præsumpserit, similiter voce Capitulari, si Canonicus fuerit, careat ipso facto. Si vero alter Beneficiatus fuerit, a perceptione fructuum sui Beneficii, eo ipso sit suspensus. Verum si Pastor, Vicepastor, Vicarius, seu Rector alicujus Parochialis Ecclesiæ, Altaris vel Capellæ, contra præmissa, vel aliquid præmissorum venire præsumpserit, similiter a perceptione fructuum sui Beneficii eo ipso sit suspensus: nec se tunc de hujusmodi fructibus intomittant, nisi de nostra licentia speciali. Et si fructus Beneficiorum excedentium in præmissis, ob aliquam aliam causam fuerint sequestrati, hujusmodi sequestrum relaxari nolumus, neque tolli, nisi in ipsa relaxationis littera de prædictis, suspensione fructuum, & restitutione nostra ad eosdem specialis mentio habeatur.

§. III. Item inhibemus omnibus & singulis Rectoribus, seu Pastori-

bus Parochialium Ecclesiarum, ne aliquos præsentent ad Vicarias perpetuas suarum Ecclesiarum, nisi consensus Patronorum earundem Ecclesiarum ad id accedat. Et ne Archi-Diaconi Nobis subditi, aut eorum Officiales eos admittant ad hujusmodi Ecclesias, vel eos instituant in eisdem, nisi eis prius constiterit per patentes litteras ipsorum Patronorum de consensu hujusmodi, & quod ipsarum Ecclesiarum redditus, & proventus, ad quas sic præsentati fuerint, sufficienter sustentationem congruam, Rectoribus & Pastoribus, & Vicariis supradictis, si fortassis ipsos contingat in hujusmodi Beneficiis simul facere residentiam personalem. Alioquin si a quoquam secus actum fuerit, vel attentatum quomodolibet, decernimus irritum & inane.

§. IV. Præterea quia nonnulli Ecclesiarum, & aliorum Beneficiorum Ecclesiasticorum Patroni, ad vacantes ipsis Ecclesias, seu Beneficia, quæ tantum actu Sacerdotibus, vel promovendis infra annum conferri debent, nonnullam minores annis, vel alias omnino inhabiles præsentant personas, vel etiam quandoque, loco talium minorum, confecto quodam velamine præsentant Presbyteros aliquos, seu personas alias idoneas Archi-Diacono, seu eorum Officiali instituendas in Beneficiis memoratis. Nos fraudi hujusmodi cupientes, in quantum possumus, remedium adhibere, prædictis Archi-Diaconis, & eorum Officialibus ac quibuscunque aliis personis Ecclesiasticis, quorum interest, sub pœna suspensionis officii sui, districtius inhibemus, ne aliquos tales ipsos præsentatores admittant, vel instituant inscienter ad Beneficia memorata.

§. V. Et ut fraudibus talium plenus obvietur, statuimus & volumus: quia Archi-Diaconi seu Officiales prædicti specialiter a quibuscunque personis ipsis præsentatis, ante admissionem, vel institutionem ipsorum, ad Beneficia prætracta exigant, & recipiant corporalia ipsorum iuramenta, quod ipsi vere, & non fictè, ac nulla conditione, pacto, seu promisso interveniente, & sine spe aliqua facta, vel facienda cuiquam de Beneficiis ipsis resignandis suis Patronis successu temporis, ipsis Archi-Diaconis, seu Officialibus, sint ad hujusmodi Beneficia præsentati: alioquin si secus actum fuerit, admissio-

nes & institutiones ut sic factas, irritas, & inanes esse, dictosque præsentatos suspensos a Beneficiis, & Officiis decernimus ipso facto.

§. VI. Item ordinamus, & districte præcipimus observari in nostra Cathedrali Ecclesia, & singulis Collegiatis Ecclesiis Nobis subjectis, quod singulis diebus Prima decantata, Martyrologium lectum fuerit, pronuntietur anniversarium Defunctorum, quod sequenti die fuerit peragendum, & summa pecuniæ pro hujusmodi anniversario interessentibus Vigiliis & Missæ dividenda.

§. VII. Item statuimus, & ordinamus, quod Canonici & Vicarii Ecclesiæ nostræ Treverensis, & aliarum Ecclesiarum Nobis subjectarum, ad horas Canonicas, Vigiliis pro Defunctis, & Missas, debito tempore secundum statuta, & ordinationes suarum Ecclesiarum, intrent chorum, & ipsis horis intersint eo tempore, quo distributiones Chori fuerint dividendæ: quas nulla ordinatione, statuto, sive pacto obstante, tantum inter præsentibus ibi tunc Canonicos & Vicarios, juxta consuetudines ipsarum Ecclesiarum, in Choro, & non extra Chorum, dividi, & dari volumus, & præcipimus per Officiatos, qui ad hoc fuerint deputati: exceptis illis Canonicis & Vicariis, quos infirmitas, seu justa & rationabilis necessitas corporalis, aut evidens Ecclesiæ utilitas excusaret. Inhibemus etiam districtius præfatis Officiatis, ne aliquas distributiones occasione collectionis reddituum, seu censuum suarum Ecclesiarum sibi usur-

pent, dum non interfuerint Divinis Officiis, in quibus dividendæ sunt hujusmodi distributiones. Et quia nonnulli plus temporalem solent pœnam, quam Spiritualem seu Ecclesiasticas sententias, quod dolenter referimus, formidare, & ut sic frequenter ad subditorum noxam tendit, quod ipsis ad remedium est provisum, sententias excommunicationis in aliis statutis nostris, super præmissis, & eorum occasione per Nos editis prolatas, ne subditi nostri eisdem sententiis, pro ut hæcenus fieri est comperrum, damnabiliter se involvant, decernimus revocandas, & præsentibus revocamus. 'Nolumus tamen illos, qui dictis nostris sententiis, seu Canonis, jam ligati noscuntur, per hujusmodi absolutionem esse absolutos. Sed quod ab eisdem sententiis per Nos, vel per nostros in hac parte vices gerentes obtineant specialiter se absolvi.

§. VIII. Præterea ut præmissa omnia & singula observentur, ne aliquis ab eorum observatione, prætextu ignorantie se possit excusare, præcipimus omnibus & singulis Decanis Nobis subditis; ut eorum copiam recipiant infra mensem, ab Officialibus nostris Treverensibus, sive Confluent. & ea suis subditis publicent, & diligenter faciant observari, si ipsi Decani pœnam Canonicam, & nostram voluerint evitare. *Datum Trever. Anno Domini Millesimo tricesimo tricesimo septimo, die vicesima mensis Maji.*

Illmus Hontbeimius Historiæ Pragmaticæ Diplomaticæ Treverensium Part. II. pag. 77, 78.

Baldwinus Treveris celebrata Synodo, Cleri formare disciplinam, tueri libertatem, & Monachorum in votivæ paupertatis offensione, & luxu vestium effusam licentiam severissimis cohibere Legibus instituit, extant de hac re literis ac typis vulgata decreta, quæ eximiam ejus in Ecclesiæ suæ retinendis institutis & Cleri sordibus absterrendis arguunt solertiam. *Browerus Annal. Treverensium Lib. XVII. pag. 989. veteris Edition.*



CONCILIIUM TREVIRENSE

ANNO CHRISTI MCCCXXXVIII.

BALDUINI Archi-Episcopi Epistola ad Clerum,

*Edita quidem hoc Tomo IV. pag. 318. sed cum ingenti biatu,
qui suppletur ex Ilmo Hontbemio.*

BALDUINUS, DEI GRATIA, &c. UNIVERSIS PRÆLATIS, PRÆPOSITIS, ARCHI-DIACONIS, DECANIS, SCHOLASTICIS, NEC NON CLERICIS ALIIS, BENEFICIATIS, ET IN SACRIS ORDINIBUS CONSTITUTIS, SUARUM CIVITATIS ET DIOECESIS, QUIBUSCUNQUE IN CHRISTO SIBI DILECTIS, SALUTEM ET SINCERAM IN DOMINO CHARITATEM.

I.

Licet cūris Nobis undique affluentibus sollicitemur innumeris, ad illa tamen intuitum nostræ considerationis dirigimus intentius, per quæ actus, & mores Clericorum, quorum vita, & conversatio aliorum sunt norma & exempla, in melius reformatur. Sane jam dudum pro reformatione actuum, & morum Clericorum nostrarum civitatis & Diœcesis Treverensis, ac honesta conversatione eorundem, quæ interioris mentis est indicium, nonnulla statuta salubria, & sacris Canonibus fulcita, duximus publice promulganda: statuendo videlicet, quod Clerici quicunque nostrarum civitatis & Diœcesis Trevirensis decenter incederent in habitu, calceis, caligis, corona, & tonsura Clericali, quodque nullus Canonicus aut Beneficiatus, vel etiam quicunque Clericus in sacris Ordinibus existens, vestimentis vel capuciis uteretur, quibus manica vel fimbria, aut aliæ extremitates, vel scissuræ vestimentorum, vel capuciorum, cum eisdem vestimentis seu capuciis in colore notabiliter discordarent: & specialiter, ne capucia auro, vel argento, vel aliis quibuscunque appositionibus a panno diversis, componerentur, seu scinderentur: & ne etiam Wardecociis cum longis manicis, maxime ultra brachium procedentibus, uterentur, & quod Wardecocia seu tunicas superiores breves, aut strictas nimium non haberent: sed quod Wardecociis & tunicis superioribus saltem ultra medietatem suræ seu musculi cruris procedentibus uterentur. Quoque insuper cincti super vestem superiorem non ince-

derent, nisi dum se ad iter præpararent, vel essent in itinere constituti: & quod capillos disjunctos in medio frontis, aut longos nimis non deferrent: quod dicti etiam Canonici & Clerici, in tunicis superioribus nodos a panno tunicarum in colore discrepantes, non deferrent, maxime ante pectus, & locis aliis Clericis in consuetis. Alioquin contrarium facientes certis pœnis artari præcipimus, & constringi. Statuimus etiam, & ordinamus nonnulla alia, statum, salutem, ac honestatem dictorum Clericorum respicientia, prout in eisdem statutis per Nos editis, & solemniter publicatis, videri poterunt plenius contineri. Verum nonnulli ex prædictis Canonicis Clericis prædicta nostra statuta quamvis ipsis salubria,

(a) parvi pendentes eadem, prout per facti experientiam didicimus, observare hætenus minime curaverunt. II. Igitur Nos considerantes & attendentes, quod id solum bene agitur, si errantium hominum vita corrigatur, ac volentes in iis negligentium defectum ulteriori executione supplere: vobis & cuilibet vestrum præcipimus & mandamus, quatenus prædicta nostra statuta in omnibus, & singulis suis Capitulis, prout per Nos edita sunt, & prout quemlibet vestrum respiciunt, vel contingere possunt, studeatis firmiter observare, quodque vos Prælati, Præpositi, Archi-Diaconi, Decani, & Scholastici, & quilibet vestrum, Canonicos, & alios Clericos vobis immediate subiectos, ad hoc teneatis, coherceatis, nec non viis & modis, ac pœnis competentibus potissime in dictis

(a) Hæc impressa jam fuerant a pag. 318. b. T. suppletur sequentia ex Ilmo Hontbemio.

Etis nostris statutis comprehensis, inducatis, ut eadem nostra statuta ipsorum salutem ac bonum respicientia, teneant, & observent. Alioquin tam contra vos, quam dictos Canonicos, & Clericos vobis subditos, ac dictorum nostrorum statutorum transgressores per pœnas spirituales, & temporales, prout opportunum Nobis visum fuerit, procedemus. III. Præterea cum in tantum quorundam processerit ambitio, ut plures Dignitates, Personatus, seu Ecclesias Parochiales, curam animarum habentes, contra sacrorum Canonum instituta recipere, & receptas illicite detinere non formident: & cum unius officium vix implere sufficiant, sibi stipendia plurimorum recipiunt; Nos huic morbo, quamvis alias per sacros Canones super hoc sufficienter provisum existat, cum ulteriorum tamen executione occurrere cupientes, statuimus, & ordinamus, ac præcipimus inviolabiliter observari, quod quicumque duas, vel plures Personatus, Dignitates, seu Ecclesias Parochiales actu curam animarum habentes, sine dispensatione legitima, & contra constitutionem recolendæ memoriæ Domini JOANNIS Pape vigesimi secundi, super hoc prolatam, quæ incipit: *Execrabilis, qui tenuerit*, easdem Dignitates, Personatus, vel Ecclesias infra mensem, a publicatione præsentium computandum, in manibus Superiorum resignent effectualiter, & dimittant, regressum ad easdem Dignitates, Personatus, vel Ecclesias, seu aliquam eorum, seu earum, sine nova præsentatione, vel collatione, minime habituris. Alioquin ipsos ad hoc faciendum per pœnas Canonicas, & prout opportunum Nobis visum fuerit, compellemus. Et ut inani hujusmodi Dignitatum, Personarum, & Ecclesiarum multitudini, quas quidam per ambitionis vitium recipere non formidant: quæ quidem multitudo *Canonibus* inimica, materiam dissolutionis, & evagationis inducit, certumque continet pe-

riculum animarum, opportunius occurratur; statuimus, & ordinamus, quod si aliquis habens aliquam Parochialem, ad aliam fuerit præsentatus, ad tertiam, seu aliam nullatenus investatur vel admittatur, nisi prius in præsentia eorundem juret solemniter, & promittat, quod postquam possessionem, vel quasi, illius Ecclesiæ, ad quam secundo præsentatus fuerit, pacifice fuerit adeptus, primam Ecclesiam dimittat realiter, & resignet. IV. Volumus etiam & statuimus, quod si aliquis duas, vel plures habens Ecclesias, ad eas sine dispensatione Canonica, contra prædictam constitutionem, execrabiliter tenens, ad tertiam, seu aliam fuerit præsentatus, quod ille sic præsentatus, ad tertiam, seu aliam, nullatenus investatur, vel admittatur ad eam, nisi prius illas Ecclesias, quas prius contra Constitutiones Canonicas tenuit, & per quarum detentionem, ad alias se inhabilem reddidit, effectualiter & realiter dimiserit, ac se habilitari ad alia Beneficia consequenda per Superiorem, ad quem hoc pertinuerit, procurarit: quod si secus per quemquam Archidiaconum nostrarum civitatum, vel Diocesis, seu aliquem alium, ad quem jus investiendi pertinuerit, factum fuerit, id ex nunc decernimus irritum & inane: & nihilominus contra ipsos hoc præsens nostrum statutum non servantes, per pœnas Canonicas procedemus.

Per præmissa autem, quæ ad prædicti Cleri correctionem, & emendationem excessuum, qui in ipso ut communis irrepsierant, specialiter statuenda providimus, veniendi contra statuta sacrorum Canonum, vel etiam nostri Concilii Treverensis instituta, habenas sibi non intelligant esse laxatas: imo eadem statuta prout salubriter instituta noscuntur, per universum Clerum Nobis subiectum, volumus cum omni obedientia, & reverentia firmiter observari. Datum Treveris Anno MCCCXXXVIII. die VIII. mensis Aprilis.

Illnus Honthemius Tomo II. Historie Diplom. Trever. pag. 78, 79, 80.

CONCILIUM SALTZBURGENSE

ANNO CHRISTI MCCCXL.

R Udolphus quidam Presbyter calicem cum sanguine Christi apud Saltzburgam in majori Ecclesia de Altari sumens diffundit, quod prius fecerit Hal-

Hallis in Ecclesia Beati Zenonis. Qui captus & postea productus (*coram Synodo*) dixit Judæum, & Paganum sine Baptismo posse salvari: & in Altari non esse verum Christi corpus: & dæmones posse redire ad pristinam dignitatem, quia solo peccaverunt cogitatu. Cum nollet respicere; per HENRICUM Epi-

scopum Salisburgensem, Magistro Ruthmáro Sekoviensi Præfule, Conrado Chimenfē, & aliis Prælatiſ presentibus degradatus, ſeculari poteſtati traditur, & crematur.

Anonymi Leobienſis Chronicon Lib. VI. apud Hier. Petz. Tom. I. Scriptor. Auſtriæ pag. 957.

Addenda Tom. III. pag. 209.

CONVENTUS RUTHARDI,

Archi-Epiſcopi Moguntini, Abbatum & Prælatorum Cleri Moguntini, in quo ſtabilitur Littera Foundationis Monasterii quondam Cambergensis Diæc. Herbipolenſis.

IN NOMINE SANCTÆ ET INDIVIDUÆ TRINITATIS.

EGO RUTHARDUS, Moguntinensis DEI gratia Archi-Epiſcopus: Omnibus Sanctæ Ecclesiæ Fidelibus notum esse cupio tam futuris, quam præsentibus, quod Dominus quidam Burghardus in honore Sanctæ DEI Genetricis MARIÆ, ac S. Nicolai in monte, qui Kamberg nominatur, Monasterium quoddam construxit, ad quod ipsum locum cum omnibus nunc in præsentiarum illuc collatis, iustitiis & pertinentiis prædiorum, & mancipiorum, seu quantumcumque rerum ex toto super Altare S. NICOLAI libera manu sua, & fratrum suorum Comitum scilicet *Ruggeri*, & *Heinrici* tradidit DEO, & S. NICOLAO, in proprietatem, & prædicti Monasterii Abbati in liberam dispositionem, Monasterio & Fratribus Deo sub Regula Monastica inibi servituris, ad utilitatem, & ne unquam a posteris suis, vel quibuslibet personis Deo ſervientium deinceps illic deſtrui poſſet.

Postea D. Burghardus prudenter idem Cenobium cum omnibus ſuis pertinentiis nunc collatis, & de hinc confrendis tempore Domini mei feliciſ memorie WEZELONIS Archi-Epiſcopi, in præſentia ipſius, Archi-Epiſcopali ſedi Moguntinæ ſubdidit propria manu ſua, & fratris ſui prædicti Ruggeri, tradendo abſque omni contradictione ad Altare S. MARTINI, ubi etiam ab eodem

Domino Burghardo firmiſſime ſtatutum eſt, & a Domino meo Wezelone laudatum, ut Fratres Cenobii illius nunc ibidem congregati, & adhuc in Chriſto congregandi, quandocunque Patre ſuo ſpirituali orbatu fuerint, habeant liberam poteſtatem ſecundum Regulam S. Benedicti, inter ſe, vel undecunque, ſi opus fuerit, Abbatem eligendi: quem poſtquam Fratres regulariter elegerint, hoc ſolum faciendum eſt, ut eum cum magna veneratione perducant ad Archi-Epiſcopum, gratia ſuſcipiendi ab eo virgam Regiminis abſque omni prorsus contradictione Epiſcopi vel alicujus.

Præterea hoc etiam diligentiffime notandum eſt, ſecundum Statuta Domini mei *Wezelonis*, & Domini *Burghardi*, nulli Abbatum hujus Cenobii unquam licere de prædiis Ecclesiæ quidquam alicui ſecularium accommodare, ſed ſi quiſquam Abbas diaboli conſilio, quod Deus prohibeat, hoc decretum inſregerit, Fratres ejusdem Cenobii hanc a Domino Wezelone, & a me habeant licentiam, ut de hoc accuſatum & convictum deponant, & in ejus locum juxta prædictam libertatem alium eligant.

De *Advocati* quoque electione hoc ſtatutum eſſe notandum eſt, ut quemcunque Abbas loco illius cum conſilio Fratrum ſuorum ad defendendum Monasterii

Hoc Monasterium præſens eſt Eccleſia Collegialis nobilium Canonicorum ex Regulari in ſæcularem ſtatum converſa anno 1488. Nonas Decembr. indultu Papæ Innocentii VIII. ſub Rudolfo de Scherenberg Epiſcopo Wirzburgenſi, Abbate ultimo Siſrido.

naſterii libertatem & juſtitiam utilem invenire poſſit, qui non pro terreno comodo, ſed pro æterna mercede hoc Patrocinium ſuſcipere velit, hunc abſque alicujus contradicſione eligat, & hancum legitimum non jure hæreditario eum a Rege ſuſcipere efficiat; cujus Advocati libero conceſſum eſt arbitrio, ut, ſi velit, ſemper poſt ſanctam ebdomadam Pentecoſtes ſecunda ſeria, placitum habeat in villa, quæ dicitur *Dungental*, & non in anno ſæpius, niſi ab Abbate invitatus. In prædicto autem placito ad ſervicium ejus debet Abbas maldrum frumenti pro faciendò panem, & friſingum unum porcinum, & duos ovinos, & vinum, cæteraque ad hæc ſufficiencia. Si autem hic Advocatus temerario jure contra ſtatuta aliquem faciat Subadvocatum, aliasque calumnias vel injurias Monafterio, Abbati vel familiæ faciat, omnino poteſtatem habeat Abbas, cum adjutorio Epifcopi & conſilio Fratrum hunc reprobare, & alium ſibi utilioreſ undeſcunque eligere.

Notum ſit & hoc, quid ſervicii Dominus Burghardus ſtatuiſſet, Abbatem ejusdem Cenobii debere ſingulis annis Domino meo *Wezeloni*, & ejus Succęſſoribus, & Eccleſiæ ipſius; ſcilicet, ut ſemper in feſtivitæ S. Martini ſuper Altare ejus mittat Mitram Archi-Epiſcopalem, & duo Corporalia: ut nunquam cogatur Abbas in expeditionem ire, vel Curiam frequentare, aut ad colloquium curiale ex juſtitia venire, niſi forte Archi-epiſcopus ejus ſpirituali conſilio indigeat ad utilitatem Eccleſiæ. Qua neceſſitate cogente fraterne invitatus, debet ad Dominum ſuum cum paucis Monachis & ſervientibus inermis karitative venire, niſi forte triduum proprio ſervitio, & non diutius, niſi diligenter ab Archi-epiſcopo rogatus, & tunc alimentis ſibi & equis ſufficienter accepturus.

Hoc quoque ſtatutum eſſe recordamur, ſi forte Dominus Archi-epiſcopus ſemel vel bis in anno ad prædictum Cenobium cauſa fraternæ viſitationis, vel alia cauſa veniat, ut Abbas eum cum omni veneratione & ornatu, ſicut Dominum ſuum ſuſcipiat, & ſecundum facultates ſuas una ſola die, & non plus, ei ſervitium dare faciat.

Adhuc quoque ſtatutum eſſe intellegite, ut quicunque ſit Archi-epiſcopus, in eodem Cenobio ſemper Prebendam ita plene, ſicut Monachus unus habeat, quæ cottidie in reſectorio fratrum ſuper menſam principalem ponatur, & poſtea pauperibus in eleemoſynam ejus erogetur, & ut obitus & anniverſarius ejus cum Miſſarum ac Vigiliarum ſolempniis ibi diligenter ſemper celebretur.

Ad horum omnium confirmacionem, cum utrique, ſcilicet Dominus meus *Wezelo*, & Dux *Burghardus* omnia decreviſſent karta annotari, & kartulam ipſam ſigilli ipſius impreſſione inſigniri, priuſquam hoc factum eſſet, perſolvit ſæpe dictus Dominus meus, ad tumultum detrimenti & doloris noſtri, corporali diſſolutione debitum moriendi.

Cui cum ego indignus peccator, ad comparacionem ipſius nec etiam vermiculus nominandus, neſcio qua Divina diſpoſitione in Epifcopum ſucceſſiſſem, primum duas vineas, quas Dominus meus *Wezelo* illuc tradidit: unam ſcilicet in Rudenſheim, alteram in Lorchæ cum areis duabus ad eas pertinentibus, pro anima ejus & mea, ego quoque tradidi ad idem Cænobium Sto Nicolao in proprietatem, & Fratribus ad utilitatem. Deinde cum conſenſu & rogatu prædicti Domini *Burghardi* cartulam illam ſecundum prædicta ſtatuta præcepi diligenter componi.

Illud etiam ſecundum ſtatuta Domini *Wezelonis* addam ad confirmationem Privilegii, ut ſi ego, quod Deus prohibeat, vel aliquis Succęſſorum meorum, prænotatum juſ & leges ejusdem Cænobii ex aliqua parte velim infringere, vel de prædiis, & aliis rebus nunc illuc collatis, vel adhuc conferendis, aliquid inde auferre: Abbas cum fratribus ſuis primum caritative per principalem Præpoſitum, cæterosque Principes meos me ſtudeat avertere; quod ſi non proſit, ut deinde querimoniam faciat toti Conventui fratrum S. Martini, & ſi illud non proſit, ut poſtea faciat hoc idem privilegium recitari in audientia totius *Synodalis Concilii*, ubi ſi evidentia injuſtitiz per interventum circumſedentium fratrum, meam pertinaciam vel alicujus Succęſſorum meorum,

H h h h

non

non possit emollire, tunc demum auctoritate hujus kartulæ habeat licentiam eundi Romam ad Sedem Apostolicam, ut per ejus auctoritatem cogamur ab incepta injustitia desistere. Hujus sanctæ Sedis Legationi, si citissime non præbeamus assensum obediendi, nulla diutius utatur Abbas dilatione, quin, si velit, idem Cænobium sub prædicta justitia & legibus tradat Romanæ Ecclesiæ ad altare S. Petri, ad formulam hujus kartulæ aliam suscipiens ab Apostolica Sede.

Hæc omnia, ut multis innorescant, statutum est, ut semper subcustos Ecclesiæ Sti. Martini hanc kartam in duobus annuis Conciliis in audientia omnium circumfudentium & stantium legat. Pro hoc singulis annis in posteriori Concilio Bizantium ab Abbate & nuntiis ejus accipiat, & si ipse alterutra vice hoc negligat, nihil se ab eo accepturum sane cognoscat.

Et ut hoc succedentium posteritati melius notum fiat, & semper stabile &

inconvulsum permaneat, placuit nomina testium tam Clericorum quam laicorum, qui eidem constituto & pacto interfuerunt, annotari, kartulam ipsam nostri sigilli impressione signari. Hi sunt testes: *Adelmannus* Abbas Sti Albani. *Godeboldus* principalis Præpositus. *Embricho* Camerarius urbis Moguntinæ (a). *Arnoldus* Custos (b). *Anselmus* Præpositus S. Stephani. *Volcholdus* Decanus. *Joannes* Magister (Scholasticus) *Embricho* Cantor. *Eburoldus* Præpositus (ignotus) *Richardus* Præpositus S. Mariæ ad Gradus. *Deotmarus*. *Guntmarus*. *Godescalcus*. *Zeizolfus* (al. *Ceyzolfus*.) *Regezo*. LAICI: *Gerardus* Comes. *Wiggerus* Comes. *Rutgerus* de Hufun, & frater ejus *Heimicus*, & *Heimicus* de *Neuvenstatt*. *Borchard* de *Widstat*. *Heimicus* Comes. *Heimrich*. *Diether*. *Sifrid*. *Folmar*. *Embricho*. *Hartman*. *Wolfram*. *Marquart*. *Adelbrath*. *Walther*. *Arn*. *Anselm*.

Gudenus Codic. Diplomatic. Tomo I. N. XVI.

(a) Camerarius urbis Moguntinæ idem ac Præses judicii civici, perdurans sub Cameraarii titulo ad huc, *des Weltlichen Gerichts Cämmerer*.

(b) Custos Moguntinæ ædis, simulque Præpositus Erfurtenfis, quamobrem una cum Præposito sequenti, *Volcaldo* Decano ut ut Moguntinæ Majoris, præponitur.



Conventus Diæcesanus Moguntini Archiepiscopi, & Prælatorum Cleri & Procerum.

SUMMA. Quomodo terra inculta & montosa prope RUDESHEIM exculta fuerit, & redacta in statum vinearum?

Addendus Tomo III. pag. 407.

IN NOMINE SANCTE ET INDIVIDUE TRINITATIS.

SIFRIDUS, Moguntinus Archiepiscopus. Nostre speculationis exigit officium, ut Nobis commissa summa diligentia lucrifacere studeamus, ita ut in omnibus utiliora & meliora prospiciamus. Noverint itaque universi tam futuri, quam presentes Christi, nostrique fideles, quod pago nostro in *Rudensheim* & in *Ibingen* quedam terra inculta jacebat, que per omnia nostre jurisdictioni attinebat, quam populus noster Dei in dictis villis nostris renovare, & excolere ex nostra concessione querebat, super hoc habita deliberatione cum fide-

libus nostris, Clericis, & laicis satisfecimus petitioni populi nostri, & terram istam montosam & incultam eis concessimus, ut eam excolerent, & in usum vinearum redigerent. Jussimus ergo terram illam eis dividi, & quid inde, cum eam excoluissent, & fructiferam reddidissent, solvere deberent, jussimus distinguui.

Hac etiam in pactione posuimus, ut de manso, qui *Fischalmus* dicitur, annuatim septem Ame vini, & de singulis aliis mansis carrata vini, & de jugere, quod majorem fertilitatem haberet urna vini,

vinī, & de singulis aliis jugeribus, quæ minus valere dinoscerentur, dimidia urna daretur, & hæc omnia singulis annis *sub nomine & jure decime* solverentur.

Ut etiam eundem populum nostrum magis benivolum & promptum ad excolendam terram illam haberemus, indulgimus eis, ut in campo nulla in eos fieret angaria, sed postquam fructus suos collegissent, omnes simul, solverent Nobis, & Successoribus nostris annuatim de mansis & jugeribus, uti predictum est, sub nomine *Decime* quadraginta carratas vini pontici: ita tamen, ut intra se habita estimatione, quantum quisque de terra illa possideret, & ita summam illam nobis solvendam congererent, ut nullum contra jus gravare invenirentur. Et hæc omnia Scultetus noster ab eis reciperet; & nulli alii de prememorato jure nostro aliquid responderent.

Statuimus etiam, ut si quis hoc pro voluntate suaolvere negligeret, quod ab eo Archi-Episcopus compositionem

& satisfactionem exigere & accipere deberet, ita quod unius delictum in multitudinem non redundaret.

Ut autem hæc nostre pietatis concessio rata & inconvulsa omni permaneat evo, desiderante & petente populo hanc cartam conscribi, & impressione sigilli nostri insigniri precepimus, & banno confirmavimus.

Hujus rei Testes sunt:

Razo Prepositus. Hartwin Prepositus. Arnoldus Prepositus. Ruobrat Decanus. Folcolt. Gebhart. Gozechinus Magister. Burchard. Adelwin. Bertram. Adelo. Ruogger. Cuno. Ern Bret. Otto. Milo. Adelbun. Ruodolf Comes. Diedo. Ruobrat. Ruodeger. Johannes. Suiger. Dietbret. Milo.

Acta sunt hæc anno Dominice Incarnationis MLXXIV. Indict. XII. Regnante HEINRICO Quarto, Regni ejus anno XVIII.

De Gudenus Tomo I. Codicis Diplomatici.

WEZELONIS, Archi-Episcopi Moguntini,
Traditio de Bonis, quæ sunt apud Villam, quæ dicitur LORCHA,
inter annos 1084. & 1088. utpote Presulatum ipsius
concludentes.

Addenda Tom. III. pag. 201.

IN NOMINE SANCTE ET INDIVIDUE TRINITATIS.

EGO WEZELINUS, Moguntinus Gratia Dei Archi-Episcopus, notum esse volo tam futuris, quam presentibus Christi, & Ecclesie fidelibus, quod quidam Canonicus Sedis nostre, EMBRICO nomine, fratribus suis ejusdem Ecclesie Canonicis, quedam bona sua tradidit pro animabus parentum suorum, & pro remedio anime sue, ea videlicet ratione, ut in unoquoque mense (quod tunc a fratribus conlaudatum est) die Vigiliam & Missam pro eisdem parentibus suis, & omnibus fidelibus defunctis faciant, & ipsa die unusquisque eorum denarium pro carne, & panem, vel obulum pro pane & mensuram bonam optimi vini accipiat.

Facta est autem hæc traditio presentibus & probantibus sorore sua *Guoda*,
Tomus IV. Concil. German.

ejusque marito *Richolfo*, ceterisque heredibus suis ad Altare *S. Nicolai*, quod est in clauastro, per manum *Gerhardi*, Comitis nostri; quem Advocatum idem Embrico, me petente, accepit a Domino meo Imperatore *Heimrico*, hoc etiam interposito, ut prædicta *Guda* & maritus ejus, fraternitatem & locum sepulture, orationisque communionem cum fratribus habeant.

Hæc autem sunt bona, quæ tradita sunt: quinque mancipia, quæ non aliud jus, quam meliores servientes fratrum habeant, quorum nomina hæc sunt: *Godebolt*, *Ruobart*, *Bernbart*, & uxor ejus *Gisiburg*, & filia eorum *Frideryn*. Aree in Moguntia septem & dimidia. Tres mansi in Irseheim cum vineis suis, & omnibus pertinentiis, quo:

quorum unusquisque singulis annis decem solidos, quatuor capones in Festo S. Martini perfolvit. Mansus unus in Muomaenheim cum suis vinetis, qui item decem solidos & quatuor capones in Festivitate S. Andree perfolvit.

In villa autem, que dicitur Loricha domus bona cum omni suppellectile sua. Vinee bone, quarum quantitas & denominatio hec est: vinea Beceche in Geiderichedale, que habet mensuras virgas. . . in longitudine & . . in latitudine.

Item in vinea, que dicitur Bezelini, versus villam, XX. virgas in longitudine, & XXV. in latitudine, & quidquid in eadem vinea ante obitum fratris sui ad se venerat hereditario jure. Item in vinea, que dicitur Rubea, XII. virgas in longitudine & V. in latitudine. Item vinea, que dicitur Udelberti, que habet XV. virgas in longitudine, & VII. in latitudine. Item vinea in Ockenberge, que habet XII. virgas in longitudine & VIII. in latitudine. Item vinea in Bahendale, habens IX. virgas in longitudine & IV. in latitudine. Item in Wizelinesleva vinea habens XIII. virgas in longitudine & V. in latitudine.

Item in Hengeresgruben IV vinee. Præterea vinea quedam in Mannendal, quam idem *Embrico*, & coheredes sui jam dudum pro anima patris sui voverant. Hanc etiam item ipse, & soror sua per manum mariti sui legitima traditione pro prescriptis bonis addiderunt ea conditione, ut semper in anniversario patris eorum prescripta karitas illius mensis fratribus detur, & centum pauperibus Christi centum panes albi, centum alecia, & centum biberes vini tribuantur.

Habuit autem idem *Embrico* in prædicta villa *Lorecha* fiscalem mansum, cujus servicii jus a me suscepit in Beneficium. Hunc omnimodis, hereditatem scilicet, & Beneficium michi reddidit, rogans, ut ego illum prædictis bonis adderem, & sic partem commemorationis

haberem, & mea traditione cetera confirmarem.

Ego igitur particeps esse cupiens devotionis istius, tradidi fratribus eundem mansum in proprietatem, quem ipsi duobus supra traditis servientibus suis *Godeboldo* videlicet dimidium, qui dicitur: *der Razmannesbuben*, & *Bernbardo* dimidium, qui dicitur: *der Mogerlinesbuben* cum areis, vinetis, agris cultis & incultis in hereditatem dederunt, ea ratione, ut non alium censum, non aliud servitium inde debeant, nisi hoc tantum, ut semper ambo, vel mutatis vicibus alter eorum excotendis prescriptis vineis presint, ni forte, ut sæpe fit, negligentia, vel malicia male culta ad minorem redditum cogantur. Vini quoque inde collecti, & vasis infusi, octo karratas intra octavam S. Martini in sua navim impensa inferant, & suo labore *Moguntiam* ante portam, que dicitur, *Episcopi*, perferant. Si autem alter istorum absque legitimo herede, id est, qui ad fratres pertineat, mortuus fuerit, dimidium manium, quem ille habuit, in hereditatem accipiat *Ruothardus*, qui est unus de supradictis servientibus fratrum. Et ita semper mansus iste in hereditatem istorum maneat, nisi forte omnes absque heredibus mortui fuerint; tunc fratres alios duos fideles servientes in locum illorum provideant. Bona igitur hec nullus sibi in hereditatem vel officium aliqua ratione usurpet, sed quicumque proximus de consanguinitate ejusdem *Embriconis* in majori Ecclesia Canonicus fuerit, is alteri preponatur in hoc officio, quem ad hoc fideliores & prudentiores fratrum communis probaverit electio.

Ut autem hec traditio omni evolutabilis & inconvulsa permaneat, scriptam & in plenaria Synodo nostra recitam Banno nostro confirmavimus, & Sigilli nostri impressione insigniri præcepimus.

De Gudenus Cod. I. Diplomatici pag. 383.

ERFORDIÆ Conventus Archi-Episcopi

Moguntini, cum Suffraganeis, & variis Prælatiſ e Clero, in quo quotidiana Præbenda Canonicis S. Severi danda, auctoritate Præpoſiti S. Severi Erfordię determinatur.

Addendus Tomo III. ad pag. 279.

IN NOMINE SANCTE ET INDIVIDUE TRINITATIS.

Notum ſit omnibus tam futuri, quam præſentis temporis fidelibus, qualiter inter Canonicos Eccleſiæ Beati SEVERI, & Præpoſitum ADELBERO-NEM de danda cotidiana eorum Præbenda conveniri. Deſtructis poſſeſſionibus Eccleſiæ, frequentibus incendiis, & rapinis tempore Præpoſiti EMBRICHONIS, qui idem Embricho cotidianam eorum Præbendam adminiſtrare non poterat, particionem bonorum fieri elegit, unam ſub fratrū ditione, & deliberatione ad ipſorum uſus relinquens, & alteram ſibi retinens. Sed Præpoſitus ADELBERO poſt eum Subſtitutus hanc particionem recuſavit, & cotidianam Præbendam dare elegit.

Cotidiana vero Præbenda talis eſt, ſeptem panes Sigalini (a) in ſeptimana, Dominicis diebus album panem per annum, in jejuniis vero coridie. Et iſti panes tam albi, quam nigri ad convivia pertinentes, equales ſint panibus, qui dantur ad ſanctam Mariam, in magnitudine & albedine. Carnes vero hiemales & eſtivals equales ſint carnibus, que dantur ad S. Mariam. In ſecunda feria dimidius caſeus & tria ova, ſimiliter in quarta & ſexta feria. Cereviſia equalis ſit cereviſie, que datur ad S. Mariam. In

Feſto S. Martini inter gallos & gallinas duodecim unicuique.

In jejuniis unicuique Becharium (b) unum de piſis ad duos dies, & coridie Allecia (c) & quinque ratices. De Porro (d) quoque, quantum vir unus ambabus manibus poteſt comprehendere.

Hæc autem ſunt convivia. *Primum* in Feſto S. Severi. *II.* in Feſto omnium Sanctorum. *III.* in Nativitate S. Martini. *IV.* *V.* & *VI.* in Natali Domini. *VII.* in Circumciſione. *VIII.* in Epiphania. *IX.* in Natali S. Severi. *X.* in Purificatione S. Mariæ. *XI.* in Quinquageſima. In ſecunda feria unum caſeum, & *X.* ova unicuique, ſimiliter & in tertia feria. *XII.* convivium in die Palmarum. *XIII.* in Cæna Domini, præter mandatum (e). *XIV.* *XV.* & *XVI.* in Paſcha. *XVII.* in Aſcenſione. *XVIII.* *XIX.* & *XX.* in Pentecoſten. *XXI.* in Natali S. Johannis Baptiſte. *XXII.* in Dedicatione Monafterii. *XXIII.* in Feſto Apoſtolorum Petri & Pauli. *XXIV.* in Aſſumptione S. Mariæ. *XXV.* in Natali ejus. *XXVI.* in die S. Michaelis.

In unoquoque autem convivio *IV.* fercula. *Primum* Salfamentum (f). *II.* H h h h 3 Pul.

- (a) *Sicalum, Sigala, Sigale*: vox trifaria apud *Du Fresne Tom. 6. edit. Pariſ. pag. 482.* unaquælibet panibus noſtris accommoda. Uti 1) *Sicalum*: frumentum, ordeum, ſpelta, avena, ſiligo, faba, cicere. Eſſent igitur panes de farina ex frugum genere vario compoſiti. 2) *Sigala*: *Chron. Novalic.* Non ſunt nobis amplius præter quinque modia ſigalæ, & tria ſextaria tritici. 3) *Sigale*: in vita *Aldrici.* Debentur inde de poſſione inter frumentum & ſigale modii XXXIV. Quæ ultima denotatio præ cæteris videtur aptior, quod accedant ad nigredinem, qui ſequitur, litteræ contextus, ſatis indicat.
- (b) *Becharium*: Inſtrumentum ad formam calicis. Germanice: *Becher*, ſpecies menſuræ liquidorum.
- (c) *Allecia*: in ſingulari *Allec*, pro *Halec*, Piſciculus ad ſalfamenta idoneus. *Du Fresne Tom. I. pag. 303.* (Haleccs)
- (d) *Porram*: Allium.
- (e) *Mandatum*: Ablutio pedum, quæ fit in Cæna Domini; cum ſcilicet Chorus cantat illud Chriſti: *Mandatum novum do vobis*, ubi cruſtuli (Oblaten) cum vino diſtribui ſolent, non modo præſentibus ex officio Clericis, ſed & ſpectatoribus laicis; in parvulos hinc inde amygdalæ & id genus bellaria ſparguntur.
- (f) *Salfamentum*: vox, tam ſalfam carnem, quam piſcem admittens.

Pulmentum (g), ita ut in duas capetas (b) dividatur gallina. III. due carnes calide, cum porro & lucanici. IV. Assatura, & de cerevisia bona ad hec convivia, quantum fratres voluerint. In die S. Walburgis duo Camisalia (i) unicuique, aut VII solidos pro illis. In Festo S. Marie unicuique Phaltnam (k) unam, quæ valeat XXX. denarios, & in fine illius duos denarios alligatos (l) & duo tunicalia (m), que inter fratres circum-eant, quorum utrumque valeat III. solidos. In Festo S. Michaelis unicuique II. pelles ovinas ad calceos. In Festo S. Martini II. foccos de cotto. (n). In Festo S. Thome duo plaustra lignorum.

Hujus cyrographi series definita est, precipiente, & confirmante eam Venerabili Moguntine Ecclesie Archi-Episcopo, & Apostolice Sedis Legato ADELBER-

TO presentibus & consulentibus Episcopis, Domino BRUNONE Spirensi (o) & Domino Buccone Wormariensi. Preposito quoque S. Marie Embrichone, aliisque illius Ecclesie Canonicis: Decano Dirolto, Scholastico Arnolde, Cantore Erwino, Archi-Presbytero Gelberno, Adelgero, Hiliterico, Theoderico, Walterico, Adelgero.

Quod pene pretermisum fuit, de vino sic convenimus, ut Prepositus suis & sumptibus, & cultoribus vineam excoleret, & dimidietatem fratribus daret.

Data in Erpesfort. VII. Kal. Octobr. Anno incarnationis Dominice MCXXI. Indiæ. XIV.

(Impressum juxta cernitur Adelberti Archi-Episcopi Sigillum)

- (g) *Pulmentum*: vox veteribus cognita, sed sequiori ætate maxime in regulis Monasticis usurpata, ubi pro quovis obsonio accipitur. *Du Fr. Tom. 5. pag. 971.* Pulmentum dabimus salsum, assum, vel coctum; - Olus, cerebrum, piscem tenerum &c. Pulmentum vero ex mediæ qualitatis materia, ut ova, pultes, olera; quibus in mensam allatus est gallus, quod videlicet pulmentum unus illorum arrepto cultello, ut mos est, in frusta dissecuit.
- (b) *Capetas*: in duas æquales partes gallinam dividi vult, utramque in Capeta, five Scutella apponendam. - Providebit Cellerarius (in Refectorio) Scutellas, Scyphos & Capetas. *Du Fr. Tom. 2. pag. 238.* subdens, Capeta videri idem ac *Capis*: quod aliquin connexitatem cum re gallinaria habeat, patet ex analysi pag. 244. ad d. vocabulum *Capis*: Accipiunt ova Gallinarum & rumpunt ea, & in cacia, vel capice lignea, aut ferrea, quæ tamen sit stagnata, ponunt ea, sed in rumpendo ovo, remonent summam partem testæ ovi. Nec errare putaverim: Capetam fuisse scutellam, ferculo ex gallinis unice destinatam.
- (i) *Camisalia*: Camisale, interula, interior tunica, *hoc est*, Supparum, quod vulgo dicitur Camisia. Et *Isidorus*: Camisias vocamus, quod in his dormimus in *camis*, *id est*, in stratis nostris.
- (k) *Phaltna*, five *Cappa tunicata*: respectu mulierum *Faile* vocatur, vestimentum scilicet, quo caput & totum corpus vice pallii operiunt.
- (l) *Denarios alligatos*: hos cum in Glossariis quæserim frustra, sic interpretari licet de modico pecuniæ, seu denariis, qui in Phaltnam, & in finem illius, subintellecto inferne, five in phaltnæ Sutura (secundum mirabiles veterum mores) alligari poterant, & ex obsoleta isthac consuetudine derivari reor, quod etiamnum *Bambergæ* Canonicis ac Vicariis summæ ædis cuilibet *binis* distribuuntur denarii, involuti linteo, filoque confuti, quos proin denarios illigatos non absone dixeris, in iisque memoriam veterum illorum alligatorum, conservatam.
- (m) *Tunicalia*: Clericorum vestis propria, variæ significationis.
- (n) *Soccos de Cotto* (non de corio) Soccus five calceus, ea figura, ut distringat talem. *Item*: Socci non ligantur, sed tantum intromittuntur. Cottom, *alias*: culcitram indigat. *Rursus*: Cottom, vel Coopertorium de grossis ovium pellibus, & panno grosso coopertum. *Du Fr. Tom. 2. pag. 1131.* Ut dicam, quod est, calceamentum hyemale.
- (o) *Brunone Spirensi*: fuit is Adelberti Moguntini Frater. *Notæ hæ sunt Clmni de Gudenus.*

Ex Tomo I. Codicis Diplomatici de Gudenus.

SYNODUS MOGUNTINA

ANNO CHRISTI MCCXXVII.

SIGEFRIIDI Pronuntiatio super bonis Ecclesiarum Advocatiis.

Addenda Tom. III. pag. 526.

IN NOMINE PATRIS, ET FILII, ET SPIRITUS SANCTI. AMEN.

SIFRIDUS, DEI GRATIA, SANCTE MOGUNTINE SEDIS ARCHIEPISCOPUS.

Requiritum est a Nobis in Synodo Maguntina per sententiam generalem, si Advocatus alicujus Ecclesie bona, in quibus ipse jus obtinet Advocacie, jure possit hereditario possidere? Nos igitur universorum, qui ad Sanctam Synodum convenerant, freti consilio sententionando dicimus, quod nullus laicorum in bonis Ecclesiasticis jus hereditarium poterit obtinere, in quibus ipse

ejusdem Ecclesie extiterit Advocatus. Sententiam igitur coram Nobis in Synodo Maguntina latam, & ab omnibus approbatam, per Archi-Episcopatum nostrum precipimus inviolabiliter observari.

Datum anno Dominice Incarnationis MCCXXVII. Pontificatus vero nostri anno XXVI.

De Gudenus Cod. I. Diplom. pag. 493. N. CXG.

CONVENTUS APUD NORTHUSEN

ANNO CHRISTI MCCXXXIX.

SUMMA. Tractatus sollemnis inter Duce[m Brunsvicensem OTTONEM, & Archi-Episcopum SIFRIDUM.

Add. Tom. III. pag. 562.

DEI GRATIA OTTO DE BRUNSWIC DUX.

Hec est forma compositionis & Unionis, qua cum Venerabili Domino SIFRIDO Archi-Episcopo Maguntinensi in concordiam ducti sumus.

Recepit siquidem Nos Archi-Episcopus in Devotum suum & filium adoptivum, & porrexit Feoda illa Nobis & heredibus nostris, que Avus noster HENRICUS Dux Saxonie bone memorie tenuit ab Ecclesia Maguntina, collationem suam in pagina sua, protestans, de his Nobis, & heredibus nostris sicut de jure, & ubicunque debet, Warrantiam prestiturus.

Bonorum autem illorum suorum, que Urbore vulgariter nominantur, & libere sibi vacant; & maxime bonorum Advocatarum in Heiligenbat, Geismare, & Northene Advocatarum jura sibi libera remanebunt. Item promissit Nobis ad stare in justa causa nostra contra omnes, preter quam contra Imperium & Archi-

Episcopum Coloniensem, ac preter illos, quos salvo honore suo non poteris impugnare.

Unde Nos donationem Ecclesiarum in Homburg & Bursfelde cum proventibus & pertinentiis earumdem, infeodatis sive liberis; decem quoque Ministerialium nostrorum, quos inter mares & feminas inter Renum & Wiseram eligendos duxerit: illam inquam donationem sibi & Ecclesie Maguntinensi olim anno gratie MCCXXXIII. factam a Nobis, nostra pagina renovamus, & quod fecerimus legitime, protestamur. Renuntiavimus etiam Advocatie in Geismare, quam de jure debuissimus habuisse.

Sed & vicissitudine digna promissimus ei & Ecclesie Maguntine in justis causis

causis suis assistere, & servire contra omnes, Imperio tamen excepto, & eis quos honore nostro salvo, nec debemus, nec possumus impugnare. Si vero de aliquo nostro homine, qui est juris & potestatis nostre, querimoniam Nobis moverit Archi Episcopus, Nos eundem infra sex septimanas post querimoniam Nobis factam, offerimus ei vel ad satisfactionem, vel secundum gratiam, aut iustitiam responsurum. Quod si facere non poterimus, erimus Adjutores ejus contra illum turbatorem suum, donec satisfecerit habundanter, in gratia vel in jure. Hec autem confederatio inter Nos inita & firmata durabit inviolabiliter decem annis.

Ut autem omnia hæc, sicut ordinata provide sunt, & gesta per viros providos & fideles, semper maneant inconvulsa, ea pagina nostra præsentis, sigillo nostro munita, duximus roboranda cum eorum testimonio, quorum nomina sunt subscripta.

Venerabilis C. *Hildensemensis* Episcopi. G. de Jaza. H. de Heiligenstat, & R. Sancti Cyriaci in Brunswic.

Prepositorum, & Magistri M. Scolastici Hildensemensis.

Laicorum vero :

Heinrici de Stalberg, Comit. *Friderici* de Honstein, Comit. & *Godefridi* de Cigenhagen, Comit. *Hermani* Advocati de Cygemberg. *Hermani* de Uslaria. *Ernesti* de Uslaria. *Godefridi* Mariscalci de Biegen. *Heinrici* Pincerne de Appolde. *Heidenrici* Vicedni de Rusteberg. *Bernardi* de Dorst. *Jordani* Dapiferi. *Willerini* Mariscalci. *Fusarii* Pincerne. *Annonis* de Heimburg. & aliorum quamplurium.

Acta hæc sunt apud Northusen Anno gratie M. CC. XXXIX. Datum apud Heiligenstat XVI. Kal. Julii.

† Sigillum OTTONIS Ducis de Brunswic. in forma magna Leonem exhibens.

De Gudenus Cod. I. Diplom. pag. 552.

CONCILIIUM PROVINCIALE MOGUNTINUM

ANNO CHRISTI MCCXLIII. VII. Kal. Julii,

Addendum Tomo III. pag. 569.

Deciditur Controversia de Proedria Suffraganeorum Eystetenfis Ecclesiæ, contra Hildensemensem, Paderbornensem, & Wormatiensem, ejusdem Ecclesiæ Suffraganeos.

Est impressum Tom. III. pag. 569. omissa hac Præfatione, ex Clmo Gudenus suppleta.

Scire debent universi, quod Beati Bonifacii egregii Confessoris Xpi, & Patroni Sanctæ Ecclesiæ Moguntinæ, tempore eo, quo eandem Ecclesiam regabat, B. Willibaldum Confessorem Xpi, cujus Avunculus erat, & quem tenerime diligebat, Eysterenfî Ecclesiæ Pastorem præfecit. Quæ Ecclesia, cum esset satis honeste per Beatum Willibaldum cooperante sibi Sancto Bonifacio gloriose fundata, & dotata, & nomen Principatus gloriose poterat, tum in rebus, tum in honore obtinere; B. Bonitacius ob dilectionem S. Willibaldi Eysterenfem Ecclesiam magnam volens sublimare, & honorem ejus augmentare, cum ipsam

præ cæteris ecclesiis, quæ ejus Metropoli suberant, diligeret; de consilio suorum Suffraganeorum, & accedente sui Capituli consensu, de conscientia, & omnium Ecclesiæ Moguntinæ Ministerialium & Vassallorum iudicio ad hoc Concilio in eadem Ecclesia, de Domini Papæ tunc temporis consilio, conscientia & permissione, Beatum Willebaldum, & ecclesiam suam Eysterenfem, & omnes ejus in dicta Ecclesia successores Episcopos, præ omnibus suis Suffraganeis, & eorum Ecclesiis primum post se, in honore, in Sessione, & ejus ecclesiam in perpetuum fore, pronuntiavit:

Et Ecclesia Moguntina Pastore vacante,

cante, vel Episcopo in Provincia non existente, vel eadem Ecclesia in discordia manente, quod Sanctus Willibaldus, & ejus Successores in omnibus, medio Tempore, donec Ecclesiæ & ejus Episcopi status reformaretur in melius, dictam Ecclesiam nominibus regere deberet imposterum, & gubernare. Quæ

ordinatio per Papam tunc temporis est confirmata, & privilegiata, & in Ecclesia Moguntina in antiquis libris illius Ecclesiæ est conscripta. In quo vero jure & honore, Ecclesia Eystetenfis & ejus Episcopi; ab illis temporibus, quo ordinatio facta est talis, & erat, sine omni quievit contradictione. *Cætera l. cit.*

CONCILIIUM MOGUNTINUM

ANNO CHRISTI MCCLXI.

*Sententia Excommunicationis adversus SOPHIAM Brabantinam,
& Filium ejus, HENRICUM.*

Adde Tom. III. pag. 596.

IN NOMINE DOMINI. AMEN.

NOS WERNHERUS, DEI GRATIA, ARCHI-EPISCOPUS
MOGUNTINUS.

Quia nobilis mulier Domina *Sophia*, nata *Elizabeta*; relicta quondam Ducis Brabantie, & natus ejus, qui se nominat *Landgravium Thuringorum* nostre Diocesis terras, possessiones, villas, jurisdictiones, & munitiones, que temporibus pie memorie Patris nostri, Domini SIFRIDI Archiepiscopi Moguntini, tertii Predecessoris nostri, ceperunt Ecclesie nostre vacare per mortem quondam *Heinrici*, *Landgravi Thuringorum*; in Romanorum Regem electi, eo quod Rex ipse decessit absque herede, de jure capaci feudorum suorum, detinent injuriose: & per singulos Predecessores nostros, ac etiam per nosmetipsos moniti habundanter & sepe, quinimo propter hoc per D. GERHARDUM, Archiepiscopum Ecclesie Maguntine, tandem excommunicati & interdicti, sicut notum est, & nulla potest tergiversatione celari, non curant ipsi Ecclesie nostre restituere, & satisfacere de dampnis & injuriis irrogatis; auctoritate ordinaria in scriptis excommunicamus eam, & ipsum natum suum, & omnes auxiliatores eorum. Singula quoque loca,

in quibus de jure, vel facto jurisdictionem exercent, Ecclesiastico subicimus interdicto, precipientes ipsas excommunicationis & interdicti sententias usque ad satisfactionem condignam ab omnibus inviolabiliter observari.

Actum in Concilio Maguntino, Anno Domini M.CC.LXI. feria quarta post octavam Pasche.

Nos Eberhardus, D. G. Wormatiensis, Heinricus, Spirensis, Waltherus, Argentinenfis, & Iringus, Herbipolensis, Episcopi, Suffraganei Ecclesie Maguntine testamur, quod Reverendus Pater & Dominus noster, Dominus Wernherus Archiepiscopus Maguntinus, presentibus Nobis & Prelatis plurimis in Concilio Maguntino, auctoritate Sedis Apostolice contra Tartaros specialiter convocato, suprascriptas excommunicationis & interdicti sententias protulit, viva voce & in scriptis.

*De Gudenus Codice I. Diplomatico
No. CCIC. pag. 680.*

DIGRESSIO AD SÆCULUM XIV.

- §. I. *Canonistæ Germani hujus Sæculi.*
- §. II. *De Fratricellis & erroribus circa paupertatem Christi male intellectam ortis.*
- §. III. *De Begginis & Begardis.*
- §. IV. *De Pseudo-Episcopis Livonia.*
- §. V. *De secta Flagellatorum.*
- §. VI. *De hæresi Lollardorum.*
- §. VII. *De erroribus Echardi.*
- §. VIII. *De instituto Feste Lanceæ & Clavorum ab Innocentio VI.*
- §. IX. *De duabus Bullis Clementis V. contra Henricum VII. nondum revocatis.*
- §. X. *De duplici gladio ante Bonifacium VIII. a magnis Canonistis & Civilistis usurpato.*

§. I. De Canonistis Germanis Sæculi XIV. ab anno MCCC. ad MCCCC.

ET si Authores, qui materiam Juris civilis vel Canonici hoc Sæculo tractarunt, sub hoc nomine non citentur, sed sub nomine Historiographorum, Moralistarum, Glossatorum Gratiani, Summulistarum peccatorum, Confessariorum; reapse tamen tractant materiam juris Canonici propriam, maxime circa discrimen potestatis Imperialis & Pontificiæ, jurisdictionis Episcopalis & Parochialis supra mendicantes & regulares Ordines. Sit ergo

Ims. ENGELBERTUS, Abbas Admontensis Monasterii, Ord. S. Bened. in Stiria, exeunte Sæculo XIII. & hoc nascente florens, testibus Trithemio, Possævino, & Pertzio: inter varii generis libros, ab ipso editos, ad nostrum forum spectant:

1. *Tractatus de initio, progressu, & fine Imperii Romani.*
2. *Poema Epicum in laudem Rodulphi Imperatoris.*
3. *Institutio Principis Christiani.*

Idus. HENRICUS STERO, Monachus Althensis, Ord. S. Benedicti:

Scriptit *Annales a primo anno Friderici Barbarossæ, seu 1152. ad electionis Rodulphi I. annum 1273. deinde: Historiam Rodulphi Habsburgici, Adolphi Nassovici, Alberti Austriaci ad annum 1305, continuatam a duobus Monachis.*

Illius. EBERHARDUS, ex eodem Monasterio Althensi, Archi-Diaconus Ratisponensis.

Continuavit *Annales Steronis.*

IVtus. SIGEFRIIDUS, Misnenfis, ex Ordine FF. Prædicatorum: scripsit *Chronicon ad ann. 1307. exorsus ab orbe condito.* edidit Pistorius.

Vtus. PETRUS de Saxonia, Ord. Minorum, in sacris Scripturis eruditus, in Jure Canonico nobiliter versatus, circa ann. 1319. floruit, teste Eysengreinio. edita ab hoc fuit:

Summa Casuum: opus insigne & utile Confessoribus, ait Trithemius de Script. Eccles. Wadingus Script. Ord. Minorum.

VItus. SIBERTUS DE BEKA, Teutonicus Geldriensis, Ord. Carmelit. Scripsit præter alia

- L. 1. *De Censuris novi juris.*
2. *Super Regulam Ordinis Carmelit.* Lucius Biblioth. Carmelit.

VIIms. JOANNES, natus Friburgi in Brisgoia, Dioc. Basileæ, Ord. Prædicat. Concionator tantæ famæ, ut ipso Bononiæ contra usuras prædicante, populus omnes usurarios ex urbe ejecerit. Obiit An. 1314. VI. Idus Martias, postquam resignato Episcopatu Osmæ in Hungaria, rediit ad Contum suum. Scripsit

1. *Registrum, sive Tabulam Alphabeticam tam super textum summa Raymundi de Pennafort, quam super Apparatum Guillelmi Redonensis, ex eodem Ord. Prædicatorum.*
2. *Questiones casuales, tam super casus contentos in summa Raymundi, quam non, vel minus plene contentos: deinde super aliis materiis excerptos & dispositos tum Alberti Magni Ratisponensis Episcopi, tum S. Thomæ, tum Innocentii V., sive Petri de Tarentasia, demum ex F. Ulrico, & summa Gofridi, & ex summa D. Ebrudunensis.*
3. *Summam Confessorum.*
4. *Manuale collectum de summa Confessorum.*
5. *Confessionale.* ex hoc curioso opusculo lege ritum faciendæ confessionis fidei-lum Sæculo XIV. nam

imo: Sacerdos & penitens simul genuflexo orabant.

2do. Excommunicationis dabatur absolutio.

3tio. Penitens sedens ad latus Sacerdotis confitebatur peccata.

4to. Sacerdos gemissexo penitenti penitentiam imponebat juxta Canones, qui in fine operis adscripti exhibentur.

5to. Absolutio conferebatur.

VIIIus. GUILLELMUS OCCHAMUS, ex Ordine Minorum, Anglus (alii Hibernus) Scoti discipulus, post acerrimus impugnator: Scholam inchoavit, vel maxime stabilivit Nominalium. Vir quidem acris ingenii, sed minime sobrii: plus enim volebat sapere, quam oportebat, nec timuit in Cælum os suum ponere, & dignitatem deprimere Pontificiam, nimiumque extollere Imperatoriam Majestatem insipienti zelo, & nimis ardenti, defendere volens Franciscanæ paupertatis excellentiam. Timens incidere in manus Joannis XXII, Minorum sententiæ valde contrarii, fugit cum Michael Cæsarate ad Ludovicum Bavarum Imperatorem, scripsitque nimis intemperanter contra Joannem XXII. Unde plura ejus opera in indicem prohibitorum a Sede Apostolica relata leguntur. Dicunt eundem Imperatori dixisse: Tuere me gladio, ego te calamo tuebor. Obiit Monachii an. 1347.

Huc spectant ejusdem Opera, præter alia:

De potestate Pontificum & Imperatorum.

L. I.

Defensorium suum. L. I.

Errorum Papæ Joanni XXII. attributorum. L. I.

Compendium eorum errorum.

Dialogus Militis & Clerici: Quæ confixa & in prohibitorum numerum relata Goldastus, tum Calvinus assecla, recudit omnia.

Hæc ex Wadingo breviter adnotavimus.

Libri cæteri de Philosophia, Theologia, & Concionibus impune leguntur. Eos recenset Wadingus inter Scriptores Ord. Minorum.

Contra hunc Occamum & Marsilium Patavinum, ex Ordine Minorum, heterodoxos Ludovici Bavari defensores, scripsit Apologiam pro Papa Joanne XXII.

Alvarus Pelagius ex eodem Ordine, Seraphico Hispanus, insignis & eruditissimus opus

De planctu Ecclesiæ, in quo Ecclesiasticorum, & omnium Republicæ Christianæ Statum defectus clarissimo Ordine reprehendit, adjunctis ferme ad singula verba utriusque juris, & sacre Scripturæ locis.

Wadingus Scriptor. Ord. Minorum.

Tomus IV. Concil. German.

IXus. JOANNES SCHADLAND, natione Germanus, Conventus Colonienfis Ord. Prædicatorum Alumnus, ibidem Theologiæ laurea donatus. Fuit Legatus Pontificis, & hæreticæ pravitatis Inquisitor: ab Innocentio VI. anno 1359. creatus Episcopus Culmenfis in Prussia regali sub metropoli Polonica Gnesnensi. Verum postquam Equitum Livoniæ armis Prussia subiecta fuit, Culma a Metropolitâ Gnesnensi transiit ad Metropolim Rigensem Suffraganeâ, eodem Sæculo XIV. Administrata aliquot annis hac Ecclesiâ, translatus fuit ad Hildesensem ab eodem Pontifice anno 1364, quam non plus biennio administravit; Brunsvicensem Ducum incurfionibus divexatus, eam sedem, cum nec sibi tranquillam, nec gregi utilem, nec literarum studiis idoneam adverteret, ultro dimisit, & Avenionem ad Summum Pontificem abiit, quo tempore vacantem Wormatiensem ecclesiâ ab Urbano V. Pontifice hæctus est regundam, numero LVI. Episcopus Wormatiensis. Confosso sagitta paulo post, & occiso Walthero Episcopo Augustano, a Pontifice & hanc Ecclesiâ administrandam obtinuit anno 1369. verum Augustam eodem anno appulsus, excitatis inter Senatum, Clerum & populum dissidiis gravissimis, parum ibidem substitit, Wormatiæque concessit: ubi cum & in eum adhuc excitati tumultus essent, anno 1372. Augustanam sponte dimisit Ecclesiâ, Wormatiensi reitæta, quam etiam non multo post quieris amans, & studiorum avidus, dimisit, Confluentiamque secessit, ibique obiit anno 1372. Calendis Aprilis.

Scripsit librum sub titulo *Culmenfis:*

De potestate & officio Cardinalium.

Rursum sub alio titulo: *De quatuor virtutibus Cardinalibus.*

Librum: *De statu & potestate Episcoporum,* hæctenus nondum detectum.

Echard. Quetif. Bibliotheca Scriptor. Ord. Prædicat.

Xmus. MARSILIUS MENANDRINUS de Padua: (Italus, non Germanus) Anno 1312. Viennensis Universitatis Rector fuit, teste *Diplomate* apud *Lambecium T. II. pag. 257.* Monachii in Bavaria mortuus circa an. 1347. Cum a Joanne XXII. ob varios errores damnatus esset, & graviora metueret, transfugit ad Ludovicum Bavarum Augustum, quem ab Joanne XXII. dissidere sciebat, pro cujus Imperiali potestate defendenda, incidit in charybdin, oppositam Scyllæ, & omnem jurisdictionem, omnem Hierarchiam, omnem Primatum, Ecclesiæ, Papæ, & Episcopis abrogavit, corrasit falsis & ridiculis interpretationibus multorum sacre Scripturæ, & Juris Canonici textuum.

Lutherus sub nomine *Licentii Evangelii*, aut Lutheri rogatu Beatus Rhenanus Selestadensis curavit opus præcipuum Marfilii imprimi anno 1522. hoc titulo:

Defensor Pacis tribus dictionibus, seu partibus distinctus, ad Ludovicum Bavarum scriptus circa A. MCCCXXIV. in Fol.

Recusus in 8vo Francofurti An. 1592. a Francisco Gomanbrugenſi.

Recusus iterum a Goldasto in Folio in Monarchia Imperii A. 1612.

Alia Marfilii Menandrini opera:

De Translatione Imperii a Græcis ad Francos, a Francis ad Germanos, & de institutione Electorum.

Consultatio de divortio Joannis Filii Regis Bohemæ a Margaritha Ducissa Carinthiæ. In quo Tractatu conatur stabilire jus Principum in Matrimonium. Et hic Tractatus a Joanne XXII. prohibetur.

Utrum Marfilius Patavinus, & Joannes de Janduno ante mortem revocarint suos errores, nescio. Michael de Cæsena, & alii fratres ejus, Monachii residentes, devoti olim Ludovico Bavaro, ablegarunt ad Capitulum Generale Ordinis Minorum an. 1348. Veronæ, pro exoranda absolutione a Censuris. Guillelmus Occam, unus e præcipuis Ludovici defensoribus, qui & Generalis Ordinis fuerat, misit ad Generalem Ordinis Sigillum, quod hæcenus apud se servarat, & simul libellum supplicem ad Papam pro se & fratribus penitentibus. Papa, Brevi ad Generalem Ordinis scripto, eidem committit facultatem absolvendi ab Censuris præscripta formula, qua abjurarent errores, hæcenus pertinaciter propugnatos. Bulla Papalis data est 8. Junii A. 1349. At Michael Cæsenas jam Monachii mortuus erat anno 1343. 29. 9bris.

Vide *Wadingi Annales Minorum ad h. a.*

Contra Marfilium Patavinum, extat Bulla anni 1327. citatoria ejusdem & damnatoria errorum, uti & Joannis Janduni, vel de Janduno: errores hi enumerantur a Pontifice, ipsisque, ut hæresiarchis, cum penis infligi solitis in hæreticos, attribuuntur, data Avenione X. Kal. Novembris, anno Pontificatus Joannæ XII.

Bullæ ejusdem meminit ex Italis Joannes Turrecremata, ex Hispanis Alvarus Pelagius, ex Germanis Albertus Pigieus, Doctor Colonienſis, Præpositus Ultrajectensis, qui pleno volumine Marfilii errores confutavit & debellavit. Bullam eandem regedit Dumont Tom. I. pag. 11. *Corporis Diplomati. & Lunig Spicil. Eccles. Tom. I. N. 363.*

Anno 1328. attentata fuit Papæ Joannis XXII. condemnatio per Ludovicum Augu-

stum hortatoribus Marfilio & Janduno, quorum affectos Pontifici errores recitat, & refutat Raynaldus ad annum 1328. a No. 12. ad 15.

Anno 1328. sacra Ascensionis die 5. Maji Ludovicus Augustus aliud inauditum facinus attentat: Petrum de Corbaria, ex fratribus Minoribus; Antipapam eligit, creat, coronat: creantur pseudo-Cardinales. An. 1336. ipse Ludovicus Augustus literas cum Legatis misit ad Papam Benedictum XII., per quos reconciliari desiderat Ecclesiæ: præterita detestatur: erroribus Marfilii & Janduni ab Ecclesia damnatorum renuntiat.

Refert has Literas ad h. ann. Raynaldus expansas.

XI. LUDOLPHUS DE BABENBERG, Juris Ecclesiastici & Civilis callentissimus, Joannis Andreæ Bononiensis discipulus, magno Procerum consensu eligitur Episcopus Bambergensis xxvii, anno 1352. ab Innocentio VI. Avenione confirmatus & consecratus: eximia cum laude prudentiæ & sobrietatis Diocesin gubernavit: in Moguntino Conventu Episcoporum, & Procerum anni 1353. luxum vestium in Clericis damnavit. Anno 1363. morbi dolore confectus mortem obiit, ob virtutis & doctrinæ famam Cæsari, Imperio, & omnibus gratissimus. Scripsit.

1. *Tractatum de jure Regni & Imperii Romanorum*, Balduino Archi-episc. Trevirensi inscriptum: quem librum ad fidem antiquorum codicum integritati suæ restitutum, cum *notis Marquardi Freberi* edendum curavit Matthias Berniggerus Argentorati MDCLXIV. in 4to.

In eo libro masculæ tuetur Jus Augustum & Regium citra calumnias in Papam, aut detrahenda jura Sedis Apostolicæ: præclare omnia probat ex Historicis, ex corpore Juris Canonici & Cæsarei.

2. *Tractatum de Veterum Germania Principum & Regum liberalitate erga Ecclesiam*; Dicitum Rudolpho, Saxoniae Duci. Cl. Ludewig ex *Annalibus Bambergensibus Hoffmanni*.

XII. PETRUS DE PALUDE, Burgundio, Ord. Prædicatorum, perillustri gente satus, in Orientem profectus fidei propagandæ causâ, redux fuit nominatus Patriarcha Hierosolymitanus. Mortuus Parisiis ultima Januarii an. 1341. Præter Theologica scripsit ex Jure Canonico:

1. *Tractatum de causa immediata Potestatis Ecclesiasticæ*: in quo agit de potestate S. Petri & Apostolis attributa: de ea, quæ Papæ, Episcopis, & Curatis presbyteris competit.

2. *Tra*

2. *Tractatum de paupertate Christi & Apostolorum.* Contra Michaelē de Celsana MS.

XIIIus. JORDANUS Saxo de Quedelimburch, ex Ordine Eremitarum S. Augustini, mortuus circa A. 1380. *Dupinius* in Bibliotheca nova Autorum Ecclesiasticorum eidem a quibusdam attribui dicit

Chronica translati Imperii Romanorum in Germanos, impressam Basileæ anno 1559.

XIVtus. GERARDUS MAGNUS, (Germanice *De Groote*) Daventriæ natus A. 1340, absolutis in Sorbona Parisina studiis, Ultrajecti Canonicus, & Aquisgrani Præpositus fuit: Beneficiis his abdicatis, Fratres vitæ communis, seu bonæ voluntatis Daventriæ in Patria instituit, scholas latinas juventuti aperuit, verbi Divini præco. zelosissimus. Obiit A. 1384. 20. Augusti: dignus, cujus vitam scriberet Venerandus Thomas de Kempis, ejusdem olim Alumnus. Scriptis permultos libros, quos *Mineus* in Bibliotheca Belgica recenset. Ex iis huc spectant:

De contractibus & usuris.

De locutione curæ Pastoris.

Tractatus de paupertate.

Epistola de sobriestate ad Cantorem Parisiensem.

Tractatus de Beneficiis Curatis.

De regimine Monialium.

De gradibus Ecclesiasticorum.

Cætera ascetica, vel pro concionibus.

XVtus. RADULPHUS DE RIVO, Tungrensis ecclesiæ Decanus, Theologiæ, Juris sacri, & humaniorum literarum notitia penitior illuſtris, scriptis præter alia:

1. *De Canonum observantia*, sæpe recusum librum Coloniae, Parisiis, Lugduni in Bibliothecis Pr.

2. *De Psalterio observando.*

3. *Kalendarium Ecclesiasticum.*

Obiit anno 1403. IV. Non. Novembris. *Foppens* in Bibliotheca Belgica.

XVtus. BERTAMUS, ex Ord. FF. Prædicatorum, Episcopus de Theſſis, Vicarius Pontificalis Episcopi Metensis, mortuus A. 1387. scriptis

Tractatum de sobriestate, dicatum Canonis Archi-Episcopo Treverensi.

XVIIus. HENRICUS EUTA, vel OYTA, Professor Viennæ in Austria. Scriptis

Tractatum de Contractibus.

Studium Juris consultis hoc Sæculo familiarē, & frequentissimum erat, glossam, vel summarium scribere in collectas a Gratiano Decretales: item in libros V. Gregorii IX,

in sextum Bonifacii, quibus adde Clementinas hoc sæculo XIV. natas, & *Extravagantes*; Nullum ut secundus fuerit Juris Interpretibus, auctoribus, commentatoribus hoc nostro sæculo XIV: uti Theologi occupabantur in compendiis Magistri Sententiarum, vel glossis, scholiis in eundem scribendis.

§. II. De erroribus & hæreticis hujus Sæculi, ac primo

DE FRATICELLIS.

JAM sæpe monui, non omnes eos errores, qui etiam a maximis viris vocantur hæreses, & quorum autores dicuntur hæretici, hæresiarchæ, esse hæreses vel hæreticos.

Ex celeberrimo Ordine S. Francisci nonnulli suo in sensu abundantes, & Regulæ S. Francisci circa observantiam voti paupertatis majorem, adeo exorbitarunt, ut non tantum sui Ordinis Superioribus, sed & Summis Pontificibus, & Episcopis, ac Prælatibus denegarint obedientiam, quia quod se illis omnibus perfectiores, sanctiores, Evangelii observantiores existimabant; volebant his subjici, & obedire.

PETRUS DE MACERATA, & PETRUS DE FOROSEMPRONIO, Minores Fratres, hoc spiritu afflati, a Cælestino V, qui Pontificatum abdicavit, & vitam eremiticam reassumpsit, fingeant sibi datam facultatem, vivendi vitam eremiticam, & Regulam S. Francisci ad litteram observandi.

PETRUS JOANNIS OLIVI, Minor Frater, Commentarium eodem tempore in Apocalypsin S. Joannis edidit, in quo ecclesiam Romanam, eique adherentes Episcopos veluti Babylonem carnalem, Christo adversam, describebat, prædicebat, hujus carnalis Babylonis finem instare: S. Franciscum novam Babylonem spiritualem ædificasse: ejus Regulam esse quintum & novum evangelium. Hoc auctore gloriantes, attentant, suum sibi Generalem, suos Guardianos, sua Monasteria eligere, creare: reliquis omnibus denegare obedientiam. Joannes XXII. hos extravagantes & commenta Petri Joannis Olivi condemnnavit.

Verum cum idem Joannes XXII. Ludovico Bavaro Imp. infestus esset; hic istorum Fratrum, quos inter nonnulli eloquentes, acuti, & Papæ adversantes erant, agmine & libris stipatus, eosdem protexit, Monachii recepit, aluit, & eorum sententiæ calculum suum adjecit, non quod illam magnificeret, sed ut Papæ adversandi ansam speciosam prætenderet. Horum antesignani erant

Guillelmus Occam, & cæteri supra nominati.

GERARDUS SAGARELLI Parmensis, post omnia bona sua in projectæ vitæ & pudoris homines profusa, ad mendicitatem redactus, eam exercuit, & vilissimorum hominum faciem sibi adjunxit: quibus persuasit Regnum Filii Dei, qui fuerat Sapientia Dei, jam finitum esse, Regnum vero Spiritus sancti, qui totus amor est, jam succedere, in quo omnia communia, usque ad fœminas. Ex fœda horum fœcta

Anno 1305. in Comitatu Novariensi, Provinciæ Lombardiæ exorta est hæresis pessima, cujus auctor fuit quidam FRATER DULCINUS, Sagarelli discipulus; non Religiosus alicujus Regulæ approbatæ, sed lupus sub pelle ovina habitus Religiosi. Hic zizania disseminans in medio tritici pessimorum errorum, inter cæteros asserens, quod omnia deberent esse communia, etiam mulieres ad commixtionem, quod quidem peccatum non esset, sed actus charitatis: quod Papa & Cardinales, cæterique Prælati ecclesiæ non essent veri Pastores, cum non fervarent vitam evangelicam, sed ipse esset verus Apostolus Christi, dignus Papatu, cum pluribus aliis articulis falsitatis. Multos secum populares utriusque sexus, vilis tamen conditionis, ad illam hæresin attraxit, usque ad numerum quatuor millium, qui habitabant in montibus, & locis sylvestribus, ut animalia bruta. Cum deficiebant eis victualia, prædabantur undecunque habere poterant; tanquam omnia forent communia. per duos autem annos 1306. & 1307. permanfit talis congregatio hæreticorum.

Raynaldus ad hunc annum.

Anno 1308. Clemens Papa jussit adversus Dulcinum, eique adhærentes *sacram militiam* cogi. Dulcini sectatores per Bohemiam virus suum sparsisse, narrat Raynaldus in *Annal. Ecclesiasticis*.

Prædicatores Fratres sub Episcopo Vercellensi crucem cum plena peccatorum indulgentia prædicabant, & exercitum magnum congregabant adversus Dulcinum, inter montana Novariæ delirescentem: quem, unaque cum ipso CL. personas ceperunt, semini mortuos præ fame & frigore. CCC. gladio interfecti.

Tandem per Curiam sæcularem facta executio. Margarita scortum Dulcini ante ejus oculos membratim concisa, dehinc & ipse Dulcinus membratim sectus, & utriusque ossa & membra igne exusta sunt cum quibusdam complicitibus pro merito scelerum, a Papa, Episcopis, & Inquisitoribus cognitorum; nec tamen perversum Dulcini dogma cum ipsius cineribus penitus est extinctum.

Hæc ex MS. Vaticano, Martino Polono, Joanne Villano, S. Antonino, & aliis coævis refert Odoricus Raynaldus in Annal. Ecclesiasticis ad annum Christi 1308. N. IX.

Vides hic Lector erudite, quam horrenda errorum monstra ex falso intellectu verborum Christi de paupertate eruperint in Italia, Gallia, Germania, incipiendo a medio Sæculi XIII. ad medium hoc XIV. Sæculum: & nisi Ecclesia invocasset brachium sæcularis Magistratus, chaos omnium bellorum, seditionum, prædarium, anarchia, sodomia, & nescio, quid non malorum, in mundum erupisset: quandoquidem arma spiritalia, & Jurisdictionem Ecclesiasticam pedibus calcabant, & anarchiam in humanum genus introducebant.

Anno 1321. iterum exorti sunt novi in Germania motus ob erroneam paupertatis Evangelicæ intelligentiam, Franciscus de Lutra, Minorita Germanus, finxit se Prophetam esse, sibi Divinitus significatum, omnes Minoritas, qui Apostolicis privilegiis usi, paupertatis Franciscanæ acerbiteriam mitigarant, letali peccato devinctos teneri; se vero a Christo constitutum, ut Minoritarum disciplinam pristino splendori restitueret: præcipiebatque sodalibus, ut Præfulum suorum jugum excuterent. Addebat vir infans, dictis suis obtemperandum, idque a Christo imperatum: in eamque prorupit vesaniæ; ut dicteria sua tanquam oracula promulgaret, quorum specimen ex *Vaticano MS.* communicavit Raynaldus n. 19. *Annalium Ecclesiasticorum Tomo XV. pag. 217. & seqq.* In civitatis Spirensis ecclesiis, ostiis, & portis familia affixa.

PAGI Judicium de voto Paupertatis Minorum.

Cum anno 1322. Fratres Minores sub Michaelæ Casenate, Ministro Generali, *PETRUS* Capitulum Generale celebrarent: tractata in eo controversia, declaratum est ab eis, inhærere se Decreto Ecclesiæ Romanæ per NICOLAUM III. Cap. Exiit promulgato, & per ipsum JOANNEM XXII. in *Decretali: QUORUMDAM EXIGIT*, commendato: quo Nicolaus determinavit, *Christum, & Apostolos nihil jure proprietatis, & Domini, seu juris proprii, neque in speciali, neque in communi habuisse*. Hancque propositionem non esse hæreticam, sed sanam, catholicam, & fidelem. Duplices ea de re Capituli *Perusini* literas ex *Alvari Pelagii de planctu Ecclesiæ Lib. 2. Cap. 62.* refert *Wadingus*, datas Idibus Julii ejusdem anni, quas reliqui fere omnes Magistri Theologiæ ejusdem Ordinis in Anglia, & ubique locorum approbarunt, & confirmarunt, divulg.

divulgatis scriptis addentes, paupertatem Fratrum Minorum majoris esse perfectionis, quam aliorum mendicantium, propter abdicatum Dominium, nec nisi solum nudum usum eis exemplo Christi reservatum. In quo sane damnanda erat illorum Minorum audacia, qui controversiam in Sedis Apostolicæ discussione tunc temporis actu pendentem præjudicare ausi sunt adversus ipsammet Nicolai III. constitutionem, qua se tueri profitebantur: in ea enim dixit Nicolaus: *Si quid penes aliquem in his ambiguitatis emergerit, ad culmen prædictæ Sedis Apostolicæ deducatur; ut ex Autoritate Apostolica, sua in hoc manifestetur intentio; cui soli concessum est in his statuta condere, & edita declarare.* Unde Michæle Cæsenate exauctorato, Geraldus, eorumdem Minorum Minister Generalis creatur: illius & aliorum Fratrum audaciam & temeritatem castigat in *Tractatu, quem ex MS. Bibliotheca Vaticana, laudat Odoricus Raynaldus, ejusque fragmentum describit anno 1322. Num. 55.*

Hæc cum Joannes Papa intellexisset; eodem anno, sexto Idus Decembris, quoad paupertatem Fratrum Minorum Constitutionem edidit, quæ incipit: AD CONDITOREM CANONUM, & extat inter *Extravag. Tit. De verborum significatione*, qua declaravit, Decretalem EXIIT, qua Nicolaus III. Dominium & proprietatem rerum tam in communi, quam in speciali Fratribus Minoribus abrogaverat, simplicem duntaxat usum facti eis reliquerat. Dominio ac proprietate Ecclesiæ Romanæ servatis, non intelligi de rebus, quæ usu consumuntur; in quibus Dominium illud ipsis restituit, ac prohibet ipsorum Procuratoribus, ne Sedis Apostolicæ nomine cuiquam litem inferrent, rescisso quo ad hoc MARTINI QUARTI privilegio. "Quis sanæ mentis credere poterit, inquit inter alia Joannes XXII. in sua Constitutione, quod intentio fuerit tanti patris, (scilicet Nicolai III.) unius ovi, seu casei, aut frusti panis, & aliorum usu consumptibilium, quæ fratribus ad consumendum e vestigio conferuntur, Dominium Romanæ Ecclesiæ, & usum fratribus retinere?" Renunciavit itaque Dominio illi peculiari rerum, quæ penes Minores habebantur, aut illis offerebantur, prohibuitque eis amplius habere Syndicos, aut procuratores, qui nomine Sedis Apostolicæ res illas exigerent, aut curarent.

Postea alia Constitutione edita IV. Idus Novembris anni 1324; inhibuit: ne quis contra definita, ordinata, seu facta per ipsum, verbo, vel scripto, scilicet approbet aliquid, vel defendat. Si quis vero contra præsumpserit, tanquam contumax, & rebellis Romanæ Ecclesiæ ab omnibus habeatur.

Quod attinet ad quæstionem *De Christi, & Apostolorum paupertate*, Joannes papa post accuratissimum ejus examen; pridie Idus Novembris anni 1323. Constitutionem edidit, quæ etiam extat inter *Extravag. Cap. Cum inter nonnullos*, qua hanc propositionem: *Christus & Apostoli in speciali non habuerunt aliqua, nec in communi*: ejusque assertionem pertinacem, erroneam & hereticam declaravit, eo quod sacre Scripturæ contraria esset: nec non & illam, qua quis pertinaciter affirmare auderet, *Christum, & Apostolos in iis, quæ ipsos habuisse Sacra Scriptura testatur, nequaquam jus ipsis utendi, seu consumendi, aut ea vendendi, seu donandi, vel ex ipsis alia acquirenda habuisse.* Has Joannis XXII. Constitutiones, cum Michael Cæsenas Minister Generalis, alique quidam Minoritæ pertinaciter oppugnant, Joannes nova Constitutione IV. Idus Novembris anni 1324. ut jam dixi, edita, quæ incipit: *QUIA QUORUMDAM MENTES*, superiores Constitutiones vindicavit, & confirmavit, & ab omnibus tanquam hæreticos haberi ac vitari jussit eos, qui verbo, vel scripto defendere, vel approbare proscriptam illam propositionem præsumerent; *Quod Christus, & Apostoli, in iis, quæ habuisse leguntur, tantum habuerint absque jure aliquo, simplicem usum facti.* Ex quo, inquit, si verum esset, sequeretur, *usum Christi fuisse non justum, quod blasphemiam continet.* Extat hæc Constitutio inter *Extravag. Tit. De verborum significatione*. Ceterum de contradictione, quæ videtur esse inter Constitutiones Joannis XXII. & Nicolai III. *De paupertate Christi & Apostolorum*, ac Fratrum Minorum legendi Bellarminus Lib. IV. de Romano Pontifice Cap. 14. Wadingus, Raynaldus in *Analibus*, & Pagi in *Breviario Chronologico* &c.

§. III. De Begginis & Begardis.

VOX Beghina diversimode a diversis scribitur etiam ab iis, qui Sæculo XIV. de ipsis agunt. Aliis scribitur Begina, aliis Beggina, aliis Beguina. Rursum Begardi aliis audiunt Bogardi, Beguardi &c. cujus diversitatis id esse videtur fundamentum, quod illorum fundatricem quidam esse velint sanctam Beggam, Pippini Landensis filiam, & Sanctæ Gertrudis sororem, quæ Sæculo VII. floruit in Brabantia: alii vero instituti eorum auctorem fuisse contendunt pium quandam Sacerdotem Leodiensem, qui Lambertus le Begue (quia balbus erat) de S. Christophoro dicebatur.

A S. Begga sua illos nomina accepisse, verosimile non videtur, tum quod ante Sæculum XII. nulla Beghinarum, nulla Begardorum

dorum reperiatur mentio: tum quod fundata a S. Begga Ecclesia instituta fuerit pro Sanctimonialibus Canonissis; Beghinarum autem, de quibus hic agimus, vivendi ratio longe diversa fuerit a Regulis & Instituto Sanctimonialium & Canonissarum. Nam

1. Non tenebantur una simul domo cohabitare:
2. Ordinariis loci, vel Parochis, vel alteri spirituali Directori parebant.
3. Nullum certum ad habitum adstringebantur; etsi pleræque griseum vel nigrum eligerent, certe modestum, ab omni pompa & luxu remotissimum,
4. Nullum votum, ne continentiae quidem edere cogebantur, multo minus paupertatis, cum de suo viverent: adeoque longissime aberant a Fratricellis, pauperibus de Lugduno &c.

Auctores coevi & suppres apud *Chapea-villeum* L. 2. *Episc. Leodiens. pag. 128.* istam institutionem adscribunt Lamberto le Begue, qui sæculo circiter medio duodecimo floruit: cujus a cognomine mulieres & puellæ, quæ caste vivere proponunt, Beguines gallice cognominantur, inquit *Aegidius Aureæ vallis Monachus in Episcopis Leodiensibus* C. 52.

Illud certum, Beghinas, Begardosque nulli Regulæ vel Monachorum, vel Sanctimonialium, nec veteri Augustinianorum, aut Benedictinorum, nec recentiori mendicantium alligatos fuisse; sed vitæ genus honestum & ab Ecclesia permissum duxisse: nec Ordinem specialem constituisse, sed Beghinnagii singula sua e constitutione vel arbitria, vel ab aliis libere acceptata vixisse.

Certum præterea, non omnes in Germania, Belgioque Beghinas, aut Begardos illis imbutos fuisse erroribus, quos Clemens V. papa Viennensi in Concilio jure reprobavit, adeoque nec omnes sub eadem damnationis sententia fuisse contentos, nec omnium & singulorum vivendi institutum fuisse ab Ecclesia prohibitum. Declarat hoc satis *JOANNES XXII. PP.* his verbis: *Tit. de Religios. domib.* "Sane per prædicta (scilicet mina contra statum Beghinarum) prohibere nequaquam intendimus, quin si fuerint aliquæ mulieres, quæ promissa continentia, vel etiam non promissa, honeste in suis conversantur hospitibus, penitentiam agere voluerint, & virtutum Domino in humilitatis spiritu deservire; hoc eisdem liceat." Certe mulieres quandoque in ædibus parentum, alias in communi domo simul habitantes, continentiam servant [cum, vel sine voto continentiae, aut obedientiae] vitam honestam ducentes, Ecclesias devote frequentantes, Diocesani locorum, vel Parochis, vel alteri Directori spirituali obediens, has Joannes XXII. Cle-

mentis V. Successor, non solum Clementina Constitutione non damnatas affirmavit, sed commendavit potius, earumque curam locorum Ordinariis commisit, ut constat ex *Petro de Herentalis Canonico Præmonstratensi in ejusdem Joannis XXII. sexta vita apud Baluzium*, in qua ipso initio, postquam locutus est de Constitutione Clementis V., quam mox afferemus, hæc subdit: Quam constitutionem moderando revocavit Joannes Papa per unam, quæ incipit: *Recta ratio non patitur, ut innocentes ad paria cum nocentibus judicentur*: Ubi sermo est de Beguinis innocentibus, quarum institutum adhuc durat tam in Belgio, quam Leodii, & quæ illud profitentur, possunt ad nuptias transvolare. De his sine dubio loquitur *Continuator Guillelmi Nangii*, qui ad annum 1317. scribit, Beguinas, non obstante condemnatione status earum, processu temporis invaluisse: cum melius longe sit, eas sic esse, quam laxatis habenis in sæculi pompis & vanitatibus evagari: inter ipsas enim sunt multæ bonæ, & religiose personæ, & inter ipsas exercentur opera pietatis.

Quod igitur nonnulli & nonnullæ tum Beghinarum, tum Begardorum, ab *Alvaro Pelagio*, aliisque Sæculi XIV. Scriptoribus relati, magnos illos a Clemente V. recensitos errores adoptaverint: quod illi, illæve, tum Fratricellis, tum Pauperibus de Lugduno, tum Sæculariis aliis se se immiscuerint, non communis istud instituti, sed privatæ horum malitiæ vitio imputandum est: quod autem a multis Beghinarum & Begardorum status, cum Fratricellorum, FF. spiritualium, aliorumque fœcis hujusmodi sectis, promiscue confundantur, manifestus error est, a nobis minime imitandus.

Quod Sæculo XII. XIII. XIV. Leodii Coloniae, & in Belgio primæ ac plurimæ Beghinæ, tum etiam Begardi fuerint, non negamus: Hæreticos fuisse, saltem omnes, prorsus negamus.

Ut porro appareat, quam fœdi ac enormes damnatarum Sæculo XIV. Beghinarum, Begardorumque errores fuerint, quam alieni ab honesto aliarum Beghinarum instituto; ipsam Clementis V. Bullam in Concilio Viennensi datam subijcimus.

BULLA CLEMENTIS V.

Qua in & cum Concilio Viennensi damnat sectam Beguardorum & Beghinarum in Alemannia: errores eorum enumerat, excitat Episcopos ad eos coercendos.

ad eos coercendos.

A. C. MCCCXI.

AD nostrum (qui desideranter in votis gerimus, ut Fides Catholica

lica nostris prosperetur temporibus, & pravitas hæretica de finibus fidelium extirpetur) non sine displicentia grandi pervenit auditum, quod secta quædam abominabilis, quorundam hominum malignorum, qui *Beguardi*, & quarundam mulierum infidelium, quæ *Beguina* vulgariter appellantur, in Regno Alemanniæ (procurante latore malorum operum) damnabiliter insurrexit: tenens & asserens doctrina sua sacrilega, & perversa, inferius designatos errores: *Primo* videlicet, quod homo in vita præsentis tantum & talem perfectionis gradum potest acquirere, quod reddetur penitus impeccabilis, & amplius in gratia proficere non valebit: nam (ut dicunt) si quis semper posset proficere, posset aliquis Christo perfectior inveniri. *Secundo*, Quod jejunare non oportet hominem, nec orare, postquam gradum perfectionis hujusmodi fuerit affectus: quia tunc sensualitas est ita perfecte spiritui & rationi subiecta, quod homo potest libere concedere corpori, quidquid placeat. *Tertio*, Quod illi, qui sunt in prædicto gradu perfectionis & spiritu libertatis, non sunt humanæ subiecti obedientiæ, nec ad aliqua præcepta Ecclesiæ obligantur: quia (ut asserunt) ubi Spiritus Domini, ibi libertas. *Quarto*, Quod homo potest ita finalem beatitudinem secundum omnem gradum perfectionis in præsentis assequi, sicut eam in vita obtinebit beata. *Quinto*, Quod qualibet intellectualis natura in se ipsa naturaliter est beata: quodque anima non indiget lumine gloriæ, ipsam elevante ad Deum videndum, & eo beate fruendum. *Sexto*, Quod se in actibus exercere virtutum est hominis imperfecti, & perfecta anima licentiat a se virtutes. *Septimo*, Mulieris osculum (cum ad hoc natura non inclinet) est mortale peccatum: actus autem carnalis (cum ad hoc natura inclinet) peccatum non est, maxime cum tentatur exercens. *Octavo*, Quod in Elevatione Corporis JESU CHRISTI non debent assurgere, nec eidem reverentiam exhibere, asserentes, quod esset imperfectionis eisdem, si a puritate, & altitudine suæ contemplationis descenderent, quod circa Ministerium seu Sacramentum Eucharistiæ, aut circa Passionem humanitatis Christi aliqua cogitarent. Nonnulla etiam alia sub simulata

Tomus IV. Concil. German.

quadam sanctitatis specie dicunt, faciunt, & committunt, quæ oculos Divinæ Majestatis offendunt, & grave in se continent periculum animarum. Cum autem ex debito commissi Nobis officii hujusmodi sectam detestabilem, & præmissos ipsius execrandos errores (ne propagentur ulterius, & per eos corda fidelium damnabiliter corrumpantur) extirpare ab Ecclesia Catholica necessario habeamus; Nos SACRO APPROBANTE CONCILIO, sectam ipsam cum præmissis erroribus damnamus, & reprobamus omnino: inhibentes districtius, ne quis ipsos de cætero teneat, approbet, vel defendat.

Eos autem, qui secus egerint, animadversione Canonica decernimus puniendos. Porro Diocesani, & illarum partium Inquisitores hæreticæ pravitatis, in quibus *Beguardi*, & *Beguina* hujusmodi commorantur, suum officium circa eos diligenter exercent, inquirentes de vita & conversatione ipsorum, qualiterve consentiant de articulis Fidei & Ecclesiæ Sacramentis: in illos vero, quos culpabiles reperirent (nisi abjuratis sponte prædictis erroribus penituerint, & satisfactionem exhibuerint competentem) debitam exercent ultionem.

Clementinarum Lib. V. Tit. III. De hæreticis Cap. III.

Status præsens Begbinarum & Begardorum.

Extant Treveris, Aquisgrani, Coloniae fratres Begardi, Baggardi varia inflexione nuncupati, qui iidem & Alexiani (Coloniae ob reliquias S. Alexii in eorum Oratorio aservatas) & alumni S. Joannis de Deo nuncupari volunt: omnes hi viri ante annum 1300. Begardi vocabantur, & erant. Sorores autem Beghinæ pauperes Susestrinæ vocabantur, quia manuum labore, & stipendiis, ob obsequia moribundis & mortuis exhibita se nutriebant.

Nunc communi vocabulo *Cellitæ* nominantur, & licet olim a variis impugnati, interventu tamen Civitatum Germaniæ, Episcopis Diocesani, & Pontificibus Romanis commendati fuere, & ab his defensi, data eisdem Regula S. Augustini: unde Coloniae ab Episcopo, vel Nuntio Apostolico; antea Patri Priori FF. Crucigerorum, nunc Eremitarum Augustinianorum Provinciali, qua Commissario & Visitatori, subiecti sunt.

Anno 1473. Festo S. Antonii, Cellitæ

K k k k

Colo-

Colonienſes præſcriptam ab Ordinario Profeſſionem ex Sixtina Bulla, ceu religionis fuſceptæ Sacramentum ediderunt. Fæminæ Cellitiſſæ intra Coloniam ſex Conventus habent, nunc Religioſæ, Regulam S. Auguſtini profeſſæ: invitatæ & rogatæ, erga ſtipendium ſerviunt ægrotis juvandis. Bagardi autem Colonia omnia cadavera ex lege publica tumulant.

Ægid. Gelenius de Colonia magnitudine L. III. Syntagmate LI.

Status Beginarum in Belgio.

Certum eſt, in Belgio Beghinarum curias ſive Beginagia hoc ſæculo, imo jam inde a ſæculo XIII. valde florere laude diſciplinæ, & Catholicæ Fidei ſub Episcoporum tutela. *D. Petrus Coens, S. Th. Licentiaſus, & Canonicus Antverpienſis, anno 1629. edidit eruditam Diſquiſitionem hiſtoricam de origine Beghinarum, & Beghinagiorum Belgii, Leodii impreſſam. Epitomen do:*

1. S. Begga præter Monafterium Andanenſe non fundavit Beghinagium.
2. Ante A. 1170. nomen Begginæ nullibi notum fuit.
3. Leodii primum Beghinagium fundatum fuit circa A. 1173. Nivellenſe circa A. 1207. Lovanienſe A. 1234. Theſis ante A. 1400. Tencremundæ 1223. Antverpiæ A. 1230. &c.
4. Episcopi Leodienſes & Cameracenſes primi eas adoptarunt, leges præſcripſerunt: aliæ leges ab aliis Curatis vel presbyteris datæ.
5. plurimæ Virgines inde a temporibus Apoſtolorum continentiam ſervarunt, media via inter Monasticam, Eremiticam, & ſæcularem, quæ omnes poſſent Beginæ dici, licet ſic non fuerint dictæ ante ſæculum XII.
6. Multi Papæ & Episcopi has in ſæculo ſervantes continentiam, ſeorſim domi ſuæ, vel gregatim habitantes, ſine vel cum votis, laudarunt, approbarunt, docuerunt.
7. Nullum Concilium damnavit Beghinas vel Bogardos, niſi eos, qui errores a *Clemente V. damnatos, tuebantur.*

§. IV. De Pſeudo-Epiſcopis circa annum MCCCXI. per Livoniam graſſantibus.

Reperti ſunt in Germania nonnulli, qui cum ſacris Pontificalibus initiati non eſſent, agebant Episcopos, ſeſeque ſacris

muneribus ingerebant; de quibus graves querelas afferente apud Sedem Apoſtolicam, Friderico Rigenſi Archi-episcopo, **CLEMENS V.** Joanni Bremenſi, & Magdeburgenſi Archi-episcopis, atque Alberto Capellano Pontificio partes demandavit, ut temerariis hominibus, qui non electi, non confirmati a Sede Apoſtolica, non conſecrati, Episcopale munus ſibi arrogarent; judicium intenderent, atque excurrente quatuor menſium ſpatio in Romana Aula ad cauſam dicendam ſe ſiſtere juberent. Ad pietatem vero in Livonia amplificandam, quam illi impoſtores extinguere moliebantur, eidem Friderico Rigenſi Archi-episcopo egregie in viros religioſos, quorum conſuetudo ad infideles ad Chriſtum pelliciendos, & fideles bonis moribus excolendos plurimum valebat, affecto, ac Suceſſoribus auctoritatem conceſſit, ut Prædicatoribus ac Minoritis in ſingulis urbibus ædes conſtituere permitteret.

*Odoricus Raynaldus Annal. Eccleſiaſtic. Tom. XV. ad ann. 1311. n. 71.
Ex Libro VI. Epiſtol. Clementis V. 207.*

§. V. De ſecta Flagellantium,

Quæ in Digreſſione ad ſæculum XIII. §. XIII. diximus ſummarie de ſtatu ſectæ Flagellantium: hic pro hoc ſæculo XIV. integra damus ex Trithemio.

Circa hæc tempora (a) ſurrexit nova quædam ſecta, *Flagellatorum* (b) nuncupata, cujus auctores de Ungaria venientes in Germaniam, & Italiam, multos novitate ſua infeſcerunt. Incedebant medio corpore nudi, caput operientes caputio, pileoque; a lumbis autem deorſum linea caſiſſa pudibundis operimentum præſtabant. Cum incederent alio tempore, quo ſe flagellare non ſolebant, nigro utebantur habitu, crucem ante & retro porantes albi coloris aſſutam. In ſiniſtra manu crucem geſtabant ligneam, & in dextera flagellum, quod nodos in extremitate ternos habebat, quibus aculei de ferro erant infixi. Hiſ ſe ſe flagellis publice in Eccleſiis, & extra, cunctis inſpectantibus uſque ad effuſionem ſanguinis ſub prætextu pœnitentiæ ſæpius flagellabant, deinde in modum crucis proſtrati ſuper terram orationem Dominicam orabant, & maximam coram omni populo devotionem mentis in Deum oſtendebant. Multa & magna devotionis exercitia falſa ſub ſpecie faciebant pœnitentiæ, quam ipſi non ex judicio Sacerdotum, ſed propria ſibi aſſumptione imponebant, carmina in lingua materna canentes, quæ

(a) *Trithemius in Chronico Hirſaugienſi ad annum 1348. initium reſert. Chronicon Coloniæ & plerique cœvi ad ann. 1349. adſcribunt.*

(b) *Vocantur & alio nomine Fratres Crucis, Kreuzbrüder, quia & læva manu crucem, & in veſtibus ante & retro ſignum Crucis albi coloris portabant.*

quæ puritati Ecclesiasticæ traditionis ut plurimum erant contraria. Circumierunt per civitates, oppida, & villas: *Principem unum* cum vexillo crucis, & duos *Præceptores* frequentes, quorum iussis obtemperabant in omnibus. Neminem in suum recipiebant confortium, nisi prius iurasset: (c) "omnia se statuta eorum sectæ firmiter observaturum, haberetque tantundem substantiæ temporalis, quod quatuor *denarios Wirtenbergenses* pro suis expensis quotidie potuisset exponere, quia non mendicabant publice, vel ostiarii;". Divites tamen pauperibus hilariter subvenire curabant. Erant in ea secta multi claustrales *Ordinum Mendicantium*, Sacerdotes quoque sæculares, nobiles, cives, viri, & mulieres, qui omnes simul turmatim incedentes, mundum in stuporem verterunt, & brevi tempore valde multiplicati creverunt, multos paulatim secum in errorem pravam ducentes. In *Suevia* communis hanc sectam acceptarunt quidam claustrales mendicantes, Sacerdotes, laici, viri, & mulieres, numero ducenti, unum inter se Principem, & duos habentes Magistros, quorum præceptis obtemperabant.

Venerunt de *Suevia* processionaliter ad *Spiram*, & majus templum ingressi, caeremonias & flagellationes cum orationibus cunctis mirantibus suo more perfecerunt. *Spirenses* autem cum novitate rei, tum religionis intuitu, eo quod plures etiam nobiles ex eis novissent, misericordiam in eos exercere volentes in domos suas hospitalitatis gratia invitarunt, & tam subito a civibus omnes rapti fuerunt de plateis, ut ex templo, qui invitare pergeret, nullum inveniret, essentque receptores, quam qui recipere multo plures. *Spiram* exeuntibus supra centum ex civibus se illis conjungunt, quos tamen in societatem eorum noluerunt recipere, nisi præstito prius de articulis & caeremoniis eorum firmiter servandis *juramento*, haberetque de propria substantia sua quilibet singulis diebus in sumptus communes quatuor denarios exponere.

Cum venissent ad *Argentynam*, ubi tunc erat CAROLUS IV. Germanorum Rex, tantus eorum fuit numerus, ut certo minime possit aestimari. *Carolus* autem Rex videns, quemadmodum omnes sicut pecora transferunt in unum, Religiosos mendicantes & Sacerdotes ex eis separavit, interdicens illis, ne promiscuis turbis immiscerentur, sciens fortassis, sectam non bonis principibus subnixam.

Anno autem *Wichardi Abbatis* (1348) secunda die mensis *Maji* magna Flagellatorum multitudo ex *Polonia*, *Misna*, & *Thuringia* cum crucibus & vexillis processionali-

ter intravit *Herbipolim*, & ibidem triduo permanferunt. Verum quia nimium quotidie multiplicabantur, nec poterant eos capere urbes, ut simul incederent, in plures se turmas diviserunt, quorum alii *Saxoniam*, alii *Marchiam*, alii *Bobemiam*, alii *Austriam*, atque alii *Ungariam*, nonnulli ad partes *Rheni*, *Moguntiam*, *Coloniæ*, *Treverim*, & partes *Galliae* cum Ducibus singulis atque Magistris intraverunt.

Anno etiam præscripto venerunt in *Avesionem*, ubi CLEMENS tunc Papa Sextus cum Cardinalibus suis morabatur, Flagellatores studiose immixsi ad explorandum, quid de illa secta, Apostolica sentiret Ecclesia. Intrantes autem turmatim Ecclesias suo se more flagellabant publice, orabant in modum crucis prostrati super terram, & magna poenitentiae signa multipliciter ostendebant, in tantum, quod non solum cives, sed etiam Cardinales in stuporem verterunt. Et multis quidem notabilibus viris placuit eorum conversatio, Papa vero, cum esset vir undecunque doctissimus, rem altius considerare cepit, & matura deliberatione in secretario cordis sui præhabita, sub excommunicationis sententia prohibuit, ne deinceps se se publice flagellarent. Non placuit Cardinalibus ista prohibitio, qui sectam illam putabant sanctissimam, & ideo se Pontifici fortiter nonnulli ex eis opposuerunt. Verum Papa in sua perstans sententia sectam illam sub anathematis vinculo damnavit. Quod videntes Principes sectæ magno timore percussi sunt, & in paucis diebus penitus evanuerunt. Tandem Papa in suam sententiam revocatis Cardinalibus, omnibus Archiepiscopis, & Episcopis scribens per Apostolica scripta mandavit, quatenus sæpe dictam Flagellatorum sectam in suis Diocesisbus extinguerent, Sacerdotes & Claustrales, qui hac hæresi fuissent infecti, carceribus manciparent, tenerentque captivos, donec aliud ab eo reciperent in mandatis, sicut patet in ipsis literis, quas misit ad GERLACUM, Archiepiscopum Moguntinum, & ad alios Episcopos Germaniae, quarum tenorem his inferere utile judicamus.

BULLA CLEMENTIS VI. contra Flagellatores.

CLEMENS EPISCOPUS, SERVUS
SERVORUM DEI, VENERABILIBUS FRATRIBUS ARCHIEPISCOPIS, EORUMQUE
SUFFRAGANEIS, SALUTEM ET
APOSTOLICAM BENEDICTIONEM.

Inter sollicitudines innumeras & immensas, quibus ultra vires Apostolicæ

(c) Juramentum præstandum iis, qui recipi ad societatem Flagellatorum volebant.

Tomus IV. Concil. German.

K k k k 2

licæ servitutis debito perurgemur, illud cordi nostro potissimum insidet, & ad hoc attentius studia nostra convertimus & conatus, ut apud omnes Christiani nominis Professores fides orthodoxa fulgeat, sanctorum Patrum doctrina splendeat, & sic Catholicæ & Apostolicæ Ecclesiæ Romanæ Religio sine cujusquam simulationis, seu velaminis pallio pure & inviolabiliter observetur: quod a vinea Domini Sabaoth, cujus cura & custodia Nobis licet immeritis est commissa, vepres & urticæ tam periculose, quam damnaviliter succrescentes evellantur, & vulpeculæ, quæ ipsam demoliri (a) nituntur, per Apostolicæ Sedis curam & providentiam abigantur.

Sane molesta Nobis, licet fide digna magnorum relatio & multorum assertio, nostrum & Fratrum nostrorum non mediocriter turbavit auditum, quod in partibus Regni Germaniæ & ei convicinis quædam sub prætextu devotionis, & agendæ pœnitentiæ vana religio & superstitiosa adinventio procurante satore malorum operum surrexerit, per quam prophana multitudo simplicium hominum, qui se *flagellantes* appellant, decepta verbis fictis, atque mendacibus malignorum, asserentium, Salvatorem nostrum Hierosolymis Patriarchæ Hierosolymitano apparuisse (cum tamen a longis citra temporibus nullus ibidem præfentialiter fuerit Patriarcha) & sibi aliqua dixisse, quæ colorem veritatis non habentia, nec saporem, quibusdam *Sacræ Scripturæ auctoritatibus* obviare noscuntur, in illam cordis vesaniam est deducta, & in animæ præcipationem acta, atque de die in diem suggestionibus hostis antiqui se, ut dominicum gregem devoret, *transferentis in Angelum lucis*, (b) nimium succrescendo deduci (cortina trahente cortinam) periculosius formidatur, quod se per societates & conventicula (licet caudas invicem colligatas habeant) dividentes, diversas circumeunt patrias; cæterorum hominum vitam & statum condemnando, se justificant. Claves Ecclesiæ vilipendunt, ac in in contemptum disciplinæ Ecclesiasticæ, habitum certum, nigrum videlicet, ante & retro ipsius vivificæ crucis impressum habentes signaculum, *sine Superioris licentia* deferentes, sub nomine pœnitentiæ gerunt,

& alias in causa insolita congregationes, conventicula, & coadunationes, quæ a jure sunt prohibita, faciunt, & ad alios actus profiliunt, a vita & moribus, observantiaque fidelium Christianorum penitus alienos. Ordinationes etiam & statuta, quibus utuntur, imo verius abutuntur, propria temeritate fecerunt, erroris suspicione non vacua, & judicio rationis carentia. Sed ex eo tam pro Deo, quam hominibus odiose per amplius turbamur, acerbiusque & durius anxiamur, quod quidam religiosi, præsertim de ordinibus mendicantium, qui alios revocare debuerant, & ad viam reducere veritatis, & ab utero Matris Ecclesiæ veluti maledictionis filii nequiter aberrantes, linguas suas, ut alios pertrahant in errorem, acunt, quibus corda debilia vulnerant, & ignorantes Dei Justitiam, suæ propriæ innitentes prudentiæ, dum legi Domini nolunt esse subjecti, aliis in persuasibilibus humanæ sapientiæ verbis prædicando & dogmatizando contra Ecclesiæ libertatem & fidei Catholicæ puritatem, ab ipsa veritate abducere moliantur: quod eo facienti efficacius, quo conceptum virus latenter effundunt, blandis prius sermonibus auditores, quasi bonum vinum prius ponendo, satagunt irretire, & cum inebriati fuerint, illud, quod est, deterius, cum ipsis in perditionis laqueum incidunt, & in profundum malorum pariter immergantur.

Nos igitur tam pernicioso & periculoso principio, per quod ultra Divinæ Majestatis offensam, magnum etiam reipublicæ periculum & apud fideles scandalum generatur, ne deteriores processus pariat, & successus, obstare volentes, & considerantes, quod cum plerique ex ipsis, seu adherentes eisdem, sub pietatis colore ad impietatis opera laxantes crudeliter manus suas, Judæorum, quos pietas Christiana retinet, & sustinet, offendi eos aliquatenus non permittens, & frequenter etiam Christianorum sanguinem effundere, & oportunitate captata bona Clericorum & laicorum diripere, & suis usibus applicare, ac Superiorum jurisdictionem usurpare & ad multa alia illicita erumpere minime vereantur.

Timendum est, ne tam præsumptuosa

(a) Cantic. II, 35.

(b) II. Corinth. XI, 14.

tuosa temeritas & temeraria præsumptio, nisi ei per salubri antidoto occurratur, paritura sit non levem perniciem, nec sine aliquorum morborum lethali contagio, properans in plurimos, sero recipiat medicinam.

Attendentes insuper, quod error, cui non resistitur, quodammodo approbari videtur, & quod ex Officio Nobis injuncto compellimur, ut quos per iter devium errando currere, & plures in præcipationem secum trahere percipimus, ac in dispersionem multarum gentium ambulare, revocando a devio, ut in viam veritatis & justitiæ dirigant gressus suos, eisque providere per opportuna remedia studeamus. Fraternalitati vestræ de fratribus nostrorum consilio per Apostolica scripta committimus, & districte precipiendo mandamus, quatenus vos & singuli vestrum in singulis civitatibus, vestris Diocesisbus per vos, seu alium, vel alios, ad inventiones hujusmodi, seu ritus prophanos (quos una cum societatibus, congregationibus, statutis & ordinationibus supradictis, qui se, ut præmittitur, *Flagellatores* appellant, temerarie attentatis, de eorundem fratrum nostrorum consilio perpetuæ prohibitioni subjecimus, & tanquam illicitos reprobavimus) auctoritate nostra reprobetis, in vestris civitatibus & Diocesisbus, reprobos & illicitos publice denuntietis, ac omnes tam Clericos sæculares, quam Regulares & laicos de prædicta superstitiosa secta, vel societate, quocunque appelletur nomine, existentes, vel eam sectantes, auctoritate prædicta monere & inducere studeatis ut ab hujusmodi observantia, secta, & nova religione totaliter desistere, & resilire procurent. Quodque nullus deinceps prædictam sectam, seu conventiculum præsumat intrare, aut ritus & statuta societatum hujusmodi observare; contrarium facientes per censuram Ecclesiasticam coercendo, nec non eos, in quos temporalem jurisdictionem habetis per pœnas temporales, de quibus expedire videritis, appellatione postposita compellatis.

Sane ut Religiosi, & alii errorum Magistri, qui prædicando & dogmatizando simplices decipiunt, & cæci ductum cæcis præbentes ipsos secum in

foveam trahunt, & si non Divino amore, saltem humana confusione a tam iniquo proposito revocentur, omnes & singulos cujuscunque sint Ordinis, Religionis, Præminentia, vel status, quos in præmissis vobis constiterit deliquisse, capi faciatis; non obstante quocunque privilegio, vel indulto (quod eis in nullo suffragari volumus) tam diu captivos detineatis, donec aliud a Nobis acceperitis in mandatis, invocato ad hoc, si opus fuerit, auxilio brachii sæcularis.

Per prædicta tamen nequaquam intendimus prohibere, quin Christi fideles impositam sibi poenitentiam, vel etiam non impositam, dummodo recta intentione & pura devotione ad illam peragendam procedant, in suis hospitalis vel alias, absque superstitiosis congregationibus, societatibus, & conventiculis supra dictis, possint facere, & se in bonis exercendo virtutum actibus, Domino, prout ipse inspiraverit, in humilitatis spiritu deservire.

Cæterum quia præsentēs literæ nequeunt singulis vestrum propter locorum discrimina commode præsentari volumus, quod per te, Frater Archiepiscopo, earum transsumptum publica manu scriptum, & tuo communium Sigillo vestris Suffraganeis transmittatur, cui adhiberi volumus plenam fidem; Datum Avenione XIII. Calend. Novemb. Pontificatus nostri anno octavo.

His literis Romani Pontificis Archiepiscopi, & Præsules Germaniæ susceptis, memoratam Flagellatorum sectam in suis Diocesisbus damnatam, superstitiosam, impiam, & reprobam a Rom. Ecclesia publice denuntiari fecerunt, & sub Censuris prohibuerunt gravissimis: spontanea voluntate penitentes de commisso errore, cum pietate receperunt ad gratiam, contententes vero mandatum Ecclesiæ, & in sua temeritate perdurantes, variis cruciatibus addictos, aut mori compulerunt, aut ad S. Matris Ecclesiæ Catholicæ redire unitatem. Plures ea tempestate Clerici, Sacerdotes, atque Claustrales de mendicantium Ordinibus, qui *Flagellatorum, aut socii fuerunt*, aut Magistri, juxta Mandatum Papæ carceribus mancipati sunt, e quibus etiam nonnulli in vinculis obierunt. Duravit tamen Flagellatorum discursus in annum sequentem, & omnes deinceps evanuerunt.

Trithemius Chron. Hirsaugiensis Tom. II. ad annum 1348.

K k k k 3

Pri-

Prima secta Flagellatorum anno MXL-VII. aliis MLVI. sub Petro de Honestis Damiani dicto exorta est, altera vero hoc Sæculo XIV. nullo certo Auctore circa A. MCCCXLIX.

**§. VI. De Walthero Lollardo, (a)
ejusque Sectatoribus.**

ANno MCCCXIX. quidam Hypocritæ Gyrovagi, qui Lollardi, sive Deum laudantes vocabantur, auctore ac duce Lollardo Waltero, per Hannoniam & Brabantiam quasdam mulieres nobiles deceperunt, ac dein fedissimis erroribus multas Germaniæ Provincias infecere.

Articulorum a Lollardis assertæ hæreseos, *Trithemio* teste, *Primus* erat: Missam vanitatem esse dicebant, & nullius vel reverentiæ, vel utilitatis.

II. Luciferum cum demonibus cælo injuria pulsū dicebant, tandemque Beati- tudini cum omnibus suis restituendum: Michaelē & omnes Angelos æternis cruciatibus deputandos, hominesque ab eorum secta alienos similiter esse damnandos; unde cum se mutuo salutarē, dicebant: Salutē te injuriā passus, id est, Lucifer.

III. Iste nefandissimus fuit: dicebant enim, Maria, si Virgo mansit post partum, non hominem, sed Angelum peperit.

IV. Dicebant, se duodecim habere Apostolos, qui totum Imperium singulis annis perlustrarent, & duos ex eis ordine, & professione Seniores singulis annis paradysum intrare: potestatem ab Elia, & Enoch ligandi, & solvendi accipere, quam aliis communicarent in eadem secta constitutis.

V. Sacramentum Baptismi irridebant, dicentes: Si Baptismus est Sacramentum, ergo quodlibet balneum est Sacramentum, & per consequens quilibet balneator esset Deus.

VI. Sacramentum pœnitentiæ turpiter vitiabant, confitentes non Sacerdotibus, sed laicis in genere peccata sua, non speciem exprimentes, sperantes se ex hac confessione omnium peccatorum, & a pœna, & a culpa remissionem plenariam recepturos.

VII. Sacramentum Dominici Corporis non credebant, Hostiam consecratam Deum sœcticum appellantes.

VIII. Sacramentum quoque Matrimo-

nii juratum meretricium in vulgari nuncupabant.

IX. Sacramentum extremæ Unctionis irridebant, & interrogati, super eo quid sentirent, unanimiter responderunt: nos credimus, olera quanto fuerint oleo plus condita, tanto esse meliora: Consecrationes Ecclesiarum, Cœmeteriorumque, & Benedictiones palmarum, salis, aquæ, & cœterorum, quæ in Ecclesia fiunt, nihil esse dicebant.

X. Item dicebant, Deum nec scire, nec punire mala, quæ sub terra fierent: unde in speluncis & cavernis subterraneis convenientes, pater cum filia, frater cum sorore, ac filius cum matre indifferenter turpitudinem carnis suæ exercebant.

XI. Romanam Ecclesiam non Christi, sed gentium infidelium esse dicebant, omniaque Statuta Ecclesiæ cum Prælati & Ministris ejus contemnebant.

XII. Jejunium irridebant, carnibus omni tempore, etiam in sexta feria Parasceves, vescabantur.

XIII. Dies festos non servabant, sed in die Paschæ laborabant.

XIV. Perjurium, dicebant, non esse peccatum.

XV. Merita, & intercessionem quorumlibet Sanctorum posse hominibus apud Deum præstare, Suffragia negabant.

Sed & alios complures Articulos profitebantur erroris, quorum prolixitas inserta his, inquit *Trithemius*, tedium lectoribus, ut vereor, generaret: adeo enim grassata fuit hæc hæresis, ut in Austria, Bohemia, finitimisque Provinciis plusquam octoginta millia hominum in eam sectam jurati & professi numerarentur.

Et infra: Multi eo tempore in Austria fuerunt in diversis locis combusti, qui omnes unanimiter in suis erroribus pertinacissime usque ad mortem cum magna hilaritate permanserunt: inter quos puella una speciosa, nomine Gisle, dum jam esset cremanda, interrogatur a Judice, si adhuc virgo? quæ coram omnibus respondit: super terram adhuc virgo sum, sub terra vero minime; credebant enim sapui, virgines sub terra non posse deflorari, etiam si a mille viris cognoscerentur, neque stuprum esse peccatum.

Gloriari talibus Patriarchis possunt hujus

(a) *Lollardorum nefaria dogmata per Germaniam, Austriam, & Bohemiam sparsa fuisse, narrat Trithemius in Chronico Hirsaugiensi: Sanderus de visibili Monarchia: Gerbrardus in Chronico: Hocsemius: cœvus auctor Chronici Colonienfis Germanicæ. Una cum Beguardis, Lollardos emerisse sub Henrico VII. affirmat Odoricus Raynaldus Tomo XV. ad annum Christi 1318. v. 44.*

Lollardorum nomen infame Wicleffitis, vulgo inditum fuisse, asserit Raynaldus ex eo, quod Walsinghamus Wicleffitas passim Lollardos fuisse vocatos scribat, sed Wicleffus post Lollardum vixit & erravit: Nos singulas hæreseos loco & tempore suo discernemus.

jus Sæculi novatores, qui plura ab his venera habere. Non tulit autem impune scelus sectæ Princeps Waltherus, qui Coloniam exultus fuit. Anno MCCCXXII. (a) cum hærefim, quam scriptis propagarat, tueretur pertinaciter.

Odoricus Raynaldus in Annal. Ecclesiast. ad annum 1319.

(a) *Chronica Colonienfis ad ann. 1322. Trierhem. in Chronico Hirsaugienfi ad eundem annum hujus Sæculi 22. dum.*

§. VII. D. Ekardo, Dominicano fratre, Coloniam primum, dein Romæ damnato sub vitæ finem respiciente.

Emersit e sacra Prædicatorum familia blasphemus quidam Ekardus, (a) sacræ paginæ Doctoratus laurea donatus, & a Thaulero laudatus: qui cum errores sædissimos disseminaret, primum a Colonienfi Archi-Episcopo in quæstionem fidei vocatus fuit, tum causa ejusdem ad Sedem Apostolicam devoluta, cum iterum exerceri cepisset, constitit tum utroque examine, tum Ekardi ipsius confessione, ipsum prædicasse, scripsisse, ac docuisse nonnulla, quæ cum Fide Catholica pugnabant, & alia, quæ hæreseos suspitione laborabant, ac propterea ex sacri Cardinalium Senatus consilio damnata fuere. Tum etiam Pontifex in eos omnes, qui eos errores pertinaciter tuerentur, quæstionem haberi jussit, injunxitque partes Archi-Episcopo Colonienfi; ut literas Pontificias, quibus ii errores confutati erant, in Provincia sua promulgaret; ne inficerentur simplicium animi, iisque maxime, apud quos Ekardus, dum vivebat, errores fuderat.

JOANNES &c. AD PERPETUAM REI MEMORIAM.

Dolenter referimus, quod quidam his temporibus, de partibus Teutoniæ, Ekardus nomine, Doctorque, ut fertur, sacræ paginæ, ac Professor Ordinis Fratrum Prædicatorum plura voluit sapere, quam oportuit, & non ad sobrietatem, neque secundum mensuram fidei, quia a veritate auditum avertens, ad fabulas se convertit; per illum enim patrem mendacii, qui se frequenter in lucis Angelum transfiguratur, ut obscuram, & tætram caliginem sensuum pro lumine veritatis effundat, homo iste seductus, contra lucidissimam veritatem

fidei in agro Ecclesiæ spinas, & tribulos germinans, ac nocivos carduos, & venenosos paliuros producere satagens, dogmatizavit multa, fidem veram in cordibus multorum obnubilantia, quæ docuit, quam maxime coram vulgo simplici in prædicationibus suis, quæ etiam redegit in scriptis.

Ex inquisitione siquidem contra eum super his auctoritate Venerabilis Fratris nostri HENRICI Colonienfis Archi-Episcopi prius facta, & tandem auctoritate nostra in Romana Curia renovata, comperimus evidenter constare per confessionem ejusdem Ekardi, quod ipse prædicavit, dogmatizavit, & scripsit viginti sex articulos, tenorem, qui sequitur, continentes.

Articulus primus. Interrogatus quandoque, quare Deus mundum non prius produxerit, respondit tunc sicut nunc, quod Deus non potuit primo producere mundum, quia res non potest agere antequam sit; unde quam cito Deus fuit, tam cito mundum creavit.

Articulus secundus. Item concedi potest mundum fuisse ab æterno.

Articulus tertius. Item simul, & semel quando Deus fuit, quando Filium sibi coæternum, per omnia coæqualem Deum genuit, etiam mundum creavit.

Articulus quartus. Item in omni opere etiam malo, tam poenæ, quam culpæ, manifestatur, & relucet æqualiter gloria Dei.

Articulus quintus. Item vituperans quempiam vituperio, ipso peccato vituperii laudat Deum; & quo plus vituperat, & gravius peccat, amplius Deum laudat.

Articulus sextus. Item Deum ipsum quis blasphemando, Deum laudat.

Articulus septimus. Item quod petens hoc, aut hoc, malum petit & male, quia negationem boni, & negationem Dei petit, & orat Deum sibi negari.

Articulus octavus. Qui non intendunt res, nec honores, nec utilitatem, nec devotionem internam, nec sanctitatem, nec præmium, nec Regnum Cælorum, sed omnibus iis renunciaverunt, etiam

(a) *Odoricus Raynald. Annal. Eccles. ad annum 1329, aliis scribitur Echardus.*

etiam quod suum est, in illis hominibus honoratur Deus.

Articulus nonus. Ego nuper cogitavi, utrum ego vellem aliquid recipere a Deo, vel desiderare: ego volo valde bene de hoc deliberare, quia ubi ego essem accipiens a Deo, ibi essem ego sub eo vel infra eum, sicut unus famulus, vel servus, & ipse sicut Dominus in dando; & sic non debemus esse in æterna vita.

Articulus decimus. Nos transformamur totaliter in Deum, & convertimur in eum simili modo, sicut in Sacramento panis convertitur in Corpus Christi: sic ego convertor in eum, quod ipse operatur me suum esse. Unum, non simile: per viventem Deum, verum est, quod nulla ibi est distinctio.

Articulus undecimus. Quidquid Deus Pater dedit Filio suo unigenito in humana natura, hoc totum dedit mihi: hic nihil excipio, nec unionem, nec sanctitatem, sed totum dedit mihi, sicut sibi.

Articulus duodecimus. Quidquid dicit Sacra Scriptura de Christo, hoc etiam totum verificatur de omni bono & Divino homine.

Articulus decimus tertius. Quidquid proprium est Divinæ naturæ, hoc totum proprium est homini iusto, & Divino: propter hoc iste hoc operatur, quidquid Deus operatur: & creavit una cum Deo Cælum & terram, & est Generator verbi æterni, & Deus sine tali homine nesciret quicquam facere.

Articulus decimus quartus. Bonus homo debet sic conformare voluntatem suam voluntati Divinæ, quod ipse velit, quidquid Deus vult: &, quia Deus vult aliquo modo, me peccasse, nollem ego, quod ego peccata non commissem: & hæc est vera penitentia.

Articulus decimus quintus. Si homo commisisset mille peccata mortalia, si talis homo esset recte dispositus, non deberet velle, se ea non commisisset.

Articulus decimus sextus. Deus non præcepit actum exteriorem.

Articulus decimus septimus. Actus exterior non est proprie bonus, nec Divinus: nec operatur ipsum Deus proprie, nec parit.

Articulus decimus octavus. Afferamus fructum actuum, non exteriorum, * qui nos bonos non faciunt; sed actuum interiorum, quos Pater in nobis manens facit, & operatur.

Articulus decimus nonus. Deus animas amat non opus externum.

Articulus vigesimus. Quod bonus homo est unigenitus Filius Dei.

Articulus vigesimus primus. Homo nobilis est ille unigenitus Filius Dei, quem æternaliter Pater genuit.

Articulus vigesimus secundus. Pater generat me suum Filium, & eundem Filium: quidquid Deus operatur, hoc est unum, propter hoc generat ipse me suum Filium sine omni distinctione.

Articulus vigesimus tertius. Deus est unus omnibus modis, & secundum omnem rationem, ita, ut in ipso non sit invenire aliquam multitudinem in intellectu, vel extra intellectum: qui enim duo videt, vel distinctionem videt, Deum non videt: Deus enim unus est extra numerum, & supra numerum, nec ponitur unum cum aliquo: sequitur, nulla igitur in ipso Deo distinctio esse potest, aut intelligi.

Articulus vigesimus quartus. Omnis distinctio est a Deo aliena, neque in natura, neque in personis probatur: quia natura ipsa est una, & hoc unum, & quælibet persona est una, & idipsum unum, quod natura.

Articulus vigesimus quintus. Dum dicitur: *Simon diligis me plus bis?* sensus est, id est, plus quam istos, & bene quidem, sed non perfecte; in primo enim & secundo & plus & minus, & gradus est, & ordo. In uno autem nec gradus est, nec ordo: qui igitur diligit Deum plus, quam proximum, bene quidem, sed nondum perfecte.

Articulus vigesimus sextus. Omnes creaturæ sunt unum purum nihil: non dico, quod sint quid modicum, vel aliquid; sed quod sint unum purum nihil.

Objectum præterea extitit dicto Ekar-do, quod prædicaverat alios duos articulos sub his verbis:

Articulus primus. Aliquid est in anima, quod est increatum & increabile;
fi

si tota anima esset talis, esset increata, & increabilis, & hoc est intellectus.

Articulus secundus. Quod Deus non est bonus, neque melior, neque optimus; ita male dico, quodcumque voco Deum bonum, ac si ego album vocarem nigrum. Verum Nos omnes supra scriptos articulos, per multos Sacrae Theologiæ Doctores examinari fecimus, & Nos ipsi cum fratribus nostris illos examinavimus diligenter, & demum, quia tam per relationem Doctorum ipsorum, quam per examinationem nostram invenimus primos quindecim memoratos articulos, & duos etiam alios ultimos, tam ex suorum sono verborum, quam ex suarum connexione sententiarum, errorem, seu labem hæresis continere; alios vero undecim, quorum primus incipit, Deus non præcipit &c. reperimus nimis male sonare, & multum esse temerarios, de hæresique suspectos, licet cum multis expositionibus, & suppletionibus, sensum Catholicum formare valeant, vel habere. Ne articuli huiusmodi, seu contenta in eis, corda simplicium, apud quos prædicati fuerunt, ultra inficere valeant, neve apud illos, vel alios quomodolibet invalescant; Nos de dictorum Fratrum nostrorum consilio præfatos quindecim primos articulos, & duos alios ultimos tanquam hæreticos, dictos vero alios undecim tanquam male sonantes, temerarios, & suspectos de hæresi, & nihilominus libros quoslibet, seu opuscula ejusdem Ekardi, præfatos articulos, seu eorum aliquem continentes damnamus, & reprobamus expresse: si qui vero eosdem articulos pertinaciter defendere, vel approbare præsumperint, contra illos, qui prædictos quindecim articulos, & duos alios ultimos, seu eorum aliquem sic defenderint, aut approbaverint, tanquam contra hæreticos; adversus vero eos, qui alios dictos undecim articulos, pro utionant verba eorum, defenderint, aut approbaverint, velut contra suspectos de hæresi procedi volumus, & mandamus.

Porro tam illis, apud quos præfati articuli prædicati seu dogmatizati fuerint, quam quibuslibet aliis, ad quorum devenire notitiam, volumus notum esse, quod, prout constat per publicum instru-

mentum inde confectum, præfatus Ekardus in fine vitæ suæ fidem Catholicam profitens, prædictos viginti sex articulos, quos se prædicasse confessus extitit, nec non quæcumque alia per eum scripta, & docta sive in scholis, sive in prædicationibus, quæ possent generare in mentibus fidelium sensum hæreticum, vel erroneum, vel veræ fidei inimicum, quantum ad illum sensum revocavit, ac etiam reprobavit, & haberi voluit pro simpliciter & totaliter revocatis, ac si illos, & illa sigillatim, & singulariter revocasset; determinationi Sedis Apostolicæ, & nostræ, tam se, quam scripta sua, & dicta omnia submitiendo. Datum Avin. VI. Kal. Aprilis. Pontificatus Nostri anno XIII.

§. VIII. De festo Lanceæ & Clavorum hoc Sæculo instituto.

ANno 1354. INNOCENTIUS Lanceæ & Clavorum Christi in Bohemia, & Alemannia festum instituit, hac occasione: LUDOVICUS, Marchio Brandenburgensis, Ludovici Bavari, se pro Imperatore olim gerentis, Filius natus major, Carolus IV. Romanorum Regi, anno 1349. reconciliatus, tradidit Lanceam, Clavos, partem Crucis, & alia Insignia Imperialia, quæ a Patre habuerat, ut scribit *Joannes Nauclerus*; quæ distinctius explicans *Dubravius in Hist. Boemorum Lib. 22.* ait: prædicta signa Imperialia fuisse gladium Caroli Magni, Lanceam Christi, dexteram portionem Sanctæ Crucis cum uno clavo, & mappa, qua ultima mensa Domini strata fuit, quæ Carolus in Bohemiam asportavit. Sed *Rebdorffius*, qui ea se vidisse, ait, in solemnitate Baptismi Wenceslai filii Caroli, qui anno 1361. ex Bohemia in Bambergensem Diocesim afferri jusserat, prædictis insignibus Imperialibus alia addit, ad eum annum scribens: "Insignia Imperialia, quæ tunc vidi, de quibus
" Papa festum indixit, sunt hæc: primum
" ferrum Lanceæ, quæ transfixit Latus Christi:
" Item Clavus cum aliqui petia ligni
" Sanctæ Crucis, quæ transivit manum
" Christi: item gladius Caroli Magni, primi
" Imperatoris Romanorum, quem tunc Imperator tenebat in manibus, & corona,
" qua coronatus est in Imperatorem a Leone
" Papa III.: item gladius Mauricii Martyris:
" item petia Brachii Sanctæ Annæ Matris
" MARIE Virginis, & dens Joannis Baptistæ:
" item petia cordæ, qua Christus fuit ad columenam ligatus: Spongia, qua fuit in cruce potatus; & alia plures Reliquiæ Sanctorum.

"Etorum." Sed vel fallitur, vel memoria labitur *Rehdorsius* scribens: Papam de his omnibus Reliquiis Festum indixisse; nam *Auctor primæ vitæ Innocentii VI.* loquitur tantum de Lancea & Clavis Christi: Ad Caroli instantiam, *inquit*, dictus INNOCENTIUS Festum solemne ordinavit de Lancea & de Clavis Christi in Alamannia & Bohemia observandum, & colendum temporibus successivis. *Auctor etiam secundæ vitæ ait*: Ad petitionem Domini Imperatoris festum Lanceæ, & Clavorum Christi instituit per Alamanniam, & Bohemiam die Veneris post octavas Paschæ celebrandum. Et quidem recte, nam INNOCENTIUS in Diploma- te, quod ad hujus festi institutionem dedit Avenione Idibus Februarii, anni secundi Pontificatus, seu anni 1354. quod extat apud *Raynaldum Num. 18*, meminit solius Lanceæ, qua transfixum est latus Christi & unius ex Clavis, quibus cruci affixus fuit, indulgentiasque concedit iis, qui annuatim visiterint Ecclesiam, in qua Lancea & Clavus fuerint, in die Festi, seu feria sexta post octavam Resurrectionis Dominicæ.

Baronius ad annum MCCCCXXIX. agit de Lancea ex Christi clavis confecta, quæ dicebatur fuisse Constantini Magni, quamque Henricus Germaniæ Rex extorsit a Rodolpho Burgundiæ, & Italiæ Rege, qua præeunte tam ipse Henricus, quam ejus Successor Otto, sæpius hostes fugarunt, *ut legitur in gestis B. Gerardi Abbatis Bromensis*, apud *Sarvium die 3. Octobris*, & in *Luitprando Lib. 4. Cap. 12.* Addit *Baronius in bist. de gestis Angl. post Bedam Lib. 2. Cap. 8.* asser-tionem esse de alia lancea, quæ Caroli Magni fuisset, ferreturque esse eadem, quam Centurio lateri Christi impigisset. Sed Romani contendunt verum ferrum Lanceæ, quo Christus in cruce transfossus est, in Basilica Vaticana a populo Christiano inter alia Dominicæ Passionis Sanctissima monumenta coli, sicque illam Lanceam, quæ in thesauro Imperiali servabatur ex aliqua parte Clavorum Dominicorum, conjuncto alio ferro, eleganti opere elaboratam, dono traditam RODOLPHO Burgundiorum Regi fuisse, & a Rodolpho extortam ab Henrico Germaniæ Rege. . . .

Utrum Corona, de qua loquitur *Rehdorsius*, fuerit illa, qua Carolus Magnus coronatus est Imperator a Leone III, & diversa non sit ab ea, quam in capite habebat anno Millesimo, quando corpus ejus repertum fuit, divinari non potest. Ceterum Sanctum Ludovicum, Franciæ Regem, ferrum Lanceæ, quo Christus transfixus est, cum Spongia, qua potatus est, una cum aliis pretiosis & facris Reliquiis, quæ diversis creditoribus, & diversis temporibus a Fran-

cis Constantinopoli imperantibus pignori obligata fuerant, BALDUINI II. Imperatoris Constantinopolitani consensu & voluntate redemisse, easque in sancta Capella collocasse cum Corona Christi spinea, Anno 1238. pluribus ostendit *Spondanus ad eum annum Num. 6. & seqq.* Pagi in *Breviario Historico Tomo IV. pag. 157.*

§. IX. De duabus Bullis Clementis V. ab Innocentio VI. revocandis, rogatu Caroli IV.

CAROLUS IV. Imperator anno 1359. *juxta Spondanum* binas CLEMENTIS Quinti Pontificis Constitutiones, quarum altera incipit: *Romani Principes*, quæ in corpus Juris Clement. Tit. De *jurejur.* & altera, quæ incipit: *Pastoralis*, quæ extat etiam in *Clementinis*, Tit. De *sent. & re judic.* Henrici VII. Imperatoris avi sui, cujus causa latæ fuerant, & aliorum antecedentium Imperatorum memoriam offuscare apud Innocentium Papam causatus, semel atque iterum rogavit eas revocare, missis ad hoc Archiepiscopo Pragenfi, & Episcopo Argentinensi, quod Innocentius, re cum Collegio Cardinalium communicata, non esse sibi integrum facere excusavit; eo quod fuissent illæ magna consilii deliberatione decretæ, & mature consideratæ, cæterisque Sanctionibus Apostolicis in corpore Juris Canonici adjunctæ; non tamen eo quod in Synodo Generali Viennensi mature consideratæ fuissent, ut scribit *Spondanus*: quia hæ Constitutiones editæ sunt post Concilium Viennense, quod finitum est die sexta Maji anni 1312, cum prior constitutio edita fuerit post coronationem Henrici VII, quæ peracta est Romæ die 29. Junii ejusdem anni: & posterior post mortem ejusdem Imperatoris, quæ contigit anno 1313. die 24. Augusti.

Pagi in Breviario Tom. IV. pag. 165. N. XXII.

§. X.

Doctrinam de DUPLICI IN ECCLESIA GLADIO non excogitavit primus *Bonifacius VIII.*: jam pridem ante illum hæc allegoria Imperatores ipsi usi erant.

Ita *Henricus IV. in Comit. Wormat. A. 1077.* "Ipse Salvator in passione de DUO. RUM GLADIORUM sufficientia typica" intelligi innuit, cui cum diceretur: "Domine, ecce duo gladii hic; Respondit: "Satis est, significans, hæc sufficienti dualitate SPIRITUALEM & MATERIALEM GLADIUM in Ecclesia esse gerendum,

dum, quibus omne nocivum foret amputandum : videlicet SACERDOTALI ad obedientiam Regis pro Deo; REGALI vero, ad expugnandos inimicos exterius, ac obedientiam interius. Ita quoque *Fridericus I. Imp. A. 1159. in Epist. ad Episcopos Transmontanos* : Quod in Passione sua Christus DUOBUS GLADIIS contentus fuit, hoc in Romana Ecclesia, & in Imperio credimus mirabili providentia declarasse; cum PER HÆC DUO RERUM CAPITA, & principia TOTUS MUNDUS tam IN DIVINIS, quam IN HUMANIS, ordinetur. Cumque unus Deus, unus Papa, unus Imperator sufficiat, & una Ecclesia Dei esse debeat.

Et anno 1177. in *Epist. ad Emanuel. Imperat. Constantinop.* Sicut ille Rex Regum, a quo omnis potestas, Romanum Imperium caput totius orbis constituit; ita etiam Sedem Romanæ Ecclesiæ omnium Ecclesiarum unicam Matrem, Dominam, Magistramque ordinavit, quod utique DUORUM numero GLADIORUM signavit, quos dixit ubi sufficere ipse author Fidei Christianæ. Quapropter tuam prudentiam commoneamus, quatenus Nobis, & Romano Imperio honorem debitum recognoscas, & Summo Pontifici, quem nomine Sanctum appellas, debitam exhibeas reverentiam & honorem." *Fridericus quoque II. in Constit. I. contra heret.* Commisisti Nobis cura Regiminis cœlitus, & Imperiale, cui dante Domino præsidemus, fastigium dignitatis, MATERIALEM, quo DIVISIM a SACERDOTIO fungimur, GLADIUM adversus hostes fidei, in exterminium hæreticæ pravitatis, exigunt exercendum. Nec non tres S. R. I. Electores: Palatinus, Saxo, Brandeburgicus, in Ratificatione donationum, Pontifici per Rudolphum I. factarum, vel confirmatarum de anno 1279. : Hic est, qui MATERIALEM GLADIUM ad ipsius nutum excutit, & convertit, ut ejus præsidio Pastor Pastorum adjutus, oves sibi creditas SPIRITUALI GLADIO protegendo communitat, temporali refrænet & corrigat.

Ex Thesib. Honthemianis editis Treviris A. 1760.

§. XI. *Wenceslaum quindecennem non fuisse electum Regem Romanor. iis conditionibus, quas a Pontifice præscriptas,*

Spondanus meminit.

A Ntequam Avenione Gregorius recederet, recepit literas, quibus Carolus IV. Imperator eum rogabat, ut Filium ejus primogenitum Wenceslaum, jam olim in confortium Regni Bohemiæ allectum, etiam in Regem Romanorum, Imperii futurum Successorem, annum licet tantummodo decimum quinquem ætatis agentem ab Electoribus evehi permetteret, cum ad hujusmodi electionis celebrationem, inquit Carolus in literis ad Pontificem ea de re scriptis Nuremberg anno Domini 1376, Indictione XIV, II. Nonas Martii, quæ extant apud Raynaldum Num. 13. Nobis viventibus procedi non valeat sine vestris beneplacito, assensu, & gratia, & favore. *Spondanus num.* 5. addit, id permisisse Gregorium ea conditione, ut Wenceslaus ante omnia, exemplo Henrici VII. ipsius proavi, & Caroli patris, ex formula præscripta juraret, se bona Ecclesiæ Romanæ non occupaturum, libertatem Ecclesiasticam non violaturum, sed conservaturum : in administrationem Regni & Imperii, ante solemnem inaugurationem, a Pontifice, vel ejus licentia ab alio factam, se se non intromissurum, quin imo nec ipsos Regis, aut Imperatoris titulos sine Sedis Apostolicæ consensu suscepturum, scriptis ea de re literis ad eosdem Carolum, Wenceslaum, & Principes Imperii, ad principium mensis Maji. Verum in literis Gregorii Papæ ad Carolum, quæ extant apud Raynaldum laudatum, quibus prædicti Wenceslai electionem permittit, nihil tale reperitur, datæ sunt autem *Avin. V. Nonas Maji anno VI.* Post hæc Wenceslaus electus est Romanorum Imperator die decima Junii Francofurti, sed ejus electio confirmata tantum est ab Urbano VI.

Pagi in Breviario Tomo IV. pag. 223. in vita Gregorii XI. No. XXIV.



Addenda Supplemento Tomi IV.

CONCILIIUM HALBERSTADIENSE
Anno Christi MCCXCVI. Bonifacii VIII. Papæ II.
Adolphi Regis IV.

SUMMA. VOLRADUS, (a) Episcopus Halberstadensis, definit, dotem uxori ex bonis hæreditariis dari non posse sine consensu hæredum.

Anno Domini MCCXCVI. quarta feria posterus Palmas, Nobis, VULRADO, Halberstad. Ecclesie Episcopo, *Sacrofanctæ Synodo* in nostra majori Ecclesia Halberstad. præsentibus, extitit quesitum, generaliter diffinitum, & ab omnibus finaliter applicatum, quod nullus omnino vir possit bona hereditaria, que in structuris, pecoribus, equis, ac mansis, nomine hereditario

possideret, uxori sue in dotem absque hæredum consensu aliquammodo dare, seu etiam designare. In cujus rei testimonium sigillum nostrum presentibus dedimus apponendum.

Datum anno & die predictis.

Ex autographo coævo manu sua descripto & communicavit Clemus D. ab Erath, Consiliarius Regiminis Nassovico-Dillenburgericus.

(a) Volradus Episcopus XXVIII. Halberstadiensis, Dominus in Krannigfeld, sedit ab anno 1255, ad hunc annum: quod tamen Cl. Lentzen positive non audeat asserere. Ultimum ejusd. Diploma de anno 1293. refert ex Meibomio, sed ex Reimanno aliud de A. 1297. *Lentzen Hist. Diplom. Halberstad.*

VERDENSE CONCILIUM

Anno Chr. MCCCXXXIII. Joannis XXII. PP. XVIII.
Ludovici Imp. XIX.

SUMMA. Quantitas Decimæ majoris & minoris solvenda definitur.

Anno MCCCXXXIII. Feria sexta infra octavam Pentecostes coram Nobis JOANNE (a), Divina Providentia Verdenfis Ecclesie Episcopo, diffinitum fuit in *nostra Synodo Generali*, quod quilibet decimalis de jure tenetur de decima majori præstare duo plaustra de suis frugibus ad spatium unius miliaris unum plaustrum de frugibus hyemalibus, aliud de estivalibus in locum Domini sui, ad quem decima videtur pertinere.

Secundo fuit diffinitum de decima minuta, quod partes ultra numerum existentes, & hoc numero decem incompleto (b) sis de polledris, vitulis,

apibus, bobus, ovibus, edis, agnis, aut de aliis quibuscunque debent de illo præsentis anni considerari, & usque in futurum annum penitus reservari, donec numerus decennarius compleatur, & debent frequentius decimari, & hoc est de singulis annis faciendum. Acta hæc sunt in Ecclesia Beatæ Virginis in Luneborch coram multis Viris ydoneis, & discretis.

In cujus testimonium Sigillum nostrum presentibus est appensum.

Cl. D. ab Erath Consiliarius Nassovico-Dillenburgericus communicavit.

(a) Joannes Ep. Verdenfis XXXVII: postea translatus ad Eccles. Frisingensem: Magister erat in Medicinis, & Medicus Papæ: unde ad Rom. curiam evocatus, Godefrido de Werpe Canonico Verdenfi, Ecclesiam Verdensem in Spiritualibus & temporalibus gubernandam commisit. *Chron. Epporum Verdensium pag. 219. Apud Leibnitz Tom. II. Script. Brunsvicens.*

(b) an five, an sit?

SYNODUS TRIDENTINA

Anno Christi MCCCXXXVI. Benedicti XII. Papæ II.

Ludovici Regis XXII.

SUB HENRICO III. EPISCOPO.

STATUTA XXXI.

IN Christi Nomine, Amen. Ad honorem & reverenciam DEI Patris Omnipotentis, & Beatissime Genitricis ejus MARIE Virginis gloriose, nec non Patroni nostri Beati VIGILII Martiris gloriosi, & ad salutiferum & pacificum statum, ac instructionem, conservationem, & reformationem omnium jurium & honorum tam Nostrorum, quam & totius Capituli nostri, & Cleri Ecclesie Tridentine.

NQS Frater HENRICUS, DEI & Apostolice Sedis gracia Tridentinus Episcopus (a). Assistentibus nobis unanimiter, & nemine discrepante, ad omnia & singula infra scripta consensientibus, & volentibus, ac approbantibus Venerabilibus Viris Dominis Henrico de Ralo Decano, Gerardo Archidiacono, Nicolao de Michina Scholastico, Francisco de Placentia, Antonio de Mediolano, Petro de Ralo, Federico de Mantua, Dino de Bononia, Fulcerio de Coneglano, Bartolameo de Valleffella, Johanne de Brixia, Laurencio ac Guilielmo de Brixia, Nicolao ac Jacobo de Tajo, Francisco de Clessio, Otto de Piano, Johanne de Azano, Henrico de Landesperch, Ottebello de campo Tridentino, Rollandino de Parma, Canonicis Tridentinis: nec non Honorabilibus Viris Dominis Venturino de Mantua, ac Martino de Novaria Mansionariis, Juliano de Burgonovo, Geminiano de Cremona, Blasio de Coneglano, Johanne de Castro, Alberto de Mantua, Johanne de Sabaudia, Ognabeno de Schogozamortis, Federico de Tajo, Johanne de Sancta Cruce, Mansionariis & Cappellanis dicte Ecclesie Tridentine, & aliis Canonicis dicte ecclesie Tridentine tanquam toto Capitulo, ac majori dupliciter & saniori parte ipsius Capituli personalem & continuam facientibus ref-

ferentiam in eadem, in choro ipsius Ecclesie ad sonum campane, ut moris est, ad Capitulum pro agendis infra scriptis, una nobiscum, & cum universis de Clero nostro intrinseco & extrinseco nostre civitatis Tridenti, & Diocesis per Nos nuper ad nostram Generalem Sinodum vocato specialiter congregatis: Primo & ante omnia, ipsa etiam Sinodo approbante, (b) non derogantes propterea aliquibus nostris aliis, & ejusdem Capituli, ac Predecessorum nostrorum, & prefate nostre Ecclesie juribus, constitutionibus, seu provisionibus, aut ordinamentis, consuetudinibus juridicis, vel statutis sub quacumque forma editis, observatis, & factis, sed eas, & ea verius innovantes, ac presentis scripti serie in quantum possumus & jus patitur confirmantes, has infra scriptas additiones, seu constitutiones, & provisiones, ac ordinamenta pariter & statuta, Nos semper hujusmodi veteribus conformando constitutionibus, seu consuetudinibus validis, & statutis pro evidenti & necessaria utilitate nostra, dictique nostri Capituli, & Cleri, Successorumque nostrorum, & Ecclesie prelibate. Insuper & in quantum Divinus cultus augmentatur exinde, & salus respicitur animarum, salvis semper prius & in omnibus prius plenarie observatis Apostolice Sedis (c) Dni Patriarche, Aquilegensis, & Legatorum, seu Delegatorum, vel Nunciorum suorum, eorum prefertim, quorum interest vel interesse poterit, in futurum, ac Nostra, & dicti Capituli nostri jurisdictione, reverencia, & honore omni modo jure, auctoritate, via & forma, quibus melius ac sanctius, & validius possumus, & debemus, facimus, edimus, componimus, & creamus. Que decernentes perpetuo duratura illa sub penis infra scriptis, ac in virtute sancte obedientie mandamus & volumus

L III 3

per

(a) Notas vide sub hujus Concilii finem.

per omnes & singulos, quos tangunt, vel in futurum tangere poterunt, plenissime & inviolabiliter observari.

Ut Residentes Canonici visitent Officium.

I. Ob summe Reverenciam Trinitatis statuimus & ordinamus, ut omnes Canonici Prebendati in nostra Cathedrali ressident Ecclesia, non semiplenam, immo plenissimam per effectum ressidentiam facere teneantur, ad eandem suam Cathedrali Ecclesiam ad Horas continue accedendo: ita quod per eos Divinum Officium nostrum videlicet & diurnum solempniter, ut congruit, peragatur. Et qui in Matutino ante Invitatorii, in Missa ante Kireleison per totum, & in Vesperis ante primi Psalmi complectionem non venerit, & si venerit, non perseveraverit usque in finem predictarum Horarum, vel si exiens ex aliqua iusta causa non redierit ante finem dictarum Horarum; distributionibus suis ad hoc dari deputatis & solitis, secundum Horas neglectas careat illa die vel Hora, ad alios perseverantes illico devolvendis, nisi forte infirmitas vel alia iusta causa, ut in servicio Capituli, & ipsius scitu & licencia eum probabiliter excusaverit.

Quantum absens percipere debeat.

II. Ut in augmentum Divini Cultus & in absencium dampnum profectusque evidens ressidentibus elucescat, presertim in favorem ipsorum ressidentium volentes antiquissimis & prescriptis & jam dudum observatis & juratis in eadem Ecclesia constitutionibus consuetudinibus & statutis Nos duce Domino conformare, hoc presenti edicto statuimus & ordinamus, quod quicumque fuerit in dicta Cathedrali Ecclesia Canonicus Prebendatus, etiam si Decanus fuerit, qui ibi duas Prebendas obtinet, quando est Canonicus & continuam annualem ressidentiam non fecerit, ut teneatur, Prebendis careat integris ejus anni, & sibi tanquam absenti XXV. libre parv. Veron. pro unaquaque Prebenda per Caniparium communis dicti nostri Capituli, vel per ipsum Capitulum, qui ipsam Prebendam regant, gubernent, & colligant, vel ambas quando habet, ut jura Ecclesie melius conser-

ventur, sicut semper est observatum hactenus, tantummodo assignentur: de quibus pro anno quolibet dicte sue absencie quilibet penitus sit contentus. Residuum autem hujusmodi sue Prebende ad Canipam dicte communis perveniat cum effectu: salvo quod si resederit aliqua parte anni, tunc pro rata temporis, quo resederit, ratam Prebende percipiat retinendo sibi etiam partem XXV. libr. seu computando pro rata temporis, si dictas XXV. libras absens antea recepisset.

Idem ut proxima Rubrica, & ne liceat alicui locare &c. suam Prebendam.

III. Item statuimus, quod quilibet absens Canonicus Tridentinus, qui Prebendam suam habere debuerit, vel debet ex privilegio, vel de jure, in studio legitime commorando, vel in servicio Domini Episcopi vel Capituli existendo, LXIV. libr. Veron. parv. anno quolibet sue Prebende Canonice redditibus tantummodo sit contentus, prout est semper observatum, sibi vel Procuratori suo in civitate Tridenti per ipsius communis Caniparium assignandis, postquam de jure suo predicto Capitulo fecerit plenam fidem. Residuum hujusmodi reddituum eidem taliter dispensato, seu Procuratori suo vel Nuncio, potestas recipiendi, vel petendi, ex nunc in antea sit penitus interdicta, ymmo ipsum totale residuum ad eandem communis canipam integre devolvatur pro celebrandis Missis suarum Septimanarum, & Collectarum, & aliis oneribus supportandis. Nec liceat de cetero ipsi taliter dispensato redditus ipsos Canonicales aliquibus locare, aut committere, sive dare, seu cuiquam locationis aut commissionis, vel alio titulo sive causa recipere exigendos: ex nunc enim illum certum reddimus statuentes, ut redditus iidem per dictum Caniparium totaliter exigantur, nec ei taliter danti sive recipienti quicquam de hiis, per eundem Caniparium volumus seu quoquomodo intendimus ultra dictas LXIV. libras debere de cetero responderi. Aliter autem omnis locatio sive alienatio aut conductio talium reddituum, que contra presentem nostram Constitutionem & Statutum facta foret, vel fieret

fieret in futurum, nisi forte facta esset vel fieret dicto Capitulo, vel ejus nomine Canipario dicte communitalis, aut ejus Procuratori, vel Sindico pro dictis, ut premittitur, pecunie quantitatibus, viribus penitus non subsistat, & tanquam nullam esse volumus, & nullam debere vel posse de cetero subsistere firmitatem.

Pro presenti reputatur Residens in Tridento, vel in Beneficio in ejus districtu.

IV. Nemini derogare volentes, eum vel eos de dicto Capitulo, qui in civitate Tridenti, vel ejus districtu ad sua Beneficia continuam residentiam faciunt, & domicilium proprium & verum cum propria familia in civitate habent, nusquam pro absentibus, sed pro continue residentibus, haberi, seu intelligi, vel notari volumus, etiam si per unum aut duos menses continuos, vel interpolatos in anno semel & non ultra, moram traxerint extra teretorium Tridentinum, dummodo causis etiam cessantibus proxime scriptis de ipsius Capituli licencia se absentaverint, & consensu: nisi forte extra teretorium ipsum Canonicales redditus suos exigere vel recipere necessario compellantur. Aliter contraveniens quilibet xxv. libras in anno Veron. parv. pro dicta sua Canonicali Prebenda in Tridento a Canipario dicti Capituli recipiat, ut semper consuetum est, vel solummodo pro rata temporis ejus, quo residens fuerit. Absencie vero tempore in sui prejudicium redundante Canonicales ipsos suos recipiat fructus pre-taxatos.

De Officio Mansionariorum.

V. Mansionarios, qui bini unam valore parem ex Canonicalibus Prebendis equis percipiunt portionibus annuatim, quemadmodum & suum sibi in choro nostre Katedralis Ecclesie commissum officium eos artat, ad continuam, nisi forte iusta & probabilis causa excusaret, eosdem tunc per substitutos ydoneos astringimus residentiam personalem, quos onanino non minus ad personalem in eadem Ecclesia totius officii nocturni videlicet & diurni obnoxios reddimus, quam alios Prebendatos. Sed amplius tanto eos, quanto Beneficiorum suorum intuitu deputatum eis officium

hoc exposcit. Inviolabiliter statuentes, quod liceat ipsorum quilibet, ymmo & ipsorum quilibet, qui in Sacerdotali sive Presbiterali officio, sive Presbiterali Mansionaria fuerit constitutus, sicut & de jure & approbata consuetudine ad hoc astringitur, omnino teneatur & debeat suam in dicto choro, vel alias in dicta Ecclesia per ordinem, omni cessante scandalo & errore, facere septimanam. Et qui Septimanarius fuerit, continue sit de primis, qui ad chorum veniat, tam ad denunciandum & providendum Libros & Officium decantandum, quam ad alia incumbencia, & ad se etiam ibi sive foris spectancia peragenda suplegendum, etiam si ea animarum curam respicere dinoscatur, nuncios sive jubens super Psalmos, Antiphonas, Responsorialia, Versus, & alia incumbencia, prout ad eum pertinet, ex inferioribus in eadem Ecclesia Beneficiatis seu Ministrantibus, quibus placet, nullo ex eis penitus in contrarium attentante. Et si in veniendo, vel in executione sui Officii defecerit idem Septimanarius per contemptum, aut aliquis ex inferioribus ipsis apparuerit eum impediens, vel jussum ejus negligens in predictis, ad arbitrium Decani Tridentini, vel eo absente, dignioris, vel antiquioris Canonici, tunc ibi presentis, in pecunia secundum demerita illico puniatur, & secundum penas in proxima inferiori nostra Constitutione conscriptas & insertas.

Ut Capellani absentes citentur ad residentiam & qualiter teneantur celebrare Officium.

VI. Quoniam ex Capellanorum seu Prebendariorum improvidentia & torpore, quorum Altaria in nostra majori Ecclesia pro animarum salute specialiter sunt fundata, persepe contencio oritur, nimio proinde scandalo premimur & gravamur; ut de cetero in decantacione Missarum & Officii congruenti animarum provideatur saluti, & ad remociorem tante contencionis & scandali populo satisfiat, hoc sancto & inviolabili Edicto statuimus & ordinamus, ut cum plures in dicta Ecclesia sint numero Prebendati, & pauci ex eis resideant in eadem: statim absentes omnes ad continuam residentiam, sicut sua requirunt Bene-

Beneficia, personaliter sint citati, qui omnibus Horis Canonice nocturnis videlicet & diurnis per se, omni exceptione remota, vel si causa rationabilis affuerit, tunc per Substitutos idoneos teneantur effectualiter deservire. Nemo ex eis absque Decani, vel eo absente, Archidiaconi aut Scolastici vel antiquioris Canonici tunc presentis licentia, de dicta Ecclesia, dum Divino Officio intenditur, se audeat quomodolibet absentare. Et quia prave per ipsos deductum est in usum cottidie & verius in contemptum, quod diebus præcipue solemnibus, Dominicis videlicet & Festivis, nullus quasi ex eis pro consecutione alicujus lucri de mane maxime in Choro dicte Ecclesie ad Officium reperitur; inhibemus itaque in virtute sancte obedientie, & sub excommunicationis pena mandamus eisdem, ne aliquis ex eis extra dictam Ecclesiam ire presumat de cetero ad celebrandum alibi ad sepulturas, aut septima, tricesima vel anniversaria aliqua, nisi de ipsius Decani licentia processerit & mandato. Preterea ordinamus & volumus, ut per eos Divinum Officium oneste, solemniter & devote, omni cessante confabulatione, vel risu, tractum, distincte & intelligibiliter cum cantu & nota, aut submissa voce, ut convenit in prefata Ecclesia cottidie peragatur, nec ulla interim fiat altercatio inter eos. Continue etiam sint de primis & ultimis ad dicendum Officium & supplendum, nec intrent Chorum nisi prius superpelicio sint induti. Omnes iidem secundum suorum Status & Ordinum exigentiam deferant sibi ipsis & maxime Dominis Decano, Archidiacono, Scholastico, (d) & Canonicis, ut teneantur, quorum Sedes ob dignitarum reverentiam non preoccupent, nec in Choro ullo modo sedere audeant super eos. Sedes autem exterioris Chori eis pro suis sedibus specialiter deputamus. Non enim conveniens arbitramur, quod inferiores superioribus preferantur. Missas suas devote unam post aliam celebrent in dicta nostra Ecclesia, alioquin contraveniens quilibet pro septimana qualibet, qua contra fecerit, etiam si negligentia solius diei affuerit, XX. solidorum Veronensium parvorum (penam subeat). Insuper nemo ex eis sub eadem pena XX. solidorum civitatem exeat ad

loca; vel extra loca dicta accedendo, nec in civitate extra ipsam Ecclesiam ad celebrandum, nec ad septissima, tricesima five anniversaria, nec ad funera sub pena V. solidorum Veronensium parvorum sine speciali licentia petita & obtenta a superscriptis nostris Commissariis, vel altero eorumdem, etiam si per quemquam fuerit requisitus. Illi siquidem qui Matutini, Missæ & Vesperarum neglexerint Horas, in VI. den. Veron. pro qualibet hora ipsarum, qui vero Prime, Terciæ, Sextæ, None, & Completorii neglexerint Horas, in II. den. Veron. pro qualibet Horarum ipsarum irremissibiliter puniatur, nisi forte celebratio votive Missæ eum probabiliter excuset.

Ut Missæ per Capellanos celebrentur in Ecclesia.

VII. Ad removendum omnem defectum, qui circa celebrationem Missarum in prefata majori Ecclesia Prebendariorum suadente contemptu diucius pululavit, statuimus & ordinamus, ut omni die quinque Missæ ad minus, una post aliam, ut plene satisfiat populo, interim dum Regalis, ut vulgari regionis utamur, celebratur Missa noviter instituta (e) & ante, nec minus post Missam Conventualem per Capellanos, seu eorum loco ministrantes ibidem servato ordine celebrentur: volentes ut quinque primi celebrantes suam faciant septimanam, alii quinque aliam, & sic per ordinem successive, quousque eorum numerus residendum compleatur. Quo completo tunc ad primos V. fiat reiteratio talis perpetuo & inviolabiliter ad Dei laudem animarumque salutem, & satisfactionem populi duratura. Et si forte casus occurrerit, quod unus ex ipsis quinque simul & semel esset Conventualis & Ebdomadarius, tunc eo casu sibi licitum sit & possit loco sui alium subrogare, dum tamen ipsius Conventualis & Ebdomadarii officium nullatenus negligatur, & per consequens prefatus Missarum quinque numerus non frangatur. Quod si secus fecerint, ad arbitrium nostrum pecuniarium, vel predicatorum quibus supra commissus irremissibiliter puniantur.

De

De Officio Ebdomadarii Conventualis.

VIII. Ne stilus in executione Divini Officii per Ministrorum deffectum quomodolibet varietur, statuimus & ordinamus, ut qui Ebdomadarius Conventualis extiterit, sicut ad septimanarium mansionarium spectat esse de primis ad inveniendum, & providendum libros, & officium decantandum, & alia sibi propterea incumbencia peragenda, sic per consequens Ebdomadarius ipse Conventualis ad Chorum veniens continue sit de primis, qui Invitorium in Matutinis & alias Horas incipiat, Antiphonam super *Benedictus*, *Magnificat*, & *Nunc dimittis*, nec non Capitula, & alias Oraciones dicat ad suum Officium pertinentes. Insuper & ad Missam Conventualem se preparat indillate de Versiculis, Responsoris, & *Benedicamus*, seu de ceteris aliis ad Officium spectantibus se nullatenus intromittens, sed soli Mansionario Septimanario dicenda, vel committenda reliquat, ad cuius Officium plene spectat. Et si forte Mansionarius ipse absens fuerit iusta causa, tunc alius Mansionarius, vel Ebdomadarius ipse aut alius de Choro eo nequeunte, suppleat loco sui. Quod si contrafecerit ipse, vel aliquis ex predictis, talem contrafacientem ad eandem penam pecuniariam, vel ampliorem ad nostri, vel predictorum nostrorum Commissariorum arbitrium quibuslibet Horis predictis incurrere volumus & ligari, ad quam alios inferiores subicimus Prebendatos.

De Regimine Chori in solemnibus & Festivis diebus.

IX. In solemnitatibus, que in anni circulo, vel alias infra annum occurrunt venerabilius celebrari, ut Nativitatis Dominicæ, Circumcisionis, Epifanie, Resurrectionis, Ascensionis, Pentecostes, Corporis Domini nostri Jesu Christi, & omnium Festivitarum Beate Virginis Marie, Beati Johannis Baptiste, Sancti Laurentii, & in Festivitate Patroni nostri Beati Vigili, & omnium Apostolorum pariter & Sanctorum, nullus de Choro Lectionem aliquam legat in Matutinis nisi de licencia Decani, vel eo absente majoris & antiquioris Canonici in Choro post ipsum. Insuper nullis de Choro Prebendis Responsorias

dicere audeat, seu ante aliquem incipere nisi de licencia Mansionarii, vel alterius ipsorum, seu Ebdomadarii, si abessent, vel aliorum Administorum licencia Cappitorum (*Capitorum*) (*f*). Volentes quod iidem Ministri, seu Mansionarii, vel Ebdomadarius prelibari de scitu Decani, vel ejus de Choro, ad quem spectat, teneantur omnes conscribere, vel notare ad hujusmodi Lectiones, Responsorias, & Antiphonas deputandas, & *Benedicamus* in Vesperis dicere, Introitumque Missæ incipere, & cetera exequi diligenter secundum quod diei solemnitas suadet devotius exequendum. Et si nos qui presumus aliis ad Cathedralē Ecclesiam pro celebratione Missæ accedere non possemus, tunc Decanus, vel major Canonicus nequeunte Decano, si comode poterunt, Missam ipsam cum Diacono, & Subdiacono celebret & decantet. Si vero contigerit nos venire, tunc eo casu dictam Missam de jussu nostro, vel Decani, duo Canonici in Diaconum & Subdiaconum se preparant indillate, nisi forte alios ipsorum loco Canonicos, vel non Canonicos ad hoc duxerimus eligendos. In aliis vero solemnitatibus, semiduplicibus, vel simplicibus fiat Officium debitum & servetur. Alias contrafaciens quilibet in predictis, vel eorum aliquo per unum, vel duos dies a die inobediencie computandos ab Officio suspensum se noverit, secundum quod culpa talis exegerit contemptoris.

Ut feria sexta pulsetur & celebretur Capitulum.

X. Circa reformationem sedulam nostri Satus intendentes cura vigili, quibus duce Deo poterimus studiis, & diligenciis insudare presertim, & in recuperatione nostrorum dispersorum jurium evidens consequatur utilitas, & per consequens agenda quilibet in melius disponantur, hac presenti constitutione statuimus irrefragabiliter, & firmamus, ut omni sexta feria in Sacristia, vel alio loco dicte nostre Ecclesie ad sonum campane, ut moris est, omnes de Capitulo super agendis suis, & dicte Ecclesie ad Capitulum congregentur. In quo quidem Capitulo Majores, & Seniores in proponendo minoribus, & junioribus preferantur. Unus alium non interrumpat verbis, sed attente, & discrete per ordi-

nem audiat, & secreta Capituli, nisi forte de ipsius voluntate processerit, aliis non pandantur. Et que major, & sanior pars ipsius Capituli dicte sexte ferie, vel alio die quolibet convocati, & facti, ubicumque, & quandocumque convocatum, seu factum existerit iudice tamen, & solempniter, & vocatis, qui causis seu rei pretexto fuerint evocandi, ipsa namque major, & sanior pars explicaverit, seu firmaverit debere fieri, & procedi, rata habeantur & valida, eamque vim, & eundem vigorem, ac perpetue robur obtineant firmitatis, & per consequens ea omnia & singula, ac omnes presentes & absentes Canonici Prebendati in suo conscripti Collegio tanquam totum & universale Capitulum Tridentinum illa sic ad invicem deliberassent, sive deliberaverint absque difficultatis obstaculo, plenissime fiant, & indillate procedant; quinymmo pocius & inviolabiliter exequantur, proviso quod in electionum, seu provisionum negotiis ponderosis agendis debita solempnitas observetur.

Ut recipiendi in Canonicos Prebendatos, aut Officiatos presentent Jusjurandum.

XI. Nullus preterea in Canonicum, vel ad aliud Beneficium, seu Officium, vel Dignitatem, aut alium actum ad Capitulum quoquomodo pertinentia, que prestationem juramenti requirunt, recipiendus imposterum ad receptionem hujusmodi admitatur, sed tamdiu recipi differatur, quousque de observandis preteritis, presentibus, & futuris dicti Capituli, ac ipsius Ecclesie approbatis consuetudinibus & statutis per se, vel Procuratorem suum ad hoc legipime constitutum debitum & solitum prius prestiterit juramentum: Facta sibi copia statutorum, & sibi indulto termino ad deliberandum si duxerit postulandum. Hoc tamen semper salvo, quod ante omnia in tali actu solempniter convocetur Capitulum, vel hii ex eo, qui resistentes fuerint, vel comode poterint convocari, & tunc ipsius recipiendi infra debitum terminum diligenter discutiantur jura, & eis discussis, si jure sibi suffragante meruerit, ad receptionem hujusmodi admitatur: sin autem viis iudicis repellatur. Quod si secus factum

fuerit, volumus, & intendimus, quod talis receptio vel repulsio ipso facto nullius sit valoris.

Quod nullus de Capitulo audeat trahere ad Judicium aliquos alios de Capitulo.

XII. Nullus insuper de dicto Capitulo, etiam si minor ipsius Capituli pars fuerit in causa aliqua, vel causis Capituli, & se tangentibus quoquomodo alium, vel alios ad iudicium presumat trahere, vel vocare alias, nisi ipsius Capituli, vel majoris & sanioris partis ejus processerit voluntate, omne commodum vel incommodum, quod exinde trahens perceperit, se subire non dubitet, & super se noscat denuo redundare; nisi forte talis res vel causa foret, propter quam singularis persona vel collonellus unus de collonello ejusdem Capituli ratione videlicet & causa tantummodo ipsius Capituli vexaretur, tunc eo casu ut alibi tactum est, ad hujusmodi commodum, vel incommodum omnes de Capitulo teneantur, dum tamen qui vexabitur, quam citius commode poterit, significet Capitulo vexationem hujusmodi ut occurrat.

De Responsione fienda cuicumque extra Capitulum aliqua in Capitulo petenti.

XIII. Unum denuo statuentes, quod si quis extra dictum Capitulum, vel de illo existens aliqua pecierit, vel proposuerit in eodem, non ante responsum subitum per ipsum Capitulum prebeatur eidem, quam prius Proponente excluso, omnes de ipso Capitulo invicem convocentur, & tunc deliberatione premissa, per Decanum, vel unum de Capitulo ad iussum ejus, Curialis, & debita fiat responsio Proponenti.

De Advocatis, Sindicis, & Tabelionibus Capituli.

XIV. Grandem contumeliam & verius dampnum evidens per subtractio- nem jurium Capituli hactenus, ne dicamus cum grandi amaritudine degustati, statuimus, ut quatuor vel plures, si Capitulo videbitur expedire fideles, & circumspecti Viri per ipsum Capitulum eligantur, inter quos saltem duo unus omnino

nino de Capitulo, & alter extrinsecus Procuratores sint generales, & Sindici. Tercius Tabelio ad causas, & quartus Prolocutor, seu Advocatus Capituli prelibati salariati per illud annuo salario competenti, quorum Sindicorum mandatum extendi volumus ad genera causarum, & maxime ad petendum, exigendum, & recipiendum, & bona, possessiones, & jura ipsius Capituli perditā, alienata illicite, & distracta recuperandum cum clausulis opportunis. Addentes rationabili causa moti, ut omnes de suo Collonello Canonici residentes habere teneantur, & de cetero sint astricti Librum unum sive Quaternum, in quo omnes locationes, & saltem que fient imposterum immediate, cum stipulate fuerint per Notarium, sive Notarios Capituli, reddigantur in scriptis. Alium etiam Quaternum haberi volumus, in quo omnia jura Capituli antiqua, presentia, & futura cum auctoritate Judicis, & sub manu publica registrantur, ad ejus executionem prefatos Sindicos de Capitulo expensis ipsius Capituli specialiter & in solidum deputamus. Et a publicatione hujus statuti quilibet Canonicus residens, Prebendam suam in scriptis clare designatam, totaliter, & descriptam infra annum, vel XII. menses dictis Syndicis pro executione hujusmodi facienda tradere teneatur. Et Canonicus, qui hec neglexerit infra dictum terminum adimplere, ipso transacto distributionibus careat continue, donec hoc duxerit adimplendum. Quas si caniparius sibi dederit, rescire & reponere in communi de suo proprio teneatur. Quilibet etiam Canonicus, qui Prebendam optaverit, sub eadem pena hoc idem faciat, de dimissa infra dictum terminum ab optatione, si non fuerit designata.

Quomodo, & coram quo Locationes fieri debeant.

XV. Quoniam persepe contingit, quod nos per nostras locationes & investituras, & alia acta quamplurima nostris juribus indebite spoliemur. Attendentes nostras divisiones Prebendarum pro evidentissima utilitate Capituli, & singularum personarum ipsius per Capitulum ipsum factas, & in augmentum

verius hujusmodi Prebendarum, volumus, atque statuimus, & ordinamus, ne per aliquem Prebendarium de aliquibus possessionibus, vel rebus ad se ratione sue Canonice Prebende quoquomodo spectantibus investiture aliquę, vel locationes, nisi prius vocatis & presentibus Decano, si commode haberi poterit, & presentes fuerint insuper, qui de Collonello fuerint residentes, saltem tribus ex eis de cetero celebrentur. Et si unus vel duo essent de Collonello solummodo residentes, & tales locationes, seu investiture requirerentur omnino fieri, & effectui mancipari, tunc in presentia Capituli, vel majoris & sanioris partis, & ejus consensu in Majori Ecclesia, & non alibi, nisi necessitas immineret, per ipsos unum vel duos prefato incluso Prebendario effectui debito & licito deducantur. Provisio quod locationes hujusmodi, seu investiture in personam dicti Prebendarii prefatis sic vocandis sibi assistentibus, & ipsarum Prebendarum divisione durante solemniter stipulentur. Insuper & quod quelibet libra piperis semper ad eundem Prebendarium, si prefens, vel ad eos de Collonello tunc ipsi actui presentes, integre, aut pro rata perveniat tanquam sua, hoc enim intelligi volumus & servari, ubi & quando idem Prebendarius in civitate Tridenti noscitur fore prefens, vel alias ipsi Prebendario in eodem teretorio existente suus de Capitulo ad hoc legitimus Procurator. Secus autem, si in suo districtu, vel alibi, ad recipiendum vel recuperandum possessiones intenderet, vel alia Prebendalia jura sua, in quo casu tales investituras, & locationes sine cujusvis contradictione & requisitione facere valeat idem Prebendarius, & supplere, dum tamen hoc faciat, tanquam Procurator & Syndicus dicti Capituli ad hoc specialiter & legitime constitutus. Sin autem pro absente locatio fiat, tunc ad omnes de Capitulo, qui presentes locationi fuerint, pro rata deveniat dictum piper. Similiter illud idem sentimus, ac fieri, & servari volumus, & intendimus super possessionibus, seu de possessionibus & rebus aliis, que investituram, seu locationem celebrandam requirant ad Prebendas seu Beneficia Decanalē Dignitatis. Insuper & Mansionarios, &

Cappellanos spectantibus quoquomodo.

*Ne Locationes fiat Potentibus &c. Item
qualiter Decanus habet committere
curam animarum.*

XVI. Super jurisdictionibus autem seu honoribus decimisque locaticiiis, vel conducticiis, aut bonis, vel possessionibus seu juribus, insuper & Ecclesiis, aut aliis quibuscumque ad dictum Capitulum, vel ad aliquem Colonellum seu singularem personam Prebendam ex eis spectantibus sic duximus irrevocabiler statuendum, ne de hiis vel aliquo eorundem aliqua de cetero fiat commissio aut dacio, seu locacio, vel investitura, presertim in personam potentem (g) vel que sit impotens in solvendo, nec ultra quinquennium possit fieri ullo modo, sed solummodo ad Capitulum seu Colonellum, vel ad illam Prebendam singularem personam, ad quam de jure spectaverit totaliter, vel in parte commissio talis seu dacio, vel locacio, aut investitura pertineat pleno jure, salvo quod Ecclesiarum Sancte Marie de Tridento, & Sancti Pauli de Epiano locacio fiat per totum Capitulum, vel majorem & saniores partem ejusdem, eo quod ex eisdem Ecclesiis ad totum Capitulum commodum, vel incommodum dinoscitur pertinere. Et si aliqua possessio seu jus, vel res aliqua pretextu ficti retenti in Capitulum, vel Colonellum, aut singularem personam Prebendam ceciderit, ipso jure talis possessio, seu jus, vel res ad dispositionem liberam dicti Capituli si ad Capitulum, aut dicti Colonelli si ad Colonellum, seu ad ejusdem singularis persone si ad singularem personam pertinet, plenarie devolvatur, ita quod idem Capitulum seu Colonellus, vel singularis persona ad quod, seu quem, vel quam de jure spectare noscitur de hujusmodi jurisdictionibus, seu honoribus, aut decimis, seu Ecclesiis, vel bonis, & possessionibus aut juribus juridice sine ipsius Capituli, & Ecclesie, & omnium personarum prejudicio committere, aut requisitis prius requirendis predictis, ut supra dictum est, locare, & dispensare valeant pro suo libito voluntatis. Provisio quod Decanus ad quem spectat quoad ipsas Ecclesias de cura provideat animarum, prout tenetur.

Alioquin que in contrarium presumpta fuerint pro infectis habeantur ex nunc, & nullam obtineant roboris firmitatem.

De occupatis Episcopo, aut Capitulo.

XVII. Quoniam in nonnullos, qui Dei nomen in vanum recipere non formidant, ceca cupiditas sic exarsit, quod bona & jura quamplurima ad Nos & dictum Capitulum nostrum communiter, & divisim ac plenissimo jure spectantia contra Deum & justiciam occupant, & illa nullo titulo, vel injusto mala fide, & conscientia remordente in sue salutis dispendium, & nostrum omnium grave prejudicium, & jacturam detinent occupata (b). Universis igitur, & singulis de Clero nostro Curam animarum habentibus, ac eorum vices gerentibus, nec non Vicariis Ecclesiarum ad dictum Capitulum spectantium quibuscumque, seu eorum vices gerentibus in civitate Tridentina, & ejus Dioecesi constitutis commitimus sub excommunicationis pena, & in virtute sancte obediencie districte mandamus, quin potius, volumus, & statuimus, per eos debere imposterum observari, ut quando eorum peccatorum confessiones in foro penitentie eos audire contigerit, a contentibus ipsis cum omni diligencia requirere studeant, utrum de hujusmodi bonis, & juribus aliquid detineant occupatum seu eorum noverint detentores. Quod si quicquam se confessi fuerint detinere, vel detinentes eadem, non prius ipsis super hoc beneficium absolutionis impendant, quam Nobis a dicto Capitulo occupata, seu detenta hujusmodi cum fructibus inde perceptis, vel qui post occupationem percipi potuerunt, restituerint cum effectu, & tales propalaverint detentores, seu Nobis, vel ipsi Capitulo, aut Notatio publico nostro, aut ipsius Capituli nomine recepturo de restitutione ipsorum plenarie facienda intra quindecim dies tunc immediate sequentes bonam, & idoneam prestiterint cautionem. Ad hec omnes alios Ecclesiarum Prelatos seu eorum loca tenentes Dioecesis Tridentine requirimus in Domino & hortamur, ut ob ipsius Domini nostri ac prefati Patroni reverentiam & amorem (i), contra quorum nutum talia occupantur, circa investigationem hujusmodi se dignentur, & velint ferventi studio

studio reddere sollicitos & attentos, ita quod eorum solerti diligencia suadente a Retributore omnium salubre premium consequantur. Et ut omnium hujusmodi bonorum nostrorum, & jurium reddamus ulterius cerciores, omnisque cesset fraus, & obstacula perverforum, addendo statuimus, ut in civitate Tridenti, & in quibuscumque aliis locis seu terris, & regionibus Dioecesis ejusdem, auctoritate Judicis Ordinarii, & cum auxilio, etiam si necesse fuerit brachii secularis, per Scharios seu Procuratores nostros, & dicti Capituli, & amplius per tres, vel quatuor personas de antiquioribus regionum, bona, possessiones, & omnia jura hujusmodi detenta, & non detenta Syndicis nostris, vel dicti Capituli, quos supra constitui ordinavimus, seu ad requisitionem, & jussu eorum Notariis publicis per viam Sacramenti, ac omnia (*) alia licita via & forma diligenter, & per ordinem designentur, & sic designata ut scire possimus, que Nos & dictum Capitulum ex illis possidemus, & que Nobis, & ipsi Capitulo occupata detinentur, sub manu publica in nostro Registro ad perpetuam rei memoriam reddigantur. Alioquin contrafacientes quoslibet ex predictis, si que eis in hac parte commissimus, vel committimus quoquomodo contempserint taliter puniemus, quod punitio talis erit ceteris in exemplum.

De Thesauo, & Paramentis Ecclesiæ.

XVIII. Thesaurum Ecclesiasticum non solum in nostra majori Ecclesia, sed & in aliis Nobis subiectis Ecclesiis civitatis & Dioecesis Tridentine, ut libros, cruces, calices, paramenta, & alia ornamenta Divino Cultui deputata, per Sacristam ipsius majoris Ecclesiæ, nec non per Vicarios, seu Ministros in aliis dicti Capituli Ecclesiis deputatos, vel imposterum deputandos ipsi Capitulo infra XV. dies immediate a presentis nostre ordinationis, seu Statuti noticia subsequentes, ut ejus qualitatem, & quantitatem scire possint, in scriptis statuimus sub pena centum solidorum Veron. parvul. Capitulo applicanda, diligenter, & solempniter designari in Registro aliorum jurium ipsius Capituli per Caniparium, vel Sacristam sub pena XX. solidorum illico conscriban-

tur. Illumque per eos munde teneri volumus, & denuo sub tuta, & fida custodia conservari, prestita prius per eos competentem, & idonea cautione, quod Thesaurum ipsum fideliter, & tutissime conservabunt, nisi forte iidem tales fuerint, qui in bonis habeant, vel alias de eis, seu contra eos nulla suspicio pressumatur.

De Custodia Sigilli.

XIX. Sigillum commune Capituli, vel Sigilla, non per omnes manus transant gubernanda, sed per tres ex Nobis sub tribus diversis clavibus in Sacristia nostre majoris Ecclesiæ, vel in loco alio magis tuto secretissime conserventur, & cum incumbit aliquid sigillandum, prius per Capitulum, vel Majorem & Saniores partem ejus solempniter intuendum, unus saltem ex ipsis custodibus id omnino suppleat in persona, nec per interpositam personam hoc presumat exequi quoquomodo, nisi forte persona de Capitulo fuerit antedicto, & tunc semper eo presente propria etiam in persona, ita quod per ipsorum conservationem tutissimam nulla imposterum oriatur contentio, vel alias aliqualis suspicio habeatur.

De Electione Caniparii, & reddenda ratione.

XX. Per Caniparium communitatis nostre juxta sibi commissum officium omnem fidelitatem, & diligenciam volumus exhiberi, quem de dicto Capitulo, & ab ipso Capitulo decernimus penitus eligendum. (k) Qui quidem Deum semper habens pre oculis in exigendo, & recipiendo, & alia faciendo, & exercendo nusquam negligens sit ullatenus, vel remissus, unicuique de Capitulo tribuens, & dans quod pro parte sua rationabiliter, & integraliter sibi cedit, rationem insuper de sua Caniparia post annum completum infra octavam Beati Galli, quamvis ante Officium dimiserit, nisi ex causa legitima per Capitulum prorogetur, Capitulo, vel illis seu cui jussu fuerit, vel commissum fuerit per eosdem integram, & plenariam redditurus. Aliter si contra fecerit tandem per alios Caniparios successores suos, seu per Capitulum sibi Prebendales sui redditus denegentur, quousque sine cujusvis dampno, vel injuria id suppleverit

M m m m 3

cum

(*) forte: omni

cum effectu, Caniparius autem in Hebdomada Sancti Johannis Baptiste creetur, vel si visum fuerit confirmetur. Et qui officium dimiserit, retenta, & non exacta exigere, & de ipsis rationem reddere nihilominus teneatur, & infra octo dies a die reddite rationis exhibere in scriptis Capitulo eadem non exacta.

Ne Libri aut Calices exportentur de Ecclesia.

XXI. Statuimus insuper, & ordinamus, ut nullus Canonicus, Mansionarius, Capellanus, Vicecapellanus, aut Clericus ipsius Ecclesie audeat, sive presumat sub pena V. Sol. Veron. parvul. asportare extra ipsam Ecclesiam de cetero aut in Annariis ipsius Ecclesie, sive banchis claudere, vel quomodolibet occultare calices, libros, seu paramenta, vel doplerium, & hujusmodi, immo indilate reportare studeant ex hiis quodlibet asportatum, nisi hoc faceret de scitu & licentia Sacriste, vel saltem Monachi (D), qui nunc est, vel pro tempore fuerit.

De Penis Inobedientium.

XXII. Quamvis ad levationem & exactionem suprascriptarum penarum, presertim contra Prebendatos inobedientes, ut premissimus, & temerarios inflictarum Decanum deputaverimus, ut majorem; non tamen ob ejus dignitatis reverenciam decens & conveniens arbitramur, quod per manus ejus hec omnia & precipue minima supleantur. Quamobrem presencium serie ordinamus, ut per Sacristam, seu Monachum ejus locum tenentem dicte nostre Ecclesie, qui nunc est, vel pro tempore fuerit, hec minima penitus exequantur, ex nunc committentes eidem suum in hac parte pertinens officium, declarando, quod singulis diebus & horis punctare, seu notare teneatur, & debeat omnes & singulos predicatorum omnium, sive suprascriptorum, & infracriptorum transgressores, ut quos per totam septimanam punctaverit, seu notaverit sabato quolibet Decano puniendi, vel eo absente, Capitulo referre habeat antedicto, ut tales ipsi penis debitis puniendi ad sui reformationem, & aliorum exemplum in melius se emendant. Et ut idem Monachus, seu Sacrista se promptiorem exhibeat ad hujusmodi sibi commissum officium exequendum

volumus, quod decima pars omnium exigendorum de dictis penis sibi pro sui labore, dum tamen rite perfecerit, applicetur. Relique vero partes ad ipsum Capitulum, sive ad Fabricam Ecclesie, & maxime ad ea, que circa Altare communiter expendantur, sive in lavacione corporalium, camisarum, ampullarum, & funum campanarum, & incensum, si defecerit empcione & ad alia hujusmodi, prout dicto Decano, & Capitulo melius & utilius videbitur expedire, totaliter devolvantur. Aliter vero, si idem Monachus ex contemptu vel malitiose subtraxerit, seu obmiserit hos punctare, penas eorum taliter commissorum prefato Decano, & Capitulo persolvere teneatur, & sit affectus, & nichilominus constitutio prefens perpetuam obtineat roboris firmitatem.

De Comperatione Pallii, sive Pannii serici.

XXIII. Ad perpetuam rei memoriam dignum & congruum arbitramur, ut hii, qui ab Ecclesiis honorem & commodum consequuntur, restat etiam, quod eisdem Ecclesiis aliquem honorem impendant. Sane cum Ecclesia nostra Tridentina in paramentis, & capis, atque palliis, & aliis utensilibus ad ornatum cultus Divini magnum defectum patiat, statuimus, & ordinamus, ut de cetero quicumque in dicta nostra Ecclesia Tridentina erit de novo creatus Canonicus, & Prebendarius, sive auctoritate Apostolica, sive quavis alia auctoritate, de primariis fructibus dicte sue Prebende teneatur, & debeat emere unum pallium pulcrum, & decens de serico pro hujusmodi paramentis, & capis, sive utensilibus fiendis pro dicta Ecclesia Tridentina, & hoc precipimus fieri infra annum a die adepti pacifice possessionis suorum Canonicatus, & Prebende predicatorum computandum. Si vero dicti primarii fructus fuerint pro Camera Domini Pape reservati, sicuti interdum fieri consuevit, secundarii fructus ipsius Canonici eodem modo ad dictum honus similiter deputamus. Ubi autem talis Canonicus in prestando dictum pallium fuerit negligens vel remissus, ex nunc committimus, & mandamus, ut Caniparius Capituli nostri, qui nunc est, vel qui pro tempore fuerit,

fuert, teneatur, & debeat cum auxilio Nostro, aut Vicarii nostri, vel dicti Capituli totum de Prebenda dicti Canonici recipere, atque exigere, ut possit dictum pallium emere. Si autem in primo anno idem Canonicus, causam rationabilem ante omnia assignando, non posset dictum pallium commodè emere, tunc a Nobis, vel a dicto Capitulo de longiori termino dispensationem humiliter petat. Hoc autem salubre statutum a publicatione presencium in perpetuum volumus robur firmitatis obtinere, & inviolabiliter observari.

De solucione Procuracionum &c.

XXIV. Dignum censemus, & consonum rationi, ut quod omnes tangit, ab omnibus eciam debeat approbari, & circa hoc participari communiter singula, que occurrunt oneris & honoris. Quare presentis scripti serie statuimus, & ordinamus, ut si contigerit Sedem Apostolicam, Dominum Patriarcham, vel Dominum Episcopum Tridentinum, aut Legatos, vel Delegatos, seu quosvis alios Nuncios, seu Capitula, Collegia, Universitates, aut Communitates, vel singulares personas, qui vel que hoc de jure facere possint, quicquam a Capitulo visitationis, seu procuracionis, inquisitionis, vel katedratici nomine, aut alia quacumque justa de causa petere, vel exigere vellent, petita hujusmodi per ipsum Capitulum communiter tribuantur, vel alias singulariter secundum rationem decime modernam & observatam hucusque existimationem, si pro meliori fuerit Canonicum Prebendarum. Convenit enim, ut sic huic oneri subiciantur omnes de ipso Capitulo equaliter & de jure, quemadmodum & ipsi honoribus cottidie sublimantur. Statutum hoc non solum ad predicta extendi debere volentes, sed ad omnia genera causarum, que toti Capitulo, aut uni Colonello super quacumque re, aut uni ex dicto Capitulo ratione, vel pretextu, aut occasione ipsius solummodo moverentur, ad quorum omnium supportationem totum ipsum Capitulum teneri volumus incessanter.

De Anno mortis sive defuncti Canonici.

XXV. Humane nature debito, quod omnino persolvere nos convenit suaden-

te, statuimus tenore presencium, & firmamus, ut quodcumque contigerit aliquem ex residentibus Canonicis dicti Capituli in civitate, vel Diocesi Tridentina, aut alibi in servicio nostro, vel prefati Capituli, aut sui pro procuracione, exactione suorum Canonicorum reddituum existendo viam carnis ingredi universè, heredes ipsius ex testamento, vel ab intestato legitimi, seu quilibet alius, cui hoc relinqueretur, seu judicaretur, aut fidei committeretur, vel legaretur, pro ipso decenti, & honorabili sepulture tradendo, & ipsius septimo, tricesimo, & anniversario faciendi fructus omnes, & redditus, ac proventus Canonici Prebende ejusdem defuncti totaliter per ipsum annum sui decessus inclusis, & computatis omnibus aliis redditibus, quos antea infra ipsum annum idem defunctus dum viveret recollegit, sine cujusvis contradiccionis, impedimento, vel molestia habere, & percipere debeant, ac integraliter consequantur. Principium autem seu inchoacionem anni decessus hujusmodi esse discernimus diem Festi Nativitatis Beati Johannis Baptiste de mense Junii. Tunc decessum ipsum proxime precedentem, finem vero diem inclusive proxime sequentis Vigilie ejus Festi. Et si in die decesserit dicti Festi, tunc ab ipsa die usque ad idem proxime sequens Festum, prefati heredes seu Legatarii, vel Fideicommissarii ipsos omnes redditus integraliter ut supra diximus consequantur. Intelligentes, quod decimas, vel alios redditus, qui ante dictum Festum Sancti Johannis obvenerint & colliguntur, defunctus, vel heredes sui predicti non habeant bis in anno.

De Opcione Prebendarum.

XXVI. Statuentes insuper & firman-tes, quod tunc liceat seniore Canonico per se, vel Procuratorem suum infra XX. dies a die decessus hujusmodi computandos, Prebendam ipsius defuncti relicta sua, si sibi placuerit, adoptare, sub illo, vel illi ascribi consorcio, vel Colonello sub quo, vel cui idem defunctus antea noscebatur, ascriptus. Si vero post lapsum ejusdem termini duxerit adoptandum, ex nunc prout ex tunc talis adoptio inefficax, & nullius sit momenti. Et sic singulis Canonicis gradatim liceat, si voluerint, suas Prebendas relinquere, & alias infra

fra eundem terminum, sicut de jure debuerint, adoptare. Nichilominus etiam Prebenda ipsa sic relicta, & ultimo vacans alii conferatur, vel per Capitulum fiat electio de novo Canonico ad eandem. Et qui ad eam electus, vel eam quavis auctoritate de jure fuerit consecutus, sub illo Colonello, seu consortio censeatur, sub quo erat ipsam proxime derelinquens.

Ut Canonici Prebendarii celebrent Officium, & conferant Ecclesiastica Sacramenta per se, vel alios in Ecclesiis sibi unitis.

XXVII. Quoniam ubi majus periculum imminet, ibi in animarum subsidium caucius, & salubritus est agendum; statuimus, ut omnes de suo Colonello Canonici residentes, vel quilibet Canonicus Prebendarius residens preteritu & occasione nove divisionis Canonicalium Prebendarum Ecclesiis sibi unitis, & subditis Divinum Officium facere, & Ecclesiastica Sacramenta conferre per se, vel suos sufficientes & honestos Vicarios honorifice & decenter, prout juris ordo expostulat, sicut semper observatum est actenus, sint allicti, ita quod omni cessante scandalo & errore nil omnino salutis depereat animarum.

Qui possint vel debeant administrare Sacramenta &c.

XXVIII. Unum adhuc denuo recollentes, & firmiter statuentes, ut si aliqui in extremis laborantes apud Katedralem Ecclesiam suam elegerint Sepulturam, & Ecclesiastica pecierint Sacramenta: Decanus, vel unus ex Canonicis, si voluerint, possint; Mansionarii vero, ad quos proprie spectat, teneantur hujusmodi Sacramenta conferre, & alia quolibet supplere, que ad curam pertinent animarum, salvo semper jure Plebanorum, seu Parochianorum. Sed Capellani omnino se ad hec, vel super hoc nullatenus intromittant, quibus, cum ad se non spectent, presencium serie totaliter inhibemus, nisi forte Decano, & Canonicis hoc facere nollentibus, dictis vero Mansionariis absentibus, vel causa nequeuntibus, id omnino per Capellanos oporteret fieri, & suppleri. Tunc eo casu iidem Capellani hoc non tamen absque Decani, vel eo absente, unius de Capitulo voluntate & licentia exequantur.

De Electionibus, Confirmationibus &c.

XXIX. In electionibus, seu collationibus, aut provisionibus, five institutionibus, confirmationibus, & investituris, seu quibuscumque aliis dispositionibus Ecclesiarum quarumcumque, Dignitatum, Personarum, Officiorum, Beneficiorum, animarumque cure, & aliorum omnium & singulorum ad totum nostrum Capitulum communiter, vel divisim spectantium, per ipsum Capitulum, si communiter ad se spectat, vel per saniores & majorem partem ejusdem, si divisim per illum, vel illos, ad quem, vel ad quos sic divisim pertinet, servato semper juris ordine, & requisito semper Capitulo, & de ipsius scitu, consilio, & assensu, mature & solempniter procedatur.

De Distributionibus, & Consuetudinibus, & de Relictis Capitulo, vel singulari Personæ.

XXX. Illud idem super cottidianis distributionibus solitis hucusque dari, & aliis bonis, & antiquissimis ipsius Capituli & prefate Ecclesie nostre consuetudinibus jam prescriptis perpetuo, & inviolabiliter volumus, & decernimus observandum, dummodo causa non sit talis & sic legitima, propter quam distributiones, & consuetudines ipse cassande, seu abolende omnino forent, vel merito suspendende. Superaddentes etiam per consequens, & volentes, quod si qua relicta, seu judicata, vel donata fuerint ipsi Capitulo communiter, vel divisim relicta, seu judicata, vel donata hujusmodi, si communiter toti Capitulo ad ipsum totum Capitulum, si vero divisim, ut Colonello, vel singulari persone Capituli ad ipsum Colonellum, vel singularem personam sine cuiusvis contradictione tantummodo devolvantur, & ad dominium ipsorum talium plenarie transferantur. De quibus bonis sic devolutis eadem singularis persona nullam distractionem, vel alienationem possit facere tempore vite sue. Condizione tamen hac apposta, & cautela, quod quodcumque contigerit eandem singularem personam debitum naturæ persolvere, ea omnia sic relicta, seu judicata, vel donata Ecclesie intuitu, quod in dubio presumatur, ad ipsius decedentis, dum vivebat, Prebendam distinctam: si distinctam habe-

habebat, aliter ad Colonellum illum, de quo decedens fuerat, denuo revertantur.

De Apostatis, & vagis Sacerdotibus.

XXXI. Apostatas notos, vel sibi similes, non solum in nostra Majori, verum etiam, nec in aliis Nobis, & dicto Capitulo, subjectis Ecclesiis ad Divinum Officium de cetero admitti volumus quocumodo, ymmo per omnes indifferenter Ecclesiarum Rectores, & presertim in ipsa majori Ecclesia per Decanum, & alios Vicarios, seu conductores Ecclesiarum ipsius Capituli nunc deputatos,

vel imposterum depurandos, ipsos tales omnibus postpositis reici volumus totaliter & expelli. Idem quoque contra Sacerdotes advenas, sive vagos ad easdem Ecclesias undecumque concurrentes fieri volumus, & observari, similiter statuentes, ut non prius ipsi ad Divinum Officium admittantur, nisi per testimoniales literas, seu formata legitima, vel per testimonium fide dignum eidem Decano in nostra Ecclesia, vel eo absente, Capitulo, & in aliis ecclesiis Prelatis earum, aut Vicariis, seu conductoribus antedictis de suis ordinibus, seu dispensationibus fecerint plenam fidem.

Nomina illorum omnium Prelatorum, qui personaliter, vel per Procuratorem interfuerunt in predicta Sancta Synodo.

Vener. in Christo Pater Dominus Frater HENRICUS, Dei & Apostolicæ Sedis gratia Episcopus Tridentinus, personaliter.

Dnus Henricus de Ralo, Decanus & Canonicus, personaliter.

Dnus Girardus de Surbuch, Archidiaconus, personaliter.

Dnus Nicolaus de Michsina, Scholasticus, personaliter.

Dnus Johannes de Castris, Nepos dicti Dni Episcopi, Canonicus, personaliter.

Dnus Jacobus de Brixina,

Dnus Alexander de Leudro,

Dnus Franciscus de Placencia,

} Canonici, per Procuratores.

Dnus Antonius de Mediolano, Canonicus, personaliter.

Dnus Andreas de Rubeis, de Parma, Canonicus.

Dnus Petrus de Ralo,

Dnus Federicus de Mantua,

Dnus Dominicus de Bononia,

Dnus Fulcerius de Coneglano,

Dnus Bartholomeus de Valefela,

Dnus Johannes de Brixia,

Dnus Laurencius de Brixia,

Dnus Guilielmus de Brixia,

Dnus Nicolaus de Tajo,

Dnus Jacobus de Tayo,

Dnus Franciscus de Clesio,

} Canonici, personaliter.

Dnus Franciscus Ulipfis, de Roma, Canonicus.

Dnus Oto dictus de Epiano, Canonicus, personaliter.

Dnus Johannes de Azana, de Prixia, Canonicus, per Procuratorem.

Dnus Nicolaus de Veletro, de Roma, Canonicus.

Dnus Hendricus de Ladesperch, Canonicus, personaliter.

Dnus Otobelus de campo Tridentino, Canonicus, personaliter.

Dnus Rolandinus de Rangonibus, de Parma, Canonicus, personaliter.

Dnus Venturinus de Mantua, Mansionarius, personaliter.

Dnus Martinus de Novaria, Mansionarius, personaliter.

Dnus Julianus, Presbiter de Burgonovo, Pro-Sacrista, personaliter.

Dnus Presbiter Geminianus de Cremona, Capellanus Altaris S. Massencie, persf.

Dnus Presbiter Blasius de Coneglano, Capellanus Altaris S. Johannis, personaliter.

Dnus Presbiter Johannes de Castro, Capellanus Altaris S. Marie, persf. (m)

Dnus Presbiter Julianus de Burgonovo, Capellanus Altaris S. Katarine, persf.

Dnus Presbiter Albertus de Mantua, Capellanus Altaris Omnium Sanctor. persf.

Dnus Johannes de Sabaudia, Capellanus Altaris SS. Petri & Pauli, per Procuratorem.
 Dnus Dinus de Bononia, Rector Capelle Palacii, personaliter.
 Dnus Laurencius de Brixia, Plebanus in Pinedo, personaliter.
 Dnus Leonardus, Plebanus de Civezano.
 Dnus Johannes, Plebanus de Mejano. (u)
 Dnus Odoricus de Campo, Plebanus de Pao.
 Dnus Michael de Castronovo, Conductor Abbacie S. Laurencii.
 Dnus Archi-presbiter de Supramonte.

In Valle Lagari.

Dnus Jacobus, Archipresbiter de Avolano, personaliter. (o)
 Dnus Odoricus de Archo, Archipresbiter de Lizana.
 Dnus Delaitus, Archipresbiter de Murio, personaliter.
 Dnus Franciscus de Tuyeno, Rector Ecclesie de Yseria, per Procuratorem.
 Dnus Petrus de Ralo, Archipresbiter Plebis de Lagaro, personaliter. (p)
 Dnus Jacobus, Rector de Pomarolo, personaliter.
 Dnus Jacobus, Rector S. Antonii, personaliter.
 Dnus Federicus de Tuyeno, Prior S. Yllarii, personaliter. (q)
 Dnus Prior S. Margarite, personaliter.

In Vallibus Ananie & Solis.

Dnus Petrus, Plebanus S. Laurencii, personaliter. (r)
 Dnus Simon, Plebanus de Castrofondi, personaliter.
 Dnus Coradinus, Plebanus de Clozo.
 Dnus Numus, Plebanus de Revoo.
 Dnus Ognabenus, Plebanus de Livo.
 Dnus Guilielmus, Plebanus de Maletto.
 Dnus Bonomatus, Plebanus Valfane.
 Dnus Riprandus, Rector de Tonalo, sive Henricus de Pavilo, personaliter.
 Dnus Bonifacius, Plebanus de Arlo, personaliter.
 Dnus Albertus de Mantua, Plebanus de Fondo, personaliter.
 Dnus Henricus, Plebanus de Clesio.
 Dnus Guala, Plebanus de Tasulo, personaliter.
 Dnus Sicherius, Plebanus de Flaono, personaliter.
 Dnus Jacobus, Plebanus de Eno.
 Dnus Andreas, Rector Plebis de Spuoro, personaliter.
 Dnus Andreas, Plebanus de Tono, personaliter.
 Dnus Johannes, Plebanus de Mecio.
 Dnus Martinus de Novaria, Plebanus S. Heusebii, personaliter.
 Dnus Henricus, Plebanus de Amblo.
 Dnus Guilielmus, Plebanus de Tayo, personaliter.
 Dnus Girolodus, Plebanus S. Sifinii, personaliter.
 Dnus Henricus, Plebanus de Corado.
 Dnus Johannes, Plebanus S. Marie de Romeno, personaliter. (s)

In Judiciaria.

Dnus Jacobus, Archipresbiter de Nachu, per Procuratorem.
 Dnus Bernardus, Archipresbiter de Ripa, personaliter.
 Dnus Aldrigetus, Archipresbiter de Bono, personaliter.
 Dnus Andreas de Sporo, Archipresbiter de Tegnalo, personaliter.
 Dnus Dinus, Archipresbiter de Randena, personaliter.
 Dnus Ector, Archipresbiter de Leudro.
 Dnus Bartholomeus, Archipresbiter de Tegnalo. (t)
 Dnus Facius de Romalo, Archipresbiter de Condino.
 Dnus Guilielmus, Archipresbiter de Lomaso.
 Dnus Semblantus, Archipresbiter de Banalo.
 Dnus Coradus, Archipresbiter de Blecio.

Dnus Archipresbiter de Teno, personaliter.
 Dnus Coradus, Archipresbiter de Archo.
 Dnus Petrus, Archipresbiter de Cavedeno.
 Dnus Archipresbiter de Calavino.
 Dnus Nivabenus, Prior de Campeyo.
 Dnus Guillelmus, Prior S. Thome apud Archum.

In Longum Atassis.

Dnus Bernardus, Vicarius Plebis de Caldario, personaliter.
 Dnus Otto, Vicarius Plebis de Epiano, personaliter. (u)
 Dnus Henricus, Plebanus de Tiffina, personaliter.
 Dnus Henricus, Rector Ecclesie de Formiano, personaliter.
 Dnus Henricus, Plebanus de Leunano.
 Dnus Henricus, Rector Ecclesie S. Georii supra Leunano.
 Dnus Coradus, Rector Ecclesie de Gurlano, personaliter.
 Dnus Henricus, Rector Ecclesie de Grifano.
 Dnus Michael, Plebanus de Marniga, personaliter.
 Dnus Dalvasius de Bononia, Plebanus de Vilandres, personaliter.
 Dnus Johannes de Wanga, Plebanus.
 Dnus Bartholomeus, Plebanus de Sarantina, per Procuratorem.
 Dnus Walterius, Rector S. Zenesii.
 Dnus Guarnardus, Rector de Milten.
 Dnus Aldevrandus, Plebanus de Scenano, personaliter.
 Dnus Sifridus, Rector Plebis de Mayes. (x)
 Dnus Diatricus, Rector Plebis de Chelro.
 Dnus Nicolaus, Plebanus de Bozano.
 Dnus Philippus de Bononia, Plebanus Plebis de Nova.
 Dnus Henricus, Prepositus Augensis, per Procuratorem. (y)
 Dnus Benedictus, Plebanus de Egna, personaliter. (z)
 Dnus Rector S. Bartholomei supra Egnam, personaliter.
 Dnus Blasius, Plebanus de Cimbria, personaliter. (aa)
 Dnus Franciscus, Plebanus de Flemis, personaliter.
 Dnus Rector S. Floriani.
 Dnus Federicus, Plebanus Ecclesie de Salurno.
 Dnus Federicus, Prepositus S. Michaelis.
 Dnus Rector Ecclesie de Zovo.

Millef.CCC.XXXVI. Indictione Quarta, die XIV. Januarii, Tridenti in Ecclesia Katedrali, presentibus omnibus Prelatis & Rectoribus Ecclesiarum superscriptis, & insuper Religiosis Viris, Fratribus Johanne de Ordine Cisterciensi, infra scripti Domini Episcopi, & Benedicto de Tridento professso Monasterii S. Laurentii prope Tridentum Ordinis S. Benedicti testibus &c. Ven. Pater Dnus Henricus, Dei & Apostolice Sedis gratia Episcopus Tridentinus, Pontificalibus decoratus, tenuit *Sinodum Generalem*, & primo publicari fecit literas super facto decime Papalis, (bb) & postea fecit monicionem signatam B. & deputavit collectores &c. Item die XV. dicti mensis publicavit Constitutiones signatas signo D. & G. Item die XVI. dicti mensis iterum renovavit ipsas Constitutiones, & omnes alias superscriptas, & iussit ad cautelam per nos Dinum, & Albertum Notarios fieri publica Instrumenta. (cc)

ADNOTATIONES AD SYNODUM TRIDENTINAM

anni 1336, impressæ Tridenti anno 1761.

- (a) Idem titulus hujus Episcopi legitur in multis aliis chartis, una anni 1320, altera de anno 1326, tertia in charta de anno 1327. qui titulus certe non quadrat in Episcopum excommunicatum & interdictum.
 (b) Fuit igitur vera *Synodus Diocesana*.

- (c) Qui Apostolicam Sedem adeo reveretur, qui eidem rebellis dici poterit?
- (d) Hinc colligis non fuisse *Præpositum*.
- (e) In margine Synodi adscripsit Episcopus Hinderbachius: *Missæ Regalis noviter quando instituta?* Clarius id demonstrat MARIANI in suo *Tridento* pag. 59. & seqq. "Inter anniversaria & funebria officia Episcoporum, & Principum, & illustrium personarum, quæ multa occurrunt, notabilis est illud, quod fit 2. Maji pro memoria HENRICI Regis Bohemæ, & Comitis Tirolis; hic postquam restituisset ablata Tridentinæ Ecclesiæ a MAINHARDO Patre suo, Regia munificentia instituit Legatum speciale anno 1334. cantandi sacri quotidiani perpetui sub auroram in Cathedrali Ecclesiâ, quod dicitur *Missæ Regiæ*. Huic fundando dedit Rex mensuræ Episcopali redditus in Tramen valde uberes.
- (f) Lectio vocis *Capatorum*, quam in alio codice MS. reperio, præferenda videtur; quâ significatur *amictus Capæ*. In *Glossario Du Cange* sacræ vestes *Capæ chorales* eæ sunt, quibus Clerici vel Sacerdotes in Choro amictuntur.
- (g) Lunga experientia didicimus, Potentes solere fieri præpotentes.
- (h) Si tempore hujus Synodi [quo Tridentina Ecclesiâ pace gaudebat] iusta extabant motiva querelarum ob diversas usurpationes bonorum Deo dicatorum patratas, ex cæca & ardente aliorum cupiditate, contra Deum & Justitiam: quales injuriæ illatæ fuerint Ecclesiis temporibus funestioribus, quando vigeat, testibus antiquis chronicis doctrina perversa ARNALDI, prætendentis ad solos sæculares spectare Dominium temporale, & Episcopis solum spirituale Dominium competere? De cætero hic Henricus episcopus sensit errores Arnaldisticos, quod Ecclesiâ temporalia habere non potest; qui error sparsus fuit a Marfilio Patavino, & Joanne de Janduno (sive Gandavensi, ait Anotator) & remittit ad Alvarum Pelagium *Lib. I. de Planctu Ecclesiæ* cap. 68. Alius error non minus noxius Ecclesiæ spargebatur per Diocesim nostram, cujus dux DULCIUS, de quo *Villanius Lib. VIII. cap. 84*.
- (i) Si contra hujusmodi usurpatores procedendum est, ob ipsius Domini nostri, ac Beati Vigiliæ Patroni reverentiam & amorem: igitur hæc bona non sunt æstimanda uti pure temporalia, sed uti Deo & Sanctis consecrata.
- (k) Canaparius est is, cui cura incumbat, redditus Capitulares exigendi, colligendi, registrandi, computandi: is non solum erat eligendus a Capitulo, sed debeat ipse esse Capitularis.
- (l) Hic voce *Monachi* non intelligitur veri nominis *Monachus*, sed *vice*, vel *Sub-Sacristanus*, qui vulgari Tridentino idiomate dicitur *Monego*. Id apparet in proxima Rubrica.
- (m) Rejicit Annotator Lectorem ad notam (e) pag. 606.
- (n) De *Mejano*, idem est, *Meano* supra Tridentum sito. Non vero *Semiana*, de quo Paulus Diaconus *L. III. c. 30*. nec *Semiana* destructa Francorum incurfionibus interpretanda est per *Tu Mejano*, sed per *Mezzana*, Latine *Semiana*, in valle Solis existens, qua via, dicta hodie *Ponte di Legno*, penetrarunt Franci in Tridentinum districtum. Unde nunquam inducar, ut credam per *Semiana* significari *Seregniano* supra Tridentum situm ad dexteram rivi Fersina, vicinum Civezzano.
- (o) Cum hic primo nominetur *JACOBUS Archi-Presbyter de Avolano*, vel *Volano* in Valle Lagaro, conjici hinc potest hujus Ecclesiæ antiquitas: quæ & vocatur *Parochia antiquissima* in *antiquitatibus Rovereti* pag. 74. ubi prænominatus Jacobus Archi-Presbyter de Avolano dicitur primus subscriptus in actu celebrato Tridenti A. 1336. cum jure deberet dici primus subscriptus in Synodo anni ejusdem. Notetur & ex prædictis *Commentariis de Rovereto*, Avolano & Volano in chartis antiquis promiscue scribi: unde probabile fit, *Volano* Pauli Diaconi non esse, nisi *Volano*.
- (p) In Synodo nostra non dicitur *Archi-Presbyter Plebanus de Lagaro*, uti in commentariis adductis legitur, sed Archi-presbyter plebis de Lagaro, hoc est, prædii rustici inter *Pomarolo* & *Nogareto*: hoc est, in eodem loco, in quo confirmatum fuit *Testamentum Wilhelmi de Castelbarco*, signatum anno 1316. (leg. 1319.) in quo nominatur ista plebs de Lagaro, his verbis: *Item relinquo plebi S. Mariæ de Lagaro &c.* Vocatur item *Brianus de Lagari* in fœdere anni 1154. apud antiquitates *Estenses & Italas Muratori* pag. 341. & apud Paulum Diaconum *L. 3. c. 9.* Comes Longobardorum de Lagaro, *Ragilo nomine*. Supradictus Petrus de Rallo, Archi-presbyter plebis de Lagaro videtur idem, qui supradictus Canonicus. Hinc in Testamento *Friedrici de la Scala* Comitis de Valle Pullicella publicato Tridenti anno 1339. vocatur Petrus de Rallo Canonicus Majoris Ecclesiæ Tridentinæ, & Archi-presbyter plebis de Lagaro, Tridentinæ Diocesis; ubi & nominantur duo alii memorati in hac Synodo, nempe *Henricus de Rallo* Decanus Majoris Ecclesiæ Tridentinæ, *Rolandinus de Rang-*

Rangonibus, Canonicus prædictæ Majoris Ecclesiæ Tridentinæ. Meretur legi hoc Testamentum in *Notitiis historicis Ecclesiæ Veronenfis* post libr. 4. pag. 809. & seqq.: cum in eo multæ exquisitæ notitiæ insint: inter quas memoratus testator multam devotionem præ se fert erga Monasterium Minorum, & S. Michaelis Tridenti, & civitatem Marano. Ex eodem Testamento discimus, quod *Sophia* uxor *D. Arzonis de Castelbarco* erat ejusdem Testatoris filia, quod *D. Henricus d' Egna* ejusdem Aravus erat. Ibidem memorantur *Fr. Martinus* Sacerdos, & *Fr. Bartholomæus* Conventus de S. Maria de Montebaldo, ut prætereamus alias notitias Fratrum Minorum prædictorum, & Eremitarum Tridenti. Notarius rogatus fuit *Guilhelmus*, natus quondam Conradini de Campo Tafulli, Imp. publ. auctor. Notarius.

- (g) In Archæo castelli Tridentini extat charta scripta in forma authentica anni 1303. ex qua certiores sumus, quod " Anno 1197. Indiæ. 14. die Jovis primo intrante Majo in Stroparolo in præsentia D. Conradi Capellani, Porcardi Canonici, Archipresbyteri de Brentonico, D. Pelegrini de Beseno, Briani de Castrobarco, Odelrici de Arcu &c. &c. Dnus Conradus Episcopus Tridentinus consecravit Ecclesiam S. Ylarii de Stroparollo, concessa indulgentia iis, qui intererant cum firma treva (pace) in rebus & personis: excommunicationi supponens eos, qui venientes & redeuntes offenderent, & hoc singulis annis esse voluit. Tribus diebus ante annuale forum concessit, & omnes accedentes securos fecit in tota sua jurisdictione præter bannitos, latrones, falsarios, & maleficios. A Gastaldione de Pradala jus fieri decrevit, vel ab alio ab Episcopo destinato; Ecclesiam illam cum Hospitali ab omni jurisdictione liberam esse voluit, & soli Episcopo Tridentino subje-ctam, eamque gaudere fecit iuribus communibus conterminarum communitatum de Lagaro, de Avolano, & de Lizana. Id quod in hac charta dicitur *Hospitale*, in altera anni 1333. dicitur *Monasterium S. Ylarii*.
- (r) Hic cum videas subscriptum primo *Petrum Plebanum S. Laurentii* in Sarnonico, videtur argui posse antiquitas ejus Ecclesiæ. Vide supra pag. 286. & 598. ait *Annotator*. Hic solum monebo, non posse credi diversam hanc ecclesiam S. Laurentii ab ea, quam indicavit Gregorius Turonensis. Ideo D. Abbas Joannes Baptista Bovius Novariensis in *Theatro Morali Dogmatico-Historico Tomo II.* circa finem *tertiæ Tractatus* pag. 537. eam collocat in *Brionna*, loco octo vel decem millibus distito Novaria, tum quia hic auctor nimiam præ se fert philautiam suæ patriæ, tum quia præfata Ecclesia, quæ prælaudati Gregorii Turonensis *L. 1. C. 42. de gloria Martyrum* sita apud *Briones Italiæ castrum*, non dicit esse *Brionum Novariensæ castrum*, & aliud est *Briona*, aliud apud *Briones*, vel *Breones*, nominatos etiam Cassiodoro, Venantio fortunato, Paulo Diacono, Valesio, Pagio; quantum enim distant *Briona* Novariensibus, tantum sunt *Sarnonico* Anaunici vicini.
- (r) Hinderbachius Episcopus Tridentinus sextus ab Henrico III. manu sua in Synodi margine adnotavit: *desuit Plebanus de Smerano, qui est XX. quartus*.
- (e) Dum repetitur *Tegnale*, error est vel in hac voce, vel priore loco intelligendus Archipresbyter de *Tione*, qui locus a me in chartis observatus vocatur modo *Tegionum*, alias *Tejonum*, iterum *Tilionum*, mox *Tilunum*.
- (u) Id est *Epan*, vel *Eppan*, qui locus merito a Wolfgango Lazio *L. VII. Chorographiæ Austriæ* vocatur *perveteri Comitatu celebri*.
- (x) Hic locus apud diversos Scriptores diversa nomina obtinet, nempe *Castrum Magiensæ, Majæ, Mais* &c. vicinus est *Marano*. Nefas est dubitare cum D. Muratori in *Annalibus Italiæ* anni 723. (uti observatur in *Commentariis antiquis de Rovereto*) utrum locus hic situs sit in *Tirolis*: uti nefas est dubitare, an *Maranum* sit situm in *Tirolis*: quando in prædicto testamento *Friderici de la Scala* nominantur *Sorores Minores Ordinis Sanctæ Clare de Marano, Comitatus Tirolis*: & ibidem Testamentum olim per me factum in *Burgo Marani, Comitatus Tirolis* &c.
- (y) In charta anni 1314. nominatur *Monasterium Ecclesiæ Augensis juxta Bozanum*, & inter testes ejusdem chartæ comparet nomen *Omneboni Militis de Sagramos de Verona*. Inter documenta insignis Præposituræ in Gries, quo circa A. 1406. translata fuit ob aquas antiquior præpositura Augensis, non solum extat *Friderici I. Imp.* Diploma de A. 1189. verum & confirmatio ejusdem a *Friderico II. Imp.* emanata anno 1237. Extant & aliæ chartæ, e quibus colligitur dictam Præposituram Augensem fundatam fuisse anno 1160. ex religione Comitris & Comitissæ de Gröffenstein, & fuit institutus primus Præpositus ejusdem *Henricus ex celebri ejusdem Sacri Apostolici Ordinis Collegio Neuburgensi assumptus*. Aliud superest Diploma *Friderici I. Imp.*, unde apparet, quod idem Tridenti existens *II. Kal. Novembris anno Domini MC. LXVI. Indictione XIV.* voluerit privilegiatam & protectam Præposituram Augensem juxta consilium *Alberti* Tridentini Episcopi, & Advocatorum, id est Domino-

rum Comitum de Eppan, Friderici & Henrici. Huic privilegio & protectioni Cæsareæ Ecclesiæ Augensis accedit aliud privilegium & protectio pontificia Alexandri III. quod incipit: *Alexander Episcopus, servus servorum Dei, Dilectis Filiis Henrico Preposito Ecclesiæ Sanctæ Mariæ in Augea Bozani, ejusdemque Fratribus tam presentibus, quam futuris regularem vitam professis &c. finis: Datum Anagninæ per manum Græziani Sanctæ Romanæ Ecclesiæ Subdiaconi & Notarii, III. Kal. Februarii, Indict. VII. Incarn. Dom. anno MCLXXIII. (MCLXXIV. corrigat Adnotator) Pontificatus vero Dni Alexandri PP. III. anno XV. (L. S. sub plumbo.)* Observandum est, ex tali Bulla edita sub Adelpreto, alias Alberto, non tantum non colligi excommunicatum vel interdictum Episcopum: imo velle Papam, ut id Decretum obtineat plenum vigorem *salva Sedis Apostolicæ autoritate & Diocesanæ Canonica iustitia.* In eadem Præpositura asservatur Instrumentum Consecrationis Ecclesiæ in Augea, ac confirmationis omnium possessionum, nec non concessionis libere eligendi Præpositum, per Udalricum Patriarcham Aquilegiensem. Initium: *Udalricus, Dei gratia, sanctæ Aquilegensis Ecclesiæ Patriarcha, Apostolicæ Sedis Legatus, Dilectis in Christo fratribus Henrico Preposito, & Canonicis Augensis Ecclesiæ tam futuris, quam presentibus regularem vitam professis &c. finis: Ego Udalricus, Aquilegensis Patriarcha, propria manu subscripsi. Ego Walchyon, Belenigniensis electus Abbas, subscripsi. Dat. anno Dom. Incarn. MCLXXIX. Indict. XIII. XI. Kal. Decembris in civitate Aquilegia. Ego Odalricus, Aquilegensis Archidiaconus & Prepositus, subscripsi. Ego Chunradus Dni Patriarchæ Capellanus, jussu ipsius hanc paginam conscripsi & dedi. Ego Magister Dominicus, Capellanus Dni Patriarchæ subscripsi. (L.S.)* Nota, in presenti Instrumento dici, fundatam fuisse Augensem Ecclesiam a Dilecta quondam consanguinea nostra illustri & Deo devota Comitissa Mechtilde de Morith Deum facultatum suarum heredem instituentem. Hæc erat uxor Arnoldi Comitis de Greiffenstein. Has notitias debet Adnotator Tridentinus moderno Dignissimo & Rmo Præposito de Gries, Alberto Martino Prackh, quas series, ait, ad nos perlatas nec integras edere valuimus, nec oportuniori loco, quam hic citare.

- (2) Egna igitur distinguenda est ab Eno, vel Enno. Egna est in Anaunia, Enno in valle Artesina. Hinc Olurandinus de Enno, & Harius de Enno apud Ughellum *T. V. col. 606. & 630:* non erant oriundi ex Egna, sed ex Enno, vel Denno in Anaunia. Rursus Hennum nominatum in statuto Capitulari interpretandum est Denno, non Egna.
- (aa) De loci hujus antiquitate in Tridentino districtu notat eruditissimus Canonicus Dionysius in *Dissertatione de duobus Episcopis Aldone & Notingo pag. 23.* "Quis non videat a Cimbris oriri, qui eo loci infederint post insignem cladem, quam a Mario acceperant? Sicut Panvinius noster testatur, supra montes scilicet Germaniæ finitimos, Cimbrorum reliquias reperiri." Inter castella destructa a Francis in Territorio Tridentino numerat Paulus Diaconus non solum supra memoratos Volenes, sed etiam Cimbriam, simul cum Maletto memorato in hac Synodo.
- (bb) Adnotat id loci Hinderbachius Episcopus: "Ista impositio Decime facta tempore Joannis PP. XXII. fuit postea revocata per Dnum Benedictum PP. XII. prout apparet ex quadam Bulla ejusdem per nos reperta inter Bullas & Litteras Apostolicas Monasterii S. Laurentii ultra Pontem, & reposita inter alia jura & litteras Ecclesiæ ad futuram rei memoriam." Si Episcopus Henricus voluit publicari Decimam, impositam a Joanne XXII. jam reverentem se & devotum præstitit, minime numerandus inter *excommunicatos vel interdictos.*

In archæo Monasterii S. Claræ in vico Tridentino de Sancta Cruce dicto, exstat charta pergamena originaria appenso sigillo, qua idem Henricus Episc. confirmat quoddam *authenticum Privilegium Sanctissimi Patris D. Joannis Divina Providentia Papæ XXII.* quo privilegio Pontificio Sanctimonialia ejus loci eximebantur a solvenda decima, collectis, vectigalibus, tributis, ex visitatione aliisque de causis impositis. Privilegium Pontificum datum fuit Avenione XV. Kal. Octobr. Pontificatus nostri anno secundo. Charta Episcopalis sic: *Actum & datum Tridenti in Bonaconfilio castro nostro die Lune undecimo Februarii, Nat. Domini anno Millesimo trecentesimo vigesimo, Indict. tertia, presentibus sapientibus viris Dnis Millancio de Millanciis de Bononia, Antonio de Leudro, Guilhelmo de Bellenzanis, Justiniano de Gardulis, Nicolao & Oddorico de Spagnolis Jurisperitis &c.* Hinc vide Lector, an excommunicatus, vel interdictus a Papa dici possit Episcopus hic Henricus.

Inter Episcopos, qui coronarunt *Ludovicum Bavarum*, non tantum non agnoscitur ab Aventino, sed nequidem a Joanne Georgio Herwarto, nec a Vito Arnpeckio tribus Bavaris Historicis.

Episcopus noster *F. Henricus* non amabatur admodum a *Ludovico Bawaro*, verum ab Hen-

Henrico VII. Rursum Ecclesia Tridentina non habuit faventem Ludovicum Marchionem Brandenburgensem, filium Ludovici Bavari Imperatoris. Nam Muratorius in *vitis Principum Carrariensium Tomo XVI. Scriptor. Italie col. 178.* ait: Jacobus Carrariensis, dictus Minor, Tridentinis auxilia, quibus se adversus Marchionem Brandenburgicum, Ludovici Bavari filium, tuerentur, misit.

(cc) Hæc Synodus continebatur in codice pergameno Archivi castelli Tridentini, scripto Sæculo XIV. Ibidem extat aliud Apographum hujus Synodi, minoris antiquitatis, cujus usus quandoque succurrit. In fine hujus codicis extat Catalogus Episcoporum Tridentinorum, in quo ADELPHETO II. datur titulus *Beati*, eidemque manu altera adscribitur: *habetur pro Beato.*

Haftenus Adnotator Tridentinus.

Epistola Synodalis Moguntinæ Diœcesis.

Anno Christi MCCCXXII. Joannis XXII. Papæ VII.

LUDOVICI IV. REGIS IX.

SUMMA. Matthias, Archi-Episcopus Moguntinus, notificat omnibus Prælatiis suæ Ecclesiæ Litteras patentes Joannis PP. contra errores Joannis de Polliaco Doctoris Pariensis ad se directas, publicandas in Congregationibus Synodalibus.

MATTHIAS, DEI ET APOSTOLICÆ SEDIS GRATIA SANCTÆ MOGUNTINÆ SEDIS ARCHI-EPISCOPUS ELECTUS: UNIVERSIS PRÆSENTES VISURIS SEU AUDITURIS, SALUTEM & NOTITIAM SUBSCRIPTORUM.

Litteras Sanctissimi Patris ac Domini, Domini JOANNIS Pape Vicefimi secundi, non cancellatas, non abrasas, non viciatas, nec in aliqua sui parte suspectas, de vera Bulla a filo canapis, Nobis per manus Religioforum virorum Fratrum Heremitarum Ordinis Sancti Augustini præsentatas: vidimus in hæc verba:

JOANNES EPISCOPUS, SERVUS SERVORUM DEI, VENERABILIBUS PATRIBUS, PATRIARCHIS, ARCHI-EPISCOPIS, AC DILECTIS FILIIS, ELECTIS, AD QUOS PRÆSENTES VENERINT, SALUTEM ET APOSTOLICAM BENEDITIONEM.

VAs electionis, Doctor eximius, & egregius Prædicator, cujus prædicatio mundum docuit universum, præsumptuosam illorum audaciam refrenat sollicitus, qui prudentiæ propriæ innitentes, in errores varios prolabantur. Non plus sapere quam oportet, sed ad sobrietatem sapere, salubris doctrina suggessit, ut, juxta sapientis eloquium quisque suæ prudentiæ modum ponat. Sane jam dudum, cum dilectum Filium, Magistrum Joannem de Polliaco, Sacræ Theologiæ Doctorem, certis ex cau-

sis de fratrum nostrorum consilio ad nostram præsentiam vocassemus, fide digna relatio ad nostrum perduxit auditum, quod ipse in quidusdam articulis, pœnitentiæ Sacramentum, non sobrie, sed perperam sapiebat, infra scriptos articulos, periculosos continentes errores, docens publice in suis prædicationibus & scholis. *Primo*, si quidem astruens, quod confessi fratribus, habentibus licentiam generalem audiendi confessiones, tenentur eadem peccata, quæ confessi fuerant, iterum confiteri proprio Sacerdoti. *Secundo*: quod stante statuto: *Omnis utriusque sexus*, edito in Concilio Generali, Romanus Pontifex non potest facere, quod Parochiani non teneantur omnia peccata sua semel in anno proprio Sacerdoti confiteri, quem dicit esse Parochialem curatum: imo nec Deus posset hoc facere, quia, ut dicebat, implicat contradictionem. *Tertio*, quod Papa non potest dare generalem potestatem audiendi confessiones, imo nec Deus, quin confessus habenti generalem licentiam, teneatur eadem iterum confiteri suo proprio Sacerdoti, quem dicit esse, ut præmittitur, Parochialem Curatum. Nos

igi-

" igitur scire volentes, si suggesta Nobis
 " veritatem haberent, articulorum præ-
 " missorum copiam eidem Magistro Jo-
 " anni fecimus assignari; & ad defen-
 " sionem sui, plenam sui audientiam
 " præbuimus tam in nostra, & dicto-
 " rum fratrum nostrorum præsentia in
 " Consistorio, quam alias coram aliqui-
 " bus ex ipsis fratribus per Nos ad hu-
 " jusmodi deputatis. Verum, licet præ-
 " missa in ipsis defendere niteretur, as-
 " serere tamen, se paratum credere,
 " & tenere in præmissis & aliis ea, quæ
 " credenda, & tenenda esse Sedes Apo-
 " stolica diffiniret. Nos igitur atten-
 " dentes, quod dictorum articulorum
 " assertio, prædicatio, & doctrina, re-
 " dundare poterant in multarum perni-
 " tiam animarum; ipsos per plures Ma-
 " gistros in Theologia examinari feci-
 " mus diligenter. Nos ipsi etiam, cum
 " dictis fratribus nostris, collationem
 " solertem habuimus super ipsis. Per
 " quas quidem collationem, & exami-
 " nationem super hoc præhabitas, com-
 " perimus, præmissos articulos doctrinam
 " non sanam, sed periculosam multum,
 " ac veritati contrariam, continere.
 " Quos etiam articulos omnes, & sin-
 " gulos; idem Magister Joannes, veris
 " sibi rationibus, opinioni suæ dudum ha-
 " bitæ contrariis demonstratis, in con-
 " sistorio revocavit; asserens, se crede-
 " re eos non veros, sed ipsorum con-
 " trarium verum esse; cum diceret, se
 " nescire, rationibus sibi factis in contra-
 " rium, respondere. Ideoque ne per
 " assertionem, prædicationem, & do-
 " ctrinam hujusmodi, in errorem, quod
 " absit, animæ simplicium prolabantur;
 " omnes prædictos Articulos, & quem-
 " libet eorumdem, tanquam falsos, &
 " erroneos, & a doctrina sana devios,
 " auctoritate Apostolica damnamus, &
 " reprobamus de fratrum consilio prædi-
 " ctorum. Doctrinam ipsis contrariam,
 " veram esse Catholicam, asserentes:
 " cum illi, qui prædictis fratribus con-
 " sentient, non magis teneantur eadem
 " peccata iterum confiteri, quam si alias
 " illa confessi fuissent eorum proprio
 " Sacerdoti juxta dictum Concilium Ge-
 " nerale. Oportantes autem, virtutis vi-
 " as notas esse fidelibus, & cunctis erro-
 " ribus præcludere aditum, ne subin-
 " trent; felicitis recordationis *Alexandri*

" *Quarti, & Clementis Quarti*, Romano-
 " rum Pontificum Prædecessorum nostro-
 " rum vestigia imitando, universis &
 " singulis districtius inhibemus, ne quis-
 " quam prædictos articulos, per Nos,
 " ut præmittitur, damnatos, & etiam re-
 " probatos, vel contenta in eis, vel
 " aliquo ipsorum, utpote a Catholicis
 " mentibus respuenda, tenere audeat,
 " seu defendere quomodolibet vel doce-
 " re. Quo circa universitati vestræ per
 " Apostolica scripta districtè præcipiendo
 " mandamus, quatenus universi, &
 " singuli vestrum, in civitatibus & Dice-
 " cesibus vestris, convocato Clero com-
 " munitè, præmissa omnia & singula
 " per vos, seu alios solemniter publice-
 " tis. Nos etiam eidem Magistro Jo-
 " anni mandavimus, quod ipse in scho-
 " lis & in sermone, Parisiis, prædictos
 " articulos & contenta in eis, tanquam ve-
 " ritati contraria, propriæ vocis oraculo,
 " & asseveratione constanti, publice de-
 " beat revocare. Quod se facturum di-
 " ctus Joannes efficaciter repromisit.
 " Datum *Avinioni*, nono Kal. Augusti,
 " Pontificatus nostri anno quinto.

Et quia Nos, juxta mandatum
 Apostolicum in præmissis literis Nobis
 factum, per Nos ipsos solemniter publica-
 tioni dictarum litterarum intendere non
 possumus, arduis Ecclesiæ nostræ præ-
 pediti negotiis; omnibus Præpositis,
 Archidiaconis, seu eorum vices geren-
 tibus nostræ civitatis & Diocesis præci-
 piendo mandamus districtius in his scrip-
 tis, quatenus in *Congregationibus eo-
 rum Synodalibus* prædicta omnia, & sin-
 gula faciant solemniter publicari, quan-
 docunque fuerint a supradictis fratribus
 requisiti: intimantes Clero suo, quod
 eisdem fratribus, ad quos affectione trahi-
 mur speciali pro eo, quod se Nobis, &
 Clero semper consueverunt reverenter,
 & humiliter conformare, privilegium
 audiendi confessiones fidelium juxta de-
 clarationem præmissam, sicut & alia ipso-
 rum Privilegia, super quibus conservandis
 auctoritate Sedis Apostolicæ sumus spe-
 cialiter deputati, velimus omnino, quan-
 tum possumus, integraliter conservare.

Datum *Erfordie* VI. Kal. Septembr.
 anno Domini MCCC. vicesimo secundo.

*Ex originali in Archivo FF. Augustiniano-
 rum Moguntia descriptis Cl. de Gudenus
 in Sylloge variorum Diplomatiorum
 Monumentor. Francof. A. 1728. p. 613.*

MINDENSIS ECCLESIAE

S T A T U T A

ANNO CHRISTI MCCXXX. Non. Decembris.

UNIVERSIS HANC PAGINAM INSPECTURIS, FRATER JOHANNES,
ORDINIS PRÆDICATORUM, DOMINI PAPE POENITENTIARIUS,
SALUTEM IN CHRISTO JESU.

Ad Mindensem Ecclesiam à Venerabili Patre Ottonie, sancti Nicolai in carcere Tulliano, Diacono Cardinali, Sedis Apostolice Legato, ad exequendum ibidem VISITATIONIS, vel INQUISITIONIS Officium destinati, quedam in ea duximus salubriter ordinanda, que Statutis, & aliis amminiculis dignum duximus stabilire.

Imprimis igitur statuimus, ut DECIM OBEDIENTIE, & OCTO DECIME sicut sunt distincte per Prepositum, Custodem, Scholasticum, Cantorem B. & E. Canonicos Mindenses, auctoritate precedente Episcopi, & Capituli, & approbatione postmodum subsecuta, perpetuo sic maneant inconvulse: hoc ipsum de banis volumus observari, qui dicte visitationis tempore de consensu ejusdem Episcopi, & Capituli in quinque Archidiaconatus rationabiliter sunt distincti, exceptis illis Prelaturis, Ecclesie sunt annexi.

II. Statuimus insuper, quod excepta obedientia HEMMINCBEREN &c. que Prepositure perpetuo est annexa, cerere novem semper Superioribus post Decanum secundum ordinem assignentur. Si autem aliquem illorum novem contingit cedere, vel decedere, vel obedientiam perdere quolibet iusto modo; ipso jure succedat in ea, qui priorem locum inter illos, qui decimas habent, noscitur obtinere, que & de non habentibus decimas, & illis, qui post eos inferiores fuerint, volumus observari. Id quod vacante obedientia Successor a Decano, vel Preposito, si decima illa fuerit, sine omni contradictione in continenti debeat investiri, hominio a recipiente requisito nullatenus aut recepto.

III. Statuimus etiam, quod nulla istarum obedientiarum, vel decimarum dividatur, vel duobus, vel pluribus as-

signetur, sed uni tantum & per ordinem simpliciter atque pure: & qui vacantem obedientiam vel decimam infra tres dies voluerit (*) acceptare, sibi imputet, nullam postmodum habiturus: prestabit autem Obedientiarius juramentum de indempnitate obedientie, & fideli administratione Prebende, & quod eam de pinguibus possessionibus sive obedientiis expediat & perfolvat, etsi dampnum in aliquibus sustineat, dummodo possessione vel fructu penitus non privetur. Tunc vero supercrescentes fructus in usus suos poterit convertere, cum Prebenda fratrum fuerit totaliter expedita.

IV. Item statuimus, ut NUMERUS VIGINTI QUATUOR CANONICORUM MAJORUM inviolabiliter observetur. Ita quod nullus, nisi vacante Prebenda, quavis astutia eligatur ibidem aliquatenus nisi unus: quod si una vacante plures fuerint electi votis fratrum in plures divisus, ille Prebendam obtineat, quem sententia ab Ordinario promulgata distaverit optinere, vel qui solus remanserit cedentibus aliis sine lite, omni passionem, omni arbitrio & quovis alio modo, penitus relegatis.

V. Item nullus eligatur ad Prebendam minor QUATUORDECIM ANNIS, nec in Prepositum, vel Decanum, seu ad alias Dignitates ejusdem Ecclesie aliquis assumatur, nisi ad minus VIGINTI QUINQUE ANNORUM EXISTAT. Ut autem premissa Capitula firmitus observentur, Prepositus, Decanus & Capitulum Mindense nostro inducti consilio ad perpetuam eorum observantiam se coram Nobis corporaliter juramento prestito astrinxerunt.

VI Post hec autem, que juramento firmata sunt, ut superius est premissum, quedam alia, que sequuntur, duximus statuenda: videlicet, ut nemo de-

Q o o o

inceps

Tomus IV. Concilior. German.

(*) forte: noluerit.

inceps Canonicus in Ecclesia Mindensi emancipetur vel installeretur, nisi prius prenotata Capitula & alias consuetudines Ecclesie Mindensis se juret inviolabiliter servaturum.

VII. Item statuimus de Archidiaconatibus, ut preter illos, qui dignitatibus sunt annexi, quinque alii non pravis, sed viris prudentibus & fidelibus Ecclesie Mindensis Canonicis conferantur, qui Archidiaconatus suos visitent per se ipsos, & Ecclesias cum vacaverint, *DIGNIS CONFERANT* sine *PRETIO* dato, quovis ingenio spectato.

VIII. Item de *PREPOSITURIS SANC-TI MARTINI* & *S. Johannis Mindensis* duximus observandum, videlicet ut nullis nisi discretis *MAJORIS ECCLESIE CANONICIS* conferantur.

IX. Item omnes residentiam faciant, vel poenam a Nobis contra absentes statutam incurrant, scilicet, ut tempore absentie fructus Prebende non habeant, sed Decanus & Cellerarius colligant ad usum Capituli bona fide, nisi causa studii aut peregrinationis, vel Ecclesie negotii, aut sui officii ad Mindensem Ecclesiam pertinentis, sive infirmitatis causa, ex indulgentia Decani, vel totius Capituli ex probabili causa, sive solius Decani juxta modum hactenus observatum alicujus absentia valeat rationabiliter excusari.

X. Item statuimus, ut nullus Canonicorum sive de anno gratie, sive de bonis in Ecclesia acquisitis, *CONCUBINE*, *AUT FILIIS* suis possit ullo modo *CONDERE* testamentum. Et si fecerit, Ecclesiastica careat sepultura, & testamentum omnino irritum reputetur.

XI. Legatum quoque per manum Decani, Scholastici, Cellerarii, qui pro tempore fuerint, in communes usus Capituli redigatur.

XII. Item statuimus, ut si quis Canonicorum, vel Vicariorum chori de cetero cohabitare presumpserit concubine, vel extra domum eam publice procurare, si post trinam monitionem Decani, vel alicujus Canonici infra octo dies in Capitulo factam, non resipuerit, Prebenda ipsius, & quidquid a Mindensi Ecclesia in Beneficio obtrinebat per manum Decani & Cellerarii ad communes usus Capituli fideliter colligatur; ille vero ab ingressu Ecclesie, Officioque Divino interim sit suspensus, quoad usque vitium postpositum supradictum, & de culpa sua coram Decano & Capitulo condignam susceperit penam manifeste: pena simili puniendis, qui prefatum manutenerere presumpserint testamentum.

XIII. Item statuimus, quod precipue in Choro, Refectorio, & Dormitorio honeste, modeste & disciplinate se habeant: qui autem aliter se habeant, a Decano pro qualitate commissi graviter puniantur.

XIV. Ordinavimus etiam & statuimus, ut idem Decanus in hiis, que ad Prebendas & ad obedientias, & ad servitium pertinent, & ad Ecclesiasticam disciplinam, compellendi, coarctandi, puniendi plenariam habeat potestatem. Qui si fuerit negligens, & remissus, preter celestem vindictam, qua Eli percussus fuit, depositionis penam poterit formidare. Acta sunt hec Anno Domini *MCCXXX. Non. Decembr.*

Signum Fratris
Johannis Ord.
Predicatorum.

Lunig. Specilegii Ecclesiastici Continuatio III. Fortsetzung pag. 57.



MINDENSIS Synodalis Constitutio

ANNO CHRISTI MCCLXXIX.

SUMMA. Volquinus Episcopus vetat, vivo substitui alium, loco non vacante.

VOLQUINUS, DEI GRATIA, MINDENSIS ECCLESIE EPISCOPUS,
AD CERTITUDINEM PRESENTIUM, ET MEMORIAM
FUTURORUM.

Olim a sanctis Patribus noscitur institutum, ut nullus ex Clero ordinetur in locum viventis, ne quis desiderare mortem proximi videatur, cum hoc etiam leges gentilium condemnare curarent. Sane Johannis de Belderfen Clericus, & alii quidam premisse constitutionis, aut contemptores, aut immemores, satagentes in locum viventium se institui in nostra Mindenſi Ecclesia, de facto procuraverunt se ad Beneficia non vacantia installari. Ne igitur facti perversitas tranſeat presumptoribus in exemplum, Nos requisito consensu singulorum de Capitulo nostro statuimus, & habita ipsorum omnium unanimi voluntate, cum pene adjectione sanximus, ut quicumque talia de cetero superſtitioſa adinventionem preſumpſerit, idem preſumptor, ut in eo, in quo deliquerit,

puniatur, nullum Beneficium Eccleſiaſticum, Prebendam videlicet, vel Eccleſiam in Mindenſi civitate vel Dyoeſi amplius conſequatur: ſed penitus cum ſpe de acquirendo Beneficio in predictis civitate & Dyoeſi eo ipſo ſit privatus, quod locum viventis taliter affectare preſumpſit. Hec quippe conſtitutio ſub obedientia & fidei datione manualiter preſtitita a ſingulis, & omnibus Canoniciſ vallata & confirmata exſtitit, noſtro quoque ac ſupradicti Capituli Sigillis munita. Facta eſt hec conſtitutio Sab-
bato poſt Aſcenſionem Domini anno ejuſdem MCCLXXIX.

(S. Capit.)

*Lunig Spicil. Eccleſ. Continuat. III. pag.
58. Fortſetzung.*

MINDENSIS SYNODUS

ANNO CHRISTI MCCXCIX.

Confirmatur à Metropoliſta Wichboldo, Colonienſi Archi-Epiſc.

*SUMMA. Statuta Ludolſi, Mindenſis Episcopii, contra Invaſores
Eccleſiarum corroborantur.*

WICHBOLDUS, DEI GRATIA, SANCTE COLONIENSIS ECCLESIE ARCHIEPISCOPUS, SACRI IMPERII PER YTALIAM ARCHI-CANCELLARIUS;
HONORABILIBUS VIRIS PREPOSITO, DECANO, ET CAPITULO MINDENSI, AC CLERO UNIVERSALI CIVITATIS ET DIOCESIS
MINDENSIS, SALUTEM IN DOMINO.

Sua Nobis Venerabilis in Chriſto Frater LUDOLFUS, Episcopus Mindenſis inſinuatione monſtravit; attentius noſtri Officii debitum implorando, quod cum ipſe alias de communi Prelatorum ſuorum & Capituli Mindenſis conſenſu

in Synodo ſua Generali, pro veſtro bono communi ſtatuere, ut omnes raptores rerum Eccleſiaſticarum excommunicationis ſententiam incidant ipſo facto, quodque loca, ad que res huiusmodi deferuntur, quodam loci Plebano ſciente,

Tom. IV. Concilior. German.

O o o o 2

ibi-

ibidem fuerint, Ecclesiastico sint supposita interdicto. Preterea cum ipse similiter pro reformatione discipline, nec non equali distributione Prebendarum, & ob reverentiam rerum Ecclesiasticarum alienatarum Ecclesie Mindensis in aliis omnibus ipsa Ecclesia jam dudum defectus est perpeffa varios, disciplina in eadem Ecclesia per vos Canonicos, prout antiquitus decenter servabatur, ut cum religione vestra in locis debitis incedatis, observari, & fructus Prebendarum vestrarum equali distributione inter singulos dividi, ac res Ecclesiasticas laycis de cetero ad FIRMAM non concedi, vel pignorare faciatis, cum per talia sepiissime Ecclesie suis bonis iustis defraudentur, & alienata infra mensem, nisi alienatores ex iusta causa ulteriorem terminum ab ipso obtinuerint, recuperari mandavit, in contrarium facientes excommunicationis sententiam proferendo. Nos huiusmodi statutum & mandatum approbare & confirmare auctoritate Metropolitana curamus. Nos igitur advertentes, quod pium & salubre sit malorum insulibus

obviare, & Ecclesiarum indemnitatibus precavere: premissum statutum per eundem Dominum Episcopum de raptoribus Ecclesiarum Dyocesim non sine deliberatione provida editum, immo & Episcopi ejusdem mandatum de disciplina, & equali distributione Prebendarum, ac bonis Ecclesie sue Mindensis non alienandis, & alienatis recuperandis emissum, prout ab eodem Episcopo rite & provide facta sunt, auctoritate Metropolitana confirmamus, & a vobis omnibus & singulis observari volumus & mandamus, harum nostrarum testimonio litterarum. Contrarium facientes omnipotentis Dei & beati Petri Principis Apostolorum indignationem se noverint graviter incursum, nostramque sciant reverentiam pariter offendisse. In cujus rei testimonium presens scriptum conscribi, & nostri Sigilli munimine fecimus roborari. Datum apud Brule in octava beati Martini. Anno Domini MCCXCIX.

*Lunig Spicil. Eccles. Contin. III. Sort-
scheidung pag. 58.*

MOGUNTINÆ DIOECESIS SYNODUS

Anno Christi MCXXVII. Honorii II. Papæ III.
Lotharii Regis II.

*SUMMA. Adelbertus Archi-Episcopus Lege Synodali definit, S. Disibodo,
de locis, ubi creverint fruges, dandam esse Decimam.*

ADELBERTUS, DEI GRATIA, MOGUNTINUS ARCHI-EPISCOPUS,
ET APOSTOLICÆ SEDIS LEGATUS.

Notum esse cupimus omnibus tam future, quam presentis generationis Fidelibus, qualiter Antecessor noster, felicitis memorie, Dnus RUTHARDUS Archi-Episcopus, inter cetera, que pro remedio anime sue, ac pro spe eterne retributionis contulit Fratribus in Cænobio B. DISIBODI Deo militantibus, tradidit etiam Decimam omnium pertinentium ad Episcopalem Curiam, que sita est in monte B. Albani Martyris, excepta Dominicali terra Episcopatus S. Albani, S. Victoris, S. Marie in Campo, S. Nicomedis Martyris. Quam

laudabilem ac Deo placitam traditionem Banni sui obligatione fratribus firmavit, Nos quoque auctoritate nostra firmamus.

Eandem vero Decimam exterius persolvendam, in agris scilicet, vineisque pro fecunditate aut sterilitate anni, & fundi, prout iusticie regula exigit, & jam frequentior usus fere apud omnes obtinuit, succedente mutabilitate temporum plebs, ut semper in deterius prona est, postponens iusticiam, collectis tantum frugibus & repositis, mensuram quandam ad placitum denominatam

nam perfolvere usurpavit potius, quam elegit. Et hec abusus perniciosior dandis, quam accipientibus, istis quidem in dampno temporalium rerum, illis vero in periculo animarum, multis annis perduravit, fratribus illi pro posse renitentibus, Nobisque annuatim de injuria sua proclamantibus.

Volentes ergo utrique provisum ac consultum esse, respectu Divine miserationis, & assidua fratrum querela tandem devicti, totius controversie hujus finem hoc ordine fecimus. Quæsitæ enim a Prelatis & Rectoribus Ecclesie nostre sententia & judicio, super hujusmodi causa & dissensione decretum est ab eis *LEGE SYNODALI in locis, ubi creverint fruges, dandam esse Decimam.*

Quod tandem cogente justitia, & rogatu quoque, & exhortationis nostre efficacia, pace, & assensu illorum collaudatum, & confirmatum est.

Ne vero aliorum presumptio commutationem hanc de non legali ad legale, de injusticia ad justiciam tam rationabiliter factam infringere, vel infirmare imposterum audeat, sub anathemate interdicimus. Atque in signum & testimonium totius actionis hujus hanc chartam conscribi, & sigilli nostri impressione insigniri fecimus, proprie manus subscriptione roborantes eam. Sunt autem Testes hujus rei:

Fulbertus, Abbas S. Albani. Weriboldus, Abbas S. Jacobi. Adelhun,

abbas S. Disboti. Bernhelm, Abbas de Spanheim. Richardus, major Prepositus. Cuno, Custos & Decanus de Domo. Thurimbertus, magister Scholarum. Hartmannus, Cantor & Prepositus S. Mauricii. Godescalcus, Prepositus S. Mariæ in Campo. Henricus, Bingenfis Prepositus. Ludovicus, Prepositus de Franckenevort, & alii multi de Clero.

De Liberis autem: Eggebertus Comes. Adelbertus de Vehilbruccun. Wolfram de Sueneburc. Gerunc de Alveldunn.

De Ministerialibus & Urbanis.


Ernolt, Vice-Dominus. Warmundus Scultetus. Ruthart Magister Monete. Emecho. Waltherc. Cunrad de Hepenhefle. Obbrecht. Luifrit. Folbrecht. Otto, & frater ejus Luifrit. Eigelwart, & frater ejus Dudo, & alii quamplures.

Acta sunt hec Anno Dominice Incarnationis MCXXVII. Indictione V. Regnante Domino Lothario, hujus nominis tertio, anno Regni ejus secundo.

Signum Domini *ADELBERTI*, Moguntini Archi-Episcopi, & Apostolice Sedis Legati.

Data Moguntie per manum Godeschalci Capellani, VI. Kal. Martii.

De Gudenus Codicis Diplomatici Tom. I. No. XXVIII. pag. 65. 66. 67.



Mentio Synodi Magdeburgensis, quæ superest absque Actis, vel Statutis in ea Canonibus.

MCVII. *MAGDEBURGENSI in Provincia HALÆ Quadragesimali tempore ex more habuit Colloquium Synodale HENRICUS Archi-Episcopus X. Obiit anno eodem, XII. Kal. Maji, Feria II. Paschatis illucescente, antecedente Feria V. in Cena Domini supra vires laborans, Christum consecrationem cum toto illius diei Officio, sed sibi ultimo peregit. Sedit annos IV. Menses octo.*

Chronicon Magdeburgense Anonymi apud Meibomium Tom. II. Scriptorum Germaniæ pag. 321.

EBER-

*EBERVINI, Wormatiensis Episcopi,
CONSTITUTIO Canonica,*

*Post Visitationem suæ Diæceseos factam a GERARDO Moguntino Metropolita,
edita anno MCCC.*

*De Præsentis, tempore interdicti, & quandocunque Divinum
non habetur officium, non percipiendis.*

EBERVINUS, DEI GRATIA, EPISCOPUS WORMATIENSIS. DECANO ET
CAPITULO ECCLESIE NOSTRE - - - SALUTEM, ET SINCERAM
IN DOMINO KARITATEM.

Cum nuper Reverendus Pater, Dominus noster GERHARDUS, Archiepiscopus *Maguntinus*, auctoritate Metropolitana in dicta nostra Ecclesia exercens Sanctæ Visitationis officium, inter cetera defectum, sive excessum huiusmodi notorium invenerit corrigendum sive reformandum; videlicet, quod eo tempore, quo Divina Officia in eadem Ecclesia non habentur, sive Ecclesiasticum servatur interdictum, cotidianas distributiones, sive presentias, que non solent, nisi presentibus in Divinis officiis certis temporibus ministrari, absentes tamen eas requirere & recipere non verentur, contra Statutum Sanctissimi Patris Nostri, Dni BONIFACII Octavi, quod incipit: *Alma* &c. editum

super eo; dictus Dominus noster Archiepiscopus in corrigendis & reformandis huiusmodi, & aliis defectibus & excessibus Nobis commiserit vices suas; Vobis universis & singulis auctoritate predicta in virtute sanctæ obedientie precipiendo districte mandamus, quatenus in huiusmodi cottidianis proventibus sive presentis, certis temporibus, sicut premissum est, distribuendis & percipiendis secundum formam Constitutionis supradictæ observetur, & observari faciat inconvulsa. Sic faciendum, si Canonicam effugere volueritis ultionem.

Datum *Wormatie* Anno Domini MCCC. XIII. Kal. Februarii.

*De Gudenus Cod. Diplomat. Tom. III.
pag. I.*

Mentio Synodi Magdeburgensis

ANNI MCCCXLII.

THEODORICUS ex Monacho Cisterciensi in *Cenya*, Archiepiscopus ab Innocentio VI. PP. provissus, anno secundo sui Præsulatus die S. Lucæ personaliter præsedet Synodo, assistentibus sibi Domino Ebronensi Episcopo, (.) & Abbatibus pluribus insulatis, in qua Synodo nil gravaminis actum est, sed pro pace & contra pestilentiam Missas & Suffragia idem Archiepiscopus injunxit, ad hoc nihilominus suam indulgentiam largiendo.

Chronicon Magdeburgense Anonymi, editum a Meibomio Tom. II.
Scriptorum Germaniæ pag. 343.

FINIS TOMI IV. CONCILIORUM GERMANIÆ
Anno 1761. Mense Decembri.



